


Desano



Desano: Goãmu Yare Wereripu New Testament

Desano
Desano: Goãmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source files dated 1 May 2025
17771afc-c309-57fd-9ff3-2d5a0cd59ff1

Contents

SAN MATEO	1
SAN MARCOS	57
SAN LUCAS	91
SAN JUAN	147
HECHOS	188
ROMANOS	237
1 CORINTIOS	261
2 CORINTIOS	284
GALATAS	299
EFESIOS	308
FILIPENSES	316
COLOSENSES	321
1 TESALONICENSES	326
2 TESALONICENSES	331
1 TIMOTEO	334
2 TIMOTEO	340
TITO	344
FILEMÓN	347
HEBREOS	349
SANTIAGO	367
1 PEDRO	373
2 PEDRO	379
1 JUAN	383
2 JUAN	389
3 JUAN	390
JUDAS	391
APOCALIPSIS	393

San Mateo

Jesucristo Goãmu magu ïgu acawererã iribojegue majarã erã waïre were go-jamãhtañumi Mateo

¹ Jesucristo ñecu sumarã iribojegue majarã áriñuma. Eropigu ïgu ñecu murgu iribojegue majagu Davi waicugu árimuriñumi. ïgu áriboro core erã ñecu Abrahã waicugu árimuriñumi.

² Abrahã Isaa pagu áriñumi. Isaa Jacobo pagu áriñumi. Jacobo Judá sã pagu áriñumi.

³ Judá porã Fares Zara sã áriñuma. Erã pago Tamar waicugo áriñumo. Fares Esrom pagu áriñumi. Esrom Aram pagu áriñumi.

⁴ Aram Aminadab pagu áriñumi. Aminadab Naasón pagu áriñumi. Naasón Salmón pagu áriñumi.

⁵ Salmón Booz pagu áriñumi. ïgu pago Rahab áriñumo. Booz Obed pagu áriñumi. ïgu pago Rut áriñumo. Obed Isai pagu áriñumi.

⁶ Isai Davi pagu áriñumi. Davipu Israe majarã tauro opu áriñumi. ïgu Uria waicugu murgu marapore ïgu marapocura puhru Salomo waicugure porãcũnimo igo.

⁷ Salomo Roboam pagu áriñumi. Roboam Abías pagu áriñumi. Abías Asa pagu áriñumi.

⁸ Asa Josafat pagu áriñumi. Josafat Joram pagu áriñumi. Joram Uzías pagu áriñumi.

⁹ Uzías Jotam pagu áriñumi. Jotam Acaz pagu áriñumi. Acaz Ezequia pagu áriñumi.

¹⁰ Ezequia Manase pagu áriñumi. Manase Amón pagu áriñumi. Amón Josia pagu áriñumi.

¹¹ Josia Jeconia sã pagu áriñumi. Erã áriñisubure Israe yeba majarãre Babilonia majarãpu ñeagãñuma erã ya yebague peresu iimorã.

¹² Eropi Babilonia yeba erã ejara puhru, Jeconia marapo Salatiere porãcũnimo. Salatie Zorobabe pagu áriñumi.

¹³ Zorobabe Abiud pagu áriñumi. Abiud Eliaquim pagu áriñumi. Eliaquim Azor pagu áriñumi.

¹⁴ Azor Zadoc pagu áriñumi. Zadoc Aquim pagu áriñumi. Aquim Eliud pagu áriñumi.

¹⁵ Eliud Eleazar pagu áriñumi. Eleazar Matán pagu áriñumi. Matán Jacobo pagu áriñumi.

¹⁶ Jacobo José pagu áriñumi. José María marapu árimuriñumi. Mariapu Jesu pago árimo. Jesupu masare taubu áriegu Cristo erã arí piyudigu árimi.

¹⁷ Eropirã Abrahãre mari queonugacã, ne Daviguere mari queotucã, oã áripehrerã áriãrã catorce cururi gohra áriñuma. Eropirã mari dipaturi Davire queocũ, ne Babiloniague Israe majarãre erã aigãboro core queotucã catorce cururi gohra dipaturi áriñuma. Eropiituhaja Babiloniague erã ejara puhru mari queonugacã ne Cristo ïgu masa dehyoacũgue mari queotucã catorce cururi gohra áriñuma daja.

Jesucristo ïgu masa dehyoarare wereñumi Mateo

Lc 2.1-7

¹⁸ Eropigu Jesucristo õpa masa dehyoapu. ïgu pago Mariapu José mera mojoto diribo áripo. Eropigo igo ïgu mera marapucuboro core Espiritu Santo ïgu turari mera majigu bocapo. Eropigo igo basi majigu opawahguriñere masipo igo.

¹⁹ Eropigu José igore mojoto diribodigu irire masigu, diaye áriñire ïgu iigu áriegu igore cóabu iiripu. Igore guhyasiuro iidibigu, masa erã masibiricũ ta igore cóabu iiripu.

²⁰ Irire ïgu pepirisubu Goãmu anyupu quẽroque Josere dehyoagu, õpa aripu.

—José, Davi murgu pãrami, María mera guhyasiuro mariro mojoto dirique. Igo Espiritu Santo ïgu turari mera ne nijipo arí wahgãrigo áhrimo. Eropigu guhyasiuro mariro igore mojoto dirique.

²¹ Igo porãcugocumo. ïgu igo magu ta ïgu ya maca majarãre erã ñeri iira dipuwajare taubu áriçucumi. ïgu eropa taubu áricũ Jesu waïyeguca mugu igugãre, aripu anyu Josere.

²² I áripehreri eropa wayoro iribojegue majagu Goãmu ya weremuhtadigu ïgu arí gojadiro dopa ta. Irire igure Goãmu gojadoreñumi. Ópa arí gojamuriñumi Goãmu yare:

²³ Nõmeo umu mera áriõigo, majigugãre bocago porãcugocumo igo magugãre. Eropigu Emanuel waicugucumi ïgugã, arí gojañumi Goãmu yare gojayudigugue. Emanuel aridiaro “Goãmu mari mera ta áhrimi,” aridiaro iiaa.

²⁴ Goãmu yagu anyu Josére eropa arî werera pũhru Josépu wahgã anyu İgu dorediro dopa ta Maria mera mojtoto diripu.

²⁵ İgo magugãre igo porãcũboro core Josépu igo mera árĩnibiripu. İgoru porãcũpu pare. Eropigu İgu pu igo magugãre Jesu waiyepu.

2

Abe mũriri ro majarã ðaro masirã Jesure İarã ejañuma

¹ Judea yeba arĩri maca Belén waĩcũri maca Jesu masa dehyoapu. Irisubu Herode Judea yeba majarã erã tauro opu arĩpu. İgu eropa masa dehyoara pũhru necãre buherã necãre ðaro masirã abe mũririropu majarã ahri, Jerusalengue erañorã.

² Eropa erarã, masare ero majarãre serẽpiñorã:

—¿Judio masa erã tauro opu arĩbu dohpaguere nohogue masa dehyoayuri İgu? Abe İgu mũriri ro majarãgue arĩrã, ne necãmu dehyoacũ İabu. Eropa İgu dehyoacũ İha “Opu masa dehyoagu iicumi,” arĩ masiabu gua. Eropa İgu ne dehyoacũ İarã gua yujuro mera İgure umupeorã arĩrã iıabu õgue, arĩ wereñorã necãre buheri masa masare.

³ Erã eroparicũ pee erã opure Herodere irire wererã wañorã. Eropigu gajigu opu masa dehyoarare erã werecũ peegu Herodepu guñaricũpu. Eropirã arĩpehererã Jerusalen majarã sã İgu iro dopa ta guñaricũñorã erã sã.

⁴ Eropigu Herodepu arĩpehererã pahia oparãre, judio masare buherã sãre sihupehocãpu. İgu sihubea pũhru erã gamenerepehrecũ İha, erãre serẽpipu İgu:

—¿Nohogue masa dehyoagũcũri Goãmu beyedigũ Cristopu mua pepicũ? arĩ serẽpipu İgu erãre.

⁵ Őpa arĩ wereñorã erã İgure:

—Belén, Judea yebague arĩri macague Cristo masa dehyoagũcumi. Őpa arĩ gojamurĩnumi Goãmu yare weremuhtadigu:

⁶ Belén waĩcũri macague yujugu opu dehyoagũcumi. İgu Goãmu yarãre Israe majarãre dorebu arĩgũcumi. Eropiro Belén Judea yeba arĩri macari watope bu arĩri maca arĩquerero gajĩ macari tauro arĩroca, arĩ gojamurĩnumi Goãmu yare gojayudigugue, arĩ wereñorã erã Herodere.

⁷ Erã eropa arĩra pũhru Herode masa erã peebirogue abe mũririropu arinirãre sihubeopu. İgu pohrogue erã ejara pũhru, erãre İgu serẽpira pũhru, erã necãmure erã İaranure wereñorã erã İgure.

⁸ Erã eropa werera pũhru Herodepu erãre Belengue obeogu õpa arĩpu erãre:

—İgugãre ðaro amaque. İgugãre mua bocajara pũhru yũ sãre wererã arique mua. İgugãre umupeoga wabu iıaa yũ sã, arĩ were obeoripu erãre Herodepu.

⁹ İgu eropa arĩra pũhru, erã waha wañorã. Erã eropa wacũ abe mũririropu erã İadiru necãmũpu erã core wamuhtaniguicãyoro. Eropiro majigugã İgu arĩro weca dujanugaja wayoro iriru necãmu.

¹⁰ Eropirã necãmu dujanugajacũ İarã, burigã mucubiriñorã erã.

¹¹ Majigugã İgu arĩri wihigue eja, ñaja wañorã erã. Eropa ñajajarã majigugãre İgu pago mera arĩgure İañorã erã. Eropirã erã mereja, İgure umupeoñorã. Umupeotuhaja, erã ya comorire aıbeo, pãgũñorã erã İgugãre aıgãrirare omorã. Eropirã orore, buirire, poresuri sãre aıwiu, İgugãre waja mariro oñorã.

¹² Irire otuhara pũhru carĩa wañorã erã. Erã eropa caricũ quẽroque Goãmu werepu erãre: “Herode pohro dujabiricãque,” arĩ werepu Goãmu erãre quẽroguere. İgu eropa arĩ werera pũhru, erãpu wahgãñorã. Erã eropa wahgãra pũhru gajĩ mague erã ya yebague dujarã dujaa wañorã.

José sã Jesugãre aĩ duhrigã wañuma Egiptogue

¹³ Erã eropa wara pũhru Goãmu yagu anyu quẽroque Josére dehyoagu, õpa arĩ werepu:

—Wahgãque. Herodepu majigugãre wejẽbu amagũcumi dohpaguere. Eropigu majigu sãre İgu pago sãre Egiptogue duru aĩ duhrigãque. Eroguere yũ dipaturi mũre werecũgue dujarique, arĩ werepu anyu Josére.

¹⁴ İgu eroparicũ peegu, Josépu ñami ta wahgã, majigu sãre İgu pago sãre Egiptogue aĩ duhrigã wapu.

¹⁵ Egiptogue eja, Herode İgu ojocaripopẽ ta eroguere arĩñorã erã. Eropa wayoro iribojegue majagu Goãmu ya weremuhtadigu İgu arĩ gojadiro dopa ta. Irire İgure Goãmu gojadoreñumi. Őpa arĩ gojamurĩnumi Goãmu yare gojayudigugue: “Egiptogue arĩgure yũ magure sihubeobu,” arĩ gojamurĩnumi Goãmu yare weremuhtadigugue.

Herode majiräre wejêdoreñumi

¹⁶ Eropigũ necã buherã erã duhri dujaacũ peegu Herodepũ guatariacãpũ. Eropigũ Belén majaräre, iri maca pohro majarã säre erã poräre uma porägäre wejêpehocãdorepũ ĩgu. Ne dehyoaräre wejênugadore pe bojori oparäre wejêtudorepũ ĩgu. Nere necäre buheri masa necãmure erã ĩaranure wereñorã Herodere. Erã eroparicũ peegu ĩgu Jesu masa dehyoarĩnure masigũ, “I nucũ bojori ta ĩgu opacumi,” arĩgu majiräre pe bojori oparäre wejêtudorepũ.

¹⁷ ĩgu eropiicũ iribojegue majagu Jeremia Goãmu yare weremuhtadigu ĩgu arĩ gojadiro dopa ta eropa wayoro. Ōpa wereyu gojañumi ĩgu:

¹⁸ “Ramã waĩcurogue busuro carabu. Burigã bujawereri mera orerã carama. Raquel acawererã Israe masa marasã nome erã poräre burigã orerãcoma. Erã porã sĩricũ ĩarã ne bujawere duhosome,” arĩ gojañumi iribojegue Herode majiräre wejêdoreboro core.

¹⁹ Eropi Herode ĩgu sĩrira pũhrũ Egiptogue árĩdigure Josére Goãmu yagu anyu quẽroque dehyoapũ daja. Eropa dehyoagu ōpa arĩpũ Josére:

²⁰ —Majigũgäre wejêdianirã mura sĩria wahãma. Eropigu ĩgu majigũgäre, ĩgu pago säre Israe yebague aĩ dujaaque muhũ, arĩ werepũ anyu Josére.

²¹ ĩgu eropa arĩra pũhrũ wahgã, majigũgäre ĩgu pago mera ta Israe yebague aĩ dujaa wapu.

²² Arquelao Herode magu ĩgu pagare gohrotodigu ĩgu árĩcũ pee, Josépũ Judea yeba árĩgu gũĩpu. Eropigũ dipaturi ta Goãmu quẽroque ĩgure werenemopũ. ĩgure Judeague dipaturi dujadorebirĩpu. ĩgu eropa werera pũhrũ erã Galilea yebague waha wañorã.

²³ Iri yebaguere Nazare waĩcuri macague eja árĩñorã erã. Eropa iñorã erã Goãmu yare weremuhtanirã erã gojadiro dopa ta. Ōpa arĩ wereyumurĩñuma: “ ‘Cristo Goãmu beyedigũ Nazare majagu ta áhrimi,’ arĩrãcoma masa,” arĩ gojamurĩñuma iribojegue majarã.

3*Ñu waĩyegu masare wereñumi*

Mr 1.1-8; Lc 3.1-9, 15-17; Jn 1.19-28

¹ Eropi irisubure Ñu Goãmu yaräre waĩyeri masũ árĩpũ. Judea yeba masa marirogue ĩgu Goãmu yare werenugapu.

² Ōpa arĩ werepũ masare ĩgu pohro ejaräre.

—Mua ñero iirare bujawere duhucãque. Ūmaro majagu Goãmu mua opũ ĩgu árĩboro merogã duhyaa, arĩ werepũ ĩgu Ñu.

³ Iribojegue majagu Isaia Goãmu yare weremuhtadigu Ñu eropa waburire ōpa arĩ gojajuñumi:

Masa marirogue werenigui gaguinigu ōpa arĩ buhegucumi ĩgu: “Mari Opũ ĩgu ariburi mare amuro dopa ta ĩgu ariboro core ōarã árĩyuque mua ĩgure peemorã,” arĩ wereniguigucumi, arĩ gojañumi Isaia.

⁴ Ihĩ Ñu camello ya gasirire suhri sañagu, waibugũ ya gasirodare tuãdiudigu árĩpũ. Eropigũ poreroare bamurĩpũ. Eroparicũ nuũgu majarã momere bapũ.

⁵ Jerusalén maca majarã, árĩpehrero Judea yeba árĩrã, dia Jordán waĩcuriya pohro árĩrã sã ĩgure peerã wañorã.

⁶ Erã eropa pee, erã ñero iirare bujawere, Goãmure irire weretarimurĩñorã erã. Erã eropa werecũ peegu dia Jordán waĩcuriyague Ñu eräre waĩyepũ.

⁷ Eropigũ bajarã fariseo masa, saduceo masa sã ĩgure waĩyedorerã ejacũ ĩagu Ñu werepũ eräre:

—Mua ñero iiricurã áhraa mua. “Goãmure gua ñeri dipuwaja moabiricãporo,” arĩrã, ¿mua yare waĩyedorerã ahriri?

⁸ ĩgu mua ñero iira dipuwajare moabiricũ ōpa iique mua. Diaye ta mua ñeri iirare bujawererã árĩrã, ōarire gohrotorã árĩrã, ōarire iique mua.

⁹ Ōpa arĩ pepibiricãque: “Abrahã mari ñecu murũ árĩmurĩpũ. Eropirã Goãmu mera ōhaa,” arĩ pepibiricãque mua. Mũare arĩgu tiiaa. Abrahã pãramerã mua árĩri duhpiburi árĩbeaa. Goãmu gamegu i utãyeri mera gajiräre iimasimi Abrahã acawereräre. Eropirã Abrahã pãramerã mua árĩri bu gohra ta áhraa.

¹⁰ Ōpa áhraa: Mari masa yucu iro dopa áhraa. Goãmupũ come opagu iro dopa áhrimi. Eropigũ ñeri dũcacurĩ yucure pa cohã, iri nuguri säre tabetagucumi. Tabetatuhaja,

peamegue cóāgucumi ĩġu iri yucure, iri nuguri säre. Eropa ta iigucumi mua säre ĩġure gamebiräre.

¹¹ Yu puhru yu tauro turagu arigucumi. Ōatariagu āhrimi. ĩġu iro dopa ōagu árĭbeaa yurp. Eropigu ĩġure pepigu “Yu tamera bu gohra árĭġu āhraa,” arĭ pepia yuh. Mua űero ĩirare bujawerera puhru, yurp deco mera waĭyea. Yu puhru arigupu yuh tauro iigucumi. Espĭritu Santore ogucumi masa mera árĭnĭguibure. Eropigu peamegue ĩġu űerire soewearo dopa ta ĩġupu mua űero ĩirire coegucumi.

¹² Yu puhru arigu trigo gasirire cóāġu iro dopa āhrimi. Gasirire cóāġu ĩġu sihburu mera árĭpehreri trigo yeri gasirire suha weami. ĩġu eropa suha weara puhru trigo gohra yeripure ĩġu diburi wihigue dibugucumi. ĩġu suha weara gasiripure ĩġu soegucumi. Ōpa ii beyegucumi yu puhru arigupu. Ōarire gohrotonirāpure ĩġu mera árĭnĭguicā iigucumi. Erā űerire bujawerebirāpure peamegue yarĭbiri peamegue cóāgucumi, arĭ werep űu.

űu Jesure waĭyeűumi

Mr 1.9-11; Lc 3.21-22

¹³ Puhru Jesu Galileague árĭdĭġu wap. Jordán waĭcūriyague eġap űure “Yure waĭyeque,” arĭġu.

¹⁴ Negohraguere űu ĩġure waĭyediabiririp.

—Cue, mup yu tauro turagurp yure m waĭyecā ōaboaya. Mure waĭyebu árĭbeaa yuh, arĭ yuhrip űu Jesure.

¹⁵ Jesupu yuhrip ĩġure:

—Yure waĭyeque. Mari ōpa ĩirā Goām ĩġu dorediro dopa ta ĩirā ĩiaa, arĭp Jesu. ĩġu eroparĭcā peegu,

—Āa, arĭ yuhrip űu.

¹⁶ Eropa arĭtuhaja Jesure waĭyep. Waĭyetuhajacā Jesu diague nĭguidĭġu managajap. ĩġu managajacā ta, umasi ĩġure pārima wayoro. Eropigu Goām yagu Espĭritu Santo buja iro dopa beġagu ĩġu weca ĩġu diġarĭcā ĩap ĩġu basi.

¹⁷ Eropiro umarogue werenĭguiro cariyoro:

—Īh yu magu yu mahĭġu āhrimi. ĩġu mera burĭġā mucubiria, arĭro cariyoro umaroguere.

4

Watĭ űerire ĩdorerĭűumi Jesure

Mr 1.12-13; Lc 4.1-13

¹ Eropi Espĭritu Santop Jesure masa marirogue wadorep erogue watĭ ĩġure űerire ĩdoreboro dopa.

² Erogue eġagu, cuarenta nari gohra baro mariro árĭp Jesu. Eropiro puhraguere ĩġure oa pūriyoro pare.

³ ĩġu oaboacā ĩagu watĭp ĩġu pohrogue eġagu ōpa arĭp:

—Muġu Goām magu árĭġu ōpa ĩhmuque. Iyerire utāyerire bari poyacā ĩique, arĭrip ĩġu Jesure.

⁴ ĩġu eroparĭcā peegu Jesu gamebirip. Eropigu Jesu ōpa arĭ yuhrip:

—Goām yare erā gojarap ōpa āhraa: “Masare bari mera dihta ojocarĭbĭro gahmea. Árĭpehreri Goām ĩġu ya werenĭguiri mera árĭro gahmea,” arĭmi Goām, arĭ yuhrip Jesu watĭre.

⁵ ĩġu eropa arĭ yuhrira puhru watĭp Jerusalén waĭcūri macague Jesure aĭġap. Erogue eġa, Goām ya wiĭi wecague Jesure aĭ mūriġap ĩġu.

⁶ Āĭ mūriġatuha, ĩġure ōpa arĭrip:

—ĭDiaye ta Goām magu gohra ta āhriri muġu? Goām yare erā gojarap ōpa āhraa: “Goām ĩġu yarā anyuare mure ĩhadibudoregucumi. Eropirā erāp mure ĩhadiburācoma muge utāye weca mehbeġari arĭrā,” arā ĩġu gojarap.

Erā mure eropa ĩhadibumorā árĭcā muġu Goām magu ta árĭġu ōġue buhrima diġa ĩhmuque yure. Mure erā itamucā ĩhmuĭata yure, arĭrip watĭp.

⁷ ĩġu eroparĭcā peegu gamebirip Jesu. Ōpa arĭ yuhrip ĩġure:

—Goām yare erā gojarap ōpa arāa: “Goām mua Op ĩġu arĭrare ‘ĭDiaye ta āhriri?’ arĭ masĭdarā Goāmure ii ĩhmodoremaabirĭcāque,” arā Goām yare erā gojarap, arĭp Jesu.

⁸ Īḡu eropa arī yǎhrira pǎhrǎ ǎmadigǎgue ǎtǎḡḡgue Jesure aī mǎriapǎ daja. Irigǎ wecague mǎri bejaja, ǎrīpehreri macarire i ǎmǎ majare ĩhmupǎ Jesure. Erǎ opari sǎre ĩhmupǎ.

⁹ Eropǎ ĩhmugǎ Jesure ǎpa arīpǎ:

—Yǎre mereja, “Mǎhǎ yǎ opǎ ǎhraa,” arī umupeoḡue mǎhǎ yǎre. Mǎhǎ yǎre eropa ĩcǎ mǎre ǎrīpehreri i macarire mǎre ogura, arī wereripǎ watī.

¹⁰ Īḡu eroparīcǎ Jesu ǎpa arī yǎhripǎ daja:

—Satana, waque mǎhǎ. ǎpa arǎa Goǎmǎ yare erǎ gojarapǎ: “Mǎ Opǎ Goǎmǎ dihtare umupeoḡue. Īḡu ya doreri dihtare iique,” arǎa Goǎmǎ yare erǎ gojarapǎ, arīpǎ Jesu watīre.

¹¹ Īḡu eroparīcǎ peegǎ watī waha wapǎ. Īḡu wara pǎhrǎ anyuapǎ eja, Jesure itamuñorǎ. Īḡure barire oñorǎ.

Galilea yeba Jesu buhenǎḡañumi

Mr 1.14-15; Lc 4.14-15

¹² Eropi Ñure peresu erǎ ĩicǎ peegǎ, waha wapǎ Jesu. Galilea yebague ejapǎ.

¹³ Ero ǎrīri macague Nazaregue waha, tarigǎ, Capernaum waīcǎri macague ejapǎ. Galilea waīcǎri ditaru pohro ǎrībǎ Capernaum. Iri maca Zabulón yeba pohro, Neftalí yeba pohro ǎrībǎ Capernaum. Eroḡue ǎḡe ǎrīpǎ Jesu.

¹⁴ Eropǎ ta ĩpǎ Jesu iribojegue majagǎ Goǎmǎ yare weremuhtadigǎ Isaia ĩḡu arī gojadiro dopa ta. ǎpa arī gojajuñumi:

¹⁵ Zabulón yeba pohro, Neftalí yeba pohro, ditaru waro, Jordán waīcǎriya gajipǎ masegue Galilea yeba ǎhraa. Iri yeba judio masa ǎrībirǎ ya yeba ǎhraa.

¹⁶ Ero majarǎ Goǎmǎ yare ǎaro masibeama. Eropǎ masibiriquererǎ ta ǎagǎre ĩarǎḡue masirǎcoma. Erǎpǎ Goǎmǎre ne masibeama. Eropirǎ peamegue wamorǎ ta ǎrīrima. Eropigǎ yujugu erǎre Goǎmǎ yare masicǎ ĩḡucumi, arī gojañumi Isaia Jesu eraboro coregue.

¹⁷ Eroḡue ǎrīḡu Goǎmǎ yare werenǎḡapǎ Jesu:

—Mǎa ñeri ĩirare bujawereque. Eropǎ ĩirǎ ǎaripǎre gohrotoque. ǎmaro majagǎ Goǎmǎ ǎrīpehrerǎ tauru ĩḡu opǎ ǎrīboru merogǎ duhyaa, arī werenǎḡapǎ ĩḡu.

Wapicǎrǎ wai wejǎrǎre ĩḡu mera majarǎ ǎrīmorǎre sihuñumi Jesu

Mr 1.16-20; Lc 5.1-11

¹⁸ Eropi Galilea waīcǎri ditaru turoḡue ejagǎ, Simore, ĩḡu pagǎ magǎ Andre mera bocajapǎ Jesu. Simo ta Pedro erǎ arī piyugǎ ǎrīpǎ. Erǎ wai wejǎri masa ǎrīñorǎ. Erǎ ya wejǎri yucǎre mehyurǎ ĩñorǎ iri ditaru wuari ditarugue.

¹⁹ Erǎre boca ǎpa arīpǎ Jesu:

—Yǎ mera majarǎ ǎrīmorǎ arique mǎa. Yǎ mera mǎa aricǎ waire ñeha gameneorǎ mǎa ǎrīro dopa ta, Goǎmǎ yarǎ ǎrīmorǎre masare sihu gameneomorǎ ǎrīcǎ ĩḡura mǎare. Yǎ mera mǎa aricǎ eropa ĩimorǎre amugura mǎare. Eropirǎ yǎ mera arique, arīpǎ ĩḡu erǎre.

²⁰ Eropǎ ĩḡu arīcǎ peerǎ ta erǎ ya wejǎdi yucǎre apicǎa, Jesu mera waha wañorǎ.

²¹ Eropirǎ erǎ Jesu mera tarigǎ, Santiagore ĩḡu pagǎ magǎ Ñu sǎre bocajañorǎ daja. Erǎ Zebedeo porǎ ǎrīñorǎ. Erǎ yaru dohodirugue erǎ pagǎ mera erǎ sǎ erǎ ya wejǎdi yucǎre amurǎ ĩñorǎ. Erǎ perǎre ĩḡu sihubeopǎ.

²² Īḡu eropa sihubeocǎ pee, erǎpǎ erǎ pagǎre, dohodiru sǎre api Jesu mera waha wañorǎ.

Bajarǎ masare buheñumi Jesu

Lc 6.17-19

²³ Eropi ǎrīpehrerogue Galilea yebare Jesu buhe curipǎ. Judio masa gua buheri wirigue ǎari buherire, ǎmaro majagǎ ĩḡu opǎ ǎrīricǎrire buhepǎ. Eropigǎ dorecurǎre ǎarǎ ĩḡu ǎrīpehreri dorecurire cǎpǎ ĩḡu.

²⁴ Īḡu eropa ĩicǎ peerǎ Siria yeba majarǎ ǎrīpehrerogue iri yeba ǎrīrǎ ĩḡure masinǎḡañorǎ. Eropǎ masirǎ, gajiroppa ǎrīri dore oparǎre, watǎa ñajasünirǎre, pūriri dorecurǎre, sīriri mǎra dorecurǎre, dǎpǎ turabirǎ sǎre aī ejañorǎ Jesu pohroḡue. Eropigǎ ǎrīpehrerǎre erǎre ǎarǎ wacǎ ĩpǎ Jesu.

²⁵ Īḡu eropa ĩicǎ ĩarǎ, Galilea yeba majarǎ Decapoli yeba majarǎ, Jerusalén majarǎ, Judea yeba majarǎ, Jordán waīcǎriya gajipǎ masepǎ majarǎ, bajarǎ masa ĩḡu mera wañorǎ.

5

Utāgugue muria, ero buheñumi Jesu masare

¹ Masa bajarā ĩgu pohro erā ejacū ĩagu Jesu utāgugue mũariapu. Mũarija, ero doajapu. Ero ĩgu doacū ĩgu buherā ĩgu pohroque ejañorā.

² Erā ejacū ĩagu ōpa arī buhenugapu:

Ōpa árĩrā āhrima mucubirā, arī buheñumi Jesu

Lc 6.20-23

³ —Erā ñerire bujawererā, Goāmure gamerā mucubirā āhrima. Ūmaro majagu erā opu árĩroguere warācoma erā. Ūmaro maja erā ya āhrea. Eropirā buriġā mucubirācoma.

⁴ “Orerā sã mucubirā āhrima. Erāre mucubiricū iimi mari Pagu. Eropirā mucubirā árĩrācoma.

⁵ “Gajirāre tarinugadiabirā eropa árĩca arĩbirā mucubirā āhrima. Goāmu “Ogura,” ĩgu arĩrare oparācoma. Eropirā erā sã mucubirā árĩrācoma.

⁶ “Goāmu ĩgu dorero dopa iidiarā, ōarire iidiarā mucubirā āhrima. Goāmu ĩgu itamucū erā ōarire ii ojogorocurācoma. Eropirā mucubirā árĩrācoma.

⁷ “Gajirāre mojomoro ĩarā mucubirā āhrima. Erā eropa mojomoro ĩacū Goāmu erā sãre mojomoro ĩagucumi. Eropirā mucubirācoma.

⁸ “Erā ñerire cõanirā, mucubirā āhrima erā. Goāmure ĩarācoma erā. Eropirā mucubirācoma.

⁹ “Gajirāre gamequeacū bosarā mucubirā āhrima. Erāre “Yu porā āhrima,” arĩgucumi Goāmu. Eropirā mucubirācoma.

¹⁰ “Goāmu dorerire erā iira waja gajirā mera ñero tarinirāpu ūmaro majagu erā opu árĩroguere ĩgu yare oparācoma erā. Eropirā mucubirācoma.

¹¹ “Yahare mũa iira waja gajirā mũare erā turiquerēcū ta mucubirā āhrea mũa. Mũa erā ñero iicū mucubirā āhrea mũa. Yaharā mũa árĩri waja mũare árĩpehleri ñeri quere goroweoquerēcū ta mucubirā āhrea mũa.

¹² Goāmu yare weremuhtanirāre mũa core árĩnirāre erāguere ta ñero iimuhtañuma. Mũa sãre erāre iidiro dopa iicū mucubirique. Ōaro siporācuque. Eropigu ūmarogue mũa ejacū mũaro ōaro iigucumi mũare Goāmu. Eropirā mucubirique mũa, arī wereru Jesu.

Moa iro dopa, boyoro iro dopa āhrima Jesu yarā, arī buheñumi

Mr 9.50; Lc 14.34-35

¹³ Eropi Jesu buhenemopu:

—Moa wabuġu dihire iri ñero wabiricū iiro dopa ta mũapu yaharāpu árĩpehlerā gajirāre ñerire erā iidibiricū iiaa. Moa ñeri wacū dipaturi ōari iimasiya mara. Iri moa ne ōabeaa. Iri eropa wacū iri moare cõacāro gahmea. Irire cõāra puhru weca ejama. Ne duhpiburi árĩbeaa iri erā cõāra. Iri duhpiburi árĩbiro dopa ta árĩbiricāque mũa. Goāmu yapure iiniguicāque, arī wereru Jesu.

¹⁴ Eropi ĩgu buhenemopu:

—Boyoro marire ĩhamasicū iiro dopa ta mũapure yaharāpore i yeba majarāre Goāmu yare wererā erāre masicū iiro gahmea. Utāgu weca árĩri macare duhmasiya mara.

¹⁵ Eropi sihāgodirure masa sihāgorā gajino docague dibubeama. Irure sihāgogu ūmarogue duhpeomi iri wihi majarā árĩpehlerā erā ĩaboro dopa.

¹⁶ Eropirā mũa sã mũa Goāmure mũa umupearire dibubiricāque. Ōaro wereque. Eropirā ōarire iique. Mũa eropa iicū ĩarā masa erā mari Pagu ūmaro majagure umupearācoma. “ĩgu turagu, ōagu āhrimi,” arĩrācoma, arī wereru Jesu.

Goāmu ĩgu dorerire ĩgu gojarare wereñumi Jesu

¹⁷ Eropi arĩtuhaja, erāre werenemopu:

—Ire mũa masicū gahmea yuhũ. Goāmu ĩgu dorerire Moiserē ĩgu apirare, ĩgu yare weremuhtanirā erā gojara sãre cõāgu arĩgu iĩbirĩbu. Iri dorerire mũare ōaro were amugu arĩgu iĩbu. Goāmu yare erā werediro dopa ta iigu arĩbu.

¹⁸ Daye ta mũare arĩgu iiaa. I yeba ūmaro árĩropē ta ĩgu doreri sã árĩroca. Goāmu ĩgu dorerare iipehogucumi.

¹⁹ Eropirā iri dorerire yujurāyeri tarinugarā, gajirāre eropa ta iidorerā bu árĩrā árĩrācoma. Ūmaro majagu opu ĩgu árĩroque bu árĩrā iro dopa árĩrācoma. Yujuñe dorerĩne árĩquerecū ta erā tarinugarā bu árĩrā iro dopa árĩrācoma erā. Gajirāpu ĩgu dorerire ōaro iirā, gajirāre erā iiro dopa iidorerā ūmaro majagu ĩgu opu árĩroque oparā iro dopa árĩrācoma erā.

²⁰ Mũare arĩgu tiiaa yũũ. Masare buherã, fariseo masa sã Goãmu gamerire queoro iibeama. Erã tauro Goãmu gamerire iique mua. Mũa eropa iibirã, ĩgu opũ arĩroguere ne ejasome mua, arĩ werepũ Jesu.

Papũrĩre werenĩguĩre wereñumi Jesu

Lc 12.57-59

²¹ Eropã arĩtuhaja erãre werenemopũ:

—Iribojegue majarã ðpa arĩ wererare ta peenirã árĩribũ mua: “Masare wejẽbiricãque. Masare wejẽdigũ erã dipuwaja moabu àhrimi,” erã arĩrare peenirã árĩribũ mua.

²² I erã werera tauñarĩro mũapũre werenemogura. ĩgu acaweregũ mera papũridĩgũpũ masare wejẽdigũ iro dopa ta àhrimi. Eropĩgu erã dipuwaja moabu àhrimi ĩgu sã. ĩgu acaweregũre gameturĩgu dipuwaja moadorerã pohro erã aĩgãbu ta àhrimi ĩgu sã. “Nẽgu pee masibĩgu àhraa mũũ,” ĩgu acaweregũre arĩgũre peamegue wama guhyataria ĩgũre.

²³ “Mũa acaweregũ mũare ĩgu ĩhaturicũ ĩgu mera amumuhtaque Goãmũre serẽboro core. Eropirã Goãmũ wĩhigue mua Goãmũre umupeorã waboro core, waibũgũre mua oboro core ðpa iique.

²⁴ Goãmũre mua oburire duhcũnĩque dohpa. Mũa acaweregũ pohrogue waha, “Dĩpaturi ĩhaturĩbiricãrã. Irĩre irĩpẽta duhurã,” irĩre arĩque ĩgũre. Mũa eropa amura pũhũ Goãmũre umupeorã waque daja ĩgu ya wĩhigue.

²⁵ “Gajĩgu mũare weresãdiagũ, dipuwaja moadoreri wĩhigue mũare ĩgu aĩgãdiacũ, ĩgu mera guaro marĩro arĩque. Dipuwaja moadoregũ pohrogue ĩgu aĩ ejaboro core ĩgu mera ðaro ahmu werenĩguĩque. Mũa eropa iicũ ĩagũ mũare weresãbiribocumi. Mũa eropa iibiricũ eroguerũ mũare aĩ ejacũ ĩgũpũ dipuwaja moadoregũre weresãgũcumi. ĩgu eropa weresãcũ, beyegũpũ peresu iirãguere mũare ogũcumi. Eropirã erã mũare peresu iirãcoma.

²⁶ Erogue arĩnĩguĩrãca mua. Ne erã wajayedorerare mũa wajayepohocũgue wirĩrãca mua, arĩ werepũ Jesu.

Gajĩgu marapo mera ñero iĩrĩre wereñumi Jesu

²⁷ Òpa arĩ werenemopũ Jesu:

—Iribojegue majarã ðpa erã arĩ wererare peenirã árĩribũ mua. “Gajĩgu marapo mera ñero iibiricãque,” erã arĩrare peenirã árĩribũ mua.

²⁸ I erã werera tauñarĩro mũare ipũre werenemogura: Nomeore ñeabiriqueregũ ta yujugũ igo mera arĩdiagũ igore ñero uaribejagũ ñero guña pepĩgu ñero iituhami igo mera.

²⁹ “Eropirã mũa cuirũ diayepũ arĩdirũ mera ñero iirã irĩrũre mũa gorawea cóãbodiũro dopa ta irĩ ñerĩre duhcãque. Irĩre duhubirã peamegue warãca. Mũa cuirũre cóãcũ irĩ cuirũ dihta dederea. Mũa ñerĩre duhubirãpũ peamegue waha ñetariario tarĩrãca. Eropirã irĩ ñerĩre duhcãque.

³⁰ Eropirã mũa mojoto diayepũ maja mojoto mera ñero iirã irĩ mojotore tabeta cóãbodiũro dopa ta irĩ ñerĩre duhcãque. Irĩre duhubirã peamegue warãca. Mũa mojotore mũa cóãcũ irĩ mojoto dihta dederea. Mũa ñerĩre duhubirãpũ peamegue waha ñetariario tarĩrãca. Eropirã irĩ ñerĩre duhcãque, arĩ werepũ Jesu.

Erã marasã nomere cóarĩre wereñumi Jesu

Mt 19.9; Mr 10.11-12; Lc 16.18

³¹ Òpa arĩ werenemopũ Jesu:

—Iribojegue i sãre arĩñuma: “Ĩgu marapore cóãdiagũ ĩgu cóãburĩre wererĩpũ mera igore cóãmasĩmi,” arĩñuma irĩbojeguere.

³² I erã werera tauñarĩro mũapũre ire weregũra: Yujugũ ĩgu marapo mũmũ mera ñero iibirĩquerecũ ta igore cóãbocumi. ĩgu eropa cóãdĩgo gajĩgu mera marapũcũgo ñero iigo iicũmo gajĩgu mera arĩgo. Eropĩgu igo marapũ igore cóãdĩgu igore gajĩgu mera ñero iicũ iimi. Eropĩgu ĩgu cóãdĩgo mera marapocũgu igo mera ñero iigu iimi ĩgu sã, arĩ werepũ Jesu.

Waĩpeo arĩrare wereñumi Jesu

³³ Òpa arĩ werenemopũ Jesu:

—Iribojegue majarãre erã ðpa arĩ wererare peenirã árĩribũ mua: “Mũa arĩdiũro dopa ta eropa iique. ‘Goãmũ mera diaye ta eropa iigũra,’ mũa arĩdiũro dopa ta iique,” erã arĩ wererare peenirã árĩribũ mua.

³⁴ I erā werera tauñariro muare weregura. “Ūmaro mera diaye ta arīgu iiaa,” arī ūmaro mera arī waīpeo arībircāque. Ūmaropu mari Opu īgu arīro āhrraa. Bu arīro arībeaa. Ero eropa arīro arīcū īarā eropa arīmaabircāque.

³⁵ I yeba mera ne waīpeo arībircāque. I yeba sā Goāmū ya yeba ta āhrraa. Ero eropa arīro arīcū īarā eropa arīmaabircāque. Jerusalén mera ne waīpeobircāque. Turagu mari Opu ya maca āhrraa Jerusalén. Bu arīro arībeaa. Eropirā eropa arīmaabircāque.

³⁶ “Yū dipuru mera diaye arīgu iiaa,” arī waīpeobircāque. Mūa poari borecū iimasibeeaa mūa. Iri űiri wacū sāre iimasibeeaa mūa. Eropa iimasibirā arīrā “Yū dipuru mera diaye arīgu iiaa,” arī waīpeobircāque.

³⁷ “Iirāra,” arīrā waīpeoro mariro diaye ta irire arīniguicāque. “Iisome,” arīrā sā waīpeoro mariro arīniguicāque. Mūa waīpeo arīrā watī űegu īgu dorero dopa ta iirā iica, arī werepu Jesu.

Erā basi gamediarire wereñumi Jesu

Lc 6.29-30

³⁸ Ōpa arī werenemopu daja Jesu:

—Iribojegue ōpa erā arī wererare peenirā arīribu mūa. “Mūre gajigu mū cuirure īgu patīadiro dopa ta mū sā īgure patīa gameque. Mū gucurirure īgu panuadiro dopa ta mū sā īgure īgu gucurirure panua gameque,” erā arī wererare peenirā arīribu mūa.

³⁹ Erā werera tauñariro weregura daja muare. Muare űero iidigure eropa īacāque. Yujupu mū wayuporāre pacū, “Gajipu sāre padiagu paque,” arīque īgure.

⁴⁰ Gajigu mūre dipuwaja moagure īgu weresācū, īgu dipuwaja moagupu māhu camisa mera mūre weresādigure wajayedorebocumi. īgu eropa wajayedorecū īgure oque. Iriñere otuhaja mū weca mājāne suhriro sāre onemoque īgure.

⁴¹ Yujugu surara gajinore yuju kilómetro mūre aīgābasadorecū, gaji kilómetro aīgānemobasaque daja īgure.

⁴² Mūre serēdigure īgu serēropē ta oque īgure. Eropigu gajigu mūre wayudorecū wayuque īgure īgu wayudorerare, arī werepu Jesu.

Mūare īhaturirāre mahique, arī wereñumi Jesu

Lc 6.27-28, 32-36

⁴³ Ōpa arī werenemopu daja Jesu:

—Masa ōpa arīmurīma: “Mūa mera majarāre mahique. Eropirā mūare īhaturirāpūre īhaturi gameque daja,” erā arīrāre peenirā arīribu mūa.

⁴⁴ Erā werera tauñariro weregura muare daja: Muare īhaturirāre mahi umupeoque. Muare űero iirāre ōaro arīdoreque. Muare īhaturirāre ōaro iique. Eropirā mūare űero wereniguirāre muare űero iirā sāre “Erā sā ōaro arīporo,” arīrā Goāmūre serēbasaque.

⁴⁵ Mūa eropa iirā mari Pagu ūmaro majagu Goāmū porā āhrraa mūa. Goāmupu yujuropa ta iimi masare. űerāre, ōarā sāre abere asicū iimi īgu. Eropigu Goāmū īgu dorerire iirā sāre, iibirā sāre deco merecū iimi īgu. Masare yujuropa īgu iiro dopa ta mūa sā masare iique.

⁴⁶ Mūare umupeorā dihtare mūa umupeocū ne duhpiburi arībeaa iri. űerā masa wajasea corerā sā eropa ta iima. Eropirā arīpehrerāre umupeoque.

⁴⁷ Mūa acawererā dihtare mūa ōaro bocatīricū ne duhpiburi arībeaa iri. Goāmūre masibirā sā eropa ta iima. Eropirā arīpehrerāre ōaro bocatīrique.

⁴⁸ űeri marirā arīque mūa. Mari Pagu ūmaro majagu īgu űeri marigu īgu arīdiro dopa ta mūa sā űeri marirā arīque, arī werepu Jesu.

6

Ōari iirire wereñumi Jesu

¹ Dipaturi īgu werenemopu:

—Goāmū ya arīburire ōarire iirā arīrā, “Goāmū yare iipehorā āhrraa gua,” arī werebircāque gajirāre. Mūa eropa arī wererā mūa ōaro iira ne duhpiburi arībeaa. Eropigu Goāmū ūmaro majagu ōarire mūa iira wajare muare osome.

² “Eropirā mojomorocurāre itamurā, irire masare ii īhmubircāque. Masa erā īabiro itamuque erāre. Gajirā iro dopa iibircāque. Erā masa bajarā watope mojomorocurāre itamuma. Mague niguirā watope mari buheri wirigū arīrā watope sāre ii īhmupa. Erā eropa iiquererā erā mari pūpūpūre űero icorerā āhrrima. Eropa masa watope ōarire ii īhmurā erā, “Ōarā āhrrima erā,” masare arīdorerā iima. Erā eropa iirā masa umupeori mera wajatatuhama. Eropigu Goāmupu ne wajayesome erāre.

³ Eropirā mojomorocurāre itamurā, irire yayarogā iique. Mūa wapi mera arīquererā ta īgu īabiro irire iique.

⁴ Masa erã ãbirogue mojomorocurãre itamuque. Masa ãbirogue mua itamuquerecũ Goãmupã ãhami. Eropigũ mari Pagupã muare wajayegucumi, arĩ werepũ Jesu.

Goãmure serẽriñere buheñumi Jesu

Lc 11.2-4

⁵ Dipaturi ãgu werenemopũ:

—Goãmure serẽrã, mari purupũ ñero iicorerã iiro dopa iibiricãque mua. Erã mari buheri wirigue nigui, mague sãre nigui, Goãmure serẽ ãhmuma erã masare. Eropa serẽ ãhmurã diaye masa erãre umupeori mera erã mucubirituhama. Eropigũ Goãmũ erãpure umupeosome.

⁶ Muapũ Goãmure serẽmorã mua ya taribugue biha ñajaque. Biha ñaja mari Pagu ãsũya marigure serẽque. Mua eropa iicũ masa erã ãbiro arĩquerecũ ta mari Pagupũ muare ãagucumi. Eropa peegu muare ãaro ãigucumi ãgu.

⁷ “Eropirã Goãmure serẽrã, pepiro mariro mua serẽrare ta dipaturi serẽ maji dujabiricãque. Eropa ta iima Goãmure masibirã. “Bajasuburi yuju disiro ta gua serẽcũ guare peegucumi,” arĩ pepima erã.

⁸ Erã iiro dopa iibiricãque. Mua serẽboro core mari Pagu mua gamerire masituhami.

⁹ Eropirã õpa arĩ serẽro gahmea Goãmure.

Gua Pagu umaro majagu mua õagu arĩrĩre arĩpehrerã umupeoporo.

¹⁰ Dohpaguere arĩpehrerã weca opũ arĩque. Umarguere mũ dorero dopa ta erã iiro dopa ta i yeba majarã sã eropa iiporo.

¹¹ Eropigũ umuri nucũ gua baburire oniguicãque guare.

¹² Gajirã guare erã ñero iirare gua cãdijiro dopa ta mua sã gua ñero iirare cãdijique.

¹³ Eropigũ gua ñero iiborare cãhmotaque. Eropigũ guare ñerire iibiricãcũ iique. Mũhũ gua Opũ turagu eropa arĩniguigũca. Arĩpehrerã mure eropa umupeoniguicãrãcoma, arĩ serẽque Goãmure, arĩ werepũ Jesu.

¹⁴ “Gajirãre muare erã ñero iirare mua cãdijicũ ãagu, mari Pagu umaro majagu mua ñero iira sãre cãdijigucumi.

¹⁵ Gajirã muare erã ñero iirare mua cãdijibiricũ mari Pagu mua ñero iira sãre cãdijisome, arĩ werepũ Jesu.

Goãmure umupeomorã ba duhurire buheñumi Jesu

¹⁶ Eropigũ ãgu erãre werenemopũ:

—Goãmure umupeomorã ba duhurã bajawererã iro dopa ii ãhmubiricãque. Eropa iima mari purupũ ñero iicorerã. Erã erã diaporire bajawererã iro dopa ãhrima. Erã eropãricũ erã ba duhucũ ãha masima masa. Diaye ta muare arĩgu iiaa. Masa erãre umupeocũ gahmema erã. Eropirã erãre umupeocũ ãarã mucubirituhama. Eropigũ Goãmupũ erãre ãaro iisome. Eropirã erã iiro dopa ii ãhmubiricãque mua.

¹⁷ Mua sã ba duhurã mua arĩniguiro dopa ta arĩque. Mua ya dipure uyũ mera sũcã ãaro mũapocãque. Mua diapori sãre coecãque.

¹⁸ Mua eropa iicũ mua ba duhucũ ãha masisome masapũ. Goãmũ dihta ãha masigucumi. Mua seyaro mua arĩcũ ãgupũ mua mera ãhrimi. Eropa ãagu ãgu muare ãaro ãigucumi, arĩ werepũ Jesu.

Umuro majare guãadoreñumi Jesu

Lc 12.33-34

¹⁹ Jesu werenemopũ daja:

—I yeba majare arĩ gameneobiricãque. Õ maja boa waboca. Iri boabiricũ yajari masũ aĩbocumi irire. ãgu yajabiricũ mega tuabocoma. Eropiro i yeba maja dederema gũhya ãhraa. Eropirã i yeba majare burigã gamebiricãque.

²⁰ Umuro majapũre turaro gameque mua. Umuro majare mega tuamasibeama. Erogue mua opaburi ne boabeaa. Eroguere yajari masũ ne aĩmasibeami.

²¹ Erogue mua opaburi iri arĩcũ, umuro majare Goãmũ yare burigã guãarãca mua, arĩ werepũ Jesu.

Masa erã pepiro dopa ta iima, arĩ wereñumi Jesu

Lc 11.34-36

²² Eropi buhegu õpa arĩ werenemopũ erãre:

—Mua cuiri mua dupũre sihãgodiru iro dopa ta ãhraa, arĩ werediãcũ õpa ãhraa. Mua pepiro dopa ta iiaa. Mua ãaro mera pepirã arĩrã ãarire iiaa.

²³ Mua ñerire pepirã arĩrã ñeri dihtare i mua. Umuro majare mega tuamãaa. Eropirã mua ñeri dihtare mua pepiniguicãcũ iri ñeripũ ñetariari ãhraa, arĩ werepũ Jesu.

Niyerure gamerā, Goāmɔpɔre gamebeama, arī wereñumi Jesu
Lc 16.13

²⁴ Eropigu ĩgu erāre werenemopu:

—Yujugu Goāmɔpɔre guñagu niyerupɔre guñabeami. Niyerupɔre buriḡā guñagu Goāmɔpɔre guñabeami. Eropigu niyeru dihtare gamegu arīgu Goāmɔre mucubiricū iibeami. Goāmɔ sāre niyeru sāre peñere gametarimaja masiya mara mware, arī werepu Jesu.

Goāmɔ ĩgu porāre ĩhadibumi, arī wereñumi Jesu
Lc 12.22-31

²⁵ Eropigu erāre werenemopu:

—Eropigu mware ire arīgu iiaa. Mwa arīricurire mwa barire, ihririre, suhri sāre wwaro guñaricubiricāque. Mware deyro moagu bari dihtare bamorāre, suhri sañamorā dihtare Goāmɔ iibiripu mware. Mwa iri dihtare guñacū gamebeami.

²⁶ Mirimagu porāre Goāmɔ ĩgu ĩhadiburire masique mwa. Erā poeri moorā āhrima. Eropiro erā bari dihburi wiri erāre mara. Mari Pagupu erāre erā baburire ohomi. Mirimagu porā tauro mwapɔre mahimi Goāmɔ. Eropigu mwa sāre ĩhadibugucumi ĩgu.

²⁷ Wwaro mwa pepiri mera iri mware pagarā wacū iibeaa. Eropiro mwa wwaro pepiri duhpiburi arībeaa.

²⁸ “¿Eropirā duhpirā mwa suhri sañaburire wwaro guña bujawere pepicāri? Nugu maja gori iri gorire pepique. Iri gori ne iiro mariro ōari goricua. Iri gori ōari suhri iro dopa ōari gori dehyoaa.

²⁹ Salomo opu mwa ōari suhri opagu ĩgu arīquerecū ta iri goripu ĩgu ya suhri tauro ōari gori āhraa.

³⁰ Iri gorire ōari gori iimi Goāmɔpu. Iri gori bajamenurigā arīra puhru ñaidija pehrea wahaa. Mero āhri, gajinu peamegue soe cóacāma. Iri eropa mata pehrequerecū ta iri gori iri ōari gori arīcū iimi Goāmɔ. Eropigu Goāmɔ iri gorire ĩgu ōari gori ĩgu iidiro tauro mwa sāre ōaro iigucumi. Suhrire ogucumi. Goāmɔre daberogā umupeoa mwa.

³¹ Eropirā mwa baburire, mwa ihriburire, mwa suhri sañaburire wwaro guñabiricāque.

³² Goāmɔre masibirāpu irire eropa amaniguicāma. Mari Pagu umaro majagu arīpehreri mwa gamerire masimi. ĩgu eropa masicū mwa ya arīburire wwaro guñabiricāque.

³³ Goāmɔ mwa Opu ĩgu arīborore gamemūhtaque mwa. Mwa eropa iira puhru Goāmɔpu mwa gameri duhyacū ogucumi.

³⁴ Eropirā ñamigāre mwa dohpa warocuri arī wwaro bujawere ne pepibiricāque. Dohpagāre mwa ñero tariboro arītuhaa. Eropirā dohpagā maja dihtare pepique. Gajinu majare wwaro bujawere pepinemobiricāque. Goāmɔpu mware itamugucumi, arī werepu Jesu.

7

Gajirāre “Ñerā āhrima,” arībiricāque, arī wereñumi Jesu
Lc 6.37-38, 41-42

¹ Eropigu ĩgu erāre werenemopu:

—Gajirāre “Ñerā āhrima,” arī erā iirare werewuabiricāque mwa. Mwa eropa arī werewuabiricū Goāmɔ mwa sāre “Ñerā āhrima,” arīsome.

² Gajirāre “Ōaro iibeama,” mwa arī pepidiro dopa ta Goāmɔpu mwa sāre eropa ta arī ĩagucumi. Mwa gajirāre beyero dopa Goāmɔpu mwa sāre eropa ta beyegucumi.

³ Mari werenigu queori mera buhecū ōpa iirā āhraa mwa. Mwa acaweregu ĩgu cuiruge miri pogañegā mehñajacū iri pogañegāre ōaro ĩhaa mwa. Mwa ya cuirupɔre wwarimiji arīquerecū ta irimijire ne pepibeaa mwa. Eropirā gajigure miri pogañegāre mwa ĩaro dopa ta mwa acaweregu ĩgu ñero iiripɔre ōaro ĩhaa mwa. Mwa basi turaro ñerire iiquererā ta irire eropa pepicāa mwa. ¿Dohpa arīronore eropa āhriri mwa?

⁴ Ōpa arī wereniguia mwa acawererāre: “Acaweregu, ñerire iigu iica muhu. Eropigu irire duhcāque,” arī wereniguia mwa. Eropa ĩgure ñerire iidorebriquererā mwa sā ñerire duhubeaa. ¿Duhpirā irire ñerire iinirā arīquereerā ta irire pee masibeari mwa?

⁵ Eropa iirā masa erā pɔpɔre ñero iicorerā āhraa mwa. Mwa ñero iiripɔre duhumūhtaque. Mwa eropa iira puhru mwa acawererāre “Mwa ñero iirire duhcāque,” arī weremasia mwa.

⁶ Diayea iro dopa árĩrãre ñetariarãre Goãmũ ya ðatariarire erã umupeobiririre werebiricãque erãre. “Erãgue ñero wereya ñero arĩri,” arĩrã werebiricãque erãre, arĩ werepũ Jesu.

Mari Pagure mari serẽrire wereñumi Jesu

Lc 11.9-13; 6.31

⁷ Eropigu ìgu erãre werenemopu:

—Goãmure mari Pagure serẽque mua. Mua eropa serẽrã mua airãca. Mua serẽrire bocarãca. Goãmure eropa serẽniguicãque mua. Mua eropa iicũ ìgu muare ogucumi.

⁸ Árĩpehrerã Goãmure serẽrã airãcoma. Eropirã erã serẽrare bocarãcoma. Eropigu árĩpehrerã Goãmure eropa serẽniguicãrãre ìgu erãre ogucumi.

⁹ “¿Mua porã barire muare serẽcũ utãyepure obocuri mua erãre? Obiriboya.

¹⁰ ¿Mua porã waire muare serẽcũ añapure obocuri mua erãre? Obiriboya mua.

¹¹ Mua ñerã árĩquererã ta mua porãre ðarire omasia mua. Eropigu mari Pagu mua tauro ðarire ohomi muare ìgu porãre ìgure mua serẽrire.

¹² “Gajirã muare ðaro iicũ gahmea mua. Erãre mua ðaro iicũ gamero dopa ta ðaro ìque erã sãre. Erã ðaro iibiriquerecũ ta muapu erãre ðaro ìque. Eropa ta iidorea Moise dorerigue, Goãmũ yare weremuhtanirã erã gojarague sã, arĩ werepũ Jesu.

Miri disiporogã queorire wereñumi Jesu

Lc 13.24

¹³ Eropigu ìgu queorire werenemopu erãre ðpa arĩgu:

—Goãmũ pohrogue wadiarã ìgu yare iiro gahmea muare. Eropirã ìgu yare eropa iimaabiricãro gahmea. Miri disiporogãgue mua wadiacũ diasa àhraa. Eropiro diasa àhraa Goãmũ pohrogue mua wadiacũ. Peamegue masa erã wacũ diasabeaa. Wuari disiporogue mari ñajacũ diasabeaa. Iri disiporogue ta masa erã ñajaboro dopa ta peamegue masa erã wacũ diasabeaa. Eropirã masa bajarã erogue warã iima.

¹⁴ Goãmũ pohrogue wadiacũ diasa àhraa. Bajamerãgã masa erogue warãcoma. Erogue warã umuri nucũ Goãmũ mera árĩniguirãcoma, arĩ werepũ Jesu.

Yucũgu ðucare masirã dipagu sãre masiro dopa ta masa erã iirire iarã erã árĩricurire masia mari, arĩ wereñumi Jesu

Lc 6.43-44

¹⁵ Eropigu ìgu werenemopu erãre:

—Õaro pee masique. “Goãmũ yare weremuhtarã àhraa,” arĩ gũyarãre peebiricãque mua. Erã ðarire iirã iro dopa aririma mua pohrogue. Erã pepirigue ñerã àhrima erã.

¹⁶ Erã ñero iicũ iarã ñerã erã árĩcũ masirãca mua. Erã ðaro iicũ iarã, ðarã erã árĩcũ masirãca mua. Aña poragu dipatõrre ðucacubeaa. Poracadigu sã higuera dipure ðucacubeaa.

¹⁷ Õadigu yucũgu ðarire ðucacua. Ñedigupu ñerire ðucacua.

¹⁸ Yucũgu ðadigu ñerire ne ðucacumasibirica. Eropiro ñedigu sã ðarire ðucacumasibirica.

¹⁹ Õarire ðucacubiriri yucure pa cóacã, peamegue soecãma. Eropa ta iigucumi Goãmũ ìgu gamerire iibirãre.

²⁰ Eropirã “Goãmũ yare weremuhtarã àhraa,” arĩrã erã gũyacũ ðpa masirãca. Erã iiricurire ìaque. Erã ðarire iirã árĩcũ ìha “Goãmũ ya wereniguirã ta àhrima,” arĩ ìha masirãca. Erã ñerire iirã árĩcũ ìha “Goãmũ ya wereniguirã árĩbeama. Eropirã gũyarã àhrima,” arĩ ìha masirãca, arĩ werepũ Jesu.

“Muare ne masibea,” arĩgũca yũhũ bajarã masare, arĩ wereñumi Jesu

Lc 13.25-27

²¹ Eropigu ìgu erãre werenemopu:

—Bajarã yure “Yũ tĩgu,” arĩrã árĩquererã ta umaro majagu Goãmũ ìgu árĩroguere wasome erã. Yũ Pagu umaro majagu ìgu gamerire iirã dihta ìgu opu árĩroguere warãcoma.

²² Pehrerinũ árĩcũ bajarã masa ðpa arĩrãcoma yure: “Gua tĩgu, mu yare gua buheabu. Mũ wai mera pũririre, watẽare cóãbũ. Eropirã mu turari mera baja deyoro moarire iiabũ gua,” yure arĩrãcoma.

²³ Erã eropa arĩquerecũ ðpa arĩ yãhrigũca erãre: “Muare ne masibea. Ñerire iirã àhraa mua. Yũ pohro aribiricãque,” arĩgũca yũhũ erãre. Eropirã Goãmũ gamerire ìque yũ pohro aridiarã, arĩ werepũ Jesu.

Pe wihi iira queorire wereñumi Jesu

Lc 6.47-49; Mr 1.22

²⁴ Eropigu queori mera werepũ Jesu erãre buhegu:

—Eropi árĩpehrerã i ya wereniguirire peenirã yũ dorerire iirã, òaro pee masigũ wihĩ iidigũ iro dopa àhrima erã. Īgu ùhcãri goberire seha, wihire nugunugapu.

²⁵ Īgu wihire ĩgu tuhajara pũhrũ deco burigã ahri, dia miritaria wayoro. Miruñe burigã weãyoro. Eropa waquerecũ ta iri wihĩ ùhcãro ĩgu nugura wihĩ árĩro ne mihrua dijabiriyoro.

²⁶ Eropirã árĩpehrerã yũ wereniguirire peenirã árĩquereerã ta yũ dorerire iibirãpũ pee masibigũ ĩgu wihĩ iigu iro dopa àhrima. Īgupũ ĩgu wihire dia taro maja imiporo weca nugu, òaro iibiripũ.

²⁷ Īgu wihire tuhajara pũhrũ, deco burigã ahri, dia miritaria waha, miruñe burigã weãyoro. Eropa weãro iri wihire weã mehpicãyoro, arĩ werepũ Jesu.

²⁸⁻²⁹ Īgu eropa arĩ buhecũ peerã, peemaria wañorã masa. “Īgu marire opũ ĩgu buhero dopa ta buhemi ĩgu. Marire buherã iro dopa buhebeami,” arĩ pepiñorã erã.

8

Jesu camĩ boagure òagu wacũ iĩñumi

Mr 1.40-45; Lc 5.12-16

¹ Jesu utãgũgue buhe doadigũ dijaa wapũ. Īgu dijacũ ĩarã masa bajarã ĩgure nurusiañorã.

² Ero ĩgu wadiro yujugũ camĩ boagu mague ĩgure nurusiaja eja, mereja, ĩgure serẽpũ.

—Gua ĩgu, mũhu yũre òagu iidiagu iique, arĩpũ.

³ Īgu eroparĩcũ peegu ĩgu mojoto mera Jesu ĩgure mohmepipũ.

—Áu, mũre òagu wacũ iiaa, arĩpũ Jesu ĩgure.

Īgu eroparĩcũ ta iri camĩ boara yarima wayoro.

⁴ Eropa iituhaja Jesu ĩgure arĩpũ daja:

—Yũhu mũre òpa iirare ne gajirãre werebircãque. Mũ ya ðupũre òarare pahire ĩhmuũgũ waque, “Òaro àhrimi,” arĩdoregu. Tuhajanugu Moise dorerire Goãmũ ĩgu apidiro dopa ta iique. Eropigu Goãmũ ya wihigue mirimagure asũ wahgã apique mu dore tarirare masa árĩpehrerã erã masimaja òaro, arĩpũ Jesu.

Surara opũ ĩgu pohro majagu dorecũcũ Jesu òagu iĩñumi ĩgure

Lc 7.1-10

⁵ Ero pũhrũ Jesu Capernaum waĩcũri macague ĩgu ejacũ surara opũ ĩgu pohro eja, ĩgure turaro òpa arĩ serẽpũ:

⁶ —Gua ĩgu, yũ pohro majagu ne buhari mera dorecũgu wamasibirinijagu, ĩgure burigã pũricũ pepigu yaha wihigue oyacumi ĩgu, arĩpũ ĩgu Jesure.

⁷ Īgu eroparĩcũ pee:

—Áu, arĩ, ĩgure ĩgu dorecurire taugu wagura, arĩpũ Jesu.

Īgu eroparĩcũ òpa arĩpũ surara opũ:

⁸⁻⁹ —Opũ, òaroca. Aribita. Ñegu àhraa yũhu. Yaha wihire mũre ñajaridorebuno árĩbeaa yũhu. Yuju diaye ta mũ turari mera dorebeoque. Mũ eropa iicũ yũ pohro majagu òagu wagũcumi. Yũre yũ weca árĩrã gajirã oparã dorema. Yũ sã surarapure dorea. Yujugure “Waque,” yũ arĩcũ ĩgu wahami. Gajigure “Arique,” yũ arĩcũ ahrimi. Yũ pohro majagure “Ire iique,” yũ arĩcũ irire iimi. Eropigu mũ ĩgure mũ dorero dopa ta ĩgu dorecũgu tarigũcumi, arĩpũ ĩgu.

¹⁰ Jesu ĩgu eroparĩcũ pee uca wa bajarã masa ĩgu mera nurusiarãre òpa arĩpũ:

—Diaye ta mũare arĩgu iiaa. Ihĩ surara opũ Israe masũ árĩbiriqeregu Goãmũre burigã umupeomi. Īgu pohro majagure yũ òagu wacũ iiburire masituhami. Ne Israe masare ihĩ iro dopa umupeorãre ñanibeaa.

¹¹ Mũare arĩgu iiaa. Bajarã ihĩ iro dopa árĩrã árĩpehrero majarã umaro majagu ĩgu opũ árĩrogue eja, erogue árĩrã mera barãcoma. Mũa ñecu sumarã mũra Abrahã, Isaa, Jacobo mera barãcoma erã.

¹² Masa gajirãpũ “Opũ ĩgu árĩrogue wamorã àhraa gua,” erã arĩquerecũ ta ñerogue naĩfãroge cóãgãgũcumi erãre. Eroge ĩgu cóãñirã burigã ore, bujawereri mera erã gũcũre cũridihurãcoma, arĩ werepũ Jesu.

¹³ Irire eropa arĩtuhaja surara opũre arĩpũ:

—Dujaaque mũ ya wihigue. Mũ pohro majagu tarigũcumi. “Diaye ta tarigũcumi,” arĩ mũ pepidiro dopa ta tarigũcumi, arĩpũ Jesu.

Īgu eroparĩcũ ta ĩgu pohro majagu pũ òha wapũ.

Pedro mañecore dorecugore tauñumi Jesu

Mr 1.29-31; Lc 4.38-39

¹⁴ Puhru Jesu Pedro ya wihigue eja, Pedro mañeco dorecucū ĩapu ĩgu. Nimacuri árĩcū oyapo igo.

¹⁵ Igo eropa dorecucū ĩanijagu igo mojtore mohmepipu. ĩgu eropa mohmepicū ta nimacuri taria wayoro. Taricū pepigo igopu wahgā, erāre barire ejopo.

Jesu bajarā dorecūrāre tauñumi

Mr 1.32-34; Lc 4.40-41

¹⁶ Eropi ñamicague bajarā watēa ñajasūnirāre masa aĩ ejañorā Jesu pohrogue. Erā eropa aĩ ejacū ĩagu mata ĩgu watēare cōacū masa ōha wañorā. Eropigu árĩpehrerāre dorecūrāre erā aĩ ejanirāre taupehocāpu Jesu.

¹⁷ Eropa ta ĩpu ĩgu iribojegue majagu Goāmu yare weremuhtadigu Isaiā ĩgu arĩdiro dopa ta. Ōpa arĩ gojañumi: “Mari dorecūrāre taucāmi ĩgu. Marire pūrĩre cohāmi ĩgu,” arĩ gojañumi Isaiā Jesu ariboro coregue.

Yujurāyeri Jesu mera majarā árĩdiarĩñuma

Lc 9.57-62

¹⁸ Jesu masa bajarā ĩgu pohro árĩcū ĩagu,

—Wuariya gajipu masegue ina taribujarā, arĩpu ĩgu buherāre.

¹⁹ Erā taribujaboro core judio masare buhegu Jesu pohrogue eja, ōpa arĩpu:

—Buhegu, mu mera wadīa noho mu waro, arĩpu.

²⁰ Jesu ōpa arĩ yuhripu:

—Yu mera árĩcū diasā āhraa. Nuḡu majarā diayea erā carĩburi toreri opama. Mirimagu porā sā erā ya suhri opama. Yupure Goāmu ĩgu obeodigupure ne yaha wihi mara. Eropirā yu mera árĩrā ñero tarĩrāca mua, arĩ yuhripu Jesu.

²¹ Eropi gajigu Jesu buhegu ōpa arĩpu:

—Gua opu, yu pagu ĩgu siricū yaatuhajagu mu mera wagura, arĩpu ĩgu Jesure.

²² Jesu yuhripu:

—Yure gamebirā sirinirā iro dopa ta āhrima. Erāpu sirinirāre yaaporo. Eropigu mupu yu mera majagu árĩbu arique dohparagā, arĩpu ĩgu.

Jesu miruñere yusudoreñumi

Mr 4.35-41; Lc 8.22-25

²³ Eropa arĩtuhaja dohodirugue ñajapu. Eropirā ĩgu buherā sā ĩgu mera waha ñajañorā.

²⁴ Ero erā taribujarisubu iriyague miruñe burigā ariyoro. Eropiro pāguri dohodirure miucāriyoro. Eropa miruñe weāquerecū ta Jesupu carĩgu ĩpu.

²⁵ Eropa wacū ĩarā erā ĩgure wahgūñorā. Wahgū ōpa arĩñorā:

—Opu, mirimorā iica mari. Miruñere tauque, arĩñorā.

²⁶ Erā eroparĩcū Jesu yuhripu:

—¿Duhpirā gūmaacāri mua? Yure merogā umupeorā āhraa mua, arĩpu Jesu erāre.

Eropa arĩgu ta wahgānugaja miruñere pāguri säre “Yusūque,” arĩpu. ĩgu eroparĩcū miruñe, pāguri sā yusudijapehrea wayoro.

²⁷ ĩgu eropa icū ĩha uca, ōpa arĩ wereniguiñorā erā basi.

—¿Ñehmuno masu āhriri ihĩ? I miruñe, pāguri sā yuhrisūgu āhrimi, arĩñorā erā.

Watēa ñajasūnirāre tauñumi Jesu

Mr 5.1-20; Lc 8.26-39

²⁸ Erāre eropa wara puhru taribujaja, Gerasa majarā ya yebague ejapu. Erogue erā ejacū perā ūma Jesure bocatĩñorā. Masa goberi watopegue árĩñirā árĩñorā. Erā watēa ñajasūnirā árĩrā gorowererā guhyarā árĩñorā. Eropirā erogue masa ne wabirĩñorā.

²⁹ ĩgure bocatĩri ōpa arĩ gaguiniguñorā:

—¿Muñu Goāmu magu duhpibu ahriri muñu gua pohroguere? ¿Guare Goāmu dorero ejabiriquerecū ta dipuwaja moagu ahriri muñu? arĩ gaguiniguñorā erā watēa mera.

³⁰ Ero pohro bajarā yesea ahma barā ĩñorā.

³¹ Erāre ĩanijarā, watēapu ōpa arĩ burigā serēñorā Jesure:

—Guare oā ūmare cōagu soā yesea pohrogue wadoreque guare. Erā mera guare árĩdoreque, arĩ serēñorā erā Jesure.

³² —Áu, waque, arĩpu Jesu.

ĩgu eroparĩcū watēa perā masa mera árĩñirā waha, yesea pohrogue ejañorā. Erāre ñajacū ta yesea gorowererā, dipaturague oma buha, wuarĩyague yuriñaja yuhria, miri siripehrea wañorā.

³³ Erã eropa wacũ ãarã yeseare ãhadiburãpu gãi, omagã wañorã. Macague eja yesea erã mirirare weresiripehocãñorã erã. Watẽa erã ñajasũnirãre Jesu ãgu cóara sãre werepehocãñorã erã.

³⁴ Erã eropa weresirira pũhrũ iri maca majarã áripehrerã Jesure ãarã ejañorã. Eropirã ãgure ãara pũhrũ turaro mera wiriadoreñorã ãgure erã ya yebare.

9

Dũpũ buhadigũre ðagũ wacũ iĩñumi Jesu

Mr 2.1-12; Lc 5.17-26

¹ Erã eropa wadorera pũhrũ Jesu dohodirugue ñaja, wũariyague taribujaa, ãgu ya macague ejapu.

² Eroque gajirã dũpũ buhadigũre pũgu mera coã ai wahgã erañorã Jesu pohro. “Jesu ãre ãgu dorecurire taricũ iigũcumĩ,” arĩ pepiñorã erã. Erã eropa arĩ pepicũ masigu Jesu dorecũgure ðpa arĩpu:

—Mucubirique muhu. Mu ñero iirare coãtuhabu yũhu, arĩpu ãgu.

³ ãgu eroparicũ peerã yujurãyeri masare buherã ðpa arĩ pepiriñorã erã basi: “Ihĩ eropa arĩ ãgu wereniguirĩ mera Goãmure ñero arĩgu iimi,” arĩ pepiñorã erã buherã.

⁴ Erã eropa arĩ pepicũ masigu, ðpa arĩpu Jesupũ:

—¿Duhpirã eropa arĩ ñero pepiri mua?

⁵ “Mu ñero iirare cóãbu,” yũ aricũ “Gũyagu áhrimi,” arãa mua masibiriquerã ta. ãgure “Wahgãnũgajaque. Curique,” yũ aricũ yũ arĩra diaye áriĩ aricũ mata mua ãha masirãca.

⁶ Yũhu masũ Goãmũ ãgu obeodigu i yeba majarã erã ñero iirire cóãmasia yũhu. Mua ire masiborore ðpa ta ãgu wahgãnũgacũ iigura, arĩpu Jesu.

Eropa arĩtuhaja dũpũ buhadigũre ðpa arĩpu:

—Wahgãnũgajaque. Mu pũgure ai, mu ya wihigue dujaaque, arĩpu ãgure.

⁷ ãgu eroparicũ ta peegu dũpũ buhadigu wahgãnũgaja, ãgu ya wihigue dujaa wapũ.

⁸ Masa ãgu eropa wacũ ãarã gũiñorã. Eropirã Jesure Goãmũ ãgu turarire opacũ ãarã Goãmure umupeo, ðaro wereniguiñorã.

Jesu Mateore sihuñumi

Mr 2.13-17; Lc 5.27-32

⁹ Erã eropa iira pũhrũ Jesu erogue áriidigu wiria, yũre Mateore bocatĩrimi. Oparã ya áriburire masare wajasea coregu áriribu. Eropigu irisubure yũ mohmeri taribugue doabu. Ero yũ doacũ ãagu, ðpa arĩmi yũre:

—Yũ mera majagu áribu arique, arĩmi yũre Jesu.

ãgu eroparicũ pee, wahgãnũgaja ãgu mera wabu.

¹⁰ Pũhrũ yaha wihigue Jesu sã barã erama. Bajarã wajasea corerã “ñero iirã” erã arĩrã gua mera ta bama.

¹¹ Erã mera gua bacũ ãarã, fariseo masa Jesu buherãre ðpa arĩma:

—¿Duhpigũ muare buhegu wajasea corerã ñero iirã mera bahari? arĩma erã gũare ãgu buherãre.

¹²⁻¹³ Erã eroparicũ peegu Jesupũ ðpa queori mera yũhrimi:

—Dorecũbirã duhturure amabeama. Dorecurã dihta duhturure ahmama. Dorecurã duhturu amaro dopa ta “Nerã áhraa,” arĩrã yũre amarãcoma. Eropigu “Nerã áhraa,” arĩrã dihtare erã ñero iirare bujaweredore ðaripure gohrotocũ iigu aribu yũhu. Erã basi “Óarã áhraa gua,” arĩ pepirãre itamugu aribiribu. Goãmũ ãgu arĩrãre erã arĩ gojarare masique mua. “Waimurãre wejẽ soemujurã yũre eropa umupeocũ ne gamebeaa. Gajirãre mua mojomoro ãacũpũre gahmea,” arĩmi Goãmũ, arĩ gojañumi. I eropa arĩrĩre masique mua. Irire ðaro buhenemorã waque, arĩmi Jesu fariseo masare.

Ba duhurire serẽpiñuma Ñũ buherã Jesure

Mr 2.18-22; Lc 5.33-39

¹⁴ Pũhrũ Ñũ waĩyegu ãgu buherã gua pohro eja Jesure serẽpima:

—Gua Ñũ buherãpũ bajasuburi Goãmũ ya áriburire iirã ba duhua. Fariseo masa sã eropa ta ba duhuma. ¿Duhpirã mu buherãpũ ba duhubeari? arĩma erã Jesure.

¹⁵ Jesu erãre ðpa arĩ yũhrimi:

—Ópa áhraa iri: Mojoto diridigu ãgu bosenu iicũ ãgu mera majarã bujawererã ba duhurã áribeama. ãgu mera arĩrã mucubiri barã iima. Eropa ta yũ buherã sã yũ mera áriřã ba duhumasibeama. Yujunũ yũre Goãmũ aĩcãgũcumĩ. Eropa ãgu yũre aĩra pũhrũ

ya buherā mera árísome yuhū. Irisubugue ta ya buherā ba duhurācoma, arī yuhrimi Jesu.

¹⁶ Erā iribojegue maja buheri mama buheri mera erā peñe buhemorediacū ĩagu ōpa arī werenemomi Jesu erāre:

—Ne mama gasiro suhri gasiro mera murañe suhrirore seretu masiya mara. Eropa seretura puhru mama gasiro mari coecū mura suhriro árro yehguea wa daja, tara gameneo, wuatariaro yehgueacū ĩaa. Eropa ta mura buheri mama buheri mera wapi moa buhebiricāro gahmea.

¹⁷ Eropirā ne igui deco imisīri decore waibugu gasiro ajuro mura ajuro mera diyebiricāro gahmea. Eropiicū igui deco imisīri pahmura puhru mura ajurore yeguedija wahaa. Iri ajuro yehguecū igui deco sã, ajuro sã cohmoa wahaa. Eropirā igui deco waibugu gasiro mama ajuro mera diyero gahmea. Eropiicū igui deco pahmuro ōaro iri ajuro sēraa. Eropa ta mama buheri mura buheri mera buhebiricāro gahmea, arī weremi Jesu erāre.

Jairo magore ōago ii, behreri opaniguigo säre ōago wacū iñumi Jesu

Mr 5.21-43; Lc 8.40-56

¹⁸ ĩgu eropa arī wererisubu gua judio masa buheri wihi opa Jesu pohrogue erami. Eraa, mereja, ōpa arīmi:

—Yū mago negāgue sīria wahāmo. Igore mu mojtore duhpeogu arique. Mu eropa iicū masagocumo, arīmi ĩgu Jesure.

¹⁹ ĩgu eroparicū peegu Jesu wahgānugaja, ĩgu mera wami. Gua ĩgu buherā sã ĩgu mera waba.

²⁰ Gua erogue waniguicū ero nomeo Jesu purupū eja, ĩgu suhriro ojogorore mohmepiñamo. Doce bojori gohra umari nucu behreniguigo árīpo.

²¹ Ōpa arī pepipo igo eropa iigo: “ĩgu suhriro dihtare mohmepiñago ōago dujagoca yuhū,” arī pepipo igo. Eropigo igo mohmepicū mata igo di wirira purumujuyoro.

²² Igo eropa iicū masigu Jesu majinugaja, igore arīmi:

—Mucubirique mahu. Mahu yure umupeori mera ōago dujaa, arīmi ĩgu.

ĩgu eroparicū ta ōha wamo igo.

²³ Eropa iituhaja Jesu gua mera opa ya wihigue ejami sīridigo pohro. Nājajagu bajarā masa i wihigue árīrā turaro busucū ĩami. Gajirā ñehamere orerāre gaguiniguirāre ĩami. Gajirā igogāre yaaboro core tarisu iro dopa árīrire purirāre ĩami.

²⁴ Erā eropa iicū ĩagu masare ōpa arīmi:

—Wiriaque mua. Sīribeamo igo. Carīgo iimo, arīmi erāre.

ĩgu eroparicū peerā, “Eroparicāgu ĩmi ihī,” arīrā masa ĩayema ĩgure.

²⁵ ĩguru erāre disporogue wīupehocāmi. Tuhajanugu sīridigo pohrogue eja, igo mojtore ñeapu. ĩgu eropa ñeañacū ta masa bejaja, wahgānugajapo igo.

²⁶ ĩgu eropa iirare peerā, ero majarā masa árīpehrerā masa werewuañorā.

Perā cuiiri ĩhajabirāre ĩacū iñumi Jesu

²⁷ Ero árīnirā gua Jesu mera wacū, perā cuiiri ĩhajabirā ĩgure piyu nurusiamā:

—Opu Davi pārami masare taugu, guare mojomoro ĩaque mahu, arī gaguiniguima erā.

²⁸ Erā eroparicū Jesu gaji wihigue ñajami. ĩgu eropa ñajacū masirā cuiiri ĩhajabirā ĩgu pohrogue ñaja wama. Erā eropa ñajacū ĩagu ĩguru erāre serēpimi:

—¿Marire ĩacū iigucumi ĩgu, arī pepiri mua yure? arīmi ĩgu.

—Opu, eropa ta arī pepia gua, arī yuhrima erā.

²⁹ Erā eropa yuhricū ta erā cuirire ñapeomi. Napeogu, ōpa arīmi:

—Yure “Eropa iigucumi,” mua arī pepidiro dopa ta eropa ta iigura, arīmi Jesu.

³⁰ ĩgu eroparicū ta erā cuiiri ōha waba. Eropi Jesu ōpa arīmi erāre:

—I ya ōpa iirare gajirāre ne werebiricāque, arīrimi Jesu.

³¹ ĩgu eropa arīquerecū ta waha, i yeba majarāre weresirīnirā árīma ĩgu eropa iirare erā.

Wereniguimasibigure wereniguicū iñumi Jesu

³² Iri wihire erā cuiiri ōha wanirā wiriarisubu gohra yujugu wereniguimasibigure aīgārīma Jesu pohro masa. Watū ĩgure ñajasūdigū ĩgure wereniguimasibiricū iidī árīmi.

³³ Erā aī ejacū ĩagu watīre Jesu cóami. ĩgu eropa watīre cóacū wereniguimasibiridiguru wereniguia wami. ĩgu eropa iicū ĩarā árīpehrerā ĩhamaria wama.

—Ne i yeba Israe yebaguere ōpa iirāre ĩabirimurabu mari, arī wereniguima masa erā basi.

³⁴ Fariseo masa gajiropa arī wereniguima:

—Watēa opa īgu turari mera watēare cohāmi ihī, arī wereniguima erā.

Masare mojomoro īaīnumi Jesu

³⁵ Eropi ārīpehreri macari ero ārīri macarire, paga macari sāre buhe curigu wami Jesu gua mera. Ōari buherire erā buheri wirigue buhegu wami īgu. Eropigu Goāmū īgu opa ārīborore weremi. Árīpehreri dorecūri sāre ero majarāre taumi īgu.

³⁶ Erā masa bajarā űero tarirā, itamuri moorā, oveja dibuya marirā iro dopa erā ārīcū īapu Jesu erāre. Eropa īagu Jesu erāre mojomoro īami.

³⁷ Eropigu ōpa arīmi īgu guare īgu buherāre:

—Ojoduca baja iri buगतuhajacū baja ārīcū mohmeri wuaro āhrra. Mohmeri masapu bajamerāgā āhrima. Eropa ta ōari buherire peemorā bajarā ārīcū wuaro āhrra mari mohmeri. Iri Eropa ārīquerecū ta mari masare buhemorā bajamerāgā āhrra.

³⁸ Eropirā ōari buherire buhemorāre gajirāre īgu obeomorāre serēque Goāmure mua, arīmi Jesu guare.

10

Jesu doce gohra beyeīnumi īgu buhedoregu obeomorāre

Mr 3.13-19; Lc 6.12-16

¹ Pūhru doce guare īgu buherāre Jesu sihubeo, turarire omi guare. Watēare gua cōāmasiburire, ārīpehreri dorere gua taumasiburire omi guare.

² Ōpa waīcurā ārību gua Jesu īgu apinirā: Simo arīmi. Īgure ta Pedro arī piyumi Jesu. Simo pagu magu Andre arīmi. Santiago īgu pagu magu űu mera arīmi. Erā pagu Zebedeo waīcūmi.

³ Felipe, Bartolomé, Toma, yuhu Mateo ārību gua. Yūpu oparā ya ārīburire masare wajaseabasa coredigu ārīribu. Gua mera gajigu Santiago arīmi. Īgu Alfeo magu arīmi. Eropigu Lebéo sā arīmi. Īgupu Tadeo erā arī piyudigu arīmi īgu.

⁴ Simo celote ya curu majagu, Juda Iscariote sā arīma. Judapu Jesure īhaturirāre īhmubu arīmi.

Jesu īgu buherāre buhedoregu obeōnumi

Mr 6.7-13; Lc 9.1-6

⁵ Eropi guare īgu buherāre docere obeogu, “Ōpa iique,” arī wereseremi guare:

—Judio masa ārībirā pohroguere wabiricāque. Ne Samaria yeba maja macarigue sāre wabiricāque.

⁶ Israe yeba majarā pohroguere waque. Goāmure masibirā āhrima erā.

⁷ “Ūmaro majagu opa ārīboro merogā duhyaa,” arī buheque erāre.

⁸ Eropirā cami boarāre, gaji baja gajiropa ārīri dore oparā sāre ōarā wacū iique. Sirinirāre masuque. Watēa űajasūnirāre cohā wiuque erā watēare. Muare iri turarire ogu iiaa. Eropirā mua sā yu Eropa odiro dopa ta masare wajasearo mariro ōarā wacū Eropa iicāque.

⁹ “Mua warā ne niyerure aībircāque.

¹⁰ Ne mua ajure, ne peñe camisare, ne peba zapatari sāre aīgābircāque. Mua buherogueri ero majarāpu muare barire oporo.

¹¹ “Iri macariguere ejarā, mua carīborore masa ōaro umupeogu pohrogu amaque. Eropirā īgu ya wihi ta dujanique. Ne warāque wiriaque iri wihire.

¹² Eropirā wihigie űajarā “Āhriri,” arīque iri wihi majarāre.

¹³ Muare erā gamecū, “Goāmū mera ōaro arīque mua,” arīque erāre. Muare erā gamebircū, “Goāmū mera ōaro arīque,” mua arībircāque erāre.

¹⁴ Eropirā muare erā gamebircū, Erā mua buherire peediabircū iarā iri wihire wiria waque. Eropa wiriarā, guburi maja nicure moje siripique erā iarō, erā ya dipuwajare īhūmorā. Iri maca majarā muare gamebircū Eropa ta iique erā sāre.

¹⁵ Diaye ta muare arīgu tiiaa. I űmū pehrecūguere Sodoma majarā Gomorra majarā mura burīgā dipuwajacurācoma. Erā Eropa dipuwajacuro tauro muare gamebirāpu dipuwajacurācoma. arī weremi Jesu guare.

Jesu yarāre gajirā erā űero iīborore wereīnumi Jesu

Eropa arītuha ōpa arīnemomi guare īgu buherāre:

¹⁶ —Yure peeque mua. Oveja iro dopa ārīrāre muare yeea guarā iro dopa ta űerā ārīrā watopegue obeogu iiaa. Eropirā muapu ōaro pee masirā arīque. Eropirā gariboro mariro ōaro arīque erā mera.

17 Ōaro iique mua. Masa muare erā oparāre orācoma muare dipuwaja moadorerā. Erā buheri wirigue säre parācoma muare.

18 Eropirā mua yaharā mua āriri dipuwaja macari majarā oparā pohrogue erā tauro oparā pohrogue säre aigārācoma muare dipuwaja moadoremorā. Eropirā muare erogue erā aigācū judio masa ārībirā oparā säre ōari buherire wererāca mua.

19-20 Muare oparā pohrogue erā aigācū erāre mua wereniguiburire wāro pepibiricāque. Muare erā serēpicū ta mua erāre yuhriburire masirāca Goāmū mera. Eropā masirā mua irire mua gamero wereniguisme. Goāmūpū mari Pagū Īgū Espiritu Santo mera muare wereniguicū iigucumi.

21 “Irisubure erā tīrā erā pagū porā Jesu yarā ārīcū ĩha wejēdore wiarācoma oparāre. Erā pagū sumarā erā porā Jesu yarā erā ārīcū ĩha wejēdore wiarācoma oparāre. Erā porāpū erā pagū sumarā erā Jesu yarā erā ārīcū ĩha wejēdore wiarācoma oparāre.

22 Eropirā masa ārīpehrerā yūre mua umupeora dipuwaja ĩhaturirācoma muare. Erā muare erā űero iiquerecū ta muare erā űero irare yujuro bojerā yūre duhubiricū Goāmū muare taugucumi. Eropigu Īgū pohrogue muare opagucumi.

23 Yuju maca muare erā űero icū gaji macague duhri wahgāque. Diaye ta muare arīgū tīaa. Israe yeba āriri macarire mua buhepehoboro core, yūhū masū Goāmū Īgū obeodigu i yebague dujarigūra.

24 “Buherā erāre buhegure masi taribeama. Eropigu pohro majagū sā Īgū opū weca ārībeami.

25 Yujugū buhegure ĩgure weredigu iro dopa dujaro gahmemi Īgū. Pohro majagū säre Īgū opū iro dopa ta dujami. Mūapū yū buherā āhraa. Eropirā yūre iidiro dopa ta mua säre ĩirācoma. Eropirā yūre “Watī Beelzebū āhrimi,” arī weresārā, mua säre yaharāre űero arī wereniguirācoma erā, arī weremi Jesu guare.

¿Nihinore güicū ōhari? arī wereñumi Jesu

Lc 12.2-7

26 Eropā arīra pūhū Jesu ōpa arīnemomi guare:

—Eropirā muare erā űero iidiarāre güibiricāque. Masa erā yayasārare pūhū gajirā masirācoma. Erā dibura säre gajirā masirācoma.

27 Eropirā muare yayarogā yū wererare bajarā masa watope wereturiaque mūapū.

28 Muare wejērā mua dūpū dihtare wejēmasima. Mua siporāpū sīrībeaa. Eropirā muare wejēdiarāre güibiricāque. Goāmūpūre güique. Īgū mua dūpū mua siporāri säre peamegue dedeomasimi muare. Eropirā ĩgūpūre güique.

29 “Perā mirua wajamarima. Erā eropa wajamariquerēcū ta Goāmū ōaro mahi ĩhadibumi erāgāre. Goāmū dorebiricū ne sīrībeami yujugūgā.

30 Eropigu mua poarire ne yuju poadagā duhyaro mariro masipehomi Goāmū. Eropā ta mua ārīricārī säre masipehomi Goāmū. Eropā masigū muare ĩhadibuniguicāmi.

31 Miruare ĩgū ĩhadiburo tauro mūapūre ĩhadibumi Goāmū. Eropirā wūaro bujawere guñaricūbiricāque mua, arī weremi Jesu.

Jesure mua umupeorire wereque masare, arī wereñumi

Lc 12.8-9

32 Eropigu gūa säre werenemomi:

—Yujugū “Jesucristo yagū āhraa,” masare Īgū arī werecū yū sā ĩgure “Yahagū āhrimi,” arī weregūra yū Pagū ūmaro majagūguere.

33 Yujugū masare güigu “Jesucristo yagū ārībeaa,” masare ĩgū arī werecū yū sā “Yahagū ārībeami ĩgū,” arī weregūra yū Pagūguere ūmaro majagūguere, arī weremi Jesu.

Jesu yū buhecū masa erā basi game dūca warirācoma, arī wereñumi

Lc 12.51-53; 14.26-27

34 Eropā arītuhaja ōpa werenemomi masare:

—¿Dohpa arī pepiri mua yūre? ¿Yūhū masare yū buhegu arīcū yū buheri mera masa ĩhaturisome, arī pepiri mua? Eropā ārībeaa. Masa yū buherire peerā pe curu erā basi dūca warirācoma. Yujurāyeri yū buherire peerācoma. Gajirāpū irire gamebirā erāre ĩhaturirācoma. Eropirā yujuro mera ārīsome masa.

35 Mūrā yū buherire erā peera dipuwaja erā porā erāre ĩhaturirācoma. Mūrā nome erā yū buherire peera dipuwaja erā porā nome erāre ĩhaturirācoma. Erā muñecosā nome yū buherire erā peera dipuwaja erā beposā nome erāre ĩhaturirācoma.

36 Eropirā masa erā acawererāre yū buherire peecū ĩarā erāre ĩhaturirā ārīrācoma.

37 “Yūre erā mahibodiro tauro erā pagū sumarāpūre mahitarinūgarā yaharā ārīsome erā. Yūre erā mahiborono tauro erā porāpūre mahitarinūgarā yaharā ārīsome erā.

³⁸ Eropirā crusague yu sīridiro dopa ta yaharā erā árīra waja ñero tarirācoma erā sã. Eropa ñero taridiabirā yaharā árísome.

³⁹ Masa yare guñaro mariro erā gamero iirã peamegue warācoma erã. Yaha árīburipure erã guñarã árīphehrerini Goãmũ mera ñero árīniguicārācoma, arī weremi Jesu.

Mari wajataburire wereñumi Jesu

Mr 9.41

⁴⁰ Eropa arītuhaja ñpa werenemomi gua sãre:

—Muare yaharãre yujugu ñero mera bocatīrigũ, yu sãre bocatīrigũ iimi ĩgu. Eropigu yare ñero bocatīrigũ yare obeodigu sãre bocatīrigũ iimi.

⁴¹ Eropigu Goãmũ yare weredigu wajatagucumi. ĩgare ñero iigucumi Goãmũ. Eropigu ĩgu yahare ĩgu weregũ árīcũ ĩtagũ yujugu ĩgare ñero bocatīrigũ weredigu iro dopa ta wajatagucumi ĩgu sã. Eropi gajigu ñero iidigu wajatagucumi. Eropigu ĩgu ñero iigu ĩgu árīcũ tagũ yujugu ĩgare ñero bocatīrigũ ñero iidigu dopa wajatagucumi ĩgu sã.

⁴² “Jesu yagugã ta áhrimi,” mua arī ĩarã ĩgugãre itamudiarã deco yusari mera dihta tãquerecũ, diaye ta mua sãre ñero iigucumi Goãmũ, arī weremi Jesu.

11

Ñu waĩyegu ĩgu buherãre Jesure serēpidoregũ obeoñumi

Lc 7.18-35

¹ Guare ĩgu buherãre ĩgu eropa arī werera pũhru ero pohro árīri macarigue buhegu waha wami ĩgu.

² Eropigu Ñu peresugue árīgu Jesu ĩgu iiricurire peebeopũ. Eropa peeçu Ñu ĩgu buherãre Jesure serēpidoregũ obeopũ.

³ Eropirã gua pohrogue eja, Jesure serēpima erã Ñu buherã.

—Ñu ñpa arī serēpidoreami mure: “‘¿Yu pũhru gajigu ĩgu arigucumi,’ yu eropa arīdigu ta áhriiri muhu? ¿O gajigure corerãcuri gua?” arī serēpi doreami Ñu, arĩma erã Jesure.

⁴ Erã eroparīcũ peeçu Jesu yáhrimi:

—Dohpaguere mua peerare, mua ĩarare Ñure wererã waque.

⁵ Ñpa arīque: “Jesu mera cuiiri ihajabirã ihama. Curimasibirã cuhrima. Cami boanirã ñarã wahama. Peejabiriniirã peea wahama. Sīrinirã masa wahama,” arī wereque. Eropirã mojomorocurãre ñari buherire yu wererare wereque ĩgare. Eropa arī weretuhaja ñpa arī wereque Ñure.

⁶ “Yure peeçu ‘Diaye ta áhrra,’ arīgu ĩgu mucubirigu áhrimi,” arĩmi Jesu, arī, Ñure wererã waque, arĩmi Jesu.

⁷ Ñu buherã erã wara pũhru, Jesu Ñu árīricurire werenugami masa bajarãre.

—Masa marirogue Ñu pohrogue warã ero majare taare miru weacũ ĩarã ejabiribu mua.

⁸ Ñari suhricugũ sãre ĩabiribu mua. Ñari suhricurã oparã ya wirigue áhrima.

⁹ Masa marirogue ejarã Goãmũ yare weremuhtadigupure ĩarã ejabu mua. Diaye ta Ñu Goãmũ yare weremuhtagu áhrimi. Gajirã Goãmũ yare weremuhtanirã tauro árīgu áhrimi Ñupũ.

¹⁰ Iribojegue Goãmũ yare erã gojarapũ ñpa arī wereyuyoro Ñure.

Mari Pagũ ĩgu magure ñpa arīpũ. “Mũ core mure wereyubere obeogu iiaa,” arĩmi Goãmũ, arī gojañuma Ñure.

¹¹ Muare diaye ta arīgu iiaa. Masa árīphehrerã tauro áhrimi Ñu waĩyegu. Irisubure ĩgu eropa árīquerecũ ta umaroguerẽ Goãmũ ĩgu opu árīroguere árīphehrerã docanugagupũ Ñu tauro árīgucumi.

¹²⁻¹³ “Ñu waĩyegu ĩgu eraboro core Moiserẽ ĩgu apira doreri mera Goãmũ marire doremi. Goãmũ ya weremuhtanirã mura erã gojara sã eropa ta árīribũ marire dorera. Dohpaguere Ñu ñari buherire, Goãmũ opu ĩgu árīrire buhemi. ĩgu eropa buhecũ pee masa erã ejatuharo erã turari mera Goãmũ erã opu árīcũ burigã gahmema.

¹⁴ “Elia arigucumi,” iribojegue erã arīdigu ta Ñupũ áhrimi. “Iribojegue majarã erã arīrãre diaye ta áhrra,” arīdiarã Ñu ĩgu erã eropa arīdigu árīcũ masirãca mua.

¹⁵ Ñero peeque mua ire, arĩmi Jesu.

¹⁶ Eropigu ñpa arīnemomi masare:

—¿Mua dohpague majarā masa ñehmarano iro dopa āhriri mua pepicū? Mua majirā iiro dopa ōpa āhraa. Doberi duarogue bira doarā, ōpa arī dɔyasoma erāgā erā basi:

¹⁷ “Mua bayaburire tarisu purirabu gua. ¿Duhpirā mua mucubiri bayarā aribirari? Eropirā gua burigā ñehamere orerabu. ¿Muaru duhpirā gua mera orebirari?” arīma dɔyasorā. Erā majirā arī dɔyasorā iro dopa ta iirā ōpa iiaa mua dohpague majarā.

¹⁸ Ñu waiyegu Goāmu ya árĩburire ba duhugu vinore ihribirimi. Īgu eropa ihribiricū ĩarā “Pee masibigu āhrimi,” arĩribu mua ĩgure.

¹⁹ Yuru masu Goāmu ĩgu obeodigu árĩgu yuhu baha, ihria. Yu eropa iicū ĩarā ōpa arāa mua yurure. “Īaque. Īhĩ wuaro bagu, merericugu sã āhrimi. Wajasea corerā ñero iirā erā wapicugu āhrimi ĩgu,” arāa mua yure. Mua gamero dopa gua iibiricū ero wabeaa muare. Mua masibiriquererā ta gua ĩirare ĩarā, Goāmu masirire gua opacū masirāca mua, arīmi Jesu erāre.

*Iri macari majarāre turĩnumi Jesu erā ñerire bujawerebiricū ĩagu
Lc 10.13-15*

²⁰ Puhru ero maja macari majarāre turipu Jesu. Iri macarire gaji macari sãre Goāmu turari mera tauro deyro moarire ii ĩhmudi árĩrimi ĩgu. Īgu eropa ii ĩhmuquerecū ta erā ñero ĩirire duhubiriniarā arīma erā. Eropigu erāre ōpa arĩpu ĩgu.

²¹ —Corazín maca majarā mua ñero tarirāca. Betsaida majarā mua sã ñero tarirāca. Mua ya macaguere yuhu Goāmu turari mera deyro moarire iirabu. Mua peebirabu. Iribojegue Tiro waĩcari macare, Sidón waĩcari maca sãre yu deyro moarire yu iicū ĩarā ero majarāpu erā ñerire bujawereboañuma. Eropa iirā ōaripure gohrotoboañuma. Bujawererā bujawereri suhrire saña, erā basi peame witū mera mohsiripeoboañuma erā ñero ĩirare bujawere ĩhmumora. Muaru eropa iibeaa.

²² Eropigu muare arĩgu tiiaa. Dipuwaja moarinu árĩcū, Goāmu Tiro majarā mura, Sidón majarā mura tauro ñerā mua árĩri waja muare ñero gohra dipuwaja moagucumi ĩgu.

²³ Mua Capernaum majarā, mua ejatuharo Goāmu pohrogue wadiarabu. Mua Goāmu yare ĩidiabiricū muare Goāmu peamegue cóāgucumi. Mua ya macague Goāmu turari mera deyro moarire ii ĩhurabu. Mua yure peebirabu. Iribojegue Sodoma waĩcari macare deyro moarire yu eropa iicū iri macaru dohpaguere árĩboca.

²⁴ Eropigu muare arĩgu tiiaa. Dipuwaja moarinu árĩcū Goāmu Sodoma maca majarā mura tauro, muarure mua ñeri dipuwaja dipuwaja moagucumi, arĩpu Jesu iri macari majarāre.

*Yu pohrogue soorā ariq̄ue, arĩnumi Jesu
Lc 10.21-22*

²⁵ Irisubu ĩgu Pagu mera wereniguigu ōpa arīmi Jesu.

—Ahũ, mũhu umaro majarā tauro opu, i yeba majarā tauro opu āhraa. I mu buherire “Masituhaja gua,” arĩrāre masicū iibeaa. Mu yare masipehobirāpurre masicū iĩabu mũhu. Mũhu eropa iicū “Ōhaa,” arāa yuhu mure.

²⁶ Eropa ta āhraa, Ahũ. Erā masibirāpurre erā masicū gahmeabu mũhu, arīmi Jesu ĩgu Pagure.

²⁷ Eropigu masare gua sãre ōpa arī werenemomi:

—Yu Pagu árĩpehreri yu ĩilborore apimi yure. Īgu dihta yure ōaro masimi. Yu sã ĩgure masia. Yu beyenirā sã ĩgure masima yu ĩgure masidorerā árĩrā. Erā nucu ta yu Pagure masia gua.

²⁸ Goāmu mera ōaro árĩdiarā baja dorerire iiraa mua. Iri doreri nucurire omaro iro dopa ta āhraa. Eropirā gariborea wahaa mua iri dorerire iirā. Eropa gariborerā yure serēque. Muare soocū ĩigara.

²⁹ Yuhu pũriro mera doregu árĩbeaa. Nijiyajaro doregu āhraa. Eropirā yu doreripure ĩique. Eropa iirā dipuwaja marirā ōaro árĩrāca mua.

³⁰ Eropiro yu itamuri mera yahare iicū diasabeaa. Eropirā yu dorerire iirā nucurire pepiro mariro ōaro árĩrāca, arīmi Jesu.

12

*Judio masa erā soorinu árĩcū trigo pororire turĩnuma Jesu buherā
Mr 2.23-28; Lc 6.1-5*

¹ Merogā ĩgu eropa arī buhera puhru Sabado árĩcū gua Jesu mera trigo otera pohegue ĩha tariabu. Erogue tariarā gua ĩgu buherā oaboarā, trigo pororire turĩ aĩ babu gua.

² Gua eropa iicū ĩarā, fariseo masa Jesure ōpa arīma:

—Peenique guare. ¿Duhpirā erā mari soorinū árīquerecū ta mohmeri? Mari dorerire tarinugarā iima erā, arīma erā.

³⁻⁴ Erā eroparicū peegu Jesu “Yū buherā tarinugarā iibeama,” arīgu ōpa arīmi erāre: —Iribojegue Davi ĩgu mera majarā mera oaboagu Goāmū ya wihigue ñaja, iri wihi árīri panre bañumi ĩgu mera majarā mera. Iri pan pahia dihtare badorera árīyoro. Goāmū doreri gajirāre iri panre badorebiriyoro. ¿Davi irire ĩgu irare Goāmū yare erā gojarapūgue buhebirari mua? Davi iri panre bagu Goāmūre tarinugarā iibeama. Dohpagāre yū buherā sā trigo yerire turī barā Goāmūre tarinugarā iibeama.

⁵ Eropi Goāmū ya wihi mohmerā pahia ne soobeama mari soorinūre. Eropa soobiriquerā Goāmū dorerire tarinugarā árībeama. ¿Irire buhebirari mua Goāmū Moiserē ĩgu apirapūre?

⁶ Mūare arīgu tiāa: Goāmū wihire umupeorā iri wihi mohmerā erā soobiricū ĩarā “Ōhaa,” arāa mua. Erā tauro yūpūre umupeoro gahmea.

⁷ Goāmū yare erā gojarapū ōpa āhraa: “Waimurāre wejē soerā yare mua eropa umupeocū gamebeaa. Gajirāpūre mua mojomoro ĩacū gahmea yuhū,” arīmi Goāmū, arāa ĩgu yare gojarapūre. ĩgu eropa arīrare mua ōaro masirā, yū buherāre erā dipuwaja mariquerecū ta erāre weresāmasibiriboya mua.

⁸ Yuhū masu Goāmū ĩgu obeodigu inonū soorinū sāre masa erā iiburire doremasia, arīmi Jesu fariseo masare.

Mojoto buhadigu ōaro wañumi

Mr 3.1-6; Lc 6.6-11

⁹ ĩgu eropa arīra pūhrū waha gua judio masa buheri wihigue ejabu gua Jesu mera.

¹⁰ Ero mojoto buhagu arīmi. Eropirā fariseo masapu Jesure weresāmorā, ĩgure serēpima:

—Sabadonū mari soorinūre masare ōarā wacū iidorebeami Goāmū. ¿Eropa ta āhriri mū pepicū? arī serēpima erā.

¹¹ Jesu yuhrimi erāre:

—Mūa yagu oveja mari soorinū árīquerecū gobegue ĩgu yuhrīñajadigūre ĩgure aĩ wiurāca mūa.

¹² Oveja tauro āhrimi masupū Goāmū ĩacū. Eropiro mari soorinū árīcū masure taucū ōapūrica, arī yuhrimi Jesu erāre.

¹³ ĩgu eropa arīra pūhrū mojoto buhagure ōpa arīmi:

—Mū mojtore sīsirābeoque, arīmi ĩgu.

ĩgu eroparicū mojoto buhagupū sīsirābeomi. ĩgu eropa sīsirābeora pūhrū ta ōari mojoto dujabū.

¹⁴ Erā soorinū ĩgu eropiicū ĩarā fariseo masa waha, erā basi ōpa arīñorā:

—¿Dohpa ii mari Jesure wejērācuri? arīñorā erā erā basi.

Isaia Goāmū yare weremuhtadigu iribojegue majagu Jesure wereyuñumi

¹⁵ Jesu erā eropa arīrire masigu waha wami. ĩgu eropa wacū bajarā masa ĩgure nurasiamā. Eropigu ĩgupū árīpehrerā erā mera majarā dorecurāre ōarā wacū iimi.

¹⁶ Eropigu dorecurāre erāre ĩgu taurare gajirāre weredorebirimi ĩgu.

¹⁷ Eropa dorecurāre ōarā wacū ĩgu Goāmū yare weremuhtadigu Isaia iribojegue ĩgu arī gojadiro dopa ta iigu iimi Jesu. Ōpa arī gojañumi Isaia mūrū:

¹⁸ Ōpa arīmi Goāmū: “Ihī yū pohro majagu āhrimi. ĩgu yū beyedigu āhrimi. ĩgure mahia. Eropigu ĩgu mera mucubiria. Yū Espiriture ĩgure ogūra. Eropigu yū turari mera árīpehrerā masare diaye ĩirire weregucumi ĩgu.

¹⁹ Eropigu ĩgu ne game dūyasosome. Eropigu gaguiniguisme. Eropigu masa bajarā watope ĩgu burigā gaguinigu weresome.

²⁰ Guaro mariro masare mojomorocurāre itamugucumi ĩgu. Daberogā ūjuri peamere yaubiro dopa ta masare turabirāre ōaro iigucumi ĩgu. Sīporā marirāre ōaro sīporācucū iigucumi. Eropa ta iiniguigucumi ĩgu watire ĩgu tarinugaboro core.

²¹ Eropirā masa bajarā ĩgure umupeorācoma,” arīmi Goāmū ĩgu magu iiburire, arī gojañumi Isaia.

Jesu watī turarire opami, arī weresāñuma masa

Mr 3.19-30; Lc 11.14-23; 12.10

²² Yujunū watī ñajasūdigūre masa aīgārīma gua pohroque Jesure taudorerā. ĩgupū watī ñajasūdigū wereniguimasibirimi. Eropigu cuiři ĩhajabirimi. Erā ĩgure eropa aĩ eracū ĩha ōagu wacū iimi Jesu ĩgure. ĩgu eropa ĩicū ōaro ĩha, wereniguimi pare.

²³ ĩgu eropa wacū ĩarā, masa ĩhamaria wama.

—¿Ihī Davi mura pārami masare taubu āhriri? arīma erā erā basi.

²⁴ Erā eroparīquerecū Jesu watēare īgu cōārare peerā fariseo masapu ōpa arī pepiñorā:

—Beelzebú, watēa opu, īgu turari mera watēare cohāmi Jesu, arī pepiñorā erā.

²⁵ Erā eropa arī pepicū masigu, Jesu ōpa arī weremi erāre werenigui queori mera:

—Yuju yeba majarā erā basi gamequeārā iri yeba majarā pehrea wabocoma. Yuju maca majarā erā basi gamequeārā iri maca majarā pehrea wabocoma. Yuju wihi majarā sā gamequeārā eropa ta wabocoma.

²⁶ Eropigu Beelzebú watēa opu yure watēare cōādoregu īgu basi īgu yarāre cōāboñumi īgu. Eropirā erā sā wapehrea waboñuma.

²⁷ Ōpa arī weresā maa yure: “Īgu Beelzebú itamuri mera watēare cohāmi,” arī weresā maa yure. Maa mera majarā sā watēare cohāma. Eropirā erā “Watī Īgu turari mera erāre cohāa gua,” arībeama. “Goāmū Īgu turari mera watēare cohāa,” arīma. Eropirā maa yure “Watī turari mera watēare cohāmi,” maa arīra diaye árībircū maa mera majarā wererācoma.

²⁸ Eropigu yupu watēare cōāgu Goāmū Īgu Espiritu Santo turari mera cohāa. Yu eropa cōācū íarā ōpa arī masirāca maa: “Goāmū Īgu opu árīri i yebaguere árītuhajaa dohpaguere,” arīrāca maa.

²⁹ “Ōpa ta āhrra watī turagu tarinugari werediacū: Wihi opu turagure diribigu yajagu īgu ya wihigue ñajaja yajamasibeami. Īgure īgu dirira puhru tamerare yajamasimi Īgure, arī weremi Jesu.

Eropa arī weremi watīre Īgu tarinugarare weregū. Watī turagu árīquerecū ta Jesu Īgure tarinugami watēare cōāgu.

Eropa arītuhaja ōpa arī werenemomi Jesu masare gua säre:

³⁰ —Yujugu yure gamebigu, yure íhaturigu āhrimi. Yujugu yure itamubigu, yure teboricacū īgu iimi.

³¹ “Eropigu mware diaye arīgu tiiaa yuhu. Árīpehreri ñerire masa erā iicū erā wereniguicū säre Goāmū cādijimasimi. Eropa cādijiqueregu Espiritu Santore erā ñero arī wereniguicū Goāmū iri tamerare ne cādijisome.

³² Yu masare Goāmū Īgu obeodigure erā ñero arī wereniguicū iri ñerire cādijimasimi Goāmū. Espiritu Santopure erā ñero arī wereniguicū irire ne cādijisome Goāmū. Dohpaguere pehrerinu puhru säre erā eropa arīrāre ne cādijisome Īgu, arī buhemi Jesu erāre.

Yucu ducare masiro dopa ta masa erā wereniguirire peerā erā árīricurire masia mari, arī wereñumi Jesu

Lc 6.43-45

³³ Eropigu ōpa arī werenemomi erāre werenigui queori mera:

—Ōadigu yucugu ōarire ducacua. Ñedigu yucugu ñerire ducacua. Yucugu ducare masirā “Írigu dūca ta āhrra,” arī masia mari. Mari eropa masiro dopa ta masa erā wereniguirire peerā erā árīricurire masia mari.

³⁴ Añaa iro dopa ñerā āhrra maa. Maa ñerā árīrā, ōarire wereniguimasibea maa. Mari guñarigūe mari pepidiro dopa ta mari wereniguia.

³⁵ Ōagu ōarire pepimi. Eropigu ōarire wereniguimi. Ñegu ñerire pepimi. Eropigu ñerire wereniguimi.

³⁶ Mware arīgu iiaa. Ōaro pepi wereniguirā árīque maa. Ōaro wereniguibirinirā dipuwaja moarinū árīcū, maa eropa arīmaacārare Goāmure wererāca.

³⁷ Maa queoro wereniguirare masigu, “Ōarā āhrima,” arī beyegucumi Goāmū. Eropigu maa ñero wereniguirare masigu, “Ñerā āhrima,” arī beyegucumi Īgu daja, arīmi Jesu erāre.

Masa ñerā Jesure deyoro moarire iidoreñuma

Mr 8.12; Lc 11.29-32

³⁸ Īgu eropa arīra puhru masare buherā, fariseo masa sā Īgure ōpa arīma:

—Buhegu, Goāmū Īgu obeodigu arīgu Goāmū turari mera ii íhmuque guare, arīrima erā.

³⁹ Jesu yuhrimi:

—Maa dohpague majarā ñerā, Goāmure gamebirā āhrra. Yuhu diaye arīgu árīcū maa masidiarā Goāmū turari mera deyoro moarire iidoreraa yure. Maa eropa dorequerecū Goāmū yare weremahtadigu Jona iribojegue majagu Goāmū turari mera Īgu iira dihtare íhmumi Goāmū mware.

⁴⁰ Jona uhrenu gohra waimu wuagu paru pohecaguere arĩñumi. Īgu iidiro dopa ta yu sã masu Goãmũ Īgu obedigu uhrenu arĩguca yeba pohecaguere.

⁴¹ Iribojegue majarãpu Nĩnive maca majarã Jona Goãmũ yare Īgu wererare peerã, erã ñero iirare bujawereñuma. Ōarire gohrotoñuma. Dohpaguere mua watopegue Jona tauro arĩgu ahraa yuhũ. Yuhũ Goãmũ yare muare werequerecũ ta mua ñero iirare bujawerebeaa. Eropirã Nĩnive majarã murapu erã ñero iirare bujawerenirãpu dipuwaja moarinu arĩcũ mua ñerire bujawerebirinirãre “Ñerã ahrima,” arĩ weresãrãcoma muare.

⁴² Iribojegue majago, sur majago, opo buro igo sã mua dohpague majarãre weresãgocumo dipuwaja moarinu arĩcũ. Igo Salomo opu Īgu masirire peediago yoarogue aridigo Salomo opure peego ejañumo. Eropigo ñaro ĩgo iĩño dohpague majarã tauro. Muare arĩgu tiiaa. Dohpaguere mua watopegue Salomo tauro masigu ahraa yuhũ. Yuhũ mua mera arĩquerecũ mua yu masirire peediabeaa. Mua eropa peediabirira waja igo opo buro muare “Ñerã ahrima,” arĩ weresãgocumo, arĩmi Jesu erãre.

Watĩ dipaturi masuguerẽ ĩgu ñajara queorire wereñumi Jesu

Lc 11.24-26

⁴³ Eropigu dipaturi Jesu queori moa weremi masare.

—Yujugu watĩ masu mera arĩdigu waha, ĩgu deco mariri yebague cuhri, ĩgu sooborore amariñumi.

⁴⁴ Eropa bocabigu õpa arĩ pepiñumi ĩgu. “Masure yu cõadigu mera ta dipaturi arĩgu wagura,” arĩ pepiñumi ĩgu. Eropa arĩ pepigu ĩgu dujaa waha ĩgu cõadigure ta bocañumi daja. Īgu bocaboro core masupu õagu arĩriñumi.

⁴⁵ Eropigu watĩ gajirã siete watẽare ĩgu tauro ñerãre sihugu wañumi. Īgu eropa sihucũ erã arĩpeherrerã ĩgu mera arĩñuma. Masupu ero core yujugu watĩre opagu ñegu arĩñumi. Puhru bajarã watẽare opagu ñetariagu arĩñumi. Eropa dohpague majarã Goãmũre gamebirã, yu buherire peediabirã ñetariarã ta warãcoma, arĩmi Jesu erãre.

Jesu acawererã ĩgu pohro erañuma

Mr 3.31-35; Lc 8.19-21

⁴⁶ Masare ĩgu eropa arĩ wereniguirisubu ĩgu pago ĩgu pagu porã mera disiporo nigui, ĩgure weretamudiañorã.

⁴⁷ Eropigu yujugu Jesure weremi:

—Mu pago mu pagu porã mera disiporo niguima mure weretamudiarã, arĩmi.

⁴⁸ Īgu eroparicũ peegu ero arĩrãre õpa arĩmi Jesu erãre buhebu:

—¿Noa ahriri yu pago gohra? ¿Noa ta yu pagu porã gohra ahriri mua ĩacũ? arĩmi.

⁴⁹ Eropa arĩgu, guare ĩgu buherãre sipu, õpa arĩmi:

—Oã ahrima yu pago yu pagu porã iro dopa arĩrã.

⁵⁰ Erã yu Pagu umaro majagu ĩgu gamerire iima. Eropa iirã yu pagu magu, yu pagu mago, yu pago iro dopa ta ahrima, arĩmi Jesu erãre.

13

Jesu oteri masu ya queorire wereñumi

Mr 4.1-9; Lc 8.4-8

¹ Irinu ta Jesu wihigue arĩgu wiriami gũa mera. Wiri, wuariyague waha, iriya turo pohro doami.

² Īgu eropa doacũ ĩarã bajarã masa ĩgu pohrogue gamenerema. Eropa cũhñacũ ĩagu dohodirugue ñajaa, irirugue doami ĩgu. Masapu imiporogue niguima.

³ Eropigu baja queori mera weremi ĩgu erãre. Ōpa arĩmi:

—Oteri masu otegu wañumi.

⁴ Īgu eropa otecũ gajiyeri ma turo yuri merejayoro. Ero mehmerejarayerire mirimagu porã ahri bacãñuma.

⁵ Eropi gajiyeri utã watope yuri merejayoro. Ero utã watope nicu mariñariro arĩro mata puhriyoro.

⁶ Eropa puhriarã arĩquerero, abe ĩgu burigã asicũ, nuguri marinijaro ñaiñaja s̄iria wayoro.

⁷ Gajiyeri pora watope yuri merejayoro. Porapu puhri iri tiataria wa, oterayeripare wejẽcãyoro.

⁸ Gajiyeri õari yebapu yurimerejayoro. Ōaro puhri ñucacũyoro. Gajisari cien yeri, gajisari sesenta yeri, gajisari treinta yeri ñucacũyoro.

⁹ Irire ðaro peeque mũa, arĩmi Jesu.

Jesu werenĩgui queori mera ĩgu buherire wereñumi

Mr 4.10-12; Lc 8.9-10

¹⁰ ĩgu eropa arĩra puhru gua ĩgu buherã ĩgu pohro eja, serẽpĩbu ĩgure:

—¿Ne, duhpĩgu masare queori mera were buheri muhu? arĩ serẽpĩbu gua.

¹¹ Jesu yahrimĩ:

—Ūmaro majagu masa tauro opu ĩgu arĩrĩre iribojegue majarã erã masibirirare muare masicã iimi Goãmu. Gajirãpure eropiibeami ĩgu.

¹² Eropĩgu masirãre masinemocũ iigucumi ĩgu. Eropirã erãpu ðaro masirãcoma. Masibirãpure merogã erã masiquerẽcũ erãpure masibiricũ iigucumi ĩgu.

¹³ Eropĩgu queori mera buhea. Yu eropiicũ ðpa wahaa. Dohpague majarã ĩaquererã pee masisome. Eropirã peequererã masibeama. Irire peebirinirã iro dopa aħrima erã.

¹⁴ Eropa arĩrã Isaiã iribojegue majagu ĩgu arĩ gojadiro dopa ta iima erã. Ōpa arĩ gojañumi:

Ōpa arĩmi Goãmu: “Goãmu yare peerãca mũa. Eropa peequererã ne masisome mũa.

¹⁵ Mũa dipuru buri aħraa. Eropirã mũa gamiro giberire bihaa peeri arĩrã. Mũa cuirire cuumĩtia ĩhari arĩrã. Eropa iibirã ðaro ĩarã masiboaya mũa. Eropirã peerã masiboaya mũa. Mũa guñarĩgue ðaro masiboaya. Eropirã yare Goãmure gameboaya mũa. Mũa eropa yare gamecũ mũa ñerire cãdiji, muare tauboaya,” arĩmi Goãmu, arĩ gojañumi Isaiã, arĩmi Jesu.

¹⁶ Muapu peerã masia. Eropirã mucubirirã aħraa mũa.

¹⁷ Muare ta arĩgu iiaa. Dohpague mũa ĩarire mũa peerire iribojegue majarã Goãmu yarã burĩgã ĩadiariñorã. Goãmu yare weremuhtanirã sã irire burĩgã ĩadiariñorã. Ne ĩabiriñorã. Dohpague mũa peeri sãre burĩgã peediariñorã erã. Ne peebiriñorã. Erã eropa masidiaquerẽcũ ta Goãmu erãre masidorebirĩpu irisubuguerẽ, arĩ weremi Jesu guare ĩgu buherãre.

Jesu oteri masũ queorire were amuñumi ĩgu buherãre

Mr 4.13-20; Lc 8.11-15

¹⁸ Puhru Jesu guare werenemomi:

—Peeque mũa. Oteri masũ queorare muare were amugara. Yure peerã ðaro masique.

¹⁹ Oteriyerĩ ðari buheri iro dopa aħraa. Eropiro ma tuo mehmerejarayeri ðari buheri iro dopa ta aħraa. Eropirã masa ðari buherire peequererã ta ne masibeama. Eropĩgu masa ðari buherire erã peecũ ĩagu ñegũpu watĩ aħri, iri buherire ðari buherire masidorebeami masare. Mirimagu porã iriyerire erã dote aĩ badiro dopa ta iimi.

²⁰ Eropi utã watope yuri merejarayeri ðari buheri iro dopa ta aħraa. Eropirã masa ðari buherire pee, mucubirirĩ mera mata irire pee aĩma.

²¹ Eropa pee aĩquererã utã watope arĩri yucu nuguri mariri yucu iro dopa ta oã masa sã turabeama. Eropa turabirã yaha ðari buherire erã peera dipuwaja gajirã erãre ñero iicũ yahare duhucãma. Gajirã erãre erã ñero iicũ irire yujuro bojebiri, yahare duhucãma.

²² Eropi pora watope yuri merejarayeri ðari buheri iro dopa ta aħraa. Eropirã masa ðari buherire peequererã i yeba majare wũaro pepiri mera niyerure gametarima. Erã eropa iicũ irĩpu ðari buherire cãhmotaa. Iri cãhmotacũ masa Goãmũ gamerire iibeama.

²³ Eropi ðari yeba yuri merejarayeri ðari buheri iro dopa aħraa. Eropirã masa ðari buherire peerã irire ðaro masima. Eropa masirã arĩrã, Goãmũ gamerire iima erã. Yujurãyeri wũaro ðarire iima cien yeri dũcacuro dopa ta. Gajirã erã docañariro ðarire Goãmũ yare iima sesenta yeri dũcacuro dopa ta. Gajirã merogã ðarire iima treinta yeri dũcacuro dopa ta, arĩ weremi Jesu guare.

Trigo watopegue taa tiara queorire wereñumi

²⁴ Eropi dipaturi gajĩ queorire gua sãre weremi Jesu.

—Ūmaro majagu ĩgu opu arĩrĩre werediãcũ ðpa aħraa: Pohe opu ĩgu ya pohegue ðariyerire ĩgu otediro dopa ta aħraa umaro majagu ĩgu opu arĩri.

²⁵ Pohe opu trigo otera puhru arĩpehrerã ĩgu mera majarã sã erã carĩrisubu ĩgure ĩhaturĩgu arĩñumi. Eropa arĩgu trigo yeri erã oterayeri watope ñeri taare oteñumi. Otetuhaja waha wañumi.

²⁶ Puhru trigo sari puhri iiriyoro. Eropiro iri dũcacuboro core arĩcũ iri ñeri taa sã puhri iri pohere tiha wacũ iiyoro.

²⁷ Eropirã pohe opure mohme corerã ĩgu pohrogue eja serẽpiñuma: “Opũ, ¿ðariyeri dihtare mu ya pohere otequerẽcũ duhpĩro ñeri taa sã tiari iri pohere?” arĩñuma erã.

²⁸ “Yure ihaturigu āhrañumi iri taare otegu,” arīñumi pohe opu. “¿Taare gua curacñ gahmeri muñu?” arīñuma ĩgure mohme corerā.

²⁹ “Taare curabiricāque, taare curanijarā trigopure curari,” arīñumi.

³⁰ “Trigo iri ñeri taa mera puhricāniporo. Iri ñairisubu dūca airāre opa arīrā: ‘Iri ñeri taare cura gameneopimūhtaque irire soemorā. Pūhrū trigore tūrique. Tūripeho, irire yā diburi wihigue apique,’ arīrā erāre,” arīñumi pohe opu, arīmi Jesu queori mera weregu.

Mostazayegā queorire wereñumi Jesu

Mr 4.30-32; Lc 13.18-19

³¹ Eropi gaji queori guare opa arī buhemi daja.

—Ūmaro majagu ĩgu opu arīri werediācū mostazayegā iro dopa āhraa. Iriyegā miriyegā gohra āhraa. Iriyegā yujugu oteri masu ĩgu pohegue oteami.

³² Iriyegāre ĩgu pohegue otera pūhrū ōaro puhria. Eropiro yucugu wuatariadigu wahaa. Eropa wacū mirimagū porā bajarā irigu dūpurigue suhri suama. Eropa ta ūmaro majagure mari Opure bajarā bajamerāgā erā arīmuhtaquerecū ta puhrugure erā bajarā warācoma, arī weremi Jesu

Pan buğari queorire wereñumi Jesu

Lc 13.20-21

³³ Eropi gaji queori mera guare opa arī buhemi daja:

—Ūmaro majagu ĩgu opu arīri pan buğacū iiburi iro dopa āhraa. Yujugo nomeo panre iigo pan buğacū iiburi pohgare merogā moremo trigo pohga mera. Igo eropa iicū pan buğacū iiburi pohga merogā arīquero ta trigo pohgare ōaro seyapehrea wahaa. Eropa ta ūmaro majagure mari Opure bajarā masa arīpehrero majarā masirācoma, arīmi Jesu.

Queori mera Jesu ĩgu buherāre wereñumi

Mr 4.33-34

³⁴ I arīpehreri buherire queori mera weremi Jesu. Queori mariro werebirimi ĩgu masare.

³⁵ Eropa ta iimi ĩgu Goāmū yare weremuhtadigu ĩgu arī gojadiro dopa ta. Ōpa arī gojañumi iribojegu:

Queori mera weregura. Goāmure i yebare ĩgu ihacūnugura pūhrū, ne masare ĩgu werebirirare weregura, arī gojayuñumi Jesu iiborore.

Jesu trigo watopegue ñeri taa tiara queorire were amupehoñumi

³⁶ Eropi masare goeriseregu, wihigue ñajaa wami Jesu. Eropirā gua ĩgu buherā ĩgu pohrogue eja, serēpibū gua:

—Trigo watopegue ñeri taa tiara queorire werepehoque guare, arību gua ĩgure.

³⁷ Yehere yāhrimi guare:

—Pohe opu ōariyerire otediro iro dopa ta āhraa yūhū. Yūhū masu Goāmū ĩgu obeodigu āhraa.

³⁸ Pohēpu i yeba iro dopa ta āhraa. Ōariyeri puhriro ūmaro majagu ĩgu opu arīrogue arīmorā iro dopa ta āhrima. Ñeri taapu watī yarā iro dopa ta āhrima.

³⁹ Pohe opure ihaturigu ñeri taare otedigu watī iro dopa ta āhrimi. Iri ñairisubu pehrerina iro dopa āhraa. Eropirā trigore airā anyua iro dopa ta āhrima.

⁴⁰ Iri ñeri taare erā curarare soe peamegue cōadiro dopa ta pehrerina arīcū watī yarāre peamegue cōārācoma.

⁴¹ Yūhū masu Goāmū ĩgu obeodigu yaharā anyuare obeogura. Yū obeocū anyuapu ñeri iidorenirāre, ñerire iinirāre yū dorerogue gameneorācoma.

⁴² Gameneotuhaja peamegue cōārācoma erāre. Eroque erā buřigā ore, bujawereri mera gucari cūridihurācoma.

⁴³ Eropirā Goāmū yarā erā Pagu erā Opu ĩgu arīrogue arīrācoma. Ero arīrā, ōaro mucubiriri mera arīrācoma erā. Ire ōaro peeque mūa, arī weremi Jesu.

Ñiyeru wūaro diburare ĩgu bocara queorire wereñumi

⁴⁴ Eropi gaji queori mera weremi daja:

—Ūmaro majagu ĩgu opu arīri niyeru wūaro diburare bocadiro iro dopa āhraa. Eropigu yujugu masu curigu wagu iri niyerure guñaña mariro bocañumi yuju yebague. Eropa bocagu buřigā mucubiriñumi ĩgu. Bocatuhaja waha iri yebague dipaturi dujara irire ōaro dibunemoñumi. Eropigu ĩgu bocarare aibu iri yebare asūdiañumi. Eropigu ĩgu yare duapeho, iri yebare asūñumi. Ūmaro majagu opu ĩgu arīri ĩgu bocadiro dopa ta āhraa. ĩgu bocarare ĩgu buřigā gamediro dopa ta ūmaro majagu masa weca opure ōaro erā masira pūhrū masa buřigā gahmema ĩgure, arī weremi Jesu.

Waja pagariyere asūra queorire wereñumi

⁴⁵ Eropi gaji queori mera weremi daja:

—Ūmaro majagu ĩgu opu áriri waja pagariye perla waĩcariyere asũdigu iro dopa āhraa.

⁴⁶ Iriyere amagu ðataririyere bocañumi. Bocagu iriyere gametarigu árĩpehreri ĩgu yare duapehogu wañumi. Eropa duatuhaja iriyere waja pagariyere asũñumi. Iriyerire burigã ĩgu gamediro dopa ta ũmaro majagu masa weca opure ðaro erã masira puhru masa burigã gahmema ĩgure, arĩmi Jesu.

Wejẽdigu mehyura queorire wereñumi Jesu

⁴⁷ Eropi gaji queori mera Jesu weremi daja gua sãre:

—Ūmaro majagu ĩgu opu áriri wejẽdigu erã mehyudigu iro dopa ta āhraa. Irigu wejẽdigu mera bajarã waire gajiropa árĩrãre ñeama.

⁴⁸ Irigu ũjuturia wacũ wai wejẽrãpu irĩgure wejẽdigure imiporogue tara majaa ðarã waire beyema. Ōarãre erã puriguge beye sãma. Ñerã waire cóacãma.

⁴⁹ Pehrerinũ árĩcũ ðpa ta árĩroca. Anyuapu masare beyerãcoma. Ñerãre beye aĩ wiuurãcoma ðarã watope árĩrãre.

⁵⁰ Aĩ wiu, erãre peamegue cóarãcoma. Erogue erã ore, burigã bajawereri mera gacuri cũridihurãcoma ñerãpu, arĩ weremi Jesu.

Mura buherire, mama buheri sãre wereñumi Jesu

⁵¹ ĩgu eropa arĩ werera puhru guare serẽpimi ĩgu:

—¿I árĩpehrerire peeri mũa? arĩ serẽpimi ĩgu.

—Peeã gua, arĩ yũhribũ.

⁵² Gua eroparĩcũ ĩgu weremi guare:

—Judio masare buherã watope yujugu ũmaro majagu ĩgu opu árĩrĩre buhenugagu iri mama buherire buhegu iribojegue maja sãre masigu weremi. ĩgu wihi opu iro dopa āhrimi. ĩgu ĩgu ya wihi diburare ðarĩre aĩ wiugu, mamare, mura sãre aĩ wiumi ĩgu, arĩmi Jesu guare.

Jesu Nazaregue ĩgu ya macague wañumi

Mr 6.1-6; Lc 4.16-30

⁵³ Iri queori bajare ĩgu buhera puhru ĩgu mera gua waha wabu.

⁵⁴ Waha, ĩgu masara macague ejabũ. Erogue eja, gua buheri wihiguge buhemi ĩgu. ĩgu eropa buhecũ peerã, pee ũca wama erã.

—¿Nohogue masiyuri ihĩ i buherire? ¿Dohpa ii ĩgu i deyoro moarire iimasiri? arĩ wereniguima erã erã basi.

⁵⁵ Ihĩ taboa mohmeri masũ magu ta āhrimi ĩgu. Eropi ĩgu pago María āhrimo. Eropi Santiago, José, Simo, Juda ĩgu pagu porã āhrima.

⁵⁶ Dohpaguere ĩgu pagu porã nome i maca āhrima. Eropigu ĩgu mari iro dopa ta árĩgu āhrimi. ¿Eropa árĩqueregu ta nohogue peeyuri i buherire? arĩ wereniguima erã erã basi.

⁵⁷ Eropirã erã ĩgure umupeobirima. Erã eropa umupeobiricũ ĩagu ðpa arĩmi Jesu erãre:

—Árĩpehrerogue Goãmũ yare weremũhtagure gajirã umupeoma. ĩgu ya maca majarã ĩgu ya wihi árĩrã dihta ĩgure umupeobeama. Eropirã yare umupeobeaa mũa ohũ yũhu masadigu árĩcũ, arĩmi ĩgu erãre.

⁵⁸ Eropigu erã ĩgure umupeobiricũ, iri macare baja deyoro moarire iibirimi Jesu.

14

Ñu waĩyegu sĩrirare werera

Mr 6.14-29; Lc 9.7-9

¹ Irisubure Herode Galilea majagu opu Jesu ĩgu iirare peebeopũ.

² Eropa peegu ðpa arĩripũ:

—Ñu waĩyeri masũ sĩridigu dipaturi masa dehyoagu iicumi. Eropa masadigu árĩgu ĩgu turarire opami ĩgu deyoro moarire ĩgu, arĩripũ Herode ĩgu pohro majarãre. Jesure “Ñu mũrũ ta āhrimi,” arĩ pepiripũ ĩgu Ñure ĩgu wejẽdorera puhru.

³⁻⁵ Eropigu Ñure ĩgu wejẽdoreboro core Herode ĩgu pagu magu Felipe marapore ehma igo mera marapocũ. ĩgu eropa iicũ ĩagu Ñu waĩyegu Herodepũre ðpa arĩ wereniguipũ:

—Mu pagu magu marapore marapocugu Goāmu dorerire tarinugagu iiaa muhu, arīru Ńu ĩgure. ĩgu eropa arīra waja Herode ĩgure wejēdiarīpu. “Ńu Goāmu yare weremuhtagu āhrimi, arī pepima judio masa,” arīgu erāpure güipū Herode. “Ńure ya wejēcū erā guabocoma,” arīgu erāre güipū. Eropā güigū Ńure wejēdiabiriripū. Eropā wejēbiriqueregu ta ĩgure űeha diridore, peresu iipū. ĩgure eropa iicū gamepo ĩgu marapo Herodia.

⁶ Eropi Herode ĩgu masa dehyoaranu árīcū bosenu iipū ĩgu. ĩgu eropa bosenu iicū ĩgu marapo mago bosenu eranirā erā ĩhuro baya ĩhmupo igo. Igo eropa baya ĩhmucū Herode mucubiripū. Eropā mucubirīgu igore arīpu:

⁷ —Goāmu mera diaye ta arīgu iiaa. Yare mu serēropē ta ogura yuhu mure, arīpu pare Herodepu ĩgu marapo magore.

⁸ ĩgu eroparīcū ĩgu marapo igo magore igo serēburire werepo igore. Igo eropa werecū igo magopū ōpa arī serēpo Herodere.

—Ńu wāyegu dipurure tabetadoreque. Eropīgu soropa mera ĩgu dipurure yare oque, arīpo igo.

⁹ Igo eroparīcū peegu Herode burīgā bujawerepu. Masa erā peero “Mu serēro mure ogura,” arītuhapu ĩgu. Eropīgu ĩgu ĩgu eropa arīrare guhyasirīgu “Mure osome,” arīmasibiripū igore. Eropīgu igo ĩgure dorero dopa ta Herodepu ĩgu pohro majarāre Ńure wejēdorepu.

¹⁰ Eropīgu Ńu dipurure tabetadorecāpu pare peresugue árīgure.

¹¹ Tabetatuhaja, soropa mera ĩgu dipurure aīgārīnorā erā. ĩgu marapo magore ĩgu dipurure erā ocū, igopū igo pagoguere aī taupo.

¹² Erā eropa iira puhru Ńu ĩgu buhenirā ĩgu dupu murarore aīgā wañorā. Eropā yaatuhajarā, erā irire Jesure wererā arima.

Cinco mil masare bari oñumi Jesu

Mr 6.30-44; Lc 9.10-17; Jn 6.1-14

¹³ Ńu sīrīrare peegu Jesu gua mera dohodirugue űaja, masa marirogue sihu wami. Jesu erogue wacū peerā, masa erā ya macarire wiri, marīgue waha ĩgu core ejatuhāñorā.

¹⁴ Eropiro Jesu ĩgu wadiru dohodiru tuhajara puhru ĩgu bajarā masa árīcū ĩha, mojomoro ĩami erāre. Eropā mojomoro ĩagu erā mera bajarā dorecurāre ōarā wacū iimi.

¹⁵ Ńamicague gua ĩgu buherā ōpa arībū:

—Ńamicague āhraa. Ohō masa marirogue āhraa. Ōgā árīri macarīgue masare wadoreque. Erā baburire asūrā waporu, arīribū gua ĩgure.

¹⁶ Jesu yāhrimi guare:

—Wabirīcāporo erā. Mua basi ta barire oque erāre, arīmi guare.

¹⁷ —Cinco pan dipurure, perā ta wai säre iripēta opaa gua, arī yāhrībū gua.

¹⁸ —Irire yure aīgārīque mua, arīmi guare.

¹⁹ Gua irire ora puhru, taa weca masare ĩgu doadoremi pare. Erā eropa doarisubū cinco pan dipurure aī, perā wai säre aī, umarogue ĩhamuju, ĩgu Pagure “Ōhaa,” arīmi. Ōpa arītuhaja iri pan dipurure nuha, guare ĩgu buherāre omi. ĩgu eropa ocū guapū iri barire masare guerebū.

²⁰ Eropirā árīpehrerā ōaro baha yapia wama. Erā ba daharare doce puiri gohra aī gameneo, ujātu dobobū gua.

²¹ Ero irire banirā uma dihtare queocū cinco mil uma árīma. Nome, majirā sā árīma.

Jesu deco weca curiñumi

Mr 6.45-52; Jn 6.16-21

²² Puhru guare ĩgu buherāre Jesu dohodirugue űajadore wuariyague taribujā yuadoremi masare ĩgu goerisererisubū.

²³ Goeriseretuhaja, ĩgu basi utāgugue muria, ĩgu Pagu Goāmu mera serēgu wapū ĩgu seyaro.

²⁴ Irisubure wuariya deco gohra gua taribujacū miruñe burīgā ahri, pāgūri pagari wahgā, dohodirure deco paa űajabū.

²⁵ Eropā wacū boyomārīboru core cäreña wahgārisubū Jesu deco weca cāhrapi wahgārīmi gua pohrogue arīgu.

²⁶ Gua pohrogue ĩgu aricū ĩarā güibū gua. Eropā güirā gaguiniguirībū.

—Sīridi muru watī āhrimi, arī gaguiniguibū gua.

²⁷ Gua eropa güicū Jesu ōpa arīmi:

—Ne yare ĩha ucabirīcāque. Yuhu ta āhraa. Güibita, arīmi guare.

²⁸ Īḡu eroparicū peegu Pedro arīmi ġure:
—Yū tīḡu, diaye ta mūhū ta árīḡu, deco weca curi wahḡadoreque yare mū pohroge, arīmi ġu.

²⁹ —Arique, arī yuhrimi ġu.

Īḡu eroparicū Pedropu dohodirugue árīdīḡu wiria, deco weca Jesu pohroge nīḡuḡarīmi.

³⁰ Mīruñe iri burīḡā aricū ġaḡu ḡūimi. Eropā ḡūḡu diha dija warimi.

—Yare tauque, arī ḡaḡuḡūimi ġu Jesure.

³¹ Īḡu eroparicū ta Jesu ġu mojtore ñeha,

—Merogā umupeoa mūhū yare. ¿Duhpīḡu yare ḡuñaturabeari mūhū? arīmi ġu Pedrorē.

³² Eropā arīra pūhru dohodirugue ñajama erā. Erā eropā ñajara pūhru, miruñe taria wabu.

³³ Eropirā ḡua ġu buherā dohodirugue árīrā Jesure umupeoba.

—Diaye ta mūhū Goāmū maḡu ta āhraa, arību ḡua ġure.

Genesare majarā dorecūrāre tauñumi Jesu

Mr 6.53-56

³⁴ Eropi taribujaja, Genesare waīcūri yebague ejaḡu.

³⁵ Ero majarā Jesure ġha masima. Eropā masirā erā pohro árīrāre dorecūrāre aīḡarīdorema. Eropirā erā dorecūrāre ġu pohroge aī erama.

³⁶ —Mū suhrīro turo dihtare ḡuare mohmepīnadoreque, arī serēma erā Jesure. Eropirā árīpehrerā dorecūrā ġu suhrīrore mohmepīñanirā dihta oarā wama.

15

Masa ñerā wacū ġire wereñumi Jesu

Mr 7.1-23

¹ Eropi Jerusalén majarā, fariseo masa, masare buherā mera Jesu pohroge erarā, serēpima ġure:

² —¿Duhpirā mari ñecu sūmarā mura erā dorediro dopa iibeari mū buherāpu? Erā mari dorero dopa ta erā baboro core mojo coe ġhūbeama, arīma erā Jesure.

³ Jesu yuhrīḡu serēpimi erāpūre:

—¿Muarpu duhpirā Goāmū doreripūre iibeari? ¿Duhpirā mūa ya doreri dihtare ġiri mūaru?

⁴ Ōpa arīmi Goāmū: “Mūa paḡu sūmarāre umupeoque,” arīmi. Eropīḡu “Īḡu paḡu sūmarāre ñero werenīḡu coredīḡure erā dipuwaja moarā wejēbu árīḡucumi,” arīmi Goāmū.

⁵ Īḡu eropā arīquerēcū ta mūaru ōpa arīdorea masare erā paḡu sūmarāre. “Mūare itamumasibea. Mūare yū oborare Goāmū ya árīburire opehocābu,” arīque mūa paḡu sūmarāre,” arī buheraa mūa.

⁶ Mūa eropā buherā erā paḡu sūmarāre erā umupeobiricū ġiaa mūa. Mūa eropā ġirā Goāmū buherire tarinūgarā ġiaa mūa mūa ya doreri dihtare ġirā.

⁷ Masa erā ġabīropūre ñero ġicorerā āhraa mūa. Goāmū ya weremūhtadīḡugue Isaia mūare diaye ta were ḡamārīñumi ġirībojēgure:

⁸ Ōā masa yare ōaro werenīḡuquererā yare ōaro umupeobeama. Erā ya sīporārīpu ḡajīpūgue āhraa.

⁹ Goāmū ya dorerire arībodirore erā ya werenīḡuiri dihtare buhema erā. Eropirā yare umupeo erā sībūipeori duhpīburi árībeaa, arī ḡojañumi Isaia, arīmi Jesu fariseo masare, masare buherā sāre yujuropa ta.

¹⁰ Eropā arītuhaja ġu pohroge masare sihubeo, ōpa arīmi:

¹¹ —Peeque mūa. Mūa disīrorire ñajarīpu mūa barīpu masare ñerā masa wacū ġibea. Mūa werenīḡurīpu mūa ya disīro wirīrīpu mūare ñerā árīcū ġiaa, arīmi Jesu.

¹² Īḡu eropā arī buhera pūhru ḡua ġu buherāpu ġure werebu:

—Mū eroparicū peerā fariseo masa ḡuama, arī werebu ḡua ġure.

¹³ ġire pee ōpa arī yuhrimi ḡuare:

—Erā otera ġro dopa āhrīma. Yū Paḡu umaro maḡaḡu árīpehreri oterare ġu otebirīrare nūguri mera ta cura cōḡucumi.

¹⁴ Erāre eropā ġacāque. Erā Goāmū yare masībirā masa cuiḡi ġhājabīrā ġro dopa āhrīma. Cuiḡi ġhājabīrā seyaro erā basī ḡame tuagā erā perāḡue ta mehtua yuhrīdī-jarācoma ḡobegue. Eropā erā Goāmū yare masībirīquererā ta ḡajīrare masībirāre buhediarīma. Eropirā erā erā buherā sā peameḡue warācoma, arīmi Jesu.

¹⁵ Īḡu eroparīcū peegu Pedro arīmi:
—Īne queoriñere erā disiro wiriri queoire werenemoque ḡuare daja, arīmi Īḡu Jesure.

¹⁶ Jesu yāhrimi:
—¿Ne, peenibeari mua?

¹⁷ Masa erā barire bacū erā ya disiro ñajaa. Eropiro erā parugue ñajaja, pūhru erā dūpūpu ñerire cohāa. Ibu gohra āhraa. Mari bari marire ñerā wacū iibeaa. ¿Ire masibeari mua?

¹⁸ Masa ya disiro wiriri, erā wereniguiripu erā pepiri āhraa. Erā ya pepiripu ñeri arīro masare ñerā arīcū iiaa.

¹⁹ Erā pepirigue ōpa ñeri nūḡaa: Ñeri pepiri, masare wejēri, gajigu marapo mera ñero iiri, ñero iirā nome mera ñero iiri, yajari, ḡayari, masare ñero quere iiri, masa erā pepirigue nūḡaa.

²⁰ Iri ñeripu masare ñerā arīcū iiaa. Masa erā dorerire murague erā iimuridiro dopa ta mojoto coebiriquererā ta erā bacū iri masare ñerā masa arīcū iibeaa, arīmi Jesu.

Judio maso arībigo Jesure umupeoñumo

Mr 7.24-30

²¹ Eropa arī buhetuhaja ḡuare sihu waha wami daja. Tiro waīcūri maca pohrogue Sidón waīcūri maca pohrogue ejabu ḡua.

²² ḡua erogue ejacū Canaa yeba majago ero arīḡo Jesu pohrogue eja, turaro mera wereniguimo:

—Opū Davi pārami, masare taḡu yare mojomoro ĩaque mūhū. Yū mago wafī ñajasūdigo ñetariaro tarimo igo, arīmo.

²³ Īḡo eropa arīquerecū ta Jesu igore yāhribirimi. Īḡu eropa iicū ĩarā ḡua Īḡu buherāpu ĩḡure ōpa arīribū:

—Wadoreque igore. Ñe gariboro busucumo, arīribū ḡua.

²⁴ ḡua eroparīcū peegu Īḡu yāhrimi igore:

—Israe majarā oveja dederenirā iro dopa arīrā dihtare itamudoreḡu obeomi yū Pagu yare, arīmi Īḡu.

²⁵ Īḡu eroparīcū ta Jesu guburi pohro merejamo igo.

—Mūhū eropa arīquereḡu itamuque yare, arīmo igo.

²⁶ Jesu yāhrimi igore:

—Wihi opū porā ya barire diayeare ocū ōabeaa. Eropa arīḡu, Israe masa yare gaji yeba majarāre yū ocū ōabeaa, arī weremi Jesu igore.

²⁷ —Eropa ta āhraa, Opū. Eropa arīquerecū barisubū dijarire diayea sã bacohrema. Gaji yeba majago yū arīquerecū ta yū säre itamuque mūhū, arī yāhrimo igo.

²⁸ Īḡo eroparīcū Īḡu yāhrimi:

—Mūhū nomeo, yare burigā umupeoa. Mū gamero dopa ta eropa waroca, arīmi Jesu igore.

Īḡu eroparīcū ta igo mago mata ōago wapo.

Bajarā dorecurāre ōarā wacū iĩnūmi Jesu

²⁹ Eropa arītuhaja ḡuare sihu waha, Galilea waīcūriya turo pohrogue sihu ejami daja. Pūhru utāḡugue mūria, erogue doajami.

³⁰ Ero Īḡu doacū masa bajarā erama. Eropirā bajarā dorecurāre aĩ erama. Curimasibirāre, cuiiri ĩhajabirāre, yujupu ñero guburucurāre, apayuriri arīrāre, wereniguimasibirāre, bajarā gajirā dorecurāre Īḡu pohrogue aĩ erama masa. Eropa aĩ erarā Jesu guburi pohrogā apima erā. Erā eropa duhupira pūhru ōarā wacū iimi Jesu erāre.

³¹ Īḡu eropa iicū ĩarā masa ĩhamaria wama. Wereniguimasibirinirā erā wereniguicū ĩarā, apayuriri arīnirā erā ōarā wacū ĩarā, curimasibirinirā erā curicū ĩarā, cuiiri ĩhajabirinirā erā ĩacū ĩarā, ĩhamaria wama erā. Eropirā ōpa arīma:

—Mari Israe majarā mari Opū Goāmū turagū ōagū āhrimi, arī umupeoma erā Goāmure.

Cuatro mil gohrare masa bajarāre barire oñumi Jesu

Mr 8.1-10

³² Īḡu eropa iira pūhru Jesu ḡuare Īḡu buherāre sihubeo arīmi:

—Oā masa yū mera ūhrenū gohra arītuhajama. Erāre bari pehrea waca. Eropigu erāre mojomoro ĩhaa. Erā babiriquererā erā ya wirigue dujaacū gamebirica. Mague warā erā oaboarā turabiribocoma. Eropigu erāre bari ejotudiaca, arīmi Īḡu.

³³ Īḡu eroparīcū ḡua Īḡu buherā ĩḡure serēpibū:

—¿Duhpii mari õguere masa mariroguere barire bocabocuri erã bajarã masare ejoburire? arĩbu gua ñgure.

³⁴ —¿Dinucũ dipuru pan dipurure opari mũa? arĩmi guare.

—Siete pan dipuru, bajamerãgã waire opaa, arĩ yũhribũ gua.

³⁵ Gua eroparĩcũ peegu ñgu masare taa weca doadoremĩ.

³⁶ Tuhajanugu siete pan dipurure, waigã sãre aĩ, ñgu Pagure “Õhaa,” arĩ serẽtuhaja, pan dipurure nuha, guare ñgu buherãre omĩ. Eropirã gua ñgu buherã iri barire masare guerebũ.

³⁷ Eropirã masa irire baha, yapia wama. Erã ba duharare siete puiri gohra aĩ gameneo ujuu dobobũ gua.

³⁸ Ero banirãre uma dihtare queocũ cuatro mil gohra arĩma. Nome, majirãgã sã arĩma.

³⁹ Erã eropa batuhajacũ Jesu masare goerisere, dohodirugue ñaja, Magdala waĩcuri yebague guare sihu ejami.

16

Fariseo masa, saduceo masa sã Goãmũ turari mera deyoro moarire Jesu iicũ ñadiariñuma

Mr 8.11-13; Lc 12.54-56

¹ Eropi fariseo masa, saduceo masa mera Jesu pohrogue erama. “Ñgu Goãmũ ñgu obeodigu arĩbeami,” arĩ ñadiariñuma. Eropirã ñgure Goãmũ turari mera deyoro moarire ñgu ii ñmucũ gamerima. Ñgu ii ñmumasibiricũ “Goãmũ obeodigu arĩbeami,” arĩdiarima.

² Erã ñgure deyoro moarire eropa iidorecũ Jesu yũhrimi erãre:

—Ñami wacũ necã õaro boyocũ ñarã “Õari ñami arĩroca,” arãa mũa.

³ Eropirã boyoropãre ñipicũ ñarã, “Deco ariroca,” arãa mũa. Umarore ñhamemujurã, “Õpa waroca,” arĩ masia mũa. Eropa õaro masiquererã ta dohpague Goãmũ turari mera muare yũ ii ñmuquerecũ ta ne irire õaro masibeaa mũa.

⁴ Dohpague majarã ñetariarã Goãmũre gamebirã Goãmũ turari mera ii ñhmurire ñadiarima. Deyoro moarire ii ñmusome yũhũ. Goãmũ yare weremuhtadigu Jona mũru ñgure wadirore masituhaa mũa. Iri dihtare ñhmugũra muare, arĩ yũhrimi Jesu.

Eropa arĩ weretuhaja guare sihu waha wami daja.

Fariseo masa saduceo masa erã ñeri buherire wereñumi Jesu

Mr 8.14-21

⁵ Wũari ditarugue gua taribujarã panre cãdijicãnirã arĩribũ.

⁶ Eropigu Jesu guare weremi:

—Fariseo masa saduceo masa erã pan buãacũ iiburire õaro masique mũa. Guhya ãhraa, arĩ weremi guare:

⁷ Ñgu eroparĩcũ pee wisirã gua basi irire wereniguibũ.

—Mari panre mari aĩgãribiricũ ñagu eropa arĩcumi ñgu, arĩ pepiribu gua.

⁸ Gua eropa arĩrare masigu, guare serẽpimi:

—¿Duhpirã panre mũa cãdijirare guñari mũa? Merogã gohra yũre umupeoa mũa.

⁹ ¿Masinibeari mũa? ¿Cinco mil umare cinco pan dipurure yũ nuha orare guñabeari mũa? ¿Erã baha yapira puhũ doce puiri gohra mũa ujuu doborare guñabeari mũa?

¹⁰ ¿Eropirã daja siete pan dipurure nuha, cuatro mil umare yũ ora sãre guñabeari mũa? ¿Erã baha yapira puhũ dinucũ puiri gohra mũa ujuu doborare guñabeari mũa?

¹¹ ¿Eropirã pan buãacũ iiburire yũ werecũ duhpirã õaro peebeari mũa? Eropa arĩgu pan gohrare arĩgu iibeaa. Fariseo masa, saduceo masa erã pan buãacũ iiburire õaro ñique, arĩgu pan gohrare arĩgu iibeaa, arĩ weremi ñgu guare.

¹² Ñgu eropa arĩ werecũ gua masibũ. “Pan buãacũ iiburire,” arĩgu pan gohrare arĩgu iibirimi. Eropa arĩgu fariseo masa, saduceo masa erã buherire arĩgu iidi arĩrimi guare. “Erã ya buherire peebericãque,” arĩgu iimi.

Jesu diaye ta Cristo ñgu arĩrre wereñumi Pedro

Mr 8.27-30; Lc 9.18-21

¹³ Eropi Jesu mera warã Cesarea Filipino waĩcuri maca pohro arĩri macague ejabũ gua. Eropigu iri macague gua ejara puhũ Jesu guare ñgu buherãre serẽpiñami:

—¿Nihino arĩcuri yũhũ masa erã pepicũ? arĩ serẽpimi ñgu.

14 —“Ñu waiyegu áhrimi,” aríma mure gajirã. Gajirã “Elia áhrimi,” aríma. Gajirãpu “Jeremia árbocumi o gajigũ Goãmu yare weremhtanirã mera majagu árbocumi,” aríma, arí yuhribũ gua ïgure.

15 —¿Muapu pepicũ nihino áricuri yahũ? arí serëpimi ïgu guare daja.

16 Simo Pedropu yuhrimi:

—Muũ Cristo Goãmu obeodigu áhraa. Goãmu ojocarigu magu áhraa muũ, arí yuhrimi Simo Pedro.

17 —Simo, Jona magu, muũ mucubirigu áhraa. Őpa arí mu yare yuhriira masa erã werera áríbeaa. Yu Pagu umaro majagupu irire mure masicũ iiami.

18 Mure arigu tiiaa. Muũ Pedro waicugu áhraa. (Pedro arigu utãye arigu iipu.) Iye utãye weca wuari wihire yũ iibodiro dopa ta yaharãpũre yuju curu wuari curu áricũ iiguca yũ. Eropigu watĩ ïgu yarã mera yaharãre tarinugasome. Eropirã yaharã ne peamegue wasome.

19 Umaro majagu mari Opũ ïgu áriro maja sawire mure ogura. Eropigu i yebaguere mu iidorebircũ yũ sã umarogue árigũ iidoresome. I yebaguere mu iidorecũ umarogue yũ sã iidoregura, arími Jesu.

20 ïgu eropa aríra puhru guare ïgu buherãre weremi:

—Yure “Cristo áhrimi ïgu,” ne arí weresiribircãque gajirãre, arími guare.

Jesu ïgu siriburiñere, ïgu masa muriaburiñe sãre wereñumi

Mr 8.31-9.1; Lc 9.22-27

21 Irisubure ta Jesu guare ïgu buherãre ñaro werepehonugami:

—Jerusaléngue yure waro gahmea dohpaguere. Eroge majarã, murã, pahia oparã, mari masare buherã sã yure ñero iirãcoma. Eropirã yure wejërãcoma. Eropa ta ñero tariro gahmea yure. Eropigu uhrenu puhru ta masa muriaguca, arí weremi guare ïgu.

22 ïgu eroparicũ peegu Pedropu gajipu ñarigã Jesure aigã, ïgure ñpa arími:

—Opũ, eropa aríbiricãque. Mu aríro dopa wabiricãporo. Mure erã wejëbircãporo, arírimi ïgu Jesure.

23 ïgu eroparicũ peegu Jesu majinugaja, ïgure ñpa arími:

—Satana iro dopa wereniguiũ iiaa muũ. Eropa aríbiricãque. Mu pepiri masa ya pepiri áhraa. Goãmu ya pepiri áríbeaa. Eropigu yũ iiborore cãhmotadiaa muũ, arími Jesu Pedre.

24 ïgu eropa aríra puhru guare weremi:

—Yujugu yũ mera majagu áriidiagu, ïgu gamero iidiarire duhcãgucumi. Eropigu ïgu yũ mera majagu árii dipuwaja ñero tarigucumi. Eropa ñero tariqueregu ta yahare iiniguicãgu árigucumi.

25 Yujugu masu ïgu ya áriburi dihtare pepigu ïgu dederea wagucumi. Eropigu yujugu masu yaha áriburi dihtare iigu áripehrerinãri yũ mera umarogue ñaro árigucumi ïgu.

26 Yujugu masu i yeba majare áripehrerire opaqueregu peamegue wagu ñarire wajasome. Eropigu i yebague opaburi dihtare guñagu, ïgu sirigu waburire guñabigu ïgu siporã mera peamegue dederegucumi.

27 Yũhu masu Goãmu obeodigu yaharã anyua mera i yebague dujariguca. Yu Pagu ïgu gosesiriri mera dujarigu áripehrerã masare erã ñeri iira dipuwaja dipuwaja moagura. Erã ñaripure erã iicũ ñaro iigura erãre.

28 Diaye arigu tiiaa. Yujurãyeri muã õguere áriã muã siriboro core yure yũ opu arigu áricãgue iarãca, arí weremi Jesu.

17

Jesu ïgu dũpũre gohrotoñumi

Mr 9.2-13; Lc 9.28-36

1 Eropi seis nãri puhru Jesu Pedre, Santiagore, ïgu pagu magu Ñu sãre umadigu utãgũgue erã dihtare sihumariapu.

2 Umarogue erã murijara puhru erã ñhabeoro ïgu dũpũre gohrotopu. ïgu diapo abe umu majagu iro dopa gohra gosesiriyoro. Eropiro ïgu suhri gosesiriri suhri ñaro boreriñe wayoro.

3 Mata iribojegue majarã Moise muru Elia muru sã dehyoãnorã. Eropirã Jesu, Moise, Elia mera ïgu weretamucũ ñãnorã erã urerã ïgu buherã.

4 Eropigu Pedro Jesure aripu:

—Opũ, mari ohõ áricũ ñadiaa. Mu gamecũ uhre wihigã iirã. Mu ya wihigã, Moise ya wihigã, Elia ya wihigã iirã mari, aripu.

⁵ Īḡu eropa arī wereniguirisubu, imica curu ḡaro gosesiriri curu erāre cāhmotacāyoro. Eropā wacū imica curu pohecague Goāmū Īḡu wereniguirī busūyoro: —Ihī yu magu yu mahigu āhrimi. Īḡu mera mucubiria. Īḡure peeque, arīri busūyoro.

⁶ Eropā arīro caricū peerā Īḡu buherā ūca mehmereja wañorā.

⁷ Erā eropa wara puhru Jesu erā pohrogue eja, erāre buacare ñahpu:

—Wahgānugajaque mūa. Gūbircāque, arīpu Īḡu erāre.

⁸ Īḡu eroparicū erā ihabeo, Jesu dihtare iañorā. Gajirāre iabiriñorā.

⁹ Eropirā utāḡugue erā dijaricū Jesu erāre turaro mera arīpu:

—Dohparagā yure eropa warare gajirāre ne werebircāque. Yuhū masū Goāmū Īḡu obeodigu yuhū siri masa mūriara puhru irire gajirāre wereque mūa, arīpu Jesu.

¹⁰ Īḡu buherāpu Īḡure serēpiñorā:

—“Cristo Goāmū beyedigu Īḡu ariboro core Eliare arimūhtarō gahmea,” arīma masare buherā. ¿Dohpa arīronore eropa arīri erā? arī serēpiñorā erā Īḡure:

¹¹ Jesu yuhrīpu:

—Diaye ta āhraa. Eliare arimūhtadoremi Goāmū árīpehrerire amumūhtabure.

¹² Ōpa arīḡu muare arīḡu iiaa. Elia eratuhajami. Īḡu eropa eraquerecū ta erā Īḡure ne ĩha masibirima. Eropirā erā gamero dopa ñero iinirā árīma Īḡure. Eropā ta iirācoma yu masure Goāmū Īḡu obeodigure. Erā eropa iicū ñero tarigūca yuhū, arīpu Jesu.

¹³ Īḡu eropa arī werecū erā peeñorā. “Elia,” arīḡu, Ńu waiyegure wereḡu iipu. Irire masiñorā pare erā.

Jesu ñama sīrii mūrare dorecugure tauñumi

Mr 9.14-29; Lc 9.37-43

¹⁴ Eropirā utāḡugue mūrijanirā erā ūrerā Jesu mera dijararā gūa pohrogue erama bajarā masa árīroque. Erā eracū ĩagu yujugu ūmū Jesu pohrogue eja, merejami.

¹⁵ —Opū, yu magure mojomoro ĩaque. Īḡu ñama sīrii mūrare dorecugū āhrimi. Eropigu Īḡu ñetariaro tarimi. Bajasuburi peamegue mehmerejamūrimi Īḡu. Yujuy-erisuburi diaguere yuri ñajamūrimi.

¹⁶ Eropigu mū buherā pohrogue ai erarabu. Erā Īḡure ḡagu wacū iimasibirama, arīmi Īḡu Jesure.

¹⁷ Jesu arīmi ero árīrāre:

—Dohpague majarā mūa ñerā āhraa. ¿Yure ne umupeobirigohracāri? Yoari boje muare buherabu yuhū. ¿Dipē yoari boje yure mūa garibori? Īḡure aigārique yure, arīmi Jesu.

¹⁸ Īḡu majigure erā ai eratuhajacū ĩha Jesu watīre tuhri cóami. Eropigu mata ḡagu wami Īḡu magu.

¹⁹ Puhru gūa Īḡu buherā gūa seyaro árīrā Jesure serēpibu:

—¿Duhpirā guapu Īḡu magure watīre cóamasibirayuri? arī serēpibu gūa.

²⁰ Jesu yuhrimi:

—Yure daberogā umupeoa mūa. Diaye ta muare wereḡu iiaa. Goāmure “Diaye ta iigu āhrimi,” mūa arī umupeorā miriyegā mostazaye pegā mūa umupeoquererā irīḡu utāḡure “Sohḡue waque,” mūa aricū, waha waroca. Goāmure eropa umupeorā árīpehrerire iimasia mūa.

²¹ Ino watīre mūa cóadiarā Goāmure burigā serēro gahmea muare. Eropirā ba duhuro gahmea Goāmure serēmōrā, arīmi Jesu guare.

Dipaturi Jesu Īḡu sīriburiñere Īḡu masa mūriaburiñe sāre wereñumi

Mr 9.30-32; Lc 9.43-45

²² Eropi Galilea yebague gūa curicū, Jesu guare weremi:

—Yuhū masū Goāmū Īḡu obeodigu āhraa. Masa yure ñeha, gajirāguere yure wiarācoma.

²³ Eropā yure erā wiara puhru wejērācoma erā. Eropā erā wejēdigu ūhrene puhru masagūca, arīmi Īḡu guare.

Īḡu eropa arī werecū pee burigā bujawerebu gūa.

Goāmū wihi maja wajayeburire serēpiñuma gajirā

²⁴ Eropirā Capernaum macague gūa ejacū, Goāmū wihi maja wajayeburire wajasea corerā Pedro pohrogue eja, Īḡure serēpiñama:

—¿Mūare buheḡu Goāmū wihi maja árīburire wajayeri Īḡu? arī serēpima erā.

²⁵ —Wajayemi Īḡu, arī yuhrimi Pedro.

Īḡu eropa arīra puhru wihuge Īḡu ñajacū ta Jesu Pedrorē serēpimahtami:

—Simo, ¿dohpa arí pepiri muhu? ¿I yeba majarā oparā ñehmarāpūre waja aīri mu pepicū? ¿Erā mera majarāre wajaseari? ¿O gaji yeba majarāpūre wajaseari? arí serēpimi ĩgu Pedroro.

²⁶ —Gaji yeba majarāpūre wajaseama, arí yuhrimi Pedro.

Īgu eroparicū Jesu weremi:

—Eropigu opu ĩgu ya yeba majarāre wajaseabirimuririmi.

²⁷ Eropa arīquerecū ta wajasea corerāre guacū iidiaabeea mari. Eropirā wajayerāca. Ditarugue waque. Erogu eja wejericārore mehyuque. Eropigu waimu bamuhtadigare tara suaque. Eropigu ĩgu waimu disirogue niyerusere bocajaguca muhu. Irise queoro wajacuroca. Yure, mua sāre Goāmu wihí maja árīburire erā wajaseacū ōaro queoro sihajaroca irise. Irise bocajagu mari wajamoriñere wajayepohogu waque, arīmi Jesu Pedroro.

18

Jesu ĩgu buherāre erā weca opu árībure wereñumi

Mr 9.33-37; Lc 9.46-48

¹ Irisubure gua Jesu buherā ĩgu pohrogue eja serēpibu ĩgure:

—¿Umaro majagu ĩgu opu árīroguere gua mera majagu nihino wabocuri árīpehrerā weca opu? arí serēpibu gua.

² Gua eroparicū Jesu majigugāre sihubeo, ĩgugāre gua watope duhudobomi. Duhudobotuhaja guare arīmi.

³ —Diaye muare were purumujugara. Oā majirāgā Goāmure erā opu gohra pepima. Eropirā mua sā erā iro dopa ta pepirā, ōarire gohrotorā umaro majagu opu árīroguere warāca. Erā iro dopa pepibirā opu ĩgu árīroguere wasome mua.

⁴ Eropigu umaro majagu ĩgu opu árīroguere eropa pepicāgu, ihí majigugā dopa pepigu ta gajirā tauro opu wahami.

⁵ Eropirā yahare iimorā ōpa árīgugāre gamerā, yu sāre gahmea mua, arí weremi Jesu guare.

Ñerire iicū guhya āhrra arí wereñumi Jesu

Mr 9.42-48; Lc 17.1-2

⁶ Eropigu ōpa werenemomi:

—Īgā dopa árīgu yure ne umupeogure weregura muare. Yujugu ĩgā iro dopa árīgure ñerire iidoredigu ĩgu ñetariaro tarigacumi. Gajigure masa ĩgu wunugure wuariye utāye mera dirisiu, wuariyague ĩgure cóacū ñero wabocumi ĩgu. Eropigu ĩgā dopa árīgure ñerire iidoredigupu wuariyague erā cóādigu tauro ñero tarigacumi. Īgu turaro dipuwaja moasūgacumi.

⁷ Masare ñerire iicū iiri āhrra. Irise iirā i yeba majarā ñero tarima. Gajirā ñerire iidorema gajirā masare. Erā ñerire iidorenirāpu erā tauro ñetariaro tarirācoma.

⁸ “Mu mojoto mera ñero iigu iri mojtore mu tabe cóābodiropo dopa ta iri ñerire duhuque. Irise duhubigu peamegue waguca. Eroguere ne peame yaribea. Mu mojtore mu cóacū iri dūca dihta cohmoboya. Eropigu mupū epasi árīqueregu ta puhru Goāmu mera árīgaca. Mu pe mojoto mera árīgure peamegue ĩgu cóacū ñetariaro tariguca. Eropigu iri ñeri iiripure duhuque. Mu guburu mera ñero iigu iri guburu sāre mu tabe cóābodiropo dopa ta iri ñerire duhuque. Irise duhubigu peamegue waguca. Eroguere ne peame yaribea. Mu guburure mu cóacū irisi dihta cohmoboya. Eropigu epasi árīqueregu ta puhru Goāmu mera árīgaca. Muhu pe guburu mera árīgure mure peamegue cóacū mu ñetariaro tariguca. Eropigu iri ñeri iiripure duhuque.

⁹ Mu cuiru mera ñero iigu irirure mu gorawea cóābodiropo dopa ta iri ñerire duhuque. Irise duhubigu peamegue waguca. Eroguere ne peame yaribea. Mu cuirure cóacū iriru dihta cohmoboya. Yujupu cuiru mariquerecū ta puhru Goāmu mera árīgaca. Mure pe cuiru mera árīgure peamegue mure cóacū, mu ñetariaro tariguca. Eropigu iri ñeri iiripure duhuque, arīmi Jesu.

Oveja dederedigu queorire wereñumi Jesu

Lc 15.3-7

¹⁰ Eropigu gua sāre werenemomi:

—Ne, oā majirāgāre doobiricāque. Muare arīgu tiiaa. Erāgāre ĩhadiburā anyua umarogue yu Pagu pohrogue eropa árīniguima.

¹¹ Yuhu masu Goāmu ĩgu obeodigu i yebague dederebonirāre taugu arīgu iibu yuhu, arí weremi Jesu.

¹² Eropa arītuha ōpa arí queorire ahmu wereniguimi.

—Ovejare ihadibugũ cien ovejare opagu yujugu oveja dederea wacũ ïagu ðpa iigũcumi eräre ihadibugũpũ. Gajirã ovejare noventa y nueve ovejare erã bari campogue duhudobo, dederedigũre amagu wagũcumi.

¹³ Diaye ta arĩgu iiaa mũare. ïgũre bocagu buriigã mucubirigũcumi ïgu. Gajirã noventa y nueve duhyarã mera mucubiridigu arĩqueregũ erã tauro ïgu bocadigũpũre mucubirigũcumi.

¹⁴ Eropã ta mari Pagũ umaro majagu oãgã iro dopa arĩrã sãre erã dederecũ gamebeami, arĩmi Jesu.

Mũ acaweregũ mũre ñero iicũ ðpa iique, arĩñumi Jesu
Lc 17.3

¹⁵ Eropã arĩtuhaja ðpa werenemomi Jesu:

—Mũ acaweregũ mũre ñero iicũ ïgu mera weretamugu waque. Mũa seyaro irire weretamuque. Mũ eropa iicũ ïgu mũre peebocumi. ïgu peecũ “Mũre dipaturi ne ðpa iisome yũhũ,” ïgu arĩcũ mũ acaweregũre dipaturi wapicu iigũca mũhũ.

¹⁶ Mũre ïgu peediabiricũ tamerare yujugu mera wadiagu, o perã mera wadiagu, eräre wapicũgã dipaturi ïgũre wereniguigu waque daja “Erã sã peeporo,” arĩgu.

¹⁷ Eropigu mũ mera majarã sãre ïgu peediabiricũ arĩpehrerã Jesu yarã mera gamenere ïgũre weresãque. Eropirã Jesu yarã gamenererã sãre ïgu peediabiricũ ïarã Goãmũre masibigu ñegũ arĩro dopa iique ïgũre.

¹⁸ “Diaye ta mũare arĩgu iiaa. I yeba mũa yaharã yaha dorerire oparãca. Eropirã mũa i yebare iidorebirirare yũ sã umarogue arĩgu iidoresome. I yeba mũa iidorerare yũ sã umarogue iidoregũca.

¹⁹ “Dipaturi mũare ire weregũra daja: Mũa perã Goãmũre sererã, yujuro mera pepirã arĩcũ, yũ Pagũ umaro majagu irire mũare ogũcumi.

²⁰ Perã o urerã yaharã yahare iimorã erã gamenerecũ yũ sã erã mera ãhrraa, arĩ weremi Jesu.

²¹ Pũhrũ Pedro Jesu pohrogue eja serẽpimi:

—Opũ, ¿yũ acaweregũ mũ yagu ïgu dinũcũsuburi yũre ñero iicũ ïagu irire cãdijitugũcuri yũhũ? ¿O siete suburi ïgu iicũ cãdijitugũcuri yũhũ? arĩ serẽpimi Pedro.

²² Jesu yũhrimi:

—Sietesuburi dihta mũre ïgu ñero iirare mũ cãdijicũ ero wabeaa. Bajasuburi ïgu mũre ñero iicũ sãre cãdijique, arĩmi ïgũre.

Pohro majagu gajigu ïgu wajamorare ïgu cãdijidiabirira queorire wereñumi Jesu

²³ Eropigu Jesu ðpa werenemomi guare:

—Umaro majagu opũ arĩri werediãcũ ðpa ãhrraa. Yujugu opũ ïgu pohro majarãre erã ïgũre wajamorare wajayepoho dorediarĩñumi.

²⁴ Erã wajamorare ïgu queonũgacũ, ïgũre mohme corerãpũ wũaro wajamogũre ïgu pohrogue aĩgãriñuma. Wajamogũpũ wũaro wajamoñumi opũre.

²⁵ Eropigu ïgu wajayemasibiricũ ïagu ïgu opũ ïgũre, ïgu marapore, ïgu porã sãre pohro majarã acu, eräre gajirãre duadiarĩñumi ïgu wajamorire wajaseagu.

²⁶ ïgu eropa duadiãcũ wũaro wajamogũpũ mereja, ïgu opũre turaro serẽñumi: “Opũ, guare gajirãre duabiricãque. Mojomoro ïagu corenique. Mũre wajayepehogũca,” arĩñumi ïgu ïgu opũre.

²⁷ ïgu eroparĩcũ peegu ïgũre mojomoro ïagu, ïgu wajamorare eropa ta cãdijipehocãñumi.

²⁸ “ïgu eropa iira pũhrũ wajamodigũpũ waha, gajigu pohro majagũre bocañañumi. ïgũpũ merogã wajamoñumi ïgũre wajamodigũpũre. Eropã bocajagu yojaro mera ñeãñumi ïgũre. “Yũre mũ wajamorare wajaye purumujuque duru,” arĩñumi ïgu ïgu mera majagũre.

²⁹ ïgu eroparĩcũ gajigu pohro majagũpũ mereja ïgũre buriigã sererĩñumi: “Yũre mojomoro ïaque. Merogã corenique. Mũre wajayepehogũra,” arĩñumi gajigu pohro majagu ïgũre.

³⁰ ïgu eropa arĩ serẽquerecũ ta ïgu yũhribirĩñumi. Eropigu ïgu gajigu pohro majagũpũre peresu iidoreñumi ne ïgu wajayepehocũgũe.

³¹ Wũaro wajamodigu ïgũre merogã wajamogũpũre ïgu eropa iicũ ïha papũri, gajirã pohro majarãpũ erã opũre weresãrã wañuma.

³² Erã eropa arĩ weresãcũ peegu erã opũ eräre weresãdigũre sihubeo ðpa arĩñumi: “Mũhũ ñetariagu ãhrraa. Mũhũ yũre buriigã sererũcũ mũ wajamorare cãdijipehocãrabũga yũhũ mũre.

³³ Mure yu eropa iiquerecū ta mupū merogā wajamogupare cādijibirayoro mūhu. Mū wajamotare yu cādijidiro dopa ta ĩgu sāre mū cādijicū ōatariaboya. ¿Duhpigū ĩgure mojomoro ĩabirari ĩgure eropa iigu mūhu?” arĩñumi ĩgu opu ĩgure.

³⁴ Eropa arĩgu burigā guagu, peresu iĩñumi ĩgu pohro majagare ne ĩgu wajayepehocūgue, arĩ weremi Jesu.

³⁵ Eropigu ōpa arĩ i queorire weretumi:

—Eropa ta iigucumi yu Pagu umaro majagu mūare. Mūa arĩpehrerā mūa acawererā mūare ñero iirare ōaro mūa cādijipehobicū ĩgu mūare dipuwaja moagucumi, arĩmi Jesu.

19

Erā marasā nomere erā cóācū ōabeaa, arĩ wereñumi Jesu

Mr 10.1-12; Lc 16.18

¹ Irire ĩgu eropa arĩ werera puhru ĩgu Galilea árĩdigū Judea yebague guare sihu wami. Dia Jordán waicuriya gajipu masegue ejabu.

² Eroque gua wacū bajarā masa guare nurusiagāma. Erā mera majarāre dorecurāre ōarā wacū iimi ĩgu.

³ Eropi yujurāyeri fariseo masa gua pohro erama. Jesure weresādiarā, ñero ĩgu wereniguicū peediarā, ĩgure ōpa serēpima:

—¿Mari marapore mari gamero cóācū ōhari? ¿Mari doreripu eropa ta iidoreri mū pepicū? arĩ serēpima erā.

⁴ Jesu yuhrimi.

—¿Goāmū yare erā gojarapūgue ne ire buhebiriniari mūa? Ōpa arĩ gojara āhraa: “Negohraguere i yebare ĩhacūnugudigu umū, nomeo sāre iipu,” arĩ gojañumi Moise.

⁵ Ōpa āhraa ĩgu arĩ gojanemora: “Eropigu umū ĩgu pagu sumarāre cohā wiria, ĩgu marapo mera árĩgucumi. Eropirā erā perā árĩquererā ta yuju dupū iro dopa ta árĩracoma,” arĩ gojañumi.

⁶ Eropirā erā perā iro dopa árĩbeama. Yuju dupū iro dopa ta árĩrā iima. Goāmū doreri mera mojoto dirima. Eropirā duhubiricāro gahmea erāre, arĩmi Jesu erāre.

⁷ ĩgu eroparicū fariseo masa serēpima daja:

—Mūhu eropa werequerecū ta ōpa arĩ gojañumi Moisepu: “Mū marapore cóadiagu paperapūgue irire gojaque. Eropa gojagu iripūre mū marapore mū ora puhru igore cóāmasia mūhu,” arĩ gojañumi Moise. ¿Mū arĩro dopa arĩquerecū ta duhpigu Moisepu eropa arĩ gojayuri? arĩ yuhrima erā ĩgure.

⁸ Jesu yuhri gamemi erāre:

—Goāmū dorerire mūa ñecu sumarā erā iidiabiricū ĩagu “Eropa ta wacuraporo,” arĩgu, “Mūa marapore cóāmasia,” arĩ gojañumi Moise. ĩgu eropa arĩ gojara árĩquerecū ta negohraguere mūa marasā nomere cóācū gamebiripu.

⁹ Mūare arĩgu tiiaa: Masu ĩgu marapo igo gajigu mera ñero iibiriquerecū ta igore cóāgu, gajigo mera marapocugu, ĩgu gajigo mera ñero iigu iimi. Eropigu ihĩ cóadigo mera marapocugu sā igo mera ñero iigu iimi, arĩmi Jesu.

¹⁰ ĩgu eroparicū peerā, gua ĩgu buherāpu ōpa arĩbu:

—Eropa umū ĩgu marapo mera erā game cóābircū, maripure ne marapo marirā árĩcū ōaboca guare, arĩbu gua.

¹¹ Jesu yuhrimi guare:

—Mūa arĩro dopa ta árĩpehrerā árĩmasibeama. Goāmū marapocudorebirinirā dihta eropa árĩmasima.

¹² Ūma marapocumasibirā yujurāyeri āhrima. Yujurāyeri ūma ero ta poyari masa mata nomere gamebirā masa dehyoama. Gajirā masa erā āpiritō diuri erā weanirāpu marapocumasibeama. Gajirā ūma umaro majagu erā Opu yare itamudiarā marapocubeama. Eropirā oā marapocudibirā eropa ta pepicārā, eropa ta erā árĩ ojogorocū ōhaa, arĩmi Jesu guare.

Majirāgā ya arĩburire Goāmure serēbasañumi Jesu

Mr 10.13-16; Lc 18.15-17

¹³ Eropi masa majirāgāre Jesure mohmepiñadoremorā Jesu pohroque aĩ erama. Eropa aĩ erarā, erā Jesure ĩgu mojotore erāgāre mohmepidorediama. Eropirā erāgāre erā ōaro arĩburire Goāmure serēbasadorediama Jesure. Erā eropa iicū ĩarā gua ĩgu buherā erāre turiribu.

¹⁴ Gua eropa turicū ĩagu, guare Jesu ōpa arĩmi:

—Majirāgā yu pohrogue ariporo. “Waque,” arībiricāque erāgāre. Erāgā Goāmure erā opu pepima. Eropirā ĩgu umaro majagu ĩgu opu arīroguere oāgā iro dopa pepirā āhriima eroguere, arīmi Jesu.

¹⁵ Eropa arītuhaja erā majirāgāre mohmepituhaja waha wami.

Doberi opagu Jesu mera weretamuñumi

Mr 10.17-31; Lc 18.18-30

¹⁶ ĩgu eropa iira puhru yujugu masu mamu Jesu pohrogue eraa, serēpimi ĩgure:

—Ne muhu ōagu buhegu āhrra. ¿Yu arīpehrerinuri Goāmu mera arīdiagu, ōarire iidiagu dinopare iibocuri yuhu? arīmi ĩgu.

¹⁷ —¿Dohpa arīronore yare ōagu arī piyuri muhu? Goāmu dihta ōagu āhriima. Arīpehrerinuri Goāmu mera arīdiagu ĩgu dorerire iique, arīmi Jesu.

¹⁸ —¿Di doreripare arīgu iiri? arī serēpinemomi ĩgu.

Jesu yuhrimi:

—Masare wejēbiricāque. Gajigu marapo mera arībita. Yajabita. Guyabita.

¹⁹ Mu pagu sumarāre umupeoque. Mu basi mahiro dopa ta mu pohro arīgu sāre mahique. I dorerire iiro gahmea, arīmi Jesu.

²⁰ —I dorerire ne tarinūgabirimarabu yuhu. ¿Neheno duhyari yu iinemoburi yu arīpehrerinuri Goāmu mera arīdiagu? arīmi ĩgu Jesure.

²¹ ĩgu eroparicū peegu Jesu werenemomi:

—Muhu Goāmu mera ōaro arīdiagu mu yare arīpehrerire duagu waque. Eropa duagu arīpehreri niyerure mu watarare mojomorocurāre oque. Mu eropa iicū wuaro mu ya umaroguere Goāmu pohrogue arīyuroca. Mu eropa iira puhru yu mera majagu arību ariique, arī weremi Jesu.

²² ĩgu wuaro opagu arīpu. Eropigu Jesu ĩgure eroparicū peegu ĩgu oparire mojomorocurāre odiabigu, turaro bujawere suabiri waha wami.

²³ ĩgu eropa wacū Jesu guare ĩgu buherāre werenemomi:

—Diaye ta muare arīgu iiaa. Doberi oparā Goāmure ĩgu opu arīroguere erā wadiacū diasa āhrra.

²⁴ Muare werenemogura: Camellopu awiru gobegāgue ĩgu űajatariwereadiacū masiya mara ĩgure. Eropa ta doberi opagu Goāmu opu ĩgu arīroguere wacū diasataria, arīmi ĩgu.

²⁵ ĩgu eroparicū gua ihamaria wa gua basi ōpa arību:

—Yaho. ĩgu arīro dopa ta diaye arīcū, ne yujugu masure Goāmu taubiribocumi ĩgu pohro waborore, arību gua gua basi.

²⁶ Gua eroparicū Jesu guare iħabeo, ōpa weremi:

—Masa erā bocafuro erā ōaro iira mera Goāmu pohrogue wamasibema. Goāmuru masare peamegue wabonirāre taumasimi. ĩgu arīpehrerire ōaro iimasipehocāmi, arīmi ĩgu guare.

²⁷ ĩgu eroparicū Pedro ĩgure arīmi:

—Peenique. Guapu gua ya arīpehrerire apipehocābu mu mera warā. ¿Gua ōpa iirā dohpa arīrīre watarācuri gua? arīmi ĩgu.

²⁸ —Muare diaye arīgu tiiaa: Pehrerinu puhru arīpehreri mama gohrotoroca. Irisubuguere yuhu masu Goāmu ĩgu obeodigu yu opu doaro gosesiriro doaguca yuhu. Yuhu ero doacū mua sā doce gohra arīnirā oparā arīri mera doarāca. Eropirā Israe masare doce cururi majarāre beyerāca ōarā sāre űerā sāre.

²⁹ Eropirā mua arīpehrerā ōari buherire yaha arīburire iimorā, mua wirire, mua pagu porāre, mua pagu sumarāre, mua porāre, mua poerire apicānirā wuaro watarāca. Eropirā arīpehrerinuri Goāmu mera ōaro arīrāca.

³⁰ Dohpaguere bajarā oparā arīnirā mura irisubuguere bu arīrā dujarācoma. Eropirā dohpaguere bajarā bu arīnirā mura irisubure oparā gohrotorācoma daja, arī weremi Jesu guare ĩgu buherāre.

20

Igui pohe mohmerā queorire wereñumi Jesu

¹ Eropi dipaturi Jesu queorire weremi daja ōpa arīgu:

—Umaro majagu opu ĩgu arīri werediacū pohe opu iro dopa āhrra. ĩgu pohe opu boyo pāri merejacū ĩgu pohere mohmemorāre sihugu wañumi.

² “Yujuse niyerusere yujuna mohmeri wajare wajayegura yujunare,” arīñumi. “Áu,” arīñuma mohmemorā. Erā eroparicū pohegue mohmedoregu obeoñumi ĩgu erāre.

³ Eropigu umugue nueve áricú doberi duarogue wañumi daja. Eroque ejagu, gajirã mohmebirãre ñañumi.

⁴ Eropa ñaçu erãre arññumi: “Maa sã yaha pohere mohmerã waque. Õaro wajayegura,” arññumi ñu.

⁵ Eropirã erã pohegue mohmerã wañuma. Eropi pohe opu goeri boje áricú, ñamicague tres áricú sãre gajirãre mohmedoreññumi daja.

⁶ Eropi ñamicague cinco áricúgue doberi duarogue ñu wañumi daja. Eroque eja gajirã mohmeri moorãre ñañumi. Erãre arññumi: “¿Ne gajino iibiriquererã yujunãre ñaniguineacãri mua?” arñ serëpiññumi erãre.

⁷ “Ne guare mohmeri mara,” arñ yuhriññuma erã. “Maa sã yaha pohere mohmerã waque,” arññumi erãre. Eropirã ñu arñdiro dopa ta ñu ya pohere mohmerã wañuma.

⁸ “Eropi ñamicague mohme duhurisubugue áricú pohe opu ñu mohmerãre coregare õpa arññumi: “Mohmerãre sihuque. Erã eracú erãre wajayeque. Erã puhruague mohmedorenirãre wajayemuhtaque. Erãre wajayetuha, gajirã sãre wajayetuha, yu mohmedoremuhtanirãre wajaye ojogorocúque,” arññumi ñu.

⁹ Eropigu cinco áricú mohmenuganirãre yujuse niyeruse wajayefñumi.

¹⁰ Ñu eropa wajayecú ñarã, “Guare tauñariro wajayegucumi,” arñ pepiriññuma ñu doremuhtanirãre. Erã sãre yujuropa ta wajayecãññumi.

¹¹ Eropirã erãre niyerure ñu wajayetuhajacú erã opu mera papuri ñu erã arññuma:

¹² “Oã gua puhruague mu mohmedorenirãre yuju hora ta mohmeama. Guapu yujunã õaro mohmeneacarabu. Nero abe asiami guare. Gua eropa yoari boje mohmequerecú ta gua puhruague mohmenuganirã sãre yujuropa wajayecãbu muhu,” arñ guañuma erã ñu mera.

¹³ Erã eroparicú peegu yujugu erã mera majagure pohe opu yuhriññumi: “Ne acaweregu, yujuse niyerusere wajayegura, arñrabu muare. Yu eroparicú yuhriabu mua. Eropigu yu arñdiro dopa ta muare wajayebabu yuhu. Queoro wajayebabu muare. Ne yajabirabu muare.

¹⁴ Eropigu yu wajayerare añ wihigue dujaaque. Ñre puhru yu mohmedoredigu sãre muare yu wajayedirope ta wajayegura.

¹⁵ Yaha niyeru ahraa i. Eropigu yu gamero dopa ta i mera wajayegura. ¿Gajirãre tauñariro yu wajayecú ñaturiri muhu?” arññumi ñu pohe opu, arñ weremi iri queorire Jesu.

¹⁶ Eropa arñgu werenemomi ñu:

—I queori arñro dopa ta yaharã arñmuhtanirãre erã puhru yaharã arñnirã sãre yujuro mera ogucumi Goãm ñu ya ñarire. Eropirã arñmuhtanirãre “Guare onemogucumi,” arñmasibeama, arñ weremi Jesu.

Dipaturi Jesu ñu siriburiñere ñu masa mariaburiñere wereññumi
Mr 10.32-34; Lc 18.31-34

¹⁷ Eropi Jerusalengue warã yujuro mera ta waniguirã, guare ñu buherãre sihubeotuha, gajipugue guare gua seyarore aigãmi Jesu. Gua seyaro gua áricú weremi.

¹⁸ —Peeque yure. Dohpaguere Jerusalengue warã ñaara mari. Eroque yu masure Goãm ñu obeodigure ñeha, gajirãre orãcoma. Pahia oparãre, masare buherã sãre yure orãcoma. Eropirã yure wejedorerãcoma erã.

¹⁹ Eropa wejedorerã judio masa arñbirãre yure orãcoma. Erã eropa ora puhru erãpu yure wereya, tararãcoma. Tuhaja, crusague pabiarãcoma yure. Eropigu yu sirira puhruere uhrenu waboro gohra masa mariaguca, arñ weremi Jesu.

Santiago, Ñu mera erã pago erãre serëbasapo Jesure
Mr 10.35-45

²⁰ Eropigo Zebedeo marapo Santiago, Ñu igo porã mera Jesu pohroque eja, merejapo ñu erãre serëbo arigo.

²¹ —¿Dohpa yu ñu gahmeri muhu? arñ Jesu igore.

—Muhu opu ñaagu yu porã sãre dorerã acuque. Eropa acugu mu pepuri erãre doboque, arñ serëpo igo igo porã mera.

²² Jesu õpa arñpu:

—Maa ñero tariboro masibiriquererã ta eropa serã mua. ¿Dohpaguere yu ñero tariboro dopa ta mua sã ñero tarirã yujuro bojebocuri mua? arñ Jesu igo porãre.

—Yujuro bojerãca, arñ yuhriñorã Santiago Ñu mera.

²³ —Diaye ta ahraa. Yu ñero taridiro dopa ta ñero tarirãca mua sã. Eroque mua tarimorã arñquerecú ta yu mera doremorãre muare yuhu beyemasibeaa. Yu Pagupu

amutuhami irire. Eropirā ĩġu beyenirā dihta yu diayerp̄are, yu cop̄ap̄are doarācoma, ar̄ip̄u Jesu erāre.

²⁴ Eropirā ġua ġajirā diez ĩġu buherāp̄u erā oparā ár̄iburire Jesure serēcū Santiago, Ñu sã mera guabu ġua.

²⁵ Ģua eropa guacū ĩaġu Jesu ár̄ipehrerā ĩġu buherāre sihu gameneo, ōpa ar̄i weremi ġuare:

—Goām̄ure masibirā oparāp̄u masare dorerā, p̄ūiro mera dorema.

²⁶ M̄uap̄u eropa iisome m̄ua basi. M̄ua mera majagu op̄u ár̄idiagu, ár̄ipehrerā ĩġu mera majarāre itamuḡu ár̄iporo.

²⁷ Eropiġu ár̄ipehrerāre doreġu ár̄idiagu pohro majagu iiro dopa ta ár̄iporo.

²⁸ Eropa ár̄iġu ta āhraa yu sã. Masare dorebiragu ar̄iġu ĩbirib̄u. Yuh̄u masu Goām̄u ĩġu obeodigu ár̄iquereġu ta i yebaguere masare itamuḡu ar̄iġu ĩib̄u. Eropiġu bajarā masa erā ñero iira dipuwajare siribasagu ar̄iġu ĩib̄u. Eropiġu masa peameġue wabonirāre tauḡu ar̄iġu ĩib̄u, ar̄imi Jesu ġuare.

Perā cuiři ĩhajabirāre ĩacū ĩiñumi Jesu

Mr 10.46-52; Lc 18.35-43

²⁹ Eropi Jericóġue ár̄inirā ġua wacū bajarā masa Jesure nur̄siam̄a.

³⁰ Eropi Jesu ĩġu tarigacū perā cuiři ĩhajabirā ma turo doanirā peema. Eropa peerā ōpa ar̄i ġaguiniguinemoma:

—Op̄u Davi m̄ur̄u p̄arami, masare taubu, ġuare mojomoro ĩaque, ar̄i ġaguinima.

³¹ Erā eropa ġaguiniguicū masap̄u erāre turima.

—Ejarimaricāque, ar̄ima masa erāre. Erā eropa ar̄iquerecū ta erā ġaguiniguidero tauro ġaguiniguinemoma daja.

—Op̄u Davi m̄ur̄u p̄arami, ġuare mojomoro ĩaque, ar̄i ġaguiniguima daja.

³² Erā eropar̄icū peegu Jesu nuġaja erāre sihubeo serēpimi,

—¿Dohpa yu m̄uare ĩicū ġahmeri? ar̄i serēpimi.

³³ —Op̄u, ġuare ĩacū ĩique, ar̄i yuhr̄ima erā.

³⁴ Erā eropar̄icū Jesu erāre mojomoro ĩami. Eropa mojomoro ĩaġu erā cuirire mohmepimi. ĩġu eropa mohmepicū ta erā ōaro ĩha wama. Eropa ĩanirā ĩġure nur̄sia wahġama.

21

Jerusalēngue ejañumi Jesu

Mr 11.1-11; Lc 19.28-40; Jn 12.12-19

¹ Eropi Jerusalēngue ġua ejaboro core Betfagē waicuri macague ejam̄htanib̄u ġua Jesu mera. Betfagē utāġu Olivo waicudigu ġubuye ár̄ib̄u. Erogue eġagu, ġuare perāre ĩġu buherā mera majarāre Jesu ĩġu core obeom̄htami.

² Ōpa doremi erāre:

—Si macague waque. Erogue ejarā, mata burrore ĩġu maguġa mera erā dirin-ugudiḡure bocajarāca. Erāre boca, ĩġure diriradarire p̄aa aĭġaribasaque yare.

³ M̄ua eropa ĩicū ĩaġu, burro op̄u “¿Duhpimorā burrore p̄ari m̄ua?” ĩġu ar̄icū peerā ōpa ar̄i yuhr̄ique: “Mari t̄iġu burrore gamebeoniami dohpa. Eropiġu dohparagā wiagucumi ĩġu,” ar̄i yuhr̄ique ĩġure, ar̄idore obeomi Jesu perā ĩġu buherāre.

⁴ Eropa iimi Goām̄u yare werem̄htadigu ĩġu ar̄i ġojadiro dopa ta. Ōpa ar̄i ġojañumi iribojegue:

⁵ Jerusalén majarāre ōpa ar̄i wereque: “ĩaque m̄ua. M̄ua Op̄u m̄ua pohrogue ahrimi. ĩġu ta masare ōaro ĩiġu āhrimi. Burro maguġa weca ar̄igucumi,” ar̄i wereque Jerusalén majarāre, ar̄i ġojañumi iribojegure.

⁶ Jesu ĩġu obeonirā perā iri macague eja, ĩġu iidorediro dopa ta ĩiñorā erā.

⁷ Burragore iġo maguġa sãre aĭġarima. Aĭġarituhaja ġua weca maja suhr̄ire tuwea aĭ, erā weca peob̄u ġua. Ģua eropa iira p̄uhr̄u Jesu ĩuġā weca m̄ur̄ibejami wabu.

⁸ M̄ur̄ibejatuha, ĩuġā weca Jerusalēngue wami. ĩġu eropa ar̄icū ĩarā masa bajarā ĩġu wari maha deco erā ya weca maja suhr̄ire tuwea aĭ, sēopi m̄htama Jesure umupearā. Ģajirāp̄u p̄ur̄icuri d̄ur̄ur̄ire mare apim̄htama “ĩġu wari maha ōari maha ár̄iporo,” ar̄irā.

⁹ Eropirā ĩġu core warā, ĩġu p̄uhr̄u nur̄usiarā mera ōpa ar̄i ġaguiniguima:

—Davi m̄ur̄u p̄aramire marire itamubure umupearā. ĩh̄i Goām̄u ĩġu obeodigu ōaro ar̄iporo. Ţmaro majagure “Turagu āhrimi,” ar̄i umupearā, ar̄i ġaguiniguima masa.

¹⁰ Eropirā Jerusalēngue erā eropa eġacū ero majarāp̄u ĩhamaria wama.

—Cue, ¿nihino āhriri ĩh̄i? ar̄i game serēpima erā basi.

¹¹ Gajirā masa yuhrima:

—Ihī Goāmū yare weremuhtagu Nazare majagu Jesu waicūgu āhrimi, arī werema erā masare.

Goāmū wihigue ejañumi Jesu

Mr 11.15-19; Lc 19.45-48; Jn 2.13-22

¹² Puhru Goāmū wihigue ejami Jesu gua mera. Iri wihigue eja ñaja wami. Ñajaja masa duadoarāre asūrā sāre bocajagu erāre cohā wiucāmi iri wihigue. Eropigu niyerure game gohroto doarā ya mesarire yomemuju, aī majipi beomārimi. Bujare duarā erā doari pērori sāre eropa ta iimi.

¹³ Eropa iigu ōpa arīmi:

—Goāmū yare erā gojarapū ōpa āhrra: Goāmū arīmi: “Yaha wihi Goāmū mera werenigui ri wihi waicuroca,” arīmi Goāmū, āhrra iigu gojarapū. Mwaru i wihire Goāmū wihire duadoarā game yajarā iiaa, arīmi iigu erāre.

¹⁴ Igu eropa iira puhru cui ri ihajabirā, curimasibirā sā Goāmū wihiguere iigu pohroge erama. Erā eropa eracū erāre ōarā dujacū iimi iigu.

¹⁵ Eropa ōarire iigu iicū iārā, pahia oparā, masare buherā sā guama iigu mera. Eropirā majirāgā sā Jesure, “Davi muru pārami, masare itamubu, turagu āhrra mūhu,” erā arī umupeocū peerā guanemoma dipaturi erā.

¹⁶ Eropa guarā ōpa arīma Jesure:

—¿Erā eroparicū peebeari mūhu? Eropa arībiricāporo, arī dorema erā Jesure.

—Erā eroparicū peea. ¿Goāmū yare erā gojarapūre ire ne buhebiriri mua?

Majirāgāre Goāmure ōaro umupeocū iibu mūhu, āhrra Goāmū yare erā gojarapū, arīmi Jesu erāre.

¹⁷ Eropa arītuha erāre cōāgā, Betania waicuri macague eja, iri ñamire ero arīmi.

Jesu yucūgure higuerağure sīrdoreñumi

Mr 11.12-14, 20-26

¹⁸ Gajinu boyorogue Jerusalēngue gua dujaacū, oaboami Jesu.

¹⁹ Eropa oaboagu, ma taro niguidigu higuerağure ihanijağū, irigu ducare omagu warimi. Dūca maribu iriguḡu. Pūri dihta arību. Dūca maricū iagu Jesu ōpa arīmi:

—Irigu yucūgu ne dipaturi dūcacosome, arīmi iigu.

Igu eroparicū iriguḡu mata ñaidija wabu.

²⁰ Irigu eropa wacū iārā, gua iigu buherā ihamaria wabu.

—¿Duhpiro mata irigu ñaidija wahári? arī serēpibu Jesure.

²¹ Jesu yuhrimi:

—Ire guñaque mua. Goāmure ōaro guñatura umupeoque. “Diaye ta eropa ta iigucumi iigu,” arīrā, “Goāmū iisome,” arībirā, yahu irigure iidiro dopa ta iimasirāca mua sā. Eropirā irigure yu sīrdorediro dopa ta tauro diasarire doremāsirāca mua Goāmure guñatura umupeorā. Irigu utāgu sāre “Dua aī, wuariyague cōādigu arīporo,” Goāmure mua arīcū irigu utāgu dija waroca.

²² Goāmū irigu diague dijacū iigucumi. Goāmure mua umupeocū, “Yu serēro dopa ta eropa waroca,” mua arī guñacū, mua serēdiro dopa ta Goāmū iigucumi, arīmi Jesu.

Jesure doredigure serēpiñuma pahia oparā, masare buherā, murā mera

Mr 11.27-33; Lc 20.1-8

²³ Eropi Goāmū wihigue dujaja buhemi iigu. Igu eropa buhecū pahia oparā, masare buherā, murā mera iigu pohroge erā serēpima:

—¿Noa doreri mera ire eropa iigu iiri mūhu? ¿Noa mure Goāmū wihigue arīñirāre cōādoreari? arī serēpima erā.

²⁴ Erā eroparicū Jesu yuhrimi:

—Mware yahu sā serēpigura. Ōaro mua yare yuhricū yu sā mware yuhri gameğura.

²⁵ ¿Ñu masare iigu waīyecū noano igure waīyedoremuriyuri mua pepicū? ¿Goāmū doreyuri? ¿O masaru doremuriyuri mua pepicū? arī serēpimi Jesu erāre.

Igu eroparicū erāpu erā basi game wereniguima:

—¿Dohpa arī yuhrirācū mari? “Goāmū Ñure doreñumi,” mari arīcū, “¿Goāmū Ñure iigu dorequerecū ta duhpirā iigu wererare peebirari mua?” arībocumi Jesu marire.

²⁶ Oā masaru “Diaye ta Ñu Goāmū yare weremuhtadigu arīmi,” arī pepima erā. Erā eropa pepirā “Ñu iigu waīyecū Goāmū igure dorebiriñumi,” mari arīcū peerā masaru guarācoma mari mera, arīma erā erā basi.

²⁷ Erā eropa arī werenigui amura puhru Jesure yuhrima erā.

—Ñure waīyedoredigure gua masibea, arīma erā.

Erā eroparicū peegu ōpa arīmi Jesu:

—Irisubu tamerare yū sā mua serēpirare werebeaa muare. Yū iirire doregure werebeaa muare, arīmi ĩgu erāre.

Yujugu porā iira queorire wereñumi Jesu

²⁸ ĩgu eropa arīra pūhru Jesu queori moa werenemomi erāre:

—Dohpa arī pepirācuri yū ōpa arī werecū? arīmi Jesu erāre. Perā pagu arīñumi. Tīgupure ōpa arīñumi erā pagu: “Mahgu, pohegue mohmegu waque,” arīñumi.

²⁹ “Wabeaa,” arī yūhrirīñumi ĩgu magu negohrare. Eropa arīqueregu ta pūhruaguere pohegue wadiariñe arīyoro daja ĩgare. Eropigu wañumi ĩgu.

³⁰ Eropigu erā pagu ĩgu magu duhyagu pohrogue eja, ĩgu tīgure ĩgu arīdiro dopa ta pohegue wadorerīñumi. “Áu,” arīñumi duhyagupū. Eropa arīqueregu ta wabirīñumi ĩgu.

³¹ ¿Nihinopū ĩgu pagu ĩgu dorediro dopa ta iiyuri? arī serēpimi Jesu.

—ĩgu tīgupū iññumi, arī yūhrima erā.

Erā eroparicū Jesu weremi:

—Muare diaye arīgu tiiaa. “Ñetariarā āhrima,” mua arīnirāpū Goāmū opū ĩgu arīroguere mua wabodiro arīquerecū ta erāpū warācoma.

³² Nū waīyeri masu buhegu arīgu muare “Ōaro iirā arīque,” arī wererimi. Eropa ĩgu werequerecū ta ĩgure peebiribū mua. Eropirā ĩgu dorerire yūhriribū. Erā ñerā arīnirāpū wajasea corerāpū, nome ñero iiricūnirāpū ĩgure peenirā arīma. Erā eropa pee gohrotorare ĩabū mua. Mua eropa ĩaqueregā ta muapū ne gohrotodiabirabū. Eropirā peebirabū mua, arīmi Jesu pahia oparāre, murā sāre.

Ñerā mohme corerā queorire wereñumi Jesu

Mr 12.1-12; Lc 20.9-19

³³ Eropi Jesu dipaturi ĩgu pepiri mera ōpa arī queorire moa erāre buhenemomi:

—Gajisubu muare werenigū queoriñere yū werecū peeque daja, arīmi. Yeba opū arīñumi. ĩgu ya pohere ĩguidarire oteñumi. Otetuha, sārirore nugu, ĩguire erā cūhra bujuburi gobere seañumi. Pohe decogue umari wihigā sāre iññumi ĩhadibumaja ōaro. Eropigu gajirāre ĩgu ya pohe deco mera apiñumi erā mohme corera waja. Eropigu iri pohere erāre mohme coredoretuhaja gajī yebague waha wañumi ĩgu.

³⁴ ĩgui ñirisubu arīcū opū ĩgu pohro majarāre ĩgu ya pohe mohme corerā pohrogue obeoñumi. Pohe maja ĩgu oteri ducare ĩgu ya sero maja ducare aĩdoregu obeoriñumi.

³⁵ Eropirā pohere mohme corerāpū ĩgu pohro majarāre ñero iññuma. Yujugure turaro paa, gajigure wejē, gajigure utā mera deañuma.

³⁶ Pūhru pohe opū dipaturi ĩgu pohro majarāre ĩgu obeomuhtanirā tauñariro arīri curu majarāre obeoriñumi daja. Eropirā pohere mohme corerā muraro ta iññuma erā sāre daja.

³⁷ “Eropigu ĩgu obeotudigu ĩgu magu arīñumi. “Yū magupure umupeorācoma,” arīgu ĩgure obeoriñumi.

³⁸ ĩgu eropa arī pepiquerecū ta pohere mohme corerā ĩgu magu ĩgu aricū ĩarā, ōpa arīñuma: “Pohe opū magu ahrimi ĩgu. ĩgure wejē cóacārā mari. Eropiro i pohe mari ya pohe dujaroca,” arīñuma erā basi.

³⁹ Eropa arīrā ĩgure ñeha pohe turogue aĩgā, wejēcāñuma erā ĩgure, arīmi Jesu erāre. Eropa arītuhaja Jesu erāre serēpimi:

⁴⁰ —¿Pohe opū arīgu dohpa ĩgucuri ĩgu ya pohere mohme corerāre? arī serēpimi Jesu pahia oparāre, murā sāre.

⁴¹ —ĩgu gajirāre pohere mohme coremorāre gohrotogucumi. Arīmuhtanirāre ñetarianirāre wejēgucumi. ĩgure ducare queoro wiamorāpūre mohmedoregucumi, arī yūhrima erā.

⁴² Erā eroparicū Jesu werenemomi erāre:

—¿Goāmū yare erā gojarapū ire yūre ĩgu arī gojarare buhebiriri mua?

Ihī Cristo utāye iro dopa ta āhrimi. Masa Cristore gamebirācoma. Erā gamebiriquerecū Goāmū ĩgure beye opū acumi. Goāmupū irire iimi. ĩgu eropa iicū ĩarā “Ōataria,” arī pepia mari, arī gojañuma iribogeuere.

¿Iriire ne buhebiriri mua?

⁴³ Eropigu muare arīgu tiiaa yūhu. Goāmū ĩgu dorerire iirā ĩgu ōari irire opaboya mua. Mua iibiricū ĩha gajirāpūre ogucumi Goāmū. Gajirā masapū ĩgu dorero dopa ta iirācoma.

⁴⁴ Yare gamebirāpu yu dipuwaja moamorā ñero tarirācoma, arīmi Jesu pahia oparāre, murā sāre.

⁴⁵ Iri pohe opu queorire ĩḡu arīcū peerā, “Īḡu iri queori mera ‘Ñerā mohme corerā iro dopa āhrima,’ marire arīḡu weresāḡu iicumi ĩḡu,” arī pepiñorā erā.

⁴⁶ Eropa arī pepirā, ĩḡure ñeadiariñorā oparāpu. Masapu Jesure umupeo “Goāmu yare weremuhtadigu āhrimi ĩḡu,” arīmuriñorā erā. Erā eropa arīrā arīcū pahia oparā sā masare ḡūrā, Jesure ñeabiriñorā.

22

Wuari bosenu queorire wereñumi Jesu

¹ Eropi dipaturi gajī queori mera erāre buhenugami Jesu:

² —Umaro majagu ĩḡu opu arīri werediācū i queori iro dopa āhrra. Yuju yeba majagu tauro opu arīñumi. Eropigu ĩḡu magu ya arīburi bosenu iññumi. Īḡu mojoto diriri bosenu arīyoro.

³ Eropigu opu ĩḡu pohro majarāre bosenu ĩarā arimorāre sihudore obeoriñumi. Erāpu aridiabiriñuma.

⁴ Eropigu gajirāre sihudoregu obeoriñumi daja ĩḡu pohro majarāre. “Yu sihubeorāre opa arī wereque. ‘Mari baburire iituhama. Wecuare, wecuagā oaro diicārāre wejē amutuhajama. Eropiro arīpehreri bosenu majare iituhajama. Eropirā bosenu majare barā arique,’ arī wereque erāre,” arī obeoriñumi ĩḡu opu ĩḡu pohro majarāre.

⁵ Erā eropa werera pūhrū ĩḡu sihubeonirā eropa pepicāñuma. Bosenure ĩarā wabiriñuma. Yujugu ĩḡu pohegue waha, wañumi. Gajigu ĩḡu mohmerire ĩḡu wañumi.

⁶ Gajirāpu ĩḡu pohro majarāre erāre wererā eranirāre ñeha, erāre ñero iññuma. Eropii wejēcāñuma.

⁷ Erā eropa iicū peegu, opuḡu guañumi. Gua, erā eropa wejēra dipuwaja dipuwaja moadoregu ĩḡu surarare obeoñumi. Eropirā surara erāre wejēpohocā, erā ya macare soecāñuma.

⁸ Erā eropa iira pūhrū, opu ĩḡu pohro majarāre opa arīñumi: “Bosenu majare amutuharama. Yu sihumuhtanirā yu bosenure ĩabonirā aribeama. Ñerā āhrima erā.

⁹ Eropirā macare wari marigue mūa bocajarāre bosenure ĩamorāre sihuque,” arīñumi ĩḡu ĩḡu pohro majarāre.

¹⁰ Īḡu eroparīcū ĩḡu pohro majarā marigue waha, arīpehrerā erā bocajarāre, ñerāre, oarāre wereñuma. Erā eropa sihura pūhrū ejañuma erā bajarā. Oaro bosenu erā iiri taribure masa ujuturitaria wañuma.

¹¹ “Ero erā doacū opuḡu yujugare mojoto diririna majañe suhriro sañabigure ĩañumi.

¹² “Ne, acaweregu, ḡduhpigu mojoto diririna majañe suhrirore sañabiriqueregu ñajarari muñu?” arī serēpiñumi opu. Īḡu eropa serēpicū masapu werebiriñumi.

¹³ Īḡu eropa werebiriñu ĩḡu ĩḡu pohro majarāre opa arīñumi opuḡu: “Ire ñeha ĩḡu mojotorire dirique. Īḡu guburi sāre dirique. Dirituha aī wiria, disiporogue naitfiarogue ĩḡure cóaque. Eroque ĩḡu turaro ore, bujawereri mera ḡucari cūridihugacumi,” arīñumi opu, arī weremi Jesu.

¹⁴ Īḡu eropa arīra pūhrū opa arīñumi ĩḡu:

—I queori wadiro dopa ta Goāmu bajarā masa ĩḡu sihubeonirā arīquererā ta bajamerāḡā ĩḡu mera dujarācoma, arī weretumi Jesu.

Oparā ya wajare wajayeburire gajirā serēpiñuma Jesure

Mr 12.13-17; Lc 20.20-26

¹⁵ Īḡu eropa arīra pūhrū fariseo masa waha, ĩḡure weresāburire erā basi weretamuñorā erā. Erā ĩḡure baja serēpiri mera erāre ĩḡu gajiropa yūhricū weresāmorā iiriñorā.

¹⁶ Eropirā erā mera majarāre, Herode ya curu majarā sāre, Jesure serēpidorerā obeoñorā. Erāpu gūa pohroque erā, Jesure serēpima:

—Buhegu, diaye wereniguḡu guyari marigu mu arīcū masia gūa. Eropigu opu arīcū sāre bu arīḡu ĩḡu arīcū sāre muñu yujuropa ĩhaa. Eropigu Goāmu yare diaye mu werēcū sāre gūa masia. Masa suacū sāre erā suabiriñu sāre queoro werea.

¹⁷ Eropigu guare wereque. ¿Roma majarā arīpehrerā tauro opu arīḡure gobierno majare marire wajayero gahmeri mu pepicū? ¿Mari doreripu irire wajayedoreri? arī serēpima Jesure.

¹⁸ Jesupu erā ĩḡure ñero weresādiarire masigu opa arī yūhrimi:

—Guyaricūā āhrra mūa. ¿Duhpirā yu ñero wereniguicū peediari mūa?

¹⁹ Dohparagā niyerusere oparā yare wajayeburisere arique. Irisere ĩarā, arīmi ĩḡu.

Īġu eroparicū peerā niyerusere aīġārīma erā.

²⁰ Erā irisere aī eracū ġaġu Īġu serēpimi erāre:

—ĶNihino gohra masu waīcūġu tuhyari irisere? ĶNoa waī tuhyari? arī serēpimi Īġu.

²¹ —César waīcūġu masa tauro opu masu Īġu waī sā tuhyami iriseguere, arī yūhrīma erā.

Erā eroparicū peegu Jesu weremi:

—Irisubu tamera masa tauro opu yare ġure oque. Goāmū yare Goāmūpure oque, arīmi Jesu.

²² Īġu eroparicū peerā, pee uca wa, waha wama.

Saduceo masa Goāmū Īġu sīrinirāre masurire serēpiñuma Jesu

Mr 12.18-27; Lc 20.27-40

²³ Eropi irinū ta yujurāyeri saduceo masa Jesure ġarā erarā gua pohroque erama. Saduceo masa “Goāmū sīrinirāre masusome,” arī pepirā árīma. Eropirā ōpa arīma erā ġure:

²⁴ —Buheġu, ōpa arī gojañumi Moise: “Yujugu Īġu tġu marapocūġu porā mariquereġu ta ġu sīricū Īġu pagu magure Īġu tġu marapo árīdigore marapocuro gahmea. Eropiġu Īġu tġu muru Īġu porācubodiro dopa ta porācuro gahmea Īġu pagu magure. Eropirā ġo porā Īġu tġu muru porā iro dopa ta árīracoma,” arī gojañumi Moise, arīma erā saduceo masa.

²⁵ Irire eropa arī weretuha i queorire werenemoma erā Jesure:

—Yujugu porā siete gohra árīñorā. Erā tġupū marapocū, porā mariġu ta sīria wapu. Eropiġu ġajiġu Īġu pagu magu sā Īġu tġu marapo árīdigore marapocūpū.

²⁶ Īġu eropa marapocura pūhrū Īġu sā Īġu tġu muru iro dopa ta porā mariquereġu ta sīria wapu. Eropiġu Īġu pagu magu Īġu tġu muru iro dopa ta porā mariquereġu ta sīria wapu. Eropa dihta wañorā yujugu porā gohra. Ne porā mariquererā ta sīripehrea wañorā erā.

²⁷ Erā marapo sā erā pūhrū sīria wapo pare, arī ōpa serēpima Jesure:

²⁸ ĶNe, Goāmū árīpehrerāre Īġu sīrinirāre masucū nihino marapo árīġocuri ġo? Erā siete árīpehrerā ġore marapocunirā árīñorā. ĶEropiġo nihino marapo gohra árīġocuri ġo? arī serēpima erā.

²⁹ Jesu yūhrimi erāre:

—Goāmū yare erā gojarapū wereniġuire ne masibea mūa. Eropirā Goāmū Īġu turari sāre ne masibea mūa. Eropi mūa pepiripū ne diaye árībeaa.

³⁰ Sīrinirā erā masa mūriara pūhrū erā anyua iro dopa āhrīma. Erā ūma nome mera marapocubeama eroguerē.

³¹ Sīrinirā mūra erā masa mūriaboropure weregura. ĶGoāmū iribojegue Īġu arīrare ne buhebiriri mūa? Ōpa arīñumi Īġu:

³² “Yūhu Abrahā, Isaa, Jacobo erā opu āhraa,” arī wereñumi Goāmū iribojegue. Erā sīrira pūhrūġue “Erā opu ta āhraa,” arī wereñumi Goāmū. Eropirā erā sīrinirā mūra Īġu masunirā árīrā erā ojocarirā āhrīma, arīmi Jesu.

³³ Īġu eropa arī buhecū peerā bajarā masa pee uca wama.

Ōtariariñere doreriñere wereñumi Jesu

Mr 12.28-34

³⁴ Eropi saduceo masa Jesure erā yūhrimasibiricū peerā, fariseo masapu gua pohroque gamenerema daja.

³⁵ Eropiġu erā mera majagu, masare buheġupū Jesu Īġu ñero arīcū peediagu ġaya serēpirimi ġure.

³⁶ —Buheġu, ĶGoāmū ya doreri ōtariaro doreripū diñe doreripū āhriri? arī serēpimi Īġu.

³⁷ Jesu ġure yūhrimi:

—“Būriġā mūa sīporā mera, mūa turari mera, mūa ōaro ġuñari mera Goāmūre mūa Opure mahique,” arīmi Goāmū.

³⁸ Īñe doreriñe ōtariariñe āhraa.

³⁹ Īñe doreriñe pūhrū ġajiñe doreriñe sā ōataria: “Mū basi mahiro dopa ta mū pohro árīrā sāre mahique,” arīmi Goāmū.

⁴⁰ Īñe peñe doreriñere iirā árīpehreri ġaji dorerire iipehorā iiaa mari. Goāmū yare weremuñtanirā iribojegue erā gojara sāre iirā iiaa mari eropa iirā, arī weremi Jesu.

ĶNoano acawereġu āhriri Cristo? arī serēpi ġañumi Jesu

Mr 12.35-37; Lc 20.41-44

⁴¹ Eropi fariseo masa ero gamenererā erā árīcū Jesu erāre serēpimi:

42 —“Cristo mari Pagu ĩgu obeodigu āhrimi,” arāa mua. ĩNihino āhriri ĩgu ñecu iribojegue majagu, mua pepicū? arĩmi ĩgu.

—Cristo Davi mura pārami ārĩgucumi, arĩ yāhrima erā.

43 Jesu weremi:

—ĩDavipu Cristo ñecu ārĩqueregu ta duhpigu opacaturiyuri Cristore? ĩDuhpigu eropa opacudoreyuri Espĩritu Santo ĩgure? Őpa arĩñumi Davi mura:

44 Goāmu ya opure ōpa arĩmi: “Ohō ya diayepu dorebu doaque. Eropigu mure ĩhaturirāre mure tarinugabasagura yuhū mu pohro majarā dopa ārĩmorāre,” arĩmi Goāmu ya opure, arĩ gojañumi Davi mura.

45 Eropa arĩ gojagu ta Davi mura opacũñumi Cristore. Cristo Davi mura opu āhrimi. ĩEropigu Davi mura Cristo ñecu ārĩqueregu duhpigu opacuyuri Cristore? arĩ weremi Jesu.

46 ĩgu eropa arĩ werecū erā ĩgure ne yūhrimasibirima. Eropirā iripēta serēpi duhucāma erā ĩgure. Eropirā ĩgure gũirā dipaturi serēpi ĩabirima ĩgure pare.

23

Masare buherā, fariseo masa sā erā ñero iirire wereñumi Jesu

Mr 12.38-40; Lc 11.37-54; 20.45-47

1 Eropi masa bajarāre gua sāre Jesu weremi daja.

2 —Masare buherā, fariseo masa sā Goāmu doreri Moisere ĩgu apirare wererā āhrima erā.

3 Erā eropa wererā ārĩcū mware erā dorerare ipehoque mua. Eropa iiquererā ta erāre ĩhacũbiricāque mua. Erā buhero dopa ta iibeama erā.

4 Masare baja dorema erā bocatũbiririre. Eropa dorequererā ta erā dorero dopa ta masa erā ĩmasibiriquerecū ĩarā erāre ĩtamubeama.

5 Masa erā ĩacū dihta ōaro ii ĩhmuma erā. Goāmu yare erā gojarapũri erā duhsāri comogāre pagañari comogāre erā diaporire dirituma masare erāre ĩadorerā. Erā dũca sāre dirituma iri comogāre. Eropirā erā suhri sāre gajirā ya tauro yoari ārĩriñe ahmu sañama, “Gua Goāmure umupeataria,” arĩ ĩadorerā.

6 Eropirā bosenuri ārĩcū oparā erā doarigue doadiama. Eropirā mari buheri wirigue sāre ōari doari dihtare doadiama erā.

7 Eropirā doberi duarogue gajirā ōaro umupei mera erāre bocatũri serēcū gahmema erā. Erāre “Buhegu,” arĩ piyucū gahmema.

8 “Muapure “Buhegu,” arĩ gajirā piyucū ĩbiricāque. Mua ārĩpehrerā yuju curu majarā āhraa. Eropigu mware buhegu yuhū yujugu ta āhraa.

9 Eropirā i yeba majarāre “Mari pagu,” arĩrā erāre umupearā iica. Ne eropa arĩ ĩbiricāque. ũmaro majagu dihta mari Pagu āhrimi. ĩgu dihtare umupearo gahmea marire.

10 Eropirā masare “Opu,” arĩbiricāque. Mua opu yuhū Cristo yujugu ta āhraa.

11 Pohro majagu iro dopa mware ĩtamugu ĩgu ta ārĩgucumi opu ārĩbu.

12 Yujugu opu ārĩdiaga docanugaja ārĩcorecāro gahmea. Eropigu docanugagu “Bu ārĩgu āhraa yuhū,” arĩ pepigu ĩgu ta ārĩgucumi opu ārĩbu, arĩ weremi Jesu.

Judio masare buherā, fariseo masa mera erā gũyarire wereñumi Jesu

13 ĩgu eropa arĩra pũrũ erāre werenemomi:

—Mua masare buherā, fariseo masa sā ñero tarirāca. Gũyaricurā āhraa mua. Gajiropa mua arĩ buhecū peerāpu Goāmu ĩgu opu ārĩroguere wasome. Mua sā eroguere wasome. Eropa arĩ buherā eroguere wadiarāre cāhmotaā mua.

14 “Mua masare buherā, fariseo masa sā ñero tarirāca. Gũyaricurā āhraa mua. Wapeweyarā nome erā wajamocū ĩha erā ya wirire emacāa mua erā nomere. Eropa erāre mojomoro ĩabiriquererā masa erā ĩhuro yoari boje Goāmure serē ĩhmuraa mua masare. Mua eropa iira dipuwaja gajirā tauro dipuwaja moagucumi mware.

15 “Mua masare buherā, fariseo masa sā ñero tarirāca. Gũyaricurā āhraa mua. Wũariyague taribuja, yoaro maja macarigue wahaa mua mua dorerire iibure omarā. Mua dorerire iibure boca, ĩgure buhea. Mua eropa ĩicū ĩgũpu mua tauro ñero ĩinũgagucumi. Eropirā ĩgure peamegue wabu ārĩcū ĩaa mua.

16 “Mua ñero tarirāca. Cui ĩhajibirā erā ĩhajibiro dopa ta masibirā āhraa mua. Eropa ārĩquererā ta gajirāre buheraa mua. Őpa arĩ buheraa mua: “ ‘Goāmu wihi mera ĩigura,’ arĩ waipeogu ĩgu arĩdiro dopa ta ĩbiricū ōaroca,” arĩ buheraa mua. “ ‘Goāmu ya wihi maja oro mera ĩigura,’ arĩ waipeodigũpũre ĩgu arĩdiro dopa ta ii ojogorocuro gahmea,” arĩ iri sāre buheraa mua.

¹⁷ Cuii ihajabirā erā ihamasibiro dopa ta masibirā āhraa maa. Pee masibirā āhraa. ¿Dinopure umupeoro gahmeri? Orote umupeobiricāro gahmea. Goāmupū iri orore ĩgu ya wihi áricū ōari iimi irire. Eropirā ĩgu ya wihipure umupeoro gahmea muare. Eropiro maa buheripū queoro wabeaa.

¹⁸ I säre buheraa maa: “Goāmu wihi maja mesa mera iigura,” arī waīpeodigu ĩgu arīdiro dopa ta ĩgu iibiricū ōacāroca,” arī buheraa maa. “Iri mesa weca mari aīgā apira ta mera iigura,” arī waīpeodigupure ĩgu arīdiro dopa ta ii ojogorocuro gahmea,” arī buheraa maa queoro buhebirā.

¹⁹ Cuii ihajabirā erā ihamasibiro dopa ta masibirā āhraa maa. ¿Dipu iri gohra āhriri maa pepicū? Goāmure masu ĩgu ora mura iri gohra áribiriñaria. Iri mesa weca Goāmure ĩgu ocā, ōari wahaa iri mesa weca áfri. Eropiro iri mesa bu áfri mesa áribeaa. Goāmure erā ora weca tauro ōari mesa āhraa.

²⁰ Eropigu “Goāmu wihi maja mesa mera iigura,” yujugu arī waīpeogu, iri mesa weca apira mera ĩgu eropa arīgu iicumi. Eropiro maa buheripū queoro wabeaa.

²¹ Goāmu ĩgu ya wihi majagu āhrimi. Eropigu “Goāmu wihi mera eropa iigura,” arī waīpeogu diaye ta Goāmu waī mera eropa arīgu iicumi.

²² Goāmu umaro majagu āhrimi. Eropigu “Umaro mera iigura,” yujugu arī waīpeogu, Goāmu mera ta eropa arīgu iicumi. Eropiro maa buheripū queoro wabeaa.

²³ “Maa masare buherā, fariseo masa sã ñero tarirāca. Guyaricurā āhraa maa. Bari suricū iirisarire menta, anis, comina waīcurisarire aī deara puhru diez quēri iiaa. Eropa iira puhru yujuquē ta aīgā apia Goāmu wihigue Goāmu dorerire iimorā. Maa eropa iri dorerire iiquererā ta tauro ōaro iirire guñabeaa maa. Diaye iirire, mojomoro ĩarire, Goāmure umupeorire ne guñabeaa maa. Ducare maa aĩrare merogā Goāmu wihire apicū ōhaa. Eropa iirā ōpa iinemoque: Diaye iirire, mojomoro ĩarire, Goāmure umupeorire iique.

²⁴ Cuii ihajabirā erā ĩabiro dopa ta diaye majare masibirā āhraa maa. Ōpa iiaa maa. Maa dorerire iidorerē áripehrerire ōaro iidiaa yujuñegā duhyaro mariro. Maa eropa iiquererā ñeripure duhubeaa.

²⁵ “Maa masare buherā, fariseo masa sã ñero tarirāca. Guyaricurā āhraa maa. Maa dorero dopa ta maa soroparire, maa ihriri parire maa coewea maa ōarire ii ĩhmurā. Eropa coequererā ta maa siporāripure coebeaa. Eropirā maa áricurire maa pepiripure ne ōarire gohrotobeaa. Gajirā yare yajadiarā, maa basi dihta pagarire aĩdiarā áriřā, eropa dihta pepia maa.

²⁶ Cuii ihajabirā erā ihajabiro dopa ta masibirā āhraa maa fariseo masa. Maa pepirire gohrotomuhtaque maa. Eropirā ōaripure iique. Maa eropa iirā masa erā ĩhuoro säre ōarā gohra áriřāca pare maa.

²⁷ “Maa masare buherā, fariseo masa sã ñero tarirāca. Guyaricurā āhraa maa. Masa comorore boreri mera erā sũhuma. Eropirā masa iri comorore erā ĩacū ōari comoro dehyoa. Iri comoro eropa ōaro deyoquerecū ta, poheca majague ĩgu boara gōariguere ĩaya mara.

²⁸ Eropa ta maa sã masa erā ĩhabeoro ōarā dehyoa maa. Eropa ōarā deyorā maa áriquerecū ta maa pepiriguere ñeri guyaricurā áritariacāa boanirā iro dopa, arī weremi Jesu.

Judio masare buherā, fariseo masa säre ĩgu dipuwaja moaborore wereñumi Jesu

Eropa arĩtuhaja ōpa arĩnemomi daja:

²⁹ —Maa masare buherā, fariseo masa sã ñero tarirāca. Guyaricurā āhraa maa. Goāmu yare weremuhtanirā iribojegue majarā erā masa goberire ōaro amuraa maa. Eropirā iribojegue majarāre ōaro iinirā murare erā wéanuginirā murare ōaro amuraa maa.

³⁰ Eropa iirā ōpa arī wereniguiraa maa: “Iribojegue mari ñecu sumará murgue erā iidiro dopa guapu iibiriboya. Irisubuge arĩnirāre Goāmu yare weremuhtanirāre guapu wejēbiriboya,” arī wereniguiraa maa.

³¹ Eropa arĩrā áriřā, maa ñecu sumará mura Goāmu yare weremuhtanirā murare erā wejēnirā erā áricū wererā iica. Erā wejēnirā pāramerā maa áriřā säre maa basi weresārā iica maa.

³² Maa ñecu sumará mura iidiro dopa ta ii ojogorocūque.

³³ “Añaa iro dopa ñerā āhraa maa. Añaa porā iro dopa āhraa maa. Goāmu maa ñeri dipuwajare ĩgu peamegue ĩgu cōaboro core duhrimasibeaa maa.

³⁴ Eropigu Goāmu yare weremuhtarāre, gajirā masirāre, gajirā muare buhemorāre maa pohro obeogura. Yū eropa obeocū muapu yujurāyeri erāre wejērāca. Gajirāre

crusague pabiarāca. Gajirāre mua buheri wirigue tārārāca. Erāre macari nēcun nūrsiarāca.

³⁵ Mua eropa iirā árīpehrerā ñeri marirāre mua wejēra dipuwaja dipuwajacurāca. Abel murure Caín ĩgu wejēra dipuwajare dipuwajacurāca mua pu. Árīpehrerā ĩgu puhru árīnirāre ñarāre erā wejēra dipuwaja sare dipuwajacurāca mua sã. Eropirā Goāmu wihi pohro waimurāre mua soeburi mesa pohro Zacariare mua acawererā mura wejēnorā. ĩgupu Berequias magu árīpu. Eropirā ĩgu sare erā wejēra dipuwaja dipuwajacurāca mua.

³⁶ Diaye muare weregu ta iiaa. Erā árīpehrerāre erā wejēra dipuwaja dohpague majarā dipuwajacurācoma, arī weremi Jesu.

Jerusalén majarāre burigā bujawereñumi Jesu

Lc 13.34-35

³⁷ Eropa arītuhaĵa ñpa werenemomi Jerusalén majarāre bujawere ĩagu:

—Mua Jerusalén majarā, mua acawererā mura Goāmu yare weremuhtanirāre wejēmurinirā árīma. Eropirā Goāmu obeonirāre, utā mera deamurinirā árīma. Cãreña buro igo igo porāre igo quēdũpuri mera igo coã oyaro dopa ta bajasuburi opadiarabu muare. Muapu irire ne yare gamebirabu.

³⁸ Dohpague mua árīri maca cóara maca árīroca.

³⁹ Diaye muare arīgu tiiaa. Puhrugue dujariguca daja yuhu. Eropa yu dujaricũ ĩarā mua yare “Goāmu turari mera arīgu ñaro ariporo,” arīrāca. Yure mua irire arīboro core, dipaturi yure ĩasome mua, arīmi Jesu.

24

Goāmu wihi cóara wihi árīroca arīñumi Jesu

Mr 13.1-2; Lc 21.5-6

¹ Eropi Goāmu wihire Jesu ĩgu wiriara puhru gua ĩgu buherā iri wihi maja wirire ĩarā,

—Ōtariari wiri āhrra. ĩaque mu sã, arību gua ĩgure.

² Jesu yuhrimi:

—I wihi majare dohpaguere ĩaraa mua. Muare weregu tiiaa. I wihi árīpehreri mua ĩara i utā sã cohmohehrea waroca. Ne yujuye utāye dujasome, arīmi ĩgu guare.

I umu pehreburiñere wereñumi Jesu

Mr 13.3-23; Lc 21.7-24; 17.22-24

³ Puhru Olivo waicũdigu utāgugue eja, erogue doami Jesu. Ero ĩgu doacũ gua ĩgu buherā gua seyaro ĩgu pohrogue eja serēpibu.

—Weregue guare. ĩDohpáricũ eropa warocuri mu arīdiro dopa waro? ĩPehrerinu coregā mu dujariboro coregā dohpa wanugacũ ĩarācuri gua? arī serēpibu gua.

⁴ Jesu yuhrimi:

—Ōaro iyuque mua. Eropirā gajirā muare erā guyarire peebiricāque.

⁵ Bajarā masa “Cristo āhrra yuhu,” arī guyarā árīrācoma. Erā eropa guycũ peerā bajarā masa Goāmu yare duhurācoma.

⁶ Mua pohrogā gajirā masa erā gamewejēcũ peerāca mua. Eropirā yorogue majarā erā sã erā gamewejēcũ peebeorāca. Eropa peequererā ta ne wuaro irire pepibiricāque. Eropa ta wamuhtaroca. Eropa wacũ pehreburiñu duhyaniroca dohpa.

⁷ Irisubure yuju yeba majarā gajī yeba majarā mera gamewejērācoma. Eropirā yujugu opu yarā gajigu opu yarā mera gamewejērācoma. Eropirā masa bajarā oa mera sīrīrācoma. Gajirā dorecu ñero tarirācoma. Eropiro bajasuburi i yeba ñohmeroca.

⁸ Eropa ñero tariquererā i yeba majarāre tauro erā ñero tariboro duhyaa dohpa. Ñero tarinirācoma dohpa.

⁹ “Irisubure gajirā muare ñeha ñero iidorerā orācoma muare gajirā oparāre. Erā eropa ocũ muare wejērācoma. Yaharā mua árīri dipuwaja árīpehrerā muare ĩhaturirācoma.

¹⁰ Irisubure bajarā yaharā árīnirā yure cóarācoma. Eropirā erā mera majarāre Jesu yarāre erā ĩhaturirācoma. Eropirā erā mera majarā erā árīquerecũ ta ĩhaturirācoma. Eropirā erā mera majarā erā árīquerecũ ta erāre ñero iimorāre erāre orācoma.

¹¹ Irisubure bajarā “Goāmu yare weremuhtarā āhrra,” arī guyarā árīrācoma. Eropirā bajarā masa erā guyarire peerā árīrācoma.

¹² Irisubure ñetariaro iirācoma masa. Eropirā erā mera majarāre mahinemosome.

¹³ Eropirā muare erā ñero iiquerecũ ta muare erā ñero ĩirare yujuro bojerā yure duhubiricũ Goāmu muare taugucumi. Eropigu ĩgu pohrogue muare opagucumi.

¹⁴ Eropiro i ðari buheri árîpehrerogue i yebaguere erā wereburi buheri árîroca. Goāmu ĩgu opu árîrire árîpehrerāre wererācoma árîpehrerā iri buherire erā masiboro dopa. Eropa werera pūhrū pehrerīnū nūgaroca.

¹⁵ “Netariagu Goāmu yare goroweogu aribure weremārīnūmi iribojegue Daniel maru Goāmu yare weremuhtadīgu. Irisubure ĩgu űetariagu Goāmu wihigue ĩgu niguicū ĩarāca mua. (Irire buhegu peeporo.)

¹⁶ Ero ĩgu niguicū ĩarā, Judea yeba árĭrāpu utā yucague oma duhrĭporo.

¹⁷ Irisubure masa űero tarĭrācoma. Eropĭrā yojaro mera duhrĭrā waporo. Irisubure erā wĭri weca maja pūarĭgue árĭrā wĭhi pohecague erā yare aĭrā űajabĭricāporo.

¹⁸ Eropĭrā irisubure gajĭrā erā poerĭgue árĭrā erā ya suhrĭre wihigue árĭri suhrĭre aĭrā pĭhabĭricāporo.

¹⁹ Irisubure nijiposā nome, erā porāre mĭhrĭrāre oparā nome sā mojomorocurā nome dujarācoma.

²⁰ Eropĭrā Goāmure ðpa arĭ serēque: “Puhĭrō árĭcū gua judio masa soorĭnū árĭcū sāre gua oma duhrĭburĭnū árĭbĭricāporo,” arĭ serēque mua Goāmure.

²¹ Irĭnūrire masa űero tarĭrācoma. I yebare ĩgu ĩhacūnugura pūhrū masa űero tarĭmārĭnūma. Iri eropa árĭquerecū ta árĭpehreri pūrĭri erā űero tarĭdiro tauro űetariaro tarĭrācoma masa pehrĭburĭnū coregāre. Eropa űero erā tarĭra pūhrū, dĭpaturĭ eropa űero tarĭsome ĩ yeba pare.

²² Eropĭgu Goāmu irĭnūrire bajamenūrigā árĭcū ĩigucumi. ĩgu eropa ĩbĭricū ne yujugu masu tarĭbĭbocumi. Eropĭgu ĩgu beyenĭrā erā tarĭborore bajamenūrigā űero tarĭburĭnūrire apĭgucumi Goāmu.

²³ Irisubure gajĭrāre pee masi ĩaque: “ĩaque. Ohō āhrĭmi Cristo,” erā arĭcū erāre peebrĭcāque. “Ero āhrĭmi Cristo,” erā arĭcū sāre peebrĭcāque.

²⁴ “Cristo āhraa,” arĭ guyarā, “Goāmu yare weremuhtarā āhraa,” arĭ guyarā árĭrācoma irisubure. Eropĭrā Goāmu ĩgu beyenĭrāre guyarā, erā deyro moarĭre ĩi ĩhmūrācoma. Goāmu yare erāre cōācū ĩĭdarā ĩirācoma erā guyarĭ masa.

²⁵ I árĭpehrerire wereyumuhtaa muare ĩri eropa waboro core. Eropĭrā ðaro pee masiyuque mua.

²⁶ Gajĭrā masa muare ðpa arĭcū, “Masa marĭrogue āhrĭmi Cristo,” erā arĭcū eroguerē ĩarā wabĭricāque. Eropĭrā erā “Ohō ĩri wihigue āhrĭmi ĩgu,” erā arĭcū sāre erāre peebrĭcāque.

²⁷ Yūhu masu Goāmu ĩgu obeodĭgu guñaña marĭro dujarĭgura. Bupu ĩgu mĭacū űmarore, abe mūrĭrĭrogue, abe űajarogue yojaro mera ĩgu mĭabeoro dopa ta eropa ta dujarĭgura yūhu.

²⁸ Masa erā űeri erā ĩinĭguĭrogue erogue Goāmu erāre erā űeri dĭpuwaja dĭpuwaja moagucumi erāre, arĭ weremi Jesu.

Cristo i yebague ĩgu dujarĭborore wereñumi ĩgu

Mr 13.24-37; Lc 21.25-33; 17.26-30, 34-36

²⁹ Eropĭgu guare werenemomi:

—Masa űero erā tarĭranūri pūhrū abe űmū majagu, űami majagu sā boyo duhurācoma. Erā eropa wacū necā dĭpu yuri dĭjarĭroca. Eropĭro űmaro maja sā yeba sā burĭgā űohmeroca.

³⁰ Irisubu ta yūhu masu Goāmu ĩgu obeodĭgu yū dehyoacū masa ĩarācoma. Eropĭrā árĭpehreri cururi majarā orerācoma. Eropĭrā yū turari mera, yū gosesĭrĭri mera, űmaro maja ĩmica curu weca ĩ yebaguere yū dujarĭcū ĩarācoma masa.

³¹ Corneta busuroca. Eropĭgu yaharā anyuare árĭpehrero ĩ yebaguere obeogura. Eropĭrā árĭpehrerogue yaharāre yū beyenĭrāre erā aĭ gameneorācoma.

³² “Hĭgueragu ĩrĭgu warĭcūrĭre masĭa mua. ĩrĭgu yucagu pūcūcū ĩarā, “Bojori merogā duhyaa,” arĭ masĭa mua.

³³ Eropa ta ĩrĭgu waro dopa ta masĭque mua. I árĭpehreri yū arĭra eropa wacū ĩarā, “Cristo dujarĭboro merogā duhyaa,” arĭ masĭque mua.

³⁴ Dĭaye arĭgu tĭaa muare. Irisubu majarā erā sĭrĭboro core árĭpehreri yū arĭdiro dopa ta eropa waroca. űmaro ĩ yeba sā pehrea waroca.

³⁵ Yū werenĭguĭrĭpu ne pehrĭsome. Árĭpehreri yū arĭdiro dopa ta eropa waha ojogorocuroca.

³⁶ “ĩrĭnure yū dujarĭburĭnure, ĩri hora sāre masĭbeaa yūhu. Anyua sā ĩrĭre masĭbeama. Masa sā ne masĭbeama. Yū Pagu dĭhta ĩrĭre masĭmi.

³⁷ “Noé ĩgu árĭrasubu majarā erā arĭdiro dopa ta ĩ yeba majarā yū dujarĭboro coregā eropa ta árĭrācoma.

³⁸ Yeba miriboro core masa baha, ihri, iifuma. Eropirā mojoto diriifuma. Noé sã erã wuadiru dohodirugue erã ñajaboro core mwaro ta iimuririifuma masa.

³⁹ Mata turaro deco ahri, guñaña mariro yeba miria wayoro. Masa sã miripehrea waifuma. Guñaña mariro ero miridiro dopa ta, yuhu masu Goãmũ İgu obeodigu i yebaguere guñaña mariro dujariguca.

⁴⁰ Irisubure yare umupearãre beye gameneodoreguca. Eropigu poheguere perã mohmerã áricũ yujugure aifracoma ya mera áribure. Eropigu gajigu ero dujagucumi.

⁴¹ Irisubure nome perã nome erã yujuro erã ojuducare erã biurã áricũ yujugore aifracoma. Eropigo gajigo ero ta dujagucumo.

⁴² “Óaro guñamasi coreque. Yuhu maa opu ya dujariburinure ne masibea maa.

⁴³ Ire guñaque. Yajari masu İgu wihigue İgu ñajaa İgu yajaborore wihi opu masigu, iri ñamire İgu caribiriboñumi yajari masure coregu. Eropigu yajari masure İgu ya wihire ñajaridorebiriboñumi.

⁴⁴ Wihi opu İgu ya wihire corero dopa ta maa sã ya ariburire core árique. Yuhu masu Goãmũ İgu obeodigu i yebare dujarigu guñaña mariro ariguca. Eropirã yahare eropa iiniguirã yare coreque, arĩmi Jesu.

Yujugu mohme coregu İgu opure óaro umupearire, gajigu İgu óaro umupeariri sare wereñumi Jesu

Lc 12.41-48

⁴⁵ Eropi Jesu ópa arĩ queorire moami buhenemobu:

—Mohme coregu İgu opure umupegu pee masigu ópa ta áhrimi. Opu curigu wagu, mohme coregure İgu wihire apimi. İgu apigupu doregu árigucumi. Eropigu barisubu áricũ mohme coregu gajirã mohmeri masare barire gueremi.

⁴⁶ Eropigu opu İgu ya wihi dujarami. İgu dujaracũ İagu mohme coregu İgu opu İgu dorediro dopa ta iipehogu árigu, mucubirigu árigucumi.

⁴⁷ Diaye maare arigu tiaa. İgu eropa iicũ İagu İgu opu áripheereri İgu yare İhadibugu apigucumi İgure.

⁴⁸⁻⁴⁹ Ñegu mohme coregupu ópa ta áhrimi. “Yu opu yoja deyobeami,” arigu, gajirã mohme corerãre paa, wuaro baha, ihri, mererã mera meregucumi.

⁵⁰ İgu eropa iirisubu İgu opu guñaña mariro dujaragucumi. İgu dujararinure ne masibeami mohme coregu.

⁵¹ Eropa dujaragu ñegu İgu iirare pee igure turaro dipuwaja moagucumi. Eropigu guyaricurã erã warogue İgure cóagucumi. Eroguere İgu turaro ore, bujawereri mera İgu gucari cüridihugucumi, arĩmi Jesu.

25

Diez nome iira queori mera buheñumi Jesu

¹ Eropi Jesu dipaturi ópa arĩ queorire weremi buhenemogu daja:

—Umáro majagu İgu opu ári diez nome erã wadiro dopa áhraa: Diez nome áriifuma. Yuju ñami erã, erã sihãgori dipuru mera mojoto diridigure bocatirã waifuma.

² Erã mera majarã nome cinco nome pee masibirã nome áriifuma. Gajirã nomepu cinco nome pee masirã nome áriifuma.

³ Pee masibirã nomepu erã sihãgori dipurure yu dicari dipurure aifererã erã gohrotoburire aifiriifuma.

⁴ Pee masirã nomepu erã sihãgori dipurure dicari dipurure aĩ gajı yu dipuru sare erã gohrotoburire aifuma.

⁵ Eropirã mojoto diridigu İgu yoja deyobiricũ erã nome waja püricũ caria waifuma.

⁶ Eropiro ñami deco gaguinigu carifumi: “Peeque, mojoto diridigu arigu carimi. İgure bocatirã arique,” arı gaguinigu carifumi.

⁷ İgu eroparicũ peerã erã nome wahgã, erã sihãgori dipurure amufuma.

⁸ Eropirã pee masibirã nomepu, gajirã nomere pee masirã nomere ópa arifuma: “Gua sihãgori dipuru yariro iiaa. Eropirã merogã maa ya yuare oque guare,” arı sererifuma erã nome.

⁹ Erã eropa arı serererecũ ta pee masirã nomepu ópa yuhriifuma: “Gua ya yu maare ocũ áripheerãre sihabiriboca. Eropirã yu duarã pohro maa bası asurã waque,” arı yuhriifuma pee masirã nomepu.

¹⁰ Eropirã pee masibirã nome asurã waifuma. Erã eropa wara puhru mojoto diridigu eraifumi. İgu eracũ İha, erã amutuhanirã nome pee masirã nome igure bocatirifuma.

Īḡu mojoto diriri bosenuḡue ĩḡu mera ĩarā wañuma. Eropirā erā bosenu erā iri wihigue ñajara pũhrũ, disiporore biacãñumi.

¹¹ Pũhrũḡue pee masibirā nomepu erariñuma. “Opũ, guare pãḡũque,” arĩriñuma erā nome.

¹² “Diaye mũare arĩḡu tiaa. Mũare masibea yũhũ,” arĩñumi ĩḡu erā nomere.

¹³ Yũ dujariburinũre iri hora sãre ne masibea mũa. Eropirā pee masirā nome erā yare ðaro amutuha erā coređiro dopa ta ðarā, ñeri marirā āhri coreḡue mũa sã, arĩ weremi Jesu.

Niyeruseri oroseri queorire wereñumi Jesu

¹⁴ Eropa arĩ weretuha ðpa arĩ queorire moa buhenemomi daja ḡua sãre:

—Irisubu yũ dujariburinũ ĩḡu wihi opũ iidiro dopa árĩroca. Wihi opũ árĩñumi. Īḡu gajipũḡue curiḡu wagũ, ĩḡure mohme corerãre sihubeoñumi. Eropiḡu erãre ĩḡu yare coređoreñumi.

¹⁵ Eropa coređoreḡu erā dibu masiropẽ erãre niyeruserire wajapagariserire oñumi. Yujugãre cinco mil seri oroserire oñumi. Gajigũre pe mil seri oñumi. Gajigũre yuju mil seri oñumi. Erãre otuha waha wañumi.

¹⁶ Eropiḡu cinco mil seri ĩḡu odigũ mata iriseri mera gajinore asũñumi. Īḡu asũra mera duagu gaji cinco mil seri wajatanemoñumi ĩḡu. Eropiḡu diez mil seri mera dujañumi.

¹⁷ Eropiḡu pe mil seri ĩḡu odigũ mata ĩḡu ora pũhrũ ta iriseri mera gajinore asũñumi. Īḡu asũra mera duagu gaji pe mil seri wajatanemoñumi. Eropiḡu wapicuri mil seri opañumi.

¹⁸ Yuju mil seri ĩḡu odigũpũ gobe seha, iri gobegue dibuñumi iriserire dibugũ.

¹⁹ “Pũhrũ yoara pũhrũ erā opũ goerañumi. Eropa eragu ĩḡu niyeruseri mera erã wajatanemorare queobu ĩḡure mohme corerãre sihubeoñumi.

²⁰ Eropiḡu cinco mil seri ĩḡu odigũ ĩḡu opũ pohrogue eja, diez mil seri wiañumi ĩḡure. “Cinco mil seri yũre ohabũ mũhũ. Īañatagu. Iriseri mera gaji cinco mil serire wajatanemoabũ,” arĩñumi ĩḡure.

²¹ “Õaro iiaya mũhũ. Mũhũ ðagu yũ doređiro dopa ta iidigũ āhraa. Eropiḡu dohpaguere wũaro mũ mohmeborore apigũra. Eropiḡu yũ mera mucubirique,” arĩñumi ĩḡu opũ ĩḡure.

²² Eropiḡu pe mil serire aĩdigũ sã ĩḡu opũ pohrogue eja, wereñumi ĩḡure: “Pe mil seri yũre ohabũ mũhũ. Īañatagu. Iriseri mera gajiseri pe mil seri wajatanemoabũ,” arĩñumi ĩḡu.

²³ “Õaro iiaya mũhũ. Mũhũ ðagu yũ doređiro dopa ta iigu āhraa. Merogãre ðaro iiaya mũhũ. Eropiḡu dohpaguere wũaro mũ mohmeborore apigũra. Eropiḡu yũ mera mucubirique mũhũ,” arĩñumi ĩḡu opũ.

²⁴ “Eropiḡu yuju mil serire aĩdigũpũ, ĩḡu opũ pohrogue eja, wereñumi ĩḡure: “Opũ, mũhũ turaro mohmedoreḡu āhraa. Eropiḡu gajirãre mohmedorequereḡu oteri moogu árĩquereḡu ta mũ dihta iri ðucare aĩa.

²⁵ Mũhũ eropa árĩḡu árĩcũ mũre ḡũiabũ. Eropa ḡũigu gobe seha, iri gobegue mũ niyeruserire dibucãbũ. Īañatagu. Ohõ āhraa mũ ya niyeruseri,” arĩñumi ĩḡu ĩḡure.

²⁶ “Mũhũ ñegũ butagu āhraa. Yũre, ‘Mũhũ gajirãre mohmedorequereḡu mũ dihta iri ðucare aĩa,’ arĩa mũhũ yũre.

²⁷ ¿Mũhũ yũre eropa árĩquereḡu ta, duhpigu yũ óraserire niyeru diburi wihigue dihbubirari mũhũ? Mũ erogue dibugũ iriseri mera wũaro wajatanemoboaya. Irire mũhũ iicã dujaragu wajatanemoboaya yũhũ,” arĩñumi opũ ĩḡure.

²⁸ Eropa arĩḡu gajirã ĩḡure mohme corerãre ðoreñumi ĩḡu: “Niyeruserire emaque ĩḡure. Diez mil seri opagũpũre oque.

²⁹ Árĩpehrerã baja oparãre onemogũra. Moorãpũre merogã erã opaquerecã ta erãre emapehocãḡũra.

³⁰ Ihĩ mohme coreḡu duhpibu árĩbeami. Naitĩarogue ñerogue cóãcãque ĩḡure. Erogue ĩḡu turaro ore, bujawereri mera ĩḡu ḡũcũri cũridihugũcumĩ,” arĩñumi opũ, arĩ weremi Jesu.

Dipuwaja moaborore wereñumi Jesu

³¹ Eropi Jesu werenemomi:

—Yũhũ masũ Goãmũ ĩḡu obeodigũ árĩpehrerã anyua mera ðoreḡu dujarigũca. Eropa dujarigũ opũ ðarogũ yũ gosesiriri mera ðagũca.

³² Eropa yu doacũ, yaharã anyua i yeba majarãre árîpehrerãre yu pohro gamene-orãcoma. Erãre gameneora puhru pe curu dũca wagura erãre. Oveja îhadibugũ igũ iiro dopa igũ cabrãre igũ dũca waro dopa ta masare dũca wa dobogura.

³³ Eropa dũca wagu oveja dopa árîrãre ðarãre yu diayeru dobogura. Eropigu cabra dopa árîrãre, ñerãre yu copuru dobogura.

³⁴ Yu eropa iira puhru yuhu árîpehrerã tauro opu yu diayeru doarãre ðpa arî weregura: "Yu Pagu muare ðaro iigucumi. I yebare îhacũnugudigugue ta mua ya árîburire igũ opu árîrore amuyutuhami Goãmu. Eropirã dohpaguere igũ amuyudiroguere árîrã arique.

³⁵ Yu oboacũ îarã mua yure barire obu. Yu ñemesibucũ mua yure tiabu. Mua pohro yu curicũ yure îha masibiriqererã yure ðaro bocatĩribu mua.

³⁶ Suhri marigu yu árîcũ îarã muapu yure suhrire sãbu. Dorecucũ mua yure îarã aribu. Peresu yu árîcũ sãre yure îarã aribu," arĩgura ðarãre.

³⁷ Yu eroparicũ peerã ðarãpu yure serẽpirãcoma: "Opu, ¿dohpãricũ mu oboacũ mure barire ori gaa? ¿Dohpãricũ mu ñemesibucũ mure tiari gaa?"

³⁸ ¿Dohpãricũ mure îha masibiriqererã ðaro bocatĩriri gaa? ¿Dohpãricũ mu suhri marigu mu árîcũ mure suhri sãri gaa?"

³⁹ ¿Dohpãricũ mu dorecucũ o peresugue mu árîcũ sãre mure îarã ejari gaa?" arĩrãcoma yure.

⁴⁰ Erã eropa arî serẽpicũ peegu yuhu ðpa erãre yuhriguca: "Diaye muare arĩgu tiiaa. Oã yaharã mera majagu bu árĩgu árĩquerecũ ta, mua igure eropa ta ðaro iibu. Eropa árĩgure eropa iirã, yure iiro dopa iirã tiiaa mua," arî weregura erãre.

⁴¹ "Ðarãre yu eropa arî werera puhru, copuru árîrãre ñerãre yu árîpehrerã tauro opu ðpa arĩgura: "Goãmu igũ dipuwaja moamorã àhraa mua. Yu mera dujabiricãque. Peamegue waque mua. Iri peame ne yaribea. Watĩ, igũ yarã anyua sã erã árîborore iri peamere iimi Goãmu.

⁴² Yu eroparicũ peerã erã yure serẽpirãcoma: "Opu, ¿mu oboacũ, mu ñemesibucũ, mua yure tiabiribu.

⁴³ Mua pohro yu curicũ yure masibirã bocatĩribiribu. Eropa îacãbu. Suhri marigu yu árĩquerecũ ta, yure suhri sãbiribu mua. Dorecugu yu árîcũ, peresu yu árîcũ sãre eropa îacãbu mua yure," arî weregura erãre ñerãre.

⁴⁴ Yu eroparicũ peerã erã yure serẽpirãcoma: "Opu, ¿mu oboacũ, mu ñemesibucũ, mua masibigu mu árîcũ, suhri marigu mu árîcũ, dorecugu mu árîcũ, peresugue mu árîcũ, dohpãricũ guapu mure itamubiriri?" arî serẽpirãcoma yure.

⁴⁵ Erã eropa arî serẽpicũ yuhu erãre ðpa arî weregura: "Diaye muare arĩgu tiiaa. Oã yaharã mera majagure bu árĩgure mua ne itamubiribu. Eropa árĩgure mua itamubirã, yure ta itamubea mua," arî weregura erãre.

⁴⁶ Eropigu erãre eropa dipuwaja moanigucãgucumi Goãmu. Erã eropa dipuwajacuri ne pehresome. Eropirã ðarãpu umuri nucũ ðaro árîrãcoma, arî weremi Jesu.

26

Pahia oparã, murã mera Jesure wejediañuma

Mr 14.1-2; Lc 22.1-2; Jn 11.45-53

¹ Iri árîpehrerire igũ buhera puhru Jesu guare igũ buherãre weremi:

² —Penã puhru Pascua árîroca. Irire mua masia. Irisubure yuhu masure Goãmu igũ obeodigure ñearãcoma. Ñeha yure crusague wejërãcoma, arĩmi igũ guare.

³ Irisubu ta pahia oparã, murã sã gamenereñorã. Caifa pahia opu ya wihi gamenereñorã erã.

⁴ Ero gamenere, erã guayari mera Jesure ñeha erã wejëburire game weretamurã iñorã.

⁵ —Bosenu árîcũ igure ñeabiricãrã. Masa gaa igure ñeacũ îarã gaa gamenerenijarã gamequeãbocoma, arirã iñorã erã erã basi.

Nomeo poresuri mera Jesure pipeopo

Mr 14.3-9; Jn 12.1-8

⁶ Irisubure Simo cami boadigu ya wihi árĩmi Jesu. Gaa sã árĩbu. Igũ árĩri maca Betania waĩcari maca árĩbu.

⁷ Iri wihi igũ baro watope yujugo nomeo poresuri aĩgãri, Jesu dipuru weca pipeomo. Iri poresuri alabastro waĩcãdiru dicuri deco, igo pipeori deco wajapagari deco árĩbu.

⁸ Igo eropa pipeocũ îarã gaa Jesu buherã guarã ðpa arĩnũgabũ:

—¿Duhpigo igo irire eropa iisirimaacãri?

⁹ Iri poresurire duaboañumo. Eropa duago wũaro niyerure wajataboañumo. Eropa wajatago, mojomorocarãre iri niyerure oboañumo, arĩbu gaa igũ buherã.

¹⁰ Gua eroparicū ñagu, Jesu guare weremi:

—¿Duhpirā eropa arīri mua ñgore? Yure ñaro ñigo iimo.

¹¹ Mojomorocurāpū mua mera eropa arīniguirācoma. Eropirā mua erāpūre omasia. Yurū i yebare mua mera eropa arīniguisome.

¹² Yure erā yaaboro core yū ñupūre amuyugo, poresuri mera sūhumo yure.

¹³ Eropigu ñiaye ta muare arīgu iiaa. Arīpehrero i yebaguere ñari buherire erā wererogue ñgo ñpā ñirare wererācoma. Erā eropa werēcū peerā masa bajarā ñgore guñarācoma, arī weremi Jesu guare.

Juda Iscariote Jesure ñhaturirāre ñgu ñhmuburire erā mera weretamuñumi
Mr 14.10-11; Lc 22.3-6

¹⁴ Irisubure yujugu gua mera majagu Juda Iscariote pahia oparā pohrogue ejarū.

—Eja, erāre serēpīpū.

—¿Jesure muare yū ñhmucū dipē wajayerācuri yure mua? arī serēpīpū erāre.

Ñgu eroparicū, erā ñgure treinta seri plataserire oñorā.

¹⁶ Erā eropa ocū Judapū Jesure ñgu ñhmuburinu corenipū.

Jesu ñgu buherā mera ñgu baturinu arīyoro
Mr 14.12-25; Lc 22.7-23; Jn 13.21-30; 1Co 11.23-26

¹⁷ Eropi bugabiriri panre erā baburinu bosenu arīnugarinu arībū. Eropirā gua Jesu buherā ñgu pohrogue waha serēpībū ñgure:

—¿Nohonogue bosenu mari baburire amudoregu obeori muñu guare? arībū ñgure.

¹⁸ Gua eroparicū ñgu guare weremi:

—Jerusalēngue waque. Ero mua bocagure ñpa arī wereque: “Marire buhegu mure ñpa arī weredoreami: ‘Yū ñero tariboro merogā ñhyanijaa. Pascua arīcū yuhū, yū buherā mera mu ya wihi gua barāca,’ arī weredore obeomi guare,” ñpa arī wereque iri wihi opūre, arī obeomi Jesu guare.

¹⁹ Eropirā guare ñgu dorediro dopa ta ñirā, Pascua arīcū gua baburire amubū gua.

²⁰ Eropi iri ñamire gua mera doce ñgu buherā mera bagu arīmi Jesu.

²¹ Gua barisubū ñgu guare weremi:

—Ñiaye ta muare arīgu iiaa. Yujugu mari mera majagu ta yure ñhaturirāre ñhmugucumi yure, arī weremi ñgu guare.

²² ñgu eroparicū peerā guapu burigā bujawererā, ñgure serēpinugabu gua yujurāyeri.

—Opū, ¿yū ñhriri mure ñhmubu? arī serēpībū.

²³ Gua eropa arī serēpīcū ñgu yūhrimi:

—Yū baripare yū mera yoso bagu ta ñhrimi yure ñhaturirāre ñhmubu.

²⁴ Iribojegue erā yure arī gojadiro dopa ta yuhū masū Goāmū ñgu obeodigu sīriguca. Yure ñhaturirāre ñhmudigūpū ñetariaro tarīgucumi. Eropiro ñgūpūre ñgu masa dehyoabiricū ñaboya. Ñero taribiriboñumi, arīmi Jesu.

²⁵ ñgu eroparicū ñgure ñhaturirāre ñhmubu Juda ñgure serēpīmi:

—Buhegu, ¿mure ñhmubu ñhriri yuhū? arī serēpīmi ñgu.

—Ë ũ. Muñu ta ñhraa, arīmi.

²⁶ Eropa arī weretuhaja gua barisubū Jesu panre aī, Goāmure “Ñhaa,” arīmi. Eropa arītuha ñirare nuha guare ñgu buherāre gueremi.

—Ire aī, baque. I yū ñupū ñhraa, arīmi ñgu.

²⁷ Eropa arītuha ñgu ñhriripare aī, Goāmure “Ñhaa,” arī, guare omi.

—Mua arīpehrerā ñre ñhrigue.

²⁸ I yū ñi ñhraa. Bajarā ñero erā ñirare cóābū sīriguca. Eropigu yū ñi cóāguca. Eropa sīrigu Goāmū yū Pagu “Masare ñaro ñigura,” ñgu arīdiro ñi ojogorocuguca.

²⁹ Muare arīgu ñiiaa. Yū Pagu ñgu opu arīrogue mua mera ñgui deco mama decore ñhriguca. Mari erogue ñhriboro core i ñgui decore dipaturi ñhrinemosome yuhū, arīmi Jesu guare.

Pedro “Jesure masibea,” ñgu arī guayaburīñere wereñumi Jesu
Mr 14.26-31; Lc 22.31-34; Jn 13.36-38

³⁰ Eropirā yujuñe Goāmure bayariñere bayatuhajarā wiriabu. Ñtāgu Olivo wañcudīgugue wabu gua.

³¹ Erogue gua ejaçū Jesupū guare weremi:

—Dohpagā ñami mua arīpehrerā yure cóāgārāca. Mua yure cóāborore ñpa ta arī gojañuma Goāmū yure erā gojarapū: “Ovejare ñhadibugure erā wejēcū ñiguca. Yū eropa ñcū oveja ñgu yarā ñgure cohāgā wasiria warācoma,” arī gojañuma.

³² Eropigu Goāmũ yũre ĩgu masura pũhru mũa core Galileague wamũhtaguca, arĩmi ĩgu.

³³ ĩgu eroparĩcũ peegu Pedro õpa arĩrimi:

—Yũ mera majarã árĩpehrerã erã mũre cõãgãquerecũ ta yũpũ mũre ne cõãsome, arĩmi ĩgu.

³⁴ Jesu yũhrimi:

—Diaye arĩgu tiiaa mũre. Dohpagã ñami cãreña ĩgu wereboro core uhresubu “Yũhu Jesure masibea,” arĩguca mũhu, arĩmi ĩgu Pedroro.

³⁵ ĩgu eropa arĩquerecũ ta Pedro õpa arĩ yũhrimi:

—Mũ mera yũre erã wejẽquerecũ ta, “Jesure masibea,” ne arĩsome yũhu, arĩ yũhririmi Pedro.

Eropirã gua sã gajirã ĩgu buherã Pedro ĩgu arĩro dopa ta arĩribu gua Jesure.

Getsemanigue Goãmũre serẽñumi Jesu

Mr 14.32-42; Lc 22.39-46

³⁶ Eropi Getsemanĩ waĩcari gorogue Jesu gua ĩgu buherã mera waha, erogue eja, guare arĩmi:

—Ohõ doayuque. Mũa ohõ doaropẽ sohõgue Goãmũ mera wereniguigu wagu iiaa, arĩmi ĩgu guare.

³⁷ Eropa arĩtuha Pedroro, perã Zebedeo porãre, erã uherãre sihugãmi. Eropigu ĩgu turaro bujawere, ñero siporãcũpũ.

³⁸ Eropa bujaweregu ĩgu mera majarãre ĩgu sihugãnirãre arĩpũ:

—Burigã ñero siporãcua yũhu. Yũre turaro pũrĩro dopa ta pepigu iiaa. Sohõñari wanigu iiaa. Ohõ dujanique mũa. Eropirã yũ mera ta tũyũque mũa sã, arĩpũ ĩgu erãre.

³⁹ Eropa arĩtuha ero core merogã wanemo, yeba mereja, Goãmũre arĩpũ:

—Ahũ, yũ ñero tariburire iidiabigu iibiricãque. Yũ eropa arĩquerecũ ta yũ gamero dopa iibita. Mũpũ masia. Mũ gamero dopa iique, arĩpũ ĩgu Goãmũre.

⁴⁰ Eropa arĩtuha, uherã ĩgu buherã pohrogue eranijagu erã carĩ oyarãre ĩapũ. Erãre ĩagu Pedroro õpa arĩpũ:

—¿Yuju hora gohra yũ mera ta tũyũtamubirari?

⁴¹ Óaro iique mũa. Mũa pepĩri mera õarire iidiaraa mũa. Mũa seyaro irire iidiaquererã ta irire bocatiũbeaa. Eropirã Goãmũre serẽniguigue ñero mũa iibiriboro dopa, arĩ werepũ Jesu.

⁴² Eropa arĩtuha dipaturi waha, Goãmũre serẽpũ daja:

—Ahũ, yũ ñero tariburire iidiagu iique yũre. Mũ gamero dopa ta iique, arĩpũ ĩgu.

⁴³ ĩgu buherã pohrogue uherã pohrogue dipaturi erapũ daja. Eropa eragu carĩ oyarãre ĩapũ daja. Wũja pũritaricãyoro erãre.

⁴⁴ Eropigu dipaturi erãre apicã dipaturi waha, Goãmũ mera wereniguipũ daja. ĩgu ero core ĩgu arĩdiro dopa ta arĩpũ.

⁴⁵ Eropa arĩtuha ĩgu buherã pohrogue eraa, erãre arĩpũ:

—¿Mũa carĩrã soorã iiri dohpa? arĩpũ ĩgu. Eropa arĩtuha masa erã aricũ ĩagu õpa arĩpũ:

—Iripẽta ahraa. Dohparagã yũ masũre Goãmũ ĩgu obeodigure ñerãre orãcoma yũre.

⁴⁶ Wahgãque. Ina warã. ĩaque. Yũre ĩhaturirãre obu ohõ ahrimi, arĩpũ ĩgu.

Jesure ĩhaturirã ĩgure peresu iĩũma

Mr 14.43-50; Lc 22.47-53; Jn 18.2-11

⁴⁷ ĩgu eropa arĩ wereniguirisubu gua mera majagu mũgũpũ Judapũ erami. Eropirã masa bajarã ñoserimijiri yucu dũcari opanirã ĩgu mera yujuro mera erama. Erã pahia oparã, erã murã sã erã obeonirã árĩma.

⁴⁸ Negohrare Jesure ĩhaturirãre wiabu õpa arĩ wereseretuhapũ Juda: “Yũhu wayuporãre mimigu ĩgu ta árĩgũcumĩ mũa ñeabu. ĩgure yũ mimira pũhru ñeaque,” arĩpũ Juda erãre.

⁴⁹ Eropigu eragu Jesu pohrogue mata wapurumujumi.

—Buhegu, ¿ahriri mũhu? arĩ ĩgure wayuporã mimimi.

⁵⁰ ĩgu eropa mimicũ Jesu õpa arĩmi:

—Yũ mera majagu, ¿duhpigu õguere ahriri mũhu? arĩmi ĩgure.

Eropirã erã Jesure ñeama.

⁵¹ Erã eropa iicũ ĩagu Jesu mera majagu ĩgu matamijire tuãwea aĩ, pahĩ opũ pohro majagũre ĩgu gamĩrore tabe corodijucãmi.

⁵² ĩgu eropa iicũ ĩagu Jesu ĩgure weremi.

—Mũ matamijire dibuque. Gajirãre ñosenirã árĩrã, erã ñose gamecũ sirĩrãcoma.

⁵³ Yū Pagure yū itamudorecū ĩġurū bajarā anyuare doce cururire yū pohro obeobocumi. ¿Irire masibeari mūa?

⁵⁴ Eropa itamubodiro árĭquereġu ta ĩġure yure itamudoresome yūhū. Yū eropa dorebiricū Goāmū yare erā gojarapū arĭdiro dopa ta eropa waroca, arĭmi ĩġu.

⁵⁵ Eropa arĭtuha masare weremi ĩġu:

—¿Mūa ñoserimijiri mera, yuca đucari mera arirā yajari masure iro dopa mūa yure ñearā arirā iari? Ɛmuri nucū Goāmū wihigie yūhū muare buhe doacū, mūa yure ne ñeabiribū.

⁵⁶ Dohpaguere mūa yure eropa iirā i árĭpehreri Goāmū yare weremuhtanirā erā arĭ gojadiro dopa ta iiaa mūa, arĭmi Jesu erāre.

Īġu eropa ñeacū ĩarā gua ĩġu buherā árĭpehrerā ĩġure cohā omagā wabu gua.

Judio masa oparā Jesure serēpiñuma

Mr 14.53-65; Lc 22.54-55, 63-71; Jn 18.12-14, 19-24

⁵⁷ Eropi ĩġure ñeanirā pahĭ tauro opu Caifa waĭcūġu ya wihigie aĭ ejañorā ĩġure. Iri wihi ta masare buherā, mūrā sā gamenerēñorā.

⁵⁸ Pedropū yoarogue erāre ĩhanurusiapū. Eropa ĩhanurusiagū Caifa ya wihire cāhmotara sārĭrore eja, iri sārĭro pohecagie ñajaa wapū. Ñajaja, iri wihire corerā surara mera doapū. “Jesure duhpiicū ĩagura,” arĭġu doapū Pedro.

⁵⁹ Eropirā pahĭa oparā, ġajirā oparā mera gamenerēñ Jesure wejēdorediarā, ġuyari mera erā ĩġure ñero dipuwaja moaborore ġuñamaarĭñorā.

⁶⁰ Erā eropa weresāburire ġuñabocabirĭñorā. Eropa ġuñabocabirĭquererā ta masa bajarā ĩġure eropa weresāmorā amañorā. Eropirā perā ĩġure weresāmorā erañorā. Őpa arĭñorā:

⁶¹ —Ihĭ ōpa arĭmi: “Goāmū wihire cóāmasia. Eropa cóāġu ũhreneŭ pūhrū iri wihire dipaturĭ iĭġura,” ĩġu arĭcū peebe gua, arĭ weresāmacāñorā Jesure.

⁶² Erā eropa arĭra pūhrū pahĭa tauro opu wahġānūġaja, Jesure serēpipū:

—¿Őā mure weresāquerecū ta erāre yūhri ġamebeari mūhū? ¿Mure erā weresārĭre dohpa arĭ yūhri ġahmeri mūhū? arĭpū opu.

⁶³ ĩġu eroparĭcū peequereġu ta Jesu eropa pepicāpū. ĩġu eropa yūhribiricū ĩagū pahĭa tauro opu ĩġure dipaturĭ serēpipū daja:

—Goāmū ojocarĭnigūcāġu mera diaye arĭque mūhū. Mūhū eropa arĭbiricū mure ĩġu dipuwaja moagūcumi. Wereque ġuare. ¿Cristo Goāmū maġu ta āhriri mūhū? arĭ serēpipū daja.

⁶⁴ ĩġu eroparĭcūġue ta Jesu yūhripū:

—ĩġu ta āhraa. Muare diaye wereġu tĭaa. Pūhrū yūhū masū Goāmū ĩġu obeodĭġu Goāmū yū Pagū turagū pohro ĩġu diayepū doacū ĩarāca mūa. Eropirā ũmaro maja imica weca yū dujaricū sāre ĩarāca, arĭ yūhripū Jesu.

⁶⁵ ĩġu eroparĭcū peeġu pahĭa opu, ĩġu basĭ ĩġu sañarañe suhrĭrore yeguecāpū ġajirāre “ġuatariacāmi,” arĭdoreġu.

—ĩre weresārāre ġajirāre ġamebeaa pare. ĩġu basĭ Goāmure ĩġu ñero werenigūcū peeaa mari. Eropirā ĩġu ñero iira dipuwajare masituhāa mari.

⁶⁶ ¿Eropirā dohpa iirācuri mari dohpaguere ĩre? arĭ serēpipū ĩġu ġajirā oparāre.

—ĩġu ñeri dipuwaja wejēcāro ġahmea, arĭ yūhriñorā erā.

⁶⁷ Erā eropa arĭra pūhrū ĩġu diapore disico ehosū, ĩġure pañorā erā.

⁶⁸ ġajirā ĩġu cuirire diricāhmota ōpa arĭ wereyañorā ĩġure:

—¿Noa mure pari? Cristo Goāmū beyedĭġu árĭġu ĩabiriquereġu ta wereque ġuare, arĭ pañorā erā.

—ĩġure masibea, arĭ ġuyañumi Pedro Jesure

Mr 14.66-72; Lc 22.56-62; Jn 18.15-18, 25-27

⁶⁹ Eropi iri wihi pohro árĭri pūh ōari pūh Pedropū doapū. ĩġu eropa doacū ĩago pahĭa opu pohro majago ĩġu pohrogue erago ōpa arĭpo:

—Mū sā Jesu ġalilea majagū mera āhrabū, arĭpo igo.

⁷⁰ Igo eroparĭcū peeġu Pedro ōpa arĭpo:

—¿Dohpa arĭmacāġo ĩiri mūhū? Mū arĭġure ne masibea yūhū, arĭpū Pedro árĭpehrerā erā peero.

⁷¹ Igo eropa arĭra pūhrū iri pūh maja sārĭro disiporo pohrogue wapū Pedro. Ero ĩġu árĭcū ġajĭgo pohro majago ĩġure ĩago, ero árĭrāre ōpa arĭpo igo sā:

—Jesu Nazare majagū mera āhrami ihĭ, arĭpo igo Pedrorē daja.

⁷² Igo eroparĭcū peeġu Pedro yūhripū:

—Goāmū mera diaye arīgu iiaa. Īgu mū arīgure ne masibea yuhū, arī yuhripū Pedro.
⁷³ Eropi merogā pūhrū ta ero niguinirā Pedro pohrogue waha, ĩgure ōpa arīñorā.
 —Diaye ta āhraa. Jesu mera majarā mera majagu ta āhraa mū sā. Erā iro dopa ta weniġuia mūhū, arīñorā erā Pedroro.

⁷⁴ Erā eroparicū Pedro yuhripū:
 —Diaye ta Goāmū mera arīgu iiaa muare. Yu diaye arībiricū Goāmū yure dipuwaja moaporo. Īgu mūa arīgure ne masibea yuhū, arī yuhripū ĩgu erāre.
 Īgu eroparicū ta cāreña wewepū.

⁷⁵ Īgu wercū peegu Jesu ĩgure arīrare guñapū. “Cāreña ĩgu weweboro core ‘Jesure masibea,’ arīgūca mūhū. Ūhresubu eropa arīgūca mūhū,” Jesu ĩgure arīrare guñapū Pedro. Eropa guñagu iri sārīrore wiria turaro orepū.

27

Pilato pohrogue Jesure aġgāñuma

Mr 15.1; Lc 23.1-2; Jn 18.28-32

¹ Eropirā boyodi merero ta pahia oparā, murā sā Jesure erā wejēdoreborore game weretamuñorā.

² Erā eropa weretamura pūhrū ĩgure dihri, Pilato waīcūgu opū pohrogue aġgā, ĩgure oñorā Pilatore. Pilatopū iri yeba majarā opū árīmi.

Juda Iscariote sīria wañumi

³ Eropigu Jesure erā wejēdorecū ĩagu Judapū Jesure ĩgu ĩhmurare guña turaro bujawerepū. Eropa bujaweregu treinta seri niyuserire ĩgu ñearaserire wiagu wagū, pahia pohrogue, murā pohrogue eja, ōpa arīpū:

⁴ —Jesu muare yu ĩhmudigu ñeri marigu ĩgu árīquerecū ta erā wejēdoreama ĩgure. Eropigu muare ĩgure ĩhmugu ñero ĩgu ĩiaya yuhū. Eropigu i niyuserire muare wiagu iiaa, arīpū Juda erāre.

Īgu eropa arī werera pūhrū erā yuhriñorā:

—Eropa ta iicuraporo. Mū eropa arīri guare duhpihuri árībeaa. Mū dihta eropa arī pepia ĩrire, arī yuhriñorā erā ĩgure.

⁵ Erā eropa arī yuhriura pūhrū erā árīri wihi Goāmū wihigue Juda ĩgu niyuserire mehsiripicāpū. Mehsirituha waha wapū. Waha, yuradare dirisiu, ĩgu basi ĩgu wanūgu tuhbiu, buhrimadija, sīria wapū pare.

⁶ Eropirā pahia oparā niyuserire airā ōpa arīñorā:

—I niyure Goāmū wihi maja comorogue niyeru diburi comorogue mari apimasi-beaa. I niyeru mera ta masure wejēdorema. Eropiro mari doreri marire eropa árīri niyure dibudorebeaa Goāmū wihigue, arīñorā erā erā basi.

⁷ Erā eropa arīra pūhrū, “Ōpa ĩrā,” erā arī weretamura pūhrū máticasorori mohmegu ya yebare asūrā wañorā. Iriseri mera asūñorā. Gajipū majarā iri macague eranirā sīricū erāre yaaburi yebare asūñorā.

⁸ Eropirā iri yebare “Di cóari yeba,” arī waīyema masa. Dohpague säre eropa ta waīcua.

⁹ I árīpehreri eropa wayoro iribojegue majagu Jeremia ĩgu “Eropa waroca,” ĩgu arīdiro dopa ta. Īgu Goāmū ya weremuhtadigu árīñumi. Ōpa arī gojañumi ĩgu: “Treinta niyuserire platasire iripēta wajayerāra gua ĩgure ñeaborore,” arīrācoma Israe masa.

¹⁰ Eropirā iriseri mera máticasorori mohmegu ya yebare asūrācoma erā. Ōpa ta yure ĩidoremi Goāmū,” arī gojañumi Jeremia iribojegue.

Pilato Jesure serēpiñumi

Mr 15.2-5; Lc 23.3-5; Jn 18.33-38

¹¹ Eropi Pilatore erā Jesure ora pūhrū ĩgupū ĩgure serēpipū:

—¿Diaye ta judio masa erā opū ta āhriri mūhū? arī serēpipū Jesure.

—Mū arīro dopa ta ĩgu ta āhraa, arī yuhripū Jesu.

¹² Eropa arī yuhriqueru ta, pahia oparā, murā sā erā weresācū yuhribiripū.

¹³ Īgu eropa yuhribiricū ĩagu Pilato serēpipū:

—¿I árīpehreri erā weresārīre peebeari mūhū? arī serēpipū ĩgu Jesure.

¹⁴ Īgu eropa arī serēpīquerecū ta Jesu ne yuju disiro yuhribiripū. Īgu eropa yuhribiricū ĩagu Pilato uca wapū.

Jesure wejēdoreñuma

Mr 15.6-20; Lc 23.13-25; Jn 18.38-19.16

¹⁵ Bojori n̄c̄u Pascua árĩcũ peresu árĩdigure yujugure masa “Ígure wiuque,” erã arĩgure Pilato eropa wiubasamuripũ.

¹⁶ Irisubure Barrabá waĩcũgu peresugue árĩpũ. Ígure masĩnorã masa.

¹⁷ Eropĩgu erã gamenerecũ Pilato serẽpipũ erãre:

—¿Nĩhipure mũare wiubasacuri yũhũ? ¿O Barrabãre o Jesure “Cristo” erã arĩgure wiubasacuri yũhũ? arĩ serẽpipũ Pilato Jesure wiudianijagu.

¹⁸ Jesure masa erã mahicũ iarã judio masa oparã ígure ìhaturirã iĩnorã. Eropa ìhaturirã ígure oĩnorã Pilatore. Irire erã ìhaturirare masigu Pilato Jesure wiudiaripũ.

¹⁹ Eropĩ Pilato masare ígu beyeri pẽro ígu doacũ ígu marapo ígure quere obeopo: “Dohpagã ñamire Jesure quẽgo burigã ñero pepiabu ígure ñero iiburire. Eropĩgu ígure ñeri marigure ne gajiropa iĩbircãque muhũ,” arĩ werebeopo ígu marapo Pilatore.

²⁰ Pilato Jesure eropa wiudiaquerecũ ta pahia oparã, murã sã masare õpa arĩdoreĩnorã: “Barrabãpure wiudoreque. Jesupure wejẽdoreque,” arĩdoreĩnorã masare.

²¹ Eropĩgu Pilato masare serẽpipũ daja:

—¿Oã perãre nihĩpure mũare wiubasacuri yũhũ? arĩ serẽpipũ.

—Barrabãpure wiubasaque guare, arĩ yũhriĩnorã.

²² —¿Ihĩ Jesu, “Cristo” erã arĩgũpure dohpa iĩgucuri yũhũ? arĩ serẽpipũ ígu.

—Crusague pabia wejẽque ígure, arĩ yũhriĩnorã masa árĩpehrerã.

²³ —¿Ñehenore ñerire iari ihĩ mea eroparĩcũ? arĩpũ ígu.

Ígu eroparĩcũ peerã erã turaro mera gaguiniguĩnemofĩnorã:

—Crusague pabia wejẽque ígure, arĩ gaguiniguĩnorã daja masa ígure.

²⁴ Erã eropa arĩ gaguiniguicũ peegu, ígure erã peediabiricũ íagu, “Masa gua gamequeãbocoma,” arĩgu, yũhriũ ta õpa iĩpũ Pilato. Decore aĩgãridoretuhaja masa erã ihuro ígu mojo coepũ. Eropa mojo coegu õpa arĩpũ:

—Íre wejẽra dipuwaja, yaha dipuwaja árĩsome. Mũa ya dipuwaja árĩroca, arĩgu mojo coepũ.

²⁵ Ígu eroparĩcũ peerã árĩpehrerã masa õpa arĩĩnorã:

—Íre gua wejẽdorera dipuwaja gua porã sã gua ya dipuwaja ta árĩporo, arĩĩnorã masa.

²⁶ Erã eroparĩcũ peegu Pilato Barrabãre peresugue árĩdigure wiudorepũ masa erã gamegure. Eropa iitua Jesupure yuradari mera tãradore, ígure crusague pabia wejẽdoregu wiapũ surarare.

²⁷ Ígu eropa wiacũ Pilato ya wihigure ígu surara aĩ ejaĩnorã Jesure. Eropirã erã surara árĩpehrerãre Jesu pohrogue gameneofĩnorã.

²⁸ Eropirã ígu suhrire tuwea aĩ, opũ ya suhriro dopa bejariĩnere Jesure sãĩnorã.

²⁹ Eropa sãtuha, pora berore iitua, ígu dipuru weca duhpeofĩnorã. Eropa duhpeotuha, yucũgure diayepũ mohsuaĩnorã. Mohsuatua, õpa arĩ wereyaĩnorã erã ígure ígu pohro merejarã:

—Umupeorã arique. Judio masa opũ õaro árĩporo, arĩ wereyaĩnorã ígure.

³⁰ Eropirã ígure disico ehosũĩnorã. Erã mohsuadigure ígure tuãwea aĩ, ígu dipurure paĩnorã irigu mera.

³¹ Ígure eropa wereyara puhũ erã sãra suhrirore tuwea aĩ ígu ya suhriropure sãĩnorã daja. Eropirã crusague pabia wejẽmorã ígure aĩ wiria waĩnorã.

Erã Jesure crusague pabia wejẽũuma

Mr 15.21-32; Lc 23.26-43; Jn 19.17-27

³² Ígure aĩgã, Simo waĩcũgure Cirene majagure bocatĩri, ígure Jesu ígu coãra crusare coãtamudorema.

³³ Coãgã Gólgota waĩcũrogue ejama. Gólgota arĩro, mari ya mera “Dipu pero” arĩro iiaa.

³⁴ Eropirã vinore suĩri deco mera erã morera decore Jesure orima erã. Iri decore ihriña, ihribirimi ígu.

³⁵ Eropirã ígu suhrire tuwea aĩra puhũ ígure crusague pabiama erã. Eropa pabiatuha ígu suhri mũare, “¿Noa yañe árĩrocuri iĩne?” arĩ masimorã erã basi game deamehtu birama. Eropa iirã Goãmũ yare weremuhtadigu ígu arĩdiro dopa ta iirã iima erã. Ópa arĩ gojañumi ígu: “Yaha suhrire erã basi aĩmorã, ¿Noa yañe árĩrocuri iĩne?” arĩ masimorã erã basi game deamehtu birama erã,” arĩ gojañumi iribojegure.

³⁶ Deabiratuha ígure ìhadocurima erã.

³⁷ Ígu dipuru weca crusague õpa arĩ gojarapũre pabia tuma erã ígure weresãra wererapũre. “Ihĩ judio masa tauro opũ àhrimi,” erã arĩ gojarapũre pabia tuma.

³⁸ Eropirã perã yajari mũarare Jesu pohro gajĩ crusarigue pabia tuma erã sãre. Yujugu ígu diayepũ, gajigure ígu copũ pabia tuma erã.

³⁹ Crusari pohro tarigārā Jesure iha, erā dipure yurerā, ñero arī wereniguima ĩgure:
⁴⁰ —“Goāmũ wihire cohā, uhrenũ puhru iri wihire amugara daja,” arī wereniguidigu
 árribu mũhu. Goāmũ magũ árĩgu mũ basi dijaque. Eropigu mũ basi itamuque. Eropigu
 tari weregaca mũhu, arĩma masa.

⁴¹ Eropa ta pahia oparā, masare buherā sã eropa arī wereyama.

⁴² —Īgu gajirã taudigu árĩqueregu ta ĩgu basi taumasibeami. “Israe masa opu
 àhraa,” arĩrimi ĩgu. Eropirā ĩgu basi ĩgu dijaricũ iarā ĩgure umupeorãca.

⁴³ Īgũpũ Goãmũre umupeorimi. Eropigu “Goãmũ magũ àhraa,” arĩrimi ĩgu. Īgu eropa
 arĩgu árĩcũ Goãmũpũ ĩgure itamuporo, arī wereyama erā.

⁴⁴ Yajari mũra ĩgu pohro erā pabianirā eropa ta ĩgure wereya ñero wereniguima erā
 sã.

Jesu s̄iria wañumi

Mr 15.33-41; Lc 23.44-49; Jn 19.28-30

⁴⁵ Eropi goeri boje árĩcũ uhre hora gohra árĩpehrerogue naitĩa wabu.

⁴⁶ Eropigu irisubu naitĩa wari subure Jesu turaro gaguinimi:

—Elí, Elí, ¿lema sabactani? arĩmi ĩgu. Eropa arĩgu òpa arĩgu iimi mari ya mera: “Yũ
 Goãmũ, yũ Goãmũ, ¿duhpigu yure cohãri mũhu?” arĩgu iimi.

⁴⁷ Īgu eroparĩcũ peenirā yujurãyeri ero niguinirā òpa arĩrima:

—Goãmũ ya weremũhtadigũre Eliare sihgũ ĩcumĩ, arĩrima erā.

⁴⁸ Eropigu yuɣũ erā mera majagu mimi aĩri yũsũ mera vino suĩrĩre yosotuha, aĩ
 omagã, yucũgu ojogorere diritu, Jesure simujumi.

⁴⁹ Īgu eropa ĩcũ iarã gajirã simujugũre òpa arĩma:

—Corenĩque. Elia ĩgure ĩgu itamucũ ãanirã dohpa mari, arĩma erā.

⁵⁰ Erã eropa arĩra puhru dipaturi Jesu turaro gaguinĩgui s̄iria wami.

⁵¹ Īgu s̄iricũ ta Goãmũ wihi majañe suhriro ero erã cãhmotara suhriro deco mera
 yehguea wayoro. Eropiro yeba sã ñohmebũ. Eropa ñohmecũ utã sã pagayeri sã wahria
 wabu.

⁵² Eropirã masa goberi pãricũ, bajarã Goãmũ yarã árĩnirã iribojegũ s̄irinirã mũra
 masa wiriañorã.

⁵³ Masa wiriarã iri goberire cõacã òari macague Jerusaléngue wañorã erã. Erogue
 erã wacũ masa bajarã erãre ãañorã.

⁵⁴ Eropirã yeba ñohmecũ iarã, s̄irinirã mũra erã masa wiriacũ iarã, surara opu ĩgu
 surara mera uca wama. Erã Jesure crusague árĩgure corerã árĩma. Uca wa, òpa arĩma:
 —Daye ta àhraa. Ihĩ Goãmũ magũ ta àhrañumi, arĩma erã.

⁵⁵ Eropirã Galileague Jesu mera arinirã ĩgure itamunirã nome árĩma. Yoarogue
 crusague tuyagũre ihabeo niguibu gua erã mera.

⁵⁶ Erã nome mera María Magdalena árĩmo. Gajigo María waĩcũgo sã árĩmo. Igopũ
 Santiago, José sã pago árĩmo. Gajigo Zebedeo marapo árĩmo.

Jesu dũpũre masa gobegũ apĩñumi José

Mr 15.42-47; Lc 23.50-56; Jn 19.38-42

⁵⁷ Eropi ñamicague José Arimatea majagu doberi opagu ero árĩmi. Īgu Jesu buhegu
 árĩmi.

⁵⁸ Eropigu Pilato pohrogue eja, Jesu dũpũre serẽpũ. Īgu eropa serẽcũ peegu Jesu mũra
 dũpũre odorepũ Pilato.

⁵⁹ Īgu eropa dorera puhru Josẽpũ Jesu mũra dũpũre aĩ, diju, òari suhriro gũhrari
 mariri suhriro mera ĩgu dũpũre omapu.

⁶⁰ Omatuha, José ĩgu ya masa gobegũ apipũ ĩgu dũpũre. Iri gobe erã utãyegue erã
 seara gobe mama gobe árĩyoro. Iri gobegũ apituha, wũariye utãyere taragãpũ iriye
 mera bihabu. Bihatuha, waha wapũ.

⁶¹ Eropirã María Magdalena, gajigo María mera iri gobegũre ihadoa coreñorã.

Jesure erã apira gobere surara coreñuma

⁶² Eropi gajinũ, Pascua árĩburire erã amuranũ puhru Sabado árĩcũ pahia oparã,
 fariseo masa sã Pilato pohro gamenereñorã.

⁶³ Gameneretũha òpa arĩñorã erã Pilatore:

—Opũ, irire guñaã gua. Īgu gũyaricũgu Jesu ojocarĩngu òpa arĩpũ ĩgu: “Uhrenũ
 puhru masa mũriagũca yũhũ,” arĩpũ ĩgu.

⁶⁴ Īgu eropa arĩdigũ árĩcũ ĩgu buherãpũ ĩgu dũpũre yajabocoma. Eropa yajarã masare
 òpa arĩbocoma: “Jesu masa mũriami,” arĩbocoma erã. Īgu Jesupũ masare gũyagu
 iimi. Īgu buherã sã “Īgu masa mũriami,” arĩrã gũyarã iirãcoma. Eropirã Jesu ĩgu

guyadiro tauro erā guyaripū ñetariaroca. Eropa yajari arīgu uhrenū gohra mū surarare coredoreque erā Īgu mūrare apidirogue, arīñorā erā Pilatore.

⁶⁵ Pilato yuhrīpū:

—Áñ. Yaharā surara coreporo. Eropirā mūa bocatūuropē iri gobere ðaro coreque, arīpū Īgu erāre.

⁶⁶ Īgu eroparicū erā waha, iri gobere bihariye merague ta pihatuñorā masa erā ñajacū ĩha masimorā. Eropirā surarare iri gobere coredoreñorā.

28

Jesu masa marĩañumi

Mr 16.1-8; Lc 24.1-12; Jn 20.1-10

¹ Eropi judio masa soorinūpū Sabadonūpū irinū taricū, Domingo árīcū ñamiñarigā árīcū María Magdalena gajigo María mera Jesu masa gobere ĩarā wañorā.

² Eropiro mata yeba turaro ñohme purumujyoro. Eropa ñohmecū mari Opū Īgu anyu umarogue aridigu dijari, masa gobere bihariyere utāyere tarabeo iriye weca doapu.

³ Īgu anyu bupu miaro dopa ðaro gosesirigu, Īgu suhri yaji poari iro dopa ðaro boreri suhrīcūgu árīpū.

⁴ Īgu eropa dehyoacā, surara iri gobere corerā, ucataria wa, naragā, weca gohrare sīrinirā iro dopa wañorā.

⁵ Eropigu anyupū erā nomere ðpa arīpū:

—Yare güibiricāque. Crusague erā pabiadigūre Jesure mūa amacū masia yuhñ.

⁶ Īgu dohpaguere ðre marimi. Īgu arīdiro dopa ta Īgu masa mūria wami. Erā Īgu ðupure erā apidirore ĩarā arique.

⁷ Tuhaja Īgu buherā pohrogue umadiaro waha, ðpa arī wererā waque: “Ihī Jesu sīridigu masa mūriami. Eropigu mūa core Galileague Īgu wamūhtagūcumi. Erogue Īgure ĩarāca mūa,” arī wererā waque mūa. I yū arīrare guñaque mūa, arīpū anyu erā nomere.

⁸ Īgu eropa arīra puhru erā nome masa gobegue árīnirā nome vojaro mera wiria, erā ĩarare güiquererā ta, mucubiriri mera Jesu buherāre wererā warā, omañorā.

⁹ Eropa warā nomere Jesu bocatīripū:

—¿Noho wahari mūa? arī serēpipū Īgu. Īgure ĩha erāpū Īgu pohrogue eja, Īgu guburire ñeha Īgure umupeñorā.

¹⁰ —Güibiricāque mūa. Yu pagū porāre “Galileague waque,” arī wererisa. Erogue yare ĩarācoma, arīpū Jesu erāre.

Masa gobere corerā surara erā ĩarare wereñuma

¹¹ Erā nome wererā warisubū surara watope yujurāyeri masa gobere corenirā surara Jerusaléngue pahia oparāre wererā wañorā. Jesu Īgu masa gobegue Īgu mūriarare werepehōcāñorā.

¹² Erā eropa arī werecū pahia oparā, mūrā mera gamenereñorā. Gamenere weretamuñorā. Eropirā surarare guyadorerā niyerure wajayeñorā.

¹³ —Ōpa arīque mūa masare: “Ñami gua carīra puhru, Īgu buherāpū masa gobegue eraa, Īgu ðupure aīcānirā āhrama,” arī wereque masare.

¹⁴ Mūa eropa arī werecū Pilatorū mūa carītariarare peecābocumi. Īgu eropa peecū, Īgure wererāra gua. “Erāre dipuwaja moabiricāque,” arī wererāra gua Īgure, arīñorā erā surarare.

¹⁵ Erā eropa arīra puhru surarapū niyerure ñeha, erāre erā guyadorediro dopa ta masare wererā wañorā erā. “Jesu buherā aīcānirā āhrama Īgu mūrū ðupure,” arīñorā erā. Eropirā eropa Jesu Īgu ðupū aīrare wereniguima judio masa. Dohpague sāre eropa ta arī werema erā.

Jesu Īgu buherāre Īgu yare Īgu iidorera apīñumi

Mr 16.14-18; Lc 24.36-49; Jn 20.19-23

¹⁶ Eropi gua Jesu buherā once buherā Galileague waha utāgūgue Jesu Īgu wadoredigūgue wabū gua.

¹⁷ Erogue eja Jesure ĩarā umupeobū gua Īgure. Eropa umupeoquererā ta gua yujurāyeri “Ihī Goāmū magū árībiribocumi,” arī pepiribū dohpa.

¹⁸ Īgūpū ðpa arīmi guare:

—I yebaguere, umaro sāre Goāmū árīpehrerā tauro turarire omi yare.

¹⁹ Īḡu eropa ocũ mũare õpa iidorea: Árĩpehrero majarãre yahare buherã waque erã yaharã erã waboro dopa. Eropirã mari Pagũ waĩ mera, yũ waĩ mera, Espĩritu Santo waĩ mera erãre waĩyeque.

²⁰ Eropirã mũare yũ dorerare erã ipehoburire buheque erãre mũa. Eropirã ire yũ arĩrare guñaque: Árĩpehrerinũri nũcu mũa mera árĩḡuca ne i mũũ pehrecũgue, arĩ weremi ḡuare Jesu.

San Marcos

Ñu waïyegũ buhenũgañumi

Mt 3.1-12; Lc 3.1-9, 15-17; Jn 1.19-28

¹ Goãmũ magũ Jesucristo ïgu iirare, ðari buherire wereri ðpa árĩnũgayoro.

² Goãmũ yare weremuhtadigu Isaia ïgu iribojegue gojadiro dopa ta i wereri áhraa.

Ïpa arĩ gojañumi ïgu:

Goãmũ ïgu magũre ðpa arĩpu: “Mũ core mũre weweyubure obeogu iiaa.

³ Eropigu ïgu masa marirogue árĩgũcumĩ. ïgũre peerãre wewegu busũro mera arĩ werenĩguĩgũcumĩ: ‘Mari Opũ ïgu arĩburi mare amuro dopa ïgu arĩboro core ðarã árĩyuque ïgũre peemorã,’ arĩ werenĩguĩgũcumĩ,” arĩpu Goãmũ, arĩ gojañumi Isaia, Ñu waïyegũ ïgu masa dehyoaboro coregue.

⁴ Eropigu Ñu waïyegũ masa marirogue masare buhemũripũ. Ïpa arĩpu:

—Mũa ñero iirire bujawereque. Dohpaguee ðaripare gohrotoque. Eropirã waïyenirã árĩque. Mũa eropa gohrotocũ ïagu mũa ñero iirare waïyemũripũ, arĩ buhemũripũ ïgu.

⁵ Eropirã árĩpehrero Judea yeba majarã, Jerusalén majarã mera ïgu pohrogue peerã ejañorã. Eropigu Ñu erãre waïyepũ Jordán waĩcũriyague. Erã ñero iirare weretarituhacũ ïha ïgu erãre waïyemũripũ.

⁶ Eropigu Ñu camello ya gasiro suhrĩrore suhrĩcũpu. Waibũgu ya gasĩrore ta taãdiurĩdacũgu árĩpu. Poreroa, mome sã ïgu bari árĩyoro.

⁷ Eropigu ðpa arĩ buhemũripũ:

—Yũ puhũre yũ tauro turagu arĩgũcumĩ. Õatariagu áhrimi ïgu. ïgu iro dopa ðagu árĩbeaa yũpu. Eropigu ïgũre pepĩgu, “Yũ tamera bu árĩgu áhraa yũhu,” arĩ pepia yũhu.

⁸ Masare waïyegũ deco mera waïyee yũpu. ïgũpu yũ tauro iĩgũcumĩ. Mũare Goãmũ yarã iĩgũcumĩ ïgu. Espĩritu Santore masa mera árĩnĩguicũ iĩgũcumĩ, arĩ buhepu Ñu.

Ñu Jesure waïyehũmi

Mt 3.13-17; Lc 3.21-22

⁹ Eropi irisubure Jesu Nazaregue, Galilea yeba árĩri maca árĩdĩgu, dia Jordán waĩcũriyague ejapu. ïgu eropa ejacũ Ñu waïyepũ ïgũre.

¹⁰ ïgu waïyehũmi ïgu Jesu diague nĩgũdĩgu, majanũgaja umarogue ihamũjupu. Umũsi pãrimaa wayoro. Ero pãrimaacũ ta Espĩritu Santo buja iro dopa bejagu ïgu weca dijibejajapu.

¹¹ Eropi umarogue werenĩguiri busũyoro.

—Mũhũ yũ magũ yũ mahĩgu áhraa. Mũ mera buřĩgã mucubiria, arĩro cariyoro umarogue.

Satana ñerire iidorerĩñumi Jesure

Mt 4.1-11; Lc 4.1-13

¹² Irisubure Espĩritu Santo Jesure masa marirogue wadorepu.

¹³ Erogue ejaũ cuarenta nãri gohra árĩpu. Erogue ïgu árĩcũ, Satanapu Jesu ïgu ñero iirire ïadiagu ñerire iidorerĩpu ïgũre. Eropigu Jesu waimurã nũgu majarã watope árĩpu. Eropirã anyuapũ ïgũre itamu ïgũre bari oñorã.

Jesu Galilea yebague buheñumi

Mt 4.12-17; Lc 4.14-15

¹⁴ Eropi Ñure erã peresugue erã biha dohora puhũ, Jesupu Galileague ðari buherire Goãmũ ïgu opu árĩre wewegu wapũ.

¹⁵ Ïpa arĩ wewepũ:

—Dohpaguee ðpa áhraa: Goãmũ ïgu opu árĩboro merogã duhyaa. Mũa ñeri iirire bujawereque. Eropirã ðarire gohrotoque. Õari buherire peeque mũa, arĩ buhemũripũ Jesu.

Jesu wapĩcũrã wai wejẽrãre ïgu mera majarã árĩmorãre sihuñumi

Mt 4.18-22; Lc 5.1-11

¹⁶ Eropigu Galilea waĩcũriya tũrogue ejagu, Simore ïgu pagu magũ mera bocajapu. Erã wai wejẽdi masa árĩñorã. Erã wejẽdi yucũre mehyurã iĩñorã erã iri ditaru wũari ditarugue.

¹⁷ Erãre arĩpu Jesu:

—Yũ mera majarã árimorã arique mũa. Yũ mera mũa aricũ mũa waire mũa ñeha gameneorã mũa iiro dopa ta, Goãmu yarã árimorãre sihu gameneomorãre iirã áricũ ñigũra mũare. Yũ mera mũa aricũ eropa iimorãre apigũra mũare. Eropirã yũ mera arique, arĩpũ Jesu.

¹⁸ Īgũ eroparicũ peerã, erã wejedi yucure apicã ĩgũ mera waha wañorã.

¹⁹ Eropirã erã merogã tarigã Santiagore ĩgũ pagũ magũ Ñũ sãre bocañaorã daja. Erãpũ Zebedeo porã áriñorã. Erã ya dohodirugue erã wejedi yucure amurã iññorã.

²⁰ Erã perãre ĩgũ sihubeopũ. Īgũ sihubeocũ pee erãpũ erã pagure ĩgure itamurã mera dohodirugue apicã Jesu mera waha wañorã.

Watĩ ñajasũdigũ Jesure bocatĩriñumi

Lc 4.31-37

²¹ Eropi erã Capernaum waĩcũri macague ejañorã. Eropigũ Sabado áricũ judio masa erã buheri wihigũ buhegũ ñajapũ.

²² Eropigũ ñaro masipehogũ buhegũ, judio masare erã buherã iro dopa áriñorã ĩgũ. Īgũ eropa buhecũ iri maca majarã pee uca wañorã.

²³ Irisubure iri wihire yujugũ watĩ ñajasũdigũ arĩpũ. Eropigũ ñopa arĩ gaguĩguipũ Jesure:

²⁴ —Mũhũ Jesu Nazare majagũ garibobiricãque guare watẽare. ¿Duhpibu ñopa iiri guare? ¿Mũhũ guare dederecũ iibu iiri? Goãmu magũ mũ ñagũ áricũ gũa masia, arĩ gaguĩguipũ ĩgũ Jesure.

²⁵ Īgũ eroparicũ peegũ Jesu turipũ watĩre:

—Ejarimaricãque. Īgure cohã wiria waque, arĩpũ Jesu.

²⁶ Eropigũ watĩ masure yeba mehmereja tũrucũ iipũ. Īgũ gaguĩguicũ ta wiriapũ ĩgure.

²⁷ Eropirã áriñorã iri wihi doanirã ĩgũ eropa wacũ ñha ucataria waha ñopa arĩñorã: —Yaho. ¿Ñehe buheri ñhriri ii? ¿Mama buheri ta ñhriri? Īgũ opu iro dopa ta doremi watẽare. Īgũ dorecũ watẽapũ tarinũgabeama ĩgure, arĩ werenigũñorã iri wihi doarã erã basi.

²⁸ Eropirã bajamenũrigã pũhrũgã ta, áriñorã Galilea yeba majarã irire ĩgũ eropa iirare masipehrea wañorã.

Jesu Simo Pedro mũñecore ñago iññumi

Mt 8.14-15; Lc 4.38-39

²⁹ Eropi Jesu sã judio masa erã buheri wihigũ áriñorã wiria wañorã. Erã eropa wiriara pũhrũ Jesu, Santiago, Ñũ mera, Simo ĩgũ pagũ magũ Andre sã ya wihigũ ñajapũ.

³⁰ Irisubure Simo mũñeco nimacũri dorecũgo camague igo oyacũ wereñorã Jesure.

³¹ Erã eropa werecũ peegũ, ĩgũ igo pohrogue eja, igo mojtore ñeha, igore tara wahgũ dohopũ. Īgũ tara wahgũ dohocũ ta igore nimacũri taria wayoro. Taricũ pepigo igopũ wahgã erãre bari ejopo.

Jesu bajarã dorecũrãre ñarã iññumi

Mt 8.16-17; Lc 4.40-41

³² Ñamicague abe ñajara pũhrũgue masa áriñorã dorecũrãre, gajirã watẽa ñajasũñirãre, pũiri dorecũrãre Jesu pohrogue aĩ ejañorã.

³³ Eropirã áriñorã iri maca majarã gamenereñorã Jesu áriñorã wihi disiporore.

³⁴ Eropigũ Jesu bajarã dorecũrãre, baja dore oparãre ñarã wacũ iipũ. Masa bajarãre watẽare wiupũ. Eropigũ watẽa Jesu Goãmu magũ ĩgũ áriñorã erã masicũ ñagũ Jesupũ erãre irire weredoreñorã.

Galilea yebague Jesu buheñumi

Lc 4.42-44

³⁵ Eropigũ ñamĩñarigã áricũ boyoboro core, ĩgũ wahgãra pũhrũ masa marirogue ĩgũ Pagũ Goãmure serẽgũ wapũ.

³⁶ Īgũ eropa wacũ ĩarã Simo sã ĩgure amarã ejañorã.

³⁷ Eropirã ĩgure bocatĩri ñopa arĩñorã:

—Masa áriñorãre mũre ahmama, arĩñorã erã ĩgure.

³⁸ Erã eroparicũ peegũ ñopa arĩpũ Jesupũ.

—I macare buhegũ ahrabũ yũhũ. Eropirã gajĩ macari sãre ñogã maja macari sãre buherã warã mari. Yũhũ iri macari sãre buhegũra, arĩpũ Jesu.

³⁹ Eropigu árîpehrero Galilea yebare buhecuripũ. Eropigu macari nũcu erã ya buheri wirigue ñajaja buhepũ. Pũriri dorecurã sãre pũririre cõãpũ. Watẽare masare ñajanirãre cohã wiupũ.

Jesu camí boagũre õagu iĩnumi

Mt 8.1-4; Lc 5.12-16

⁴⁰ Eropi gajigu camí boagũ Jesu pohrogue eja, mereja serẽpũ:

—Mũhũ yũre õagu wacũ iidiagu, yũre õagu wacũ iimasia, arĩpũ camí boagupũ Jesure.

⁴¹ Īgu eroparĩcũ peegu Jesu ĩgũre mojomoro ĩarpũ. Eropigu Jesu ĩgũ mojoto mera mohmeripũ. Mohmeripũ ta õpa arĩpũ:

—Irĩre iidiaca. Őagu arĩque mũhũ, arĩpũ Jesu.

⁴² Īgu eroparĩcũ ta ĩgũ camí boara yaria wayoro. Őagu wapũ ĩgũ.

⁴³ Īgu eropa wacũ ĩagu Jesu ĩgũre turaro mera werepũ:

⁴⁴ —Yũhũ mũre õpa iĩrare gajirãre ne werebircãque. Eropa werebiriqũregũ ta mũ dũpũre õaro warare pahire ĩhmũgũ waque, “Őagu ãhrimi,” arĩdoregũ. Goãmũ doreri Moĩsere ĩgũ apidiro dopa ta iĩque. Eropigu mirimagũgãre oque pahire mũ õagu warare masare mũ ĩhmũburire, arĩpũ Jesu ĩgũre. Őpa arĩtuhaja waque, arĩpũ ĩgũre.

⁴⁵ Īgu eropa masare weredorebiriqũrecũ ta ĩgũpũ waha árĩpehreri macari majarãre Jesu ĩgũre õagu wacũ iĩrare werepũ. Īgu eropa werera puhũ Jesu masa bajarã erã árĩroguere wamasibiripũ. Eropigu ĩgũ masa bajamerãgã árĩroguere arĩpũ. Eroguere ĩgũ arĩcũ baja macari majarã ĩgũ pohrogue ejañorã.

2

Jesu dũpũ buhadigũre õagu wacũ iĩnumi

Mt 9.1-8; Lc 5.17-26

¹ Bajamenuri puhũ Jesu Capernaumgue dujaa wapũ. Wihigue ĩgũ arĩcũ masa masiñorã.

² Eropirã masa ero bajarã gamenere iri wihire ujuturia waha disiporogue wirinũgajañorã. Eropigu Jesu erãre õari buherire werepũ.

³ Eropirã gajirã sã Jesu pohro ejariñorã. Erã wapicũrã uma dũpũ buhadigũre aĩ ejañorã.

⁴ Eropa ejarã masa bajarã arĩcũ ĩarã Jesu pohrogue aĩ ñajamasibiriñorã. Eropirã erã dũpũ buhadigũre aĩ muju wihi weca aĩ weasiri ñajaa Jesu ĩgũ nigũiro weca pihri dijuñorã. “Jesu ĩhĩ ĩgũ dorecurire taricũ iigũcumĩ,” arĩ pepiñorã erã.

⁵ Erã eroparĩ pepicũ masigu Jesupũ dorecũgũre õpa arĩ werepũ:

—Mahũ, mũ ñero iĩrare cõãtuhabu, arĩpũ Jesu dũpũ buhadigũre.

⁶ Īgu eroparĩcũ peerã erogue doarã judio masare buherãpũ erã basi õpa arĩ pepiñorã:

⁷ “Īhĩ eropa arĩ wereniguibircãporo. Goãmũre ñero wereniguĩre iimi ĩhĩ. Īgu masu mari iro dopa arĩgũ ãhrimi ĩgũ sã. Eropigu ĩgũ mari ñero iĩrare cõãmasibeami. Goãmũ dihta masa erã ñero iĩrere cõãmasimi,” arĩ pepiñorã erã.

⁸ Erã eropa arĩ pepicũ ĩagu, Jesu erã pepirire masigu õpa arĩpũ erãre:

—¿Duhpirã mũa eropa arĩ pepiri?

⁹ “Mũ ñero iĩrare cõãtuhabu,” yũ arĩcũ pee “Gũyaricũgũ ãhrimi,” arãa mũa yũre masibiriquererã ta. Īhĩ dũpũ buhadigũre “Wahgãnũgajaque,” yũ arĩcũ ĩgũ wahgãnũgajacũ ĩarã yũ arĩra diaye arĩcũ masirãca mũa.

¹⁰ Yũhũ masu Goãmũ ĩgũ obeodigu arĩgũ i yebagũere masa erã ñero iĩrere cõãmasia yũhũ. Mũa irire masiboro dopa ĩgũre wahgãnũgajacũ iigũra, arĩpũ Jesu judio masare buherãre.

Eropa arĩtuhaja dũpũ buhadigũre õpa arĩpũ:

¹¹ —Mũre arĩgũ iiaa: Wahgãnũgajaque. Curique. Mũ pũgũre aĩ waque mũ ya wihigue, arĩpũ ĩgũre Jesu.

¹² Īgu eroparĩcũ peegu dũpũ buhadigũpũ wahgãnũgaja, ĩgũ pũgũre aĩ árĩpehrerã masa erã ĩhuro wiria waha wapũ. Īgu eropiicũ ĩarã erã árĩpehrerã ĩhamaria wañorã.

—Goãmũ õagu turagũ ãhrimi. Ne õpa iĩrere ĩabirimũrabũ mari, arĩñorã erã basi.

Jesu Levĩre ĩgũ mera majagu arĩbũre sihuĩnumi

Mt 9.9-13; Lc 5.27-32

¹³ Eropi dipaturi Jesu ditaru tãrogue wapũ. Eropigu masa bajarã ĩgũ pohrogue eja gamenerecũ ĩagu ĩgũ erãre buhepũ.

¹⁴ Eropa iituha, erogue árĩdigu wagu, Levíre Alfeo magure ĩgu mohmeri taribugue bocajapu. Gajirã mera oparã ya árĩburire wajasea corerã mera árĩpu Leví. ĩgure bocajagu òpa arĩpu:

—Yũ mera majagu árĩbu arique mũhu, arĩpu Jesu Levíre.

Ĩgu eroparĩcũ peegu Levĩpu wahgãnugaja Jesu mera waha wapũ.

¹⁵ Pũhũ ĩgu ĩgu buherã mera Leví ya wĩhire mesague ba doacũ bajarã wajasea corerã “Ñero iirã àhrima,” masa erã arĩrã erã mera ba doañorã.

¹⁶ Erogue erã doara pũhũ, gajirã judio masare buherã, fariseo masa sã Jesu ñero iirã mera ĩgu bacũ ãañorã. Eropa ãarã òpa arĩñorã:

—¿Duhpigũ ñero iirã wajasea corerã mera bahari Jesu? arĩ serẽpiñorã judio masare buherã Jesu buherãre.

¹⁷ Erã eroparĩcũ peegu òpa arĩ yũhripu Jesupũ:

—Dorecurã dihta duhturure ahmama. Dorecurã duhturure amaro dopa ta “Ñegu àhraa yũhũ,” arĩrã yũre amarãcoma. Eropigu “Ñegu àhraa,” arĩrã dihtare erã ñero iirare bujaweredore òarĩpure gohrotocũ ĩgu arĩbu yũhũ. Erã basi “Òarã àhraa gua,” arĩ pepirãpure itamugu arĩbirĩbu, arĩpu Jesu erãre.

Ba duhurire serẽpiñuma gajirã Jesure

Mt 9.14-17; Lc 5.33-39

¹⁸ Irisubure Ñu buherã, fariseo masa sã Goãmure umupeomorã ba duhumuriñorã. Eropirã masa Jesu pohro eraa ĩgure serẽpiñorã.

—Erã Ñu buherã, fariseo masa buherã sã Goãmũ ya árĩburire iirã, ba duhumũrama. ¿Duhpirã mũ buherãpu ba duhubearĩ? arĩñorã erã Jesure.

¹⁹ Erã eroparĩcũ pee Jesu erãre òpa arĩ yũhripu:

—Òpa àhraa iri: Mojoto diridigu ĩgu bosenũre ĩicũ ĩgu mera majarã bujawererã ba duhurã iibeama. ĩgu mera árĩrã mucubiri barã iima. Eropa ta yũ buherã sã yũ mera árĩrã ba duhumasibeama.

²⁰ Yujunũ Goãmũ yũre aĩcãgũcumi. Eropa ĩgu aĩgãra pũhũ yũ buherã mera árĩsome yũhũ. Eropirã irisubugue tamerare yũ buherã ba duhurãcoma, arĩpu Jesu.

²¹ Erã iribojegue maja buheri mera mama buheri mera erã buhe morediacũ ĩagu òpa arĩ werenemopũ Jesu werenigui queori mera:

—Ne mama gasiro suhri gasiro mera murañe suhrirore seretu masiya mara. Eropiicũ mama gasiro mari coera pũhũ murañere suhrirore taragameneo, wũatariaro yehgucũ iiaa. Eropa ta mama buherire mura buheri mera wapi moa buhebiricãro gahmea.

²² Eropirã ne igui decore imĩsĩri decore waibũgu gasiro ajurore mura ajurore pisãbiricãro gahmea. Eropiro igui deco pahmutarirogue mura ajurore yehgue dija waha. Iri ajuro yehgucũ igui deco sã cohmo, ajuro sã cohmoa waha. Eropirã igui decore mama ajuro mera pisãro gahmea. Eropiicũ igui deco sã cohmo beaa. Ajuro sã cohmo beaa. Eropa ta mama buheri, mura buheri mera more buhebiricãro gahmea, arĩ buhepu Jesu erãre.

Sabado árĩcũ Jesu buherã trigo pororire tarĩñuma

Mt 12.1-8; Lc 6.1-5

²³ Gajĩnũ Sabado árĩcũ Jesu sã trigo pohegue ĩha taria wañorã. Erogue tariarã ĩgu buherãpu trigo pororire tarĩ tari wahgãñorã.

²⁴ Erã eropiicũ ãarã òpa arĩñorã fariseo masa Jesure:

—Peenique guare. ¿Duhpirã mũ buherã Sabadonũ mari soorĩnũ árĩquerecũ Goãmũ ĩgu mohmedorebirĩrĩnũre mohmeri erã? Mari dorerire tarĩnũgarã iima, arĩñorã erã Jesure.

²⁵⁻²⁶ Erã eroparĩcũ peegu yũ buherã tarĩnũgarã iibeama arĩgu òpa arĩpu erãre:

—Iribojegue Davi ĩgu mera majarã mera oaboagu Goãmũ wihigue ñaja iri wihĩ árĩri panre Goãmũ ya panre bañumi. Eropigu ĩgu mera majarã sãre badoregu iri panre oñumi. Iri panre pahia dihtare badorerã árĩyoro. Goãmũ doreri gajirãre iri panre badorebiriyoro. Irisubure Abiata waĩcũgu pahia opũ árĩñumi. ¿Davi sã irire erã ĩirare Goãmũ yare erã gojarare buhebirari maa? Davi iri panre bagũ Goãmũre tarĩnũgagu ĩbirĩñumi. Dohpagãre yũ buherã sã i trigo yerire tarĩ barã Goãmũre tarĩnũgarã iibeama, arĩpu Jesu.

²⁷ Eropa arĩtuhaja òpa arĩnemopũ:

—Goãmũ masare iituhajagu soorĩnũre doreñumi “Masa sooporo,” arĩgu. Eropa ĩgu masa inũre ĩburire weregu àhrimi. Masapu inũre erã ĩburire wererã árĩbeama.

²⁸ Eropigu yũhũ masũ Goãmũ ĩgu obeodigu inonũ soorĩnũ sãre masa erã ĩburire doremasia, arĩpu Jesu erãre.

3

Mojoto buhadigū ðaro wañumi

Mt 12.9-14; Lc 6.6-11

¹ Gaji Sabado áricū Jesu judio masa erā buheri wihigue eja ñajapū daja. Eropigū mojoto buhadigū sã ero áripū. Eropirã iri wihi árirã Jesure ñhanuruñorã igure weresãmorã.

² Sabado áricū Jesu mojoto buhadigure igū ðagū iicū ñarã, “Mari soorinure Jesu mohmegū iimi,” arĩ weresãdiañorã Jesure.

³ Eropigū ðpa arĩpū Jesu mojoto buhadigure:

—Wahgãñugajaque. Arique ðgue, arĩpū.

ðpa arĩtuha iri wihi árirãre werepū:

⁴ —¿Sabado áricū ðarire iicū ðabeari? ¿Ñerire iicūpure ðhari mua pepicū? Sabado áricū masure masucū ðapūrica. Masure wejēcūpure ðabeaa, arĩ werepū Jesu erãre.

Ígu eropa arĩquerecū ta yuhribiriñorã.

⁵ Erã eropa yuhribiricū ñagū Jesu erãre ñhamehtu erã mera guapu. Erã igure peediabiricū ñagū Jesu erã mera bujawerepū. Eropigū mojoto buhadigure arĩpū:

—Mu mojtore sísirãbeoque, arĩpū igure.

Ígu eroparicū peegu igū mojtore sísirãbeorpū ígu. Ígu eropiicū ta ðari mojoto wayoro.

⁶ Ígu ya mojoto ðari mojoto wacū ñarã fariseo masa wiria wañorã. Wiria Herode curu majarã mera gamenere, “¿Dohpa ii ihĩ Jesure wejērãcuri?” arĩ weretamuñorã erã erã basi.

Masa bajarã ditaru tãrogue arĩñuma

⁷⁻⁸ Eropi Jesu ígu buherã mera ditaru tãrogue wapū. Erã erogue wacū ñarã Galilea majarã masa bajarã erã puhru nurusiañorã. Eropirã Judea yeba majarã, Jerusalén majarã, Idumea yeba majarã, Jordán waicuriya gajipū masegue majarã, Tiro majarã, Sidón majarã igure ñarã wañorã ígu iurare peenijarã.

⁹ Eropirã bajarã arĩñorã Jesu pohrore. Tuucãhmota ñugajacãñorã. Eropigū Jesu ígu buherãre gasirure amuyudorepū ígu doaborore.

¹⁰ Bajarã dorecurãre ígu ðarã wacū iicū ñarã gajirã dorecurã sã igure pẽhrediañorã.

¹¹ Eropirã watẽa ñajasunirã Jesure ñarã ígu pohro mereja arĩñorã:

—Muhũ Goãmũ magu ãhraa, arĩ gaguiniguñorã erã igure.

¹² Eropigū erãre Goãmũ magu ígu áririre turaro mera gajirãre weredorebiripū Jesu.

Jesu ígu buherãre doce gohra beyeñumi

Mt 10.1-4; Lc 6.12-16

¹³ Eropigū Jesu utãgugue maria ígu gamerãre sihupū. Ígu eropa sihubeocū peerã ígu pohrogue ejañorã.

¹⁴ Eropigū doce umare ígu mera majarãre, ígu obeomorãre beyepū. Gaji macarigue ígu yare buherã wamorãre beyedobopū Jesu.

¹⁵ Eropigū watẽare erã cóaburire apipū erãre.

¹⁶⁻¹⁹ Oã arĩñorã doce gohra uma ígu beyenirã. Simo, Santiago Zebedeo magu, ígu pagu magu Ñu, Andre, Felipe, Bartolomé, Mateo, Toma, Santiago Alfeo magu, Tadeo, Simo celote ya curu majagu, Juda Iscariote, oã nũcure Jesu beyedobopū. Jesu Simore Pedro waĩyepū. Santiagore, Ñu merote Boanerges waĩyepū. Boanerges mari ya mera “bupu masa” waicũma. Juda Iscariote Jesure ñhaturirãre ñhmubu áripū. Erãre beyedobotuha Jesu dijaha wihigue ñaja wapū.

—Jesu watĩ turari opami, arĩ weresãñuma masa

Mt 12.22-32; Lc 11.14-23; 12.10

²⁰ Eropi ero dipaturi masa bajarã gamenereñorã daja erã pohro. Eropirã ígu ígu buherã sã ne bamasibiriñorã.

²¹ Eropirã Jesu acawererã ígu iurare peebeoñorã. “Jesu goroweregu wagu iimi,” masa aricū peeñorã. Eropirã ígu pohrogue eja igure aĩgãridiariñorã.

²² Gajirãpū ðpa arĩñorã:

—Beelzebú igure eropa iicū iicumi. Ígu watẽare cóagū Beelzebú watẽa opū turari mera erãre cohãmi, arĩñorã Jerusaléngue arinirã judio masare buherãpū.

²³ Erã eroparicū peegu Jesupū erãre sihubeo werenigui queoriñe mera werepū erãre. —Watĩ ya turari mera watẽare cóagū iibeaa. Watẽa erã basi cóãmasibeama.

²⁴ Eropirã yuju yeba majarã erã basi gamequeãrã iri yeba majarã pehrea wacoma.

²⁵ Eropirã yuju wihi majarã erã basi erã gamequeãrã iri wihi majarã pehrea wacoma.

²⁶ Eropigu ïgu Satana watëa opupu watëare yure cóãdoregu, ïgu basi ta gamequeëgu iibocumi. Eropigu ïgu pehrea wabocumi.

²⁷ Õpa ta àhraa watí turagure tarinugari werediaca: Wihi opure turagure diribigu, yajari masu ïgu ya wihire ñajaja yajamasibeami. Ìgure ïgu dirira puhru tamerare ñajaja yajamasimi ïgure, arí werepu Jesu. Eropa arí werepu watíre ïgu tarinugarare weregü. Watí turaga áriquerecü ta Jesu ïgure tarinugami watëare cohã wiugu.

²⁸ Eropigu arínemopu Jesu:

—Diaye arígu iiaa muare. Áripehreri masa erã ñeri iicü säre, erã wereniguicü säre Goãmu cãdijimasimi.

²⁹ Eropa cãdijiqueregu ta Espíritu Santore erã ñero wereniguicü iri tamerare ne cãdijisome. Erã eropa aríra waja eropa dipuwajacuniguicãrã áriñacoma, arípu Jesu erãre.

³⁰ Jesu Espíritu Santo turari mera mohmequerecü erãpu “Watí turari mera mohmemi,” aríñorã. Erã eropa aríra waja Jesu eropa arí werepu erãre.

Jesu acawererã ïgure sihurã erañuma

Mt 12.46-50; Lc 8.19-21

³¹ Eropirã Jesu pagu porã ïgu pago mera erañorã. Eropa erarã disiporogue niguirã gajirãre sihudoreñorã ïgure.

³² Eropirã masa ïgu pohrogue doarã wereñorã ïgure.

—Mu pago mu pagu porã mera disiporogue sihuma mure erã, aríñorã.

³³ Erã eroparícü peegu õpa arípu Jesu erãre buhebu:

—¿Noa àhriri yu pago yu pagu porã sä mua íacü? arípu.

³⁴ Eropa arígu ïgu pohro doarãre íagu õpa arípu:

—Oã àhrima yu pago, yu pagu porã dopa áriñã.

³⁵ Goãmu gamerire iima oã. Eropa ta iirã yu pagu magu, yu pagu mago, yu pago iro dopa àhrima, arí buhepu Jesu erãre.

4

Jesu oteri masu queoriñere buheñumi

Mt 13.1-9; Lc 8.4-8

¹ Eropi dipaturi ta daja Jesu ditaru tarogue buhenugapu. Eropa erogue buhenugagu masa bajarã ïgu pohrogue gamenerecü íagu Jesu dohodirugue ñaja buhe payapu. Eropirã masapu yebague ditaru tarogue niguiñorã ïgure peemorã.

² Eropigu Jesu baja werenigui queorire erãre buhepu.

³ —I queoriñere peeque mua, arípu erãre.

—Oteri masu otegu wañumi.

⁴ Ìgu eropa otecü gajiyeri ma turo yurimerejayoro. Ero mehmerejarayerire mirimagu porã ahri bacãñuma.

⁵ Eropi gajiyeri utãyeri watope yurimerejayoro. Ero utãyeri watope nicu mariñarioro áriquerecü ta, mata puhriyoro.

⁶ Eropa puhriira áriquerero, abe ïgu burigã asicü, nuguri marinijaro ñaiñaja síria wayoro.

⁷ Gajiyeri poracurogue yurimerejayoro. Porapu puhri tiataria waha oterayeripure wejécayoro. Eropiro iri dca mariyoro.

⁸ Gajiyeri õari yebapu yurimerejayoro. Õaro puhri ducacuyoro, gajisari treinta yeri, gajisari sesenta yeri, gajisari cien yeri ducacuyoro, arí buhepu Jesu.

⁹ —Irire õaro peeque mua, arínemopu Jesu.

Jesu ïgu werenigui queorare ïgu buherãre wereñumi

Mt 13.10-17; Lc 8.9-10

¹⁰ Eropirã puhru erã seyaro áriñã, doce buherã gajirã Jesu mera áriñã iri queorañere masidiarã Jesure serëpiñorã.

¹¹ Erã eropa serëpira puhru Jesu õpa arí werepu:

—Goãmu masa tauro opu ïgu áriñire, iribojegue majarã erã masibirirare muare yu buherãre masicü iimi Goãmu. Gajirãpüre eropiibeami ïgu. Eropigu erãre werenigui queori mera buhea.

¹² Eropirã erã íaquererã, pee masibeama. Eropirã peequererã ta masisome. Erã masirã õaripure gohrotoboñuma. Erã eropa gohrotocü íagu erã ñero iirare cóãboñumi Goãmu. Eropa áriquerecü ta erãpu ne peediabeama, arípu Jesu.

Jesu oteri masu queoriñere were amuñumi

Mt 13.18-23; Lc 8.11-15

¹³ Īḡu eroparira puhru, òpa arinemoḡu eräre:

—¿Iñe queoriñere peenibeari mua? ¿Mua iñe queoriñere peebirã dohpa gaji queorire peerãcuri mua? arĩḡu Jesu eräre.

Eropa arĩtuhaja òpa arĩ wereḡu eräre.

¹⁴ —Oteri masu Īḡu oteriyeri òari buheri iro dopa àhraa.

¹⁵ Eropiro ma turo mehmerejarayeri, òari buheri iro dopa ta àhraa. Eropiḡu masa erã òari buherire erã peecũ ĩaḡu Satanapu iri òari buherire masidorebeamĩ eräre. Mirimagu porã iriyerire erã dote aĩdiro dopa ta iimi.

¹⁶ Eropi utã watope mehmerejarayeri òari buheri iro dopa ta àhraa. Eropirã masa òari buherire pee, mucubiriri mera mata irire pee aĩma.

¹⁷ Eropa pee aĩquererã ta, utã watope árfirisari, nuguri maririsari iro dopa ta oã masa turabeama. Eropa turabirã yaha òari buherire erã peera waja gajirã eräre ñero iicũ ĩarã yahapure duhcãma. Gajirã eräre ñero iicũ irire bocatubirã yahare duhcãma.

¹⁸ Eropi pora watope yurimerejarayeri òari buheri iro dopa ta àhraa.

¹⁹ Eropirã masa òari buherire peequererã, i yeba majare wuaro guñaricurã niyerure mahima. Gajino sãre baja gamenemoma. Erã eropiicũ iriḡu òari buheripure cãhmotaa. Iri eropa cãhmotacũ masa Goãmũ gamerire iibeama.

²⁰ Eropi òari yeba mehmerejarayeri òari buheri iro dopa ta àhraa. Eropirã masa òari buherire peerã irire masima. Eropa masirã árfirã Goãmũ Īḡu gamero dopa ta iima erã. Yujurãyeri merogã òarire iima treinta yeri ðucacuro dopa ta. Gajirã wecañari òarire iima sesenta yeri iri ðucacuro dopa ta. Gajirã wuaro òarire iima cien yeri ðucacuro dopa ta, arĩ wereḡu Jesu eräre.

Jesu sihãgodiru queoriñere buheñumi

Lc 8.16-18

²¹ Eropa arĩtuha òpa arinemoḡu:

—Ne, sihãgodirure masa sihãgorã mátasorobu docague buhapibeama. Irirure sehro doca apibeama. Irirure sihãgorã umarogue duhpeoma òaro boyoweadorerã.

²² Áriḡehererã masa erã masibirirare puhru masirãcoma. Sihãgodiru boyocũ mari ĩhamasiro dopa ta, iribojegue erã masibirirare masirãcoma masa.

²³ Irire òaro peeque mua, arĩḡu.

²⁴ Eropiḡu eräre arinemoḡu daja:

—Merogã masidiarã merogã masirãca. Wuaro masidiarã wuaro masirãca. Eropirã peerã òaro peenaruque.

²⁵ Òaro peenaruḡu òaro masiḡucumi. Peenaruḡuḡu “Merogã peea,” Īḡu arĩquerecũ ta, iriḡu dederea waroca ĩḡure, arĩḡu Jesu eräre.

Jesu coye puhri queoriñere buheñumi

²⁶ Jesu eräre wereniḡui queori mera buheḡu daja:

—Goãmũ Īḡu opu árfiri werediacũ ojoducare otera iro dopa àhraa. Yujugu coyere ojoducayeri otemi.

²⁷ Otetuhaja muraro ta carĩ wahgã ĩaḡu wamuririmi. Irisubu ĩḡu oterayeri puhri wiriaca. “¿Dohpa puhri?” arĩ ĩha masibeamĩ irire otediḡu ĩḡu basi.

²⁸ Iri otera iri yeba mera iri gamero ðucacua. Epariḡã deyomuhta, puhru dipa poro puhri wiria wahaa.

²⁹ Ðuca buḡatuhajacũ ĩaḡu iri pororire pehami. “Pearisubuno ta àhraa,” arĩmi. Īḡu otera iri buḡarare ĩḡu masibiridiro dopa ta masa Goãmũ yarã erã dohpa wacũ sãre masibeama masa, arĩ buheḡu Jesu.

Mostazayegã queoriñere wereñumi Jesu

Mt 13.31-32; Lc 13.18-19

³⁰ Eropa arĩtuha buhenemoḡu:

—¿Goãmũ ĩḡu opu árfiri werediacũ ñeheno iro dopa àhriri mua pepicũ? Iri wereniḡui queoriñere mera irire weregura.

³¹ Mostazayegã iro dopa àhraa Goãmũ ĩḡu opu árfiri. Iriyegã ĩḡu otecũ miriyegã gohra àhraa.

³² Eropa árfiquerero iriyegã òaro puhri wiria. Eropiro yucugu wuadigu wahaa. Eropirã iriḡu ðupuri paga ðupuri buḡacũ ĩarã mirimagu porã iri ðupurigue suhri suama. Mostazayegã wuatariadigu buḡaro dopa ta umaro majagu mari Opure masinugarã bajamerãgã erã árfiquerecũ ta, puhruḡuere erã bajarã warãcoma, arĩḡu Jesu.

Queori mera ĩḡu buherire wereñumi Jesu

Mt 13.34-35

³³ Eropiḡu iri werenigui queori iro dopa baja queorire erã masiropẽ õari buherire buhepũ erãre.

³⁴ Queoriñe mariro werebiripũ erãre. Pũhrũ erã seyaro árĩrãre õaro were amupehocãpũ Jesu ĩḡu buherãre.

Jesu miruñere yusudoreñumi

Mt 8.23-27; Lc 8.22-25

³⁵ Eropi irinũ ñamica Jesu ĩḡu buherãre õpa arĩpũ:

—Ina sipũ masegue, arĩpũ erãre.

³⁶ ĩḡu eroparĩcũ peerã, yebague niguirãre goeriseretuhajarã dohodirugue ñajaa, Jesure aĩ taribuja wañorã. Eropirã gajirã gajĩ gasi mera erã pũhrũ taribujañorã.

³⁷ Erã taribujacũ iriyague miruñe burigã weãyoro. Eropiro miruñe ariro pãgũri dohodirure miucãriyoro. Deco turaro ñajayoro. Merogã duhyayoro erã miriboro.

³⁸ Eropa warisubũ Jesu dohodiru auturogue suhri pore wecague carĩḡu iipũ. Eropirã erã ĩḡure wahḡũñorã.

—Buheḡu, ¿mũhu ĩabeari? Mirirari iiaa mari, arĩñorã erã Jesure.

³⁹ Erã eroparĩcũ peegũ Jesu wahḡã miruñere, pãgũri sãre,

—Yusũque, arĩpũ.

ĩḡu eroparĩcũ ta miruñe pãgũri sã yusudija pehrea wayoro. Õaro dujayoro.

⁴⁰ Eropiḡu Jesu arĩpũ ĩḡu buherãre:

—¿Duhpirã gũimaacãri mua? ¿Mua yure umupeobeari? arĩpũ Jesu erãre.

⁴¹ Eropa wacũ ĩarã erã ĩhamaria wañorã.

—¿Ñehmũno masu ãhriri ĩhĩ miruñe, pãgũri sã yũhrisũḡu? arĩñorã erã basi.

5

Watẽa ñajasũdigure õagu wacũ iĩñumi Jesu

Mt 8.28-34; Lc 8.26-39

¹⁻² Eropi erã sipũ masegue Gerasa majarã ya yebague taribujajañorã. Eropiḡu Jesupu dohodirugue sañadigũ majanũgajapũ. ĩḡu majanũgajara pũhrũ, watẽa ñajasũdigũ masa goberi utã goberi watopegue árĩdigũ wiriri ĩḡu pohrogue arĩpũ.

³ ĩḡu watẽa mera gorowereḡu masa goberi watope árĩḡu árĩmũripũ. Gajirãpũ ĩḡure ñeha comeda wuarida mera dirimasibirimũriñorã.

⁴ ĩḡu burigã gorowerecũ ĩha bajasuburi masa ĩḡure guburi diriri berori mera comedari mera dirimũriñorã. Eropiḡu ĩḡupũ comedarire nuha tuãtasiricãmũripũ. Eropirã ĩḡu turagu árĩro mera masapũ ĩḡure ñeha dirirã bocatũbiriñorã.

⁵ Eropiḡu ñami árĩcũ, umũ sãre masa goberi watopegue, utã yucũque sãre, eropa gaguĩnĩguĩ curicãmũripũ ĩḡu. Eropiḡu utã mera ĩḡu basi dotemũripũ.

⁶ Eropiḡu yoarogue Jesure ĩhabeo ĩḡu pohrogue omagãripũ. Eraa merejapũ Jesu core umupeobũ.

⁷⁻⁸ —Watẽa, duhuque ĩḡure, arĩpũ Jesu.

ĩḡu õpa arĩcũ peegũ, watẽa ñajasũdigũ õpa arĩ gaguĩnĩguipũ:

—¿Jesu Goãmũ turagu magũ, ñehenore iĩbu iiri mũhu yure? Goãmũ ĩḡu ĩaro serẽa yũhu mre. Yũre ñero iĩbircãque, arĩ gaguĩnĩguipũ watẽa ñajasũdigũ Jesure.

⁹ —¿Dohpa waĩcũri mũhu? arĩpũ Jesu ĩḡure.

—Gua bajarã ãhraa. Eropirã “Bajarã watẽa” waĩcaa, arĩpũ Jesure.

¹⁰ Eropiḡu Jesure turaro serẽpũ:

—I yeba árĩrãre gua watẽare gajipũgue wadobiricãque, arĩñorã watẽa masu mera árĩñirã.

¹¹ Irisubure bajarã yesea árĩñorã erã pohrore. Utãḡu gubuye ahma barã iĩñorã.

¹² Ero erã banigũcũ ĩarã õpa arĩ serẽñorã watẽa:

—Soã yesea pohrogue wadoreque guare. Erã mera árĩdoreque guare, arĩ serẽñorã watẽa masure ñajanirã.

¹³ Erã eroparĩcũ peegũ yesea pohrogue wadorepũ Jesu erãre. ĩḡu eropa dorecũ watẽa masure duhu yesea dos mil gohra árĩrãpũre ñajañorã. Erã pohrogue erã ejara pũhrũ yeseapũ gorowere árĩpehrerã dipaturũgue oma buha, ditarugue yuriñajaa siripehrea wañorã.

¹⁴ Yesea erã eropa wacũ ĩarã, erãre ĩhadibunirãpũ gũĩ omagã wañorã. Macague aja, iri maca majarãre campo majarã sãre erã ĩarare weresiripehocãñorã. Erã eropa werecũ peerã masapũ bajarã Jesu ĩḡu iĩrare ĩarã arĩñorã.

¹⁵ Eropirā Jesu pohrogue erarā, watēa ñajasūdigure, suhri saña, pee masigu ĩgu ero ðaro doacū iarā ĩha ũca wañorā erā.

¹⁶ Eropirā watēa ñajasūdigure, yesea säre erā eropa warare ĩanirā gajiräre werepehocañorā.

¹⁷ Erā eropa werepehocū peerā ero majarā Jesure turaro mera wadoreñorā.

¹⁸ Eropigu Jesu ĩgu dohodirugue ĩgu ñajacū ĩagu “Mu mera wadiaca,” arĭ burigā serēripu watēa ñajasūdigupu Jesure.

¹⁹ ĩgu eropa arĭquerecū Jesu ĩgure werepu:

—Yu mera aribita. Mu ya wihigue waha, mu pohro árĭräre yahu mu opu mre ðaro iirare weregu waque. Mre yu mojomoro ĩarare wereque eräre, arĭpu Jesu ĩgure.

²⁰ ĩgu eroparicū pee watēa ñajasūdigupu Decapoli waicuri macague Jesu ĩgure ðaro iirare werenugapu. ĩgu eropa arĭ werecū peerā, masa árĭpehrerē pee ũca wañorā.

Jairo magore ðago ii, ne behrego säre ðago iñumi Jesu

Mt 9.18-26; Lc 8.40-56

²¹ Eropi dipaturi ta Jesu gajipu masegue ĩgu taribujacū masa bajarā ĩgu pohrogue wuariya turogue gamenereñorā.

²² Eropigu judio masa erā buheri wihire ĩhadibugu Jairo waicugu erapu. Jesure ĩha, ĩgu guburi pohro mereja ðpa arĭ serēpu:

²³ —Yu mago sirigo iiamo. Eropigu igore mu mojoto mera duhpeogu, igore dore taugu arique. Mahu eropiicū igo masagocumo, arĭpu ĩgu Jesure.

²⁴ ĩgu eroparicū pee Jesu ĩgu mera wapu. ĩgu wacū masa bajarā nurasiagañorā ĩgure.

²⁵ Eropigo nomeo doce bojori gohra eropa umuri nucu behreniguigo ero árĭpo. Ero core bajarā duhturuu igore ñero taricū iñorā igore ocoyerā.

²⁶ Eropigo duhturuare igo niyeru árĭpehrerire wajayepituhapo igo ocoyedorego. Erā eropa ocoyquerecū igo muraro ta árĭniguicāpo. Eropigo igo ero core igo árĭdiro tauro ñero wapo.

²⁷ Igo eropa ñero taririsubu Jesu ĩgu masare ðarā iirire peerā gajirā wereñorā igore. Eropigo igo Jesu puhru ta masa bajarā watope aripo. Ahri Jesu suhrirore mohmepiñapo.

²⁸ “Yahu ĩgu suhriro dihtare mohmepiñago ðago dujagoca,” arĭ pepigo igo.

²⁹ Eropi igo mohmepicū mata igo di wirira purumujudija wayoro. Igo ðapure ðari ðapu wacū pepigo.

³⁰ Eropigu Jesu ĩgu turari mera dorere ĩgu taurare masigu, masa watope maji ĩapu.

—¿Noa yaha suhrirore mohmepiari? arĭpu.

³¹ ĩgu eroparicū peerā ĩgu buherāpu ðpa arĭñorā.

—Cühña āhraa. Eropirā masa bajarā mre pēhregāma. “¿Noa yure mohmepiñari?” arĭgu, ¿dohpa arĭgu ĩri mahu? arĭ serēpiñorā ĩgure.

³² Eropigu Jesu ĩgure mohmepidigore amapu.

³³ ĩgu amaro watope igopu igo ðapu ðaro wacū pepigo güi, naragā merejapo ĩgu pohro.

³⁴ Eropigo igo diaye ta werepehopo ĩgure. Igo eropa arĭ werera puhru Jesu werepu igore:

—Mahgo, mahu yure umupeori mera ðago dujaa dohpaguere. Mucubiriri mera waque. Dore mariro árĭque, arĭpu Jesu igore.

³⁵ Erā ðpa arĭ wereniguuro watope ta Jairo ya wihi majarā erañorā,

—Mu mago siria wahāmo. Eropigu buhegure sihubita pare, arĭñorā.

³⁶ Erā eropa arĭquerecū ta Jesu Jairore ðpa arĭ werepu:

—Bujawere pepibita. Yure guñaque. Umupeoque ĩri dihtare, arĭpu ĩgure.

³⁷ Eropa arĭtuha, Santiago, ĩgu pagu magu Ñu, Pedro, erā dihtare “Yu mera arique,” arĭpu Jesu.

³⁸ Eropigu Jairo ya wihigue eapu. Iri wihiguere masa bajarā burigā ñehamere orerā iñorā. Erā eropa ore cū ĩha eräre arĭpu Jesu:

³⁹ —¿Ñero arĭ ñehamere orebircāque mua. Igo majigo siribeamo. Carĭgo iimo, arĭpu Jesu eräre.

⁴⁰ ĩgu eroparicū peerā erā “Eroparicāgu iimi ĩhĭ,” arĭrā ĩgure ĩayeñorā. ĩgupu eräre disiporogue wiupehocāpu. Majigo pagu sumará mera, Jesu ĩgu mera majarā igo pohrogue sihuñajajapu.

⁴¹ Eropigu Jesu igo mojtore ñeha arĭpu igore:

—Talita cumi, arĭpu ĩgu. Talita cumi mari ya mera “Majigo wahgāque,” arĭdiaro iiaa.

⁴² ĩgu eroparicū ta igo majigo siridigo muro wahgānugaja curipo. Doce bojori opago árĭpo igo. Igo ĩgu eropa ĩicū iarā ũcataria wañorā.

⁴³ Eropigu Jesu irire ĩġu iirare weresiridorebiripũ. Eropiituha igore bari ejodorepũ.

6

Jesu ya maca majarã Nazare majarã Jesure umupeobiriñuma

Mt 13.53-58; Lc 4.16-30

¹ Eropigu ero árídigu waha wa, ĩġu buherã mera ĩġu ya yebague eġapũ.

² Eropigu Jesu Sabado árícũ judio masa erã buheri wihigue buhenugapũ. ĩġu eropa buhecũ masa bajarã ĩġure ĩha masirã ĩġure pee uca wañorã. Őpa arĩñorã:

—¿Dohpa ii masiyuri ĩhĩ i buherire? ¿Dohpa ii ĩġu deyoro moarire ii masiri?

³ ĩhĩ taboa mohmeri masũ Marĩa magũ ãhrimi. Santiago, Josė, Juda, Simo, erã ĩġu ãhrimi. Eropirã ĩġu pagũ porã nome i maca ãhrima. Eropigu ĩġu mari iro dopa árĩġu ãhrimi, arĩñorã erã Jesure peenijarã. Eropirã Jesure umupeobiriñorã.

⁴ Erã umupeobiricũ ĩagũ ōpa arĩpũ Jesu:

—Arĩpehrerogue Goãmu yare weremuhtadigũ ġajirã umupeoma. Erã eropa umupeoquerecũ ta ĩġu ya maca majarã, ĩġu acawererã, ĩġu ya wihi árĩrã dihta umupeobeamã ĩġure. Eropirã yare umupeobeaa mua ohõ yũhũ masadigũ árícũ ĩarã, arĩpũ Jesu erãre.

⁵ Eropigu iri maca árĩġu Jesu Goãmu turari mera baja deyoro moarire iimasibiripũ. Dorecãrã bajamerãġã dihtare ĩġu mohmepi taupũ erã dorere.

⁶ Eropigu ero majarã Jesure erã umupeobiricũ ĩagũ, “¿Dohpa árĩrono mera yare gamebeari erã?” arĩġu uca wapũ ĩġu. Eropigu Jesu ero pohro árĩri macarigũ buhegu waha wapũ.

Jesu ĩġu buherãre buhedore obeoñumi

Mt 10.5-15; Lc 9.1-6

⁷ Eropi Jesu doce ĩġu buherãre sihubeo perãyeri dihta obeopũ erãre macariguere buhedoregu. Eropigu ĩġu dorerire ōpũ erãre watẽare masa ñajanirãre erã cóãburire.

⁸ Erãre obeogu ġajinore aĩadobiripũ. Doberire, barire, niyerure aĩġadobiripũ erãre. Erã tuari yucũ dihtare aĩġadorepũ erãre.

⁹ Eropigu ġaji zapaturire aĩdorebiripũ erãre. Yujuñe ta suhriroro sañadorepũ. Peñe sañadobiripũ erãre.

¹⁰ Eropigu ōpa arĩ werepũ erãre:

—Arĩpehreri macarigũ erã muare carĩro ocũ, iri wihi ta carĩque. Ne warãque wiriaque iri wihire.

¹¹ Eropirã ġaji macari majarã muare erã gamebiricũ, erã mua buherire peediabiricũ ĩha iri macare tari wahġã waque. Eropa warã, mua guburi maja nicure moje siripique mua erã ya dipuwajare masicũ iimorã erãre, arĩpũ Jesu erãre.

¹² Eropirã erã doce buherã waha masare buherã, erã ñero iirare bujaweredoreñorã. Őaripure iidoreñorã erãre.

¹³ Eropirã bajarã watẽare masare ñajanirãre cóãñorã. Dorecãrãre uyu mera sũrã ōarã wacũ iĩñorã.

Ñu waĩyegũre ġajirã wejẽñuma

Mt 14.1-12; Lc 9.7-9

¹⁴ Eropirã Jesu ĩġu ōaro iirare masa bajarã masiñorã. Eropigu ōpũ Herode sã irire peebeopũ. Eropa peebeogu ōpa arĩ ġuñapũ ĩġu Jesure:

—Ñu waĩyemuridigũ sĩridigũ mũrũ dipaturi masa dehyoagũ iicumi daja ĩhĩ Jesu. Eropa masadigũ árĩġu ĩġu turarire opami ĩġu deyoro moarire ĩġu, arĩ pepiripũ Herode. Jesure “Ñu mũrũ ta ãhrimi,” arĩ pepiripũ ĩġu Ñure wejẽdorera pũhũ.

¹⁵ ġajirã ōpa arĩ pepiriñorã:

—Elĩa ãhrimi, arĩ pepiriñorã. ġajirãpũ:

—Goãmu yare weremuhtadigũ iribojegũ majarã dopa ãhrimi ĩġu, arĩ pepiñorã Jesure.

¹⁶ Erã eropa arĩ pepiquerecũ, Herodepũ Jesu ĩġu iirare peeġũ ōpa arĩ pepiripũ:

—Jesu Ñu mũrũ ta árĩcumĩ. Ñu dipurure ya tabedigũ masa dehyoagũ iicumi daja, arĩ pepiripũ.

¹⁷⁻¹⁸ Ero core Herode ĩġu pagũ magũ marapo Herodia waĩcũgore ehma igo mera marapocũpũ. ĩġu eropa iicũ Ñu Herodepũre ōpa arĩ wereniguiripũ:

—Mu pagũ magũ marapore marapocũġu Goãmu dorerire tarinũġagu iiaa mũhũ, arĩpũ Ñu Herodere.

Īḡu eropa arīra dipuwaja Herode Nūre ñeadore peresugue acumaripū. Īḡure eropa iicū gamepo Īḡu marapo Herodia.

¹⁹ Eropigo Herodiapū Nūre ĩhaturinijago Īḡure wejēdorediaripo. Eropiidiaquerego ta wejēdoremasibiripo Herode opūpū gamebircā.

²⁰ Herodepū “Nū ðarire iigu ðagu āhrimi,” arī pepi Nūre güipū. Eropigu Herode Nū wereniguirire Īḡu peegu guñaturabiripū. Eropa guñaturabiriquereḡu ta mucubiriri mera Īḡure peegu wejēdorebiripū Īḡu Nūre.

²¹ Irisubu ta Herodia igo Īḡure wejēdorera ejayoro. Irisubure Herode Īḡu masa dehyoaranū árīcū Īḡu gobierno majarāre, Īḡu surara oparāre, Galilea majarā oparā sāre sihu bosenu iipū Īḡu.

²² Eropigo Īḡu marapo mago bosenu ĩago erago erā ĩhuro baya ĩhmupo. Igo baya ĩhmucū ĩarā Herode Īḡu sihunirā mucubiriñorā. Erā eropa mucubircū ĩagu ðpa arīpū Herode igore:

—Mū gamerire serēque yure. Eropigu mū serērire mure oḡara.

²³ Goāmū mera diaye arāa mure. Mū serēropē yahare deco mera oḡara mure, arīpū Īḡu igore.

²⁴ Īḡu eropa arīcū peego igo pago pohrogue waha serēpipō:

—¿Ñehenore serēḡocuri yahu? arī serēpipō igo pagore.

—Nū waiyegū dipurure serēque, arīpo pagopū.

²⁵ Igo eroparīcū peego umudiaro mera opū Herode pohrogue eja arīpo:

—Dohparagā Nū waiyegū dipurure tabetadoreque. Eropigu soropa mera Īḡu dipurure oque yure, arīpo igo.

²⁶ Igo eroparīcū opū Herode burigā bujawerepū. Īḡu masa erā peero, “Mū serērire mure oḡara,” arītuhapū Īḡu. Eropigu Īḡu Īḡu eropa arīrare ḡahyasirigū “Mure osome,” arīmasibiripū igore. Īḡu sihunirā ĩhuro “ĩbeaa,” arīmasibiripū.

²⁷ Eropigu mata surarare peresu árīrāre coregure Nū dipurure tabeta aĩḡaridorepū.

²⁸ Īḡu eropa dorecū peegu surarapū waha, Īḡu dipurure tabeta, soropa mera aĩḡaripū. Aĩḡā nómeore Īḡu marapo magore ópū. Eropigo igo iripare ñeha igo pagore o taupo daja.

²⁹ Eropirā Nū buherā irire peenijarā erogue waha, Īḡu dupure aĩ masa gobegue aĩḡā apiñorā.

Jesu cinco mil masare barire oñumi

Mt 14.13-21; Lc 9.10-17; Jn 6.1-14

³⁰ Eropi Jesu Īḡu buhedore obeonirā Īḡu pohrogue dujajañorā daja. Erā iirare erā buherare wereñorā erā Īḡure.

³¹ Irisubure masa bajarā eropa majiniguirā erāre ne baro iibiriñorā. Eropigu ðpa arīpū Jesu Īḡu buherāre:

—Masa marirogue mari seyaro soonirā warā, arīpū erāre.

³² Eropirā erā seyaro gasiru mera masa marirogue wariñorā.

³³ Erā eropa wacū ĩarā masa bajarā erāre masiñorā. Eropa masirā baja macari majarā mage waha, Jesu Īḡu ejaborogue omajatuhañorā.

³⁴ Erā eropa ejacū Jesu tuhajapa, gasirugue sañadigū majanugajagu Īḡu bajarā masare ĩapū. Oveja ĩhadibugū moorā iro dopa árīñorā erā Jesu Īḡu ĩacū. Eropigu erāre mojomoro ĩagu baja buhepū erāre.

³⁵ Nāmicague doce Īḡu buherā Jesu pohrogue eja ðpa arīñorā Īḡure:

—Ohō maca marirogue āhraa. Nāmicague āhraa.

³⁶ Óḡā árīri macarigue masare wadoreque. Erā baburire asūrā waporo, arīriñorā erā Jesure.

³⁷ —Mūa basi ta barire oque erāre, arīpū Jesu erāre.

Īḡu eroparīcū peerā ðpa arī yuhriñorā:

—¿Wuaro niyerupūri mera ḡua dohpa ii asūbocuri panre masa bajarā erā baburire? arīñorā erā Jesure.

³⁸ —¿Di nucu pan āhriri óguere? ĩarā waque, arīpū Īḡu erāre.

Īḡu eroparīcū erāpū barire boca ðpa arīñorā:

—Cinco dipuru āhraa pan. Wai perā āhrima, arīñorā.

³⁹ Erā eroparīcū peegu Jesu masare dipa cururi ero taa árīro weca doadorepū masare.

⁴⁰ Īḡu eroparīcū peerā erā dipa cururi doañorā. Yuju curure cien gohra árīñorā. Gaji curure cincuenta gohra árīñorā.

⁴¹ Erã doapehrecũ İha Jesu cinco dipuru pan dipurure aİ, erã perã waire aİ, ũmarogue İhamemuju Goãmure "Ōhaa," arİpu. Eropa arİ serẽtuha iri pan dipurure nuha İgu buherãre opu masare gueredoregu. Eropİgu wai perãre gueredorepu arİpeherrerã.

⁴² Eropirã arİpeherrerã baha yapia wañorã.

⁴³ Erã ba duarare doce pıiri gohra sea gameneo ũjutu doboñorã erã wai sãre eropa ta.

⁴⁴ Eropirã panre banirã ũma dihtare queocũ cinco mil gohra arİñorã.

Jesu deco weca curİñumi

Mt 14.22-27; Jn 6.16-21

⁴⁵ Irisubu ta Jesu İgu buherãre dohodirugue ñajajadore, gajİpu masegue Betsaida yebague İgu core tarİbuja yudorepu. Eropİgu erã tarİbuja wara puhru Jesupu masare goeriserepu.

⁴⁶ Goeriseretuhaja utãgugue muria İgu seyaro Goãmure serẽgu waha wapu.

⁴⁷ Puhru ñamicague arİcũ dohodirupu İgu buherã wadiru ditaru deco arİyoro. Erã ero payacũ Jesu yujugu ta erã tarİbujarİdİrogue arİpu.

⁴⁸ Miruñe duraro weã dujuyoro erãre. Eropİgu erã ñero tari wejacũ İhabeopu Jesu erãre. Eropİgu boyo mürİboru core cãreña wahgãrisubu erã pohro wagu deco weca cuhrapı wahgã wapu. Erãre İgu tarİgãripu.

⁴⁹ İgu tarİgãquerecũ ta, İgu deco weca arİcũ İarã İha ũca wañorã. "Sİridİgu muru watİ ãhrimi," arİ pepi gaguİnguİñorã.

⁵⁰ Erã arİpeherrerã İgure İarã İha burİgã ũca wañorã. Erã eropa İha ũcacũ İagu Jesu werepu erãre:

—Ne yure İha ũcabiricãque. Yuhu ta ãhraa. Güİbita, arİpu erãre.

⁵¹ Eropa arİtuha İgu erã mera dohodirugue ñaja wapu. İgu ñajara puhrugã ta miruñe tarİa wayoro. Eropa wacũ erãpu ũcatarİa wañorã.

⁵² İgu pan dipurure baja İirare guñabirİñorã erã. İgure ðaro masibirİniñorã.

Jesu Genesare majarãre dorecurãre ðarã wacũ İİñumi

Mt 14.34-36

⁵³ Eropi erã tarİbujaja, Genesare yebague eja, turogãgue payañorã.

⁵⁴ Eropirã erã dohodirugue arİñirã erã majacũ ta masapu Jesure İha masİñorã.

⁵⁵ Eropa İha masirã arİpeherrerogue erã ya yebague omaja, dorecurãre erã puyucu mera aİgãrİñorã. "Jesu erogue ãhrimi," masa erã arİcũ pee eroguerẽ aİ ejañorã.

⁵⁶ Eropirã arİpeherreru İgu waroguerẽ paga macarİguere, muta macarİgãguere, campogue, erã warİ marİguere erã masa dorecurãre aİ apiñorã Jesure coremorã. Eropirã Jesu erã pohro İgu ejacũ mohmepİñadİarã turaro serẽñorã İgure.

—Mu suhriro ojogoro dihtare mohmepİñadoreque guare, arİ serẽñorã erã.

Eropirã İgu suhrirore mohmepİñirã ñecu ðarã wañorã.

7

Masa ñerã wacũ İirire wereñumi Jesu

Mt 15.1-20

¹ Eropi Jerusalẽngue arİñirã judio masare buherã, fariseo masa mera Jesu pohrogue gamenereñorã.

²⁻⁴ Fariseo masa arİpeherrerã, gajirã guã acawererã judio masa mera erã ñecu sumarã dorediro dopa ta erã mojotorire coero marİro babirİmürİñorã. Eropirã doberi duarã pohrogue wanirã dujajarã erã dorerire İimorã, erã mojotorire coero marİro babirİmürİñorã erã. Eropirã baja gajİ erã dorerire erã ñecu sumarã İidorerire İimürİñorã erã. Tasa parİre yujuropan coe, mätasororire coe, comesororire coe, erã İiguaro dopa ta İimürİñorã erã judio masa "Goãmũ eropa gahmemi," arİrã. Eropirã Jesu pohrogue gamenerã Jesu buherã erã ñecu sumarã dorediro dopa ta erã mojo coebiricũ İañorã fariseo masa.

⁵ Eropa İatuhajarã Jesure serẽpiñorã:

—Mu buherã mari ñecu sumarã mura erã dorediro dopa ta erã baboro core erã mojo coebeama. ¿Duhpirã mari dorerire İibeari erã? arİñorã erã Jesure.

⁶ Erã eroparİcũ peegu werepu Jesu erãre:

—Masa erã İabİropure ñero İicorerã ãhraa muã. Goãmũ yare weremũhtadİgu İsaia muare irİbojegue diaye ta weremürİñumi. Ōpa arİ gojafİumi Goãmũ ya werenİguirire: Ōã masa yure ðaro werenİguiquerã ne yure umupeobeama. Erã ya sİporãripu gajİpugue ãhraa. Yure ne mahİbeama.

⁷ Goāmũ ya doreri wereniguibodirore erã ya wereniguiiri dihtare buhema erã. Eropirã yũre umupeori erã sĩbuipeori duhpĩburi árĩbeaa yũre, arĩmi Goāmũ, arĩ gojañumi Isaiia iriibojegue.

⁸ Iri diaye ta àhraa. Goāmũ dorerire iibeaa mũa. Mũa ñecũ sumará mũra árĩricũri dihtare iiaa, arĩpũ Jesu erãre.

⁹ Eropigũ erãre wereniguinemoṙũ daja:

—Mũa ñecũ sumará mũra árĩricũrĩre iiduhubirã ta Goāmũ yapũre cohãa mũa.

¹⁰ Iriibojegue õpa arĩñumi Moise Goāmũ dorerire: “Mũa pagũ sumaráre umupeoque. Yujugũ ĩgu pagũ sumaráre ñero werenigui coredigũ ĩgu wejẽbu árĩgũcumĩ,” arĩñumi Moise.

¹¹ Moise eropa arĩquerecũ ta, mũapũ masare õpa arĩ weredorea erã pagũ sumaráre. “‘Mũare itamumasibea. Mũare yũ oborare Goāmũ ya árĩburire opehocãbũ,’ arĩque mũa pagũ sumaráre,” arĩ weredorea mũa.

¹² Eropa arĩ weredorerã erã pagũ sumaráre erã umupeobiricũ iiaa mũa erãre.

¹³ Eropirã Goāmũ ĩgu dorerire tarinũgarã iiaa mũa mũa ñecũ sumará ya doreri dihtare iirã. Gajirãre mũa buheri dihtare peedorea mũa. Baja eropa árĩrĩre iiaa mũa, arĩpũ Jesu erãre.

¹⁴ Eropa arĩtuha masare sihubeo õpa arĩpũ daja:

—Mũa árĩpehrerã peeque yũre. Yũ arĩrĩre õaro masique mũa.

¹⁵ Mũa disiro ñajaripũ mũa baripũ ñerã wacũ iibeaa. Mũa disiro wiriripũ, mũa wereniguiripũ mũare ñerã árĩcũ iiaa.

¹⁶ Yũre õaro peeque, arĩpũ Jesu.

¹⁷ Eropa arĩtuha Jesu masa pohro árĩdigũ waha wihigue ñajaa wapũ. ĩgu eropa ñajacũ ĩarã ĩgu buherãpũ ĩgu wererare serẽpiñorã. Erã eropa serẽpicũ peege õpa arĩpũ Jesu:

¹⁸ —¿Ne peenibeari mũa sã? Mũa bari disiro ñajaripũ mũare ñerã masa wacũ iibeaa. ¿Iĩre masibeari?

¹⁹ Iri mũa pepirigue ñajabeaa. Mũa parugue ñajaja taria wahaa, arĩpũ Jesu.

Eropa arĩgu “Árĩpehreri bari õari bari àhraa,” arĩgu iipũ.

²⁰ Ópa arĩnemopũ:

—Mũa wereniguiripũ, mũa disiro wiriripũ mũa pepiri àhraa. Mũa pepiripũ mũare ñerã masa árĩcũ iiaa.

²¹ Mũa pepirigue õpa ñeri iinũgaa: Ñero pepiri, nomere gameri, yajari, masare wejẽri,

²² gajigũ marapo mera ñero iiri, gajirã yare turaro uaribejari, ñetariari iiri, gũyari, ñeri uaribejari, gajirã gajinore opacũ ĩhaturiri, ñero quere wereri, gajirãre tarinũgadiari, pee masibiriri iinũgaa.

²³ Árĩpehreri i ñeri mũa pepirigue árĩnũgari mũare ñerire iicũ ñerã árĩcũ iiaa, arĩpũ Jesu.

Judio maso árĩbigu Jesure umupeoñumo

Mt 15.21-28

²⁴ Eropigũ Tiro waĩcũri maca pohroque, Sidon waĩcũri maca pohroque wapũ. Eroque ejagũ ero arĩri wihigue ñajaa wapũ. Eropigũ gajirãre ĩgu arĩri wihire ne weredorebiripũ. ĩgu eropa duhridiaqueregũ ta duhrimasibiripũ.

²⁵ ĩgu ejacũ pee mata yujugo nomeo ĩgu pohro ejapo. Igo mago watĩ ñajasũdigo árĩpo. Gajirã Jesu iira querere peedigo árĩpo. Igo Jesu pohro eja ĩgu guburi pohro merejapo.

²⁶ Igo judio maso árĩbigu Grecia majago árĩpo. Siro Fenicia árĩyoro igo masa dehyoara maca. Jesu pohro mereja ĩgure turaro serẽpo:

—Watĩre wiubasaque yũ magore, arĩ serẽpo igo Jesure.

²⁷ Igo eroparĩcũ peege õpa arĩpũ Jesu igore:

—Negohrare wihi opũ porã bamũhtaporo. Erã porã ya barire diayeare ocũ ero wabeaa. Israe masa yare gajĩ yeba majarãre yũ omũhtacũ ero wabeaa, arĩpũ Jesu igore.

²⁸ —Eropa ta àhraa opũ. Eropa árĩquerecũ ta barisubũ árĩcũ erã diayeaa sã yuhridjarire bacohrema. Gajĩ yeba majago yũ árĩquerecũ, yũ sãre itamuque mũhũ, arĩpo igo ĩgũre.

²⁹ —Mũhũ eropa õaro arĩ yũhricũ mũ magore watĩre wiubasatuhabu. ĩago waque, arĩpũ Jesu igore.

³⁰ ĩgu eroparĩcũ peege waha, igo ya wihigue eja, igo magore camague oyagore watĩ moogoguere eja ĩapo.

Peebigure, wereniguimasibigure õagu wacũ iĩñumi Jesu

³¹ Irisubure Jesu sã Tiro waĩcũri maca pohrogue áriđigu waha, Sidón waĩcũri macare eja tarigã, Decapoli waĩcũri macare eja tarigã, Galilea waĩcũri ditarugue ejañorã pare.

³² Eropirã peejabigure, wereniguibigure aĩgãriñorã gajirã Jesu pohrore.

—Mu mojoto mera mohmepiñaque ĩgure, arĩ serẽñorã erã ĩgure.

³³ Erã eroparĩcũ peegu Jesupu peejabigure aĩgã, masa marirogue aĩ ejarũ. Erã seyaro arĩñorã. Eropigu Jesu ĩgu mujusĩri mera ĩgu gamirire pupũ. Eropigu ĩgu disico mera ĩgu nerore mohmepiñaũ.

³⁴ Eropiituhaja umaro ihamuju sĩ aĩ õpa arĩpu:

—Efata, arĩpu Jesu. Efata mari ya mera “Pãgũque,” arĩro iiaa. Eropa arĩgu ĩgure peedoregu iipu. Eropigu wereniguidoregu iipu.

³⁵ ĩgu eroparĩcũ ta ĩgu peejabigu peerũ. ĩgu nero niriçũ pepigu õaro wereniguinũgarũ.

³⁶ Eropigu Jesu irire ãanirãre gajirãre weredorebiripũ. Eropa weredorebiriqerrecã, erãpu gajirãre burigã werepehocãñorã.

³⁷ Eropirã masa pee uca waha õpa arĩñorã:

—Árĩpehreri õaro iimi. Peejabirã sãre õaro peecũ iimi. Werenigubirã sãre õaro wereniguicũ iimi Jesu, arĩñorã masa.

8

Cuatro mil masare bari õñumi Jesu

Mt 15.32-39

¹ Irisubure daja dipaturi masa bajarã erã gamenerera puhũ, bari moorã erã áricũ ĩagu Jesu ĩgu buherãre sihubeopũ:

² —Oã masa uhrenũ gohra yũ mera árituhajama. Erãre bari pehrea waca. Eropigu erãre mojomoro ihaa yũhũ.

³ Gajirã erã mera majarã yoarogue arinirã áhrima. Erã babiriquererã erã ya wirigüe dujaacũ gamebirica. Mague warã erã oaboarã turabiribocoma. Eropigu erãre barire odiaca, arĩpu Jesu ĩgu buherãre.

⁴ ĩgu eroparĩcũ ĩgu buherã ĩgure arĩñorã:

—¿Duhpii mari õguere masa mariroguere barire bocabocuri erãre ejomorã? arĩñorã Jesu ĩgu buherãpu.

⁵ —¿Di nũcũ dipuru pan dipuru opari mũa? arĩ serẽpipũ Jesu erãre:

—Siete pan dipuru áhrra, arĩñorã.

⁶ Eropigu ĩgu masare taa árĩro weca doadorepu. Tuhajanugu siete pan dipurure aĩ, Goãmũre “Õhaa,” arĩ serẽpu. Eropa arĩ serẽtuhaja pan dipurure nuha ĩgu buherãre õpu gueredoregu.

⁷ Eropirã waigã sãre bajamerãgã opañorã erã. Eropigu waigãre aĩ Goãmũre “Õhaa,” arĩ serẽ, ĩgu buherãre masare gueredorepu.

⁸ Masa irire barã yapia wañorã. Erã ba duharare siete puiri gohra aĩ gameneo ujutu doboñorã. Erã masa cuatro mil gohra arĩñorã.

⁹⁻¹⁰ Eropiituha Jesu masare goeriserepu wagũ. Erãre goeriseretuhaja Dalmanuta waĩcũri maca pohrogue waha wapũ.

Fariseo masa deyoro moariñere ãadiariñuma

Mt 16.1-4; Lc 12.54-56

¹¹ Ero puhũ fariseo masa Jesu mera dũyatorã erañorã. Erã Jesure Goãmũ turari mera deyoro moariñere iidoreriñorã. ĩgu ii ihmumasibiricũ ãadiariñorã. ĩgu iimasibiricũ “Goãmũ ĩgu obeodigu áribeamĩ,” arĩdiariñorã.

¹² Erã õpa dorecũ peegu Jesu turaro bujawere sñaja õpa arĩpu:

—¿Mũa dohpague majarã duhpirã Goãmũ ĩgu turari mera deyoro moarire ãadiari? Diaye arãa mũare. Dohpague majarã mũare ne deyoro moarire ii ihmusome yũhũ, arĩpu Jesu erãre.

¹³ Õpa arĩtuha waha dohodirugue ñaja gajipu masegue waha wapũ ĩgu buherã mera.

Fariseo masa, Herode ya curu majarã sã erã ñeri buherire wereñumi Jesu

Mt 16.5-12

¹⁴ Eropa warã panre cãdijiñorã. Dohodiruguerẽ yujuru ta panrure opañorã erã.

¹⁵ Eropigu Jesu guhyaro mera werepu ĩgu buherãre:

—Õaro iique. Fariseo masa, Herode ya curu majarã sã erã pan bugacũ iiburire õaro iique. Guhya áhrra iri, arĩ werepu erãre.

¹⁶ Īġu fariseo masa sã erã buherire eroparicũ pee, ĩġu buherãpu peewisirã irire erã basi wereniguiñorã.

—Mari panre mari aĩġãribiricũ ĩaġu eropa arĩcumi ĩġu, arĩñorã erã basi.

¹⁷ Erã eropa arĩrare masiġu òpa arĩpu Jesu erãre:

—¿Duhpirã mua pan cãdĩjirare ġuñari mua? ¿Mua masibeari? ¿Peenibeari mua dohpa? ¿Peediabeari mua?

¹⁸ ¿Cuiricurã árĩquererã ĩabeari mua? ¿Gamiricuquererã ta peebeari mua? ¿Mua yu iirare ġuñabeari?

¹⁹ ¿Yu cinco mil ùmare cinco dipuru panre yu nuha orare ġuñabeari mua? ¿Erã yapi weorare di nãcu puiri pan dipure mua ùjutura puirire aĩari mua? arĩ serẽpiru Jesu erãre.

—Doce puiri, arĩñorã erã ĩġure.

²⁰ —¿Eropi yũhu siete pan dipurure cuatro mil masare yu ora pũhrũ di nãcu puiri ùjutura puiri aĩari mua? arĩpu Jesu erãre daja.

—Siete puiri, arĩ yũhriñorã erã.

²¹ —¿Eropa irire ĩaquererã ta masibeari mua dohpa? arĩpu Jesu erãre.

Jesu cuiri deyobigure ĩacũ iĩnumi

²² Eropi erã Betsaida waĩcuri macague erã ejacũ ĩarã, masapu cuiri deyobigure aĩġãriñorã.

—ĩġure mohmepiġue, arĩ turaro serẽñorã erã Jesure.

²³ Eropiġu Jesu cuiri deyobigure mojoto ñeha iri maha tãroque ĩġure taragãpu. Aĩ eja ĩġu cuirire purimetupu disico mera. Eropiġu ĩġu mojoto mera ĩġure mohmepiġu.

—¿Mũhu ĩacũ dehyori? arĩ serẽpiru Jesu ĩġure.

²⁴ ĩġu eroparicũ ĩġupu ĩaġu òpa arĩpu:

—Masare ĩhaa. Erãre ĩaquerecũ erã curicũ yucu iro dopa dehyoma, arĩpu ĩġu cuiri deyobigupu.

²⁵ ĩġu eroparicũ peegu Jesupu ĩġu mojotori mera ĩġu cuirire mohmepiġu daja. ĩġu eropa mohmepira pũhrũ cuiri deyobigu ĩġu turaro ĩacũ òaro deyoyoro pare. Eropiġu arĩpehrerire òaro ĩapu ĩġu.

²⁶ Eropiġu Jesu ĩġure ĩġu ya wihigue omedijugu òpa arĩpu:

—Macague tamerare wabiricãque. Eropiġu maca majarãre i yu iirare ġajirãre weresiribiricãque, arĩpu Jesu ĩġure.

Jesu ĩġu diaye ta Cristo arĩrire wereñumi Pedro

Mt 16.13-20; Lc 9.18-21

²⁷ Eropi Jesu ĩġu buherã mera Cesarea Filipino waĩcuri maca pohro arĩri macarigue wanemoñorã. Eroque wagu Jesu serẽpiñapu ĩġu buherãre:

—¿Nihino árĩcuri yũhu masa erã yure pepicũ? arĩ serẽpiñapu ĩġu.

²⁸ ĩġu eropa arĩ serẽpiñacũ peerã ĩġu buherã yũhriñorã:

—“Nu waĩyegu ãhrimi,” arĩma mure. Ģajirã “Elia ãhrimi,” arĩma. Ģajirãpu “Goãmu yare weremuñtanirã mera majagu ãhrimi,” arĩma, arĩ yũhriñorã ĩġu buherã ĩġure.

²⁹ Erã eropa arĩra pũhrũ Jesu serẽpinemopu erãre:

—¿Muapu mua pepicũ nihino árĩcuri yũhu? arĩ serẽpiru.

Pedropu yũhripu ĩġure:

—Mũhu Cristo Goãmu ĩġu obeodigu ãhraa, arĩ yũhripu Pedro.

³⁰ ĩġu eroparicũ peegu Jesu òpa arĩpu:

—Yure “Cristo ãhrimi ĩġu,” ne arĩ weresiribiricãque ġajirãre, arĩpu erãre.

Jesu ĩġu sirĩburiñere ĩġu masa mũriaburiñe sãre weremuñtañumi

Mt 16.21-28; Lc 9.22-27

³¹ Eropiġu ĩġu erãre buhenũġapu òpa arĩ wereġu:

—Yũhu masu Goãmu ĩġu obeodigu ãhraa. Eropiġu bũrigã ñero tarigũca. Yure eropa ta waro ġahmea. Mũrã, pahia oparã, marire buherã sã yure ġamebirã yure wejẽrãcoma. Erã yure eropa wejẽquerecũ, ùhrenũ pũhrũ masa mũriagũca, arĩpu Jesu erãre.

³² Eropa arĩġu erã òaro peeboro dopa òaro wereġu iipu erãre. ĩġu eroparicũ peegu Pedropu ġajipu ñarigã Jesure aĩġã ĩġure arĩpu. “Eropa arĩbiricãque,” turaro mera arĩ werepu.

³³ ĩġu eropa arĩdorebiricũ peegu Jesupu ĩġu buherãre majinũġaja, turipu Pedrove.

—Satana iro dopa wereniguiġu ĩaa mũhu. Eropa arĩbiricãque. Mũ pepiri masa ya ãhraa. Goãmu ya arĩbeaa, arĩpu ĩġu Pedrove.

³⁴ Eropa arĩtuha masare ĩġu buherã mera sihubeo òpa arĩpu:

—Yujugu yu mera majagu árídiagu ígu gamero iidiarire duhucágućumi. Eropigu ígu yu mera majagu ígu áríri dipuwaja ñero tarigućumi. Ñero tariqueregu yahare iiniguicágućumi.

³⁵ Yujugu masu ígu ya áríburu dihtare pepigu ígu dederea wagućumi. Eropigu gajigu yaha áríburu dihtare ígu, óari buheri sáre ígu, árípehrerinari yu mera umarogue óaro árígućumi.

³⁶ Yujugu masu i yeba majare árípehrerire opaqueregu, peamegue wagu óarire wajasome.

³⁷ Eropigu i yebague opaburi dihtare guñagu, ígu sírígu waburire guñabígu ígu síporá mera peamegue dederegućumi.

³⁸ Dohpague ñerá Goámure gamebirá erá ejatuharo iiri áríro iiaa. Eropirá yujuráyeri yure, yu buheri sáre masiquererá “Masibea,” aríbocoma guhyasírírá. Erá eroparícú íagu yu sá eráre guhyasírígu “Eráre masibea,” aríguća. Yuhú masu Goámú ígu obeodígu óará anyua mera yu Pagu gosesiriri mera dujaríguća. Yu dujarígu yu waíre aridia guhyasirisániráre guhyasiriságuća yu sá, arí werepu Jesu.

9

¹ Eropa arítuhaja ópa arínemopu Jesu:

—Diaye arígu tíiaa muare. Yujuráyeri muu óguere árírá, muu síriboro core Goámú ígu opu áríroguere yu ñajacú íarāca, arípu Jesu.

Jesu ígu dupure gohrotoñumi

Mt 17.1-13; Lc 9.28-36

² Eropi seis nari puhru Jesu Pedroke, Santiagore, ígu pagu magure Ñure utágugue umadígugue erá dihtare sihu măriapu. Umarogue erá mărijara puhru erá íhabeoro ígu dupure gohrotopu.

³ Eropiro ígu suhri gosesiriri suhri óaro boreríne wayoro. I yeba majarā nome suhri coerā nome ne eropa borerire iimasibeama.

⁴ Mata iribojegue majarā Moise muru Elia muru sá dehyoañorā. Eropirā Jesu, Elia, Moise mera weretamucú íañorā erá urerā ígu buherā.

⁵⁻⁶ Eropirā erá burígá güiñorā. Eropa güigu dohpa arímasibirinijagu ópa arípu Pedro: —Opu, mari ohó arícú óadíaa. Uhre wihigā iirā. Mu ya wihigā, Moise ya wihigā, Elia ya wihigā iirā, arípu ígu Jesure.

⁷ Eropiro erá weca eráre imica curu cāhmotayoro. Iri eropa cāhmotacú ta imica curu pohecague Goámú ígu wereniguiri busuyoro:

—Íhí yu magu yu mahígu áhrimi. Peeque ígure, aríri busuro cariyoro.

⁸ Eroparícú peerā Pedro sá maji íarā Moisere, Eliare íabiriñorā pare. Jesu dihtare íañorā.

⁹ Eropi utágugue erá dijarićú Jesu eráre werepu:

—Dohparagā yure eropa warare gajirāre ne werebircāque. Yuhú masu Goámú ígu obeodígu yu síri masa măriara puhru irire gajirāre wereque muu, arí werepu Jesu.

¹⁰ Eropirā erá ígu dorediro dopa werebiriñorā gajirāre. Eropirā erā, erā basi ópa arí serēpi wereniguñorā:

—“Yuhú síridi masa măriara puhru,” ígu arígu ¿duhpígu eropa aríri ígu? arí wereniguñorā erā.

¹¹ Eropirā Jesure ópa arí serēpiñorā:

—Cristo Goámú beyedígu ígu ariboro core “Eliare arimuh tarto gahmea,” aríma masare buherā. ¿Dohpa aríronore eropa aríri erā? arí serēpiñorā Jesure ígu buherā.

¹²⁻¹³ Jesu yuhripu:

—Diaye ta áhraa. Eliare arimuh tadoremi Goámú árípehrerire amumuh tabure. Ígu eropa iíborore arí gojayura áhraa Goámú yare gojarapúgue. Yu sáre arí gojayuñuma. Yuhú masu Goámú ígu obeodígu bajasuburi ñero taríguća. Gajirā yure gamebirā yure ñero iirācoma. ¿Iri sáre masiri muu? Eropígu ópa aríguara muare: Elia eratuhami. Ígu eracú erā ígure erá gamero dopa ñero iima. Iribojegue erā arí gojayudiro dopa iima ígure, arípu Jesu.

Jesu majíguere óagu iñumi

Mt 17.14-21; Lc 9.37-43

¹⁴ Eropi dijari ígu buherā dujanirā pohrogue eja, bajarā masare íapu. Ígu buherāpu judio masare buherā mera game duyasorā iñorā.

¹⁵ Masa Jesure íarā árípehrerā íhamaria wañorā. Eropirā ígu pohrogue omagā ígu pohrogue eja, “¿Áhrari?” aríñorā ígure.

¹⁶ “Ahrabu,” arītuhaja erāre serēpipu:

—¿Nehenore game wereniguirā iari mua eropa dūyatorā? arī serēpipu ĩgu.

¹⁷ ĩgu serēpicū peegu masa watope niguidigu wereru ĩgure:

—Buhegu, yu magure watī ñajasūdigure mure aĩgārirabu. Watīpu ĩgure werenigu-idorebeami.

¹⁸ Yu magure ĩgu ñajacū yebague mehmereja wahami. ĩgu disirore sumutua, ĩgu gūcurire cūridihu buha wamurami ĩgu. Eropigu mu buherāre watīre yu magure ñajadigure cōādorera. Erā cōāmasibirama, arī wereru ĩgure.

¹⁹ ĩgu eroparicū peegu ōpa arīpu Jesu masare:

—¿Ne yare umupeobirigohracāri mua? Yoari boje muare buherabu yu. ¿Dipa boje yu muare yujuro bojebocuri? ĩgure aĩgārique, arīpu Jesu.

²⁰ ĩgu eroparicū peerā watī ñajasūdigure Jesu pohro aĩgāriñorā. Erā Jesu pohro aĩ ejacū ta watīpu ĩgu majigure mehmerejacū iipu. ĩgu eropiicū ĩgu yebague mehmereja waru. Tūru, naragā, buhacū iipu. Eropii ĩgu disiro sumutua waru. Jesu ĩgu pagure serēpipu:

²¹ —¿Dipa boje eropa āhrari ĩgu? arī serēpipu Jesu majigu pagure.

—Majigugāgue ta ĩgu eropa arīnugami, arī yuhripu ĩgu paguru.

²² Eropigu watīpu ĩgure peamegue, diague sāre cōāmūririmi ĩgure wejēdiagu. Eropigu muhu itamumasigu mojomoro ĩha itamuque guare, arīpu majigu paguru Jesure.

²³ ĩgu eroparicū peegu ōpa arīpu Jesu ĩgure:

—Muhu yare umupeocū ĩagu Goāmu arīpehrerire iipehocāmasimi mu ya arīburire iigu, arīpu Jesu ĩgure.

²⁴ ĩgu eroparicū majigu pagu ōpa arī gaguiniguipu:

—Mure umupeoa yu. Yu umupeobiricū ĩagu itamuque yare yu mure umupeoboro dopa, arīpu ĩgu.

²⁵ Eropiicū masa bajarā erā pohro omagāriñorā. Erā gamenerecū ĩagu Jesu watīre ōpa arī turipu:

—Muhu wereniguimasibiricū iidigu, gamiri bihadigu ĩre duhuque. Eropigu dipaturi ĩgure garibobiricāque, arīpu Jesu.

²⁶ ĩgu eroparicū peegu majigure ñajadigu watī gaguinigui, majigure yebague mehmereja, tūru naragācū ii duhupu ĩgure. ĩgu eropiicū majiguru sīrigu dopa waru.

²⁷ —ĩgu sīria wami, arīñorā masa bajarā.

Erā eropa arīquerecū ta Jesupu ĩgu mojtore ñeha ĩgure tara wahgū nugupu. ĩgu tara wahgū nugucū wahgānugajapu ĩguru.

²⁸ Puhru Jesu wihigue ñajajacū tarā ĩgu buherā erā seyaro serēpiñorā Jesure:

—¿Duhpirā guaru majigure watī opagare cōāmasibirayuri mu pepicū? arī serēpiñorā erā.

²⁹ —ĩno watīre cōādiarā burigā Goāmure serēro gahmea. Eropirā Goāmure serēmorā ba duhuro gahmea muare, arī yuhripu Jesu erāre.

*Dipaturi ta Jesu ĩgu sīburiñere ĩgu masa muriaburiñe sāre wereñumi
Mt 17.22-23; Lc 9.43-45*

³⁰ Eropi erogue arīnirā waha Galilea yebague eja, tarigāñorā. Irisubu Jesu ĩgu buherāre buhegu iipu. Eropigu erā warore gajirā masicū gamebiripu Jesu.

³¹ Erogue ejaġu ĩgu buherāre buhepu. Ōpa arī buhepu:

—Yuhu masu Goāmu ĩgu obeodigu āhraa. Masa yare ñeha gajirāguere yare wiarācoma. Erā wiara puhru yare wejērācoma erā. Eropa erā wejēra puhru uhrenu puhru masa mariagūca, arīpu Jesu.

³² ĩgu ōpa aricū ōaro peebiriñorā. Eropirā ġuirā ĩgure irire serēpibiriñorā.

*Jesu ĩgu buherāre erā yagu opu arībure wereñumi
Mt 18.1-5; Lc 9.46-48*

³³ Eropi erā Capernaumgue ejara puhru wihigue erā arīcū Jesupu serēpipu erāre:

—¿Maguere arirā dohpa arī dūyaso wereniguirā iari mua? arī serēpipu erāre.

³⁴ ĩgu eroparicū erā yuhribiriñorā. Maguere arirā ōpa arī dūyaso wereniguiñorā erā basi:

—¿Nihī āhriri mari arīpehrerā wecague? arī dūyaso wereniguiñorā erā. Eropirā erā eropa arīrare Jesure werediabiriñorā.

³⁵ Erā eropa yuhribiricū ĩagu Jesu doaja ĩgu buherāre sihubeo ōpa arīpu:

—Arīpehrerā wecague opu arīdiagu arīpehrerā ojogoro majagu arīro dopa ta erā pohro majagu arīro gahmea muare, arīpu Jesu erāre.

³⁶ Eropa arĩgu majiugãre erã watope duhudobopu. Duhudobotuha ĩguãre aĩ coã õpa arĩ werepu:

³⁷ —Yahare ĩdiarã, ĩguãre bu arĩgure gamerã yu sãre gahmea mua. Mua eropiirã yure gamerã, yure obeodĩgu Goãmu sãre gahmea mua, arĩpu Jesu erãre.

Marire ĩhaturibĩgu arĩgu mari mera majagu aħrimi, arĩ wereñumi Jesu Mt 10.42; Lc 9.49-50

³⁸ Ero puhru ĩgu buhegu Ñu õpa arĩpu Jesure:

—Buhegu, yujugu mu waĩ mera watẽare cohã wiucũ gua ĩhabu. ĩgu mari mera majagu ĩgu arĩbiricũ ĩarã, ĩgure irire iidorebirimãrabu gua, arĩpu ĩgu.

³⁹ ĩgu eroparĩcũ peegu Jesu erãre werepu:

—Eropa arĩbita mua ĩgure. Yujugu yu waĩ mera deyro moarire iigu, puhugueru yure ñero wereniugimasibeami.

⁴⁰ Marire ĩhaturibĩgu arĩgu, ĩgu mari mera majagu aħrimi.

⁴¹ Mũare diaye ta arãa. Yaharã mua arĩcũ ĩarã gajirã mũare itamucũ ĩagu Goãmu erãre õaro itamugucumi. Yuju coaru mera decore mũare erã tĩacũ merogã arĩquerecũ, erãre õaro iugucumi Goãmu erã õaro iira waja, arĩpu Jesu.

Ñerire iicũ guhya aħraa, arĩ buheñumi Jesu Mt 18.6-9; Lc 17.1-2

⁴² Eropĩgu Jesu majiugãre ĩgu basi coã aĩ erãre werenemopu:

—ĩgã yure umupeogugãre weregura mũare: Yujugu ĩgã iro dopa arĩgure ñerire iidoredĩgu, ĩgu ñetariaro tarĩgucumi. Gajigure masa ĩgure wunugure wuariye utãye mera dirisiu, wuariyague ĩgure coãcũ ñero wabocumi ĩgu. Eropĩgu ĩgã dopa arĩgure ñerire iidoredĩgupu wuariyague erã coãdĩgu tauro ñero tarĩgucumi. ĩgu burĩgã dipuwaja moasũgucumi.

⁴³⁻⁴⁴ Mu mojoto mera ñero iigu, iri mojtore mu tabe coãbodiro dopa iri ñerire duhuque. Irire duhubĩgu peamegue waguca. Eroguere ne peame yaribea. Eropirã beca sã ũjuquererã ne sĩribeama. Mu mojtore mu coãcũ iri ñuca dihta cohmoboya. Eropĩgu mũpu epasi arĩqueregu ta puhru Goãmu mera arĩgũca. Mu pe mojoto mera arĩgure peamegue ĩgu coãcũ ñetariaro tarĩgũca. Eropĩgu iri ñeri ĩirĩpũre duhuque.

⁴⁵⁻⁴⁶ Mu guburu mera ñero iigu mũhu iri guburu sãre mu tabe coãbodiro dopa ta iri ñerire duhuque. Irire duhubĩgu peamegue waguca. Eroguere ne peame yaribea. Eropirã beca ne sĩribeama. Mu guburure mu coãcũ irisi dihta cohmoboya. Eropĩgu epasi arĩqueregu ta puhru Goãmu mera arĩgũca. Mu pe guburu mera arĩgure mũre peamegue coãcũ mu ñetariaro tarĩgũca. Eropĩgu iri ñeri ĩirĩpũre duhuque.

⁴⁷⁻⁴⁸ Mu cuiru mera ñero iigu irĩrure mu gorawea coãbodiro dopa ta iri ñerire duhuque. Irire duhubĩgu peamegue waguca. Eroguere ne peame yaribea. Eropirã beca sã ne sĩribeama. Mu cuirure coãcũ iriru dihta cohmoboya. Yujupu cuiru mariqueregu ta puhru Goãmu mera arĩgũca. Mũre pe cuiru mera arĩgure peamegue mũre coãcũ mu ñetariaro tarĩgũca. Eropĩgu iri ñeri ĩirĩpũre duhuque.

⁴⁹ “I yeba arĩrã ñero tarĩrãca mua. Peamegue mari ũjacũ marire pũriro dopa ta ñero tarĩrãca mua.

⁵⁰ Moa õaro acaa. Moa acabiricũ usũrii iimasiya mara. Moa acabiro iri moa ne õabeaa. Iri moa acabiricũ dohpagohra iimasiya mara. Eropirã moa õaro acaro dopa mua suarã arĩque. Eropirã gajirã mera õaro mera arĩque.

10

Erã marasã nomere erã coãcũ õabeaa, arĩ wereñumi Jesu Mt 19.1-12; Lc 16.18

¹ Eropĩgu ĩgu erogue arĩdĩgu waha, Judea yeba pohrogue eja, dia Jordán waĩcũriya gajĩpu masegue ejapu. Erogu ĩgu ejacũ ĩarã masa bajarã ĩgu pohrogue gamenereñorã daja. Erã gamenerecũ ĩagu ero core ĩgu buhediro dopa ta dipaturi buhepu daja.

² ĩgu eropa buherisubu fariseo masa erañorã. Jesure ĩgu ñero wereniugicũ peediañorã. Eropa peediarã erã Jesure õpa arĩ serẽpiñorã:

—¿Mari marapore coãcũ õhari? ¿Moise dorerĩpu eropa ta iidone õabeaa. Iri moa acabiricũ reri mu pepicũ? arĩ serẽpiñorã.

³ —¿Dohpa doreyuri Moise mũare? arĩ yũhripu Jesu.

⁴ —“Mu marapore coãdiagu paperapũgue irire gojaque. Eropa gojagu ĩripũre mu marapore otuhajanijugue igore coãmasia,” arĩ gojañumi Moise, arĩ yũhriñorã fariseo masa.

⁵ Erã eroparĩcũ peegu õpa arĩ werepu Jesu:

—Mua ñecu sumará Goãmu dorerire iidiabiricũ İaġu, “Eropa ta wacuraporo,” arıġu, “Mua marapore cóamasia,” arı gojañumi Moise.

⁶ İġu eropa arı gojara árıquerecũ ta, negohraguere Goãmu mua marasã nomere cóacũ gamebiriñumi. I yebare İhacũnugugu umu, nomeo sãre iĩñumi.

⁷ Eropıġu umu İġu paġu sumarãre cohã wiria İġu marapo mera árıġucumi.

⁸ Eropirã erã perã árıquererã ta, yuju dupu iro dopa árırãcoma. Eropirã erã perã iro dopa árıbeama. Yuju dupu iro dopa àhrima erã.

⁹ Eropirã Goãmu İġu doreri mera mojtodirima. Eropirã game cóãbiricãro gahmea erãre, arıpu Jesu erãre.

¹⁰ Eropa arıtuha İġu buherã mera wihıġue ñajaa wapu. Wihıġue ñajajarã erã marasã nomere cóarire serëpinemoñorã daja İġu buherã.

¹¹ Erã eropa serëpiñacũ İġu yuhripu:

—İġu marapore cóadiġu gajıġo mera marapocugu, İġu ıġo gajıġo mera ñero iıġu iimi.

¹² Eropıġo nomeo sã ıġo marapure cóaġo, gajıġu mera marapucugu, İġu gajıġu mera ñero iıġo àhrimo, arıpu Jesu erãre.

Majirãġã ya árıburire Goãmure serëbasañumi Jesu

Mt 19.13-15; Lc 18.15-17

¹³ Eropi majirãġã Jesure mohmepidoremorã erãġãre Jesu pohrogue aĩ erañorã. Erã eropiicũ İġu buherãpu erãġãre aıġãrirãre bocatıri turiñorã.

¹⁴ Erã eropa turicũ İaġu Jesu papurıġu òpa arıpu erãre:

—Eropa İacãque. Majirã yu pohrogue arıporo. Waque, arıbiricãque erãġãre. Erã Goãmure erã opuere masima. Eropirã Goãmu İġu opu árıroguere oãġã iro dopa pepirã àhrima eroguerẽ.

¹⁵ Diaye arıġu iiaa mũare. Oãġã Goãmure gamediro dopa ta mua Goãmure gamebirã İġu pohrogue wasome mua. Mua wabiricũ mua opu árısome İġu, arıpu Jesu.

¹⁶ Eropa arıtuha Jesu majirãġãre aĩ coãġu erãre mohmepi erã òaro árıburire Goãmure serëbasagu òpa arıpu:

—Oãġã òarã waporo, arı serëbasapu Goãmure.

Doberi opagu Jesu mera weretamuñumi

Mt 19.16-30; Lc 18.18-30

¹⁷ Eropi Jesu İġu mague wacũ, yujugu masu omagã wa İġu guburi pohro mereja Jesure serëpipu.

—Mũhu buheġu òagu àhraa. ¿Yũhu árıpehrerınũri Goãmũ mera árıdiagu duhıġucuri? arıpu İġu Jesure.

¹⁸ İġu eroparicũ Jesu İġure yuhripu:

—¿Dohpa arıronore yare “Òagu” arı piyuri mũhu? Goãmũ yujugu ta òagu àhrimi.

¹⁹ İġu Goãmũ dorerire masia mũhu. “Masare wejëbiricãque. Gajıġu marapo mera árıbiricãque. Yajabita, ġuyabita, ġajirã yare ġuya aĩbita, mũ paġu sumarãre umupeoġue,” ire doremı Goãmũ. I dorerire iro gahmea mũre, arı werepu Jesu İġure.

²⁰ —Buheġu, irire árıpehrerire majıġugãġue ta tarınugabirimurıbu yua, arıpu İġu Jesure.

²¹ Jesu İġure İhamehtu mahıpu. Eropıġu òpa arıpu:

—Merogã duhyaa mũre mũ iıpehoboro. Árıpehrerire mũ yare duaque. Eropıġu árıpehreri mũ wajatarare mojomorocãrãre oġue. Mũhu eropiicũ baja òari umarogue Goãmũ pohroguere árıyuroca. Tuhajanugu yu mera majagu árıbu arıque, arıpu Jesu İġure.

²² Wuaro opagu árıpu İġu. Eropıġu Jesu İġure eroparicũ peegu İġu oparire mojomorocãrãre odiabıġu, turaro bujawere, suabiri waha wapu.

²³ İġu bujawere wacũ İaġu Jesu majınugaja İġu buherãre İha òpa arıpu:

—Doberi oparã Goãmũ İġu opu árıroguere erã wadiacũ diasa àhraa, arıpu erãre.

²⁴ İġu eroparicũ peerã erãpu pee uca waha pee masıbirıñorã. Eropa arıtuha Jesu dipatıri werepu erãre:

—Yu acawererã, árıpehrerã “Yu gamero yu opari mera ta òaro tarıġuca,” arı pepirã Goãmũ İġu opu árıroguere erã wacũ diasataria.

²⁵ Camellopu awıru gobegãġue İġu ñajatarıweweadıacũ masıya mara İġure. Eropa ta doberi opagu İġu Goãmũ mera òaro árıġu İġu opu árıroguere İġu wacũ diasa àhraa, arı werepu erãre.

²⁶ İġu eroparicũ peenıjarã İhamaria wanıjarã, erã bası òpa arıñorã:

—Yaho. Īḡu arīro dopa ta diaye árícū ne yujugu masare taubiribocumi Goāmū Īḡu pohro wamorāre, arīñorā erā erā basi.

²⁷ Erā eroparícū peegu Jesu erāre ihabeo ōpa arīpu:

—Masa erā bocafūro erā ōaro iiri mera tarimasibeama. Goāmū pohrogue wamasibeama. Goāmū dihta masare peamegue wabonirāre taumasimi Īḡu pohro wamorāre. Īḡu árīpehrerire ōaro iimasipehocāmi, arīpu Jesu erāre.

²⁸ Īḡu eroparícū peegu Pedro Īḡure ōpa arīpu:

—Peenique. Guapu árīpehreri gua yare apicābū mū mera wamorā, arīpu Īḡu Jesure.

²⁹ Īḡu eroparícū Jesu ōpa arīpu:

—Diaye arīḡu iiaa muare. Árīpehrerā ōari buherire yaha árīburire iimorā mūa wirire, mūa pagu porāre, mūa pagu sumarāre, mūa porāre, mūa poerire apirā wāaro wajatarāca mūa dohpaguere.

³⁰ Eropirā mūa wirire, mūa pagu porāre, mūa pagosā nomere, mūa porāre, mūa poerire ero core mūa opadiro tauro dohpaguere baja oparāca mūa ñero tarirā árīquererā. Eropirā gajirā muare ñero iirācoma. Eropirā puhruḡuere árīpehrerinari Goāmū mera árīrāca.

³¹ Dohpaguere bajarā oparā árīnirā irisubure bu árīrā dujacārācoma. Eropirā dohpaguere bajarā bu árīnirāpu oparā dujarācoma daja, arī werepu Jesu erāre.

Dipaturi Jesu Īḡu sīriburiñere, Īḡu masa mūriaburiñe sāre wereñumi

Mt 20.17-19; Lc 18.31-34

³² Eropi erā mague majaa, Jerusalengue majarā iññorā. Jesu erā coregā muhtarpu. Īḡu eropa muhtacū iarā Īḡu buherā iha ūca wañorā. Eropirā erā puhru nurusiarāpu ḡüiro mera Īḡure nurusiañorā. Eropiḡu Jesu doce Īḡu buherā seyarore sihubeo, masa Īḡure iiburire werenugapu daja erāre.

³³ —Peeque yare. Dohpaguere Jerusalengue warā iiaa mari. Eroque masa yu masare Goāmū Īḡu obeodigure yare ñeha, pahia oparāre, judio masare buherā sāre yare orācoma. Eropirā yare wejedorerācoma erā. Eropa wejedorerā judio masa árībirāre orācoma yare.

³⁴ Erā eropa ora puhru erā yare wereya, disico ehosū tārārācoma. Tuhaja yare wejērācoma. Eropiḡu yu sīrira puhru uhrenu puhru masa mūriaguca, arī werepu Jesu.

Santiago, Ñu mera Jesure serēñuma

Mt 20.20-28

³⁵ Eropi Santiago, Ñu mera Jesu pohrogā ejarā erā gamerire serēñorā Īḡure. Erā Zebedeo porā árīñorā. Eropirā ōpa arīñorā:

—Buhegu, gua serēro dopa ta guare iique muhu, arīñorā erā Jesure.

³⁶ —¿Yuhu duhpiicū gahmeri mūa? arīpu Jesu erāre.

³⁷ —Muhu árīpehrerā wecague opu árīḡu guare mū waī mera dorerā acuque. Yujugure mū diayeru, gajigure copu doboque guare. Mū mera oparā gua árīboro dopa iique, arī serēñorā erā Jesure.

³⁸ Erā eroparícū peegu ōpa arī werepu Jesu:

—Mūa ñero tariborore masibiriquererā ōpa arī serēa mūa yare. ¿Dohpaguere yu ñero tariboro dopa ta mūa sā ñero tarirā yujuro bohebocuri mūa? ¿Yare erā ñero iiboro dopa mūa sāre ñero iicū yujuro bojemasibocuri mūa? arī serēpipu Jesu erāre.

³⁹ —Yujuro bojerāca, arī yuhriñorā.

Erā eroparícū Jesu ōpa arī werepu:

—Yu ñero tariboro dopa ta mūa sā ñero tarirāca.

⁴⁰ Eropa mūa tarimorā árīquerecū ta, yu mera doremorāre beyemasibea yahu. Irire yuhu pagu amutuhami. Eropirā Īḡu beyenirā dihta yu diayeru yu copu doarācoma, arīpu Jesu.

⁴¹ Santiago, Ñu sā erā oparā árīburire Jesure serēcū gajirā diez buherā peerā, erā mera guañorā.

⁴² Erā eropa guacū Īagu, Jesu Īḡu buherāre sihu gameneo ōpa arīpu:

—Goāmure masibirā oparāpu erā masare dorerā, pūriro mera dorema.

⁴³ Mūapu ne eropa iisome mūa basi. Mūa mera majagu opu árīdiagu, árīpehrerā Īḡu mera majarāre itamugu árīporo.

⁴⁴ Eropiḡu árīpehrerāre doregu árīdiagu, erā pohro majagu árīro dopa ta árīporo.

⁴⁵ Eropa árīḡu tiiaa yu sā. Masare dorebiragu arigu iibiribu. Yuhu masu Goāmū Īḡu obeodigu árīqueregu ta, i yebaguere masare itamugu arigu iibu. Eropiḡu masa bajarā erā ñero iira dipuwajare sīribasagu arigu iibu. Eropiḡu erā peamegue wabonirāre taugu arigu iibu, arīpu Jesu erāre.

Bartimeore, cuiiri ihajabigüre ĩacũ iĩñumi Jesu

Mt 20.29-34; Lc 18.35-43

⁴⁶ Eropi erã Jericógue ejañorã. Eropirã iri macague árĩnirã Jesu ĩgu buherã masa bajarã mera wañorã. Jesu wari maha turogue yujugu masũ cuiiri ihajabigu doapũ. ĩgu Bartimeo waĩcugu Timeo magu árĩpu. ĩgu ma turogue doagu umuri nucũ masare niyerure serẽmuriũ.

⁴⁷ Eropigu ero doanijagu masa “Jesu Nazare majagu ahrimi,” erã arĩcũ peepũ. Eropa peenijagu õpa arĩ gaguiniguipũ:

—Jesu, opu Davi mũru pãrami masare taubu mojomoro ĩaque yure, arĩ gaguiniguipũ Jesure.

⁴⁸ ĩgu eropa arĩ gaguiniguicũ peerã masa bajarã Bartimeore “Ejarimarcãque,” arĩ turiñorã. Erã eropa arĩ turiquerecũ, ĩgupu ĩgu ero core ĩgu gaguiniguidiro tauro gaguiniguipũ daja.

—Jesu, opu Davi mũru pãrami masare taubu mojomoro ĩaque yure, arĩ gaguiniguipũ daja.

⁴⁹ ĩgu eroparĩcũ peegu Jesupu dujanugaja:

—Sihubeoque ĩgure, arĩpu. ĩgu eroparĩcũ peerã erãpu ĩgu cuiiri ihajabigüre sihugãñorã.

—Mucubirique. Wahgãnugajaque. ĩgu mure sihumi, arĩñorã erã ĩgure Bartimeore.

⁵⁰ Erã eroparĩcũ peegu ĩgu omasiarĩñere tuweapi, buhri tarimagã Jesu pohrogue ejanugajapu.

⁵¹ Eropigu Jesu serẽpipũ ĩgure:

—¿Dohpa yũhu mũre iicũ gahmeri mũhu? arĩ serẽpipũ Jesu ĩgure.

—Yũ opu, yure cuiiri ĩacũ ĩique, arĩpu ĩgu cuiiri ihajabigupu.

⁵² —Mũ yure umupeonijagu õagu waha. Eropigu wanisa, arĩpu Jesu ĩgure.

ĩgu eroparĩcũ ta cuiiri ihajabigu õaro ĩha wapu. Őagu wanijagu Jesu mera mague nurusia wahgã wapu.

11

Jerusalẽngue ejañumi Jesu

Mt 21.1-11; Lc 19.28-40; Jn 12.12-19

¹ Eropii erã Jerusalẽngue ejaboro coregã, Betfagẽ maca pohrogã, Betania maca pohrogã ejamũhtañorã. Iri macari utãgu Olivo waĩcadigu gubuye arĩyoro. Eroque ĩgure perãre ĩgu buherãre Jesu obeogu õpa arĩpu:

² —Si macague waque. Eroque ejarã mata burrogãre erã dirinugudigugãre boca-jarãca. Gajirã erã peyaya marigu árĩcumi. ĩgure bocaia ĩgure diriradarire pãa yure aĩgãribasaque.

³ Mũa eropiicũ ĩagu burrogã opu “¿Duhpimorã burrogãre pãri?” ĩgu arĩcũ peerã õpa arĩ yuhrique ĩgure: “Mari tĩgu burrogãre gamebeoniami dohpa. Eropigu dohparagã wiagucumi ĩgure,” arĩ wereque ĩgure, arĩ weredore obeopũ ĩgu buherã perãre.

⁴ ĩgu dorebeonirã waha, wihi pohro árĩri mare burrogãre disiporo erã dirinugudigugãre bocañorã. Bocaia ĩgure erã diriradarire pãñorã.

⁵ Eropirã ĩgure erã pãcũ ĩarã ero niguinirã serẽpiñorã:

—¿Duhpimorã mũa diriradarire pãri burrogãre? arĩ serẽpiñorã.

⁶ Erã eroparĩcũ peerã erãpu Jesu ĩgu arĩdiro dopa ta wereñorã erãre serẽpipãre. Erã eropa arĩ werecũ peerã erã ero niguinirãpu “Aĩgãque,” arĩñorã erãre.

⁷ Eropirã erã burrogãre Jesu pohrogue aĩgã wañorã. Erã aĩ ejara puhru suhri ĩgugã weca erã peotuhacũ ĩagu Jesupu ĩgugã wecague mũribejapu wabu.

⁸ Eropirã masa bajarã erã peyari suhrire tuwea aĩ ĩgu wari maha deco sãopi mũhtañorã Jesure umupeorã. Gajirãpu pũricuri dũpurire poerigue erã aĩgãrira dũpurire apimũhtañorã “Őari maha arĩporo,” arĩrã.

⁹ Eropirã ĩgu core warã, ĩgu puhru arirã sã õpa arĩ gaguiniñorã:

—ĩre umupeorã. Ihĩ Goãmũ ĩgu obeodigu õaro ariporo.

¹⁰ Mari ñecu Davi mũru opu ĩgu arĩdiro dopa ta õaro ariporo. “Ūmaro majagu turagu ahrimi,” arĩ umupeorã, arĩ gaguiniguiniñorã erã.

¹¹ Eropigu Jesu Jerusalẽngue ejapu. Ejagu Goãmũ ya wihigue ñajajagu, iri wihi majare arĩpehrerire ĩapehocãpu. ĩatuhaja “Ñamicague ahraa. Ūmũnarigã ta ahraa. Ina warã,” arĩpu Jesu. ĩgu buherã mera Betaniague waha wañorã.

*Jesu higueraġu waicudigüre s̄iridoreñumi**Mt 21.18-19*

¹² Eropi gajinü erā Betaniague árñirā Jerusaléngue dujariñorā daja. Eropa dujaricū Jesupü oaboa warü. Eropa oaboagu yorogue niguidigüre higueraġure ðaro püricudigüre ñanijagu irigu ðucare amagu waripü.

¹³ Ðaca mariyoro. Ðucacürisubu árñiriyā. Püri dihta opayoro.

¹⁴ Eropigu ðaca maricū ñagu ðpa aripü:

—Irigü ðucare masa ne dipaturi babiricāporo. Ne ðucacubiricāporo, aripü Jesu.

İgu eroparicū İgu buherāpü peeñorā.

*Jesu Goāmü wihire Goāmü mera werenigüiri wihire iidoreñumi**Mt 21.12-17; Lc 19.45-48; Jn 2.13-22*

¹⁵ İgu eropiira pührü erā Jerusaléngue erañorā. Eragü Jesu Goāmü ya wihigü ñajapü daja. Ñajajagu doberi duaräre, asüräre bocajagu cohā wiucāpü. Eropigu niyerure game gohroto doarā ya mesarire yomemuju aī mehpi behomüripü. Bujare duarā erā doari përori säre eropa ta iipü.

¹⁶ Eropigu Jesu Goāmü wihigüere gajinore aī ñajadorebiripü masare.

¹⁷ Eropigu Jesu ðpa arī buhepü eräre:

—Ðpa ähraa Goāmü yare erā gojarapügü: “Yaha wihi Goāmü mera werenigüiri wihi waicuroca. Eropiro árñepherero majarägue yu mera erā werenigüiri wihi árñiroca,” arī gojañuma Goāmü werenigüire. Goāmü eropa arñigüerecū ta, müapü i wihire Goāmü wihire duadoarā bu game yajarā iiaa, aripü Jesu eräre.

¹⁸ İgu eropa arī buhecū árñephererā masapü pee űcapehrea wañorā. Eropirā pahia oparā, judio masare buherā mera İgüre güi árññorā. Eropirā erā İgüre wejëburire guñamaañorā.

¹⁹ Erā eropiicū ñamicague Jesu İgu buherā mera iri maca árññirā waha wañorā.

*Higueraġu s̄iria wayoro**Mt 21.20-22*

²⁰ Eropirā boyo dijaricū mague majarirā higueraġure ñañorā daja. Irigü nugurigü s̄irinuga s̄iriadigü árñicū ñañorā.

²¹ Irigüre ñagu Pedropü ðpa aripü:

—Buhegü, ñaque. Irigü higueraġupü mü s̄iridoredigupü s̄iria waya, aripü Pedro.

²² İgu eroparicū Jesu werepü eräre:

—Goāmüre umupeoturaque müa.

²³ Ðiaye arigü tiiaa müare. Müa Goāmüre ðaro umupeori mera irigü ütägüre “Dua aī wuariyague cóadigü árñiporo,” müa Goāmüre arñicū, müa arñiro dopa ta waroca. “Yu serëro dopa diaye ta eropa iigucumi,” müa arñ guñacū, “Goāmü iisome,” arñiricū, müa serëdiro dopa ta Goāmü iigucumi.

²⁴ Eropigu irire weregura müare. Goāmü mera werenigüirā, İgüre serërā, “Yu serëro dopa ta eropa waroca yare,” arñ guñaque. Müa eropiicū ñagu Goāmü müa serërire ogucumi.

²⁵ Eropirā Goāmüre müa serëboro core gajiräre erā müare erā ñero iirare cādijique. Gajirā erā ñero iicū müa guarare duhuque. Müa eropiicū ñagu mari Pagü űmaro majagu müa ñero iirare İgu s̄a cādijigucumi.

²⁶ Müare ñero iirare müa cādijibiricū İgu s̄a müa ñero iirare cādijisome, aripü Jesu eräre.

*Jesure doredigüre İgüre serëpiñuma pahia oparā, judio masare buherā, müarā mera**Mt 21.23-27; Lc 20.1-8*

²⁷ İgu eropa arñra pührü erā Jerusaléngue wañorā daja. Eropirā Jesu Goāmü wihigü İgu curicū ñarā, pahia oparā, judio masare buherā, müarā mera İgu pohrogue erarā İgüre serëpiñorā:

²⁸ —¿Noa doreri mera irinore iigu iiri müñu? ¿Noa müre Goāmü wihi duaniräre cóadoreari? arñ serëpiñorā erā Jesure.

²⁹ Erā eroparicū Jesu yühripü:

—Müapure serëpimühtagura. Öaro müa yühricū yu s̄a müare yührigura.

³⁰ ¿Ñu masare İgu wañyecū noano İgüre wañyedoremüriyuri müa pepicū? ¿O Goāmü doreyuri? ¿O masapü doremüriyuri müa pepicū? Yure wereque, aripü Jesu eräre.

³¹ İgu eroparicū peerā erāpü erā basi game ðpa arñ werenigüñorā:

—¿Dohpa arī yuhrirācuri mari? “Goāmū Ņure doredigu árīñumi,” mari arīcū, “¿Goāmū Ņure ĩgu dorequerecū ta duhpirā ĩgu wererare peebirari m̄ap̄a?” arībocumi Jesu marire.

³² Oā masap̄a “Diaye ta Ņu Goāmū yare werem̄htadigu árīmi,” arī pepima erā. Erā eropa pepirā, “Ņu ĩgu waīyecū Goām̄ap̄a ĩgure doredigu árībiriñumi,” mari arīcū, masap̄a mari mera guarācoma, arīñorā erā basi.

³³ Eropirā erā Jesure ōpa arī yuhrīñorā:

—Ņure waīyedoredigure gua masibea, arīñorā erā Jesure.

Erā eroparīcū ōpa arīp̄a Jesu.

—Irisubu tamerare yū s̄a m̄ua serēpirare werebea m̄uare. Yū iirire iidoredigure werebea m̄uare, arīp̄a Jesu erāre.

12

Ņerā mohme corerā iira queorire wereñumi Jesu buhebu

Mt 21.33-46; Lc 20.9-19

¹ Eropi Jesu queori mera buhenap̄a daja erāre.

—Yeba op̄a árīñumi. Iri yebare ĩgu ya ĩguidarire oteñumi. Otetuha s̄arirore nugu, ĩguire erā c̄h̄ra bujuburi gobere seañumi. Pohe decogue umari wihigā s̄are iññumi ĩhadibuma ōaro. Eropiġu gajirāre ĩgu ya pohe deco mera apiñumi erā mohme corera waja. Eropiġu iri pohere erāre mohme coredoretuhaja gaji yebague waha wañumi ĩgu.

² P̄ahr̄u ĩgui ĩirisubu arīcū pohe op̄a ĩgu pohro majagure ĩgu ya pohe mohme corerā pohrogue obeoriñumi. Pohe maja ĩgu ya oteri d̄ucare ĩgu ya sero maja d̄ucare aīdoreġu obeoriñumi ĩgure.

³ Eropirā pohere mohme corerāp̄a ĩgu pohro majagure ñeha pañuma. Eropiituha ĩgu ya ĩgui t̄õire obriquererā dujadoreñuma ĩgure.

⁴ Eropiġu pohe op̄a gajigū ĩgu pohro majagure obeoriñumi daja. Eropirā pohere mohme corerāp̄a ĩgure ĩgu dipurure cami moa ñero iññuma ĩgu s̄are.

⁵ Gajigū ĩgu pohro majagure obeocū ĩgure wejēcāñuma. Gajirā s̄are bajarāre eropa dihta iññuma. Gajirāre pa gajirāre wejēñuma erā.

⁶ Eropiġu pohe op̄a magu dihta d̄h̄yañumi. ĩgu ta ĩgu magu ĩgu mahigu árīñumi. Eropiġu ĩgu magure obeoñumi pare erā pohrogue, “Yū magup̄are umupeorācoma,” arīgu.

⁷ ĩgu ōpa arī pepiquerecū, erā pohere corerāp̄a ĩgu magu arīcū ĩha, ōpa arī wereniguiñuma: “Pohe op̄a magu āhrimi. ĩgure wejēcārā mari. Eropiro i pohe mari ya pohe dujaroca,” arī wereniguiñuma erā erā basi.

⁸ Eropa arīrā ĩgure ñeha wejē, pohe t̄rogue aīgā cócācāñuma erā ĩgure, arīp̄a Jesu erāre.

Eropa arītuhaja Jesu erāre serēpip̄a:

⁹ —Ne, ¿pohe op̄a dujariga dohpa ĩgucuri ĩgu ya pohere mohme corerāre? arīp̄a Jesu. Ōpa ĩgucumi erāre, arīp̄a. ĩgu erāre wejē gajirāp̄are pohere mohmedoregucumi, arīp̄a Jesu erāre.

¹⁰⁻¹¹ ¿Goāmū yare erā gojarap̄ugue ōpa arīr̄ire irire buhebiriri m̄ua? Ōpa arī gojañuma:

Īhī Cristo utāye iro dopa āhrimi. Masa Cristore gamebirācoma. Erā gamebiriqerecū Goāmū ĩgure beye op̄a acumi. Goām̄ap̄a ire iimi. ĩgu eropa ĩcū ĩarā “Ōataria,” arī pepia mari, arī gojañuma iribojegure.

¿Irire ne buhebiriri m̄ua? arīp̄a Jesu erāre.

¹² ĩgu eroparīcū peerā pahia oparā, judio masare buherā, m̄urā mera ōpa arī pepiñorā: “Jesu i queorire wereġu ‘Erā ñerā mohme corerā iro dopa āhrima,’ marire arī weresāġu iicumi,” arī pepiñorā. Eropa arī pepirā Jesure ñeadiariñorā. Eropa ñeadiquererā, masap̄a Jesure gamerā mari mera guari, arīrā masare ġui árīñorā. Eropa ġuirā ĩgure cohāgā wañorā.

Fariseo masa, Herode ya curu majarā mera gobierno maja wajayerire serēpiñuma Jesure

Mt 22.15-22; Lc 20.20-26

¹³ Waha, erā mera majarāre yujurāyerire fariseo masare, Herode ya curu majarā s̄are Jesure serēpiñadore obeoñorā daja. Erā Jesure baja serēpiri mera ĩgu gajiroa yuhricū weresāmorā iiriñorā.

¹⁴ Eropirā Jesu pohro eja ĩgure serēpiñorā:

—Buhegu, diaye mu wereniguigu guyari marigu mu áricũ masia gua. Eropigu opu áricũ sãre bu árigu igu áricũ sãre muhu yujuropa ihaa. Eropigu Goãmu yare diaye muhu werea. Masa suacũ sãre erã suabiricũ sãre queoro werea. Eropigu guare wereque: ¿Roma majagu áripehrerã tauro opu árigure, gobierno majare marire wajayero gahmeri mu pepicũ? ¿Mari doreripu wajayedoreri mu pepicũ? arĩ serẽpiñorã erã Jesure.

¹⁵ Erã eropa arĩ serẽpicũ peegu erã guyarire erã ñero iidiarire masigu õpa arĩ yuhripu erãre:

—¿Duhpirã yu ñero wereniguicũ peediarĩ mũa? Dohparagã niyerusere aĩgãrique irisere ñamorã, arĩpu Jesu erãre.

¹⁶ Igũ eroparicũ peerã yujuse niyerusere aĩgãriñorã. Erã irisere aĩ eracũ ñagu Jesu serẽpipu erãre:

—¿Nihino gohra masu tuhyari isere? ¿Noa waĩ tuhyari isere? arĩ serẽpipu igũ.

—César waicũgu masa tauro opu masa igũ waĩ sã tuhyaa iriseque, arĩ yuhriñorã erã.

¹⁷ Erã eroparicũ Jesu werepu erãre:

—Irisubu tamerare masa tauro opu árigu yare igũre oque. Goãmu yare Goãmupure oque, arĩpu Jesu. Igũ eroparicũ pee uca wañorã.

Saduceo masa Goãmũ igũ s̄iriniřã masurire serẽpiñuma Jesure

Mt 22.23-33; Lc 20.27-40

¹⁸ Eropi yujurãyeri Saduceo masa Jesu pohroguere erañorã. Saduceo masapu “Goãmũ s̄iriniřãre masusome,” arĩ pepirã áriñorã.

¹⁹ Eropirã erã õpa arĩñorã Jesure:

—Buhegu, marire õpa arĩ gojadigu árimi Moise: “Yujugu igũ tĩgu marapocũgu porã mariqueregu igũ s̄iricũ ñagu, igũ pagu magure igũ tĩgu marapo áridigore marapocuro gahmea. Eropigu igũ tĩgu mũru igũ tĩgu igũ porãcubodiro dopa ta porãcuro gahmea igũ pagu magure. Eropirã igũ tĩgu mũru porã iro dopa áriřãcoma,” arĩdi árimi Moise, arĩñorã.

²⁰ Ire erã arĩtuhaja i queorire werenemoñorã Jesure.

—Yujugu porã siete áriñorã. Eropii erã tĩgũpu marapocu, porã marigu ta s̄iria wapu.

²¹ Eropigu gajigu igũ pagu magu sã igũ tĩgu mũru marapo áridigore marapocũpu. Igũ eropa marapocũra puhũ igũ sã igũ tĩgu mũru iro dopa ta porã mariqueregu ta s̄iria wapu. Eropigu igũ pagu magu igũ igũ mũru iro dopa porã mariqueregu ta s̄iria wapu.

²² Eropa dihta wañorã yujugu porã. Ne porã mariquererã s̄iripehrea wañorã. Erã marapo sã erã puhũ s̄iria wapo pare, erã arĩtuhaja Jesure serẽpiñañorã.

²³ ¿Ne, Goãmũ áripehrerã s̄iriniřãre igũ masucũ nihino marapo gohra árigocuri igo? Erã áripehrerã igore marapocunirã áriñorã. ¿Eropigo nihino marapopũ árigocuri igo? arĩ serẽpiñorã erã Jesure.

²⁴ Jesu yuhripu erãre:

—Goãmũ yare erã gojarapũ wereniguirire ne masibea mũa. Eropirã Goãmũ igũ turari sãre ne masibea mũa, arĩpu Jesu. Eropiro mũa pepiripu diaye áribeaa.

²⁵ S̄iriniřã mura erã masa muriara puhũ erã anyua iro dopa áhrima. Erã uma nome mera marapocubeama eroguerẽ.

²⁶ S̄iriniřã erã masa mariaboropure muare weregura, arĩpu Jesu. Irire Moise ñaro werepohocãnumi. Iri yucũgũgũgue ãjurisubu árigu Goãmũ õpa wereñumi Moiserẽ: “Yuhũ Abrahã, Isaa, Jacobo, erã opu áhrraa,” arĩ wereñumi Goãmũ iribojegue.

²⁷ Erã s̄irira puhũgũ “Erã opu ta áhrraa,” arĩ wereñumi Goãmũ. Eropirã erã s̄iriniřã mura igũ masunirã áriřã erã ojocarirã áhrima. Eropirã “S̄iriniřã masasome,” arĩ pepirã diaye pepibea mũa, arĩpu Jesu erãre.

Õatariariñere doreriñere wereñumi Jesu

Mt 22.34-40

²⁸ Eropigu yujugu judio masa erã buherã mera majagu erã pohroguere eraa, erã game wereniguicũ peepũ. Jesu igũ ñaro yuhirire peegu serẽpipu igũre.

—¿Goãmũ ya doreri õatariaro doreripu ñiñe doreripu áhriri mu pepicũre? arĩ serẽpipu igũ Jesure.

²⁹ Jesu igũre yuhripu:

—Ñe doreriñe õatariariñe õpa áhrraa. “Israe masa peeque. Goãmũ mari Opu yujugu ta áhrimi.

³⁰ Bũrigã mũa s̄iporã mera, mũa turari mera, mũa ñaro guñari mera Goãmure mũa Opure mahique,” arĩmi Goãmũ.

³¹ Iñe doreriñe puhru gaji doreriñe sã ðataria. “Mu basi mahiro dopa ta mu pohro árirã sãre mahique,” arĩmi Goãmũ. Iri pe doreri ta áripehreri gaji doreri tauro áhraa, arĩ werepũ Jesu ïgure.

³² ïgu eroparicũ judio masare buhegu ðpa arĩ yuhripũ:

—Eropa ta áhraa, buhegu. Diaye ta arãa muhu. Goãmũ yujugu ta áhrimi. Gajigu ïgu iro dopa árigũ marimi. Mu arĩri diaye ta áhraa. Goãmure turaro mari siporã mera, mari turari mera, mari pepiri mera, mari ðaro guñari mera ïgure mahiro gahmea. Mari pohro árirãre mari basi mari mahiro dopa ta, erã sãre mahiro gahmea marire.

³³ Mari Goãmure umupeomorã waimurã wejẽ soemujucũ ðapũrica. I tauro Goãmure masa sãre mari mahicũ ðataria, arĩpũ ïgu Jesure.

³⁴ ïgu pee masiri mera yuhricũ ïha Jesu ïgure arĩpũ:

—Merogã duhyaa mure Goãmũ mu opure mu masiboro, arĩpũ Jesu ïgure. ïgure eroparicũ gajirã peerã ïgure güirã serẽpinemodiabiriñorã pare.

*¿Noano acaweregu áhriri Cristo? serẽpi ïañumi Jesu masare
Mt 22.41-46; Lc 20.41-44*

³⁵ Eropigu Goãmũ wihigue buhegu ðpa arĩpũ Jesu:

—“Cristo Davi murũ pãrami arigucumi,” arĩ buhema marire buherã. ¿Duhpirã eropa arĩ buheri erã? Erã ðaro masiboro duhyania erãre dohpa.

³⁶ Davi ïgu basi Espiritu Santo ïgure dorero dopa ta ðpa arĩ wereñumi: Goãmũ yũ opure ðpa arãmi. “Ohõ yũ diayerũ yũ mera dorebu doaque. Eropigu mure ïhaturirãre mure tarinugabasagũca yuhũ,” arĩmi Goãmũ yũ opure, arĩ gojañumi Davi murũ.

³⁷ Eropa arĩ gojagu Davi murũ opucapũ Cristore “Yũ opu,” arĩgu. Cristo Davi murũ opu áhrimi. Eropigu Davi murũ Cristo ñecu áriqueregu opucañumi Cristore, arĩ werepũ Jesu.

ïgu eropa arĩ buhecũ bajarã masa mucubiriri mera peeñorã ïgure.

*Jesu masare buherã erã ñero iirire wereñumi
Mt 23.1-36; Lc 11.37-54; 20.45-47*

³⁸ Eropigu ïgu buhenemogu ðpa arĩpũ:

—Masare buherã erã ñero iirire ðaro ïaque. Eropirã erã iiro dopa iibiricãque. Erã yoari suhri saña erã masa erã ïhabeoro cuhrima. Doberi duarogue gajirã umupeori mera erãre bocatĩri serẽcũ gahmema erã.

³⁹ Eropirã mari buheri wiriguere ðari doari dihtare doadiama. Eropirã bosenuri áricũ sãre oparã erã doari dihtare gahmema erã.

⁴⁰ Eropirã erã wapeweyarã nome erã wajamocũ ïha erã ya wirire emacãma erã nomere. Eropa erãre mojomoro ïabiriquererã erã masa ïhuroro yoari boje Goãmure serẽma, “Gua Goãmure ðaro umupeoa,” arĩ guyarã. Erã eropa iira dipuwaja gajirã tauro dipuwaja moagucumi erãre, arĩpũ Jesu erãre.

*Wapeweyo Goãmure igo apirare wereñumi Jesu
Lc 21.1-4*

⁴¹ Eropigu Jesu Goãmũ wihi maja erã amuburi niyeru gameneori comoro pohro doapũ. Ero masa erã niyeru sãcũ ïapũ. Doberi oparã iri comorogue niyeru pagari sãa tari wahgãmuriñorã.

⁴² Eropigo wapeweyo burõ iri comorogue ahri pesegã sãpo. Pese yuju centavo maja áhraa.

⁴³ Iriserire igo apicũ ïagu Jesu ïgu buherãre sihubeo arĩpũ:

—Diaye arĩgu iiaa mure. Igo wapeweyo mojomorocugo niyeru sãri comorogue igo yare sãgo gajirã áripehrerã erã sãdiro tauro sãmo igo.

⁴⁴ Gajirã doberi oparã erã wũaro oquerecũ ta erã ya wũaro duhyaa. Igorũ mojomorocugo áriquerego ta, áripehreri igo bari asũborare Goãmũ ya áriburire opehocãmo, arĩpũ Jesu.

13

*—Goãmũ wihi cóasũroca, arĩ yuñumi Jesu
Mt 24.1-2; Lc 21.5-6*

¹ Eropigu Goãmũ wihiguere erã wiriacũ ïagu yujugu erã buherã mera majagu ðpa arĩpũ:

—Buhegu, ïaque. I wihi Goãmũ wihi maja wiri utã mera erã iira wiri ðari wiri áhraa, arĩpũ ïgu.

² Īḡu eroparīcū Jesu werepū erāre:

—I wihi maja wiri dohpaguere ĩaraa mua. I wihi árīpehreri mari ĩara i utā sā cohmopehrea waroca. Ne yujuye utāye dujasome iri wiri maja, arīpū Jesu.

I umu pehrebore wereñumi

Mt 24.3-28; Lc 21.7-24; 17.22-24

³ Eropi Jesu Olivo waicūdigu utāḡugue Goāmu wihi diaye maja árīdigugue ejapu. Ero doapu. Ero Pedro, Santiago, Ñu, Andre mera erā seyaro árīrā, erā ĩḡure serēpiñorā:

⁴ —Wereque guare. ¿Dohpāricū eropa warocuri mu arīdiro dopa waro? ¿Pehreburinu coreḡāre dohpa wanḡacū ĩarācuri gua? arī serēpiñorā erā Jesure.

⁵ Jesu yuhripū:

—Ōaro ii yuque mua. Eropirā gajirā erā guyarire peebiricāque mua.

⁶ Bajarā masa “Cristo āhraa yuhū,” arī guyarā árīrācoma. Erā eropa ḡayacū peerā masa bajarā Goāmu yare duhurācoma.

⁷ Mua pohrogā gajirā masa erā gamewejēcū peerāca. Eropirā yoarogue majarā erā sā erā gamewejēcū peebeorāca mua. Eropa peequererā ta ne irire wuaro bujawere pepibiricāque. Eropa wamuhtaroca. Eropa wacū pehreburingu duhyaniroca dohpa.

⁸ Irisubure yuju yeba majarā gaji yeba majarā mera gamewejērācoma. Eropirā yujugu opu yarā gajigu opu yarā mera gamewejērācoma. Eropiro bajasuburi i yeba ñohmeroca. Eropirā bajarā masa oa mera sīrirācoma. Eropa ñero tariquerecū i yeba majarāre tauro erā ñero tariboro duhyaa dohpa. Ñero tarinirācoma dohpa.

⁹ Ōpa wacū ĩarā mua basi ōaro iique. Gajirā muare ñeha ñero iidorerā orācoma gajirā oparāre. Eropirā mua acawererā judio masa erā buheri wirigue sāre muare parācoma. Eropirā macari majarā oparā pohrogue, erā tauro oparā pohrogue sāre aīḡārācoma muare muare dipuwaja moamorā. Eropirā erā muare erā pohrogue aīḡacū yaha buherire wererāca mua erā sāre.

¹⁰ Eropiro pehrerina árīboro core árīpehrerāre ōari buherire weresūroca.

¹¹ Eropirā muare dipuwaja moadorerā erā oparā pohrogue erā aīḡacū, erā oparāre mua wereniguiburire wuaro pepibiricāque. Muare erā serēpicū mua yuhriburire Goāmu mera masirāca. Eropa masirā mua gamero wereniguismo mua. Espiritu Santopū muare wereniguicū iigucumi.

¹² Irisubure erā tīrā erā pagu porāre Jesu yarā erā árīcū ĩha erāre wejēdorerā oparāre wiarācoma. Gajigupu ĩḡu ĩḡure wejēdoreḡu oparāre wiagucumi. Eropi erā pagu sumarā erā porā Jesu yarā erā árīcū ĩha erāre wejēdoreḡu oparāre wiarācoma. Eropirā erā porāpū erā pagu sumarāre erā Jesu yarā árīcū ĩha wejēdorerā wiarācoma erā oparāre.

¹³ Yure mua umupeora dipuwaja muare masa árīpehrerā ĩhaturirācoma. Eropa muare erā ñero iiquerecū ta, muare erā ñero iirare yujuro bojerā, yure duhubiricū Goāmu muare taugucumi. Eropigu ĩḡu pohrogue muare opagucumi.

¹⁴ “Eropirā ñetariagure Goāmu yare goroweogure ĩarāca mua. Goāmu wihigue ĩḡu niguicū ĩarāca. Ero ĩḡure árībiricāro gahmea. Iribojegue Goāmu yare weremuhtayugu Daniel ĩḡure were gojañumi. (Irire buheḡu peeporo). Ero ĩḡu niguicū ĩarā Judea yebague árīrāpū utā yucugue oma duhriḡa waporo.

¹⁵ Irisubure masa ñero tarirācoma. Eropirā yojaro mera waporo. Irisubure erā wiri weca maja pūriḡue árīrā wihi pohcaguere erā yare aīrā wabiricāporo.

¹⁶ Eropirā irisubure gajirā erā poerigue árīrā erā ya suhrire wihigue árīri suhrire aīrā dujabiricāporo.

¹⁷ Irisubure nijiposā nome, erā porā mihrirāre oparā nome sā mojomorocurā nome dujarācoma.

¹⁸ Eropirā ōpa serēque Goāmure: “Puhiró árīcū eropa wabiricāporo,” arī serēque ĩḡure.

¹⁹ Irinurire masa ñero tarirācoma. I yebare ĩḡu ĩhacūnugura pūhrū masa erā ñero tariri árīmuriyoro. Iri eropa árīquerecū ta árīpehreri pūriiri erā ñero taridiro tauro masa ñetariaro tarirācoma pehrerina coreḡāre. Eropa ñero erā tarira pūhrū dipaturi eropa ñero tarisome i yeba pare.

²⁰ Eropigu Goāmu i ñero tarinurire bajamenurigā árīcū iigucumi. ĩḡu eropiibiricū ne yujugu masu taribiribocumi. Eropigu ĩḡu beyenirā erā tariborore bajamenurigā ñero taririre apigucumi Goāmu.

²¹ Irisubure gajirāre pee masi ĩaque. “Ōho āhrimi Cristo,” erā arīcū erāre peebiricāque. “Ero āhrimi Cristo,” erā arīcū sāre peebiricāque.

²² “Cristo áhrraa,” arí guyará, “Goámũ yare weremuhtarã áhrraa,” arí guyará áricãrãcoma irisubure. Eropirã Goámũ ĩgu beyenirãre guyarã erã deyoro moarire ii ĩhmurãcoma. Goámũ yare erã cóãcũ iidiarã iirãcoma erã guyari masa.

²³ Ire árípehrerire wereyumhtarã mũare iri eropa waboro core. Eropirã ôaro pee masi yuque mũaa, arĩpũ Jesu ĩgu buherãre.

Jesu i yebaguere ĩgu dujariborore wereñumi

Mt 24.29-35, 42-44; Lc 21.25-36

²⁴ Eropa arĩtuhagũ ôpa arĩ werepũ Jesu erãre:

—Irinũri erã ñero tarira pũhrũ, abe mũmũ majagũ, ñami majagũ sã boyo duhurãcoma.

²⁵ Erã eropa wacũ, necã dipuru yuhridijariroca. Eropiro umaro maja sã yeba sã burigã ñohmeroca.

²⁶ Irisubu ta yahũ masũ Goámũ ĩgu obeodigu ariguca. Eropiro umarogue yũ turari mera yũ gosesiriri mera umaro maja imica weca i yebaguere yahũ dujaricũ ĩarãcoma masa.

²⁷ Eropigu yaharã anyuare árípehrero i yebaguere obeogura. Eropirã árípehrerogue waha yaharãre yũ beyenirãre gameneorãcoma yũ pohrogue.

²⁸ “Higueragũ irigu waricurire ĩarã masia mũaa. Irigu yucũgu pũricucũ ĩarã, “Bojori merogã duhyaa,” arĩ masia mũaa.

²⁹ Eropa ta irigu waro dopa ta masique mũaa. I árípehreri yũ arĩra iri eropa wacũ ĩarã, “Cristo dujariboro merogã duhyaa,” arĩ masique mũaa.

³⁰ Diaye ta arĩgu iiaa mũare. Irisubu majarã erã sĩrĩboro core árípehreri yũ arĩdiro dopa waroca.

³¹ Umaro i yeba sã pehrea waroca. Yũ wereniguiripũ ne pehresome. Árípehreri yũ arĩdiro dopa ta eropa waha ojogorocũroca.

³² “Irinũre yũ dujariburinũre, iri hora sãre ne masibea yũhũ. Anyua sã irire ne masibeamã. Masa sã ne masibeamã. Yũ Pagũ dihta yũ dujariburinũre masimi.

³³ “Mũaa sã irinũre masibeaã. Eropirã ôaro guñatura coreque. Goãmure serẽque.

³⁴ Ôpa coreque mũaa. I queoriñe mera irire mũare buhegura. Wihi opũpũ yoarogue ĩgu curiro dopa ta áhrraa i. ĩgu ĩgu waboro coregã ĩgu pohro majarãre ĩgu wihire coredoresi. Yujurãyerire ĩgu mohmerire apimi. Yujugare wihi disiporo ĩhadibudoregũre ôaro coredoresi ĩgu dujariborore.

³⁵ Eropigu wahãmĩ. ĩgu pohro majarãpũ ĩgu dujariburinũre ne masibeamã. ĩgu ñamica o ñami deco, cãreña ĩgu wererisubu o boyoro ĩgu aribocumi. Erã ôaro ĩhacorebiricũ ĩgu guñaña mariro arigu erãre carĩrãre bocabocumi. Wihi opũre erã ĩgu dujariburinũre erã masibiro dopa ta mũaa sã yũ dujariburinũre masibeaã. Eropirã yũre ôaro guña coreque.

³⁶ Guñaña mariro yũ eraborore masirã, ôaro guña coreque. Yũ dorerire yahare eropa iiniguirã áríque. Eropirã yũre ôaro coreque.

³⁷ Eropigu mũare yũ arĩro dopa ta árípehrerãre eropa arãa. Ôaro guña coreque, arĩpũ Jesu ĩgu buherãre.

14

Pahia oparã, Judio masare buherã mera Jesure wejẽdiañuma

Mt 26.1-5; Lc 22.1-2; Jn 11.45-53

¹ Eropĩ irisubure Pascua bosenu core, bugabiriri pan erã baburinũ core penũ duhyayoro. Irisubure pahia oparã judio masare buherã mera, Jesure guyari mera erã ñeha erã wejẽburire game wereniguiñorã.

² —Bosenu áricũ ĩgũre ñehabiricãrã. Masa gua ĩgũre ñeacũ ĩarã gua gamenerenijarã gamequeãbocoma, arĩrã iñorã erã erã basi.

Nomeo poresuri mera Jesure pipeoñumo

Mt 26.6-13; Jn 12.1-8

³ Eropĩ Jesu sã Betaniague Simo camĩ boadi ya wihigue áriñorã. Iri wihi erã baro watope, yujugo nomeopũ alabastro mera iidirure poresuri nardo waĩcũri dicũdirure aĩrapo. Igo aĩrara wajacũri áriyoro. Eropigo igo irirure pãgũ Jesu dipuru weca pipeopo.

⁴ Igo eropiicũ ĩarã gajirã urugã gua wañorã.

—¿Duhpigo igo eropa iisirimaacãri?

⁵ Iri poresurire duaboañumo. Irire duago yuju bojori mohmeri waja wajataboañumo. Eropigo iri niyerure mojomorocũrãre oboañumo igo, arĩñorã erã erã basi. Eropirã igore turĩñorã.

⁶ Erã eroparicũ peegu Jesu erãre werepũ:

—¿Duhpirá eropa arīri igore? Garibobiricāque igore. Igo yūre ōaro iimo.

⁷ Mojomorocārā mūa mera eropa árīniguicārācoma. Eropirā mūa gamero erāre omasia. Yūpu i yebare mūa mera eropa árīniguicāsosome.

⁸ Igo masirōpē yūre iiamo. Yūre erā yaaboro core yū dūpāre amuyugo poresuri mera sūhumo yūre.

⁹ Eropigū diaye mūare arīgū iiaa. Árīpehrero i yebaguere, ōari buherire erā wereroguerē igo ōpa iirare wererācoma. Erā eropa arī werecū peerā masa bajarā igo iirare guñarācoma.

Juda Iscariote Jesure ihaturirāre īgū ihmuburire erā mera weretamuñumi

Mt 26.14-16; Lc 22.3-6

¹⁰ Irisubure Juda Iscariote doce buherā mera majagū pahia oparā pohro waha ōpa arīpū:

—Yūhū mūare weregūra Jesu īgū árīrore mūa īgūre ñeacū, arīpū.

¹¹ Eropirā pahia oparā irire peerā mucubiriñorā.

—Mūre niyerure orāra, arīñorā erā Judare. Eropigū Juda Jesure ihaturirāre īgū erāre ihmuburire coreñipū.

Jesu īgū buherā mera īgū baturinū árīyoro

Mt 26.17-29; Lc 22.7-23; Jn 13.21-30; 1Co 11.23-26

¹² Būgābiriri panre erā baburinū bosenu árīnūgarinū árīyoro. Eropiro ovejare Pascua majagū árībure erā wejērinū árīyoro. Irisubure īgū buherāpū serēpiñorā Jesure:

—¿Nohonogue Pascua bosenu mari baburire amudoregū obeori mūhū guare? arīñorā īgare.

¹³ Erā eroparicū Jesupū perā īgū buherā mera majarāre obeopū.

—Jerusalēngue waque. Eroque mūa ejacū deco sorobu tuhpeogū mūare bocatirīgucumi. īgū bocatiricū īgū mera waque.

¹⁴ Eropa warā īgū sihu ñajari wihigue ejarā, wihī opūre ōpa arīque: “¿Nohogue yūhū, yū buherā mera Pascua maja barire bagūcūri?” arāmi gūa opū,” arīque wihī opūre.

¹⁵ Mūa eroparicū peegū umaro maja taribure mari gameri árīpehreri mera erā amura taribure ihmugūcumi wihī opū. Eroque mari baburire iique, arīpū Jesu erāre.

¹⁶ īgū eroparicū erā perā īgū buherā iri macague wañorā. Erā erogue erā ejacū īgū arīdiro dopa ta wayoro. Eropirā erā Pascua árīcū baburire amuñorā.

¹⁷ Eropi naidijaririsubū Jesu doce īgū buherā mera erā bari taribugue eroguerē ejapū.

¹⁸ Eropirā erā mesague erā ba doaribusu Jesu erāre werēpū:

—Diaye arīgū iiaa mūare. Yujugū mūa mera majagū ta yū mera bagū ta yūre ihaturirāre ihmugūcumi, arī werēpū Jesu erāre.

¹⁹ īgū eropa arī werecū peerā erāpū burigā bujowererā īgūre serēpinūgañorā erā yujurāyeri.

—¿Yūhū ta árībocuri mūre ihmubu? arīñorā erā Jesure.

²⁰ —Mūa yū doce buherā mera majagū ta āhrimi īgū. Yū bariipare yū mera yoso bagū āhrimi yūre ihaturirāre ihmubu.

²¹ Irībojegue erā yūre arī gojadiro dopa ta yūhū masū Goāmū īgū obeodigū sīrigūca. Eropigū yūre ihaturirāre ihmudigūpū ñero tarīgūcumi. īgūpūre īgū masa dehyoabiricū ōapūricāboya. Ñero tarībirīboñumi, arīpū Jesu erāre.

²² Eropigū Jesu erā mera baribusu panre aī Goāmūre “Ōhaa,” arī serēpū. Eropa arīgū ta irire nuha guerepū erāre ōpa arīgū:

—Ire aī baque. I yū dūpū āhraa, arīpū Jesu erāre.

²³ Eropa arītuha īgū ihriripare aī, Goāmūre “Ōhaa,” arī serēpū. Erāre īgū ocū árīpehrerā erā irire ihrīñorā.

²⁴ —I yū di āhraa. Bajarā masa erā ñero iirare cóābu sīrigūca. Eropigū yū dire cóāgūca. Eropa sīrigū Goāmū yū Pagū “Masare ōaro iigūra,” īgū arīdiro ii ojogorocūgūca.

²⁵ Diaye arīgū iiaa mūare. Goāmū īgū opū árīrogue mama igui decore yū ihrīboro core, ōre igui decore dipaturi ihrinemosome yūhū, arīpū Jesu erāre.

Pedro “Jesure masibea,” īgū arī guayaburīñere wereñumi Jesu

Mt 26.30-35; Lc 22.31-34; Jn 13.36-38

²⁶ Eropirā yujuñe erā Goāmū bayariñere bayatuha, utāgū Olivo waicūdiguge wañorā.

²⁷ Eroque sihu ejaḡu Jesu erāre werēpū:

—Dohpagā ñami mua árîpehrerā yure cōārāca. Mua yure cōāborore ôpa ta arî gojamũhtaĩuma Goãmũ yare erā gojarapũgue: “Ovejare ìhadibugũre erā wejẽcũ waro dopa ta iĩgũca. Yũ eropa iicũ oveja ìgu yarā ìgũre cohãgã warãcoma,” arĩmi Goãmũ, arĩ gojaĩuma.

²⁸ Eropigũ Goãmũ ìgu yure sîridigũre masura pũhrũ, mua core Galileague wamũhtagũca yũhũ, arĩpũ Jesu erãre.

²⁹ Ìgu eroparĩcũ peegu Pedro ôpa arĩripũ:

—Yũ mera majarã árîpehrerã erã mure cōãquerecũ yũpũ mure ne cōãsome, arĩpũ Pedro ìgũre.

³⁰ Jesu yuhripũ:

—Diaye arĩgu iiaa mure. Dohpagã ñamire cãreña pesubu ìgu wereboro core, mũ uhresubu “Yũhũ Jesure masibeaa,” arĩgũca mũhũ, arĩpũ Jesu ìgũre.

³¹ Ìgu eropa arĩquerecũ Pedro ôpa arĩ turaro busuro yuhripũ:

—Mũ mera yure erã wejẽquerecũ ta ne mure cōãsome yũhũ, arĩ yuhripũ ìgu Jesure. Pedro ìgu eroparĩcũ peerã ìgu mera majarã ìgu arĩro dopa ta arĩĩñorã erã sã.

Getsemanigũ Jesu Goãmũre serẽĩumi

Mt 26.36-46; Lc 22.39-46

³² Eropii erã Getsemanĩ waĩcũri gorogue waĩñorã. Erogue ejaqu ôpa arĩpũ Jesu:

—Ohõ doayũque. Mua ohõ doaropẽ sohõgue Goãmũre serẽniguĩgu wagu iiaa, arĩpũ ìgu buherãre.

³³ Eropa arĩtuha Pedrore, Santiagore, Ñure sihgũpũ. Eropigũ ñero gũĩnũgapũ Jesu. Eropigũ ñero siporãcũpũ.

³⁴ Eropa ñero pepigũ ìgu mera majarãre ìgu sihgũnĩrãre arĩpũ:

—Bũrigã ñero yũ siporãcũca. Yure turaro pũriro dopa pepica yua. Sohõñari wanigũ iiaa. Ohõ dujanigũre. Eropirã yũ mera ta tũyũque mua sã, arĩpũ Jesu erãre.

³⁵⁻³⁶ Eropa arĩtuha ìgu ero core mero wanemo, yebague mereja, Goãmũre arĩpũ:

—Aũhũ, mũhũ árîpehrerere iimasia. Eropigũ yũ ñero tariburire iidiabigu iibiricãque. Yũ eropa arĩquerecũ ta yũ gamero dopa iibita. Mũ basi masia. Mũ gamero dopa iĩque, arĩ serẽpũ ìgu Goãmũre.

³⁷ Eropa arĩtuha ũrerã ìgu buherã pohrogue eranjagũ erã carĩ oyarãre ìapũ. Ìha Pedrore arĩpũ:

—Simo, ¿carĩgu iiri mũhũ? ¿Yuju hora gohra yũ mera tũyũtamubirari?

³⁸ Ôaro iĩque mua. Mua pepiri mera ôarire iidiaraa mua. Mua seyaro irire iidiaquererã ta irire bocatũbeaa. Eropirã Goãmũre serẽniguicãque ñero mua iibiriboro dopa, arĩpũ Jesu Pedrore.

³⁹ Eropa arĩ weretuha dipaturi waha, Goãmũre serẽpũ daja. Ìgu ero core ìgu arĩdiro dopa ta arĩ serẽpũ daja.

⁴⁰ Serẽtuha dipaturi erã pohrogue dujaripũ daja. Eropa dujarigũ carĩ oyarãre ìapũ daja. Wũja pũritaricãyoro erãre. Eropirã erã Jesu “¿Duhpirã carĩri mua?” erãre arĩcũ yũhrimasibiriñorã.

⁴¹ Eropigũ dipaturi ìgu Goãmũre serẽra pũhrũ, erã pohro eraa erãre arĩpũ:

—¿Mua carĩrã soorã iiri dohpa? Iripẽta ãhraa. Sihajãgiro iiaa. Dohparagã yure masure Goãmũ ìgu obeodigũre ñerãre erã oburibusu sihajaa.

⁴² Wahgãque. Ina warã. Ìaque. Yure ìhaturirãre ìhmubu ohõ ahrimi, arĩpũ Jesu erãre.

Jesure ìhaturirã peresu ñeañuma

Mt 26.47-56; Lc 22.47-53; Jn 18.2-11

⁴³ Ìgu eropa arĩ wereniguiribusu Juda doce buherã mera majagu erapũ. Eropirã masa bajarã ñoserimijirire, yucũre opanirã ìgu mera yujuro mera erañorã. Erã pahia oparã, judio masare buherã, mũrã sã erã obeonirã árĩñorã.

⁴⁴ Negohrare Jesure ìhaturirãre obu, ôpa arĩtuhapũ:

—Yũ ìgu wayuporãre mimigũ ìgu ta arĩgũcumĩ mua ñeabu. Ìgũre yũ mimira pũhrũ ñeaque. Eropirã ìgũre ôaro ñeaque ìgu duhribiriboro dopa, arĩ wereserepũ Judapũ erãre.

⁴⁵ Eropigũ Jesu pohrogue eragu mata wa purumujupũ:

—Buhegu, ¿ãhriri mũhũ? arĩ ìgũre wayuporãre mimipũ.

⁴⁶ Ìgu eropiicũ ìarã erã Jesure ñeañorã.

⁴⁷ Erã eropiicũ ìagu ìgu pohrogue niguinirã mera majagu ìgu matamijire tuãwea aĩ, pahia opu pohro majagure ìgu gamirore tabe corocãpũ.

⁴⁸ Eropigũ Jesu ôpa arĩpũ:

—¿Maa ñoserimijiri mera, yucu ñucari mera arirã, yajari masure iro dopa mua yure ñearã arirã iari?

⁴⁹ Umuri ñucu Goãmu wihigue yuhu maure buhedoacã, mua yure ne ñeabiribu. Dohpaguere mua yure eropa iirã i áripehreri Goãmu yare weremuhtanirã erã arí gojadiro dopa ta mua yure iiaa, arípu Jesu erãre.

⁵⁰ Eropirã Jesu buherã áripehrerã igure cohã omagã wañorã.

⁵¹ Eropigu yujugu mamu Jesu puhru nurusiaripu. Omasiaríñe dihta omadigu arípu.

⁵² Igu sãre erã ñeadiacũ Igu ya omasiaríñere cóãcã suhri marigu oma duhrigã wapu.

Judio masa oparã Jesure serëpiñuma

Mt 26.57-68; Lc 22.54-55, 63-71; Jn 18.12-14, 19-24

⁵³ Eropii pahia opu pohrogue Jesure ai ejañorã. Iri wihiguere áripehrerã pahia oparã, murã, judio masare buherã sã gamenereñorã.

⁵⁴ Eropigu Pedropu Jesu puhru yoarogue iha nurusiapu. Eropa nurusiagu igu pahia opu Caiã waicugu ya wihire cãhmotara sãriro eja, iri sãriro pohecague ñajaa wapu. Eropigu igu iri wihire corerã surara mera peame turo sôhma doapu.

⁵⁵ Eropirã pahia oparã, gajirã oparã mera gamenererã Jesure wejëdoremorã, gayari mera erã igure dipuwaja moaborore guñamaariñorã. Erã eropa weresãburire guña bocabiriñorã.

⁵⁶ Masa bajarã igure erã gamero weresãmaacãquererã erã weresãri diaye áribiriyoro. Gajigu gajiropa arí, gajigu sã gajiropa dihta aríñorã.

⁵⁷ Eropirã gajirã erogue eja, Jesure weresãñorã:

⁵⁸ —Ihí òpa arími: “Yuhu i wihire masa iira wihire, Goãmu wihire cóãgara. Eropa cóãgu uhrenu puhru iri wihire dipaturi iigura. Iri wihí masa erã iira wihí árisome,” igu aricũ gua peebu, arí weresãñorã.

⁵⁹ Erã eropa arí weresãquerecũ ta iri diaye áribiriyoro. Gajigu gajiropa arí gajigu sã gajiropa arípu.

⁶⁰ Erã eropa aríra puhru pahia opu erã watope wahgãnujaja Jesure serëpipu:

—¿Oã mure weresãquerecũ ta erãre yuhri gamebeari muhu? ¿Mure erã weresãrire duhpigu erãre yuhri gamebeari muhu? arípu igu Jesure.

⁶¹ Igu eroparicũ peequeregu ta Jesu eropa pepicãpu. Igu eropa yuhribiricũ ñagu pahia opu igure dipaturi serëpipu daja:

—¿Cristo ta áhriri muhu? ¿Óagu Goãmu magu ta áhriri muhu? arí serëpipu daja igu Jesure.

⁶² Igu eropa aricũgue ta Jesu yuhripu:

—Igu ta áhrraa. Eropirã yuhu masu Goãmu Igu obeodigu yu Pagu turagu pohro, igu diayeru yu doacũ ñarãca mua. Eropirã umaro maja imica watope yu aricũ sãre ñarãca mua, arípu Jesu igure.

⁶³ Igu eroparicũ ta pahia opu Igu sañarañe suhrirore Igu basi yeguecãpu gajirãre “Guataricãmi,” arídozegu.

—Íre weresãrãre gajirãre mari gamebeaa pare.

⁶⁴ Igu basi Goãmure Igu ñero werenigucũ peea mari. Eropirã igu ñero iira dipuwajare masituhaa mari. ¿Eropirã dohpa iirãcuri mari íre dohpaguere? arípu pahia opu gajirã oparãre.

—Igu ñeri dipuwaja wejëcãro gahmea, arí yuhriñorã erã áripehrerã oparã.

⁶⁵ Eropirã erã mera majarã Jesure disico ehosũ Igu cuirire diricãhmotacã, igure pañorã. Patuha òpa aríñorã igure:

—¿Noa mure pari? Íabiriqueregu guare wereque, arí wereyañorã erã.

Eropirã opu yarã surara Jesure pañorã.

—Ígure masibea, arípu Pedro Jesure

Mt 26.69-75; Lc 22.56-62; Jn 18.15-18, 25-29

⁶⁶ Eropigu Pedro iri wihí maja sãriro pohecague Igu aricũ pahia opu pohro majago erapo.

⁶⁷ Igo Pedro Igu sôhmacũ ñago Igu dihtare íhaniguipo.

—Nazare majagu mera Jesu mera mu sã áhrabu, arípo igo Pedroro.

⁶⁸ Igo eroparicũ peequeregu Pedropu òpa arípu:

—¿Dohpa arímaacãgo iiri muhu? Mu aríguere ne masibea yuhu, arípu Pedro igore. Igo eropa aríra puhru Pedro iri puu maja sãriro disiporo pohrogue wapu. Eropigu Igu ero nigucũ cãreña werëpu.

⁶⁹ Ero Igu aricũ ñago dipaturi werepo daja ero árirãre.

—Ihī Jesu buherā mera majagu āhrimi, arīpo igo.

⁷⁰ Igo eroparīcū peegu Pedro dipaturi arīpu daja.

—Īgure masibea yuhu, arīpu daja.

Eropii merogā pūhru ta ero niguirā Pedrore ōpa arīñorā daja:

—Diaye ta āhraa. Mūhu Galilea majagu āhraa. Eropigu īgu mera majagu ta āhraa mūhu, arīñorā erā īgure.

⁷¹ Erā eroparīcū peegu īgu erāre yuhripū:

—Diaye ta Goāmū mera arīgu iiaa mūare. Yuhu diaye arībiricū Goāmū yure dipuwaja moaporo. Īgure mūa arīgure ne masibea yuhu, arī yuhripū īgu erāre.

⁷² Īgu eroparīcū ta cāreña werepu daja. Īgu werēcū peegu Jesu īgu arīrare guñapu. “Cāreña pesubu īgu wereboro core mūhu yure ūhresubu ‘Jesure masibea,’ arīgūca mūhu,” Jesu īgu eropa arīrare guñapu Pedro. Eropa guñagu turaro orepū.

15

Pilato Jesure serēpiñumi

Mt 27.1-2, 11-14; Lc 23.1-5; Jn 18.28-38

¹ Eropirā boyorogē mūrā, pahia oparā, judio masare buherā, árīpehrerā gajirā oparā mera gamenere weretamuñorā erā Jesure iiburire masimorā. Erā basi wereniguituha, Jesure dihri aīgā Pilato waīcugure opure oñorā īgure.

² Erā ai ejacū īagu Pilato īgure serēpipū:

—¿Diaye ta judio masa opū āhriri mūhu? arī serēpipū īgu Jesure.

—Mū arīro dopa ta īgu ta āhraa, arī yuhripū īgure Jesu.

³ Eropirā pahia oparā baja weresāñorā īgure.

⁴ Erā eropa arī weresācū peegu dipaturi serēpipū daja īgure.

—Oā mure baja weresārā iima. ¿Erā eropa arī weresāquerecū yuhribeari mūhu? arīpu īgu.

⁵ Īgu eroparīcū Jesu yuhribiripū. Eropigu Pilato ihamaria wapū.

Jesure wejēdoreñuma

Mt 27.15-31; Lc 23.13-25; Jn 18.38-19.16

⁶ Bojori nūcu Pascua bosenu árīcū peresu árīdigure yujugure masa “Īgure wiuque,” erā arīgure Pilato eropa wiubasamūripū.

⁷ Irisubure Barrabá waīcūgu peresugue árīpu. Īgu oparāre cóadiarā mera majagu masare wejērā mera majagu árīpu.

⁸ Eropirā masa bajarā Pilato pohrogue eja, īgure serēñorā:

—Bojori nūcu mū iidiro dopa ta iique daja gūare. Yujugu peresugue árīgure gūare wiubasaque daja, arīñorā erā.

⁹ Erā eroparīcū Pilato erāre serēpiñapu:

—¿Mūa yagu opure judio masa opure wiucuri? arī serēpipū Pilato erāre Jesure wiudianijagu.

¹⁰ Jesure masa erā mahicū iarā pahia oparā Jesure ihatuirā árīñorā. Eropa ihatuirā īgure wejēdorerā oñorā Pilatore. Erā ihatuirire masigu Pilato Jesure wiudiaripū.

¹¹ Īgu eropa wiudiaquerecū ta pahia oparā Jesu mera masare guacū iñorā. Ōpa arīdoreñorā erāre: “Barrabáre wiuque. Jesure wejēdoreque,” Pilatore arīdoreñorā masare.

¹² Eropigu Pilatore Barrabáre erā wiudorera pūhru Pilato erāre serēpipū daja:

—¿Ihī “judio masa opū” mūa arīgūpūre duhpigūcuri yuhu? arī serēpipū īgu.

¹³ —Crusague pabia wejēque īgure, arī gaguiniguñorā masa.

¹⁴ —¿Ñehenore ñerire iari ihī mūa eropa arī gaguiniguicū? arīpu īgu.

Īgu eroparīcū peerā erā gaguiniguñemoñorā daja.

—Crusague pabia wejēque īgure, arīñorā daja.

¹⁵ Erā eropa arī gaguiniguicū peegu Pilato Barrabáre wiudorepu masare mucubiricū iidiagu. Eropigu Jesure yuradari mera tāradore, crusague pabia wejēdoregu wiapu surarare.

¹⁶ Eropi surara īgu opū Pilato wihigue pretorio waīcūri wihigue Jesure ai ejañorā. Īgure ai ejatuha erā gajirā surara erā mera majarāre gameneremorā sihubeoñorā.

¹⁷ Eropirā erā opū ya suhriro dopa bejariñere Jesure sāñorā. Eropa sātuha pora berore ii īgu dipuru duhpeñorā.

¹⁸ Eropiituha ōpa arī wereyañorā erā īgure:

—Umupeorā arique. Judio masa opū ōaro árīporo, arī wereyañorā īgure.

¹⁹ Eropirā Īḡu dipurure yucūḡu mera padiu, ĩḡure disico ehosū, ḡuhyadiaro ĩaro dopa ta mereja ĩḡure ii birañorā.

²⁰ Eropi ĩḡure wereya biratuha, erā sāra suhrirore tuwea aĩ, Īḡu ya suhriropure ĩḡure sāñorā daja. Eropirā ĩḡure crusague pabia wejēmōrā aĩ wiria wañorā.

Erā Jesure crusague pabia wejēñuma

Mt 27.32-44; Lc 23.26-43; Jn 19.17-27

²¹ ĩḡure aĩḡā, Simo Cirene majagu pohegue árīdigu erā pohro ĩḡu eracū ĩarā surarapu ĩḡure Jesu ĩḡu coāra crusare coāḡābasadoreñorā. Alejandro, Rufo sã pagu árīpu Simopu.

²² Waha Gólgota waĩcurogue ejañorā. Gólgota arīro mari ya mera “dipu pero” arīro iiaa.

²³ Eropirā vinore suĩri deco mera erā morera decore Jesure oriñorā. Iri decore ihribirīpu ĩḡu.

²⁴ Eropirā ĩḡu suhrirore tuwea aĩra pũhrũ crusague Jesure pabiañorā. Erā pabiatuhaja ĩḡu suhri murare “¿Noa yañe árīrocuri ĩñe?” arĩ game deabirañorā.

²⁵ Jesure erā pabiara pũhrũ uñre hora duhyayoro goeri boje ejaboro.

²⁶ Eropirā crusague opa arĩ gojarapũre pabia duhtuñorā. “Ihĩ judio masa opu aħrimi,” erā arĩ gojaturapũ árīyoro. Iri erā gojaturapũ Jesure erā weresāra árīyoro.

²⁷ Eropirā perā yajari murare Jesu pohro ḡajimijirigue crusarigue erā pabiatuñorā erā sãre. Yujugu ĩḡu diayerũ, ḡajigure ĩḡu copu pabiatuñorā.

²⁸ Erā eropiciũ iribojegue Goāmu yare weremuhtanirā gojadiro dopa ta eropa wayoro. Opa arĩ gojayuñuma: “ ‘Dorerire tarinũḡarā mera majagu aħrimi,’ arĩ pepima masa ĩḡure,” arĩ gojañuma iribojegure.

²⁹ Eropirā crusari pohro tarigārā Jesure ĩha, erā dipurure yurerā, ĩḡure ñero arĩ wereniguiñorā.

—Muħu ta “Goāmu wihire cohā, uñrenũ pũhrũ iri wihire amuḡara daja,” arīdigu árīribu muħu.

³⁰ Mu basi dijaque. Eropigu mu basi tarique. Eropigu tari wereḡuca muħu, arĩ wereyañorā erā.

³¹ Erā iro dopa ta pahia oparā sã judio masare buherā sã ĩḡure eropa wereyañorā. Eropa arĩ wereyarā opa arīñorā erā basi:

—Īḡu ḡajirāre taudigu árīquereḡu ta ĩḡu basi tarimasibeami.

³² “Israe masa opu aħraa,” arīrimi ĩḡu. Eropirā ĩḡu basi dijaricū ĩarā ĩḡure umupeorāca, arĩ wereyañorā.

Yajari mura sã ĩḡu pohro erā pabianirā eropa ta ĩḡure ñero arĩ wereyañorā.

Jesu sīria wañumi

Mt 27.45-56; Lc 23.44-49; Jn 19.28-30

³³ Eropi goeri boje árīcũ uñre hora gohra árīpehrerogue naitĩa wayoro.

³⁴ Eropigu irisubure ero naitĩarisubu Jesu turaro ḡaguiniguiḡu:

—Eloi, Eloi, ¿lama sabactani? arīpu ĩḡu. Ire arīḡu mari ya mera opa arīḡu iipu: “Yu Goāmu, yu Goāmu, ¿duhpigu yure cohāri muħu?” arīḡu iipu ĩḡu Pagare.

³⁵ Īḡu eroparicū peenirā yujurāyeri ero niguinirā opa arīriñorā:

—Goāmu yare weremuhtadigure Eliare sihugu iicumi, arīñorā erā.

³⁶ Eropigu yujugu erā mera majagu mimi aĩri yusu mera vino suĩrirore yosotuha aĩ omagā, yucūḡu ojogoro diritu, Jesure simujurīpu. Eropa iigu opa arīpu:

—Corenique. Elia ĩḡure itamucū ĩanirā dohpa mari, arīpu ĩḡu ḡajirāre.

³⁷ Īḡu eropa arīra pũhrũ dipaturi Jesu turaro ḡaguinigi sīria wapu.

³⁸ Īḡu sīricũ ta Goāmu wihi majañe suhriro ero erā cāhmotara suhriro gasiro deco mera yehguea wayoro.

³⁹ Īḡu eropa sīricũ ĩagu surara opu Jesu pohro niguidigu opa arīpu:

—Daye ta aħraa. Ihĩ Goāmu maḡu ta aħrañumi, arīpu ĩḡu.

⁴⁰ Eropirā yoarogue ĩhaniguinirā nome sã árīñorā Jesure ĩhaniguirā. Erā nome mera Maria Magdalena árīpo. ḡajigo María waĩcūgo sã árīpo. Iḡopu José ĩḡu pagu maḡu Santiago erā pago árīpo. ḡajigo Salomé waĩcūgo árīpo.

⁴¹ Erā nome Jesu yare oaro peerā nome árīñorā. Erā Galilea yeba ĩḡu árīcũ ĩḡure itamumariñorā. Erā nome mera bajarā ḡajirā nome sã árīñorā. Jerusalengue Jesu mera arinirā nome árīñorā.

Jesu dũpũre masa gobegue apiñuma

Mt 27.57-61; Lc 23.50-56; Jn 19.38-42

⁴²⁻⁴³ Eropii irinū ĩġu sĳiranaŋ Sabado core judio masa soorinū core majanaŋ árĳyoro. Eropiro Pascua maja árĳburire erā amurinū árĳyoro. Irinū űamica árĳcū José Arimatea majagaŋ ġũiro mariro Pilato pohrogue ejaŋu. Jesu dũpũre serẽġu ejaŋu. José oparā mera majagaŋ oparā erā umupeodĩġu árĳũ. Eropiġu Goāmũ ĩġu opu árĳburire coreġu iĩũ.

⁴⁴ Eropiġu José Jesu dũpũ mũrarore ĩġu Pilatore serẽcũ Pilatorũ peegũ, pee űca wapu. “¿Jesu sĳirituhayuri?” arĳ peĩpũ. Eropiġu surara opũre sihu õpa arĳũ ĩġure:

—¿ĳiria sĳia wayuri? arĳ serẽpĩpũ ĩġure.

⁴⁵ ĩġu eroparĩcũ surara opu űũhriũ:

—Sĳia wami, arĳũ.

ĩġu eroparĩcũ Pilato Josere odorepũ Jesu dũpũ mũrũre.

⁴⁶ ĩġu odorera pũru José õariűe suhriore asũpũ. Asũtuha, Jesu dũpũre aĩ diju, iri suhriro mera omaũũ. Omatuhaja erā űtũyegue seara gobegue ĩġu dũpũre apĩpũ. Apituha iri gobe pohro árĳriye űtũye wũariyere taragā tubiha nugucũpũ.

⁴⁷ Eropirā Marĩa Magdalena, Marĩa José pago Jesure ĩġu apidirore ĩaűorā.

16

Jesu masa mũriaűumi

Mt 28.1-10; Lc 24.1-12; Jn 20.1-10

¹ Eropirā erā soorinū Sabadonuŋ taricũ Marĩa Magdalena, Marĩa Santiago pago, Salomẽ mera poresurire asũűorā Jesu dũpũre sũmorā.

² Eropirā Domingo boyorogā Jesure erā yaara gobegue waűorā erā.

³ Warā õpa arĳűorā:

—¿Iri gobere erā biharayere noa marire pũġũbasarĩcũri mari űajaborore? arĳűorā erā erā basi.

⁴ Iri gobegue ejaŋā iri gobere biharayere űtũyere erā pũġũ nugurayere ĩaűorā. Wũariye űtũye árĳyoro.

⁵ Eropa ĩarā iri gobegũere űajajarā. Eropa űajajarā mamũre diayepũ doagũre boreri suhricũgũre ĩaűorā. ĩarā ĩha űca waűorā.

⁶ Erā űcacũ õpa arĳũ ĩġu:

—űcabirĩcũque. Crusague erā pabiadĩġure Jesu Nazare majagũre amaraa mũa. Masa mũriatuhami. Ore marimi. Erā ĩġu dũpũre apidirore ĩaque. ĩatuhaja ĩġu buherāre Pedro sũre õpa arĳ wererā waque.

⁷ “ĩġu mũa core Galileague wamũhtagũcumĩ. Eroque ĩġure ĩarāca mũa. Ero ĩġu arĩdiro dopa ta mũa ĩġure ĩarāca,” arĳ wererā waque, arĳ werepũ mamũ erāre.

⁸ ĩġu eroparĩcũ erā ġũũ, naragā, masa gobe pohro árĳnĩrā omagā wiria waűorā. Eropa ġũirā ġajirāre werebĩrĩűorā.

Jesu Marĩa Magdalenare dehyoũumi

Jn 20.11-18

⁹ Eropii Domingo árĩcũ Jesu ĩġu masa mũriara pũru Marĩa Magdalenare dehyoamũhtapũ. Igo siete watẽa űajasũdigo árĩpo. Jesu ĩġu sĳiboro core ĩgore watẽare cõapũ. Eropiġu ĩgorũre dehyoamũhtapũ ĩġu ĩġu masa mũriara pũrũre.

¹⁰ Jesu ĩgore dehyoara pũru ĩgo ĩġu mera majarāre werego wapo. Erā ĩġu sĳirare bujawererā orerā árĩűorā.

¹¹ “Cristo ojocariami. ĩġure ĩabũ,” ĩgo arĳquerecũ peediabĩrĩűorā.

Jesu ĩġu buherāre dehyoũumi

Lc 24.13-35

¹² Pũru perā Jesu buherā mera majarā campogue wiri marirogue waűorā. Erā eropa wanĩġũcũ Jesu ġajiropa bejagũ ġũhyaro dehyoapũ erāre.

¹³ ĩġu eropa dehyoara pũru, waha ġajirā Jesu yarāre wereűorā. “ġua Jesure ĩabũ,” erā arĳ werecũ erā peediabĩrĩűorā daja.

Jesu ĩġu yare buhedoreġũ obeoűumi ĩġu buherāre

Mt 28.16-20; Lc 24.36-49; Jn 20.19-23

¹⁴ Pũru once ĩġu buherā mesa pohrogue erā doacũ erāre dehyoapũ ĩġu. Eropiġu ĩġure ĩanĩrā “Jesu masa mũriaruŋ,” arĳ erā werecũ peediabĩrĩrere erāre turĩpũ Jesu. ĩġure õaro umupeobĩrĩrĩ dipuwaja erāre turĩpũ.

¹⁵ Erāre turĩtuha õpa arĳũ:

—I yeba árĩpeherrerāre õari buherire buherā waque.

¹⁶ Yare umupearã erã waïyenirãre erã peamegue wabonirãre taugucumi Goãmũ. Eropirã yare umupearã Goãmũ ïgu dipuwaja moamorã, peamegue wamorã árirãcoma.

¹⁷ Eropirã yare umupearã yu turari mera õpa iirãcoma: Yu turari mera watẽa masare ñajasũnirãre cóãrãcoma. Eropirã mama disirore wereniguirãcoma.

¹⁸ Eropirã añare ñeacũ, áripheperi nimare erã ihricũ pũrisome erãre. Eropirã dorecurã weca erã mojotorire erã mohmepi ñeacũ õarã warãcoma, arĩpu Jesu ïgu buherãre.

Jesu umarogue maria wañumi

Lc 24.50-53

¹⁹ Eropa arĩ weretuha mari Opũ Jesu umarogue maria warũ. Erogue ejaqu Goãmũ diayerũ doaru ïgu mera opu árigũ.

²⁰ Eropirã ïgu buherãpu áripheperoguerẽ õari buherire Goãmũ masare ïgu tauburire buherã wañorã. Erã eropa buhecũ mari Opũ erãre itamupu. Deyoro moarire ïgu turari mera imasicũ iipu erãre masare ïgu ya buherire peedoregu. "Eropa ta áripõro," arãa yuhũ. Iripõta ãhraa.

San Lucas

1-2 Opū Teófilo, mure ipūre gojabeogu iiaa yuhū. Jesu gua mera árīnigū Īgu iirare gajirā gojanūgamuhtatuhānirā árīma. Negohraguere Jesure ĩanirā, Īgu yare buhenirā erā arī werediro dopa ta gajirā irire gojanūgamuhtatuhānirā árīma.

³ Eropigu i árīpehrerire ōaro masipehodiagu yu sā erā arī wererare buhebū. Eropigu yu sā irire ōaro gojadiaa mūa buheburi árīburire.

⁴ Jesu yare buherā mure weretuhānirā árīma. "Iri queoro āhrraa," ōaro mū arī masiborore ipūre mure gojabeogu iiaa.

Ūnu waīyeri masū Īgu masa dehyoaburire anyu werepū Zacariare Ūnu pagū árībure

⁵ Herode Judea yeba majarā opū Īgu árīcū, Zacaría waicūgūpū pahī árīpū. Zacaría ya curupū pahia curu Abías ya curu árīyoro. Zacaría marapo sā pahī Aarón mure pārameo árīturiagogue árīpo. Igoṗū Elisabet waicūgo árīpo.

⁶ Erā perā Goāmū dorerire iipehorā erā árīcū ĩagu, "Ūmuri nūcu ōarire iirā āhrraa," arī pepidi árīmi Goāmū erāre.

⁷ Elisabet ne porā marigo árīpo. Eropigo igo Zacaría mera porā mari muñucāpo.

⁸ Pahia Goāmū wihigue Goāmū ya umupeoburire mohmerā ūmuri nūcu erā gohrotomuriñorā. "Zacaría ya curu majarā dohpaguere iiporo," erā arīra pūhrū Īgu pahia erā ĩidiro dopa ta Goāmū ya umupeoburire mohmegū arigu iipū.

⁹ Pahia erā iiguaro dopa ta inciensore soebure beyerā irisubure Zacariare beyeñorā. Eropigu Īgu Goāmū wihigue ĩajaa wapū soegu wagū.

¹⁰ Goāmū wihi pohecague ĩgu árīrisubu, inciensore ĩgu soerisubu árīpehrerā masapu disiporogue Goāmū mera serēniguiñorā.

¹¹ Irisubure Goāmū yagu anyu incienso soero diayepū dehyoanūgajapū Zacariare.

¹² Īgu anyu eropa dehyoacū ĩagu Zacaría ĩgure ĩha, ūca wa, gūia wapū.

¹³ Eropa ĩgu güicū ĩagu anyu ĩgure werepū:

—Zacaría, güibita. Goāmū mū serērare peeami. Eropigo mū marapo Elisabet porācūgocumo. Mū magū masa dehyoagucumi. Īgu eropa dehyoacū Ūnu waīyeque ĩgūgāre.

¹⁴⁻¹⁷ "Īgu ōagu āhrraa. Turagu āhrraa," arī pepigucumi Goāmū mū magure. Īgu masa dehyoara pūhrū vinore, siburire ihsosome. Eropigu ĩgu, ĩgu masa dehyoara pūhrū ta Espiritu Santo árīri mera ōaro turagu árīgucumi ĩgu. Eropigu bajarā Israe masare Goāmū mari Opūre ōaro gamecū iigucumi ĩgu. Goāmū yare buhegu Elia Goāmū yare weremuhtadigu mari Opū ariborore ĩgu buhediro dopa ta Goāmū ĩgu turari mera mū magū sā buhegucumi. Eropa buhegu erā pagū sūmarā erā porā mera erā ōaro game mahi árīcū iigucumi. Eropigu dorerire tarinūgarāre ōaro erā umupeori mera yūhricū iigucumi. Eropa buhegu mari Opū ariboro core ĩgu yarā árīmorāre amuyugucumi ĩgu. Eropigu ĩgu masa dehyoara pūhrū mūhū mucubirīgūca. Gajirā sā bajarā mucubirirācoma, arīpū anyu Zacariare.

¹⁸ Īgu eroparīcū peegu Zacariapū serēpipū anyure.

—Yuhū, yu marapo mera gua murā āhrraa. ¿Eropigu mū arīra diaye árīcū dohpa masigucuri yuhū? arīpū ĩgu.

¹⁹ Īgu eroparīcū anyupū ĩgure werepū:

—Yuhū Gabrie waicūgu āhrraa. Goāmū pohro árīgu āhrraa yuhū. Goāmū i ōari querere weredoregu, mū pohro yare oboami. Yu werediro dopa ta diaye waroca.

²⁰ Yu eropa arīquerēcū ta yare peediabeaa mūhū. Eropigu mūhū dohpaguere wereniguiñigū dujagūca. Mū magū ĩgu masa dehyoara pūhrū wereniguiñigūca daja, arīpū anyu Zacariare.

²¹ Disiporogue masa Zacariare corerā ĩñorā. "¿Duhpigū ĩgu Goāmū wihigue árīgu mata wiriribeari?" arī, corerā ĩñorā masa ĩgure.

²² Eropigu ĩgu i wihigue árīdigū wiria, erā mera wereniguimasibiripū. "Goāmū ĩgure dehyoacumi," arī pepi, masiñorā erā. Eropigu ĩgu wereniguimasibiripū árīgu ĩgu mojotori mera masare werenigupū.

²³ Goāmū wihi ĩgu mohmeri pehrecū, ĩgu dujaa wapū ĩgu ya wihigue.

²⁴ Pūhrū ĩgu marapo Elisabet majīgure ne bocagārigo iipo. Eropigo igo cinco aberi gohra masa pohro wabiripo.

²⁵ Ōpa arīpo igo: "Dohpaguere yare Goāmū itamūmi pare. Yu porā marigo árīgo guhyasiuro taribū yuhū. Goāmū yu porā maririre cohāmi yare," arī pepipo igo.

Jesu ĩgu masa dehyoaburire werepu anyu Mariare

²⁶⁻²⁷ Elisabet seis aberi igo nijipo árĳra pũhrũ, Goãmũpũ anyure Gabrie waĩcuũgare nómeo ðago pohrogue obeopũ. Igo Nazare waĩcũri maca Galilea árĳri yeba árĳpo. Eropigo igo María waĩcuũgo José mera mojoto diribo árĳpo. Josépũ iribojegue majagu mũru Davi mũru pãrami árĳpũ.

²⁸ María pohrogue ejaũ anyu werepu:

—María, ¿ãhriri mũhu? Goãmũ mũ mera árĳũ ãhrimi. Eropigu mũre ðaro iigu iimi. Árĳpehrerã nome gajirã nome tauro ðaro iimi mũre, arĳpũ anyu igore.

²⁹ ĩgu eroparĩcũ peego, igo turaro guña pepipo. Anyu ĩgu wererare pepigo “¿Dohpa arĳũ yũre eropa arĩcũri?” arĳ guñapo igo.

³⁰ Igo eropa arĳ guñacũ ĩagu anyu werepu igore:

—María, mũre Goãmũ turaro mahimi. Eropigo gũibita.

³¹ Peeque. Majigure bocagoca mũhu. Eropigu mũ magu masa dehyoagũcumi. ĩgure Jesu waĩyegoca.

³²⁻³³ ĩgu turatariagu árĳũcumi. Eropirã ĩgure “Goãmũ umaro majagu magu ãhrimi,” arĩrãcoma masa. Eropigu mũ magu ñecu mũrugue Davi mũru Israe masa erã opu ĩgu arĩdiro dopa ta mũ magu sãre apĩgũcumi Goãmũ. Eropigu árĳpehrerĩnũri ĩgu Israe masare doregũcumi. Eropiro ĩgu opu árĳripũ ne pehresome, arĳpũ anyu.

³⁴ ĩgu eroparĩcũ Mariapũ serẽpipo:

—¿Duhpi umũ mera árĳbiriquerego ta porãcũbocuri yũhu? arĳpo igo.

³⁵ Igo eroparĩcũ anyupũ werepu:

—Espiritu Santo mũre porãcũcũ ĩgũcumi. Eropiro Goãmũ ĩgu turari imica curu iro dopa ta cãhmotaroca mũre. Eropirã “Goãmũ magu, ñerire iibigu ãhrimi,” arĩrãcoma masa mũ magure.

³⁶⁻³⁷ Goãmũ árĳpehrerire iimasimi. Eropigo mũ acawerego Elisabet bũro árĳquerego ta majigure bocãmo igo sã. Igo porãcũgocumo umũgãre. Masa igore “Porã marigo ãhrimo,” erã arĩdigo bũro dohpaguere seis aberi wahaa igo majigure bocara pũhrũ, arĳpũ anyu Mariare.

³⁸ ĩgu eroparĩcũ María yũhripo:

—Yũre peeque. Mari Opu ĩgu pohro majago ãhraa yũhu. Mũ arĩdiro dopa ta yũre eropa waporo, arĳpo igo.

Igo eropa arĳra pũhrũ anyu waha wapũ.

María Elisabere ĩago wapo

³⁹ Irinũrire María utã yucũ árĳri yebague Judea yeba árĳri macague umũdiaro waha wapo.

⁴⁰ Eroque ejaũ Zacarĩa ya wihi ñaja, “¿Ahriri?” arĳpo igo Elisabere.

⁴¹ Igo eroparĩcũ Elisabet igo peecũ ta, igo magupũ nijĩ suhrirogue arĩdigũ ñohmepũ. Elisabet Espiritu Santo árĳri mera ðaro pepigo wapo.

⁴² Eropigo turaro mucubiriri mera werenĩguipo.

—Árĳpehrerã nome tauro ðaro iimi Goãmũ mũre. Mũ magu sãre ðaro iimi Goãmũ.

⁴³ Cue, yũ Opu pago yũ pohro aricũ ðaro iimi yũre Goãmũ.

⁴⁴ Mũhu yũre “¿Ahriri?” aricũ, yũ magupũ nijĩ suhrirogue árĳũ mucubiriri mera ñohmeacumi yũre.

⁴⁵ “Goãmũ ĩgu arĩdiro dopa ta iipehogũcumi,” arĳgo mucubirigo ãhraa mũhu, arĳpo Elisabet Mariare.

⁴⁶ Igo eroparĩcũ María yũhripo:

Goãmũ ðagũ, turagu ãhrimi, arãa. Yũhu ðaro siporãcũa.

⁴⁷ Goãmũ yũre peamegue wabodigore itamugũ ãhrimi. Eropigu dohpaguere yũre ðaro mucubiriri mera arĩcũ iimi.

⁴⁸⁻⁴⁹ Yũre bu árĳgore ĩgu ĩgu pohro majagore guñadi ãhrami. Goãmũ turatariagu ðari dihtare yũre itamumi. Eropirã “Igore Goãmũ ðaro iimi,” árĳpehrerã masa dohpaguere eropa arĳ werenĩguirãcoma yũre. Goãmũ ñeri marigu ãhrimi.

⁵⁰ Árĳpehrerĩnũri árĳpehrerã ĩgure umupeorãre ĩgu mojomoro ĩagu ãhrimi.

⁵¹ Goãmũ ĩgu turari mera iigu ãhrimi. “Gajirãre tarinũgaa yũhu,” arĩrãre tarinũgadi árĩmi ĩgu.

⁵² Oparãre erã dorero árĩrare cóadi árĩmi ĩgu. Eropigu bu arĩrãpũre ĩgu oparã iro dopa ta apidi árĩmi.

⁵³ Oaboanĩrãre ĩgu ðari barire ódi árĩmi. Eropigu baja opanĩrãpũre gajino moorã wacũ iidi árĩmi ĩgu.

54-55 Mari ñecu sumará mūrare “Masare ðaro iigura,” ĩgu arĭ werediro dopa ta iipehodi árĭmi Goámũ. Eropigũ ĩgu pohro majarã Israe masare ĩgu itamudi árĭmi. Mari ñecu sumará mūrare, Abrahã mūrare árĭpehorerã ĩgu acawererã ĩgu puhru árĭrã sãre Goámũ árĭpehorerinãri eropa mojomoro ñaniguigũ árĭmaridi árĭmi. “Masare ðaro iigũca,” erãre ĩgu werepirare cãdijibiridi árĭmi Goámũ, arĭpo Marĭa.

56 ðrerã abe gohra Elisabet mera àhri, ĩgo ya macague goe dujaa wapo Marĭa.

Ñu masa dehyoapu

57 Elisabet ĩgo niĭi wahgũra puhru ĩgo magũ masa dehyoapu.

58 Eropirã Goámũ ĩgore ĩgu eropa ðaro iicũ ĩgo ya maca majarã ĩgo acawererã sã ĩgo mera mucubiriñorã.

59 Ocho nãri ĩgu masa dehyoara puhru, ĩgu pagũ sumará ĩgugãre gasiro merogã wiri aĩdorerã wañorã. Eropa erã iirisubu erã mera majarã Zacarĭa waĩyediariñorã ĩgugãre ĩgu pagũ waĩre.

60 Erã eropa waĩyediaquerecũ ta ĩgu pagopũ ðpa arĭpo:

—ĩgu pagũ waĩre waĩyebaa. Ñu waĩyerãca ĩgugãre, arĭpo ĩgo.

61 —Mũ acawererã ne yujugu Ñu waĩcũgu marimi, arĭñorã erã ĩgore.

62 Eropirã erã mojotori mera werenigui Zacarĭare serẽpiñorã erã.

—¿Mũca dohpa waĩyediari mũ magare? arĭ serẽpiñorã ĩgure.

63 Erã eroparĭcũ ĩgu pagũ gojaburimijire serẽbeo, ñeha, gojapũ: “Yũ magũ Ñu waĩcũmi,” arĭ gojapũ Zacarĭa. ĩgu eropa arĭ gojacũ erãpũ uca wañorã.

64 ĩgu eropa arĭ gojara puhru ĩgure wereniguicũ ĩpũ Goámũ. Eropigũ ĩgu wereniguimasipũ daja.

—Goámũ turagu, ðagu àhrimi, arĭpũ ĩgu.

65 ĩgu eropa arĭ wereniguicũ peerã ero majarã uca wañorã. Eropirã i árĭpehorerire Judea yeba majarãre utã yucu watope árĭrãre masa weresiriñorã.

66 Árĭpehorerã ĩrire peerã guñañorã. “Goámũ turarire ĩgugã opami. ¿Eropigũ ñehmũno árĭgucuri ĩgugã?” arĭ pepiñorã masa.

Zacarĭa Goãmũre umupeopũ

67 Eropigũ ĩgu pagũ Zacarĭa Espĩritu Santo árĭri mera ðaro pepigũ árĭgu Goámũ yare werepũ:

68 Mari Israe masa Goãmũre umupeorã. ĩgu yarã àhraa mari. Eropigũ mari pohroque arĭgu, marire itamugu ðaro taumi.

69 Eropigũ Goámũ turagũre marire peamegue wabonirãre ðaro taubure obeomi. Marire ðaro taubu ĩgu acaweregu Davi mũru àhrimi. Davipũ Goámũ pohro majagu árĭmuriñumi.

70 Iribojegue ĩgu ya weremuhtanirã mera Goámũ ĩgu marire taubure obeoburire wereyumuripũ.

71 Marire ñaturirã marire ñero erã ĩidiacũ ĩagu “Mũare itamugũra,” arĭ apiñumi Goámũ marire.

72 Mari ñecu sumará mūrare, “Mũare mojomoro ĩagu itamugũra. Mũare yũ wererare guñağũra,” arĭ apiñumi Goámũ mari ñecu sumarãre. Iribojegue ĩgu eropa arĩdiro dopa ta marire dohpaguere ĩimi.

73-75 Eropigũ Abrahãre ðpa arĭmuriñumi: “Mũ acawererã puhru árĭrã erãre ñaturirã árĭcũ cõagũra. Eropigũ mũ acawererãre itamugũra. Eropirã erã guĩbirã ta yũ dorerire ĩimasima. Eropigũ erã ñerire yũ cõacũ, erã yũ ĩhuro umũri nũcu ðarã árĭniguirãcoma,” arĭ werepimuriñumi iribojegue Goámũ mari acaweregu Abrahãre, arĭpũ Zacarĭa.

Eropa arĩtuha ĩgu magugãre ðpa arĭpũ:

76-77 —Mahgu, mũre ðpa arĩrãcoma masa:

“Goámũ turatariagu yare wereniguigũ àhrimi,” arĩrãcoma mũre. Eropigũ mũhu mari Opũ core wayugũca. Eropa wagũ ðpa arĭ weregũca. “Goámũ mũa ñerire cõagũ, peamegue wabonirãre taugũcumi mũare,” arĭ weregũca. Eropa arĭ weregu mari Opũ ĩgu ariborore weremuhtayugu ĩigũca mũhu.

78 Goãmũpũ marire turaro mojomoro ĩagu marire ðaro ĩgu árĭgu, ĩgu marire peamegue wabonirãre taudiami. Marire taugu arĭgu Cristo mari pohro arĭgũcumi.

79 Árĭpehorerã mari peamegue wabonirãre taudiami ĩgu. Eropigũ Goãmũre mari masibirã árĭcũ ĩagu marire masicũ ĩidiami ĩgu. Eropigũ mari ðaro yujuro mera mari árĭborore weregũcumi marire, arĭpũ Zacarĭa.

⁸⁰ Eropi Ñu Zacaría magu ðaro buḡapu. Eropigu Goãmure turaro mahipu. Eropigu yoari boje masa marirogue ármuripu. Te Israe masare buhenugagu sã erogue ta ármuripu.

2

Jesu masa dehyoapu

Mt 1.18-25

- ¹ Irisubure árïpehreri yebari majarã tauro opu Augusto árïpehrerãre queodorepu.
² Oã masare erã ne queonugarisubu áricũ Cirenio waicugu Siria yeba majarã opu árïpu.
³ Eropirã árïpehrerã erã ñecu sumará iribojegue majarã ya macarigue erã waïre gojapeorã wañorã.
⁴ José sã Nazaregue Galilea árïri yeba árïri macague árïnirã waha, Judea yebague Belén waicuri macague ejañorã. Opu Davi iribojegue majagu igu masa dehyoadiro árïyoro Belén. José Davi muru párami árïgu Beléngue wapu igu waïre gojapeogu wagu.
⁵ Eropigu igu María igu mojoto diribo áricũ erogue igo mera igu waïre gojapeodregu wapu. Igopu majigure bocatuhadigogue árïpo.
⁶ Eropigo Beléngue ejago igo niji wahgüpo.
⁷ Erogue masa erã carïri wihi ne sihajabiriyoro erãre. Eropirã erã wecua ya wihigue carïrã wañorã. Eropigo igo igu ne dehyoagugãre porãcutuha igugãre suhriro mera oma, wecua erã bari coro weca igure pihripeopo.

Anyua ovejare ñhadiburãre dehyoañorã

- ⁸ Iri ñamire iri maca turogue campogue ovejare ñhadiburã erã yarã ovejare ñhadiburã iññorã.
⁹ Eropigu Goãmu igu obeodigu anyu erãre dehyoapu. Igu eropa dehyoacũ Goãmu igu gosesiriri erãre boyoweyoro. Eropa wacũ ñarã, ovejare ñhadiburã güia wañorã.
¹⁰ Erã eropa wacũ anyu erãre werepu:
 —Ñari querere muare weregu ahraa. Árïpehrerã masare mucubiricũ iiroca i quere. Eropirã güibiricãque mua.
¹¹ Dohpagã ñamire opu muru Davi ya macague muare peamegue wabonirãre taubu, Cristo Goãmu igu obeodigu mari Opu masa dehyoatuhami.
¹² Eropigu suhriro mera omadigu wecua bari coro weca erã pihripeodigu mua bocagu igu ta árïgucumi, arï werepu anyu erãre.
¹³ Igu eroparicũ ta bajarã umaro majarã árïmũhtadigu anyu mera bayapeñorã. Ñpa arï bayapeñorã erã:
¹⁴ Goãmure umaro majagure umupeorã. Eropirã Goãmu igu mahirã güiro mariro gamequeãro mariro ðaro árïporo, arï bayapeñorã anyua.
¹⁵ Eropa bayatuhaja umarogue erã müriara puhru ovejare ñhadiburãpu erã basi game wereniguiñorã:
 —Ire Goãmu igu marire wererare Beléngue ina ñarã warã, arïñorã erã erã basi.
¹⁶ Eropa arïrã yojaro mera wañorã erã. Mariare, Josére bocaia, majigugãre wecua erã bari coro weca pihripeodigure ñañorã erã.
¹⁷ Ovejare ñhadiburã igure ñatuha anyu majigugãre igu wererare wereñorã gajirãre.
¹⁸ Erã eropa arï werecũ ta árïpehrerã erãre pee uca wañorã.
¹⁹ I árïpehrerire Mariapu guña pepipo.
²⁰ Eropirã ovejare ñhadiburãpu anyu igu werediro dopa áricũ ñañorã. “Goãmu turagu ãhrimi,” arï mucubiriñorã. Eropa arï mucubiri dujaa wañorã.

Goãmu wihigue Jesu pagu sumará igure aigãñorã

- ²¹ Yuju semana puhru majigure gasiro merogã wiri añire erã iidoreranu áricũ erã igugãre Jesu waïyeñorã. Jesure ne igo bocaboro core anyupu “Jesu waïyeque igure,” arï werepupu. Eropirã igugãre Jesu waïyeñorã.
²² Goãmu doreri Moise igu werediro dopa ta iimorã, José, María mera Jerusaléngue wañorã. Erogue María porãcura puhru ðago igo dupu árïrore ñhmurã wañorã. Eropa warã erã Jesure aigã wañorã. Igugãre Goãmure “Ígã mu yagu árïbu ãhrimi,” arï ñhmurã warã iññorã.
²³ Ñpa iññorã Goãmu yare erã gojarapu dorero dopa ta. “Árïpehrerã mua porãre ne dehyoarãre Goãmure ñhmuque. ‘Ígã mu yagu árïbu ãhrimi,’ arï ñhmuque,” arï doremuriñumi Goãmu igu yare gojarapugue.
²⁴ Eropa ñhmutuha Goãmu igu dorediro dopa ta mirimagugãre erã asũtuhaja Goãmu wihigue apirã wañorã. Ñpa doreñumi Goãmu igu yare gojarapugue: “Buja borerãre

perã oque Goãmure. O erã maricũ buja borewijiġarãre oque yure umupeomorã,” arĩ doreñumi Goãmũ. Eropirã ĩġũ dorediro dopa iĩñorã Josẽ Mariã mera.

²⁵ Jerusalẽngue Simeon waicũgu arĩpũ. ĩġũ ðagu, Goãmure umupeogu arĩpũ. Goãmũ Israe masare itamuburire coreġũ iipũ. Eropiġũ Simeon Espĩritu Santo ĩġũ mera arĩcũ ðaro pepiġũ arĩpũ.

²⁶ Eropiġũ “Mũ sĩriboro core Goãmũ ĩġũ obeobure Cristore ĩagũca muhũ,” arĩ weremũhtapũ Espĩritu Santo ĩġũre Simeore.

²⁷ Eropiġũ Espĩritu Santo ĩġũre dorecã Goãmũ wihigue ñajaa wapũ. ĩġũ ñajara puhru Jesu pagu sumarã ĩġũgãre aĩ ñajañorã Goãmũ ĩġũ gojarapũ dorera dopa ta iirã.

²⁸ Simeonpũ ĩġũgãre coã aĩ, Goãmure umupeo, “Õhaa,” arĩ ĩġũ mera wereniġuipũ. Õpa arĩpũ ĩġũ Goãmure:

²⁹⁻³² Opũ, dohpague tamerare masare peamegue wabonirãre taubure obeoa muhũ. ĩġũ judio masa arĩbirãre buheġũ mure ðaro masicũ ĩġũcumĩ erãre. Masare taubure Israe masare muhũ apiyoro. Mũ eropa iirare arĩpehrerã masirã, “Israe masare ðaro iimi Goãmũ,” arĩrãcoma masa. ĩġã marire taubu aħrimi. Eropiġũ mũ yure arĩdiro dopa ĩġãre ĩatuhabũ. Eropiġũ dohpaguere ðaro mucubirĩġũ sĩriġuca, arĩpũ Simeon.

³³ Simeon ĩġũgãre arĩrare peerã ĩġũ pagu sumarãpũ pee uca wañorã.

³⁴ Eropiġũ Simeon erãre “Õaro arĩque mua,” arĩġũ ĩġũ Jesu pago Mariãre werepũ: —Goãmũ ĩġãre beyedi arĩmi. ĩġũ eropa beyediġũ arĩcũ judio masa bajarã ĩġũre tarinũgarãcoma. Eropa iirã erã peamegue warãcoma. Eropiġũ judio masare bajarãre taubure beyedi arĩmi Goãmũ ĩġãre. ĩġũ Goãmũ turarire ii ĩhmũġũ ĩġũ arĩquerecũ masa bajarã ĩġũre ñero arĩ wereniġuirãcoma.

³⁵ Erã eropa iicũ ġajirã erã ñero ġuñarire masirãcoma. Eropiġũ muhũ turaro bujaweregoca, arĩðocaritamupũ Simeon Mariãre.

³⁶ Eo Goãmũ yare wereniġuigo Ana waicũgo arĩpũ. Igo Fanuel mago arĩpũ. Aser mũru ya curu majago arĩpũ. Buro gohra arĩpũ. Igo ero coreġue siete bojori dihta igo marapũ mera arĩñiripũ.

³⁷ Eropiġũ ochenta y cuatro bojori gohra wapeweyo arĩmũriipo igo. Eropiġũ mũre, ñami sãre Goãmũ ya arĩburire iibo, ba duhu, Goãmũ mera wereniġui, Goãmũ wihire ne wiriibiripũ.

³⁸ Simeon ĩġũ wereniġuio watope igo erã pohro erago, mucubirigo Goãmure, “Õhaa,” arĩpũ. Eropiġũ Jerusalen majarãre taubure corerãre igo Jesu dehyoarare werepo erã arĩpehrerãre.

Josẽ, Mariã mera Jesu mera Nazaregue dujaañorã daja

³⁹ Goãmũ ĩġũ dorero dopa ta iituhaja, erã ya macague Nazaregue dujaañorã. Galilea yeba arĩyoro iri maca.

⁴⁰ Eropiġũ Jesu ðaro buġa turagu wapũ. Eropiġũ ĩġũ ðaro pee masiġũ arĩpũ. Eropiġũ ĩġũre Goãmũ ðaro iipũ.

Jesu mama mahmũa wahġarĩġũ Goãmũ wihigue buhepũ

⁴¹ Bojori nũcu Jesu pagu sumarã Jerusalẽngue Pascua bosenure ĩarã wamũriñorã.

⁴² Jesu doce bojori ĩġũ opacũ erã ĩidiro dopa ta erã arĩpehrerã Jerusalẽngue wañorã.

⁴³ Eropirã bosenu pehrecũ erã erã ya macague dujaa wañorã daja. Erã eropa dujaaquerecũ ta Jesupu Jerusalẽngue dujacãpũ. ĩġũ pagu sumarã ĩġũ erogue dujarare masibiriñorã.

⁴⁴ “ĩġũ mari mera majarã mera arĩcumĩ,” arĩ pepiriñorã erã. Eropirã erã yujunũ gohra Jesu mariro wañorã mague. Eropirã erã Jesure erã acawererã watope amariñorã.

⁴⁵ Ne bocabiriñorã. Eropirã Jerusalẽngue ĩġũre amarã dujañorã daja.

⁴⁶ Uħrenũ puhru ĩġũre Goãmũ wihigue bocañañorã. Eropirã Jesure judio masare buherã watope bocañorã. ĩġũ erãre pee serẽpi doapũ.

⁴⁷ Erã arĩpehrerã Jesure peerã ðaro masiġũġã ĩġũ arĩcũ ĩarã, erã ĩhamaria wañorã.

⁴⁸ ĩġũ pagu sumarã sã eroguerẽ Jesure ĩarã ĩhamaria wañorã. Eropiġũ ĩġũ pago ĩġũre ðpa arĩpo:

—Mahũ, ĩduhpĩġũ eropa iiarĩ muhũ ġuare? Mũ pagu, yahu, “ĩġũ dederea wañumi,” arĩrã ahmaa ġua mure, arĩpo igo igo magure.

⁴⁹ Igo eroparĩcũ ĩġũ ĩġũ pagu sumarãre werepũ:

—ĩDuhpirã yure ahmarĩ mua? Yũ Pagu yure ĩġũ dorediro dopa ta iĩġũ iiaa. ĩIrĩre masibearĩ mua? arĩpũ ĩġũ.

⁵⁰ ĩġũ eropa arĩquerecũ erã peemasibiriñorã.

⁵¹ I árĩpehreri Ĩgu iirare Marĩapu ðaro guñapo. Eropĩgu Jesu Nazaregue dujaa wapũ. Ĩgu pagu sumarãre ðaro yuhĩgu árĩmurĩpu.

⁵² Eropĩgu Jesu buga, ðaro pee masĩgu wapũ. Eropirã Goãmu masa sã “Õagu àhrimi,” arĩ ãaĩnorã ĩgure.

3

Ñu waĩyeri masu masare Goãmu yare werepu

Mt 3.1-12; Mr 1.1-8; Jn 1.19-28

¹ Irisubure erã tauro opu árĩgu Tiberio waĩcũgu ĩgu opu árĩra puhru quince bojori wayoro. Eropĩgu Poncio Pilato waĩcũgu Judea yeba majarã opu árĩpu. Eropĩgu Herode waĩcũgu Galilea yeba majarã opu árĩpu. Ĩgu pagu magu Felipe Iturea yeba majarã, Traconite majarã sã erã opu árĩpu. Eropĩgu Lisania waĩcũgu Abilinia yeba majarã opu árĩpu.

² Eropirã Ana, Caifa mera pahia oparã árĩĩnorã. Oã árĩpehrerã erã árĩrisubure Ñu Zacaria magu masa marirogue árĩgure Goãmũpu ĩgu ĩgu yare weredorepu.

³ Eropĩgu Jordán waĩcuriya turo árĩri yeba árĩpehrerogue Ñu ðpa arĩ weregu wapũ: —Mua ñeri iirire bujawereque. Dohpaguere ðarire gohrotoque. Eropirã waĩyenirã árĩque. Mua eropa iicũ ĩagu Goãmũ mua ñerire cóãgucumi, arĩ weremurĩpu ĩgu.

⁴ Ñu eropa werenĩguĩgu Isaia iribojegue majagu Goãmũ ya weremuhtadĩgu ĩgu gojadĩro dopa ta iigu ĩpu. Õpa arĩ gojayuĩnũmi Isaia Ñu iiburire:

Masa marirogue werenĩguĩgu gaguĩguĩgu ðpa arĩgucumi: “Mari Opu ĩgu ariburi mare amuro dopa ðarã árĩyuque mua ĩgure peemorã.

⁵ Dipa gobericũrore mari diaye maja maha iidiro dopa ta, mua ñero iirire duhuque.

⁶ Mua eropa iicũ Goãmũ muare peamegue wabonirãre ĩgu taucũ ĩarãca árĩpehreri yeba majarã,” arĩgucumi ĩgu gaguĩguĩgu weregapũ, arĩ gojamurĩnũmi Isaia iribojeguere Ñu ĩgu árĩboro coregue.

⁷ Masa bajarã Ñu pohro erarã ĩgu erãre waĩyecũ gameĩnorã erã. Eropĩgu ĩgu erãre werepu:

—Mua ñero iiricurã àhraa mua. Goãmure “Gua ñeri dipuwaja moabiricãporo,” arĩrã ¿mua yare waĩyedorerã ahriri?

⁸ Ĩgu mua ñero iira dipuwaja moabiricũ ðpa iique mua. Diaye mua ñero iirire bujawererã árĩrã, ðarire gohrotorã árĩrã, ðarire iique mua. “Abrahã mari ñecu murũ árĩmurĩpu. Eropirã mari Goãmũ mera ðatuhajaa,” arĩ pepibiricãque. Muare arĩgu tĩaa. Abrahã pãramerã mua árĩri duhĩburi árĩbeaa. Goãmũpu gamegu i utãyeri mera gajirãre iimasimi Abrahã acawererãre. Eropiro Abrahã acawererã mua árĩri bu gohra ta àhraa.

⁹ Õpa àhraa: Mari masa yucu iro dopa ta àhraa. Goãmũpu come opagu iro dopa ta àhrimi. Eropĩgu ñeri ðucacuri yucure tabe cóã, iri nuguri sãre tabetagucumi. Tabetatuhaja, peamegue cóãgucumi ĩgu iri yucure iri nuguri sãre. Eropa ta iigucumi mua sãre ĩgure gamebirãre, arĩpu Ñu masare.

¹⁰ Ĩgu eroparicũ peerã masapu ĩgure serẽpiĩnorã:

—¿Dohpa iirãcuri gua? arĩĩnorã erã Ñure.

¹¹ —Peñe suhriro opagu suhriro moogure yujuñe oque. Eropirã mua bari oparã gajirã sãre oque, arĩpu Ñu.

¹² Bajamerãgã oparã yare wajasea corerã sã waĩyedorerã eraĩnorã. Eropirã Ñu pohro erarã ĩgure serẽpiĩnorã:

—Buhegu, ¿guapu dohpa iirãcuri? arĩĩnorã.

¹³ —Mua oparã erã doreropẽ ta masare niyerure wajaseaque. Guyari mera aĩnemobita, arĩ yuhĩpu Ñu erãre.

¹⁴ Gajirã surara ĩgure serẽpiĩnorã daja.

—¿Guapu dohpa iirãcuri? arĩĩnorã erã ĩgure daja.

—Masare erã niyerure emabiricãque. Eropirã iri niyerure guya emabiricãque. Mua watarire ĩarã mucubirique, arĩ yuhĩpu Ñu erãre.

¹⁵ Masa Cristore Goãmũ ĩgu obeobure corerã iĩnorã. Eropirã ðpa arĩ pepĩnũgaĩnorã erã Ñure. “Ihĩ Ñupu Cristo árĩbocumi,” arĩ pepĩnũnorã erã.

¹⁶ Erã eropa arĩ pepicũ peegu Ñu árĩpehrerãre werepu:

—Yu tauro turagu arĩgucumi. Õatariagu àhrimi ĩgu. Ĩgu iro dopa árĩbeaa yapũ. Eropĩgu ĩgure pepigu, “Yu tamera bu árĩgu àhraa,” arĩ pepia yuhu. Mua ñero iirare bujawererã puhru yapũ muare deco mera waĩyeabu. Ĩgũpu yu tauro iigucumi. Espĩritu

Santore ogucumi masa mera árĩniguibure. Eropigu ĩgu ñerire soewearo dopa ta ĩgu arigupũ mua ñerire coeweagucumi.

¹⁷ Yũ puhũ arigu trigo gasirire cóãgu iro dopa áhrimi. Gasiri cóãgu ĩgu ya sihburu mera árĩpehreri trigo yeri gasirire suha weami. Eropo suha weara puhũ trigo yeri gohrapũre ĩgu diburi wihigue apigucumi. ĩgu suha weara gasiripũre ĩgu soegucumi. Eropo ii beyegucumi yũ puhũ arigu. Ōarire gohrotonirãpũre ĩgu mera árĩnigucũ iigucumi. Erã ñero iirare bujawerebirãpũre peamegue yaribiriri peamegue cóãgucumi, arĩ werepũ Ñũ.

¹⁸ Bajarãre ĩgu eropa arĩ wereri mera masare ðari buherire werepũ Ñũ.

¹⁹ Eropigu opu Herodepu ĩgu pagu magu Felipe marapore ĩgu emara waja, wuaro ñerire ĩgu iira waja Ñũ ĩgu sãre wereripũ.

²⁰ ĩgu eropa arĩ wrecũ Herodepu Ñũre peresu iipũ dipaturi ñerire iigu daja. Eropo iigu ĩgu ñerire iira dipuwajacũgu árĩnemopũ.

*Ñũ Jesure waĩyepũ
Mt 3.13-17; Mr 1.9-11*

²¹ Ñũre erã peresu iiboro core gajirã masare Ñupũ waĩyegu iipũ. Erãre waĩyegu Jesu sãre waĩyepũ. Eropigu Jesu diague niguigu Goãmũre ĩgu serẽrisubu umusi pãrimaa waya.

²² Eropo pãrimaara puhũ Espĩritu Santo buja iro dopa bejagu Jesu weca دچارipũ. ĩgu دچارicũ umarogue wereniguuro cariyoro:

—Mũhũ yũ magu yũ mahigu áhrraa. Mũ mera ðaro mucubiria, arĩro cariyoro umarogue.

*Jesu ñecũ sũmarã iribojegue majarã árĩñorã
Mr 1.1-17*

²³ Jesu ĩgu buhenũgarasubure treinta bojori opapũ ĩgu. “ĩgu José magu áhrimi,” arĩ pepirĩnorã masa. Josẽpu Elĩ magu árĩñumi.

²⁴ Elĩ Matat magu árĩñumi. Matat Levĩ magu árĩñumi. Levĩ Melqui magu árĩñumi. Melqui Jana magu árĩñumi. Jana José magu árĩñumi.

²⁵ José Matatĩas magu árĩñumi. Matatĩas Amós magu árĩñumi. Amós Nahúm magu árĩñumi. Nahúm Esli magu árĩñumi. Esli Nagai magu árĩñumi.

²⁶ Nagai Maat magu árĩñumi. Maat Matatĩas magu árĩñumi. Matatĩas Semei magu árĩñumi. Semei Josec magu árĩñumi. Josec Judá magu árĩñumi.

²⁷ Judá Joanán magu árĩñumi. Joanán Resa magu árĩñumi. Resa Zorobabe magu árĩñumi. Zorobabe Salatĩe magu árĩñumi. Salatĩe Neri magu árĩñumi.

²⁸ Neri Melqui magu árĩñumi. Melqui Adi magu árĩñumi. Adi Cosam magu árĩñumi. Cosam Elmadam magu árĩñumi. Elmadam Er magu árĩñumi.

²⁹ Er Josuẽ magu árĩñumi. Josuẽ Eliezer magu árĩñumi. Eliezer Jorim magu árĩñumi. Jorim Matat magu árĩñumi.

³⁰ Matat Levĩ magu árĩñumi. Levĩ Simeón magu árĩñumi. Simeón Judá magu árĩñumi. Judá José magu árĩñumi. José Jonam magu árĩñumi. Jonam Eliaquim magu árĩñumi.

³¹ Eliaquim Melea magu árĩñumi. Melea Mena magu árĩñumi. Mena Matata magu árĩñumi. Matata Natán magu árĩñumi.

³² Natán Davi magu árĩñumi. Davi Isai magu árĩñumi. Isai Obed magu árĩñumi. Obed Booz magu árĩñumi. Booz Salmón magu árĩñumi. Salmón Naasón magu árĩñumi.

³³ Naasón Aminadab magu árĩñumi. Aminadab Admin magu árĩñumi. Admin Arni magu árĩñumi. Arni Esrom magu árĩñumi. Esrom Fares magu árĩñumi. Fares Judá magu árĩñumi.

³⁴ Judá Jacobo magu árĩñumi. Jacobo Isaa magu árĩñumi. Isaa Abrahã magu árĩñumi. Abrahã Tarẽ magu árĩñumi. Tarẽ Nacor magu árĩñumi.

³⁵ Nacor Serug magu árĩñumi. Serug Ragau magu árĩñumi. Ragau Peleg magu árĩñumi. Peleg Heber magu árĩñumi. Heber Sala magu árĩñumi.

³⁶ Sala Caina magu árĩñumi. Caina Arfaxad magu árĩñumi. Arfaxad Sem magu árĩñumi. Sem Noẽ magu árĩñumi. Noẽ Lame magu árĩñumi.

³⁷ Lame Matusalem magu árĩñumi. Matusalem Enoco magu árĩñumi. Enoco Jared magu árĩñumi. Jared Mahalaleel magu árĩñumi. Mahalaleel Caina magu árĩñumi.

³⁸ Caina Eno magu árĩñumi. Eno Sete magu árĩñumi. Sete Adán magu árĩñumi. Adán Goãmũ iidigu árĩñumi.

4

*Watī ñerire iidoreripū Jesure**Mt 4.1-11; Mr 1.12-13*

¹ Jesu Espiritu Santo ĩgu dorero dopa ta iipehogu árĭgu, ĩgu Jordán waicuriyague buharapū. ĩgu eropa buharacū Espiritu Santopū ĩgure masa marirogue wadorepū.

² Eroque eĭagu cuarenta ñuri gohra árĭpū. Eropigū watĭpū Jesure ñerire iicū gameripū. Eropigū ñerire iidoreripū ĩgure. Irinurire ne Jesu babiripū. Eropigū irinuri pehrero gohra ĩgu oaboapū.

³ ĩgu eropa oaboacū ĩagu watĭ ōpa arĭpū Jesure:

—Muhū Goāmū magū árĭgu ōpa ĩhmuque. Iyere utāyere bari poyacū iique, arĭripū Jesure.

⁴ ĩgu eroparĭcū peegu Jesu gamebiripū. Ōpa arĭ yūhrĭpū:

—Goāmū yare erā gojarapū ōpa āhraa: “Masare bari mera dihta ojocaribiro gahmea. Árĭpehreri Goāmū ya ĩgu ya wereniguiuri mera sāre árĭro gahmea,” arĭmi Goāmū, arĭpū Jesu watĭre.

⁵ ĩgu eropa arĭra pūhrū watĭpū ĩgure utāgu wecague aĭ mūriagu merogā pūhrū ĩgu árĭpehreri macari majare Jesure ĩhmu purumujupū.

⁶ Eropa ĩhmugū ōpa Jesure arĭpū:

—Árĭpehreri i macari ĩgu yure ora āhraa. Eropigū yū gamegure omasia. Eropigū i macarire, i macari majarā doreri sāre, erā opari mera mure ogura.

⁷ Yure “Muhū yū opū āhraa,” arĭ umupeoque. Mū eroparĭcū i macarire árĭpehreri macarire mure ogura, arĭ wereripū watĭ Jesure.

⁸ Jesu ōpa arĭ yūhrĭpū ĩgure:

—Mure umupeobeaa. Ōpa āhraa Goāmū yare erā gojarapū: “Mū Opū Goāmū dihtare umupeoque. ĩgu ya doreri dihtare iique,” arĭ gojañuma Goāmū yare, arĭpū Jesu watĭre.

⁹⁻¹¹ ĩgu eropa arĭra pūhrū Jerusaléngue watĭpū ĩgure aĭgāpū. Eroque eja Goāmū wihi wecague aĭ mūrijapū ĩgure. Aĭ ejatuhaja ĩgure ōpa arĭripū:

—¿Diaye ta Goāmū magū gohra ta āhriri muhū? Goāmū yare erā gojarapū ōpa āhraa: Goāmū ĩgu yarā anyuare mure ĩhadibudoregucumi. Eropirā erāpū mure ĩhadiburācoma mūgue utāye weca mehbejari arĭrā, arĭ gojañuma Goāmū yare erā gojarapū.

Erā mure eropa ĩhadibumorā árĭcū muhū Goāmū magū ta árĭgu ōgue buhrimaa dija ĩhmuque yare. Mure erā itamucū ĩhmuñata yare, arĭripū watĭ Jesure.

¹² ĩgu eroparĭcū peegu gamebiripū Jesu. Ōpa arĭ yūhrĭpū ĩgure:

—Goāmū yare erā gojarapū ōpa āhraa: “Mū opū Goāmū ĩgu arĭrare, ‘¿Diaye ta āhriri?’ arĭ masidiarā, Goāmure ii ĩhmodoremaabiricāque,” āhraa Goāmū yare erā gojarapū, arĭpū Jesu watĭre.

¹³ Eropigū watĭ árĭpehreri ñerire Jesure iidoreripū. Jesu ĩgu gamebiricū ĩagu ĩgure merogā duhupū.

*Galilea yeba Jesu buhenugapū**Mr 4.12-17; Mt 1.14-15*

¹⁴ Pūhrū Jesu Galileague dujaa wapū. Eropigū ĩgu Espiritu Santo turari mera iipū. ĩgu eropiicū ĩarā ero árĭpehrero majarā masa ĩgu iira quere peeñorā.

¹⁵ Judio masa buheri wiri Jesu sā buhemaripū. Eropirā árĭpehrerā masa ĩgure ōaro wereniguiñorā.

*Nazare majarā Jesure ne umupeobiriñorā**Mt 13.53-58; Mr 6.1-6*

¹⁶⁻¹⁷ Pūhrū Nazaregue Jesu ĩgu bugadoirogue ta eĭapū. Eroque eja, Sabado árĭcū ĩgu eropa iinigiuro dopa ta ĩgu judio masa erā buheri wihigue ñajajapū. Ero ĩgu Goāmū yare erā gojarapūre buhediagu niguiipū. ĩgu eropa niguiicū ĩarā ero majarāpū Goāmū yare weremuhtadigu Isaia ĩgu gojarapūre ĩgure oñorā. Iripūre Jesu i wererire bocagu buhepū:

¹⁸ Goāmū Espiritu Santo yū mera árĭgu yure doremi. ĩgu mojomorocurāre ōari buherire weredoregu obeomi yure. Eropigū ñero siporācurāre ōaro mucubiricū iidoregu yure obeomi. Eropigū peresugue árĭrā sāre erāre ĩgu tauborore weredoregu obeomi yure. Cuirĭ ĩhajabirā erā ōaro ĩhajaburire, gajirā erā ñero iibirarāre wiubure yure obeomi.

¹⁹ “Mari Opū ĩgu yarāre peamegue wabonirāre ĩgu tauburinuri āhraa,” yure weredoregu obeomi, arĭ buhepū Jesu.

²⁰ Eropa buhetuha Jesu iripüre bihacã, wihi majaräre wiatuha, doapu. Īgu doacũ ĩarã ero árĭpehrerã ĩgure ĩhanurãñorã.

²¹ Erã eropa iicũ ĩgu erãre werenũgapu:

—I dohparagã ta yu buhediro dopa Goãmu ĩgu arĩdiro dopa sihajaro iiaa, arĩpu Jesu.

²² ĩgu eropa wereniguicũ peerã “Ĩhi ðagu ãhrimi,” arĩ pepiñorã. Eropirã erã ĩgu ðaro wereniguirire peerã uca wañorã. Eropirã ðpa arĩñorã erã erã basi:

—Cuenã, ¿Josẽ magu árĭbeari ĩhĩ? arĩñorã erã erã basi.

²³ Erã eroparicũ masigu Jesu werepu erãre:

—Iribojegue majarã erã eropa wereniguidiro dopa ta mua sã yure ðpa arĩdiarã ãhraa: “Mũhu duhturu árĭgu mu basi ocoyeque mũhu duhturu árĩrĩre ii ĩhmuboro dopa ta. Mũhu Goãmu ĩgu obeodigu árĭgu mu basi ĩgu turari mera ii ĩhmuque guare. Capernaumguere Goãmu turari mera ii ĩhmuayoro mũhu. Ohõ mu ya macague sãre guare ii ĩhmuque. Diaye ta mu Goãmu ĩgu obeodigu árĩrĩre gua masiboro dopa ii ĩhmuque,” arĩdiaa mua yure.

²⁴ Ire weregura maare. Goãmu ya weremuhtagure ĩgu ya yeba majarã umupeobeama. Eropirã yure umupeobeaa mua ohõ yu bugadigu árĩquerecũ.

²⁵ Eropigu diaye arĩgu iiaa maare. Iribojegue majarã sãre Goãmu ya weremuhtanirãre erã ya yeba majarã erãre umupeobiriñuma. Eropiro Elia Goãmu yare weremuhtadigu ĩgu árĩrasubure uñre bojori gaji bojori deco gohra ne deco aribiriyoro. Eropiro árĭpehrerogue sãre ne bari mariyoro. Irisubure ĩgu ya yeba majarã Israe majarã bajarã wapeweyarã árĩquerecũ ta Goãmu erãre Eliare itamudoregu obeobiriñumi.

²⁶ ĩgu ya yeba majarãre itamudorebiriqueregu gaji yeba Sidón yeba árĩri maca Sarepta waĩcũri maca majagore itamudoregu Eliare obeoñumi Goãmu.

²⁷ Pũhrũ Goãmu ya weremuhtadigu Eliseo ĩgu ĩgu árĩrisubure Israe yebague bajarã cami boarã erã árĩquerecũ ta ne yujugu Israe majagure ĩgu ya yeba majagure ðagu iibiriñumi Eliseo. ĩgu ya yeba majagure ðaro iibigu ta gaji yeba majagu Naamán Siria majagu dihtare ðagu iñũmi ĩgu. Eropigu judio masa erã umupeobirira waja, judio masa árĩbirã dihtare itamuñumi Goãmu, arĩpu Jesu erãre.

²⁸ ĩgu eroparicũ peerã árĭpehrerã iri wihi árĩrã guataria wañorã.

²⁹ Eropirã erã wahgãñugaja Jesure tara wiria, iri maca tũro árĩri tuhrugue ĩgure tumedijudiarĩñorã.

³⁰ Erã eropa iidiaquerecũ ta Jesu erã watope waha wapũ.

Watĩ ñajasũdigũ Jesure bocatĩripũ

Mr 1.21-28

³¹ Pũhrũ Jesu Galilea yeba árĩri macague Capernaum waĩcũri macague eja, Sabado árĩcũ masare buhepu.

³² ĩgu opu iro dopa ta ĩgu buhecũ peerã masa uca wañorã.

³³ Iri wihi watĩ ñajasũdigũ árĭgu turaro gaguiniguipũ:

³⁴ —Mũhu Jesu Nazare majagu guare garibobita mũhu. ¿Dohpa iibu iiri guare? ¿Mũhu guare dederecũ iibu iiri? Yũhu masia Goãmu magu mu ðagu árĩrĩre, arĩ gaguiniguipũ Jesure.

³⁵ ĩgu eroparicũ peeegu Jesu turipu watĩre:

—Ejarimaricãque. Duhuque ĩgure, arĩpu Jesu.

Īgu eropa arĩra pũhrũ watĩpu masure yebague mehmereja tũrucũ iipu. ĩgu eropa iira pũhrũ wiria wapũ. ĩgu masupu ðagu dujapu.

³⁶ Ero árĩrã árĭpehrerã ĩgu eropa wacũ ĩha uca wañorã. Eropirã erã basi ðpa arĩ wereniguĩñorã:

—¿Neheno buheri ãhriri i ðpa wacũ iiri? Turaro mera opu iro dopa ta ĩhĩ watĩ ñajasũdigure taumi. Eropirã erã watẽa ĩgu dorero dopa ta masare duhuma, arĩ wereniguĩñorã erã erã basi.

³⁷ ĩgu eropa iicũ ĩarã iri yeba árĭpehrerogue masa Jesu ĩgu eropa iirare weresiriñorã.

Jesu Simo Pedro muñecore ðago iipu

Mr 8.14-15; Mr 1.29-31

³⁸ Judio masa buheri wihire wiria, Simo ya wihigue ñajajapu Jesu. Ero Simo muñeco dorecũgo iipo. Turaro nimacũri árĩyoro. Eropirã erã igo dorecũcũ wereñorã Jesure.

³⁹ Erã werera pũhrũ ĩgu igo pohro eja, nimacũrĩre taridorepu. ĩgu eropa taridorera pũhrũ igore nimacũri tahria wayoro. Mata ðago wapo. Igo eropa wago wahgã doaja, igo ta erãre barire ejopo.

Bajarã dorecurãre ðarã iipũ Jesu

Mr 8.16-17; Mr 1.32-34

⁴⁰ Abe ñajara pũhrũ árĩpehrerã masa ïgu pohro arirã dorecurãre Jesu pohrogue aĩ ejañorã. Dorecurã baja gajiropa árĩri dorere opañorã. Eropigu Jesu ïgu mojotori mera erã weca ñapeo, árĩpehrerãre erã dorere ðaro taricũ iipũ.

⁴¹ Watẽa ñajasũnirã sãre Jesu watẽare wiriadorepũ. Erã wiricũ ðpa arĩ gaguiniguĩñorã:

—Mũhũ diaye ta Goãmũ magũ ãhraa, arĩñorã erã Jesure.

Jesu Goãmũ ïgu obeodigu ïgu Cristo árĩcũ watẽa ïgure masiñorã. Eropigu Jesu irire gajirãre werenidorebiripũ.

Galilea yeba buhepũ Jesu

Mr 1.35-39

⁴² Boyomũrĩricũ Jesu iri maca árĩdigũ waha, masa marirogue ejaipũ. ïgu eropiicũ ïarã masa ïgure ahma, bocajarã, ðpa arĩñorã:

—Gua ya maca dujaque. Wabita, arĩñorã erã Jesure.

⁴³ Erã eropa arĩquerecũ ta ïgũpũ erãre ðpa yũhrĩpũ:
—Goãmũ ïgu opũ árĩrĩre ðari buherire gaji macari sãre buhedaa yũhũ. Goãmũ yũre obeomi irire werebure, arĩpũ Jesu erãre.

⁴⁴ Eropigu Galilea yeba maja wiri, judio masa buheri wirigũ ïgu buhe curipũ.

5

Jesu ïgu buherãre bajarã waire bocacũ iipũ

Mt 4.18-22; Mr 1.16-20

¹ Gajĩnũ Jesu Genesare waĩcuri ditaru tũrogue ejaipũ. Ero ïgu árĩcũ ïarã bajarã masa Goãmũ yare peediarã ïgure nũrusia ejañorã. ðaro ujutari nũgajañorã masa bajarã.

² Peeru gasiru imiporo payari gasire Jesu ïapũ. Iri gasi majarã wai wejẽnirã majanũgaja, erã wejẽdi yucũre coerã iĩñorã.

³ Eropigu Jesu Simo yarugue ñajapũ. Ñajatuha iriru dohodirure dia tũro taramujupidorepũ. Eropigu dohodirugue doa, masare buhebeo doapũ.

⁴ Buhetuha, Jesu Simore ðpa arĩpũ:

—Deco ñari sĩwĩuque. Eropirã mũhũ, mũ wapi mera mũa wejẽdi yucũre mehyuque wai ñeamorã, arĩpũ Jesu.

⁵ ïgu eroparĩcũ peegu Simo Jesure yũhrĩpũ:

—Opũ, wai wejẽbutahmuarabũ gua dohpagã ñamire. Eropiiquererã ta waire wejẽbiraca gua. Eropa wejẽbiriquererã ta mũ dorero dopa ta mehyu ïarãra, arĩ yũhrĩpũ Simo.

⁶ Eropa arĩtuha erã mehyuñorã. Erã eropa mehyucũ irigu wejẽdigũre bajarã wai ñajañorã. Bajarã erã ñajacũ wejẽdigũ yehguea wariyoro.

⁷ Eropa wacũ ïarã erã gajiru majarã erã mera majarãre sihubeoñorã.

—Mũa sã itamuque gũare, arĩ sihubeoñorã Simo sã.

Erã eropa itamura pũhrũ peeru gasiru ðaro miriparo bocañorã waire.

⁸ Simo Pedro eropa wai bajarã ñajacũ ïagũ, Jesu pohro mereja, ïgure wererũ:

—Yũ opũ, mũ mera árĩbogũ árĩbeaa yũhũ. Ñegu ãhraa. Eropigu yare duhuque, arĩpũ Simo Jesure.

⁹ ïgu árĩpehrerã ïgu mera majarã sã wai bajarã ñajacũ ïarã, uca wañorã erã sã.

¹⁰ Perã Simo mera majarã Zebedeo porã Santiago ïgu pagũ magũ Ñũ mera, erã sã ïha uca wañorã. Eropa uacacũ ïagũ Jesu Simo Pedore wererũ:

—Gũibita. Dõhpaguere waire ñeha gameneogũ mũ árĩro dopa ta Goãmũ yarã árĩmorãre sihu gameneogũ árĩgũca mũhũ, arĩpũ Jesu Simore.

¹¹ ïgu eropa arĩra pũhrũ erã erã gasire imiporo taramujupicã, erã ya árĩpehrerire ero ta apicã, Jesu mera waha wañorã.

Jesu camĩ boagũre ðagũ wasũ iipũ

Mt 8.1-4; Mr 1.40-45

¹² Jesu gaji maca ïgu árĩcũ camĩ boagũ ïgu pohrogue erapũ. Eropigu ïgu Jesure ïagũ mereja turaro serẽpũ:

—Opũ, mũhũ yũre ðagũ iidiagũ yũre ðagũ iimasia mũhũ, arĩ serẽpũ.

¹³ ïgu eropa arĩra pũhrũ Jesu ïgũre mohmerĩñagũ ðpa arĩpũ:

—Irire iidiaa. Dõhpaguere ðagũ árĩque mũhũ, arĩpũ.

ïgu eroparĩcũ ta ïgu camĩ boara mũra yaria wayoro.

¹⁴ Eropigu Jesu ĩgure dorepu:

—I yu mre õpa iirare gajirãre ne werebericãque. Mu ya dupure ðarare pahire ĩhmuõu waque, “Õaro ãhrimi,” arĩdoreõu. Tuhajanugu Moiserẽ Goãmu ĩgu apidiro dopa ta iique. Eropigu Goãmu wihigue mirimagure asũwahgã apique mu dore tarirare masa arĩpehrerã masimaja ðaro, arĩpu Jesu camĩ boadigure.

¹⁵ “Werebita,” ĩgu arĩquerecũ ta arĩpehrerogue masa ĩgu iirare weresiripehoñorã. Erã eropa quere peerã masa bajarã Jesu pohrogue ejañorã. Dorecurã ðarã wadiarã erã sã ĩgu pohrogue ejañorã.

¹⁶ Erã eropa ejaquerecũ ta Jesu masa marirogue Goãmu ĩgu Pagure serẽõu waha wapũ.

Jesu dupũ buhadigure õagu wacũ ĩpu

Mt 9.1-8; Mr 2.1-12

¹⁷ Gajĩnu Jesu ĩgu buhecũ fariseo masa, judio masare buherã sã ero doañorã. Erã arĩpehrerã Galilea macari majarã, Judea macari majarã, Jerusalẽn majarã arĩñorã. Eropigu Jesu Goãmu turari mera dorecurãre ðarã ĩpu.

¹⁸ Irisubu bajamerãgã ũma dupũ buhadigure oyariñe mera coã erañorã. Eropirã ĩgure Jesu pohro apidiarã, wihigue aĩ ñajariñorã erã ĩgure.

¹⁹ Eropa ñajadiaquererã masa bajarã arĩcũ erã ĩgure aĩ ñaja masibiriñorã. Eropirã ĩgure wihi wecague aĩ murija, miri gobe aĩ wea iri gobegue dupũ buhadigure oyariñe mera pihri dijuñorã Jesu pohro arĩrã watope.

²⁰ “Jesu ihĩ ĩgu dorecurire taricũ iigucumi,” arĩ pepiñorã erã. Erã eroparĩ pepicũ masigu Jesupu dorecugure õpa arĩ werepu:

—Mahõu, mu ñero iirare yũhu coãtuhabu, arĩpu dupũ buhadire Jesu.

²¹ ĩgu eroparicũ peerã fariseo masa, judio masare buherã sã erã basi õpa arĩ pepiriñorã: “Ihĩ eropa arĩ wereniguirĩ mera Goãmure ñero arĩõu iimi. ĩgu masu mari iro dopa arĩõu ĩgu masa erã ñerire coãmasibeami. Goãmu dihta masa erã ñeri iirire coãmasimi,” arĩ pepiriñorã erã.

²² Jesu erã pepirire masigu õpa arĩpu:

—¿Duhpirã eropa arĩ pepiri mua?

²³ “Mu ñeri iirire yũ coãtuha,” yũ aricũ, “Guyagu ãhrimi,” yũre arãa mua masibiriquererã ta. “Wahgãnuõgajaque. Curique,” yũ aricũ yũ arĩra diaye arĩri aricũ mata masirãca mua.

²⁴ Yũhu masu Goãmu ĩgu obeodigu i yeba majarã erã ñeri iirire coãmasia yũhu. Mua ire masiboro dopa õpa ta ĩgu wahgãnuõgacũ ĩgura, arĩpu Jesu.

Eropa arĩtuha dupũ buhadigure õpa arĩpu:

—Mre arĩõu iiaa. Wahgãnuõgajaque. Mu oyarañere aĩõãque. Mu ya wihigue waque, arĩpu ĩgure.

²⁵ ĩgu eroparicũ ta mata arĩpehrerã erã ĩhuro wahgãnuõgaja, ĩgu oyarañere aĩ ĩgu ya wihigue waha wapũ. Eropa wagu ĩgu Goãmure umupeõõu mucubiriri mera ðaro wereniguiõu.

²⁶ ĩgu eropiicũ ĩarã masapu arĩpehrerã ĩha ũca wañorã. Goãmure umupeorã mucubiriri mera ðaro wereniguiñorã:

—Dohpagãre gajiropa arĩrĩre ĩabu gũa, arĩñorã erã.

Jesu Levĩre siõupu

Mt 9.9-13; Mr 2.13-17

²⁷ Eropiõtuha waha, Levĩ waicugure ĩgu mohmeri taribugue ĩgu arĩõure bocajapu Jesu. Levĩõu oparã ya arĩburire masare wajasea coreõu arĩpu. Eropa bocajagu ĩgure õpa arĩpu:

—Yu mera majagu arĩbu arique, arĩpu ĩgu Levĩre.

²⁸ ĩgu eroparicũ Levĩõu arĩpehreri ĩgu mohmerare duhucã, Jesu mera waha wapũ.

²⁹ Pũhrũ Levĩ ya wihi Jesu ya arĩburire bosenu iirã iĩñorã. Ero bajarã wajasea corerã, gajirã Levĩ sã mera ba doañorã.

³⁰ Erã mera Jesu ĩgu doacũ ĩarã bajamerãgã fariseo masa, judio masare buherã mera gũa ũrugã Jesu buherãre arĩ ðayasoñorã:

—¿Duhpirã ñero iirã wajasea corerã mera bahari mua? arĩ turiñorã erã.

³¹ Erã eroparicũ peegu Jesu yũhrĩõu erãre.

—Dorecubirã duhturure amabeama. Dorecurã dihta duhturure ahmama. Dorecurã duhturu amaro dopa ta “Ñerã ãhraa,” arĩrã yũre amarãcoma.

³² Eropigu “Ñerã ãhraa,” arĩrã dihtare erã ñero iirare bujaweredore, õarĩõure gohrotocũ ĩgu arĩbu yũhu. Erã basi “Õarã ãhraa gũa,” arĩ pepirãre itamugũ arĩbirĩbu yũhu, arĩpu Jesu.

Ba duhurire Jesure serēpiñorā gajirā

Mt 9.14-17; Mr 2.18-22

³³ Eropirā bajamerā masa Jesure ōpa arī serēpiñorā:

—Ū buherā bajasuburi Goāmū ya árīburire iimorā ba duhuma. Eropi erā bajasuburi Goāmū mera wereniguima. Fariseo buherā sã erā iro dopa ta iima. ¿Duhpirā mū buherāpū Goāmū ya árīburire ba duhubeari erā? arīñorā erā Jesure.

³⁴ Erā eroparicū Jesu erāre ōpa arī yuhripū.

—Ōpa āhraa iri: Mojoto diridigu ĩgu bosenu iicū ĩgu mera majarā bujawererā ba duhunirā árībeama. ĩgu mera árīrā mucubiriri mera barā iima. Eropa ta yū buherā sã yū mera árīrā ba duhumasibeama.

³⁵ Yujunū yare Goāmū aicāgucumi. Eropa ĩgu aĩra puhru yū buherā mera árīsome yuhū. Irisubugue ta yū buherā ba duhurācoma, arīpū Jesu.

³⁶ Iribojegue maja buheri mama buheri mera erā buhemoresūdiacū ĩagu ōpa arī werenemopū Jesu erāre.

—Ne mama suhrirore miri gasirogā yehgue aĩ, murañe suhrirore seretuma masiya mara. Mari eropa seretura puhru mama gasirore mari coecū, mura gasiro arīro tara gameneo yehgueacū iiaa. Eropirā mura buheri mama buheri mera wapimoa buhebircāro gahmea.

³⁷ Eropirā ne igui decore imisĩri decore waibuga gasiro ajurore, mura ajurore diyebircāro gahmea. Eropa iicū igui deco pahmuro mura ajurore yehgue dija waha. Iri ajuro yehguecū igui deco iri ajuro sã cohmoa waha.

³⁸ Eropirā igui deco mama decore mama ajuro mera diyero gahmea. Eropa ta mama buheri mura buheri mera buhebircāro gahmea.

³⁹ Vino deco mura decore masa erā ihrira puhru mama decore gamebeama erā. Ōpa arīma masa. “Vino mura deco mama decore ōatarinūga,” arīma masa, arīpū Jesu erāre.

6

Sabado árīcū Jesu buherā trigo pororire turīñorā

Mt 12.1-8; Mr 2.23-28

¹ Gajinū Sabado árīcū Jesu ĩgu buherā sã trigo pohegue ĩha tariañorā. Eroque tariarā, ĩgu buherāpū trigo pororire turī, gasiri cohro bañorā iriyerire.

² Erā eropa iicū ĩarā bajamerāgā fariseo masa erāre serēpiñorā:

—¿Duhpirā mū Sabado mari soorinū árīquerecū ta mohmeri? Mari dorerire tarinugarā iiaa, arīñorā fariseo masa.

Erā eroparicū peegu Jesupū “Yū buherā iri dorerire tarinugarā iibeama,” arīgu ōpa arīpū erāre:

³⁻⁴ —Iribojegue Davi ĩgu mera majarā mera oaboagu Goāmū wihigue ñaja, iri wihi árīri panre bapū. Eropa bagu ĩgu mera majarā sãre badoregu iri panre ōpū. Iri pan pahia dihtare badorera árīriyoro. Goāmū doreri iri panre gajirāre badorebiriyo. ¿Davi irire ĩgu eropa iirare Goāmū yare erā gojarapūgue buhebirari mūa? Davi i panre bagu Goāmūre tarinugarā iibiriñumi. Dohpagāre yū buherā sã i trigo yerire turī barā Goāmūre tarinugarā iibeama.

⁵ Yuhū masu Goāmū ĩgu obeodigu inonū soorinū sãre masa erā iiburire doremasia, arīpū Jesu.

Mojoto buhadigu ōagu wapu

Mt 12.9-14; Mr 3.1-6

⁶ Gajinū Sabado árīcū Jesu judio masa buheri wihigue ñaja buhepu masare. Ero mojoto diayepū buhadigu árīpū.

⁷ Ero árīrā sã bajamerāgā masare buherā, fariseo masa sã Jesure ĩhanurñorā ĩgure weresādiarā. Ōpa arī pepiñorā: “Sabadonū árīcū ĩhĩ masure ōagu iibocumi Jesu. ĩgu eropiicū ‘Mari soorinū Jesu mohmegu iimi,’ arī weresārāra,” ari pepiñorā.

⁸ Jesu erā pepirire masigu, mojoto buhadigure ōpa arīpū:

—Wahgānūgajaque. Ohō arique, arīpū ĩgure.

ĩgu eropa arīra puhru mojoto buhadigupū wahgānūgaja, ero nigupū.

⁹ Eropigu Jesu erāre serēpipū.

—Mūare serēpigura: ¿Mari soorinū árīcū ōarire iicū ōabeari? ¿Ñerire iicūpure ōhari? ¿Soorinū árīcū masure masucū ōhari? ¿Ō soorinū árīcūre masure wejēcūpure ōhari? arīpū Jesu erāre.

¹⁰ Eropa arīgu Jesu erāre ĩhametupeho, mojoto buhadigure ōpa arīpū daja:

—Mũ mojtore sísirãbeoque, arĩpũ ĩgũ.

Īgũ eroparĩcũ ta mojtoto buhadigapũ sísirãbeo, ðari mojtoto wayoro.

¹¹ Īgũ eropa iicũ ĩarã erã ĩgũ mera turaro guañorã.

—¿Dohpa iirãcuri mari ĩre? arĩñorã erã basi.

Jesu ĩgũ buherãre doce gohra ĩgũ apimorãre beyepũ

Mt 10.1-4; Mr 3.13-19

¹² Irinurire Jesu utãgũgue Goãmũre serẽgũ muria wapũ. Erogue árĩgũ, ñamire Goãmũ mera werenĩgui butahmua wapũ.

¹³ Boyorogue ĩgũ buherãre ĩgũ pohro sihubeopũ. Sihubeotuha erã mera majarãre doce gohra ĩgũ apimorãre beyepũ.

¹⁴ Oã arĩñorã Jesu ĩgũ beyenirã: Simore Jesu Pedro piyudigũ, Simo pagũ magũ Andre, Santiago, Ñu, Felipe, Bartolomé,

¹⁵ Mateo, Toma, Santiago arĩñorã. Santiagopũ Alfeo magũ árĩpũ. Eropirã Simo celote ya curu majagu árĩgũ,

¹⁶ Juda Santiago pagũ magũ sã, Juda Iscariote sã arĩñorã ĩgũ beyenirã. Juda Iscariotepũ Jesure ĩhaturirãre ĩhmubu árĩpũ.

Jesu bajarã masare buhepũ

Mr 4.23-25

¹⁷ Eropii Jesu ĩgũ buherã mera utãgũ weca árĩnirã dijariçã, bajarã gajirã ĩgũ buherã mera ðari pũgũ nĩguiñorã erã. Gajirã masa sã bajarã arĩñorã. Erã árĩpehrero Judea yeba macari majarã, Jerusalén majarã, Tiro waĩcuri maca majarã, Sidón waĩcuri maca majarã, wũariya tũro árĩri macari majarã ĩgũ pohrogue eranirã arĩñorã.

¹⁸ Erã Jesu buherire peerã erarã, erã dorecurire taudorerã erarã arĩñorã. Watẽa ñajasũnirã sã ĩgũ pohrogue eraa, ðarã wañorã.

¹⁹ Jesu ĩgũ turari mera ðarã wacũ ĩipũ erãre. Eropirã erã árĩpehrerã ĩgũre mohmepiñarã erañorã.

Jesu mucubirire, bujawereri sãre buhepũ

Mt 5.1-12

²⁰ Pũhrũ Jesu ĩgũ buherãre ĩha, werepũ:

—Mũa mojomorocũrãpũ Goãmũ ĩgũ opũ árĩroguere warãca mũa. Eropirã mũa mucubirirãca.

²¹ “Dohpaguere mũa oaboarãpũ yapirã árĩrãca. Eropirã mucubirirãca.

“Mũa dohpaguere bujawere orerãpũ mucubirimorã ãhraa. Eropirã pũhrũguere ĩayerãca. Eropirã mucubirirãca.

²² “Yũhu masũ Goãmũ ĩgũ obeodigu ãhraa. Eropirã yaha árĩburire mũa iiri dipuwaja gajirã mũare ĩhaturicũ mũapũ mucubirirãca. Mũare erã cóacũ sãre mucubirirãca. Mũare erã ñero werenĩguiquerecũ ta, “Ñerã ãhrima,” mũare arĩquerecũ ta mũapũ mucubirirãca.

²³ Mũare erã eropa iinirãre umarogue mũa ejaçũgue Goãmũ mũare wũaro ðaro ĩgũcumĩ. Eropirã turaro mucubirirã árĩque. Õaro siporãcarã árĩque. Mũare ĩhaturirã ta erã acawererã mũra iribojegue majarã eropa ta ñero ĩimũriñuma Goãmũ yare weremuhtanirãre.

²⁴ “Eropirã mũa dohpaguere baja oparãpũ i yebaguere mũa ðaro árĩtuhabũ. Eropirã ñero tarirã árĩrãca mũa.

²⁵ “Dohpaguere yapirãpũ mũa oaboarãca. Mũa eropa árĩrã ñero tarirãca.

“Dohpaguere mũa mucubirirã árĩrãpũ pũhrũguere bujawere orerãca. Eropirã ñero tarirãca.

²⁶ “Goãmũ yare weremuhtarã ãhraa,” arĩ gũyarãre “Õarã ãhrima,” arĩriñuma bajarã iribojegue majarã. Mũa mera majarãre eropa ta “Õarã ãhrima,” arĩbocoma masa. Eropa arĩnirã árĩrãpũ ñero tarirãca mũa sã, arĩ buhepũ Jesu.

Mũare ĩhaturirã erã árĩquerecũ erã sãre mahique

Mt 5.38-48; 7.12

²⁷ Eropigũ ðpa arĩ buhenemopũ Jesu:

—Yũre peediarãre, mũare arĩgũ tĩiaa. Mũare ĩhaturirã erã árĩquerecũ erã sãre mahique. Mũare ĩhaturirãre ðaro ĩique.

²⁸ Mũare ñero árĩdorera erã árĩquerecũ ta ðadoreque erãre. Mũare ñero iirã erã árĩquerecũ ta, “Erã sã ðaro árĩporo,” arĩ serẽbasaque Goãmũre.

²⁹ Yujugu mũa wayuporã pacũ, “Gajipũ sãre padiagu paque,” arĩque ĩgũre. Mũa weca majãne suhrĩrore ĩgũ emacũ mũa camisa sãre ocãque ĩgũre.

³⁰ Mũare serēgure ĩgu serēropē ta oque ĩgure. Mũa yare ĩgu aĩcũ ĩgure dipaturi serēpibita irire.

³¹ Gajirã mũare ðaro iicũ gahmea mũa. Erãre mũa ðaro iicũ gamero dopa ta ðaro iique erã sãre. Erã ðaro iibiriqurerẽ ta mũapũ erãre ðaro iique.

³² “Mũare umupeorã dihtare mũa umupeocũ iri ne duhpihuri áribeaa. Ñerã sã eropa ta iima.

³³ Eropirã mũare ðaro iinirã dihtare mũa ðaro iicũ iri sã ne duhpihuri áribeaa. Irire ñerã sã iima.

³⁴ Eropiro gajirãre wayurã “Yũre wiaque,” arĩcũ mũa wayuri sã ne iri duhpihuri áribeaa. Ñerã sã gajirãre wayurã ero pũhru wiapehodorerã ohoma.

³⁵ Eropirã mũapũ mũare ĩhaturirãre mahi umupeoque. Eropirã erãre ðaro iique. Eropirã mũa yare mahibirã ta wayuque erãre. Mũa eropa iicũ Goãmũ mũare ðaro iigucumi. Goãmũpũ ĩgure umupeobirã sãre, ñerã sãre ðaro iimi. Eropa ta iique mũa sã. Mũa eropa iirã wũaro wajatarãca. Eropirã Goãmũ turatarigu umaro majagu porã árirãca.

³⁶ Mari Pagu umaro majagu ĩgu mojomoro ĩadiro dopa ta mũa sã masare mojomoro ĩaque.

*Gajirãre “Ñerã áhrima,” arĩbiricãque, arĩpũ Jesu
Mt 7.1-5*

³⁷ Eropigũ erãre werenemopũ:

—Gajirãre “Ñerã áhrima,” arĩrã erã iirare werewũabiricãque. Mũa eropa arĩ werewũabiricũ Goãmũ mũa sãre “Ñerã áhrima,” arĩsome. Gajirã mũare erã ñero iirare, erã ñero arĩra sãre cãdijique. Mũa eropa cãdijicũ ĩagu Goãmũ mũa sãre mũa ñero iirare cãdijigucumi.

³⁸ Gajinore oparã gajirãre oque. Mũa eropa ocũ Goãmũ mũare ogucumi. Eropa ogu mũare ðaro queoro wũaro ogucumi. Óaro wajayegucumi. Gajirãre mũa orañepē ta mũa sãre Goãmũ ogucumi, arĩpũ Jesu erãre.

³⁹ Eropa arĩtuha Jesu buhenemogu ðpa arĩpũ werenigui queori mera:

—Cuirĩ ĩhajabirã erã seyaro erã basi game tuagãrã erã perãge ta mehtuha yuriñaja warãcoma gobegue. Eropa ta erã cuirĩ ĩhajabirã iro dopa ta Goãmũ yare masibirã sã gajirãre buhedarima. Eropirã erã erã buherã sã peamegue warãcoma.

⁴⁰ Buherã erãre buhegure masitarĩngabeama. Eropirã arĩpehrerã buherã erãre ðaro buhephora pũhru erãre buhegu iro dopa ta masirãcoma. Eropirã erãre buherã masibirã áribiricãporo, arĩpũ Jesu.

⁴¹ Eropa arĩtuha gajĩ buherĩ mera buhepũ daja:

—Mari werenigui queori mera buhecũ ðpa iirã áhraa mũa: Mũa acaweregu ĩgu cuiruge miri pogañegã mehñajacũ iri pogañegãre ðaro ĩhaa mũa. Mũ yaru cuirupũre wũarĩmijiro áriquerẽcũ irĩmijipũre ne pepibeaa mũa. Eropirã miri pogañegãre mũa ĩaro dopa ta mũa acaweregu ĩgu ñero iiripũre ðaro ĩhaa mũa. Mũapũ mũa ñero iirire turaro iiquererã ta irire eropa pepicãa. ¿Dohpa áriřono eropa áhřiri mũa?

⁴² Ópa arĩ wereniguia mũa acawererãre: “Acaweregu, mũ ñerire iigu iica. Eropigũ iri ñerire duhcãque,” arĩ wereniguia mũa. Eropa ĩgu ñerire duhdorequererã mũapũ iri ñerire iirã duhubea. ¿Duhpirã mũa ñerire iiquererã ta irire eropa pepicãri mũa? Masa erã pũrũpũre ñero ii corerã áhraa mũa eropa iirã. Mũa ñero iiripũre duhumũtaque. Mũa eropa iira pũhru mũa acaweregure “Mũ ñero iirire duhcãque,” arĩ weremasia, arĩ buhepũ Jesu.

*Masa erã wereniguirẽ peerã erã áriřicũřire masia mari, arĩ werepũ Jesu
Mt 7.17-20; 12.34-35*

⁴³ Eropigũ buhenemogu ðpa arĩ werenemopũ erãre werenigui queori mera:

—Yucũgu ðadigu ñerire dũcacũbeaa. Eropiro ñedigu sã ðarire dũcacũbeaa.

⁴⁴ Yucũgu dũcare masirã “Irigũ dũca ta áhraa,” arĩ masia mari. Poracũdigu higuera dipre dũcacũbeaa. Eropiro aña poragu igui tũrire dũcacũbeaa.

⁴⁵ Eropa áhřima masa sã. Óagu ĩgu pepiri ðari áhřaa. Eropigũ ĩgu ðarire wereniguimi yucũgu ðadigu irigu ðarire dũcacũro dopa ta. Ñegũre ĩgu pepirigue ñeri áhřaa. Eropigũ ĩgu ñerire wereniguimi yucũgu ñedigu irigu ñerire dũcacũro dopa ta. Mari pepirigue iri áriřo dopa ta wereniguia mari, arĩpũ Jesu.

*Pe wihĩ iira queori werepũ Jesu
Mt 7.24-27*

⁴⁶ Eropigũ erãre werenemopũ:

—Maa yare “Opu,” arāa. Eropa arīquererā ta yu dorerire iibea maa. ¿Duhpirā eropa iibeari maa?

⁴⁷ Árīpehrerā yare gamerā yu wereniguirire peema. Eropirā yu dorerire tarinugabeama. Ōpa āhrima yare tarinugabirā:

⁴⁸ Wihi ōaro nugudi iro dopa ta āhrima erā. Īgu āhcāri goberire seha, wihire nuginugami. Iri wihi ōaro ĩgu āhcāro nugura wihi ārīro dia miricū turaro deco turaquerecū iri wihi ōaro turaniguia.

⁴⁹ Eropirā yu wereniguirire peenirā arīquererā ta yu dorerire iibirāpu wihire ōaro nugubigu iro dopa āhrima. Iri wihire wecagā nugu, ōaro iinugabeami. Īgu eropa iira wihi ārīro dia miricū deco turacū iri wihi mata cohro yuhria wahaa. Eropro iri wihi cohmopherea wahaa, arīpu Jesu.

7

*Surara opu pohro majagure ĩgu dorecucū Jesu ōagu iipu ĩgure
Mt 8.5-13*

¹ Iri queori masare weretuha Jesu sã Capernaumgue ejañorā.

² Ero arīgu cien surara opu arīgu ĩgu pohro majagure turaro mahipu. Īgu pohro majagu dorecugu arīgu sīro pohrogue arīpu.

³ Eropigu Jesu ĩgu iirare peegu, judio masa mūrāre sihu Jesu pohrogue obeopu opupu. —Yu pohro majagure dorecugure ōacū ĩgu arique, arī weredoregu obeopu opu mūrāre.

⁴ Erā Jesu pohrogue ejarā, ōpa arī būrigā serēñorā ĩgure:

—Surara opu guare mū pohro obeoami. “Yu pohro majagure dore taubasagu ariporo,” arī weredoregu obeoami. Īgu opu ōagu āhrimi. Īgu eropa arīcū itamuque ĩgure.

⁵ Mari ya maca majarāre ĩgu mahimi. Eropigu ĩgu gua buheri wihire gua iira waja wajayemi, arīñorā mūrā Jesure wererā.

⁶ Erā eropa arī werēcū peegu Jesupu erā mera wapu. Surara opu ya wihi pohro ĩgu ejabu iicū gohra opupu ĩgu mera majarāre Jesure ōpa arī weredoregu obeopu:

—Opu, ōaroca. Aribita. Ōagu arībeaa yuhu. Yaha wihi mure ñajaridorebuno arībeaa yuhu.

⁷ Eropigu mū pohro wabirabu. Yuju diaye ta mū turari mera dorebeoque. Mū eropicū yu pohro majagu ōagu wagucumi.

⁸ Yure yu weca arīrā gajirā oparā dorema. Eropigu yu sã surarare dorea. Yujugure “Waque,” yu arīcū ĩgu wahami. Gajigure “Arique,” yu arīcū ĩgu ahrimi. Yu pohro majagure “Ire iique,” yu arīcū irire ĩgu iimi. Eropigu mū sã mū dorero dopa ta ĩgu dorecugu tarigucumi, arī weredorepu surara opu.

⁹ Jesu irire peegu, ũca wa, bajarā masare ĩgu mera nurusiarāre majinuga werepu:

—Diaye ta muare arīgu iiaa. Ihī surara opu Israe masu arībiriqueregu Goāmure būrigā umupeomi. Īgu pohro majagure yu ōagu wacū iiburire masituhami. Israe masare ne sihi iro dopa umupeorāre ñanibea, arīpu Jesu.

¹⁰ Īgu eropa arīra puhru surara opu Jesu pohro ĩgu obeonirā erā opu ya wihigue dujaa wañorā. Dujaja dorecudigure ōagu ĩgu arīcū ñañorā erā.

Jesu wapeweyo magure masupu

¹¹ Puhru ñari Naín waicuri macague Jesu wapu. Īgu buherā bajarā masa sã ĩgu mera wañorā.

¹² Iri macare ñajaro pohro ĩgu ejacū sīridigure masa aī wiririñorā yaarā warā. Sīridigu pago wapeweyo arīpo. Yujugu ta arīgu igo magu sīria wapu. Eropirā ero majarā masa bajarā igo mera wañorā.

¹³ Igo eropa wacū ĩagu Jesu igore mojomoro ĩapu.

—Orebita, arīpu Jesu igore.

¹⁴ Eropa arīgu sīridigu ĩgu masa porere eja mohmepipu. Īgu eropa mohmepicū ĩarā iri porere coārāpu nugajañorā.

—Mahgu, yuhu mure ōpa arāa. Wahgā dojaque, arīpu Jesu.

¹⁵ Īgu eroparicū ta sīridigu muru wahgā doaja, wereniguiyu. Eropigu Jesu ĩgure ĩgu pagore wiapu.

¹⁶ Eropirā erā arīpehrerā güirā warā Goāmure umupeo ōpa arīñorā:

—Goāmu yare weremūtagu masitarigu dohpague tamerare mari watope āhrimi, arīñorā erā.

—Goāmu marire ĩgu yarāre itamugu eratuhami, arīñorā gajirā.

¹⁷ Eropirā árípehrerā Judea yeba majarāre ero turo áriri macari majarāre Jesu ĩgu ĩirare masa weresiripehoñorā.

Ñu waĩyeri masu ĩgu buherāre Jesure serēpidorepu
Mt 11.2-19

¹⁸ Eropi Jesu ĩgu ĩirare ĩarā Ñure peresu árĩgure wereñorā ĩgu buherā. Eropa erā werecū peegu perāre ĩgu pohro sihubeo,

¹⁹ Jesure serēpidoregu obeopu Ñu. Ōpa arĩ serēpidorepu:

—“Yu puhru gajigu arĩgucumi,” ĩÑu ĩgu arĩdigu ta āhriri muhu? ĩO gajigure corerācuri gua? arĩ serēpidorepu Ñu perā ĩgu buherāre.

²⁰ Eropi erā Jesu pohro eja, serēpiñorā ĩgure:

—Ñu waĩyeri masu mure ōpa serēpidoregu obeoami guare. “Yu puhru gajigu arĩgucumi,” ĩÑu arĩdigu ta āhriri muhu? ĩO gajigure corerācuri gua? arĩ serēpiñorā erā Jesure.

²¹ Irisubu ta bajarā dorecurāre, watēa ñajasunirāre, cuiri ĩhajabirāre ōarā ĩipu Jesu.

²² Eropigu Ñu ĩgu obeonirāre Jesu yuhrĩpu:

—Dohpague mua ĩarare mua peerare Ñure wererā waque: Ōpa arĩque: “Jesu mera cuiri ĩhajabirā ĩhama. Curimasibirā cuhrima. Cami boanirā ōarā wahama. Peejabirinirā peea wahama. Sĩrinirā masa wahama,” arĩ wereque. Eropirā mojomorcūrāre ōari buherire yu wererare wereque ĩgure.

²³ Eropa arĩ weretuhaja ōpa arĩ wereque Ñure: “Yure peegu ‘Diaye ta āhraa,’ arĩgu ĩgu mucubirigu āhrimi, arĩmi Jesu,” Ñure arĩ wererā waque, arĩpu Jesu.

²⁴ Ñu buherā erā wara puhru Jesupu Ñu árĩricurire werenagapu bajarā masare:

—Mua masa marirogue Ñu pohrogue warā, ero majare taare miru wecū ĩarā ejabiribu mua.

²⁵ Ōari suhricugu säre ĩabiribu mua. Ōari suhricurā waja pagarire suhri sañarā oparā ya wirigue āhrima.

²⁶ Masa marirogue ejarā Goāmu yare weremuhtadĩpũre ĩarā ejabu. Diaye ta Ñu Goāmu yare weremuhtagu āhrimi. Gajirā Goāmu yare weremuhtanirā tauro árĩgu āhrimi Ñupu.

²⁷ Irĩbojegue Goāmu yare erā gojarapū Ñure ōpa arĩ wereyuyoro:

Mari pagu ĩgu magure ōpa arĩpu: “Mu core mure wereyubure obeogu ĩaa,” arĩmi Goāmu, arĩ gojañuma irĩbojeguerē Ñure.

²⁸ “Diaye arĩgu ĩaa. Masa árĩpehrerā tauro āhrimi Ñu. Isubure ĩgu eropa arĩquerecū ta amaroguerē Goāmu ĩgu opu arĩroguere árĩpehrerā docanagagupu Ñu tauro arĩgucumi, arĩpu Jesu masare.

²⁹ ĩgu eroparĩcū peerā masa, wajasea corerā mera Ñu ĩgu waĩyenirā árĩrā ōpa arĩ pepiñorā Goāmure: “Goāmu diaye ĩgu āhrimi,” arĩ pepiñorā erā.

³⁰ Fariseo masapu, judio masare buherā sã Ñu ĩgu waĩyenirā árĩdiabirinirā árĩñorā. Eropirā Goāmu erāre ĩgu itamudiarire erā gamebirĩñorā.

³¹ Eropigu Jesu dipaturi werepu:

—ĩDohpague majarā masa ñehmarano iro dopa āhriri mua pepicū?

³² Erā majirā iro dopa āhrima. Erā majirā doberi duarogue bira doarā, ōpa arĩ duyasoma erāgā erā basi: “Mua bayaburire tarisu gua purirabu. ĩDuhpirā mua mucubiri bayarā aribirari? Eropirā gua burigā ñehamere orerabu. ĩMurapu duhpirā gua mera orebirari?” arĩma duyasorā. Erā majirā arĩ duyasorā iro dopa ta ĩirā ōpa arāa mua dohpague majarā.

³³ Ñu waĩyeri masu Goāmu ya árĩburire ba duhugu, vinore ihribirimi. ĩgu eropa ihribiricū ĩarā “Pee masibigu āhrimi,” arĩrabu mua ĩgure.

³⁴ Yupu masu Goāmu ĩgu obeodigu árĩgu yuhu baha ihria. Yu eropa ĩicū ĩarā ōpa arāa mua yũpũre: “ĩaque. ĩhĩ wuaro bagu merericugu sã āhrimi. Wajasea corerā ñero ĩirā erā wapicugu āhrimi ĩgu,” arāa mua yure.

³⁵ Eropa masibiriquererā ta gua ĩirare ĩarā, Goāmu masirire gua opacū masirāca mua, arĩ werepu Jesu erāre.

Fariseo masu Simo waĩcugu ya wihĩ arĩpu Jesu

³⁶ Fariseo masu Simo waĩcugu ĩgu ya wihigue badoregu sihupu Jesure. ĩgu eropa sihucū Jesu ĩgu ya wihigue eja, erā bari mesague doajapu.

³⁷⁻³⁸ Iri macaguere ñeri ĩigo arĩpo. Jesu fariseo masu ya wihigue ĩgu arĩcū igo peepo. Eropa peego alabastro mera ĩidĩrue poresuri dicadĩrue aĩ, Jesu purũpu eranũgara

pũhrũ orepo. Eropa orepo, Jesu guburire igo codeco mera webo, igo poari mera niucóapo. Igu guburi bojocũ iha igo igu guburire miĩmi, iri poresuri mera pipeopo.

³⁹ Igo eropa iicũ iagu fariseo masu Jesure sihudigu igu basi opa arĩ pepirĩpu: “Igo igure mohmepiĩnago ñerire iigo aĩrimo. Ihĩ Jesu Goãmũ ya weremuĩtagu arĩgu irire masiboĩumi,” arĩ pepirĩpu.

⁴⁰ Igu eropa arĩ pepirire masigu Jesu werepu igure:

—Simo, dohpague tamerare mure werediaa, arĩpu Jesu.

—Buhegu, ¿yure dohpa arĩ werediari mũhũ? arĩ yũhripu Simo.

⁴¹ Igu eroparĩcũ Jesupu opa arĩ buhebu yũhripu:

—Opure perã wajamorã arĩĩnuma. Yujugu wũaro wajamogu quinientos niyeruseri wajamoĩumi. Gajigupu merogã cincuenta niyeruseri wajamoĩumi.

⁴² Eropirã erã wajamorire erã wajayegohrabricũ iagu igu erã wajamorire cãdijicãĩumi. ¿Igu eropiicũ dohpague tamerare nihipu erã opure mahitarinũgayuri mũ pepicũ? arĩ serẽripu Jesu.

⁴³ Simo yũhripu:

—Õbaa, wũaro wajamodigu merogã wajamodigu tauro igu opure mahibocumi, arĩpu Simo.

—Diaye yũhria mũhũ yure, arĩpu Jesu.

⁴⁴ Eropa arĩtuha igure pipeodigore maji iha, Jesu Simore werenemopu:

—Igone iaque mũhũ. Mũ ya wihire yũhũ ñajarara pũhrũ yũ guburi coeburi decore obirabũ mũhũ. Igoru igo ya codeco mera yaha guburire coemo. Pũhrũ igo ya poari mera tucoeamo.

⁴⁵ Mũpu yure bocatĩri mimibirabũ. Igoru ohõ yũ doaropẽ yũ guburire miĩmimo.

⁴⁶ Mũpu yũ dipurure yũ mera pipeobirabũ. Igoru yũ guburire poresuri mera pipeoamo.

⁴⁷ Eropa arĩgu mure weregu ta iiaa. Igo igo ñero iira baja gohra aĩhrea. Eropigu igo ñero iirare cãdijiaabũ. Yũ eropa iicũ igo turaro mahiamo yure. Erã ñero iirare merogã bujawere guĩarãpu merogã yure cãdijidorema. Eropirã erã ñero iirare merogã cãdijisũnirã merogã mahima yure, arĩpu Jesu Simore.

⁴⁸ Eropa arĩtuha igu igore werepu:

—Dohpague tamerare mũ ñero iirare cohãbũ, arĩpu Jesu.

⁴⁹ Igu eroparĩcũ peerã Jesu mera doarã erã basi opa arĩ wereniguiĩnorã:

—Ihĩ diaye ta “Ñerire cóãgu iiaa,” arĩmi. ¿Dohpa arĩguano aĩriri igu ñero iirare cóãgu? arĩĩnorã erã erã basi.

⁵⁰ Eropigu Jesu nomeore opa arĩ werepu:

—Yure mũ mupeocũ mure peamegue wabodigore taua. Güiro mariro waque, arĩpu Jesu igore.

8

Nome Jesure itamuĩnorã

¹ Pũhrũ paga macarigue mũta macarigãgue sãre eja, Goãmũ Igu opu arĩrĩre, õari buherire werepu Jesu. Doce igu buherãpu igu mera arĩĩnorã.

² Eropirã nome sã watẽa ñajasũnirã nome, dorecũnirã nome, Jesu õarã igu iinirã Igu mera arĩĩnorã. Maria waĩcũgo Magdalena erã arĩ piyudigo Jesu mera curipo. Igo siete watẽare Jesu Igu cóãdigo arĩpo.

³ Juana sã Cuza waĩcũgu Herodere itamudigu marapo sã Jesu mera curipo. Susana waĩcũgo sã gajirã nome mera baja erã gajino opari mera igure itamuĩnorã.

Jesu oteri masu queorire werepu

Mt 13.1-9; Mr 4.1-9

⁴ Eropi baja macari majarã Jesu pohroque gamenereĩnorã. Erã gamenerera pũhrũ Jesu igu werenigui queori mera erãre werepu buhebu:

⁵ —Oteri masu otegu waĩumi. Igu eropa otecũ gajiyeri ma tũro yuri merejayoro. Eropirã iriyerire masa curadiũnuma. Eropirã mirimagu porã bajarã ahri iriyerire baĩnuma.

⁶ Eropi gajiyeri utã watope yuri merejayoro. Erere yeba deco mariyoro. Eropiro iriyeri puhri wiriri niguirĩ ñañia wayoro.

⁷ Gajiyeri pora yuca watope yuri merejayoro. Pora yucãpu puhri tiataria wa, oterayeripure wejẽcãyoro.

⁸ Gajiyeri õari yeba yuri merejayoro. Õaro puhri dũcacũyoro. Eropiro baja dũcacũyoro, arĩpu Jesu.

Eropa arĩtuha õpa arĩnemopu:
—Ire õaro peeque mua, arĩpu ĩgu.

Jesu werenĩgui queori mera ĩgu buherire werepu
Mt 13.10-17; Mr 4.10-12

⁹ Pũhrũ ĩgu buherã iri werenĩgui queorire masidiarã, Jesure serẽpiñorã:

—¿I queori mera dohpa arĩ buhegu iiri mũhu? arĩ serẽpiñorã erã.

¹⁰ Erã eroparĩcũ Jesu yũhrĩpu:

—Goãmu ĩgu opu arĩrĩre iribojegue majarã erã masibirirare mũare masicũ iimi Goãmu. Gajirãpũre eropa iibeami ĩgu. Eropĩgu erãre werenĩgui queori mera buhea. Yũ eropa iicũ erã yũ buherire peequererã masisome, arĩpu Jesu ĩgu buherãre.

Jesu oteri masũ queorire were amũpu ĩgu buherãre
Mt 13.18-23; Mr 4.13-20

¹¹ Eropa arĩtuha erãre werenemopu:

—Õpa arĩ werea i werenĩgui queorire: Oteriyeri õari buheri iro dopa ahraa.

¹² Eropiro ma tũro yuri merejariyerĩpu õari buheri iro dopa ahraa. Eropiro masa erã õari buherire peecũ ĩagu watĩpu ahri, iri buherire masidorebeami masare. ĩgu eropa iibiricũ erã Goãmũre umupeoboũuma. Erã eropa umupeocũ ĩagu Goãmũpu erãre peamegue wabonĩrãre tauboũumi.

¹³ Utã weca yuri merejarayeri õari buheri iro dopa ahraa. Eropirã masa õari buherire pee, mucubiriri mera irire pee aĩma. Eropa pee aĩquererã ta utã weca arĩri yucu nuguri mariri yucu iro dopa ta oã masa sã turabeama. Eropa turabirã yaha õari buherire erã peera dipuwaja gajirã erãre ñero iicũ ĩarã yahapũre duhucãma.

¹⁴ Eropi pora yucu weca yurimerejarayeri õari buheri iro dopa ahraa. Eropirã masa õari buherire peequererã ta, i yeba majare wũaro pepirã, niyerure gamerã, i yeba majare gahmema erã. Eropirã irĩpu õari buherire cãhmotaa. Iri cãhmotacũ masa Goãmũ gamerĩpũre iibeama.

¹⁵ Eropi õari yeba yurimerejarayeri õari buheri iro dopa ahraa. Eropirã masa õari buherire õaro mera pee peenũrucãma. Eropirã duhuro mariro Goãmũ ĩgu gamero dopa ta õarĩre iima, arĩpu Jesu.

Jesu sihãgodĩru queorire buhepu
Mr 4.21-25

¹⁶ Eropa arĩtuha gajĩ queori mera buhepu Jesu.

—Ne sihãgodĩrũre masa sihãgora pũhrũ mãtasoro doca dibubeama. Eropirã irĩrũre cama doca dibubeama. Hmarogue irĩrũre duhpeomi wĩhigue ñajarã erã õaro ĩha ñajama õaro.

¹⁷ Mari iiraguere Goãmũre duhmasya mara. Pũhrũguere arĩpehreri masisũroca. Sihãgodĩru ñamire boyoro dopa ta iribojegue erã masibirirare masirãcoma masa.

¹⁸ Eropirã mua peerã õaro peenũruque. Õaro peenũrugũ, õaro masĩgucumi. Peenũrubĩgu “Merogã peea,” ĩgu arĩquerecũ irĩpu dederea waroca ĩgũre, arĩpu Jesu.

Jesu acawererã ĩgũre sihuñorã
Mt 12.46-50; Mr 3.31-35

¹⁹ Pũhrũ Jesu pagũ porã erã pago mera ĩgu pohrogue warã iiriñorã. Masa bajarã arĩcũ ĩgu pohro ejabirĩñorã.

²⁰ Eropĩgu yujũgu Jesure werepu:

—Mũ pago mũ pagũ porã mera disiporogue nĩguima. Mũre ĩarã ahrañorã, arĩpu ĩgu Jesure.

²¹ ĩgu eroparĩcũ õpa arĩ werepu Jesu arĩpehrerãre buhepu:

—Goãmũ buherire peerã, irire tarĩnũgabirã erã ta ahĩrima yũ pago yũ pagũ porã iro dopa arĩrã, arĩpu Jesu erãre.

Jesu mirũñere yũsũdorepu
Mt 8.23-27; Mr 4.35-41

²² Gajĩnũ Jesu ĩgu buherã mera dohodĩrugue ñaja

—Ina, tarĩbujarã, arĩ, erã arĩpehrerã irĩru mera ditarugue tarĩbuja wañorã.

²³ Eropa tarĩbujagũ carĩa wapũ ĩgu. Erã eropa tarĩbujarisubũ turaro mirũñe ariyoro. Mirũñe aricũ pãgũri wahgã, erãre miucãriyoro. Eropa waro mirimaja guhya arĩyoro erãre.

²⁴ Eropa wacũ ĩha uca wa, Jesu pohro waha, ĩgũre wahgũñorã.

—Buhegu, mari mirimorã iiaa, arĩñorã erã. Erã eroparĩcũ Jesupũ wahgã, miruñere “Iripẽta weã duhuque,” arĩpũ. Eropa arĩgu pãgũrire “Yusuaque,” arĩpũ. Īgu eroparĩcũ ta miruñe tarĩa wayoro. Eropiro pãgũri sã yusũ dija wayoro.

²⁵ Eropa wara puhũ Jesu erãre õpa arĩpũ:

—¿Mũa yare umupeobeari?

Erãpũ gũi, ĩha uca, õpa arĩ wereniguiñorã erã basi:

—Cue, ¿ñehmũno masũ àhriri ihĩ? Miruñe, pãgũri sã ĩgu dorecũ tarinugabeaa ĩgure, arĩñorã erã basi.

Watẽa ñajasũdigure õagu iipũ Jesu

Mt 8.28-34; Mr 5.1-20

²⁶ Eropirã erã gajĩpũ masegue Gerasa majarã ya yebague taribujajañorã. Iri yeba Galilea yeba diaye arĩyoro.

²⁷ Ero Jesu ĩgu majajanũgarisubũ ero majagu watẽa ñajasũdigũ ĩgu pohrogue aripũ. Īgu yoari boje goroweregu suhri marigu arĩgu, ĩgu wihiguere ne arĩbirimãripũ. Eropigu masa goberi utã goberi watope arĩpũ ĩgu.

²⁸⁻²⁹ Eropirã bajasuburi watẽa ĩgure ñearo mera ĩgu burigã gorowerecũ ĩha masa ĩgure bihadoboriñorã. Eropigu ĩgu peresugue arĩgu ĩgu mojotorire guburire comedari mera erã diridigu arĩqueregu, ĩgu iridarire nuapũ. Eropirã watẽapũ ĩgure masa marirogue aĩgãñorã. Eropigu ĩgu Jesure ĩhametu turaro gaguinigu, Jesu pohro merejapũ. Īgu eropa iicũ ĩagu Jesupũ watẽare dorepũ:

—Ihĩ mera arĩbiricãque. Waque watẽa, arĩpũ.

Īgu eroparĩcũ peegu watẽa ñajasũdigũpũ turaro gaguinigu, serẽpipũ Jesure:

—Jesu, umaro majagu Goãmũ magũ, ¿ñehenore iibu iiri mũhũ yũre? Yũre ñero iibiricãque, arĩpũ watẽa ñajasũdigũpũ.

³⁰ Īgu eroparĩcũ Jesupũ serẽpipũ ĩgure:

—¿Ñehmũno waĩcũri mũhũ? arĩpũ.

Bajarã watẽa ĩgu mera arĩñorã. Eropigu õpa arĩpũ erãre opagu.

—Watẽa bajarã waĩcũa gua, arĩpũ watẽa ñajasũdigũpũ.

³¹ —Ʋhcãri gobegue guare wadorebita, arĩ, turaro serẽñorã watẽapũ.

³² Irisubure ero utãgu gubuye bajarã yesea barã iĩñorã. Erã ero bacũ ĩarã watẽa õpa arĩ serẽñorã Jesure:

—Soã yesea pohrogue wadoreque guare. Erã mera arĩdoreque guare, arĩ serẽñorã watẽa masure ñajanirã.

Erã eropa arĩ serẽcũ peegu Jesu erãre yesea pohrogue wadorepũ.

³³ Īgu eropa wadorera puhũ watẽapũ masũ mera arĩñirã waha, yesea pohrogue ejañorã. Erã pohrogue erã ejara puhũ yeseapũ gorowere dipaturague omabuha, dítarugue yuriñaja miri sĩripehrea wañorã.

³⁴ Yeseare ihadibunirãpũ yesea eropa miricũ ĩarã, gũi omagã wañorã. Eropa omagãrã macague eja, iri maca majarãre campo majarã sãre erã ĩarare weresiripehocãñorã.

³⁵ Erã eropa werera puhũ masa ĩarã wañorã. Eropirã Jesu pohro eja, watẽa ñajasũdigũ mũrũ ĩgu suhri sañadigu pee masigu ĩgu ero õaro doacũ ĩañorã erã. Iri arĩpehrerire ĩarã erã gũi arĩñorã.

³⁶ Watẽa ñajasũdigũ mũrũ ĩgu õaro arĩcũ ĩanirã gajirãre erã ĩarare wereñorã.

³⁷ Eropa pee ero majarã Gerasa yeba majarã arĩpehrerã burigã Jesure gũĩñorã. Eropirã ĩgure wadoreñorã. Erã eropa wadorecũ Jesu dohodirugue ñajapũ wabu.

³⁸ Watẽa ñajasũdigũ mũrũpũ Jesu ĩgu waborore ĩha turaro ĩgure serẽripũ:

—Mũ mera wadiaca, arĩ serẽripũ.

³⁹ Īgu eroparĩcũ Jesu ĩgure yuhripũ:

—Mũ ya macague waque. Eropa wagũ Goãmũ mũre õaro iirare wereque gajirãre, arĩpũ Jesu.

Īgu eropa arĩra puhũ ĩgu ya macague ejaгу Jesu ĩgure õaro iirare arĩpehrerãre ĩgu ya maca majarãre werepũ.

Jairo magore õago iipũ. Eropa arĩcũ ne behrego sãre õago iipũ Jesu

Mt 9.18-26; Mr 5.21-43

⁴⁰ Sipũ masegue Jesu dipaturi ĩgu taribujacũ ĩarã masa bajarã ĩgure coreñirã bocatĩri serẽñorã ĩgure.

⁴¹⁻⁴² Ero buheri wihi opũ Jairo waĩcũgu Jesu pohro eja, ĩgu guburi pohro merejapũ. Īgu mago sĩrigo iipo. Igo yujugo ta arĩgo doce bojori opago arĩpo. Eropigu ĩgu ĩgu ya wihigue Jesure sihugãpũ. “Aũ,” arĩ, ĩgu mera wapũ Jesu sã.

Īġu eropa wacū masa bajarā Īġure nurusiarā cāriro iifnorā Īġure.

⁴³ Eropigo yujogo nomeo doce bojori gohra duhuro mariro eropa behrego ero ārīpo. Ero corere duhturuare igo ya niyeru mera ārīpehrerire wajayeripo igo ocoyedorego. Erā eropa ocoyequerecū ta mūraro ta di waniguicāyoro igore.

⁴⁴ Eropigo igo Jesu pūhru ahri, Īġu suhriro ojogorore igo fneacū igore di wiriniguicāra pehrea wayoro.

⁴⁵ Igo eropa fneañacū Jesu pepiġu serēpiġu.

—ĶNoa yū suhrirore mohmepiari? arīpū Īġu.

Ārīpehrerā “Mohmepibea,” arīñorā. Eropirā Pedro sā ōpa arī yūhriñorā:

—Buheġu, cūhña āhraa. Eropirā masa bajarā mure pēhrecāma. ĶDuhpiġu eropa arī serēpiri mahū? arīñorā erā Jesure.

⁴⁶ Erā eroparīcū Jesu yūhriġu:

—Dohparagā yū turari mera yujogore dore yūhū cōārare masia. Eropiġu yure igo fneañarare masia, arīpū Īġu.

⁴⁷ Īġu eroparīcū peego igo duhrimasibigo, naragāgo Jesu pohro merejapo. Eropigo ārīpehrerā masa erā peero igo arīpo Jesure:

—Yūhū fneañabu mure. “Īġure fneañacū yū dore taria waroca,” arīgo mure fneañabu. Yū mure eropa fneañago mata ōago wahabu, arīpo.

⁴⁸ Igo eropa arītuhajacū Jesu igore werepū:

—Mahgo, yure mū umupeori mera ōago dujaa dohpaguere. Mucubiriri mera waque, arīpū igore.

⁴⁹ Īġu eropa arīrisubu Jairo ya wihi ārīġu wereġu erapū.

—Mū mago sīria wahāmo. Eropiġu ihī buheġure sihubita pare, arīpū Īġu.

⁵⁰ Īġu eroparīcū peegū Jairore ōpa arī werepū Jesu:

—Būjawerebita. Yure umupeoque. Iri dihtare iique. Mū eropa iicū ōago wagocumo, arīpū Jesu.

⁵¹ Eropa arītuhā Jairo ya wihigū eja, Pedrore, Ņure, Santiagore, dorecūgo pagu sumārāre arī fñajapū. Gajirāpūre Jesu fñajadobiripū.

⁵² Ero ārīpehrerā masa erā fñehamere orerā iifnorā. Jesu erāre arīpū:

—Orebiricāque. Iogā sīribeamo. Carīgo iimo, arīpū Īġu.

⁵³ Īġu eroparīcū erāpū igo sīridigo ārīcū masirā “Eroparīcāġu iimi ihī,” arīrā Jesure fñayēñorā.

⁵⁴ Eropiġu Jesu igo mojtore fñeha, arīpū igore:

—Majigo, wahġāque, arīpū.

⁵⁵ Īġu eropa arīcū igo sīridigo ārīquerego igo sīporā goecū masa wapo. Irisubu ta wahġānūgajapo igo. Igo eropa wahġāra pūhru Jesu igore barire odorepū.

⁵⁶ Igore eropa Īġu masacū fñarā igo pagu sumārā fñhamaria wañorā. Eropiġu Jesu irire gajirāre weredobiripū.

9

Jesu doce Īġu buherāre buhedoreġu obeopu

Mt 10.5-15; Mr 6.7-13

¹ Eropi Jesu doce Īġu buherāre sihubeo, Īġu turarire ōpū Īġu erāre. Watēare erā cōāburire, dorecūrāre erā ōarā iiburire ōpū Īġu turarire erāre.

² Eropa iituhā erāre Goāmū Īġu opū ārīrīre buhedoreġu, dorecūrāre ōarā iidoreġu obeopū erāre.

³ Ōpa arī dorepū Jesu erāre:

—Mūa warā gajinore aībiricāque. Tuadire, ajure, barire, niyerure aībiricāque. Yūjuñe suhriro ta sañaque. Peñe sañabita.

⁴ Ārīpehrerogue mūare erā carīro ocū iri wihi ta dujanique. Ne warāġue wiriaque iri wihire.

⁵ Gaji macari majarā mūare erā gamebiricū fñarā iri macare tarigā waque. Eropa warā mūa guburi maja nicure moje siripique mūa erāre erā ya dipuwajare ihmumora, arīpū Jesu.

⁶ Īġu eropa arīra pūhru Īġu buherāpū waha, ārīpehreri macarigū masare ōari buherire were curiñorā. Eropirā dorecūrāre ōarā wacū iifnorā.

Jesu Īġu iirare Herode peepū

Mt 14.1-12; Mr 6.14-29

7 Eropi Herode Galilea yeba majarā opa Jesu ĩgu iirare peebeopa. “¿Noa āhriri ĩgu Jesu?” arıqueregu ne masibirıpa. Yujurāyeri opa arıñorā Jesure. “Ñu waıyedi maru dipaturi masa deyogu icumi. Eropıgu Jesu erā arıgu ĩgu ta āhrimi,” arıñorā gajırā. Erā eroparıcū peegu Herode Jesure dohpa arı masibirıpa.

8 Eropırā gajırā “ĩgu Elia maru dohpague dehyoagu iimi,” arıñorā. Gajırāpu “Goāmu ya weremūhtanırā mera majagu arıcumı daja masa marıgu,” arıñorā Jesure.

9 Erā eropa arı werenıguıquerecū ta opa arı pepıpu Herode: “Ñu dipurure tabeta-doregu wejētuhabu ĩguıpe yahu. ¿Eropıgu masa erā werewuagu nihino arıbcuri ĩgu?” arı pepı ĩgu Jesure ĩadarıpa.

Jesu masa bajarāre barire opa

Mt 14.13-21; Mr 6.30-44; Jn 6.1-14

10 Eropi Jesu ĩgu obeonırā ĩgu pohrogue dujaja, erā iirare wereñorā Jesure. Erā weretuhacū Jesu erā dihtare Betsaidague sıhu warıpa.

11 ĩgu erā dihtare sıhuquerecū erā warare masırā, masa bajarā nurusıagāñorā. Jesu ĩgure erā nurusıajacū ĩagu ĩgu bocatıri serēpu erāre. Eropıgu ĩgu Goāmu ĩgu opa arırire erāre were, dorecurāre oarā ĩpu.

12 Ñamicague doce ĩgu buherā ĩgu pohrogue eja, Jesure wereñorā:

—Ohō masa marırogue āhraa. Ō majaro maja wırigue oā masare oboeque. Carımorā erā batuburıre amadoreque erāre, arıñorā erā Jesure.

13-14 Erā eroparıcū Jesu yuhrıpu erāre:

—Mua bası barire oque erāre, arıpu.

ĩgu eroparıcū peerā erā yuhrıñorā:

—Cıncı pan dipurure, perā ta wai säre irıpēta opaı mari. Oā masa bajarā erā baburıre asūmasıya mara marıre, arıñorā ĩgu buherā.

Bajarā masa erā arıcū eropa arıñorā ĩgu buherā. Eroguere cinco mil ama arıñorā. Eropıgu Jesu werepu ĩgu buherāre:

—Yujurāyeri cururı cıncuenta gohra doadoreque. Gajı curu säre erā nucu ta doadoreque, arıpu Jesu ĩgu buherāre.

15 ĩgu eroparıcū ĩgu buherā ĩgu dorero dopa ta ĩñorā. Arıpehrerā masare doadoreñorā.

16 Doadoretuha Jesu cinco pan dipurure, perā wai mera aı, amarogue ĩhamemuju, Goāmure “Ōhaa,” arıpu. ĩgu eropa arıra puhrı pan dipurure nuha, ĩgu buherāre masare gueredoregu opa.

17 Eropırā erā arıpehrerā masa baha yapıa wañorā. Erā ba duharare doce puiri gohra aı gameneo ujtudoboñorā ĩgu buherā.

Muhu Cristo Goāmu ĩgu obeodıgu ta āhraa, arıpu Pedro

Mt 16.13-19; Mr 8.27-29

18 Yujunı Jesu yujugu ta Goāmure serēgu ĩpu. ĩgu werenıguırisubı ĩgu buherā ĩgu pohrogue arıñorā. Eropıgu Jesu serēpıpu erāre:

—¿Nihino arıbcuri yahu, masa erā pepıcū? arı serēpıpu.

ĩgu eroparıcū peerā ĩgu buherā yuhrıñorā:

19 —“Ñu waıyedıgu maru arıbcumı,” arıma mare. Gajırā “Elia maru arıbcumı,” arıma. Gajırā, “Goāmu ya weremūhtanırā mera majagu irıbojegue majagu masa marıadı arıbcumı,” arıma, arı yuhrıñorā ĩgu buherāpu ĩgure.

20 Erā eropa arıra puhrı Jesu erāre serēpıpu daja:

—¿Muarı pepıcū nihino arıbcuri yahu? arı serēpıpu daja.

—Muhu Cristo Goāmu ĩgu obeodıgu ta āhraa, arı yuhrıpu Pedro.

Jesu ĩgu sıriburıñere werepu

Mt 16.20-28; Mr 8.30-9.1

21 Eropı Pedro “Cristo āhraa muhu,” ĩgu arırare ne gajırāre Jesu weredorebirıpu.

22 Eropa weredorebırıtuhagu opa arıpu:

—Yahu ması Goāmu ĩgu obeodıgu burıgā ñero tarıguca. Eropa ta tarıro gahmea yure. Eropırā pahıa oparā, marā, judıo masare buherā mera yure gamebirā wejērācoma. Erā wejēra puhrı uhrenı puhrı masa marıaguca, arıpu Jesu erāre.

23 Puhrı arıpehrerāre opa arı werepu Jesu:

—Yujugu ya mera majagu arıdıagu, ĩgu gamero ĩıdarıre duhcāgucumı. Eropıgu yahagu ĩgu arıri dipuwaja ñero tarıgucumı. Ñero tarıqueregu ta yahare ĩınguıgu arıgucumı.

²⁴ Yujugu masu ĩgu ya árĩburi dihtare pepigu dederea wagucumi. Eropigu yaha árĩburi yu gameri dihtare iigu árĩpehrerini yu mera umaroguere ðaro árĩgucumi.

²⁵ Yujugu masu i yeba majare árĩpehrerire opaqueregu peamegue wagu ðarire bocasome.

²⁶ Yujurayeri yu buherire werediarã, "Jesu yagu áhrra," arĩdiarã guhyasĩrirãcoma. Erã eropa iicũ ĩagu yu sã erãre eropa iirãre guhyasĩrisãgũca. Yũhu Goãmu ĩgu obeodigu ðarã anyua erã gosesiriri mera, yu Pagu ĩgu gosesiriri mera dujarigu yure guhyasĩrinirãre guhyasĩrisãgũca yu sã.

²⁷ Diaye arĩgu tiiaa muare. Dohpague yujurayeri mua õgue arĩrã mua sĩriboro core Goãmu ĩgu opu arĩcũgue ĩarãca, arĩpu erãre.

Jesu ðupure gohrotopu

Mt 17.1-8; Mr 9.2-8

²⁸ Eropi ocho nuri irire ĩgu werera pũhrũ Jesu Pedrore, Ñure, Santiagore erã dihtare sihurũ. Eropi waha, Goãmu mera wereniguirã wañorã. Utãgure muria wañorã erã.

²⁹ Goãmure ĩgu serẽrisubu Jesu ĩgu diapo gohrotoa wayoro. Eropiro ĩgu suhri cuimijuri suhri ðaro boreri suhri wayoro.

³⁰ Eropa warisubu perã uma ĩgu pohro dehyoañorã. ĩgu mera wereniguirã iĩñorã. Erã iribojegue majarã Elia murũ, Moise murũ sã arĩñorã.

³¹ Erã umaro maja gosesiriri mera dehyoañorã. Jesu merogã Jerusalengue ĩgu sĩriborore erã Jesu mera wereniguirã iĩñorã.

³² Pedro ĩgu mera majarã sã wũja meretaria carĩrã iĩñorã. Eropa carĩquererã ta uca wahgã, Jesu gosesiriri ĩha, perã ĩgu mera wereniguirã sãre ĩañorã.

³³ Moise Elia mera erã warisubu Pedro Jesure õpa arĩpu:

—Opu, mari õre arĩcũ ðadiaa. Uhre wihigã gohra iirã. Mu ya wihigã, Moise ya wihigã, Elia ya wihigã iirãca, arĩpu Pedro.

Eropa arĩqueregu ta ĩgu arĩrare ne masibiripu.

³⁴ ĩgu eropa arĩ wereniguirisubu erãre imica curu cãhmotayoro. Eropa cãhmotacũ ĩarã erã guia wañorã.

³⁵ Eropiro imica curu pohecague Goãmu ĩgu wereniguirisubu busayoro:

—Ihĩ yu magu yu beyedigu áhrimi. Óaro peeque ĩgure, arĩri busayoro imica pohecague.

³⁶ Eropa arĩra pũhrũ Jesu dihtare ĩañorã erã. Pũhrũ erã ĩarare gajirãre werebiriñorã. Ne yujugure werebiriñorã dohpa irisubure.

Jesu watĩ ñajasũdigure ðagu iipu

Mt 17.14-21; Mr 9.14-29

³⁷ Gajinu erã utãgugue erã dijaricũ bajarã masa Jesure bocatĩriñorã.

³⁸ Eropigu erã mera majagu Jesure piyupu:

—Buhegu, mure turaro ire serẽdiaa yũhu. Yu magu yujugu ta áhrimi. Eropigu ĩgure ĩabasaque muhu.

³⁹ Watĩ ñajasũ gorowereniguicãmi. Iri watĩ ĩgure ñeha, gaguiniguicũ ii, tũru naragãcũ ii, sumutua wacũ iimũraa. Eropigu ihĩ watĩ yu magure ñero taricũ ii, ne duhudiabeami ĩgure.

⁴⁰ Mu buherãre iri watĩre cóãdoregu turaro serẽrabu. Yu eropa serẽquerecũ ta erã irire ne cóãmasibirama, arĩpu ĩgu Jesure.

⁴¹ ĩgu eroparicũ Jesupu õpa arĩpu ero arĩrãre:

—Dohpague majarã mua ñerã áhrra. ¿Yure ne umupeobirigohracãri? Yoari boje mure buherabu. ¿Dipẽ yoari boje yure garibori mua? arĩ turipu Jesu.

Eropa arĩtuha watĩ ñajasũdigu pagure õpa arĩpu:

—Mu magure aĩgãrique, arĩpu.

⁴² ĩgu eropa arĩra pũhrũ ĩgu magu Jesu pohrogue ĩgu aririsubu watĩ ĩgure yebague mehmereja, tũru naragãcũ iipu. ĩgu eropa iicũ Jesu watĩre cóãpu. ĩgu eropa cóãcũ watĩ ñajasũdigu ðagu wapu. Eropigu Jesupu ĩgugãre wiapu ĩgu pagure.

⁴³ Árĩpehrerã masa Goãmu turari mera ĩgu ðagu wacũ iirire ĩarã, uca wañorã.

Dipaturi Jesu ĩgu sĩriburiñere werepu

Mt 17.22-23; Mr 9.30-32

Masa Jesu ĩgu iirare ĩha uca wacũ Jesupu ĩgu buherãre õpa arĩ werepu:

⁴⁴ —Dohparagã yu wereburire cãdijibiricãque mua. Yũhu masu Goãmu ĩgu obeodigu áhrra. Masa yure ñeha, gajirãguere yure wiarãcoma, arĩpu Jesu.

⁴⁵ Īḡu eropa arīquerecū ta erāpu Īḡu wererire ḡaro peebiriñorā. Īḡu wererare erāre masiya mariyoro. Irisubu ta Goāmū erāre irire masidorebirinīpū. Eropirā erā güirā irire Īḡure serēpibiriñorā.

Jesu buherā erā mera majagūre opu acudiarīñorā
Mt 18.1-5; Mr 9.33-37

⁴⁶ Pūhrū Jesu buherā werenigui dūyasorā iññorā:

—¿Mari mera majagu nihinopū opu ñajagūcuri? arī dūyasorā iññorā erā erā basi.

⁴⁷ Erā eroparīcū Jesupū erā pepirire masīḡu, majīḡure Īḡu pohro aīunugu, Īḡu buherāre werepū:

⁴⁸ —Yaha árīburire iimorā ḡpa árīḡugāre bu árīḡure gamerā yū sāre gahmea mūa. Eropirā yūre gamerā, yūre obeodīḡu sāre gahmea mūa. Mūa mera majagu mūa pohro majagu árīḡu Īḡu sā opu ta árīḡucumi, arīpū Jesu.

Marire ĩhaturibīḡu árīḡu mari mera majagu āhrimi, arī werepū Jesu
Mr 9.38-40

⁴⁹ Pūhrū Ñū Jesure ḡpa arī werepū:

—Buheḡu, mū waī mera watī ñajasūnirāre taricū iiami yujugu. Īḡure ḡua ĩabu. Īḡu mari mera majagu Īḡu árībiricū ĩarā Īḡure irire iidorebirimurabu ḡua, arīpū Ñū Jesure.

⁵⁰ Īḡu eroparīcū Jesu Ñūre gajirā Īḡu buherā sāre ḡpa arī werepū:

—Eropa arībiricāque mūa Īḡure. Marire ĩhaturibīḡu árīḡu, Īḡu mari mera majagu āhrimi, arīpū Jesu.

Jesu Santiagore, Ñū sā erā wererire gamebirīpū

⁵¹ Irisubure Jesu Īḡu amūsiḡue Īḡu waboro coreḡā “Jerusaléngue wagura,” arīpū Īḡu. Eropa arīḡu wagu ĩpū.

⁵² Eropirā Jesu core Īḡu obeonirā waha, Samaria yeba maja macague eja, ero Jesu Īḡu ejaborore amuyudiarīñorā.

⁵³ Jesu Jerusaléngue wabu ĩpū. Erogue Īḡu wabu árīcū peerā, iri maca majarā Īḡure gamebiriñorā.

⁵⁴ Irire peerā Ñū, Santiago mera wereñorā Jesure:

—Opu, mū gamecū umaro maja peame mera mūre gamebirinirāre wejēdorerāra Elia mūru Īḡu iidiro dopa ta, arīñorā erā Īḡure.

⁵⁵ Erā eroparīcū maji ĩha turīpū erā perāre:

—Eropa arībiricāque. Espírītu Santo yarā āhraa mūa. Dohpague mūa pepiro dopa ta Īḡupū pepibeami. Yūhu masū Goāmū Īḡu obeodīḡu ĩ yebaguere arīḡu peameḡue wabonirāre taugu arību. Masare erā dederecū ĩḡu arībīribū, arī werepū Jesu.

⁵⁶ Eropa arī weretuha gajī macague Jesu sā carīrā waha wañorā.

Gajirā Jesu mera wariñorā
Mt 8.19-22

⁵⁷ Maha erā wacū, yujugu masū Jesure werepū:

—Mū mera yūhū wadiaa noho mū wadiaro, arīpū Īḡu.

⁵⁸ Īḡu eropa arīra pūhrū Jesu yūhrīpū:

—Yū mera aricū diasā āhraa. Nūḡu majarā diayea erā carīburi toreri opama. Mirīmagū porā sā erā ya suhrī opama. Yū masure Goāmū Īḡu obeodīḡupure sooro mara. Ne yaha wihi mara. Eropirā yū mera árīrā ñero tarirāca mūa, arī yūhrīpū Jesu.

⁵⁹ Pūhrū gajīḡure Jesu sihpū:

—Yū mera majagu árību ariḡue, arīpū.

Īḡu eroparīcū Īḡu yūhrīpū Jesure:

—Opu, yūhu yū pagu síricū yaanīḡu wagura. Pūhrū mū mera wagura, arīpū Īḡu.

⁶⁰ Īḡu eroparīcū Jesu werepū:

—Yūre gamebirā sírinirā iro dopa ta āhrīma. Erāpu sírinirāre yaaporo. Eropīḡu mūpū Goāmū Īḡu opu árīrīre ḡari buherire buheḡu ariḡue, arīpū Jesu Īḡure.

⁶¹ Eropīḡu gajīḡu Jesure ḡpa arīpū:

—Opu, mū mera wagura. Yū acawererāre goeriserenīḡu wanīḡura dohpā, arīpū Īḡu Jesure.

⁶² Īḡu eroparīcū werepū Jesu Īḡure:

—Mohmebu mohmediabīḡu Īḡu duhpību árībeami. Īḡu iro dopa árīḡu ḡpa āhrīmi: “Goāmū yare iidīaa,” arīquereḡu irire ne ĩbeami. Īḡu Goāmū yagu árībōdīḡu árībeami, arīpū Jesu.

10

Jesu setenta buheräre buhedoregü obeopu

¹ Pührü Jesu gajirä ñgu buheräre setenta buheräre beye, macarigüe ñgu waboro core obeoyupü. Yujuyeri macarire perä dihta obeopu ñgu.

² Eropä obeogü öpa arí werepü eräre werenigüi queorire buhegu:

—Ojoduca baja iri buगतुहजकु baja áricü baja mohmeri áhrraa. Mohmeri masapü bajamerägä áhrrima. Eropä ta öari buherire peemorä bajarä áricü wuaro áhrraa mari mohmeri. Iri eropáricuerecü ta mari masare buhemorä bajamerägä áhrraa. Eropirä öari buherire buhemoräre gajiräre ñgu obeomoräre Goámure seréque müa.

³ Waque müa. Muare yu obeogü oveja iro dopa áriräre muare yeea guarä iro dopa ta ñerä árirä watopegue obeogü iiaa.

⁴ Niyeru ajure, paga aju säre, zature aibiricäque. Müa mague curirä gajiräre bocajarä werenigübiricäque. Diaye ta taria waque.

⁵ Áripheereri wirire müa ñajari wirire i wihi majaräre, “¿Áhrriri müa?” arímuhtaque.

⁶ Iri wihi majarä öaro mera árirä gamequeäro mariro erä áricü öadoreque eräre. Öaro mera erä áriricü iri wihi majaräre irire öadorebita.

⁷ Yuju wihi ñajanugarä erä öaro áricü iri wihi ta dujaque. Iri wihi majarä müare erä ejorire baha íhrituque. Mohmegure ñgu wajatarire airo gahmea. Eropirä müa eräre buhera waja erä bari orire aique müa sä. Eropirä yuju wihi ta müa ejara wihi ta ñajarä, iri macare gajirä ya wirigüe áricuribiricäque.

⁸ Macaguere müa ejarä ero majaräpü müare gamerä áricü erä bari ejori áricü baque.

⁹ Ero majarä dorecuräre öarä iique. Eropirä öpa aríque ero majaräre: “Goámü mari Opü dohpaguere ñgu áriborore wererä iiaa müare,” aríque eräre.

¹⁰ Gaji macague müa ejacü eräpü müare gamebiribocoma. Erä gamebiricü íarä iri maca decogue waha, öpa aríque eräre.

¹¹ “Gua nicu imicare guburi maja imicare wejësiri cóarä iiaa müa guare gamebiriri dipuwaja íhmrä,” aríque. “Eropirä ire guña aríque,” aríque. “Goámü mari Opü dohpaguere ñgu áriborore müare wererä arirabü,” aríque eräre.

¹² Müare diaye yuhü arígu iiaa. I umü pehrecüguere Sodoma majarä müra burigä dipuwajacuräcoma. Erä eropä áricuerecü ta tauro müare gamebiräpü dipuwajacurä áriräcoma, arípu Jesu.

Gaji macari majarä Goámure tarinugarä áriñorä Mt 11.20-24

¹³ Pührü Jesu öpa arípu macari majaräre:

—Corazín majarä, müa ñero tariräca. Betsaida maca majarä müa sä ñero tariräca. Müa ya macaguere Goámü ñgu turari mera deyoro moarire irirabü yuhü. Müa peebirabü. Iríbojegue Tiro waicüri macare, Sidón waicüri maca säre ñgu turari mera iri deyoro moarire yu ii íhmucü íarä ero majaräpü erä ñero irire bujawareboañuma. Eropä irä öaripüre gohrotoboañuma. Mata erä bujawererä erä bujawerereri suhrire saña, erä basi peä witü mera mohsiripeoboañuma erä ñerire bujawererire íhmmorä. Müarü eropä iibeaa.

¹⁴ Eropigü müare arígu tiiaa. Goámü ñgu dipuwaja moarinü áricü Tiro majarä müra, Sidón majarä müra tauro müarüre müa ñeri dipuwaja dipuwaja moagucumi ñgu.

¹⁵ Capernaum majarä, müa ejatuharo mera Goámü pohrogue wadiaribü. Eropirä müa Goámü yapure iidíabiricü müare Goámü peamegue cóagucumi, arípu Jesu.

¹⁶ Eropä arítuha ñgu buheräre werepü:

—Muare peerä yu säre peema. Müare gamebirä yu säre gamebeama. Eropirä yure gamebirä, erä yure obeodigü säre gamebeama, arípu Jesu eräre.

Setenta buherä dujarañorä

¹⁷ Pührü setenta buherä mucubiriri mera dujarañorä:

—Opü, mü waí mera mü turari mera watëare masaguere gua wiridorecü eräpü guare yuhriama, aríñorä erä Jesure.

¹⁸ Erä eropáricü Jesu yuhripü eräre:

—Umarogue miaríñe dijariro dopa ta watí ñgu dijaricü íabü.

¹⁹ Peeque. Müare yu turarire ohabü yuhü. Eropirä añare, corebare, watí marire íhaturigüe áripheereri ñgu turari säre müa tarinugaburire müare ohabü yuhü. Eropirä erä müare ñero iimasibeama.

²⁰ Yu eropä oquerecü ta watëa müare erä tarinugabiricü íarä iri dihtare mucubiribita. Ipüre mucubirique. Umarogue Goámü yarä erä waíre ñgu gojaturipüque müa waíre ñgu gojatura áricü masirá, iripüre mucubirique müa, arípu Jesu eräre.

Jesu mucubiripũ
Mt 11.25-27; 13.16-17

²¹ Iribure Espiritu Santo Jesure buriġa mucubiricũ iipũ. Eropiġu Jesu ðpa arĩpu Ĩgu Pagare:

—Ahu, muhu umaro majarã tauro opu, i yeba majarã tauro opu ahraa. I mu buherire “Masituhaja gua,” arĩrãre masicũ iibea. Mu yare masipehobirãpũre masicũ iibu muhu. Mu eropa iicũ ĩagu “Oataria,” arãa yuhu mre. Eropa ta ahraa, ahu. Erã masibirãpũre erã masicũ gahmeabu muhu, arĩpu Jesu.

Eropa arĩtuha gajirãre ðpa arĩpu:

²² —Yu Pagu arĩpeherrerire yu iiburire apimi yare. Yu Pagu dihta yare masimi. Yu dihta ĩgure masia. Yu beyenirã sã ĩgure masima yu masidorenirã arĩrã. Erã nuca ta yu Pagure masia gua, arĩpu Jesu.

²³ Ĩgu eropa arĩra puhru erã seyaro erã arĩcũ Jesu ĩgu buherãre ðpa arĩpu:

—I arĩpeherrerire ĩarã mucubirirã ahraa mu.

²⁴ Diaye ta ahraa. Bajarã Goãmu ya weremuhtanirã, yebari majarã oparã sã dohpague mu ĩarire ĩadiariñorã erã sã. Eropirã mu peeri sãre peediarĩñorã. Erã eropa masidiaquerecũ ta Goãmu erãre masidorebiripũ irisubugure, arĩpu Jesu.

Õagu Samaria majagu queorire werepu Jesu

²⁵ Irisubu ta judio masare buhegu Jesu pohro eraa, Jesure ĩgu ñero wereniguicũ iidiaripũ:

—Buhegu, ĩyu arĩpeherrerinãri Goãmu mera arĩdiagu dohpa iigucuri yuhu? arĩ serẽpipũ ĩgu Jesure.

²⁶ Ĩgu eroparĩcũ Jesu yuhripũ ĩgure:

—ĩDohpa arĩ irire wereri Goãmu yare erã gojarapũgue? ĩGoãmu ĩgu arĩ gojarapũguere ĩgu mera ðaro arĩdiarire dohpa arĩri mu pepicũ? arĩpu Jesu ĩgure.

²⁷ Ĩgu eroparĩcũ ĩgu yuhripũ:

—Opa arĩñumi Goãmu: “Turaro mu sĩporã mera, mu turari mera, mu ðaro guñari mera Goãmure mahique. Eropiġu mu basi mahiro dopa ta mu pohro arĩrã sãre mahique,” arĩ apiñumi Goãmu marire, arĩpu ĩgu Jesure.

²⁸ Ĩgu eroparĩcũ Jesu yuhripũ:

—Diaye ta arãbu muhu. Irire iique. Eropiġu arĩpeherrerinãri Goãmu mera arĩguca muhu, arĩpu ĩgure.

²⁹ Ĩgu masare buhegu “Ihĩ Goãmu ya dorerire iipehogu ahrimi,” masa ĩgure erã arĩ pepicũ gamepu. Eropa gamegu ĩgu Jesure ðpa arĩ serẽpinemopũ:

—ĩNoa ahriri Goãmu yare mahidoregu? arĩpu ĩgu.

³⁰ Ĩgu eroparĩcũ Jesupũ ðpa arĩ yuhripũ Samaria majagu ĩgu iirare weregu:

—Yujuna Jerusalengue arĩdigũ Jericógue wagu maha ĩgu curicũ yajari masa ĩgure ñeñorã. Eropa ñearã ĩgu suhrirore tuwea aĩ, ĩgure turaro pañorã. Eropa parã sĩrimerejacũ gohra duhuñorã ĩgure.

³¹ Irisubu ta pahi iri mague aripũ. Eropa arigu erã padigũre ĩaqueregu ta maha gajipũ masepu ĩgure ĩhatarigã wapũ.

³² Eropi Goãmu wihi mohmegũ sã mojomorocũgu pohro eja ĩgure ĩha gajipũ masepu tarigã wapũ.

³³ Erã eropiiquerecũ Samaria majagupũ ero waha yoañarirogue ĩha ĩgure mojomoro ĩapũ.

³⁴ Eropiġu ĩgu mojomorocũgu pohro eja, igui deco vino yu mera morera deco mera ĩgu camire piñupũ. Pisũtuhaja suhri gasiro mera diricãhmotapu ĩgu camire. Tuhaja, ĩgure ĩgu yagu burro weca duhpeo, carĩri wihigue aĩ eja pu ĩgure. Ero arĩgu ĩgu Samaria majagu ðaro ĩhadibupu ĩgure.

³⁵ Gajina ĩgu carĩri wihi opure pese niyerusere oho, ðpa arĩpu: “Ire ĩhadibuque. Iseri sihajabiricũ dipaturi dujarigu wajayepohogũ,” arĩpu Samaria majagu wihi opure, arĩpu Jesu.

³⁶ Eropa arĩtuha judio masare buhegu serẽpipũ Jesu:

—ĩOã urerã uma mojomorocũgu pohro tarianirã nihinopũ arĩyuri mojomorocũguere mahigu? arĩpu Jesu.

³⁷ Ĩgu eroparĩcũ buhegu Jesure yuhripũ:

—Mojomorocũguere itamudigu arĩñumi ĩgure mahigu, arĩpu ĩgu Jesure.

—Mu sã masare eropa ta iigu waque, arĩpu Jesu buheguere.

Marta, María sã pohro Jesu curipũ

³⁸ Eropi Jesu İgu buherā mera wacū, gaji macague erā curicū, Marta waicūgo erāre igo ya wihi ñajaridorepo.

³⁹ İgu ñajara puhru igo pagu mago María waicūgo İgu guburi pohro doa İgu buherire peepo.

⁴⁰ İgo eropa iicū İago Marta igo mohmeri baja árıcū İago guapo. Eropigo igo Jesure werepo:

—Opu, ¿yuhu yujugo ta mohmecū yare yu pagu mago igo itamubiricū ōhari mu İacū? İgore yare itamudoreque, arıpo Marta Jesure.

⁴¹ İgo eroparıcū Jesu yuhripu:

—Marta, baja mare mohmeri árıcū wuaro pepia muhu.

⁴² Goāmū İgu yare peedoremi. María ōarire iibo irire beyemo. Eropıgu yare igo peecū, “Mohmetamugo waque,” arıbeaa igore, arıpu Jesu Martare.

11

Jesu Goāmure serēburire buhepu

Mt 6.9-15; 7.7-11

¹ Yujunu Jesu İgu Pagure Goāmure serēgu iipu. İgu serētuhacū yujugu İgu buherā mera majagu ōpa arıpu:

—Opu, Nu İgu buherāre İgu buhediro dopa ta Goāmure serēire gaa sāre buheque muhu, arıpu İgu Jesure.

² İgu eroparıcū peegu Jesu erāre werepu:

—Ōpa arı Goāmure serēque: “Gua Pagu, umaro majagu muhu ōagu āhraa. Dohpaguere arıpehrerā weca opu āhraa. Ūmaroguere mu dorero erā iiro dopa ta i yeba majarā sā iiporo.

³ Eropıgu umuri nucu gaa baburire oniguicāque guare.

⁴ Gajirā erā guare ñero iirare gaa cādijiro dopa ta mu sā gua ñero iirare cādijique. Eropıgu gaa ñeri iiborare cāhmotaque. Gaa ñeri iiborare tauque,” arı serēque Goāmure, arıpu Jesu erāre.

⁵ Puhraguere İgu buherāre ōpa arı buhepu werenigui queori mera:

—Yujugu ñami deco İgu acaweregu wihigue waha, İgure serēpu: “Acaweregu, ureru pan dipure oque yare.

⁶ Gajıgu ya acaweregu curıgu arıdıgu dohparagā yaha wihi erami. Eropıro İgure ya oburi mara,” arıpu İgu İgu acawereguere.

⁷ İgu eroparıcū İgu acaweregu wihi pohecague árıgu yuhripu: “Yare garibobita. Disiporo bihadıro āhraa. Yuhu, yu porā mera carıgu iiaa. Wahgāro bejabirica yare mare barire obudi,” arıpu İgu acaweregu.

⁸ ¿Dohpa warocuri serēgurure? Diaye arāa muare. İgu acaweregu árıqueregu ta barire obudıgu wahgābirıpu. İgu eropa wahgādiabiriquerecū ta bari serēgurıpu guhyasıribıgu İgu yoari boje serēnıguicū árıpehreri İgu serēro dopa ta puhru wahgā ogucumi.

⁹ Eropıgu ire muare weregu iiaa: Goāmure mari Pagure serēque. Eropa serērā mua serēire bocarāca. Goāmure eropa serēnıguicāque. Mua eropa iicū İgu ogucumi.

¹⁰ Árıpehrerā Goāmure serērā aırācoma. Eropırā erā serērare bocarācoma. Eropıgu árıpehrerā Goāmure eropa serēnıguırāre İgu erāre ogucumi.

¹¹ “¿Mua porā muare erā pan serēcū utāyepure obocuri mua? Obiriboya. ¿Erā muare erā waire serēcū añapure obocuri erāre? Obiriboya.

¹² ¿Eropırā mua porā cäreña diuri serēcū corebapure obocuri mua? Obiriboya.

¹³ Mua ñerā árıquererā ta mua porāre ōarire omasia mua. Eropıgu Goāmuru mua tauro ōarire ohomi muare. İgu mari Pagu umaro majagu İgu Espıritu Santore ogucumi İgure serērāre, arıpu Jesu İgu buherāre.

—Jesu watı turarire opami, arı weresāñorā masa

Mt 12.22-30; Mr 3.20-27

¹⁴ Irisubure Jesu watıre cóagu iipu. Watıpu werenıguımasıbigu árıcū iipu masure. Eropıgu watı masure Jesu cóacū masıpu werenıguıngapı. İgu werenıguıcū peerā masa bajarā İhamaria wañorā.

¹⁵ Erā eropa ucaquerecū ta gajırıpu ōpa arıñorā:

—İhı Jesu watēare cóagu Beelzebú waicūgu watēa opu İgu turari mera cohāmi, arıñorā gajırā.

¹⁶ Gajirā “Mũhũ Goãmu Ĩgu obeodigu áriġu Goãmu turari mera deyoro moarire ii ĩhmuque guare,” arĩĩñorā.

¹⁷ Erā eropa dorecũ peegu erā pepirire masigu, erāre õpa arĩ werenigui queori werepu Jesu:

—Watĩ ya turari mera watẽare cóãbeaa yũhũ. Yuju maca majarā erā basi gamequeãrā, iri maca majarā pehrea wabocoma. Eropirā yuju wihi majarā erā basi gamequeãrā, iri wihi majarā pehrea wabocoma.

¹⁸ Eropigu Beelzebú watẽa opupu Ĩgu turari mera Ĩgu watẽare yare cóãdoregu Ĩgu basi Ĩgu yarāre cóãbocumi. Eropirā erā sã wapehrea waboñuma. Mũa yũre õpa arāa. “Ĩgu Beelzebú turari mera watẽare cohãmi,” mũa yũre arĩ weresãa.

¹⁹ Mũa mera majarā sã watẽare cohãma. Eropirā erā “Beelzebú Ĩgu turari mera erāre cohãa,” arĩbeama. “Goãmu Ĩgu turari mera watẽare cohãa,” arĩma. Eropirā mũa yũre “Watĩ turari mera watẽare cohãmi,” mũa arĩra diaye áriĩbiricũ mũa mera majarā wererãcoma.

²⁰ Eropigu yupu watẽare cóãgu Goãmu Ĩgu Espĩritu Santo turari mera iiaa. Yũ eropa cóãcũ ĩarā õpa arĩ masirãca mũa: “Goãmu Ĩgu opu áriĩri i yebaguere áriĩtuhaja dohpaguere,” arĩrãca, arĩpu Jesu.

²¹ —Watĩ turagu tarinũgari werediãcũ õpa ãhraa, arĩpu Jesu. —Wihi opu turagu Ĩgu mojo mera Ĩgu wihiere ĩhadibucũ Ĩgu yare gajirā aĩmasibeama.

²² Ĩgu eropa ĩhadibuquerecũ ta gajigu turatarigu ĩgũre gamequeã, ĩgũre tarinũga, ĩgu mojore emacã, ĩgu yare aĩcã gajirãre gueremi. “Watĩ turagu áriĩquerecũ yũhũ turatariaigu ãhraa,” arĩgu iipu Jesu i queori mera.

²³ Yujugu yũre gamebigu yũre ĩhaturigũ ãhrimi. Yujugu yũre itamubigu yũre teboricacũ ĩgu iimi, arĩ buhepu Jesu.

*Watĩ dipaturi masũguere ñajara queorire werepu Jesu
Mt 12.43-45*

²⁴ Eropigu Ĩgu dipaturi werenigui queori mera õpa arĩ buhepu:

—Yujugu watĩ masũ mera áriĩdi waha deco mariri yeba cuhri, ĩgu sooborore amaripu. Eropa bocabigu õpa arĩ pepiru: “Masũ yũ cóãdi mera dipaturi áriĩgu wagura,” arĩ pepiru ĩgu.

²⁵ Eropa arĩgu ĩgu dujaa waha, ĩgu cóãdigũre ta masũre bocapu daja. ĩgũre bocaboro core masũpu õagu ñeri marigu áriĩpu.

²⁶ Eropigu watĩ gajirā siete watẽare ĩgu tauro ñerãre sihugu wapũ. ĩgu eropa sihucũ erā áriĩpehererā watẽa masũ mera áriĩñorā. Eropigu masũpu ero core yujugu watĩre opagu ñetariagu áriĩripũ. Dohpaguepũre bajarā watẽare opagu áriĩgu, ero core ĩgu áriĩdiro tauro ñegu dujapu, arĩpu Jesu.

Jesu mucubirire werepu

²⁷ Irire ĩgu eroparicũ masa watope áriĩgo Jesure arĩpo busũro mera:

—Mũre porãcũdigo, mũre mihudigo mucubirigo ãhrimo, arĩpo Jesure.

²⁸ Igo eropa arĩtuhacũ peegu Jesu igore yũhrĩpu:

—Goãmu wereniguirire peerã ĩgu dorerire iirãpu erā áriĩrãcoma mucubirirã, arĩpu Jesu igore.

*Masa ñerã Jesure Goãmu turari mera deyoro moarire iidorerĩñorã
Mt 12.38-42; Mr 8.12*

²⁹ Eropi bajarã masa Jesu pohro erā eracũ, ĩgu erāre werenemopũ:

—Dohpague majarā ñerã ãhrima. Yũ diaye arĩgu áriĩcũ mũa masidiarã Goãmu turari mera deyoro moarire iidoreraa yũre. Mũa eropa dorequerecũ ta Jona iribojegue majagu ĩgu iira dihtare ii ĩhmuġucumi Goãmu masare.

³⁰ Jona Goãmu yare weremũhtadigu áriĩgu ĩgu Ninive majarãre ĩgu masicũ iidiro dopa ta yũhũ Goãmu ĩgu obeodigu masicũ iiaa dohpague majarãre.

³¹ Dipuwaja moarinũ áriĩcũ iribojegue majago opo burũ sur majago burũ igo burũ wahgãnũga mũare dohpague majarãre weresãgocumo. Igo Salomo opu ĩgu masirire peediago yorogue aridigo Salomore peego ariipo. Dohpagueere mũa watopere Salomo tauro masigu ãhraa. Yũhũ mũa mera áriĩquerecũ mũa yũ masirire peediabeaa. Mũa eropa peediabirira waja igo opo burũ mũare “Ñerã ãhrima,” arĩ weresãgocumo.

³² Eropa ta dipuwaja moarinũ áriĩcũ Ninive maca majarā mũra sã mũare dohpague majarãre “Ñerã ãhrima,” arĩ weresãrãcoma erā. Jona erāre Goãmu yare ĩgu werecũ peerã, erā ñerire bujawere, õarire gohrotonirã áriĩñorã erãpu. Dohpagueere mũa watopere Jona tauro áriĩgu ãhraa yũhũ. Yũhũ Goãmu yare werequerecũ mũa ñero

iirare bujawerebeaa. Eropirā Ninive majarā mura muare ñerire bujawerebirāre weresārācoma, arī werepu Jesu.

Masa erā pepiro dopa iima, arī werepu Jesu

Mt 5.15; 6.22-23

³³ Eropigu buhenemogu ōpa arīpu erāre:

—Masa sihāgodirure sihāgorā dibubeama. Irirure sihāgorā mātatoro docague dibubeama. Irirure umarogue duhpeomi wihigue ñajarirā erā iha ñajama ōaro.

³⁴ “Mari cuiři mari dūpure sihāgodiru iro dopa ta āhraa,” arī werediācū ōpa āhraa. Mua pepiro dopa ta iiaa. Mua ōaro mera pepirā árīrā ōarire iiaa. Mua ñero pepirā árīrāpu ñeri dihtare iiaa.

³⁵ Eropirā ōaro iique. Mua pepirigue ñero árībiricāporo.

³⁶ Tuhaja mua pepirigue ōari árīcū, ñeri ne maricū ōari dihtare pepirāca. Mua pepirigue ōari árīcū mua ōarire iirāca, arī buhepu Jesu.

Fariseo masare, judio masare buherā sāre Jesu tuhri werepu

Mt 23.1-36; Mr 12.38-40; Lc 20.45-47

³⁷ Jesu iġu buhetuhajacū iġu fariseo masu iġure iġu ya wihigue badoregu sihupu. Eropigu Jesu iġu ya wihigue ñaja, erā baro erā mera doajapu.

³⁸ Iġu eropa doajacū fariseo masupu Jesure iñanurugu judio masa mojo coeniguiro dopa ta iġu mojo coebiricū iġu ōpa arī pepipu: “Cuenā. ¿Ihī duhpigu ġua iro dopa mojo coebeari?” arī pepipu.

³⁹ Iġu eropa arī pepicū masigu Jesu iġure werepu:

—Mua fariseo masa mua dorero dopa ta mua ihririparire, soropari sāre mua coeweea mua ōarire iirire ii iñmudiarā. Eropā coequererā ta mua siporāripure coebeaa. Eropirā mua árīricuri mua pepiripure ne ōarire gohrotobea. Mua pepiriguere ġajirā yare yajadiarire ñeri dihta āhraa.

⁴⁰ Pee masibirā āhraa mua. Goāmu mua dūpure iigu muare pepiri sāre iipu. ¿Irire masibeari mua?

⁴¹ Eropirā mua Goāmu ya árīburire iidiarā mua pepirire ōarire gohrotomuhtaque. Mua eropa iira puhru ōarire iirā árīrāca.

⁴² “Mua fariseo masa ñero tarirāca. Bari ōaro suriburi sarire aī deara puhru diez quēri iiaa. Tuhaja yujuquē ta Goāmu wihigue aġā apia Goāmu dorero dopa ta. Eropā iri dorerire iiquererā ta diaye iirire, Goāmure gamerire mua ne ġuñabeaa. Dūcare mua aīrare merogā Goāmu wihire apicū ōhaa. Eropā iirā ōpa iinemoque: Diaye iirire, Goāmure gameri sāre iique mua.

⁴³ “Mua fariseo masa ñero tarirāca. Buheri wihigue árīrā ōari doari dihtare ġahmea mua. Doberi duarogue masa muare ōaro umupeori mera bocañiri serēcū ġahmea mua.

⁴⁴ “Mua judio masare buherā, fariseo masa sā mua ġuyaricurā āhraa. Ñero tarirāca mua. Masa gobe dibura gobe iro dopa ta āhraa mua. Iri gobe pohro masa tarigārā pohecague boanirā árīcū masibeama. Eropā ta masa mua pohro árīrā mua pepirigue ñeri árīcū masibeama erā, arīpu Jesu erāre.

⁴⁵ Iġu eroparīcū peegu judio masare buherā mera majagu Jesure werepu:

—Buheġu, irire arīġu, ġua sāre ñero arīġu iica muħu, arīpu iġu Jesure.

⁴⁶ Iġu eroparīcū Jesu yuhrīpu:

—Diaye ta āhraa. Mua masare buherā sā ñero tarirāca. Mua ġajirāre erā bocañubiririre iidorea erāre. Eropā dorequererā mūapu erāre ne merogā itamubeaa iri dorerire erā iiboro dopa.

⁴⁷ “Eropirā mua ñero tarirāca. Goāmu yare weremuhtanirā mura ya masa goberire ōaro amuraa mua erāre umupeoro dopa ta iirā. Mua eropa iiquerēcū ta iribojegue majarā mua acawererāpu erāre wejēñuma.

⁴⁸ Erāpu Goāmu ya weremuhtanirāre erā wejēdiro dopa ta mua sā iiboya. Eropirā dohpaguere erā masa goberire amuraa mua. Eropā amurā mua acawererā erāre wejērare ġuñaa mua. Erā eropa wejērare ġuñarā “Ōaro iīñuma,” arīraa mua, arīpu Jesu.

⁴⁹ “Eropigu Goāmu iġu masiri mera ōpa arī wereyuñumi: “Yahare weremuhtamorāre yu buherire buhemuhtamorā sāre obeogura erāre. Eropirā erā yu obeorāre ġajirāre wejē, ġajirāre ñero iirācoma,” arīyuñumi Goāmu, arīpu Jesu.

⁵⁰⁻⁵¹ I yebare Goāmu ihacūnugura puhru Caínpu Abelre wejēñumi. Ero puhru Goāmu yare weremuhtanirāre wejēñuma. Puhru Zacariare mua acawererā mura ta iġure wejēñuma. Iġu Goāmu wihi pohro Goāmu ya árīburire waimurā soeburi mesa pohro árīcū mua acawererā iġure wejēñuma. Árīpehrerā erāre erā wejēra dipuwaja

dohpague majarā dipuwajacurācoma. Eropa ta āhrraa. Muare ta arīgu iiaa. Árīpehrerā erāre erā wejēra dipuwajare dohpague majarāre Goāmū dipuwaja moagūcumī.

⁵² “Mūa masare buherā, mūa ñero tarirāca. Goāmū masirire īgu gojarare opaquererā ta gajirāre werebeaa mūa. Mūa basi Goāmū yare peebeaa. Eropirā gajirā īgu yare erā peediaquerecū ta irire mūa erāre peedorebeaa, arīpu Jesu erāre.

⁵³⁻⁵⁴ Īgu eroparicū peerā judio masare buherā, fariseo masa sā īgu mera guarā īgure ñero wereniguñorā. Eropirā Jesu īgu ñero arī yuhricū peediarā, erā serēpinurūñorā īgure weresādiarā.

12

Erā guyarire Jesu werepu

¹ Eropi Jesu pohro masa bajarā gohra gamenereñorā. Cūhña taricāyoro. Ero Jesu īgu buherāre ōpa arī werepu:

—Ōaro guña masique mūa. Fariseo masa erā pan bugacū iiburire ĩarā ōaro masique. Erā guyarire weregu iiaa.

² Masa erā yayasārare pūhrū masirācoma. Erā dibura sāre gajirā masirācoma.

³ Eropiro gajirā peebirogue mūa wereniguirare ōaro masicū Goāmū weregacumī. Bihara taribugue gajigure erā yayarogā erā arīrare masa bajarā watope masicū iigūcumī Goāmū.

Masa erā güibure werepu Jesu

Mt 10.26-31

⁴ Eropigu Jesu werenemopu erāre:

—Diaye arīgu iiaa muare. Masure wejēra wejētuha dipaturi erā wejēdigure ñero iimasibeama. Eropirā muare wejēdiarāpūre güibiricāque.

⁵ Dohpaguere mūa güibure mūa umupeobure weregara. Goāmūpūre güi umupeoque. Īgu mūa sīrira pūhrū peamegue cōāmasimi muare. Eropa ta āhrraa. Diaye arīgu tūiaa. Goāmūpūre güi umupeoque.

⁶ Cinco mirua waja marima. Eropa waja mariquerecū ta erāgāre Goāmū ĩhadibumi. Ne cādijibeami erāre. Mirua tauro Goāmū ĩhadibumi mūapure.

⁷ Eropigu mūa poari sāre ne yuju poadagā duhyaro mariro masipehomi Goāmū. Eropa ta mūa árīricuri sāre masipehomi. Eropa masigu muare ĩhadibuniguicāmi. Miruare īgu mahiro tauro mūapūre mahimi Goāmū. Eropirā īgure umupeorā güibiricāque mūa, arīpu Jesu.

Jesure mūa umupeorire wereque masare, arīpu Jesu

Mt 10.32-33; 12.32; 10.19-20

⁸ Eropi Jesu werenemopu:

—Muare arīgu iiaa. Yujugu “Jesu yagu āhrraa,” masare īgu arī werecū ĩagu yūhu Goāmū īgu obeodigu sā “Īgu yahagu āhrimi,” arīguca Goāmū yarā anyuare.

⁹ Yujugu masare güigu yūre “Jesucristore masibeeaa,” masare arī weregure yū sā “Īgure masibeeaa,” arī wereguca anyuare.

¹⁰ “Yū masure Goāmū īgu obeodigure ñero arī erā wereniguicū iri ñerire Goāmū cādijimasimi. Eropa cādijiqueregu ta Espiritu Santopūre erā ñero arī wereniguicū irire ne Goāmū cādijisome.

¹¹ “Mari buheri wirigūe oparā pohro gajirā muare aī ñaja weresārācoma. Erā eropa weresācū mūa arī cāhmotaburire ne wūaro pepibiricāque.

¹² Irisubu ta Espiritu Santo mūa wereburire muare weregacumī, arīpu Jesu.

Doberi opu queorire werepu Jesu

¹³ Eropi masa watope arīgu Jesure ōpa arī werepu:

—Buhegu, gua pagu īgu sīrira pūhrū īgu ya árira guare dujaa. Eropigu yū tigure irire yū sāre queoro dūca wadoreque, arīpu īgu Jesure.

¹⁴ Īgu eroparicū Jesu yuhripu:

—Ne irinore dūca wabuno árībeaa yūhu, arīpu Jesu īgure.

¹⁵ Eropa arītuha Jesu árīpehrerāre werepu:

—Ōaro iique mūa. Doberire, gajino sāre gametaribiricāque. Baja opaquererā ta iri mera ta mucubirituhajabeea mari, arīpu Jesu.

¹⁶ Eropa arītuha Jesu erāre i queori mera werepu:

—Doberi opu ōari yebare opapu. Eropiro iri yebare īgu oteri ōaro dūcacūyoro.

¹⁷ Eropigu īgu, īgu basi ōpa arī pepiripu: “Iri dūca yūhu diburi wihire ne sihasosome.

¹⁸ Dohpaguere òpa iigura. I wihi dohpague yu dibumuhtara wihire cóacã, dohpaguere mura wihi tauro mama wihipure wuári wihi iigura. Iri wihire yaha oteri ðucare, árípehrerire dibugura.

¹⁹ Yu eropa iira puhru òpa arí pepigura yu basi: ‘Yu árípehreri opagu áhraa. Óaro soogura. Eropigu baha, ihri, mucubirigura,’ arí pepigura yu basi,” arí pepiripú igu basi.

²⁰ Igu eropa arí pepiquerecú Goãmu igure wereru: “Muhu ne pee masibigu áhraa. Dohpagã ñami ta muhu siriguca. Mu eropa wacú mu ya mu mahira dederea waroca mure,” arípu Goãmu igure, arípu Jesu masare.

²¹ Irire arígu masare òpa arí wereru Jesu:

—Eropa ta warãcoma doberi opará erã Goãmure guñabirã. Baja doberire, niyerure erã ya áriburi dihtare diburã, Goãmure guñabirã erã mojomorocurã iro dopa áríãcoma erã Goãmu igu íacã. Eropigu Goãmu erãre íhasuabeami, arípu Jesu.

*Goãmu igu porãre íhadibumi, arípu Jesu
Mt 6.25-34*

²² Eropi Jesu igu buherãre òpa arí wereru:

—Ire muare arígu íaa: Mua barire, suhri sãre wuaro guñaricubicãque.

²³ Goãmu muare deyoro moagu bari dihtare bamorãre suhri sañamorã dihtare iibiriñumi muare. Mua iri dihtare guñacú gamebeami.

²⁴ Mirimagu porãre Goãmu igu íhadiburire masique. Erã poeri moorã áhrima. Eropiro erã bari dihburi wiri erãre mara. Goãmuru erãre erã baburire ohomi. Mirimagu porã tauro muapure mahimi Goãmu. Eropigu mua sãre íhadibugucumi igu.

²⁵ Wuaro mua pepiri mera iri muare pagarã wacú íbeaa. Eropiro mari wuaro pepiri duhpiburi áríbeaa.

²⁶ Eropirã wuaro mua pepiri duhpiburi áribiriquerécú ta, duhpirã mua baburire, mua ihriburire, mua sañaburire wuaro guña bujawere pepiri mua?

²⁷ “Nugu maja gorire pepique. Iri gori ne iiro mariro ðari goricua. Iri gori ðari suhri iro dopa ðari gori dehyoa. Salomo opu maru ðari suhri opagu igu áríquerécú ta iri goripú igu ya suhri tauro ðari dehyoa.

²⁸ Iri gorire ðari gori gocú iimi Goãmuru. Igu eropa iiquerécú ta iri goripú bajamenarigã áríra puhru ñaidija pehrea wahaa. Merogã áhri gajinu peamegue soe cóacãma. Iri eropa mata pehrequerécú ta iri gorire iri ðari gori áricú iimi Goãmu. Eropigu Goãmu iri gorire igu ðari gori áricú igu iidiro dopa ta tauro mua sãre ðaro iigucumi. Suhrire ogucumi. Daberogã Goãmure umupeoa mua.

²⁹ Eropirã mua baburire, mua ihriburire wuaro guñabiricãque.

³⁰ Goãmure masibirãpu i yeba majarãpu irire eropa amanigucãma. Mari Pagu umaro majagu árípehreri mua gamerire masimi. Igu eropa masicú mua ya áriburire wuaro guñabiricãque.

³¹ Goãmu mua opu igu áriborore gamemuhtaque mua. Mua eropa iira puhru Goãmuru mua gameri duhyacú ogucumi, arípu Jesu.

*Umarogue mari baja opa, arí masia mua, arípu Jesu
Mt 6.19-21*

³² Eropigu erãre werenemoru:

—Yu mahirã, bajamerãgã áríquererã güibiricãque mua. Goãmu igu opu árírore igu mera mua áricú gahmemi igu.

³³ Eropirã mua yare duapehoque. Irire duacã, iri niyerure mojomorocurãre oque. Eropirã umaro maja Goãmu ya áriburire mohmeque. Eropa iirã umaro maja mua wãtari ne pehresome. Umarogue mua ya áríri ne pehrebeara. Eroguere mua yare aimasibeami yajari masu. Eropirã mega sã irire tuamasibeama.

³⁴ Umarogue mua ya áricú Goãmu ya dihtare pepirãca mua, arípu Jesu.

Jesu igu dujariborore coredorepu igu yarãre

³⁵⁻³⁶ Eroparítuhaja erãre werenemoru daja:

—Mua yare amuyunirã iro dopa árirã yahare eropa iiniguirã árirã coreque yu dujariborore. Mohme corerã erã opu mojoto diriri bosenuge igu wacú igu dujariborore erã cohrema. Erã eropa corero dopa ta yu dujariborore coreque mua sã. Opu igu ya wihigue eraa, disiporore igu dotecú peerã erã mata pãgú acuma igure.

³⁷ Mohme corerã erã opu eracú igu gamero dopa ta iiyurã árirã mucubirirã áríãcoma. Erã eropa iicú íagu erã opu mohme coregu iro dopa gohrotogucumi. Eropigu mohme corerãre doadore, igu erãre barire duhpeogucumi.

³⁸ Igu erarisubu ñami deco áricú, o boyorogue áríquerécú mohme corerãpu igu erarisubure igure ðaro corerã árirã, mucubirirã áríãcoma erã.

³⁹ Ire guñaque mua. Wihi opu yajari masu ĩgu eraborore masigu, ĩgu yajari masare coregu ñajadorebiriboñumi.

⁴⁰ Eropirã mua sã coreque. Yuhu masu Goãmu ĩgu obeodigu guñaña mariro ariguca. Eropirã yahare eropa iinĩguirã árirã yare coreque mua, arĩpu Jesu erãre.

Gajigu mohme coregu ĩgu opure ĩgu umupeopu. Gajigupu umpeobirĩpu, arĩ werepu Jesu

Mt 24.45-51

⁴¹ ĩgu eroparĩcũ Pedropu serẽpipu Jesure:

—Opu, ¿i queorire weregu guare arĩgu iiri? ¿O ártĩpehrerãre eropa arĩri? arĩpu Pedro.

⁴² ĩgu eroparĩcũ Jesu werenĩgui queoriñe mera õpa arĩ buhepu erãre:

—Mohme coregu ĩgu opure umupeogu pee masigu õpa ta áhrimi. Opu curĩgu wagu, mohme coreque ĩgu wihire apimi. ĩgu apigupu doregu ártĩgucumi. Eropigu barisubu ártĩcũ gajirã mohmeri masare barire gueremi.

⁴³ Eropigu opu ĩgu ya wihigie dujarami. ĩgu opu eracũ mohme coregupu ĩgu opu ĩgu dorediro dopa ta iĩpeshodigu ártĩgu, ĩgu mucubirigu ártĩgucumi.

⁴⁴ Diaye arĩgu iiaa muare. ĩgu eropa iicũ ĩagu ĩgu opu ártĩpehreri ĩgu yare ĩhadibugu apĩgucumi ĩgare daja.

⁴⁵ Ñegu mohme coregupu õpa ta áhrimi. “Yu opu yoja deyobeami,” arĩmi. Eropa arĩgu gajirã mohme corerãre umare, nome sãre pami. Eropigu wũaro baha, ihri, meremi.

⁴⁶ ĩgu eropa iirisubu guñaña mariro ĩgu opu dujaragucumi. ĩgu dujararinare ne masibeami mohme coregu. Eropa dujaragu ñegu ĩgu iirare pee ĩgure ñero dipuwaja moagucumi. Eropigu Goãmure tarinaganirãre ĩgu cóãdirogue ĩgure cóãgucumi.

⁴⁷ “Eropigu mohme coregu ĩgu opu gamerire masigu ártĩqueregu ta irire ĩgu iibiricã, ĩgu õaro ĩgu mohmebiricã, ĩgu opupu ĩgure burigã dipuwaja moa pagucumi ĩgure.

⁴⁸ Gajigu mohme coregupu ĩgu opu gamerire masibigu ártĩcũ ĩgu opupu ĩgure daberogã ñari ĩgu eropa ártĩri dipuwajare pagucumi. Goãmũ ĩgu gamerire masicũ iimi masare. Eropiro masigure yuhriro gahmea. Eropiro õaro masigure õaro yuhriro gahmea, arĩpu Jesu.

Jesu masare game dũca waricã iimi

Mt 10.34-36

⁴⁹ Eropa arĩtuha Jesu erãre werepu daja:

—Peame soewearo dopa ta yuhu i yebare masa erã ñero iirire cóãgu arĩgu iibu. Dohpague ta masa ártĩpehreri ñeri marirã ártĩcũ burigã gahmea yuhu.

⁵⁰ Yuhu ñero tariguca. Yu eropa ñero tariburire coregu, ñero siporãcua yuhu.

⁵¹ ¿Dohpa arĩ pepiri mua yare? Yuhu i yebaguere buhegu aricũ yu buheri mera “Masa ĩhaturisome pare,” ¿arĩ pepiri mua? Eropa ártĩbeaa. Muare arĩgu iiaa. Masa yu buherire peerã, pe curu erã basi game dũca warirãcoma. Yujurãyeri yu buherire peerãcoma. Gajirãpu irire gamebirã erãre ĩhaturirãcoma. Eropirã yujuro mera ártĩsome masa.

⁵² Eropirã yuju wihi majarã sã cinco masa yu buherire peerã, pe curu erã basi game dũca warirãcoma. Yuju curu urerã, gajĩ curu perã ártĩrãcoma.

⁵³ ĩgu pagu ĩgu magure ĩhaturigucumi ĩgu yaha buherire peecã. Gajigu magu sã ĩgu pagure ĩhaturigucumi. Eropigo igo pago igo magore ĩhaturigocumo. Gajigo mago sã igo pagore ĩhaturigocumo. Eropigo igo mañeco igo bepre ĩhaturigocumo. Gajigo bepo sã igo mañecore ĩhaturigocumo. Eropa warãcoma yaha buherire erã peecã, arĩpu Jesu.

Jesu “Mua yu ĩirire ĩaquererã yare masibea,” arĩ werepu Jesu masare

Mt 16.1-4; Mr 8.11-13

⁵⁴ Eropi Jesu masare bajarãre õpa arĩ werepu daja:

—Abe ñajarogue imica cururi ĩarã, “Mata deco ariroca,” arãa mua. Mua eropa arĩra puhru deco ahraa.

⁵⁵ Eropirã surgue miruñe aricũ “Asirinũ ártĩroca,” arãa mua. Mua eropa arĩra puhru irinũ asia.

⁵⁶ Mua guyaricurã áhrraa. Yebare ĩarã, umarore ĩarã “Õpa waroca,” arĩ masia mua. Õarinũ ártĩborore, ñerinũ ártĩboro sãre masia mua. ¿Eropa õaro masiquererã ta, duhpirã dohpague yu Goãmũ turari mera yu muare ĩhmuquerecũ ta ne irire õaro masibeari mua? arĩpu Jesu.

Mũare ĩhaturigu mera mua gamequeãrare mua basi amuque, arĩ werepu Jesu

Mt 5.25-26

⁵⁷ Eropa arĩtuhaja ðpa arĩ werenemopu:

—¿Mua diaye iiburire masibeari mua dohpa?

⁵⁸ Gajigu mũre weresãgu wagu dipuwaja moadoreri wihigue wadorebocumi. Erogue ejaboro core “Dipaturi mũre eropa iisome,” arĩ game amuque. Mũhũ ĩgũre amubiricũ mũre ĩgu dipuwaja moadoreri wihigue aĩgãbocumi mũre. Eropigu dipuwaja moadoregũpũ mũre surarare ĩgu wiacũ, mũre surara peresu iĩracoma.

⁵⁹ Mũre arĩgu iiaa. Ne erã wajayedorerare mũ wajayepohocũgue wirigũca mũhũ, arĩpũ Jesu.

13

Mua ñeri iirare bujawere, ðarire gohrotoque, arĩ buhepũ Jesu

¹ Irisubure bajamerãgã masa Jesure ðpa arĩ wereñorã:

—Galilea majarã Goãmure waibũgure wejẽ, erã soe muju umupeorisubu Pilatopu erãre wejẽpũ. ĩgu eropa wejẽcũ waibũgu di mera masa di morera wayoro, arĩ wereñorã erã Jesure.

² Erã eropa weretuhajacũ Jesu yũhrĩpũ:

—¿Galilea majarã Pilato ĩgu wejẽnirã mũrare dohpa arĩ pepiri mua? ¿Erã eropa sĩrirã gajirã Galilea majarã tauro ñerã árĩra dipuwaja sĩriyuri?

³ Árĩbeaa. Mũare arĩgu tiiaa. Mũapũ ñerire bujawerebirã, ðaripũre gohrotobirã, mua sã sĩrirã peamegue warãca.

⁴ Eropirã sohõ árĩnirã diez y ocho masa Siloé waĩcũri wihi umari wihi erã weca yuribeja wejẽpehoyoro. ¿Eropa wa sĩrirã gajirã Jerusalén majarã tauro ñerã árĩra dipuwaja sĩriyuri mua pepicũ?

⁵ Árĩbeaa. Mũare arĩgu tiiaa. Mũa ñerire bujawerebirã ðaripũre gohrotobirã, mua sã sĩrirãca. Eropirã peamegue warãca, arĩpũ Jesu erãre.

Higueragu dũca maridigu queorire werepũ Jesu

⁶ Eropa arĩtuhaja, Jesu i queori mera werepũ erãre:

—Pohe opu ĩgu pohegue ĩgu higueregure opapũ. Eropigu ĩgu irigu dũcare amagu warĩpũ. Bocabirĩpũ.

⁷ Bocabirinijagu ĩgu iri pohe mohmegure werepũ. “Peeque yare. Uhre bojori gohra higueregũ dũcare amaraa. Dũca mara. Irigu dũca maricũ irigũre pa cóacãque. Irigu yaha pohe árĩcũ gajigũre otemasibea,” arĩpũ pohe opu mohmegure.

⁸ ĩgu eroparĩcũ peegu mohme coregu ðpa arĩpũ: “Opũ, irigu yuju bojori gohra niguiniporo. Yũhũ irigu gubuyere seatu nujatu iigũra. Tuhaja waibũgu gũra mera iri gobere yaagũra.

⁹ Yũ eropa iira puhũrũ irigũre gaji bojori dũcacucũ ðaroca. Dũca maricũ mũhũ padoregũca,” arĩpũ mohme coregu pohe opũre, arĩ werepũ Jesu.

Sabadonũ Jesu dorecũgore ðago iipũ

¹⁰ Irisubure Sabadonũ Jesu judio masa buheri wihigue buhegu iipũ.

¹¹ Ero pũriri dorecũgo diez y ocho bojori gohra pũriri dorecũgo árĩpo. Eropigo opatũ niguigo árĩgo, diaye niguimasibiripo.

¹² Igo eropa árĩcũ ĩagu Jesu igore ĩha, piyupũ:

—Noméo, mũ dorecũri pehrea wahabu, arĩ piyupũ Jesu.

¹³ ĩgu piyura puhũrũ igore ĩgu mohmepicũ mata igo diaye niguigo wapo. Eropa wago “Goãmũ turagu, ðagu áhrimi,” arĩ Goãmure umupeopo igo.

¹⁴ Jesu igore Sabadonũ árĩcũ ĩgu ðago igore iicũ ĩagu iri buheri wihi opũpũ ĩgu mera guapũ. Eropa guagu ĩgu masare ðpa arĩpũ:

—Seis nũri áhraa mari mohmerinũri. Eropirã mua dore ðarã árĩdiarã irinũrire taudorerã arique. Sabadonũre mari soorinũre irire iibiricãro gahmea, arĩpũ wihi opu.

¹⁵ ĩgu eroparĩcũ Jesu ðpa arĩ yũhrĩpũ:

—Mũa gũyaricũrã áhraa. Mũa wecũare, burro sãre oparã Sabadonũ árĩquerecũ erã diriradare pã, erãre aĩ buha ihridorea.

¹⁶ Dohpague igore Abrahã mũrũ acaweregore watĩ diez y ocho bojori gohra igore dorecũcũ iimi. ¿Sabadonũ árĩcũ igore ðago iidorebeari mua? arĩpũ Jesu.

¹⁷ ĩgu eroparĩcũ erãpũ guhyasiũro wañorã. Eropirã gajirãpũ árĩpehreri Jesu iirare ĩha mucubiriñorã.

Mostaza coye queorire werepũ Jesu

Mt 13.31-32; Mr 4.30-32

¹⁸ Eropigu Jesu werepũ daja:

—¿Goãmũ masa tauro opu ãgu árfiri werediacũ ñeheno iro dopa áhriri mua pepicũ? I werenigui queoriñe mera weregura yũhu.

¹⁹ Mostazayegã iro dopa áhrea. Iriyegãre oteri masũ yujugu ãgu ya pohegue otemi. ãgu otera puhru ðaro puhria. Eropiro yucũgu wuadigu wahaa. Eropa wacũ mirimagũ porã bajarã irigu ðuprigue suhri suama. Eropa ta umaro majagu mari Opũre masirã bajamerãgã erã árfimũtaquererã puhruquere erã bajarã warãcoma, arĩpu Jesu.

Pan bugari queorire werepu Jesu

Mt 13.33

²⁰ Eropigu dipaturi Jesu werenigui queoriñe mera buhepu:

—¿Goãmũ masa tauro opu ãgu árfiri werediacũ ñeheno iro dopa áhriri mua pepicũ?

²¹ Pan bugacũ iiburi iro dopa áhrea. Yujugo nomeo panre iigo pan bugacũ iiburi pohgare merogã moremo trigo pohga mera. Igo eropa iicũ pan bugacũ iiburi pohga merogã árfiquerero trigo pohgare ðaro seyapheha wahaa. Eropa ta umaro majagũre mari Opũre bajarã masa masirãcoma, arĩpu Jesu.

Miri disiporogã queorire werepu Jesu

Mt 7.13-14, 21-23

²² Eropi Jesu paga macarigue, mũta macarigãgue buhegã, Jerusalẽngue ejabu iipu.

²³ ãgu eropa warisubu masũ Jesure ðpa arĩ serẽpipũ:

—Opũ, ¿bajamerãgã dihtare peamegue wabonirãre Goãmũ taugũcuri erã ãgu pohro waboro dopa? arĩpu ãgu Jesure.

ãgu eroparicũ Jesu werenigui queoriñere buhegu ðpa arĩ werepu:

²⁴ —Yu mũare ðpa arãa: Bajarã Goãmũ pohrogue wadiaquererã wamasisome. ãgu pohro waburi miri disiporogã ñajaro dopa áhrea. Eropirã mua i disiporogãre turaro ñajadiarã iro dopa ta ãgu yare iique.

²⁵ ðpa iigũcumi Goãmũ bajarã masare. ãgu wihi opu iro dopa áhrimi. Wihi opu wahgã, disiporore bihagũcumi. ãgu eropa iicũ disiporogue mua niguirã disiporo biharisere doterãca. Doterã ðpa arĩrãca. “Opũ, disiporore pãgũque guare.” Mũa eroparicũ wihi opu yuhrigũcumi. “Mũa aridirore masibea yũhu. Eropigu mũare masibea,” arĩ yuhrigũcumi,

²⁶ ãgu eroparicũ mua yuhrirãca. “Mũ mera gua baha, ihibũ. Gua ya maca buhebu mũhu,” arĩrãca mua.

²⁷ Mũa eroparicũ ãgupu yuhrigũcumi. “Mũa aridirore masibea. Árfihererã mua ñeri iinirã yũ pohro aribiricãque,” arĩgũcumi wihi opu.

²⁸ Eropi Abrahãre, Isaare, Jacobore, árfihererã Goãmũ ya weremuhtanirãre Goãmũ ãgu opu árfirore erã árficũ ñarã, mua disiporogue cõanirã árfirã burigã orerãca. Eropirã mua turaro bujawererã, mua gũcũrĩre cũridihurãca.

²⁹ Irisubure norte majarã, sur majarã, abe mũririro majarã, abe ñajaro majarã Goãmũ ãgu opu árfiroguere eja, mesa pohro doarãcoma.

³⁰ Dohpague árfirã pohro majarã árfirã irisubure oparã árfirãcoma. Eropirã dohpaguere “Oparã áhrea,” arĩrã irisubure pohro majarã árfirãcoma, arĩpu Jesu.

Jerusalẽn majarãre burigã mahipu Jesu

Mt 23.37-39

³¹ Irisubure bajamerãgã fariseo masa Jesu pohrogue ejarã, ãgũre wereñorã:

—Herode mũre wejẽdiami. Eropigu gajipu waque mũhu, arĩñorã erã ãgũre.

³² Erã eroparicũ Jesupu yuhripũ:

—Herode guyaricũgu áhrimi ãgu. ðpa arĩ wereque ãgũre: “Jesu watẽare cõãgu iimi. Eropigu dorecurãre ðarã iigu iimi. Irire dohpagãre, ñamigã sãre iigũcumi. Eropigu ñamigã core mohmetugũcumi,” arĩ wereque Heroderẽ.

³³ Eropigu dohpagãre, ñamigãre, ñamigã core sãre Jerusalẽngue curigu wagũra. Ero yũre Goãmũ yare weremuhtagũre wejẽrãcoma masa. Goãmũ yare weremuhtagũre erã wejẽbupũre Jerusalẽngue árfiro gahmea. Eropigu yũre i maca ta dujaro gahmea.

³⁴ “Mũa Jerusalẽn majarã, mua acawererã mũra Goãmũ ya weremuhtanirãre wejẽmũrinirã árfima. Eropirã Goãmũ obeonirãre utã mera deamũrinirã árfima. Cãreña burõ iro porãre iigo quẽdũpũri mera iigo cõã oyaro dopa ta bajasuburi opadiaribũ mũare. Mũapu irire yũre ne gamebiribũ.

³⁵ Dohpagũre mua árfiri maca cõãra maca árfiroca. Diaye arĩgu tiiaa mũare. Pũhru dujarigũca daja yũhu. Eropa yũ dujaricũ ñarã mua yũre Goãmũ turari mera arigu “Õaro ariporo,” arĩrãca. Yũre mua irire arĩboro core dipaturi yũre ñasome mua, arĩpu Jesu.

14

Dorecugure ðagu iipɔ Jesu

¹ Gajinɔ erɔ soorinɔ Sabadonɔ ɔ́ricɔ fariseo masa oparɔ mera majagu ya wihigue Jesu bagu wapu. Iri wihi ɔ́rírɔ ígure íhanarusiañorɔ.

² Eropigu ñigagu bijigu ígu pohrogue ejaɔ.

³ Eropigu Jesu judio masare buherɔre, fariseo masa sɔre serɛpipu:

—¿Mari soorinɔre dorecugure ðagu iidoreri Goɔmu yare erɔ gojarapɔ? arɔpu Jesu.

⁴ Ígu eropa arɔ serɛpiqueɛcɔ ta erɔ yuhribiriñorɔ. Erɔ yuhribiricɔ íagu Jesu ñigagu bijigure ðagu iipɔ. Tuhajanugu, “Waque,” arɔpu ígure.

⁵ Eropa iituhagu erɔre serɛpipu daja:

—¿Mɔa yagu burrore o mɔa yagu wecure gobegue yuhridijadigure mata aɔ wiubeari mɔa mari soorinɔ ɔ́riqueɛcɔ? arɔpu Jesu.

⁶ Ígu eropa arɔqueɛcɔ ta erɔ ígu serɛpirire yuhrimasibiriñorɔ daja.

Mojoto dirirogue sihubeonirɔre werepu Jesu

⁷ Fariseo masu ya wihi ɔ́rigu iri wihi majagu ígu sihubeonirɔ oparɔ doarire erɔ beyemɔhtacɔ íapu Jesu. Eropa íatuha ire werepu ɔ́rɛpɛherɔre:

⁸ —Mojoto diriri bosenu ɔ́ricɔ ígu mɔare sihubeocɔ, ígu ya wihigue eja oparɔ doarire beye doabiricɔque. Mɔa tauro guhyadiarɔre sihubeonimi iri wihi opu.

⁹ Ígu eropa iicɔ mɔa oparɔ doarire doacɔ “Oɔ guhyadiarɔre mɔa doarire oque,” mɔare arɔbocumi wihi opu. Ígu eroparɔcɔ mɔa guhyasiuro dujarɔca. Eropirɔ bu ɔ́rírɔ doarire doarɔ warɔca.

¹⁰ Eropirɔ wihi opu mɔare sihubeocɔ, bu ɔ́rírɔ doarire doamɔhtaque. Mɔa eropa iicɔ wihi opu mɔare oparɔ doaripure “Doarɔ arɔique,” arɔgucumi ígu mɔare. Mɔa eropa wacɔ gajirɔ ígu sihubeonirɔpu mɔare umupeori mera íarɔcoma.

¹¹ Yujugu ígu basi “Opɔ ɔ́hɔraa,” arɔ pepigu bu ɔ́rigu ɔ́rigucumi. Eropigu gajigu “Bu ɔ́rigu ɔ́hɔraa,” arɔ pepigu, gajirɔre tarinugadiabigu opu ɔ́rigucumi, arɔpu Jesu erɔre.

¹² Eropa arɔtuha Jesu wihi opu werepu:

—Mɔhu bosenu iigu mɔ pohro ɔ́rírɔre, mɔ pagu porɔre, mɔ acawererɔre, doberi oparɔre sihubiricɔque. Mɔhu erɔre sihucɔ mɔre erɔ sɔ sihu gamerɔcoma daja. Eropa sihu gamerɔ mɔre erɔ wajamorire wajayerɔcoma.

¹³ Mɔhu bosenu moagu mojomorocɔrɔre, curimasibirɔre, yujupu guburu poyanirɔre, cuiri íhajabirɔre sihubeoque.

¹⁴ Mɔ eropa iicɔ íagu Goɔmu mɔre ðaro iigucumi. Erɔpu mɔre erɔ sihura wajamorire wajayemasibeama. Eropigu ðarɔ sɔrinirɔ erɔ masa mɔriarisubu ɔ́ricɔ Goɔmɔpu mɔre wajayegucumi, arɔpu Jesu wihi opu.

Wɔari bosenu iira queorire werepu Jesu

¹⁵ Ígu eroparɔcɔ peegu gajigu bari mesa pohro doadigu Jesure werepu:

—Goɔmu ígu opu ɔ́rírɔ ígu bari mesa pohro doarɔ turaro mucubirirɔ ɔ́rírɔcoma, arɔpu ígu Jesure.

¹⁶ Ígu eroparɔcɔ Jesu i queorire werepu ígure:

—Wɔari bosenu iigu bajarɔ masare sihubeopɔ.

¹⁷ Ígu sihubeora puhru bosenu ɔ́rinɔ gohra mohme coregure ígu sihubeonirɔre weredoregu obeopɔ. “Ma, ɔ́rɛpɛherɔre bosenu maja ɔ́rɔburire amutuhama. Eropigu mɔare sihubeomi,” arɔ weredorepu mohme coregure.

¹⁸ Mohme coregu ígu eropa arɔ werequerecɔ ta, ígu sihunirɔpu “Wamasibirica,” arɔñorɔ erɔ. Ígu sihumɔhtadigu opa arɔ werepu mohme coregure. “Dohparagɔ yebare asɔabu. Eropigu iri yebare íagu wabu iiaa. Eropigu wamasibirica. Umupeoque yure. Yure masiya mara, arɔique,” arɔpu ígu sihumɔhtadigupu mohme coregure.

¹⁹ Gajigupu opa arɔpu: “Wecɔare pe mojtocɔ majarɔ dohparagɔ ta asɔabu. Eropigu wecɔare queo íagu wabu iiaa. Eropigu wasome. Yure wamasiya mara,” arɔpu ígu sɔ.

²⁰ Gajigupu opa arɔpu: “Yɔhu dohpagɔ mojtoto dihriabu. Eropigu iri bosenu wamasibirica,” arɔpu ígu mohme coregure.

²¹ Ígu eroparɔcɔ mohme coregupu dujaa wa, ígu opu erɔ arɔrɔre werepɛhopɔ. Ígu eropa arɔ werecɔ ígu opu turaro gua, opa arɔpu mohme coregure. “Yojaro mera maca ɔ́rírɔ marigue, mojomorocɔrɔ erɔ ɔ́rírɔ marigue waque. Eropigu mojomorocɔrɔre, curimasibirɔre, cuiri íhajabirɔre, poyari masare yojaro mera aígarique erɔre,” arɔpu opu.

²² Puhru mohme coregu werepu igu opure: "Opu, ma dorediro dopa ta masare sihuabu. Yu eropa sihuquerecu ta gajira sa iri taribure sihajaracoma," aripu mohme coregu.

²³ Igu eroparicu opu igure dorepu: "Campogue waque. Ero paga marigue, mata marigague arirare yaha wihigue aridoreque yaha wihi oaro utaturimaja oaro.

²⁴ Diaye arigu iiaa mure. Oa yu sihumantirā yu barire ne meroga basome," aripu opu, ari werepu Jesu.

Jesu mera wacu diasa ahraa

²⁵ Irisubure bajarā masa Jesu mera wañorā. Eropigu Jesu erare maji iha werepu:

²⁶ —Yujugu yu buhegu aridiagu gajira tauro yapure mahiro gahmea. Igu pagure, igu pagore, igu marapore, igu porare, igu pagu porare igu basire igu mahiro tauro yapure mahiro gahmea.

²⁷ Yujugu yu buhegu aridiagu yahare eropa iiniguigu arigucumi. Eropigu Igu yahagu Igu ariri dipuwaja nero tariquerega ta yare pihrisome. Eropa nero taridiabigu yu buhegu arimasisome.

²⁸ Ire masiyuro gahmea muare. Opa ahraa iri: Wihi iigu Igu umari wihi Igu iiboro core wihi wajacuburire queomantanimi. Eropa iigu Igu wihire pehobore masimi Igu.

²⁹ Wajacuburire queobigu iri wihire iipehobiribocumi. Eropira igure iarā weryabocoma.

³⁰ "Ihi Igu wihire iigu bocatubirañumi," ari weryabocoma.

³¹ Opu sa gajigu opu yarā mera erā gamewejeboro core, Igu yarā surarare Igu gamewejedoreboro core, Igu yarā surarare queogucumi. "¿Yahu diez mil surara mera gajigu veinte mil surara opagu mera gamewejegu wagu bocatubocuri?" ari pepigu queogucumi Igu.

³² Eropa queogu "Bocatusome," arigu, gajigu opu Igu surara mera gamewejegu arigu yoarogue Igu aricu ta, "Bocatusome," arigupu "Gamewejebiricāra," aridoregu obeobocumi Igu pohro majagare.

³³ Eropira yu buherā aridiarā ma iiburire muare masiyuro gahmea. Eropira ma gamerire duhdiabirā yu buherā arimasibea ma, ari werepu Jesu.

Goamu yare iiniguuro gahmea, ari werepu Jesu

Mt 5.13; Mr 9.50

³⁴ Eropigu erare werenemopu:

—Moa oaro acari ahraa. Iri moa ñeri wacu dipaturi oari iimasiya mara.

³⁵ Iri moa mera duhpimaja masiya mara. Iri eropa aricu iri moare coaro gahmea. Eropira ma Goamu yare iiniguibirā ne duhpimorā aribeaa. Ire oaro peeque ma, aripu Jesu.

15

Oveja dederedigure bocara queorire werepu Jesu

Mt 18.10-14

¹ Eropa gajinu bajarā wajasea corerā gajira "Ñerā ahrima," erā arirā mera Jesure peerā arñorā.

² Erā eropa iicu iarā fariseo masa judio masare buherā sa Jesure ihatirirā opa arñorā erā basi:

—Ihi ñerā mera wapicumi. Eropigu erā mera bahami, ari wereniguñorā erā erā basi.

³ Erā eropa ari wereniguicu Jesu i queori mera opa ari buhepu erare:

⁴ —¿Cien oveja opu yujugu oveja dederea wacu igu dohpa iigucuri Igu? Opa iigucumi. Igu noventa y nueve ovejare erā bari campogue api, dederedigure amagu wacucumi. Ovejare bocaguge dujarigucumi.

⁵ Iguere bocagu mucubirigucumi. Eropigu igure Igu weca coapeo

⁶ Igu ya wihigue ai dujaa wagucumi. Ai dujaja, Igu pohro arirare, Igu acawererare sihu gameneogucumi. "Yu oveja dederedigure bocabu. Eropira yu mera mucubirique," arigucumi Igu erare.

⁷ Oveja dederedigure Igu bocadiro dopa ta opa arigu iiaa muare. Yujugu ñerire iigu Igu ñerire bujawerecu aripure gohotocu iarā Goamu pohro arirā burigā mucubirima. Gajirapu bajarā masa opa ari pepima: "Ñero iibeaa yapu. Eropiro yu ñeri bujawereburima mara," ari pepirima. Iri eropa ari pepicu iarā umaro majarā Goamu pohro arirā mucubiribeamā, aripu Jesu.

Niyeruse dedererare bocara queorire werepu Jesu

⁸ Eropa arĩtuha gaji queori mera werenemopũ:

—¿Diez niyeruseri waja pagariseri opago yujuse dederecũ duhpiocuri igo mũa pepicũ? Ōpa iigocumo igo. Sihãgodirure sihãgo, wihire oha, õaro amapehogocumo. Irisere bocagogue duhugocumo.

⁹ Irisere bocatuha, igo pohro árĩrãre, igo acawererãre sihupehogocumo. “Niyeruse yahase dedererasere bocabũ. Eropirã yũ mera mucubirique,” arĩgocumo igo.

¹⁰ Diaye arĩgu iiaa mũare. Eropa ta yujugu ñerire iigu igo ñerire bujawerecũ õarire gohrotocũ Goãmũ yarã anyuapũ burigã mucubirirãcoma. Īgu dederebodigu dederebeamĩ pare. Eropirã turaro mucubirirãcoma, arĩpũ Jesu.

Magũ dederedigũ pagũ pohro dujajara queorire werepũ Jesu

¹¹ Eropa arĩtuha Jesu gaji queori mera werepũ daja:

—Buũ porã perã árĩñorã.

¹² Duhyagupũ õpa arĩpũ ĩgu pagure: “Ahũ, mũ sĩrira puhũ yũre mũ oburire yũre opurumujuque,” arĩpũ ĩgu ĩgu pagure. ĩgu eroparicũ erã pagũ perãgue ta ĩgu porãre guerepũ ĩgu oparare.

¹³ Bajamenurigã puhũ duhyagupũ ĩgu ya árĩpehrerire aĩ, yoarogue gaji yebague waha wapũ. Ero eja ĩgu ya niyerure iisiripehocãpũ.

¹⁴ ĩgu iisiripehora puhũ iri yebare ne bari marinugayoro. Eropigu oaboapũ.

¹⁵ Eropigu iri yeba maja mohmerire amapũ. ĩgu mohmerire bocacũ ĩgu opũ yesea coregu acupũ ĩgure.

¹⁶ Eropigu ĩgu yeseare ejo, erã barire badiaripũ ĩgu sã. ĩgu eropa badiaquerecũ ta ero majarã ĩgure barire obirĩñorã.

¹⁷ Eropi ĩgure ero guñari ariyoro pare. “Yũ pagure mohme corerãpũ pagari barire opacoma. Erã ba duhari sã pagari árĩca. Erã õaro árĩrisubu yupũ ohõ arĩgu oaboagu iiaa.

¹⁸ Dohparagã yũ pagũ pohro dujagura. Yũ pagũ pohrogue ejagu õpa arĩgura ĩgure: ‘Ahũ, Goãmũre ñero iiaabũ. Mũ sãre ñero iiaa.

¹⁹ Negũ ãhrraa. Eropigu mũ magu diaye dopa ĩabita yũre pare. Mũre mohme corerã dopa ta ĩaque yũre,’ arĩgura yũ pagure,” arĩ pepipũ ĩgu.

²⁰ Eropa arĩ pepigu wahgãnugaja, ĩgu pagũ pohrogue dujaa wapũ. Erogue ĩgu ejadigu ĩgu dujaricũ ĩgu pagupũ ĩgure yoarogue ĩgu árĩcũ ta ĩgu magure ĩha masipũ.

“Īgu eropa eracũ ĩagu ĩgu magure mojomoro ĩapũ. Mojomoro ĩagu ĩgure oma bocatĩri pabua, ĩgu wayuporãre mimipũ ĩgu pagũ ĩgu magure.

²¹ “Ahũ, Goãmũre ñero iiaabũ. Mũ sãre ñero iiaa. Ñegu ãhrraa yũhu. Eropigu mũ magu diaye dopa ĩabita yũre pare,” arĩpũ ĩgu ĩgu pagure.

²² ĩgu eroparicũ peequeregu ta ĩgu pagupũ mohme corerãre sihupũ. “Yojarõ, õariñe suhrirõre aĩgãrique. Eropirã yũ magure sãque. Sãtuha ĩgu mojtore sãri berore sã, ĩgu guburire zapature sãque.

²³ Sãtuha diicũgu wecure wejẽque. Bosenu iirã.

²⁴ Ihĩ yũ magu sĩrigũ dopa ta waha wami. Eropa waqueregu ta dohpaguere ojocarimi ĩgu. Dederedigũ dopa árĩdigũre dohpaguere bocabũ. Eropirã bosenu iirã,” arĩpũ ĩgu pagũ. ĩgu eropa arĩra puhũ bosenu iinũgañorã erã.

²⁵ “Irisubure ĩgu tĩgupũ pohegue árĩpũ. Pohegue árĩdigũ dujarigu wihĩ pohro eragu, erã bayarire peepũ ĩgu.

²⁶ Peegu yujugu mohme coregure sihubeo ĩgure serẽpipũ ĩgu: “¿Dohpa iirã bayarã iiarĩ?” arĩpũ ĩgu mohme coregure.

²⁷ “Mũ pagũ magu dujaramĩ. ĩgu õagu dujaracũ mũ pagu diicũgure wecure wejẽdoreami,” arĩ yũhripũ mohme coregu.

²⁸ ĩgu eropa arĩ werecũ ĩgu tĩgupũ burigã guagu wihigue ñajabiripũ. ĩgu eropa ñajabiricũ ĩagu ĩgu pagu wiriri, “Ñajarique,” arĩ turaro sihuripũ ĩgu magure.

²⁹ “Peeque, ahũ. Yũhu yoari boje mũre mohme coregu dopa ta itamurabu. Eropigu mũ dorerire ne yujusubu tarinũgabirimurabu. Yũhu mũre mohme corequerecũ ta yũpare ne obirabu mũhu. Ne yujugu waibũgure obeaa mũhu yũre yũ mera majarã mera yũ bosenu iicũ.

³⁰ Eropigu ihĩ mũ magupũ ñerã nome mera mũ yare iisiripehodigu árĩmi. Irire iisiripehotuha, ĩgu wihigue ĩgu dujaracũ diicũgu wecure wejẽabũ mũhu ĩgu babure,” arĩpũ ĩgu tĩgu ĩgu pagure.

³¹ “Mahgu, mũhu yũ mera árĩpehrerinũri ãhrraa. Eropiro árĩpehreri yaha mũ ya dihta ãhrraa.

³² Mũ pagu magupũ s̄iridigu dopa ta wahãmi marire. Eropi ãgu dohpaguere ojocarigu ãhrimi. ãgu dederedigu dopa ta wahãmi. ãgu eropa wara puhũ dohpaguere ãgure bocabu. Eropiro ãgu dujaracũ mari bosenu ii mucubiricũ õhaa," arĩpu ãgu ãgu magure, arĩpu Jesu erãre iri queorire weregu.

16

Niyeru dibu coregu queorire Jesu werepu

¹ Eropi i queorire ãgu buherãre werepu Jesu:

—Doberi opu ya niyerure dibu coregu niyerure ãgu ðaro dibubiricũ ãagu gajigupu weresãpu doberi opure. "ãgu mũ ya niyerure iisirigu iimi," arĩ weresãpu ãgure.

² ãgu eropa weresãcũ pee niyeru dibu coregure sihubeopũ. Eropigu ãgu eracũ ãagu ãgure opu werepu. "Gajigu mũ yaha niyerure iisirire wereami yare. Eropigu yahare dibugu dohpaguere arĩsome mũhu. Eropigu yahare mũ iirare werepeho gojaque. Mũre cõãgu iiaa," arĩpu ãgu opu ãgure.

³ ãgu eropa arĩra puhũ ðpa arĩ pepipu dibu coregu ãgu basi: "Yũ opu yare cõãbu iicumĩ. Yũhu turabeaa. Eropigu turaro mohmerire bocatiubeaa. Eropigu gajirãre niyeru serẽgu guhyasiutariaro tariguca yũhu. ¿Eropigu dohpa iigacuri yũhu?"

⁴ Dohpague tamerare yũ iiburire masia yũhu. ðpa yũ iicũ yũ mohmeri maricũ erã yũ itamurã arĩrãcoma. Eropirã erã ya wirigue ñajadorerãcoma yare," arĩ pepipu ãgu.

⁵ Eropa arĩ pepigu ãgu arĩpehrerã ãgu opure wajamonirãre sihubeopũ. Sihubeotuha eramũhtagure ðpa arĩ serẽpipu ãgu. "¿Yũ opure dipẽ wajamori mũhu?" arĩpu ãgu.

⁶ ãgu eroparicũ wajamogupu yuhripũ. "Cien tambore ayure olivo waicãdigu maja ayure wajamoa ãgure," arĩ yuhripũ ãgu. ãgu eropa arĩ werecũ dibugupu ðpa arĩ werepu. "Ohõ ãhraa mũ wajamorire gojaturapũ. Doaque. Eropigu mũ wajamorire deco mera ai, deco mera gojatuque," arĩpu niyeru dibugu wajamogure.

⁷ Eropa arĩtuhaja gajigu wajamogure serẽpipu ãgu. "¿Mũca dipẽ wajamori?" arĩpu daja. "Cienaju trigo ajure wajamoca yũhu," arĩpu wajamogu dibugure. "Ohõ ãhraa mũ wajamorire gojaturapũ. Mũ wajamorire ochenta goja amuque," arĩpu dibugu.

⁸ ãgu eropa ðaro guyamehrecũ ãgu "Thĩ guyamehregũ arĩcumĩ," arĩ pepipu ãgu opu niyeru dibugure. Inũ majarã Goãmu gamebirã erã yare guya amurare erã niyerure erã diburare Goãmu yarã taro masicoma erã, arĩpu Jesu.

⁹ Eropa arĩtuhaja Jesu werenemopũ:

—Eropigu mũare arĩgu tiiaa. Mũa oparire, i yeba majare mojomorocũrãre mũa ocũ, erãpu mũare mahirãcoma. Mũa eropa iicũ mũa opara pehrera puhũ umũsigue mũa ejacũ erogue mũare ðaro mahirãcoma.

¹⁰ "Bu arĩrã ya mohmerire queoro iirã oparã ya mohmeri sãre queoro iirãca. Bu arĩrã ya mohmerire queoro iibirã oparã ya sãre queoro iibirãca.

¹¹ Eropirã i yebague mũa opari mera mũa ðaro iibirã Goãmu mũare iidoreri sãre ðaro iisome mũa.

¹² Eropirã gajigu yare mũa ðaro iibasabiricũ ãagu mũa ya arĩburire osome mũare.

¹³ "Yujugu Goãmũpũre guñagu burigã gohra niyerupũre guñabeami. Niyerupũre burigã guñagu Goãmũpũre guñabeami. Eropigu niyeru dihtare gamegu arĩgu Goãmũpũre mucubiricũ iibeami. Goãmũ sãre niyeru sãre yujuro mera gametarima masiya mara mũare. Niyerure gametarigu Goãmũpũre umupeomasibeami, arĩpu Jesu.

¹⁴ ãgu eroparicũ peerã fariseo masapu ãgure wereyañorã. Erãpu niyerure gametariñorã. Eropirã wereyañorã.

¹⁵ Erã wereyacũ peegu Jesu erãre werepu:

—Masa erã ãhurore mũa ðaro iiraa. Mũa eropa iicũ, "Õarã diaye ta iirã ãhrima," arĩrima masa mũare. Goãmũpũ mũa pepirire masimi. Masa "Õatariaama," erã arĩrãre Goãmũpũ gajiropa arĩ pepimi, arĩpu Jesu.

Goãmũ ãgu dorerire, ãgu opu arĩrĩre werepu Jesu

¹⁶ Eropa arĩtuhaja ðpa werenemopũ Jesu:

—Ñũ waĩyegu ãgu eraboro core Moiserẽ ãgu apira doreri mera Goãmũ marire doreami. Goãmũ ya weremũhtanirã mura erã gojara sã eropa ta arĩribũ marire dorera. Dohpagueure Ñũ ðari buherire, Goãmũ opu ãgu arĩrĩre buhemi. ãgu eropa buhecũ pee masa erã ejatuharo, erã turari mera Goãmũ erã opu arĩcũ gahmema.

¹⁷ "Goãmũ Moiserẽ ãgu apira dorerire erã ãgu yare gojara sãre "Iri duhpihuri arĩbeaa," ne arĩsome. Umũsi, yeba sã pehrequerecũ Goãmũ ãgu werediro dopa ta iipehogacumi, arĩ werepu Jesu.

*Marapore cóarire werepū Jesu**Mt 19.1-12; Mr 10.1-12*¹⁸ Eropa arītuhaja ōpa arīnemopū Jesu:

—Masu īgu marapore cóāgu, gajigo mera marapocūgu īgu igo mera űero iigu iimi. Tuhaja masu gajigu īgu cóādigo mera marapocūgu īgu sā igo mera űero iigu iimi, arīpū Jesu.

*Doberi opū, gajigu Lázaro queorire werepū Jesu*¹⁹ Eropa i queori werepū Jesu:

—Yujugu doberi opū arīñumi. Suhri wajacurire sañagu arīñumi. Eropigu umuri nucu ōari dihtare bagu, baja opañumi īgu.

²⁰ Eropigu irisubure gajigu arīñumi. Īgu mojomorocūgu Lázaro waicūgu arīñumi. Īgu īgu dūpure baja camicūgu arīñumi. Eropirā gajirāpū Īgure doberi opū ya wihi disiporo aīgā apimuriñuma.

²¹ Eropigu mojomorocūgu doberi opū Īgu ba dūharire gamemuriñumi. “Ba dūhari mera yapiguca yūhū,” arī pepimuriñumi īgu. Ero oyarisubu diayea īgu pohro eja īgu camire neremuriñuma.

²² Eropigu mojomorocūgu sīria wañumi. Īgu sīria wacū, Abrahā pohrogue paraíso waicūrogue anyua Īgure aī mariañuma. Eropigu doberi opū sā Īgu pūhra sīria wañumi. Īgu sīricū Īgure yaañuma.

²³ Eropiro doberi opūre peamegue ejaḡu būrigā teboricūñumi. Eropigu peamegue arīgu umusigue arīgure Abrahāre ĩhamujuñumi. Lázaro mūrū sāre ĩañumi.

²⁴ Īatuha īgu Abrahāre sihubeoñumi. “Ahū, Abrahā, mojomoro ĩaque yūre. Peamegue yūhū űero tarigu iica. Yū eropa wacū Lázarore yare oboque. Eropigu īgu decore īgu mujusīru mera yoso, yū nerore deco mera nehoporo. Īrire yasuporo īgu,” arīñumi doberi opū mūrū.

²⁵ Īgu eroparīquerecū Abrahāpū Īgure wereñumi: “Mahgu, ojocarigu arīgu arīpeherrerire ōarire opabu muhū. Lázaropū umuri nucu űero tarimi. Dohpaguere mu űero taricū Īgūpū ōguere mucubiriri mera arīcāgu iimi.

²⁶ Eropiro mari watope ũhcāri waya āhraa. Eropirā ōre arīrā eroguerē wamasibeamā. Tuhaja erogue arīrā ōre aridiaquererā ta ōguere arimasibeamā,” arīñumi Abrahā doberi opū mūrū.

²⁷ Īgu eroparīcū doberi opū ōpa arīnemoñumi: “Acaweregu, turaro serēa mure. Lázarore yū pagu ya wihigue oboque.

²⁸ Yūhū yuju mojoto majarā peherrerā pagu porācua. Lázaro erāre wereporo. Ōre erā űero tarioguerē aribiricāporo,” arīñumi īgu.

²⁹ Īgu eroparīcū Abrahāpū yūhriñumi: “Goāmū dorerire Moise īgu apirare, Goāmū weremuhtanirā erā gojarare opama mu pagu porā. Eropirā mu pagu porā ĩrire ta peeporo,” arīñumi Abrahā.

³⁰ Īgu eroparīcū doberi opūpū yūhriñumi: “Ahū, Abrahā, ĩrire opaquererā ta ōaro peesome. Lázaro sīridigu masadigu erā pohro īgu ejačū ĩarā erāpū erā űero ĩirire būjawere, ōaripure gohrotorācoma. Eropirā ōarire ĩirācoma yū pagu porāpū,” arīñumi doberi opū mūrū.

³¹ Īgu eroparīcū Abrahāpū wereñumi: “Mu pagu porā Moise īgu apirapū īgu wererare, Goāmū yare weremuhtanirā erā wererare peebirā āhrima. Eropirā Lázaro mūrū sīridigugue masadigu Īgu arīquerecū ta erā Goāmū yare peesome,” arīñumi Abrahā, arī werepū Jesu masare.

17*Ñerire iicū guhya āhraa**Mt 18.6-7, 21-22; Mr 9.42*¹ Eropi Jesu werepū īgu buherāre:

—Mūare űeri ĩdoreri baja āhraa. Eropirā masa űerire iima. Iri eropa arīquerecū ta masare űerire ĩdoregūpū űetariaro tarigūcumi.

² Gajigure masa īgu wūnūgure wūariye utāyere dirisiu, wūariyague Īgure cóācū űero wabocumi īgu. Eropigu oāḡā mera majarāre űerire ĩdoredigūpū wūariyague erā cóādigu tauro űero tarigūcumi. Īgure būrigā dipuwaja moasūgūcumi.

³ Ōaro ĩique mūa. Mūa acaweregu űero īgu iicū ĩarā, “ĩibita,” arīque Īgure. Eropirā īgu űero ĩirire īgu būjawerecū, ōarire gohrotocū mūapu īgu űeri ĩirire cādijique.

⁴ Eropigu mua acaweregu yujunū ta siete suburi mūare ĩgu ñero iibocumi. ĩgu eropa iicū yujuyerisubure mūare, “Yū ñero iirire bujawerea. Ōarire gohrotogu iiaa,” ĩgu aricū iri ñecu suburi ĩgu ñero iirire cādijique, arĩpu Jesu.

Goāmure umupeorire werepu Jesu

⁵ Eropi Jesu buherā ĩgure ōpa arĩñorā:

—Goāmure guare ōaro umupeonemocū iique, arĩñorā Jesure.

⁶ Erā eroparicū Jesu yuhripū:

—“Goāmure diaye ta iigu āhrimi,” mua arĩ umupeorā miriyegā mostazaye pēgā mua umupeoquererā irigu sicómoro waicadigure ōpa iimasia: “Irigu yucugū irigu basi tara duhagāporo. Wūariyague yuriñajaporo,” arĩmasia mua. Mua eroparicū irigu yucugupū mua dorero dopa ta waroca, arĩpu Jesu.

Mohme coregu ĩgu mohmerire werepu Jesu

⁷ Puhru i werenigui queoriñere werepu Jesu:

—Mūare mohme coregu poheguere tāra, mohmemi. ĩgu ovejare ĩhadibumi. ¿ĩgu eropa mohme ĩgu dujaracū ĩarā dohpa arĩbocuri mua ĩgure? “Yojarō ariique. Mū bari ohō āhraa,” ¿arĩbocuri mua?

⁸ Eropa arĩbeaa mua. ĩgure ōpa arāa mua: “Yū baburire iique. Eropigu yū baha ihricū yure coreque. Yū puhru mū sā baha ihrique,” arāa mua mohme coregure.

⁹ Mohme coregu ĩgu mua mohmedorerire ĩgu iicū ĩgure “Ōhaa,” arĩbeaa mua. ĩgure mua dorero dihtare iigu iicumi ĩgu.

¹⁰ Mūa sā ĩgu iro dopa ta āhraa. Goāmū ĩgu dorediro dopa ta iipehorā ōpa arĩ pepiique mua. “Gua mohme corerā dihta āhraa. Guare ĩgu dorero dihtare iiabū gūa,” arĩ pepiique mua, arĩpu Jesu buherāre.

Diez gohra camī boarāre ōarā iipū Jesu

¹¹ Gajinū Jerusalengue Jesu wagu iipū. Eropa wagu Samaria yeba, Galilea yeba deco tarigāpū.

¹²⁻¹³ Gaji macague wari mague ĩgu curicū diez camī boarāpū ĩgure bocatĩñorā. Eropirā yoañarirogue niguirā ta piyñorā:

—Jesu, opū, guare mojomoro ĩaque, arĩñorā.

¹⁴ Erā eroparicū erāre ĩha, werepu Jesu:

—Pahire mua dūpurire ōaro warare ĩhmurā waque, arĩpu erāre.

ĩgu eropa arĩra puhru erā warisubū erā dūpu ōarā wañorā.

¹⁵ Eropigu yujugū erā mera majagu ĩgu dūpu ōari dūpu wacū ĩagu, Jesu pohrogue maji dujariripū. Eropa dujarigu turaro mera Goāmure umupeorū. “Goāmū turagu, ōagu āhrimi,” arĩ umupeorū ĩgu.

¹⁶ Eropa arĩgu ĩgu Jesu guburi pohro mereja “Ōhaa,” arĩpu. ĩgūpū Samaria majagu arĩpu.

¹⁷ ĩgu eropa iira puhru Jesu ōpa arĩ werepu:

—Diez āhrama masa ōarā wanirā. ¿Gajirā nueve dūhyarāpū nohogue arĩcuri erā?

¹⁸ Ihĩ gajī yeba majagu dihta Goāmure “Ōhaa,” arĩgu dujarami. ¿Duhpirā gajirāpū aribirari? arĩpu Jesu.

¹⁹ Eropa arĩtuha Jesu merejadigure arĩpu.

—Wahgānūgajaque. Waque. Mū Goāmure umupeogu ōagu wahabū mūhū, arĩpu Jesu ĩgure.

Goāmū ĩgu opu arĩborore werepu Jesu

Mt 24.23-28, 36-41

²⁰ Irisubure bajamerāgā fariseo masa Jesure serēpiñorā:

—¿Dohparicū Goāmū opu arĩñugagucuri? arĩ serēpiñorā erā.

Erā eroparicū Jesu yuhripū:

—Goāmū ĩgu opu arĩñugacū mua ĩhamasibea.

²¹ “Goāmū ĩgu opu arĩri ohō āhraa,” arĩmasibea. “Sohogue āhraa,” arĩmasibea. Goāmū ĩgu opu arĩri masa erā pepirigue āhraa, arĩpu Jesu fariseo masare.

²² Eropa arĩtuha Jesu ĩgu buherāre ōpa arĩ werepu:

—Puhru yuhū masū Goāmū ĩgu obeodigu yū i yebague dujariburire burigā gamerāca mūa. “ĩgure yujunū gohra mari ĩacū ōaboaya,” arĩ quererā ta yure ĩanisome mūa. Eropa mūa gamequerecū ta irisubure arisome yuhū.

²³ Gajirā mūare ōpa arĩrācoma. “ĩgure ĩaque. ĩgu Cristo āhrimi. Sihire ĩaque. Cristo āhrimi,” arĩrācoma mūare. Erā eropa arĩquerecū ta erāre peebiricāque.

²⁴ Bupu umarore guñaña mariro miaro dopa ta guñaña mariro ariguca yuhu masu Goamu igu obeodigu dujarigu.

²⁵ Ire yu iiboro core yuhu turaro nero tariguca. Eropira yure dohpague majara gamesome.

²⁶ Noe igu arirasubu majara era arimuridiro dopa ta yuhu masu Goamu igu obeodigu yu dujariboro corega eropa ta ariracoma masa.

²⁷ Noe igu arirasubure aripehrera masa eropa baha, ihri iinuma. Eropira mojoto dirimarinuma. Noe wuadiru dohodirugue igu najaboro core Goamu erare igu miupehoboro core iri aripehrerire masa muraro ta iiniguicamariora. Eropa ariroca yu dujaricu sare.

²⁸ Lote igu arirasubu majara sa era aridiro dopa ta yu dujaricu ariracoma masa. Lote igu arirasubure masa baha, ihri, asu, dua, ote, wirire iinuma.

²⁹ Era eropa iirisubu igu ya macare Sodoma waicuri maca Lote igu waranu umaro maja peame uju dijari erare wejepheocayoro.

³⁰ Yuhu masu Goamu igu obeodigu yuhu guñaña mariro yu dujaricu eropa ta waroca irisubure.

³¹ "Irisubure yujugu igu ya wihi weca maja puague arigu wihi pohecague igu yare aigu najabiricaporo pobero mera duhriboro dopa. Eropigu pohegue arigu sa irisubure igu ya wihigue piharibiricaporo.

³² Lote marapo igo warare guñaque.

³³ Igu ya ariburi dihtare yujugu guñagu peamegue wagucumi igu. Yaha ariburipure yujugu guñagu aripehrerineri Goamu mera oaro arigucumi, aripu Jesu.

³⁴ "Yuhu muare werea. Irisubure yure umupeorare beye gameneodoregaca. Eropigu eropa wari namire yuju camare pera caricu yujugure yure umupeogure airacoma yu mera aribure. Gajigu yure umupeobigu ero dujagucumi.

³⁵ Eropa ta nome pera era ya ojudicare era biucu yujugore airacoma. Yujugo ero dujagocumo.

³⁶ Eropigu pera poheguere mohmera aricu yujugure airacoma. Yujugu ero dujagucumi, aripu Jesu.

³⁷ Igu eroparicu igu buherapu serepiora.

—¿Nohogue eropa warocuri? ar serepiora era.

Era eroparicu Jesu yuhripu:

—Masa era neri era iiniguirogue, erogue Goamu erare era neri dipuwaja moagucumi, aripu Jesu.

18

Wapeweyo igo dipuwaja moadorera queorire werepu Jesu

¹ Eropi Jesu erare Goamure seriburire weregu opa aripu:

—Maa Goamure serera coreque igu yuhriBORORE. Yoari boje corequerera ta bajawerebiricaque. Igure serera duhubita, aripu Jesu.

² Igu eropa arirare buhebu i queori mera werepu erare:

—Gaji macague masare dipuwaja moadoregu aripu. Igu Goamure umupeobiripu. Eropigu masa sare umupeobiripu.

³ Eropigo wapeweyo sa erogue aripo. Igo igu pohrogue dururo curigo opa aripo: "Yure ihaturigure dipuwaja moadoreque muhu. Yure ar cahmotaque," ar sereniguicapo igo igure.

⁴ Igo eroparicu igu bajasuburi "Iisome yuhu," ariripu igore. Igu eropa ariquerecu ta igo bajasuburi igure eropa sereniguicago garibotariaro iipo. Igo garibocu iagu opa aripu igu basi. "Yuhu Goamure masa sare umupeobea.

⁵ Yu eropa umupeobigu ariquerecu ta igoru yure garibotaricamo. Yure eropa garibogo yure gariboreacu iicumo yure. Igo eropa ar weresaniguicu igore ihaturigure dipuwaja moadoregura," aripu dipuwaja moadoregu, aripu Jesu.

⁶ Eropa arigu Jesu erare werenemopu:

—Eropa aripu igu negu dipuwaja moadoregu. Igu eropa arirare guñaque maa.

⁷ Igu tauro Goamuru igu yarare umuri nucu igure sererare itamugucumi.

⁸ Muare arigu tiiaa. Goamu erare mata iigucumi era sererare. ¿Igu eropa yuhrigu igu aricu ta yuhu masu Goamu igu obeodigu i yebague dujarigu, Goamure umupeorare igure sererare bocagucuri yuhu? aripu Jesu.

Perá Goamu mera era wereniguira queorire werepu Jesu

⁹ Eropi gaji queori mera werepu Jesu. “Gupũ ðarã áhrraa. Gajirãpu ñero iirã áhrrima,” arĩ pepirãre i queori mera ðpa arĩ werepu:

¹⁰ —Goãmu ya wihigue perã uma Goãmu mera wereniguirã wañorã. Yujugu fariseo masu arĩpu. Gajigu wajasea coregu arĩpu.

¹¹ Eropigu fariseo masupu nuğaja, ðpa arĩ serẽ nigupu Goãmure: “Yuhu guya yajaricagu, diaye iibigu, nome mera ñero iigu arĩbeaa. Gajirã iro dopa arĩbeaa. Ihĩ wajasea coregu iro dopa ñegu arĩbeaa. Eropigu mure Goãmure ðhaa, arãa.

¹² Yuhu semanari nucũ mu ya arĩburire iigu pesubu ba duhua. Eropigu diez niyuserire wajatagu yujuse mure ohoa,” arĩpu fariseo masu Goãmure.

¹³ Eropigu wajasea coregupu yoarogue nigupu muhri siunugaja, iğu ñerire bujawere, umarogue iabiripu. Iğu ñerire bujaweredigu arĩgu iğu coretibi pa, wereniguirũ Goãmure: “Goãmu, yuhu ñegu áhrraa. Eropigu muhu yure mojomoro iaque,” arĩpu iğu Goãmure.

¹⁴ Eropigu muare arĩgu iiaa. Ihĩ wajasea coregupu iğu wihigue iğu dujagu iğu ñerire Goãmu mera coãdigu dujapu. Gajigu fariseo masu iğu ñerire coãdigu arĩbiripu. “Yuhu ðagu áhrraa,” arĩgu Goãmu iğu iacũ ñegu arĩmi. “Yuhu ñegu áhrraa. Eropigu yu ñerire bujawerea,” arĩgũpũre Goãmu ðagu iigucumi igũre, arĩpu Jesu.

Majirãgã ya arĩburire Goãmure serẽbasapu Jesu

Mt 19.13-15; Mr 10.13-16

¹⁵ Eropi masa erã porã majirãgãre Jesure mohmepiñadoremorã iğu pohrogue arĩ erariñorã. Erã eropiicũ iarã Jesu buherã erãgãre airarãre turiñorã.

¹⁶ Erã eropa turicũ iagu Jesu majirãgãre sihubeopũ iğu pohrogue. Sihubeo ðpa arĩpu iğu iğu buherãre:

—Majirãgã yu pohrogue ariporo. “Waque,” arĩbita erãgãre. Erãgã Goãmure erã opu iro dopa pepima. Eropirã Goãmu iğu opu arĩroguere oãgã iro dopa pepirã áhrrima erogure.

¹⁷ Diaye arĩgu iiaa muare. Oãgã Goãmure erã gamediro dopa ta mua Goãmure gamebirã iğu pohrogue wasome mua. Mua wabiricũ mua opu arĩsome iğu, arĩpu Jesu.

Doberi opagu Jesu mera werenigupu

Mt 19.16-30; Mr 10.17-31

¹⁸ Iğu eropa arĩra puhru judio masa oparã mera majagu Jesure serẽpi erapu.

—Ne ðagu, buhegu áhrraa muhu. ¿Yu arĩpehrerinũri Goãmu mera arĩdiagu dohpa iigucuri yuhu? arĩpu iğu.

¹⁹ Iğu eroparicũ Jesu yuhripũ:

—¿Dohpa arĩronore yure “Oagu,” arĩ piyuri muhu? Goãmu dihta ðagu áhrrima.

²⁰ I Goãmu dorerire masia muhu. “Gajigu marapo mera arĩbiricãque. Masare wejebiricãque. Yajabiricãque. Guyabiricãque. Mu pagu sumarãre umupeoque,” arĩ doremi Goãmu. Eropigu irire iique muhu, arĩpu Jesu.

²¹ Iğu eroparicũ iğu Jesure yuhripũ:

—Iri arĩpehrerire majigugãgue ta iibu yuhu, arĩpu iğu.

²² Iğu eroparicũ peegu Jesu igũre ðpa arĩ werepu:

—Yujuñe dihta duhyaa mure mu iiboro. Arĩpehreri mu yare duagu waque. Eropa iigu arĩpehreri niyeru mu wajatarire mojomorocũrãre oque. Mu eropa icũ wũaro mu ya ðari muhu opaburire umarogure Goãmu pohrogure arĩroca. Eropa iituha yu mera majagu arĩbu arique, arĩpu Jesu igũre.

²³ Iğu eroparicũ peegu igũpu baja doberi opagu arĩgu irire mojomorocũrãre odiabigu, turaro bujawere waha wapũ.

²⁴ Iğu eropa bujawerecũ iagu Jesu ðpa arĩ werepu gajirãre:

—Doberi oparãre Goãmu iğu opu arĩroguere erã wacũ diasataria.

²⁵ Camello waicũgu waibugupu igũpu awiru gobegãgue iğu ñajacũ masiya mara igũre. Eropa ta doberi opagu Goãmu mera ðaro arĩgu iğu opu arĩroguere wacũ diasataria, arĩpu Jesu.

²⁶ Iğu eroparicũ igũre peerã ðpa arĩñorã:

—Cue. Mu arĩro dopa ta diaye arĩcũ, ne yujugu masure Goãmu taubiribocumi iğu pohro waborore, arĩñorã erã Jesure.

²⁷ Erã eroparicũ Jesu yuhripũ:

—Masa erã bocatiuro erã ðaro iira mera Goãmu pohrogue wamasibeamã. Goãmũpu masare peamegue wabonirãre taumasimi. Iğu arĩpehrerire ðaro iimasipehocãmi, arĩpu Jesu erãre.

²⁸ Īḡu eroparicū Pedro ĩḡure ōpa arīpū:

—Peenique. Gua árīpehreri gua yare apicābu ma mera warā, arīpū ĩḡu Jesure.

²⁹ Īḡu eroparicū Jesu ōpa arīpū:

—Diaye mūare arīḡu iiaa. Árīpehrerā mūa Goāmu yare iimorā mūa wirire, mūa marasā nomere, mūa pagu porāre, mūa pagu sumarāre, mūa porāre mūa apinirā mūa wūaro wajatarāca dohpaguere.

³⁰ Mūa apidiro tauro wajatarāca. Eropirā mūa sīrira pūhru árīpehrerinari Goāmu mera árīrāca mūa, arīpū Jesu erāre.

Dipaturi Jesu ĩḡu sīriburiñere ĩḡu masa mūriaburiñere werepu
Mt 20.17-19; Mr 10.32-34

³¹ Eropi doce ĩḡu buherā dihtare aīgā erāre werepu:

—Peeque yare. Dohpaguere mari Jerusalengue warā iiaa. Eroque yare Goāmu ĩḡu obeodigūre Goāmu ya weremūhtanirā iribojegue erā werediro dopa ta eropa waroca yare.

³² Ero masa yare ñeha, judio masa árībirāre orācoma yare. Yure erā ora pūhru erā yure wereya, ñero arī, disico ehosūrācoma.

³³ Eropirā yare tārātuhaja wejērācoma yare. Eropiḡu yu sīrira pūhru ūhrenu waboro masa mūriaguca yuhū, arīpū Jesu erāre.

³⁴ Īḡu eroparicū ĩḡu buherā ĩḡu wererire ōaro pee masibiriñorā. Goāmu irire erāre masicū iibirinipū dohpa.

Cuiri ĩhajabigūre ĩhajacū ĩpū Jesu
Mt 20.29-34; Mr 10.46-52

³⁵ Eropi Jesu sā Jericó waicuri maca pohrogue ejañorā. Īḡu wari maha turogue yujugu masu cuiri ĩhajabiḡu doapu. Niyeru serēḡu ĩpū.

³⁶ Eropiḡu masa bajarā ĩḡu pohro aricū peegu serēpipū ero árīrāre.

—¿Duhpirā masa bajarā tarigāri? arī serēpipū ĩḡu.

³⁷ —Jesu Nazare majagu arigū iimi, arīñorā gajirā ĩḡure.

³⁸ Erā eropa arī wercū peegu ĩḡu gaguiniguinugapu:

—Jesu, opu Davi mūru pārami masare taubu, yure mojomoro ĩaque, arī gaguiniguipū Jesure.

³⁹ Īḡu eroparicū ĩḡu pohro árīrāpū “Ejarimaricāque,” arī turiñorā ĩḡure. Erā eropa arī turiquerecū ta ĩḡu ero core ĩḡu gaguiniguidiro tauro gaguiniguinemopū daja.

—Opū Davi mūru pārami, yure mojomoro ĩaque, arī gaguiniguipū ĩḡu.

⁴⁰ Īḡu eropa gaguiniguicū peegu Jesupū nūgaja, “Sihubeoque ĩḡure,” arīpū. Īḡu eroparicū erāpū cuiri ĩhajabigūre sihgāñorā. Erā eropa sihgācū ĩḡu Jesu pohrogue ĩḡu ejacū Jesupū ĩḡure serēpipū:

⁴¹ —¿Dohpa yu iicū gahmeri mūhū? arīpū Jesu.

—Yu Opū, yure ĩacū iique, arīpū cuiri ĩhajabiḡu.

⁴² —Īaque pare. Yure umupeonijagu, ōagu waha mūhū, arīpū Jesu ĩḡure.

⁴³ Īḡu eroparicū ta cuiri ĩhajabiḡu ōaro ĩha wapu. Eropa ōagu wanijagu ĩḡu Jesu mera wapu. “Goāmu turagu āhrimi,” arī umupeopū ĩḡu. Eropirā masa bajarā cuiri ĩhajabiridigū ĩḡu ōagu wacū ĩarā, “Goāmu ōagu, turagu āhrimi,” arī umupeñorā erā sā.

19

Zaqueo Jesure bocatīripū

¹ Eropii Jesu Jericogue eja, iri macague tarigābu ĩpū.

² Doberi opu Zaqueo waicūgu wajasea corerā opu ero árīpū.

³ Eropiḡu ĩḡu Jesure “¿Nihino árīcuri?” arī ĩha masibu Jesure ĩadiaripū. Eropa ĩḡu ĩadiaquerecū ta ĩḡu yebagugā árīcū masa bajarā ĩḡugāre cāhmotacāñorā.

⁴ Eropiḡu ĩḡu masare omatarigā wa, sicómoro waicudigū yucugugue mūribepapū Jesure ĩabu. Pūhru ñarigā Jesu irigū pohro tarigābu ĩpū. Eropiḡu Zaqueo irigugue coregu ĩpū.

⁵ Īḡu eropa corero watope Jesupū irigū gubuye ejanūgaja, Zaqueore ĩhamuju ĩḡure werepu:

—Zaqueo, dohpaguere ma ya wihi dujagura. Eropiḡu duru dijarique, arīpū Jesu.

⁶ Īḡu eroparicū Zaqueopū ūmūdiaro mera dijari, mucubiriri mera ĩḡu ya wihigue aridorepū Jesure.

⁷ Īḡu eropa bocatīricū ĩha, masa árīpehrerā erā basi ōpa arī wereniguñorā:

—Ihĩ Jesu ñegu ya wihigue curigu wadiami, arĩ wereniguiñorã árĩpehrerã masa erã basi.

⁸ Zaqueopũ bocafirituha ero nigui, Jesure wererũ:

—Opũ, peeque yũre. Árĩpehreri yahare deco mera mojomorocurãre ogũra. Eropigu yũhũ gajigure cien niyuserire guya aidigu árĩgu, cuatro cientos niyuserire wajayenemogũra ĩgure, arĩpũ Zaqueo Jesure.

⁹ ĩgu eroparĩcũ Jesupũ wererũ ĩgure:

—Dohpagãre mure mu ya wihi árĩrã sãre peamegue wabonirãre Goãmu tautuhami. Mu sã Abrahã murũ acaweregu ta áhraa.

¹⁰ Yũhũ masũ Goãmu ĩgu obeodigu peamegue wabonirãre amagu arigu iibu. Eroguere wabonirãre ðaro taugu arigu iibu, arĩpũ Jesu Zaqueore.

Niyuseri oroseri queorire wererũ Jesu

¹¹ Eropi ĩgure peerãre Jesu queori mera wererũ daja. Merogã duhyayoro Jerusalengue ĩgu ejaboro. Eropirã ĩgure peerã ðpa arĩ pepiñorã: “Goãmu dohpaguere opũ árĩnũgabu iimi,” arĩ pepiñorã erã.

¹² Erã eropa arĩ pepicũ Jesu i queorire ðpa wererũ erãre:

—Yujugu gaji yebague yoarogue wabu iĩnumi. Eroguere ero majagu erã tauro opũ árĩgu ĩgure ĩgu ya maca majarã opũre acucũ wabu iĩnumi. Pũhrũ ĩgu ya wihigue dujarabu iĩnumi.

¹³ Nere ĩgu waboro corere diez mohme corerãre sihubeoñumi. Eropa sihubeogu, ĩgu erãre yujurãyerire yujuse niyuseri orosere oñumi. Otuha wereñumi erãre: “Yũ maricũ i niyeru mera muã wajatanemoburire amaque,” arĩñumi ĩgu mohme corerãre.

¹⁴ ĩgu ya yeba majarãpũ ĩgure gamebiriñuma. Eropa gamebirã ĩgu opũ árĩbu wara pũhrũ gajirãre ĩgure weredorerã obeoñuma. “Mũhũ gua opũ árĩcũ gamebea gua,” arĩñuma erã weredorenirãpũ.

¹⁵ Eropa erã gamebiriqerecũ ta pũhrũ erã opũ ñajañumi ĩgu. Eropa opũ ñajatuha, ĩgu ĩgu ya wihigue dujarĩñumi. Eropa dujaragu ĩgu mohme corerãre ĩgu niyeru mera erã wajatanemorare masibu, erãre sihubeoñumi.

¹⁶ ĩgu eropa sihubeora pũhrũ, eramũhtagu ĩgure wereñumi: “Opũ, mu niyuseri, mu yũre orase mera diez seri wajatanemoabũ yũhũ,” arĩñumi mohme coregu ĩgu opũre.

¹⁷ “Oaro iabũ mũhũ. Oagu mohme coregu áhraa. Mu merogã mera yũ dorero dopa iipehogu árĩgu dohpague diez macari majarã erã opũ árĩbu wagũca mũhũ,” arĩñumi opũ mohme coregure.

¹⁸ ĩgu pũhrũ eragu ĩgu mera majagu ðpa arĩñumi: “Opũ, mu niyuseri, yũre mu orase mera cinco seri wajatanemoabũ yũ sã,” arĩ wereñumi ĩgu opũre.

¹⁹ “Cinco macari majarã opũ wagũca mũhũ,” arĩñumi ĩgu opũ ĩgure.

²⁰ ĩgu eropa arĩra pũhrũ gajigu mohme coregu eraa wererũ: “Opũ, mu niyuseri ohõ áhraa. Suhri gasiro mera oma, irisere dihbuabũ.

²¹ Mũhũ turaro mohmedoregu áhraa. Eropigu gajirãre mohmedorequeregu oteri moogu árĩqueregu ta mu dihta iri ðucare aĩa. Eropigu mure guiabũ,” arĩñumi ĩgu opũre.

²² “Mu yũre eropa arĩgu ñegu áhraa. Yũre mu eropa arĩri dipuwajare dipuwaja moagũra yũhũ. Yũhũ mure turaro mohmedoregu árĩcũ mũhũ yũre masia. Gajirã yare yũhũ aicũ yũhũ otebirira árĩquerecũ iri ðucare yũ aĩgu árĩcũ masituhabu mũhũ.

²³ ¿Yũ eropa árĩcũ ĩaqueregu duhpigu yũ orasere niyeru diburi wihigue dibubirari mũhũ? Irire erã wayura waja wajatanemoboaya mũhũ. Irire mu iicũ dujaragu wajatanemoboaya yũ sã,” arĩñumi erã opũ.

²⁴ Eropa arĩtuha ĩgu pohro niguirãre doreñumi: “Niyuseri emaque ĩgure. Diez seri opagure oque,” arĩñumi ĩgu opũ.

²⁵ ĩgu eroparĩcũ erãpũ wereñuma ĩgure: “Opũ, diez seri opagu baja opatuhami,” arĩñuma erã ĩgure.

²⁶ Erã eroparĩcũ opũ yũhriñumi: “Muare arĩgu iiaa. Árĩpehrerã wũaro oparãre onemogũra. Moorãpũre merogã erã opaquerecũ ta erãre emagũra.

²⁷ Dohpague tamerare yũre ĩhaturirãre yũre erã opũ árĩdorebirinirãre yũ pohro aĩgãrique. Eropirã yũ ĩaro wejẽcãque erãre,” arĩñumi opũ ĩgu mohme corerãre, arĩ wererũ Jesu.

Jerusalengue ejaũ Jesu

Mt 21.1-11; Mr 11.1-11; Jn 12.12-19

²⁸ Eropa arĩtuha Jesu gajirã core Jerusalengue wagu iipũ.

²⁹ Jerusaléngue ejaboro coregā Olivo waicudigu utāgu gubuyegue ejañorā pe maca árírogue. Yuju maca Befagé gaji maca Betania waicayoro. Erogue ejagu igu buherā mera majarāre perāre obeogu Jesu ōpa arīpū:

³⁰ —Si macague waque. Ero ejarā, burrogāre erā dirinugudigūre bocajarāca. Gajirā ĩgure ne peyanibeama dohpa. ĩgure bocarā, ĩgure diriradare pā, aĩgāribasaque yure.

³¹ Mua eropa iicū ĩaguru “¿Duhpirā burrore pāri?” ĩgu arīcū peerā ōpa arī yuhrique ĩgure: “Mari tīgu burrore gamebeoniami dohpa,” arī wereque ĩgure, arī weredore obeopū ĩgu buherāre perāre.

³² ĩgu eroparīcū erā perāpū ĩgu obeodirogue ejañorā. Erā eropa ejacū Jesu árīpehleri ĩgu erāre arīdiro dopa ta eropa wayoro.

³³ Eropirā Jerusalén pohrogue erā pācū ĩgugā oparā serēpiñorā erāre:
—¿Duhpimorā diriradare pāri burrogāre? arī serēpiñorā erā.

³⁴ —Mari tīgu burrogāre gamebeoniami, arī yuhriñorā erā.

³⁵ Eropirā ĩgugāre burrogāre Jesu pohrogue aĩ ejañorā. ĩgugāre aĩ ejatuhaja erā weca maja suhrire ĩgu weca duhpeñorā. Eropirā ĩgu weca Jesu ĩgu maribejacū itamuñorā erā Jesure.

³⁶ Jesu ĩgu weca ĩgu peyagu wacū erā masa erā weca suhri sañari suhrire tuwea aĩ mague seōpi muhtañorā ĩgu core.

³⁷ Eropirā Jerusalén pohrogue eja, Olivo waicudigu dijariri mague ejañorā. Erogue ejarā Jesu buherā bajarā árīpehleri ĩgu deyoro moarare, ĩgu ōari ĩgu iirare erā ĩarare guña mucubiri Goāmure ōaro wereniguinugañorā. Goāmure “Ōagu, turagu āhrimi,” arī gaguiniguñorā. Eropirā burigā gaguinigū Goāmure umupeo ōpa arīñorā:

³⁸ —Īre umupeorā. Īhī Goāmū ĩgu obeodigu, mari Opū ōaro ariporo. Ūmaro majarā ōaro árīporo. Goāmū ĩgu turagu arīcū árīpehleri masiporo, arī umupeñorā erā.

³⁹ Erā eroparīcū peerā fariseo masa bajamerāgā erā watope árīrā Jesure wereñorā:

—Buhegu, mū buherāre ejarimaricādoreque, arīñorā erā.

⁴⁰ Erāre yuhripū Jesu:

—Muare arīgu tiaa. Ōā yure umupeorā erā wereniguibiricū utāyeripū yure umupeoro dopa ta gaguiniboca, arīpū Jesu erāre fariseo masare.

⁴¹ Eropa arītuha Jesu Jerusalén pohrogue eja, iri macare ĩhabeogu orepū.

⁴² Ōpa arīpū ĩgu:

—Jerusalén majarā, dohpague tamerare muare ōaro árīburire mua masicū ōtariaboya. Eropa árīquerecū mua dohpaguere iirare ne peediabirabu. Eropigu Goāmū muare iirare masidorebirimi.

⁴³ Muare ĩhaturirā mua árīri macare cāhmotarācoma. Eropa iirā erā muare wiriaro iisome.

⁴⁴ Irisubu erā mua ya macare cóāpehorācoma. Muare mua porā sāre wejērācoma. Muare ĩhaturirā ōaro weasirirācoma mua ya macare. Goāmū peamegue wabonirāre muare ĩgu taubure yure mua masidiabirabu. Mua masidiabirira dipuwaja muare ĩhaturirāre Goāmū cóādoregucumi mua ya macare, arīpū Jesu Jerusalén majarāre.

Goāmū wihigue ejarū Jesu

Mt 21.12-17; Mr 11.15-19; Jn 2.13-22

⁴⁵ Eropi Jerusaléngue ejagu, Jesu Goāmū wihigue ñaja wapū. Eropigu doberi duarāre iri wihigue bocajagu, erāre cohā wiucāpū. Ōpa arīpū ĩgu erāre:

⁴⁶ —Goāmū yare erā gojarapū ōpa āhraa: “Goāmū arīmi: Yaha wihia Goāmū mera werenigūiri wihi waicuroca,” arīñuma ĩgu yare erā gojarapū. ĩgu eropa arīquerecū ta muapu i wihire Goāmū wihire duadoarā bu game yajarā ĩaa, arīpū Jesu.

⁴⁷ Ūmuri nacu Goāmū wihigue Jesu buhepū. Eropirā pahia oparā, judio masare buherā mera, masa oparā sā, ĩgure erā wejēburire guñamaañorā.

⁴⁸ Masa árīpehleri ĩgure eropa peenigū, ĩgu buherire ōaro peenururā árīñorā. Erā eropa ōaro peenuracū Jesure wejēdiarāpū ĩgure erā wejēburire bocabirñorā.

20

Jesure doredigūre ĩgure serēpiñorā

Mt 21.23-27; Mr 11.27-33

¹ Gajimū Goāmū wihigue Jesu masare ōari buherire buhegu iipū. ĩgu eropa buhecū pahia oparā, judio masare buherā, murā mera ĩgu pohrogue erarā, ĩgure serēpiñorā:

² —Wereque guare. ¿Noa doreri mera eropa iiri muhu? ¿Nihino mure Goāmū wihigue árīñirāre cóādoreari? arīñorā erā Jesure.

³ Erā eroparīcū Jesu yuhripū erāre:

—Yuhũ muapũre serēpimũhtagũra. Wereque yũ sãre.

⁴ ¿Ñũ masare ĩgu waĩyecũ nihinopũ ĩgure waĩyedoremũriyuri mua pepicũ? ¿Goãmu doreyuri? ¿O masapũ doremũriyuri? arĩ serēpipũ erãre.

⁵ ĩgu eroparĩcũ erãpũ erã basi game wereniguiñorã:

—¿Dohpa arĩ yũhriřacuri mari? “Goãmu Ñure doredigu ářĩmi,” mari arĩcũ, “¿Goãmu Ñure ĩgu dorequerecũ ta duhpĩrã ĩgu wererare peebirari mua?” arĩbocumi Jesu marire.

⁶ Oã masapũ “Diaye ta Ñũ Goãmu yare weremũhtadigu ářĩmi,” arĩ pepima erã. Erã eropa arĩ pepirã maripũ “Ñũ ĩgu waĩyecũ Goãmupũ ĩgure dorebiridigu ářĩmi,” mari arĩcũ masapũ marire utã mera dearãcoma, arĩ wereniguiñorã erã erã basi.

⁷ Eropa arĩ wereniguituha erã Jesure yũhriñorã:

—Ñure waĩyedoredigũre gũa masibeaa, arĩñorã erã.

⁸ Erã eroparĩcũ Jesu yũhriřũ:

—Irisubu tamerare yũ sã yũre doredigũre werebeaa mũare, arĩpũ ĩgu erãre.

Ñerã mohme corerã iira queorire werepũ Jesu

Mt 21.33-44; Mr 12.1-11

⁹ Eropi Jesu queori moa õpa arĩ buhenũgapũ masare:

—Yeba opũ ářĩñumi. ĩgu ya pohere iguire oteñumi. Otetuha, iri pohere gajirãre deco mera apiñumi erã mohme corera waja. Eropa apĩgu erãre iri pohere ĩhadibudoretuhaja gaji yebague waha wañumi. Yoari boje deyobiriñumi.

¹⁰ Eropĩgu igui ñirisubu ářĩcũ pohe opũ ĩgu pohro majagũre pohere mohme corerã pohrogue oboeñumi. Pohe maja ĩgu oterĩ dũcare ĩgu ya sero majare aĩdoregũ obeoriñumi. Eropirã pohere mohme corerãpũ ĩgu pohro majagũre bocatĩri pañuma ĩgure. Eropirã erã ĩgure iguitõrire obiriqererã dujadoreñuma ĩgure.

¹¹ Eropĩgu pohe opũ gajĩgu ĩgu pohro majagũre iri pohe maja dũcare aĩdoregũ obeoriñumi daja. Eropirã pohere mohme corerã ĩgu sãre pa ñero iĩñuma ĩgure. Eropa iitũha ĩgu iri dũcare obiriqererã dujadoreñuma daja.

¹² ĩgure erã eropa iira pũhru gajĩgu pohro majagũre obeoriñumi daja. Eropirã mohme corerã daja ĩgure camĩ moa, iri pohe tũro cõacãñuma ĩgure.

¹³ “Erã eropa iira pũhru pohe opũ õpa arĩ pepiriñumi: “¿Dohpa iigũcuri yũhũ? Õpa iigũra. Yũhũ yũ magũre yũ mahĩgũre obeogũra. Erã ĩgure umupeobocoma,” arĩ pepiriñumi pohe opũ.

¹⁴ Eropirã ĩgu magũre ĩgu obeodigu ejacũ ĩarã mohme corerãpũ erã basi õpa arĩ wereniguiñuma: “Ihĩ pohe opũ magũ áhřimi. ĩgure wejẽrã. Eropiro i pohe mari ya pohe dujaroca,” arĩriñuma erã erã basi.

¹⁵ Eropa arĩtuha pohe opũ magũre ñeha pohe tũro aĩgã, wejẽcãñuma ĩgure. ¿Ne pohe opũ dujaragũ dohpa iigũcuri ĩgu ya pohere mohme corerãre? arĩpũ Jesu.

—Õpa iigũcumi erãre.

¹⁶ ĩgu pohere mohme corerãre wejẽgũ, gajirãpũre pohere mohme coredoregũcumi, arĩ yũhriřũ Jesu ĩgu basi.

Ĩgu eroparĩcũ peerã masapũ õpa arĩñorã:

—Marire eropa wabiricãporo, arĩñorã erã.

¹⁷ Erã eroparĩcũ Jesupũ erãre ĩha serēpipũ:

—¿Goãmu yare erã gojarapũre õpa arĩra dohpa arĩro iiri mua pepicũ?

Ihĩ Cristo utãye iro dopa ta áhřimi. Masa Cristore gamebirãcoma. Erã ĩgure gamebiriqerrecũ Goãmu ĩgure beye erã opũ erãre taubu acumi, arĩ gojañuma.

¹⁸ Yũre gamebirãpũ yũ dipuwaja moamorã ářĩrã ñero tarirãcoma, arĩpũ Jesu erãre.

Oparã ya wajare wajayeburire gajirã serēpiñorã Jesure

Mt 21.45-46; 22.15-22; Mr 12.12-17

¹⁹ ĩgu eroparĩcũ peerã judio masa buherã, pahia oparã sã “Jesu iri pohe opũ queori mera “Erã ñerã mohme corerã iro dopa áhřima,” arĩgũ marire weresãgũ iicumi ĩgu,” arĩ pepiñorã erã.

Eropa arĩ pepirã erã Jesure ñeadiarĩñorã. Eropa ñeadiaqererã ta masa Jesure gamerã mari mera guarĩ arĩrã erã masare gũĩ arĩñorã.

²⁰ Eropa gũĩrã Jesure erã ñeaburisubure corerã ĩgure ĩhanũrũñorã. ĩgu ñero arĩ yũhřicũ ĩadiarã iiriñorã ĩgure weresãmorã. Eropirã Jesure gajino serēpidorerã obeoñorã guyarãre. Erãre diaye iirã dopa wereniguidoreñorã. Jesu ñero ĩgu werenicũ peerã iri yeba majagũ opũre peresu iidoremorã iiriñorã.

²¹ Eropirã erã Jesure serēpiñorã:

—Buhegu, diaye wereniguigu, guyari marigu mu áricú gua masia. Eropigu opu áricú säre İgu bu árigu İgu áricú säre yujuropa İhaa muhu. Muhu Goamu yare diaye mu buhecú säre gua masia.

²² Wereque guare: ¿Roma majagu áripehrerá tauro opu árigure gobierno majare marire wajayero gahmeri mu pepicú? ¿Mari doreripu irire wajayedoreri? arñorá erá Jesure.

²³ Erá eroparicú Jesu erá ñero iidiarire masigu eräre werepu:

—¿Duhpirá yu ñero wereniguicú peediari mua?

²⁴ Dohparagá niyerusere arique. Irisere İarâ, arıpu.

Irisere erá aİ eracú İagu opa serëpipu Jesu:

—¿Nihino gohra waicugu masu tuhyari irisere? ¿Noa waİ tuhyari? arı serëpipu Jesu eräre.

—César, masa tauro opu waİ İgu masu sâ tuhyami iriseguere, arı yuhriñorá erá.

²⁵ Erá eroparicú Jesu werepu:

—Irisubu tamerare masa tauro opure İgu yare oque. Goamu yapure Goamure oque, arıpu Jesu eräre.

²⁶ Eropirá masa erá peero Jesure ñero arı wereniguicú iimasibiriñorá erá. Eropirá erá Jesu yuhririre peerá erá peemaria wañorá. Eropa peemariarâ, ejarimaria wañorá.

Saduceo masa Goamu İgu sirinirâ masurire serëpiñorâ Jesure

Mt 22.23-33; Mr 12.18-27

²⁷ Eropi bajamerâgâ Saduceo masa Jesu pohrogue erañorâ. “Goamu siriniräre masusome,” arı pepirâ arñorâ Saduceo masa. Eropirâ erá opa arñorâ İgure:

²⁸ —Buhegu, marire opa arı gojañumi Moise: “Yujugu İgu tıgu marapocugu porâ mariqueregu ta İgu sircú İagu İgu pagu magure İgu tıgu marapo árdigore marapocuro gahmea. Eropa İigu İgu tıgu muru İgu porâcubodiro dopa ta porâcuro gahmea İgu pagu magure. Eropirâ İgu tıgu muru porâ iro dopa árîrâcoma,” arıpu Moise, arñorâ erá.

²⁹ Irire arıtuha i queorire werenemoñorâ erá Jesure:

—Yujugu porâ siete árîñorâ. Erâ tıgupu marapocu porâ marigu ta sira wapu.

³⁰ Eropigu gajigu İgu pagu magu sâ İgu tıgu marapo árdigore ta marapocuru. İgu eropa marapocura puhru İgu tıgu muru iro dopa ta İgu sâ porâ mariqueregu ta sira wapu.

³¹ Eropigu ihİ pagu magu sâ İgu tıgu muru iro dopa ta porâ mariqueregu sira wapu. Eropa dihta wañorâ yujugu porâ gohra. Ne porâ mariqueregu ta siripehrea wañorâ.

³² Erâ marapo sâ erâ puhru sira wapo pare, arı, Jesure serëpiñorâ:

³³ ¿Ne, Goamu áripehreräre siriniräre İgu masucú nihino marapo gohra árigocuri igo? Erâ siete áripehrerâ igore marapocunirâ árîñorâ. ¿Eropigo nihino marapo gohra árigocuri igo? arı serëpiñorâ erá.

³⁴ Erá eroparicú Jesu yuhripu:

—I yeba majarâ uma nome mera marapocuma.

³⁵ Erá eropa iiquerecú ta umusi majarâpu eropa árîbeama. Dohpaguere masare umare, nome säre diaye iiräre Goamu ôarâ İgucumi. Erâ erâ sira puhru masa muriarâcoma Goamu pohrogue. Eropirâ erá eroguere marapocubeama.

³⁶ Eropirâ erâ anyua iro dopa ta ne sirisome daja. Erâ Goamu İgu masunirâ árîrâ, Goamu porâ âhrima.

³⁷ Dohpaguere sirinirâ erá masa muraboropure muare weregura. Irire masia mua İgu Moise İgu arı gojarare. “Iri yucugugâgue ujudigugue árıgu Goamu opa arı weremi yure,” arı gojañumi Moise. “Yuhu Abrahâ, İsa, Jacobo erâ opu ta âhraa,” arı weremi Goamu yure,” arı gojañumi Moise.

³⁸ Erâ sira puhrugue “Erâ opu ta âhraa,” arıñumi Goamu. Eropirâ erá sirinirâ mura İgu masunirâ árîrâ erâ ojocarirâ âhrima. Áripehrerâ masa siriqueregu ojocarirâ âhrima Goamu İgu İacú, arıpu Jesu eräre.

³⁹⁻⁴⁰ İgu eroparicú erâpu dipaturi Jesure serëpidiabiñorâ. Eropirâ bajamerâgâ judio masare buherâ opa arñorâ:

—Buhegu, muhu ôaro yuhriabu, arñorâ erá İgure.

Cristo Davi muru opu âhrimi, arı werepu Jesu

Mt 22.41-46; Mr 12.35-37

⁴¹ Puhru Jesu opa arı werepu masare:

—“Cristo Davi muru pârami árigucumi,” arı buherima muare buherâ. ¿Duhpirâ erâ eropa arı buheri?

⁴² Davi muru İgu basi Salmo İgu gojarapugue opa arı gojañumi:

Goāmũ yũ opũre õpa arãmi: “Ohõ yũ diayerũ dorebu doaque.

⁴³ Eropigũ mũre ìhaturirãre mũre tarinũgabasagũra yũhũ,” arĩmi Goãmũ yũ opũre, arĩ gojañumi Davi mũru.

⁴⁴ Eropa arĩ gojagũ Davi mũrũ opũcañumi Cristore. ¿Eropigũ Davi mũrũ Cristo ñecu mũrũ arĩqueregũ ta duhpigũ Davipũ Cristore opũcayuri? Cristo Davi mũrũ opũ ãhrimi, arĩ werepũ Jesu.

Masare buherã erã ñero iirire werepũ Jesu

Mt 23.1-36; Mr 12.38-40; Lc 11.37-54

⁴⁵ Masa bajarã watope Jesupũ ìgũ buherãre õpa arĩ werepũ:

⁴⁶ —Masare buherã erã ñeri iirire ìarã õaro pee masique. Eropirã erã iro dopa iibiricãque. Erã yoari suhri sañama masa erãre ìaboro dopa. Doberi duarogue gajirã umupeori mera bocatĩri serẽcũ gahmema erã. Eropirã erã mari buheri wiriguere oparã õari doari dihtare doadiama erã. Eropirã bosenuri arĩcũ sãre oparã erã doarigue dihtare doadiama.

⁴⁷ Erã wapeweyarã nome erã wajamocũ ìha erã ya wirire ehmama erã nomere. Eropa erãre mojomoro ìabiriquererã erã masa erã ìhurore yoari boje Goãmũre serẽma, “Gua Goãmũre õaro umupeoa,” arĩ gũyarã. Erã eropa iira dipuwaja Goãmũ erãre gajirã tauro dipuwaja moagũcumĩ, arĩpũ Jesu erãre.

21

Wapeweyo Goãmũ wihigue ìgo apirare werepũ Jesu

Mr 12.41-44

¹ Eropa arĩ weretuha Jesu Goãmũ wihi maja erã amuburi niyeru gameneori comoro pohrogue ìha doapũ. Iri comorogue doberi oparã erã niyeru sãcũ ìapũ Jesu.

² Eropa ìagũ wapeweyo mojomorocũgo ìgo pesegã ìgo oparaserigãre ìgo sãcũ sãre ìapũ.

³ Irire ìatuha õpa arĩ werepũ:

—Diaye arĩgũ iiaa mũare. ìgo wapeweyo mojomorocũgorũ ii comorogue ìgo yare sãgo gajirã arĩpehrerã erã sãdiro tauro sãmo ìgoa.

⁴ Gajirã doberi oparã erã wũaro oquerẽcũ ta erãpũre erã ya wũaro duhyaa. Igorũ mojomorocũgo arĩquerego ta arĩpehreri ìgo bari waja arĩborare opehocãmo ìgoa, arĩpũ Jesu.

—Goãmũ wihi cóara wihi arĩroca, arĩpũ Jesu

Mt 24.1-2; Mr 13.1-2

⁵ Eropi gajirã Goãmũ wihire ìarã õpa arĩñorã:

—Õari utã mera iira wihi, õari wihi ãhraa. Masa Goãmũ wihire erã ora sã õari ãhraa, arĩ wereniguirã iñorã.

Erã eroparĩcũ Jesu werepũ erãre:

⁶ —Ì wihi majare dohpaguere ìaraa mũa. Gajinũ arĩcũ ì wihi maja arĩpehreri mari ìara, ì utã sã cohmophehrea waroca. Ne yujuye utãye dujasome, arĩpũ Jesu erãre.

Ì umũ pehrebunũre werepũ Jesu

Mt 24.3-28; Mr 13.3-23

⁷ Ìgũ eroparĩcũ peerã erãpũ serẽpiñorã ìgũre:

—Buhegũ, ¿dohparĩcũ eropa warocuri mũ arĩdiro dopa waro? ¿Pehrebunũ coregãre dohpa wanũgacũ ìarãcuri gũa? arĩ serẽpiñorã erã ìgũre.

⁸ Jesu yũhripũ erãre:

—Õaro iiyuque mũa. Eropirã gajirã mũare erã gũyarire peebericãque. Bajarã masa “Cristo ãhraa yũhũ,” arĩ gũyarã arĩrãcoma. Eropa arĩ gũyarã “Dohpaguere pehrebunũ merogã duhyaa,” arĩrãcoma. Erã eroparĩcũ erãre peebericãque.

⁹ Eropirã mũa pohrogã gajirã masa gamewejẽcũ, masa erã oparãre cóacũ peerãca. Eropirã yoarogue majarã sã eropa iicũ peebeorãca. Mũa irire peerã güibericãque. Pehrebunũ core õpa wamũhtaroca. Eropa wamũhtacũ pehrebunũ duhyaniroca dohpa, arĩpũ Jesu.

¹⁰ Eropa arĩtuha õpa arĩ werenomopũ:

—Ìrisubure yuju yeba majarã gajĩ yeba majarã mera gamewejẽrãcoma. Eropirã yujugũ opũ yarã gajigũ opũ yarã mera gamewejẽrãcoma.

¹¹ Eropiro bajasuburi ì yeba ñohmeroca. Eropirã masa bajarã oa mera sĩri, arĩpehrero majarã masa dorecurãcoma. Eropirã umaro majare deyoro moarire gũhyadiarire masa ìarã, ìha uca warãcoma. Eropa wacũ mũapũ güibericãque.

¹² “I áripehreri eropa waboro core, yaharâ mua áriiri dipuwaja gajirâ muare ñeha ñero iirâcoma. Eropirâ mari judio masa buheri wirigue muare weresâ, peresu iirâcoma muare. Erâ eropa iicû macari majarâ oparâ pohrogue erâ tauro oparâ pohrogue sâre muare aigârâcoma erâ muare dipuwaja moadorerâ.

¹³ Erâ eropa muare aigâcû muapu erâre ôari buherire wererâca.

¹⁴ Erâ oparâ pohrogue muare erâ aigâcû erâ oparâre mua yuhriborore wuaro guñabiricâque mua.

¹⁵ Yuhu muare wereniguicû iigura. Muare eropa itamugu pee masirire, ôari wereniguirî sâre mua iicû iigura. Mua eropa iicû muare ñaturirâpu mua wereniguirire pee bocatîmasisome. “Iri diaye áribeaa,” arî yuhrimasisome.

¹⁶ Irisuburi mua yaharâ áricû ñha mua pagu sumará, mua pagu porâ, mua acawererâ, mua mera majarâ sâ muare oparâre wejêdorerâ orâcoma muare. Erâ eropa iicû muare ñaturirâ mua mera majarâre gajirâre wejêrâcoma.

¹⁷ Eropirâ yaharâ mua áricû ñarâ, áripehrerâ muare ñaturirâcoma.

¹⁸ Muare eropa iicû muapu ne dederesome.

¹⁹ Eropirâ erâ muare ñero iiquerecû ta muare erâ ñero iirare yujuro bojerâ yure duhubiricû Goâmû muare taugucumi. Eropigu ñgu pohrogue muare opagucumi.

²⁰ “Eropirâ bajarâ surara Jerusalenguere erâ cãhmotacû ñarâ, Jerusalénre erâ cóaborore merogâ duhyacû masirâca mua.

²¹ Eropa wacû ñarâ Judea yeba áriirâpu utâ yucague oma duhriporo. Eropirâ Jerusalén áriirâ sâ waporu. Eropirâ campo áriirâ Jerusalenguere wabiricâporo daja.

²² Irinuri dipuwaja moarinuri áripehreri Goâmû yare erâ gojarapû erâ arîdiro dopa ta eropa waroca.

²³ Goâmû oâ masare turaro dipuwaja moacû áripehrerogue i yebaguere ñero tarirâcoma. Eropa wacû nijiposâ nome, erâ porâre mihrirâre oparâ nome sâ mojomorocurâ nome dujarâcoma irisubure.

²⁴ Gajirâ i maca majarâre gamewejêrâcoma. Eropirâ gajirâ i maca majarâre áripehreri yebarigue aigâ peresu iirâcoma. Eropirâ judio masa áribirâ Jerusalénre ñero iirâcoma. Eropirâ erâ tarinugarâcoma. Judio masa áribirâre “Iripêta árique,” Goâmû ñgu áricûgue Jerusalénre áhri duhurâcoma, arî werepu Jesu.

Jesu i yebague ñgu dujariborore werepu

Mt 24.29-35, 42-44; Mr 13.24-37

²⁵ Eropigu erâre werenemopu:

—Irisubure abe umu majagu, ñami majagu, necâ sâ guhyaro gohrotoa warâcoma. Áripehrerâ i yeba majarâ, “Cue, sîrirâca,” arî pepirâcoma. Wuariya turaro busurire pãguri sâre turaro guirâcoma.

²⁶ Irisubure umaro maja sâ yeba sâ burigâ ñohmeroca. Eropa wacû ñarâ masapu i yeba pehrebore corerâ burigâ guirâcoma dedereri arirâ.

²⁷ Irisubu ta yuhu masu Goâmû ñgu obeodigu Goâmû ñgu turari mera, ñgu gosesiriri mera umaro maja imica weca i yebaguere yu dujaricû ñarâcoma masa.

²⁸ Yu eropa arîra wanugacû ñarâ guibiricâque. Eropirâ guñatura umarogue ñhamujuque. Irisubure Goâmû muare ñgu tauboro merogâ duhyaroca, arîpu Jesu.

²⁹ Eropa arîtuha i queori mera erâre werepu Jesu:

—Higueragu baja gaji yucu sâ iri yucu waricurire pepique mua.

³⁰ Iri yucu pûricacû ñarâ, “Bojori merogâ duhyaa,” arî masia mari.

³¹ Eropa ta i áripehreri yu arîra iri eropa wacû ñarâ, “Goâmû ñgu opu áriburisubu merogâ duhyaa,” arî pepirâca mua.

³² Muare diaye arîgu ñiaa. Irisubu majarâ erâ sîriboro core áripehreri yu arîra eropa waroca.

³³ Umuro i yeba sâ pehrea waroca. Yu wereniguiripu ne pehresome. Áripehreri yu arîdiro dopa ta eropa waha ojogorocuroca.

³⁴ “Yu dujariburinure ne masibea mua. Eropirâ ôaro áriyuque. Bosenurire pagari iiniguibiricâque. Eropirâ merebiricâque. I yeba maja iiburire wuaro pepibiricâque. Muare yu arîdiro dopa ta iirâ, guñaña mariro i yebaguere yu aricû ne acasome.

³⁵ Yuhu masare beyegu arîgu guñaña mariro ariguca. Waibugu guñaña mariro ñgu weradague ñgu mehsihajaro dopa ta irinu waroca masare áripehrerâ i yeba majarâre. I yeba majarâ “Eropa waroca,” erâ arîbirininu eropa waroca.

³⁶ Muapu ôaro guñatura coreque. Eropirâ Goâmure ire serêniguicâque: “Pehrerinu eropa wacû yure itamuque. Turarire oque yure ôaro yu tariboro dopa. Eropigu Cristore mu obeogure guiro mariro yuhu ñgure bocatîricû iique yure,” arî serêque Goâmure, arîpu Jesu.

³⁷ Eropi irinurire Goãmũ wihigue Jesu buhemuripũ. Ñamiri nũcũ buhetuhajagu Olivo waĩcudigũgue waha irigũgue árĩboyotahmuamuripũ.

³⁸ Boyocũ árĩpehrerã masa ĩgũre Goãmũ wihigue peerã wamurĩñorã.

22

Pahia oparã, judio masare buherã mera wejẽdiañorã Jesure

Mt 26.1-5, 14-16; Mr 14.1-2, 10-11; Jn 11.45-53

¹ Eropi irisubure bugabiriri pan erã baburi bosenu merogã duhyayoro. Iri bosenu Pascua waĩcuyoro.

² Eropirã pahia oparã, judio masare buherã mera Jesure wejẽdiarã, erã wejẽborore guñamaañorã. Jesure wejẽdiaquererã ta masapũre gũĩñorã guari arĩrã.

³ Eropi Judapũ wafĩ ĩgũre ñero iidorecũ yahrĩpũ ĩgũre. Juda doce Jesu buherã mera majagu árĩripũ.

⁴ Eropigu pahia oparãre, Goãmũ wihi majarã surara oparã mera sãre weretamugũ wapũ. Erã pohrogue eja, erãre Jesure ĩgu ĩhmuborore weretamupũ erã mera.

⁵ ĩgu erãre eroparĩcũ pee erã mucubiri, “Mũre niyeru wajayerãca,” arĩñorã erã Judare.

⁶ Erã eroparĩcũ, “Áũ, mũare ĩgũre ĩhmugũra,” Juda arĩpũ. Eropigu masa erã ĩabiririsubu Jesure ĩhaturirãre ĩgu ĩhmuborore corenipũ.

Jesu ĩgu buherã mera ĩgu baturinũ árĩyoro

Mt 26.17-29; Mr 14.12-25; Jn 13.21-30; 1Co 11.23-26

⁷ Bugabiriri panre erã baburinũ bosenu árĩnugarinũ árĩyoro. Eropiro Pascua majagu árĩbure ovejare erã wejẽrinũ árĩyoro.

⁸ Irisubu ta Pedro, Ñũ sãre Jesu werepũ:

—Bosenu mari baburire amurã waque, arĩpũ Jesu erãre.

⁹ —¿Nohonogue mari baburire amudoregu obeori mũhu guare? arĩ serẽpiñorã erã.

¹⁰ Erã eroparĩcũ Jesu yahrĩpũ:

—Jerusalẽngue waque. Eroque mũa ejacã deco sorobu tuhpeogu mũare bo-catĩrigũcumĩ. ĩgu bocaĩricũ ĩgu mera waque.

¹¹ Eropa warã ĩgu sihu ñajari wihigue ejarã, wihi opũre õpa arĩque: “¿Nohogue yũhũ, yũ buherã mera Pascua maja barire barãcuri?” arãmi buhegu,” arĩque wihi opũre.

¹² Mũa eroparĩcũ peegu wũari taribure, umaro maja taribure, mari gameri mera erã amura taribure ĩhmugũcumĩ wihi opũ. Eroque mari baburire iique mũa, arĩpũ Jesu erãre.

¹³ ĩgu eroparĩcũ erã iri macague wañorã. Eroque erã ejacã erãre ĩgu arĩdiro dopa ta eropa wayoro. Eropirã erã Pascua árĩcũ baburire amuñorã.

¹⁴ Erã barisubu árĩcũ Jesu doce ĩgu buherã mera ba doapũ.

¹⁵⁻¹⁶ Eroque erã barogue doagu Jesu erãre werepũ:

—Mũare arĩgu iiaa. I Pascua bosenure mari iiaa Goãmũ ĩgu yarãre ĩgu taurare guñarã. Pũhrũ Goãmũ ĩgu opũ árĩrogue ĩgu yarãre tautuhagũcumĩ. ĩgu eropa tauboro core inano majare dipaturi basome yũhũ. Eropigu dohpaguere yũ ñero tariboro core i Pascua maja barire mũa mera turaro badiabũ, arĩpũ Jesu.

¹⁷⁻¹⁸ Eropa arĩgu Jesu ĩhriripare aĩ, Goãmũre “Õhaa,” arĩ serẽ, erãre werepũ:

—Mũare arĩgu tiiaa. Goãmũ ĩgu opũ árĩrogue ĩgu decore ĩhriboro core ne dipaturi ĩhrisome yũhũ. Eropirã iri vinore aĩ mũa basi ĩhrique, arĩpũ Jesu.

¹⁹ Eropa arĩtuha panre aĩ, Goãmũre “Õhaa,” arĩpũ. Eropa arĩtuha irirure nuha guerepũ erãre. Irirure gueregu ta erãre werepũ:

—I yũ dũpũ ahraa. Yũ dũpũ yũre ĩhaturirãre erã oburi dũpũ árĩroca. Mũa ñeri iira wajare cóãbu sĩrigũca yũhũ. Eropirã mũa yũre guñaburire ire baque, arĩpũ Jesu.

²⁰ Eropa batuha eropa ta erãre ĩhriripa sãre opũ. Eropigu erãre werepũ:

—Mũa ñeri ĩrare cóãbu sĩrigũca. Eropigu yũ dire cóãguca. Eropa sĩrigũ yũ Pagũ Goãmũ “Masare ðaro ĩigura,” ĩgu arĩdiro ii ojogorocũguca.

²¹ “Dohpaguere peeque mũa. Yũre ĩhaturirãre ĩhmubu yũ mera ohõ doami.

²² Goãmũ ĩgu arĩdiro dopa ta yũhũ masũ Goãmũ ĩgu obeodigu sĩrigũca. ĩgu eropa sĩrdorequerecũ ta yũre ĩhaturirãre ĩhmudigũpũ ñetariaro tarigũcumĩ, arĩpũ Jesu.

²³ ĩgu eroparĩcũ erãpũ erã basi õpa arĩ serẽpiñorã:

—¿Jesure ĩhaturirãre ĩhmubu mari mera majagu nihino árĩcuriba? arĩ serẽpiñorã erã basi.

“¿Mari mera majagu nihinopũ opũ árĩgũcuri?” arĩ werenigũĩñorã Jesu buherã

²⁴ Puhru Jesu buherã õpa arĩ duyasoñorã:

—¿Mari mera majagu nihipu árigucuri opu? arĩ wereniguñorã erã basi.

²⁵ Erã eropa arĩ wereniguicũ peegu Jesu erãre werepu:

—Goãmure masibirã oparãpu erã masare dorerã pũriro mera dorema. Eropirã oparãre “Erã masare õaro itamuraã áhrima,” arĩrima gajirã erãre.

²⁶ Mũapu eropa oparã árdiasome mua basi. Mua mera majagu mua tĩgũpu mua pagu magu iro dopa arĩporo. Mua mera majagu opu árdiagu gajirã itamugu arĩporo.

²⁷ ¿Nihino áhriri opu mua pepicũ? ¿Ba doagupu opu áhriri? ¿O barire duhpeogupu opu áhriri? Ba doagu ta áricumi opu. Igu eropa áriquerẽcũ ta yũpu pohro majagu iro dopa ta mũare itamugu ahrabu.

²⁸ “Masa erã yure ñero iiquerẽcũ ta mũapu yure duhubirabu.

²⁹ Eropigu yũ Pagu Igu yure opu acudiro dopa ta mua sãre oparãre acugura yũhu.

³⁰ Yũ opu áricũ mua sã yũ bari mesa ta baha ihrirãca. Eropirã mua oparã doarire doarãca. Mua ero doarã Israe masare doce cururi majarãre beyerãca õarã sãre ñerã sãre, arĩpu Jesu Igu buherãre.

*Pedro “Jesure masibea,” Igu arĩ gũyaburiñere wereñumi Jesu
Mt 26.31-35; Mr 14.27-31; Jn 13.36-38*

³¹ Eropa arĩtuhaja Pedrose Jesu õpa arĩ werepu:

—Simo Pedro yure peeque. Watĩ Satana mũare áripehrerãre gamegu Goãmure serẽrami. Mua yure duhu Igu yare iicũ gamegu serẽrami. Trigo pohe opu Igu trigo gasirire cõãgu puri siriro dopa mũare goroweodiami.

³² Igu mũare eropa gamequerecũ yũpu mũare Goãmure serẽbasabu. Yure mũ umupeo duhubiriburire serẽbasabu Goãmure. Eropigu mũhu yũ mera majagu dipaturi árigu mũ acawererãre yaharãre guñaturacũ iique mũhu, arĩpu Jesu Pedrose.

³³ Igu eroparicũ Pedro yũhripũ:

—Opu, mũare erã peresu iiquerẽcũ ta, yũhu mũ mera majagu árniguiguca. Mũare erã wejẽquerecũ ta mũ mera majagu árniguiguca, arĩpu Pedro.

³⁴ Jesu yũhripũ:

—Pedro, mũare arĩgu iiaa. Dohpagã ñami cãreña Igu wereboro core uhresubu “Jesure masibea,” arĩguca mũhu gajirãre, arĩpu Jesu Pedrose.

Jesure erã ñero iinũgaboro merogã duhyayoro

³⁵ Eropa arĩtuha Jesu Igu buherãre werepu:

—¿Sohõ áriřasubure mua niyeru aju moorã, suhri diyeri aju moorã, zapatu moorã mũare yũ obeorasubure gajino duhyari mũare? arĩ serẽpipũ Jesu.

—Ne gajino guare duhyabirabu, arĩ yũhriñorã erã.

³⁶ —Irisubure mũare duhyabiriquerẽcũ ta dohpaguepũre suhri diyeri ajure, niyeru aju sãre oparã irire aĩque. Eropirã mũare matamijiri maricũ ñarã mua suhrire duarã irimijire asũque.

³⁷ Ire mũare arĩgu iiaa. Goãmũ yare erã gojarapũ erã arĩdiro dopa ta yure eropa waro gahmea. Õpa arĩñuma iripũgue. “ ‘Igu dorerire tarinũgarã mera majagu áhrimi,’ arĩrãcoma masa,” arĩ gojañuma yure, arĩpu Jesu. Erãpu arĩñorã:

³⁸ —Ñaque opu. Pemiji matamijirire opaa gũa, arĩñorã Igu buherã.

—Iripẽta árica, arĩ yũhripũ Jesu.

Getsemanigue Jesu Goãmũ mera wereniguipũ

Mt 26.36-46; Mr 14.32-42

³⁹ Eropi Jesu Igu ero core Igu iiguadiro dopa ta Olivo waĩcadigu utãgũgue waha wapu. Igu eropa wacũ Igu buherã Igu mera wañorã.

⁴⁰ Eroguẽ ejagu Igu erãre werepu:

—Goãmure serẽque mua ñerire iibiriboro dopa, arĩpu erãre Jesu.

⁴¹ Eropa arĩtuha Igu seyaro merogã yujugũ ta wanemo, mereja Goãmũ mera wereniguipũ:

⁴² —Ahu, yũ ñero tariburire iidiabigu iibiricãque. Yũ eropa serẽquerecũ ta yũ gamero dopa iibita. Mũpu masia. Mũ gamero dopa ta iique, arĩ serẽpu Jesu Goãmure.

⁴³ Igu eropa arĩ serẽcũ umarogue aridigu anyu Jesure dehyoapu Iguẽ itamugu.

⁴⁴ Eropigu Jesu ñero siporãcu turaro mera Goãmũ mera wereniguipũ. Eropiro Igu ñajasiri guari di wiriro dopa Iguẽ wiridijayoro.

⁴⁵ Goãmũ mera wereniguituha wahgãnũgaja, Igu buherã pohrogue dujaa wapu. Igu dujjacũ Igu buherã burigã bujawererã áriřã carĩã arĩñorã.

⁴⁶ Eropigu Jesu erãre õpa arĩ werepu:

—¿Duhpirã carĩri mua? Wahgãque. Goãmure serẽque mua ñeri iibiriburire, arĩpu Jesu erãre.

Jesure ìhaturirã ìgure peresu iinõrã
Mt 26.47-56; Mr 14.43-50; Jn 18.2-11

⁴⁷ Ìgu eropa arĩ wereniguirisubu masa bajarã erañorã. Juda doce buherã mera majagu áridigu masare muhtagáridigu arĩpu. Eropigu ìgu Jesu pohro eraa, ìgu wayuporãre mimipu ìgure.

⁴⁸ Ìgu eropa mimicũ Jesupu ìgure serẽpipu:

—Juda, ¿yu masure Goãmu ìgu obeodigure yure ìhaturirãre ìhmu yu wayuporãre mimiri muhu? arĩpu Jesu.

⁴⁹ Ìgu eropa arĩra puhru Jesu buherã masa Jesure erã ñeaburire masirã ìgure serẽpiñorã:

—Opu, ¿gna matamijiri mera erãre gamequeãsi? arĩñorã erã.

⁵⁰ Erã eropa arĩra puhru yujugu Jesu buherã mera majagupu pahia opu pohro majagure ìgu matamiji mera ìgu gamirore diayeru árii gamirore tabe coro dijucãpu.

⁵¹ Ìgu eropa iicũ ìagu Jesu opa arĩpu:

—Iibita, arĩpu.

Eropa arĩtuha pohro majagu gamiro áriñare mohmepipu. Ìgu eropa iicũ pohro majagupu muraro ta dujapu daja.

⁵² Eropa iitua pahia oparãre, Goãmu wihi surara oparãre, murã sãre ìgure ñeamorãre Jesu serẽpipu:

—¿Mua matamijiri mera, yuca ducari mera arirã yajari masure iro dopa ta yure ñearã arirã iari?

⁵³ Umuri nucu Goãmu wihigue mua mera yu áricũ, mua yure ñeabiribu. Eropa arĩquerecũ ta dohpague mua ñerã yanu ta áhraa. Watĩ ìgu tarinugaburibusu áriro ìiaa, arĩpu Jesu.

“Jesure masibea,” arĩpu Pedro

Mt 26.57-58, 69-75; Mr 14.53-54, 66-72; Jn 18.12-18, 25-27

⁵⁴ Erã Jesure ñeatuha pahia opu ya wihigue aigãñorã erã ìgure. Erã aigãcũ Pedro yoarogue erãre ìhanurusiapu.

⁵⁵ Opu ya wihigue ejacũ, ìri wihire cãhmotara sãriro pohecague òari goro deco peame dihuñorã gajirã. Erã dihucũ ìagu Pedro peame pohro doarã mera doapu.

⁵⁶ Ìgu peame boyorogue doacũ yujugo pohro majago ìgure òaro ìhanuru gajirãre opa arĩ werepo:

—Ihĩ sã ìgu mera ta áhrami, arĩpo igo.

⁵⁷ Igo eroparicũ Pedro yuhripu:

—Nomeo, ìgure ne masibea yuhu, arĩripu Pedro.

⁵⁸ Puhru ñari gajigu Pedroro ìha, opa arĩ werepu:

—Mu sã erã mera majagu ta áhraa, arĩpu ìgu.

—Ne, áribeaa, arĩripu Pedro.

⁵⁹ Yuju hora puhru gajigu gajirãre opa arĩ werepu:

—Diaye ta áhraa. Ihĩ Galilea majagu áhrimi. Diaye ta Jesu mera áhrami ihĩ sã, arĩpu ìgu gajirãre.

⁶⁰ Ìgu eroparicũ Pedro yuhripu:

—Mu arìgure ne masibea yuhu, arĩ yuhripu.

Ìgu eropa arĩ wereniguirisubu càreña werepu.

⁶¹ Ìgu werecũ mari Opu Jesu wihi pohro áridigu Pedroro maji ìapu. Ìgu eropa ìacũ Pedropu Jesu ìgu arĩrare guñapu. “Dohpagã ñami càreña ìgu wereboro core, ìhresubu muhu, ‘Yuhu Jesure masibea,’ arìgucã muhu,” Jesu ìgu arĩrare guñapu Pedro.

⁶² Eropigu Pedro erogue wiriri, turaro orepu.

Jesure wereya, pañorã erã

Mt 26.67-68; Mr 14.65

⁶³ Eropirã Jesure corerã surara ìgure wereya, pañorã.

⁶⁴ Eropa parã ìgu cuirire diricãhmota, ìgure serẽpiñorã:

—¿Noa mure pari? Ìbiriqueregu ta wereque guare, arĩ wereyañorã erã.

⁶⁵ Eropirã baja gaji ñero arĩ wereyañorã erã ìgure.

Jesure opu serẽpipu

Mt 26.59-66; Mr 14.55-64; Jn 18.19-24

⁶⁶ Eropirā boyorogue ta murā, pahia oparā, judio masare buherā sã gamenereñorā. Erā eropa gamenerore gajirā erā pohrogue Jesure aigãñorā.

⁶⁷ —Wereque guare. ¿Goãmu beyedigu Cristo àhriri muhu? arī serēpiñorā erā Jesure. Erā eroparicū Jesu yuhripu:

—Muare yu werecū sãre yure peesome mua.

⁶⁸ Muare yu serēpicū yure yuhrisome mua. Eropirā yure wiusome mua.

⁶⁹ Mua yure wiubiriquerecū ta puhru ñari umuri nucu yuhu masu Goãmu ïgu obeodigu Goãmu yu Pagu turagu ïgu diayepu doagu áriguca, arīpu Jesu.

⁷⁰ ïgu eroparicū erā árīpehrerā serēpiñorā daja dipaturi:

—¿Eropa arīgu “Yuhu Goãmu magu àhraa,” arīri muhu? arīñorā erā.

—Mua arīro dopa ïgu ta àhraa, arī yuhripu Jesu erāre.

⁷¹ ïgu eroparicū òpa arī erā basi wereniguñorā erā:

—Ïre weresãrãre gajirãre mari gamebea pare. Erā nucu ta sihajama. ïgu Goãmure ïgu ñero wereniguicū mari basi ta mari peea. Eropirā ïgu ñero iira dipuwajare masituhaa, arīñorā erā erā basi.

23

Pilato Jesure serēpipu

Mt 27.1-2, 11-14; Mr 15.1-5; Jn 18.28-38

¹ Eropa arītuha erā árīpehrerā wahgãnugaja, Jesure Pilato waicugu opu pohrogue aigãñorā.

² Aĩ ejarā Jesure weresãnugañorā:

—Ihĩ mari ya yeba majarãre ñero iidorecū peeabu. Mari opure Césare ihĩ wajayedorebeamĩ. Eropigu ïgu “Yuhu opu àhraa. Cristo àhraa yuhu,” arī wereniguimi ïgu basi, arī weresãñorā erā Jesure.

³ Erā eropa arī weresãra puhru Pilato Jesure serēpipu:

—¿Diaye ta judio masa opu ta àhriri muhu? arīpu ïgu Jesure.

—Mu arīro dopa ta ïgu ta àhraa, arī yuhripu Jesu.

⁴ ïgu eroparicū Pilato pahia oparãre, masa sãre werepu:

—Ïre gajino waja dipuwaja mara, arīpu ïgu.

⁵ ïgu eropa arīquerecū ta erā turaro weresãnemoñorā:

—Ïgu, ïgu buheri mera masare gamequeãcū iimi. Galilea yeba ïgu irire iinugami. Eropa iinugatuha árīpehrero Judea yebague irire ïgu iimi, arī weresãñorā erā.

Herode waicugu opu Jesure serēpipu

⁶ Erā eropa arī weresãcū peegu Pilatopu serēpipu:

—¿Ihĩ Galilea majagu àhriri? arīpu ïgu.

⁷ —Ero majagu ta àhrimi, arī yuhriñorā gajirā.

Erā eropa yuhricū peegu Pilatopu Jesu ïgu árīri yebare masigu opu Herode ïgu ya yeba majagu ïgu árīcū masipu. Irire masigu Jesure Herode pohro obeopu. Irisubure Herode Jerusalén arīpu.

⁸ Ero core Herode Jesure peemuripu. ïgu eropa peera puhru ïgure burigã ïadiaripu. Jesu ïgu deyoro moarire ïgu ii ïhmucū ïadiaripu ïgu. Eropigu ïgu Jesure ïagu mucubiripu.

⁹ Eropigu baja serēpipu Jesure. ïgu eropa serēpiquerecū ta Jesupu ne yuhribiripu ïgure.

¹⁰ Pahia oparā, judio masare buherā sã Herode pohro nugaja turaro Jesure weresãñorā.

¹¹ Erā eropa arī weresãra puhru Herode ïgu surara mera wereya, Jesure ñero iñorā. Eropa wereyarā, òariñe suhrirore opu yañe dopa bejariñere sãñorā erā Jesure. Eropa wereyatuha, iri suhrirore tuwea aĩ Pilato pohro obeoñorā daja.

¹² Irinure Herode, Pilato mera òaro erā basi game iinugarā árīnugañorā. Ero corere erā basi game ïhaturirā árīriñorā.

Masa Jesure wejẽdoreñorā

Mt 27.15-26; Mr 15.6-15; Jn 18.39-19.16

¹³ Eropi Pilato pahia oparãre, gajirā oparãre, masa sãre ïgu sihubeocū gamenereñorā.

¹⁴ Erā gamenerecū ïagu òpa arīpu erãre:

—Ïre yure aigãñorā, “Ïgu masare ñero iidoremi,” arīraa mua yure. Dohpague mua ïhuero ïre serēpipehoabu daja. Yu eropa serēpira puhru mua ïgure weresãcū ñeri dipuwaja mara yu ïacū.

¹⁵ Herode sã “Ígure ne ñeri dipuwaja mara,” arãmi. Eropa arĩgu dipaturi ñre ohõ dujuami daja. Eropro ñre wejedorero mara. Mũa sã irire ñha masia.

¹⁶ Eropigu ñgure tãraradari mera tãradoregũca yũhu. Erã eropa tãrara pũhrũ ñgure wiugura, arĩripũ Pilato.

¹⁷ Bajari nũcu Pascua bosenuri nũcu peresu árĩdigure yujugure masa gamegure Pilato eropa wiubasamũripũ. Eropa ñro gameyoro ñgure.

¹⁸ Eropirã Pilato “Jesure wiugura,” ñgu arĩcũ peerã árĩpehrerã masa õpa arĩ gaguĩniguĩnorã:

—Ígu Jesure wejẽque. Gũa yagu árĩbure Barrabãpũre guare wiubasaque, arĩ gaguĩniguĩnorã masa.

¹⁹ Ero Barrabãpu Jerusalẽgue oparãre ñgu cõãdorera dipuwaja, ñgu gajirãre wejẽra dipuwaja peresu ñnorã ñgure.

²⁰ Pilato Jesupũre wiudiaripũ. Eropigu ñgu masare ñgu wiabure serẽpi ñapũ daja.

²¹ Ígu Jesure eropa wiudiaquerecũ ta erã ñgure arĩnorã daja:

—Crusague pabia wejẽque ñgure. Wejẽcãque ñgure, arĩ gaguĩniguĩnorã erã.

²² Erã eroparĩcũ Pilato uñresubũ waro gohra õpa arĩripũ daja erãre:

—¿Ñehenore ñerire ñari ñgu mũa eropa arĩ gaguĩniguicũ? Ne ñgure ñeri dipuwaja mara. Eropigu ñgure wejẽdoremasibea. ñgure tãraradari mera tãradoregũca. Iripẽta ñidoregũca. Eropigu ñgure wiugũca, arĩripũ Pilato.

²³ Ígu eroparĩcũ ta erã turaro mera gaguĩnimo, Jesure crusague wejẽdoreñorã. Erã eropa arĩ gaguĩnicũ peegu Pilato erã gamero dopa ta ñidorepũ.

²⁴ Eropigu erã arĩro dopa ta Pilato Jesure wejẽdorepũ.

²⁵ Eropa doregu masa serẽdigure wiupũ. Ígu peresugue árĩgure, masare gamewejẽcũ ñidigure, masare wejẽdigure Pilato Barrabãpũre wiupũ. Eropigu masa erã gamero dopa ta Pilato Jesure crusague wejẽdorepũ.

Erã Jesure crusague pabia wejẽñorã

Mt 27.32-44; Mr 15.21-32; Jn 19.17-27

²⁶ Eropirã erã Jesure wejẽrã warã, aĩgãñorã. Erã eropa warisubũ Simo waĩcũgu Cirene majagu pohegue ejadigu erapũ. Jerusalẽgue ñgu eracũ ñarã Jesure aĩgãrã ñgure bocatĩri, ñeha, crusare ñgure coãtamudoreñorã Jesu pũhrũ.

²⁷ Eropirã masa bajarã Jesure ñhanurusiañorã. Eropirã gajirã nome ñgure erã eropa ñicũ ñarã turaro ore nurusiañorã.

²⁸ Erã orecũ peegu Jesu erãre maji ñha õpa arĩpu:

—Jerusalẽn majarã nome yũre orebircãque. Mũa basi, mũa porã ya árĩburire oreque.

²⁹ Gajinuri arĩcũ masa õpa arĩrãcoma. “Porã marirã nome dohpagũere mari arĩcũ õatariaboaya,” arĩrãcoma masa.

³⁰ Irisubure uťãgure õpa arĩ wereniguirãcoma masa. “Ígu uťãgu gũa weca yuri bejaporo. Gũare wejẽcãporo,” arĩrãcoma masa.

³¹ Masa yũre dipuwaja marĩgure erã õpa ñicũ, ñeri dipuwaja oparãpũ ñetariaro warãcoma, arĩpu Jesu.

³² Gajirã perã dorerire tarĩnũgarã erã arĩcũ erã sãre Jesu mera erã wejẽmorãre aĩgãñorã erã.

³³ Erã aĩgã dipu pero waĩcũrogue eja crusague Jesure pabiañorã. Eropirã gajirã perã sãre yujugure ñgu diayepũ gajĩgure ñgu copũ crusarĩguere pabiañorã.

³⁴ Erã eropa ñicũ Jesu õpa arĩpu:

—Ahũ, oã dohparagã erã ñero ñirire cãdĩjique erãre. Erã erã eropa ñirire masibea. Eropigu ñirire cãdĩjique, arĩpu Jesu ñgu Pagure.

Eropirã surara Jesu suhri mũrãre “¿Noa yañe arĩrocuri ñne?” arĩ game bira wajatañorã.

³⁵ Eropirã masa ero niguirã erã ñaro judio masa oparã Jesure wereyañorã:

—Ígu gajirã masare sĩribonirãre taurapũ. Eropigu ñgu Cristo Goãmũ ñgu beyedigu arĩgu ñgu basi tariporo, arĩ wereyañorã erã.

³⁶ Surara sã ñgure wereyañorã. Jesu pohro ejarã, vino suĩrere erã oriñorã.

³⁷ Irire ñirã õpa arĩñorã erã:

—Mũhũ judio masa erã opu arĩgu ta, mũ basi tarique, arĩñorã erã.

³⁸ Eropi ñgu weca õpa arĩ gojarapũre pabia tuñorã: “Íhĩ judio masa tauro opu arĩgu ãhrimi,” arĩ gojaturapũ arĩyoro. Griego ya mera, Roma majarã ya mera, judio masa ya mera gojarapũ arĩyoro.

³⁹ Gajĩgu ñgu mera erã pabia tudigu ñgu ñero arĩ wereniguiũ Jesure:

—¿Mũhũ Cristo arĩbeari? Mũ basi, gũa sãre tauque, arĩpu ñgu Jesure.

⁴⁰ Īḡu eroparīcū peegu Īḡu mera majaguru Īḡure yuħripu:

—Eropa arībiricāque. ĶDuhpīḡu Goāmure umupeobeari muħu? Marire yujuro mera dipuwaja moama erā.

⁴¹ Maripure mari ņeri dipuwajare dipuwaja moarā diaye iirā iima erā. Īħīpu ņerire iibirīñumi, arīpu gajīḡu tarīnugaguru.

⁴² Eropa arīḡu Īḡu Jesure opa arīpu:

—Jesu, muħu opu ārīroḡe arīḡu yu sāre guñaque, arīpu Īḡu Jesure.

⁴³ —Mure ire arāa. Dohpagāre yu mera paraíso waicuroḡe yu mera árīḡuca, arīpu Jesu Īḡure.

Jesu sīria wapu

Mt 27.45-56; Mr 15.33-41; Jn 19.28-30

⁴⁴ Eropi goeri boje gohra árīcū árīpeħrerroḡe uħre hora gohra naitīa wayoro.

⁴⁵ Naitīaro árīrisubu Goāmū wihi majañe suħriro cāħmotara suħriro deco mera yehguea wayoro.

⁴⁶ Eropīḡu Jesu turaro gaguinīpu:

—Aħu, yu sīporāre mure wiaa mu dibuboro dopa, arī gaguinīpu Jesu.

Eropa arītuha sīria wapu.

⁴⁷ Eropa wacū Īḡu surara opuḡu “Goāmū turagu āħrimi,” arī, “Īħī Jesu diaye ta oḡu āħrañumi,” arīpu Īḡu.

⁴⁸ Eropirā ero gamenererā iri eropa wacū Īarā, Jesu Īḡu sīricū Īarā, erā ya wihigue dujaa wañorā. Dujaa wa, bujawereri mera waha wañorā.

⁴⁹ Árīpeħrerā Jesu mera majarā, Galileague Īḡu mera arinirā nome sā yoarogue Jesure Īhu niḡuñorā.

Jesu dūpūre masa gobegue apīñorā

Mt 27.57-61; Mr 15.42-47; Jn 19.38-42

⁵⁰⁻⁵¹ Irisubure Josē waicūḡu ero árīpu. Judea yeba Arimatea waicūri maca majagu árīpu. Eropīḡu Īḡu oḡu, diaye iḡu árīḡu, Goāmū Īḡu opu árīnugaburire coreḡu árīpu. Eropīḡu Īḡu judio masa oparā mera majagu árīquereḡu ta Jesure erā wejēdorecū gamebirirīpu Īḡu.

⁵² Eropīḡu Pilato pohroḡe eja, Jesu mūru dūpūre serēpu.

⁵³ Serētūha Jesu dūpūre aī diju, oari suħriro mera Īḡu dūpūre omapu. Eropa omatuha masa gobegue utāyegue erā seara gobegue apīpu Īḡu dūpūre. Irī gobere ne yujugu sīridigūre yaanibirīñorā doħpa.

⁵⁴ Irīnu Sabadonu maja árīburire erā amuyurīnu árīyoro. Sabado judio masa soorīnu árīboro merogā duhyayoro.

⁵⁵ Eropirā Galileague Jesu mera arinirā nome masa gobegue Josē wacū Īarā nuħsīañorā. Masa gobegue eja, iri gobere Īha, Jesu dūpūre Īḡu apirare Īañorā.

⁵⁶ Puħru erā ya wihigue dujaa wañorā. Poresurire Īḡu dūpūre sūburire amuñorā erā. Eropirā Sabado árīcū Goāmū Īḡu dorerire Moiserē Īḡu apirare iri dorero dopa ta erā sooñorā.

24

Jesu masa mūriapu

Mt 28.1-10; Mr 16.1-8; Jn 20.1-10

¹ Domingo árīcū boyorogue erā nome erā poresuri erā amurare aī Jesu masa gobe pohroḡe aīḡañorā.

² Irī gobegue ejarā, iri gobere biharaye utāyere erā pāḡū nugurayere Īañorā.

³ Eropa Īarā erā iri gobegue ņaja wañorā. Jesu dūpūpūre ne bocajabirīñorā erā.

⁴ Īḡu dūpūre bocabirā, “ĶDohpa wayuri?” arī pepīñorā erā. Erā eropa arī pepi erā wenenīḡu amaro gohra perā uma gosesiriri suħricurā erā pohro niḡuñorā.

⁵ Ero erā niḡuicū Īha, nome ḡūrā merejañorā. Eropirā uħapu erāre wereñorā:

—ĶDuhpimorā sīridigū mūru Īḡu árīdirore ahmari mūa? Dohpaguere Īḡu ojocarīḡu āħrimi.

⁶ Īḡu ore marimi. Masa mūriatuhami. ĶSohō árīrasubure Galileague mūa mera árīḡu Īḡu arīrare ḡuñari mūa?

⁷ “Yu masure Goāmū Īḡu obeodigūre wiarācoma ņerāre. Erā yure crusague pabia wejērācoma erā yare. Eropīḡu yu sīrira puħru uħrenu puħru masa mūriaguca yuħu,” Ķmūare Īḡu arīrare ḡuñari mūa? arīñorā uħapu.

⁸ Erā eroparīcū peerā, nomepu Īḡu arīrare ḡuñañorā.

⁹ Erā eropa arīra pūhru erā dujaa wañorā. Once buherāre gajirā sāre irire werepehoñorā.

¹⁰ Erā nomepu María Magdalena, Juana, María Santiago pago árññorā. Erā nome gajirā nome sã árññorā Jesu buherāre eropa wererā nome.

¹¹ Erā eropa arī werequerecū ta Jesu buherāpū “Erā diaye arībiribocoma. Eropa arīcārā iima oã nome,” arī pepirñorā. Eropirā erā nomere peediabirñorā.

¹² Erā eroparīcū peegu, Pedropu masa gobegue omagā, ĩagu wapū. Iri gobegue eja, ĩgu muhmereja ĩhame acupū. Jesure erā omara gasiro dihtare ĩapu. “¿Dohpa wayuri?” arī pepigu ĩgu wihigue dujaa wapū.

Emaus waĩcūri maca maja mague Jesu dehyoapu

Mr 16.12-13

¹³ Irinure perā Jesu buherā mera majarā Emaus waĩcūri macague warā iññorā. Jerusalénre once kilómetros yoaro āhraa Emaure ejaro.

¹⁴ Emaugue waha, árīpehreri Jesure eropa warare wereniguigārā iññorā.

¹⁵ Erā eropa arī werenirisubu Jesupū erā watope erā mera wapū.

¹⁶ Eropirā ĩgure ĩaquererā ta erā ĩgure iha masibirñorā.

¹⁷ —¿Mua curirā warā dohpa arī werenigui bujawererā iiri mua? arīpu Jesu.

ĩgu eroparīcū erā dujanuğañorā bujawererā.

¹⁸ Eropigu Cleofa waĩcūgupu Jesure yūhrīpu:

—¿Dohpaguere Jerusalénre erā ĩirare mu dihta masibeari? arī serēpīpu ĩgu.

¹⁹ —¿Dohpa wahári Jerusalénre? arīpu Jesu.

ĩgu eroparīcū Cleofa yūhrīpu:

—Jesure Nazare majagure erā ĩirare arīrā iiaa. ĩgu Goāmū yare weremuhtagū árññimi. Eropirā ĩgu wereniguirire peerā, ĩgu iira sāre ĩarā, “Turagu āhrimi,” arī pepirima masa. Goāmū sã eropa arī pepicumi.

²⁰ Mari pahia oparā, gajirā oparā mera ĩgure wejēdororā gajirāre ohama. Erā eropa ocū gajirāpū ĩgure crusague pabia wejēama.

²¹ “Roma majarāre cóabu Israe masa opu árību āhrimi,” arī pepirību gūa ĩgure. Dohpagā mera uhrenū wahaa ĩgu sīrira pūhru.

²² Bajamerāgā gūa mera majarā nome guare uacū iiaa. Boyoro Jesu ĩgu masa gobegue erā eja,

²³ ĩgu dūpure erā bocabirañorā. Dūpure bocabiri erā dujara wereama. “Guare anyua dehyoama. Jesu ojocariapu,” arī wereama nomepu.

²⁴ Erā eroparīcū gajirā gūa mera majarāpū iri gobegue eja nome erā arīdiro dopa ta ĩañorā. Erā sã Jesu murare ĩabirañorā, arīpu ĩgu Jesure.

²⁵ ĩgu eropa arīra pūhru Jesu werepu erāre:

—Mua ne peebirā āhraa. ¿Goāmū yare weremuhtanirā mura erā arīrare oaro peebeari mua?

²⁶ Cristo opu árīborō core ĩgu umarogue ĩgu mūriaboro core ĩgure ñero tariro gahmeabu. ¿Irire masibeari mua? arīpu Jesu erāre.

²⁷ Eropa arīgu Goāmū yare erā gojarapūguere erā ĩgure gojayurare Jesu werepehocāpū erāre. Moise murū ĩgu gojarare Jesu werenūgapū. Eropigu árīpehrerā Goāmū yare weremuhtanirā erā gojara sāre erāre werepehocāpū.

²⁸ Erā erā wari macague erā ejacū Jesupū erāre tarīgāgu dopa ĩpu.

²⁹ ĩgu eropa ĩiquerecū ta erāpu ĩgure wadorebirñorā.

—Gua mera dujaque. Ñamicague āhraa. Nairo iica, arññorā erā Jesure.

Eropigu Jesu erā mera wihigue ñaja wapū.

³⁰ Pūhru ĩgu erā mera erā bari mesague doaja, panre aĩ, Goāmure “Ōhaa” arīpu. Eropa arīgu iri panre nuha aĩ erāre opu.

³¹ ĩgu eropa ĩicū ĩarā erā Jesure iha masiñorā pare. Erā iha masira pūhru ĩgu dederea wapū.

³² ĩgu eropa dederecū erā erā basi opa arī wereniguññorā:

—Mague ĩgu marire wereniguirisubu Goāmū ĩgu gojarare ĩgu wereniguirisubu mari sīporā mera oaro mucubiriri mera pepiabu mari, arññorā erā basi.

³³ Eropa arītuha erā mata Jerusaléngue dujaa wañorā. Erogue eja, once buherāre, gajirā mera gamenererāre bocañorā.

³⁴ Erā ejacū, once buherā opa arññorā erāpure:

—Diaye ta mari Opu masa mūriadi āhrami. Simo Pedro ĩgure ĩapu, arññorā erā.

³⁵ Erā eroparīcū peerā Emaus wari maha wanirā sã erā ĩarare wereñorā:

—Jesu ĩgu panre nuha guare ĩgu ocū iha masiabu gūa, arññorā gajirāre.

*Jesu ĩgu buheräre dehyoapũ**Mt 28.16-20; Mr 16.14-18; Jn 20.19-23*

³⁶ Erã eropa arĩ wererisubu mata Jesupũ erã pohro dehyoanũgajapũ.

—¿Åhriri mũa? arĩpũ ĩgu erãre.

³⁷ ĩgu eroparĩcũ erã “Siridĩgu mũũre ĩarã ĩaa mari,” arĩ pepi, turaro gũĩñorã.

³⁸ Erã eropa gũicũ ĩagu ĩgu erãre werepũ:

—¿Duhpirã gũiri mũa? ¿Duhpirã yũre ĩarã “I diaye árĩbeaa, arĩri mũa?

³⁹ Yũ mojotorire yũ guburi sãre ĩaque. Mũa irire ĩarã, yũre ĩha masirãca. Yũre mohmepĩque. Mohmepirã masirãca mũa. Siridĩgu mũũrũ dũpũ moomĩ. Yũpũ dũpũcaũ, arĩpũ Jesu.

⁴⁰ Eroparĩgu ĩgu mojotorire, ĩgu guburire ĩhmupũ erãre.

⁴¹ ĩgu eropa ĩhmũquerecũ ta erã bũrigã mucubiri uca warã “I diaye árĩbeaa,” arĩ pepĩñorã dohpũ. Erã eropa arĩ pepicũ masĩgu Jesu erãre serẽpĩpũ:

—¿Õre bari åhriri? arĩpũ ĩgu.

⁴² ĩgu eroparĩcũ waimũ mupudĩgũre mome imisĩri sãre oñorã ĩgũre.

⁴³ Irire aĩ erã ĩhuro Jesu bapũ.

⁴⁴ Batuha Jesu werepũ erãre:

—Sohõ mari árĩrasubu mũa mera árĩgu yũhũ mũũre werediro dopa ta dohpague yũre eropa wahabũ. Goãmũ doreri Moise marire ĩgu apira ĩgu eropa arĩ gojadiro dopa ta yũre eropa wahabũ. Goãmũ yare weremũhtanirã, Salmopũre gojanirã sã iribojegue erã yũre arĩ were gojayudiro dopa ta dohpague yũre eropa wahabũ. Eropa ta waro gahmeabũ, arĩpũ Jesu.

⁴⁵ Eropa arĩtuha Goãmũ yare erã arĩ were gojarare ĩgu buheräre masicũ ĩipũ Jesu erãre.

⁴⁶ —Goãmũ yare erã gojara õpa arĩyoro: “Cristo ñero tarĩgũcumĩ. Eropĩgu uñrenũ pũhrũ ĩgu sĩrira pũhrũre ĩgu masa mũriagũcumĩ.

⁴⁷ ĩgu masa mũriara pũhrũ árĩpehreri yeba ĩgu yarã Goãmũ yare buherãcoma. ‘Mũa ñerire bũjawererã Jesucristo mera mũa ñerire cãdĩjirã árĩrãca,’ arĩ wererãcoma masare. Eropa weremorã Jerusalén werenũgarãcoma,” arĩ gojañumi Goãmũ yare erã gojarapũ, arĩpũ Jesu.

⁴⁸ Eropa arĩtuhaja õpa arĩ werenemopũ:

—Mũapũ ĩ árĩpehrerire ĩanirã åhraa. Eropirã gajirãre wererãca.

⁴⁹ Goãmũ “ĩgũre mũũre obeogura,” ĩgu arĩdigũre yũpũ mũũre obeogura. Eropirã Jerusalengue ĩgu Espĩritu Santo mũũre ĩgu eraburire coreque mũa. ĩgu mũũre turarire ogũcumĩ, arĩpũ Jesu ĩgu buherãre.

*Jesu umarogue mũria wapũ**Mr 16.19-20*

⁵⁰ Eropa arĩtuha Jesu erãre Jerusalén árĩrãre Betaniague aĩgãpũ. Erogue eja, Jesu ĩgu mojotori mera sĩmuju, “Õaro arĩque,” arĩpũ erãre.

⁵¹ Eropa arĩtuha erãre api, umarogue mũria wapũ.

⁵² ĩgu mũriara pũhrũ erã ĩgũre umupeo, “Õagu, turagu åhrimi,” arĩ, Jerusalengue bũrigã mucubiriri mera dujaa wañorã.

⁵³ Ero åhri umũri nũcu erã Goãmũ wĩhigue Goãmũre serẽmũriñorã. “Mũhũ õagu åhraa,” arĩ umupeonĩguicãmũriñorã erã ĩgũre. Eropa ta árĩporo. Iripẽta åhraa.

San Juan

Ñu waicũgu ipũre gojadigu Jesucristore ãamuriñumi. Jesucristo i yebare buhecũ Ñu ãgu buhegu ármuriñumi. Eropigu Jesu siridigu masa muria ãgu Pagu pohro muriaara puhruge Ñu ipũre gojañumi.

Cristo masu ta árnũgañumi

¹ Negohraguere i yeba áríboro coregue ta Cristo mata ármũhtamurituhapu. ãgu Goãmu mera árípu. Eropigu ãgu Goãmu ta árcãgu iipu.

² Matague ta Cristo Goãmu mera árípu.

³ Eropigu i yebare, umusire árípehrerire ãhacũnugudorepu Goãmu ãgure. Eropigu masa sãre ãhacũnugudorepu ãgure. Eropigu irire ãhacũnugupehopu ãgu Jesucristo. Eropiro irire ãgu ãhacũnugupehobiricũ i ne mariboya.

⁴ Cristo ojocaririre ogu áhrimi. Boyocũ mari mari basi ðaro mari ãha masiro dopa ta, ãgu mari Pagare ðaro ãha masicũ iimi marire. Eropigu i yebare eragu mari Pagare masicũ iimi masare.

⁵ I yeba majarã erã guñaricuri naitãaro iro dopa ñeri áhraa. Jesucristo boyogoro dopa ta masa pohro eragu erã Goãmu yare masicũ iimi. Eropiro naitãariñe, boyoriñere ne tarinũgabiro dopa ta Cristore ñeripu ne tarinũgabiriyororo.

⁶⁻⁷ Goãmu Ñu waicũgũpũre obeomũhtapu Cristore quere aĩgã weremũhtadoregu. ãgu obeodigu Ñupu eraa guare masare Cristo ãgu ariburire weremi.

⁸ Ñupu Cristo árbirimi. Eropã árbiriqueregu ta ãgu Cristore masare weryumũhtagu árími.

⁹ Cristo boyogoro dopa ta árígu árípehrerã masare Goãmure masicũ iibu i yebaguere aridigu árími. Diaye ta áhraa. ãgu masare masicũ iigu ta áhrimi.

¹⁰ Eropigu Cristo i yebare áridigu árími. I yebare ãhacũnugudigu árípu. ãgu eropa áríquerecũ ta i yeba majarã ãgure ne ãha masibirinirã áríma.

¹¹ ãgu ya yeba ãgu masa dehyoadigu árími. ãgu ya yeba ãgu masa dehyoadigu áríquerecũ ta ãgu ya yeba majarãpũ ãgure ne gamebirinirã áríma.

¹² Erã eropa gamebiriquerecũ ta árípehrerã ãgure gamerãpure erãre Goãmu ãgu porã árcũ iimi. ãgure umupeorãre árípehrerã Goãmu ãgu porã árcũ iimi.

¹³ Erã Goãmu porã ta áhrima. Eropirã masa erã gamero Goãmu porã wabeama. Goãmu gamero mera ãgu porã wahama.

¹⁴ Eropigu Cristo ãgu masu ãgu árnũgara puhru mari mera árími ãgu. ãgu eropa árcũ ãarã masare mahigu, diaye majare ãgu wereniguigu árcũ gua masibu. ãgu dihta Goãmu magu árígu turagu árími. ãgu eropa árígu árcũ gua masibu.

¹⁵ Ñu waĩyegu ãgu buherogue Cristo eracũ ãha ðpa arĩ gaguiniguimi guare weregu:

—Sihĩ ahrimi yũ muare weredigu. ãgu yũ puhru masa dehyoadigu áhrimi. Eropã áríqueregu ta yũ tauro turagu áhrimi. ãgu yũ masa dehyoaboro coregue árituhapu. Eropigu ãgu yũ tauro áhrimi. Yũhu muare eropa arĩ weredigu ta áhrimi ihĩ, arĩmi Ñu guare.

¹⁶ ãgu Cristopũ ðagu turaro masare mahigu árígu marire árípehrerãre ðaro iiniguicãmi.

¹⁷ Goãmu dorerire Moisepu apimũhtapu marire. Jesucristopũ Goãmu masare ãgu mahirire buhegu árími. Goãmu ãgu diaye wereniguiri sãre buhegu árími ãgu.

¹⁸ Masa ne Goãmure ãabeama. ãgure mari ãbiriquerecũ ta ãgu magu ãgu turaro mahigu yujugu ta árígupũ ãgu Pagare marire masicũ iimi.

Gajirã Ñu waĩyegũre serẽpiñuma

Mt 3.11-12; Mr 1.7-8; Lc 3.15-17

¹⁹ Judio masa oparã Jerusalén árírã pahiare, Goãmu wihi mohmerã sãre Ñu pohrogue obeoñorã. “¿Nihino áhriri muhu?” arĩ serẽpidorerã obeoñorã erãre. Erã eropa arĩ serẽpirã ejacũ ðpa arĩ weremi Ñupu.

²⁰ Ne yayaro mariro weremi. Diaye ta werepehocãmi guayaro mariro.

—Yũhu Cristo Goãmu ãgu masare taudoregu ãgu obeodigu áríbea, arĩmi ãgu.

²¹ ãgu eroparicũ erãpu ãgure dipaturi serẽpima daja:

—¿Mũhu Cristo árbigu Eliapu áhriri? arĩma.

—Áríbea yũhu, arĩmi ãgu.

- ¿Gua coredigu Goãmũ yare weremuhtagupũ àhriri mũhu? arĩma erã.
 —Árĩbeaa yũhũ, arĩmi Ñu.
²² Ìgũ eroparĩcũ erã Ìgũre dipaturi serẽpima daja.
 —Guaare serẽpidorenirãre gua ðaro werebora dopa guaare wereque daja. ¿Nihinopu àhriri mũhu? ¿Dohpa árĩgũno àhriri mũhu? arĩma erã Ñure.
²³ Erã eroparĩcũ òpa arĩ yũhrimi:
 —Masa marirogue òpa arĩ gaguiniguũ àhraa yũhũ. Goãmũ ya weremuhtadigu Isaia murũ Ìgũ werediro dopa ta werea yũ sã: “Mari Opũ Ìgũ ariboro core ðarã árĩyũque Ìgũre peemorã,” arĩ masare wereyu gaguiniguũ àhraa yũhũ, arĩmi Ñu erãre
²⁴ Ñure serẽpirã fariseo masa erã obeonirã árĩma.
²⁵ Eropirã erã Ñure serẽpima daja:
 —¿Mũhũ Cristo, Elia Goãmũ ya weremuhtagũ gua coregu árĩbiriqueregu ta duhpigu masare Goãmũ ya árĩburire waĩyeri mũhu? arĩma erã.
²⁶ Erã eroparĩcũ yũhrimi Ìgũ.
 —Yũ deco mera masare Goãmũ ya árĩburire waĩyea. Gajigupũ mua masibigupũ mua watope árĩtuhami.
²⁷ Ìgũpũ yũ pũhrũ arigũ yũ tauro turagũ àhrimi. Òtariagũ àhrimi. Ìgũ iro dopa árĩbeaa yũpũ. Eropigu Ìgũre pepigu, “Bu árĩgũ àhraa yũhũ,” arĩ pepia, arĩmi Ñu erãre.
²⁸ Eropa arĩ wereniguima erã Betaniague, dia Jordán waĩcũriya gajipũ masegue, Ñu Ìgũ masare Ìgũ waĩyeroque.

—*Jesu Goãmũ Ìgũ obeodigu cordero iro dopa àhrimi, arĩ wereñumi Ñu masare*

- ²⁹ Gajinũ Jesu Ñu pohro Ìgũ aricũ Ìagũ Ñu òpa arĩmi guaare:
 —Ìaque. Ihĩ Goãmũ Ìgũ obeodigu Ìgũ cordero iro dopa àhrimi. Cordero mari ñeri iira dipuwajare sĩriro dopa ihĩ sĩrigũ i yeba majarãre erã ñero iirare cóagũcumĩ Ìgũ.
³⁰ Ihĩ ta àhrimi yũ òpa arĩdigu: “Yũ pũhrũ arigũ yũ tauro turagũ àhrimi. Yũhũ masa dehyoaboro core Ìgũ matague ta árĩtuhapũ. Eropigu Ìgũ yũ tauro turami,” yũ arĩdigu ihĩ ta àhrimi.
³¹ Yũpũ Ìre Goãmũ magũ Ìgũ árĩrĩre masibirinibũ. Eropa masibiriqueregu ta deco mera waĩyegũ arigũ iibu yũ acawererã Israe masa Ìre erã masiborore, arĩmi Ñu.
³² Eropa arĩtuha Ñu werenemomi:
 —Espĩritu Santo umarogue buja iro dopa bejagũ Cristo weca dijarimi. Ìgũ weca Ìgũ dujanugacũ Ìabu.
³³ Ìgũ weca dujanugajacũ Ìha Ìgũre Ìha masibũ. Ìgũ yũre masare deco mera waĩyedore obeodigu Goãmũpũ òpa arĩ weremuhtatuhami yũre: “Espĩritu Santo dijari Ìgũ weca dujanugajagũ Ìgũ ta árĩgũcumĩ. Ìgũpũ Espĩritu Santore masa mera eropa árĩniguicũ Ìgũ árĩgũcumĩ,” arãmi Goãmũ yũre. Ìgũ yũre eropa werebircũ Ìha masibiriboya Ìgũre.
³⁴ Dohpague Ìgũre Ìha masituhaa yũhũ. Eropa Ìha masigu “Diaye ta Goãmũ magũ ta àhrimi,” arãa yũhũ muare, arĩ weremi Ñu.

—*Jesu buherã Ìgũ ne sihunuganirã árĩñuma*

- ³⁵⁻³⁶ Gajinũ Ñu mera gua perã Ìgũ buherã Ìgũ mera gua niguicũ, Jesu gua pohro tari wahgãgu iimi. Ìgũ eropa tari wahgãcũ Ìagũ Ñu dipaturi òpa arĩmi guaare:
 —Ìaque. Ihĩ Goãmũ Ìgũ obeodigu cordero iro dopa árĩgũ àhrimi, arĩmi Ñu.
³⁷ Ìgũ eroparĩcũ gua perã Ìgũ buherãpũ irire peerã Jesure nurũsiagãbũ.
³⁸ Gua eropa nurũsiagãcũ Ìagũ Jesu guaare maji Ìha, serẽpimi:
 —¿Nohogue wahari mua? arĩmi Ìgũ guaare. Ìgũ eroparĩcũ gua sã Ìgũre serẽpibũ.
 —Buhegu, ¿nohogue àhriri mũhu? arĩ serẽpibũ gua Ìgũre.
³⁹ —Yũ mera arinĩjarã, Ìarã arique, arĩmi guaare Jesu.
 Ìgũ eroparĩcũ guapũ Ìgũ árĩrogue Ìarã wabũ. Irisubu ñamicague cuatro hora árĩbũ. Eropirã iri ñamire Ìgũ mera dujabũ gua.
⁴⁰ Gua perã Ñure peerã, Jesure nurũsiagãrã yũ mera majagũ Andre mera árĩbũ. Andrepũ Simo pagũ magũ arĩmi.
⁴¹ Eropigu Ìgũ mata Ìgũ Ìgũre ahma boca, òpa arĩ werepũ Ìgũre:
 —Mesiare Goãmũ marire taubure Goãmũ Ìgũ obeodigũre bocabũ gua, arĩpũ Andre Simore. Mesia ero majarã ya mera arĩrã, Cristo arĩrã iima.
⁴² Eropa arĩtuha Ìgũ Simore Jesu pohro aĩgãmi. Ìgũ pohro erã ejaacũ Ìagũ Jesupũ Simore òpa arĩmi:

—Mũhu Simo waĩcũgu Jona waĩcũgu magu āhraa. Dohpaguere mũre Cefa waĩyegũra, arĩmi Jesu Simore. Cefa ero majarā ya mera arĩrā, Pedro arĩma. Eropĩgu Pedro waĩcũmi pare.

Felipere, Natanae säre sihuñumi Jesu

⁴³ Gajĩna Jesu “Galilea yebague ina warā,” arĩmi gũare. Eropĩgu erogue eja ĩgu Felipere bocatĩri òpa arĩmi:

—Yũ mera majagu arĩbu ariquer, arĩmi Jesu.

⁴⁴ Felipepũ Betsaida majagu arĩmi. ĩgu, Andre, Pedro mera yuju maca majarā arĩma.

⁴⁵ Eropĩgu Felipe Natanaere ahma, boca òpa arĩ weremi:

—Goāmũ dorerire Moise ĩgu gojarapũgue ĩgu weredigure, gajirā Goāmũ yare weremũhtanirā sã erā weredigure gũa bocabũ. Jesu Nazare majagu Josẽ magu ĩgu ta arĩcũmi, arĩmi ĩgu Natanaere.

⁴⁶ —Nazareguere ne yujugu òagu marimi, arĩmi Natanaerpũ.

—Īagu ariquer mũhũ, arĩmi Felipe.

⁴⁷ Eropĩ Natanae Jesu pohro ĩgu ejacũ ĩagu Jesupũ òpa arĩmi Natanaere:

—Īhĩ dohpague arĩgu diaye ta òagu judio masũ gohra āhrimi. ĩgũre ne gũyari mara, arĩmi Natanaerpũre.

⁴⁸ ĩgu eroparĩcũ peegu Natanae ĩgũre serẽpimi:

—¿Duhpĩgu yũre òaro masiri mũhũ? arĩmi.

—Felipe, ĩgu mũre ĩgu sihuboro core, higueraqu doca mũ arĩcũ ĩhabũ yũhũ mũre, arĩmi Jesu ĩgũre.

⁴⁹ ĩgu eroparĩcũ Natanaerpũ òpa arĩmi ĩgũre daja:

—Buhegu, diaye ta mũhũ Goāmũ magu ta āhraa. Mũhũ Israe masa gũa opu arĩbu āhraa, arĩmi Natanae.

⁵⁰ ĩgu eroparĩcũ peegu òpa arĩ yũhripũ Jesu:

—Higueraqu doca yũ mũre ĩarare masigu yũre “Goāmũ magu āhraa,” arĩ umupeoa mũhũ yũre. ¿Iri ta mũre umupeocũ iri? Mũre yũ eropa ĩara tauro Goāmũ turari mera yũ ĩicũ ĩagũca mũhũ, arĩmi Jesu Natanaere.

⁵¹ Eropa arĩgu òpa arĩ werenemomi:

—Diaye ta mũre arĩgu ĩiaa. Yũhũ masũ Goāmũ ĩgu obeodigu āhraa. Ũmarogue Goāmũ yarā anyua erā yũ weca erā dijaricũ, erā mũriacũ säre ĩagũca mũhũ, arĩmi Jesu ĩgũre.

2

Caná waĩcũri macague erā mojoto diriri bosenuque Jesu ĩagu waĩumi

¹ Ũhrenũ pũhrũ Caná Galilea arĩri macague mojoto diriri bosenu arĩbu. Eropĩgo Jesu pago iri wĩhĩgue arĩmo.

² Jesu gũa ĩgu buherā sã erā mojoto dirirogue sihubenirā arĩbu.

³ Iri bosenu maja vino pehrecũ Jesu pago ĩgũre weremo:

—Dohpaguere vino pehrea wahabũ erāre, arĩmo igo Jesure.

⁴ Igo eroparĩcũ peegu Jesu òpa arĩmi:

—Meho, ¿duhpĩgo irire yũre wereri mũhũ? Masa erā yũre masiboro duhyania dohpa, arĩmi Jesu ĩgu pagore.

⁵ ĩgu eroparĩra pũhrũ ĩgu pagopũ mohme corerāre weremo.

—Yũ magu ĩgu dorero dopa ta ĩique mũa, arĩmo igo.

⁶ Irisubuguer gũa acawererā judio masa Goāmũ yare iimorā masare erā dupũre eropa coenĩguicãdorema. Eropĩ iri wĩhi seis gohra máta sorori, deco dicũri sorori arĩbu. Iri deco Goāmũ yare iimorā erā coeri deco arĩbu. Iri soroburire ochenta o cien litros sihajabũ decore.

⁷ Eropĩgu erā mohme corerāre doremi Jesu:

—I soroburire deco mera pisānemo ʋjũtu dobopehocāque, arĩmi Jesu.

ĩgu eroparĩcũ erāpũ òaro ʋjũtu dobopehocāma iri soroburire.

⁸ Erā eropa ĩira pũhrũ Jesu erāre doremi daja:

—Dohpaguere iri decore waa aĩ, sihu bosenu ĩgũre tĩarā waque, arĩmi.

ĩgu eroparĩcũ peerā iri decore waa aĩgā, sihu bosenu ĩgũre tĩama erā.

⁹ Erā tiacũ ĩgũpũ iri decore vino poyara decore ĩhriĩami. Iri vinore “¿Noho majare aĩgārayuri erā?” arĩ pepĩpũ ĩgu. ĩgu eropa masibiriquerecũ ĩgũre mohme corerāpũ iri vinore tĩanirāpũ masima. Sihu bosenu ĩgu eropa masibirinijagu, mojoto diridigũre sihubeo

¹⁰ òpa arĩ weremi:

—Gajirã masa ðari decore vino decore tãamũhtamũrima. Masa erã ðaro ihrira pũhrũ ñequeyari vino decopũre tãama erã. Mũpũ ðari vino decore dihbu, pũhrũgue gũare tãaa, arĩmi sihu bosenuũ iũgu mojoto diridigure.

¹¹ Canã Galilea arĩri macague decore vino iũgu poyacũ iira ne Goãmu turari mera iũgu deyoro moanũgara arĩbu. Eropa iũgu gajirãre iũgu turarire ii iħmũmi Jesu. Iũgu eropa ii iħmura pũhrũ gũa iũgu buherã iũgure umupeobũ.

¹² Pũhrũ Jesu, iũgu pago, iũgu pagu porã, gũa iũgu buherã mera Capernaumgue sihugã wami. Eroque ejarã bajamenũrigã dujabũ gũa.

Jesu Goãmu wihiguere ejañumi

¹³ Pascua arĩcũ gũa judio masa bosenuũ arĩboro merogã dũhyanijabũ. Eropiũ Jesu gũa mera Jerusalengue wami.

¹⁴ Eroque ejaũgu iũgu Goãmu wihigue ñajajagu, wecuare, ovejare, bujare duarãre bocajami. Eropiũ niyeru gohrotorã erã mesarigue erã doacũ bocajami.

¹⁵ Eropa bocajagu yuradari mera tãararidari ii, erãre arĩpehrerãre disiporogue tãaranũ wiumi. Eropiũ niyeru gohrotorã erã ya mesarire yomemuju mehpicãmi. Erã niyeru turi sãre mehsiripicãmi.

¹⁶ Eropa iituha bujare duarãre ðpa arĩmi:

—Mũa yarã bujare aĩgãque. Yũ Pagu ya wihire doberi duari wihi iibiricãque, arĩmi Jesu erãre.

¹⁷ Iũgu eropa iicũ iarã gũa iũgu buherãpũ Goãmu ya gojarapũ erã arĩrare guñabũ. ðpa arĩ gojanirã arĩma. “Goãmu, mũ wihire turaro mahia. Eropa mahigu mũ wihire ñero erã iicũ iagũ turaro bujawerea yũhũ,” arĩ gojarare guñabũ gũa Jesu iũgu buherãpũ.

¹⁸ Jesu iũgu eropa iira pũhrũ judio masa oparã iũgure serẽpima:

—¿Duhpiũ mũhũ oãre Goãmu wihigue arĩrãre cohã wiuari? Goãmu irire mũre iidoregu arĩcũ Goãmu turari mera ii deyoro moaque gũa iaburire, arĩma erã Jesure.

¹⁹ Erã eroparĩcũ Jesu yũhrimi:

—I wihire mũa cõacũ, uħrenũ pũhrũ tuhajagũca yũhũ, arĩmi Jesu erãre.

²⁰ —Uħrenũ i wihire iisome mũhũ. Cuarenta y seis bojori gohra erã iira wihi aħraa i wihi, arĩ yũhrima erã Jesure.

²¹ Jesu iũgu eropa arĩrare erã ðaro pee masibirima. Jesu i wihire arĩgu iũgu dũpũ waburire arĩgu iirimi.

²² Eropi iũgu sĩrira pũhrũ, iũgu masa mũriara pũhrũ gũa iũgu buherãpũ iũgu eropa arĩrare guñabũ. Goãmu yare erã gojarapũre, Jesu iũgu werera sãre guña, “Iri diaye ta aħraa,” arĩbu gũa.

Arĩpehrerã erã guñarire Jesu masiñumi

²³ Pascua bosenuũ arĩcũ Jesu Jerusalengue arĩmi. Ero iũgu arĩcũ masa bajarã Goãmu turari mera iũgu deyoro moarire ii iħmucũ iarã iũgure umupeoma.

²⁴ Erã eropa umupeoquerecũ ta Jesu masa erã guñarire ðaro masigu, “Yũre eropa umupeoniguicãrãcoma,” arĩ pepibiridi arĩmi.

²⁵ Iũgu masa erã guñarire ðaro masimi. Eropa masigu masa iũgure erã pepirire serẽpibirimi.

3

Jesu Nicodemo mera weretamuñumi

¹ Iri maca majagu Nicodemo waĩcũgu, judio masa oparã mera majagu arĩmi. Iũgu fariseo masa ya curu majagu arĩmi.

² Eropiũ iũgu yuju ñami iũgu Jesu pohro aħri iũgu mera weretamupũ:

—Buhegu, mũhũ Goãmu iũgu buhedoredigu iũgu obeodigu mũ arĩcũ gũa masia. Goãmu mũre iũgu itamubiricũ mũpũ iũgu turari mera ne deyoro moarire ne iibiriboaya. Mũhũ bajasuburi Goãmu turari mera ii iħmua, arĩpũ Nicodemo Jesure.

³ Iũgu eroparĩcũ Jesu werepũ:

—Diaye mũre arĩgu iiaa. Ne masa dehyoagu iro dopa dipaturi masa dehyoagu dihta Goãmu yagu arĩmasimi. Mũ sã eropa ta arĩmasia, arĩpũ Jesu.

⁴ —Yaho. ¿Buũpũ dohpa ii dipaturi masa dehyoabocuri iũgu? Iũgu pago niiji suħriroguere ñajaa, dipaturi masa dehyoa masiya mariboca iũgure, arĩpũ Nicodemo.

⁵ Iũgu eroparĩcũ Jesu yũhripũ:

—Diaye ta arĩgu iiaa mũre. Ne masa dehyoagu iro dopa ta deco mera, Espĩritu Santo iũgu turari mera dipaturi masa dehyoagu dihta Goãmu yagu arĩmasimi.

⁶ Nome nijipo sã nome árirã, majirãgãre masa dehyoacũ iima. Espíritu Santopu masare Goãmũ porã áricũ iimi.

⁷ “Ne masa dehyoagu iro dopa ta dipaturi masa dehyoagu dihta Goãmũ yagu árimasimi,” yũ aricũ ne pee gorowerebita.

⁸ Espíritu Santo masare Goãmũ porã igrũ iicũ iiri miruñe iro dopa áhrraa. Miruñe iri arirogue áhrraa. Iri ariro caricũ mari peeaa. Eropa peequererã ta iri aridirore, iri waro sãre ne masibea. Eropa ta iimi Espíritu Santo masare Goãmũ porã iigu, arĩpu Jesu Nicodemore.

⁹ —Mũ eropa arĩre ðaro masibea, arĩpu Nicodemo.

¹⁰ Igrũ eroparicũ peeegu ðpa arĩpu Jesu:

—¿Mũhu judio masare buhegu áricueregu ta, duhpigu yũ arĩre peebeari?

¹¹ Diaye mure arĩgu iiaa. Gua masirare, gua íarare gua werea. Gua eropa werequererã ta ne mũa gua acawererã judio masa ne peediabiribu.

¹² I yeba majare yũ werenĩgu queñaquerecũ ta “Diaye ta áhrraa,” arĩbeaa mũa. Eropa arĩbirã Goãmũ yare yũ werecũ sãre “Diaye ta áhrraa,” arĩsome mũa.

¹³ “Ne yujugu umarogue Goãmũ pohrogue wagu ne dipaturi dujarisome. Yũhu Goãmũ igrũ obeodigu yũ dihta umarogue áridigu i yebaguere aribũ. Eropigu yũ dihta Goãmũ yare mũare weremasia.

¹⁴ Iribojeguere masa mariroguere Moise mũru añare come mera erã wéadigũre yucũgu erã nugudigũgue duhsiupũ. Yucũgũgue igrũ duhsiudiro dopa ta yare Goãmũ igrũ obeodigũre eropa ta yũ sãre duhsiurãcoma.

¹⁵ Yũre erã eropa iicũ áriphrerã yũre umupeorã áriphrerinũri Goãmũ mera árinquirãcoma, arĩpu Jesu.

Goãmũ áriphrerãre mahimi, arĩ gojañumi Ñu

¹⁶ Eropa arĩtuha ðpa arĩnemopu Jesu:

—Goãmũ áriphrerẽ yeba majarãre turaro mahimi. Eropigu yũre igrũ magure yujugu ta árigũre Goãmũ obeomi áriphrerã yũre umupeorã peamegue erã wabiriborore. Eropirã áriphrerinũri Goãmũ mera árirãcoma erã.

¹⁷ Goãmũ yũre igrũ magure masare dipuwaja moadoregu obeobirimi i yebaguere. Eropigu masare peamegue wabonirãre taubure yũre obeomi.

¹⁸ “Yũre Goãmũ magure umupeorãre ne dipuwaja moasome Goãmũ. Yũre umupeobirãpũre Goãmũ dipuwaja moadoretuhami. Masa yũre Goãmũ magure yujugu ta árigũre erã umupeobirã dipuwaja, dipuwaja moagũcumi Goãmũ erãre.

¹⁹ Yũhu Goãmũ magu i yebaguere arigu boyoriñe ðaro íha masicũ iro dopa ta Goãmũ yare ðaro masicũ iiaa masare. Yũ eropa masicũ iicũ íarã yũre umupeobirã yũre gamebeama. Erã ñerire iirĩpũre turaro gahmema. Erã eropa gameri dipuwaja erãre dipuwaja moagũcumi.

²⁰ Áriphrerã ñerire iirã erã ñero iirire duhudiabeama. Eropirã boyoro iiriñe deyoro moaro dopa ta erã ñero iirare deyoro moari arĩã yũre gamebeama.

²¹ Óarire iirãpũ yũre, yũ buheri sãre gahmema. Goãmũ yare erã iirire yũ ðaro deyoro moacũ gahyasĩrĩbeama erã. Eropiro yũre boyoro iro dopa árigũre gahmema, arĩ werepũ Jesu.

Dipaturi Ñu waĩyegu Jesure wereñumi

²² Pũhrũ Jesu gaare igrũ buherãre Judea yebague sihugã wami. Eroque ejaqu ero majarã mera bajamenurĩgã duja, Goãmũ ya áriburire waĩyemi erãre.

²³ Ñu sã masare waĩyegu iipũ Enón waĩcũri macague. Enón waĩcũri maca Salim waĩcũri maca pohro áribũ. Ero wũaro dia áribũ. Ero eropa áricũ ero majarã masare waĩyegu iipũ Ñu.

²⁴ Erã igrũre peresu iiboro core Enóngue masare waĩyegu iipũ Ñu.

²⁵ Irisubure Ñu buherã mera majarã bajamerãgã judio masa mera waĩyerire werenĩguirã duyasoñorã.

²⁶ Tuhaja erã Ñu pohrogue eja irire wereñorã.

—Buhegu, dia Jordã waĩcũriya gajipũ masegue mũa mera áridigu “Igrũ ta Cristo ta árigũcumi,” mũ arĩdigũpũ dohpague masare waĩyegu iimi. Igrũ eropa iicũ áriphrerã igrũ pohrogue wahama pare, arĩñorã erã Ñure.

²⁷ Erã eroparicũ peeegu Ñu yũhrĩpũ:

—Igrũ dorerire igrũ opacũ Goãmũ igrũre odi árimi.

²⁸ “Cristo áribeaa yũhu,” yũ aricũ mũa peebũ. Eropa Cristo áribiriqueregu ta igrũ core wereyubure Goãmũ igrũ obeodigu áhrraa yũhu.

²⁹ Ōpa āhraa iri: Mojoto diridigo igo marapu mera áriĝo wahamo. Mojoto diridigu mera majagupu diridigu ĩgu marapocucú ĩagu ĩgu werenicú peegu turaro mucubirimi. Eropigu mojoto diridigu mera majagu ĩgu mucubiridiro dopa ta ya sá Cristo mera masa erá wacú ĩagu ĉaro mucubiria.

³⁰ Cristopure umupeoro gahmea masare. Yúpure umupeobiricáro gahmea masare, arĭ yuhripu Ńu.

Goāmu magu umarogue aridigu āhrimi, arĭ wereñumi Ńu

³¹ Eropa arĭtuhagu ōpa arĭnemopu Ńu.

—Ŭmarogue aridigu árĭpehrerá nemoro turagu āhrimi. Mari masa i yeba majarā āhraa. Eropirā i yeba majare wereniguia mari. Ŭmarogue aridigupu árĭpehrerá nemoro turagu āhrimi.

³² ĩgu ĩarare, ĩgu peerare ĩgu weremi. ĩgu eropa werequerecú ta masa ĩgure ne peediabeama.

³³ Ŭmarogue aridigu ĩgu wererire masa peerāpu, “Goāmu diaye árĭgu tiimi,” arĭrā iima erá.

³⁴ Ihĭ Cristore Goāmu ĩgu obeodigure Espĭritu Santo ya turarire opehoñumi Goāmu. Eropigu ĩgu Goāmu ya wereniguirire wereniguimi.

³⁵ Goāmu ĩgu magure turaro mahimi. Eropigu árĭpehrerire, árĭpehrerá säre erá opu árĭdoremi Goāmu ĩgu magure.

³⁶ Goāmu magure umupeorāpu ũmuri nucu Goāmu mera árĭnigucārācoma. ĩgu magure tarinugarāpu Goāmu pohro wasome. Eropirā ũmuri nucu umaroguere árĭsome. Eropigu Goāmu eräre turaro dipuwaja moagacumi, arĭpu Ńu masare.

4

Jesu Samaria majago mera weretamuñumi

¹ Jesu Ńu nemoro bajarā ĩgu buherá ĩgu opacú, Ńu nemoro masare ĩgu waĭyecú fariseo masa peeñorá.

² Erá eropa peebeoquerecú ta Jesupu ĩgu basi masare waĭyebirimi. Gua ĩgu buherāpu masare waĭyebu.

³ Fariseo masa erá eropa masicú peegu Jesupu Judea yeba árĭdigu Galilea yebague sihu dujaa wami guare.

⁴ Galileague wará gua “Samaria yebare tarigā warāca,” arĭbu gua.

⁵ Eropa tarigā Samaria yebague árĭri macague Sica waĭcari macague ejabu. Iri maca pohro iribojegue Jacobo muru ĩgu magu José murure ĩgu ora yeba árĭyoro.

⁶ Ero Jacobo muru ĩgu deco ihrira gobe arĭbu. Eropigu Jesupu yoarogue aridigu, ĩgu oĕtaria wagu iri gobe pohro doajami. Irisubu ĩgu ero doajarisubu goeri boje gohra arĭbu.

⁷⁻⁸ Gua ĩgu buherāpu macague gua barire asūrā wara puhru yujugu ta ĩgu erore dujadoami. Eropigo Samaria majago iri gobegue igo deco waago eracú Jesu igore deco serēpu:

—Deco oque yure, arĭpu.

⁹ —Muhu judio masu āhraa. Yupu Samaria majago āhraa. ¿Duhpigu yure decore serēri muhu? arĭpo igo Jesure. Judio masa Samaria majaräre game ĩadiabirā árĭñorá. Eropigo igo eropa arĭpo Jesure.

¹⁰ Igo eropa arĭra puhru Jesu igore werēpu:

—Mure Goāmu ĩgu itamudiarire masigo árĭgo, mure decore serēgure masigo árĭgo, muru yupure serēboaya. Mu eropa serēcú gaji decore oboaya yahu mure. Iri decopu ojocarinigucācú iiri āhraa, arĭpu Jesu igore.

¹¹ ĩgu eroparĭcú peego igo yuhripo ĩgure:

—Ne mure sorobu mara. I gobe sá ũhcāri gobe āhraa. ¿Eropigu i ojocaricú iiri decore nohogue waabocuri muhu?

¹² Gua necu muru Jacobo iribojegue majagu muru i gobere guare apimuripu. ĩgu, ĩgu porā, ĩgu eforā sá i decore ihrimurĭñorá. “Gaji decore oboaya yahu,” mu arĭgu, ¿Jacobo tauro turagu āhriri muhu eropa arĭ pepigu? arĭpo igo.

¹³ Igo eroparĭcú Jesu yuhripu:

—Árĭpehrerá i decore ihrirā dipaturi ñemesiburācoma.

¹⁴ Yaha decopure ihrirā ne dipaturi ñemesibusome. Eropirā yaha decore ihrirā Goāmu mera eropa árĭniguirācoma. Mau dipagāgue eropa deco wiriniguiri dopa ta yaha deco ne pehresome, arĭpu Jesu.

¹⁵ Īḡu eroparīcū nomeorū ōpa arīpo:

—Ne dipaturi yū ñemesibubiriboro dopa iri decore oque yare. Eropigo dipaturi ōguere ne deco waasome, arīpo igo.

¹⁶ Igo eroparīcū Jesu igore werepū:

—Īrisubu tamerare mū marapūre sihugo waque. Sihutuha ōgue arique ĭḡu mera, arīpū Jesu igore.

¹⁷ —Marapū marigo āhraa yūhū, arīpo igo.

—Diaye ta arāa mūhū.

¹⁸ Mūhū cincosuburi marapūcutuharibū. Eropiḡu dohpague mū mera arīḡu mū marapū gohra arībeami. Eropigo “Marapū marigo āhraa,” arīgo, diaye ta arāa mūhū, arīpū Jesu igore.

¹⁹ Īḡu eroparīcū peego ōpa arīpo igo:

—Ne, Goāmū yare weremūhtagu āhraa mūhū yū pepicū.

²⁰ Gūa ñecū sūmarā mūra iriḡu utāḡugue Goāmure umupeomūriñorā. Eropirā mūrapū judio masa “Jerusalēngue masare Goāmure umupeoro gahmea,” arīmūribū mūa judio masa, arīpo igo.

²¹ Igo eroparīcū Jesu yūhriḡu:

—Nomeo, yūpūre peenique. Pūhrūguere iriḡu utāḡugue, Jerusalēngue sāre mari Pagure umupeosome mūa.

²² Mūrapū mūa umupeorire masibea. Masare taubupū judio masū āhrimi. Eropirā gūa judio masapū gūa umupeogūre masia.

²³ Dohpaguere pūhrūgue sāre Goāmure diaye umupeorā erā ōaro pepiri mera ĭḡure umupeorācoma. Eropa mari umupeocū gahmemi Goāmū.

²⁴ Goāmū dūpū mariḡu ta ĭḡu arīcū masa ĭḡure ĩabeama. Eropiro ĭḡure umupeori mera erā ōaro pepiri mera ĭḡure ōaro diaye umupeoro gahmea masare, arīpū Jesu igore.

²⁵ Īḡu eroparīcū igo yūhriḡu:

—Mesia, “Cristo,” erā arīḡupū, masare taubu ĭḡu ariburire masia yūhū. Īḡu arīḡu marire arīpehrerire buhepehogūcumī, arīpo igo.

²⁶ —Yūhū ta āhraa Cristo, arīpū Jesu igore.

²⁷ Īḡu eropa arī weretamurisubu gūapū ĭḡu buherāpū erabū. Jesu nomeo mera ĭḡu wereniḡucū ĩarā ūca wacarabū. Eropa ūcaquererā ta “ĭDohpa gahmeri mūhū? ĭDohpa arīri mūhū igore?” arī serēpiñabiribū.

²⁸ Eropigo nomeo igo sorobure ero duhudobocā, macague waha wamo. Eja masare werego ōpa arīpo:

²⁹ —Yū iirare werepehogūre ĩarā arique mūa. ĭĭḡu diaye ta Cristo arībocuri? ĩarā arique mūa, arīpo igo.

³⁰ Igo eroparīcū iri maca majarā Jesure ĩarā arimorā iima.

³¹ Īrisubure gūa Jesu buherā ĭḡure turaro badoreribū.

—Buheḡu, baque, arīribū gūa.

³² —Gajiropa arīri barire opaa yūhū. Irire mūa masibea, arīmi ĭḡu guare.

³³ Īḡu eroparīcū peerā gūa basi ōpa arī wereniḡuibū:

—ĭGajirā ĭḡure barire otuhayuri? arībū gūa basi. Gūa eroparīcū Jesu weremi:

³⁴ —Masapū basūama. Yūre obeodīḡu ĭḡu gamerire iḡu suaa yūpū.

³⁵ “Wapicūrā aberi dūhyaa mari dūca aīboro,” pohe opū ĭḡu arī pepimi. Mūrapū “Goāmū yare gūa masare wereboro dūhyania,” arī pepibiricāque. Diaye arīḡu iiaa mūare. Dohpague tamerare masare wererā waque. Masare ĩaque. Dohpague tamerare yū buherire masa erā peeburisubuno arīro tiiaa.

³⁶ Dūcare aīrāre erā wajayero dopa ta, yaharā arīmōrāre aīnirāre yahare buhenirāre wajayegūra yūhū. Erā eropiira waja ōaro wajayegūra erāre. Erā eropa buhecū peerā yū buherire peenirā yaharāpū Goāmū mera ūmūri nūcū arīrācoma. Eropirā erāre buhemūtanirā, pūhrū yaharā arīcū iirā sā yujuropa mucubirima.

³⁷ “Yujugu otēmūhtagu āhrimi. Gajīḡupū dūcare aīḡu āhrimi,” arīmūriñorā iribogūere. Iri diaye ta āhraa. Erā eropa arīdiro dopa ta yujurāyeri yahare weremūhtarā āhrima. Gajirā yahare buhe yaharā arīcū iirā āhrima.

³⁸ Pohe opū ĭḡure mohmerā erā otebirinirā arīḡuerecū ta erāre dūcare aīdoreḡu obeomi. Eropa ta masare buhemūtabirinirā mūa arīḡuerecū ta erā yare umupeocū iidoremōrāre obeoa mūare. Gajirāpū erāre buhemūtatuhama. Erā buhenirāguere dipaturi buhenemorā, yaharā arīcū iirāca mūrapū. Eropirā buhemūhtarāpū erā itamuro mera gajirāre yaharā arīcū iirāca, arīmi Jesu guare.

³⁹ Īrisubure Samaria majago, “Yū iira mūrare ĭḡu werepehoami,” igo arīcū peerā Samaria majarā bajarā Jesure umupeoma.

⁴⁰ Eropirā Samaria majarā Jesu pohro ejarā, “Gua mera dujanique,” arīma ĩgure. Erā eroparīcū gua penū ĩgu mera ero dujanību.

⁴¹ Gajirā sā bajarā Jesure peerā umupeoma.

⁴² Ōpa arīma masa nomeore:

—Nere mu arīrare peerā Jesure umupeonugarabu. Dohpague tamerare ĩgu wereniguirire gua basi peerā ĩgure ōaro umupeoa. Eropirā ĩgure peerā i yeba majarāre peamegue wabonirāre taubu diaye ta ĩgu árīcū, dohpague gua masia, arīma masa Samaria majagore.

Ōpu magure dorecugure ōagu wacū iñumi Jesu

⁴³ Penū puhru Jesu guare Galileague sihu wami daja.

⁴⁴ Neguere ōpa arīmūrimi guare Jesu: “Goāmū ya weremūhtagure ĩgu ya yeba majarā ĩgure umupeobeamā,” arīmūrimi Jesu.

⁴⁵ Eropirā gua Galileague ĩgu mera ejacū ero majarā ĩgure ōaro bocatīrima. Ero core Jerusaléngue bosenu árīcū Jesu ĩgu iirare ĩanirā arīma erā.

⁴⁶ Eropi Caná Galilea árīri macague ĩgu decore vino wacū ĩgu iira macague waha wabu gua ĩgu mera daja. Caná pohro árīri maca Capernaum waicuri maca opu magu dorecugu iipu.

⁴⁷ Eropigu Jesu Judea árīdigu ĩgu Galileague ejari querere peeru. Irire peeḡu Jesu pohrogue erami.

—Yu magu sīrigu iiami. Eropigu ĩgure ōagu wacū iigu arique, arī yojaro mera sihumi ĩgure.

⁴⁸ ĩgu eroparīcū peeḡu Jesu yūhrimi:

—Goāmū turari mera yu deyro moarire ĩabirā, ne yure umupeobea māa, arīmi Jesu.

⁴⁹ ĩgu eroparīcū peeḡu opu ōpa arīmi:

—Opu, yu magu ĩgu sīriboro core arique, arīmi ĩgu Jesure.

⁵⁰ —Dujaaque. Mu magu ojocarigucumi, arīmi Jesu.

ĩgu eroparīcū peeḡu, “ĩgu arīdiro dopa ta ojocarigucumi yu magu,” arīḡu opu dujaa wami.

⁵¹ Eropa dujaniguigure ĩgu pohro majarā ĩgure bocatīri wereñorā.

—Mu magu masa wahāmi, arī wereñorā erā ĩgure.

⁵² —¿Noho gohra abe árīcū ōagu wahāri ĩgu? arī serēpīpu ĩgu pohro majarāre.

—Cāre goeri boje puhrugā ta nimacuri tahriabu ĩgure, arīñorā erā ĩgure.

⁵³ Erā eroparīcū ōpa arī pepīpu ĩgu: “Jesu yure ‘Mu magu masa wahāmi,’ arī werera puhru ta nimacuri tahria waya,” arī pepīpu opu. “Diaye ta arāñumi yure,” arīḡu, ĩgu árīpehrerā ĩgu acawererā mera Jesure umupeoñorā.

⁵⁴ Jesu Judea árīdigu Galileague ĩgu ejara puhru opu magure ĩgu ōagu wacū ĩgu iira mera mari queocū pesubu Goāmū ĩgu turari mera ĩi ĩhmūmi Jesu.

5

Curimasibigure ōagu wacū iñumi Jesu

¹ Puhru judio masa Goāmure gua umupeori bosenu árīcū gua Jesu mera Jerusaléngue ejabu daja.

² Ero maca ñajari disiporo oveja waicuri disiporo pohro guhari gobe árību. Gua judio masa ya mera Betesda waicuri gobe árību. Iri deco gobe pohro cinco gohra tiaya mariri tari dipabu árību.

³ Iri tari dipabugue bajarā dorecurā oyarāre ĩabu. Cui ri ĩhajabirā, curimasibirā, ḡōari marirā, erā ĩri gobe pohro oyama. Deco ñohmeborore corerā iñorā.

⁴ Erogue dijariḡu ĩri gobe maja decore yuyyerisuburi ñohmecū iipu anyu. Iri gobe maja deco ĩgu ñohmera puhru ñaja guhamūhtagupu ōagu wapu. Dohpa árīri dorere opagu ōagu wapu.

⁵ Eropigu ero yujugu dorecugu oyami. ĩgu treinta y ocho bojori gohra dorecugu árīpu.

⁶ Ero ĩgu oyacū ĩagu ĩgu eropa yoari boje ĩgu dorecucū masimi Jesu ĩgure. Eropa masigu ĩgure serēpimi:

—¿Ōari dūpu dore marigu árīdiari muhu? arīmi Jesu ĩgure.

⁷ ĩgu eroparīcū dorecugupu yūhrimi:

—ĩri deco ñohmecū yure decogue aī acugu marimi. Iri decogue yu ñajadiaquerecū ta gajirāpu yu core yuu ñajamahtama, arīmi ĩgu Jesure.

⁸ —Wahḡanūgajaque. Mu omasiarīñere aī, mu guburi mera cūhraphi wahḡa waque, arīmi Jesu ĩgure.

⁹ Īḡu eroparīcū ta dorecugupū wahḡānugaja Īḡu omasiariñere aī waha wami. Irinū Sabado gūa judio masa soorinū arība.

¹⁰ Īḡu eropa ḡagu wadigū Īḡu omasiariñere aīḡacū ĩarā judio masa gūa oparāpū dorecudigare ḡpa arī wereñorā:

—Dohpagāre Sabadonū mari soorinū arīquerecū mu yañe omasiariñere aī wahḡā mūhu. Eropa iigu mari dorerire tarinugagu iiaa, arīñorā erā ĩḡure.

¹¹ —Yure yū dorecurire taudigupū ḡpa arāmi yure, arīpū dorecudigupū. “Mū omasiariñere aī, mū guburi mera cuhrapī wahḡāque,” arāmi yure, arī yuhripū dorecudigu mūrūpū erāre judio masa oparāre.

¹² —¿Irire mure eropa arīdigupū nihino āhriri ĩḡu? arī serēpiñorā erā ĩḡure.

¹³ Ero bajarā masa erā arīcū ĩagu Jesupū waha wadigū arīmi. Eropigu dorecudigupū ĩḡure ḡagu wacū iidigu ĩḡu waire masibiripū.

¹⁴ Pūhrū Goāmū wihigū gūa ĩḡure bocatīricū Jesu ĩḡure weremi:

—Peenique mūhu yure. Dohpaguere ḡaro dūpucua mūhu. Ñerire iinemobiricāque. Dipaturi iinemoḡu mū dorecudiro tauro wagūca, arīmi Jesu ĩḡure.

¹⁵ Īḡu eropa arīra pūhrū dorecudigu judio masa oparā ĩḡure serēpinirā pohroḡue eja, werepū erāre:

—Jesu waīcugū yure ḡagu wacū iiami, arī werepū ĩḡu.

¹⁶ Eropi Sabado arīcū Jesu dorecugure ĩḡu dorere ĩḡu taucū masirā judio masapū ĩḡure ñero iinugañorā. Eropirā erā ĩḡure wejēdiariñorā.

¹⁷ Eropa ñero erā iidiarire masigu Jesupū weremi erāre:

—Yū Pagū dohpaguere mohmenimi. Yū sā eropigu mohmenigu iiaa, arī weremi ĩḡure ñero iidiarāre.

¹⁸ Īḡu eroparīcū judio masa gūa oparā ĩḡu mera turaro guarā, ero core erā arīdiro tauro ĩḡure wejēdiañorā. Sabadonūre erā soorinūre ĩḡure ḡagu iicū ĩarā erā gūañorā. Eropa guarā Goāmure ĩḡu “yū Pagū,” ĩḡu arīcū peerā erāpū tauro gūañorā. “ ‘Yū Pagū,’ arīḡu Jesu ĩḡu basi ‘Goāmū mera yujuro mera āhraa,’ arī guñacumi ĩḡu,” arī pepiñorā judio masa gūa oparā.

Jesu “Goāmū ĩḡu obeodigu āhraa yūhu,” arī masare wereñumi

¹⁹ Eropi Jesu erāre weremi:

—Diaye mūare arīḡu iiaa. Yūhu Goāmū magū yū gamero iigu iibeaa. Yū Pagū ĩḡu iirare ĩagu irire iiaa.

²⁰ Yū Pagū yure ĩḡu magure mahimi. Eropigu ĩḡu iirare yure ii ĩhmupehomi. I dohpaguere ĩḡu turari mera yū iira tauro ĩḡu ḡajire iidoreḡucumi yure. Īḡu eropa iidorecū ĩḡu turari mera ii ĩhmugūca ĩḡure yūhu. Eropa yū ii ĩhmucū ĩha ucarāca mūa.

²¹ Yū Pagū sīrinirāre ĩḡu masuro dopa ta yū sā yū gamerāre masugura.

²²⁻²³ Ne yū Pagupū masa erā ñeri iira dipuwaja, ĩḡu basi dipuwaja moagu moabeami. Yūpūre irire erā ñeri iira dipuwaja dipuwaja moabure apimi. Erā ĩḡure umupeodiro dopa ta yū sāre umupeoborore eropa apimi. Eropirā yure ĩḡu magure umupeobirā yū Pagū sāre umupeobeaa mūa. Īḡu āhrimi yure obeodigu, arīmi Jesu.

²⁴ Eropa arītuha ḡpa arī werenemomi:

—Diaye mūare arīḡu iiaa. Yū wereniguirire peerā yure obeodigure umupeorā umūri nūcu umarogūe eropa arīniguicārācoma. Eropigu erāre dipuwaja moasome yūhu. Eropirā erā peameḡue wabonirā tarirācoma.

²⁵ Diaye ta mūare arīḡu iiaa. Peameḡue wamorā yure Goāmū magure erā peeburisubū dohpague āhraa. Pūhrū sāre erā yure peerācoma daja. Eropa peerā peenūrāpū Goāmū mera eropa arīniguirācoma.

²⁶ Goāmū yū Pagupū erāre eropa arīniguicū iigu āhrimi. Eropigu yure ĩḡu magure erāre eropa arīniguicū iibure arīdoremi ĩḡu yure.

²⁷ Eropigu yūhu masū Goāmū ĩḡu obeodigu arīcū ĩḡu masare dipuwaja moadorerire apimi yure.

²⁸ Ire peerā, pee ucabiricāque mūa. ḡajinūguere arīpehrerā sīrinirā masa goberigūe arīrā yū werenigūicū peerācoma.

²⁹ Eropa pee wahḡārā ḡarire iinirā mūra umūri nūcu Goāmū mera arīmorā masa mūriarācoma. Ñeri iinirā mūrūpū ñerire erā iira dipuwaja peameḡue warācoma, arī weremi Jesu.

³⁰ Eropa arītuha ḡpa arī werenemomi:

—Yu gamero ne gajinore iibea. Ne yu basi yu gamero iibea. Yure obeodigu igu gamero dopa ta iiaa. Eropigu igu aridiro dopa ta dipuwaja moaa. Eropigu masare yuhu dipuwaja moagu diaye ta iiaa.

³¹ “Yuhu Goamu magu igu obeodigu ahraa,” yu basi arı werecü, “Mu wereniguri ne diaye arıbeaa,” arıboca mua.

³² Gajigu ahrimi yure weregu. Igu Goamu ahrimi. Igu yure werera diaye ta ahraa. Irire yu ðaro masia.

³³ Mua gajiräpüre Nure yure serëpidore obeobu. Eropigu igu sä diaye ta weremi muare.

³⁴ Masare yure “Goamu igu obeodigu ahrimi,” arı weremoräre amabeaa yupu. Eropa amabiriqueregu ta Nu masu igu arıquerecü ta “Yure diaye ta weremi,” aräa. Mua yure umupeoburire, mua peamegue wabonirä mua tariburire yure igu werera “Diaye ta ahraa,” arı weregu iiaa.

³⁵ Nu muare buhemuhtagu bajamenurigä buhemi muare. Igu eropa buhecü peerä bajamenurigä mucubiriribu mua.

³⁶ Nu yu arıricurire weremi muare. Igu wereri mera yu arıricurire masiquererä yu iirire iarä tauro masiräca. Goamu yu Pagu igu turari mera igu yure iidorerare dohpague iigu iiaa. Ire yu iicü iarä diaye ta Goamu igu obeodigu yu arıcü masiräca mua.

³⁷ Eropiro yu Pagu yure obeodigu igu basi yuhu igu obeodigu arırire arı weremi muare igu yare erä gojarapüque. Igu eropa arı werequerecü ta igu werenigurire ne peebeaa mua. Eropi mua igure ne iabeaa.

³⁸ Yure Goamu igu obeodigure mua ne peediabeaa. Eropirä mua ne Goamu yare gamebeaa.

³⁹ Goamu yare erä gojarapüre mua ðaro buhea. Eropa buherä “Gua ipüre buherä umuri nucu Goamu mera eropa arıninguriräca,” aräa mua. Iripü ta yure werea.

⁴⁰ Iripü yure werequerecü ta muapu yare gamebeaa. Umuri nucu Goamu mera mua arıninguririre yuhu ogu arıquerecü yure gamebiribu mua, arı weremi Jesu eräre.

⁴¹ Eropa arıtuha ðpa arınemomi:

—Yure masa erä umupeorire amabeaa yuhu.

⁴² Eropa amabiriqueregu ta Goamure mua mahibiricü masia yuhu.

⁴³ Goamu yu Pagu igu dorero dopa ta yu arıquerecü ta mua yure gamebeaa. Gajigupüre Goamu igu obeobiridigu igu arıquerecü ta igupure gameräca mua.

⁴⁴ Gajirä masa muare erä umupeocü gahmea mua. Goamu mua mera igu mucubiririre gamebeaa mua. Igu dihta Goamu gohra ahrimi. Eropa gamebirä yure peebeaa mua. Yure umupeobeaa mua.

⁴⁵ Muare yu Paguere ne weresäsone yuhu. Irire pee masique mua. Moise igu gojarapüpu muare weresäroca. “Iripü maja dorerire ipehorä, Goamu pohro waräca mua,” arıripüpu muare weresäroca.

⁴⁶ Moise igu gojarapü yupure weremuhtayoro. Eropirä iripüre ðaro umupeorä yu säre umupeoboaya mua.

⁴⁷ Moise igu gojarapüre mua ðaro peebirä, yaha wereniguri säre peesome mua, arımi Jesu eräre.

6

Cinco mil umare masare bajarä gohrare bari oñumi Jesu

Mt 14.13-21; Mr 6.30-44; Lc 9.10-17

¹ Eropa igu buhera puhru Galilea waıcuri ditaru gajipu masegue gua Jesu mera taribuja wabu. Galilea ditaru ta Tiberia waıcubu.

² Ero core Galilea yeba Jesu dorecuräre igu ðarä igu iicü masa İanirä arıma. Erä eropa İanirä arıra Jesu igu taribujacü iarä masa bajarä igure nurusia taribujama.

³ Erogue eja, gua igu buherä igu mera utäguque maria, doabu.

⁴ Irinu Pascua waıcuri bosenu arıboro judio masa bosenu arıboro merogä duhyabu.

⁵ Erogue doagu, Jesu masa bajarä igu pohro erä arıcü İhabeomi. Eropa İhabeogu Felipere serëpimi Jesu:

—¿Oä masa erä baburire nohogue asüräcuri mari? arı serëpimi.

⁶ Jesu igu basi igu iiburire masiqueregu ta Felipere serëpi İami, “¿Dohpa yuhrigucuri?” arıgu.

⁷ Igu eropa serëpicü Felipepu yuhrimi:

—Doscientos niyerupüri waja mera mari asüquerecü ta, masare yujuräyerire mutarigä barire mari guerequerecü ta ne sihasasome, arımi Felipe Jesure.

⁸ Gua mera majagu Andrepu Simo Pedro pagu magupu Jesure weremi.

⁹—Cinco pan dipuru, perā wai ihī majigu ohō opami. Iri pan dipurugā ĩgu opaquerēcū ta masapu bajarā gohra āhrima. Eropiro i merogā bari ne sihajasome, arīmi Andre.

¹⁰—Masare doadoreque mua, arīmi Jesu guare ĩgu buherāre.

Ero mutarigā taacuro árĭbu. Gua doadorecū masa árĭpehrerā doajapehrea wama tao weca. ũma dihtare queocū cinco mil gohra árĭma.

¹¹ Erā eropa doajacū ĩagu Jesupu panre aĭ Goāmure “Ōhaa,” arīmi. Eropa arĭtuha guare ĩgu buherāre gueredoremi. ĩgu eropa gueredorecū guapu erā doarāre guere wahgābu. Perā wai säre aĭ guere wahgābu. Árĭpehrerāre erā sihajaro barire guerebu.

¹² Eropirā masa erā yapicū ĩagu Jesu guare doremi:

—Erā ba duharire aĭque. Eropirā iri barire ne dedeosome, arīmi.

¹³ ĩgu eroparĭcū guapu cinco pan dipuru duhyarare gua gameneocū doce puiri gohra wirĭbu.

¹⁴ Eropirā masa Jesu Goāmu turari mera iri deyoro moarĭñere ĩgu iicū ĩarā ōpa arĭma:

—Diaye ta āhrra. Ihī Goāmu ya wereniguigu i yebague aridigu mari coredigu ta āhrimi, arĭma erā.

¹⁵ Eropirā erā Jesure erā opu árĭbure acudiarima. Jesu irire masigu dipaturi yujugu ta utāgugue waha wami.

Jesu deco weca curĭñumi

Mt 14.22-27; Mr 6.45-52

¹⁶ ũamicague gua ĩgu buherā dihta ditarugue buhabu.

¹⁷ Eroguere buhaja dohodirugue űaja, Capernaum waĭcūri macague tarĭbujabu. Gua eropa tarĭbujacū űamĭgue árĭbu. Eropĭgu Jesu gua pohrogue arinĭbirimi dohpa.

¹⁸ Miruñe turaro aricū gua tarĭbujariyaguere pāgūri wahgābu.

¹⁹ Cinco kilómetros gohra gua tarĭbujara puhru Jesu gua pohrogue arĭmi. Deco weca nigu wahgāricū ĩabu gua ĩgure. Eropa gua pohro ĩgu aricū ĩarā gua giĭbu.

²⁰ Gua giĭcū ĩagu ĩgu guare weremi:

—Ne yure ĩha ucabiricāque. Guñaturarā árĭque. Yuhu ta āhrra, arĭmi Jesu.

²¹ ĩgu eroparĭcū peerā gua ĩgure mucubiriri mera bocafĭri űajadorebu. ĩgu űajara puhrugā gua wara yebaguere tarĭbujajabu.

Masapu Jesure amañuma

²²⁻²⁴ Gajĭna masa ero dujanirāpu gamenerenugañorā daja Jesure corerā. Iri űamire gua yaru mera gua dihta tarĭbujacū ĩanirā árĭma erā. Jesu gua mera ĩgu wabiricū säre ĩanirā árĭma erā. Eropa gamenererā Jesure bocabirĭñorā. Bocabirĭ ero pohro Tiberiague ariri gasi tuhajacū ĩañorā. Jesu Goāmure “Ōhaa,” arĭ, masare ĩgu bari guerediro pohroñarĭgue árĭyoro. Eropirā Jesu gua sā maricū ĩarā, iri gasigue űaja, Capernaumgue guare nurasia tarĭbujajama. Jesure ahma nurasiagarā iima erā.

Yuhu ojocarĭre ogu, bari iro dopa árĭgu āhrra, arĭ wereñumi Jesu masare

²⁵ Ditarue tarĭbujā, gua árĭrogue eja, Jesure bocajanĭjarā erā serēpima ĩgure:

—Buhegu, ¿dohpāricū ahrari muhu ōguere? arĭ serēpima erā ĩgure.

²⁶ Erā eropa arĭ serēpicū, Jesu erāre weremi:

—Diaye arĭgu ĩaa muare. Deyoro moarĭre yu ĩiquerēcū ta yūpure umupeobea mua. Yure umupeobirĭquererā ta yure ahmaa mua. Yu mera pagari baha, mua yapinirā árĭrā yure amagārirā ĩaya daja.

²⁷ Bari ne árĭnĭguibeaa. Puhru pehrea wahaa iri. Eropirā irire eropa amanĭguibirĭcāque. Gaji bari gajĭropa árĭri barĭpure amaque mua. Iri barire amarā umuri ñecu Goāmu mera árĭrāca. Eropiro iri bari tamera ne pehrebeaa. Iri barire yuhu masu Goāmu ĩgu obeodĭgu muare ogura. Goāmu yu Pagu yare irire odoregu āhrimi. ĩgu obeodĭgu yu árĭrĭre ĩhmutuhami muare, arĭmi Jesu.

²⁸ ĩgu eroparĭcū erā serēpima ĩgure:

—¿Goāmu ĩdorerire ĩmorā dohpa ĩirācuri gua? arĭ serēpima erā.

²⁹—Ire Goāmu muare ĩdoremi: “Yure ĩgu obeodĭgure umupeoque,” arĭ doremi Goāmu, arĭmi Jesu.

³⁰ ĩgu eroparĭcū peerā erā ōpa arĭma:

—Goāmu ĩgu obeodĭgu mu árĭgu ĩgu turari mera ĩi ĩhmuque guare mre gua ōaro umupeoborore. ¿Ñehenore ĩbocuri muhu?

³¹ Mari ñecu smarā mrague irĭbojegue majarā masa marirogue mana waĭcūri dipurure bamurĭñorā. Goāmu yare erā gojarĭpūgue ōpa arĭ wereyoro: “ĩgu erāre

umaro maja dijuri barire omuripu erā baburire,” arī gojañuma Goāmū yare erā gojarapūgue. ¿Īgu eropa iidiro dopa ta iigu iiri mu sā? arīma erā.

³² Erā eroparicū Jesu weremi erāre:

—Diaye mūare arīgu iiaa. Moisepu iri umaro maja barire mūa acawererāre obiriñumi. Yu Pagupu umaro maja barire diaye maja barire mūare ogu āhrimi.

³³ Goāmū īgu bari umaro dijari árīpehreri yeba majarāre ojocaririre omasia, arīmi Jesu.

³⁴ —Opū, umuri nūcu iri barire oque guare, arīma erā.

³⁵ Erā eroparicū peegu Jesu weremi erāre:

—Yupu ojocaririre ogu bari iro dopa árīgu āhraa. Mari ya barire barā matagā ta oaboa wahaa mari. Ihriri sāre mari ihrira puhrugā ta ñemesibua daja. Yure gamegupu, yure umupeogupu, ne oaboabigu ñemesibubigu iro dopa īgu ōaro árīri ne pehresome īgure.

³⁶ Mūapu yure ĩaquererā ta umupeonibeaa dohpa. Irire ta mūare wereraba yuhu.

³⁷ Árīpehrerā yu Pagu yarā árīmorāre īgu añirāpu yure gamerācoma. Eropigu yure gamerāre ne cóasome yuhu.

³⁸ Ūmarogue arīgu yu gamero iigu arīgu iibiriba. Yure obeodigu īgu gamero dopa ta iigu aribu.

³⁹ Ita árību yure obeodigu īgu gameri gohra: Árīpehrerā yaharā árīmorā yure īgu onirāre yu dedeobiricū gahmemi. Yure obeodigu pehrerinū árīcū erāre yu masucū gahmemi.

⁴⁰ Árīpehrerā yure Goāmū magure ĩarā, yure umupeorā umuri nūcu īgu mera erā árīcū gahmemi yu Pagu. Eropigu pehrerinū árīcū erāre masugara, arīmi Jesu.

⁴¹ “Yuhu umarogue ariri bari iro dopa árīgu āhraa,” īgu árīcū peerā judio masa gua oparāpu īgu mera guarā, erā basi Jesure ñero arī wereniguima.

⁴² —¿Īhī Jesu José magu árībeari? Īgu pagu, īgu pago sāre mari masia. ¿Eropa árīqueregu ta duhpigu “Ūmarogue aribu,” arī wereniguiri īgu? arī guama erā.

⁴³ Erā eroparicū peegu Jesu weremi erāre:

—Mūa basi yure ñero arī wereniguibiricāque.

⁴⁴ Yu Pagu yure obeodigupu masare yure gamecū iimi. Īgu eropiibiricū masapu yaharā árīmasibiriboñuma. Pehrerinū árīcū yaharāre masugaca yuhu.

⁴⁵ Goāmū ya weremūtanirāpu ōpa arī gojañuma: “Goāmū erāre buhegucumi,” arī gojañuma. Árīpehrerā yu Pagu īgu buherire peerā īgure yuhrirā yure gahmema. Eropirā yaharā āhrima.

⁴⁶ “Yu Pagure ne yujugu masu ĩabeami. Yuhu Goāmū īgu obeodigu dihta yu Pagure ĩabu.

⁴⁷ Diaye arīgu iiaa mūare. Yure umupeogu árīpehrerinūri yu Pagu mera árīniguigucumi.

⁴⁸ Yupu ojocaririre ogu bari iro dopa árīgu āhraa.

⁴⁹ Mūa ñecu sumará murague masa marirogue manare bamuriñorā. Eropa irire baquererā ta sīria wañorā.

⁵⁰ Ūmarogue ariri baripure masu bagu ne sīrisome.

⁵¹ Yuhu umarogue ariri bari ojocaririre ori bari iro dopa árīgu āhraa. I barire bagu umuri nūcu yu Pagu mera eropa árīniguigucumi. I bari ojocaririre ori bari iro dopa árīri yu dupu ta āhraa. Árīpehreri yeba majarā Goāmū mera eropa erā árīniguiburire yu dūpūre ogara. Eropa ogu sīrigaca, arīmi Jesu.

⁵² Īgu eroparicū peerā judio masapu ōpa arī wereniguima erā basi:

—¿Īhī dohpa ii īgu dūpūre baburi ogacuri? arīma erā erā basi.

⁵³ Erā eroparicū peegu Jesu weremi:

—Diaye arīgu iiaa mūare. Yuhu Goāmū īgu obeodigu āhraa. Yu dūpūre babigu, yu dire ihrībigu Goāmū mera árīsome.

⁵⁴ Yu dūpūre bagure, yu dire ihrīgure, pehrerinū árīcū masugara.

⁵⁵ Yu dūpū diaye ta bari gohra iro dopa āhraa. Yu di diaye ta ihriri gohra iro dopa āhraa.

⁵⁶ Yu dūpūre bagu yu dire ihrīgu yu mera mucubiriri mera árīniguigucumi. Eropigu yuhu īgu mera mucubiriri mera árīniguiguca.

⁵⁷ Yu Pagu yure obeodigu eropa árīniguicāmi. Eropa árīniguigu yu sāre eropa árīniguicū iimi. Eropirā yure eropa árīniguigūre masa barā, Goāmū mera umaroguere eropa árīniguirācoma erā sā.

⁵⁸ Ita āhraa umarogue ariri bari. Mari ñecu sumarā mura erā bara mura iro dopa áribeaa i bari. Erāpu iri barire baquererā ta sīria wañorā. I baripure bagu umaroguere eropa árñiguicāgucumi, arīmi Jesu.

⁵⁹ Capernaum judio masa gua buheri wihi Jesu buhegu, eropa weremi.

Jesu ĩgu buherire peerā umarogue eropa árñiguirāca mari, arī gojañumi Ñu

⁶⁰ ĩgu eropa wereniguicā peerā bajarā gua watope árīrā Jesure gamerā, ĩgure nurusianirā opa arī wereniguima:

—I buheri diasa āhraa. Eropirā mari peediabiriñaria, arī wereniguima erā erā basi.

⁶¹ Erā eroparicū Jesupu erā wereniguirire masimi. Eropo masigu ĩgu erāre serēpimi:

—¿I buherire peerā guari mua?

⁶² ¿Yuhu masu Goāmu ĩgu obeodigu umarogue dujaa wacū dohpa wabocuri mua?

⁶³ Masu ĩgu siporāre opagu ojocarimi. ĩgu dupapu ĩgure ojocaricū iibea. Masure ĩgure ĩgu siporā ojocaricū iro dopa ta ya buheripu mware Goāmu mera eropa árñiguicū iiaa.

⁶⁴ Gajirā mua mera majarā ne yare umupeobeama, arīmi Jesu.

Negohraguere Jesu ĩgure umupeobiribonirāre masituhajapu. ĩgure ĩhaturirāre wiabu sāre mata masituhapu. Eropo masigu “Gajirā mua mera majarā yare umupeobeama,” arīmi Jesu guare.

⁶⁵ Eropo arītuhaja opa werenemomi:

—Opa arī wererabu mware. “Yu Pagupu masare yare gamecū iimi. ĩgu eropa iibiricū masapu yaharā árīmasibiriboñuma,” mware arīrabu, arīmi Jesu.

⁶⁶ ĩgu eropa arī buhecū peerā bajarā Jesure gamenirā mura ĩgure cohā, ĩgu mera dipaturi wabirima.

⁶⁷ Erā eropa icū ĩagu Jesu guare doce ĩgu buherāre serēpimi:

—¿Mua sā yare cóacārācuri? arī serēpimi guare.

⁶⁸ ĩgu eroparicū Simo Pedro yahrimi ĩgure:

—Opu, guare gajigu buhegu marimi. Mu buherire peerā Goāmu mera eropa árñiguirāca gua. Mu buheri dihta irire werea guare.

⁶⁹ Eropirā gua mure umupeoa. Eropo muhu oagu, Goāmu magu ĩgu obeodigu mu árīcū gua masia. Eropirā mure cóasome gua, arīmi Simo Pedro Jesure.

⁷⁰ ĩgu eroparicū peegu Jesu weremi guare:

—Yupu mware doce majarāre beyebū. Yujugu mua mera majagu watī yagu árību āhrimi, arīmi guare ĩgu buherāre.

⁷¹ Eropo arīgu Judare Simo Iscariote magure arīgu iimi. Judapu doce gua mera majagu Jesure ĩhaturirāre wiabu árīmi.

7

Jesu pagu porā ĩgure peediabiriñuma

¹ Puhru gua mera Jesu Galilea yeba curigu wami. Judea yeba majarā judio masa ĩgure wejēdiañorā. Erā eropa wejēdiacū masigu ĩgu iri yebare wabirimi.

² Judio masa muta wirigā gua iiburinu bosenu merogā duhyabu.

³ Eropirā Jesu pagu porā ĩgure werema:

—Judeague bosenure ĩagu waque. Ero mu yarāre deyoro moarire ii ĩhmugu waque muhu.

⁴ Masare deyoro moarire ii ĩhmudiagu mure dibubiricāro gahmea. Deyoro moarire iigu arīgu arīpehrerā erā ĩhuro iique, arīma erā.

⁵ ĩgu pagu porā árīquererā ta Jesure “Goāmu magu āhrimi,” arībirima. Eropirā eropa arīma erā ĩgure.

⁶ Erā eropa arīra puhru Jesu weremi erāre:

—Masa yure erā oaro masiburisubū duhyania dohpa. Mupu bosenure ĩadiarā waque.

⁷ Ero majarā mware ĩhaturibeama. Yupure erā ñeri iirare ya wrecū yure ĩhaturima.

⁸ Mua seyaro bosenu árīcū waque. Yupure ya waburisubū duhyania dohpa. Eropigu yupu bosenure ĩagu wanibea dohpa, arīmi Jesu erāre.

⁹ Eropo arīgu ĩgu Galilea dujami.

Muta wirigā erā iirinuri bosenu árīcū wañumi Jesu Jerusaléngue

¹⁰ Bosenugue Jesu ĩgu pagu porā erā wara puhru Jesu sā gua mera erā puhru wami. Eropo wagu masa erā ĩabiririsubū wami.

¹¹ Bosenu árīrā judio masa gua oparā ĩgure amañorā:

—¿Nohogue árĩcuri ĩġu? arĩ serēpiñorā.

¹² Eropirā masa bajarā Jesure werewuañorā. Gajirā, “Īġu ðagu āhrimi,” arĩñorā. Gajirāpū, “Īġu ñegu āhrimi. Masare guayagu āhrimi,” arĩ werewuañorā.

¹³ Eropa arĩquererā judio masa ġua oparāre ġiūrā, masa erā ĩabirogue Jesure werewuañorā.

¹⁴ ġua erogue ejara pūhrū bosenu deco Jesu Goāmū wihigue ñajaja buhemi.

¹⁵ Īġu eropa buhecū judio masa ũca wa ðpa arĩma:

—¿Ihĩ buherogue buhebigū árĩquereġu ta duhpigu ðaro masipehori ĩġu? arĩma erā ĩġure.

¹⁶ Erā eroparĩcū Jesu weremi erāre:

—Yū buheri yaha wereniguiiri árĩbeaa. Yure obeodigu ya wereniguiripū āhraa i buheri.

¹⁷ Goāmū ġamerire iidiarā yū buherire “Goāmū wereniguiiri ta āhraa,” arĩ masirācoma. Yū buheri yaha wereniguiiri dihta árĩbiricū sāre masirācoma.

¹⁸ Yujugu ĩġu gamero ĩġu masiri mera buhegu árĩġu “Yū dihtare umupeoque,” arĩġu āhrimi ĩġu. Yure obeodigupure mūa umupeocū ġahmea yurū. Yū eroparĩcū peerā, “Diaye ta wereniguiimi ĩġu. Ne ġuyabeami,” arĩ masirāca mūa.

¹⁹ “Goāmū dorerire Moise mūrūpū apimārĩñumi mūare. Īġu eropa apiquerecū ta mūa árĩpēhrerā iri dorerire ne yūhrıbeaa. ¿Duhpirā yure wejēdiari mūa? arĩmi Jesu judio masare.

²⁰ —Mū ġorowereġu āhraa. Mūre wejēdiarā marima, arĩ yūhrıma erā Jesure. Erā eroparĩcū Jesu yūhrımi:

²¹ —Yūhū soorınū yujusubu Goāmū ĩġu turari mera dorecūġure ĩġu dorere yū cóacū mūa ĩha ũca wabu.

²² Mari ñecu sumará irıbojegue majarāpū erā dūpūre merogā gasiroġare wiri aĩrā erā árĩdiro dopa ta Moise wirıdoreñumi. Īġu eropa dorecū majırāġare ocho nūri erā masa dehyoara pūhrū soorınū árĩquerecū ta erā dūpūre merogā erā gasiroġare wiri aĩmūria mūa.

²³ Mari soorınū árĩcū majırāġare erā dūpūre merogā gasiroġare wıhria mūa Moise doreri iimorā. ¿Mūa sā soorınū irıre iıquererā ta irınū dorecūġure yū taucū duhpırā yū mera ġuari mūa?

²⁴ Yū irıare mūa ðaro masıbirıboro core, yure ñero pepıbirıcāque. Mūa ðaro masıra pūhrū yure mūa ñero pepıcū diaye ta árĩroca, arĩmi Jesu.

Jesu negohraguere ĩġu arıdirore wereñumi

²⁵ Īġu eropa arĩ werera pūhrū bajamerāġā Jerusalén majarā ðpa arĩ wereniñorā:

—¿Ihĩ mari oparā erā wejēdiagu árĩbearı?

²⁶ Eropıġu ĩġure erā wejēdiaquerecū ta árĩpēhrerā masare buhegu iimi ĩġu. Eropırā ĩġure wejēdianırā árĩquererā ta eropa ĩacāma. Eropa ĩacārā ĩġure “Īġu diaye ta Cristo Goāmū ĩġu obeodıġu āhrimi,” ¿arĩ pepıbocuri oparāpū? Marıpū masıa. Cristo árĩbirıbocumi.

²⁷ Ihĩ Jesu ĩġu arıdirore ġua masıa. Cristopū ĩġu árĩcū ĩġu arıdirore masıya mara. Eropıġu Cristo ġohra árĩbeami Jesu, arĩ werewuañorā erā Jerusalén majarā.

²⁸ Erā eropa arĩrare masıġu, Jesu ðpa turaro busuro werenıġuı buhemi Goāmū wihi: —Yure ðpa arĩ pepıa mūa: “Īġure masıa ġua. Eropırā ĩġu arıdirore sāre masıa,” arĩ pepıraa mūa yure. Mūa eropa arĩ pepıquererā ta yū gamero arıbirıba. Yure obeodıġu ġohrare masıbeaa mūa. Yure obeodıġu diaye árĩġu, diaye iıġu āhrimi.

²⁹ Īġu ta yure obeomi. Eropıġu ĩġu pohroġue arıbu. Eropıġu yūhū ĩġure masıa, arĩmi Jesu judio masare.

³⁰ Īġu eroparĩcū peerā ĩġure ñeadiarıma. Erā eropa ñeadiaquerecū ta Jesu ĩġu ñero tarıburısubu árĩbirıyoro dohpa. Eropırā erā ĩġure ñeamasıbirıma.

³¹ Gajırā masapū bajarā ĩġure umupeoma. ðpa arĩma:

—“Cristo bajasuburi Goāmū turari mera deyoro moarire ii ĩhmūġucumi,” erā arĩ weredıro dopa ta ihĩ Jesupū bajasuburi Goāmū turari mera ii ĩhmumi. Árĩpēhrerā ġajırā tauro Goāmū turari mera ii ĩhmumi ĩġu. Eropıġu Cristo Goāmū ĩġu obeodıġu ta āhrimi Jesu, arĩma Jesure ne umupeonūġarāpū.

Farıseo masa Jesure peresu iıdoreñuma

³² Masa Jesure eropa arĩ werenıġıcū peerā pahıa oparā, farıseo masa mera Jesure ñeadorerā obeorıñorā surarare.

³³ Eropıġu Jesu masare ðpa arĩmi:

—Bajamenurigā m̄a mera ár̄niḡuca. Eropigu p̄hruñarigā yare obeodigu pohro waḡuca.

³⁴ Ȳu ár̄borore m̄a wamasibea. Eropirā yare amaquererā ta ne bocasome m̄a, ar̄imi Jesu masare.

³⁵ Īḡu eroparicū peerā erā judio masa ðpa ar̄i wereniguñorā:

—¿Ih̄i eropa ar̄igu nohogue waḡucuri m̄a pepicā? ¿Griegio masa pohrogue judio masa wasir̄inirā pohrogue erā ár̄iri macariḡue Griego masaguere buheḡu wabocuri ih̄i?

³⁶ “Ȳu ár̄borore m̄a wamasibea. Eropirā m̄a yare amaquererā ta ne bocasome,” Īḡu ar̄igu ¿dohpa ar̄ironore ĩḡu eropa ar̄iri? ar̄i wereniguñorā judio masa erā basi.

Ojocaricū iiriyarire wereñumi Jesu

³⁷ Bosenu ojogoroc̄arinu irinu guhyadiarinu gohra ár̄iro iibu. Irinu Jesu ero nigui, turaro mera weremi masare:

—Ñemesiburā decore turaro gamero dopa ár̄irā um̄uri n̄ucu Goām̄u mera turaro ár̄idiarā yare serēque. M̄a eropa serēcū ĩḡu yarā ár̄idoregura m̄are.

³⁸ Yare umupeorāre ðpa ar̄i gojañuma Goām̄u yare erā gojarap̄iḡue: “Erā s̄iporāriguere ojocaricū iiri deco eropa ár̄niguicāroca,” ar̄i gojañuma, ar̄i turaro weremi Jesu masare.

³⁹ “Erā s̄iporāriguere ojocaricū iiri deco eropa ár̄niguicāroca,” ar̄igu “Yare umupeorā Esp̄iritu Santore oparācoma” ar̄igu iimi Jesu. Īḡu amarogue ĩḡu m̄arianibiricū dohpa Esp̄iritu Santop̄u arinibirimi dohpa erāre.

Judio masa d̄uca wariñuma pe curu

⁴⁰ Jesu ĩḡu eroparicū peerā, masa bajarā ðpa ar̄i wereniguima:

—Ih̄i diaye ta Goām̄u yare werem̄htagu mari coredigu ta āhrimi, ar̄i wereniguima.

⁴¹ ðpa ar̄ima gajirā s̄a:

—Ih̄i Cristo marire taubu āhrimi, ar̄ima.

Gajirāp̄u ðpa ar̄ima:

—Cristo ar̄igu Galilea majagu ár̄isome ĩḡu. Ih̄i Jesup̄u ero majagu ta āhrimi.

⁴² Cristo Davi m̄aru p̄arami gajisubu majagu ar̄igu ár̄ibocumi. Eropigu Davi ya maca m̄uraro Belén waicuri maca masa dehyoaḡucumi Cristop̄u. Eropa ta ar̄i werea Goām̄u yare erā gojarap̄u. Ih̄i Jesup̄u Belén macague masa dehyoabirip̄u. Eropigu ĩḡu Goām̄u ĩḡu obeodigu Cristo gohra ár̄ibeami, ar̄ima erā.

⁴³ Eropirā Jesure peenirā gajirā umupeo gajirāp̄u umupeobirā ár̄inijarā game d̄uca warima pe curu.

⁴⁴ Eropirā bajamerāgā Jesure ñeadiarima. Eropa ñeadiaquererā ta ĩḡure ñeabirima.

Judio masa oparā Jesure ne umupeobiriñuma

⁴⁵ Eropirā surara pahia oparā pohrogue fariseo pohrogue dujaa wañorā daja. Erā dujajacū ĩarā erā surarare serēpiñorā:

—¿Duhpirā Jesure ñeagaribirari m̄a? ar̄iñorā.

⁴⁶ —Īḡu ðatariaro wereniguigu āhrimi. Gajirā ĩḡu iro dopa wereniguirā ne marima, ar̄i ȳhriñorā surara erāre.

⁴⁷ Erā eroparicū fariseo masap̄u ðpa ar̄i wereñorā:

—¿M̄are ĩḡu guyacū, “Diaye ta ar̄igu iimi,” ar̄ari m̄a s̄a?

⁴⁸ Mari oparā Jesure ne umupeobeama. Gua s̄a eropirā ĩḡure umupeobeaa.

⁴⁹ Oā masa Goām̄u dorerire Moisere ĩḡu apirare masibeama. Eropa masibirā ár̄irā Jesure umupeoma. Erā eropa umupeori dipuwaja mari Pagu Goām̄u erāre dipuwaja moaḡucumi, ar̄iñorā fariseo masa.

⁵⁰ Nicodemo fariseo masu Jesure weretamugu ejadigu ero ár̄ip̄u erā mera. Erā eroparicū peegu ðpa ar̄ip̄u ĩḡu erāre:

⁵¹ —Jesu ĩḡu ñero iirare masibeaa mari. Eropa masibirā ĩḡu marire wereboro core ĩḡure dipuwaja moamasibeaa mari. Eropa masibiriquererā ta ĩḡure dipuwaja moarā, mari ya dorerire tarinugarā iiaa mari, ar̄ip̄u Nicodemo erāre.

⁵² Īḡu eroparicū peerā ðpa ar̄i ȳhriñorā erā:

—¿M̄u s̄a ĩḡu iro dopa ta Galilea majagu ta āhriri? Goām̄u ya erā gojarap̄ure buhepehoque. Eropa buhegu, “Goām̄u yare werem̄htagu ne yujugu Galilea majagu marimi,” ar̄i masiḡuca m̄uhu, ar̄i ȳhriñorā erā Nicodemore.

⁵³ Erā eropa ar̄ira p̄hru erā ya wirigue dujaa wañorā.

¹ Jesupu İgu seyaro utăgugue Olivo waicudigugue waha wami.

² Gajinu Goamu ya wihigue gua wabu daja. Jesu ejacu İarā masa bajarā İgu pohro gamenerema. Erā gamenerecu İgupu doanijagu erāre buhenugapu.

³ İgu eropa buhero watope judio masa buherā, fariseo masa mera iri wihigue nomeore ai İajajama. Igo marapucugurego gajigu mera igo İero iicu bocaİaİorā erā igore. Eropa bocajarā igore Goamu wihigue ai İajama erā igore dipuwaja moadorerā. Ai İajatuha arİpeherā gua İaro igore duhu nuguma.

⁴ Duhunugu opa arİma Jesure.

—Buhegu, igo marapucugo arİquerego gajigu mera İero iigo iicu bocaİabu.

⁵ Moise dorerire opa āhraa: “Umā mera İero iidigore utā mera dea wejēcāque,” arİyoro Goamu doreri. İMāca doİpa arİ pepiri ire? arİ serēpima erā Jesure.

⁶ Jesu İgu İero wereniguicū peediarā iirima erā İgure weresāmorā. Erā eropa serēpiquecū ta Jesupu muhmusiu dija, yebague İgu mujusİru mera gojami.

⁷ Eropigu erā eropa serēpiniguicū peegu Jesupu wahgā doaja, erāre weremi:

—Māa mera majagu İero iibigu arİgu igore utā mera deanugaporo, arİmi Jesu.

⁸ Eropa arİtuha dipaturi muhrisiu dija, yebague gojami daja.

⁹ İrire peerā igore ai İajarinirāpu erā İeri iirare guİnarā, erā tİrāpu wiria wamuhtama. Erā puİru erā mera majarā sā wiriapeİrea wama. Eropigo nomeo dihta Jesu pohro dujanugamo.

¹⁰ Eropigu Jesu wahgā doaja, igore serēpimi.

—İNohogue āİriri erā? İMāre dipuwaja moadianirā mariri doİpaguere? arİmi igore.

¹¹ —Marima, opu, arİ yuİrimo igo.

—Yu sā dipuwaja moabea māre. Waque. Eropigo İerire iinemobiricāque, arİmi Jesu igore.

Jesu i yeba majarāre boyoro iro dopa Goāmure masicū iimi, arİ goİaİumi Ņu

¹² Dipaturi Jesu iri wihigue arİrāre weremi:

—Boyoro iro dopa yuİ i yeba majarāre Goāmure masicū iiaa. Yure umupeogu Goamu mera eropa arİniguicāgucumi. Eropigu İgu boyorogue arİgu dopa ta İarire guİagucumi. Eropigu İgu İerire guİadiabeami, arİ weremi Jesu.

¹³ İgu eroparicū peerā fariseo masapu opa arİma.

—Muİu mu bası mu arİricurire eropa arİ wereniguimaacāgu iiaa. Mu opa arİ wereniguiri ne waja mara, arİma erā Jesure.

¹⁴ Erā eroparicū Jesu yuİrimi:

—Yuİu, yu aridirore masia. Yu waboro sāre masia. Muapu ne irire masibea. Eropigu yu bası yu arİricurire werequerego iri yu werera diaye ta āhraa.

¹⁵ Māa siİajaro māa sā İara diİtare masia māa. Epirā māa yure werewāa. Yuİu māa iro dopa ta werewāabea.

¹⁶ Masa erā arİricurire İagu yuİu yujuİu ta İhamasibea. Yu tamera yure obeodigu mera masia. Eropigu yuİu masa erā arİricurire diaye ta İha masia.

¹⁷ Māare doreri erā goİarapū opa arİ werea: “Masa perā erā yujuro mera erā werecū erā wereri diaye ta āhraa,” arİ were goİaİuma.

¹⁸ Yure weregu mera gua perā āhraa. Yuİu, yu arİricurire werea. Eropigu yu Pagu sā weremi yure. İgu ta āİrimi yure obeodigu, arİmi Jesu.

¹⁹ —İNohogue āİriri mu Pagu? arİ serēpima erā.

—Yure māa masibea. Yu Pagu sāre masibea. Yure masirā, yu Pagu sāre masiboaya, arİ yuİrimi Jesu erāre.

²⁰ Jesu erāre buhegu eropa arİ wereniguimi Goamu wihigue erā niyeru apiri comoro pohro. İgu İero tarİburisubu eİabirİbu doİpa. Epirā erā mera İgu arİquerecū ta İgure İeabirima.

Yu waboroguere muapu wamasosome, arİİumi Jesu

²¹ Dipaturi masa mera gua arİrisubu Jesu erāre weremi daja:

—Yu aridirogue waguca. Yu wara puİru yure amarāca māa. Yu waboroguere muapu wamasosome. Epirā māa İeri dipuwajacurā sirirāca, arİ weremi Jesu.

²² “Yu waboroguere muapu wamasosome,” İgu arİcū peerā,

—İİİ İgu bası wejē sirİgucuri eropa arİgu? arİma judio masa erā bası.

²³ Erā bası erā eroparicū Jesu weremi erāre:

—Muapu i yeba majarā āhraa. Yuİu umaro majagu āhraa. I yeba deİyoanirā āhraa muapu. Umarogue arİdigu āhraa yuİu.

²⁴ Muare yu árřirćurire yu werecũ “Diaye árřibeaa,” mua arřrã, mua řeri dipuwajacurã řirřrãca mua. Eropigu “Mua řeri dipuwajacurã řirřrãca,” arřrabu muare, arřmi Jesu erãre.

²⁵ —¿Noano áhriri muřu? arř serẽpima erã.

—Neguere yu muare arřidiro dopa ta áhraa yuřu.

²⁶ Muare yu wereburi wuaro duhyania. Eropiro mua řeri dipuwajare muare yu wereboro wuaro duhyaa dohpa. Eropigu yure obeodigure yu peerare i yeba majarãre werea. İgu werera diaye ta áhraa, arřmi Jesu erãre.

²⁷ “Yure obeodigu,” İgu arřcũ peerã “Mari Pagu árřćumi,” arř pepibirima erã.

²⁸ Erã eropa arř pepibiricũ İagu Jesu weremi erãre:

—Yure masure Goãmu İgu obeodigure mua crusa mera pabia aĩ wahgũ nugurãca. Mua eropa iirã, “İgu Goãmu İgu obeodigu ta áhrimi,” arř masirãca yure. Eropirã yu gamero dopa ta iibigu yu árřřire masirãca. Eropirã yu Pagu İgu yure İgu buhera dihtare weregu yu árřcũ sãre masirãca mua.

²⁹ Eropigu yure obeodigupu yu mera áhrimi. İgu gamerire umuri nucũ iiniguia. Eropigu İgu yure ne cõabeami, arřmi Jesu.

³⁰ İgu eroparicũ peerã masa bajarã İgure umupeoma.

Goãmu porãre, řerire iirã sãre wereřumi Jesu

³¹ Eropirã gajirã judio masa Jesure umupeoma. Eropigu Jesu erãre weremi:

—Yu dorerire iipehorã árřrã, diaye ta yu buherã áhraa mua.

³² Eropirã diaye ta masirãca mua. Diaye árřřire masirã, řero iirire duhumasirãca. Eropirã pohro majarã wiunirã iro dopa árřrãca mua, arřmi Jesu erãre.

³³ İgu eroparicũ peerã erã õpa arř yahrĩma daja:

—Guapu iribojegue majagu muru Abrahã pãramerã árřturiarãgue áhraa. Eropirã ne gajirã pohro majarã árřibeaa gua. Eropigu “Pohro majarã wiunirã iro dopa árřrãca,” arřgu ¿dohpa arřgu eropa arřri muřu? arř serẽpima erã Jesure.

³⁴ Erã eroparicũ peegu Jesu õpa arřmi erãre:

—Diaye muare arřgu iiaa. Árřpehrerã řerire iirãpu erã řeri iirire duhumasibeamã. Eropiro iri řeripu erãre dorea. Eropa árřrã árřrã pohro majarã iro dopa áhrĩma erã.

³⁵ Pohro majagupu İgu opu magu iro dopa árřbeamĩ. Doreri opabeamĩ. Iri wihĩ majagu magupu umuri nucũ diaye ta İgu pagu doreri opamĩ.

³⁶ Yuřu Goãmu magu áhraa. Eropigu İgu doreri opaa. Eropirã mua řerire yu duhucũ iinirã árřrã diaye ta řerire duhunirã árřrãca mua.

³⁷ Abrahã muru pãramerã árřturiarã mua árřcũ masia. Eropa árřřquererã ta yu wererĩpure peediabeaa mua. Eropirã yure wejẽdiaa mua.

³⁸ Yu Pagu İgu yure masicũ iirare werea muare. Yu eropa werequerecũ ta mua pagu İgu dorerĩpure iiaa mua sã, arřmi Jesu erãre.

³⁹ —Abrahã muru iribojegue majagu gua pagu muru árřmurĩpu, arř yahrĩma erã.

Erã eroparicũ Jesu yahrĩmi:

—Abrahã muru porã árřrã İgu iidiro dopa ta iiboaya mua.

⁴⁰ Goãmu yure diaye İgu wererire muare yu werequerecũ ta yure wejẽdiaa mua. Abrahã murupu ne eropa iibiridi arřmi.

⁴¹ Mua pagu İgu iidiro dopa ta iiaa mua, arřmi Jesu erãre.

İgu eroparicũ erã yahrĩma:

—Mojoyo diribiridigo porã árřibeaa gua. Yujugu ta áhrimi gua pagu. İgu ta áhrimi Goãmu, arřma erã.

⁴² Erã eroparicũ Jesu yahrĩmi:

—Goãmu mera majagu árřřidigu ta õguere arĩbu yuřu. Eropirã Goãmu mua Pagu İgu árřcũ yure mahiboaya mua. Yu gamero arĩbirĩbu yu tamera. Yu Pu Goãmu İgu obeocũ arĩbu õguere.

⁴³ ¿Duhpirã yu wereniguirire peebearĩ mua? Yu wererire yujuro bojebeaa mua. Eropirã peebearĩ mua.

⁴⁴ Mua pagupu watĩ áhrimi. Eropirã watĩ İgu gamerĩpure iidiaa mua. I yeba negohraguere árřnugacũgue, dohpague sãre İgu masare wejẽgu áhrimi. İgure diaye maja ne mara. Eropigu İgu ne diaye majare wereniguibeamĩ. İgu negohraguere gyanugadigu arřmi. Eropigu İgu eropa gyaniguigu árřgu, guyarire weremi.

⁴⁵ Yurpu diaye majare werea muare. Eropa yu werecũ peebearĩ mua.

⁴⁶ “Muřu řero iigu áhraa,” arřmasibeaã mua yure. ¿Diaye muare yu werequerecũ ta duhpirã peebearĩ mua?

47 Goãmu porãpũ ĩgu wereniguirire peema. ĩgu porã áribirã ĩgu wereniguirire peebeama, arĩmi Jesu erãre.

Abrahã mũru ĩgu áriboro core Cristo ármãhtatuhañumi

48 ĩgu eroparicũ peerã judio masa ĩgure ðpa arĩma:

—“Mũhu Samaria majagu áhraa. Eropigu watĩ mera goroweregu áhraa mũhu,” gũa arĩra diaye ta áhraa, arĩma erã Jesure.

49 Erã eroparicũ peegu ðpa arĩ yũhrimi Jesu:

—Goroweregu áribëaa yũhu. Yũ Pagure umupeoa. Mũrapũ yũre umupeobeaa.

50 Yũre masa erã umupeorire amabeaa yũhu. Yũ Pagũpũ yũre umupeocũ gahmemi masare. ĩgu tamera yũ áricurire ðaro ĩha masigu eropa ta umupeodoremĩ. Eropigu yũ Pagũ erã yũre gamebiriri dipuwaja, dipuwaja moagũcumĩ.

51 Diaye mũare arĩgu iiaa. Yũ dorerire ĩgu mũari nũcu Goãmu mera eropa árniguicũgũcumĩ, arĩmi Jesu.

52 ĩgu eroparicũ peerã ðpa arĩma erã:

—Dohpague tamerare mũ watĩ mera goroweregu áricũ gũa ðaro masia. Abrahã mũru sĩria wañumi. Goãmu yare weremãtanirã sã sĩria wañuma iribojegue. Eropigu “Yũ dorerire ĩgu mũari nũcu Goãmu mera eropa árniguicũgũcumĩ,” arĩgu, ¿dohpa arĩgu eropa arĩri mũhu?

53 ¿Gũa ñecu mũru tauro turari mũhu? ĩgu, Goãmu ya weremãtanirã sã sĩria wañuma iribojegue. ¿Mũpũ nihino áhriri eropa arĩ wereniguigu? Mũ eropa arĩro dopa áribëaa mũhu, arĩma erã.

54 Erã eroparicũ peegu Jesu werenemomi:

—Yũhu yũ basire umupeodoreri duhpiburi áribëaa. Yũ Pagũpũ yũre umupeodoregu áhrimi ĩgu. “Gũa Pagũ” mũa arĩgũpũ yũ Pagũ ta áhrimi.

55 Mũrapũ yũ Pagure ne masibëaa. Yũhu ĩgure masia. “ĩgure masibëaa,” arĩgu mũa iro dopa ta gũyaricũgu áribõaya yũhu. Diaye ta ĩgure masia. Eropigu ĩgu dorerire iiaa.

56 ĩ yebaguere yũ áriboro coregue mari ñecu mũru Abrahã mũru masimãhtatuhamũriñumi yare. Eropa masigu ĩgu mucubirimũriñumi, arĩmi Jesu.

57 ĩgu eroparicũ erã yũhrima:

—Abrahã mũru iribojegue majagu áhrimi. Mũpũ cincuenta bojori opanibëaa. ¿Eropigu mũhu ĩgu mũrũre duhpigu ĩha masiboyuri? arĩma judio masa ĩgure.

58 —Diaye mũare arĩgu iiaa. Abrahã ĩgu áriboro core yũpũ ármãhtatuhabũ, arĩmi Jesu erãre.

59 ĩgu eroparicũ peerã erã utãyerire aĩ ĩgure deadiarima. Erã eropa deadiaquerecũ ta Jesupũ Goãmu wihigue árdĩgu duhri wiria wami.

9

Cuiri ĩhajabigũre ðaro ĩagu wacũ iĩñumi Jesu

1 Jesu gũa ĩgu buherã mera mague tariarã gajigũre cuiri ĩhajabigũre bocajabũ. ĩgu ne masa dehyoagũgue ta cuiri ĩhajabigũ áripũ.

2 Gũa sã ĩgure ĩarã serëpibũ Jesure.

—Buhegu, ¿ihĩ duhpigu cuiri ĩhajabigũ masa dehyoayuri? ¿Ñerire iimũriyuri eropa wagu? ¿O ĩgu pagũ sumará erã ñero iira dipuwaja eropa wayuri ĩgu? arĩ serëpibũ gũa Jesure.

3 Gũa eroparicũ peegu ðpa arĩ yũhrimi:

—Ihĩ ĩgu pagũ sumará sã erã ñerire iira sã ĩgure cuiri ĩhajabiricũ iibëaa. Goãmũpũ ĩgure cuiri ĩhajabiricũ iimi. ĩgure ĩacũ iibu masare ĩgu turarire ii ĩhmuburire apimi Goãmu.

4 Yũre obeodigu ĩgu apirare yũre iiro gahmea dohpaguere. Ñamiguere mari mohmemasibiro dopa ta pũhrũgue yũre obeodigu ĩgu apirare iimasibëaa yũhu.

5 ĩ yebaguere ĩ yeba majarãre Goãmũre masicũ iiaa, arĩmi Jesu.

6 Eropa arĩtuha yebague disico ehõepimi. ĩgu disico ehõepirare nicu mera mohmore nijagu, cuiri ĩhajabigũre ĩgu cuirire sũmi.

7 Eropa sũgu ðpa arĩmi Jesu:

—Siloé waĩcurĩ gobegue mũ cuirire coegu waque, arĩmi Jesu. Siloé ero majarã ya mera arĩrã obeora gobe arĩrã iima.

Jesu ĩgu cuiri coedoredigũpũ waha, coetuhaja, cuiri ĩagũgue dujajapũ ĩgu ya wihigue.

8 ĩgu dujajacũ ero majarã ĩgure ĩañorã. Ero core niyeru serëdigũ ĩgu áricũ ĩanirã ĩgure ðpa arĩñorã erã basi:

—¿Ihĩ sohõ árĩdigu niyeru serẽdoadigu árĩbeari? arĩñorã erã.

9 —Ígu ta áhrimi, arĩñorã gajirã.

—Ígu árĩbeamí. Eropa árĩbiriqueregu ta ígu iro dopa ta bejagu áhrimi, arĩñorã gajirã.

Erã eroparĩcũ peegu cuiiri ihajabiridigupu õpa arĩpu:

—Ígu ta áhraa yuhu, arĩpu erãre.

10 Ígu eroparĩcũ masa ígure serẽpiñorã:

—¿Cuiiri ihajabiridigu árĩdigu dohpa ii ihari muhu? arĩ serẽpiñorã erã ígure.

11 —Jesu waicugu discore nicu mera mohmore yu cuirire sũami. Yure sũtuhaja “Siloé waicuri gobegue mu cuirire coegu waque,” arãmi yure. Ígu eroparĩcũ coegu ejabu yuhu. Eropa yu coera puhru yu cuiiri õaro dehyoabu yure, arĩ werepu ígu masare.

12 —¿Mure eropa iidigu nohogue árĩcuiiri ígu? arĩñorã erã.

—Ûba. Noho árĩgu árĩcumi, arĩpu ígu

Cuiiri ihajabiridigure fariseo masa serẽpiñuma

13 Eropa arĩ werenĩguituha erã cuiiri ihajabiridigure fariseo masa pohrogue aĩ ejañorã.

14 Irinu Jesu dihta nicure mohmore cuiiri ihajabigure õagu iiranu Sabadonu árĩbu. Irinu gua soorinu árĩbu.

15 Eropirã fariseo masapu ígure serẽpiñorã daja.

—¿Dohpa ii ihari muhu? arĩ serẽpiñorã erã.

—Nicu mera yu cuirire sũami. Eropigu yu cuirire coera puhru ihaa yuhu, arĩ werepu ígu erãre.

16 —Ígu mari soorinu mari mohmedorebirinure mohmeami. Eropigu ígu Goãmu yagu árĩbeamí, arĩñorã gajirã fariseo masa.

Gajirãpu õpa arĩñorã:

—Ñerire iigu árĩgu õpa íre õagu wacũ iimasibeami. Eropigu ígu õagu árĩbocumi, arĩñorã gajirã Jesure.

Eropirã erã, erã basi pe curu dũca wariñorã.

17 Eropirã dipaturi erã cuiiri ihajabiridigure serẽpinemoñorã daja.

—¿Mure mu cuirire õaro iidigure dohpa arĩ pepiri muhu Jesure? arĩñorã erã ígure.

—Ígu diaye ta Goãmu yare weremuhtagu áhrimi, arĩpu cuiiri ihajabiridigupu.

18 Negohraguere judio masa õpa arĩ pepiriñorã. “Ihĩ cuiiri ihajabiridigu árĩbeamí,” arĩ pepiriñorã. Eropa arĩ pepirã cuiiri ihajabigupu pagu sumarãre sihubeoñorã erã.

19 Sihubeo ígu pagu sumarãre serẽpiñorã fariseo masa oparã.

—¿Ihĩ diaye ta mu magu áhriiri? ¿Mata ígu cuiiri ihajabigupu masa dehyoari? ¿Diaye ta cuiiri ihajabiridigu árĩqueregu dohpa ii ihari dohpaguere? arĩ serẽpiñorã erã ígu pagu sumarãre.

20 —Ihĩ gua magu ta áhrimi. Eropigu mata cuiiri ihajabigupu masa dehyoami ígu.

21 Irire masiquererã ta ígu íarare, ígure íacũ iidigu sãre masibea gua. Gua magure serẽpique. Bugu áhrimi ígu. Ígu basi weremasimi ígu, arĩñorã ígu pagu sumarã.

22 Judio masa oparã ero coreguere õpa arĩtuhãñorã:

—“Jesu ta Cristo mari taubu áhrimi,” arĩrãre mari buheri wirigue ñajadoresome gua, arĩmuriñorã judio masa gua oparã.

Erã eroparĩcũ peenirã cuiiri ihajabigupu pagu sumarãpu judio masa oparãre güi arĩñorã.

23 Eropa güirã “Bugu áhrimi ígu. Ígure ta serẽpique,” arĩñorã erã judio masa oparãre.

24 Puhru judio masa oparã dipaturi cuiiri ihajabiridigure sihubeoñorã. Sihubeo õpa arĩñorã ígure:

—Goãmu mera diaye wereque muhu. Jesure ígu ñeri iigu ígu árĩcũ gua masia. Eropigu diaye wereque guare, arĩñorã judio masa cuiiri ihajabiridigure.

25 Erã eroparĩcũ peegu õpa arĩ yuhripu ígu:

—Jesure ígu ñeri iigu ígu árĩcũ masibirica yuhu. Yujuñe ta masia yuhu. Iribojeguere cuiiri ihajabigupu arĩmurĩbu yuhu. Dohpaguepũre ihaa yuhu. Iri dihtare masia yuhu, arĩ yuhripu cuiiri ihajabiridigupu erãre.

26 —¿Dohpa iiri ígu mure? Mu cuirire ihajadoregu dohpa iiri ígu mure? arĩ serẽpiñorã erã daja.

27 —Irire ta mure weretuharabugu yuhu. Yu eropa arĩ werequerecũ ta mua ne peediabea yure. ¿Dohpa iidiarã yu dipaturi werecũ peediari mua? ¿Mua sã ígu buherã arĩdiari? arĩpu ígu erãre.

28 Ígu eroparĩcũ peerã erã ígure turiñorã.

—Muhu Jesu buhegu áhraa. Guapu Moise buherã áhraa.

²⁹ Diaye ta Goãmu Moiserere wereniguimuriñumi. Jesure obeodigure gua masibea, arĩñorã erã cuiři İhajabiridigure.

³⁰ Erã eroparicũ yuhripũ İgu:

—İğure obeodigure mũa masibiricũ, yure İacũ iidigu arĩgu Goãmu İgu obeodigu arĩbiribocuri İgu?

³¹ Goãmu ñeri iigure İgu serẽrire peebeami. Iri tamerare mari masia. Ñerire iigure peebiriqeregu ta Goãmure umupeogure, İgu dorerire iigure İgu serẽrire peemi Goãmu.

³² Negohraguere i yeba arĩnugacũguere, mata masa dehyoagugue ta cuiři İhajabigure ne yujugupure İhajacũ iigu marimuripu.

³³ Eropigu Jesu Goãmu İgu obeodigu arĩbigu yure İacũ iibiriboñumi, arĩpu İgu erãre.

³⁴ Erãpu õpa arĩ yuhriñorã:

—Mũhu mata ñegu arĩmuriya. İEropa arĩqueregu ta guare buheri mũhu? arĩñorã judio masa oparã.

Eropa arĩtuhã erã İğure cohã wiuñorã.

Jesu yare gamebirã cuiři İhajabirã iro dopa àhrima, arĩ wereñumi Jesu

³⁵ Eropigu cuiři İhajabigure erã cohã wiuware Jesu peemi. Eropa peegu cuiři İhajabiridigure gua bocajacũ, İğure serẽpimi.

—İMasure Goãmu İgu obeodigure umupeori mũhu? arĩmi Jesu.

³⁶ —Opũ, İnoa àhriri İgu? İğure masigu umupeogũra, arĩmi cuiři İhajabiridigupu Jesure.

³⁷ —İğure İhatuhã mũhu. Dohpaguere mũa mera wereniguigu İgu ta àhraa yũhu, arĩmi Jesu cuiři İhajabiridigure.

³⁸ —Opũ, mũre umupeoa yũhu, arĩmi cuiři İhajabiridigupu.

Eropa arĩgu İgu Jesu pohro mereja İğure umupeomi.

³⁹ İgu eropa umupeocũ İagu õpa arĩmi Jesu masare:

—Õarã, ñerã sã erã iirare masicũ iibu aribũ yũhu. Cuiři İhajabirã erã İabiro dopa ta yũ Pagure masibirã àhrima. Eropa masibirãre yũ Pagure masicũ iigu aribũ yũhu. “Gua õaro masia,” arĩ pepinirã sãre õaro erã masibirirare masicũ iigu aribũ yũhu, arĩmi Jesu.

⁴⁰ İgu eroparicũ peerã bajamerãgã fariseo masa İğure õpa arĩma:

—“Cuiři İhajabirã erã İhamasibiro dopa ta masibea mũa sã,” İarĩri mũhu guare? arĩma fariseo masa Jesure.

⁴¹ Erã eroparicũ Jesu õpa arĩmi:

—“Cuiři İhajabirã erã İha masibiro dopa ta diaye õaro masibea gua,” mũa aricũ dipuwaja mariboya. “Gua õaro masirã àhraa,” mũa arirã àhraa. Eropirã yure peediabirira dipuwaja mũare dipuwaja àhraa dohpaguere, arĩmi Jesu erãre.

10

Oveja İhadibugu queoriñere wereñumi Jesu

¹ Pũhũ queoriñe mera werenigui queogu buhebu õpa arĩmi Jesu guare gajirã masa sãre:

—Diaye arĩgu iiaa mũare. Oveja diburi sãriro disiporo ñajabigupu gajipugue ñajagupu yajari masũ àhrimi.

² Disiporo ñajagupu ovejare İhadibugu àhrimi.

³ Disiporo coregu disiporo pãgũmi ovejare İhadibugu İgu ñajariborore. Ovejare İhadibugu eracũ İgu wereniguirire peerã àhrima İgu oveja. Erãre sihugu, erã wai mera sihubeomi İgu. Eropigu erãre sãrirogu arĩrãre sihu wiuniguimi disiporogue.

⁴ İgu yarãre arĩpehrerãre sihu wiu erãre muhtanũgajami. Ovejapu İgu wereniguirire masirã, İğure nurasiama.

⁵ Gajigure erã masibigure nurasiabeama erã. Eropirã gajirã erã wereniguirire peerã, güi omagã wahama, arĩmi Jesu masare.

⁶ Iri İgu werequerecũ ta irire peerã masibirima erã.

Jesu ovejare õaro İhadibugu iro dopa İgu yarãre õaro İhadibumi

⁷ Eropigu dipaturĩ Jesu erãre gua sãre weremi daja:

—Diaye mũare arĩgu iiaa. Ovejare diburi sãriro disiporo iro dopa àhraa yũhu.

⁸ Arĩpehrerã yũ core arinirã guyarire buherã yajari masa iro dopa àhrima. Erã eropa arĩquerecũ ta oveja iro dopa arĩrã yaharãpu gajirãre ne pee wahãbeama.

⁹ Yũ ovejare diburi sãriro disiporo iro dopa àhraa. Iri disiporo ñajarã iro dopa ta àhrima yure umupeorã. Eropigu erãre peamegue wabonirãre taugara. Ovejare

cāhmotari sāriri erā cāhmotaro dopa ta yu taunirāre cāhmotaguca. Eropirā erā gamerire oparācoma, arīmi Jesu.

¹⁰ Eropa arītuha ōpa arīnemomi:

—Mūare gūya buherā ovejare yajari masa iro dopa āhriima. Gajirā yajadiarā wejēdiagārima. Oveja iro dopa arīrā yaharā arīpehlerinuri Goāmū mera arīcū iigu arībū yūpū. Eropigu yaharā ūmūri nūcu erā ōaro arīcū iibu arībū yūpū.

¹¹ Ovejare ōaro ihadibugū iro dopa arīgu āhraa yūhū. Ovejare ōaro ihadibugū sīribu arīqueregu ta īgu ovejare cāhmotaniguigucumi. Yaharā Goāmū mera erā eropa arīniguiburire sīrigūca.

¹² Īgu mohmeri masūpū ōaro ovejare ihadibugū arībeami. Eropirā oveja īgu yarā arībeama. Eropigu nūgu majagu diaye ovejare űeagu īgu arīcū īagu īgu mohmeri masūpū ovejare cōācā gūi omagā wahami. Īgu eropa cohāpigāra pūhrū, nūgu majagu diaye īgu ovejare īgu űeacū īarā ovejapū omasirigā wahama.

¹³ Īgu mohmeri masūpū īgu wajatari dihtare gahmemi. Eropigu īgu ovejare ōaro ihadibudiabeami, arīmi Jesu.

¹⁴ Eropa arītuha ōpa arīnemomi queoriűe mera:

—Ovejare ōaro ihadibugū iro dopa āhraa yūhū. Eropigu yaharāre masia yūhū. Eropirā yaharā sā yure masima.

¹⁵ Eropa ta yu Pagu sā yure masimi. Eropigu yu sā yu Pagure masia. Yaharā Goāmū mera erā arīniguiburire sīrigūca.

¹⁶ Gajirā oveja gajī sāriri majarā iro dopa arīrā gajirā masa sā yaharā arīrācoma. Erā sāre aīguca. Eropirā yu wereniguirire pee wahgārācoma erā sā. Eropirā yaharā arīpehlerā yuju curu ta arīrācoma. Eropigu yu dihta yaharāre ihadibugūca, arīmi Jesu.

¹⁷ Eropa arītuha ōpa arīnemomi daja:

—Yaharā Goāmū mera erā arīniguiburire sīrigūca yūhū. Yu sīrira pūhrū masa mūriaguca. Yu eropa iibu arīcū yu Pagu yure mahīmi.

¹⁸ Yu wejēdorebiricū yure wejēmasibiriboűuma erā. Yu gamero mera yure wejērācoma. Eropigu yaharā Goāmū mera erā ya arīburire sīrigūca. Sīrimasia yūhū. Eropigu masa mūriamasia. Yu Pagu yure irire ta iidoremi, arīmi Jesu.

¹⁹ Īgu eroparīcū peerā judio masa pe curu dūca warima daja. Gajirā gajiropa pepi, gajirā sā gajiropa pepinirā arīma.

²⁰ —Īgu watīre opami. Eropigu goroweregu āhrimi. űDuhpirā īgure dipaturi peeri mūa? arīma gajirā bajarā judio masa.

²¹ Gajirāpū ōpa arīma:

—Watī mera goroweregu arīgu eropa ōaro arī wereniguiriboűumi. Cuiiri ihajabigūre īacū iimasibiriboűumi watīre opagu. Eropa arīgu arīgu īgu watīre opabeami, arīma gajirā judio masa.

Judio masa Jesure gamebiriűuma

²² Gajinū Jerusalēngue bosenu iirā iima dipaturi judio masa. Goāmū wihire erā Goāmū ya arīburire erā apiri bosenu arībū. Irisubu yura wahgūro arībū.

²³ Irinū Salomo waīcurī taribugue Goāmū wihigūe arīri taribure Jesu gua mera ihacurigu iimi.

²⁴ Iri taribugue īgu arīcū īarā judio masa īgu pohrogue gamenere īgure serēpima daja:

—Yoatariari boje guare ōaro werebea mūhū. Diaye guare ōaro were purumujuque. űCristo Goāmū īgu obeodigu ta āhriri mūhū? arīma erā īgure.

²⁵ Erā eroparīcū peegu ōpa arī yūhrimi Jesu:

—Mūare weretuhabu yūhū. Yu eropa werequerecū ta yure peebea mūa. Yu Pagu īgu dorero dopa ta īgu turari mera ii ihmurabu mūare. Eropa iigu yu Cristo arīriri ta mūare ihmugū iirabu.

²⁶ Yu eropa ii ihmūquerecū ta yure peebea mūa. Mūapū yaharā arībeaa. Eropirā gajigu yarā oveja iro dopa arīrā yūpūre peebea mūa.

²⁷ Oveja erāre ihadibugū erā peediro dopa ta yaharā yure peema. Eropigu erāre masia yūhū. Eropirā erā yu mera wahama.

²⁸ Eropigu ūmūri nūcu Goāmū mera arīcū iiaa erāre. Eropirā erāpū peamegūe wasome. Eropigu yaharāre yu ihadibucū gajirāpū ne yure emamasibeama erāre.

²⁹ Yu Pagu yaharāre yure odigu yu tauro turami. Eropirā yu Pagu sā yaharāre īgu ihadibucū gajirā īgu sāre ne emamasibeama.

³⁰ Yūhū, yu Pagu mera yūjugū ta āhraa, arīmi Jesu judio masare.

³¹ Īgu eroparīcū peerā judio masapū īgure deaburi ūtāre dipaturi aīma daja.

³² Erā eropa iicū īagu Jesu erāre serēpimi:

—Yu Pagu İgu turari mera baja deyoro moarire ii İhmurabu mware. İNehenore iira dipuwaja utā mera deadiari maŷa yare? arı serēpimi.

³³ İgu eroparıcū peerā ōpa arıma erā:

—Goāmū turari mera mū ii İhmuri dipuwaja mure utā mera dea wejēdiabeaa gua. Goāmure mū ñero wereniguirı dipuwaja mure utā mera dea wejēdiaa gua. Masu arıqueregu ta muhu “Goāmū āhraa yuhu,” mū arıri dipuwaja mure utā mera dea wejēdiaa gua, arı yuhrıma erā.

³⁴ Erā eropa arı yuhrıcū peegu Jesu erāre weremi:

—Mua säre “Goāmarā,” arı piyumi Goāmū. Eropa ta arı gojañuma İgu dorerire erā gojarapūgue.

³⁵ Goāmū yare erā gojarapū queoro arıcū mari masia. “Gūyari āhraa,” irıpūre arımasıbeaa mari. Eropıgu İgu yare pepırāre diaye ta İgu “Goāmarā,” arı piyumi.

³⁶ Goāmū yare beyenıjagu i yebaguere obeomi. Eropıgu “Yuhu Goāmū magu āhraa,” yu arıra dipuwaja “Goāmure ñero werenıguıgu iimi Jesu,” arāa mua yare. İDuhpirā yare eropa arıri mua?

³⁷ Yu Pagu İgu gamero dopa ta İgu turari mera yu ii İhmubırıcū tamerare yu buherire “Diaye ta āhraa,” arıbirıboya mua.

³⁸ Yu Pagu İgu turari mera yu ii İhmuquerecū ta yūpūre umupeodiabırıboya mua. Eropa umupeodiabırıquererā ta İgu turari mera yu ii İhmucū İarā yu İirare “Diaye ta āhraa,” arıque mua. Mua eropa arırā, yu Pagu mera gua yujuro mera arıcū masırāca mua. Eropırā yuhu, yu Pagu mera yujuro mera yu arıcū masırāca mua. Eropırā peerāca mua, arımi Jesu erāre.

³⁹ İgu eroparıcū erā İgure dipaturi ñeadiarima. Erā eropa ñeadiacū İgu duhri wiria wami.

⁴⁰ Eropa wirıadıgugue ta Nū masare İgu waıyemūhtadırogue Jordán waıcūriya sıpu majasegue gua dipaturi wabu daja. Erogue dujacābu.

⁴¹ Eropırā masa bajarā İgure İarā erama. Ōpa arıma erā erā basi:

—Nū waıyegūpu Goāmū turari mera deyoro moarire ii İhmubırımı. Eropa ii İhmubırıquerecū ta arıpehreri Jesure İgu wererapu diaye ta āhraa, arıma masa erā basi.

⁴² Eropırā masa erogue bajarā umupeoma Jesure.

11

Lázaro waıcūgu sıria wañumi

¹ Eropı Judea yebague Betania waıcūri maca majagu Lázaro waıcūgu arımi. Iri maca İgu pagu porā nome María, Marta mera arıma.

² Marıapu Jesure poresuri mera sūbo, ıgo poari mera İgure tucoebodıgo arımo. İgo İgu Lázaropu dorecūgu iıpu.

³ Eropırā erā nome gajırāre Jesure weredorerā obeoñorā.

—Opū, mū mahıgu dorecūgu iimi, arı weredorerā obeoñorā Lázaro pagu porā nome.

⁴ Erā gua pohrogue eraa, irı querere werecū peegu ōpa arımi Jesu guare.

—Dohpaguere Lázaro İgu dorecūri sıriburi arıbeaa. Goāmū turarire masare İhmubırıre dohpaguere İgu dorecūmi. Eropırā yu turari opagu arıcū säre masa İarācoma, arımi Jesu.

⁵ Jesu Martare, ıgo pagu mago, Lázaro säre turaro mahımi.

⁶ Eropıgu Lázaro İgu dorecūrıre peequeregu ta ero Jesupū penū dujanımı.

⁷ Penū puhru Jesu ōpa arımi guare İgu buherāre.

—Dipaturi Judea yebague dujaa warā daja, arımi guare.

⁸ —Buhegu, cārūgā ta mure judıo masa utā mera dea wejēdıama. İDuhpıgu dipaturi dujadiarı muhu? arıbu gua İgure.

⁹ Gua eroparıcū peegu İgu erā wejēmasıbirııre weregu, werenıguı queori mera guare ōpa arımi:

—Wūaro guñarıcūbırıcāque. Yujunare doce horari gohra āhraa. Abe umū majagu arıcū ōaro İhaa mari. Eropırā umure curırā ne cohresome mari.

¹⁰ Naitıaro curırā cohrema. Abe umū majagu marıcū ōaro İabeama erā, arımi Jesu.

¹¹ Eropa arıgu guare werenemomi.

—Mari mera majagu Lázaro carıgu iicumi. İgu eropa carıquerecū ta yuhu İgure wahgūgu wagura, arımi guare.

¹² —Opū, Lázaro carıgu arıgu tarıgūcumi, arıbu gua.

¹³ Gua eropa arīquerecū ta Jesupu “Carīgu iicumi,” arīgu, “Sīria wami,” arīgu iidigu arīmi. Īgu “Lázaro carīgu iicumi,” arīcū peerā “Lázaro soogu iicumi,” arī pepiribu guapu.

¹⁴ Gua eropa arī pepicū masīgu Jesu guare diaye weremi.

—Lázaro sīria wañumi.

¹⁵ Yu mariro īgu sīricū ðapūricāa. Eropirā mūa yure umupeonemorāca. Ina ta. Mari ĩarā warā īgu pohrogue, arīmi Jesu.

¹⁶ Toma suhruadīgu erā arīguapu ðpa arīmi guare:

—Mari sā Jesu mera warā. Īgure wejērā mari sāre wejēporo, arīmi Toma.

Jesu “Eropa arīnīguicācū īigu masare masugu āhraa,” arīñumi

¹⁷ Eropi gua erogue ejara pūhru ero majarā ðpa arī werema Jesure:

—Wapicūrinū taria Lázaro murure masa gobegue erā apira pūhru, arī werema Īgure.

¹⁸ Betaniapu Jerusalén pohrogā ũhre kilómetros yoaro dujabu.

¹⁹ Eropirā judio masa bajarā Martare, María sāre ñehamere orerā eranirā arīma Lázaro īgu sīrira pūhru.

²⁰ Eropīgu Jesu mera gua ejaboro pohro arīcū peego Martapu guare bocatīrigo eramo. Igo bocatīrigo wacū Mariapu igo ya wihi dujadīgo arīmo.

²¹ Eropa bocatīrigo Marta ðpa arīmo Jesure:

—Opū, yu tīgu īgu sīriboro core muhū ohō arīcū īgu sīribiriboañumi.

²² Dohpague sāre Goāmure mū serēcū īgu mū serēro dopa ta īgucumi, arīmo Marta Jesure.

²³ —Mū tīgu masagucumi, arīmi Jesu ĩgore.

²⁴ —I yeba pehrerinū īgu masa mariaborore masia yuhū, arīmo igo.

²⁵ Igo eroparīcū Jesu weremi daja:

—Yuhū sīrinirāre masacū īigu āhraa. Masare yu mera eropa arīnīguicū īigu āhraa. Yure umupeogu sīriquerēgu ta eropa arīnīguicāgucumi.

²⁶ Eropirā arīpehrerā Goāmure mera arīnīguirā yure umupeorā peamegue wasome. ¿Ire masiri muhū? arīmi Jesu ĩgore.

²⁷ —Opū, masia yuhū. “Cristo Goāmū magu i yebague arīgucumi,” erā arīdīgu mū arīcū masia yuhū, arīmo Marta Jesure.

Lázaro īgu masa gobe pohro Jesu oreñumi

²⁸ Marta eropa arītuha igo pagū magore Mariare sihugo wamo.

—Marire buhegu mari ya macare eranijagu iiami. Mure sihuami, arī yayarogā arī werēpo Mariare.

²⁹ Igo eroparīcū peego María pobero mera wahgānugaja, gua pohrogue arīmo Jesure ĩago arigo.

³⁰ Erā ya macague ejanibiricarabu dohpa. Marta guare igo bocatīridirogue arīnibu gua.

³¹ Judio masa iri wihi Mariare ñehamere orerā iinirā arīma. Eropirā igo pobero mera wahgā wacū ĩarā erā ĩgore nūrusiagānirā arīma. “Igo tīgu murure erā apira gobegue orego wago iicumo igo,” arī pepinirā arīrima erā. Eropa arī pepirā ĩgore nūrusiagānirā arīma.

³² Eropigo María gua pohrogue erago, Jesure ĩha, īgu guburi pohro merejamo.

—Opū, yu tīgu īgu sīriboro core muhū ohō arīcū īgu sīribiriboañumi, arīmo igo ĩgure.

³³ Eropīgu igo judio masa igo mera arinirā sā erā orecū ĩagu Jesupu turaro bujawere ñero sīporācumi.

³⁴ —¿Lázaro murure nohogue opari mūa? arī serēpimi Jesu.

—Opū, ĩagu arique, arī sihugāma erā.

³⁵ Erā eroparīcū peegu Jesu oremi.

³⁶ Īgu orecū ĩha judio masa ðpa arīma erā basi:

—Lázaro murure Jesu burīgā mahirañumi, arīma.

³⁷ Gajirāpu ðpa arīma:

—Cuiiri ĩhajabīgure ĩacū īigu āhrimi ĩhī Jesu. ¿Eropīgu Lázaro īgu sīriboro core masumasibiriboayuri? arīma gajirā.

Lazarore masuñumi Jesu

³⁸ Eropīgu Jesu dipaturī turaro bujaweremi. Eropirā arīpehrerā Lázaro murū masa gobegue ejabu. Ūtāyegue arīri gobegue īgu dupū muraro erā sī acura gobegue arībū. Eropi iri gobegue wuariye ūtāye mera erā bihara gobegue arībū.

³⁹ —Ūtāyere aī weaque, arīmi Jesu.

Īgu eroparīcū peego Marta sīridīgu murū pagū mago ðpa arīmo:

—Opu, dohpague wapicarinu wahaa iġu sīrira puhru. Eropiro iġu dpu mwaro arī áricá, arīmo Jesure.

⁴⁰ —“Yure umupeogo Goāmu turarire iagoca,” mare arīrabu, arīmi Jesu Martare.

⁴¹ Iġu eropa arīra puhru erā utāyere aī weama. Erā eropa aī weara puhru Jesu umarogue iha Goāmure opa arīmi:

—Ahu, yure ma peetuhabu. Irire ma iicū masiġu mucubiria mare.

⁴² Yure muhu umari nucu peeniguia. Irire masia. Eropa masiquereġu ta yuhu ma obeodigu áricū ore niguirā erā masiburire mure eropa arīġu iiaa.

⁴³ Eropa arītuha Jesu turaro gaguiniguimi:

—Lázaro, arique, arī gaguiniguimi iġu.

⁴⁴ Iġu eroparicū sīridiġu mwaru iġu mojotorire iġu guburi sāre suhri gasiri mera erā diridigu, iġu dipurure suhri gasiri mera erā omadigu masa gobegue wiririmi.

—Īġure dirirare pāque iġure, arīmi Jesu

Judio masa oparāpu Jesure ñeadiariñuma

Mt 26.1-5; Mr 14.1-2; Lc 22.1-2

⁴⁵ Iġu eropa masucū iará bajarā judio masa mera majarā María mera árñirā Jesure umupeoma.

⁴⁶ Gajirāpu erā mera majarā fariseo masa pohroġe eja, Jesu iġu iirare wereñorā erāre.

⁴⁷⁻⁴⁸ Eropirā pahia oparā, fariseo masa oparā sā gamenere, erā basi opa arī wereniġuiñorā.

—Jesu bajasuburi deyoro moarire ii ihmumi. Iġu eropa iicū, “Irire iibita,” mari arībiricū árīpehrerā masa iġure umupeo, iġu mera wabocoma. Eropirā Roma majarā oparā Goāmu wihire cóadorerā obeorācoma erā yarā surarare. Mari ya yeba sāre emarācoma erā. Mari ya yeba majarā Jesure erā opu erā apicū iará Roma majarā oparā guarā ñero iirācoma marire. ¿Eropa iirā dohpa iirācuri dohpague? arī wereniġuiñorā erā erā basi.

⁴⁹ Erā eropa arīquerecū ta gajigu Caifa waicūġu iri bojorire pahia opu arīġu erāre werepu.

—Mwaru ne masibea.

⁵⁰ Judio masa árīpehrerā mari ya árīburire yujugu masu iġu sīricū oħaa. Iġu sīribiricū mari árīpehrerā judio masa peħrea waboca. Irire mua masibea, arīmi Caifa erāre.

⁵¹ Eropa arīġu iġu gamero eropa arībirīñumi. Pahia tauro opu iġu áricū judio masa ya árīburire Jesu iġu sīriborore Goāmupu Caifare eropa arī weredoreñumi.

⁵² Jesu iġu sīriġu judio masa ya dihta sīribirīñumi. Sīriġu árīpehrerā Goāmu porā i yeba árīpeħrero árīrā sāre erā ya árīburi sāre sīriñumi Jesu. Erā yuju curu árīboro dopa sīriñumi.

⁵³ Caifa eroparicū peerā erā “¿Jesure dohpa ii wejērācuri mari?” arī wereniġuirā iġure wejēmorā iñorā.

⁵⁴ Iġure erā wejēdiacū masiġu Jesu bajarā judio masa watope dipaturi curiġu wabirimi. Eropiġu masa mariroġā Efraín waicuri macague ġuare sihu wami. ġuare iri maca sihu dujanimi Jesu.

⁵⁵ Irisubure Pascua bosenu ġua judio masa bosenu árīboro merogā duhyabu. Eropirā bosenu core masa bajarā ġaji macari majarā masa Jerusaléngue gamenerema. Pascua majare erā baboro core Goāmu ya árīburire erā basi coemorā ejanirā árīma.

⁵⁶ Eropirā erā Jesure amarā iñorā. Erā eropa amacū iará Goāmu wihigie árīrā opa arī wereniġuiñorā:

—¿Bosenure iagū aribiribocuri Jesu mua pepicū? arī wereniġuiñorā erā basi.

⁵⁷ Eropirā pahia oparā, fariseo masa sā opa arī weredoreñorā masare:

—Jesu iġu árīrore mua masirā wereque ġuare. Iġure ñeamorā iiaa ġua, arīñorā oparā masare.

12

María Jesu guburire poresuri mera pipeoñumo

Mt 26.6-13; Mr 14.3-9

¹ Pascua bosenu seis nuri gohra duhyacū Jesu ġua iġu buherā mera Betaniague eġabu. Lázaro Jesu iġu masudigu iri maca majagu árīmi.

² ġua ejara puhru Jesu sā ġua ya bari árīburire iima gajirā. Eropirā Lázaro, Jesu, ġua mera mesare doġabu. ġua eropa doġara puhru Marta barire peomo ġuare.

³ Eropigo María poresuripare nardo waicuri goripare yuju kilo deco aigari, Jesu guburire pipeomo. Pipeotuha igo poari mera tucoemo. Igo eropa pipeora puhru iri wihi oaro poresu sehya wabu.

⁴ Igo eropa iicu iha gua mera majaga, Jesure ihaturirare wiabu Juda Iscariotepu opa arimi:

⁵ —¿Duhpigo iri poresuri eropa iisiriri igoa? Irire igo duaboañumo. Irire duago yuju bojori mohmeri wajapare wajataboañumo. Eropigo mojomorocarare oboañumo igo, arimi iğu.

⁶ Judapu mojomorocarare itamudiabirñumi. Iğu gua ya niyeru dibugu ariqueregu ta yajaricugu arimi. Eropigu iğu gua ya niyeru sare yujuyerisuburi aimirimi. Eropigu iri niyerure aidiagu arigu, eropa arinumi iğu Mariare.

⁷ Iğu eroparicu peegu opa arimi Jesu:

—Eropa aribita igore. Igo poresurire yure igo duarare yure pipeoamo yure era yaaboro core yu duple amuyugo. Mojomorocarapu mua mera eropa ariniguicaracoma. Eropira mua gamero erare omasia mua.

⁸ Yupu i yebaguere eropa ariniguicasome, arimi Jesu.

Pahia opara Lazarore wejediañuma

⁹ Eropira Jesu iğu Betaniague aricu peerã judio masa bajarã igure iarã arima. Iğu dihtare iarã aribirima. Lazaro sridigu Jesu iğu masudigure iğu sare iarã arirã iima.

¹⁰ Era iarã ejarare pahia opara masira Lazarore wejediañora.

¹¹ Lazaro sridigu Jesu iğu masudigu aricu iarã bajarã masa Jesure umupeoma. Iğu eropa masucu iarã bajarã judio masa era pahia era buheripare coama. Era eropa cocacu iarã pahia oparapu guataria wa, Lazaro sare wejediañora.

Jerusalengue ejañumi Jesu

Mt 21.1-11; Mr 11.1-11; Lc 19.28-40

¹² Pascua bosenu era icu bajarã masa Jerusalengue iarã wanira arima. Gajinu Jerusalengue Jesu iğu waburire masa peenira arima.

¹³ Eropira bejepure aiga, igure bocatirira wama. Eropa bocatirira opa arã gaguiniguima era.

—Ire umupeora. Ihi Goamu iğu obeodigu oaro ariporo. Ihi judio masa mari opu ta ahrimi, arã gaguiniguima era.

¹⁴ Jesu burrogã iğu bocadigu weca peyami. Iğu eropiigu Goamu yare era gojarapu werediro dopa ta iimi. Opa arã gojañumi Goamu yare weryumuhadiguge.

¹⁵ Jerusalen waicuro majara guibiricaque mua. Iaque. Mua opu burrogã weca peyagirimi, arã weremuhañumi Goamu yare era gojarapugue.

¹⁶ Irire gua iğu buherã oaro masinibiribũ. Eropa masibiriquerera ta umarogue Jesu iğu muriara puhru gua era gojara murare guña boca pee masibu. Opa arã pepibu: “Goamu yare era gojarapugue Jesure weremuhañuma. Eropiro Goamu yare era gojarapu aridiro dopa ta sihababu Jesure,” arã pepibu gua basi.

¹⁷ Lazarore era apira gobegue arigure Jesu iğu piyucu igure iğu masucu ñanirapu weresiringuinira arima masare.

¹⁸ Eropira Lazarore Jesu iğu masurare era peenira arira masa bajarã Jesure bocatirira wama.

¹⁹ Era Jesure eropa umupeocu iarã fariseo masa era basi opa arionã.

—Aripehrera Jesu yara dihta warã iima dohpaguere. Eropira mari dohpa iimasibea era, arionã fariseo masa era basi.

Bajameraga Griego masa Jesure amagariñuma

²⁰ Eropi bosenu Goamu wihigue Goamure umupeora eranira mera majara bajameraga griego masa arionã.

²¹ Eropira era Felipe pohrogue erañora. Felipepu Betsaida waicuri maca Galilea yeba ariri maca majaga arimi. Eropira iğu pohrogue erara opa arionã igure:

—Jesure iadiaca gua, arionã era.

²² Era eroparicu peegu Felipe Andreguere weregu wapu. Eropira era pera Jesure werema.

²³ Era werera puhru Jesu guare weremi:

—Yuhu masu Goamu iğu obeodigu ahraa. Yare aripehrera umupeoburibusu ariro iiaa dohpaguere. Dohpaguere yu siriburibusu ariro ta iiaa.

²⁴ Diaye muare arĩgu iiaa. Oteriyere yebague yaabiricũ, iriyere otebiricũ yujuye ta dujaroca. Eropiro iriyere mari otera puhru bajayeri ducasua. Eropa ta yu sũrira puhru yare erã yaara puhru bajarã masare Goãmu mera eropa arĩniguimorãre iiguca yũhu.

²⁵ I yeba mua arĩrĩre wuaro pepiboca mua. Eropa pepirã Goãmure guñabirã peamegue warãca mua. I yeba mua arĩrĩre eropa pepicãrã, Goãmũ mera eropa arĩniguirãca.

²⁶ Yahare iidiarã, yu buherire ðaro peeque mua. Mua eropa iirã mua sã yu arĩboroguere arĩrãca. Yahare iigure yu Pagupu umupeogucumi, arĩmi Jesu guare.

Jesu ĩgu sũriburiñere wereñumi

²⁷ Ōpa arĩnemomi guare.

—Dohpaguere yũhu ñero sũporãcua. ¿Yu Pagure dohpa arĩgucuri yũhu? “¿Ahũ, yu ñero taribore tauque,” ¿arĩbocuri yũhu? Irĩre arĩbeaa yũhu. Ñero taribu ta i yebaguere aribũ. Eropiro yu ñero tariburisubũ dohpaguere ahraa, arĩ weremi Jesu guare ĩgu buherãre.

²⁸ Eropigu õpa arĩmi ĩgu Pagure:

—Ahũ, mu turagu arĩrĩre dohpaguere ĩhmuque masare, arĩmi Jesu ĩgu Pagure.

Īgu eroparicũ umarogue wereniguro caribũ.

—Turagu yu arĩrĩre masare ĩhmutuhabũ. Dohpaguere eropiigu dipaturi ĩhmuquca masare, arĩro caribũ.

²⁹ Eroparicũ peerã ero niguirã masa bajarã õpa arĩma:

—Bupu arĩcumi eropa busugu, arĩma masa.

—Anyu Jesure weregu iiami, arĩma gajirã masa.

³⁰ Ōpa arĩmi Jesupu:

—Umarogue yare peedorero eropa busubiro carabũ. Muapure peedorero eropa carabũ.

³¹ Dohpaguere i yeba majarã erã ñeri iira dipuwaja dipuwajacurãcoma. I yeba majarã erã opure watĩre Goãmũ cóagucumi.

³² Eropigu crusague yare erã aĩ wahgũ nugucũ bajarã masare yaharã arĩmorãre iiguca yũhu, arĩmi Jesu.

³³ Eropa arĩgu crusague ĩgu sũribore weregu iimi Jesu masare.

³⁴ Īgu eroparicũ peerã masapu ĩgure õpa arĩma:

—Goãmũ yare erã gojarapũ õpa arãa: “Cristo arĩpehrerinuri arĩgucumi,” arĩ gojañuma. ¿Īgu eropa arĩ gojacũ mure masare Goãmũ ĩgu obeodigure dohpa arĩronore mure wejẽ crusague aĩ wahgũrãcuri masa? ¿Goãmũ ĩgu obeodigu noa ahriri ĩgu? ¿Cristo arĩbeari muhu? arĩ serẽpima erã Jesure.

³⁵ Erã eroparicũ õpa arĩ yũhrimi Jesu:

—Boyoriñe iro dopa arĩgu masare Goãmũ yare ðaro masicũ iiaa yũhu. Puhruñarigã mua mera arĩsome yũhu. Muare yu buhecũ dohpaguere peeque ñerire mua iibiriburire, Goãmũ mera mua eropa arĩniguiburire. Yu buherire peebirã naitĩaro curirã iro dopa erã waborore masibeama.

³⁶ Eropigu boyoriñe iro dopa ta arĩgu yũhu ta ahraa. Eropigu muare buhegu Goãmũ yare ðaro masicũ iiaa muare. Dohpaguere yu waboro core yare umupeoque. Eropa umupeorã yaharã arĩrãca mua, arĩmi Jesu.

Eropa arĩ weretuha waha wami erãre duhri wahgãgu.

Judio masa Jesure umupeobiriñuma

³⁷ Bajasuburi Goãmũ turari mera erãre Jesu ĩgu deyro moarire ii ĩhmuquerecũ ta judio masa bajarã ĩgure ne peediabirima.

³⁸ Goãmũ yare erã gojarapũ Isaia mũru ĩgu gojadiro dopa ta eropa iirã iima erã. Ōpa arĩ gojañumi Isaia:

Goãmũ, mu buherire gua werecũ masa peediabeama. Mu turarire erãre muhu ii ĩhmuquerecũ ta irire “Diaye arĩbeaa,” arĩma erã, arĩ gojañumi Isaia Goãmũ yare gojarapũgue.

³⁹ Erã eropa peediabiricũ ĩagu Goãmũ erãre masibiricũ iĩñumi. Iri sãre Isaia õpa arĩ gojañumi daja:

⁴⁰ Cuiiri ĩhajibirã iro dopa arĩcũ iidi arĩmi Goãmũ erãre. Eropigu ĩgu yare masibiricũ iidi arĩmi erãre. Eropirã ĩgu turarire erã ĩaquererã ta erã ĩarare masibirinirã arĩma erã. Eropirã ĩgu buherire peequererã ta irire masibirinirã arĩma erã. Goãmũ yare masirã erã ñerire cóadoreboñuma. Eropigu erãre taubonũmi ĩgu, arĩ gojañumi Isaia Goãmũ yare erã gojarapũgue.

⁴¹ Isaia Cristo turarire masiyudigu eropa arĩ gojamũhtañumi.

⁴² Gajirā Jesure erā umupeobiriquerecū ta judio masa sã oparā mera majarā sã bajarā Jesure umupeonirā árīma. Eropa erā umupeoquererā ta erā fariseo masare güirā gajirā masare Jesure erā umupeorire werebirinirā árīma. Irire erā werēcū peerā gua judio masa buheri wihigue erāre ñajadorebiriboñuma fariseo masapũ.

⁴³ Goãmure mucubiricū iidiaquererā ta erā tauro masapũre mucubiricū iidianirā árīma erā. Eropirā erā Jesure ne umupeorā “Jesu yarā áhrea,” arī gajirāre weredia-birinirā árīma.

Jesu wererire erā peediabiriri dipuwaja masa dipuwajacũrãcoma, arī wereñumi Jesu

⁴⁴ Masa bajarā gua pohro gamenerenirāre Jesu turaro busuro mera weremi:

—Yũre umupeogu yũ dihtare umupeobeami. Yũre obeodigu sãre umupeomi ĩgu.

⁴⁵ Eropirā yũre masirā yũre obeodigu sãre masima.

⁴⁶ Yũhũ boyoriñe iro dopa ta árĩgu yũhũ Goãmũ yare buhegu áhrea i yebaguere. Eropigu Goãmũ yare muare masicū iiaa. Yũre umupeogu naitĩaro wagu iro dopa ñerire iinguisome. Yũre umupeogu diaye pepigucumi.

⁴⁷ Gajirā yũ wererire peequererā ta irire yuhribeama. Erā eropa yuhribiriquerecū ta, erā yuhribirira dipuwaja moasome yapũ dohpa. I yebaguere dipuwaja moagu arigu aribiribu yũhũ. I yeba majarāre peamegue wabonirāre taugu arigu aribu yũhũ.

⁴⁸ Yũre gamebigũre yũ wereri sãre gamebigũre dipuwaja moari árĩroca. ĩgu yũre peeberirira dipuwaja i umũ pehrecū dipuwajacũgucumi.

⁴⁹ Yũhũ yũ gamero werebeaa. Yũ Pagũ yũre obeodigũpũ yũre weredoremi. Eropiro yũ wereripũ ĩgu ya wereniguii áhrea.

⁵⁰ ĩgu ya wereniguirire peerā Goãmũ mera eropa árĩniguirãca mũa. Eropigu yũ Pagũ ĩgu weredorediro dopa ta werea muare, arĩmi Jesu guare.

13

Jesu ĩgu buherāre guburire coeñumi

¹⁻³ Eropi Pascua bosenu coregā árĩbũ. Iri ñamire Jesu gua ĩgu buherā mera iri bosenure babu arĩmi. Eropigu i yebare ĩgu wiriaborore ĩgu Pagũ pohro waburire merogā duhyacũ masidigu arĩmi Jesu.

Gua barisubu Judare watĩ doretuhadigu arĩmi ĩgu pepirigue. Eropigu ĩgũre Simo Iscariote magũre Jesure ñaturirāre iri ñamire ĩgu wiaburire doretuhadigu arĩmi. Jesu ĩgu yarāre i yeba árĩrāre burigā mahidigu arĩmi. Eropigu ĩgu mahirare ihmubu gua guburire coemi. ĩgu Goãmũ pohrogue ĩgu arirare, pũhũ ĩgu umarogue ĩgu mariaburi sãre masidigu arĩmi. ĩgu Pagũ Goãmũ ĩgũre árĩpeherrerā weca opu ĩgu apira sãre masidigu arĩmi.

⁴ Eropa masiqueregu wahgãnũgaja, ĩgu suhriro weca majañere tuwea suhriro gasiro mera ĩgu paru yũjũre dirimi.

⁵ Dirituha soropa mera decore pisã, guare ĩgu buherāre gua guburire coeñugami. Guare coetuha ĩgu dirira gasiro mera tucoemi gua guburire.

⁶ Gajirā buherāre coegã, Simo Pedroguere ejami. ĩgu guburire ĩgu coeboro core, Pedropũ ĩgũre opa arĩmi:

—Opũ, ¿yũ guburire coebu iiri muhũ? arĩmi Jesure Pedro.

⁷ —Dohparagã yũhũ mũre iiburire masibeaa muhũ. Eropa masibiriqueregu ta pũhũ masigũca, arĩmi Jesu ĩgũre.

⁸ —Yũ guburire ne coesome muhũ, arĩmi Pedro.

—Mũre yũ coebiricū yahagu árĩsome muhũ, arĩmi Jesu.

⁹ —Opũ, yũ guburi dihtare coebiricãque. Yũ guburire, yũ mojotorire, yũ dipuru sãre coeque, arĩmi Pedro.

¹⁰ ĩgu eroparicū Jesu opa arĩmi:

—Yũjugũ masũ guhagu ĩgu dupũre ðaro tucoep homi. Eropiro ĩgũre dipaturi tucoema masiya mara. ĩgu guburi dihtare coero gahmea. Árĩpeherrerā mũa ñeri iirare coenirā mũa árĩquerecū ta yũjugũ mũa mera majagu ĩgu ñerire coeya marigu áhrimi, arĩmi Jesu.

¹¹ Jesu ĩgũre ñaturirāre wiabure masituhãñumi. Eropa masigu “Yũjugũ mũa mera majagu ĩgu ñerire coeya marigu áhrimi,” arĩñumi ĩgu.

¹² Gua guburire coetuha, suhrirore sañatuha, doajami daja ĩgu doadiro ta. Tuhaja opa arĩmi guare:

—¿Dohparagã yũhũ muare iirare masiri mũa?

¹³ Mũa yũre “Buhegu,” arĩ piyurã, “Opũ,” arĩ piyurã diaye ta arĩrã iiaa yũre. Mũare buhegu, mũa opu diaye ta áhrea yũhũ.

¹⁴ Eropirā yuhū muare buhegu, maa opu áríqueregu ta maa guburire yu coecū maa sã maa mera majaräre guburire coeque.

¹⁵ Dohparagã maa iiburire muare ihmuabu. Maa mera majaräre maa itamuburire muare ihmuabu. Muare yu iidiro dopa ta maa sã iique.

¹⁶ Diaye muare arĩgu ta iiaa. Maa yu pohro majarã dopa arĩrã yu tauro áríbeaa. Muare buhedore yu obeorã áhrraa maa. Eropirã yu tauro áríbeaa maa. Eropa iigu ta “Yu iidiro dopa ta iique,” arãbu yuhū muare.

¹⁷ Ire maa masirã, yu dorerire iirã, mucubirirã árĩrãca maa.

¹⁸ “Muare árĩpehreräre eropa arĩbeaa. Yu beyeniräre masia yuhū. Goãmū yare erã gojarapũ arĩdiro dopa ta eropa waroca. “Yu mera bagu ta yare wejẽdiami,” arĩ gojanuma Goãmū yare erã gojarapũgue.

¹⁹ Igu yare eropa wiaboro core ire wereyugu iiaa muare. Yare igu eropa iira puhru “Jesu ta Cristo Goãmū igu obeodigu áhrimi,” maa arĩburire ire muare wereyugu iiaa yuhū.

²⁰ Diaye ta muare arĩgu iiaa. Yu obeoniräre gamegu yu sãre gahmemi igu. Eropigu yare gamegu yare obeodigu sãre gahmemi igu, arĩmi Jesu guare igu buheräre.

Juda Jesure ihaturiräre igu wiaborore wereñumi Jesu

Mt 26.20-25; Mr 14.17-21; Lc 22.21-23

²¹ Eropa arĩ weretuha Jesu turaro bujaweremi. Eropa bujaweregu ðpa arĩ weremi igu guare.

—Diaye muare arĩgu iiaa. Yujugu maa mera majagu yare ihaturiräre wiagucumi, arĩmi Jesu.

²² Igu eroparicũ peerã Jesure wiabure masibirã, gaa game ihamehtubũ.

²³ Yuhū igu buherã mera majagu Jesu igu mahigupu igu pohro doabu.

²⁴ Eropigu Simo Pedro yare igu mojoto mera sipu serẽpidoremi Jesure igure wiabure:

²⁵ Eropigu yupu Jesu pohro doadigu serẽpiñabu igure:

—Opu, ¿nihire arĩgu iiri mahu? arĩbu yuhū.

²⁶ —Iru panrure mohwa aĩ, yuhū yoso ogu igu ta áhrimi yare wiabu, arĩmi Jesu.

Eropa arĩtuha iriru panrure igu mohwarañere yosotuha Judare Simo Iscariote magure omi.

²⁷ Eropigu panre igu ora puhru watĩpu Judare ñero iidoredigu arĩmi. Eropigu Jesu igure ðpa arĩmi:

—Ma iiburire yojaro mera ii purumujuque mahu, arĩmi Jesu Judare.

²⁸ Igu eroparicũ peerã gaa mesague doanirã Jesu Judare igu arĩrare masibiribũ.

²⁹ Yujurãyeri gaa ðpa arĩ pepiribũ: “Juda gaa niyerure dibugu áhrimi. Eropigu bosenu gaa baburire asũdoregu obeoami Jesu Judare. Mojomorocuräre niyerure odoregu iiami Jesu,” arĩ pepiribũ gaa yujurãyeri.

³⁰ Eropigu Juda iri panre ñeatuha wiria wami. Igu wiriarasubure ñami arĩbu.

Mama doreriñere wereñumi Jesu igu buheräre

³¹ Igu wiriara puhru guare ðpa arĩmi Jesu:

—Dohpague tamerare yuhū masu Goãmū igu obeodigu yu turagu árĩrĩre ihmuçucumi Goãmū masare. Eropigu Goãmū igu turagu árĩrĩre ihmuçuca yupu.

³² Eropigu Goãmū turarire yu ihmucũ igu yu turari sãre dohparagã ihmu purumu-jugucumi.

³³ Yu porã, yare peeque. Bajamenurigã maa mera árĩniçuca. Yare amarãca maa. Eropigu judio masare yu arĩdiro dopa ta maa sãre arãa. “Yu waborore mearu wamasibeeaa,” erãre yu arĩdiro dopa ta maa sãre werea.

³⁴ Mama doreriñere muare weregura. Maa mera majaräre mahique maa. Muare yu mahidiro dopa ta maa mera majaräre mahi umupeoque.

³⁵ Eropirã maa mera majaräre maa mahicũ iha gajirã yaharã maa árĩcũ iha masirãcoma, arĩmi Jesu.

“Jesure masibeeaa,” Pedro igu arĩburire wereñumi Jesu

Mt 26.31-35; Mr 14.27-31; Lc 22.31-34

³⁶ Igu eroparicũ Simo Pedro Jesure serẽpimi:

—Opu, ¿nohogue wagucuri mahu? arĩmi Pedro. Igu eroparicũ Jesu yuhrimi:

—Yu waboroguere dohpaguere yu mera wamasibeeaa mahu. Dohpaguere wamasibiriqueregu ta puhru yu pohro waguca, arĩmi Jesu Pedroro.

³⁷ Pedro arĩmi:

—Opu, ¿duhpigu dohpaguere mu mera wamasibiribocuri yuhũ? Yare erã wejẽdiaquerecũ yuhū mare duhosome. Itamuguca, arĩmi Pedro Jesure.

³⁸ —¿Mũ eropa arĩgu diaye ta yũre itamugũcũri? Diaye mũare weregu iiaa. “Jesure masibea,” arĩguca mũhũ gajirãre. U̯hresubu eropa arĩguca cãreña ĩgu wereboro core, arĩmi Jesu Pedrore.

14

Jesu Goãmu pohrogue wari maha iro dopa ãhrraa yũhũ, arĩ wereñumi

¹ Pũhrũ Jesu guare òpa arĩ weremi:

—Ne bujawere wũaro guñaricũbiricãque. Goãmũare “Diaye ta iigu ãhrimi,” arĩ umupeoque. Eropirã yũ sãre eropa umupeoque.

² Yũ Pagũ ĩgu arĩroguere baja wiri ãhrraa. Mũa arĩborore amuyugũ wagara. Iri diaye ta ãhrraa. Eropigu mũare irire werea.

³ Eropigu mũa arĩborore amutuha, dujarigura yũhũ. Eropigu yũ pohrogue mũa arĩmorãre aĩgu arigura yũhũ daja.

⁴ Eropirã yũ waburi mare masia mũa, arĩmi Jesu guare ĩgu buherãre.

⁵ —Opu, mũ waborore masibea gũa. ¿Eropirã dohpa ii mũ waburi mare masirãcũri gũa? arĩ serẽpimi Toma Jesure.

⁶ ĩgu eropa arĩ serẽpicũ Jesupu yũhrimi:

—Goãmũ pohrogue wari maha iro dopa arĩgu tiiaa yũhũ. Eropigu diaye arĩrĩre weregu arĩcãgu tiiaa yũhũ. Eropigu umaroguere ojocarĩnguicũ iigu arĩgu tiiaa yũhũ. Eropirã yũre umupeorã dihta yũ Pagũ pohrogue warãcoma.

⁷ Nere yũre masirã arĩrã, yũ Pagũ sãre masiboaya mũa. Dohpaguere ĩgũre ĩhaa mũa. Eropirã ĩgũre masituhabu mũa, arĩmi Jesu.

⁸ ĩgu eroparĩcũ Felipe òpa arĩmi:

—Opu, mari Pagure ĩhmuque guare. Iripẽta gahmea gũa, arĩmi ĩgu.

⁹ ĩgu eroparĩcũ Jesu weremi:

—Felipe, ¿yoari boje yũ mera arĩqueregu ta, mũ masinibeari yũre? Yũre ĩagu yũ Pagũ sãre ĩatuhami. “Eropigu mari Pagure ĩhmuque guare,” ¿duhpigu eropa arĩri mũhũ yũre?

¹⁰ Yũ Pagũ mera yujugũ ta ãhrraa yũhũ. Irĩre “Diaye arĩbeaa,” ¿arĩgu meje iiri mũhũ? Mũare weregu yũ gamero weregu ĩbeaa. Yũ Pagure werebasagu iiaa. Eropigu ĩgu yũ mera arĩgu ĩgu turari mera ii ĩhmumi.

¹¹ Yũhũ, yũ Pagũ mera yujugũ ta ãhrraa. Yũ eroparĩcũ irĩre “Diaye ta ãhrraa,” arĩ pepĩque mũa. Irĩre “Diaye ta arĩbeaa,” arĩdiarã, Goãmũ turari mera deyoro moarĩre yũ ii ĩhmurĩre ĩaque. Eropa ĩara pũhrũ yũ Pagũ mera yũ yujugũ ta arĩrĩre “Diaye ta ãhrraa,” arĩ pepĩque mũa.

¹² Diaye mũare arĩgu iiaa. Yũre umupeogu yũ iidiro dopa ta iigũcumi. Eropigu ĩgũru yũ tauro iigũcumi. Yũ Pagũ pohrogue wabu iiaa dohpague. Eropigu yũre umupeogu yũ tauro Goãmũ turari mera ii ĩhmugũcumi.

¹³ Eropigu yũre umupeorãre erã yũ waĩ mera serẽropẽ ta iigũra. Eropa iigu yũ Pagũ ĩgu turarĩre ii ĩhmugũca.

¹⁴ Yũre umupeorã mũa arĩcũ mũa serẽropẽ ta iigũra, arĩmi Jesu.

Espĩritu Santore mũare obeogura, arĩ wereñumi Jesu

¹⁵ Eropa arĩtuha guare òpa arĩnemomi:

—Yũre mũa mahirã, yũ dorerire ĩpehorãca.

¹⁶ Yũ Pagure serẽgũra. Yũ eropa serẽcũ yũ Pagupu gajigũre mũare itamubure mũare obeogũcumi. Eropigu ĩgu mũare itamubupu umuri nũcu mũa mera arĩgũcumi.

¹⁷ ĩgu diaye majare weregu Espĩritu Santo ãhrimi. I yeba majarãpu Espĩritu Santore masibeamã. Eropirã ĩgũre opamasibeamã. ĩgu ta mũa mera arĩgũcumi. Eropirã mũa ĩgũre oparãca. Eropirã ĩgũre masia mũa.

¹⁸ Mũare cóãsome yũhũ. Mũa mera arĩbu dujarigura yũhũ daja.

¹⁹ Merogã duhyaa yũ waboro. Yũ warã pũhrũ i yeba majarã yũre umupeobirĩnirã yũre dipaturĩ ĩasome. Mũaru yũre ĩarãca. Yũ ojocarĩcũ mũa sã umuri nũcu Goãmũ mera ojocarĩrãca.

²⁰ Irĩnũ yũ dujarĩburĩnũre yũhũ, yũ Pagũ mera yujugũ ta yũ arĩcũ masirãca mũa. Eropirã yũ mera mũa arĩcũ mũa mera yũ arĩcũ sãre masirãca mũa.

²¹ Yũ dorerire iigu yũre mahigu ta ãhrimi. Eropigu yũre mahigũre yũ Pagupu mahigũcumi. Eropigu yũ sã ĩgũre mahigũca. Eropigu ĩgũre yũre òaro masicũ iigũca, arĩmi Jesu guare ĩgu buherãre.

²² Gũa mera majagu gajigu Juda waĩcũgu arĩmi Iscariote arĩbigũ. Òpa arĩmi ĩgu Jesure.

—Opu, ¿dohpa iigucuri muhu guare eropa arigu? ¿I yeba majaräre mere masicü iibigu dohpa iigucuri muhu gua dihtare mere masicü iigu? arí serëpimi Juda.

²³ İgu eroparicü Jesu yuhrimi:

—Yure mahirä yu dorerire ðaro iima. Erä eropa iicü yu Pagupu eräre mahigucumi. Eropirä erä mera arirä ariräca gua.

²⁴ Yure mahibigu yu dorerire iibeami. Eropiro yu wereri mua peerapu yu wereniguiri aribeaa. Yure obeodigu ya wereniguiripu ahraa. İgu yu Pagu ta ahrimi.

²⁵ Mua mera arinigu ire muare wereniguigu iiaa.

²⁶ Puhru yu serëcü yu Pagu Espiritu Santore obeogucumi muare. Eropigu Espiritu Santopu muare itamubu arigu, muare buhepehogucumi İgu. Eropigu muare yu wererare guñacü iigucumi İgu.

²⁷ Muare ðaro aricü iiguca yuhu. Yuhu ðaro aridiro dopa ta ðaro aricü iiguca muare. I yeba majarä erä iidiro dopa iisome yuhu. Yu tamera diaye ðaro aricü iiguca muare. Bajawere wuaro guñaricubiricäque mua. Eropirä güibiricäque mua.

²⁸ “Yuhu waguca. Eropigu mua mera aribu dujariguca daja,” muare yu eropa arí werecü peetuhabu mua. Irire masirä arirä mucubiriboaya mua. Yure mua diaye mahinirä arirä mucubiriboaya mua. Yu Pagupu yu tauro turami. Eropirä İgu pohroque yu waborore mua masira puhru yure mahirä mucubiriboaya mua.

²⁹ Yure mua umupeoburire yu waborore weryugu iiaa muare.

³⁰ “I yeba majarä opu watí doregu iimi dohpaguere. Eropigu İgu eropa dorecü yuhu mua mera wereniguituboro merogä duhyaa. İgupu yure tarinugamasibeami.

³¹ Yure yu Pagu İgu dorero dopa ta iiaa yuhu. Eropa ta iiaa yuhu yu Pagure yu mahirire i yeba majarä erä masiburire.

“Wahgänugajaque. Ina warä, arimi Jesu guare İgu buheräre.

15

Jesu iguiru iro dopa ahraa, arí wereñumi

¹ Eropigu werenigui queori mera buhegu guare opa arimi Jesu:

—Yuhu iguiru diaye majaru iro dopa arigu ahraa. Yu Pagupu iguirure İhadibugu iro dopa arigu ahrimi.

² İguirure iri dupari gamesuriro dopa ta mua yaharä yu mera ahraa. Duca mariri duparire iguirure İhadibugu İgu peha cóaro dopa ta yu Pagu İgu gamerire iibiräre cohämi. Ducacuri duparire iguirure İhadibugu İgu amuro dopa ta yu Pagu İgu gamerire iiräre itamugucumi İgu “Yu gamerire inemoporo,” arigu.

³ Yu wererire peerä, “Diaye ta ahraa,” aräa mua. Eropigu yu Pagu mua ñeri iiräre cóatuhami.

⁴ Yure gamesuriro dopa ta yu mera majarä arique mua. Eropigu mua mera ariguca. İguiru dupari iguiru mera gamesuribiro ariro iri duparipu duca mara. Eropa ta yu mera majarä ðaro aribirä sä yu Pagu gamerire iimasibea mua.

⁵ İguirure iri dupari gamesuriro dopa ta mua yaharä yu mera ahraa. Iri dupari iguirure ðaro gamesuriro ariro ducacua. Mua sä yure ðaro gamesurirä yu Pagu gamerire iiaa. Yure gamesurirä aribirä İgu gamerire iimasibea mua.

⁶ Ñeri duparire turira dupare İgu cóaboro dopa ta yu mera majarä aribiräre yu Pagu cóagucumi. Iri dupari ñaicü İha iguirure İhadibugu iri duparire aİ gameneo peamegue soecägucumi. Eropa ta iigucumi Goämü yu mera majarä aribiräre.

⁷ “Yu mera majarä arirä yu buherire cadijibiriboca mua. Eropa cadijibirä mua gameropë ta yure serëque. Eropigu mua serëropë ta ogura.

⁸ Yu Pagu gamerire mua iirä aricü İarä, “Oä Jesu yarä ahrima,” arí masiräcoma gajirä masa. Eropirä muare İarä yu Pagure umupeoräcoma.

⁹ Yu Pagu İgu yure mahidiro dopa ta yu sä muare mahia. Eropirä yu mahiri mera arique mua.

¹⁰ Yu Pagu İgu dorerire iiaa yuhu. Eropigu İgu mahigu ariniguia yuhu. Eropa ta mua sä yu dorerire iirä yu mahirä ariniguicäräca mua.

¹¹ “Ire muare wereabu yu mera mua ðaro mucubiriborore. Eropirä turaro mucubiriräca mua.

¹² Opa dorea muare: Muare yu mahidiro dopa ta mua mera majaräre mua sä mahique.

¹³ Yujugu masu İgu mera majagu yañe ariborañe sirigu İgu mera majagure burigä mahiami gajirä mahidiro tauro.

¹⁴ Eropirä yu dorerire iirä yu mera majarä ahraa mua.

¹⁵ Diaye ta mua yu mera majarä gohra ahraa. Mua eropa arirä aricü aripehrerire yu iiräre werea muare. Pohro majagu İgu opu iiburire masibeami İgu. Eropigu “Yu

pohro majarā bu árīrā āhraa m̄aa,” arībeaa m̄aare. Yu Pagu ĩgu yure wererare m̄aare werepehoabu. Eropa weregū “Yu mera majarā āhraa m̄aa,” m̄aare arāa dohpaguere.

¹⁶ M̄aaru yure beyebiribu. Yuru m̄aare beyebu yu Pagu gamerire m̄aa iimorāre. M̄aa eropa iicū m̄aa eropa iiri ne yuju diaye gohra árīsome. M̄aa eropa iicū yure m̄aa umupeocū yu Pagu m̄aa serēropē ta m̄aare ogucumi.

¹⁷ Ire m̄aare dorea yahu: M̄aa basi game mahi umupeoque, arīmi Jesu.

Jesure ĩgu yarā sāre i yeba majarā ĩhaturire wereñumi Jesu

¹⁸ Eropigu guare werenemomi daja:

—I yeba majarā m̄aare erā ĩhaturicū ĩarā ire guñaque m̄aa: “Guare eropa ĩhaturiboro core Jesupare ĩhaturinagatuhama erā,” arī guñaque.

¹⁹ I yeba majarā gohra m̄aa árīcū, erā mera majarāre erā mahidiro dopa ta m̄aa sāre mahiboañuma erā. I yeba majarā mera m̄aa árīnicū m̄aare beyebu. Eropirā dohpaguere i yeba majarā gohra árībeaa m̄aa. M̄aa eropa árībircū ĩarā i yeba majarā m̄aare ĩhaturima.

²⁰ M̄aa yaharā árīrā “Yu tauro árībeaa,” m̄aare yu arīrare guñaque m̄aa. Eropa yu mera majarā árīrā yu ñero tariboro dopa ta ñero tarirāca m̄aa s̄a. Yure ñero iinirā ta m̄aa sāre ñero iirācoma. Yu buherire yuhrinirā ta m̄aa buheri sāre yuhrirācoma.

²¹ I yeba majarā yure obeodigure masibeama. Eropirā yure umupeorā m̄aa árīcū ñero iirācoma erā m̄aare.

²² “Erāre yu buhegu aribircū erā yure gamebirira dipuwaja mariboaya. Dohpaguere erāre yu buhera puhru “Ñeri dipuwaja mara guare,” arīmasibeama erā.

²³ Yure ĩhaturigu yu Pagu sāre ĩhaturimi.

²⁴ Goāmu turari mera gajirā erā ne iibirirare ii ĩhmubu. Eropiro erāre irire yu ii ĩhmubircū erā peebirira dipuwaja mariboaya. Goāmu turari mera yu ii ĩhmurare erā ĩara puhru yure yu Pagu sāre ĩhaturima erā.

²⁵ Eropa ĩhaturirā Goāmu yare erā gojarapū matague ta erā arī gojadiro dopa ta iirā iima erā. Ōpa arī gojañuma: “Erāre yu ñero iibiriquerecū ta yure ĩhaturima erā,” arī gojañuma matague ta Goāmu yare erā gojarapūgue, arīmi Jesu.

²⁶ Eropigu werenemomi daja:

—Yu puhrague m̄aare itamubu, yu Pagu mera árīgu m̄aare yu obeobu Espiritu Santo ta āhrimi. ĩgu diaye majare weregū ta āhrimi. Eropigu ĩgu arīgu yu árīrcūre weregucumi m̄aare.

²⁷ M̄aare yu buhenagacūgue m̄aa s̄a yu mera umuri nucū árību. M̄aa s̄a yu árīrcūre wererāca, arī weremi Jesu guare.

16

¹ Eropa arītuha guare ōpa arī werenemomi:

—Puhru yu buherire yu sāre m̄aa coābiriburire ōpa weregura m̄aare.

² Mari buheri wirigue m̄aa ñajadiacū ñajadoresome m̄aare yaharā m̄aa árīri dipuwaja. Eropirā m̄aare gajisubu wejē “Goāmu gamerire iirā iiaa,” arī pepirācoma gajirā.

³ Yu Pagure, yu sāre erā masibeama. Eropa masibirā m̄aare ñero iirācoma erā.

⁴ Eropirā m̄aare erā ñero erā iicū ĩarā, “Erā ōpa iiboro core ta Jesu guare weremhtayutuhami,” arī guñarāca m̄aa. M̄aa eropa arī guñaburire dohpaguere ire weremhtagu iiaa m̄aare, arī weremi Jesu.

Espiritu Santo ĩgu iiburire wereñumi Jesu

Eropa arītuha ōpa arī werenemomi:

—Neguere m̄aa mera árīgu ire m̄aare werebiribu.

⁵ Dohpagupare yure obeodigu pohrogue waguca. “¿Nohogue wagucuri m̄ahu?” arī ne yujugu yure serēpibeeaa m̄aa yure.

⁶ Eropa serēpibiriquererā ta yu waborore m̄aare werecū m̄aa ñero siporācua.

⁷ M̄aa ñero siporācūquerecū m̄aare ōpa diaye ta werea: Yu wara puhru m̄aare ōacāroca. Yu amarogue wabircū m̄aare itamubupu aribibocumi. Eropa wagu eja m̄aare ĩgure obeoguca yuhu.

⁸ Yu eropa obeocū ĩgu arīgucumi. Eropa eragu i yeba majarāre ñerire iirā erā árīcū masicū iigucumi ĩgu. Eropigu ōaro árīrcūburire buhegucumi ĩgu. Eropigu Goāmu ĩgu dipuwaja moaborore weregucumi masare itamubupu.

⁹ Yure umupeobirā āhrima i yeba majarā. Eropigu itamubupu masa erā ñero iircūre erāre masicū iigucumi.

¹⁰ Yu Pagu pohrogue waguca. Yu eropa wara puhru masa yure ñanisome. Eropigu itamubupu arigu ñaro ariricuri säre buhegucumi.

¹¹ I yeba majarã opure watire Goãmu dipuwaja moadoretuhami. Eropigu Goãmu masare ñgu dipuwaja moaburi säre weregucumi itamubupu.

¹² “Wuaro ñhraa muare yu wereburi. Yu eropa werenemodiaquerecã ta ire yu werecã dohparagã masisome mua.

¹³ Yu eropa werenemobiricũ Espiritu Santopu irire werenemogu arigucumi. Ñgu ñgu gamero muare weresome. Yu Pagu ñgu weredorerare muare weregucumi. Eropigu muare diaye majare werepehogucumi. Eropiro puhrugue waburire muare masicũ iigucumi ñgu.

¹⁴ Eropigu ñgu yare muare weregucumi. Eropa weregu yure umupeocã iigucumi muare.

¹⁵ Arĩpehreri yu Pagu ya sã yaha ñhraa. Eropigu “Espiritu Santo yahare weregucumi,” arãbu muare, arĩ weremi Jesu.

Bujawererã arĩquererã ta puhru mucubirirãca mua, arĩ wereñumi Jesu

¹⁶ Eropa arĩtuha ñpa arĩ werenemomi guare daja:

—Bajamenuri yure ñasome mua. Eropirã puhrugã ta daja mua yure ñarãca, arĩmi Jesu.

¹⁷ Ñgu eroparicũ peerã, guapu bajamerãgã ñpa arĩ wereniguibu gua basi:

—“Bajamenuri yure ñasome mua. Eropirã puhrugã ta daja mua yure ñarãca,” arĩgu ¿dohpa arĩgu eropa arĩri marire? Eropigu “Yu Pagu pohrogue waguca,” ¿dohpa arĩronore eropa arãri ñgu?

¹⁸ “Bajamenuri puhru,” arĩgu ¿dohpa arĩgu eropa arãri ñgu? Ñgu wererare ñaro pee masibea mari, arĩbu gua basi.

¹⁹ Gua eropa arĩ wereniguicũ Jesu ñgure gua serẽpidiarire masigu guare ñpa arĩ weremi:

—“Bajamenuri yure ñasome mua. ¿Eropirã puhrugã ta yure ñarãca daja,” yu arĩrare serẽpidiari mua? ¿Irire yu arĩrare masibeari mua?

²⁰ Diaye muare arĩgu iiaa: Yuhu sircũ ñarã mua orerãca. Eropirã burigã bujawererãca. Yure umupeobirinirãpu mucubirirãcoma. Muapu bujawerenirã arĩquererã puhru mucubirirãca mua.

²¹ Ñpa ñhraa iri: Nomeo niji wahgũgo igo ñero tariburisububũ ñhraa. Eropigo igo turaro bujaweremo. Eropa bujawerequerego, igo magugã dehyoacũ ñago mucubirimo. Eropigo igore pũrirare guñabeamo igo pare.

²² Eropa ta mua dohpaguere bujawererãca. Puhru mua yure ñarãca daja. Eropirã mua turaro mucubirirãca. Mua eropa mucubiririre gajirã muare bujawerecã iimasosome.

²³ “Irinu yure mua ñarinare yure serẽpisome mua. Yu Pagupu mua serẽrire ogucumi. Diaye ta muare arĩgu iiaa. Yure mua umupeocã ñagu yu Pagure yu waĩ mera mua serẽrire ñgu muare ogucumi.

²⁴ Yu ñpa waboro core mua yure waĩpeo Goãmure serẽnibiribu mua. Dohpaguere yure waĩpeo Goãmure serẽque. Mua eropa serẽcũ muare ñgu ogucumi mua turaro mucubiririre, arĩmi Jesu guare.

Ñerãre Jesu ñgu tarinũgarire wereñumi ñgu buherãre

²⁵ Eropa arĩtuha ñpa arĩnemomi:

—Werenigui queori mera muare weremurabu. Eropa werequeregu ta puhru muare werenigui queori mera weresome pare yuhu. Yu Pagupure mua ñaro peeboro dopa weregura muare.

²⁶ Irinure mua ya arĩburire muare serẽbasasome yuhu. Yure umupeorã yaha waĩ mera mua basi ñgure serẽrãca.

²⁷ Mua yure mahirã ñhraa. Eropirã yu Pagu pohrogue yu aridigu arĩcũ “Diaye ta ñhraa,” arãa mua. Eropa arĩrã mua arĩcũ ñagu, yure mahirã mua arĩcũ ñagu yu Pagu sã muare mahimi. Ñgu eropa mahicũ mua ñgure serẽrãca.

²⁸ Yu Pagu pohro arĩdigu arĩgu i yebaguere aribu yuhu. Eropigu dohpaguere i yebagu arĩdigu arĩgu yu Pagu pohrogue dujaguca daja, arĩmi Jesu.

²⁹ Ñgu eroparicũ gua ñgu buherã ñpa arĩbu:

—Dohpague tamerare werenigui queori mariro wereniguigu ñaro diaye wereniguigu iiaa muhu guare.

³⁰ Muhu ñaro masipehogu mu arĩcũ gua dohpague ta ñaro masia. Eropirã gajirã mure buhemasibeamu. Eropirã irire gua dohpaguere ñaro masia. Gua irire ñaro masirã arĩrã Goãmu pohrogue mu aridigu arĩcũ “Diaye ta ñhraa,” arãa, arĩbu gua Jesure.

³¹ Gua eroparicũ Jesu yũhrimi guare:

—Dohpaguere “Diaye ta ãhrraa,” ¿arĩri mũa pare?

³² Pũhrũnari mũa ya wirigue wasirirã yũre cõãrãca mũa. Mũa eropa cõãquerecũ ta yũ Pagapũ yũ mera ãhrimi. Eropigu yũhũ yujugu ta áribeaa.

³³ Ire muare wereyubu yũre mũa guñaturari mera mũa ðaro áriboro dopa. I yeba áriřisubu Goãmure gamebirã pohrogue mũa áricũ muare ñero iirãcoma erã. Erã eropa iiquerecũ ta guñaturaque mũa. I yeba majarã erã ñero iirare tarinugagu ãhrraa yũhũ. Eropirã yũre guñatura mucubirique mũa, arĩmi guare igũ buherãre.

17

Jesu igũ buherã ya áriburire igũ Pagure Goãmure serẽbasañumi

¹ Eropa arĩ weretuha Jesu ãmarogue ihamuju õpa arĩ wereniguimi Goãmure igũ Pagure:

—Ahũ, dohpaguere mũa werediro dopa ta yũre erã ñero iiburisubu ejanijaro iiaa. Yũre mũa magure erã masare umupeocũ iique. Mũa eropa iicũ masare mure umupeocũ iigũra yũ sã.

² Áripehrerã tauro opu apibũ muhũ yũre. Eropigu mũa yũre onirãre mũa mera eropa áriñiguicũ iigũca muhũ.

³ Mũa dihta Goãmũ gohra ãhrraa. Yũhũ Jesucristo mũa obeodigu ãhrraa. Eropirã áripehrerã mure masirã, yũ sãre masirã mari mera ãmaroguere eropa áriñiguicãrãcoma, arĩmi.

⁴ Eropa arĩgu ta õpa arĩnemomi Goãmure:

—I yebaguere mũa iidorerare ipehoabũ yũhũ. Eropa iigũ masare mũa turagu áriřire iĩmuabu yũhũ.

⁵ I yeba áriboro core mũa mera yũ áricũ ðaro turari opabũ. Eropigu dohpaguere mũa áriřogue irire yũ ðaro turagu áriřire iĩmuque.

⁶ “I yeba áriřãre yũre mũa onirãre mure masicũ iiaabũ. Mũa onirã mũa yarã ãhřima. Eropigu erãre ohabũ muhũ yũre. Eropirã mũa dorerire iiaa erã.

⁷⁻⁸ Yũre mũa wererare erãre buheabũ. Yũ buhecũ peerã yũ buherire gahmeama erã. Eropirã diaye ta mũa pohro aridigu yũ áricũ masima erã. Eropirã mũa obeodigu yũ áricũ sãre “Diaye ta ãhrraa,” arĩ pepima erã.

⁹ “Erã ya áriburĩ mure serẽgu iiaa. Gajirã ya áriburipure serẽgu iibea yũhũ. Yũre mũa onirã mũa yarã ãhřima. Eropigu erã ya áriburire serẽgu iiaa mure.

¹⁰ Erã áripehrerã mũa yarã ãhřima. Eropirã mũa yarãpũ yaharã ãhřima. Yũre umupeorã yũ turagu áriřire iĩmuma erã masare.

¹¹ “Dohpaguere i yebaguere dujasome yũhũ. Mũa pohro wabu iiaa. Yũ eropa waquerecũ ta dohpaguere yũre mũa onirã i yebaguere dujama. Ahũ, muhũ õagu ãhrraa. Yũre mũa onirãre mũa turari mera ihadibuque. Mũa eropa dibucũ mari yujugu ta áriřiro dopa ta yuju curu ta áriřãcoma erã sã.

¹² Erã mera áriřgu mũa turari mera erãre ðaro ihadibuabũ. Yujugu tamera peamegue wagucumi mũa yare erã gojarapũ werediro dopa ta.

¹³ “Dohpaguere mũa pohrogue wabu iiaa. Eropigu i yeba i áripehrerire mũa yarãre werea yũ mera erã ðaro mucubiriborore.

¹⁴ Mũa yare wereabũ erãre. Erã yũ iro dopa ta i yeba áriřwajamorã áribeama. Eropirã i yeba majarãpũ erãre ihatuřima.

¹⁵ “I yeba áriřãre, yaharãre aĩaque,” arĩbeaa. Eropa arĩbiriqweregu erãre ðaro ihadibuque watĩ ñerire iidoreri erãgue arĩgu.

¹⁶ I yeba majagu áribeaa. Erã sã yũ iro dopa ta i yeba áriřwajamorã áribeama.

¹⁷ Yaharãre mũa buheri mera ðarã áricũ iique erãre. Mũa wereripũ diaye ta ãhrraa.

¹⁸ I yebaguere yũre mũa obeodiro dopa ta yũpũ yaharãre mũa yare buhedoregu obeoa.

¹⁹ Mũa gamerire iibu arĩgu, siribu arĩgu erã ya áriburire siribu ãhrraa. Eropa siribu ãhrraa yũhũ yaharã sã mũa gamerire diaye erã ðaro iiburire.

²⁰ “Yaharãre dohpague áriřã dihtare itamuque,” arĩ serẽbeaa yũhũ. Yaharã gajirãre erã buhera pũhrũ gajirã sã yũre umupeorãcoma. “Erã sãre itamuque,” arãa yũhũ.

²¹ Yaharã áripehrerã erã yuju curu áriboro dopa itamuque. Yũhũ mũa mera yujugu ta ãhrraa. Mari yujugu áriřiro dopa ta erã mari mera yuju curu ta áriřoro. Yujuro mera ta áriřoro mũa obeodigu yũ áriřire áripehrerã masa “Diaye ta ãhrraa,” erã arĩburire.

²² Yũre mũa ora turarire yaharãre ohabũ. Iri turarire oparã yujugu ta mari áriřiro dopa ta erã sã yuju curu ta áriřãcoma.

²³ Yũhũ erã mera ãhrraa. Eropigu muhũ yũ mera ãhrraa. Mari eropa áriřã áricũ mari yarã diaye ta ðaro yuju curu ta áriřãcoma. Yuju curu erã áricũ iarã mũa obeodigu yũ

árĩrire i yeba majarā masirācoma. Eropirā yure mu mahidiro dopa ta yaharā säre mu mahirire masirācoma masa.

²⁴ “Ahũ, i yeba árĩboro core yure mahibu mũhu. Eropa mahigu yũ turagu árĩrire ihmubu mũhu. Eropigu yure mu onirā yũ mera erā árĩcũ gahmea yũ turagu árĩrire erā masiboro dopa.

²⁵ Ahũ, mũhu ðagu āhraa. I yeba majarā ñerā mũre masibeama. Yũpũ mũre masia. Eropirā yũhu mu obeodigu árĩcũ masima yaharāpũ.

²⁶ Mũre erāre masicũ iabũ. Pũhrũ säre mũre erāre masicũ iigũca yure mu mahidiro dopa ta gajirāre erā mahiburire. Eropigu yaharā mera árĩgũca, arĩmi Jesu mari Pagure.

18

Jesure peresu iĩnuma

Mt 26.47-56; Mr 14.43-50; Lc 22.47-53

¹ Īgu eropa arĩra pũhrũ Jesu gũa sã ĩgu buherā Cedrón waĩcũriyare taribuja, Olivo waĩcũri gorogue ejabu.

² Bajasuburi iri gorogue Jesu mera gũa gameneremũribũ. Eropigu Juda Jesure ihaturirāre wiabu iri gorore masĩmi.

³ Eropa masigu pe curu surara mera aridi arĩmi ĩgu. Yuju curu surara gohra arĩma. Gaji curu surara Goãmũ wihire corerā arĩma. Pahia oparā, fariseo masa erā obeonirā arĩma surara. Eropa arirā sihāri dipurure, eropárĩcũ yucu mojocũma erā.

⁴ Iri gorogue gũa pohrogue erā erara pũhrũ Jesu ĩgu ñero tariborore masigu, erāre bocatĩri serēpimi:

—¿Noare amarā iiri mũa? arĩmi Jesu.

⁵ —Jesu Nazare majagũre ahmaa, arĩ yũhrima erā.

—Īgu ta āhraa yũhu, arĩmi Jesu.

Judapu Jesure ñeadoregu erā mera arĩmi.

⁶ Eropirā Jesu “Īgu ta āhraa yũhu,” ĩgu arĩcũ erāpũ ũca wa yebague dusirimaagã mehmereja wama.

⁷ Erā eropa wacũ ĩagu dipaturi serēpimi Jesu:

—¿Noare amarā iiri mũa? arĩmi.

—Jesu Nazare majagũre amarā iiaa gũa, arĩ yũhrima erā daja.

⁸ —Īgu ta āhraa, arĩrabũgu yũhu mũare. Eropirā yure ñearā oāre yũ mera majarāre peresu iibiricāque, arĩmi Jesu.

⁹ Eropa gũare mahigu ne yujugũre dederecũ iibirimi. Eropa iigu ero core Goãmũre ĩgu arĩdiro dopa ta iigu iimi ĩgu. “Yũre mu onirāre ne yujugũre dedeobiribũ,” ĩgu arĩdiro dopa ta iigu iimi Jesu.

¹⁰ Eropi Simo Pedro matamijire opagu irimijire tuāwea aĩ, pahia opu pohro majure Malco waĩcũgũre ĩgu gamirore pacoro medijucāmi. Diayerũ maja gamirore pacoro medijucāmi

¹¹ Īgu eropa pacorocũ ĩagu Jesu ðpa arĩmi:

—Mũ matamijire dibuque. Yũ Pagu ĩgu yure ñero taridorero dopa ta ñero tarigura, arĩmi Jesu Pedrose.

Pahia tauro opu pohrogue Jesure aĩgãñuma erā

Mt 26.57-58; Mr 14.53-54; Lc 22.54

¹² Īgu eropa arĩtuhacũ ta surara, erā opu mera, Goãmũ wihire corerā surara sã Jesure ñeha ĩgũre dirima.

¹³ Dirĩtuha Ana waĩcũgu pohrogue aĩgãmũhtama erā. Anapu Caifa mũñecũ arĩmi. Caifapu iri bojorire pahia tauro opu arĩmi.

¹⁴ “Judio masa ya árĩburire yujugũ masu sĩricũ ðhaa,” arĩdigu arĩmi ĩgu Caifapu.

—Jesure masibea, arĩñumi Pedro

Mt 26.69-70; Mr 14.66-68; Lc 22.55-57

¹⁵ Eropigu yũhu Simo Pedro mera Jesure yoañarirogue nũrsiabũ. Yũpũ pahia opu ĩgu ĩha masigu arĩbũ. Eropigu Jesu pũhrũ, opu arĩri wihi arĩri sãriro pohecague ñajaa wabu.

¹⁶ Pedropũ disiporo dujanũgajami. Eropigu maji wiriri disiporo coregore serēbasabu Pedrose aĩ ñajabu. Yũ eropa serēpiñacũ igo Pedrose ñajaridoremo. Igo ñajaridorera pũhrũ yũhu Pedrose aĩ ñajaa wabu.

¹⁷ Yũ eropa aĩ ñajajacũ ĩago disiporo coregopũ Pedrose serēpimo:

—¿Jesu buherā mera majagu árĩbeari mũhu? arĩmo igo Pedrose.

—Árĩbeaa yũhu, arĩ yũhrimi Pedropũ.

¹⁸ Ero core ero majarā pohro majarā, surara mera erā sōhmaburi peamere dihunirā ářĩma. Yũsaa árĩbũ. Eropirā erā iri peame tũro sōhma niguima. Erā sōhmacũ ĩagu Pedro sã sōhmaḡũ wami.

Pahia tauro opu Jesure serēpi ĩañumi
Mt 26.59-66; Mr 14.55-64; Lc 22.66-71

¹⁹ Eropi pahia tauro opu árĩḡũ Jesu ĩḡũ buherire, ḡua ĩḡũ buherā sãre serēpi ĩapu Jesure.

²⁰ ĩḡũ eropa arĩ serēpicũ Jesupu yũhripũ ĩḡure:

—Ářĩpehreräre buheḡũ erā core niguibũ. Eropa buheḡũ mari buheri wiri Goãmũ wihi sãre masa gamenererogue eropa buhe niguicãbũ. Duhrinijagu ne buhebirabũ yũhũ.

²¹ ¿Duhpigũ yũre serēpiri muhũ? Serēpidiagũ yũre peeniräre serēpicue. Yũ wererare erā masima, arĩ yũhripũ Jesu.

²² ĩḡũ eroparĩcũ surarapu ero niguidigũ ĩḡũ mojoto mera Jesure papũ.

—Eropa arĩbiricãque pahia tauro opuere, arĩpu surara Jesure.

²³ ĩḡũ eroparĩcũ Jesu opa arĩpu:

—Nero arĩ yũ wereniguirare wereque yũre. ¿Diaye majare yũ mũare werequerecũ duhpigũ pari muhũ yũre? arĩpu Jesu surarare.

²⁴ Pũhrũ Ana Jesure erā diridigũre Caifa pahia tauro opu pohrogue obeopũ.

—Jesure masibea, dipaturi arĩñumi Pedro
Mt 26.71-75; Mr 14.69-72; Lc 22.58-62

²⁵ Eropi Simo Pedro peame tũro sōhma niguigu iimi. Eropa ĩḡũ sōhma niguicũ ĩarã ero majarā ĩḡure serēpima.

—¿Mũ sã Jesu buherā mera majagu árĩbeari? arĩ serēpima erā Pedore.

—Ářĩbeaa yũhũ, arĩ yũhrimi Pedro.

²⁶ Eropigũ pahia tauro opu pohro majagũpu Pedro ĩḡũ gamiro pacorodigũ acaweregũpu Pedore serēpimi:

—¿Jesure erā ñearasubu yũ árĩcũ mũ sã erā mera árĩsabũ? arĩ serēpimi ĩḡũ Pedore.

²⁷ —Yũhũ ĩḡũ mera árĩbirabũ, arĩ yũhrimi Pedro. ĩḡũ eroparĩcũ ta cãreña wereḡũ carimi.

Jesure Pilato serēpiñumi

Mt 27.1-2, 11-14; Mr 15.1-5; Lc 23.1-5

²⁸ Namiñarĩḡã árĩcũ Caifa ya wihigũe árĩnirã Jesure aĩ wiria, iri maca majarã opu Pilato ya wihigũe aĩḡã wama erã. Eropa waquererã ĩḡũ ya wihigũere ñajabirima. Pascua árĩcũ erã bamorã árĩrã opa arĩma: “Judio masũ árĩbeamĩ Pilato. Eropirã mari i wihigũe judio masũ árĩbigũe árĩri wihire ñajarã, mari dorerire tarinũgarãca. Eropirã mari ñajacũ ĩarã ñerã dopa ĩabocoma marire. Eropirã marire bosenu barire marire badorebiribocoma,” arĩma. Eropa arĩrã opu ya wihire ñajabirima Jesure aĩḡãnirãpu.

²⁹ Erã ñajabiricũ ĩagu Pilato erã pohrogue wihi disiporogue wiriranũḡaja, erãre serēpimi:

—¿Ñehenore ĩre weresãdiari mũa? arĩ serēpimi Pilato erãre.

³⁰ —Ihĩ ðagu ĩḡũ árĩcũ mũre ĩḡure obiriboaya. Ñeḡũ aħrimi ĩḡũ, arĩ yũhrima erã.

³¹ Erã eroparĩcũ Pilato opa arĩmi:

—Mũa basi ĩḡure aĩaque. Eropirã mũa ya doreri arĩro dopa ta ĩḡure dipuwaja moaque, arĩmi Pilato erãre.

—ḡua judio masapu masure wejẽdoremasibea, arĩma erã Pilatore. Eropa arĩrã Jesure wejẽdoremorã iima.

³² Erã eropa wejẽdorecũ Jesupu crusague ĩḡũ sĩriborore ero core ĩḡũ werediro dopa ta eropa wabũ.

³³ Erã eropa arĩra pũhrũ Pilatopũ wihigũe maji ñaja, Jesure sihubeo ĩḡure serēpipũ:

—¿Judio masa erã opu ta aħriri muhũ? arĩ serēpipũ.

³⁴ Jesu yũhripũ ĩḡure.

—¿Mũ ḡuñaro yũre eropa arĩ serēpiri muhũ? ¿O ḡajirã mũre erã wererare peenijagu yũre serēpigũ iiri muhũ? arĩpu Jesu Pilatore.

³⁵ —Judio masũ árĩbeaa yũhũ. Mũ ya yeba majarã, pahia oparã sã, mũre wiama yũre. ¿Ñehenore ñero iiri muhũ erã eropa mũre dipuwaja moadiacũ? arĩpu Pilato.

³⁶ —Yũ opu árĩri i yeba maja árĩbeaa. Yũhũ i yeba majarã opu árĩcũ, yaharã yũre itamuboñuma judio masare ñeadorebirã. Yũ opu árĩri i yeba maja árĩbeaa, arĩpu Jesu Pilatore.

³⁷ —¿Eropigũ opu aħraa arĩri muhũ eropa arĩḡũ? arĩpu Pilato.

—Mũ arĩro dopa ta opũ ta āhraa. Masa opũ árĩbu masa dehyoabu yũhũ. Eropigu i yebague arigu erã opũ árĩbu arĩbu. Diaye majare weregu arĩbu. Árĩpehrerã diaye árĩrire peediarã yũ wererire peema, arĩpũ Jesu.

³⁸ —¿Ñeheno āhriri diaye árĩri? arĩpũ Pilato.

Judio masa Jesure wejẽdoreñuma
Mt 27.15-31; Mr 15.6-20; Lc 23.13-25

Eropa arĩtuha Pilato judio masa pohro maji dujaa wa erãre weremi:

—Ĩre ne gajino dipuwaja mara.

³⁹ Bojori nũcu Pascuanũ árĩcũ yujugũ peresu árĩgũre mũa wiudorea. ¿Eropigu ĩre Jesure ta mũa opũ árĩbupũre mũare wiubasacuri yũhũ? arĩmi Pilato judio masare.

⁴⁰ ĩgu eroparĩcũ peerã erã judio masa õpa arĩ gaguĩnguima:

—Ĩgũre wiubiricãque. Barrabãpũre guare wiubasaque, arĩ gaguĩnguima judio masa Pilatore. Barrabãpu yajaricũgu árĩdigũ árĩpu.

19

¹ Erã eropa arĩ gaguĩnguira pũhũ Pilato Jesure tãradorepu. Eropirã ĩgu yarã surarapũ ĩgũre tãrañorã.

² Tãratuha pora bero iituha, Jesure ĩgu dipuru weca duhpeoñorã. Duhpeotuha, oparã ya suhrirore ĩgũre sãñorã.

³ Eropirã ĩgu pohro nũgaja õpa arĩñorã erã õpa arĩ wereyarã:

—Õaro árĩporo. Judio masa opũ õaro árĩporo, arĩ wereya erã mojotori mera ĩgũre pañorã.

⁴ Eropigu Pilato dipaturi waha, judio masare weremi:

—Peeque mũa. ĩre ñeri dipuwaja mara. Eropigu irire mũa masiburire ĩgũre mũa pohro aĩgãribu iiaa, arĩmi Pilato.

⁵ ĩgu eropa arĩra pũhũ Jesu pora berore peyadigũ, oparã ya suhrirore sañadigũ wihigue árĩdigũ wiririmi. ĩgu wiriricũ Pilato õpa arĩmi:

—Ĩaque. Ihĩ ta āhrimi ĩgu, arĩmi Pilato.

⁶ ĩgu eropa arĩtuhacũ peerã pahia oparã, surara Goãmu wihi ĩhadibu corerã sã Jesure ĩarã gaguĩnguima:

—Crusague wejẽque ĩgũre. Crusague pabia wejẽque ĩgũre, arĩ gaguĩnguima erã.

—Ĩgũre ne ñeri dipuwaja mara. Eropirã mũa basi ta ĩgũre aĩgãque. Eropirã mũa basi ta ĩgũre crusague pabia wejẽque, arĩmi Pilato erãre.

⁷ —Ĩgu, ĩgu basi “Goãmu magũ āhraa,” arĩmũrami. ĩgu eropa arĩra waja gua doreripu ĩgũre wejẽdorea, arĩma erã Pilatore.

⁸ Erã eroparĩcũ peegu ũcateria Pilatorũ.

⁹ Eropigu dipaturi ĩgu wihigue Jesure aĩ majiñajagũ Jesure serẽpirũ daja:

—¿Nohogue majagũ āhriri mũhũ? arĩpũ Pilato Jesure.

Ĩgu eropa arĩ serẽpiquecũ ta Jesu ĩgũre ne yũhribiripũ:

¹⁰ ĩgu yũhribiricũ ĩagũ Pilato ĩgũre serẽpinemopũ:

—¿Yũre yũhribeari mũhũ? Yũhũ mũre peresu árĩgũre wiumasia. Eropigu mũre crusague pabia wejẽdoremasia yũhũ. ¿Irire masibeari mũhũ? arĩpũ Pilato Jesure.

¹¹ ĩgu eroparĩcũ Jesu yũhripũ daja:

—Goãmu mũre dorebiricũ ne iimasibiriboaya mũhũ. Eropigu yũre ĩhaturirãre wiadigũpũ mũ tauro ñero dipuwajacũgũcumi, arĩpũ Jesu Pilatore.

¹² ĩgu eroparĩcũ peegu Pilatorũ ĩgũre wiudiaripũ. ĩgu eropa wiudiaquerecũ ta dipaturi judio masapũ gaguĩnguima:

—Jesu “Opũ āhraa,” arĩgũ mari tauro opũ árĩgũre Roma majagũre ĩhaturigũ iimi ĩgu. Eropigu ĩgũre wiugu mũ sã mari tauro opũ árĩgũre ĩhaturigũ āhraa, arĩ gaguĩnguima judio masa Pilatore.

¹³ Erã eroparĩcũ peegu Jesure wihigue árĩgũre aĩ wiriri, ĩgu dipuwaja moadoregu ĩgu doari pẽro doajami Pilatorũ. ĩgu dipuwaja moadorero judio masa ya mera gabata waĩcũro empedrado waĩcũbu.

¹⁴ Irĩnũ Pascuanũ bosenu árĩcũ gua baburi gua amurinũ árĩbu. Irisubu goeri boje core árĩbu. Doajatuha Pilato masare õpa arĩ weremi:

—Ihĩ ta āhrimi mũa opũ, arĩmi ĩgu.

¹⁵ ĩgu eroparĩcũ peerã judio masa gaguĩnguima daja:

—Sĩriporo ĩgu. Sĩriporo ĩgu. Crusague pabia wejẽque ĩgũre, arĩ gaguĩnguima erã.

—¿Mũa opũ árĩquerecũ ta ĩgũre crusague pabia wejẽdiari mũa? arĩmi Pilato erãre.

Īgu eroparīcū ōpa arī yuħrīma pahia oparā:

—Mari ārīpehrerā tauro opu Roma majagu āħrimi. Gajigu opu marimi marire, arī yuħrīma pahia oparā.

¹⁶ Erā eropa arī wereniguira pūħru Pilato Jesure crusague pabia wejēdoregu wiami erāre pare.

Jesure pabia wejēnuma erā

Mt 27.32-44; Mr 15.21-32; Lc 23.26-43

Eropirā surara Jesure aī wiriama.

¹⁷ Erā aī wiriacū Jesupu crusare īgu basi aī coā, dipu pero waīcurogue ejami. Gua judio masa ya mera Gólgota waīcubū.

¹⁸ Eroque eja erā Jesure crusague pabiama. Eropirā gajirā perā sāre yujugu īgu diayeru, gajigure īgu opu pabiama erā. Eropigu Jesu erā deco árīmi.

¹⁹ Pilato taboamijire goja, crusague Jesu weca pabia tuodorepu īgu gojaramijire. Ōpa arī gojara árībū: “Ihī Jesu Nazare majagu, judio masa tauro opu āħrimi,” arī gojara árībū irimijire.

²⁰ Irimijire gojagu judio masa ya mera, Roma majarā ya mera, Griego ya mera gojara árībū. Eropiro Jesure crusague erā pabianugudiro maca pohrogā árībū. Eropirā bajarā judio masa Pilato īgu gojarare īha buhema.

²¹ Eropirā pahia oparā iri buhetuhaja ōpa arīrā wañorā Pilatore:

—“Ihī judio masa opu āħrimi,” arī gojabita. Gua opu árībeami īgu. Eropigu ōpa arī goja amuque muħu. Ihī “Judio masa opu āħraa,” arī yujugu ta īgu basi ta eropa arī pepigu āħrimi, arī goja amuque, arīñorā pahia oparā.

²² Pilatopu yuħripū erāre:

—Yu gojarare ne yu goja amusome, arīpu Pilato erāre.

²³ Jesure erā pabiara pūħru wapicurā surarapu Jesu suħri mūrare erā basi game gueremorā iima. Erā eropa guerediaquerecū ta īgu suħriro yoari suħriro doħori mariri suħriro árībū. Iri suħriro suara suħriro árībū.

²⁴ Iri suħriro eropa árīcū ĩarā ōpa arīma erā basi:

—Īne suħrirore yeguesiribiricārā. Yujugu dihta aīporo. Eropirā ĩne suħriro aībure masimorā deabirarā mari, arīma erā basi.

Eropa deabirarā Goāmu yare erā gojarapū erā gojadiro dopa ta eropa ĩrā iima erā. “Yu suħrirore erā basi guerema. Eropirā yaha suħrirore aībure masidiarā deabirama erā,” arī gojañuma Goāmu yare erā gojarapūgue. Erā gojadiro dopa ta eropa iima erā.

²⁵ Jesu pago, Jesu buamo María Cleofa marapo, María Magdalena mera Jesu crusa pohrogā ĩha niguima.

²⁶ Eropigu īgu pago, yuħu īgu mahigu sā īgu pohrogā gua niguicū ĩagu īgu pagore yare weremi:

—Dohpaguere ihī mu magu árībū āħrimi, arīmi Jesu īgu pagore.

²⁷ Eropa arītuha yure ōpa arī weremi īgu:

—Dohpaguere igo mu pago árībo āħrimo, arīmi Jesu yure.

Īgu eropa arīra pūħru Jesu pagore yaha wihigue aī opamuribū.

Jesu sīria wañumi

Mt 27.45-56; Mr 15.33-41; Lc 23.44-49

²⁸ Īgu eropa arī werera pūħru árīpehreri Goāmu ĩgure mohmedoregu ĩgu apirare ĩpehogu árīgu masipu Jesu. Eropa masigu Goāmu yare erā gojarapū iribojegue erā arī wereyudiro dopa ta ōpa arīmi Jesu:

—Nemesibuca yure, arīmi Jesu.

²⁹ Ero vino sāiri deco dicari sorobu ero doabu. Eropirā ero árīrā Jesu eroparīcū pee mimi aīri yusure deco mera erā yosora yusure yucugu hisopo waīcūdigu ojogoro dirituma. Eropirā aī muju Jesu disiro sītuma.

³⁰ Iri decore Jesu mimituha ōpa arīmi:

—Iripēta árīca, arīgu ta ĩgu dipuure muħmudiija sīria wami.

Yujugu surara Jesu patore gubuye goħra ñoseñumi ñoserimiji mera

³¹ Irinū Pascua bosenu core árībū. Iri bosenu gua baburire gua amurinū árībū. Eropirā gajinū Sabado árīcū iri ōari bosenu árīcū crusarigue sīrinirāre judio masa apidiabirima. Irinū ta bosenu gua judio masa bosenu wuari bosenu árīro ĩbū. Eropirā erā sīrinirā mura irinū crusarigue árīcū gamebirima. Eropirā pabianirā mūrare erā ñigagu gōarire panuadorerā judio masa serēñorā Pilatore erāre sīri purumujudorerā. Erā eropa ĩra pūħru erā dupu mūrare aīdijumorā iima.

³² Erã eropa dorecũ surarapũ crusari pohrogue eja, yajaricũgure copũ ářĩgu ñĩgagũre panuama: Gajipũ ářĩgu sãre eropa ta iima erã.

³³ Eropa iiquererã Jesu ñĩgagũre panuabonirã ĩgu pohro eja ĩgu sĩridĩgu ářĩcũ ĩha panuabirima.

³⁴ Eropa panuabirã yujũgũ surara ĩgu patore gohra gubuye ĩgure ñosemi. ĩgu eropa ñosecũ mata ĩgu di, deco mera wirĩbũ.

³⁵ ĩgu eropa wacũ ĩabũ yuhũ. Yuhũ ipũre gojagu diaye muare werea. Diaye yũ wereri ářĩcũ masia yuhũ. Muare irire werea mua sã Jesure mua umupeoburire.

³⁶ Goãmu yare erã gojarapũ werediro dopa ta eropa wabũ. “ĩgu gõare ne yuju gõare panuabirima,” erã arĩ gojadiro dopa ta Jesu ñĩgagũ gõare ne yuju gõa panuabirima.

³⁷ Eropiro gajipũ sã Goãmu yare erã õpa arĩ gojayudiro dopa ta wabũ: “ĩgure erã ñosedĩgu mũrũre ĩarãcoma erã,” erã arĩ gojadiro dopa ta gũa Jesure erã ñosedĩgu mũrũre ĩabũ.

Jesu dupure masa gobegue yaañumi

Mt 27.57-61; Mr 15.42-47; Lc 23.50-56

³⁸ ĩgu sĩrĩra pũhrũ José Arimatea majagu Jesu dupũ mũrarore aĩ dijubu Pilatore serẽgu ejapu. Josẽpũ gajirã judio masare gũĩgu, Jesure umupeogu ĩgu ářĩrĩre werebiridĩgu ářĩmi. Eropĩgu ĩgu dupũ mũrarore ĩgu serẽra pũhrũ Pilatorũ ĩgu dupure aĩdorepũ. ĩgu aĩdorecũ José crusa pohro eraa Jesu dupũ mũrarore aĩgã wami.

³⁹ Nicodemo sã ĩgu poresurire mohmorerare treinta kilo nũcũrĩre aĩgãrimi Jesu dupũ ĩgu amuburire. Yucũgu di pohga, mirra waĩcũri poresuri, yucũgu pohga mera ářĩyoro ĩgu mohmorera. ĩgu Jesu mera ñami weretamudĩgu ářĩmi.

⁴⁰ Eropirã erã perã Jesu dupũ mũrarore aĩma. Judio masa sĩrĩnirãre yaaro dopa ta ĩgu dupũ mũrarore poresuri sũra pũhrũ suhri gasiri mera omama.

⁴¹ Crusague Jesure erã pabia wejẽdiro pohro pohe ářĩbũ. Iri pohegue masa gobe utãyegue erã seara gobe ářĩbũ. Iri gobere ne yujũgũ sĩridĩgure cõanĩbirima dohpa.

⁴² Pascuanũ bosenu maja gũa judio masa baburire amurĩnũ ářĩbũ. Eropirã iri gobe pohrogã crusa ářĩcũ ero apima erã Jesu dupũ mũrarore.

20

Jesu masa mũriañumi

Mt 28.1-10; Mr 16.1-8; Lc 24.1-12

¹ Domingo ñamiñarĩgã ářĩcũ, boyoboro coregã María Magdalena Jesu masa gobegue ejapo. Erogue ejago iri gobere erã biharayere gajipũ tunuguraye ářĩcũ ĩapo igo.

² Eropa ĩadigo ářĩgo gũa pohrogue omagãrimo igo. Simo Pedro mera perã ářĩbũ gũa. Eraa õpa arĩ weremo guare igo.

—Mari Opũ dupũ mũrarore aĩcãnirã ãhrama. Eropirã ĩgure erã apidirore mari masĩbeaa, arĩmo igo guare.

³ Igo eroparĩcũ peerã, yuhũ Pedro mera gũa perã masa gobegue ĩarã wabũ gũa.

⁴ Eropa ĩarã warã gũa perã omagãabũ. Eropa omarã, yuhũ Pedroro omatarĩgãgu masa gobegue ejamũhtabũ.

⁵ Erogue ejagu muhmunereja ĩha acubũ iri gobere. Eropa ĩha acugũ ĩgure erã omara gasiro seyarore ĩabũ. Eropĩgu iri gobere ñajabirĩbũ.

⁶ Yũ eropa ĩara pũhrũgue Simo Pedro sã erami. Eraa masa gobegue ñajaa, ĩgu dupũ mũrarore erã omara suhri gasĩrĩre ĩami ĩgu.

⁷ Eropĩgu Jesu dipurure erã omara gasiro sãre ĩami daja. Iri gasiro boje oyaro, yeguera gasiro ářĩbũ.

⁸ Eropĩgu yũ sã masa gobegue ñajabũ. Jesu ĩgu marĩcũ ĩagu “Diaye ta Jesu masa mũriañumi,” arĩ pepĩbũ yuhũ.

⁹ Iri gobegue gũa waboro core Goãmu yare erã gojarapũ Cristo sĩrĩburire erã wererare õaro gũa masĩnĩbirĩbũ. Dohpaguepũre iri gobere yũ ĩara pũhrũ, “Diaye ta Jesu masa mũriañumi,” arĩ pepĩbũ yuhũ.

¹⁰ Eropa ĩatuhajarã gũa wĩhĩgue dujaa wabũ.

Jesu María Magdalenare dehyoñumi

Mr 16.9-11

¹¹ Eropi masa gobe disiporo María nĩguigo ore nĩguipo. Eropa orequerego ta muhmunereja igo ĩhame acupo masa gobere.

¹² Eropa ĩhame acugo perã anyuare boreri suhricũrãre Jesu ĩgu oyadiro mũrarogue erã doacũ ĩapo igo. Yujũgũ ĩgu dipuru oyadiro doapũ. Gajĩgu ĩgu guburi oyadiro doapũ.

¹³ Erãre igo ĩacũ erãpũ ĩgore serẽpiñorã:

—Nomeo, ¿dohpa áríronore orego iiri m̃h̃h̃? arĩñorā erā.

—Ỹ Op̃ d̃p̃ m̃rarore aícānirā āhrama. Eropigo erā apidirore masibea ỹh̃, arĩpo igo.

¹⁴ Eropā arĩtuha, majiñgaja nijago Jesure ero niguigure ĩapo igo. Eropā ĩaquerego ta Jesure ĩha masibiripo igo.

¹⁵ —Nomeo, ¿dohpa árírono orego iiri m̃h̃h̃? ¿Noare amago iiri m̃h̃h̃? arĩp̃ Jesu igure.

“Īh̃ i pohere ĩhadibug̃ āhrimi,” arĩ pepiripo igo Jesure. Eropā arĩ pepigo ōpa arĩpo igo:

—M̃h̃h̃ ĩg̃ d̃p̃ m̃rarore aĩdig̃ ářig̃ wereque m̃ apidirore ỹare. M̃ werera p̃hr̃ aĩgora ĩg̃ d̃p̃ m̃rarore, arĩpo igo ĩg̃are.

¹⁶ Igo eropā arĩra p̃hr̃ Jesu ōpa arĩp̃:

—María, arĩp̃.

Īg̃ eropā piyuc̃ peego, majiñabeo igo Hebreo ya mera ōpa arĩpo:

—Rabuni, arĩpo igo Jesure. Rabuni, erā ya mera arĩrā “Buheg̃,” arĩma.

¹⁷ Jesu arĩp̃:

—Ỹ Pag̃ pohrogue m̃rianibea dohpa ỹh̃. Ỹ eropā m̃rianibiric̃ ỹare moħpiñabiric̃aque. Eropigo gajirā yaharā pohrogue waque. Erā pohrogue ejago ōpa arĩ wereque: “Jesu ōpa aridoremi m̃are: ‘Ỹ Pag̃ pohrogue wabu ĩaa. M̃a Pag̃ s̃ā āhrimi ĩg̃. Goām̃ pohrogue wabu ĩaa. M̃a yag̃ Goām̃ s̃ā āhrimi ĩg̃,’ arāmi Jesu,” arĩ wereque erāre, arĩp̃ Jesu Mariare.

¹⁸ Īg̃ eropā arĩra p̃hr̃ María Magdalena guare Jesu buherā pohrogue eraa weremo guare:

—Mari Op̃re ĩabu ỹh̃, arĩ Jesu igure guare weredorerare weremo igo.

Jesu ĩg̃ buherāre dehyoañumi

Mt 28.16-20; Mr 16.14-18; Lc 24.36-49

¹⁹ Iriñ sooriñ ñamicague g̃a Jesu buherā g̃a acawererāre judio masare g̃uirā, g̃a ya wihigue biha ñaja doabu g̃a. G̃a eropā doac̃ Jesu g̃a watope dehyoañgaja ōpa arĩmi:

—¿Āhriri m̃a? arĩmi.

²⁰ Eropā arĩtuha ĩg̃ mojtotorire, ĩg̃ patore s̃are guare ĩhm̃umi. Eropirā g̃a ĩg̃are g̃a op̃re masa m̃riadigure ĩarā mucubirib̃.

²¹ Dipaturi Jesu guare ōpa arĩmi daja:

—Ōaro ářique m̃a. Ỹ Pag̃ ĩg̃ yare obeodiro dopa ta ỹ s̃ā m̃are obeoa, arĩmi guare.

²² Eropā arĩtuhaja guare ĩg̃ purisāmi. Eropā purisāg̃ Espiritu Santore g̃a ñeaburire ĩhm̃ug̃ ĩmi. ĩhm̃utuhaja ōpa arĩmi:

—Dohpaguere Espiritu Santore ñeaque m̃a m̃a mera ářibure.

²³ Masa erā ñeri dipuwajare bujawerec̃ ĩarā, “M̃a ñero ĩirare coh̃a,” arĩmasia m̃a erāre. Erā bujawerebiric̃ ĩarā, “M̃a ñeri ĩirare cōābirib̃,” arĩmasia m̃a, arĩmi Jesu guare ĩg̃ buherāre.

Jesure masa m̃riadigure Toma ĩañumi

²⁴ Jesu g̃a watope ĩg̃ dehyoac̃ Toma suhruadigu erā arĩg̃ g̃a mera marimi irisubure.

²⁵ Īg̃ eropā maric̃ g̃a ĩg̃ mera majarā ĩg̃are wereb̃.

—Mari Op̃re g̃a ĩabu, arĩ wererib̃ g̃a ĩg̃are.

G̃a eropā arĩ werequerec̃ ta ōpa arĩmi Toma:

—Īg̃ mojtotorire erā pabiara goberire ĩabig̃ iri goberire ỹ mujus̃ru mera puñabig̃ “Diaye ta masa m̃riañumi,” ne arĩsome. Eropig̃ ĩg̃ patore gubuye arĩri gobere ỹ mojtoto mera s̃i acubig̃, “Diaye ta masa m̃riañumi,” ne arĩsome ỹh̃ ĩg̃are, arĩmi Toma.

²⁶ Yuju semana p̃hr̃ g̃a ĩg̃ buherā g̃a ya wihigue ářib̃. Irisubure Toma g̃a mera arĩmi. Iri wih̃ bihara wih̃ arĩb̃. Bihara wih̃ arĩquerec̃ ta Jesu ñaja, g̃a watope dehyoañgaja ōpa arĩmi:

—¿Āhriri m̃a? arĩmi.

²⁷ Eropā arĩtuha ĩg̃ Tomare weremi:

—Īaque ỹ mojtotorire. Eropi m̃ mujus̃ru mera ỹ mojtotorire erā pabiara goberire puñaque. Eropig̃ m̃ mojtoto mera ỹ patore gubuye arĩri gobere s̃i acuñaque. “Diaye ářibea,” arĩbiric̃aque. “Diaye ta āhraa,” arĩque m̃h̃, arĩmi Jesu Tomare.

²⁸ Īg̃ eropā arĩra p̃hr̃ Toma ỹh̃rimi:

—Mũhu yu Opu àhraa. Mũhu yahagu Goãmu àhraa, arĩmi Toma Jesure pare.

²⁹ —Yũre mũ ĩara pũhrũ yũre “Diaye ta àhraa,” arãa. Gajirãpũ yũre ĩabiriquererã ta “Diaye ta àhraa,” arĩ umupeorãcoma. Eropirã erã turaro mucubirirã árĩrãcoma, arĩmi Jesu Tomare.

Jesure masa erã masiburire ipũre gojañumi Ñu

³⁰ Eropigũ baja gaji sãre Goãmu ĩgu turari mera ii ĩhmũmi Jesu gũa mera árĩgu. Irire ĩgu ĩirare ipũre gojapohobirabũ yahũ.

³¹ Eropa gojapohobiriqueregu ta ipũ yũ wererare gojagu, “Jesu ta Cristo Goãmu ĩgu obeodigũ àhrimi. ĩgu diaye ta Goãmu magu àhrimi,” mũa arĩ masiburire gojabũ. Eropirã mũa ĩgũre umupeorã Goãmu mera mũa eropa árĩniguiburire gojabũ ipũre.

21

Jesu siete ĩgu buherãre dehyoañumi

¹ Pũhrũ Tiberia waĩcuri ditaru taro dipaturi guare ĩgu buherãre dehyoami daja. Gũare dehyoagu òpa iimi ĩgu daja.

² Simo Pedro, Toma suhrũadigũ erã arĩgu, Natanae Galilea yeba árĩri maca Canã waĩcuri maca majagu, gua perã Zebedeo porã, gajirã sã perã gua oã nucũ gamenere árĩbũ.

³ Gũa eropa gamenerera pũhrũ Simo Pedro òpa arĩmi:

—Wai wejẽgu wagu ĩiaa, arĩmi ĩgu.

—Gũa sã mũ mera warãra, arĩbũ gua ĩgũre.

Eropa arĩtuha buha wabũ. Eropirã dohodiru mera wabũ. Iri ñamire gua òaro boyotahmuquererã ne yujugu waimure wejẽbiricarabũ.

⁴ Boyodiji merejacũ Jesu imiporo ĩgu niguicũ ĩaribũ gua. Eropa ĩaquererã ĩgũre ĩha masĩbiricarabũ gua.

⁵ Eropigũ guare òpa arĩ serẽpimi:

—Ne, ¿wai wejẽari mũa? arĩmi Jesu.

—Ne wejẽbirabũ, arĩ yũhrĩbũ gua.

⁶ —Dohodiru diayepũ wejẽdire mehyuque. Iripũ mehyurã wai wejẽrãca, arĩbeo niguimi guare. ĩgu eroparicũ peerã ĩgu arĩdiro dopa ta mehyubũ. Gua mehyura pũhrũ bajarã wai ñajama. Bajarã wai ñajacũ ĩarã wejẽdigũre dohodirugue aĩsã turabiricarabũ gua.

⁷ Eropigũ yahũ Jesu ĩgu mahĩgu Pedroro werebũ:

—Mari Opu àhrimi sihĩ imiporo niguĩgu, arĩbũ Pedroro.

Yu eroparicũ Jesu ĩgu árĩcũ masigu, Simo Pedro ĩgu suhrĩrore sañami. Wai wejẽbũ ĩgu suhrĩrore tuweadigũ arĩmi. ĩgu suhrĩrore sañatuha diague yurĩñajami.

⁸ Eropirã gajirã gua buherã dohodirugue árĩbũ. Cien metro yoaro diaguere payabu gũa. Eropirã wejẽdigũre wai bajarã ñajadigũre dohodiru mera taramajaabu gua.

⁹ Turogue tuhajarã pea niti dihta gose oyari peame weca waire ĩgu mupunugupidigũre ĩabũ gua. Panru sãre ĩabũ gua.

¹⁰ Gũa eropa ĩacũ Jesu guare òpa arĩmi:

—Dohparagã mũa wejẽnĩrãre bajamerãgã aĩgãrique, arĩmi guare.

¹¹ ĩgu eroparicũ Simo Pedro Jesu mera árĩgu ĩgu sã dohodirugue ñaja, wejẽdire tara majaami imiporogue. Pagarã wai ñajanirã ciento cincuenta y tres wai árĩma. Bajarã wai ñajaquererã wejẽdire ne yehguebirima.

¹² —Banirã arique, arĩmi Jesu guare.

—¿Noano àhrĩri mũhũ? arĩ serẽpiñabirĩbũ gua ĩgũre. Gũa Opu ĩgu árĩcũ masĩbũ gũa.

¹³ Eropigũ Jesu peame pohrogue eja, panre aĩ guare gueremi. Wai sãre gueremi.

¹⁴ Eropigũ Jesu ĩgu masa murĩara pũhrũ imiporo dehyoagu uħresubũ guare ĩgu buherãre dehyoagu iimi.

Jesu Simo Pedro mera weretamuñumi

¹⁵ Gũa bara pũhrũ Jesu Simo Pedroro serẽpimi:

—Simo, Jona magu, ¿òãre mũ mahiro tauro yũre mahiri mũhũ? arĩmi Simo Pedroro.

—Opũ, mũre mahĩa yahũ. Mũre yũ mahirire masĩa mũhũ, arĩ yũhrĩmi Simo Pedro. Jesu arĩmi:

—Eropigũ ovejagãre mari ejodiro dopa ta yaharãre buheque mũhũ, arĩmi Jesu.

¹⁶ Eropa arĩtuha dipaturi ĩgu Simo Pedroro serẽpimi daja:

—Simo, Jona magu, ¿yũre mahiri mũhũ? arĩmi Jesu.

—Opũ, mũre mahĩa yahũ. Mũre yũ mahicũ masĩa mũhũ, arĩ yũhrĩmi Simo Pedro.

Jesu arīmi daja:

—Ovejare ihadibugū ovejare īgu ōaro ihadiburo dopa ta yaharāre ōaro ihadibuque, arīmi Jesu Pedrore.

¹⁷ Eropa arītuhā dipaturi Simo Pedrore serēpimi:

—Simo, Jona magū, ζdiaye ta yure mahiri mūhū? arīmi Jesu daja.

Ūhresubu īgu eropa serēpicū peegu Simo Pedro turaro bujaweremi.

—Opū, mūhū masipehoa. Mure yū mahicū masia mūhū, arīmi Simo Pedro.

—Ovejare mari ejodiro dopa ta yaharāre buheque mūhū.

¹⁸ Diaye mure arīgu iiaa. Mūhū mamū árīgu mū suhrire saña, mū gamerogue curimuribū mūhū. Eropa árīdi árīqueregu ta puhru mūhū bugū árīcū, mū mojotorire sibeocū gajigu mure mū suhrire sāgucumi. Eropigu mū wadiabirogue mure aīgāgucumi, arīmi Jesu Simo Pedrore.

¹⁹ Eropa arīgu Simo Pedro dohpa wa īgu sīriborore weryugu iimi. Eropigu Simo Pedro sīrigu Goāmure, “Ōagu, turagu āhraa,” masa erā arīcū īgu iiborore weryugu iimi. Eropigu Pedro mera weretamutuhagu ōpa arīmi Jesu īgure:

—Diaye ta yū buhediro dopa iique mūhū, arīmi Jesu Pedrore.

Jesu īgu mahigu ipūre gojadigu árīmi

²⁰ Īgu eroparīcū Pedropū yure Jesu īgu mahigure erāre yū nurūsiacū ĩami īgu. Yūpū ĩgu ĩagupū ero core Jesu pohrogā badoagu īgure ōpa arīdigu árībū. “Opū, ζmure ĩhaturirāre wiabupū nihino árīcūri īgu?” arī Jesure serēpidi árībū yūpū. Eropa yure ĩagu Pedro serēpimi Jesure:

²¹ —Opū, ζihī Ņupū dohpa wagacuri? arī serēpimi:

²² —Ire mure werebeaa. I yebaguere yū dujariboro core īgure árīniguicū yū iicū irire masibea mūhū. Eropigu īgu waborore guñabita mūhū. Diaye ta yū buhediro dopa iique mūpū, arīmi Jesu Pedrore.

²³ Irire īgu yure Ņure wererare peerā árīpehrerā Jesu yarā weresiririma. Irire weresirirā ōpa arīrima erā: “Jesu īgu mahigu buhegu sīrisome,” arī weresiririma yure Jesu yarā erā basi. Erā eropa arīquerecū ta “Īgu sīrisome,” arīgu iibirimi Jesu. “I yebaguere yū dujaricū īgure árīniguicū yū iicū irire masibea mūpū,” arīmi Jesu Pedrore.

²⁴ Jesu buhegu ire weregu, ipūre gojagu āhraa yūhū. Eropirā i wereri diaye ta árīcū masia mari.

²⁵ Baja gajī sāre Jesu iimi. Īgu iirare mari gojapehocū iripūri gojarapūri baja tariari pūri waboya. Eropiro iripūrire mari dibucū sihajabiriboya i yeba. Ūjutaria waboya yū pepicū. Iripēta āhraa.

Jesu buhedore ighu apinirã erã iirare wereripũ ãhraa

—*Espíritu Santo arigucumi, arĩnumi Jesucristo ighu buherãre*

¹⁻² Teófilo, ero core yu gojamuhtarapũ mera Jesu ighu iirare, ighu buherare mure weretuhabu. Te umarogue ighu mariarare weretubu. Jesu ighu mariaboro core ighu Espíritu Santo turari mera dorepu ighu apinirãre. Erã ighu beyenirã arĩñorã.

³ Eropi Jesu ighu crusague ighu sirira puhru yujuyerisuburi dupucagu dehyoapu ighu apinirãre. Cuarenta nuri puhru dehyoatupu. Eropigu ighu ighu basi ojocarigu arĩrire ihmupu erãre. Eropa dehyoagu Goãmu mari Pagu ighu opu arĩrire òari buherire werepu erãre.

⁴ Gajisubu Jesu ighu apinirã mera arighu òpa arĩ erãre werepu:

—Jerusalén ta arĩnique dohpa. “Espíritu Santore muare obeogara,” yu Pagu ighu arĩdigure corenique. Irire ighu eropa arĩrare muare wereabu yuha.

⁵ Ñu muare waĩyegu deco mera muare waĩyemi. Yupu ighu iira tauro iigura muare. Espíritu Santo mua mera ighu arĩnigucãcã iigura muare, arĩpu Jesu.

Jesu umarogue mariara

⁶ Eropi gajisubu utãgugue Olivo waicudigugue Jesu erãre dehyoacũ erã serẽpiñorã ighure:

—Opu, ¿i Israe yebare mari ya yebare dohpãricũ guare dipaturi doreburire apibocuri muhu guare? ¿Dohpãricũ mari acawererã gohrare opu acugucuri muhu? arĩñorã ighure.

⁷ Erã eroparicũ peegu Jesu òpa arĩpu:

—Mari Pagu dihta irinũrire mua ya yebare mua òaro arĩborore apimasimi. Irinũrire muare masiya mara.

⁸ Eropirã muare Espíritu Santo ighu eracũ Goãmu ya turarire oparãca mua. Iri turarire mua oparã Jerusalén majarãre, arĩpehrerã Judea majarãre, Samaria majarãre, arĩpehreri yeba majarãre òari buherire buherãca mua yaha arĩburire. Yu sirirare, yu masa mariarare erãre buherãca mua, arĩ werepu Jesu erãre.

⁹ Eropa arĩ weretuhaja, Jesu umarogue maria wapũ. Erã ighure erã ihanurusia mujucũ imica cururi pohecague ñaja dedere maria wapũ.

¹⁰ Eropirã erã Jesu ighu mariagure erã ihanurusia mujurisubu perã anyua boreri suhricurã Jesu ighu apinirã pohro dehyoanugajañorã.

¹¹ Eropirã erãre òpa arĩñorã:

—Mua Galilea majarã, ¿duhpirã ihamuju niguirã iiri mua? Ihĩ Jesu umarogue mariagu, ighu mariadiro dopa ta dipaturi arigucumi daja, arĩ wereñorã anyua.

Jesu ighu apinirã Judare gohrotobure beyeñorã

¹² Eropiira puhru Jesu yarã utãgugue Olivo waicudigugue arĩnirã dijari, Jerusaléngue dujajañorã. Irigu utãgu yuju kilómetro wecañari Jerusalén ejaboro pohro arĩyoro.

¹³ Dujaja erã umarogue erã arĩri taribugue maria wañorã. Oã arĩñorã erã: Pedro, Ñu, Santiago, Andre, Felipe, Toma, Bartolomé, Mateo, Santiago, Simo, Juda arĩñorã. Santiagopũ Alfeo magũ arĩpu. Simopũ celote waicuri curu majagu arĩpu. Judapũ Santiago acaweregu arĩpu.

¹⁴ Eropirã bajasuburi oã arĩpehrerã, nome mera, María Jesu pago mera, Jesu pagu porã mera òaro gamenere, turaro mera Goãmure mari Pagure serẽmuriñorã.

¹⁵ Eropi irinũrire masa bajarã ciento veinte ejaboro gohra gamenereñorã. Eropigu Pedropũ ighu mera majarã Cristo yarã watope nugaja, werepu erãre.

¹⁶ —Yu acawererã, Goãmũ iribojegue ighu arĩdiro dopa ta eropa wahaa. Irire Espíritu Santo Davire weredoreñumi juda muru eropa warare. Juda Jesure ñeha wejẽmorãre ihmudi arĩmi.

¹⁷ Juda muru mari mera Jesu yare ii, gua mera majagu ta arĩrimi.

¹⁸ Judapũ ighu Jesure ihmura wajare iri niyerure ighu wiara puhru ighu basi wejẽ siripu. Eropigu yuhridija wa, ighu guramisida yehguea siria wapũ. Ighu wiara niyeru mura mera gajirã merogã yebare asũñorã.

¹⁹ Eropirã arĩpehrerã ohõ Jerusalén majarã masipehrecãma juda muru ighu ñero warare. Eropa masirã ighu niyeru mera erã asũra yebare Acéldama di cóari yeba waicua, arĩma iri yebare.

²⁰ Iribojegue erã arĩ gojadiro dopa ta eropa wahãmi juda muru. Salmo waicuripũgue òpa arĩ gojañuma:

Īġu árĩdirore cóãdiro árĩporo. Eropirã gajirã Īġu árĩdirore árĩbircãporo, arĩ gojañuma.

Ohõ sãre õpa arĩ gojañuma:

Gajigũ Īġu mohmerare gohrotogu árĩġucumi, arĩ gojañuma Salmogue, arĩpũ Pedro. ²¹⁻²² “Eropirã mari yujugũ beyerã Juda mũrũre gohrotobure. Ñũ waĩyegũ Īġu masare buherasubu árĩdigũre, Jesu mera mari mera árĩdigũre beyero gahmea mari mera majagu árĩbure. Jesu masa mũriacũ sãre ñadigũre beyero gahmea. Eropa beyera puhũrũ Jesu Īġu masa mũriarare mari mera buhegucumi, arĩ werepũ Pedro Īġu acawererãre Cristo yarãre.

²³ Īġu eroparĩcũ peerã perãre beyedoboñorã erã. Yujugũ José Justo waĩcũgũre beyeñorã. Īġu Barsabã erã arĩ piyugũ árĩpũ. Eropirã gajigũre Matia waĩcũgũre beyeñorã.

²⁴⁻²⁵ Erã perãre beyedobotuhaja, erãre Goãmũre õpa arĩ serẽñorã:

—Mũhũ gua Opũ árĩpehrerã masa erã pepirire masia. Oã àhrima gua perã beyerã. Juda mũrũre gohrotobure nihi mũ gamegũre beyeque. Juda mũrũ Jesure cóãdigũ peamegũre wadigũ árĩmi. Eropigũ ġũre gohrotogu Jesu ġũ apidigũ árĩġucumi. Eropigũ gua mera õari buherire buhegucumi, arĩñorã erã Goãmũre.

²⁶ Eropa arĩrã ta utã mera deamũriñorã beyemorã. Matia yañe õaro wiricũ, Matiapũ Jesu Īġu apinirã once apinirã mera majagu dujapũ.

2

Espĩritu Santo ġũ yarã mera árĩnũgapũ

¹ Eropiĩ Pentecoste waĩcũrinũ árĩũ erã yujuro mera árĩpehrerã yuju wihi gamenereñorã.

² Irisubure ta mirũñe burĩgã arĩro dopa ta umarogue busũro cariyoro. Ero eropa busũro caricũ peeñorã árĩpehrerã iri wihigũ gamenere árĩrã.

³ Eropiro peame porãrigã dopa bejari erã árĩpehrerã dipu wecare dehyoayoro. Iri peame porãrigã nediru dopa bejari dehyoayoro.

⁴ Eropigũ Espĩritu Santo erapũ erãre ġũ turarire ogũ arĩgũ. Eropirã Espĩritu Santo erãre ġũ itamuropẽ erãpũ gajirã yare õaro werenĩguinũgañorã.

⁵ Irinũrĩre Jerusalén bajarã judio masa eranirã árĩñorã. Goãmũre umupeorã erarã árĩñorã. Erã macari nũcũ majarã árĩñorã.

⁶ Eropirã umarogue busũcũ peerã masa bajarã Jesu buherã pohrogue gamenere wahgãñorã. Masa nũcũ yare Jesu buherã erã werenĩguicũ peeñorã. Erã eropa werenĩguicũ peerã, erã pee uca wañorã.

⁷⁻⁸ —Yaho, ¿Duhpirã oã Galilea majarã árĩquererã õaro mari yare werenĩguiri? Erã mari masa dehyoadirogue árĩnirã iro dopa ta werenĩguirã iima, arĩñorã erãpũ.

⁹⁻¹⁰ Árĩpehrerã mari yare dohpaguere werenĩguirã iima. Partia majarã, Media majarã, Elam majarã, Mesopotamia majarã, Judea majarã, Capadocia majarã, Ponto majarã, Asia majarã, Frigia majarã, Panfilia majarã, Egipto majarã, Africa majarã, Cirene majarã, Romague arirã àhraa mari. Yujurãyeri judio masa àhraa mari. Gajirã judio masa árĩbirã judio masa ya buherĩpũre buherãgũe àhraa mari.

¹¹ Creta majarã Arabia majarã sã mari mera àhrima. Eropirã oã mari yare erã werenĩguicũ peea mari. Erã mari ya mera Goãmũ turari mera ġũ õaro iirare wererã iima, arĩ werenĩguĩñorã masa erã basi.

¹² Erã eropa arĩrã uca wañorã. Erã ñarare erã peerare õaro masibiriñorã.

—¿Dohpãrĩrono oã gajirã ya mera Goãmũ yare eropa õaro werenĩguiri mũa pepicũ? arĩ game serẽpiñorã erã erã basi.

¹³ Eropirã gajirã wereyañorã.

—¿Dohpa oã siburi ihrinĩjarã mererã iiri? arĩ wereyañorã gajirã erã basi.

Pedro masare werepũ

¹⁴ Eropigũ Pedro once Jesu ġũ apinirã mera wahgãnũgaja, masare werepũ:

—Mũa Judea majarã, árĩpehrerã Jerusalengũe árĩrã, ire yũ werecũ õaro peeque mũa.

¹⁵ Mũa pepiri diaye árĩbeaa. Dohpagũre nueve àhraa. Umũgũe àhraa. Eropirã oã merebeama.

¹⁶ Oã Goãmũ iribojegũe ġũ werediro dopa ta iirã iima. Irire Joere Goãmũ ya weremuhtadigũre ire weredoreñumi Goãmũpũ.

¹⁷ Ojogorocũrinũ árĩcũ õpa árĩroca: Yũhũ Espĩriture masare árĩpehrerãre obeogura. Eropirã mũa porã Goãmũ yare wererãcoma. Eropirã mũa mera majarã

mamarā Goāmū deyoro moarire İarācoma. Eropirā mūa mera majarā mūrāpū quērācoma.

¹⁸ Eropigū yū pohro majarāre yū Espiriture obeogura. Eropirā erā yahare wererācoma.

¹⁹ Eropigū yū turari mera iigūca umūsigue. Yebague sāre yū turari mera irire İhmugūca. Eropigū di mera, peame mera, imica mera İhmugūca yū turarire.

²⁰ Yū eropiicū abe umū majagu naitīa wagūcumi. Nami majagu abe diagu guhyaro wagūcumi. Őpa waroca Cristo mūa opu İgu dujariburinū, yū arīranū core. İrinū İha ũca warāca mūa. Eropiro irinū guhyarinū ārīroca.

²¹ Eropiro ũpa ārīroca: Arīpehrerā masa Cristore erā űerire cōadore serēnirāre İgu erāre peamegue wabonirāre taugūcumi Goāmū, arī gojañumi Joe, arīpū Pedro masare.

²² "Mūa İsrāe masa yūhū werēcū peeque, arīpū daja. Jesu Nazare majagupū Goāmū İgu obeodigu ārīmi. Jesure "Goāmū obeodigu āhrimi," masa erā arī masiboro dopa Jesu Goāmū turari mera deyoro moarire masare ii İhmucū iidi ārīmi Goāmū Jesure. Mūa irire masia.

²³ Mūa Jesure wejēdorecū Goāmū iribojegue İgu "Eropa waroca," İgu arīdiro dopa ta eropa wahabū. Eropirā mūa Jesure crusague wejēdorerā wiabū İğure masa űerāre.

²⁴ Goāmāpū Jesu sīridigūre masuami. Eropigū dipaturi ne sīrisome İgu. İgu sīri wajabeami. Eropa ojocariniğucābu āhrimi.

²⁵ Őpa arīñumi Davi iribojegue majagu Cristo İgu arībodiropā dopa ta:

Yū Opu, yū mera āhraa mūhū. Őmūri nūcu Goāmū yū Opu yū pohro mūhū ārīcū İamūrabū yūhū giūbiriboro dopa.

²⁶⁻²⁷ Mūhū Goāmū yū sīporāre sīrinirā erā ārīroguere ne cōāsosome. Yūre mū mahigure űerogue yū sīporāre cōāsosome mūhū. Yūhū mū pohro majagu mūre umupeogu āhraa. Yū dūpūre boadoresome mūhū. Eropigū buriğā mucubiria. Mucubiriri mera wereniğua. Eropigū mūre Goāmūre buriğā umupeogu ārīgu giūiro mariro ũaro ārīcāa.

²⁸ Yūre dipaturi ojocaricū iigūca mūhū. Yū mera mūhū ārīcū buriğā mucubiria, arī gojañumi Davi Cristo İgu arībodiropā dopa ta, arīpū Pedro.

²⁹ "Acawererā, ũpa ũaro weregura mūare Davire mari acaweregu mūrure, iribojegue majagure, arīnemopū daja Pedro. İgu Davi sīria wañumi. Eropigū İğure erā yaara gobe dohpaguere ārīnia. Eropigū "Yū dūpūre boadoresome mūhū," arī gojagu İgu basi waİpeo weregu iibirīñumi.

³⁰⁻³¹ İribojegue Goāmū Davire ũpa arīñumi: "Diaye ta arīgu iiaa. Mū pāramerā arīturiarā mera majagu mū iiro dopa ta i maca majarā weca opu ārīğūcumi," arīñumi Goāmū Davire. Davi Goāmū yare wereyugu arīñumi. Eropigū Cristore Goāmū ta opu acuborore masigu, Cristo İgu masa mūriaborore weremāhtatuhāñumi Davipū. Őpa arī wereñumi İgu: "İgu sīrinirā erā ārīroguere ārīwajasome. İgu dūpū ero boasome," arīñumi Davi.

³² İre Jesucristore Goāmū masuami. İgu masudigūre gūa arīpehrerā İabū.

³³ Eropigū Cristo ũmarogue mari Pagū diayerū ārīcumi doregu arīgu. Eropigū İgu Pagū "Espiritu Santore yebague obeogura," arīpū İğure. Eropigū Cristopū Espiritu Santore dohpaguere obeomi guare. Eropirā Espiritu Santore İgu guare obeorare İarā iiaa mūa. Eropirā mūa peea.

³⁴ Davipū Jesu İgu mūriadiropā dopa ta ũmaroguere mūriabirīñumi. Eropigū İgu İgu basi ũpa arīñumi:

Goāmū arīmi yū Opūre: "Ohō yū diayerū doaque mūhū.

³⁵ Eropigū mūre İhaturirāre mūre tarinūğabasagura yūhū mū pohro majarā dopa arīmorāre," arīmi Goāmū yū Opūre, arī gojañumi Davi.

³⁶ "Eropirā arīpehrerā İsrāe masa ire ũaro masiğue mūa. İhī Jesure mūa crusague wejēdigūre mūa opu acuami Goāmāpū. İğure mūare taubure Cristore apiami Goāmū, arī werēpū Pedro masare.

³⁷ İgu eroparīcū peerā buriğā bujawere, giūirā masapū Pedro sāre serēpi İañorā:

—Gūa acawererā, ğdohpa iirācuri gūa? arī serēpi İañorā erā.

³⁸ Erā eropa arī serēpi İacū yūhripū Pedro sā.

—Mūa űero iirire bujawererā arīğue. Őarire gohrotoque. Eropirā Jesu waİ mera waiyenirā arīğue mūa arīpehrerā. Mūa eropa iicū mūa űerire cādijigūcumi Goāmū. Mūa eropa iicū Espiritu Santo mūa mera arīğūcumi. Goāmū İgu Espiritu Santore eropa ocāğūcumi mūare.

³⁹ Mũare, mũa porãre, mũa pãramerã ártũtuarãre yoarogue majarãre, ártĩpehrerã Goãmũ mari Opũ Ĩũ beyenirãre “Diaye ta itamugũra mũare,” arĩ apĩũumi Goãmũ, arĩpũ Pedro masare.

⁴⁰ Eropa arĩtuhaja baja werenemopũ Pedro. Eropĩgũ turaro mera werepũ erãre.

—I yeba majarãre erã ñero iira dipuwaja dipuwaja moagũcumi Goãmũ. Eropirã mũarũ Goãmũ yarã ártĩque. Mũa eropa ártĩcũ Ĩũ mũare dipuwaja moasome, arĩpũ Pedro masare.

⁴¹ Ĩũ eroparĩcũ peerã bajarã Ĩũ werenĩguirire ðaro peeñorã. Eropĩgũ Ĩũ sã erãre waĩyepũ. Eropirã Goãmũ yarã mera majarã tres mil masa wanemoñorã.

⁴² Eropirã erã masa Cristo Ĩũ apinirã mera mũuri nũcu ártĩmuriñorã. Eropirã erã buherire mũuri nũcu peemuriñorã. Erã barire game guere, Goãmũre serẽ, Cristo Ĩũ apinirã mera ðaro ártĩcãñorã erã.

Jesu yarã ne ártĩnũgarã erã ártĩricũrĩre werepũ Luca

⁴³ Eropĩi Goãmũ Ĩũ turari mera deyoro moarĩre ii ĩhmuñorã Ĩũ apinirã. Erã eropa iicũ ĩarã masa ártĩpehrerã ĩha uca wañorã.

⁴⁴ Eropirã ártĩpehrerã Jesure umupeorã gamenere, ðaro ártĩcãñorã. Eropirã erã yare game gueremuriñorã.

⁴⁵ Erã yare dua, ártĩpehrerãre gajĩnore moorãre erã nũcu omuriñorã erã.

⁴⁶ Eropirã mũuri nũcu erã Goãmũ wĩhĩgue gameneremuriñorã. Ártĩpehrerã yu-jurãyeri erã wĩrigue yujuyeri cururi mucubiriri mera gamenere bamuriñorã.

⁴⁷ Erã eropa gamenererĩsubu “Goãmũ ðagũ áhřĩmi,” arĩ umupeomuriñorã. Eropirã gajirã masa erãre gametarĩmuriñorã. Eropĩgũ mũuri nũcu Goãmũ gajirãre Ĩũ yarã wacũ iimurĩpũ.

3

Curimasibĩgũ ðagũ wapũ

¹ Ñamicague tres ártĩcũ Goãmũre serẽrĩsubu ártĩcũ Pedro, Ñũ mera Goãmũ wĩhĩgue warã iĩñorã. Iri wĩhi disiporo yujugũ mũũ doapũ.

² Mũuri nũcu iri wĩhi disiporo ðari disiporo waĩcuri disiporo gajirã ĩgũre aĩgãri duhudoboñorã. Ĩũ mũupũ ne masa dehyoagũgue ta curimasibĩgũ ártĩpũ. Eropĩgũ Ĩũ iri disiporo pohro doagũ niyerure serẽmurĩpũ iri wĩhire ñajarãre.

³ Eropĩi Pedro, Ñũ iri wĩhĩgue erã ejanũgajacũ curimasibĩgũpũ erãre ĩha, niyerure serẽpũ.

⁴ Eropirã erã Pedro, Ñũ mera ĩgũre ĩha, Pedropũ ðpa arĩpũ:

—Guare ĩaque mũũhũ, arĩpũ Pedro ĩgũre.

⁵ Ĩũ eroparĩcũ peegũ erãre ĩha “Niyerure orãcoma yare,” arĩ pepĩrĩpũ.

⁶ Ĩũ eropa arĩ pepĩquerecũ ta Pedro ĩgũre ðpa arĩ werepũ:

—Niyerure opabea yũhũ. Opabĩrĩqueregũ ta ire iigũra yũhũ mũre. Jesucristo Nazare majagũ ĩgũ turari mera curĩque mũũhũ, arĩpũ Pedro curimasibĩgũre.

⁷ Eropa arĩgũ ta ĩgũ mojotore diayepũ maja mojotore ñeha, ĩgũre tarawahgũ nugupũ. Irisubũ ta curimasibĩgũ ĩgũ guburire, ĩgũ ñĩgarire turari ñajayoro.

⁸ Iri eropa ñajara puhũ ĩgũ wahgãnũgajapũ. Eropĩgũ ĩgũ waha buhrima mũria “Goãmũ turagũ ðagũ áhřĩmi,” ĩgũ arĩ mucubiridiro mera erã mera Goãmũ wĩhĩgue ñajapũ pare.

⁹ Ĩũ eropa curicũ, “Goãmũ ðagũ áhřĩmi,” arĩ gaguĩnũguicũ masa ártĩpehrerã ĩgũre ĩañorã.

¹⁰ Eropirã masa ĩgũre ĩha masĩñorã. “Iĩ iri wĩhi maja disiporo ðari disiporo pohro ĩgũ niyerure serẽ doagũ áhřĩmi,” arĩñorã erã. Eropirã ĩgũ eropa curicũ ĩarã ĩhamaria wañorã.

Pedro Goãmũ wĩhĩgue masare buhepũ

¹¹ Eropĩi curimasibĩrĩdĩgũ Pedro sãre ĩgũ duhubirĩsubu, masa ártĩpehrerã ĩhamaria warã Pedro sã pohro omagã, gamenereñorã. Erã Goãmũ wĩhĩgue ártĩrã Salomo waĩcurĩpũgue ártĩñorã.

¹² Erã eropa gamenerera puhũ Pedropũ werepũ erãre.

—Mũa Israe masa, ¿duhpĩrã ĩre ĩha ucari? ¿Duhpĩrã guare mũa ĩhanũrĩ? Gũapũ gũa ya turari mera, Goãmũre gũa umupeori mera, gũa ejatuharo ĩre curicũ iĩbirabũ gũa. Jesu ĩrĩre iĩami.

¹³ Mari ñecũ sũmarã mũra Abrahã, Isaa, Jacobo mũra Goãmũre umupeomuriñorã. Erã umupeodĩgũpũ Goãmũpũ ĩgũ magure Jesure turagũ, ðagũ ĩgũ ártĩcũ ĩhũmũrĩmi.

Mua Jesure ihaturiräre ohabu. Eropigu Pilato İğure İgu peresugue wiudiacũ mwapu İğure İgu wiucũ gamebirabu. Pilatore Jesure ohabu mua.

¹⁴ Pilato İğure wiudiarami. Mwapu Jesure oğagure, oaro iğure gamebirã gajigure masa wejêdigupure wiudoreabu mua.

¹⁵ Eropirã Jesure mari ojocaricũ iğure wejêabu mua. İgu sîricũ Goãmu İğure masuami. İğure masudigure gua İabu.

¹⁶ Eropirã gua İğure umupeorã ahraa. Gua eropa umupeocũ İagu İre mua dohpague İagure mua İha masigure Jesupu İgu turari mera İgu curicũ iiami.

¹⁷ “Yu acawererã, mari oparã mera Jesure oaro masibiriquererã İğure wejêabu mua. Irire masia yuha.

¹⁸ Iribojegue majarã Goãmu yare weremuhtanirã Goãmu erãre İgu weredoreldiro dopa ta wereñuma erã sã. “Cristo ñero tarigucumi,” arı wereyuñuma erã. Erã eropa arı wereldiro dopa ta eropa wabu dohpaguere.

¹⁹ Eropirã dohpaguere mua ñero iirare bujawererã árİque. Oaripure gohrotoque. Cristore umupeoque. Mua eropa İicã mua ñerire cãdijigucumi Goãmu. Eropigu muare mucubiririnarire apigucumi İgu. Eropirã oaro sİñajarãca.

²⁰ Eropigu Goãmu Cristore İgu beyedigure muare obeogucumi daja. Cristo Jesu ta ahrimi.

²¹ İgu Jesu Goãmu pohrogue árİcumi dohpa. Iribojegue Goãmu İgu yare weremuhtaniräre wereyudoreñumi İgu iiburire. İgu wereldiro dopa ta árİpehrero amugu İicumi. İgu amutuhaja Cristore obeogucumi daja.

²² Moise irire weregu opa arİñumi: “Mari mera majagure mari acaweregure Goãmu yare weremuhtagure Goãmu mari Opu obeogucumi muare. Yare İgu obeoldiro dopa ta obeogucumi İgu sãre. Eropirã muare İgu werecũ peepehrecãrãca mua.

²³ Opa árİroca. Árİpehrerã İğure peebirã, İgu dorerire iibirã İgu cõanirã árİrãcoma. Goãmu yarã mera majarã árİsome erã,” arİmuriñumi Moise iribojeque.

²⁴ “Árİpehrerã Goãmu yare weremuhtanirã nacu, Samue İgu puhru árİrã sã i dohpague warire wereyuñuma.

²⁵ Mari ñecu sumarãre iribojegue majarãre “Masare oaro iigura,” arı weremuriñumi. İgu erãre wereldiro dopa İimi marire dohpaguere. Eropigu Abrahãre İgu arİldiro dopa ta mari sãre arı weregu İiñumi. Opa arı wereñumi Goãmu Abrahãre: “Árİpehreri yeba majarãre oaro iigura. Opa irire iigura: Mu acaweregu puhru árİgupu masare oaro İibasagucumi yare,” arİñumi Goãmu Abrahãre.

²⁶ Maripure Goãmu Jesure İgu magure İgu masudigure mari pohrogue obeomuhtami mari ñero iirare cõãbure. Eropa İgu İgu muare oaro iiami, arİpu Pedro erãre.

4

Pedro, Ñu mera oparãre weretamuñorã

¹⁻³ İgu eropa wereniguisubu pahia, Goãmu wihire corerã surara opu, saduceo masa sã erãre peeñorã. Opa buhepu Pedro Ñu mera masare:

—Jesu İgu sİrira puhru masa muria wami. İgu eropa masa muriacũ İarã, puhru mari sã İgu yarã mari masa muriaborore masia mari, arı werepu Pedro sã. Erã eroparicũ peerã, oparãpu erã mera guañorã. Eropa guarã naimerecũ İarã erã Pedrove, gajirã Jesu apinirã sãre ñeha, peresu İiñorã.

⁴ Oparã eropa gamebiriqerrecũ ta masa bajarã Goãmu yare Pedro sã buherire peerã “Diaye ta ahraa,” arı pepiñorã erã. Eropirã Jesu yarã bajarã wañorã. Erã uma dilhare queocũ Jesure umupeorã cinco mil masa árİñorã.

⁵ Eropii gajinu iri maca majarã murã, oparã, judio masa buherã mera Jerusalengue gamenereñorã.

⁶ Eropigu pahia opu Ana waicugu ero árİpu. İgu acawererã sã árİñorã. Caifa, Ñu, Alejandro, gajirã mera Ana acawererã árİñorã.

⁷ Eropirã erã Pedro sãre erãre gamebeocũ, surarapu peresugue erãre aİwiu oparã watopegue erãre aİ ejañorã. Erã eropa İira puhru oparã serêpi İañorã Pedro sãre.

—¿Noa ya turari mera mua curimasibigure oagu İiari? ¿Noa ahriri muare irire İidoregu? arı serêpi İañorã erã.

⁸ Erã eroparicũ peegu Espiritu Santo İgu itamurire oaro opagu werepu Pedro erãre.

⁹ —Mua oparã, mua murã, ¿gua curimasibigure gua oagu iirare serêpi İarã İiri mua guare?

¹⁰ Ire masique m̄aa ár̄ipehrer̄ā, Israe masa. Ire Jesucristo eropa iiami. Jesu Nazare majagu, m̄aa crusague wej̄edigu, Goām̄u masudigu, ĩḡuḡu ĩh̄i curimasibiḡure ḡagu wac̄u iiami. Eropir̄ā ĩre dohpaguer̄e m̄aa ĩhuro ĩḡu curic̄u ĩhaa m̄aa. Ōpa āhraa Goām̄u yare er̄ā gojarap̄ugue Cristore wereyuro:

¹¹ “Īh̄i Cristo ut̄āye iro dopa ta Goām̄u beyedigu āhrimi. Īḡu Goām̄u beyedigu ár̄iquerec̄u masa ĩḡure gamesome. Īḡure er̄ā gamebiriquerec̄u Goām̄u ĩḡure opu acuaḡi ár̄ipehrer̄āre dorebure,” ar̄i gojañumi iribojegue.

¹² Ne gajiḡu masare peamegue wabonir̄āre taugu ne marimi. I yebaguer̄e Jesu dihta masare taugu āhrimi. Ne gajir̄ā ĩḡu iro dopa ár̄ir̄ā ne marima, ar̄i wereḡu Pedro er̄āre.

¹³ Īḡu eropa ar̄i werera ḡuḡu, Pedro Ñu mera buheya marir̄ā er̄ā ár̄ic̄u ĩar̄ā, ḡüiro mariro er̄ā buhec̄u ĩar̄ā, m̄ur̄ā, opar̄ā, judio masa buher̄ā mera pee uca wañor̄ā. Eropir̄ā Jesu iro dopa er̄ā buhec̄u ĩar̄ā, ḡpa pepiñor̄ā er̄ā. “Pedro, Ñu s̄ā diaye ta Jesu mera majar̄ā ta āhrima oā,” ar̄i pepiñor̄ā er̄ā.

¹⁴ Eropiḡu curimasibiridigu Pedro s̄ā mera ár̄iḡu. Īḡu, ĩḡu ḡagu ár̄ic̄u ĩañor̄ā m̄ur̄ā, opar̄ā, judio masa buher̄ā mera. Eropir̄ā er̄ā Pedro s̄āre “Ñero ĩir̄ā iiaa,” ar̄i weres̄amasibir̄iñor̄ā.

¹⁵ Eropa weres̄amasibir̄ā opar̄ā er̄ā gamenereri taribugue ár̄ir̄āre Pedro s̄āre wiriadoreñor̄ā.

¹⁶ Er̄ā wiriara ḡuḡu er̄ā basi weretamuñor̄ā.

—¿Ōāre dohpa ĩir̄acuri mari? ar̄i wereniguñor̄ā er̄ā.

Ōpa ar̄i wereniguñemoñor̄ā:

—Pedro, Ñu mera Goām̄u turari mera curimasibiḡure curic̄u ĩinir̄ā āhrama. Eropir̄ā Jerusalén majar̄ā ár̄ipehrer̄ā er̄ā eropa ḡaro ĩirare masiama. Eropir̄ā mar̄iḡu “Eropa ĩibirama er̄ā,” ar̄imasibeaa mari.

¹⁷ Eropir̄ā Jesu ĩḡu buherare gajir̄āre buhedorebirc̄ār̄ā er̄āre gajir̄ā er̄ā buherire gameri ar̄ir̄ā, ar̄i wereniguñor̄ā er̄ā er̄ā basi.

¹⁸ Eropa ar̄i wereniguituha Pedro s̄āre sihubeo ḡpa ar̄iñor̄ā:

—Jesu ĩḡu buherare ne buhebirc̄āque gajir̄āre. ĩir̄e ne wereniguibirc̄āque, ar̄iñor̄ā er̄āre.

¹⁹ Er̄ā eropar̄ic̄u peer̄ā Pedro Ñu mera ḡpa ar̄iñor̄ā er̄āre:

—M̄aa ḡpa ar̄ic̄u m̄uare yuḡrir̄ā Goām̄uḡure tarinuḡār̄ā ĩiboca gua. ¿Nihi yap̄ure gua wer̄ec̄u gahmeri m̄aa? ¿M̄aa yap̄ure gua ĩic̄u gahmeri m̄aa? ¿Goām̄u yap̄ure gua ĩic̄u gahmeri m̄aa?

²⁰ ḡuḡuḡu gua ĩarare, gua peerare ḡuare yayas̄āma masiya mara masare, ar̄i yuḡriḡu Pedro Ñu mera.

²¹ Er̄ā eropar̄ic̄u peer̄ā opar̄āḡu dipaturi doreriñor̄ā daja er̄āre.

—Jesu ĩḡu buherare m̄aa buher̄ā ñero tarir̄āca m̄aa, ar̄iñor̄ā opar̄ā er̄āre.

Er̄āre “Ñu, Pedro mera ñero ĩir̄ā ĩima,” ar̄imasibir̄iñor̄ā er̄ā. Eropir̄ā masap̄u curimasibiridigu ĩḡu ḡagu wac̄u ĩar̄ā, “Goām̄u diaye ta ḡagu āhrimi,” ar̄iñor̄ā masa. Er̄ā eropar̄ic̄u peer̄ā opar̄āḡu Pedro s̄āre dipuwaja moamasibiri, er̄āre wiuñor̄ā.

²² Curimasibiḡu ḡagu er̄ā iidigu cuarenta bojori opagu ár̄iḡu.

Jesu yar̄ā er̄ā ḡüibiriburire ser̄ēñor̄ā Goām̄ure

²³ Eropii, Pedro Ñu mera er̄ā mera majar̄ā pohroḡe eja, pahia opar̄ā, m̄ur̄ā er̄āre er̄ā ar̄ir̄are wereñor̄ā.

²⁴ Er̄ā eropar̄ic̄u peer̄ā er̄ā ár̄ipehrer̄ā yujuro mera mari ḡagure Goām̄ure ser̄ēñor̄ā.

—ḡua Oḡu, m̄uḡu ḡmarore, yebare, diar̄ire ĩḡu, ár̄ipehrer̄āre ojocaric̄u ĩḡu āhraa m̄uḡu.

²⁵ M̄u Espiritu Santo gua ñec̄ure Davi m̄uḡure m̄u pohro majaḡure ḡpa weredoreyoro m̄u ar̄iñor̄ā dopa ta:

¿Duḡpir̄ā judio masa ár̄ibir̄ā guari? Pee masibir̄ā āhrima masa.

²⁶ Baja macari majar̄ā opar̄ā gamenere, mari Oḡu Goām̄ure, ĩḡu opu acudigu Cristo s̄āre ĩhatuiri, ñero ĩidiama er̄ā, ar̄i weredoreyoro m̄uḡu Davire iribojeguer̄e.

²⁷ Eropa ta āhraa, ar̄i ser̄ēñemoñor̄ā Goām̄ure. I macare Herode, Poncio Pilato, judio masa ár̄ibir̄ā, judio masa mera m̄u beyediḡure Jesure ḡagu m̄u pohro majaḡure wej̄edia gamenereama.

²⁸ Irisubu m̄u gamediro dopa ta “Eropa waroca,” m̄u ar̄iñor̄ā dopa ta iiaa er̄ā. M̄u masiri mera eropa wereyoro m̄uḡu.

²⁹ Eropiḡu, gua Oḡu, er̄ā ḡuare “M̄aa buheri waja ñero tarir̄āca,” er̄ā ar̄ir̄are ḡuñaque m̄uḡu. ḡuare itamuque. Eropiḡu ḡuare m̄u pohro majar̄āre ḡüiro mariro m̄u buherire weredoreque ḡuare.

³⁰ Mũhu mũ turari mera dorecuräre ðarã iique. Eropigu mũ buherire güiro mariro wrecũ iique guare. Eropigu mũ deyoro moarare Jesu mũ pohro majagu ĩgu turari mera ii ĩhmudoreque guare. Eropigu dorecuräre ðarã gwa wadorecũ mũ turari mera itamuque guare, arĩ serẽñorã erã mari Pagare.

³¹ Erã eropa arĩ serẽra pũhru, erã gamenereri wihi ñohmemaa wayoro. Ero eropa ñohmecũ ta Espĩritu Santo ĩgu turari mera guñaturarã wacũ iipũ erãre. Eropa warã, Espĩritu Santo ĩgu dorediro dopa ta iĩñorã. Güiro mariro Goãmu yare wereñorã erã.

Jesu yarã erã yare dũca wañorã

³²⁻³³ Eropirã Goãmu ĩgu turari mera erã Jesu ĩgu apinirã ðpa arĩ wereñorã masare: Jesure Goãmu masudigure gwa ĩabu, arĩ wereñorã erã masare. Eropigu Goãmu erã arĩpehrecãre ðaro itamumũripũ. Eropirã Jesure umupeorã bajarã arĩñorã. Erã yujuropa ta pepirã arĩmuriñorã. Eropirã erã erã yare erã doberire “Yaha dihta aħraa,” ne arĩbiriñorã. Erã arĩpehrecã erã yare gajinore moorãre erã mera majarãre dũca wamuriñorã.

³⁴ Eropirã erã mera majarã mojomorocurã marimuriñorã. Erã mera majarã yeba oparã, wiri oparã erã yare duamuriñorã.

³⁵ Eropa duarã erã wajasearare erã aĩgãri, Jesu ĩgu apinirãre omuriñorã. Eropirã erãpũ irire erã mera majarãre dũca wamuriñorã. Arĩpehrecã opabirãre dũca wañorã.

³⁶ Irisubure yujugu erã mera majagu Josẽ waĩcũgu arĩpũ. Jesu ĩgu apinirã Josẽre Bernabẽ waĩyeñorã. ĩgu waĩ Bernabẽ “Masare mucubiricũ iigu aħrimi,” arĩma Griego ya mera. ĩgu Levĩ ya curu majagu Chibre nũgũro majagu arĩpũ.

³⁷ Eropigu ĩgu poeri opagu arĩgu irire duapu. Eropigu ĩgu wajasearare Jesu ĩgu apinirãre ðpũ ĩgu gajirãre gueredoregu.

5

Ananía ĩgu marapo Safira mera gũyapu

¹ Gajirã sã Bernabẽ iro dopa iimuriñorã. Erã Ananía waĩcũgu, ĩgu marapo Safira waĩcũgo arĩñorã. Eropigu Ananía erã ya poerire duapu ĩgu.

² Eropa duaqueregu ta ĩgu wajasearare ĩgu basi aĩpũ. ĩgu marapo sã ĩgu eropa iirare masipo. Eropigu erã wajasea duharare aĩgãri, Jesu ĩgu apinirãre ðpũ Ananiapũ. Eropa oga, “Opehogu iiaa,” arĩripũ ĩgu.

³ ĩgu eropa iicũ ĩagu Pedro ĩgure werepũ.

—Ananía, watĩ mũre guyadorecũ mũhu gũyabu Espĩritu Santore. Eropigu mũa ya poerire dua, mũ wajasearare mũ basi aĩbu aħrabũ mũhu.

⁴ Mũ duaboro core mũa ya poeri arĩribũ. Eropiro mũ duara pũhru mũ ya wajatari ta aħrabũ. ¿Eropigu dohpa arĩronore eropa guyari mũhu? Mũhu gwa dihtare guyabea. Goãmu sãre gũyabu mũhu, arĩpũ Pedro ĩgure.

⁵ ĩgu eroparicũ peegu ta, Ananiapũ mehmereja, sĩria wapũ. Eropirã arĩpehrecã ĩgu eropa warare masirã, burigã güiñorã.

⁶ ĩgu sĩrira pũhru mamarã aħri, ĩgu dũpũre suhri mera oma, disiporogue aĩgã, yaañorã ĩgure.

⁷ Eropii uħre hora pũhru Ananía mũru marapo ĩgu sĩrirare masibigo Pedro pohrogue ñajapo.

⁸ Eropigu Pedro igore ðpa arĩpũ:

—¿Mũa ya poerire duanijarã dipẽ wajatari mũa? arĩpũ ĩgu. Eropigo igo igo marapu mũru ĩgu arĩrañepẽ ta, “Iripẽta wajatabu gwa,” arĩ wereripo igo sã.

⁹ Eropigu Pedro igore werepũ:

—¿Duhpirã mũa yujuro mera Goãmu Espĩriture guya ĩhadiari mũa? Peeque dohpaguere. Mũ marapu mũrũre yaanirã ta aħrima daja. Mũ sãre mũ dũpũre aĩrã aħrima, arĩpũ Pedro.

¹⁰ ĩgu eropa arĩ wrecũ ta igo mehmereja, sĩria wapo. Eropirã mamarã iri wihire ñajarã, igo ya dũpũ mũrarore aĩ wiria wañorã. Aĩgã, igo marapu mũru dipaba yaañorã.

¹¹ Eropirã Jesu yarã arĩpehrecã gajirã irire peerã sã, güitariacãñorã.

Jesu ĩgu apinirã Goãmu turari mera ii ĩhmuñorã

¹² Eropirã masa watope Jesu ĩgu apinirã bajasuburi Goãmu turari mera deyoro moarire ii ĩhmumuriñorã. Eropirã erã Salomo waĩcũri taribugue ðari taribugue gameneremuriñorã.

¹³ Eropirã gajirã erãre güirã, erã pohrogue wabiriñorã. Eropa güiquererã erãre Jesu ĩgu apinirãre, “Oarã aħrima oã,” arĩñorã masa.

¹⁴ Eropirā ũma, nome bajarā Jesure umupeonũgañorā.

¹⁵ Eropirā erā dorecurāre aĩgāri, omasiariñe mera pũtāpi apigāñorā Pedro waburi mague erāre. Eropirā dorecurāre ðarā wacũ gamera Pedro erāre ĩgu ñapeocũ gameñorā erā aĩgānirāpũ. Erāre ĩgu ñapeobiricũ Pedro erā weca ĩgu watĩ merejariñe dihtare gameñorā erā. Iri dihtare gameñorā erā erā ðarā waboro dopa.

¹⁶ Eropirā Jerusalén pohro arĩri macari majarā sã, dorecurāre, watēa ñajāsũnirā sãre aĩgāriñorā. Eropirā erā arĩpehrerā erā dũpũ ðaro wañorā.

Oparāpũ Jesu ĩgu apinirāre ñero iidoreñorā

¹⁷ ĩgu eropa iicũ ĩarā pahia opũ, ĩgu mera majarā mera Pedro sãre peyocũpũ. Pahia opũ mera majarā saduceo masa arĩñorā.

¹⁸ Pedro sã iirare peerā erā guatarirā Jesu ĩgu apinirāre ñehadore, peresu iĩñorā.

¹⁹ Eropiira pũhrũ iri ñami ta Goãmu ĩgu anyu pāgũpũ erāre peresugue arĩrāre. Tuhajanugu erāre wiriridore ðpa arĩ werepũ anyu:

²⁰ —Goãmu wihigue waque. Iri wihigue arĩrā Goãmu masare ĩgu tauburire, iri ðari buherire wereque masare, arĩpũ anyu erāre.

²¹ ĩgu eroparicũ peerā ñamigā ñari Goãmu ya wihigue ñaja, masare buheñorā erā. Irinũ ta pahia opũ, ĩgu mera majarā, Israe masa oparā mera gamenere, Jesu ĩgu apinirāre peresugue arĩrāre aĩgāridoreripũ surara oparāre.

²² Eropirā surara oparā peresugue doarāpũre aĩgārirā wariñorā. Erāre bocabiriñorā. Bocabiri dujaa wañorā daja.

²³ Dujaja wereñorā erā oparāre.

—Peresugue arĩri disiporori bihara disiporori āhrabũ. Eropirā erā iri disiporori pohro peresu iinirāre corerā ñiguama. Eropa ĩabũ gua. Eropirā gua disiporore pāgũcũ, masa marabũ, arĩ wereñorā erā.

²⁴ Erā eroparicũ peerā, surara Goãmu wihire coreñirā opũ, pahia oparā mera irire pee ũca wa, “¿Dohpa waha ojogorocurācuri erā eropa iirā?” arĩ pepiñorā erā.

²⁵ Eropigũ erā pohrogue gajigu ahri, erāre werepũ.

—Mũa peresu iinirā Goãmu wihigue āhrama. ĩarā waque bu. Iri wihigue masare buherā iia erā, arĩ werepũ.

²⁶ ĩgu eroparicũ pee, surara opũ, ĩgu surara mera waha, Jesu ĩgu apinirāre dipaturi ñeagāriñorā daja. Eropa ñearā erāre surara turibiriñorā. Eropirā erāre pabonirā arĩquererā, masare guirā pabiriñorā erāre. “Oāre mari pacũ gajirā masapũ ũtā mera dearācoma marire,” arĩ pepiñorā erā surarapũ.

²⁷ Eropirā erāre aĩgāri, oparā core duhudoboñorā erāre. Erā eropa aĩ eraa dohocũ pahia opũ erāre turipũ.

²⁸ —Mũare gua weretuhabũ. Jesu yare buhebiricāque, arĩrabũ gua mũare. Gua eropa arĩqerēcũ ta mũapũ arĩpehrerā Jerusalén majarāre buhea mũa. Jesu ĩgu sĩrira waja, gũare dipuwajacũcũ iidiarā iica mũa, arĩpũ pahia opũ.

²⁹ ĩgu eroparicũ peegu Pedropũ gajirā Jesu ĩgu apinirā mera yũhrĩpũ.

—Goãmu ĩgu dorerapũre iimũhtarāra. Eropirā pũhrũ Goãmu gamecũ masa erā dorerire iirāra.

³⁰ Goãmu mari acawererā iribojegue majarā opũ Jesure masudi arĩmi. ĩgu ta āhrimi mũa crusague pabia wejēdigũ.

³¹ Jesure masura pũhrũ Goãmu ĩgure “Ōagũ āhrimi,” arĩ, ĩgu diayepũ doadoremĩ Jesure ĩgu Pagupũ. Eropigũ Jesu masa opũ, masare masugu arĩgu, Israe masare erā ñeri iirare bujawererā arĩdoregu, erā ñerire cóadiami Jesu.

³² Eropirā guapũ Jesu ĩgu iirare ĩanirā arĩrā irire werea gua. Espĩritu Santo irire ĩhmugũ arĩgu weremi ĩgu sã. ĩgure Espĩritu Santore Goãmu oboami. Arĩpehrerā Goãmu dorerire iirāre ĩgu Espĩritu Santore ohomi, arĩ werepũ erāre.

³³ ĩgu eroparicũ peerā oparāpũ guataricāñorā. Eropirā erā Jesu ĩgu apinirāre wejēdiariñorā.

³⁴ Irisubure erore Gamalie fariseo masũ ero arĩgu erāre wejēdoregu iibiripũ. ĩgu oparā mera majagũ, dorerire buhegu ĩgu arĩcũ, masa erā umupeogu arĩpũ. Eropigũ ĩgu Jesu ĩgu apinirāre merogā coredoregu gajipũgue erāre aĩgādoropũ surarare.

³⁵ Erā eropa aĩgāra pũhrũ ĩgũpũ werepũ masare.

—Mũa Israe masa, oāre mũa iiburire ðaro pepique mũague wejēri arĩrā.

³⁶ Guñaque Teuda mũurure. ĩgu, ĩgu basi “Masare tarinũgagũ āhraa yũhũ,” arĩmi masare. Eropirā masa bajarā cuatrocientos masa ĩgu mera majarā dujama. Eropirā gajirāpũ ĩgure wejēnirā arĩmi. ĩgu sĩricũ ĩha ĩgu buherire buhenirāpũ wasiria wanirā arĩmi. Eropirā erā dohpaguere marima.

³⁷ Puhru masare erā queorisubu árícū Galilea majagu Juda waicūgu masare ĩgu buhecū ĩgu mera masa bajarā dujama. ĩgu sā sĭria wadi árĭmi. Eropii ĩgu yarā árĭpehrerā wasiria wanĭrā árĭma erā sā.

³⁸ Eroparĭgu dohpaguere muare ire arĭgu iiaa. Eropa ĩacāque oāre Jesu yare wererāre. Eropii i buheri oā erā ya buheri Goāmu ya buheri árĭbiro, pehrea waroca.

³⁹ Goāmu ya buheripū árĭro, ne pehresome. I buheri Goāmu ya árĭcū ne ire ne dederecū iimasibea māa. Māa ire dederecū ĩdiarā Goāmu mera gamequeārā ĩboca māa, arĭpū Gamalie erāre.

ĩgu eropa arĭ werecū peerā, “Diaye ta āhraa,” arĭ, peeñorā oparā.

⁴⁰ Eropirā erā Jesu apinirāre sihubeo, erā eracū ĩarā erāre tārañorā. “Jesu yare buhebiricāque māa,” arĭtuhaja, erāre wadoreñorā.

⁴¹ Eropa wadorecū peerā erā oparā pohrogue árĭnirā waha wañorā. Jesu ya árĭburire ñero tarirā burigā mucubiriñorā Jesu ĩgu apinirā.

⁴² Eropirā umuri nucu erā ya wirigüe, Goāmu wihigüe säre Jesucristo yare buhe weremuriñorā erā.

6

Siete itamumorāre beyeñorā Jesu yarā

¹ Irinurire Jesure umupearā bajarā wañorā. Eropirā griego masa judio masa mera gameturiñorā erā Jesu yarā dihta árĭquererā. Griego masa wapeweyarā nomere umuri nucu erā barire ðaro erā guerebiricū ĩarā judio masare turiñorā.

² Eropirā Jesu ĩgu apinirā, docerū Jesure umupearāre árĭpehrerāre erā pohrogue sihubeo, ðpa arĭ wereñorā:

—Gua Goāmu yare buherā āhraa gua. Barire gueremorāno árĭbeaa gua.

³ Eropirā māa gua acawererā, siete umare, gajirā “Ōarā,” erā arĭrāre, Espĭritu Santo oparāre amaque. Erāpūre barire gueredoreque māa.

⁴ Eropirā guapu umuri nucu Goāmure serē Goāmu yare buherāca, arĭñorā Jesu apinirā erā Jesure umupearāre.

⁵ Erā eroparĭcū peerā, “Āu, eropa ta iirā,” arĭñorā erā árĭpehrerā Jesure umupearā. Eropirā Estebanre Cristore umupegure, Espĭritu Santo turarire wuaro opagure beyeñorā erā. Gajirā säre beyeñorā. Felipere, Prócorore, Nicanore, Timore, Parmenare, Nicolare bari gueremorāre beyeñorā erā. Nicolapu judio masu árĭbigū Antioquía majagu judio masa buherire gamegu erā mera ñajadigu árĭpū.

⁶ Erā beyenirāre Jesu ĩgu apinirā pohro aĭ erañorā gajirā Jesu yarāpū. Erā eropa aĭ eracū ĩarā erā Goāmure serēbasañorā. Eropirā erā beyenirā weca erā mojotorire duhpeñorā Goāmu turarire orā.

⁷ Eropirā iri yeba majarā Goāmu yare masipehrenjarā ĩiñorā. Eropirā Jerusaléngue árĭrā Jesure umupearā bajarā wanemoñorā daja. Eropirā pahia sā bajarā Jesu yarā wañorā.

Gajirā Estebanre ñeañorā

⁸ Eropigu Esteban Goāmu turarire opagu árĭpū. ĩgu Goāmu ðaro ĩgu árĭpū. Eropigu ĩgu Goāmu turari mera deyoro moarire ĩ ĩhmupū masa erā ĩaro.

⁹ Judio masa erā buheri wihi majarā ĩgure ĩhaturiñorā. Eropirā ĩgu mera game duyasonugañorā. Erā Liberto waicurā árĭñorā. Eropirā erā Cirene majarā, Alejandría majarā, Cilicia majarā, Asia majarā mera bajarā árĭñorā erā Esteban mera duyasorā.

¹⁰ Esteban masigu dopa ta, Espĭritu Santore wuaro opagu ta ĩgu werenigüicū peerā erā yujuro bojebiriñorā ĩgure.

¹¹ Eropa yujuro bojebirā erā gajirāre ahma guyadore, wajayeñorā erāre. Erā eropa guyadorecū ðpa arĭ weresañorā erā Estebanre:

—Īhĭ Goāmure ĩgu ñero werenigüicū, Moiserē ĩgu ñero werenigüicū säre gua peeabu, arĭ weresañorā erā guyarāpū gajirāre.

¹² Erā eroparĭcū peerā masa, judio masa buherā, murā sā ĩgu mera guañorā. Eropirā erā Estebanre ñeha erā oparā pohro aĭgāñorā ĩgure.

¹³⁻¹⁴ Eropirā erā gajirāre guyanemodoreñorā. Ōpa arĭñorā erāpū:

—Īhĭ umuri nucu Goāmu wihire, ĩgu doreri säre ñero werenigüigu āhrimi. Peeabu gua ĩgure ĩgu ðpa arĭcū. “Jesu Nazare majagu Goāmu wihire cōagucumi. Eropigu ĩgu Moise dorerare marire ĩgu wererare gohrotogucumi Jesu,” arāmi Esteban gua peecū, arĭ गया weresañorā erā.

¹⁵ Eropirā árĭpehrerā ero doarā Estebanre ðaro ĩhamehtu, ĩgu diapore ĩañorā erā. Anyu ĩro dopa deyoyoro ĩgu diapo.

7

Esteban Jesu yare werepu

1 Eropii pahia opu serēpipu Estebanre.

—¿Oā erā arīri diaye ta āhriri? arī serēpipu ĩgu Estebanre.

2 ĩgu eroparīcū peegu, Estebanpu erāre ōpa arī werepu:

—Acawererā, murā, gua pagu sumarā, peeque. Abrahā mari ñecu muru iribojegu majagu Mesopotamiague ĩgu árīcū, Harángue ĩgu árīboro core, Goāmu turagu gosesiriro dopa ĩgure Abrahāre dehyoañumi.

3 Eropa dehyoagu Goāmu wereñumi ĩgure. “Mu ya yebare mu acawererā mera árībircāque. Eropigu gaji yebague waque. Mu eropa wacū mure iri yebare ĩhmuğara yuhu,” arīpu Goāmu Abrahāre.

4 ĩgu eroparīcū peegu Abrahā sā Caldea majarā ya yeba árīrā wañuma. Pu Harángue ejañuma. Erogue eja árīñuma. Eropigu ĩgu pagu ĩgu sīrira puhru i yeba dohpague mua árīri yeba Goāmu ta árīdoreñumi Abrahāre.

5 ĩgure eropa árīdorequeregu Goāmu Abrahā ĩgu árīri yebare ōaro gohra apibirimāriñumi ĩgure. Ne merogā apibiriniñumi. Eropigu Abrahā ĩgu porā marigu árīquerecū ta Goāmupu ĩgure ōpa arī wereñumi. “Mare mu pāramerā gaji turi majarāguere i yebare ogura,” arīñumi Goāmu Abrahāre.

6 Eropa arīgu ta ōpa arī werenemoñumi Goāmu Abrahāre. “Mu pāramerā gaji turi majarāgue gaji yebague waha, erogue gajirā pohro árīrā erā pohro majarā árīrācoma erā. Eropirā cuatrocientos bojori gohra ero majarā ñero iirācoma mu pāramerā árīturiarāguere.

7 Eropigu ero majarāre erā eropa iira waja dipuwaja moagura yuhu. Yuhu eropiira puhru mu pāramerā i yeba erarācoma daja. Eropirā i yeba ya dorerire iirācoma erā,” arīñumi Goāmu Abrahāre.

8 Eropa arīgu Goāmu “Yu arīdiro dopa ta iigura,” arīgu Abrahā ĩgu guñaburire ōpa apiñumi ĩgure. Merogā gasirogāre ĩgu dūpare wiri aĩdoreñumi ĩgure, ĩgu eropa arī wereraguere guñadoregu. Eropiira puhru Abrahā Isaare porācñumi. Ocho nuri puhru merogā gasirogāre wiri aĩñumi Isaa dūpu säre. Puhru Isaa Jacobore ĩgu porācñura puhru wiri aĩñumi ĩgu dūpu säre. Eropigu Jacobo doce gohra porācñumi. Erā docepu mari cururi ñecu oparāgue árīmuriñuma.

9 “Eropirā erā Jacobo porā mari ñecu sumarā mura Josére erā pagu magure peyocumuriñuma. ĩgure cohā, duacñuma Egiptogue warāre. Eropigu Josére Goāmu itamumuriñumi.

10 ĩgu ñero taricū ĩagu Goāmu ĩgure itamumuriñumi. ĩgu eropa itamucū Josépu ōaro pee masigu wañumi. Eropigu faraō Egipto majagu opu Josére ĩgu gamecū iñumi Goāmupu. ĩgu eropiicū faraōpu Josére Egipto majagu opu, ĩgu ya wihi majagu opu apiñumi.

11 “Eropii irisubure ta Egiptogue, Canaa waĩcari yeba sā ne deco aribiriyoro. Eropirā ero majarā ñero tariñuma. Eropirā Canaague árīrā Jacobo porā mari ñecu sumarā mura bari bocabirimuriñuma.

12 Eropigu Egiptogue trigo árīcū peegu, Jacobo ĩgu porāre erogue bari asūdoregu ne obeogu iñumi.

13 Puhru Egiptogue erā ejacū José ĩgu tīrāre wereñumi. “Mua pagu magu ta āhraa yuhu,” arīñumi erāre. Eropigu José acawererāre ne ĩagu iñumi opu faraō waĩcagu.

14 Puhru José ĩgu tīrāre erā pagu Jacobore sihudoregu obeoñumi. ĩgu acawererā setenta y cinco masa árīñuma irisubu.

15 ĩgu magu ĩgu sihubeoçū peegu Jacobo Egiptogue wañumi ĩgu magu pohrogue. ĩgu magu pohro āhri, puhru sīria wañumi pare. Eropirā ĩgu porā mari ñecu sumarā mura erogue sīripehrea wañuma erā sā.

16 Eropirā Siquē waĩcari yebague erā dūpare aĩ, masa goberigue seatuha yaañuma erā dūpare. Abrahā ĩgu asūra yebague árīyoro iri yeba erāre yaara yeba. Ero core Abrahā iri yebare Hamor porāre asūyuñumi niyeru mera.

17 Eropigu Goāmu Abrahāre “I yebare ogura mure,” arīmuriñumi. “Iri yebare ogura,” ĩgu arīrasubu ejacū Abrahā pāramerā Israe masa bajarā masa wañuma. Egiptogue árīñuma.

18 Egipto yeba erā árīnicū, gajigu opu ñajañumi. Eropigu ĩgu opu José mure masibiriñumi.

19 Eropigu ĩgu mari acawererāre ñero iidia, erā porāre wejēdia, erā porāre wejē cóacādoreñumi erāre. Eropigu mari ñecu sumarāre ñero iñumi opu faraōpu.

²⁰ Īḡu eropiirisubu Moise árĭbupũ masa dehyoañumi. Īḡu ðaḡu, Goãmu ðaro ĩhasuagũ árĭmuriñumi. Eropirã Īḡu paḡu sumarã wẽrerã abe gohra ðaro ĩhadibuñuma ĩḡugãre.

²¹ Moiserẽ dibunemomasibiricũ ĩḡure erã cõara puhrũ opu mago ĩḡure boca aĩ majaa, ĩgo magũ iro dopa ta dibuñumo ĩḡure.

²² Eropirã Egipto majarã ðaro masirã yare buheñuma Moiserẽ. Eropiḡu ḡũiro mariro wereniḡu opu iro dopa ĩḡu árĭñumi Moise.

²³ “Eropiḡu Moise cuarenta bojori ĩḡu opaboro core ĩḡu acawererãre Israe masare ĩadiagũ erã pohrogue curiḡu wañumi.

²⁴ Eropa curiḡu ejaḡu Egipto majagũ Moise acaweregure ĩḡu ñero iicũ Moise ĩañumi. Eropa ĩagũ ĩḡu acaweregure itamuñumi Moise. Īḡu acaweregure itamuḡu Egipto majagũpure pa wejẽcãñumi ĩḡu.

²⁵ Eropirũ Moise õpa arĩ pepiriñumi. Yu acawererã erã acaweregure yu itamucũ ĩarã, ‘Goãmu marire ðaro taricũ iidoreḡu oboeñumi ĩre,’ yu acawererã yure arĩ pepirãcoma,” arĩ pepiriñumi Moise. Erãpu ne eropa pepibiriñuma.

²⁶ Gajĩnu Moise ĩḡu acawererãre perã erã basi gamequeãrãre ĩapu. Eropiḡu ĩḡu erãre bosariñumi. “¿Mũa basi árĭquererã gamequeãri mũa?” arĩñumi Moise erãre.

²⁷ Īḡu eroparicũ peegũ yujugũ ĩḡu acaweregure ñero ĩḡu Moiserẽ tuubeoñumi. “Mũhu ḡua opu árĭbeaa. ḡuare doreḡu árĭbeaa mũhu.

²⁸ ¿Carũre Egipto majagure mũ wejẽdiro dopa ta yu sãre wejẽdiagũ iiri mũhu?” arĩñumi ĩḡu Moiserẽ.

²⁹ Īḡu eroparicũ pee uca wa Moise oma duhrigã waha wapũ. Madiãn waĩcari yebague waha wañumi. Erogue nomeore boca perã porãcũñumi.

³⁰ “Eropii Moise cuarenta bojori gohra ero ĩḡu árĭra puhrũ Sinaĩ waĩcudigu utãḡu pohro masa marirogue ĩḡu árĭcũ anyu ĩḡure dehyoañumi.

³¹ Eropa irigugã ũjucũ ĩagũ Moise ĩha uca wañumi. Iri peamere pohrogã ðaro ĩḡu ĩagũ wacũ gohra Goãmu ĩḡure wereñumi.

³² “Goãmu aħraa yũhu. Mũ ñecu sumarã, Abrahã, Isaa, Jacobo erã Goãmu aħraa yũhu,” arĩñumi Goãmu Moiserẽ. Īḡu eroparicũ peegũ Moisepu naragãñumi. Ne ĩha wahḡũbiriñumi.

³³ Eropiḡu Goãmu wereñumi ĩḡure. “Dohparagã yu pohro nigiugu ĩaa mũhu. Eropiḡu ḡuhyadiaro mera mũ zapature tuweaque.

³⁴ Yaharã masa Egiptogue erã ñero taricũ ĩabu. Erã sĭwererire peeabu. Eropiḡu erãre itamuḡu ahrabu. Erã eropa wacũ ĩagũ waque mũ sã. Egiptogue mũre obeogura erãre itamudoreḡu,” arĩñumi Goãmu Moiserẽ.

³⁵ “Erãpu mari acawererã Israe masa Moiserẽ gamebirituhajañuma. “Mũhu ḡua opu árĭbeaa. Mũhu ḡuare doreḡu árĭbeaa,” Moiserẽ eropa arĩrã gamebirã iituhajañuma. Eropa erã Moiserẽ gamebiriqerẽcũ Goãmu ĩḡure Egiptogue oboeñumi mari acawererãre, Israe masare itamubure, erãre dorebure. Īḡu eropa obeoḡu anyupure ĩḡure yucũḡue dehyoadigure itamudoreñumi ĩḡure.

³⁶ Moise ta mari acawererãre Israe masare Egiptogue árĭrãre wiudigu árĭñumi. Eropiḡu Egiptogue eja, ĩhĩ Moise Goãmu turari mera ii ĩhmunũgañumi. Eropiḡu wũariya diariyague eropa ta ĩĩñumi daja. Puhrũguere masa marirogue sãre cuarenta bojori gohra Goãmu turari mera deyro moarire ii ĩhmunuriñumi ĩḡu erãre.

³⁷ ĩhĩ Moisepu mari acawererãre Israe masare weremuriñumi. “Yu iro dopa ta Goãmu yare weremũhtabure Goãmu obeoḡucumi. Eropiḡu ĩḡu mũa mera majagũ mũa acawereḡu árĭḡucumi. Īḡu eropa eracũ ĩḡure ðaro peeque mũa,” arĩmuriñumi Moise erãre.

³⁸ Moise masa marirogue mari acawererã Israe masa mera árĭmuriñumi. Eropiḡu mari ñecu sumarã iribojegue majarã mera árĭñumi ĩḡu. Eropa árĭḡu Sinaĩ waĩcudigu utãḡue ĩḡure werediḡu anyu mera árĭñumi. Erogue Goãmu ĩḡu dorerire aĩdigu árĭñumi Moise.

³⁹⁻⁴⁰ “Iri dorerire utãḡue Moise waha aĩrisubu mari ñecu sumarã mũra Egiptogue dujadiarã Moiserẽ tarinũgañuma. Erã ĩḡure gamebiriñuma. Eropa gamebirã Aarõre Moise ĩḡure õpa arĩñuma: “¿Īḡu Moise marire Egiptogue aĩḡaridi dohpa wayuri ĩḡu? Masibirica mari. Eropiḡu goãmarã wéanirãre ĩique mari yarã árĭmorã. Eropirã mũ wéanirã marire doreri mari wadiari maha marire aĩḡarãcoma,” arĩñuma erã.

⁴¹ Eropa arĩra puhrũ erã wecure oro mera wéañuma. Eropa iituhaja, erã waimurãre wejẽ, erã wéadigu pohro aĩḡari umupeoñuma ĩḡure. Eropirã erã erã iidigure wecare ĩarã, mucubiri, bosenu ĩĩñuma.

⁴² Eropigu Goāmũ erã wéadigũre erã umupeocũ ïagu, erãre cóãcãriñumi. “Erã yũre cóãrã gajirã umaro majarãpũre umupeo curaporo,” arĩgu cohãgã wariñumi. Goāmũ yare weremũhtanirã òpa arĩ gojañuma Goāmũ wereniguirire:

Mũa Israe masa, yũre ñe ñero iibabu. Masa marirogue cuarenta bojori gohra áriřã waimũrãre mũa wejẽnirãre mũa soenirãre yũre mũa obodiro dopa ta umupeorabu mũa. Eropirã yũpũre umupeobirabu mũa.

⁴³ Eropirã mũa Molo waicũgũre umupeorã áriřã, ïgũre umupeori wihire iibabu mũa. Eropirã “Refa gua goāmũ áhrimi,” arĩřã ïgu necãmũ mũa wéadigũre mũa umupeoabu daja. Erã wéanirãre mũa iinirãre mũa umupeoabu. Mũa eropa iira waja mũare Babilonia sipũgue cóãbeogara yũhũ, arĩñumi Goāmũ ïgu ya weremũhtanirã mera.

⁴⁴ “Eropirã masa marirogue Goāmũ masa mera ïgu áriřã wihire waimũrã gasiri wihire opamũriñuma mari ñecu sumará iribojegũre majarã. Iri wihĩ Goāmũ masa mera ïgu wereniguirĩ wihĩ áriřoro. Iri wihigũre Goāmũ dorerire ïgu gojara mijiri utã mijiri áriřoro. Iri wihire Goāmũ ïgu werediro dopa ta Moisere ïgu ïhmudiro dopa ta ii ïhacũdoreñumi Goāmũ Moisere.

⁴⁵ Pũhrũgũre majarã mari ñecu sumará Josué mera iri wihire aĩgãriñuma mari áriřã yebagũre erarã. Erã iri yebagũre Goāmũ ïgu apira yebagũre erã eraboro core iri yeba majarã murare Goāmũ cóãcãñumi. Irisubure Goãmũre umupeori wihire waimũrã gasiri wihire opamũriñuma mari ñecu sumará. Ne Davi mũrũ ïgu áricũgũre opatuñuma iri wihire.

⁴⁶ Eropigu Davi mũrũ Goãmũre mucubiricũ iĩñumi. Eropigu Goãmũ ya wihĩ áriřburire iidiagu Davipũ serẽriñumi Goãmũre.

⁴⁷ ïgu eropa serẽquerecũ ta Salomopũ Davi magupũ Goãmũ ya wihire iĩñumi.

⁴⁸ ïgu eropa iiquerecũ ta Goãmũpũ masa erã iira wihigũre áriřbeamĩ. Òpa arĩñumi Goãmũ wereniguirire weremũhtadigu:

⁴⁹ Ũmarogue yũ doaro áhraa. Ero doagu dorea yũhũ. Eropiro yebapũ yũ guburire duhpẽoro iro dopa ta áhraa. Yũhũ turatariagu áhraa. Yaha wihĩ áriřborore iimasibea. Goãmũ yũ áricũ yũ áriřburi wihire mũa iimasibea.

⁵⁰ Yũ basi i yebare áriřpẽhrore iibabu yũhũ, arĩmi Goãmũ, arĩ gojañumi Goãmũ yare weremũhtadigu, arĩpũ Esteban.

⁵¹ Eropigu òpa werenemopũ Esteban erãre:

—Mũa ne yũhridiabirã áhraa. Goãmũ yare peequererã, ïgũre yũhridiabeaa. Espiritu Santore tarinũgataria mũa. Mũa ñecu sumará erã iidiro dopa ta iiaa mũa.

⁵² Mũa ñecu sumará áriřpẽhrore Goãmũ ya weremũhtanirãre ñero iĩñuma. Erã Goãmũ yare weremũhtanirãpũ “Pũhrũ òagu Goãmũ yare weremũhtagu arigũcumĩ,” arĩ erã wererã áricũ peeñuma mũa ñecu sumará mura. Eropa arĩ werenirã murare wejẽmũriñuma. Eropirã “Òagu,” erã arĩgũre mũa sã dohpagũre ïgu ya curu majarã áriřquererã ta ïgũre wejẽabu.

⁵³ Goãmũ dorerire anyuapũ wereriñuma mũare. Eropirã mũa iri dorerire opariyoro. Eropirã iri dorerire tarinũgabũ mũa, arĩ wereniguitupũ pare Esteban.

Erã Estebanre utãyeri mera dea wejẽñorã

⁵⁴ ïgu eroparicũ peerã erãpũ burigã guañorã. Eropa turaro guarã, guhyarã wañorã.

⁵⁵ Erã eropa guaquerecũ ta ïgu Espiritu Santo ïgu dorero dopa ta iipẽhogũ áriřgu, ïgu turarire òaro opagu áriřgu, umarogue ïhamemuju Goãmũ gosesiririre ïapũ Esteban. Jesu Goãmũ diayerũ ïgu nigũicũ ïapũ ïgu.

⁵⁶ Eropa ïagu òpa arĩpũ

—Ũmarogue merogã ero tuweamaacũ Jesu Goãmũ obeodigu Goãmũ diayerũ ïgu nigũicũ ïhaa yũhũ, arĩpũ Esteban.

⁵⁷ ïgu eroparicũ peerã ta erã burigã gaguinigui, erã gamirire bihacã, yujuro mera ïgu pohrogue omagã, ïgũre ñeañorã.

⁵⁸ Ñehatuhaja, ïgũre aĩgã, iri maca tũro pohrogue cóãñorã ïgũre. Eropirã utãyeri mera dea wejẽcãñorã erã ïgũre. Erã eropa wejẽboro core ïgũre utãyeri mera deamorã erã weca maja suhrire tuwea, mamũre Saulo waicũgũre iri suhrire opabasadoreñorã erã.

⁵⁹ Eropigu Esteban erã ïgũre utãyeri mera dea wejẽrisubu òpa arĩpũ.

—Jesu yũ Opũ, yũ siporãre aĩque, arĩpũ.

⁶⁰ Eropigu ïgu mereja òpa arĩpũ:

—Opũ Jesu, oã dohpague ñero erã yũre iirire erãre dipuwaja moabita mũhũ, arĩpũ Esteban.

Eropa arĩtuhajagu ta sĩria wapũ ïgu.

8

1 Eropigu Esteban İgu sīricū İagu, “Ōhaa,” arīpu Saulo.

Saulopu Jesu yarāre űero iipu

Eropirā irinure ta Jesu yarāre Jerusalēngue ārīrāre űero iinugañorā Jesure gamebirāpu. Erā eropa űero iicū Jesu yarā Judea yebague, Samaria yebague yoarogue duhrisirigā wañorā. Jesu İgu apinirā dihta wabiriñorā.

2 Eropirā gajirā Goāmure umupeorā Esteban dupu murarore yaa, burigā oreñorā erā.

3 Saulopu Jesu yarāre űetariaro iimuriripu. İgu erā ya wirigue űaja, űmare, nomere űeha, peresugue bihadobomuripu.

Samariague Jesu yare buhepu Felipe

4 Eropirā yoarogue wasirinirā Jesu yarāpu Jesu yare buheñorā.

5 Eropigu Felipe Samaria waīcari macague eja, Jesu yare buhepu iri maca majarāre.

6 İgu eropa buhecū ero majarā űaro peeñorā. Eropirā Goāmu turari mera deyoro moarire İgu ii İhmucū İañorā erā. Eropā İarā İgure űaro peeñorā erā.

7 Bajarā watēa űajasūñirāre İgu pohro erā eracū İagu watēapure wadorepu İgu. Watēapu burigā gaguinigi, duhugā waha wañorā erāre. Eropigu bajarā dupu buhanirāre, curimasibirāre dupu űarā iimuripu.

8 İgu eropa iicū İarā iri maca majarā bajarā masa mucubiriñorā.

9 Irisubure Simo waīcugu iri maca majagu yee arīpu, Eropigu yeea erā iirare ii İhmmuripu Samaria majarāre. İgu eropa ii İhmucū ero majarā İha űca wa İgure gahyadiaro mera İarā ārīñorā.

—Yūhu masipehogu āhraa, arīpu Simopu erāre.

10 İgu eropa iicū İarā masapu űpa arīmuririñorā:

—İhī Goāmu ya turari opagu āhrimi. Goāmu iro dopa turagu āhrimi, arīmuririñorā masa erā oparā mera. Erā arīpehrerā űaro peeñorā İgure.

11 İgu yeea erā İiri İgu purisiriri mera yoari boje ii İhmmuripu erāre. İgu eropa ii İhmucū İarā erā űca wamuriñorā. Eropirā erā İgure umupeomuriñorā.

12 Felipepu erā İgure eropa umupequerecū Goāmu İgu opu ārīre, Jesucristo yare űari buherire werepu. İgu eropa werecū erā İgure űaro peeñorā. Erā eropa űaro peecū İagu űma, nome mera waīyepu Felipe.

13 Eropigu Simo İgu yee sā Felipepe űaro peepu. Eropigu İgu sāre waīyepu. İgu eropa iira puhru Felipe mera dujapu İgu. Felipepu Goāmu turari mera ii İhmucū İagu, dorecarā űarā İgu iicū İagu Simo İha űca wamuripu.

14 Eropirā Samaria majarā Goāmu yare erā burigā gamecū peebeomuriñorā Jerusalēngue ārīrā Jesu İgu apinirāpu. Erā eropa peebeorā Pedrore, űu sāre obeoñorā Samariague.

15 Erogue erā ejara puhru Pedro sā Goāmure serēbasañorā. “Ōā Samaria majarā mure umupeorā mu Espiritu Santore opaporo,” arī, serēbasañorā erā Goāmure.

16 Erā Samaria majarā Jesucristo waī mera waīyesūñirā ārīñorā. Iri dihtare masiñorā erā. Eropirā Espiritu Santore opabiriñorā dohpa.

17 Eropigu Pedro űu mera Samaria majarāre erā mojotorire erā weca duhpeora puhru Espiritu Santore opanugañorā erā.

18 Eropigu Pedro sā erā ya mojotori mera erā duhpeora puhru Espiritu Santo eracū İapu Simo yeepu. Eropa İagu arīgu, erā turarire gamegu niyeru mera wajayediaripu.

19 Ūpa arīripu Simo:

—Yū sāre oque i turarire. Yū sā yū mojotori mera masa weca duhpeodiaca Espiritu Santore erā űeaboro dopa. Eropigu i yū iiburi wajare wajayediaa, arīripu Simo erāre.

20 İgu eroparīcū peegu Pedro űpa arīpu.

—Mu niyeru mera Goāmu ya turarire mu asūdiara waja mu niyeru mera ta peamegue waque muhu.

21 Goāmu mu pepirire masimi. Muhu űegu arīnia. Eropigu ire gua iirire iimasibea muhu. I mu iirino arībeaa.

22-23 Burigā peyocua muhu. Eropigu mu űeri iirire ne duhumasibea muhu. Eropigu ire muhu űero iirare bujawereque muhu. Goāmure mu űero pepirire ero diaye ta serēque muhu. Muhu eropa iicū İagu İgu mu űerire cādijibocumi, arī werepu Pedro İgure.

24 İgu eroparīcū peegu Simo yuhripu İgure.

—Yūre serēbasaque muu Goāmure mu arīdiro dopa yū wabiriboro dopa. Iri waja peamegue wadiabeaa yūhu, arīpu Simo İgure.

²⁵ Ero puhru Pedro Ñu mera Goãmu yare wereñorã. “Jesu İgu masa müriacü İabu gna,” arı, Samaria yeba árıri macari majarãre ðari buherire buheñorã. Erãre Goãmu yare buhetuhaja Jerusaléngue dujaa wañorã.

Felipe Etiopía yeba majagure buhepu

²⁶ Eropii Goãmu İgu obeodigu anyu Felipere werepu:

—Dohpaguere ðdoca surgue waque. Jerusalén pohro árıri mague Gazague wari mague waque, arı werepu anyu Felipere. İri maha masa marirogue árıyoro.

²⁷ İgu eroparıcü peegu İgapu iri mague waha wapu. Puhru iri mague yujugu masare bocatırıbu iipu. İgu bocatırıbu árıpu Etiopía yeba majagu opu. Eropıgu Candace waıçugo Etiopía majago opu buro yare niyerure árıpehrerire İhadıbuğu árıpu. Eropıgu İgu Jerusaléngue mari Pagure umupeogu ejadi árıpu.

²⁸ İgu ya macague türudıru mera dujaagu irirugue waqueregu ta buhegu iipu. Goãmu yare weremuhtadıgu İsaia İgu gojarapüre buhegu iipu.

²⁹ Eropıgu Espırıtupu Felipere ðpa arı werepu.

—Sihı türudırugue wagu pohrogue waque, arıpu Espırıtı Santo İgure.

³⁰ İgu eroparıcü peegu, Feliperu türudıru pohrogue omagã, İsaia İgu gojarare Etiopía majagu İgu buhecü peepu. Eropı peegu Felipe serëpıpu İgure.

—¿Ma buherire masırı muhu? arıpu İgu.

³¹ İgu eroparıcü peegu Etiopía majagu ðpa arı yuhrıpu:

—Gajıgu yare weretaugu marıcu ðaro masıbeaa yuhu. Ohö yare weredoagu arıque yuhu dipaba, arı yuhrıpu İgu Felipere.

—Au, arı, doajapu İgu pohro.

³² Eropii Goãmu yare Etiopía majagu İgu buherıpu ðpa árıyoro:

Ovejare erã ñeha wejëdıro dopa ta İgu säre ñeha wejërãcoma masa. Eropıgu ovejãre İgu poare erã seacı İgu gaguınıguıbiro dopa ta İgu ması sä ejarı marıro árıgucumi.

³³ İgure erã wereyarãcoma. Eropırã İgu İgu ñero iıbirıquerecü ta erãpu ñero iırãcoma İgure. İgu i yebague İgu árıcü erã İgure wejërãcoma. Eropıgu İgu porã marıgu sıria wagucumi, arı gojara árıyoro.

³⁴ İripü eroparıcü İagu, Etiopía majagu Felipere serëpıpu:

—Wereque yare. ¿Opa İsaia İgu arıgu ñıhıno árıcurı ihı? ¿İsaia İgu bası weregu iıcurı? ¿O gajıgure weregu iıcurı? arı serëpıpu Etiopía majagu.

³⁵ İgu eropa serëpi İacı peegu Felipe irıpüre İha, Jesu yare werepu Etiopía majagure.

³⁶ Eropırã erã irıru mera waha, maugãgue ejañorã.

—İaque. Ohö maugã ahraa. I maugãgue yare waıyeque, arıpu Etiopía majagu.

³⁷ —Jesure muhu ðaro umupeocü İagu mure waıyegura, arıpu Felipe İgure.

—Jesure umupeoa yuhu. İgu Cristo Goãmu magu ahrimi. İrire ðaro masıa yuhu, arıpu Etiopía majagu.

³⁸ Eropı arıgu ta İgu türudıru autugure yaudorepu. İrıru yusumerejara puhru wırıañorã erã. Wırıa waha, irıyagãgue eja, ñumu wırı ñugajañorã. Ero ñumunugaja, Feliperu İgure waıyepu.

³⁹ Waıyetuhaja erã majajanugacı Goãmu İgu Espırıtı Felipere aıgã wapu. İgu eropa wara puhru Etiopía majagu ðaro mucubırıgu İgu ya yebague dujaa wapu. İgu eropa İrı uñıuyacı ne dipatırı Felipere İabırıpu.

⁴⁰ Feliperu eropa İtuhaja Azotogı ejarı. Eropıgu baja macarire ðarı buherire buhepu masare. Pu Cesareague buhetumarıpu.

9

Saulo Jesucristore İagu İgure umupeonugapu

¹ İrisıbuı Saulo Jesu yarãre İhaturıgu, “Erãre wejëgura,” arıgu, İgu opu pohrogue wapu.

² Erogue ejaıgu İgu gojarapırıre serëpu pahıa opuıre. Opa arıpu:

—Damasco maca maja wırıgue marı buherı wırıgue Jesu yarãre, umare, nomere yuhu erãre bocaıa, ñeha dıhrı, Jerusaléngue aıgırıgura. İrı wırıgue árırãre yu erãre ñeaburıpüre paperapüre yare goıa oue, arı serëpu pahıa opuıre.

³ İrıpüre aıtuhaja, waha, İgu Damasco pohro İgu eıabu İıcü gohra umaro maja gosesırı medıyuro İgure.

⁴ Eropı gosesırı medıjucü ta İgu yebague mehmerejagu, werenıguıcü peepu.

—Saulo, Saulo, ¿duhpıgu muhu yare ñero İırı? arıro carıyoro.

⁵ —Opu, ¿nihino áhriri muhu? arĩpu Saulo.

—Yuhu mu ñero iigu ta áhraa arĩpu Jesu. Muhu yu mera guagu yure yuhribigu, mu basi ta ñero tariiaa, arĩpu Jesu Saulore.

⁶ Igu eroparĩcũ Saulo güiri mera naragãniyagu opa serẽpipu:

—Opu, ¿dohpa yuhu iicũ gahmeri muhu? arĩpu Saulo.

Igu eroparĩcũ opa arĩpu Jesu igure:

—Wahgãnugajaque muhu. Macague waque. Iri macague ejacũ ero majagu mu iiburire weregucumi mare, arĩpu Jesu Saulore.

⁷ Igu eroparĩcũ Saulo mera majarãpu igu wereniguiuri dihtare peeñorã. Jesupare ãbiriñorã. Igu eropa wacũ ãarã güirã erã wereniguimasibiriñorã.

⁸ Eropigu Saulo yebague oyadigu wahgãnugaja, igu ãacũ igu cuiuri deyobiriyoro. Eropirã erã igu mojtore ñeha, Damascogue tuã wahgã wañorã erã igure.

⁹ Eropigu igu uhrenu gohra ne ãabiri, babiri, ne iñribiripu.

¹⁰ Eropii Jesu igu buhegu Anania waĩcugu Damasco arĩpu. Eropigu Jesu dehyoapu Ananiare. Eropa dehyoagu piyupu igure:

—Anania, ¿áhriri? arĩpu Jesu igure.

—Áhraa yu, arĩ yuhripu Anania igure.

¹¹ Igu eroparĩcũ Jesu igure werepu.

—Diaye waĩcuri mague waque. Eropa wagu Juda ya wihigue Tarso majagare Saulo waĩcugure amaque. Igu Goãmure serẽniguigu iicumi.

¹² Eropigu quẽro dopa ta igu ãarare ãagu iicumi eroguere. Opa arĩrĩre ãagu iicumi. Muhu mu mojtore igu weca duhpeo, igu cuiuri ðaro wacũ ãagu iicumi igure dehyoarare, arĩpu Jesu Ananiare.

¹³ Igu eroparĩcũ peegu Ananiapu opa arĩpu:

—Opu, igu mu yarãre ðarãre Jerusalén majarãre ñero iapu. Bajarã masa yure eropa arĩ wereama.

¹⁴ Eropigu õre Igu arĩpehrerã mare umupeorãre peresu iigu arigu iapu. Pahia oparã igure eropa iidoreañorã, arĩpu Anania Jesure.

¹⁵ Igu eropa arĩquerecũ Jesupu werepu igure.

—Igu Saulopu yu beyedigu áhrimi. Igu yaha buherire baja macari majarãre, oparãre, Israe masa sãre buhegucumi.

¹⁶ Eropigu bajasuburi yahare igu buheri waja igu ñero tarigucumi. Irire igure masicũ iigura. Eropigu waque muhu, arĩpu Jesu Ananiare.

¹⁷ Igu eropa arĩra puhru Ananiapu, waha eja, Saulo igu arĩri wihigue ñaja wapu. Ñajaja, igu mojtore Saulo weca duhpeo, werepu igure:

—Acaweregu Saulo, mari Opu Jesupu mague mare dehyoadigu yure obeoami mu cuiuri mu ãaboro dopa. Espĩritu Santore mu opaboro dopa, igu dorediro dopa mu iiboro dopa yure obeoami mu pohrogue, arĩ werepu Anania Saulore.

¹⁸ Igu eroparĩcũ ta igu cuirire wai natũri dopa bejarire igu cuirire cohrodijacũ ãapu pare Saulo. Igu eropa ãatuhara puhru igu wahgãnugajacũ gajigupu waĩyepu igure.

¹⁹ Eropigu igu, igu bara puhru turagu wapu.

Saulo Damascogue Jesu yare buhenugapu

Eropii bajamenuri Damascogue Jesu yarã mera arĩmũripu Saulo.

²⁰ Eropigu irisubure ta igu judio masa buheri wiri arĩgu, Jesu yare buherpu masare. “Jesu Goãm magu ta áhrimi,” arĩ werepu Saulo.

²¹ Igu eropa werecũ ãarã arĩpehrerã igure peerã uca wañorã.

—Ihĩ Goãm yarãre Jesure umupeorãre ñero iidigu áhrimi. Eropigu igu erãre ñeha, dihri, pahia oparãre odiadigu arĩrimi. Eropiidiagu õguere aridigu arĩrimi, arĩñorã masa igure peerã.

²² Erã eroparĩquerecũ Saulo güiro mariro turaro mera buhenugapu. Judio masare Damasco majarãre ðaro werepu. “Ihĩ Jesu diaye ta Cristo marire taubu áhrimi,” igu arĩ werecũ erãpu igure “Gayagu iimi ihĩ,” arĩmasibiriñorã igure.

Saulo duhri wahgãpu judio masare

²³ Eropirã bajanuri puhru judio masa igure wejẽdiañorã. Eropirã erã basi gamenere igure erã wejẽburire wereniguiñorã.

²⁴ Eropirã igure wejẽdiarã, iri maca maja disiporore umure ñami sãre coremũriñorã. Saulo wiricũ ãha wejẽmorã coreñorã. Erã eropa wejẽdiaquerecũ Saulo erã wejẽdiarire masipu igu mera majarã mera.

²⁵ Eropirā ñamigue Saulo buherā ñgure puibu wuuri puibu mera aĩsā, iri maca maja sārro purapugue duhudijucāñorā ñgure.

Saulo Jerusalén árĩpũ

²⁶ Eropigũ Saulo Jerusaléngue ejagu, erogue Jesu yarā mera ñgu árĩdiaripũ. Ñgu eropa árĩdiacũ erā ñgure “Jesure umupeogu árĩbeami ihĩ,” arĩñorā. Ñgure güi arĩñorā.

²⁷ Erā eropa güiquerecũ ta Bernabépu ñgure aĩgāpu Jesu ñgu apinirā pohrogue. Eropigũ Saulo mague Jesure ñgu ñarare, Jesu mera ñgu wereniguirare, Damascogue güiro mariro Jesu yare ñgu buhenugarare werepu Bernabépu.

²⁸ Ñgu eropa werera puhru Saulo erā mera ñajagu, Jerusaléngue erā mera árĩmuriipũ.

²⁹ Eropigũ ñgu güiro mariro Jesu yare buhepu. Eropigũ ñgu judio masare Jesu yare weretarinagaga iipũ. Erā judio masa griego masa ya wereniguirā árĩñorā. Eropirā Saulo ñgu eropa weretarinagari waja ñgure wejediañorā.

³⁰ Erā eropa wejediacũ ñarā, Saulo mera majarā Jesu yarāpu ñgure Cesareague aĩduhrigā waha wañorā. Erogue ñgure sihu árĩñiguiri Tarsogue obeoñorā erā ñgure.

³¹ Eropi árĩpehrerogue Judea yebague, Galilea yebague, Samaria yebague Goāmu yarā ñaro árĩmuriñorā. Irisubure ne masa ñero iĩbirimuriñorā erāre. Eropirā ñaro buheñorā erā. Eropirā erā Goāmure gahyadiaro ñañorā. Espĩritu Santo erāre ñgu itamucũ erāpu Jesure umupeorā bajarā wañorā.

Pedro Eneare ñagu wacũ iipũ

³² Eropii Pedro árĩpehreri macarigue wagu, Jesu yarā Lida majarā pohrogue säre ejarũ ñgu.

³³ Erogue ejagu Enea waĩcugure bocajapu. Enea dupũ buhadigu árĩgu, ocho bojori gohra erā pũtāpidi oyamuriipũ.

³⁴ Eropigũ Pedropũ ñgure õpa arĩpu:

—Enea, Jesucristo ñagu árĩcũ iimi mure. Wahgānugajaque. Mure pũtāpira gasiروه amuque, arĩpu Pedro ñgure.

Ñgu eroparĩcũ ta ñgu wahgānugaja waha wapũ.

³⁵ Eropirā árĩpehrerā Lida majarā, Sarón majarā ñgure ñarā, erā erā ñeri iirare duhu, Jesure umupeonugañorā.

Dorca waĩcugore masupũ Pedro Jesu turari mera

³⁶ Eropii Jope waĩcũri macague Jesure umupeogo Tabita waĩcũgo árĩpo. Igo waĩ Tabita griego ya wereniguiri mera Dorca āhraa. Igo ñarire iigo baja omuriipo masare.

³⁷ Eropigo irisubure igo doreca wahgũ, siria wamuriipo. Igo siricũ ñarā, erā igo dupũ mũrarore ñaro coe, umaro maja taribugue apiñorā igore.

³⁸ Lida waĩcũri maca Jope pohrogue árĩyoro. Ero eropa árĩcũ Jesure umupeorā Jope maca majarā Pedro Lidague ñgu árĩcũ peebeoñorā. Eropa peebeorā perā umare obeoñorā Pedro pohrogue. Ñgu pohrogue ejarā wereñorā Pedrorerā erā.

—Yojaro mera waque gua árĩrogue, arĩ wereñorā erā.

³⁹ Erā eroparĩcũ peegu erā mera waha wapũ ñgu. Erogue ñgure erā aĩ ejara puhru umaro maja taribugue siridigo pohro aĩmuriia wañorā ñgure. Pedro árĩcũ ñha árĩpehrerā wapewyarā nome orerā ñgu pohro ejanugamuriñorā. Tabita erā mera árĩñigogue baja suhrire iibasamuriipo. Eropirā erā igo eabasara suhri mũrare ihmuñorā Pedrorerā.

⁴⁰ Pedro erāre iri taribugue árĩrāre wiriadorepu. Erā wiriara puhru ñgu mereja, Goāmure igore serēbasapu. Eropigũ igo dupũ mũrarore maji ñha,

—Tabita, wahgāque, arĩpu ñgu.

Ñgu eroparĩcũ ta igoru ñha wahgũ, Pedrorerā ñha, wahgā doajapo.

⁴¹ Igo eropa wahgā doajacũ ñha, ñgu igo mojotore ñeha tarawahgũ nugupu igore. Eropigũ ñgu ero majarāre Jesu yarāre, wapewyarāre sihubeo, igore ojocarigore wiapu erāre.

⁴² Ñgu eropa iira puhru árĩpehrerā Jope majarā irire masirā bajarā masa Jesure umupeonugañorā.

⁴³ Puhru Jopegue Simo waimurā gasirire amugu mera bajarāri Pedro ñgu mera arĩpu.

10

Pedro Corneliore Jesu yare werenugapu

¹ Irisubure Cesareague Cornelio waĩcũgu árĩgu. Ñgu cien surara opu arĩpu. Erā surarapu erā ya curu Italiano waĩcũyo ro.

² Cornelio İġu ya wihi majarā mera mari Pagure umupeorā, guhyadiaro ĩarā árĩnorā. Eropiġu İġu judio masa mojomorocurāre itamugū baja gajinore omuripū. Eropiġu İġu umuri nucu mari Pagure serēmuripū.

³ Eropii ñamicague tres árĩcūgue Goāmu yagu anyu İġure dehyoapu. Eropa dehyoagu Cornelio pohroque ñajajapu.

—Cornelio, arĩ piyupu anyu İġure.

⁴ Eropiġu Cornelio İġure İha ġiūgu ōpa arĩpu:

—Opū, ġñehenore gahmeri? arĩpu İġu.

—Masare mu orare, mari Pagure mu serēniguirare Goāmu peeami.

⁵ Eropiġu Jopegue mu umare obeoque. Erogue Simo Pedro waĩcugū āhrimi. İġure aĩġaridoreque mu umare.

⁶ İġu gajigu Simo waimurā gasiri amugu pohro, wuuriya turo árĩri wihi ta āhrimi, arĩpu anyu Corneliore.

⁷ Anyu eropa arĩtuhaja, wiria waha wapu. İġu wiriara puhrū Cornelio perāre İġure itamurāre yujugu İġu surara mera majagure sihuḡu. Surarapu Goāmure umupeogu árĩgu, umuri nucu Corneliore itamudigu árĩpu.

⁸ Eropiġu Cornelio erāre werepeho, Jopegue obeopu erāre.

⁹ Eropi gajinu Jopegue erā warisubu goeri boje gohra árĩcū Pedropu wihi wecague Goāmure serēgu wapu.

¹⁰ Eropiġu İġure oa pūricū badiapu. Eropiġu gajirā barire erā moarisubu İġupu dehyoacū İapu.

¹¹ Ūmarore pārimaacū, wuuri gasiro wapicarisubu pepuri ojogorori dirira gasiro dijaricū İapu.

¹² Iri gasiro pohecague bajarā waimurā nuġu majarā, yebague paha curirā, mirimagu porā majarā árĩnorā.

¹³ Irire İġu İara puhrū, Pedrore wereniguiro caricū peepu.

—Pedro, wahġānugajaque. Oāre wejē baque, arĩro cariyoro İġure.

¹⁴ İġu eroparicū peequeregu ta Pedro ōpa arĩpu:

—Opū, ne erāre babeaa yuhu. Ñerāre, Goāmu İġu badorebirinirāre ne babirimurabu yuhu, arĩpu Pedro.

¹⁵ Eropiġu Pedro dipaturi wereniguiro caricū peepu.

—Goāmu, “Ōarā āhrima,” İġu arĩnirāre “Ñerā āhrima,” arĩbircāque muhu erāre, arĩro cariyoro Pedrore.

¹⁶ Eropii uhresubu eropa arĩ wereniguirā puhrū iri gasiro umarogue muria wayoro daja.

¹⁷ Eropiġu Pedro buřigā guña “ġDohpa arĩdiari iiri yare eropa dehyoaro?” arĩ pepipu İġu İġu basi. İġu eropa pepirisubu Cornelio uma İġu obeonirāpu Pedro ya wihigue ejañorā. “ġSimo ya wihi nohogue āhriri?” arĩ, erā serēpira puhrū İġu ya wihigue ejañorā erā.

¹⁸ Eropirā erā serē İha purumuñorā. “ġSimo Pedro waĩcugū i wihire āhriri?” arĩ serēpi İañorā erā.

¹⁹ Eropiġu Pedro İġu pepirisubu Espĩritu Santo İġure werepu:

—İaque. Ūrerā uma mure amarā iima.

²⁰ Wahġānugajaque. Dijaque. Erā mera waque. “ġDohparĩri?” arĩ pepibigu ta waque ōaro mera. Yupu erāre ōguere obeoabu, arĩpu Espĩritu Santo Pedrore.

²¹ İġu eroparicū peegu Pedro erā pohroque dija wa,

—İaque. Ohō āhraa yuhu mua amagāřiga. ġDuhpirā arirā İiari mua ya pohro arirā? arĩpu Pedro erāre.

²² İġu eroparicū ta erāpu ōpa arĩñorā.

—Cornelio cien surara opu, ōarire iigu, mari Pagure guhyadiaro mera umupeogu, arĩpehrerā judio masa “Ōagu” erā arĩgu mure sihuġaridoregu obeoami guare. Goāmu ōagu anyu Corneliore mure sihudoreapu. Ōpa arāpu: “Pedrore mua ya wihigue aĩġaridoreque mu umare. Eropii İġu mure wereġucumi,” arĩ, sihudoreapu anyu Cornelio, arĩ wereñorā Cornelio Pedrore İġu sihudorenirāpu.

²³ Erā eroparicū Pedropu erāre ñajaridore, bari oho, İġu ya wihigue carĩdorepu erāre. Eropiġu gajinu Pedro wahġā, erā mera waha wapu. Eropirā gajirā Cristo yarā Jope majarā Pedrore wapicugāñorā.

²⁴ Gajinu erā Cesareague ejañorā. Eropiġu Corneliopu İġu acawererāre, İġu mera majarā sāre sihu gameneo, Pedrore corepu.

²⁵ Eropigu Pedro Cornelio ya wihi pohrogue İgu aricü İagu Cornelioyu İğure bocatiri wiria, İgu guburi pohro merejapu.

²⁶ İgu eropa iicü Pedroyu İğure aİ wahgünugupu.

—Niguique muhu. Yu sä mu iro dopa ta arıgu ähraa. Goämu arıbeaa, arıpu Pedro İğure.

²⁷ İgu eropa arıtuhajara puhru Cornelio İğure aİnaja wapu İgu ya wihigue. Erogue İajajagu masa bajarä iri wihigue gamenere İğure coreräre İapu Pedro.

²⁸ Eropigu Pedro eräre werepu:

—Judio masu arıqueregu ta gaji curu majarä mera arıgu gua dorerire tarinugagu iiaa yuha. Irire öaro masia muu. Eropigu gaji curu majaräre “Ñerä ährima,” arıdorebirami Goämu. Öpa arı wereami İgu yure.

²⁹ İgu eroparıcü peegu öguere muu pohroguere ahrabu. Muu yure sihubeocü “Ne wasome,” arıbirabu. İDohpa arıronore yuha ögue aricü gahmeari muu? arıpu Pedro eräre.

³⁰ İgu eroparıcü peegu Cornelioyu öpa arıpu:

—Tres arıcü i horano gohra ta mari Pagu yagu anyu yure dehyoami. Wapıcurınu wahaa İgu yure dehyoara puhru. Irınu ta mari Pagure yu serēnıguirisubu cuimijuri suhricıgu ya pohro dehyonugajami.

³¹ Eropigu İgu yure öpa arämi: “Cornelio, muhu mari Pagu mera mu serēcü İgu peeami. Eropıgu mojomorocuräre erä gamerire mu ocü İagu mari Pagu mu mera mucubirıgu itamugucumi.

³² Eropıgu Jopegue mu umare obeoque Simo Pedro waıcugare mu pohrogue erä aİgärıcü. İgu gajıgu Simo waimurä gasiri amugu ya wihi, wuuriya taro pohro arıri wihi ährimi İgu. İgu mu pohro eragu mure weregucumi,” arı wereami İgu yure.

³³ İgu eroparıcü peegu ya umare mure aİgärıdoregu obeobu yuha. Eropıgu öaro İıgu ahraya muhu gua pohroguere. Eropırä gua arıpehrerä öre mari Pagu İgu İhabeoro arırä iiaa gua. Arıpehrerire mari Pagu Goämu mure İgu weredorera peedarä, cohreabu gua, arıpu Cornelio Pedroe.

Pedro Jesu yare werepu Cornelio ya wihi majaräre

³⁴ İgu eroparıcü peegu, Pedro öpa arı werepu:

—Dohpague masia pare. Diaye ta ähraa. Goämu yujuropa ta öaro iimi marire.

³⁵ Eropıgu arıpehreri macari majarä Goämure guhyadiaro erä İacü, öarire erä iicü, Goämuru eräre mucubirimi.

³⁶ Goämu gua judio masa pohro Jesucristore obeomi. Masa Goämu mera öaro erä arıboro dopa Jesupu öari buherire weremi. Iri buherire muu masia. Jesucristoyu arıpehrerä masa opu ährimi.

³⁷ Nu waıyegu “Muu ñerire bujawereque. Eropırä waıyenırä arıque,” masare İgu eropa arı werera puhru Galileague öari buherire Jesupu werenugami. Puhru Judea yebague iri buherire werepehomi.

³⁸ İhı Jesu Nazare majagure Goämuru İgu turarire, Espıritu Santo mera İgu iimasıburire odi arımi Jesure. Eropıgu Jesu öaro İıgu wami. Eropa wagu watēa İıajasünıräre, ñero tarıräre, arıpehreräre öarä wacü iimi. Mari Pagu Jesu mera arıdi arımi.

³⁹ Judea yeba, Jerusalén säre arıpehreri İgu iirare gua İabu. Puhru erä crusague pabia wejēma İğure.

⁴⁰ Eropıgu uhrenu waboro Goämu İğure masudi arımi. Eropıgu Jesure İgu masura puhru gajıräre dehyoacı İıdıgu arımi mari Pagu.

⁴¹ Irısubu Jesure arıpehrerä İabırıma. Guare bajamerägäre dehyoami. Mari Pagu İgu gameräre, Jesure İamoräre irıbojegue Goämu guare beyepu. Guapu Jesu İgu sırdı masara puhru İgu mera baha, İhrıbu.

⁴² Eropıgu İgu guare doremi öpa arıgu: “Masare wereque. Yuhu Jesu arıpehrerä ojocarıräre, sırinıräre eräre dipuwaja moabu ya arıcü iiami yure Goämu. Eropırä irire wereque,” arı doremi Jesu guare.

⁴³ Arıpehrerä Jesure erä umupeocü İagu Goämu erä ñerire cädıjıgucumi. Irire arıpehrerä Goämu ya weremuhtanırä irıbojegue majarä wereyuñuma, arı werepu Pedro.

Judio masa arıbirä Espıritu Santore opanugañorä

⁴⁴ Iri arıpehrerire İgu eropa arı wererısubu, arıpehrerä irire peerä mera Espıritu Santo arınugamırıpu.

⁴⁵⁻⁴⁶ Eropirā erā judio masa árībirā peeyamariri wereniguiri mera mucubiriri mera wereniguinugañorā. Erā ya wereniguiri mera “Goāmū turagu, òagu àhrimi”, arīrā iññorā. Erā eroparicū peepu Pedro ĩgu acawererā judio masa mera. Eropirā Espiritu Santo judio masa árībirā mera ĩgu árīnugacū ĩarā judio masapu ũca wañorā. Eropigu Pedro òpa arī werepu judio masare:

⁴⁷ —Mari iro dopa ta Espiritu Santore opama oā sã. Erā eropa opacū ĩarā oãre waĩyedoremasia mari, arĩpu Pedro erãre.

⁴⁸ Eropa arĩtuhaja Jesu waĩ mera judio masa árībirãre waĩyedorepu Pedro. Erā eropiira puhru “Gua mera bajamenurīgã dujanique,” arĩñorā erā Pedro sãre.

11

Pedro Jerusalén majarãre Jesu yarãre werepu

¹ Eropii judio masa árībirā sã Goāmū yare erā òaro gamecū Jesu ĩgu apinirãpu erā acawererā Judeague árĩrã mera peebeñorā.

² Eropirā Pedro Jerusaléngue ĩgu dujajacū ĩarā judio masa Jesu yarā bajamerãgã ĩgure òpa arĩñorã:

³ —¿Judio masa árībirā pohro duhpigu ejari muñu? ¿Dohpa árĩronore erā mera bahari muñu? arī turiñorā erā Pedrorre.

⁴ Erā eroparicū peegu Pedro ĩgu iirare werepehopu erãre.

⁵ Òpa arī werepu:

—Yũhu Jopegue árĩgu Goãmure serẽgu iibu. Eropigu yure òpa dehyoabu. Yũhu ĩacū mũari gasiro wapicurisubu pepuri dirira gasiro ũmarogue yũ pohrogue dijariacū ĩabu.

⁶ Eropigu iri gasirore òaro ĩabu “¿Ñeheno iri gasiroguere àhriri?” arĩbu. Eropigu ĩabu iri gasiroguere árĩrãre. Waimurã nũgu majarãre, yebague paha curirãre, mirimagu porã majarãre ĩabu.

⁷ Eropigu Goãmū ĩgu yure wereniguirire peebu. “Pedro, wahgãnũgaque. Wejẽ baque oãre,” arĩgu carimi yare.

⁸ ĩgu eroparicū peegu òpa arĩbu yũhu. “Opũ, ne erãre babeaa yũhu. Ñerãre Goãmū badorebirinirãre ne babirimurabu yũhu,” arĩbu yũpu.

⁹ Eropigu ũmarogue yure dipaturi wereniguigu carimi daja. “Goãmū ĩgu ‘Òarã àhrima,’ ĩgu arĩrãre ‘Ñerã àhrima,’ arĩbiriacũque muñu,” arĩgu carimi yare.

¹⁰ Eropigu ũhresubu ĩgu eropa arī wereniguira puhru iri gasiro dipaturi muria wabu daja.

¹¹ Yũ eropa ĩarisubu ta urerã ũma gua árĩri wihigue ejanirã árĩma. Erā Cesarea majagu ĩgu obeonirã árĩnirã árĩma.

¹² Eropigu Espiritu Santopũ yure erā mera wadoregu “‘Erã ñerã àhrima,’ arĩbiriacũque erãre,” arī weremi ĩgu yure. Eropirã oã seis mera yũ acawererã mera Cesarea majagu ya wihigue ñajajabu gua.

¹³ Eropigu ĩgu guare òpa arī weremi. “Anyu yaha wihi dehyoacū ĩabu yũhu. Òpa weremi yure. ‘Jopegue Simo waĩcũgure aĩgãridoreque.

¹⁴ ĩgu mũare mũ acawererã mera mũare árĩpehrerãre peamegue wabonirãre mũa taribore weregũcumi,’ arĩmi anyu yure,” arī weremi yure Cesarea majagu.

¹⁵ Eropii yũhu erãre wereniguirisubu Espiritu Santopũ erā mera árĩnugami marire ĩgu iĩmuhtadiro dopa ta.

¹⁶ Eropigu Jesu ĩgu werererã guñabu yũhu. Òpa arī weremi ĩgu: “Ñũ mũare waĩyegu deco mera waĩyemi. Mũpu iri tauro iĩgura mũare. Puhru Espiritu Santore mũa mera árĩniguicū iĩgura,” arī weremi.

¹⁷ Eropigu Jesucristo mari Opũre mari umupeocū ĩagu Goãmū ĩgu Espiritu Santore ohãmi marire. Eropigu Goãmū marire ĩgu Espiritu Santore ĩgu odiro dopa ta judio masa árībirã sãre ĩgu ohãmi. Goãmū ĩgu eropa iicū ĩagu ĩgure tarinugamasibeeaa yũhu, arĩpu Pedro erãre judio masare Jesu yarãre.

¹⁸ ĩgu eroparicū peerã, erã ĩgure ne arĩnemobiriñorã. ĩgure erã turimasibiriñorã. Eropirã erã Goãmure mucubirirã,

—Goãmū òagu, turagu àhrimi, arĩñorã.

Òpa arĩnemoñorã erã:

—Judio masa árībirã sã erã ñerire bujawererã árĩrã Goãmū ĩgu taunirã árĩrãcoma. Eropa ĩgu taunirã árĩrã erã sã mũuri nũcu ĩgu mera árĩniguirãcoma, arĩnemoñorã erã.

Antioquia gajirã Jesu yarã árĩñorã

¹⁹ Eropii Estebanre erā wejēra pūhru masa Jesu yarāre ñero iññorā. Erā eropa iicū ñarā Jesu yarā duhrisirigā wañorā. Eropirā erā Feniciague, Chipregue, Antioquiague waha, judio masa dihtare Goāmū yare wereriñorā erā.

²⁰ Gajirāpū Jesu yarā mera majarā Chipre majarā, Cirene majarā Antioquiague eja, judio masa árībirāre Jesu yare buheñorā Goāmū erāre Īgu tauboro dopa.

²¹ Eropigū mari Opū erāre itamupū. Eropirā masa bajarā Jesure umupeo, ñaripāre gohrotoñorā.

²² Eropii “Antioquia majarāgue Jesure gamecoma,” arī peebeñorā Jerusalén majarā Jesu yarā. Erā eropa peebeora pūhru Jerusalén majarā Bernabé waicūgure Antioquiague oboñorā.

²³ Eropigū Īgu Antioquiague ejagu, Goāmū itamuri mera judio masa árībirā Īgu yarā erā wacū ĩagu, burigā mucubiripū. Eropigū Īgu ero majarāre ñpa arī werepū:

—Jesure eropa umupeoniguicāque. Īgu yare ne duhubiricāque, arī werepū Īgu árīpehrerāre erāre.

²⁴ Bernabé ñagu árīgu, Espiritu Santore wuaro opagu árīgu, Jesu dorediro dopa iigu árīgu Jesure ñaro umupeodigu árīpū. Eropirā Īgu buhera pūhru bajarā masa Jesure umupeñorā.

²⁵ Pūhru Īgu Tarso waicuri macague Saulore amagu wapū.

²⁶ Eroque ĩgure bocajapu. Īgu bocajara pūhru Antioquiague aigāpū Saulore. Eroque erā ejara pūhru yuju bojori gohra erā Goāmū yarā mera gamenere, bajarā masare buhemñiñorā erā. Eropirā Antioquiague Cristo yarā Cristiano waicunūgañorā.

²⁷ Irisubure Goāmū ya weremñhtarā Jerusalén árīñirā waha, Antioquiague ejañorā.

²⁸ Eropigū erā mera majagu Agabo waicūgu Jesu yarā watope niguigu, Espiritu Santo Īgu turari mera werepū erāre. “Árīpehreri yebaguere burigā oanū waroca,” arī weryepū Īgu. Irisubure bari maririsubu árīcū árīpehrerā weca opū Claudio árīpū.

²⁹ Eropirā Jesu yarā árīpehrerā erā oparopē erā acawererāre odiarā erā basi game wereniññorā. “Judea yeba majarāre Jesu yarāre niyerure oboerā,” arīñorā erā basi.

³⁰ Erā eropa arīra pūhru Bernabé Saulo mera erā iri niyerure aigābasañorā. Eroque ejarā Judea majarāre Jesu yarāre wiañorā iri niyerure.

12

Pedrore peresu iññorā

¹ Irisubu opū Herode yujurāyerire Jesu yarāre ñero iinūgapū.

² Eropigū Īgu Ñu ĩgure Santiagopure matamiji mera Īgu wejēdorecū gajigupū ĩgure wejēpū. Santiagore ĩgu wejēcū judio masa mucubiriñorā.

³ Erā mucubiririre Herode masigu, “Eropa dihta iicū gahmema erā,” arīgu Pedro säre peresu iipū. Irinñirire bugabiriri pan erā bari bosenu Pascua árīyoro.

⁴ Eropigū Herode Pedrore ñeha, peresu iipū. Eropigū diez y seis surarare ñhadibudorepū ĩgure. Wapicñrā surara ĩgure ñhadibuñorā. Pūhru wapicñrā erā gohro-tonirā ĩgure ñhadibumñiñorā. Eropa ta iññorā erā diez y seis surara. Herodepū Pascua pūhru Pedrore peresugue árīgure masa core duhubodiaripū ĩgure wejēdorebu.

⁵ Eropigū Pedro peresugue árīpū. Īgu erogue árīcū ta Jesu yarāpū Goāmure burigā serēbasañorā ĩgure.

Goāmū peresugue árīgure Pedrore wiupu

⁶ Iri ñamire ta Pedro comedari peda mera erā diridigu perā surara watope carīgu iipū. Eropirā perā surara disiporo coreniguiñorā ĩgure. Eropigū iri ñami boyoro Herode Pedrore judio masa core duhubodiaripū ĩgure wejēdorebu.

⁷ Eropigū Goāmū anyupū Pedro carīgu pohro ĩgu niguicū ĩgu peresu árīri taribu boyopehrea wayoro. Eropigū anyu Pedro pohro niguigu ĩgu patorere puucarepū ĩgure.

—Duru wahgāque, arīpū ĩgu Pedrore. Īgu eroparīcū ta ĩgu mojotorire erā dirira comedari pārisiri dija wayoro.

⁸ Eropigū anyu ĩgure werepū:

—Mū ya suhrire sañaque. Mū zapatu säre sañaque, arīpū ĩgu.

Īgu eroparīcū Pedropū ĩgu arīro dopa ta iipū.

—Mū weca majañe suhririre saña, yū mera arique, arīpū anyu.

⁹ Īgu eroparīcū iri taribugue árīdigu wiria anyu pūhru waha wapū ĩgu. Eropa waqueregu ta ñpa arī pepiripū ĩgu. “¿I diaye árībiricuri? ¿O quēgu iicuri yuhū?” arī pepiripū ĩgu.

¹⁰ Eropirā erā ĩgu árīri taribu pohro niguirā surarare tarigā, gajirā yoañariro niguirā säre tarigā, wuari disiporogue ejañorā. Iri disiporo macague wari mare cāhmotayoro.

Iri biharise irise basi pāricū erā wiriañorā. Wiria wa erā mague waha wañorā. Anyupu waha wapū. Eropigu Pedro yujugu ta dujapū.

¹¹ Eropa igtu anyu igtu wara pūhrū igtu iirare Pedro masipū pare. Ōpa arī pepipū igtu. “Anyu Goāmu igtu obeodigu peresugue árīgure yare wiugu erami. Dohpague irire masia igtu eropa irirare. Judio masapū yare erā ñero iidiarare Goāmupū erāre iidorebirami. Eropigu yare Herode igtu peresu iidigure wiuami,” arī pepipū Pedro.

¹² Igtu eropa arī pepira pūhrū Maria Ōu pago ya wihigure ejaḡu Pedro. Ōupū Marco waicūgu árīpū. Iri wihigure masa bajarā gamenere, Goāmure serēā iññorā.

¹³ Eropigu Pedro disiporore eraa dotepū. Rode waicūgo pohro majago igtu dotecū peego, iago ejaḡo igo.

¹⁴ Eropigo Pedro igore piyucū peego igtu wereniguirire pee masi, bñrigā mucubiri disiporore pāgūbiripo. Eropa mucubirigo igtu pāgūbodio cādija wapo. Pedro ero nigucū ta igo majinūgaja oma ñaja wapo.

—Pedro disiporogue erami, arī werego ñajapo.

¹⁵ Eropirā iri wihi árīrā igo eroparīcū peerā,

—Eropa arīmaacāgo iiaa mūhū, arīñorā erā igore.

—Diaye ta āhraa. Diaye ta arīgo iiaa, arīpo igo. Igo eroparīcū peerā,

—Igtu árībiricumī. Igtu siporā muraro eraro iica, arīñorā erāpū.

¹⁶ Erā eropa arīrisubu Pedro disiporore eropa ta dotenigucāpū. Igtu eropiicū peerā, erā disiporore pāgū, igtu iha, ūca wañorā.

¹⁷ Eropigu Pedro igtu mojoto mera “Ejarimaricāque,” arīgtu, Goāmu peresugue igtu igtu wiuare werepū erāre.

—Ire wereque Santiagore gajirā Jesu yarā sāre, arīpū Pedro.

Eropa arī weretuhaja, igtu gajipuge tarigā waha wapū.

¹⁸ Eropii boyodijiricū surara Pedrore iñhadibunirā igtu dohpa ii wiriarare ne masi-biriñorā. Eropa masibirā ūca wañorā.

¹⁹ Eropigu Herode Pedrore amadoreripū. Eropigu igtu surarare peresu corerāre igtu serēpira pūhrū erāre wejēdorepū Herodepū. Eropii Herode Judeague árīdigū waha Cesareague árīgtu waha wapū.

Herode sīria wapū

²⁰ Ero pūhrū Tiro waicūri maca majarā mera Sidón waicūri maca majarā mera sāre Herode guarū. Igtu eropa guacū iarā iri macari majarāpū Herode mera amurā wañorā. Igtu erā mera igtu guarare wereniguirā wañorā. Ejaa Herodere iaboro core Herode itamugu Blasto waicūgu mera weretamuñorā. Eropirā erā igtu Blasto igtu itamuri mera Herode pohro ejaḡorā. Igtu pohro ejaḡorā ōpa arīñorā:

—Mari ōaro árīrā. Mari basi iñaturibiricārā, arī serēñorā erā Herodere.

Erā ya yeba majarā Herode ya yeba barire bocamuriñorā. Eropirā Herode erāre iñaturicū gamebiriñorā erā.

²¹ Eropigu Herode erā igtu iarinū igtu queoranū árīcū, opu igtu sañari suhri ōari suhrire sañamuripū igtu. Eropigu igtu igtu doaro doanjagū, masare werenigui iñmumuripū.

²² Igtu eropa werenigui iñmucū peerā masapū gaguiniguñorā:

—Iñi werenigui masū árībeami. Goāmu āhrimi, arī gaguiniguimuririñorā erā Herodere.

²³ Erā eropa arīra pūhrū Goāmu igtu anyu Herodere dore ōpū. “Goāmu árībeaa yūhū,” ne arībiripū Herode. Igtu eropa arībirira dipuwaja anyu igtu dorecucū iipū. Igtu eropa dorecucū igtu beca ba wejēcāñorā.

²⁴ Eropii Jesu yarā masa bajarā Jesu ya buherire buheñorā.

²⁵ Eropirā Bernabé, Saulo mera Jesu yarāre itamupehotuhaja Jerusalengue árīñirā Antioquíague dujaa wañorā. Eropirā Ōure Marco waicūgure erā aigāñorā erā mera.

13

Jesu yarā Bernabé Saulo mera Goāmu yare buhedore obeñorā

¹ Iribure Antioquíague Jesu yarā gamenererā mera majarā, Goāmu yare weremūhtarā árīñorā. Masare buherā ta árīñorā erā sā. Bernabé, Simo Negro waicūgu, Lucio Cirene majagū, Manaén, Saulo mera erā árīñorā. Manaénpū opu Herode mūru mera erā perā yujuro mera ta masanirā árīñorā.

² Eropirā erā Goāmu yare erā buherisubu, erā ba duhurisubu, Espiritu Santopū werepū erāre:

—Bernabére, Saulo mera apique yu gamero dopa iimoräre. Irire iimoräre beye apigu iiaa eräre, arîpu Espiritu Santo.

³ İgu eroparîcû erâpu ba duhu Goãmure serê, Bernabé weca Saulo weca erâ mojotorire duhpeonorâ. Eropa duhpeorâ eräre buhedorerâ oboonorâ.

Chipregue Jesu İgu apinirâ buheñorâ

⁴ Eropirâ erâ Espiritu Santo İgu obeonirâ árîrâ, Seleuciague eja, iri macare tarigâ, Chipre waicuri nugurogue ejañorâ erâ.

⁵ Eropirâ Salamina waicuri peramague ejañorâ. Iri maca judio masa buheri wirigue Goãmü yare werenugañorâ erâ. Eropigu Ñu Marco sâ erâ mera waha, eräre itamupü.

⁶ Eropirâ erâ iri nuguro ojogoro maja. Pafu waicuri macague ejarâ, yeere bocañañorâ erâ. İgu judio masu Barjesu waicugu árîpu. Barjesu griego ya mera Elima erâ arî piyugü árîpu. “Goãmü yare weremuhtagu ähraa yuhü,” arî masare gyaniguicâgu árîpu İgu.

⁷ Eropigu İgu Sergio Paulo waicugu mera majagu árîpu. Sergio Paulopü iri nuguro majarâ opu masipehogu árîpu. Eropigu Goãmü yare peediagu eräre Bernabé, Pablo mera bocañiripü İgu.

⁸ Eropigu Elima yeepü eräre buhedorebiriripü. İgu Sergio Paulo Jesu yare İgu umupeocü gamesäbiripü yeepü. Sergio Paulore Goãmü yare İgu peecü cähmotadiaripü.

⁹⁻¹⁰ İgu eropa buhedorebiriquerecü ta Saulo, Pablo waicugu Espiritu Santore ðaro opagu árîgu yeere ðaro iadhupi İgure werepu:

—Muhü gıyaricugu, ñegu, wafî İgu dorerire iigu, ðarire ihaturigü ähraa muhu. ¿Duhpigü mari Opu yare “Ñeri ähraa. Gıyari ähraa,” eropa arîniguicâri muhu?

¹¹ Muhü eroparîra waja Jesu mari Opu müre İgu pêhrecü cuirî İhajabigu árîgüca muhu. Eropigu bajamenurigâ muhu inurire İarisome, arîpu Pablo.

İgu eroparîcû ta İgu yeepü imica iro dopa árîrere İamuhtagu, naitîaro dihtare İapu İgu. Eropigu İgure tuâ curîbure amapu İgu.

¹² İgu eropa wacü İagu, Sergio Paulopü Jesu yare “Diaye ta ähraa,” arî masipü. Mari Opu yare İgu pee, uca wa, Jesure umupeonugapu.

Pablo Bernabé mera Antioquia Pisidia yebague árîri macague árîñorâ

¹³ Eropi Pablo sâ Pafogue árîrinâ dohodiru mera waha, Pergegue ejañorâ. Perge Panflia yebague ähraa. Erogue eja, Ñu Marcopü eräre cohâ wahgâ, Jerusalengue waha wapü.

¹⁴ Erâpu Pergegue árîrinâ waha, Antioquiague ejañorâ. Antioquia Pisidia yebague ähraa. Erogue ejarâ, Sabadonü árîcû erâ judio masa buheri wihigue ñajaja, erogue doañorâ.

¹⁵ Eropirâ iri wihi majarâ oparâ Goãmü dorerire, Moisegue marire İgu apirare, Goãmü yare weremuhtanirâ erâ gojarare erâ buhera puhru erâ sihubeonorâ Pablo säre.

—Acawererâ, ¿masare müa werediarâ iiri? Irire werediarâ wereque dohparagâ, arîñorâ iri wihi majarâ oparâ.

¹⁶ Erâ eroparîcû peegu, Pablo wahgânugaja, “Wereniguibiricâque,” arîgu İgu mojoto mera paatupü. Erâ ejarimanicü İha, İgu ðpa arîpu:

—Israe masa, müa mari Pagure umupeorâ, peeque.

¹⁷ Mari ñecu sumarâ müra Goãmure umupeomuriñuma. Erâ mürare Goãmü beyemuriñumi. Eropirâ erâ mari ñecu sumarâ yoari boje Egiptogue árîmuriñuma gajirâ árîquereerâ. Erogue erâ árîcû Goãmü ðaro iimuriñumi eräre. Eropirâ bajarâ masa pore árîñuma erâ. ðpa iñumi eräre. Eräre Egiptogue árîräre İgu turari mera aİ wiuñumi Goãmü.

¹⁸ İgu eropa wiura puhru erâ cuarenta bojori gohra masa marirogue curimuriñuma. Erogue İgure erâ tarinugacü Goãmü eropa ta pepicâñumi.

¹⁹ Eropigu Canaa waicuri yebaguere siete cururi majaräre cóatuhaja, Goãmü iri yebare oñumi Israe masapüre.

²⁰ Iri yebare otuhaja cuatrocientos cincuenta bojori gohra masare doremoräre apimuriñumi Goãmü Israe masare.

—“Goãmü İgu apinirâ Samue İgu árîcûgue árîtmuriñuma. Samuepu Goãmü yare weremuhtagu árîtmuriñumi.

²¹ Samue árîrisubu Israe masapu erâ opu árîbure amamuriñuma. Eropirâ Goãmure serêmuriñuma. Erâ eropa serêcü İagu Goãmü Saulore apimuriñumi. Saulo Cis magu árîñumi. Benjami ya curu majagu árîñumi. Eropigu cuarenta bojori gohra erâ opu árîbure apiñumi Goãmü İgure.

²² Eropigu Goāmū Saulore İgu cōāra pūhru Davire apimuriñumi İgu. Őpa arĩñumi Goāmū Davire. “Davi İsaı magure bocaba yūhū. İğure mucubiria yūhū. İgu yū gamerire iipehogacumi,” arĩñumi Goāmū.

²³ İhĩ Davi İgu pārami arĩturiagu āhrimi Jesu. Goāmū Jesure apidigu arĩmi İsræ masare itamubure. “Masare ōaro iiguca,” arĩñumi Goāmū. İgu arĩdiro dopa ta iidi arĩmi İgu Jesu.

²⁴ İgu eropa iiboro core Jesu İgu ariboro core Ņu waiyegu ōpa arĩ buhepu: “Mua ñerire bujawereque. Őaripare gohrotoque. Eropirā waiyesunirā arĩque,” arĩ buhepu Ņu arĩpehrerā İsræ masare.

²⁵ Eropigu Ņu İgu buhetuboro core, İgu sriboro core ōpa arĩ weremuripu. “¿Nihino āhriri yūhū mua pepicū? Iribojegue majagu Goāmū yare weremūhtadigu arĩbeaa yūhū. Cristo arĩbeaa yūhū. Gajigu āhraa. Cristo yūhū arĩbiriquerecū yū pūhru yū tauo turagupu arigucumi. İğurpu ōtariagu āhrimi. İgu iro dopa arĩbeaa yūhū,” arĩ wereru Ņu masare, arĩpu Pablo.

²⁶ “Acawererā, Abrahā pāramerā, arĩpehrerā mari Pagure guhyadiaro İarā, marire i İgu tauborore wereri buherire obeodi arĩmi mari Pagu.

²⁷ Jerusalén majarā erā oparā mera Jesu erāre taugu İgu arĩcū masibirinirā arĩma. Sabadonari arĩcū Goāmū yare weremūhtanirā erā gojarare buhequererā ta Jesure masibirinirā arĩma. Eropa masibirā Jesure wejēdoreñorā. Eropa iirā Goāmū yare weremūhtanirā erā gojadiro dopa ta iirā iññorā.

²⁸ İğure erā wejēboro core erā Jesure weresārññorā. İgu ñerire iibiriquerecū ta erā Pilatore Jesure wejēdoremorā serēññorā.

²⁹ Eropirā iribojegue majarā erā gojadiro dopa ta Jesure iituhaja, İğure crusague arĩğure aidiyu, masa gobegue utāyegue erā seara gobegue apiññorā erā İğure.

³⁰ Eropa erā İğure wejēquerecū ta Goāmū masudi arĩmi İğure.

³¹ Eropirā Galileague arinirā Jerusaléngue İgu mera ejanirā bajanuri İğure siri masa deyodigure İaññorā. Eropirā dohpaguere İğure erā İarare masare werema erā.

³²⁻³³ Eropa masare wereniguigu ōpa arĩ werenemopu daja Pablo:

—Eropirā ōari buherire werea gua muare. Goāmū mari ñecu sumarāre “Masare ōaro iiguca,” iribojegue İgu arĩdiro dopa ta dohpaguere marire erā acawererāre iiami. Irire İgu wererare ōpa iiami İgu. Goāmū Jesure masudi arĩmi. Eropirā Jesure İgu masurare werea gua muare. Salmopūgue iribojegue İgu ōpa arĩ gojadiro dopa eropa wayoro Jesure: “‘Mūhū yū magu āhraa. Dohpagāre mare dehyoacū iiabū,’ arĩmi Goāmū İgu magure,” arĩ gojañumi iribojegue.

³⁴ Eropigu Goāmū Jesure İgu masuburire dipaturi İgu sribiriborore weregu ōpa arĩ were gojadoreñumi Salmopūgue: “Davire yūhū mojomoro İadiro dopa ta diaye ta ōaro iigura mua säre,” arĩ gojadoreñumi.

³⁵ Eropigu gajı Salmo säre ōpa ta arĩ wereñumi: “Goāmū mū ōagu İgu dūpūre boadorebirabū mūhū,” arĩ gojañumi.

³⁶ Eropigu Davi Goāmū İgu gamediro dopa ta İgu arĩrasubu majarāre itamumuriñumi. Pūhru İgu siriya wañumi. İgu siriya pūhru İgu pagu sumarāre erā iidiro dopa ta yaañuma İgu säre. Eropigu İgu boa wañumi.

³⁷ Eropigu ihĩ Jesu Goāmū İgu masudigupu ne boabiridi arĩmi.

³⁸ Eropirā mua, yū acawererā, ire masique: Goāmū mua ñerire İgu cōāborore muare ire werea gua. Jesupu mua ñerire cōābu āhrimi.

³⁹ Eropigu İğure umupearāre erā ñero iirare cādijicāğucumi İgu. Moiserre İgu apira dorerire mua iira mera Goāmū pohroque wasome mua. Eropigu iri dorerire iiri mera taridiarāre erā ñerire cōāsime Goāmū.

⁴⁰ Eropirā ōaro iique. Mua ōaro iibiricū Goāmū ya weremūhtanirā erā gojadiro dopa ta muare waroca. Őpa arĩ gojañumi:

⁴¹ Peeque mua queoricarā. Yūre İhaturirā āhraa mua. Yū ōpa iicū güique mua. Eropirā peamegue waque. Mua arĩrinurire muare ii İhmugara. Yū eropa ii İhmucū İaquererā “Diaye ta āhraa,” arĩsome mua. Gajigu irire muare İgu ōaro werequerecū ta “Diaye ta āhraa,” arĩsome mua, arĩ gojañumi Goāmū yare weremūhtadigu, arĩ wereru Pablo erāre.

⁴² İgu eropa arĩ werera pūhru judio masa buheri wihigue erā wiriara pūhru judio masa arĩbirāpu erāre serēññorā.

—Gajı semanague Sabado arĩcū ire buheba daja guare, arĩ serēññorā erā Pablöre.

⁴³ Eropirā iri wihigue arĩññorā wiria, judio masa bajarā, judio masa arĩbirā sā Pablo, Bernabé sā mera waññorā. Judio masa arĩbirā judio masa yare buherā arĩññorā. Erā erā

mera wacū Pablo Bernabé mera ðaro wereñorā erāre. “Goāmū muare mahimi. Eropirā ĩġure umupeorā árĭniguicāque,” arĭ buheñorā erā.

⁴⁴ Eropirā gaji semanare Sabado árĭcū árĭpehrerā Jesu yare peediarā gamenereñorā.

⁴⁵ Eropirā judio masapu bajarā masa Jesu yare peediarā gamenerecū ĩarā guañorā. Eropa guarā, erā gajiropa arĭ werenigui, Pablora ñero quere goroweoñorā. “Muare ĩġu buheri diaye árĭbeaa,” arĭñorā erā.

⁴⁶ Erā eroparĭcū peerā, Pablo, Bernabé mera erāre quere goroweonirāre ġuiro mariro wereñorā.

—Goāmū ĩġu dorediro dopa ta muare judio masare buhemuhtarabu gua. Muapu ĩre gamebirituhabu. Ūmari nuca Goāmū mera árĭniguicū säre gamebirituhabu mua. Eropirā ġapu judio masa árĭbirāpure buhenuġarāca.

⁴⁷ Ōpa ta doreñumi mari Opū ġuare:

Mua judio masa árĭbirāre buherā erāre Goāmū yare ðaro masicū ĩirāca mua. Eropiġu mua yoarogue árĭrāre mua buhecū peerāre erāpure peamegue wabonirāre tauguca yuhū, arĭ wereñumi Goāmū ġuare ĩġu yare gojarapūgue, arĭ werepu Pablo, Bernabé mera.

⁴⁸ Erā eroparĭcū peerā judio masa árĭbirāpu mucubiriñorā. “Mari Opū yapū ðari āhraa,” arĭñorā erā. Eropirā Goāmū ĩġu gamenirā, umari nuca ĩġu mera erā árĭniguiborore ĩġu odianirā Jesure umupeonuġañorā.

⁴⁹ Eropirā mari Opū Cristo yare iri yebague werepehoñorā.

⁵⁰ Erā eropa ĩicū ĩarā judio masa suabiria wañorā. Erogue mari Paġure umupeorā nome, ðarā nome árĭñorā. Eropirā judio masa Pablo säre ñero wereniguiñorā. Erā eropa wereniguić peerā erā nome Pablo mera Bernabé mera guañorā. Eropirā iri maca majarā oparā sā erā mera guañorā. Eropa quarā ero majarā ñero ĩiñorā Pablo säre. Erā eropiira, puhru Pablo säre erā ya yebague árĭrāre cohā wiucāñorā.

⁵¹ Erā eropa ĩicū ĩarā, Pablo Bernabé mera erā ġuburi maja nicure pasiripiñorā iri maca majarā erā ñeri wajare ĩhmurā. Eropa ĩituhaja erā Iconiogue waha wañorā.

⁵² Eropirā erā Jesu yarā wuaro mucubiri, Espiritu Santo wuaro ĩġu dorediro dopa ĩirā ĩiñorā.

14

Pablo Bernabé mera Iconiogue árĭñorā

¹ Eropirā Iconiogue árĭrā Pablo Bernabé mera judio masa buheri wihigue ñaja, Jesu yare wereñorā. Eropirā judio masa bajarā Jesure umupeonuġañorā. Eropirā judio masa árĭbirā sā Jesure umupeoñorā.

² Judio masa Jesu yare peediabirāpu judio masa árĭbirāre Jesu yarā mera erā ġuacū ĩiñorā daja. Erā eropa ĩicū judio masa árĭbirā ñero pepiñorā Jesu yarāre.

³ Erā eropa pepicū ĩarā Jesu yarāpu Pablo sā erogue yoari boje árĭrā, ġuiro mariro mari Opū yare ðari buherire buheñorā. Goāmū masare ĩġu mahirire buheñorā. Erā eropa buherisubu Goāmū turari mera deyoro moarire ii ĩhmuñorā, “I buheri diaye ta āhraa,” arĭ ĩhmurā.

⁴ Eropirā iri maca majarā deco mera judio masa yare gamerā dujañorā. Deco mera ta Jesu yare gamerā sā dujañorā. Erā pe curu duca wariñorā.

⁵ Eropirā Jesu yare gamebirāpu judio masa sā árĭbirā, judio masa sā erā oparā mera gamenere Jesu ĩġu apinirāre ñero ĩidiariñorā. Ūtā mera dea wejĕdiariñorā erāre.

⁶ Erā eropa ĩidiarire masirā, Pablo, Bernabé mera Licaonia yebague duhrigā waha wañorā. Iri yeba árĭri macari tari wahġā Listra waicuri macare Derbe waicuri maca säre ejañorā.

⁷ Erogue ejarā, ðari buherire buheñorā daja erā.

Listrague Pablora utā mera deañorā

⁸ Eropii Listrague curimasibiġu doapu. ĩġu ne masa dehyoagugue ta curimasibiridigū árĭpu.

⁹⁻¹⁰ Eropiġu ĩġu Pablo ĩġu buhecū peeru. ĩġu peerisubu Pablopū ĩġu dihtare ĩapu. ĩġure ĩanuru ðpa arĭ pepipū: “Ihĭ Jesure umupeomi. Eropiġu Jesu yare dupū ðacū ĩimasimi,” arĭ pepiġu ĩicumi,” arĭ pepipū Pablo curimasibigūre. Eropa pepiġu turaro mera ðpa arĭpu Pablo ĩġure:

—Wahġānuġajaque, arĭpu Pablo ĩġure.

ĩġu eroparĭcū peegu ta curimasibigupu buhrimanuġaja, wapū.

¹¹ Pablo ĩġu eropa ĩicū ĩarā masa ġaguiniġuiñorā. Erā Licaonia ya mera ðpa arĭ ġaguiniġuiñorā:

—Goãmarã masa dopa bejarã ùmarogue árrã mari pohroque dijarama, arĩ gaguiniñorã erã.

¹² Eropirã erã Bernabére “Mari goãmũ Zeus àhrimi,” arĩ piyuñorã. Eropirã Pablo buhemũtadigu opu iro dopa igũ áricũ iarã “Mari goãmũ Hermes àhrimi,” arĩ piyuñorã erã igũre.

¹³ Eropirã Zeure umupeorã ya wihĩ iri maca turo pohro áriyoro. Eropigu Zeus yarã erã pahipu iri wihigüe árigũ macague ñajariri disiporo pohroque wecuare, gori amurare aigãripũ. Iri mera Pablöre Bernabére “Mari goãmarã àhrima,” arĩ umupeodiariñorã. Eropirã erã wecuare soemuju Pablöre, Bernabére umupeodiariñorã.

¹⁴ Erã eropa iidiacũ iarã Pablo, Bernabé mera erã basi erã ya suhrire yehguenũgañorã erã bujawererire masare ihmurã. Erã yehguenũgara pũhrũ masa watope omagã, gaguiniguñorã erã.

¹⁵ —Mũa õpa iibiricãque. Gua sã mũa iro dopa ta masa àhraa. Mũa õpa iiri ne duhpiburi áribeaa. Eropirã mũare õarire buherã ahrabũ. Õpa iiri duhdorerã arirã iiabũ. Oã mũa goãmarãre mũa wéanirãre ñerãre cóacãque. Eropirã Goãmũre ojocarigũpũre umupeoque. Goãmũpũ ùmarore, yebare, wũariyare, áripehrerire, áripehrero majarãre igũ àhrimi.

¹⁶ Eropigu igũ iribojegue áripehreri macari majarã erã gamero iirare eropa ñacãñumi.

¹⁷ Igũ eropa ñacãqueregu igũ áriřicũre ihmumi marire. Igũ masare õarire ii, deco aricũ ii, dũcare oo, masare barire oniguimi. Igũ eropa ocũ masa mucubirima. Eropa ta igũ áriřicũre ihmumi masare, arĩpũ Pablo, Bernabé mera.

¹⁸ Eropirã erã eroparićũ peequererã ta masa wecuare wejẽ soemuju erãre umupeodiariñorã. Eropa erã umupeodiacũ iarã erãre eropa iidorebiriñorã Pablo sã. Erã eropa iiriire duhudiabiriquererã duhuñorã.

¹⁹ Eropii gajirã judio masa Antioquía majarã, Iconio majarã sã Listrague ejañorã. Erogue ejarã, Pablöre ñero wereniguñorã ero majarãre. Erã eropa werenigicũ peerã masa igũ mera guanũgañorã. Eropa guarã masapũ utã mera deañorã Pablöre. Utã mera igũre deatuhaja, “Ihĩ sĩaia wahãmi,” arĩrã, iri maca turo pohroque igũre taragã mehpicã, waha wañorã.

²⁰ Erã eropiiquerecũ Jesu yarã Pablo pohro erã gamenerenũgajacũ gohra Pablo masa wahgãnũgaja, erã mera macague waha wapũ. Eropirã gajinũ igũ Bernabé mera Derbegue wapũ.

²¹ Eropirã erã erogue erã õari buherire bajarã masare erã werera pũhrũ, erã Listrare eja daja iri macare tarigã, Iconiore eja daja iri macare tarigã, Antioquía Pisidia yebague ářiri macare ejañorã daja.

²² Iri macarigüe ejarã, ero majarã Jesu yarãre õari buherire wereñorã daja. Erãre õaro siporãcũcũ iñorã. Eropirã Jesure umupeodorenigũicãrã õpa arĩ wereñorã erãre.

—Goãmũ áriřogue mari wadiarã, burigã marire ñero tariro gahmea, arĩ wereñorã erã.

²³ Eropirã macari nũcũ majarãre Jesu yarãre erã oparã ářimorãre apiñorã Pablo Bernabé mera. Eropirã erã ba duhura pũhrũ Goãmũre serẽñorã.

—Opũ, oã mũ yarãre ñhadibuque, arĩ serẽbasañorã erã Goãmũre erã umupeogũre.

Pablo Bernabé mera Antioquíague erã ářimũhtara macague dujaa wañorã

²⁴ Erã eropa iira pũhrũ erã Pisidia yebague tariara pũhrũ waha wañorã Panflia yebague.

²⁵ Eropirã Pergeguere erã buhetuhaja Atalia waĩcũri macague buha wañorã.

²⁶ Eropirã iri macague eja, Antioquíague dujaarã, dohodiru mera waha wañorã. Iri maca coregue erã ářinicũ Jesu yarã Goãmũ yare buhdorerã Pablo sãre obeñorã. Eropa obeorã Goãmũre õpa serẽñorã:

—Goãmũ, mũ mahiri mera oãre ñhadibuque, arĩ serẽ, obeñorã erã.

Eropirã erã buhdorerare buhepehonirã ářirã Pablo Bernabé mera dujaniñorã iri macare.

²⁷ Eropirã erã Antioquíague erã dujjara pũhrũ Goãmũ yarã mera gamenere, Goãmũ igũ turari mera erã iirare werepehoñorã erã. Judio masa ářibirã sã Goãmũ yarã erã warare wereñorã erã.

²⁸ Eropirã Pablo sã erogũre Jesu yarã mera yoari boje ářicãmũriñorã.

15

Jerusaléngue Jesu yarã gamenereñorã

¹ Eropi Judea yeba majarā bajamerāgā Antioquíague ejarā, Jesu yarāre ōpa arī buhenugañorā erā.

—Goāmū ĩġu dorerire Moiserē apıġu ōpa arī apımuriñumi. Árıpehrerā erā dıppıre miri gasirogā erā wiri aıborore were apımuriñumi Moiserē. Mıa irire iıbırıcū Goāmū mıare tausome, arī buheñorā erā ero majarāre.

² Erā eropa arī buhecū peerā Pablo Bernabé mera gamebiriñorā. Iri buherire bırigā game dıyasañorā Judea yeba majarā mera. Erā eropa game dıyasora pıhrı Jesu yarāpı Pablora, Bernabére, gajırā ero majarā sāre Jerusalenge obeñorā. Judea yeba majarā erā buherire Jesu ĩġu apınırāre Jesu yarā oparā sāre serēpi ĩdorerā obeñorā Pablo sāre.

³ Eropırā Jesu yarā erāre erā obeocū waha, Fenicia yebare eja tarıgā, Samaria yebague ejañorā. Iri macarigue ejarā, judio masa árıbirā Goāmū yare erā gemenıgarare wereñorā erā ero majarāre. Erā eropa werecū peerā ero majarā Jesu yarā bırigā mucubiriñorā.

⁴ Eropırā erā Jerusalenge ejacū ĩarā ero majarā Jesu yarā Jesu ĩġu apınırā, ĩġu yarā oparā mera mucubıriri mera ōaro bocatırıñorā erāre. Eropırā Pablo, Bernabé gajırā mera Goāmū ĩġu turari mera erā iirare wereñorā Jerusalén majarāre. Judio masa árıbirā Jesu yarā erā wara sāre wereñorā erā.

⁵ Erā eropa werequerecū erogue fariseo masa Jesu yarā bajamerāgā árıñorā. Eropırā erā erogıere wahġañıgaja, ōpa wereñorā.

—Erāre judio masa árıbirāre erā dıppıre miri gasirogāre wiriro gahmea. “Goāmū Moiserē ĩġu dorerare iıque mıa sā,” arıro gahmea erāre, arıñorā erā fariseo masa.

⁶ Erā eroparıcū pee, Jesu ĩġu apınırā, Jesu yarā oparā mera irire amudıarā, gamenereñorā.

⁷ Eropırā erā yoari boje erā werenıguira pıhrı Pedro wahġañıgaja, werepı erāre.

—Acawererā, irıbojegue yıhı mıa mera árıġıre Goāmū ōpa iıdoreġu yıre apımı. ĩġu yıre ōari buherire judio masa árıbirāre weredoreġu apımı. Erāre Jesure umıpeodoreġu yıre erāre buhedoremi.

⁸ Eropıġu Goāmū masa erā pepırıre masımı. Eropıġu ĩġu judio masa árıbirāre ĩġu yarāre ĩġu iirare ĩhmıbu ĩġu Espırıtı Santore ohámi erāre marıre ĩġu iıdıro dopa ta.

⁹ Eropa oġu ĩġu marıre erā sāre yıjuropa ta ōaro iımı. Erā ĩġıre umıpeocū erā ñerıre cadıjımı ĩġu.

¹⁰ Marıpı Moıse dorerıre yıjuro bojebıea. Marı ñecı sımarā mıra sā irıre yıjuro bojebırımuriñuma. ¿Eropa marı yıjuro bojebırıquererā duhpırā Jesu yarāre judio masa árıbirāre irıre Moıse dorerıre iıdoredıarı mıa? ¿Duhpırā Goāmū judio masa árıbirāre ĩġu yarā wacū ĩġu iirare “Ero wabea,” arıri mıa?

¹¹ Eropa arıbirā marı ōpa pepıa. Dohpagıere judio masa árıbirā iro dopa ta marı sāre marı Opı Jesu mahırı mera Goāmū taugıcumı, arıpı Pedro erāre.

¹² ĩġu eroparıcū peerā árıpehrerā ejarımarıa wañorā. Eropırā Pablo Bernabé mera judio masa árıbirā watope Goāmū turari mera erā ii ĩhmırare wereñorā erāre.

¹³ Eropa erā weretuhajara pıhrı Santiago sā werepı.

—Acawererā, peeque yıre.

¹⁴ Goāmū judio masa árıbirāre ĩġu yarā árımorāre ĩġu ne iirare weretuhajımı Pedropı.

¹⁵ Irıbojegue Goāmū ya weremıhtanıřā erā weredıro dopa ta eropa wahabı judio masa árıbirāre. Őpa arı Goāmū werenııırıre gojañuma erā irıbojegıere:

¹⁶ Irıbojegue Davı mıřı ya curu majarā erā oparā árıra pehrea wabı. Pıhrı dujarıġıca yıhı. Eropıġu dípatırı ĩġu ya curu majagıre opı acıġıca.

¹⁷ Yı eropa acıra pıhrı árıpehrerā judio masa árıbirā yıre erā opıre gamerācoma erā. “Yaharā árıque,” yı arı sıhıbeorāpı yıre gamerācoma.

¹⁸ Eropa ta arımi marı Opı. Irıbojegue ĩġu ire masare weremırıpı, arı gojañuma Goāmū ya weremıhtanıřā.

¹⁹ “Eropıġu ōpa pepıa yıhı, arıpı daja Santiago. Judio masa árıbirāre Goāmū yare ne gamenıgarāre baja iıdorebırıcārā marı.

²⁰ Eropırā erāre goja, obeorā marı. Őpa arı gojabeorā. “Goāmıarā wéanıřāre erā umıpeora barıre babırıcāque. Eropırā nome mera ñero iıbırıcāque. Nome sā ıma mera ñero iıbırıcāque. Eropırā wııııġu mohwejėnırāre wımıřāre babırıcāque. Dire ĩhırıbırıcāque,” irıpėta arı were gojabeorā. Iri dorerı Moıse apıra dorerı sā āhraa.

²¹ Yoari boje judio masa buherı wırıġıe Sabado árıcū Goāmū Moıserē ĩġu apıra dorerıre buhemıřıma masa. Eropıi árıpehrerı macarigue Moıse dorerıre buhemıřıma

masa. Eropirā yu arīdiro dopa ta judio masa árībirāre Jesu yarāre were gojabeocā, judio masapū pee, “Gua iiguari ta āhraa,” arīrācoma, arīpū Santiago.

Judio masa árībirāre erā gojarapū obeñorā

²² Eropirā Jesu ĩgu apinirā, Jesu yarā oparā árīpehrerā Jesu yarā mera Santiago arīrare peerā, “Eropa ta iirā,” arīñorā. Tuhajanugu erā mera majarāre beyeñorā erā obeomorā. Antioquiague Pablo, Bernabé mera erā wamorāre erā beyeñorā. Eropirā erā Judare, Sila mera beyeñorā erā obeomorā. Judapū Barsabá peñe waicupū. Erā beyerā acawererā Jesu yarā erā umupeonirā árīñorā.

²³ Erāre erā beyera pūhrū Jesu yarā gojabeorapūre obeñorā erā mera. Ōpa arī gojañorā erā:

—Jesu ĩgu apinirā, Jesu yarā oparā, mūa acawererā Jesu yarā mera gua ðadorea muare. Árīpehrerā judio masa árībirā Antioquiague, Siriague, Ciliciague árīrāre muare Jesu yarāre ðadorea gua.

²⁴ Gua mera majarā mūa pohrogue ejarā, muare baja dorerire iidoreañorā. Eropirā muare gariboañorā. Erā Goāmū dorerire Moiserē ĩgu apiraguere, mūa dūpū merogā gasirogāre wiriri sāre iidoreañorā. Guapū erāre irire buhedorerā obeobirabū.

²⁵⁻²⁶ Eropirā gua árīpehrerā mūa pohrogue obeomorāre gua beyeabū. Mari mera majarāre, mari mahirāre, Pablo, Bernabé mera Cristo Jesu mari Opū yare güiro mariro erā buhecū bajasuburi gajirā erāre wejēbocuriñorā. Erā eropa wejēbocuricū merogā mera tarimuriñorā erā. Erā Pablo, Bernabé mera gua beyenirāre dohpaguere obeoa.

²⁷ Eropirā Juda, Sila mera mūa pohrogue obeoa. Gua gojabeorare erāpū muare wewerācoma.

²⁸ Espiritu Santo ĩgu guñaro dopa ta gua sã pepia. Ōpa āhraa iri: Gaji doreriguere apibea muare. I doreri dihtare apirāca muare.

²⁹ Goāmarā wéanirāre erā umupeora barire babiricāque. Dire ihribiricāque. Wūñnūga mohweñenirāre waimurāre babiricāque. Eropirā nome mera ñero iibiricāque. Nome sã mūa mera ñero iibiricāque. I gua eropa dorera iibirā ðarire iirā iica mūa. Iripēta āhraa muare gua wewediari, arī gojabeoñorā Jesu yarā Jerusalēngue árīrā.

³⁰ Iripūre gojatuhaja, wiañorā Antioquiague warāre. Erā wiara pūhrū waha, Antioquiague ejañorā. Erā erogue ejara pūhrū bajarā masare gamenedore, erā gojarapūre wiañorā erāre.

³¹ Iripūre erā buhera pūhrū, iri ðarire erā werebeorare peerā, ðaro mucubiriñorā.

³² Juda, Sila mera Goāmū yare weremuhtarā árīñorā. Eropirā yoari boje Jesu yarāre Goāmū erāre ĩgu wewedorerare wereñorā. Erā eropa wewecū peerā, Jesu yarāpū mucubiri ðaro siporācñorā.

³³ Eropirā Juda, Sila mera erogue bajamenurigā erā árīra pūhrū erā dujaricū, ero majarā erā goeriserecū, “Ōaro waque mūa,” arīñorā Antioquia majarā. Eropirā Juda sāre obeonirāre ðadorebeoñorā. Erā eropa arīra pūhrū Juda waha wapū.

³⁴ Silapū dujapū Antioquiague.

³⁵ Eropirā Pablo Bernabé sã bajamenuri dujañorā iri maca ta daja. Eropirā erā gajirā bajarā mera Jesu yarā buhe wereñorā.

Dipaturi Pablo ðari buherire buhecurigū wapū daja

³⁶ Eropii bajamenuri pūhrū Pablo wewepū Bernabére.

—Ina, árīpehrerāre mari buhenuganirāre ihacurirā warā daja, arīpū Pablo.

³⁷ Eropigu Bernabé Nure erā mera aīgādiaripū. Nū Marco peñe waicupū.

³⁸ Pablopū ĩgure aīgādiabiripū. Ero core ĩgu erā mera Panfliague ejaġu erāre cohā dujaa wapū. Eropigu ĩgu erā iirire yujuro bojebiri dujaa wapū. ĩgu eropa yujuro bojebiricū ĩagu Pablo dipaturi ĩgure aīgādiabiripū.

³⁹ ĩgu aīgādiabiricū ĩagu Bernabé Pablo mera erā basi perā burigā arī game erā basi purumujacñorā. Erā eropa arīra pūhrū Bernabépū Chipre waicuri nugarogue Marcore aitaribuja wapū.

⁴⁰ Pablopū Sila mera waha wapū. Eropirā erā buherā waboro core Jesu yarā erāre obeorā, “Goāmū muare ðaro ihadibuporo,” arīñorā. Erā eropa arīra pūhrū, Pablo Sila mera waha wapū.

⁴¹ Eropa warā, Siria yeba, Cilicia yeba sāre eja, erogue Jesu yarāre ðaro siporācū iri erā mucubiricū iñorā erā.

¹ Erā eropa iira puhru Pablo sã Derbegue, Listrague ejañorã. Eroque ejaqu Timoteore bocajapu. Timoteo Jesu yagu arĩgu, judio maso magu arĩpu ĩgu. ĩgu pago sã Jesu yago ta arĩpo. ĩgu pagupu Griego masu arĩpu.

² Eropirã Listra majarã, Iconio majarã, Jesu yarã Timoteore masa “Ōagu aħrimi,” arĩ weremariñorã.

³ Eropigu Pablo Timoteore aĩgãdiapu. Eropirã iri yeba majarã judio masapu Timoteo pagu griego masu ĩgu arĩcũ masiñorã. Eropigu Pablo judio masare guari arĩgu, Timoteo ðapure miri gasirogã wiri aĩpu. Judio masa doreri iri arĩro dopa ta ĩpu ĩgure.

⁴ ĩgu eropa iira puhru waha erã ejari macari majarãre erã gojabeorapũ majare wereñorã. Iripũ Jesu ĩgu apinirã, Jesu yarã oparã mera Jerusalengue arĩrã erã gojabeorapũ arĩyoro. Eropirã erã iri dorerire ðaro wereñorã ero majarã Jesu yarãre.

⁵ Erã eropa werecũ peerã, Jesu yarãpu Jesure umupeonemoñorã. Eropirã Jesu yarã umuri nacũ bajarã waniguicãñorã.

Pablo quẽroque Macedonia majagure ĩapu

⁶⁻⁷ Eropigu Aia yebaguepure ðari buherire buherã wadobiripu Espĩritu Santo erãre. Eropirã erã Frigia yebare taria, Galacia yebare taria, Misia yeba turo pohro ejañorã. Bitinia yebapu wadiariñorã erã. Eropigu Espĩritu Santopũ erã erogue wadobiripu.

⁸ ĩgu eropa dorera puhru erãpu Misia yebare tarigã, Troague erañorã.

⁹ Eroque ĩgu erara puhru iri ñamire ðpa quẽpu Pablo. Macedonia yeba majagu ĩgu pohro niguicũ ĩapu ĩgu. “Guare Macedonia yeba majarãre itamugu arique,” arĩ, sihupu ĩgu Pablora.

¹⁰ ĩgu eropa quẽra puhru wahgã, gua yare amutuhaja, Macedoniague waha wabu gua. “Goãmu iri yebare ðari buherire buhedoregu iimi marire,” arĩ pepibu gua.

Pablo, Sila mera Filipogue arĩpu

¹¹ Eropirã gua Troague arĩrã dohodiru mera Samotracia waĩcari nuguroque taribujajabu gua. Eropirã gajinu Neápoligue wabu gua.

¹² Iri macare taria, Filipogue Roma majarã ya macague ejabu gua. Iri maca Macedonia yeba arĩri maca arĩbu. Guhyadiari maca arĩro ĩbu. Eroque bajamenurigã gua arĩbu.

¹³ Eropirã Sabado arĩcũ gua iri maca turo pohroque, dia weca pohroque ejabu. Ero Goãmu mera erã wereniguiro arĩbu. Ero doarã ero gamenererã nome mera weretamubu gua.

¹⁴ Yujugo guare peeego Tiatira majago Lidia waĩcago arĩmo. Eropigo igo ðari suhri wajacari suhrire duago arĩmo. Mari Pagu Goãmu sãre unupeogo arĩmo. Eropigu Pablo ĩgu wererire ðaro peecũ iimi Goãmu igore.

¹⁵ Eropii igore igo ya wihi majarã mera waĩyemi Pablo. ĩgu eropa waĩyera puhru ðpa arĩmo igo:

—“Jesu yago aħraa,” arãa mua sã yare. Eropirã yaha wihi ñajarinique mua. Yu mera dujanique, arĩmo igo guare.

Igo eroparĩcũ peerã igo ya wihi dujanibu gua.

¹⁶ Gajinu Goãmu mera erã wereniguiroque gua wacũ watĩ ñajasũdigo bocatĩrimo guare. Igo gajirã pohro majago arĩmo. Eropigo igo masare “Ōpa waroca muare,” arĩ wereyugo arĩmo. Irire masare werego wuaro wajatabasamo igo oparãre.

¹⁷ Eropigo Pablo mera gua wacũ, guare nurasia, gaguiniguimo igo.

—Oã Goãmu turatarigu ĩgu itumurã aħrima. Mari sĩrira puhru Goãmu marire ĩgu ðaro tauborore werema erã, arĩ gaguiniguimo igo.

¹⁸ Bajanari eropa arĩ garibomo Pablora. Igo eropa arĩ gaguiniguicũ daja Pablo gamebigu maji ĩha, ðpa arĩmi watĩre:

—Jesucristo turari mera dorea mare. Igore duhuque. Wanisa muhu, arĩmi Pablo.

ĩgu eroparĩcũ ta watĩpu waha wapu.

¹⁹ Watĩ igore eropa wara puhru igo ðago dujago masa erã waburire werego arĩbirimo pare. Eropirã igo oparãpu niyerure igo wajatabigo igo wacũ ĩarã, erã Pablo Sila mera ñeama. Nehatuhaja, erãre taragãma iri maca decogue oparã pohroque.

²⁰ Eropa aĩgãrã, dipuwaja moadorerã pohroque erãre apima erã ðpa arĩrã:

—Oã judio masa mari ya macare gariborã iima.

²¹ Erã mari dorerire cóadorerã, gajı buherire buherã iima. Mari ya dorerire tarinugacũ iidiarã iima. Mari Roma majarã arĩrã oã erã wereripure iimasibea mari. Eropirã erã buherire mari gamebeaa, arĩma igo oparã dipuwaja moadorerãre.

²² Erā eroparicū peerā masa bajarā Pablo sã mera guatariacãma. Eropirã dipuwaja moadorerãpũ Pablo Sila sã ya suhrire erã yehgue cõara puhru muta yucugã mera tãradorema erãre.

²³ Burigã erã tãrara puhru peresu iima erãre. Erã eropa peresu iira puhru peresure coregure õaro ñhadibudoreñorã erã.

²⁴ Erã eropa dorera puhru erãre coregũpũ iri wihi poheca maja taribugue erãre api, taboamiji goberigue sihacu erã guburire bihacãpũ.

²⁵ Ñami deco Pablo, Sila mera Goãmure serẽ igure bayapeoñorã. Erã eropa bayacũ peeñorã gajirã peresugue arĩrã.

²⁶ Erã eropa bayacũ ta iri wihi burigã ñohmeyoro. Ero eropa ñohmecũ yujuro mera arĩpehleri disiporori pãrimaapehrea wayoro. Peresugue arĩrãre erã diriradari sã pãrisiri dija wayoro.

²⁷ Eropa wacũ ñagũ, iri wihire coregũpũ wahgã, igu ñoserimijire aibeo, igu basi ñosediaripũ.

²⁸ Igu eropa iicũ ñagũ Pablo igure burigã gaguinigu õpa arĩpũ.

—Mu basi ñero iibiricãque. Arĩpehlerã õre ãhraa gua, arĩpũ igu erãre coregure.

²⁹ Igu eroparicũ peegu erãre coregũpũ sihãgodore, erã pohrogue omagã Pablo, Sila guburi pohrogue naragã merejapũ igu.

³⁰ Eropigu igu erãre iri taribugue arĩrãre aĩ wiria, serẽpipũ erãre.

—¿Dohpa iigucuri yũhũ Goãmũ igu yure taucũ gamegu? arĩ serẽpipũ igu.

³¹ —Jesucristore umupeoque mũhu. Mu acawererã sã igure umupeoporo. Mũa eropa iicũ Goãmũ mũare taugucumi igu pohro mũa waboro dopa, arĩ wereñorã erã.

³²⁻³³ Erã eropa arĩrisubu ñami deco puhrugã arĩyoro. Erã eropa arĩra puhru erãre coredigu igu ya wihigue aigãpũ erãre. Igu ya wihigue aĩja, erã camire coepũ igu. Igu eropa coetuhajara puhru igu acawererã mera Goãmũ yare buhepũ Pablo sã. Erãre igu buhera puhru waĩyepũ.

³⁴ Erãre waĩyetuhajara puhru erãre coredigu Pablo sãre bari peopũ. Eropirã igu igu acawererã mera õari buherire erã peera puhru burigã mucubiriñorã. Goãmure masinũgañorã.

³⁵ Boydijiji merecũ ñarã oparãpũ erã surarare peresugue obeoñorã Pablo sãre wiudorerã.

³⁶ Erã eropa wiudorera puhru iri wihire coregũpũ Pablo sãre werepũ.

—Oparã mũare wiudoreañorã. Eropirã gũiro mariro wirique, arĩpũ igu Pablo sãre.

³⁷ Eropa erã wiudiaquerecũ ta Pablo werepũ surarare:

—Gua ñero iibirabũ. Eropirã gua ne dipuwaja mara. Bu gohra ta erã oparãpũ masa bajarã erã ñhurore yucu mera tãrama guare. Gua Roma majarã gua arĩquerecũ ta guare tãrama. Tãratuhaja peresu iima guare. Eropirã dohpaguere masa erã ñabiro wiudiana guare, guare erã ñero iirare guhyasiuro tariri, arĩrã. Oparã erã basi ta ahri aĩ wiurã ariporo guare, arĩpũ Pablo surarare.

³⁸ Igu eropa arĩ werecũ peerã dujaa wereñorã oparãre surarapũ. Erã eropa arĩ werera puhru Pablo Sila mera Roma majarã erã arĩcũ masirã oparãpũ gũĩ arĩñorã.

³⁹ Eropirã erã Pablo sã pohro ejarã, õpa arĩñorã:

—Ñero iibabũ gua mũare. Ne eropa dipaturi iisome, arĩñorã oparã Pablo sãre.

Eropa arĩtuhaja oparã erãre peresugue aĩ wiu, erã ya macare wiridoreñorã.

⁴⁰ Eropirã Pablo Sila mera peresugue arĩñirã wiri, Lidia waĩcũgo ya wihigue eja, Jesu yarãre bocatĩriñorã. Eropirã erã Jesu yarãre õaro wereñorã. Óaro siporãcucũ iĩñorã erãre. Erã eropa iira puhru Pablo Sila mera waha wañorã.

17

Tesalónica majarã guañorã Jesu yarã mera

¹ Eropirã erã Anfípolicue eja taria, Apoloniague eja taria, Tesalónicague ejañorã erã. Ero judio masa buheri wihi arĩyoro.

² Eropigu Pablo iri buheri wihigue wapũ igu iiguaro dopa ta gaji macarigue arĩgu. Erogue eja, wãre semana gohra erã soorinũrire Sabadonũrire Goãmũ yare iribojegue erã gojarare masare buhe, irire erã mera wereniguipũ Pablo.

³ Eropigu igu Goãmũ yare werepũ õpa arĩgu:

—Judio masa, mũa Opũ mũa coregu Cristo arĩpũ masa ya arĩburire ñero taribu. Eropigu igu siria waha masa mũariapũ. Eropigu ihĩ Jesu yũhũ arĩ weregu, igu Cristo gohra ta ãhrimi marire taubu. Igu ta ãhrimi mũa coregu. Eropa ta werea Goãmũ yare erã gojarapũ, arĩ werepũ Pablo.

⁴ Īḡu eropariċū peerā bajamerāḡā ero árīrā “Diaye ta āhraa,” arīñorā. Eropirā erā Pablo sā mera wañorā. Eropirā gajirā sā griego masa bajarā Goāmure umupeorāpū, Pablore peerā erā mera majarā nome sā, bajarā oparā nome sā, ĩḡure peerā Jesu yarā dujañorā. Eropirā Pablo sā mera wañorā.

⁵ Judio masapu erā eropa iicū ĩarā erāre ĩhaturiñorā. Eropirā erā ñerāre mohmebirāre bajarāre sihu gameneo, ōpa arđoreñorā: “Pablo ĩḡu mera majarā mera ñero iirā iima,” arĭ gaguiniguidoreñorā erāre iri maca majarāre. Eropā gaguiniguirā árĭpehrerā iri maca majarāre guacū iñorā Pablo sā mera. Eropirā erā judio masa Jasō ya wihigüe ñaja Pablo sāre amariñorā erāre masaguere omorā.

⁶ Eropā amarā erāre bocabiriñorā. Eropirā Jasōre, gajirā Jesu yarā sāre ñeha tarawiriañorā erāre. Oparā pohrogue aĭ eja, ōpa arĭ weresāñorā erā.

—Pablo sā masare árĭpehreroguerē garibotariañorā. Eropirā dohpaguere mari ya macaguere eratuhajama.

⁷ Eropiḡu ihĭ Jasō erāre ĩḡu ya wihigüe ñajaridoreami. Erā árĭpehrerā mari weca opū Roma majagu ĩḡu dorerire tarinugama. “Gajiḡu mua opū āhrimi. Jesu ĩḡu ta āhrimi,” erā erĭcū mari opū César dorerire tarinugama erā, arĭ weresāñorā judio masa erā oparāre.

⁸ Erā eropa arĭ weresācū peerā, árĭpehrerā masa, oparā sā gua “¿Dohpa wahari?” arĭ pepiñorā.

⁹ Eropirā oparā Jasōre, ĩḡu mera majarā sāre niyerure wajayedore, wiucāñorā.

Pablo Sila mera Bereague ejañorā

¹⁰ Iri eropa wacū iri ñami ta mata Jesu yarā Pablo sāre dihbu obeocāñorā Bereague. Eroque eja judio masa buheri wihigüe ñaja wañorā.

¹¹ Judio masa Barea majarāpū Tesalónica majarā tauro Goāmū yare ōaro peerā árĭñorā. Eropirā erā Jesu yare erā peera pūhrū “¿Diaye ta āhriri?” arĭ masidiarā, umuri nucū Goāmū yare erā gojarapūre eropa buheniguiċāñorā erā.

¹² Eropirā erā bajarā Jesure umupeoñorā. Griego masa sā, ũma, oparā nome mera Jesure umupeoñorā.

¹³ Eropirā Pablo Bereague Goāmū yare ĩḡu buhecū sāre peebeo Tesalónica majarā judio masa Bereague ejañorā. Eroque ejarā, Barea majarāre quere goroweoñorā. Pablo sā mera guacū iñorā erā.

¹⁴ Erā eropa iicū ĩarā Jesu yarā Pablore yojaro mera wuariya turoque obeoñorā. Eropiḡu Sila, Timoteo mera Bereague ta dujañorā.

¹⁵ Eropirā gajirā Pablore Atenague aĭḡā soñorā. ĩḡure sotuhaja maji dujaa wañorā. Eroque ejarā,

—Yojaro mera waha, wapicurā waque Pablore, arĭ wereñorā Silare, Timoteo sāre. Eropā arĭ weredorepū Pablo erāre.

Pablo Atenague árĭpū

¹⁶ Eropiḡu Pablo Atenague coreḡu iipū Sila, Timoteo sāre. Eropiḡu Atena majarā erā goāmarā wéanirāre bajarā erā opacū ĩagu Pablo burigā bujawerepū erā mera.

¹⁷ Eropā bujawereḡu judio masa buheri wihigüe judio masa mera dāyaso wereniguiḡu ĩḡu. Eropiḡu daja judio masa árĭbirā mera sāre wereniguiḡu ĩḡu. Erā yujurāyeri Goāmure umupeorā árĭñorā. Eropiḡu Pablo iri maca deco umuri nucū ĩḡu pohrogue eropa curimaji ñajarā mera wereniguiḡu.

¹⁸ Gajirā epicúreo yare buherā, estoico yare buherā sā Pablo mera wereniguiñorā.

—¿Ihĭ wereniguiĭri pehrebigu dohpa arĭ wereniguiḡu iiri ĩḡu? arĭñorā erā.

Pablo Jesu yare, ĩḡu masa mārĭarare ĩḡu werēcū peerā ōpa arĭ pepiriñorā erā masa. “Īḡu gajirā goāmarāre wereḡu iicumĭ,” arĭ pepiriñorā erā.

¹⁹ Erā peera pūhrū erā wereniguiroque Areópago waicuroque Pablore aĭḡāñorā.

—I buheri, mama buherire mūhū dohpague wererare masidiaa gua.

²⁰ Mū buheri gajiropa āhraa. Eropirā gua irire masidiaa, arĭñorā erā Pablore.

²¹ Árĭpehrerā Atena majarā umuri nucū mama buherire wereniguidiañorā. Eropirā irire peediañorā. Gaji yeba majarā sā Atenague erarā eropa dihta iidiañorā. Eropirā Pablo ĩḡu wererire peediañorā erā.

²² Eropiḡu Pablo Areópago waicuro wahḡānugaja ōpa arĭ werepū:

—Atena majarā, bajarā goāmarā wéanirāre mua burigā umupeocū masia yūhū.

²³ I maca mua ya macare goāmarā wéanirāre mua umupeori gororire ĩhacuriabu yūhū. Eropā ĩhacuriḡu yū sā yuju gorogue mua goja apirare buheabu. “Goāmū, mari masibigu yare umupeori goro āhraa,” arĭ gojarare buheabu mua irire apiroguere. Mua

Īgure masibiriquererā Īgure umupeoabu m̄ua. Īgure ta m̄ua masibigure wereḡu iiaa yuh̄u m̄uare.

²⁴ “Goām̄u árĭpehreri yebare, yeba maja s̄are deyoro moaņumi. Īgu ūmarore, yebare opu árĭgu Īgu masa erā iira wiri árĭbeami.

²⁵ Eropiḡu Īgu mari árĭricurire ogu mari itamuraire gamebeami. Īgu mojomoroc̄ugu árĭbeami.

²⁶ “Īgu yujugu ūmu mera árĭpehreri yeba majarāre masare iĩņumi. Eropiḡu árĭpehreri yebaguere marire apiņumi Īgu. “Ip̄e yoari boje ōguere árĭrācoma,” arĭgu queo apiņumi marire.

²⁷ “Erā amarā yare bocarācoma,” arĭ pepiņumi Goām̄u. Eropiḡu Goām̄u yoarogue árĭbeami. Mari mera ta āhrimi. Ōpa arĭ gojaņumi gajiḡu.

²⁸ “Marire árĭcū iimi Īgu. Īgu maricū mariboya mari s̄a. Eropiḡu masa n̄ucure eropa árĭniḡuicāmi Īgu,” arĭ gojaņumi. M̄ua mera majarā iribojegue majarā bayarire ōaro gojarā erā gojara āhraa iri. “Mari s̄a Goām̄u porā āhraa,” arĭ gojaņorā erā.

²⁹ Eropirā mari Īgu porā árĭrā, goāmarā wéanirāre, oro, plata, utā mera m̄ua gamero m̄ua iinirāre “Goām̄u āhrimi,” arĭ pepibiricāque m̄ua.

³⁰ Iribojegue masa masibirā erā árĭnicū erā űero iiquerecū ta Goām̄u eropa ĩacāniņumi. Eropa iiquereḡu dohpaguep̄are árĭpehreri yeba majarāre erā űerire bujaweredoremi Goām̄u.

³¹ Puhru Īgu queorinu árĭpehreri yeba majarāre diaye ta beyeḡucumi Goām̄u ōarāre, űerāre. Īgu beyedore Īgu apidiro dopa Jesup̄u beyeḡucumi. Jesure s̄iridiḡuguere masup̄u Īgu. Eropa masuḡu “Ih̄i yā apidigu āhrimi,” arĭ, ĩhmuġu iip̄u Goām̄u masare, arĭ werep̄u Pablo Atena majarāre.

³² Īgu eroparĭcū s̄irinirā masa m̄uarare Īgu wereniḡuicū peerā gajirā Īgure wereyaņorā.

Gajirāp̄u ōpa arĭņorā:

—Dipaturi ire m̄u werecū gua peedĭaa daja, arĭņorā erā Pabl̄ore.

³³ Erā eropa arĭra puhru Pablo waha wap̄u.

³⁴ Eropirā bajamerāgā Īgu mera árĭrā Jesure umupeonugaņorā. Dionisio Areópago majagu oparā mera majagu Jesure umupeonugap̄u. Dāmari waĭcugo s̄a, gajirā mera Jesure umupeonugap̄o.

18

Pablo Corintogue árĭp̄u

¹ Eropiḡu Pablo Atenague árĭdiḡu waha Corinto waĭcūri macague ejap̄u.

² Erogue ejagu judio masu Aquila waĭcugure bocajap̄u Īgu. Arĭpehrerā weca opu Claudio waĭcuḡu judio masare Romague árĭrāre Īgu cóacū Aquilap̄u Īgu marapo Priscila mera waha, Corintogue ejap̄u. Aquilap̄u Ponto waĭcūri yeba masa dehyoadiḡu árĭp̄u. Eropirā erā Corintogue árĭcū Pablo erā pohrogue ejap̄u.

³ Aquila s̄a suhri wirire iirā árĭņorā. Pablo s̄a suhri wirire iigu ta árĭp̄u. Eropiḡu Īgu erā mera mohme ero dujap̄u.

⁴ Eropiḡu Pablo Sabado árĭcū semanari n̄ucu judio masa erā buheri wihigue judio masare, judio masa árĭbirā s̄are Goām̄u yare werep̄u.

—Ih̄i Īgu wereniḡuiri diaye ta āhraa, arĭņorā masap̄u erā peera puhru.

⁵ Eropiḡu Sila, Timoteo mera Macedoniague árĭnirā Pablo pohrogue ejaņorā. Erogue erā ejara puhru, Pablo suhri wiri mohmerire duhucā ūmuri n̄ucu judio masare buhem̄urip̄u.

—Jesucristo marire taubu mari coredigu ta āhrimi, arĭ werep̄u erāre.

⁶ Īgu eropa arĭ buhequerecū ta judio masap̄u Īgure peediabirānorā. Eropirā erā űero quere goroweoņorā Īgure. Erā eropa iicū Pablo erāre Īgu turibodiro dopa ta, Īgu suhri maja mera pasiri mehpiġu.

—M̄ua ya dipuwaja peamegue warāca. Goām̄u Īgu dorediro dopa ta m̄uare buherabu yuh̄u. M̄uap̄u yare peediabirabu. Dohpaguere yup̄u judio masa árĭbirāre buhegu wagara, arĭp̄u Pablo judio masare.

⁷ Īgu eropa arĭra puhru Īgu erogue árĭdiḡu waha, Tito Justo waĭcuḡu ya wihigue ejap̄u. Justo Goām̄ure umupeoḡu árĭp̄u. Īgu ya wihip̄u judio masa buheri wihi pohro árĭyoro.

⁸ Eropirā Crispo waĭcuḡu iri buheri wihi opu, Īgu marapo, erā porā mera mari Opu Jesure umupeoņorā. Eropirā gajirā Corinto majarā bajarā Goām̄u yare peerā, Jesure umupeoņorā. Erā eropa umupeorā árĭcū erāre waĭyep̄u.

⁹⁻¹⁰ Yuju űami Goām̄u quērogue werep̄u Pabl̄ore. Īgure ōpa arĭp̄u:

—Mu mera ähraa. I macare yaharä bajarä ährima. Eropirä gajirä masa mure ñero iimasibeama. Eropigü güibita muhu. Eropigü yahare burigä wereque. Eropa pepibiricäque, arí werepü Goämu Pablöre.

¹¹ Eropigü yuju bojori ðaro gaji bojori deco gohra ero majaräre Goämu yare buhe, ártimuripü Pablo.

¹² İgu eropa ártirisubu Galio waicügu Acaya yeba majarä opu İgu árticü, judio masa ártipehrerä yujuropa ta Pablöre ñero weresärä erañorä. İgure ñeha dipuwaja moadorerä pohrogue aigãñorä erä Galio pohrogue.

¹³ Aigã ðpa arí weresãñorä İgure:

—İhí masare Goämure umupeodoregu i yeba maja doreripure cõadoremi, arí weresãñorä judio masa dipuwaja moadoreräre.

¹⁴ Erä eropa arí weresãcü peegu Pablopü eräre werediaripü. Eropigü Galio opüpu judio masare werepü.

—İhí ñerire iidigu árticü gna Romano majarä ya dorerire tarinugagu árticü, müare yuhriboaya yuhu.

¹⁵ Maa ya doreripure ihí tarinugagu İgu árticü maa basi ire amuque. Ire masibea yuhu maa mera, arí werepü İgu judio masare.

¹⁶ Eropa arıgu ta eräre Pablöre weresãñiräre İgu ya taribugue ártiräre cohã wiucãpu İgu.

¹⁷ İgu eropa cohã wiura puhru ártipehrerä iri wihi ártirä Sõstenere judio masa buheri wihi opure Jesu yagure ñeha, dipuwaja moadorerä pohrogue pañorä İgure. Erä eropa pacã İagu Galio eropa İacãpu.

Pablo Antioquiague dujaa wapü daja

¹⁸ Eropigü Pablo Corintogue yoari boje ártidigu “Wagu iiaa,” arí goeriserepü İgu Jesu yaräre.

İgu eropa arıra puhru İgu Priscila, Aquila mera Siria yebague ártiri macague taribuja wapü. Cencrea waicuri macague erä taribujara puhru Pablo Goämure “Õpa mure iibasagura,” İgu arirare iituhajagu ártipü. Eropigü eropa iigu judio masa erä iiro dopa ta İgu poarire wuapehocãdorepu.

¹⁹ Eropirä erä Efeso waicuri macague eja, Priscilare, Aquila säre apipü Pablopü. Eräre ero api, İgüpu judio masa erä buheri wihigü wapü. Iri wihigü eja, Goämu yare werepü. Eropa weregu judio masa mera duyaso werenigüpu.

²⁰ İgu eropa werera puhru İgure erä mera dujadoreriñorä erä. Erä eropariquerecü,

—Dujabeaa maa mera, arıpu Pablo eräre.

²¹ Eropa arıgu ta,

—Jerusaléngue yare waro gahmea. Bosenure İagu wabu iiaa. Eropigü wagu iiaa. Goämu gamecü dipaturi dujariboca, arıpu eräre.

İgu eropa arıtuhaja Efesogue ártidigu taribuja wapü.

²² Eropigü Cesareague taribujaja tarigã, Jerusaléngue ejapu. Erogue eja, ero majarä Jesu yaräre “¿Ne ähriri maa?” arí, eräre İha taria Antioquiague ejapu daja.

²³ Ero bajamenuri ártipü. Ero ártidigu tariapu. Galacia yeba ártiri macarigue, Frigia yeba ártiri macarigue dipaturi eja, iri macari majaräre Jesu yaräre buhe ðaro mucubiricü İpu.

Apolo waicügu Efesogue buhepu

²⁴ Irisubure, judio masü Apolo waicügu, Alejandria maca majagu Efesogue ejapu. İgu ðaro weremehregü ártipü. Eropigü İgu Goämu İgu gojarare ðaro masipü.

²⁵ Gajıgu İgure Goämu yare weretuhamuripü. Eropigü İgu Nu waiyegu İgu buheri dihtare masipü. Eropa ártiqueregu İgu burigã mucubiriri mera Jesu yare ðaro buhepu.

²⁶ Eropigü judio masa erä buheri wihigü İgu güiro mariro eräre buhenugapu. İgu eropa buhecü erä peera puhru Priscila Aquila mera İgure erä mera aigãñorä. Goämu yare ðaro diaye ðaro İgu werepehobiricü İarã diaye werepehocãñorä erä İgure.

²⁷⁻²⁸ Eropigü İgu Apolopü Acaya yebague İgu wadiacü Jesu yarä İgure “Õaro waque,” arí, erä gojarapürire oñorä İgure. Iripüri Acayague ártirä Jesu yaräre Apolore ðaro bocafiridoreripüri ártıyoro. Eropigü Apolo erogue ejagu ero majaräre Jesure umupeoräre Goämu mahiri mera ðaro itamupü. Judio masare iri maca ártiräre ðpa arí werepü:

—Goämu İgu obeodigu maa coredigü ährimi Jesu. Cristo gohra ährimi, arí werepü judio masare gajirä masa erä İaro.

Īġu eroparċiċ, Goāmū werenigui ri gojarapūre ðaro queroro wereciċ erā pee “Diaye ārġbeaa,” arġmasibiriñorā erā. Eropiġu Jesu mahiri mera Jesure umupeorāre Īġu ðaro itamupu erāre Apolo.

19

Pablo Efesogue wapu

¹ Corintogue Apolo Īġu árġrisubu, Pablopū utā yucugue mūri taria, Efesogue ejapu. Erogue eja, yujurāyeri Jesu yarāre bocajapu.

² Erāre Īġu bocajara pūhrū Īġu erāre serēpi ġapu.

—ĶMaa Jesure umupeora pūhrū mūarū Espiritu Santore opanūgari? arġ serēpi ġapu Pablo.

Īġu eroparċiċ peerā ġure ðpa arġ wereñorā erā:

—“Espiritu Santo āhrimi,” arġ ne werebirama ġuare, arġ wereñorā erā.

³ Erā eropa arġ werera pūhrū Pablo erāre serēpi ġapu daja:

—ĶNoa ya buherire maa peera pūhrū wāyyeari mūare? arġpū Īġu daja.

—Ŋu ya buherire gua peera pūhrū wāyeeama ġuare, arġ wereñorā erā.

⁴ Erā eroparċiċiċ peegu ðpa arġpū Pablo:

—Masa erā ñeri iirare erā duhucā ġagu wāyepū Ŋu. Eropiro Īġu wāyepū erā ñeri iirare erā duhurare masare ġmuburi árġyoro. Eropiġu ġajino sāre werenemopū Ŋu. “Yū pūhrū arġbure ġure umupeoque maa,” arġpū Ŋu masare. Eropa arġu Jesure ta umupeodoreġu ġpū, arġ werepū Pablo erāre.

⁵ Īġu eroparċiċ erā peera pūhrū, Jesu wāi mera wāyepū erāre.

⁶ Eropiġu Pablo erā yujurāyeri weca ġu mojotorire ġu duhpeocā, Espiritu Santopū erapu erāġuere. Īġu eropa erara pūhrū erāpū peeyamariri yare wereniġu, Goāmū yare wereñorā.

⁷ Erā árġpehrerā doce šma erā árġñorā.

⁸ Pūhrū Pablo judio masa erā buheri wihigie ñaja, šrerā abe gohra ġüiro mariro Goāmū Īġu opū árġrare were, wereniġupū erā mera. Īġure erā eropa peera pūhrū “Ī diaye ta āhraa,” arġñorā erā.

⁹ ġajirāpū peediabiriñorā. Eropirā erā masa erā peeuro iri ðare buherire ñero arġ wereniġu ġmuñorā. Erā eroparċiċiċ peegu Pablopū Jesu yarāre sihu wiria, ġajipūġue waha wapu. Waha, Tirano wāicūġu ya buheri wihigie šmūri nūcu masare Goāmū yare werepū ġu.

¹⁰ Pe bojori gohra buhepū erāre. Īġu eropa buhecā árġpehrerā Asia yeba majarā judio masa, judio masa árġbirā mera mari Opū Jesu yare peeñorā.

¹¹ Eropiġu Goāmū turari mera Pablo bajasuburi deyoro moarire ii ġmupū.

¹² Pablo Īġu suhri ġasirore, ġu suhrirore Īġu dūpū pēhrera ġasirore dorecurāre aġñorā ġajirāpū. Masa dorecurā iri suhrire pēhrerā ðarā wañorā. Eropirā watēa ñajasūnirā iri suhrire erā pēhrera pūhrū watēa wiria wañorā erāre.

¹³⁻¹⁴ ġajirā judio masa eropa curinigiurā watēare cōārā judio masa yeea árġñorā. Esceva wāicūġu siete ġu porā árġñorā. Escevapū judio masū pahia opū árġpū. Eropirā erā Pablo ġu ġidiro dopa ta Jesu turari mera watēare cōādiariñorā. Eropirā watēa ñajasūdigure boca watēare doreriñorā erā.

—Jesu Pablo ġu wereġu ġu turari mera dorea mūare. Duhuque ġre, arġñoriñorā erā.

¹⁵ Watēare erā wadorera pūhrū, watēapu masūġuere ðpa arġñorā erāre.

—Jesure masia. Pablo sāre masia. Mūarūre masibea, arġñorā watēa erāre.

¹⁶ Erā eroparċiċiċ ta watēa ñajasūdigupū burigā erāre ñehamaa wapu. Eropiġu erāre ñetariario ġpū. Īġu eropa iira pūhrū suhri marirā, camicurā oma wiriañorā erā iri wihire watēa cōādiarāpū.

¹⁷ Erā eropa iira pūhrū árġpehrerā Efeso majarā, judio masa, judio masa árġbirā mera irire pee, ġüitariacāñorā erā. Eropirā mari Opū Jesu yare wereyaro mariro wereniġuñorā masapu.

¹⁸ Eropirā masa bajarā Jesure umupeorā erā ñero iirare wererā arġñorā.

¹⁹ Erā mera majarā bajarā yeea árġñorā. Eropirā erā erā gojarapūrire purisiriri wereripūrire erogue aġġari, masa erā ġaro iripūrire soe cōācāñorā erā. Iripūri wājacurare erā queocā, árġpehreripūri cincuenta mil plata árġripūri wājacurūyoro iripūri.

²⁰ Eropirā Goāmū yare gamerā bajarā wañorā. Goāmū turari mera ġu yarā wañorā.

²¹ Erā eropa wara puhru Pablo ðpa arī pepipu: “Macedonia yeba ejamūhta, iri yebare tarīa Acaya yebagure ejagura. Iri yebare yu ejara puhru Jerusalēngue wagura. Iri macare yu ejara puhru Romague iagu wagura,” arī pepipu Pablo.

²² Eropigu perāre iġure itamurāre iġu core obeomūhtapu Macedonia yebague. Timoteo Erasto sã árīñorã erã. Eropigu Pablopū yujugū ta dujapu Asia yebague.

Efesogue masa gua gaguinigiñorã

²³ Irisubure Efesogue Jesu yare gajirã gamebirã Pablo sãre ihaturiñorã.

²⁴ Yujugū platare mohmegu Demetrio waicūgu árīpu. Iġu plata mera erã goāmo Artemisa waicūgo umupeori wihi wéara wirire muta wirigāre iġu árīpu. Eropigu iġu gajirã plata mohmerã mera erã wéanirāre wuaro dua wajatamuriñorã erã.

²⁵ Eropigu Demetrio gajirã plata mohmerāre sihu gameneo, werepu erāre.

—Peeque mũa. I mohmeri mera mari wéanirã mera wuaro mari watarare masia mũa.

²⁶ Ihī Pablo iġu iirare iġu buhera sãre masia mũa. Òpa arī buhemi iġu: “Goāmarã wéanirã masa erã iinirã ojocarirã árībeama,” arī weremurami iġu. Iġu eroparicū peerã, Efeso majarã, árīpehrero Asia yeba majarã sã iġu buherare “Diaye ta āhraa,” arãñorã irire.

²⁷ Eropa arīrã mari mohmerire mari wéarare masa gamesome. Eropirã mari goāmo wuago Artemisa ya wihi coābocoma. Eropirã árīpehrerã Asia yeba majarã, árīpehreri yeba majarã igore umupeosome pare. Eropirã masa igore masibirã mari wéarare asūsosome, arīpu Demetrio erāre.

²⁸ Iġu eroparicū peerã burigã gua, gaguinigiñorã:

—Artemisa Efeso majarã yago goāmo turago āhrimo, arī gaguinigiñorã erāpu.

²⁹ Erã eropa gaguinigicū Efeso majarã árīpehrerã sã gaguiniguitaria wa pee masiri pehrea wañorã. Eropa warã Gayore, Aristarco sãre ñeha, masa erã gamenerogue erāre taragãñorã. Gayo, Aristarco mera Macedonia majarã árīñorã. Pablo mera curirã árīñorã.

³⁰ Erāre ñeacū iha Pablopū masa pohro weregu wadiaripu. Jesu yarāpu iġure wadobiririñorã.

³¹ Eropirã gajirã sã iri yeba majarã oparã, Pablo mera majarã árīrã erã pohro majarãre weredoreñorã Pablöre:

—Masa erã gamenerogue wabiricāque, arī weredoreñorã oparã Pablöre.

³² Eropirã ero gamenererã mera majarāpu bajarã “¿Duhpimorã mari gamenererã iiri?” arī masibiririñorã. Eropirã erã gaguiniginemoñorã. Ipūgue árīrã gajiropa arī gaguinigui, gajirã sã gajiropa arī gaguinigiñorã.

³³ Eropirã judio masapu Alejandro waicūgure masare weredoreriñorã. Eropigu Alejandro “Ejarimarcāque,” arīgu iġu mojoto mera paatupu. “Oã guare judio masare turirã iima,” arī pepigu judio masare cāhmotadiagu wereniguiripu.

³⁴ Iġu eropa wereniguidiaquerecū judio masu iġu árīcū iarã masa árīpehrerã yujuro mera pe hora gaguinigiñorã.

—Artemisa, Efeso majarã yago mari goāmo turago āhrimo, arī, gaguinigiñorã erã.

³⁵ Erã eropa arī gaguinigicū iagu Efeso majarã oparāre itamugū masare “Ejarimarcāque,” arī, werepu erāre.

—Mũa Efeso majarã peeque. Mari Efeso majarã turago Artemisa ya wihi corerã mari árīcū árīpehreri yeba majarã masima. Eropirã igo wéarare umarogue dijaridigore diburã mari árīcū sãre masima masa.

³⁶ Eropirã “I diaye árībeaa,” arīmasibeama. Eropirã guabiricāque mũa. Óaro pepique mũa.

³⁷ Oã mũa ñeagārīrã mari goāmore ñero arī wereniguibirama. Eropirã erã goāmarã ya wiriguere ñaja, yajabirama. Eropirã óaro iique mũa.

³⁸ Demetrio, plata mohmerã mera oāre mũa ñearāre weresādiarã, dipuwaja moaropure wereporo erã. Erã oparāre oāre weresāmasima.

³⁹ Mũa gajino iidiarã, óaro mera irire gamenere iique. Mũa iiro dopa iinembiricāque.

⁴⁰ Dohpagāre mũa gua, gaguinirare mari oparã peerã, erã marire weresābocoma. “Marire cóarã iicoma,” arī pepirācoma oparã marire. Eropirã mari arī gaguiniguirare erāre óaro diaye weremasibeaa mari, arīpu oparāre itamugūpu masare.

⁴¹ Eropa arī weretuhaja, “Iripēta āhraa. Waque,” arīpu iġu masare.

20

Macedonia yebague sãre, Grecia yebague sãre Pablo ejapu

¹ Erā eropa wara pũhrũ, Pablopũ Jesu yaräre sihu gameneo werepũ. Weretuhaja, mojoto ñeha, goeriserepũ. Goeriseretuhaja, Macedoniague waha wapũ.

² Eroguere eja were, ero majarã Jesu yaräre mucubiricũ iipũ ñũ. Eräre weretuhaja, Greciague eja pũ ñũ.

³ Erore ñũ urerã abe gohra arĩpũ. Ero arĩgũ Siria yebague taribuja wadiaripũ. Eropirã judio masa duhri, ñgũre ñeadiariñorã. Irire pee Pablo gajĩ mague Macedonia wari mague waha wapũ.

⁴ Eropã wagũ Asiague ta eja pũ. Ero Berea majagũ Sópater waĩcũgũ Pablore wapicũgãpũ. Eropirã Tesalónica majarã Aristarco, Segundo sã ñgũre wapicũgãñorã. Eropirã Asia majarã Tíquico, Tróximo sã Asiague ñgũre wapicũgãñorã. Derbe majagũ Gayo waĩcũgũ Timoteo sã ñũ mera wañorã.

⁵ ñũ mera majarã ñũ core waha, Troa waĩcũri macague ñgũre coreñorã.

⁶ Erã eropa corecũ bugabiriri panre bari bosenu pũhrũ guapũ Filipogue arĩnirã dohodiru mera waha, cinco ñuri taribujarã Troague gũa eja pũ. Siete ñuri gohra arĩbu gũa eroguerẽ.

Troague Pablo curigũ wapũ

⁷ Soorinũ arĩcũ Jesu yarã gamenere panre duhpeoñorã Goãmu yare bocatĩrimorã. Erã eropa iiboro core Pablo erãre buhepũ. Eropigũ Pablo gajinũpũre wabu arĩgũ yoari boje ñũ buhepũ. Ñami deco mera buhe duhubu iiripũ.

⁸ Eropirã erã umaro maja taribugue baja dipu sihãgori dipu arĩri taribugue gamenereñorã.

⁹ Pablore erã peerisubu mamũ Eutico waĩcũgũ ventana weca mũribejaja doapũ. Eropigũ Pablo erãre yoari boje buhenemocũ ñũ mamũre wuja ariyoro. Eropigũ ñũ carĩa wa uñre caya wecague doadigũ majimadija wapũ. ñũ eropa yuhridijara pũhrũ erã ñgũre siriadigũguere aĩwahgũ doboñorã.

¹⁰ Erã eropa iicũ ñagũ Pablo dijari, mamũre papeorpũ. ñũ eropa iira pũhrũ Jesu yaräre werepũ ñũ:

—Sĩporã ñebiricãque. Sĩribeami ihĩ. Ojocarimi, arĩpũ Pablopũ.

¹¹⁻¹² ñũ eroparĩcũ mamũpũ sĩridigũpũ masa wapũ. ñũ masacũ ñha erã mucubir-itaria wañorã. Eropã mucubirirã umaro maja taribugue mũria, panre duhpeoñorã bocatĩrimorã. Erã eropa iira pũhrũ yoari boje Pablo erãre buhepũ daja. Boyoboro coregã erãre buheduhupũ. Buhetuhajacã waha wapũ Pablo.

Pablo Troague arĩdigũ waha, Miletogue eja pũ

¹³ Pablo core dohodiru mera Asogue guapũ ejamũhtabu. Pablopũ mague wadiami. Pablo ñũ arĩdiro dopa ta Asogue ñgũre gũa bocatĩribũ.

¹⁴ ñgũre gũa bocatĩricũ, gũa mera ñajami dohodirugue. Iriru mera waha, Mitilenegue gũa eja pũ.

¹⁵ Eroguere eja taria gajinũ Quĩore tariabu gũa. Gajinũ Samogue eja pũ gũa. Gũa carĩa pũhrũ gajinũpũre Miletogue eja pũ pare gũa.

¹⁶ Pablo Pentecostenũ gohra Jerusalenguere ejadiami. Eropigũ Asia yebague yoari boje arĩdiabirimi. Eropigũ Efesore diaye taria, Miletogue ejatuhajabu gũa.

Pablo Efeso majarã Jesu yarã oparãre werepũ

¹⁷ Eropigũ Pablo Miletogue arĩgũ, Goãmu yarã Efeso majarã Jesu yarã oparãre sihubeomi ñũ.

¹⁸ Eropã ñũ sihubeora pũhrũ erã Pablo pohrogue erama. Erã eracũ ñagũ erãre Pablo weremi.

—Asiague ne eragũ mũa mera yũ iirare masia mũa.

¹⁹ Mũa mera arĩgũ ne gajiropa arĩro mariro Jesu mari Opũ yare iimũribũ yũhũ. Eropigũ mũare mojomoro ñabu. “Mũare tarinũgaa,” arĩbirimũribũ yũhũ. Judio masa erã yũre ñero iiquerecũ ta Goãmu yare iimũribũ yũhũ.

²⁰ Eropigũ mũa ñaro waburi dihtare mũare buhepocãbũ yũhũ. Masa erã ñaro mũa wirigue sãre buhepũ yũhũ.

²¹ Eropigũ judio masare, judio masa arĩbirã sãre yujuropa ta buhepũ yũhũ. “Mũa ñerire bujawereque. Goãmu yare gohrotoque. Eropirã Jesu mari Opũre umupeoque,” arĩ weremũribũ yũhũ.

²² Eropigũ Espĩritu Santo ñũ dorediro dopa ta dohpaguere Jerusalenguere wagũ iiaa. Yũ erogue wagũ yũ gajiropa waborore masibea yũhũ.

²³ Ōpa arāmi Espiritu Santo yare: “Jerusaléngue mūhu ñero tarigūca. Eropirā mure peresu iirācoma,” arāmi Espiritu Santo yare. Dohpaguere yu ejara macari nūcūgue eropa arī wereama yare. Jerusaléngue wagu Espiritu Santo igu werera dihtare masia.

²⁴ Eropigu ōari buherire, Goāmu igu mahiri buherire werebu āhraa yūhu. Jesu mari Opū igu ya ārīburire iipethodiaa yūhu. Ire iigu ārīgu, yu sīriborore güibeaa yūhu.

²⁵ “Eropigu mua mera ārīgu Goāmu igu opu ārīrare weremuribu yūhu muare. Mua yu eropa arī buhenirāre ne dipaturi muare iasome yūhu. Ire masia yūhu.

²⁶⁻²⁷ Eropa masigu dohpagāre ire werea muare. Árīpehreri Goāmu yare werebu yūhu muare. Eropirā ārīpehrerā mua mera majarā Goāmu yare gamebirā erā arīcū yaha dipuwaja ārībeaa.

²⁸⁻²⁹ Mua basi ōaro iique. Eropirā mua Jesu yarāre Espiritu Santo muare igu ihadibudorerare ihadibuque. Ovejare ihadiburā ovejare erā ihadiburo dopa ta Goāmu yarā sāre ihadibuque mua. Goāmu magu igu sirigu igu di cōaro mera Goāmu erāre igu yarā ārīmorā iidi ārīmi. Yūhu ōre wara pūhrū gajirā ñerāpu mua pohro ahri erā buheri mera muare gorosue duca waricū iirācoma. Eropirā Jesu yarāre ōaro ihadibuque.

³⁰ Pūhrūguere gajirā mua mera majarā ta Jesu yarāre gūya, gaji buherire peedor-erācoma. Erā eropa peedorecū erā peerācoma.

³¹ Eropirā ōaro iique mua. Ūmari nūcu, ñamiri nūcu mojomoro iari mera buhemuribu yūhu muare. Ūhre bojori gohra ōaro buhebu mua ārīpehrerāre. Irire yu buhera ōaro guñaniguicāque mua.

³² “Dohpaguere yu wara pūhrū Goāmu muare ihadibugūcumi. Igu mahiri buherire mua buherā ōaro ārīrāca mua. Goāmu igu buheri mera muare igu yarāre ōaro itamumasimi. Eropigu igu yarā dihtare igu iidiadiro dopa ta mua tamerare ōaro iigūcumi.

³³ Mua niyeru oparire, mua suhri opari sāre “Yare oque,” arībirimuribu.

³⁴ Yu basi mohme wajatabu yaha ārīburire. Eropigu yu gamerire, yu mera majarā erā gameri sāre yu mohme wajatara mera aīmuribu. Yūhu eropa irare masia mua.

³⁵ Mari ōpa burigā mohmerā gajino moorāre itamuro gahmea marire. Ire muare ii ihmumuribu yūhu. Jesu mari Opū igu arīrare guñaque mua. “Igu ocū ñeadigu tauro odigūpu mucubirimi,” arīpu Jesu igu basi, arī weremi Pablo Jesu yarāre.

³⁶ Eropa arītuhaja Pablo erā mera mereja, Goāmure serēma.

³⁷ Igu eropa serētuhajacū erā ārīpehrerā Pablöre pabu wayuporā mimi ore goeriserema.

³⁸ “Muare dipaturi iasome yūhu,” igu arīcū peerā burigā bujawerema erā. Eropirā erā igure tuunarusia buhama peramague. Eroque igure ihanarusiamā gua wacū.

21

Pablo dipaturi Jerusaléngue wapū

¹ Jesu yarāre “Wagu iiaa,” arī, dohodiru mera, Cos waīcūri nūgurogue diaye waha taribujajabu gua. Gajinu Roda waīcūri nūgurogue taribujaja, taria, Pátara waīcūri macague ejabu gua.

² Pátara ārīrā, Feniciague waburidirure dohodirure bocajabu gua. Eropirā iriru mera wabu gua.

³ Eropa warā Chipre waīcūri nūgurore diaye ta iha tariabu gua. Copū dujabu iri nūguro. Iri nūgurore taria, Siria waīcūri yebague ejabu gua. Eropirā dohodiru maja doberire dohodiru majagu Tiro waīcūri maca igu durimujucū, ero payanibu.

⁴ Ero Jesu yarāre iarā, siete nuri gohra dujanibu gua iri maca ta. Eropirā ero majarā Jesu yarā Espiritu Santo igu werediro dopa ta erā Pablöre Jerusaléngue wadobiririma.

⁵ Erā eropa arīquerecū iri macare siete nuri gua ārīra pūhrū, waha wabu daja. Gua waboro coregā ārīpehrerā Jesu yarā, erā marasā nome mera, erā porā mera, maca turo pohro guare ihadujarā wama. Eropirā ārīpehrerā gua imiporogue eja, mereja Goāmure serēbu.

⁶ Gua eropa serēra pūhrū, “Warā iiaa,” arī, erāre pabuatuhaja goeriseretuhaja waha wabu gua. Gua wacū ihanarusia, erāpu majaa wama erā ya wirigue.

⁷ Tiro waīcūri macare maja tariabu gua. Eropirā Tolemaidague tuhajabu gua. Ero ta wūariyare watubū. Iri macare eja, Jesu yarāre “Acawererā, ¿āhriri mua?” arī, yujunū erā mera ārīribu.

⁸ Eropirā iri maca ma buharo arīcū gajinu daja Pablo mera mague wabu gua Cesarea waīcūri macague warā. Eroque eja, ōari buherire weregu Felipe waīcūgu ya wihigue ejabu. Eropirā igu mera dujabu gua. Felipe Jesu yarā erā siete beyenirā mera majagu ārīmi.

⁹ Eropigu Īgu wapicūrā nome pagu árīmi. Erā nomepū Goāmū yare wererā nome árīma.

¹⁰⁻¹¹ Erogue gua bajamenūri gua árīra pūhrū, Agabo waīcūgu Goamū yare weremuhtagu Judeague árīgu guare ĩagu erami. Eropigu Īgu Pablo yadare tuādiuridare aī, Īgu basi Īgu guburire, Īgu mojotorire diri ĩhmu weryūmi.

—Ōpa arīmi Espírītu Santo. “Idare opagu Jerusaléngue Īgu ejacā, judio masa eropa ta dirirācoma ĩgure. Dirītuhaia, judio masa árībirāre orācoma erā ĩgure,” arīmi Espírītu Santo, arī weryūmi Agabo.

¹² Īgu eroparīcū peerā, gua Cesarea majarā mera Pablōre bārigā mahību. ĩgure “Jerusaléngue wabiricāque,” arīribū.

¹³ Gua eroparīcū Pablopū yuhrimi:

—¿Dohpa arī orerā ĩri mūa? Yūpūre bujawerecū ĩiaa mūa. Erā yūre peresu ĩicū ōaroca. Yūhū Jerusaléngue Jesu mari Opū yare yū ĩira waja yū sīricū ōaroca, arīmi Pablo guare.

¹⁴ “Wabeaa,” ĩgu arīcū peediarā ĩribū gua. ĩgu “Wagura,” ĩgu arīcū, eropa pepicābu gua. Ōpa arību:

—Mari Opū Īgu gamero dopa ta ĩiporo, arību gua.

¹⁵ ĩrire weretamutu, gua yare ahmu, waha wabū daja Jerusaléngue warā.

¹⁶ Erogue gua wacū bajamerāgā Cesarea majarā Jesu yarāpū gua mera wama. Eropirā Jerusaléngue eja erā mera majagu Mnasón waīcūgu ya wihigue ejabū gua. Mnasón Chipre majagu ĩgu yoari boje Jesu buhegu árīmi. Eropirā ĩgu ya wihi gua árīguri wihi árību. Eropirā Jerusaléngue ejabū gua.

Pablo Santiagore ĩagu wapū

¹⁷ Jerusaléngue gua ejacā, ero majarā Jesu yarāpū “¿Erarari?” arī, mucubiriri mera bocatūrima guare.

¹⁸ Gajinū Pablo gua mera Santiagore ĩagu ejami. Gua erogue ejacū ero árīpehrerā Jesu yarā oparā árīma.

¹⁹ Eropigu Pablo erāre ĩgu mojoto űeara pūhrū judio masa árībirāre ĩgu buherare werepehomi. Goāmū ĩgu itamuri mera ĩgu ĩirare werepehomi Pablo Jesu yarāre.

²⁰ ĩgu eropa arī werecū peerā,

—Goāmū ōagu, turagu āhrimi, arī umupeoma erāpū. Eropa arītuhaia erā Pablōre ōpa arī werema.

—Acaweregu, dohpagure bajarā judio masa Jesure umupeorā āhriima. Mūhū ĩrire masia. Eropirā erā ōpa arī pepima: “Goāmū ĩgu dorerire, Moisegue marire ĩgu apirare marire ĩpehoro gahmea,” arīrā ĩima.

²¹ Ōpa arīnemoma erā. “Gajipugue árīrāre judio masa árībirā watope árīrāre judio masare Goāmū Moiserē ĩgu apirare ‘ĩbiricāque,’ arī doremi Pablo,” arāma ō majarā judio masa mūre. “Pablo judio masa porāre mari dorero dopa miri gasirogāre wiri āidorebeami,” arāma erā mūre. “Judio masa erā ĩdorerire Pablo duhdoremi,” arī ĩ sāre werewūama mūre.

²² Eropirā mūhū ōre eracū peerā erā gamenererācoma mūre turimorā. Eropigu ōpa ĩiro gahmea mūre.

²³ Mūre gua dorero dopa ta ĩique. Dohpague ōre wapicūrā ũma Goāmūre umupeorā “Ōpa ĩirāra,” arīrā āhriima.

²⁴ Erā mera waque. Eropirā Goāmū Moiserē ĩgu dorediro dopa ta erā basi Goāmū yare ĩiburire ĩimorā erā űeri ĩirire coerā ĩima. Mū sā eropa ta ĩique. Eropa ĩgu erā eropa ĩira wajare wajayeque mūpū. Mūhū eropa wajayera pūhrū erā poarire wuadoremāsima erā. Mū eropa ĩicū ĩarā masa mūre erā arīra ĩri guyara árīcū masirācoma erā árīpehrerā. Goāmū Moiserē ĩgu apira dorerire ĩgu mū árīcū masirācoma erā.

²⁵ Judio masa árībirā Jesu yarāpūre gua gojarapūre obeotuhajabu. Ōpa arī gojabū gua. “Goāmarā wēanirāre umupeora barire, dire, wūnūgu mohweınirā waimurāre babiricāque mūa. Eropirā nome mera űero ĩbiricāque. Nome sā ũma mera űero ĩbiricāque,” arī were gojabū gua gojarapūre, arīma erā Pablōre.

Goāmū wihigue judio masa Pablōre űeañorā

²⁶ Erā eropa arī wereniguira pūhrū gajinū Pablopū wapicūrā ũma mera erā basi Goāmū yare ĩimorā erā űeri ĩirire coemorā, Goāmū wihigue űaja wañorā. ĩri wihigue űajajagu, erāre werepū Pablo: “ĩ nūcu nūri duhyaa mūa coeboro,” arī werepū ĩgu wapicūrāre. Eropirā erā coeturinū erā nūcu Goāmūre waimurāre erā oburinū árību.

²⁷ Eropii erã coepehodiro merogã duhyacũ gohra Goãmũ wihigue Pablo ĩgu áricũ Asia yeba majarã judio masapu ãaõorã ĩgure. Eropa ãarã gajirãre iri wihi árfirãre Pablo mera guacũ iĩõorã erã. Eropa guarã judio masa Pablöre ñeha õpa arĩ gaguinigiõorã:

²⁸ —Mũa gua acawererã Israe masa guare itamurã arique. Ihĩ áhrimi. Moise dorerire i wihi sãre cóãdore buhemi árfiõpõerãre. Eropigu ĩgu Goãmũ wihiguere judio masa árfibirã sãre aĩñajadi áhrami. Eropigu i wihire ñeri mariri wihire ĩgu goroweoadi áhrami, arĩ gaguinigiõorã judio masa Asia yeba majarã ero majarãre.

²⁹ Ero core Jerusalén Pablo Trófimo mera ĩgu áricũ judio masa ãaõorã. Trófimo Efeso majagu judio masu árfibiridigu árfimi. ĩgu eropa áricũ masirã õpa arĩ pepiõorã erã: “Pablo Trófimore Goãmũ wihire aĩñajagu iicumi,” arĩ pepiõorã judio masa.

³⁰ Masare erã eropa arĩ were erã gaguinigiura puhũ iri maca majarã árfiõpõerã burigã guaõorã. Bajarã omagãri, Goãmũ wihi árfiõgure Pablöre ñeha tarawiria waõorã. Tuhajanugu iri wihi disiporore bihaõorã erã ĩgugue ñajariri arĩrã.

³¹ Eropirã erã ĩgure wejẽmorã iiriõorã. Erã eropa iicũ ãarã gajirãpu wererã waõorã surara opure. “Árfiõpõerã Jerusalén majarã gamenere gua, gaguinigiurã iiaama,” arĩ wererã waõorã surara opure.

³² Erã eroparicũ peegu opupu ĩgu surarare, erã dorerã sãre gameneo, erã mera Pablöre wejẽdiarã pohrogue omagã ejaõorã. Surara erã ejaõũ ãarã Pablöre panirã pa duhuõorã.

³³ Eropigu surara opu Pablo pohrogue eja, ĩgure ñeha, peda comeda mera diridorepu. Erã dirituhajacũ ãha, opu Pablöre serẽpipu masare:

—¿Nihino áhriri ihĩ? ¿Ñeheno dipuwaja ĩgure eropa iiri mãa? arĩ serẽpipu ĩgu erãre.

³⁴ ĩgu eropa serẽpicũ peerã masapu “Õpa iiami ĩgu,” arĩ, gajirã sã gajiropa arĩ, gaguinigiuri wereõorã surara opure. Erã eropa gaguinigiucũ surara opu õaro peebiripũ. Eropigu ĩgu surara ya wihigue Pablöre aĩgãdorepu.

³⁵ Iri wihigue eja, Pablo muriariñere ĩgu muriacũ masapu ĩgure padiarã cãhmotaõorã. Erã eropa iicũ surarapu ĩgure aĩcoã muria waõorã.

³⁶ Masa bajarã erãre nurusia, gaguinigiuri nurusiaõorã.

—ĩgure wejẽcãque, arĩ gaguinigiõorã erã Pablöre.

Pablo “Ne masare ñero iibea yũhu,” arĩ werẽpu

³⁷ Eropii Pablöre iri wihigue erã peresu iiboro core, Pablõpu opure serẽpipu.

—Yũhu mũ mera weretamudiaca, arĩ serẽpipu Pablo.

—¿Mũhu griego masa yare wereniguiuri?

³⁸ ¿Sohõ árfidigu, Egipto majagu árfibeari mũhu? ĩgu masare ĩgu oparãre cóãdoregu, cuatro mil masa gamewejẽrãpore masa marirogue aĩgãapu. ¿ĩgu árfibeari mũhu? arĩpu opu Pablöre.

³⁹ ĩgu eroparicũ peegu Pablo yũhripu.

—ĩgu árfibea yũhu. Judio masu áhrra. Tarso Cilicia yeba árfiri maca masa dehyoabu yũhu. Bu árfiri maca majagu árfibea yũhu. Yũhu oã masa mera wereniguidiaa, arĩpu Pablo ĩgure.

⁴⁰ ĩgu eroparicũ peegu opupu wereniguidorepu masa mera. Eropigu Pablo muriariñegue nigui, ĩgu mojotori mera “Ejarimaricãque,” arĩpu masare. ĩgu eropa iicũ ãarã, ejarimaripehrea waõorã. Erã ejarimaripehrecũ ãha, Pablo judio masa ya mera werẽpu erãre.

22

¹ Yũ acawererã, yũ iirare weregura mũare. Yũhu werecũ peeque mãa, arĩpu Pablo.

² ĩgu eroparicũ Pablo judio masa ya mera ĩgu werenigucũ peerã masa ejarimarioro dujaõorã. Eropigu Pablo erãre werẽpu:

³ —Yũhu judio masu ta áhrra. Tarso waicuri maca, Cilicia yeba árfiri maca masa dehyoabu yũhu. Eropigu i maca ta Jerusalén ta masabu yũhu. Eropigu yure Gamalie waicugu buhemurimi yure. Eropigu yũhu mari ñecu sumarã mũra dorerire õaro buhebu. Dohpaguere Goãmure mãa umupeoro dopa ta yũ sã umupeonigiua.

⁴ Eropigu Jesure umupeorãre ñero iimuricarabu yũhu. Yujurãyeri erãre wejẽcãmuricarabu yũhu. ðmare, nome sãre ñeha, peresu iimuribu yũhu.

⁵ Pahia opu, murã mera yũ eropa arĩri “Diaye ta áhrra,” arĩ weremasima mũre. Erã gojaripũre Jesu yarãre ñeadoreburipũre yure gojabasama. Mari acawererãre Damasco majarãre iripũre ihmubu iiribu Jesu yarãre ñeabu. Erãre ñeha, aĩgãri peresu iibu iiribu. Jerusalengue erãre aĩgãdiaribu erãre dipuwaja moabu, arĩpu Pablo.

Pablo Jesu yagu igu warare werepu

⁶ Eropa arituhaja opa werenemopa:

—Jesu yarare ñeari masu wadigu aríqueru goeri boje árícü, Damascogue yu ejaboro pohro gohra árícü umarogue gosesiri medijubu yure.

⁷ Ero eropa wacü yebague mehmerejacarabu yuhu. Yu mehmerejara puhru wereniguigu carimi yure. “Saulo, ¿duhpigu yure ñero iiri muhu?” arigu carimi yure.

⁸ “Opu, ¿nihino áhriri muhu?” arí serëpibu yuhu. “Yuhu Jesu Nazare majagu, mu ñero iigu ta áhrra yuhu,” arí yuhrimi igu yure.

⁹ Yu eropa wacü yu mera majarã boyorore ñama. Eropirã yu mera igu wereniguicü peebirima erã.

¹⁰ “Opu, ¿dohpa iigucuri yuhu?” arí serëpibu Jesure. “Wahgãnugajaque. Damascogue waque. Ero muhu wacü, mure arípehreri yu iidoreburire gajigu weregacumi mure,” arími igu yure.

¹¹ Burigã ero cuimijuro wacü yu cuiri boboa wacarabu yuhu. Eropirã yu mera majarã yu mojtore ñeha, Damascogue tuã wahgãma yure.

¹² “Ero Ananía waicugu, Goãmure umupeogu, marire Goãmu dorerire iipehogu arími. Ero majarã judio masa arípehrerã erã umupeogu arími.

¹³ Eropigu igu yu pohro eranugara yure weremi. “Acaweregu Saulo, ñaque dipaturi daja,” arími igu. Igu eropa aríra puhru dipaturi íabu yuhu daja. Eropigu igure íabu yuhu.

¹⁴ Yu eropa íacü igu Ananía yure weremi. “Mari Pagu igu gamerire ñaro masibure iribojegue beyetuhapu mure. Eropigu ‘Yu magu ñagure íha peegacumi,’ arí weremuhtapu mure mari Pagu iribojegue mu aríboro core. Igu áhrimi mari ñecu sumarã mura erã umupeodi.

¹⁵ Eropigu mu íarare mu peerare weregaca arípehrerãre.

¹⁶ Eropirã dohpaguere yoari boje aríbiricãrã. Wahgãnugajaque. Eropigu waíyedigu aríque. Jesure mu serëcü mu ñerire cõãgacumi,” arími igu yure, arípu Pablo.

Pablo judio masa aríbirãre igu buherare werepu

¹⁷ Igu eropa arituhaja Pablo masare werenemopa:

—Eropa ituhaja yuhu Jerusaléngue dujari, Goãmu wihigue Goãmure serëgu ejabu.

¹⁸ Yuhu ero árícü yu Opu Jesu yure dehyoami. Eropa dehyoagu yure weremi. “Jerusalén majarã yahare mu werecú peediabeama. Eropigu duru gajipague waque,” arími yu Opu Jesu yure.

¹⁹ Igu eroparícü peegu werebu igure: “Opu, mu yarare judio masa buheri wiri aríãre yu ñeha para sãre, peresugue erãre iimurirare masima Jerusalén majarã.

²⁰ Eropigu mu yare weregure Estebanpãre erã wejëcü íagu ñaro iirã wejëma, aríribu. Igu erã wejëcü erã ya suhrire opabasabu yuhu. Iri sãre masima i maca majarã,” arí werebu yuhu Jesure.

²¹ Yu eroparícü peegu yu Opu yure weremi: “Yoarogue judio masa aríbirãre buheburu obeogura mure. Eropigu waque muhu,” arími yure yu Opu, arípu Pablo masare.

Surara opu Pablo mera weretamupu

²² Igu weremuhtara dihtare ñaro peeriñorã masa. Eropa peequererã judio masa aríbirã pohro Jesu Pablora igu obeoburire igu werecú peerã erã gua gaguiniguinãgãñorã daja.

—Íhí dohpague tamerare síricuraporo, arí gaguiniguinãñorã erã.

²³ Eropirã erã gaguiniguinemo, guari mera erã suhrire wejësiribeo, nicu mera deañoãrã.

²⁴ Erã eropa iicü íha surara opu surara ya wihigue Pablora aínãjadorepu igu surarare. Eropigu surara opu “¿Duhpirã Pablo mera gua eropa siari gaguiniguirã iiri masa?” arí serëpidiaripu. Pablora irire serëpibu, yuradari mera tãradoreripu igure.

²⁵ Igu tãradorequerecú igure erã dirira puhru, igu pohro aríguere surarare werepu Pablo.

—Yuhu Roma majagu áhrra. Eropirã “Ñero iigu áhrimi,” yure arímasibea maa. Eropirã yuradari mera tãramasibea maa, arípu Pablo igure.

²⁶ Igu eroparícü surara igu opu weregu wapu.

—Íhí Roma majagu áhrimi. Eropigu ñaro iique íre, arí werepu igu igu opu.

²⁷ Igu eropa aríra puhru surara opu Pablora serëpigu wapu.

—¿Diaye ta muhu Roma majagu áhriri? Wereque yure irire, arípu igu.

—Ígu ta áhrra yuhu, arí yuhripu Pablo.

²⁸ Īġu eroparicū peegu opuru ġure werepu.

—Yuhū Roma majagu ārīdiagu niyeru wuaro wajayebu, arīpu ġu.

—Yuhū Roma maja macague masa dehyoabu. Eropigu Roma majagu āhraa, arīpu Pablo.

²⁹ Īġu eroparicū peerā ġure tārabonirā waha wañorā. Eropigu Pablo Roma majagu ġu ārīcū masigu, ġure comedari mera erā dirirare guñagu, ġū arīpu surara opu.

Pablo judio masa opure werepu

³⁰ Eropigu surara opu judio masa Pablora erā weresārare ōaro masidiapu. Eropu masidiagu ġajnuġue comedarire ġure ġu pādorera pūhru pahia oparāre, judio masa erā murā mera gamenedorepu surara opu. Īġu eropa gamenedorera pūhru ġu erogue Pablora aiġā, erā core duhudobopu ġure.

23

¹ Eropigu Pablo judio masa murā oparāre ġabocatiunugaja werepu:

—Acawererā, Goāmu ġu ġaro umuri nucū ōaro iiniguicābu yuhū, arīpu Pablo.

² Īġu eroparicū peegu arīpehrerā pahia weca ārīġu opu Ananiāpu Pablo disirore padorepu.

³ Īġu pohro niguirāre padorepu. Īġure erā para pūhru Pablo Ananiāre turīpu.

—Masa erā ġaro dihtare ōaro iigu āhraa muhū. “Goāmu dorerire tarinugagu iiaa,” yure arīquereġu ta yure padorea muhū. Eropu padoreġu mupu dorerire tarinugagu iica, arīpu Pablo ġure.

⁴ Īġu eroparicū peerā Pablo pohro niguirā ōpa arīñorā ġure:

—Goāmu ġu beyedigū pahia opure ñero wereniguibiricāque muhū, arīñorā erā Pablora.

⁵ Erā eroparicū peegu Pablo arīnemopu:

—Acawererā, ġu, ġu pahia weca opu ġu arīrīre masibirabu yuhū. Eropigu eroparīmaacābu yuhū. Goāmu ya erā gojarapū ōpa arī werea ġure: “Mūa maca majarā opure ñero arī wereniguibiricāque,” arī gojara āhraa, arīpu Pablo erāre.

⁶ Eropirā ero pe curu majarā arīñorā. Yuju curu saduceo masa arīñorā. Ġaji curupu fariseo masa arīñorā. Pe curu erā ārīcū masigu, Pablo erāre busuro mera werepu:

—Acawererā, yuhū fariseo masu āhraa. Fariseo masu magu ta āhraa yu sā. “Sīrinirā masa muriarācoma,” yu arī wereri dipuwaja yure ñero iidiaa mūa, arīpu Pablo.

⁷ Īġu eroparicū peerā fariseo masa, saduceo masa erā basi gameturiñorā. Eropirā erā basi pe curu dūca wariñorā.

⁸ Saduceo masa ōpa arīrā arīñorā: “Sīrinirā masa muriasome. Espiritua anyua sā ne marīma,” arīrā arīñorā. Eropirā fariseo masapu erā arīro dopa arībiriñorā. Eropirā Pablo “Sīrinirā masa muriarācoma,” ġu arīcū erā erā basi gameturiñorā.

⁹ Eropu gameturiā, burīgā ġaguinuguñorā. Eropirā fariseo masa mera majarā judio masa buherā wahġanugaja, tuhri, wereñorā:

—Ihī Pablo ñero iibirami. Eropigu Espiritu, o anyu diaye ġu mera wereniguġu arībocumi. Eropirā ġure dipuwaja moarā Goāmure ġaturirā arīboca mari. Eropi-ibiricāque, arīñorā erā.

¹⁰ Erā eropa arīra pūhru erā arīpehrerā gameturi, burīgā guañorā. Erā eropa burīgā guacū ġha ġuisāpu Pablora surara opupu. “Pablora patasiricārācoma,” arīġu ġu ya wihigue aiġaridoreġu ġu masa watope ġu surarare obeopu.

¹¹ Ġaji ñami Jesu mari Opū Pablo pohro dehyo, werepu ġure:

—Ġuibiricāque. Dohpague ōre Jerusalēngue yaha buherire wereabu muhū. Eropigu Romague säre ōpa ta iigu waque, arīpu mari Opū Pablora.

Judio masa Pablora wejēdiariñorā

¹² Ġajnu ñamiñarīgā ārīcū judio masa bajamerā gamenereñorā.

—Ōpa iirā, arīñorā. Pablora wejēcārā. Eropirā ġure mari wejēboro core ihribiricārā. Babiricārā. Īġure wejēbirā oa mera sīrirā. Īġure mari wejēbiricū Goāmu marire wejēporo, arīñorā erā.

¹³ Erā eropa arīrā cuarenta weca ñari judio masa arīñorā.

¹⁴ Erā eropa arī wereniguira pūhru erā pahia oparāre, murā säre wererā wañorā:

—Pablora ġua wejēboro core barire babeaa ġua.

¹⁵ Eropirā mūa, mari murā mera ōpa arī sihubeoque. “Pablora dipaturi serēpidiaca,” arībeoque surara opure. Mūa eropa arīra pūhru surara opure aiġaridoreque Pablora. Eropirā Pablo ġu ōre ġu eraboro pohro gohra ārīcū ġure wejērāca ġua, arīñorā erā pahia oparāre.

¹⁶ Eropigu Pablo tígo magu erā eropa arī wereniguicū peeru. Erā eroparicū peegu waha, surara ya wihigue Pablöre weregu ñajaru.

¹⁷ Īgu eropa werera pührü Pablorü yujuḡu surarare sihubeo, werepu ĩḡure.

—Ihī mamüre mü opu pohrogue aĩḡāque. Ihī mü opüre werediagu iimi, arīpu Pablo.

¹⁸ Īgu eroparicū peegu surararu Pablo tígo magure ĩḡu opu pohrogue aĩ eja, werepu. —Peresugue árĩḡu Pablorü yure sihubeo, ĩre mamüre mü pohrogue aĩḡáridoreami. Ihī müre weregu arigu iiami, arīpu surara ĩḡu opüre.

¹⁹ Īgu eroparicū peegu opu müre mamüre ĩḡu mojtore ñeha tuāḡā, masa marirogue ĩḡure serēpi ĩaru.

—¿Dohpa arību iiri mühu yure? arīpu ĩḡu Pablo tígo magure.

²⁰ Īgu eropa serēpicū peegu opa arī werepu.

—Judio masa yujuro mera, “Ópa iirā,” arī, wereniguiama. Ñamigäre judio masa oparā pohrogue müre Pablöre aĩḡárorerācoma. “Mürā dipaturi Pablöre serēpidiama,” arī ḡayarācoma.

²¹ Eropirā cuarenta weca ñari masa ĩḡure wejēdiarā mague duhrinjarā corerācoma. Erā ĩḡure wejēboro core barire basome. Eropirā ihrisome. “Īḡure mari wejēbiricū, Goāmü marire wejēporo,” arāma erā erā basi. Eropirā dohpaguere müre Pablöre aĩḡáridorerā erāpu duhri coretuhajama Pablöre wejēmora. Eropigu erā wererā eracū eräre yahribita mühu, arī werepu mamü surara opüre.

²² Īgu eroparicū peegu surara opu opa arīpu:

—Yüre mü wererare gajiräre werebiricāque, arī werepu mamüre. Eropa arītuhaja mamüre “Wahanisa,” arīpu.

Pablöre opu Feli waicūḡu pohrogue obeopu

²³ Eropigu surara opu perā ĩḡu surarare sihugā, eräre dorepu:

—Doscientos surarare, setenta cabayu peyaräre, doscientos ñoseri mijiri oparäre Cesareague wamoräre erā yare amudorerā waque. Eropirā dohpagā ñami nueve árĩcū müa waborore coreque.

²⁴ Eropirā Pablöre cabayuare ĩḡu peyamoräre amubasaque. Opu Feli pohrogue, Cesareague óaro sorā waque ĩḡure, arīpu surara opu.

²⁵ Eropa arītuhaja papera gojaru. Ópa arī gojaru ĩḡu:

²⁶ “Yuhü Claudio Lisia müre turagu opu Felire óadorea.

²⁷ Judio masa ĩre ñeha, wejērama. Eropigu ĩḡu Roma majagu ĩḡu árĩcū masigu, yu surara mera ĩḡure itamugü ejabu.

²⁸ Eropigu ĩḡure erā weresärare masidiagu judio masa oparā pohro aĩḡābu ĩḡure.

²⁹ Eropigu ĩḡu judio masa ya doreri dihtare ĩḡu tarinugacū, mari ya dorerire ĩḡu tarinugabiricū ĩagu, ĩḡure peresugue apidiabirabu. Ñeha dipuwaja sīriro mara ĩḡure.

³⁰ Eropigu judio masa ĩḡure wejēdiarā, erā duhri corecū ĩagu gajigu wereami yure. Īgu eropa werera pührü Pablöre dohpaguere mü pohro obeogu iiaa. Eropigu ĩḡure weresäniräre ĩḡu ñero iirare müre weredoretuhajabu yuhü,” arī gojaru surara opu.

³¹ Eropirā surara erā opu ĩḡu dorediro dopa ta iññorā. Iri ñamire Antípatri waicuri macague Pablöre aĩ ejañorā.

³² Gajinü gajirā surara cabayua weca peyabirā iri maca ta dujariñorā erā ya macague. Gajirā surara cabayua peyarā dihta ĩḡure aĩ tarigāñorā.

³³ Pu Cesareague aĩ ejañorā Pablöre. Eropirā surara opu ĩḡu obeorapüre opu Felire wiañorā. Eropirā Pablöre aĩ ejañorā opu pohrogue.

³⁴ Erā eropa wiara pührü iripüre ĩḡu ĩara pührü ĩḡu gajiräre serēpi ĩaru:

—¿Di yeba majagu āhriri ihī Pablo? arī serēpi ĩaru.

—Cilicia yeba majagu āhrimi, arī wereñorā ĩḡure.

³⁵ Eräre serēpituhaja, Feli Pablöre werepu:

—Müre weresänirā öre erā eracū mü wererire peegura, arīpu Feli Pablöre.

Īgu eropa arīra pührü Herode ya wihigue ĩḡure arīpu. Eropigu ĩḡu ümare ĩḡure coredorepu ĩḡu opu.

24

Pablo “Ñero iibirabu,” arī werepu Felire gajirā weresära pührü

¹ Cinco nuri pührü Ananía pahia opu, judio masa erā mürā, dorerire weremehregu Tértulo waicūḡu mera Cesareague ejañorā. Eropirā erā Pablöre weresādiarā, opu Feli pohrogue ejañorā.

² Eropigu Pablöre erā gamenererogue erā ai ejara pūhrū Tértulo ĩġure weresānūgapu. Eropa weresānūgagu ōpa arīpu Felire:

—Mūhu ōaro masigu, gua opu mūhu ōaro dorecū gua i yeba majarā ōaro áricāa gua gamequeāro mariro. Mū doreri mera ōaripure gohrotoro iiaa i yeba.

³ Eropirā gua ōaro áricārā mucubiria. Eropirā mū mera ōaro mucubiria.

⁴ Dohpague merogā mure garibogura yūhu. Merogā mū mera weretamudiaca. Ģuare peenique dohpa.

⁵ Ihī ģuare garibotariami. Áriþehreri yebari majarāġue judio masare erā gua gaguiniguicū iimi ihī. Eropigu masa erā basi gameturicū iimi ihī. “Oparāre cóārā,” arīrā mera majagu āhrimi ihī. Eropigu nazareno waicuri curu opu āhrimi.

⁶ Eropigu Goāmū wihire ñero ĩġu iidiacū iarā gua ñeabu ire. Ģua ñeara pūhrū gua ya dorerire ĩġu tarinūgagu áricū ĩġure dipuwaja moadiarabu gua.

⁷ Eropa moadiaquerecū surara opu Lisia waicūġu ĩġure ģuare turaro mera emacāmi.

⁸ Pūhrū ĩġure weresānirāre mū pohrogue wadoreami Lisia. ĩġu eroparicū peerā ahrabu gua. Mū tamera ire serēpigu, áriþehreri ĩġu ya dipuwajare masigūca mūhu, arīpu Tértulo Felire.

⁹ ĩġu eropa arīra pūhrū ġajirā judio masa Tértulo ĩġu arīdiro dopa ta “Diaye ta āhraa,” arīñorā erā sā.

¹⁰ Erā eropa arī weresāra pūhrū opu Feli Pablöre weredorepu. Ōpa arī werepu Pablo: —Baja bojori i yeba majarāre mū dorerare masia yūhu. Eropigu yū iirare mure wereġu mucubiria.

¹¹ Doce nari ta wahaa Jerusalēġue Goāmure yū umupeora pūhrū. Mūhu i diaye áricū masidiagu ġajirāre serēpi ĩaque.

¹² Judio masa yare Goāmū wihiguere boca erā ñeacū masare arī gaguiniguigu iibirabu. Eropigu “Oparāre cóāque,” arīġu iibirabu. Eropigu judio masa buheri wirire, erā ya maca säre ne ñero iibirimurabu.

¹³ Eropirā yare weresānirāpu erā weresārare “Ōpa iiami ihī,” arī weremasibeama mure.

¹⁴ Dohpague yū iirare wereġura mure. Matague ta ġua ñecu sumarā erā umupeodiro dopa ta Goāmure umupeoa yū sā. Eropigu Goāmū yare iiaa Jesu ya ōari buheri iri arīro dopa ta. Oā “Jesu ya ġuyabirari āhraa,” arī wereniguima oā judio masa. Eropigu Goāmū doreri, Moiseguere ĩġu apirare iri säre umupeoa yūhu. Eropigu Goāmū ya weremuhtanirā erā ġojara säre umupeoa yūhu.

¹⁵ Oā ġajirā judio masa mera ta “Goāmū áriþehreri masare sirinirāre ōarā, ñerā mera erā masa mūriacū iigucumi,” erā arī pepiro dopa ta yū sā eropa ta arī pepia.

¹⁶ Eropigu dipuwaja mara yūhu. Goāmū irire masimi. Eropirā masa sā irire masima. Eropigu diaye ta werea yūhu mure.

¹⁷ “Ģaji bojorire ġajipuge yūhu curigu áriġu dujarabu Jerusalēġue. Yū acawererā Jerusalén majarā mojomorocārāre niyeru oġu arigu iababu.

¹⁸ Dujara, Goāmure umupeobu ĩġu ya wihigūe ejarabu. Eropigu Goāmū ĩġu coedorero dopa yū basi iira pūhrū waibūġure odjarabu Goāmure umupeobu. Erogue yū áricū oā judio masa yare bocama. Erā bocacū ġajirā yū mera majarā marama. Gua gaguiniguirā marama.

¹⁹ Eropirā ġajirā judio masa Asia yeba majarā ero āhrama. Erā yū ñero iicū ĩanirā árirā weresārā ariporo ōġuere.

²⁰ Oā ōġue árirāpu judio masa oparā gamenererogue yū áricū ĩanirā yū erogue ñero iirare masirā, erā sā weresāporo.

²¹ Ģaji tamerare yare erā weresāmasima: Erā mera áriġu ōpa arī burigā gaguiniguibu yūhu: “ ‘Sirinirā masa mūriarācoma,’ yū arīra waja dipuwaja moaa mūa,” arību erāre, arī werepu Pablo Felire “Ñero iibiribu,” arīġu.

²² ĩġu eropa arī werera pūhrū Feli ōpa arī werepu Pablöre:

—Dohpague irepēta āhraa. Surara opu Lisia ĩġu erara pūhrū mure yū iiborore masigūca yūhu, arīpu Feli Pablöre. Felipe Jesu yarā erā iirare ōaro masipehogu áriþu.

²³ Eropa arītuħaja, Pablöre coreġure surarare Feli ōaro ĩhadibudorepu peresugue áriġu duħriri arīġu. Eropa ĩhadibudoreġureġu ōaro iidorepu ĩġure. Eropigu merogā opu ĩġu curiborore. Pablo mera majarāre ĩġure peresugue áriġure itamudoreġu eropa dorepu Feli.

²⁴ Bajamenari pūhrū Feli ĩġu marapo Drusila waicūġo mera ahri, Pablöre siħuñorā daja. Feli marapopu judio maso áriþo. Pablöre erā siħura pūhrū, Jesucristore ĩġu umupeorire Pablora werepu erāre.

²⁵ Eropa weregu, ðarire, ðaro guñamasirire, ñerire gamebiririre, pehrerinu árícũ masare Goãmu dipuwaja moaborore werepu Pablo. Ígu eropa arĩ werecũ peegu Feli güigu, Pablöre werepu:

—Dohpaguere waque. Puhru yure mohmeri maricũ sihugura daja, arĩpu Pablöre.

²⁶ Eropa arĩgu, Pablo ígure niyeru ocũ gameripu Feli. Eropigu ígu niyerure gamegu, bajasuburi Pablöre sihu, ígu mera wereniguimuripu Feli. Niyerure ígu wajayecũ ta Pablöre wiuboñumi gajisubu arĩgu.

²⁷ Pe bojori puhru Porcio Festo waicũgu Felire gohrotogu arĩpu. Eropigu Felipu opu arĩgu judio masare mucubiricũ iidiapu. Eropigu ígu Palöre peresu arĩdorepu dohpa.

25

Festore Pablo ígu iirare werepu

¹ Eropii Festo iri yebague uhrenu ígu opu ñajara puhru, Cesareague arĩdigu waha, Jerusaléngue eja pu.

² Ero ígu ejacũ íha pahia opará, judio masa opará mera Pablöre erã weresãrare wereñorã Festore.

³ Pablo ígu mague wacũ iri mague ígure cohre, wejẽdiariñorã ígure erã. Jerusalén mague aricũ gameriñorã ígure wejẽmorã. Eropirã erã ðpa Festore uputu serẽriñorã:

—Pablöre õguere Jerusaléngue obooque, arĩ serẽriñorã erã Festore Pablöre wejẽdiarã.

⁴ Erã eroparicũ peegu, Festo werepu erãre:

—Dohpaguere Pablo Cesareague peresu áhrimi. Dohpaguere yuhũ erogue wabu iiaa.

⁵ Pablo ígu ñero iigu árícũ, mua opará Cesareague yu mera waha, ígure weresãque, arĩpu Festo.

⁶ Eropigu Festo ocho o diez nuri erã mera ígu arĩra puhru Cesareague dujaa wapu. Gajinu ígu dipuwaja moadoreri wihi doagu, Pablöre aigãridorepu.

⁷ Eropirã Pablo Festo pohrogue ígu eracũ, judio masa Jerusaléngue arinirãpu Pablo pohro nigui, ígure burigã weresãnugañorã. Eropa weresãquererã “Thĩ ígu ñero iicũ íabu,” arĩ weresãmasibiriñorã.

⁸ Erã eropa arĩ weresãra puhru Pablo ígu iirare werepu:

—Judio masa erã dorerire, Goãmu wihi maja dorerire, Roma opu ígu dorerire ne tarinugabirabu, arĩpu Pablo.

⁹ Festopu judio masare mucubiricũ iidiagu, Pablöre serẽpipu.

—¿Jerusaléngue wadiari muhu? Mu iirare yure erogue wereguca muhu, arĩpu Festo Pablöre.

¹⁰ Ígu eroparicũ Pablo yuhripu:

—Arĩpehrerã weca opu ígu ya wihi dipuwaja moadoreri wihi áhraa dohpaguere. I wihiho ta ohõ sã áhraa. Eropigu yu iirare ohõ ta amu purumujuque. Judio masare yu ñero iibirirare ðaro masia muhu.

¹¹ Ñerire iigu dorerire tarinugagu arĩgu “Yure wejẽbiricãque,” arĩbiriboaya. Eropigu oã weresãripu gayari iri árícũ yure weresãnirãre yure omasibea muhu. Yu iirare arĩpehrerã weca opure Césare weregu wadiaca yuhũ, arĩpu Pablo.

¹² Ígu eroparicũ peegu Festopu ðaro masi wererãre serẽpituhaja, werepu Pablöre.

—Muhu arĩpehrerã weca opure mu iirare mu werediãcũ, ígu pohrogue Romague obeerãra mare, arĩpu Festo Pablöre.

Pablo opu Agripare ígu iirare werepu

¹³ Festo opu ñajara puhruque opu Agripa, Berenice waicũgo mera Cesareague Festore iarã ejañorã.

—¿Ne, erarari mu sã? arĩñorã erã Festore bocatĩri sererã.

¹⁴ Ero bajamenurigã erã arĩra puhru Festo werepu Agripare Pablöre erã iirare.

—Õre Feli ígu peresu iidigu áhrimi.

¹⁵ Eropirã Jerusaléngue yu wacũ judio masa erã pahia opará, erã murã mera ire weresãma. “Ígu ya dipuwajare wejẽque ígure,” arĩ serẽama erã yure.

¹⁶ Erã eroparicũ peegu yu ðpa wereabu: “Gua Roma majarãpu peresu erã iinirãre masare eropa ta ocãbirimuribu. Eropigu ígure osome muare. Gua ñeadigure ígure weresãnirã guare wereniguiboro core ígure dipuwaja moamasibea gua. Ígu basi sã ígu iirare ígu werenibiricũ ígure dipuwaja moamasibea gua,” arãbu erãre.

¹⁷ Eropigu õre erã weresãrã eracũ íagu yoari boje iibirabu yuhũ. Eropigu gajinãre masa dipuwaja moadoreri wihi yu doagu, erã weresãdigure sihubeoabu.

¹⁸ Eropirā iri wihī Īgū eracū ĩarā ĩgure ĩhaturirā wahgānugajama. Erā eropa wahgānugajacū ĩagu ñetariaro arī weresārācoma arī pepirabu yuhū erāre. ĩgure weresādiaquererā weresāmasibirama erā.

¹⁹ Eropirā ĩre Goāmu yare ĩgū werera dipuwaja judio masa ĩgure ĩhaturiamā. “Jesu waicūgū ĩgū siridigū masa mūriadi ārīmi,” arī ĩgū werera waja weresāma ĩre. I dihtare weresāma.

²⁰ ĩre masibigu ĩgure ōaro serēpi ĩabu. “¿Jerusalēngue wadiacuri yu mera? Eroque wereque mu ĩirare yure,” arīrabu ĩgure.

²¹ Yu eroparīcū peegu ĩgūpu wadiabirami. “Yu ĩirare ārīpehrerā weca opure werediaca,” arāmi ĩgū yure. ĩgū eropa arīra puhru ohō ta ĩgure coredoreabu ārīpehrerā weca opu pohro ĩgure yu obeoboro core, arīpu Festo Agripare.

²² —Yu basi peediaca ĩgure, arīpu Agripa Festore.

—Ñamigā ta ĩgure peegūca muhū, arī yuhripu Festo.

²³ Eropirā gajinu ārīcū Agripa, Berenice mera masa dipuwaja moadoreri wihigue eja, “Oparā āhraa gua,” arīrā guhyadiaro ii ĩhmuñorā erā, surara oparā, iri maca majarā oparā mera. Eropa ii ñajarā iri wihiguere ñajañorā. Erā ñajajara puhru Pablora sĩhubeopu Festo.

²⁴ Eropīgu Festo ōpa werepu:

—Opu Agripa, muā ārīpehrerā i wihire gamenererā peeque. Ōre ĩhī bajarā judio masa erā weresāgu āhrimi. Jerusalēngue Cesareague säre erā ĩgure weresāma. “ĩgure wejēque,” eropa arīniguicārā iima erā.

²⁵ Erā eropa arīquerecū ta ōpa arī pepia yuhū. ĩhī ñe ñero iidigu ārībeamī. ¿Ñehe dipuwaja mari wejēbocuri ĩgure? Eropīgu ārīpehrerā weca opure César Augustore ĩgū ĩirare ĩgū werediacū ārīpehrerā opu pohrogue obeogura ĩre.

²⁶⁻²⁷ Eropīgu ĩhī ĩgū ĩirare masibirinica yuhū dohpa. Eropa masibirinigu mari opure were gojamasibirica. Eropīgu muare ĩgū werecū peedoregu iiaa dohpaguere. Opu Agripa, dohpague tamerare ĩhī āhrimi mu serēpi ĩabu. Mu serēpi ĩatuhaja mari masira puhru ĩre erā weresārare ōaro were gojagura. ĩhī ĩgū ñero ĩirare yu masibiriqueregu ta opu pohrogue ĩgure yu obeocū ōabeaa. Eropīgu dohpaguere erā weresārare ōaro masidiagu iiaa, arīpu Festo erāre.

26

Pablo Agripare ĩgū ĩirare werepu

¹ ĩgū eropa arīra puhru Agripa Pablora arīpu:

—Mu basi ta wereque, arīpu ĩgū Pablora. ĩgū eropa arīra puhru Pabloru, “Ejarimaricāque,” arīgu ĩgū mojotorire aĩ wahgūbeo, ĩgū ĩirare werenūgapu:

² —Opu Agripa, yure judio masa erā weresārare, yu ĩirare mure weregu, dohpaguere ōaro sĩporācūa.

³ Gua judio masa gua ĩiricūrire, gua buheri säre muhū ōaro masicū tamerare mucubiria yuhū. Eropīgu muhū yure ōaro peeque, arīnūgapu Pablo.

Pablo Jesu yagu ĩgū ārīboro core ĩgū ārīricūrare werepu

⁴ Eropa arītuhajagu ōpa arīnemopu ĩgu:

—Mamu ārīgu yu ārīricūrare ārīpehrerā judio masa masima. Ũmuri nūcu yu masa dehyoara puhru yaha yebaguere, Jerusalēngue säre yu ārīrare masima erā.

⁵ Negohraguere fariseo masu ārīribu. Eropīgu fariseo masa erā dorerire, erā ĩirnore yuhū ĩpehodigu ārīcū erā masima. Erā mure werediārā, ĩire weremasima erā.

⁶ I dipuwaja ta yure weresāmūrima. Gua ñecu sumarāre “Sĩrinirāre masugura,” Goāmu ĩgū arī apirare “Diaye ta āhraa,” yu arīri waja oā yure weresāmūrima.

⁷ Yu acawererā judio masa, ārīpehrerā doce cururi majarā Goāmu masare ĩgu masuborore mucubiri cohrema. Eropirā Goāmure umupeoniguicāma. Eropa corerā ārīrā yu ĩiro dopa ta iima erā sā. Opu Agripa, eropa yujuropa gua ĩirā ārīquerecū ta erāpu yuhū ĩgū masuborore ii corerī waja yure weresāmūrima judio masa.

⁸ ¿Duhpirā sĩrinirāre Goāmu ĩgū masuborore peediabeari muā judio masa? arī werepu Pablo.

Pablo Jesu yarāre ĩgū ñero ĩirare werepu

⁹ Eroparītuhaja ōpa werenemopu:

—Jesu Nazare majagure ĩanibigu dohpa ñeri dihtare iidiaribu yuhū ĩgū yarāre.

¹⁰ Eropigu Jerusaléngue eropa iimuriribu yuhũ. Pahia oparã yure erã dorera puhru bajarã Jesu yarãre peresu iimuribu yuhũ. Eropigu oparã erãre erã wejẽdorecũ, wejẽmuribu yũ sã.

¹¹ Bajasuburi árĩpehreri judio masa erã buheri wirigue Jesu yarãre ñero iidoremuricarabũ. Eropigu Jesu yarã Jesure erã cóacũ iidaribu yuhũ. Erã mera burigã guabũ yuhũ. Eropigu gajĩ macarigue sãre erãre ñero iigu ejamuricarabũ yuhũ, arĩ werepũ Pablo.

Pablo Jesu yagu ĩgu warare werepũ

¹² Eropã arĩtuhaja õpa werenemopũ:

—Eropigu Damascogue Jesu yarãre ñero iidiagu ejaribũ. Erãre yuhũ ñero iidiacũ ĩarã pahia oparã yure wadorema.

¹³ Opa árĩbũ, opũ Agripa: Goeri boje árĩcũ gohra mague yũ wacũ umaro maja gosesiriri, abe umũ majagu tauru yure yũ mera warã sãre gosesiribũ.

¹⁴ Gua árĩpehrerã yebague mehmerejabũ. Judio masa ya mera yure ĩgu wereniguicũ peebu. “Saulo, Saulo, ¿duhpigu muhũ yure ñero iiri? Muhũ yũ mera guagu yure yuhribigu, mu basi ñero tarĩa,” arĩmi yure.

¹⁵ “Opũ, ¿nihino ahriri muhũ?” arĩ serẽpibũ yurũ. “Yuhũ Jesu ta ahraa mu ñero iigu.

¹⁶ Wahgãnugajaque muhũ. Yũ pohro majagu mure iibu dohpague dehyoa yuhũ. Dohpagãre muhũ yure ĩarare, puhru mure yũ ĩhmuburi sãre gajĩrãre weredorebu apigãca mure.

¹⁷ Judio masare, judio masa árĩbirã sãre mure buhedoregu obeogura. Erã pohro mu árĩcũ, mure erã ĩhaturicũ mure itamugura.

¹⁸ Yahare erãre masicũ iique muhũ. Eropigu erã ñerire duhucũ iique muhũ. Ōaripure gohrotocũ iique erãre. Watĩre erãre gamebircũ iique muhũ. Eropigu Goãmu yapare iicũ iique muhũ erãre. Muhũ eropa iicũ erã yure umupeorãcoma. Erã eropa umupeocũ ĩagu erã ñeri iirare cãdijigũca. Eropirã erã Goãmu ĩgu beyenirã mera majarã mera árĩrãcoma. ĩgu oburire opamorã árĩrãcoma erã,” arĩmi Jesu yure, arĩ werepũ Pablo.

Pablo ĩgu iirare ĩgu mohmerire werepũ

¹⁹ Eroparĩtuhaja õpa werenemopũ:

—Opũ Agripa, umaro maja yũ peerire tarinugabiribũ.

²⁰ Damascogue buhemũtabũ. Puhru Jerusalén buhebu daja. Puhru Judea yeba, judio masa árĩbirã pohrogue sãre masare erã ñero iirare bujaweredore, Goãmu yare gamedorebu. “Ōarire mũa iicũ ĩarã mũa ñeri iirare mũa bujawererare gajĩrã masirãcoma,” arĩgu, erãre õarire iidoregu buhebu.

²¹ Goãmu ya wihi yũ árĩcũ yũ eropa arĩ wereri waja judio masa yure ñeha wejẽdiarima.

²² Eropigu umuri nucũ Goãmu ĩgu itamuro mera eropa buheniguicãa. Eropigu dohpague mũa árĩpehrerãre oparãre bu árĩrã sãre ĩgu yare weregu iiaa. Iribojegue majarã Goãmu yare weremuhtanirã Moise mera erã wereyudiro dopa ta werea yũ sã. Ōpa arĩ wereyuñorã erã:

²³ “Cristo Goãmu ĩgu obeodigupũ ñero tarigucumi. Eropigu sirigu masa muriamũhtagũ arĩgucumi ĩgu. Eropigu masare ĩgu itamuborore judio masare judio masa árĩbirã sãre masicũ iigucumi,” arĩ wereyu gojamurĩnuma iribojegue majarã. Yũ sã erã werediro dopa ta werea, arĩ werepũ Pablo Agripare.

Pablo Agripare Jesu yagu iidiaripu

²⁴ ĩgu eropa arĩ werera puhru Festo ĩgure burigã gaguinigui wereniguipu:

—Pablo, muhũ goroweregu ahraa. Muhũ baja buhegu goroweregu wahaa, arĩ gaguiniguiipu Pablöre.

²⁵ ĩgu eroparicũ peegu õpa yuhripũ Pablo Festore:

—Opũ, goroweregu árĩbeaa yuhũ. Yũ wereri diaye ta ahraa. Eropigu yuhũ ire guhyadiaro mera arãa.

²⁶ Opũ Agripapũ i yũ wererire õaro masimi. Eropigu yuhũ ĩgure güiro mariro werea. I wererire árĩpehrerã masa masima. Eropigu árĩpehreri ire yũ arĩrãre opũ Agripa ĩgu masicũ masia yuhũ, arĩpũ Pablo Festore.

—ĩgu eropa arĩtuhaja õpa arĩpũ Agripare:

²⁷ —Opũ Agripa, Goãmu ya weremuhtanirã erã wererare peea muhũ. Erã wererire mu peecũ masia yuhũ, arĩpũ Pablo Agripare.

²⁸ —¿Ire yure weregu merogã mu wereri Jesu yagu yũ wacũ iidiagu iiri muhũ? arĩpũ Agripa Pablöre.

²⁹ Īḡu eroparīcū Pablo yūhriḡu.

—Merogā wereniḡuḡu o yoari boje wereniḡuḡu mūa árīpeh̄rerāre yūhū árīro dopa ta Jesu yarā árīcū ḡahmea. Irīre serēbasaa Goāmure. Eropiḡu yū iro dopa ta peresugue mūa árīcū tamerare gamebeaa yūhū, arīḡu Pablo.

³⁰⁻³¹ Īḡu eropa arīra pūhru Agripa, Festo, Berenice árīpeh̄rerā ḡajirā mera wahḡānūḡa wiria, erā basi wereniḡuñorā:

—Ihī Īḡu iira waja ne peresu iimasibeeaa mari. ¿Eropirā mari ñeheno dipuwaja Īḡure wejēbocuri? arī wereniḡuñorā erā erā basi.

³² —Ihī “Árīpeh̄rerā weca opure yu iirare werediaca,” Īḡu arībiricū mari wiuboaya Īḡure peresugue árīḡure, arīḡu Agripa Festore.

27

Pablo Īḡure weresārare Romague wereḡu wapu

¹ Pablöre Italiague árīpeh̄rerā weca opu pohrogue dohodiru mera obeorā, Īḡu mera ḡajirā peresu árīrā sāre obeoñorā. Eropirā Julio waīcugure erāre ihadibudorerā obeoñorā erā. Julio cien surara opu árīḡu. Īḡu ya curu Augusto yarā surara waīcañorā.

² Yū sā Pablöre wapicugābu. Eropirā Adramitio waīcuro majaru dohodiru mera ñajabū ḡua. Irīru Asiague waburidiru árību. Ñajatuhaja, irīru mera wabū. Aristarco Tesalónica waīcūri maca majagu ḡua mera wami. Tesalónica Macedonia yeba árību.

³ ḡajinū ḡua Sidóngue ejabu. Eroḡue eḡagu Julio Pablöre oaro iimi. Eropiḡu Pablöre Īḡu mera majarā pohrogue Īḡu wadoremī. Eropiḡu Pablo mera majarā Īḡure Īḡu gamerire erā ocū “Oaroca,” arīmi Julio.

⁴ Dohodirugue ñajarā daja ḡua taribujacū burigā miruñe ḡuare ḡajipugue weātaribujubū. Eropirā Chipre waīcūri nuḡuro cāhmotarogue diayerū wabū ḡua.

⁵ Pū Ciliciare taria, Panfilia sāre taria, Mira waīcūri macague Licia yebague árīri macague tuhajabū ḡua.

⁶ Eroḡue ejarā, Alejandriague aridirure, Italiague wadirure dohodirure bocabū. Eropiḡu surara opu ḡuare irirugue wadoremī.

⁷ Bajanuri dabero waro waha, “Ñe yeboca,” arī, waha, Gnido waīcūri maca diaye ejabu ḡua. Eroḡue eja taria, miruñe burigā weā, ḡua wadiadirore ḡuare weābeobiribu. Eropirā ḡua copugue majipa wabū. Eropirā Creta waīcūri nuḡuro iri nuḡuro cāhmotari masepu ḡua taribuja waha, Salmón waīcūri ñorore tariabu ḡua.

⁸ Eroḡue tari, iri nuḡuro pohro waha, “Ñe yeboca,” arī waha, “Oari peramaha” waīcuroḡue tuhajabū. Peramaha Lasea waīcūri maca pohrogue árību.

⁹ Eroḡue ḡua yoari boje árīra pūhru, ḡua waboropu ḡuhyataribu. Eropiro erā ba duhurinū bosenu tarira pūhru, Pablo dohodiru majarāre weremī.

¹⁰ —Peeque mūa. Ba duhurinū bosenu pūhru mari wacū marire mirimaja ḡuhyataria. Iru dohodiru, dohodiru maja, mūa doberī sā mari mera majarā sā mari dedereboca warā, arīrimi Pablo.

¹¹ Īḡu eroparīquerecū surara opu dohodiru opuḡure peegu, autugu sāre peegu, Pablo Īḡu wereripure peediabirimi wadiagu.

¹² Erā payari peramaha puhirō árīcū oari payari peramaha árībiribu. Ero eropa árīri peramaha árīcū dohodiru majarā bajarā wadiarā, Feniceḡue mariadiarima puhirō waboro core. Fenice Creta waīcūri nuḡuro maja peramaha árīro, miruñe ero aridiroḡue abe muririroḡuepu copugue diayeruge sāre ihabeo miruñe aricū oaro cāhmotari maca árību. Ero eropa árīri peramaha árīcū masirā erā erogue yuju puhibuḡu árīrisubu árīdiarima.

Wuarīyague miruñe, deco wuaro ariyoro

¹³ Eropii docapu surgue daberogā miruñe arinugabu. “Dohpagāre oarinū mari waburinū āhraa,” arī pepiriñorā erā. Miruñe ero aricū erā comeýere tarawahḡū, Creta nuḡuro pohrogā muriabu ḡua.

¹⁴ Eropii pūhruñari miruñe gohroto noreste waīcūri miruñe burigā weābu.

¹⁵ Eropiro dohodirure miruñe burigā weā erabu. Miruñe ero weābeoro wamasibiri, majipa, miruñe mera wabū ḡua.

¹⁶ Clauda waīcūri nuḡuroḡā pohrogue docapugue waha, iri nuḡuroḡā ḡuare merogā cāhmotabu. “Marire yebo āhraa,” arīrā erore dohodiru majaru miridirugā ḡasirure oaro tarapeo dirību ḡua.

¹⁷ Irirure dohodirugue ḡua tarasā diripehora pūhru wuarida mera erā waīñea peoma. Libia yeba turo pohro árīri imipororire “Irīru ḡasiru dohodiru iri mehtuhajari,” arīrā

güi árîma erã. Eropirã erã miru ñeari suhrire erã aïdijura pũhrũ dohodiru dihtare miruñe weãbeobũ.

¹⁸ Miruñe, deco mera bũrigã aribũ. Gajinũ sãre miruñe muraro ta daja aricũ ñarã erã erã doberire diague duhrimeyura pũhrũ taribujabu gua.

¹⁹ Gajinũ dohodiru majare diague cõãma erã erã basi.

²⁰ Bajanuri ñipirinuri áricũ, abe umũ majagũ necã sã ne deyobirima. Eropiro bũrigã miruñe aribũ. Eropirã “Miria wahaã mari. Eropirã sîria warãca,” arĩ pepirĩbu gua.

²¹ Eropigu Pablo yoari boje erã ba duhura pũhrũ ñgu erã core nugaja, weremi erãre. —Muare yũ werecũ peebirabu mua. “Cretague árĩrã mari wacũ guhya árĩca,” yũhu arĩcũ peebirabu mua. Yũre peerã, iru maja árĩpehrerire dedeobiriboaya mua.

²² Eropigu dohpague muare werea. Guñaturaque. Eropirã güibiricãque. Árĩpehrerã mari tarĩrãca. Iru dohodiru dihta marire wahribasaroca.

²³ Dohpagã ñamire Goãmũ anyu yũre dehyoami. Goãmũ yagũ áhrraa yũhu. Eropigu ñgure umupeoa yũhu. Anyupu yũ pohro arigu wereami.

²⁴ “Pablo, güibita. Árĩpehrerã weca opure mũ iirare mũre werero gahmea. Goãmũ õagu áhrimi. Eropigu ñgure mũ serẽro dopa ta dohpague mua mera majarã sãre itamugucumi,” arãmi yũre anyu. Eropirã güibirãta mua.

²⁵ Anyu yũre ñgu arĩdiro dopa ta eropa waroca. Goãmũre umupeoa yũhu. Eropigu ñgu werediro dopa ta “Diaye ta áhrraa,” arĩ pepia yũhu.

²⁶ Marire nugurogue miruñe weãbeo cõãroca, arĩ weremi Pablo erãre.

²⁷ Yuju ñami pe semana pũhrũ wũariya Adria waĩcũriya miruñe guare bũrigã weãbũ. Irisubure ñami deco dohodiru majarã umapũ “Tũroque áhrraa mari,” arĩ pepima erã.

²⁸ Erã eropa arĩ pepirã yurada nucũdiru comerure dihri, duhmiumediju queõãma. Treinta y seis metro gohra áhcãbũ. Mero ta waha, queoma daja. Irisubure veintisiete metro gohra áhcãbũ.

²⁹ Eropirã utãre mehtuhajari arĩrã dohodiru auturogue wapicuriye comeyerire dirimiu dijuma erã diague dabero wacũ gamerã. Eropirã “Yojaro boyoporo,” arĩrã, bũrigã serẽma erã.

³⁰ Dohodiru majarã umapũ erã dihta duhririma. Erã miridirugãre dohodiru majarure diague taradijupo dohodiru ñguiru come dipure erã dijudiro dopa ta iirima erã miridirugã marire ñhari arĩrã.

³¹ Erã eropa duhridiaquerecũ Pablo erã eropa iicũ masigu surara opure, ñgu surara mera weremi:

—Oã, umã miridirugã mera erã wacũ mua árĩpehrerã sîrirãca, arĩmi Pablo.

³² ñgu eroparicũ peerã surapũ miridirugãre diriridarire wirita, irirure cõãcãma.

³³ Boyoboro coregã Pablo erãre badoremi.

—Pe semana gohra mua ne babeaa.

³⁴ Eropirã dohpaguere barã arique. Eropigu muare badorea. Mua ojocaridiarã baque. Árĩpehrerã mua tarĩrãca, arĩmi Pablo erãre.

³⁵ ñgu eropa arĩra pũhrũ Pablo panre aĩ, árĩpehrerã erã pohro Goãmũre “Õhaa,” arĩ, duhpeo, irire bami ñgu.

³⁶ ñgu eropa bacũ ñha erã siporã turarã waha, árĩpehrerã erã sã bama.

³⁷ Gua árĩpehrerã doscientos setenta y seis masa dohodirugue árĩbu gua.

³⁸ Eropirã erã árĩpehrerã yapia waha “Iru dohodiru nucũ árĩca,” arĩ, baja trigo barire diague cõãma daja.

Dohodiru imiporogue mehbejayoro

³⁹ Boyocũ dohodiru majarã umã nugurore ñarã, “Õpa waĩcũri nuguro áhrraa i nuguro,” arĩ ñha masibirima. Eropirã erã dipatũgure imiporo áricũ ñarã, “Mari iritũgugue warã, erogue mehmejaboca imiporogue,” arĩma erã.

⁴⁰ Eropa arĩrã, come dipure diriridarire wirita medijucãma erã. Erã eropa iira pũhrũ dohodiru ñguiru maja suhriro aĩ wahgũ nuguma diaye miruñe weãbeocũ gamerã.

⁴¹ Eropiro dohodirupũ ñguirupũ imiporogue sãmaja merejamasibiribũ. Eropiro auturore bũrigã pãgũri pamehtucũ iriru auturo wahria wabũ.

⁴² Eropa wacũ ñarã õpa arĩma surara.

—Iru miricũ mari peresu iinirã tũroque baatuhaja duhricãrãcoma. Eropirã erãre wejẽpehocãrã, arĩrima surara.

⁴³ Eropigu surara opupũ Pablora wejẽdiabigu árĩpehrerã peresu árĩrãre wejẽdorebirimi. Eropigu árĩpehrerã baamasirãre surara opũ mata tũroque baatujadoremi.

⁴⁴ Eropirā gajirā dohodiru maja wahrira mijiri mera yuuriñaja, iri mijiri weca peya baa majama. Gua eropa iirā gua árìpehrerā tarogue tuhajabu òaro.

28

Pablo Malta waìcuri nuguro árìpu

¹ Eropii iri nugurogue gua árìpehrerā majajanugajara puhru iri nuguro waìre masibu. Malta waìcuri nuguro árìbu.

² Iri nuguro majarā masa òarā árìrā, òaro iima guare. Eropirā deco gua weera puhru yusatariabu guare. Eropirā ero majarāpu peame dihutuhaja, guare sòhmadorema.

³ Pablo peare aìgāri aìñiami. Ìgu aìñiara puhru iri pea pohecague árìdigu aña coñorpore wirigu, Pablo mojoto curìtuhajami yahawearo mariro.

⁴ Ìgu curìtuhajacū Ìarā, iri nuguro majarā erā basi wereniguima:

—Ìhì masa wejèdigu árìbocumi. Eropigo mari turago dipuwaja moago umaro majago Ìgure dipuwaja moago, ojocaridorebeamo. Ìgu wuariyague mirigu tarituhajadigu árìrami. Dohpaguere igopu Ìgure ojocaridorebeamo, arìrima erā basi.

⁵ Eropigu Pablo añare peamegue wejèsiri mehpeomi. Ìgu aña pùribirimi.

⁶ “Bijiroca,” arìrā, corerima erā. Ne bijibiribu Ìgure. “Ìgu sìria wagucumi,” arìrā erā Ìha corerima. Ìgure pùribirimi. Yoari boje ero bijibiricū Ìarā, Ìgure pùribiricū Ìarā, gajiropa pepirima erā. “Ìhì goāmarā mera majagu árìbocumi,” arìrima erā.

⁷ Erā baa tuhajadiro pohro Publio waìcugu ya poeri árìbu. Ìgu iri nuguro majagu opu árìmi. Eropirā Ìgu guare òaro iicū uhrenu gohra Ìgu ya wihigue árìbu gua.

⁸ Publio pagu yojorocu, nimacuricugu árìmi. Eropigu Ìgu camague oyami. Eropigu Pablo dorecugu ya taribugue ñaja, Goāmure serē, Ìgu mojotorire Ìgu weca duhpeo, òagu wacū iimi Ìgure.

⁹ Ìgu òagu wacū Ìarā árìpehrerā gajirā iri nuguro majarā dorecurāre Pablo pohrogue aìgārima. Erā eropa aì eracū Ìagu Pablo erāre òarā wacū iimi erā säre.

¹⁰ Puhru erā baja säre waja mariro oma. Gua waboro coregā árìpehreri gua gamerire, gua warā gua baburire dohodirugue durisābasama erā.

Pablo Romague ejaru

¹¹ Urerā abe iri nugurogue gua árìra puhru dohodiru mera wabu gua daja. Iriru dohodiru Ìguiru perā goāmarā Cástro, Pólux waìcurā erā wéanirā niguima. Alejandriague ariduru árìbu iriru. Puhirópē iri nugurogue iriru dohodiru payabu.

¹² Waha, Siracusa waìcuri macague ejarā, uhrenu gohra iri macare árìbu gua.

¹³ Iri macare wiri waha, Regio waìcuri macague ejabu gua. Gajinu surgue miruñe ahri guare weābeobu. Penu puhru Puteoli waìcuri macague ejabu.

¹⁴ Erogue Jesu yarā bajamerāgā guare bocatìrima.

—Yuju semana gohra gua mera dujaque, arìma erā guare.

Erā eroparicū peerā yuju semana gohra erā mera dujanibu. Puhru mague majaa, Romague ejabu gua pare.

¹⁵ Ero majarā Jesu yarāpu gua ejarare peerā, Apio waìcurogue doberi duarogue guare bocatìrima. Gajirā Jesu yarā “Uhre wihì” waìcurogue guare bocatìrima erā sã. Erā eropa bocatìricū Ìagu Pablo mucubiriri mera Goāmure “Òhaa,” arì, òaro sññaja wami.

¹⁶ Romague gua ejaru puhru erā peresu erā iinirāre ero majagu peresu corerā opure weremi. Eropirā Pablopure yujugu ta apima ero majarā oparā. Eropigu Ìgure yujugu surara coremi.

Pablo Romague buheru

¹⁷ Uhrenu puhru Pablo judio masa buherā mera gamenerebu, erāre sihumi. Erā gamenerera puhru Ìgu erāre weremi:

—Acawererā, mari acawererāre, mari ñecu sumarā erā iimurirare, marire erā buhera säre tarinugabirimirabu yuhu. Yu eropa tarinugabiriquerecū ta Jerusalén yure ñehama Asia majarā judio masa. Erā eropa iira puhru Roma majarāre yure peresu iidorema erā.

¹⁸ Erā eropa iicū Roma majarā yure serēpi, yuhu ñero iibigu yu árìcū yure “Dipuwajacugu àhrimi,” arìmasibirama. “¿Ñehe dipuwaja dipuwaja wejèbocuri mari Ìgure?” arāma erā yure. Eropirā yure serēpirāpu yure wiudiarama.

¹⁹ Judio masapu yure wiudorebirama. Eropigu yu acawererāre judio masare weresadiabiriqueregu ta, “Árìpehrerā weca opure yu iirare diaye werediaca yuhu,” arì serēabu. Judio masa yure erā wiudorebiricū Ìagu “Roma majagu opure weregu waro gahmea yure,” arābu.

²⁰ Eropii m̄are ire werediagu sihuabũ. Cristo marire taubu judio masa erã coredigu ĩgu yare ya wereri waja yũhũ peresugue aħraa. Eropigu irire m̄are werebu sihuabũ, arĩmi Pablo judio masa oparãre.

²¹ ĩgu eroparicũ peerã erãpu ĩgure werema.

—Judio masa m̄are quere wereripũrire guare ne obeobirama. Eropirã erogue arinirã sã gua acawererã guare m̄a eropa warare werebirimurama. Erã “ĩgu ñero iigu aħrimi,” arĩ m̄are werebirimurama.

²² M̄a ya curure arĩpehroerogue masa erã ñero wereniguicũ gua masia. Eropa masirã m̄a buherire m̄a werecũ peediaa gua, arĩma erã ĩgure.

²³ Eropa arĩtuhaja, “Gajinũ arĩrã,” arĩma erã. Gajinũgue Pablo mera gameneremũhtanirã tauro masa bajarã ĩgu arĩroguere erama. Namiñarigã Goãmu ĩgu opu arĩrãre õari buherire ĩgu buhenũga, pu ñamigue buhe duhũmi. Goãmu dorerire Moisegue ĩgu apirare, Goãmu ya weremũhtanirã erã gojarare buhemi. Eropa buhegu, erãre Jesure masicũ iidiagu iirimi Pablo.

²⁴ Yujurãyeri ĩgu buherire gamema. Eropirã gajirãpu peediabirima.

²⁵ Eropirã erã basi pe curu game dũca wari wama. Erã wiriaboro core Pablo Isaia ĩgu wereniguirare weremi. Őpa arĩmi erãre:

—Isaia Goãmu yare weremũhtadigu ĩgu werera diaye ta aħraa. Mari ñecu sumarãre weregu arĩgu Espĩritu Santo Isaiare õpa arĩ were gojadoreñumi:

²⁶⁻²⁷ Ire oãre weregu waque: “Dipu burirã aħraa m̄a. Eropirã yahare peediabea m̄a. Gamiri toyobirã dopa ta peediabea m̄a. Eropirã yahare peequererã peesome m̄a. M̄a eropa arĩbirã õaro peeboaya m̄a. Eropirã õaripure gohrotoboaya m̄a. Eropigu m̄are peame wabonirãre tauboaya yũhũ,” arĩmi Goãmu, arĩ gojañumi Isaia, arĩmi Pablo erãre.

²⁸ ĩgu eropa arĩra puhru Pablo werenemomi:

—Ire masique m̄a. Goãmu buherire masare ĩgu õaro taurire judio masa arĩbirãre buherãca gua. Erãpu peerãcoma, arĩmi Pablo judio masare.

²⁹ ĩgu eroparicũ peerã judio masa irire erã basi burigã game dũyaso wiriama.

³⁰ Pe bojori gohra Pablo ĩgu eropa wajayeniguiri wihigue arĩpu. Ero arĩgu, arĩpehrerã ĩgu ya wihigue warãre mucubiriri mera bocatĩrimurĩpu ĩgu.

³¹ Eropigu ĩgu gũiro mariro Goãmu ĩgu opu arĩrãre, mari Opu Jesucristo ya sãre buhemurĩpu. ĩgu eropa buhequerecũ ta ne gajirã ĩgure “Buhebircãque,” arĩbiriñorã.

Romanos

Pablo Roma majaräre Jesu yaräre gojabeoñumi

¹ Yũhũ Pablo mũare Roma majaräre gojabeoa. Yũhũ Jesucristo pohro majagu āhraa. Eropigu ðari buherire buhedoregu apimi ĩgu yare.

² Iri ðari buherire iribojegue Goãmu “Õpa masare ðaro iigura,” arĩ wereyuñumi ĩgu yare weremuhtanirã merague. Erã irire gojañuma.

³ Iri buheri ta ĩgu magure wereri āhraa. ĩgu Jesucristo masa dehyoagu arĩgu Davi mũru pãrami arĩturiagu arĩdigu arĩmi.

⁴ ĩgu ta Goãmu magu ĩgu arĩrire ĩhudigu arĩmi Goãmu ĩgu Espĩritu Santo mera. Eropigu ĩgu Jesu sĩrira pũhũ Goãmu ĩgu turari mera ĩgure masa mũriacũ iidigu arĩmi. Eropigu Jesucristo diaye ta Goãmu magu ĩgu arĩrire ĩhudigu arĩmi masare. ĩgu Goãmu magu ta mari Opũ Jesucristo āhrimi.

⁵ ĩgu ta guare mojomoro ĩagu guau magure wereri āhraa. ĩgu Jesucristo masa dehyoagu arĩre ĩgu yare buhedoregu obeomi arĩpehrero majaräre ĩgu yare pee masi, Jesucristore erã umupeocũ iimorãre.

⁶ Eropirã mũa sã Jesucristo yarã arĩmorã ĩgu beyenirã āhraa.

⁷ Mũare Goãmu ĩgu mahirãre, ĩgu yarã arĩmorãre iidi arĩmi ĩgu mũare. Eropigu mũare Romague arĩrãre ipũre gojabeoa. Eropigu Goãmu mari Pagu mari Opũ Jesucristo mera mũare ðadoreã. ĩgu itamuri mera ðaro arĩque mũa.

Pablo Romaguere ĩagu wadiarica, arĩ gojañumi

⁸ Ire weremuhtagura mũare. Arĩpehrerogueru Jesucristore mũa umupeora querere werema. Erã eropa arĩ wercũ peerã “Õhaa,” arĩ serẽa yũhũ Goãmure. Jesucristo ĩgu itamuro mera eropa arĩ serẽbasaa.

⁹ Goãmure serẽgu mũa ya arĩburire arĩpehrerinũri serẽbasaniguicãa. Mũa ya arĩburire eropa ya serẽbasaniguicũ Goãmu masimi. ĩgu dorerire turaro mohmea ĩgu magu ya buherire buhegu.

¹⁰ Eropa serẽgu Goẽrã judio masa arĩbirã Jesure umupeoama. Erã umupeodiro dopa ta mũa mera majarã sã erã umupeoborore mũa pohrogue wadiarabu yũhũ. Eropa bajasuburi wadiaquerẽgu ta wamasibirimũrabu yũhũ.

¹¹ Goãmu yare mũare buhediacã Jesure mũa umupeonemoburire. Eropigu mũare burigã ĩadiacã yũhũ.

¹² Jesucristore umupeorã āhraa mari. Eropigu mũare ĩadiacã Jesucristore mari umupeori mera pepũri majarã mari game mucubiricũ ilborore.

¹³ Yũ acawererã, ire mũa masicũ gahmeã. Gajipũgue ðari buherire yũ buherã pũhũ gajirã mũa acawererã judio masa arĩbirã Jesure umupeoama. Erã umupeodiro dopa ta mũa mera majarã sã erã umupeoborore mũa pohrogue wadiarabu yũhũ. Eropa bajasuburi wadiaquerẽgu ta wamasibirimũrabu yũhũ.

¹⁴ Arĩpehrerãre ðari buherire buhero gahmeã yure. Wũari macã majarãre, noho gamero arĩrãre, masirãre, masibirã sãre buhebu arĩgu iiaã yũhũ.

¹⁵ Eropa arĩgu, arĩgu mũa sãre Roma majarãre ðari buherire burigã buhediaã.

Õari buherire masa peerã Jesure umupeonugama, arĩ gojañumi Pablo

¹⁶ Õari buherire peerã masa Jesure umupeonugama. Eropigu arĩpehrerãre Jesure umupeorãre Goãmu ĩgu turari mera erã peamegue wabonirãre tuami. ĩgure umupeorã ðaro waborore masigu iri buherire ðari buherire buhegu guhyasiuro taribeãã. Iri buherire judio masapũre buhemuhtanirã arĩma. Pũhũ judio masa arĩbirã sãre gua buheabu.

¹⁷ Iri buheri õpa wereã: Jesucristore umupeorãre “Ñeri marirã ðarã āhrima,” arĩ ĩhami Goãmu. Jesucristore umupeorã dihtare eropa arĩ ĩhami Goãmu. ĩgu eropa arĩ ĩarire iribojegue erã arĩ gojadiro dopa ta arãã: “ ‘Õarã āhrima,’ arĩ ĩgu iarã Goãmure ‘Diaye ta iigu āhrimi,’ arĩ umupeorã āhrima. Eropa umupeorã arĩpehrerinũri Goãmu mera arĩrãcomã,” arĩ gojañuma.

Masa erã ñero iiri mera dipuwajacũrã āhrima, arĩ were gojañumi Pablo

¹⁸⁻¹⁹ ĩgu arĩricũrire masare ðaro masicũ iipũ Goãmu. Eropirã ĩgure ĩgu arĩrire masicũ diasabeã masare. ĩgu arĩrire masare masicũ iiquerẽcũ masapũ erã ñerire iirã Goãmure masidiabeãã. Erã iri ñeri iiri mera gajirãre Goãmu yare peebiricũ iima erãpũ. Eropigu

Goāmũ umarogue árĩgu masa árĩpehrerã erã ĩgũre tarinũgarire, eerã ñero iiri sãre ĩagu eerã eropa iiri dipuwaja guami. Eropa ĩgu guarire masicũ iimi erãre.

²⁰ Goāmũ umaro majagu ĩgu árĩrĩre turagu ĩgu árĩrĩre mari ĩabiriquerecũ ta, ĩgu basi ĩgu árĩrĩre masicũ iimi ĩgu marire. I yebare ĩgu iira pũhrũ árĩpehrerire ĩgu ĩhacũnũgurare ĩarã, “Goāmũ ĩgu iira ta áhraa. ĩgu turagu ta áhrimi,” arĩ guñama masa. Eropirã “Goāmũ áhrimi,” arĩ masima masa árĩpehrerã. Eropirã masa “Goāmũ áhrimi,” arĩ masiquererã eropa ñerire ĩiniguicãrã, dipuwajacũma. “Mũre masibirabu. Eropĩgu ñerire iibu,” masa arĩmasisome Goãmũre.

²¹ Goãmũ ĩgu árĩricũrĩre masiquererã ta erã ĩgũre umupeobeama. “Mũhũ Goãmũ, turagu ta áhraa,” arĩbeama. Eropirã ĩgu erãre ðaro ĩiquerecũ ta “Ōhaa,” arĩbeama ĩgũre. Eropirã pee masibirã árĩrã, ñeri dihtare pepima erã.

²² “Pee masirã áhraa,” arĩquererã ta pee masibirã wahama erã.

²³ Eropa warã Goãmũre eropa árĩniguĩgũre ðagũre umupeobeama. Eropa umupeobirã “Goãmũ áhrimi,” erã arĩrãpũre erã wéanirãpũre umupeonũgama erã. Eropirã masare, mirimagu porãre, pĩruare, waimũrãre wéanũgu umupeoma erã, “Mari Goãmũ áhrimi,” arĩrã.

²⁴ Erã eropiicũ ĩagu “Erã gamero dopa ta ii curaporo,” arĩgu Goãmũ erãre cohãmi. ĩgu eropa cóãra pũhrũ, erã ñeri dihtare uaribejarã erã basi ñeri dihtare ĩiniguicãma.

²⁵ Eropirã Goãmũ yare peebiri, gũyaripũre ðaro peema. Goãmũ yapũre gũyari iro dopa ta wacũ iima erã. “Diaye ta Goãmũre árĩpehrerãre ĩidigũre umupeoro gahmea,” mari arĩquerecũ erãpũ ĩgũre umupeobeama. Eropa Goãmũ gohrare umupeobirã ĩgu ĩiapũre umupeoma erã.

²⁶ Erã eropiĩniguicãcũ ĩagu “Erã gamero ñerire ii curaporo,” arĩgu Goãmũ cohãmi erãre. Eropirã erã mera majarã nome marapũcũrã nome iro dopa árĩbeama. Eropirã erã nome seyaro ñero iima erã basi.

²⁷ Erã iro dopa ta árĩrã uma sã nomere gamebirã erã basi ta erã ðũpũrĩre uaribejarã áhriima. Eropirã erã basi ta erã ñero iira dipuwaja erã ðũpũre ñero goroweoma.

²⁸ Eropa Goãmũre masidiabirã ĩgũre gamebirira dipuwaja Goãmũ “Erã gamero ii curaporo,” arĩgu erãre cohãmi. ĩgu eropa cóãcũ erãpũ ñerire guñanigui, ñerire uaribejarire ĩiniguicãma.

²⁹ Eropirã erã bũrigã ñero ĩiniguima. Nome mera ñero ĩiniguirã, erã ñerire uaribejaniguirã, gajirã yare gametarirã, gajirãre ñero ĩiniguirã, gajirã gajinore opacũ ĩhaturirã, masare wejẽrã, game ðuyasorã, gũyaricũrã, masare ĩhaturirã, ñeri quere iirã áhriima erã.

³⁰ Gajirã erã ĩibiriquerecũ ta ñero arĩ werewũarã, Goãmũre ĩhaturirã, gajirãre papũro yũhrĩrã, “Gua tamera gajirãre tarinũgarã ðarã áhraa,” arĩ pepirã, gajirãre eropa arĩ weremaacãrã, gajĩ ñerire ĩinũgarã, erã pagu sumarãre tarinũgarã áhriima.

³¹ Pee masibirã áhriima. Erã werediro dopa ta ĩibirã, masare ne umupeobirã, erãre ñero ĩirare ne cãdijibirã, ne gajirãre mojomoro ĩabirã áhriima.

³² Eropa árĩrãre Goãmũ erãre dipuwaja moa peamegũ cóãgũcumĩ ĩgu erãre. Eropa ĩgu cóãburire masiquererã erã ñerire ĩiniguicãma. Eropirã gajirã erãre ĩhacũcũ, erã ĩiro dopa ta ñero ĩicũ ĩarã “Gua ĩiro dopa ta iima,” arĩ mucubirima.

2

Masare erã ñero iira dipuwaja moadoregũ irire diaye ta ĩigũcumĩ Goãmũ, arĩ were gojañumi Pablo

¹ Erã eropa ñerire ĩicũ ĩarã gajirã ðpa arĩbocoma: “Erã ñetariarã áhriima. Goãmũ erãre dipuwaja moaporo,” arĩbocoma. Eropa arĩrãre ðpa arĩ werediaca. Mũa sã erã ĩiro dopa ta ĩiaa. Eropirã “Erã ñetariarã áhriima,” gajirãre arĩ werewũabiricãro gahmea mũare. Eropa arĩ wererã ĩma basi ta erã ñerire ĩiro dopa ta ĩirã dipuwajacũrãca. Iri ñerire masiquererã ĩirã mũa ñero dipuwajacũrãca.

² “Goãmũ diaye ta dipuwaja moagu áhrimi,” arĩ masia mari. Árĩpehrerãre ñerire ĩirãre dipuwaja moagũcumĩ.

³ Eropĩgu mũa ñero iira dipuwaja árĩcũ mũa sãre dipuwaja moagũcumĩ. “Gajirã dipuwajacũrãcõma,” arĩ werewũarã, “Gũapũre dipuwaja moasome,” arĩ pepiboca mũa. Árĩbeaa. Mũa sãre mũa ñero iira pũhrũ dipuwaja moagũcumĩ.

⁴ Goãmũ mũare mojomoro ĩagu mata dipuwaja moabeami. Eropirã “Goãmũ yũ mera guabeami,” arĩ pepiboca mũa ñerire iira pũhrũ. Árĩbeaa. Goãmũ mũare mojomoro ĩagu mata mũa ñero iira pũhrũre dipuwaja moabeami. Mũa ñero ĩirire bũjawerẽcũ ĩadiagu, ĩgũre mũa yũhrĩcũ gamegũ mata dipuwaja moabeami.

⁵ Eropa mata dipuwaja moabiriqueregu. mua Goãmure peebiriniguicãcũ, mua ñero iirire bujawerebircũ ïagu dipuwaja moagucumi. Mua eropa ñero iiniguirãre ïgu dipuwaja moarinũ áricũ burigã dipuwaja moagucumi muare Goãmu. Irinũre Goãmu masare dipuwaja moacũ árípehrerã iarã “Diaye ta erã ya dipuwaja áhrra,” arĩ masirãcoma.

⁶ Eropigu árípehrerã nũcu erã ñero iira dipuwajare dipuwaja moagucumi Goãmu. Eropigu erã ðarire iirã sãre ðarire erãre ogucumi.

⁷ Yujurãyeri ðarire iima. Erã ðarã árdiãrã, Goãmu ïgu gamero dopa iidiãrã mũuri nũcu Goãmu mera árdiãrã áhrrima. Erã tamerare mũuri nũcu ïgu mera erã áriborore iigucumi Goãmu.

⁸ Gajirãpũ erã iro dopa áribeama. Erã erã gamero iirã áricãma. Diaye majare gamebirã ñerire iiniguirã áhrrima. Goãmu erã mera turaro guagucumi.

⁹ Árípehrerã ñerire iirã ñero tarirãcoma. Judio masare eropa wamũhtaroca. Eropirã judio masa áribirã sãre eropa ta waroca.

¹⁰ Árípehrerã ðarire iirãpũre “Óaro mua iiaa,” arĩ ïagucumi Goãmu. Eropirã erãpũ Goãmu mera óaro mera árirãcoma. Judio masare eropa ta wamũhtaroca. Eropiro judio masa áribirã sãre eropa ta waroca.

¹¹ Goãmu mari iirare ïagu queoro beyemi árípehrerãre. Judio masare, judio masa áribirãre Goãmu yujuropa ïhami marire.

¹² Gajirã Moise dorerire erã mooquerecũ erã ñerire iicũ erãre dipuwaja moagucumi Goãmu. Iri doreri oparãpũ ñerire erã iicũ erã dorerire erã tarinũgari waja dipuwaja moagucumi Goãmu erã sãre.

¹³ Moise dorerire peequererã ta yũhribirãre “Óarã áhrrima,” arĩbeami Goãmu. ïgu dorerire iirãpũre “Óarã áhrrima,” arĩ ïhami Goãmu.

¹⁴ Judio masa áribirã Moise dorerire mooquererã erã pepiro mera ðarire iirã Goãmu dorerire iirã iima. Eropirã Moise dorerire gojarapũre mooquererã erã, erã pepirigue iri dorerire opama.

¹⁵ Eropirã Goãmu dorerire erã pepirigue diaye opama. Eropa oparã ñerire ii mata erã ñero iirare masima erã basi. Eropigu ñerire iidigu, “¿Duhpigũ ñerire iiyuri yũhu?” arĩ pepimi ïgu. Eropigu ðari sãre ïgu iirare masimi ïgu.

¹⁶ Eropigu Goãmu Jesucristore ïgu obeocũ masa erã iirare ïagucumi. Masa erã iiricãrãre gajirãre werebirirare erã duhrare Jesucristo masipehogũ ïgu erã iiricãrãre ïagucumi. Eropa ta ïha beyegucumi, arĩ buhea yũhu ïgu ya ðari buherire buhegu.

Goãmu Moisere ïgu apira dorerire were gojañumi Pablo

¹⁷ Mũaru judio masa árirã, Goãmu Moisere ïgu apira dorerire umupeorã árirã, “Goãmu yarã áhrra gua,” arĩ pepiraa mua.

¹⁸ Eropirã Goãmu dorerire masirã árirã, ïgu gamerire masia mua. Eropa masirã árirã “Óarire gua iiborore beyemasia,” arĩ pepiraa mua.

¹⁹ Eropa arĩ pepirã ópa arĩ pepinemoa mua judio masa: “Gajirã ne masibirãre óaro masicũ iiaa gua. Erãre gua buhebiricũ ne Goãmure masibiriboñuma. Eropirã ñerire ne duhubiriboñuma,” arĩ pepiraa mua.

²⁰ Eropirã “Pee masibirãre ðarire buhea gua judio masa. Majirãgã sãre buherã áhrra gua,” arĩ pepiraa mua. Eropirã “Goãmu dorerire oparã diaye áririre masipehoa gua,” arĩ pepiraa mua.

²¹ ¿Mua eropa arĩ pepirã áríquererã ta duhpirã mũaru mua buhediro dopa ta iibeari? ¿Gajirãre yajadorebiriquererã duhpirã mũaru yajari?

²² ¿Gajigu marapo mera ñero iidorebiriquererã duhpirã mũaru gajigu marapo mera ñero iiri? “Goãmu áhrrima,” erã arĩ wãanirãre umupeorire doorã áríquererã ¿duhpirã Goãmu gohrãpũre óaro umupeobeari mũaru?

²³ “Goãmu Moisere ïgu apira dorerire opaa guaru,” arĩrã áríquererã ta ïgu dorerire tarinũгаа mua. Eropa tarinũgarã Goãmure erã umupeobiricũ iirã iica mua gajirãre.

²⁴ Eropa ta werea Goãmu yare erã gojarapũgue: “Judio masa áribirãpũre ñero Goãmure wereniguicũ iiaa mua judio masaru,” arĩ gojañuma Goãmu yare erã gojarapũgue.

²⁵ Mua judio masa Goãmu dorerire iiniguirã árirã gasiro merogã wiri aĩsũnirã circuncisión iinirã áricũ ðapũrica. ïgu dorerire iibiricũ mua judio masa áricũri duhpirãri áribea.

²⁶ Eropiro judio masa áribirã merogã gasirogãre wiri aĩsũbirinirã erã áríquererã ta Goãmu dorerire erã iirã áricũ ïagu, “Yaharã masa ta áhrrima,” arĩ iabocumi Goãmu

eräre. Judio masapüre İġu eropa arı İadiro dopa ta judio masa árıbirā sāre eropa ta arı İabocumi.

²⁷ Bajarā judio masa Goāmü yare gojarapüre Moise dorerire opaquererā irire iibeama erā. Eropirā gajirā judio masa árıbirāpu Moise dorerire opabırıquererā gasiro merogā wiri aısübirınırā árıquerera Goāmü dorero dopa ta iima. Eropa iirā árırā judio masare erā ñero iirire masıçü iirā iima.

²⁸ “Gua judio masa Goāmü yarā āhraa,” arı pepiraa müa. Eropıġu Goāmü yagü gohra árıġure weregura müare. İġu dupupure merogā gasirogäre wiri aısüdıġu árıquereġu ta Goāmüre umupeobıġu árıġu diaye ta Goāmü yagü árıbeami. Judio masü gohra árıbeami.

²⁹ Espıritu Santore opagupu, ġure yuhrıġu İġu ta judio masü gohra Goāmü yagü gohra āhrımı. Eropirā Goāmü yarā gasiro merogā wiri aısünırā dihta árıbeama. Erā Espıritu Santo mera erā pepırıġue ðari mera gohrotorā āhrıma Goāmü yarā. Eropa árıräre “Öarā āhrıma,” arı İhamı Goāmü. Masa eräre eropa arı İabırıquereçü ta eropa arı İhamı Goāmüpu eräre.

3

¹ Yu eropa arıquereçü judio masa erā árıricarı, gasiro merogā wiri aısünırā erā árırı ðapürıçāa.

² Judio masa erā árırı yuju diaye gohra árıbeaa. Goāmü İġu werenıġıırı judio masare were apımühtatuhañumi. Erā İġu yare erā gojarapüre opamühtañuma. Eropirā judio masa erā árıçü ðapürıçāa eräre.

³ Eropirā bajarā judio masa Goāmüre erā peebırıquereçü ta İġu werera diaye ta āhraa. Eropıġu İġu arı weredıro dopa ta iıġucumi İġu.

⁴ Eropa ta āhraa. Árıpehrerā masa erā ġuyarıçurā erā árıquereçü ta Goāmüpu ne ġuyabeami. İġu yare gojarapüġue eropa ta arı gojara āhraa: Diaye ta eropa ta arı werenıġııġu āhraa müñu Goāmü. Eropirā masa müre ne weresāmasıbeama, arı gojañuma irıboġeure.

⁵ Masa erā pepırı mera ðpa arı pepımaacābocoma: “Mari ñeri iiri árıçü, Goāmü İġu ðari iırıpu deserea. Eropıro mari ñeri iiri mera Goāmü İġu ðaro iiri desereçü İġu marıre mari ñeri iiri dipuwaja moaġu queoro iibeami,” arı pepımaacābocoma.

⁶ Eropa árıbeaa. Mari ñeri iırapü ðari árıçü Goāmü mari ñeri iira waja dipuwaja moamasıbirıboañumi.

⁷ Masapu ġuyarıçurā āhrıma. Goāmüpu ne ġuyarı marıġu āhrımı. ġuyarı marıġu İġu árıçü ðaro masıa mari. Eropirā masa yujurāyerı ðpa arı pepırıma: “Gua ġuyarı mera Goāmü İġu diaye árırıpu deserea. Eropıro gua ġuyarıpu ðha āhraa. ¿Eropıro gua ġuyarı ðacü duhpıġu gua ġuyarı waja dipuwaja moabocurı ġuare Goāmü?” arı pepımaacāma yujurāyerı erā bası.

⁸ Eropirā ðpa arı ġuyama yujurāyerı ġuare: “Mari ñerıre iiri mera Goāmü İġu ðaġu árırıpu deserea. Eropirā ñerıre iıro ġahmea,” arıma. “Pablo sā eropa ta arı buhemı,” arı ġuya weresāma erā ġuare. Erā eropa arı ġuyarı dipuwaja Goāmü eräre dipuwaja moaġucumi. Eropa ta iıporo eräre.

Árıpehrerā ñeri iira dipuwajacurā āhraa mari, arı gojañumi Pablo

⁹ ¿Eropirā dohpa pepırı müa? ¿Mari judio masa gajirā tauro ðarā árıçurı? Árıbeaa mari. Judio masa, judio masa árıbirā sā árıpehrerā dipuwajacurā āhraa mari. Eropa ta āhraa yu árıpehreräre arı buhedıro dopa ta.

¹⁰ Eropa ta arı gojara āhraa Goāmü yare erā gojarapüġue sā. Öpa arı gojañuma: Ne yujugü masü ðaġu marımı.

¹¹ Mari árıpehrerā masa peedıbirā dihta āhraa. Eropirā árıpehrerā mari masa Goāmüre ne ġuñabeaa.

¹² Eropirā mari Goāmü yare gamebirā árıpehrerā ñerıre iirā āhraa. Ne yujugü ðarıre iıġu marımı.

¹³ Mari werenıġıırı, ñeri dihta wırıa mari disırore. Bırıġā ġuyarıçua. Eropa werenıġıırā aña ġucurıre İġu pürıri wıuro dopa ta pürıro mera werenıġııwıua marı.

¹⁴ Eropirā mari gajıräre ñero werenıġıırā, papüro werenıġıırā āhraa.

¹⁵ Eropirā mata ġuarā masare mata wejēa mari.

¹⁶ Eropirā noho mari waro, masare ñero ii, ñero tarıçü iıaa mari gajıräre.

¹⁷ Eropirā gajirā masa mera ðaro árıbeaa mari.

¹⁸ Eropirā Goāmüre ne umupeobeaa, arı gojamarıñuma irıboġeure mari masare.

¹⁹⁻²⁰ Eropirā ōpa masia mari: “Mari masa űerā āhraa,” eropa arī gojarā judio masa säre Moise doreri iirā säre arī werenigumuriñuma. Eropirā árġpehrerā mari judio masa sā “Gua tamera űeri dipuwaja mara guare,” arġmasibea. Goāmũ doreripũre mari masa ne iibea. Eropirā iri dorerire iibirā Goāmũ mera ōamasibea mari. Ĩgu dipuwaja moamorā āhraa. Eropiro mari űerā árġrere Ĩgu doreripũ masicũ iiaa marire. Iri dorerire masirā “Gua iiricuri űeri āhraa,” arī masia.

Jesucristore ōaro umupeocũ Goāmũ marire “Ōarā āhrima,” arī ĩhami, arī gojañumi Pablo

²¹ Dohpaguere Jesucristore umupeorāre “Dipuwaja moorā, ōarā āhrima,” arī ĩhami Goāmũ pare. Ĩgu eropa arī ĩaborore Goāmũ yare weremũhtanirā Moise sā weremũhtañuma. Eropigu masare erā űero iira wajare Ĩgu taurare weremi marire Goāmũ. Moise dorerire mari iira mera mari űerire taubeami. Ōpa āhraa:

²² Árġpehrerā Jesucristore umupeorāre, Ĩgu yare peerāre, “Ōarā āhrima,” arī ĩhami Goāmũ. Erā űero iira dipuwajare taumi. Eropa iigu árġpehrerāre yujuropa ōaro iimi.

²³ Mari masa árġpehrerā űerire iirā āhraa. Eropirā Goāmũ Ĩgu gamero dopa ne iibea mari.

²⁴ Mari eropa iiquerecũ Goāmũ árġpehrerā masare Ĩgu mojomoro ĩadigu árġmi. Eropigu Jesucristo mari masa űeri iirare wajayebasadi árġmi. Ĩgu eropa iira puhru “Dipuwaja moorā āhrima,” arī ĩhami Goāmũ Jesure umupeorāre. Waja gamero mariro mari űerire cohāmi.

²⁵ Iribojegue majarā erā űero iirare ĩagu Goāmũ mata dipuwaja moabiriñumi erāre. Ĩgu eropa dipuwaja moabigu erā űero iirare bu gohra pepicāgu iibiriñumi. Eropigu erā űerire cādijibu Ĩgu Jesucristore obeodigu árġmi árġpehrerā masa erā űeri dipuwajare sġribasabure Ĩgu di cóābure. Eropigu mari masa Jesucristore umupeocũ Goāmũ mari űeri iirare cādijigucumi. Eropa iigu “Ĩgu diaye iigu āhrimi,” marire arī masicũ iidi árġmi.

²⁶ Ĩgu magũre obeodigu árġmi dohpague majarā sā erā űeri iira dipuwajare wajayebasabure. Eropiidigu árġmi “Ĩgu ōaro diaye iigu āhrimi,” mari masa arī masiborore. Jesure umupeorāre “Ōarā āhrima,” ĩgu arī ĩaborore eropiidi árġmi.

²⁷ Eropirā dohpaguere mari ejatuharo “Ōarā āhraa mari,” ne arġmasibea mari. “Moise dorerire iirā ōarā āhraa,” iri säre arġmasibea mari. Ōpa arġmasia mari: “‘Diaye ta yũ űerire ĩgu cohāmi,’ mari Jesucristore arī umupeocũ, ‘Ōarā āhrima,’ arī ĩagucumi marire Goāmũ,” arġmasia mari.

²⁸ Ōpa masia mari: Moise dorerire mari iiquerecũ, iri mera “Ōarā āhrima,” Goāmũ arī ĩabeami marire. Jesucristore mari umupeocũ ĩagu marire “Ōarā āhrima,” arī ĩhami ĩgu.

²⁹ Goāmũ judio masa opu dihta árġbeami. Judio masa árġbirā opu sā āhrimi.

³⁰ Eropa árġgu Goāmũ yujuġa ta árġgu, árġpehrerā wecague opu āhrimi. Eropa árġgu judio masa Jesure erā umupeocũ, “Erā dipuwaja moorā āhrima,” arī ĩagucumi. Eropigu judio masa árġbirā säre Jesure erā umupeocũ, erā säre “Dipuwaja moorā āhrima,” arī ĩagucumi Goāmũ.

³¹ ¿Eropirā Jesucristore umupeoturarā Goāmũ Moisere ĩgu dorerire cóārā iibocuri mari? Irire cóābea mari. Jesure umupeorā tamera Goāmũ dorerire diaye ta iirā iiaa mari.

4

Abrahā Goāmũre ĩgu umupeorare were gojañumi Pablo

¹ Mari űecũ árġmũhtadigu Abrahā Goāmũre “Diaye iigu āhrimi,” arī umupeomuriñumi ĩgu sā. Ĩgu eropa umupeori mera ōañumi Goāmũ mera.

² Abrahā ōaro ĩgu iiquerecũ “Ōagu āhrimi,” arī ĩanibirimuriñumi Goāmũ ĩgure. Ĩgu Goāmũre umupeocũ tamerare “Ōagu āhrimi,” arī ĩamuriñumi ĩgure. Eropigu ĩgu ejatuharo ōarire iiquereġa ta űegu árġnigu “Yũ tamera ōagu āhraa,” arġmasibiriñumi Abrahā Goāmũ ĩgu ĩacũ.

³ Goāmũ yare gojarapũ ōpa āhraa: “Abrahā Goāmũ ĩgure arġrere ōaro ĩgu peecũ, ĩgure ĩgu umupeocũ ĩha Goāmũ ĩgure ‘Ōagu űeri iira dipuwaja moogu āhrimi ĩgu,’ arī ĩañumi ĩgure,” arī gojara āhraa.

⁴ Ōpa āhraa: Mari masare yuju wajayebema. Mari ōaro mohmera waja marire wajayema. Goāmũre eropa iibeami.

⁵ Mari gamero ðarire iiro mariro mari Jesucristore umupeocû iha marire yuju diaye iġu ðarire ocâmi. Eropiġu marire “Ôarâ âhrima,” arî ihami marire Jesucristore umupeorâre. Ñerire iinirâre erâ ñeri iira dipuwaja maricû iġu âhrimi. Eropirâ masa Jesucristore umupeocû iagû “Dipuwaja moorâ âhrima,” arî ihami Goâmû erâre.

⁶ Masa erâ gamero mera ðaro iirare Goâmû iabeami. Erâ iġure umupeocû tamerare ihami. Iġure umupeorâre “Ôarâ âhrima,” arî ihami. Iġu eropa arî iadigurpû iġu mucubiririre ðpa arî gojañumi Davi marû iribojegue majagû:

⁷ Erâ ñerire iġu cãdijinirâ tauro mucubirima.

⁸ “Ôarâ âhrima. Erâ ñero iirare guñasome yuñu,” arîmi Goâmû erâre. Eropirâ burigâ mucubirima, arî gojañumi Davi.

⁹ Judio masare merogâ gasirogâre wiri aïsünirâ dihtare erâ ñero iirare cãdijibeami Goâmû. Judio masa árîbirâ sãre erâ ñero iirare cãdijimi iġu. Dipaturi Abrahâre guñaque mua. Iġu Goãmure umupeocû iagû iġu ñero iirare cãdiji, “Ôagû âhrimi,” arîñumi Goâmû.

¹⁰ ¿Dohpáricû eropa arîyuri Goâmû Abrahâre mua pepicû? Iġu merogâ gasirogâre iġu wiri aïboro coregue ta iġure “Ôagû âhrimi,” arî iañumi Goâmû. Eropiġu gasirogâre wiri aġu iġu ñerire cóatuhadigugue wiri aïñumi.

¹¹ Eropiġu gasiro merogâ wiri aïboro coregue Goãmure umupeonugatuhañumi Abrahâ. Iġu eropa umupeocû “Ôagû âhrimi,” arî iañumi Goâmû iġure. Eropa iġu umupeorire, iġu yagû iġu árîrre iñmudoreġu Goâmû iġu ðupure merogâ gasirore wiri aïdoreñumi. Eropiġu Abrahâ iġu gasirogâ wiri aïboro core Goãmurpû “Ôagû âhrimi,” arî iatuhañumi iġure. Eropiġu Abrahâ Goãmure “Diaye ta iġu âhrimi,” iġu arî umupeodiro dopa ta árîpehrerâ Goãmure eropa arî umupeorâre “Ôarâ âhrima,” arî ihami Goâmû. Eropiġu judio masa árîbirâre gasirogâ wiri aïsüya marirâ sãre “Ôarâ âhrima,” arî ihami Goâmû. Eropirâ erâ Abrahâ pâramerâ iro dopa ta dujama.

¹² Erâ iro dopa ta judio masa sã gasirogâ wiri aïsünirâ sã, Goãmure erâ umupeorâ árîrâ Abrahâ pâramerâ diaye ta âhrima. Iġu gasirogâ wiri aïboro coregue, Goãmure umupeo iġu mera ðañumi. Eropirâ iġu umupeodiro dopa Goãmure umupeorâ ðaro âhrima Goâmû mera.

Goâmû Abrahâre iġu werepira diaye ta árîcû masiñume Abrahâ, arî gojañumi Pablo

¹³ Iribojegue ðpa arîñumi Goâmû Abrahâre: “I yebare mure, mu pâramerâ árîturiarâ sãre oguca,” arî werepiñumi Goâmû Abrahâre. Moise dorerire Abrahâ ðaro iira waja eropa arîbiriñumi Goâmû iġure. Abrahâpû Goãmure “Diaye ta iġu âhrimi,” arî umupeora pûhrû eropa arî werepiñumi. Iġu eropa arî umupeocû iagû Goâmû iġure “Ôagû âhrimi,” arî iañumi.

¹⁴ Goâmû oburire Moise dorerire iirâ dihta aïbeama. Erâ dihta aïcû mari Goãmure umupeori ñehe árîburi árîbiriboya maripure. Eropiro Goâmû iġure umupeorâre “Muarre ogura,” iġu arî werepira duhpiburi árîbiriboya.

¹⁵ Goâmû Moiserre iġu apira dorerire iirâ bocatûbeaa mari. Iġu dorerire mari pee tarinugara waja, dipuwaja moasûmorâ âhraa mari. Iri doreri maricû tamera iġu dorerire tarinugaro mariboya.

¹⁶ Eropirâ Goãmure umupeorâ dihta iġu oburire aïrâcoma. Abrahâ Goãmure “Diaye ta iġu âhrimi,” arî umupeomariñumi. Eropirâ árîpehrerâ Abrahâ Goãmure umupeodiro dopa ta umupeorâ iġu pâramerâ iro dopa dujama. Eropiġu “Ire mure mu pâramerâ sãre oguca,” Goâmû Abrahâre arġu árîpehrerâre iġure umupeorâre arġu iññumi. Eropirâ Moise dorerire iirâ dihta Goâmû iġu oburire aïsome. Árîpehrerâ Abrahâ iidiro dopa Goãmure umupeorâ erâ iġu oburire waja mariro aïrâcoma.

¹⁷ Irirre Abrahâre iġu arîdiro dopa ta arî gojañuma iribojeguerre: “Baja yebari majarâ ñecu árîbu apibu mure,” arî, apipû Goâmû Abrahâre,” arî gojañuma iribojegue ta. Eropiġu iġu Goãmure “Diaye ta iġu âhrimi,” arî umupeomariñumi. Iġu eropa umupeocû Goãmure umupeorâ ñecu iññumi Goâmû iġure. Goãmurpû sirinirâre masugû, árîpehrerire ihacûnugudigû âhrimi.

¹⁸ “Baja macari majarâ mu pâramerâ árîturiarâ aïrâcoma,” arîmariñumi Goâmû Abrahâre. Goâmû iġu eroparicû Abrahâpû porâ marigû árîquereġu, “Diaye ta âhraa,” arî pepimariñumi.

¹⁹ Eropiġu cien bojori opagû árîquereġu, iġu marapo sã burro ne porâ marigo árîquerecû, “Porâcûsome gûa,” arî ne pepibiriñumi Abrahâ. Eropiġu Goâmû iġure arî werepira “Diaye ta âhraa,” arî pepiñumi Abrahâ.

²⁰ “Goāmũ ĩḡũ arĩdiro dopa ta ne iisome,” arĩ ne pepibiriñumi Abrahã. Eropiḡũ ĩḡũ Goāmũ ĩḡũre werepirare ðaro peeñumi. ĩḡũ eropa arĩrare peenijagu, “Goāmũ turagu ãhrimi,” arĩ umupeogu iññumi. Eropiḡũ Goãmũre “Diaye ta iḡũ ãhrimi,” arĩ umupeonemoñumi ĩḡũ.

²¹ “Goāmũ ĩḡũ arĩdiro dopa ta ðaro iigucumi,” arĩ pepi ðaro masiñumi Abrahã.

²² ĩḡũ eropa masicũ, Goãmũre ĩḡũ umupeocũ ĩha Goãmũpũ “Dipuwaja moogu ãhrimi,” arĩ ĩaññumi Abrahãre. Eropa ta arĩ gojaññuma Goãmũ yare erã gojarapũgue.

²³ Abrahã Goãmũre ĩḡũ umupeora pũhũ Goãmũ ðaro ĩaññumi ĩḡũre, arĩ gojaññuma. Eropa gojarã “Mũa sãre Goãmũre umupeorãre ðaro ĩagucumi,” arĩ mari sãre gojajuññuma.

²⁴ Irire mari masiburire gojaññuma. Eropiḡũ Goãmũre “Diaye ta iḡũ ãhrimi,” mari arĩ umupeocũ “Dipuwaja moorã ãhrima,” arĩ ĩagucumi Goãmũ mari sãre. ĩḡũ tamera mari Opũ Jesu ĩḡũ sĩricũ masudigu ãhrimi.

²⁵ Jesupũ mari ñeri iira dipuwaja sĩridigu árĩmi. ĩḡũ sĩrira pũhũ masa mũriadigu árĩmi ĩḡũ Goãmũ marire “Dipuwaja moorã, ðarã ãhrima,” arĩ ĩḡũ marire ĩaburire.

5

“Dipuwaja moorã ãhrima,” Goãmũ ĩḡũ arĩ ĩacũ ðpa waroca marire, arĩ gojaññumi Pablo

¹ Jesucristore mari umupeoturacũ ĩagu “Dipuwaja moorã, ðarã ãhrima,” arĩ ĩhami Goãmũ marire. ĩḡũ eropa arĩ ĩacũ Goãmũ mera mari ðaro árĩcũ iimi marire mari Opũ Jesucristo.

² Eropirã mari ĩḡũre umupeocũ ĩagu Goãmũ marire mahigu, marire aĩmi ĩḡũ mera mari ðaro árĩboro dopa. Goãmũ tamera ðatariagu ãhrimi. Eropiḡũ ĩḡũ iro dopa ta ðarã árĩcũ iigucumi ĩḡũ marire. ĩḡũ eropiiburire ðaro masia mari. Eropirã mucubiria.

³ Eropirã ñero tariquererã mucubiria mari. Ñero tarirã irire yujuro bojemasia mari. Eropa yujuro bojerã ñero tariquererã ðaro Goãmũre guñaturarã wahaa mari. Eropirã Goãmũ yare duhubeaa mari.

⁴ Mari eropa árĩcũ ĩagu, “Ðaro iibũ mũa,” arĩḡucumi Goãmũ marire. ĩḡũ marire eroparĩcũ, marire ĩḡũ tauborore ðaro masia mari. Eropirã ñero tarirã sã mucubirimasia mari.

⁵ Eropiḡũ Goãmũ marire Espĩritu Santore obeomi mari mera árĩdoreḡũ. Eropiḡũ Espĩritu Santopũ mari mera árĩḡũ Goãmũ marire eropa mahiniḡuicãrire masicũ iimi. Eropirã “Goãmũ ðaro taugucumi marire,” arĩ “ĩḡũ mera árĩniḡuicãrãca,” arĩ masia mari.

⁶ Eropiḡũ ero core mari ñeri iirare mari basi mari cóãmasibiricũ ĩagu, ĩḡũ queodiro sihajacũ mari ñerã árĩra dipuwaja Cristo sĩripũ.

⁷ Mari masa gajigu ya árĩburire sĩribasadiabeaa. Ðagu árĩḡũre yujugu sĩribasabocumi gajisubũ arĩḡũ.

⁸ Maripũ ñerã mari árĩquerecũ Jesucristo sĩribasadi árĩmi mari ya árĩburire. ĩḡũ eropiicũ Goãmũ turaro marire ĩḡũ mahirare masia mari.

⁹ Mari ya árĩburire ĩḡũ sĩricũ, ĩḡũ di cóãcũ, Goãmũpũ marire “Dipuwaja moorã ãhrima,” arĩ ĩhami. ĩḡũ eropa arĩ ĩara pũhũ dohpaguepũre marire peameḡũ wabonirãre taumi Jesucristo. Eropiḡũ ĩḡũ yarã marire ĩḡũ iira pũhũ marire dipuwaja moosome Goãmũ.

¹⁰ Eropirã Goãmũre gamebirã mari árĩquerecũ ta ĩḡũ magũ sĩrigũ mari ñeri iira dipuwaja wajayebasadigu árĩmi. Eropa wajayebasagu ĩḡũ Pagure Goãmũre guabiricũ iimi ĩḡũ mari mera. Eropirã ĩḡũ yarã wahaa mari. Dohpague tamerare tauro ðaro iigucumi marire. ĩḡũ yarã mari árĩcũ, Jesu ĩḡũ masa mũriara mera marire peameḡũ wabonirãre ðaro taugucumi ĩḡũ.

¹¹ Pũhrũḡũ mari tariborore mucubiria mari. Goãmũpũre guña mucubiria. Mari Opũ Jesucristo mari ñeri dipuwaja ĩḡũ sĩrira pũhũ Goãmũ yarã ãhraa mari. Eropirã mucubiria.

Adãre Cristo sãre wereñumi Pablo Roma majarãre

¹² Jesucristo taunirã árĩrã ðpa masia mari: Adãn ĩḡũ ñerire iinũgarasubugue i yebare ñeri árĩnũgayoro. Ñeri árĩnũgacũ masa sĩrinũgaññuma. Mari árĩpehrerã ñerire iiaa. Eropirã árĩpehrerã mari ñerã árĩri waja sĩrirãca.

¹³ Goāmũ ĩġu dorerire Moiserere apiboro core diaye ta i yeba majarã ñerire iimũriñuma. Eropa ñerire iiquererecũ iri doreri maricũ ĩġu doreri tarinũgari waja dipuwaja moamasibiriñumi dohpa.

¹⁴ ĩġu eropa dipuwaja moamasibiriquerecũ ta Adãnpũ ĩġu puhru árirã iri doreri mariquerecũ ta sirimũriñuma. Moise ĩġu áriboro core iri doreri mariquerecũ ta masa sirimũriñuma. Gajirã ñerire iirã Adãn ĩġu ñero iimũridiro dopa gohra iibirimũriñuma. Eropiibiriquererã erã sã sirimũriñuma. Eropiġu Adãn ñerire iinũgadigũ áriñumi i yebare. Yoara puhrugue i yeba arigũ Jesucristopũ ðarire iinũgadigũ áriñumi.

¹⁵ Adãn ĩġu iira Jesucristo iira dopa áribeaa. Adãn yujugu ta ĩġu ñeri iira dipuwaja bajarã masa sirinũgañuma. Goãmupũ marire mahiġu Jesucristore obeodigũ áriñumi. Eropiġu Jesucristopũ ĩġu yujugu ta mari ya áriburire siribasagũ mari bajarã ĩġu yarã Goãmũ mera umuri nucũ áriñiguiborore iidi áriñumi.

¹⁶ Eropiġu Goãmũ masare ĩġu mojomoro iadiro Adãn ĩġu Goãmure tarinũgadiro dopa áribeaa. Adãnpũ ĩġu yujugu ta ñerire ĩġu iira dipuwaja áripehrerã masa dipuwaja opama. Erã eropa dipuwaja opaquererecũ, masa wuaro erã ñerire iiquererecũ dohpaguere masare mojomoro ĩagũ Goãmũ erã ñerire cohãmi. Eropa cóãġu “Dipuwaja moorã, ðarã áhrima,” arĩ ĩhami ĩġu Jesucristo sirira mera.

¹⁷ Adãn yujugu ta ĩġu dipuwaja mera ta áripehrerã masa sirimorã dihta wañuma. Goãmũ ĩġu iirañepũ ðataria. Dohpaguere masare mojomoro ĩagũ Jesucristo ĩġu yujugu sirira mera iri ñeri dipuwaja cóãġu marire “Óarã áhrima,” arĩ ĩhami. Eropirã áripehrerã ĩġu eropa arĩ ĩanirã ĩġu mera ðaro áriñiguicãrãcoma.

¹⁸ Yujugu Adãn ĩġu ñerire iinũgacũ áripehrerã ñerire iinũgañuma. Erã eropiicũ ĩagũ Goãmũ erãre “Dipuwajacurã áhrima,” arĩ ĩañumi. Gajigũ Jesupũ ĩġu ðarire ĩġu iicũ masa erã ñeri iira dipuwaja siribasacũ, áripehrerã mari ñeri dipuwaja cóãdigũ áriñumi Goãmũ. Mari ñerire ĩġu cóãñirã áricũ “Óarã áhrima,” arĩ ĩagucumi Goãmũ marire. Eropirã áripehrerĩnũri ĩġu mera áriñiguicãrãca mari.

¹⁹ Yujugu Adãn Goãmure tarinũga nũgañumi. ĩġu eropiicũ bajarã masa ñerire iiricurã wañuma. Jesucristopũ Goãmũ ĩġu dorediro dopa iipũ. ĩġu eropiicũ bajarã masa ĩġu ñerire cóãñirã warãcoma. Erã eropa wacũ “Óarã áhrima,” arĩ ĩagucumi Goãmũ erãre.

²⁰ Goãmũ ĩġu dorerire Moiserere apiñumi áripehrerã masa erã ñero iirare erã masiburire. Mari masa burigã ñerire mari iiquererecũ Goãmupũ marire burigã mahimi. Eropa mahiġu Jesucristo sirira mera mari ñerire cóãdigũ áriñumi.

²¹ Ero core mari áripehrerã mari ñeri iira dipuwaja sirimorã árimũriribu. Goãmũ marire turaro mahiġu mari Opũ Jesucristore ĩġu obeocũ ĩġu marire ñeri dipuwaja marirã wacũ iimi dohpaguere. Eropirã erã “Dipuwaja moorã áhrima,” Goãmũ ĩġu marire arĩ ĩacũ mari áripehrerĩnũri ĩġu mera eropa áriñiguicãrãca.

6

Cristo yarã ñerire iinũguibeama, arĩ gojañumi Pablo

¹ ¿Goãmũ eropa marire mahicũ ĩarã dohpa iirãcuri mari mua pepicũ? ¿Goãmure marire mahicũ iinemodiarã ñerire iinemorãcuri mari?

² Áribeaa. Ñerire iibiricãrã mari. Jesucristo marire siribasadi áriñumi mari ñerire cóãġu. Eropirã Cristo yarã árirã marire ñerire iibiricãro gahmea.

³ Eropa ta Jesucristo yarã mari áririre masa erã ĩha masiborore deco mera waĩyesũbu. Jesu mari ñeri iira dipuwaja siridigũ áriñumi. Eropirã ĩġu yarã árirã, waĩyesũñirã árirã mari ñeri iirare duhucãbu.

⁴ Mari waĩyeri ðpa ĩhmua: Jesucristo sirira mera mari ñerã áriñiro pehrea. Eropa wacũ mari Pagu ĩġu turari mera Jesucristo siridire masudiro dopa iri turari mera marire ðaripure gohrotomi. Eropirã ðarire iirã waha.

⁵ Eropirã Cristo yarã árirã Cristo sirira mera mari ñerã áriñiro pehrea. Eropirã mari ñeri iirare duhua mari. Eropirã Cristo yarã árirã ĩġu masa mũriara mera ðaripure gohrotorã áhraa mari. Iri diaye ta áhraa.

⁶ Jesucristo crusague sirigũ mari ñerã árirare pehrecũ iidi áriñumi. Mari ñeri uaribejarire duhumasicũ iidi áriñumi dipaturi mari ñerire iibiriboro dopa.

⁷ Mari ñeri uaribejarare cóãñirã árirã ñerire iinũguirã áriñsome pare mari. Irire mari masia.

⁸ Eropirã mari gohrotonirã árirã mari Jesucristo mera ðarire iinũgarã árirãca. “Iri diaye ta áhraa,” arĩ pepia mari.

⁹ Ire mari masia: Cristo ĩġu sirĩ, masa mũriara puhru dipaturi sirisome. ĩġu siribodirore tarituhadigũ áriñumi.

¹⁰ Eropigu Cristo yujusubu siringu, masa ñerire cóãgu sîrimi. Ìgu masa mûriadigu dohpaguere Goãmu gamerire iigu ãhrimi.

¹¹ “Ìgu iidiro dopa ta yu sã ãhraa,” arî pepique mua: “Jesucristo mari ñerire cóãdiro dopa ta mari sã mari ñerire cohãa. Ñerire iibirã Jesu yarã árirã Goãmu gamerire iimorã árirã tiaa mari,” arî pepique mua sã.

¹² Eropirã ñeri iiniguirã áribiricãque. Eropirã ñerire ñaribejabiricãque.

¹³ Ñerire iirã áribiricãque. Mua peamegue wabonirãre Jesucristo Ìgu taunirã áhraa. Ìgu eropa iinirã árirã òpa arîque Goãmure: “Muhu, yu Opu áhraa. Eropigu yuhu mu gamero dopa iigu, mu dorerire iiniguicãgaca umuri nacu pare,” arîque Goãmure. Eropirã òarire iirã Goãmu Ìgu gameri dihtare iirã árique mua.

¹⁴ Dohpaguere Goãmu mera òaro áriborore Moise doreri muare dorebeaa. Jesucristo mua ya áriburire sribasara mera Goãmu mera òarã áhraa. Eropiro mua ñeripu muare dorebeaa pare. Eropirã ñerire iiniguisme pare mua.

Mua ñerire iiniguicã iri ñeri mua opu iro dopa áhraa, arî gojañumi Pablo

¹⁵ ¿Yu eroparicũ dohpa arî pepiri mua? ¿Jesucristo yarã árirã, Moise dorerire umupeobirimorã árirã, ñerire iiniguibocuri mari? Ñerire iiniguibiricãrã.

¹⁶ Muare doregu mua opu áhrimi. Eropirã Ìgu pohro majarã áhraa mua. Eropa ta ñerire iiniguirã mua áricũ iri ñeri mua opu iro dopa áhraa. Eropirã ñerire duhumasiya mara muare. Eropirã peamegue wamorã áhraa mua eropa iirã. Goãmure òaro yuhrirã árirã tamera Ìgu pohro majarã áhraa. Eropirã Ìgu yarã òarire iirã áhraa mua. Irire masia.

¹⁷ Iribojegue ñerire iiniguirã mua áricũ, iri ñeri muare doremuriyoro. Dohpaguepure òari buherire peerã, Jesure umupeorã, Goãmu dorerire òaro iirã wahabu mua. Eropa árirã Goãmure “Òhaa,” arîro gahmea.

¹⁸ Eropa warã dohpaguere ñerire doresurã áribeeaa mua. Eropirã Goãmu doresurã árirã òarire iiaa.

¹⁹ Irire muare òpa arî gojaa mua òaro peeboro dopa. Iribojegue ñerire iipehorã, ñerire iiniguicãrã mua áridiro dopa ta dohpaguepure òarire iiniguicãrã árique mua. Eropirã Goãmu gameri dihtare iirãca mua.

²⁰ Iribojeguerẽ ñeri dihtare iirã árirã, òaripure iibirimuriyoro mua.

²¹ Irisubure ñerire iira waja òarire bocabiriyoro mua. Iri mua ñeri iirare guñarã dohpaguere guhyasirica mua. Iri ñerire mua iira dipuwaja peamegue wabonirã áribibu.

²² Dohpaguepure Jesucristo muare ñeri doresunirãre wiucãmi pare. Eropirã Goãmu dorerire iirã wahabu mua. Eropirã Goãmu gameri dihtare iirã árirãca. Eropirã áripehrerinari Goãmu mera árirãca.

²³ Ñerire mari iira dipuwaja peamegue wabonirã áhraa mari masa áripehrerã. Mari eropa áriquecũ Goãmuru mari Opu Jesucristore mari umupeocũ Ìgu, áripehrerinari Ìgu mera áricũ iigucumi. Waja mariro marire eropa iigucumi.

7

Moise dorerire were gojanemoñumi Pablo

¹ Yu acawererã, Goãmu Moisere Ìgu dorerare òaro masia mua. Masure iri doreri Ìgu ojocaribusu dorea. Ìgu sîrira puhru Ìgure dorebeaa iri. Iri sãre masia mua.

² Òpa áhraa: Nomeore igo marapu mera dihta áridorea Moise Ìgu doreripu. Iri eropa dorequerecũ ta igo marapu sîrira puhru Ìgopu gajigu mera marapucmasimo. Eropa ta arî werea iri doreri.

³ Eropigo igo marapu áriquecũ ta gajigure marapucũgo, ñero iigo iimo igoa. Igo marapu Ìgu sîrira puhrugue ta gajigure marapucũgo, Moise dorerire tarinugabeamo igo. Eropigo ñero iigo iibeamo igo.

⁴ Eropa ta mua sã yu acawererã, Jesucristo sîrira mera Jesu yarã warã, iri doreri iiri mera Goãmu yarã wabeaa mua. Eropirã sîrinirã murare iri doreri mera dorebiro dopa ta mua sãre iri doreri dorebeaa. Mua Cristo ya curu majarã áhraa. Eropirã dohpaguere Ìgu yarã áhraa mua. Ìgupu Ìgu sîrira puhru masa mûriadigu árimi Goãmu gamerire mari iiboro dopa.

⁵ Jesucristo yarã áribirirasubuguere ñerire mari ñaribejarire iimuribu. Eropirã Moise dorerire mari masira puhru iri dorerire tarinugadiaribu. Eropa tarinugã ñerire iirã, mari peamegue wamorã ta árimuribu.

⁶ Dohpaguere Cristo yarã árirã iri doreri docague áribeeaa pare mari. Goãmu Ìgu mera òaro mari áriborore iri dorerire iidorebeami pare. Espiritu Santo mari mera

árġgu marire ðarire gohrotocǔ iimi. Eropirǎ Goǎmu gamerire iirǎ mari iribojegue maja doreri gojara mera árġmasibeaa pare.

Mari ñeri iidarire were gojañumi Pablo

⁷ ¿Eropirǎ Goǎmu Moiserre ġgu dorerare dohpa arġ pepibocuri mari? ¿Iri doreri ñeri árġcuri mua pepicǔ? Árġbirica. Iri ġgu doreri ta ñerire yare masicǔ iiba. Eropirǎ ġgu doreri maricǔ ñerire mari iirare masibiriboya mari. ġgu doreri ðpa arǎa: “Gajirǎ yaguere turaro ǎaribejabricǎque,” arǎa Moise doreri. Iri eroparġbiricǔ, gajirǎ yare ǎaribejariñe iri ñeri árġcǔ masibiriboya mari.

⁸ Eropigu iri dorerire yu masira puhru gajirǎ yare burigǎ ǎaribejamuribu. Iri dorerire masibirinigu gajirǎ yare burigǎ yu ǎaribejara iri ñeri árġcǔ masibiriboya yuñu.

⁹ ġgu dorerire yu masiboro core eropa pepicǎnibu dohpa. Dipuwajacuborore guñabiriribu. Eropigu ġgu dorerire yu masira puhru yu ǎaribejari ñeri árġcǔ masibu yuñu. Eropigu yu dipuwajacuborore masibu.

¹⁰ Iri doreri mera mari Goǎmu mera ðaro árġbonirǎ árġquerecǔ mari iri doreri mera dipuwajacurǎ dederebonirǎ árġribu.

¹¹ ġgu Goǎmu Moiserre dorerare masira puhru tarinugadiaribu. Ñerire ǎaribejagu árġcǔ iri ñeri yare goroweobu. Ñerire iirǎ iri dorerire tarinugara waja dipuwajacumorǎ árġribu mari. Eropirǎ iri doreri tarinugari mera peamegue dederebonirǎ árġribu.

¹² Eropro Moise doreri Goǎmu ya ðari áhrra. Eropro queoro árġro iiaa.

¹³ ¿Eropa árġquerero iri ðari doreripu peamegue marire wacǔ iiri mua pepicǔ? Wadorebeaa. Mari ñeri iiri dipuwaja marire peamegue ñero wacǔ iiaa. ġgu dorerire mari masira puhru iri dorerire tarinugarǎ, “Ñerire iiaa mari,” arġ masia. Eropirǎ mari ñerǎ árġrre masirǎ mari peamegue waboro sǎre masia mari. Eropirǎ ġgu dorerire masirǎ, mari tarinugara iri ñeri árġcǔ masia mari.

¹⁴ Moise doreri Goǎmu ġgu apira iri árġcǔ masia mari. Irire masiquererǎ maripu ñeri ǎaribeja iirǎ i ðaripure iibeaa. Eropirǎ ñerire iiniguirǎ áhrra.

¹⁵ Mari ðarire iidiaquererǎ iibeaa mari. Eropirǎ mari ñerire iidibiriquererǎ ta iiniguicǎa. Eropirǎ mari iirre pee masibeaa mari.

¹⁶ Eropirǎ ñerire iidibiriquererǎ ñerire iiaa mari. Iri ñerire iidibirǎ Moise ġgu dorerire “Óari doreri áhrra,” arġdiarǎ iiaa.

¹⁷ Eropirǎ “Yu basi ñerire dipaturi iisome pare,” arġquererǎ ta ñerire iiniguia. Mari pepirigue árġripu ñerire marire iicǔ iiaa.

¹⁸ Óarire turaro iidiaquererǎ ta, ne bocatubirica. Eropirǎ ðpa masia. Ñeripu marire goroweomurraa. Mari pepirigue ñeri dihta áhrra. Ne ðari mara.

¹⁹ Óari mari iidiaripure ne iibeaa. Ñerire mari iidibiriripure iiaa.

²⁰ Eropirǎ “Yu basi ñerire dipaturi iisome pare,” arġquererǎ ta ñerire iiaa daja. Mari pepirigue árġripu marire ñerire iicǔ iiaa.

²¹ Eropro ðpa wahaa marire. Óarire mari iidiaquerecǔ ta mari ǎaribejari mari pepiri ñeri áhrra. Eropirǎ ðaripure iibeaa mari.

²² Goǎmu dorerire mari turaro yuhridiarica.

²³ Eropirǎ mari ire masia: Goǎmu dorerire gamequererǎ mari ñeri pepiri mari ǎaribejari áhrra marire. Mari ñeri pepiri tarinugaa mari ðari iidiaripure. Eropirǎ mari ñerire duhumasibeaa.

²⁴ Eropa ñerire duhumasibirǎ ñero dujaa mari. ¿Mari ñeri ǎaribejarire duhuboro dopa, mari ñeri pepiri marire dorebiriboro dopa noa marire taugacurġ?

²⁵ Jesucristore mari guñaturacǔ ġgupu mari ñerire iibiriboro dopa taugacumi. ġgu mari Opu mari ñeri ǎaribejarire tautuhajadi árġmi. ġgu eropicǔ Goǎmure “Óhaa,” arǎa mari. Eropirǎ dohpaguere mari Goǎmu dorerire yuhridiarǎ áhrra. Eropa yuhridiaquererǎ ta mari pepirigue ñero pepiri áhrra dohpa. Mari eropa árġrre Jesucristo marire taumi.

8

Espġritu Santore oparǎ erǎ árġricurire were gojañumi Pablo

¹ Dohpaguere Jesucristo yarǎre erǎ dipuwajacuboro mara. Erǎ ñerire erǎ ǎaribejarire iiniguibeama. Eropirǎ Espġritu Santo ġgu dorero dopa ta iiniguicǎa erǎ.

² Eropigu Jesucristo yarǎ mari árġcǔ Espġritu Santo ñero iirre duhucǔ iimi marire. Eropigu Espġritu Santo árġpehrerineri Goǎmu mera árġcǔ iimi marire. Ñerire marire duhucǔ iigu, marire peamegue wabonirǎre taumi.

³ Moise dorerire mari gamero iirā ne bocatūsosome. Eropirā iri doreri mera mari Goāmū mera ōaro árīmasibiribū. Mari eropa árīrā árīquerēcū ta ōpa Goāmū marire ōarā árīcū iidigū árīmi. Irire mari űeri dipuwajare wajayebasabure ĩgū magūre obeodigū árīmi. ĩgū magū mari iro dopa ta dāpūcūdigū árīmi. Eropigū wajayebasagū mari pepirigue űeri árīrīre cōādīgū árīmi.

⁴ Marire eropa ta iidigū árīmi Goāmū ĩgū dorerire ōarire ĩgū turari mera mari iiboro dopa. ĩgū dorerire iirā árīrā mari űaribejarire iibeaa mari. Eropirā Espírītu Santo ĩgū itamuri mera ĩgū dorero dopa ta iiaa mari.

⁵ Erā gamero űerire iidiarā, űeri dihtare űaribejama. Espírītu Santo ĩgū dorero dopa ta iiniguirāpū ōari dihtare iidiamā erā.

⁶ Erā gamero űeri dihtare iidiarā, iri dihtare űaribejarā peamegue warācoma. Espírītu Santo ĩgū gamerire turaro iidiarāpū árīpehrerīnūri Goāmū mera árīrācoma. Eropirā erā ōaro árīcārācoma.

⁷ Erā gamero iirā Goāmūre gamesaribirā āhrima. Erā Goāmū dorerire ne yuhribeama. ĩgū dorerire ne yuhrīmasisome erā.

⁸ Eropirā erā gamero iirā Goāmūre ĩhasūacū iimasibeama.

⁹ Mūarū mūa gamero iibeaa. Espírītu Santo mūa mera árīcū ĩgū gamerire iiaa. Eropirā Espírītu Santore moorāpū Cristo yarā árībeama.

¹⁰ I űmūre masa űerire iira dipuwaja mari árīpehrerā sīrimorā dihta āhraa. Mūa sīrimorā árīquererā ta Cristo yarā mūa árīrā ĩgū mera eropa árīniguirāca mūa. Goāmū mūare “Ōarā āhrima,” ĩgū arī ĩacū ĩgū mera eropa árīniguirāca mūa.

¹¹ Goāmū Jesure masudīgū árīmi. Eropā masudīgū árīgū, Espírītu Santo mūa mera ĩgū árīnigūicū mūa sīrīra pūhrū Goāmū mūa sāre masugūcūmi. Eropā masugū ōaro árīcū ĩigūcūmi mūare. Jesure ĩgū masūdiro dopa ta eropa masugūcūmi mūare.

¹² Yū acawererā, “ĩgū eropa ta ĩgūcūmi,” arīrā mari gamero iibiricārā.

¹³ Mari gamero űerire iirā, peamegue wamorā árīcārā tīaa mari. Espírītu Santo ĩgū itamuri mera mari űeri ĩricūire duhurā, árīpehrerīnūri Goāmū mera árīrāca.

¹⁴ Árīpehrerā Espírītu Santore yuhrīrā Goāmū porā ta āhrima.

¹⁵ Espírītu Santo mari mera ĩgū árīnūgacū Goāmū porā árīnūgabū mari. Eropigū ĩgū porā árīcū marire dipuwaja moasome. Peamegue wadoresome. Eropirā gūibeaa mari iribojeguere mari gūidiro dopa. ĩgū porā árīrā, Espírītu Santo ĩgū itamuri mera dohpaguere “Ahū,” arāa mari Goāmūre mari Pagure

¹⁶ Eropigū Espírītu Santo mari pepirigue ōpa masicū iimi: “Diaye ta Goāmū porā āhraa mari,” marire arī masicū iimi ĩgū.

¹⁷ Eropirā ĩgū porā árīrā, Goāmū árīpehrerire ĩgū porāre “Ogura,” ĩgū arīrāre maripū oparāca. Jesucristo mera irire oparāca mari. Cristo yare mari iira waja gajirā mera űero tarīnīrā árīrā, mari ĩgū mera űmarogue ōaro árīcārāca. Eropirā Goāmū ĩgū porāre “Ogura,” ĩgū arīrāre oparāca mari.

¹⁸ Dohpaguere i yebare űero taria mari. Pūhrūguere űmaroguere ōaro árīcārāca. Eropirā dohpaguere űero tarīrā űuaro bujawere pepibiricāque. Mari űero tarīrapū pehrea warōca. Pūhrū ōaro árīcārāca Goāmū pohrogue. Eropirā mucubirirāca mari. ĩri mucubiriripū ne pehresome marire.

¹⁹ Eropirā Goāmū porā Goāmū pohrogue ōaro árīrācoma. Mari eropa wacū, árīpehreri Goāmū ĩgū ĩhacūnugura sā mama dihta gohroto pehrea warōca.

²⁰ Dohpaguere ĩgū ĩhacūnugura árīpehreri űero taria. ĩri gamero eropa wabiriyoro. Adān űeri ĩnūgara pūhrū Goāmū ĩgū ĩhacūnugurare űero wacū ĩīnūmi. Eropigū Goāmū ĩgū ĩhacūnugurare eropa ta űero árīdoreniīnūmi dohpa. Pūhrū ĩgū ĩhacūnugurare ōaripūre gohrotogūcūmi daja ĩgū.

²¹ Eropigū Goāmū ĩgū ĩhacūnugura boapehreaborare ōaripūre gohrotogūcūmi. Goāmū porāre ōarā erā gohroto dopa ta, i űmū maja ĩgū ĩhacūnugura sāre árīpehrerire ōari dihta gohrotogūcūmi.

²² Ire mari masia: űerire masa ĩnūgara pūhrū árīpehreri Goāmū ĩgū ĩhacūnugura űeri wayoro. Eropiro Goāmū ōarire ĩgū gohrotoborore corero iiaa.

²³ Maripū Espírītu Santore oparā āhraa. ĩgū yarā mari wacū Goāmū Espírītu Santore mata omi marire. ĩgū ĩhacūnugura iro dopa ta mari sā űero taria. Eropirā ōaripūre gohrotoborore būrigā gamerā cohrea. Eropirā ĩgū porā mari ĩgū pohro waboro sāre būrigā gamerā cohrea mari. Mama dūpūre ĩgū marire ĩgū oboro sāre būrigā gamerā cohrea.

²⁴ Mari eropa corerā áricū, ĩġu ta marire peamegue wabonirāre taugucumi. ĩġu pohrogue árinirā árinirā ĩġu pohrogue mari waborore corebiriboya mari. Marire ĩġu tautuhara pũhrũ áricū irire corenemobiriboya.

²⁵ Eropirā ĩabiriquererā ta dohpa, Goāmũ marire ĩġu tauborore corerā eropa corenigiua ōaro yojaro mariro.

²⁶ Eropirā mari Goāmure ōaro guñaturabirā ĩġu gamerire ōaro masibirā áricū ĩha Espĩritu Santo marire itamumi. Eropirā Goāmure queoro serēmasibiriquererā Espĩritu Santopũ mari ya áriburire Goāmure serēbasamĩ. Marire mojomoro ĩaġu mari ya áriburire Goāmure serēbasamĩ.

²⁷ Goāmũ ĩġu gamero dopa ta, mari Jesu yarā áriborore serēbasamĩ ĩġu Espĩritu Santo. ĩġu eropa arĩ serēbasacū Goāmũ mari pepirire masipehogu áriġu Espĩritu Santo ĩġu serērare masimi.

Cristo ya turari mera ñeri iirire tarinũgarāca mari, arĩ gojañumi Pablo

²⁸ Ire masia: Áripehrerā Jesure mahirā mari áricū ĩġu gamerire iimorāre beyepũ ĩġu marire. Eropa beyegu Goāmũ eropa ĩhadibuniguicāmi marire. Eropiġu mari ñero taricū ĩaġu Goāmupũ marire ōaro wacū ĩiġucumi.

²⁹ Goāmũ marire ĩġu yarā árimorāre matague ta mari ne masa dehyoaboro coregue ta guñatuhapũ. Eropa guñagu ĩġu magu ĩġu ōagu áriro dopa ta marire ōarā áritare guñapũ. ĩġu magu iro dopa marire áridorepũ bajarā masa ĩġu magure mari tĩġucuborore. Eropiġu áripehrero marire eropa wara mera marire ōarā gohrotocū iimi.

³⁰ Matague ta ĩġu yarā ĩġu áridorenirā mari áricū, ĩġu porā mari árimorā säre beyepũ marire. Eropiġu marire ĩġu beyenirāre “Dipuwaja moorā, ōarā áhrima,” arĩ ĩhami. Marire ĩġu eropa “Ōarā áhrima,” arĩ ĩaġu ĩġu mera umaroguere ōaro áricū ĩiġucumi.

³¹ Irire masirā ōpa pepia mari: Goāmũ marire ĩġu mahinirāre, ne gajirā ĩhaturirā bocatiubeama.

³² Goāmũ mari ya dipuwaja sĩribure ĩġu magure obeodigu árimi. “Yũ magure mahia. Eropiġu ĩġure obeobea,” arĩbiridi árimi. Eropiġu mari ya áriburire ĩġu magure obeodigu áriġu Jesucristo mera áripehrerire ōari dihtare ogucumi ĩġu marire.

³³ Goāmũ beyenirā mari áricū, ĩġu marire “Dipuwaja moorā, ōarā áhrima,” arĩ ĩhami. Mari ĩġu eropa arĩnirā áricū, gajirā marire “Ñerā áhrima,” ne arĩ weresāmasibeama.

³⁴ Cristo mari ya dipuwajare sĩrira pũhrũ masa mĩriadi árimi. Eropiġu Goāmũ diayepũ dohpaguere ĩġu áhrimi dorebu. Eropiġu ĩġu mari ya áriburire diaye ta umuri nũcu serēbasagu iimi Goāmure. Eropirā gajirāpũ ne marire “Erā ñeri iira dipuwaja moaque,” arĩmasibeama.

³⁵ Cristo marire ĩġu burigā mahicū gajirāpũ “Erāre ne mahibiricāque,” arĩmasisome ĩġure. Eropiġu mari ñero tariquererā ta, mari ġũiquererā ta, gajirā marire erā ñero ĩiquererā ta, mari oobaoquererā ta, suhri marirā mari áriquererā ta, guhyaro marire áriquererā ta, marire erā wejēquererā ta, Cristo marire eropa mahiniguicāgucumi.

³⁶ Goāmũ yare erā gojarapũ marire eropa waburire werero ōpa arĩ werea:

Goāmũ, mũ yarā gua áriiri waja erā wejēsũmorā ta áriniguirā tiiaa gua. Oveja erā wejēmorā erā áriro dopa ta, gua säre eropa ta wahaa, arĩ gojañuma Goāmũ yare erā gojarapũgue.

³⁷ Eropirā mari ñero tariquererā ta, Cristo marire mahiġu ĩġu itamuri mera, turaro mera ñerire tarinũgarāca mari.

³⁸⁻³⁹ Goāmũ marire ĩġu mahirare ĩhmudi árimi mari Opũ Jesucristo mari ya áriburire sĩricū. Eropiġu ĩġu marire burigā mahiġu ne duhusome. Mari sĩricū säre, mari ojocaricū säre mahi duhusome. Dohpaguere, pũhrũgue säre, marire ĩġu ne mahi duhusome. Eropirā anyua, watēa oparā umaro majarā, i yeba majarā oparā, ñerā deyobirā sã marire Goāmure “Mũ yarāre mahibiricāque,” arĩrā, bocatiũsome. Eropiro ne yuġu ne yuġuñe ĩġu ĩhacũnugura marire ĩġupũre mahi duhudorosi ne mara. Marire ĩġu ne mahi duhusome.

9

Judio masa Goāmũ ĩġu beyenirā áhrima, arĩ gojañumi Pablo

¹⁻² Yũ acawererā Israe masare guñagu burigā bujawerea. Cristore gamebeama erā. Eropiġu ñero siporācu pepia yuhũ. Iri yũ eropa arĩri diaye ta áhrraa. Yuhũ Cristo yagu áhrraa. Eropiġu mũare diaye arĩġu iiaa. Espĩritu Santo yũ mera áricū dohpaguere yũ acawererāre yũ arĩri iri diaye áricū ōaro masia yuhũ. ĩġu yare irire ōaro masicū iimi.

³ Israe masa yũ acawererā, yaha curu majarā Jesucristore gamebirā peamegue warācoma, arĩ guñaricua. Eropiġu yuhũ erāre peamegue wamorāre taumasigũ ōpa

arĩboya Goãmure. “Erã ya dipuwajare yũpũre peamegue wadoreque,” arĩboya. Eropigu “Erã ya dipuwajare yũpũre cõaporo Cristo,” arĩboya. Yũ eropa arĩborañe wajaye masiya mara erã ya dipuwajare.

⁴ Erã yũ acawererã Goãmũ yare õarire mata opamũhtanirã árĩma. Israe mũrũ pãramerã árĩturiarã àhrima. Eropigu Goãmũ ìgũ porã erã árĩburire mata apiĩnumi Goãmũ erãre. Eropigu Goãmũ ìgũ gosesiriri mera erã watope árĩnumi. Eropiro árĩpehrerire ìgũ masare õaro iiburire weremuriĩnumi erãre. Eropigu Moiserẽ ìgũ dorerare mata apimũhtaĩnumi Israe masare. Eropirã Goãmure umupeoburi wihire iimũhtaĩnuma erã. Eropigu erãre ìgũ õaro itamuborore weremuriĩnumi Goãmũ.

⁵ Gũa ya cururi gohra doce cururi àhraa. Eropirã gũa ñecu sumarã Abrahã sã mũrague, erã pãramerã árĩturiarãgue àhraa gũa Israe masa. Eropigu Cristo masa dehyoanijagu gũa acaweregu Israe masũ gohra árĩmi Cristo. Ìgũ Goãmũ ta àhrimi. Eropigu ìgũ árĩpehrerã weca opu àhrimi. Árĩpehrerinũri ìgũre õaro umupeorã mari. Eropa ta iirã.

⁶ Israe mũrũ ìgũ pãramerã árĩturiarã árĩquererã árĩpehrerã Goãmũ yarã gohra árĩbeama. Eropirã árĩpehrerã Goãmũ õaro oburire opamorã árĩbeama. Eropirã Israe masare “Õaro iigũra,” arĩdigũ árĩqueregu Goãmũ erãre árĩpehrerãre õaro iibiricũ ìarã “Goãmũ ìgũ arĩdiro dopa ta iibeami,” arĩ pepibiricãro gahmea.

⁷ Òpa àhraa: Gajirã Israe masa Abrahã pãramerã árĩturiarã erã árĩquerecũ ta, “Abrahã pãramerã gohra yahařã gohra àhrima,” arĩ ìabeami Goãmũ erãre. Eropigu õpa arĩnumi Goãmũ Abrahãre. “Mũ magũ Isaa pãramerã árĩturiarã erã tamera ñaye ta mũ pãramerã árĩturiarã árĩrãcoma,” arĩmuriĩnumi Goãmũ Abrahãre.

⁸ Ìgũ eropa arĩ werecũ ire masirãca mari: Árĩpehrerã Abrahã pãramerã erã masa dehyoara pũhrũ, mata Goãmũ porã wasome erã. Goãmũ ìgũ arĩ werepirare õaro peerã ìgũre umupeorãpũ erã ñita árĩrãcoma Goãmũ porã. Eropirã erã ta àhrima Abrahã pãramerã árĩturiarã gohra.

⁹ Òpa arĩnumi Goãmũ Abrahãre: “Gaji bojori inosubu ta yũ dujaricũ mũ marapo Sara majigũgãre opagocumo mũ magũre,” arĩnumi Goãmũ Abrahãre. Eropa ta arĩ werepiĩnumi ìgũre Abrahã magũ Isaa masa dehyoaborore. Eropigu ìgũ magũ Isaa masa dehyoanũnumi.

¹⁰ Pũhrũ Isaa Rebeca mera marapocũcũ igo ũma perã suhruanirã porãcũnumo. Erã pagũ Isaa gũa ñecu mũrũ arĩnumi.

¹¹⁻¹² Eropirã erã porã erã masa dehyoaboro core, õarire, ñeri sãre erã iibiricũ ta Goãmũ erã pago árĩbore õpa arĩmuriĩnumi: “Ìgũ pagũ magũpũ ìgũ ñĩgũre doregacumi. Eropigu ìgũ opu árĩgucumi,” arĩmuriĩnumi ìgũre igo porãcũborore core. Goãmũ ìgũ gamero dopa ta beyemi ìgũ. Eropa árĩgũ, árĩgũ ìgũ dehyoaboro core Jacobore Esaũ pagũ magũ árĩgũre opu árĩbure beyemuriĩnumi. Eropigu masa erã iirire ìaboro core ìgũ gamero dopa ta ìgũ yarã árĩmorãre beyemi.

¹³ Eropa ta arĩ gojaĩnuma ìgũ yare erã gojarapũgue: “Jacobopũre mahimuriĩbũ. Eropigu Esaũpũre mahibirimuriĩbũ,” arĩmi Goãmũ, arĩ gojaĩnuma iribojegũre.

¹⁴ ¿Iirire peerã dohpa arĩ pepibocuri mari? “¿Erã iiricũrĩre ìaboro core yujugũre eropa beyegu Goãmũ queoro iibeami,” ¿arĩ pepibocuri?” Árĩbeaa. Queoro ìgũ ta àhrimi.

¹⁵ Òpa arĩnumi Goãmũ Moise sãre: “Yũ gamegu ñitare mojomoro ñagũra,” arĩmuriĩnumi ìgũ Moiserẽ. Eropigu yujugũre ìgũ gamero beyegu queoro ìgũ iimi Goãmũ.

¹⁶ Eropirã mari gamero Goãmure marire mojomoro ñadoremasibeeaa mari. Eropirã mari õarire iira waja sãre ne mojomoro ìabeami ìgũ. Ìgũ gamero dopa ta mojomoro ìhami.

¹⁷ Eropigu eropa ta ìgũ gamero dopa iĩnumi Egĩpto majarã opu sãre. Òpa arĩnumi Goãmũ ìgũre faraõre: “Egĩpto majarã opu árĩbure apigũ iĩbũ mũre yũ turarire árĩpehrerãre ìhmubure. Eropigu árĩpehreri yeba majarãre, yare erã masiborore opu acugũ iĩbũ yũhũ mũre,” arĩnumi Goãmũ ìgũre, arĩ gojara àhraa Goãmũ yare erã gojarapũgue.

¹⁸ Eropigu ìgũ gamerãre mojomoro ìhami ìgũ mari masare. Eropigu ìgũre erã gamebiricũ ñagu ìgũ gamero erãre yũhribiricũ iimi ìgũ. Eropigu Goãmũ ìgũ gamero dopa ta iimi.

¹⁹ Ìgũ eropiũgũ arĩcũ ìarã õpa arĩboca mũa: “¿Goãmũ erãre ìgũre yũhribiricũ iĩdigũ duhpĩgũ ero pũhrũ erã ìgũre yũhribirira dipuwaja moayuri erãre?” arĩ papũri serẽpiboca mũa.

²⁰ Eropa arĩbiricãque. Mari masa bu árĩrã àhraa. Goãmũ mera papũrimasibea. Mátasoro weágore “¿Duhpigo yure eropa iiri mũhũ?” iri soro arĩ serẽpimasibea. Eropa ta mua sã Goãmure ĩgu gamero iigure “¿Duhpigu eropa iiri mũhũ?” arĩ serẽpimasibea.

²¹ Mátasoro weágo máta mera igo gamero dopa iimo. Eropigo ðarire dibuburi sorore iimasimo igo. Iri máta mera ta bu árĩri dibuburi soro sãre iimasimo igoa. Igo iiro dopa ta Goãmũ sã ĩgu iidiaro dopa ta iimi.

²² Eropigu Goãmũ peamegue ĩgu cóãmorãre erã ñero iirare ĩha guagu, erãre dipuwaja moadiaqueregu ta yoari boje erã ñeri iirire eropa ĩacãnimi. Árĩpehrerãre ĩgu turarire ĩhmubu, mata erãre dipuwaja moanibirimi.

²³ Eropa ta iimi marire ĩgu mojomoro ĩarãre, ĩgu ðatariagu ĩgu árĩrĩre, ĩgu turari sãre marire masidorebu. Matague ta marire, “Erãre mojomoro ĩagura yũhũ. Yũ ðarire ogũra erãre,” arĩ apĩũmi Goãmũ marire.

²⁴ Eropirã maripũ ĩgu beyenirã árĩrã iiaa. Eropirã ĩgu beyenirã judio masa dihta árĩbeama. Judio masa árĩbirã sã àhrima ĩgu beyenirã.

²⁵ Eropa ta àhraa judio masa árĩbirãre Goãmũ yare Osea waĩcũgu ĩgu ðpa arĩ gojadiro dopa ta:

Ero coregue yaharã árĩbirinirãre pũhrũ erãre “Yaharã àhrima,” arĩgũra. Eropigu ero coregue yũ mahibirinirãre pũhrũgue erãre “Yũ mahirã àhraa mua,” arĩgũra, arĩpũ Goãmũ.

²⁶ “Yaharã árĩbeaa mua,” Goãmũ ĩgu arĩra yeba majarã Goãmũ ojocarinigucãgu porã ta árĩrãcoma, arĩ gojamũhtamũriũmi Osea iribojegure.

²⁷⁻²⁸ Eropigu iribojegue majagu Isaia Israe masare ðpa wereũmi: “Mari Opũ i yeba majarãre bajarã masare yojaro mera diaye ta dipuwaja moa purumujugũcumĩ. Eropirã wũariya maja imĩpayeri iro dopa Israe masa bajarã gohũra erã árĩquerecũ ta bajamerãgã tarĩrãcoma erã,” arĩmũriũmi Isaia.

²⁹ Eropigu dipaturi ta wereyugũ ðpa arĩ gojaũmi Isaia:

Mari Opũ árĩpehrerã weca opũ bajamerãgã mari mera majarãre taubigu, marire judio masare árĩpehrerãre dederecũ iiboũmi ĩgu. Sodoma majarãre, Gomorra majarã sãre ĩgu dedeophocũ iidiro dopa ta mari sãre dederecũ iiboũmi ĩgu, arĩ gojamũriũmi Isaia.

Judio masa ðari buherire gamebirima, arĩ gojaũmi Pablo

³⁰ Eropa ta àhraa. Eropirã ire masique mua: Judio masa árĩbirãpũ Goãmũre amabiriquererã ĩgure bocama. Jesucristore erã umupeocũ, “Òarã àhrima,” arĩ ĩhami Goãmũ erãre.

³¹ “Goãmũ dorerire Moiserẽ ĩgu apirare mari iicũ ĩgu marire ðarã ĩagũcumĩ,” arĩriñorã judio masapũ. Eropa ĩgu dorerire erã iiquerẽcũ ta Goãmũ ĩha suabirimũripũ erãre. Eropirã ðarã árĩdiaquererã bocaũubirimũriñorã.

³² Erã Jesucristore umupeoro mariro erã gamero Moise dorerire iidiarima Goãmũ mera ðaro arĩdiarã. Eropirã Cristore erã ñeri iirare cóãbure gamebirã Goãmũ pohrogue ne ejasome.

³³ Eropa ta arĩ gojamũhtaũma Goãmũ ĩgu magure wereyurire:

Utãye iro dopa árĩgure, yũ beyedigure dohpague Jerusalengue apigu iiaa. ĩgure umupeobirã, ĩgure tarinũgarã yũ pohrogue ne ejasome. Eropirã ĩgure umupeorãpũ ĩgu mera ðaro mucubirinĩguirãcoma. Yũ pohro warãcoma, arĩmi Goãmũ, arĩ gojaũma Goãmũ yare erã gojarapũgure.

10

¹ Yũ acawererã, Israe masare Goãmũ ĩgu tauborore bũrigã gahmea yũhũ yũ siporã mera. Eropigu Goãmũ erãre ĩgu tauburire serẽbasaa yũhũ.

² Diaye ta erã Goãmũ gamerire iidiarima. Eropa iidiaquererã ta ĩgu gamerire masibeama.

³ Eropirã Goãmũ erãre ðacũ iiburire masibeama. Eropa masibirã erã gamero ðarire iiquererã bocaũubirima. Erã eropiicã, erã Goãmũ Jesucristore umupeodorediro dopa erã ĩbiricũ, ĩgũpũ erãre “Òarã àhrima,” arĩ ĩbirimi.

⁴ Cristore umupeorãre “Dipuwaja moorã, ðarã àhrima,” arĩ ĩhami Goãmũ. Eropirã “Mari ñeri iira dipuwaja Goãmũ tauboro dopa Moise dorerire iiro gahmea daja,” arĩ pepibiricãro gahmea. Cristore umupeorã ĩgu mera taria.

⁵ Moise iribojegue majagu ðpa arĩ gojaũmi: “Goãmũ dorerire mari dũhyaro mariro iipehocũ Goãmũ marire ‘Dipuwaja moorã, ðarã àhrima,’ arĩ ĩagũcumĩ,” arĩ gojaũmi ĩgu.

⁶ Īġu eropa arī gojaquerecū ta dohpaguere masa Cristore erā umupeocū Goāmū erāre “Ōarā āhrima,” arī ihami. Iri buheri “Cristore umupeoque,” i arī buheri ōpa arī werea: “Ōpa arī pepibiricāque mūa: ‘ĶNoa Cristore umaroguere ārīġure aidiġugacuri marire Īġu buhecū daja?’ arī pepibiricāque mūa. Cristo eratuhadīġu ārīmi marire taugū eragu i yebaguere.

⁷ Eropirā daja ‘ĶNoa sīrinirā pohroguere Cristore masu aīġāribocuri?’ arī pepibiricāque mūa. Īġu sīridīġu masa mūriadīġu ārīmi,” arī werea i buheri.

⁸ Eropiro ōpa arī werea Goāmū yare erā gojarapūġue: “Goāmū ya buherire mari amacū Īġu buheri ohō āhraa. Īġu buherire masituhāa mūa. Eropirā Īġu buherire werenīġumūrabū,” arī gojañuma. Iri buherire “Cristore umupeoque,” arī buherire masare werea gua.

⁹ Iri buheri ōpa arī werea: “Jesu yū opū āhrimi,” arī mari disiro mera werēcū, “Goāmū Jesure sīridīġure diaye ta masuñumi,” arī mari pepicū iha Goāmū marire peameġue wabonirāre taugūcumī.

¹⁰ Jesure mari umupeocū iha Goāmūpū marire “Ōarā āhrima,” arī ĩagūcumī. Eropīġu ġajirāre “Yūhū Jesucristore umupeoa,” mari arī werēcū iha Īġu marire peameġue wabonirāre taugūcumī.

¹¹ Ōpa arāa Goāmū yare erā gojarapū: “Īġure umupeorā, ĩġure erā umupeorare ne bujaweresome. ‘Īġure umupeobiricū ōaboya yure,’ ne arīsome,” arīyoro Goāmū yare erā gojarapūġue.

¹² Judio masare, judio masa ārībirā sāre Goāmū yujuro mera ta itamumi. Mari Opū ārīpehrerā tauro opū āhrimi Īġu. Eropīġu ārīpehrerāre ĩġure serērāre itamugūcumī Īġu.

¹³ Eropa ta arī gojañuma Goāmū yare gojarapūġue ōpa arī gojarā: “Yū ñerire cōāġue. Eropīġu yure tauque,’ masa erā serēcū erāre peameġue wabonirāre mari Opū taugūcumī,” arī gojañuma.

¹⁴ Eropirā masa Cristore “Diaye ta marire taugū āhrimi,” arī umupeobirā ĩġure eropa serēmasibeama erā. Eropirā Īġu buherire Jesucristo erāre tauburi buherire peebirā ĩġure umupeomasibeama. Eropirā Īġu buherire erāre wereġu maricū Goāmūre erā masisome.

¹⁵ Eropirā ĩġu buherire weremorāre erā obeobiricū ĩġu buherire weremasibeama. Ōpa arī gojañuma Goāmū yare erā gojarapūġue: “Ōari buherire marire ōarā wacū ĩburi buherire weremorā erā eracū ĩarā ōaro mucubiria mari,” arī gojañuma iriboġeġue.

¹⁶ Eropa arīquerecū ta masa bajarā Jesucristo yare ōari buherire peediabeama. Eropa ta arī ġojamūriñumi Isaia: “Opū, erāre mari wererare ne peediabeama,” arī weremūriñumi Isaia Goāmūre.

¹⁷ Eropirā masa Jesucristo yare ōari buherire peerā peeñarā Cristore umupeoma.

¹⁸ Eropīġu ire serēpidiaca mūare: ĶIsrae masa Jesucristo yare peebiriyuri mūa pepicū? Yuju diaye ta erā peemūriñuma. Eropa ta āhraa Goāmū yare erā gojarapū sāre:

Goāmū yare wererā ārīpehreroguere weresirirā wama. Eropirā ārīpehrero majarāġue ĩġu yare peema, arī gojañuma iriboġeġue.

¹⁹ Dipaturi mūare serēpidiaca daja: ĶIsrae masa peequererā ōaro masibiriyuri mūa pepicū? Masiriñuma. Masiquererā Jesucristore umupeodiabiriñuma. Erā eropa peediabiricū ġaji yeba majarā Goāmū yarā wahama. ĩrire werenemogu Moise ĩġu arīrare weremūhtagura: Ōpa arī gojañumi ĩġu:

Ōpa arī weremi Goāmū Israe masare: “ ‘Bu ārīrā āhrima,’ mūa arī ĩanirāre yaharā ārīmorā ĩġura. Yū eropiicū mūapū erāre ĩhaturirāca. Eropīġu mūare erā mera guacū ĩġuca yūhū, arī weremi Goāmū,” arī gojañumi Moise.

²⁰ Isaia sā doyarō mariro ōpa arīmūriñumi:

Ōpa arīmi Goāmū: “Yūre amabirāpū yure bocama. Eropīġu yure masibirāre erāre yure masicū ĩbū yūhū,” arīmi Goāmū, arī gojañumi Isaia. Judio masa ārībirā Goāmū yarā erā waburire wereġu eropa arī gojañumi.

²¹ Israe masa pūre ōpa arī gojañumi Isaia: “Ōpa arimi Goāmū: ‘Mūa ñeri ĩirare bujawereġue yaharā wamorā, arimūriñū erāre. Erāpū yure tarinūgarā yure yūhribirimūrima,’ arimi Goāmū,” arī gojañumi Isaia.

11

Yujurāyerire Israw masare taugūcumī Goāmū, arī gojañumi Pablo

¹ ¿Eropigu Israe masare Goãmu igu beyenirãre erã tarinugacũ erãre cõãpehocãyuri igu mua pepicũ? Áribeaa. Erãre cõãbirimi igu. Yu sã Israe masu, Abrahã pãrami ártituriagu áhrraa. Eropigu Benjami ya curu majagu áhrraa.

² Iribojegue Goãmu Israe masare beyemãriñumi. Igu eropa beyenirãre cõãbeami. Goãmu yare erã gojarapũ Elia Igu iirare werea. Iripũ Israe masare Elia Goãmure igu arĩ weresãrare masica mua. Õpa arĩ weresãñumi igu:

³ “Opũ, erã Israe masa mu yare weremuhtanirãre wejẽpehocãma. Eropirã mure umupeori mesarire cõãpehocãma. Eropigu erã watope yu dihta mu yagu dujaa dohpaguere. Yu eropa áricũ iarã yu sãre wejẽdiamã dohpaguere,” arĩñumi Elia Goãmure.

⁴ Igu eroparicũ peegu õpa arĩ yãhriñumi Goãmu Eliare: “Mũhu yahagu yuju gu ta áribeaa. Siete mil uma yaharã áhrrima dohpaguere. Erãre dihbuabu yũhu. Erã sã yare õaro umupeoma. Baal waicũgu weãdigũre ne umupeobirimurama erã sã. Eropigu guũbita mũhu,” arĩñumi Goãmu Eliare iribojeguerẽ.

⁵ Irisubure Elia Igu ártisubure Igu yarã árimorãre Goãmu Igu dibudiro dopa ta dohpague sãre bajamerãgã Israe masare Igu yarã árimorãre dihbumi. Goãmu erãre mojomoro iagu dihbumi.

⁶ Óarire erã iicũ iagu dibubirimi. Erãre mojomoro iagu dibugu beyemi. “Óarire mua iira puhru mũare beyegũra,” arĩgu, Igu diaye ta erãre mojomoro iagu iibiriboñumi. Óarire erã iira puhru erãre igu beyecũ erãre wajatari ártiboya. Óarire erã iibiriquerecũ ta erãre diaye ta mojomoro iagu Goãmu beyemi erãre.

⁷ Eropa iri õpa áhrraa: Israe masare Goãmu erãre, “Óarã áhrrima,” Igu arĩ iacũ gamequererã ta erã yujuro bojebeama. Goãmu igu basi igu beyenirãpu õarã wahama Igu mera. Iguere yujuro bojebirãpu Igu yare peediabeama.

⁸ Eropa ta arĩyoro Goãmu yare erã gojarapũ: “Goãmu Iguere gamebirãre Igu yare peebiricũ iimi. Eropigu diaye ártirire erã peequerẽcũ erãre õaro peebiricũ iimi Goãmu. Eropa ta ártiniguicãma dohpague sãre,” arĩ gojañuma iribojeguerẽ.

⁹ Eropigu õpa arĩñumi Davi mũru iribojegue majagu Goãmure:

Erã Israe masa erã bosenãri mucubiririnãri iirã ñero iima erã. Erã eropa iicũ iagu dipuwaja moaque mũhu erãre.

¹⁰ Erãre õaro peebiricũ iique mũhu. Eropirã eropa dipuwajacurã ártiniguicãporo erã. Eropirã eropa bujawereniguicãrãcoma, arĩñumi Davi Goãmure.

Judio masa ártibirãre peamegue wabonirãre taugucumi Goãmu, arĩ gojañumi Pablo

¹¹ ¿Judio masa Cristore erã gamebiricũ iagu Goãmu erãre cõãcãyuri mua pepicũ? Cõãgohracãbirĩñumi. Eropa erã Cristore erã gamebiricũ dohpaguere judio masa ártibirãpu Goãmu Igu taumorã wahama. Dohpaguere Igu yarã iimi Goãmu erãre. Igu eropiicũ iarã yujurãyeri judio masapu erãre ihacũ erã sã Jesucristore umupeodiamã.

¹² Judio masa erã Goãmure tarinugacũ judio masa ártibirãpu Goãmu Igu õari buherire peema. Eropirã ártipehrero majarã judio masa ártibirã Goãmu taumorã waõorã õaro warã. Puhru judio masapu Cristore erã umupeonũgara puhru tamerare i yeba majarãre õatariaro waroca.

¹³ Dohpaguere mũare judio masa ártibirãre werebu iiaa. Cristo apimi yure mũare judio masa ártibirãre buhebure. Eropa buhegu bu gohra iigu iibea.

¹⁴ Yure eropa buhedoredigu ártigu masare weremura. Yu acawererãre judio masare mua Jesucristo umupeorare ihacũcũ iidiagu werea. Goãmu taunirã mua áricũ iarã erã sã Cristore gahme Igu taumorã wabocoma, arĩgu werea.

¹⁵ Dohpaguere judio masare Goãmu boje apigu, gajirãguere õari buherire Goãmu weredoremi igu mera erã õaro árimorãre. Eropiro judio masare Igu boje apicũ õaro wahabu i yeba majarãre judio masa ártibirãre. Igu eropiidiro tauro judio masa sãre Igu yarã árimorãre Igu iicũ tamerare õatariaro waroca i yeba majarãre. Goãmu mera erã õaro áricũ bajarã masa Jesure umupeorãre peamegue wabonirãre taugucumi.

¹⁶ Ópa áhrraa: Abrahã gua ñecu mũru Goãmu mera õaro Igu ártidiro dopa ta Igu pãramerã ártituriarãgue sã Goãmu mera õaro ártirãcoma Cristore umupeorã ártirã.

¹⁷ Yujurãyeri erã eropa ártirã ártiquerẽcũ ta gajirã erã acawererãpũre judio masare Goãmu boje apinimi dohpa. Judio masa Goãmu Igu beyemuhtanirã olivo waicudigu otedigu dũpũri iro dopa áhrrima. Mua judio masa ártibirã Igu beyemuhtanirã ártibirã nũgu majagu dũpũri iro dopa áhrraa. Olivo otedigu dũpũrire yujuyeri dũpũri Igu tabe cõãdiro dopa ta gajirã judio masapũre Goãmu cõãmi. Eropa cõãgu Igu yarã ártibirã wacũ iimi erãre. Igu cõãra dũpũrire gajĩ dũpũrire nũgu majagu dũpũrire gohroto tuhboro

dopa, Goāmu judio masare judio masa áribirā mera gohrotomi. Eropā gohrotogu mware judio masa áribirāre ĩgu yarā wacū iimi.

¹⁸ Mware ĩgu eropa gohrotocū, “Judio masa tauro ōarā āhraa pare gua,” arī pepibiricāque. Ire guñaque: Judio masapure beyemūhtarū Goāmu. Mwarū erā pūhrū Goāmu yarā árirā mwa sā Goāmu ōari oburire opaa. Eropirā “Judio masa tauro ōarā āhraa,” arī pepibiricāque.

¹⁹ Mwa judio masa áribirāpū ōpa arīboca: “Yujurāyeri dūpurire ĩgu cōādiro dopa ta Goāmu judio masare cōāmi yujurāyerire. Eropā cōāgu ĩgu gajī dūpurire gohroto ĩgu tuhdiro dopa ta ĩgu yarā mari wamorāre apimi,” arīboca mwa judio masare tarinūgadiarā.

²⁰ Ōpa āhraa. Erā Jesure umupeobirira dipuwaja cōāpū Goāmu erāre. Eropigu mwa sāre Jesure mwa umupeobiricū ĩgu yarā árimorāre mware apibiriboañumi. Eropirā “judio masa tauro ōarā āhraa gua,” arī pepibiricāque mwa. Eropā arībirā ta Goāmure ōaro umupeoque.

²¹ Muhtarī dūpuri iro dopa judio masa Goāmu yarā árimuhtañuma. Iri gohroto tuhra dūpuri iro dopa ta erā pūhrū mwa Goāmu yarā wabū. Eropigu Goāmu ĩgu yarā árimuhtanirā ĩgure umupeobiricū ĩagu cōāpū erāre. ĩgu erāre eropiidiro dopa ta mwa sāre cōāgucumi mwa ĩgure umupeobiricū. Eropirā Goāmure ōaro umupeoque mwa.

²² Goāmu mware ōaro iigu ĩgu áricū masique mwa. Eropirā guhyadiaro mera, ĩgu dipuwaja moagu ĩgu áricū sāre masique mwa. ĩgure umupeobirāre ĩgu dipuwaja moagucumi. Eropā áriqueregu ta mwa ĩgure umupeoniguicū mware ōaro iigucumi ĩgu. ĩgure umupeobiricū ñeri dūpurire ĩgu tabe cōādiro dopa ta mwa sāre cōāgucumi Goāmu.

²³ Masapū erā tabe cōāra dūpurire tuhumasibeamā daja. Goāmupū árīpehrero iimasigu āhrimi. Eropigu judio masa ĩgu cōānirā Cristore erā umupeodiacū Goāmu ĩgu yarā áricū iigucumi daja erāre.

²⁴ Mwa judio masa áribirā Goāmu yarā árībirimuriyoro. Eropā arībirā mwa árīquerecū ta Goāmu mware ĩgu yarā aricū iigucumi. Eropigu ĩgu beyemūhtanirā mwa árībiriquerecū ta ĩgu yarā áricū mware iidiami ĩgu. Eropigu judio masare ĩgu beyemūhtanirāpūre ĩgu yarā áricū ĩgu tauro iidiaucumi.

Pūhrū Israe masare taugucumi Goāmu, arī gojañumi Pablo

²⁵ Yū acawererā, ire masa erā masibirirare mware weregura. Mwa ōpa arīboca: “Dohpaguere gua dihtare beyemi Goāmu. Guapū masipehocāa,” mwa arī pepiboca. Mwa irire arī pepibiriboro dopa ire weregura mware. Ōpa āhraa masa erā masibirira: Dohpaguere bajarā judio masa Goāmure peediabirā āhrima. Eropirā bajarā judio masa arībirāre Goāmu ĩgu queodiropē ĩgu yarā wacū iigucumi. Ero pūhrū judio masapū ĩgure gamerācoma daja.

²⁶ Erā eropa gamecū árīpehrerā Israe masare Goāmu taugucumi erā peamegue wabonirāre. Goāmu yare erā gojarpūgue eropa ta arī gojañuma:

Jerusalén waicuri macague judio masa ya macague erāre taubū arigucumi. Eropigu Jacobo mura pāramerā árīturiarāre erā ñerire ĩgu cōāgucumi.

²⁷ Eropigu erāre taugu iribojegue yū arī erāre werepirare iigucumi, arīmi Goāmu, arī gojamuhtañuma Goāmu yare erā gojarapūgue.

²⁸⁻²⁹ Dohpaguere erā judio masa Cristo yare umupeobirā Goāmure gamebeama. Erā eropiicū dohpaguere mwarū judio masa arībirāpū Cristore umupeonūgabū. Judio masapure Goāmu beyemūhtañumi. Goāmu ĩgu arī werepidiro dopa ta masare ĩgu beyediropā dopa ta diaye iimi ĩgu. Eropigu judio masa ñecu sumará mura ĩgu beyenirā erā áricū dohpague erā árīturiarā sāre ĩgu mahimi.

³⁰ Iribojegue mwa sā Goāmure tarinūganirā árīriyoro. Dohpaguere judio masa Goāmure erā tarinūgacū ĩagu ĩgu mwarū mojomoro ĩagu taumi.

³¹ Dohpaguere judio masa ĩgure tarinūgarā āhrima. Erā eropa árīquerecū ta Goāmu dohpamasapure Goāmu beyemūhtañumi. Goāmu ĩgu arī werepidiro dopa ta masare ĩgu beyediropā dopa ta diaye iimi ĩgu. Eropigu judio masa ñecu sumará guere mware mojomoro ĩadiro dopa ta erā sāre pūhrū mojomoro ĩagucumi.

³² Ōpa āhraa: Árīpehrerā masare Goāmu ĩgure erā tarinūgara waja yujuro mera dipuwajacūdoremi. Eropigu árīpehrerā erā dipuwajacurā erā áricū ĩha árīpehrerāre yujuro mera mojomoro ĩagucumi ĩgu.

³³ Ōtariagu āhrimi mari Goāmu. Turatariagu āhrimi. Ōaro masipehogu āhrimi ĩgu. Eropiro ĩgu guñarire, ĩgu iiburire marire ōaro masiya mara.

³⁴ Ōpa arī gojañuma Goāmũ yare erā gojarapũgue: “Goāmũ mari Opũ ĩgu guñarire ne masa ðaro masibeama. Eropirā masa ĩgure ‘Ōpa iique,’ arī weremasibeama.

³⁵ Eropirā masa Goāmũre erā gajino ora pũhrũ ‘ĩgu marire wajamomi,’ arī masiya mara masa,” arī gojañuma iribojeguerẽ.

³⁶ Goāmũ arĩpehrerire iidi arĩmi. Eropigu ĩgu turari mera arĩpehrerire arĩcũ iidoredi arĩmi ĩgu. Eropiro arĩpehreri ĩgu iiburi āhraa. Eropirā arĩpehrerinuri ĩgure umupeorā mari. Eropa ta iirā mari.

12

Goāmũ gamerire marire iiniguicādoreñumi Pablo

¹ Goāmũ marire turaro mojomoro ĩhami. ĩgu eropa mojomoro ĩagu arĩcũ ĩarā, yu acawererā, mũa basi ta Goāmũ gamerire iiniguicārā arĩque. “Mũhu yu opu āhraa,” arĩque ĩgure. Eropirā ðaripũre gohrotonirā, ñeri marirā arĩque. Eropa ta iiro gahmea marire Goāmũre umupeorāre. Mũa eropa arĩrā arĩcũ ĩgu mucubirigucumi. Eropigu mũare irire burigā iidorea.

² I yeba majarā erā gamero dopa ta pepibiricāque mũa. Eropirā mũa pepiriguere Goāmũ gamerire gohrotoque mũa. Eropirā ðaripũre gohrotonirā arĩrāca mũa. Eropa gohrotorā Goāmũ mũare ĩgu iidorerire masirāca mũa.

³ Goāmũ yure mojomoro ĩagu mũare buhedoregu beyemi yure. Eropigu arĩpehrerāre mũare ðpa dorea yũhu. “Ōatariagu āhraa yũhu,” arī pepibiricāque. Eropa pepicāque. Jesucristore mũa umupeorā “Goāmũ yure ĩgu itamuro mera iimasia yũhu ĩgu yare,” arī pepique.

⁴ Ōpa arī werenemogura yũhu: Mari mojotori, guburi, cuiiri, arĩpehreri mari ðupũ arĩri baja āhraa. Mari ðupũ arĩri sã yuju ðupũ arĩquerero gajiropa arĩri mohmeri opaa. Mari ðupũ mari Jesu yarā iro dopa āhraa. Cristo ðupũ iro dopa arĩrā yuju curu ta āhraa mari.

⁵ Mari eropa arĩcũ ĩagu gajiropa arĩri dihta mohmerire apimi Goāmũ marire. Eropirā bajarā masa arĩquererā ta Cristore umupeorā arĩrā ĩgu ðupũ iro dopa yuju curu āhraa mari.

⁶ Eropigu marire mari nũcũre gajiropa arĩri mohmerire mari iimasiburire ĩgu turari mera apidigu arĩmi. ĩgu eropiicũ maripũ ĩgu apirare ðaro iiro gahmea. Eropirā Jesu yarā ðpa game itamuporo: Yujurāyerire Goāmũ ĩgu yare weretaumasimorāre apidi arĩmi. Eropirā erā Cristore erā masiropẽ ĩgu yare ðaro weretauporo gajirāre.

⁷ Gajirāre Goāmũ yarāre erā itamumasimorāre apidi arĩmi. Eropirā erāpu masare ðaro mera itamuporo. Gajirāpũre Goāmũ yare buhemorāre apidi arĩmi. Eropirā erā masare ðaro buheporo.

⁸ Gajirāre masare mucubiricũ iimorāre apidi arĩmi. Eropirā irire ðaro iiporo. Gajirāre erā ya erā gamerire omorāre apidi arĩmi. Eropirā gajinore orā, ðaro mera mucubiriri mera oporo. Eropirā gajirāre doremimasimorāre apimi. Erā dorerā ðaro mera doreporo. Eropigu daja mojomorocũrāre itamumasimorāre apidi arĩmi. Erāre itamurā mucubiriri mera itamuporo, arī werea mũare.

Jesu yarā arĩrā ðpa iirā āhrima, arī gojañumi Pablo

⁹ Gajirāre mahi umupeorā, diaye ta mahi umupeoque. Eropirā ñero iirire doorā arĩque mũa. Eropirā ðaripũre gameniguicāque.

¹⁰ Mũa pagũ porāre mũa umupeoro dopa ta Jesu yarā mũa mera majarā sãre umupeoque. Eropirā mũa mera majarā erā gameripũre itamumũhtaque. Pũhrũ mũ yare iique.

¹¹ Goāmũ gamerire iirā ne tebiricāque. Eropirā mari Opũ ĩgu dorediro dopa ta ðaro mucubiriri mera iique.

¹² Goāmũ mũare peamegue wabonirāre ĩgu taunirā āhraa mũa. Irere masirā mucubirique mũa. Eropirā ñero tarirā Cristo yare duhuro mariro yujuro bojeque mũa. Eropirā Goāmũre eropa serēniguicāque.

¹³ Gajino Jesu yarāre duhyacũ ĩarā oque erāre. Eropirā mũa ya wirigue masa erā ejacũ ðaro siporācũ erāre bocatirique.

¹⁴ Mũare ñero iirāpũre erā ðaro arĩburire serēque Goāmũre. Eropa ðadorerā erāre ujapeobiricāque.

¹⁵ Gajirā mucubiricũ ĩha erā mera mũa sã mucubirique. Gajirā orecũ ĩha erā mera oreque.

¹⁶ M̄ua mera majarā mera ōaro árīque m̄ua. Eropirā “Gajirā tauro ōagu āhraa,” arī pepibiricāque. Bu árīrā mera säre ōaro árīque. Eropirā “Masitarinugarā āhraa gua,” arī pepibiricāque.

¹⁷ Gajirā muare ñero iiquerecū ta, erāre ñero ii gamebiricāque. Eropirā ōarire iique. Eropirā ōarā m̄ua árīrire árīpehrerā masa iha masirācoma.

¹⁸ M̄ua masiopē turaro mera ōarire iique árīpehrerā mera m̄ua ōaro árīcāboro dopa.

¹⁹ M̄ua yu mahirā, yu acawererā, gajirā muare erā ñero iiquerecū ta erā iro dopa ñero ii gamebiricāque. “Erā ñero iira dipuwaja Goām̄u dipuwaja moagucumi,” arī guñarā ñero ii gamebiricāque erāre. Goām̄u yare erā gojarapūgue eropa ta arī gojañuma: “Yup̄u masa erā ñero iira dipuwaja moagu āhraa. Eropigu diaye ta dipuwaja moagura, arīmi mari Op̄u,” arī gojara āhraa.

²⁰ Eropirā ōpa iique m̄ua: Muare ihatupidigu ĩgu oaboacū ĩarā ejoque ĩgure. ĩgu ñemesibucū deco tīaque ĩgure. Eropa iirā muare ihatupidigu ĩgu ñero iirare guhyasiricū iirāca.

²¹ Eropirā gajirā muare erā ñero iiquerecū muapu erāre ñero ii gamebiricāque. Eropirā erāre ōaro iique. Eropa iirā ñeripure tarinugarā iirāca m̄ua.

13

¹ Árīpehrerā oparāre Goām̄u dihta apimi. Eropigu m̄ua tauro oparā säre Goām̄u ta beye apidigu árīmi. ĩgu eropa apinirā erā árīcū ĩarā árīpehrerā m̄ua erāre yuhrique.

² Mari tauro oparā árīrāre tarinugarā Goām̄u ĩgu apinirāre tarinugarā iirāca mari. Eropa tarinuganirāre Goām̄u dipuwaja moagucumi.

³ Ōarire iirāre güicū iimorā árībeama oparā. Ñerire iirāp̄ure güicū iirā āhrima oparā. Eropirā ōarire iique m̄ua oparāre m̄ua güibiriburire. Eropa iirā güisome m̄ua. Ōarire m̄ua iicū, op̄upu “Ōarire iabu,” arīgucumi muare.

⁴ Oparā Goām̄ure itamurē ta āhrima m̄ua ōaro árīcāborore. Erā eropa árīquererā ta erā dorerire tarinugarāp̄ure dipuwaja moamorā ta āhrima. Árīpehrerā ñerire iinirāre dipuwaja moadoregu Goām̄u erāre apidi árīmi.

⁵ Eropirā mari oparāre yuhrique. Goām̄u ĩgu dipuwaja moaborore güiro mera yuhrique. Eropirā umupeiore mera “Ōaro iiro gameca yure,” arī pepiri mera ōaro yuhrique erāre.

⁶ M̄ua oparāre iri mohmerire apidi árīmi Goām̄u. Eropirā iri mohmerire erā iicū ĩarā m̄ua oparā ya árīburire wajaseabasaa m̄ua erāre.

⁷ Árīpehrerāre m̄ua oparāre ōaro yuhrique. Eropirā oparā erā wajaseadorerare wajayeque m̄ua. Eropirā oparā gajire wajayedorecū säre wajayeque. Eropirā árīpehrerā oparāre umupeeque, arāa yuhu muare.

⁸ Gajirāre wajamobiricāque. Erāre mahi umupeiore gahmea. ĩgu pohro árīgure mahigu Goām̄u dorerire iipehocāgu āhrimi. Eropirā m̄ua pohro árīrā säre mahiro gahmea.

⁹ Ōpa arāa Goām̄u doreri: “Gajigu marapo mera ñero iirā árībiricāque. Masare wejēbiricāque. Yajabiricāque. Gajirāre guya ñeri quere iibiricāque. Gajirā yare turaro uaribebiricāque,” arī werea ĩgu doreri. Gaji ĩgu doreri sā āhraa. Iri eropa árīquerecū ta yujuñe doreriñere muare werebu iiaa. Ōpa āhraa: “M̄u basi mahiro dopa ta m̄u pohro árīrāre mahique,” arī werea ĩgu doreri. M̄ua pohro árīrāre mahirā Goām̄u dorerire árīpehrerire yuhrirā tiiaa.

¹⁰ Gajirāre mahirā erāre ñero iisome. Eropirā erāre mahi umupeiore Goām̄u dorerire yuhripehorā āhraa m̄ua.

¹¹ Eropa gajirāre mahique ōpa masirā: Jesu marire ĩgu dujariboro merogā duhyanijaa. ĩgure mari ne masinugarā ōpa arī pepirib̄u: “Yoara puh̄r̄ugue marire taugu arīgucumi Jesu,” arī pepirib̄u. Mari eropa arī pepiquirecū ta merogā duhyaa Jesu marire ĩgu taugu ariboro. Eropirā carīrā iro dopa árībiricāque. ĩgu yare ōaro guñan̄uque. Jesu ariboro corere ōaro pee masi yuque.

¹² Dohpague ñerā erā iirin̄ari árīro iiaa. Cristo ĩgu aririn̄u iri ñeri pehreroca. ĩgu ariboro merogā duhyaa. ĩgu ariboro merogā duhyacū ĩarā ñerire iibiricārā mari. Eropirā Goām̄u gameripure iirā mari. Eropa Goām̄u yare iirā ñeripure duhcārāca mari.

¹³ Eropirā ōaripure iirā. Eropa iirā bosenui árīcū mari uaribegarire ñeri iibiricārā. Eropirā merebiricārā. Eropirā nome mera ñero iibiricārā. Gajirā mera game ihaturirā árībiricārā. Nome sā uma mera ñero iibiricāporo.

¹⁴ Eropirā mari Opū Jesucristo Īgu itamuri mera Īgu gamero dopa ta ōaro áricāque. Eropirā mua űaribejarire űerire ne iibiricāque.

14

Mua acawererāre Jesu yarāre “Ńero iirā iima,” arī werewuabiricāque, arī gojañumi Pablo

¹ Jesure umupeogare, Jesu gamerire Īgu ōaro masinibiricū dohpa, Īgure ōaro bocatūrique. Eropa bocatūrirā Jesu gamerire Īgu masinibiricū ĩarā Īgu masibiririre dūyasobiricāque Īgure.

²⁻³ Gajirā “Goāmū áriṽpehrerire badoremi marire,” arī pepima. Eropirā gajirāpū ōaro masinibirā “Waibuḡu dihipure bacū Goāmū gamebeamī,” arī pepima. Eropirā oteri dihtare bahama. “Dihire bamasia,” arīrā, “Dihire bamasibea,” arīrā sā erā Jesucristore umupeorā áricū ĩha Goāmū ōarā ĩhami erāre. Eropirā “Áriṽpehrerire Goāmū badoremi,” arīrāpū “Iri dihire bamasibea,” arīrāre ĩhaturibiricāporo. Eropirā dihire babirāpū dihire barāre “Ńero iirā iima,” arī werewuabiricāporo.

⁴ Mua Jesure umupeorā yujuḡu dorero doca āhraa mua. Mua eropa áricū ĩarā mua basi game werewuamasibea. Jesucristo mua Opū Īgu gamerire mua iibiricū ĩagu ĩgu dihta irire weresāmasimi. Mua ōaro ĩcū sāre irire ĩgu weremasimi muare. Eropiḡu ĩgu dorerire iirāre ōarire bocatūcū ĩḡucumi mari Opū.

⁵ Yujurāyeri yujunure “Irinū dihta soorinū gamenere Goāmure umupeorinū āhraa,” arī pepima. Gajirāpū “Ūmuri nūcū gamenere Goāmure umupeoro gahmea,” arī pepima. Eropiḡu ōpa werea muare yuḡu: Mua nūcū mua pepirire “¿Dinū āhriri mari gamenere umupeorinū? ¿Dinū áribeari?” arī pepi masique mua.

⁶ Gajigu yujunū iimi ĩgu Goāmure umupeoburinure. Eropiḡu űmuri nūcū gamenere umupeobiriquereḡu, Goāmure ōaro umupeomi ĩgu sā. Eropiḡu áriṽpehrerire baḡu sā “Ōhaa,” arī serēmi Goāmure. Eropiḡu ĩgu sā Goāmure umupeogu ta āhrimi. Eropiḡu gajinore babi sā ĩgu sā umupeomi Goāmure. Eropiḡu ĩgu sā Goāmure “Ōhaa,” arī serēmi.

⁷ Mari gameri dihtare iirā áriṽmasibea mari. Cristo āhrimi mari Opū. Eropiḡu mari ojocaricū, mari sīricū mari Opū āhrimi ĩgu.

⁸ Dohpague mari ojocaripōḽe Cristo yare iimorā dihta āhraa mari. Īgu yarā āhraa. Mari sīrira puḡruḡue sāre ĩgu yarā áriṽnigucārcāca. Eropiḡu mari ojocaricū mari sīricū sāre Cristo mari Opū ta āhrimi.

⁹ Eropa ta āhraa. Cristo sīri, masa muria, ojocarimi sīrinirā sāre erā opū áriḡu.

¹⁰ ¿Duhpirā mua acaweregure Jesu yagure “Ńero iigu iimi,” arī werewuadiari mua? ¿Duhpimorā mua acaweregure curadiupidiari mua? Mari áriṽpehrerā Cristo core mari nigucū ĩḡupū mari iirare masipehogu, mari iirare ĩagucumi. Īgu eropa ĩabu ĩgu áricū mua acaweregure “Ńerire iigu āhrimi,” arī werewuabiricāque.

¹¹ Goāmū yare erā gojarapūḡue ōpa arī gojañuma:

Ōpa arīmi mari Opū: “Yuḡu ojocarigu āhraa. Iri diaye ta āhraa. Eropirā áriṽpehrerā yure gamerā, gamebirā sā yu core merejarācoma. Eropirā áriṽpehrerā ‘Muḡu turagu gua Goāmū ta āhraa,’ arī, yure umupeorācoma,” arīmi mari Opū, arī gojañuma.

¹² Eropiḡu mari áriṽpehreri mari iirare Goāmū serēpigucumi. ¿Duhpirā eropa iari? arī serēpigucumi. Īgu eropa serēpicū yuhrirāca mari.

Mua acawereḡu űero dujacū iibiricāque mua, arī gojañumi Pablo

¹³ Eropirā mari mera majarā sāre “Ńerā āhrima,” arī werewuabiricārā. Eropirā mari acaweregure Jesu yagure űero dujacū iibiricārā. Īgu Goāmū yare duhucū iibiricārā.

¹⁴ Yuḡu Jesucristo yagu āhraa. Eropiḡu ōpa ōaro masia yuḡu: “Áriṽpehreri Goāmū ĩgu badorera āhraa,” arī masia. Gajiguḡu eropa arīmasibeami. ĩḡupū gajinore baḡu “Ńero iigu iiaa,” arī pepimi. Eropiro ĩgu irire arī pepiquereḡu baḡu diaye ta dipuwajacūḡu dujami.

¹⁵ Iri diaye ta āhraa. Mua dihire mua bacū mua acawereḡu “Iri Goāmū badorebirira āhraa,” arīḡupū ĩhacūbocumi muare. Eropiḡu irire baḡu, “Ńero iigu iica yuḡu,” arī wūaro ḡuñaricūbocumi ĩgu. Eropirā mua bari mera ĩgu űero pepicū ĩha irire dipaturi babiricāro gahmea muare. Muḡu muraro ta baḡu mu acaweregure umupeosome. Mua acawereḡu yañe áriḡborāñe sāre sīridi arīmi Jesucristo. Eropirā mua irire badiaquererā mua acaweregure Goāmū yare duhucū iibiricāque. Eropirā irire babiricāque.

16 "Ire gua eropa iicū ðapūricāca," mũa arī pepiquerēcū gajirā mũare ĩha werewuabocoma. Erā eropa werewuacū ĩarā dipaturi irire iinemobiricāque guare werewuari arīrā.

17 Goāmupū mari opu āhrimi. Īgu eropa árīcū, mari badiari mari ihridiari sā eropa árīcāro iiaa. Bu gohra āhraa. Eropiro mari Opu Īgu dorerire ðarire mari iicū iri ðari gohra árīro tiiaa. Eropiro gajirā mera mari ðaro árīcācū ðari gohra árīro iiaa. Eropiro Espírītu Santo ĩgu itamuri mera mari mucubiricū ðari gohra árīro iiaa.

18 Eropa ta Cristo yare ðarire iicū ĩarā Goāmū sā, masa sā "Ōaro iiahu mūhu," arīrācoma.

19 Eropa ta iirā mari tamera mari ðaro árīcāborore, mari basi mari game itamuburire. Eropa iiricūrā Jesure umupeonemorāca.

20 Eropirā mũa bari mera Jesu yarāre Goāmū yare duhucū iibiricāque. Gajīgu Jesu yagu "Goāmū badorebirira bari āhraa," ĩgu arīra barire mũa bacū ĩagu ĩgupu Goāmū yare duhubocumi. Eropirā irire babiricāque. Diaye ta árīpehreri bari Goāmū ĩgu badorera bari āhraa. Iri eropa árīquerecū gajīgu "Iri barire Goāmū badorebeami," arī pepimi. Eropīgu mũa iri barire bacū ĩagu ĩgupu ĩhacū babocumi ĩgu sā. Eropa bagu "Ŋero iigu iiaa," arī pepi Goāmū yare duhubocumi. Eropirā marire ĩgu ĩhacū bacū iirā mari sā ŋero iirā tiiaa. Eropirā iri barire babiricāro gahmea marire.

21 Waimurā dihire mũa bacū vinore mũa ihricū ĩagu, gajīgu Jesu yagu ĩabocumi. Eropa ĩagu ĩhacū babocumi daja. "Irire bagu ŋero iigu iica yūhu," arī pepibocumi. Eropa arī pepīgu tamera bagu ŋero iigu iimi. Eropirā ĩgu ŋero ĩgu iibiriborore waimurā dihire, vino säre mupū ba duhucū ðacāroca. Jesure ĩgu umupeo duhubiriborore iibiricāro gahmea marire.

22 Eropirā mũa baburire, ihriburire game ðayasobiricāque. "Árīpehreri barire Goāmū marire badoredīgu árīmi," arī pepirā irire Goāmū dihtare wereque. "Ŋerire iibīgu, ðaro iigu iica," ĩgu pepirīgue arī masīgu mucubirīgu āhrimi.

23 Gajīgupu iri barire bagu, "Ŋero iigu iiboca yūhu," arī pepīgu árīqueregu iri barire bagu, dipuwajacūgu āhrimi ĩgu. ĩgu ta "Ire bagu diaye ta ðarire iigu iiaa," ĩgu pepirīgue arīmasibeami. Eropa arīmasibīgu irire bagu, ĩgu bara waja dipuwajacūmi ĩgu. "Ōarire iigu iiaa," arīmasibirinīyagu irire iigu dipuwajacūgu āhrimi.

15

Mari pohro árīrāre ðaro umupeorā, arī gojañumi Pablo

1 Eropirā Jesucristore ðaro mari umupeorāpu, ðaro umupeoturabirāre itamuro gahmea. Eropirā mari ya árīburi dihtare iibiricāro gahmea.

2 Mari pohro árīrāre erā gamero dopa ta iiro gahmea erā ðaro árīcāborore. Goāmure erā ðaro guñaturanemoburire iiro gahmea.

3 Jesucristo sā ĩgu ya dihtare iibiridi árīmi. Eropa ta arāa Goāmū yare erā gojarapū. Ōpa arī gojañuma: "Cristo ðpa arīmi Goāmure: 'Mupure ŋero wereniguibonirā yupure ŋero wereniguima,' arīmi Cristo Goāmure," arī gojañuma iri bojegue.

4 Iribojegue erā Goāmū yare gojañuma mari ðaro buheborore. Eropirā iri erā gojarapūre buherā sīporā turarā wahaa mari. Eropa buherā ŋero tarirā yujuro bojerāca.

5 Goāmū mũare turacū iigu sīporā turacū iigu mũare game ðaro árīcācū iiporo Jesucristo ĩgu gamediro dopa ta.

6 Eropa ta iiporo ĩgu mũa árīpehrerā yujuro mera Goāmure umupeoborore, mari Opu Jesu Pagure "Ōagu āhrimi. Turagu āhrimi," mũa arīborore.

Judio masa árībīrāre ðari buherire werenugama, arī gojañumi Pablo

7 Cristo ĩgu mũare iidiro dopa ta mũa mera majarāre ðaro game bocatīrique. Mũa eropīcū ĩarā "Diaye ta Goāmure ðagu masa yujuro mera ðaro árīcācū itamugu āhrimi," arī ĩarācoma masa.

8 Mũare ire arīgu iiaa: ĩgu Pagu ĩgu arī werediro dopa diaye ta iigu ĩgu árīcū ĩmugu, judio masare itamubu aridīgu árīmi Cristo i yebaguere. Eropīgu Goāmū Abrahā säre arī werediro dopa ta iigu aridīgu árīmi.

9 Masare Cristo ĩgu itamucū ĩgu Pagu Goāmū mojomoro ĩagu iidīgu árīmi erāre. ĩgu eropa mojomoro ĩacū ĩarā judio masa árībīrā sā Goāmure "Ōagu āhrimi. Turagu āhrimi," arī umupeoma dohpaguere. Erā säre ĩgu yarā árīcū iigu aridīgu árīmi Cristo. Goāmū yare erā gojarapūgue eropa ta arī gojañuma:

Cristo òpa arĩmi ĩgu Pagure: Judio masa árĩbirā watope mũre umupeogura. “Goāmũ òagu āhrimi,” arĩgura. Eropĩgu erā watope bayagu mũ ya árĩburire bayagura, arĩmi Cristo ĩgu Pagure, arĩ gojañuma iribojegure.

¹⁰ Eropirā òpa arĩ gojañuma daja:

Goāmũ ĩgu beyenirā mera judio masa mera game mucubirique mũa sã judio masa árĩbirā, arĩ gojañuma iribojegure.

¹¹ Eropirā òpa arĩ gojañuma daja:

Judio masa árĩbirā árĩpehrerā Goãmure umupeoporo. Eropirā árĩpehrero majarā ĩgure “Òagu āhrimi. Turagu āhrimi,” arĩ umupeoporo, arĩ gojañuma.

¹² Eropĩgu Isai mura sã òpa arĩ gojañumi:

Davi pagu Isai mũru pãrami arĩturiagu arĩgucumi. Eropa arĩgu judio masa árĩbirā tauro opu arĩgucumi ĩgu. Eropirā erāpu ĩgure umupeorā erāre peamegue wabonirāre ĩgu tauborore masirācoma, arĩ gojajuñumi iribojegure.

¹³ Goāmũ marire taugu árĩbu òaro mũare mucubiricũ ĩporo. Eropĩgu Jesure mũa guñaturacũ mũare òaro árĩcācũ ĩporo ĩgu. Mũare ĩgu eropĩcũ “ĩgu pohro mari warāca,” arĩ mucubiri masinemorāca mũa Espĩritu Santo ĩgu turari mera, arāa yũhu mũare.

¹⁴ Yũ acawererā, òaro mera mũare guñaa. Mũa òarā āhraa. Eropirā Jesu yare òaro masia. Eropa masirā mũa mera majarāre game òaro were, buhemasia.

¹⁵ Mũa eropa masirā mũa árĩquerecũ ta ĩpũguere mũare guĩro mariro irire òaro werepohobu yũhu erāgue cādjiri arĩgu. Goāmũ yare mahĩgu mũare buhedoregu apimi yare. Eropĩgu ĩgu apĩdiro dopa ta mũare guñacũ ĩigu ĩaa.

¹⁶ Yũre ĩgu apĩcũ Jesucristo yare òari buherire judio masa árĩbirāre buhea yũhu. Eropa buhecũ peerā judio masa árĩbirā Jesure umupeorācoma. Erā eropa umupeocũ ĩagu Goāmũ erāre “Òarā āhrima,” arĩ ĩagucumi. Eropĩgu erāre gamegucumi. Eropĩgu Espĩritu Santopũ Goāmũ yarā wacũ ĩigucumi erāre.

¹⁷ Eropĩgu Jesucristore umupeoga arĩgu Goāmũ yare buhedore apirare mucubiriri mera werea masare.

¹⁸⁻¹⁹ Judio masa árĩbirāre Cristo itamuri mera erāre yũ buhecũ peerā, Cristore umupeoma. Eropirā masa árĩbirāre buhea yũhu. Eropa buhecũ peerā judio masa árĩbirā Jesure umupeorāco yũ òaro ĩirĩcarire ĩarā, Goāmũ turari mera yũ deyoro moarare ĩarā, Espĩritu Santo ĩgu turari mera erā Cristore umupeoma. I árĩpehrerire mũare ðiaye werediaca. Gajirā erā ĩirare werebeaa. Jerusalengue ne yũ buhenugara pũhrũ árĩpehreri macarigue buhe curibu. Yoarogue, ĩliria yebague sãre Jesucristo ya buherire òari buherire buhegu ejabu.

²⁰ Eropĩgu Cristo yare masibirā ðĩtare òari buherire turaro buhedĩabu. Yũ mera majarā erā buhenĩrāguere buhedĩabiribu.

²¹ Eropa arĩ gojañuma Goāmũ yare erā gojarapũguere. Òpa arĩ gojañuma: Iribojegue ĩgure ne masibirinirā ĩgure masirācoma. Eropirā ĩgure ne peebirinirā ĩgu yare òaro peerācoma, arĩ gojañuma Goāmũ yare erā gojarapũgue.

Pablo Romague ĩgu waborore wereñumi

²² Eropĩgu árĩpehrero majarāre buhegu arĩgu bajasuburi mũa pohro wadiaqueregu ta wamasibirimurabu.

²³ Dohpaguere i yebaguere a árĩbirā Jesure umupeorācoyũ mohmeri pehrea wahaa. Eropa pehrecũ ĩagu baja bojori mũa pohro wadianĩguĩgu arĩgu, mũa pohrogue wagura.

²⁴ Eropĩgu Españague wagu mũare ero ĩhatari wahgāgura. Eropĩgu mũa mera mucubirĩgura. Eropĩgu mũa mera árĩdĩgu wagu mũa yũre itamuri mera wagura daja.

²⁵ Dohpaguere Jerusalengue wanibu ĩaa. Ero majarāre yũ acawererāre Jesu yarāre niyeru sonĩgu wagu ĩaa.

²⁶ Macedonia majarā, Acaya majarā, òaro mera Jesu yarā Jerusalengue árĩrāre mojomorocurāre niyerure obeoama erāre itamurā. Eropĩgu erāre obeorare sogũ wagu ĩaa.

²⁷ Iri niyerure orā òaro mera ohāma. Erā eropĩcũ òapũrica yũ pepicũ. Erāre judio masa árĩbirāre, gũa judio masapu Goāmũ yare buhemũhtabu. Eropirā erāre ĩgu tauboro sãre buhemũhtabu gũa judio masa erāre. Gũa eropa buhecũ ĩagu, Macedonia majarā, Acaya majarā mera judio masapũre Jerusalén majarāre itamucũ òapũrica yũre. Erāre erā buhera waja āhraa iri niyeru yũ pepicũ.

²⁸ Eropĩgu Jerusalén majarāre iri niyerure yũ ora pũhrũ Españague wagũca. Erogu wagu mũare ĩhatari wahgāgura.

²⁹ Eropĩgu mũa pohrogue yũ wacũ Cristo yare yũ mũare buhecũ Cristo marire òaro sĩporācũcũ ĩigucumi.

³⁰ Mña, yu acawererā, mari Opure Jesucristore umupeoa. Eropirā Espiritu Santo Igu turari mera gajirāre umupeoca mña. Mña eropirā arīrā yu säre turaro serēbasaque Goāmure.

³¹ Ōpa arī serēbasaque: Judea yeba majarā Jesure umupeobirā yare erā ñero iidicā Goāmu yure itamuboro dopa serēque. Eropirā Jerusalén majarāre iri niyerure yu ocū erā irire mucubiriri mera erā ñeaboro dopa serēque.

³² Mña eropa serēcū Goāmu gamecū mucubiriri mera mña pohrogue waguca. Eropigu mña mera arīgu mucubiriri mera soogura.

³³ Goāmu marire ōaro arīcāgu Igu mña mera arīporo. Eropa ta iiporo.

16

Pablo ōadoreñumi

¹ Mari acawerego Febe waīcūgo mña pohrogue wabo iimo. Igo Cencrea waīcūri macague Jesu yarāre itamugo āhrimo.

² Eropigo bajarāre yu säre itamugo āhrimo igo. Eropirā mña igo mera yujuro mera mari Opure umupeorā āhrra. Eropirā igore ōaro mera bocatīrique. Eropa ta iiro gahmea marire Jesu yarāre. Eropirā igore igo gamerire gajino dahyacū igore oque mña.

³ Aquila, Igu marapo sã Priscila sã ōaporo. Jesucristo yare yu buhecū erā sã yu mera mohmeama.

⁴ Erāre mero wejēbocurima gajirā erā yure wejēdicā itamuri waja. Eropigu erā mera mucubiria yuhū. Eropirā judío masa arībirā Jesu yarā arīpehrerā erā sã erā mera mucubirima.

⁵ Eropirā Aquila ya wihi gamenererā sã Jesu yarā ōaporo. Yu mahigu Epenéta sã ōaporo. Igu Asia majagu ero arīgu Cristore umupeomūhtadigu arīmi.

⁶ Maria sã ōaporo. Igo mña mera turaro mohmeapo.

⁷ Yu acawererā Andrónico, Junia sã ōaporo. Peresu yu arīcū erā ta yure wapicūnirā āhrrama. Eropirā yu core Cristore umupeonūgañorā erāpu. Gajirā Jesu Igu apinirāpu erāre “Diaye ta ōarā āhrrima,” arī wereniguima.

⁸ Amplia sã yu mahigu Jesu yagu āhrrimi. Igu ōaporo.

⁹ Eropigu Urbano sã ōaporo. Igu sã mari mera Cristo ya arīburire mohmeami. Eropigu yu mahigu mera majagu Estaqui ōaporo.

¹⁰ Eropigu Apele sã ōaporo. Igu diaye ta ōaro Jesucristore umupeomi. Igu iiricūrire ĩarā irire masia mari. Eropirā Aristóbulo ya wihi majarā arīpehrerā Igu marapo Igu porā sã ōaporo.

¹¹ Yu acaweregu Herodión ōaporo. Eropirā Narciso ya wihi majarā Jesu yarā ōapehrecāporo.

¹² Eropirā Trifena, Trifosa sã ōaporo. Erā nome mari Opū Jesu mohmerire iama. Mari mahigo Pérsida sã ōaporo. Igo mari Opū Jesucristo yare turaro mohmemo.

¹³ Eropigu Rufo mari Opū Jesure ōaro umupeogu, Igu yare ōaro iigu ōaporo. Igu pago sã ōaporo. Igo yu pago iro dopa ta arīgo āhrimo.

¹⁴ Asíncrito, Flegonte, Herma, Patroba, Herme, gajirā Jesu yarā erā mera majarā sã ōaporo.

¹⁵ Eropirā Filólogo, Julia, Nereo, Igu pagu mago sã Olimpa, gajirā erā mera majarā sã Jesu yarā ōaporo.

¹⁶ Eropirā mña mera majarāre bocatīrirā mucubiriri mera mojoto ñeaque. Arīpehrerā Jesu yarā arīpehrero majarā mñare ōadorema.

¹⁷ Yu acawererā, mña mera yujurāyeri mñare game ĩhaturicū iirā game dūca waricū iirā arīcoma. Eropirā mñare Jesu ya buherire goroweoma. Eropirā eropa iirāre ōaro ĩique goroweori arīrā. Eropa arīrāre wapicūbircāque.

¹⁸ Eropa iirā mari Opū Jesucristo yare iibeama. Ñerire erā űaribejari dihtare iima. Eropirā ōaro wereniguirā iro dopa guyama masibirāre erā. Erā eropa guyacū erāre ōaro peenarūma. Eropirā erāre wapicūbircāque mña.

¹⁹ Mñarū Jesure ōaro yūhrrā āhrra. Irire arīpehrerā masima. Eropa ōaro mña yūhrrā mña arīcū pee mucubiria yuhū. Eropigu ōaro mña ĩiborore masicū gahmea yuhū. Eropigu ne ñeri säre mña ĩibircū gahmea yuhū.

²⁰ Eropigu Goāmu marire ōaro arīcācū iigu merogā puhru watīre tarinūgagu ĩibasagūcūmi mñare. Mari Opū Jesucristo ōaro mñare itamunigūcāporo.

²¹ Timoteo yu mera majagu mñare ōadoremi. Yu acawererā Lucio, Jasō, Sosipate mñare ōadorema.

²² Yuhũ Tercio ipũre gojabasagu āhraa Pablöre. Yuhũ Jesu yagu árĩgu mua Jesu yarāre òadoreä.

²³ Gayo ya wihi árĩcāgu iiaa yuhũ Pablo. Īgu ya wihigue Jesu yarā gamenerema Goāmure umupeomorā. Īgu sã muare òadoremi. Eropigu Erasto i maca majarā oparāre niyeru dibubasagu muare òadoremi. Mari acaweregu Jesu yagu Cuarto sã muare òadoremi.

²⁴ Mari Opũ Jesucristopũ muare árĩpehrerāre òaro iiporo. Eropa ta iiporo.

Pablo Goāmure umupeori mera gojatuñumi

²⁵⁻²⁷ Mari Opũ Jesucristo ya buheri mera òari buheri mera Goāmũ muare ĩgure guñaturanemocũ iimasimi. Iribojegue iri òari buheri ne masa masibiriri buheri arĩriyoro. Dohpaguere Goāmũ yare weremuhtanirā erā gojara mera iri buherire masidoregu iimi. Yũ sã irire buhea. Iri buherire árĩpehrero majarā dohpaguere masima. Goāmũ eropa árĩniguicāgu dorero dopa ta erā masima. Iri buherire ĩgu ta weredorepũ masa ĩgure erā yuhriborore, ĩgure erā umupeoboro sãre. Eropirā ĩgure “Diaye ta òagu, turagu āhrimi,” arĩ umupeorā. Īgu yujugu ta Goāmũ òaro masipehogu āhrimi. Jesucristo ĩgu itamuri mera Goāmure eropa umupeoniguicārã mari. Eropa ta iirã. Iripēta āhraa.

1 Corintios

Pablo Goãmu yaräre Corinto majaräre gojabeoñumi

¹⁻² Yũhu Pablo, Jesucristo yare igu buhedore apidigu ãhraa. Goãmu igu gamero dopa ta Jesu igu apibure yare beyepu igu. Sostene Jesu yagu mari acaweregu mera muare Goãmu yaräre Corinto majaräre gojabeoa gua. Jesucristo mera majarã mua áricũ Goãmu yarã árĩmoräre beye aĩdi árĩmi Jesucristo muare. Eropirã árĩpehrero majarã gajirã mari Opu Jesucristore sererã árĩrã, erã sã Goãmu yarã ta áhrima. Jesucristopu erã opu mari Opu sã áhrimi.

³ Eropirã Goãmu mari Pagu, mari Opu Jesucristo mera muare õadoreã. Igu itamuri mera õaro árĩque mua.

Jesucristopu muare õaro iibasadigu árĩmi Goãmure, arĩ gojañumi Pablo

⁴ Jesucristo muare õaro iibasadigu árĩmi Goãmure. Igu eropa iicũ ñagu, Goãmure yu mahigure, Óhaa, " arãa yũhu umuri nucu.

⁵ Cristo yarã mua áricũ ñagu Goãmupũ muare õaro áricũ iimi. Eropigu ñgupu Igu yare muare gajirãre weremoräre iimi igu. Eropigu Igu, Igu yare õaro masicũ iimi muare.

⁶ "Cristo muare õaro iigucumi," muare gua arĩ werediro ta wahabu muare Cristo yarã mua wacũ.

⁷ Eropigu árĩpehreri Igu ya árĩburire mua iimasicũ iimi Goãmũ muare. Eropiro ne duhyabea muare. Mari Opu Jesucristo i yebague Igu dujariborore mua corerisubu Goãmupũ muare eropa itamuniguicãgucumi.

⁸ Eropigu Jesucristopu mua ñgure umupeoniguicũ iigu áhrimi. Igu eropa árĩgu áricũ marpu i umu pehrecũ mua ñeri iira dipuwaja moorã áricũ iigucumi.

⁹ Goãmu "Ópa iigura," Igu arĩdiro dopa ta Igu iimi. Eropigu Igu, Igu magu mari Opu Jesucristo mera yujuro mera árĩmoräre marire beyedi árĩmi.

Jesu yarã Corinto majarã erã game dũca warirare Pablo arĩ gojañumi

¹⁰ Yu acawererã, mari Opu Jesucristo igu dorero mera muare burigã serẽbu iiaa: Mua basi game dũyasobiricãque. Eropirã mua basi game dũca waribiricãro gahmea. Yuju curu ta árĩque mua. Eropirã yujuropa ta õaro árĩniguicãque. Eropa iirã mua iiburire pepirã, yujuropa iique mua.

¹¹ Yu acawererã, mua basi game dũyasoriã iayoro mua. Eropa arĩ wereama Cloé ya wihi majarã yure.

¹² Gajirã mua mera majarã õpa arãñorã: "Pablo ya curu majarã áhraa gua," arĩ wereniguaiyoro gajirã mua. Eropirã gajirã "Apolo ya curu majarã áhraa gua," arãyoro gajirã. Eropirã gajirãpũ daja, "Pedro ya curu majarã áhraa gua," arãyoro mua. Eropirã gajirãpũ daja, "Gua tamera Cristo ya curu majarã áhraa gua," arãyoro mua.

¹³ Mua eropa arĩquerecũ ta yũhu õpa werea muare: Cristo ya curu majarã yuju curu ta áhraa mari. Eropirã mari basi yujurãyeri dũca warimasibea mari. Yuju curu ta árĩrã iiaa mari. Yũhu Cristo árĩbeaa. Igu iidiro dopa mua ya dipuwajare crusague sĩridigu árĩbeaa. Eropigu muare gajigu waĩyegu yaha waĩ mera waĩyebeari. Cristo ya waĩ mera waĩyecumi muare.

¹⁴ Muare mua mera majarã sãre waĩyebiribu yupu. Crispore, Gayo sãre erã dihtare waĩyebu yũhu. "Pablo waĩyenirã dihta áhraa," arĩmasibea mua. Eropigu gajirãre waĩyebiridigu yu árĩgu "Óhaa," arĩ pepia Goãmure.

¹⁵ Bajarã masare waĩyedigu yu áricũ "Pablo ya waĩ mera Igu waĩyemi guare," arĩboaya mua. Eropa arĩrã Jesucristore umupeobirã mua yũpũre umupeoboaya. Eropigu irire gamebirabu.

¹⁶ Estéfana ya wihi majarã sãre waĩyebu yũhu. Erã nucu ta waĩyebu yũhu. Gajirã yu waĩyenirãre guñabirica.

¹⁷ Cristo yare obeogu, gajirãre waĩyebure apibirimi Igu yure. Óari buherire werebupũre apimi Igu yure. Iri õari buheri "Cristo Igu crusague sĩriñumi," arĩ buheri masare gohrotori buheri áhraa Goãmũ yare erã iiburire. Eropigu yũhu irire buhegu gajigu õaro masarigu iro dopa buhebeaa. Masa erã masiri mera buhebeaa. Yũhu eropa yu ejatuharo mera buhecũ mua õari buheripũre umupeobiriboaya.

Goãmũ Igu turarire Igu masiri sãre opagu áhrimi Cristo, arĩ gojañumi Pablo

¹⁸ Peamegue dederemorãpu iri buheri "Cristo crusague Igu sĩridi árĩmi," arĩ buherire peerã õpa arĩma: "Pee masibirã ya buheri áhraa," arĩmaacãma. Maripũ Cristo Igu

taumora árirá òpa aráa: “ ‘Crusague İġu marire síridi árími,’ arí buheri tura áhrraa. Iri buheri mera Goámũ marire gohrotomi,” aráa mari.

¹⁹ Eropa ta aríñumi Goámũ İġu yare erá gojarapũgue:

Eropirá i yeba majará masare “Óaro masirá áhrraa,” erá basi arířäre erá masiripu duhpihuri áribeaa, arí ihmugũca yuħu, aríñumi Goámũ.

²⁰ Eropirá i yeba majará óaro masirá duhpihora áribeama. Erá pepiro dopa buherá sã duhpihora áribeama. Dohpaguere wereniguimehererá sã duhpihora áribeama. I yeba majará “Óaro masirá áhrraa,” aríñirá erá áriřuerecũ ta “Pee masibirá erá áhrraa,” arí ihmumi Goámũ eräre.

²¹ Goámũ tamera óaro masigu áhrrimi. İġu eropa árićũ i yeba majará erá ya masiri mera Goámũ yare ne masiũya mariroca eräre. Goámũ “Erá masiri mera yare masisome,” İġu arídiro dopa ta eropa wahabũ eräre. Ópa aríñumi: “Yaha óari buherire werecũ masa yare masirácoma,” aríñumi. Eropigu “Iri buheri pee masibirá ya buheri áhrraa,” ġajirá arířuerecũ, ġajirápũre erá óari buherire peerápũre Goámũ taumi. Cristore erá umupeocũ İaġu “Eräre peamegue waboniräre taugura,” arímũhtarũ.

²² Judio masa deyoro moarire ii ihmudorema erá iri buherire umupeoboro core. Eropirá griego masa judio masa áriřirá arířapũ erá pepiro dopa buhecũ ġahmema.

²³ Maripũ “Jesucristo mari ñeri iira dipuwaja crusague síridi árími,” arí buherire buhea mari. Iri buherire peerá judio masapu gamebeama. Eropirá iri buherire judio masa áriřirápũ “Pee masibirá ya buheri áhrraa,” aríma.

²⁴ Goámũ İġu yará áriřimorá İġu beye aĩnirápũ iri buherire pee ópa arí masima: “Goámũ masipehogu turagu áhrrimi. Cristo marire siribasara mera marire peamegue waboniräre Goámũ taumi,” arí masima. Erá judio masa, judio masa áriřirá sã eropa arí masima Jesu yará arířirá.

²⁵ Goámũ óaro masipehogu áhrrimi. “Goámũ pee masibigu áhrrimi,” masa arí pepiřuerecũ ta i yeba majará tauro óaro masipehogu áhrrimi. Eropigu “Turabigu áhrrimi,” masa arí pepiřuerecũ ta erá wegague turatarinugagu áhrrimi İġu.

²⁶ Yu acawererá, Goámũ muare İġu beyeboro core mua arímũhtarare ġuñaque. I yeba majará “Óaro masirá áhrraa,” erá aríñirá watopegue Goámũ muare bajameráġã dihtare beye aĩdi árími. Eropirá masa tırá opará sã aríñirá bajameráġã áhrraa mua Jesu yará.

²⁷ I yeba majará “Pee masibirá áhrraa,” erá aríñirá watopepure muare Goámũ beye aĩdi árími. Eropa beyedi árími “Óaro masirá áhrraa,” erá aríñirá erá masibirá dujaboro dopa. Eropigu i yeba majará “Turabirá, doyará áhrraa,” erá aríñiräre Goámũ aĩdigu árími doyarirápũ erá doyará dujaro dopa.

²⁸ Masa erá İadiabiräre “Duhpihora áribeama,” aríma. Erá eropa aríñiräre bu arířäre Goámũ İġu yará áriřimoräre aĩdigu árími muare. Eropa aĩġu i yeba majará oparäre, ġahyadjaräre, “ġuapũ bu arířirá áhrraa,” erá aríćũ iĩġu iĩmi Goámũ eräre.

²⁹ İġu eropa iicũ i yeba majará ne yujugu İġu gamero mera “Yu tamera turagu, óaro masigu áhrraa,” arí tarinũgamasibeamĩ Goámũ İġu İacũ.

³⁰ Goámũ marire Jesucristo yará aríćũ iĩmi. İġu yará arířirá ġũũri nũcũ Goámũ mera arířiraca mari. Jesucristopũ Goámũre óaro masicũ iĩmi marire. Eropigu mari ñerire cõaġu marire óarire gohrotocũ iĩġu áhrrimi. Eropigu marire peamegue waboniräre taubu áhrrimi.

³¹ İġu eropa iicũ Goámũ yare erá gojarapũ İġu arí ġojadiro dopa ta eropa wahaa. Ópa arí ġojañuma: “ ‘Yu gamero masipehogu áhrraa,’ aríġu irire arířiracãporo. Ópa arířoro: ‘Mari Opũ masipehogu ta áhrrimi,’ arířoro İġu,” arí ġojañuma Goámũ yare erá gojarapũgue.

2

Cristo crusague İġu sírira buheri áhrraa i, arí ġojañumi Pablo

¹⁻² Yu acawererá, mua pohro wabu ópa arí pepibũ yũpũ: “Erá mera aríġu Jesucristo crusague síridigu waĩpeo İġure erá masiburi dihtare buheġura eräre,” arí pepibu muare. Eropigu mua pohro aríġu Goámũ yare muare buhebu. Goámũ yare muare buhegu, weretarinugagu iro dopa “Masitarigu áhrraa,” arí buhegu iibiribũ.

³ Eropigu mua mera aríġu bu aríġu iro dopa arířũ yũħu. Eropigu yare umupeori aríġu doyañariro dopa buhebu yũħu.

⁴ Eropigu Goámũ yare buhegu “Masipehoa yũħu,” aríġu weretarinugagu iro dopa buhebiribũ. İġu yare buhecũ Espiritu Santo İġu turari mera muare iri buherire umupeocũ iĩmi.

⁵ Eropa ta arī buhebu yūhu muare masa erā gamero erā ya masiripure mua gamebiriboro dopa. Goāmūpūre mua umupeoburire eropa arī buhebu yūhu “Goāmū turagu āhrimi,” mua arīboro dopa.

Espiritu Santopū Goāmū ĩgū árīcūrīre buhemi marire, arī gojañumi Pablo

⁶ Eropirā Goāmū ya buherire Jesure ōaro umupeorāguere werea gua. Iri buheri masiri ta āhraa. I ũmū maja masa erā gamero erā masiri iro dopa árībeaa i muare gua buheri. I yebare dorerā ya masiri sā árībeaa. Erā masiri i ũmū mera pehrero iiaa.

⁷ Goāmū ya masiripure werea. Iribojegue i buherire ne masisūya mariyoro. Negohraguere mari ōaro árīborore Goāmū arī pepituhajamūripū. Marire peamegue wabonirāre ĩgū tauborore, ĩgū mera mari árīboro sāre “Masare eropa ta ĩgura,” arī pepiyupū.

⁸ ĩgū masare ōaro arī pepirare i ũmūre dorerā masibiriñuma. Irīre ōaro masirā, mari Opūre Goāmū magū gohrare crusague pabia wejēbiriboañuma erā.

⁹ Erā eropa masibirirare Goāmū yare erā gojarapūgue ōpa āhraa:

Árīpehrerā Goāmūre mahirā ya árīburire Goāmū ōaro amubasayutuhapū. Iri ĩgū amubasarapūre masare masima masiya mara. Ne gajino iro dopa ĩaya mara irire, arāa Goāmū yare erā gojarapūgue.

¹⁰ Iri eropa arīquerecū ta Espiritu Santopū Goāmū yare, masisūya marirare masicū ĩimi marire. Árīpehreri Goāmū yare ĩgū pepira sāre Espiritu Santo masipehomi. Eropa masigu ĩgū marire irire masicū ĩimi.

¹¹ Ne gajirāpū masu ĩgū pepirire masibeama. Masupū ĩgū seyaro ĩgū guñarigue ĩgū pepirire masimi. Eropa ta masa Goāmū ĩgū pepirire ne masibeama. Espiritu Santo dihta ĩgū pepirire masimi.

¹² Eropirā mari Jesu yarā árīrā erā i ũmū majarā Jesu yarā árībirā erā pepiro dopa pepibeaa. Goāmū ĩgū Espiriture ohomi maripūre ĩgū pepiro dopa mari pepiburire. ĩgū marire ōaro ĩgū orare masicū ĩimi Espiritu Santopū.

¹³ Eropirā Goāmū yare muare buherā, masa ya masiri mera gua gamero buhebeaa gua. Espiritu Santo ĩgū gamero dopa ĩgū guare wereniguidoreripūre muare buhea. Eropa buherā Espiritu Santo gamero dopa Goāmū yare ōaro buhea gua ĩgū yarāre.

¹⁴ Espiritu Santore opabirāpū irire Espiritu Santo yare erāre buhecū, “Pee masibirā wereniguirī āhraa,” arīma erā. Eropirā gamebeama. Espiritu Santo ĩgū itamuro mariro ĩgū yare masima masiya mara masare. Eropirā erā ĩgū yare ne masibeama.

¹⁵ Espiritu Santore oparāpū Goāmū yare ōaro masima. Gajirāpū erāre “Pee masibirā āhrima,” arīmasibeama Espiritu Santore oparāre.

¹⁶ Ōpa arāa Goāmū yare erā gojarapūgue: “Ne yujugū ĩgū gamero mera mari Opū ĩgū guñarire masigu ne marimi. Eropirā ĩgure masa ne buhemasibeama,” arāa ĩgū yare erā gojarapūgue. Maripū Cristo yarā árīrā, Cristo iro dopa masia.

3

Jesu yarā yujuro mera Goāmū mohme corerā āhrima, arī gojañumi Pablo

¹⁻² Yū acawererā, muare buhegu Espiritu Santore ōaro yūhrirāre yū buhediro dopa buhemasibiribū mūapūre. Mūa pepiri Espiritu Santo opabirā pepiro dopa árībū. Cristo yarā mūa árīquererā ta ĩgure ōaro yūhrirā árībirā majirāgā erā pee masibiro dopa ta Goāmū yare ōaro pee masibiribū mūapū dohpa. Eropa mūa pee masibiricū ĩagu Goāmū yare ōarire buhenemomasibiribū mūare. Eropigū majirāgāre apico dihtare mari oro dopa ta diasabiriri buheri dihtare buhebu daja muare. Dohpague sāre mūararo ta masinibeaa dohpa mūa.

³ Ōpa ĩirā iiaa mūa Espiritu Santore yūhribirā. Mūapū mūa mera majarāre ĩadiabirā, erā gajinore opacū ĩhaturirā, mūa basi yujurāyeri cururi Yū acawererā, muare buhegu Edūca warirā iiaa. Eropirā Espiritu Santore opabirā Cristore gamebirā iro dopa ĩirā iiaa mūa. Eropirā Goāmū yare ōaro peebeaa mūa.

⁴ Ōpa āhrayoro mūa. “Pablo ya curu majarā āhraa gua,” arāyoro mūa yujurāyeri. Eropirā gajirā mūa mera majarāpū “Apolo ya curu majarā āhraa gua tamera,” arāyoro mūa. Eropa arī dūyasorā Espiritu Santore opabirā iro dopa arī wereniguiā mūa.

⁵ ¿Yūhū Pablo, Apolo mera duhpimorā āhriri gua mūa pepicū? Árībeaa. Goāmūre mohme corerā āhraa gua. Guare ĩgū ĩdorero dopa ĩimorā āhraa. Eropirā gua muare buhecū peerā Jesucristore umupeonagabū mūa.

⁶ Ōari buherire buherā pohegue mohme corerā iro dopa āhrima mari werenigui queori mera buhecū. Pohegue ĩgū otemuhtadiro dopa ta yūhū muare Goāmū yare buhemuhtabū. Eropigū gajigū ĩgū pohere ĩhadiburo dopa ta Apolopū yū pūhrū muare

buhenuyasiami. Gua eropa buhequerecū ta pohe maja yucure iri bugacū ĩgu iidiro dopa ta Goāmupū muare ĩgu yare masinemocū iimi.

⁷ Eropigu yu buhemuhtadi árĩqueregu ta bu árĩgu āhraa. Eropigu Apolo yu puhru buhenemodi sã bu árĩgu ta āhrimi. Goāmū tamera ðagu āhrimi. ĩgupu muare ĩgu yarã árĩcū ĩgure masinemocū iimi. Eropirã Goāmupure umupeoro gahmea muare.

⁸ Otemuhtagu puhru pohere ĩhadibugu yujuro mera mohme corerã āhrima erã. Eropirã erã nucu erã mohmediropē ta wajatama erã. Eropa ta āhraa gua Apolo mera.

⁹ Eropirã gua Goāmū yare mohme corerã āhraa. Eropa gua mohme corerã Apolo yu mera majagu āhrimi. Muapu Goāmū ya pohe iro dopa ta āhraa. Mua eropa árĩcū Goāmū ya pohe iri maja yucure ĩgu buganemocū iidiro dopa ta muare ĩgu yare masinemocū iimi ĩgu.

Eropigu Goāmū muare ĩgu yarãre ðarã árĩcū iigu iimi. Eropirã mua Goāmū mohmeri wihi iro dopa āhraa mua gajĭ werenigui queori mera werediacy.

¹⁰ Yure Goāmū ĩgu itamuro mera yupu wihi iimehregu borari ĩgu nugumuhtaro dopa ta Jesucristo yare muare buhemuhtabu. Eropigu iri weca gajĩgu ĩgu peoturia mariaro dopa ta gajĩgu yu puhru buhenemogu iimi. Eropa buhenemogu ðaro guhyadiaro mera Goāmū yare buhero gahmea ĩgure. Queoro buhero gahmea.

¹¹ Wihire iirã borarire nugumuhtabiricū wihi iima masiya mara. Eropa ta Cristore buhebiricū ĩgu yarã wacū iima masiya mara. Cristo mari ya dipuwajare sĩribasare muare buhetuhajabu. Eropirã mua Jesucristore umupeorã Goāmū yarã watuhajabu. Mua eropa árĩrãguere gajĭ buherire buhema masiya mara mua Goāmū yarã wamorãre.

¹²⁻¹⁵ Goāmū yarãre buhenemorã āhrima. Erã watope gajĩrã queoro buhema. Gajĩrã queoro buhebeama. Queoro buheri oro, plata, waja pagari ufãyeri iro dopa āhraa. Queoro árĩbiriri buheripu yucu, taa, ñaira pūri iro dopa āhraa. I umū pehrerinari árĩcū Jesucristo dujarigu mari buhera queoro árĩcū ĩhmugucumi. Mari buherare soeñaqu iro dopa ta queoro árĩcū ĩhmugucumi. Eropiro oro, plata, waja pagari ufãyeri soecū ũjũbiro dopa ta mari buhera queoro ta árĩro dujaroca ĩgu ĩacū. Eropa mari queoro buhenirã mari árĩcū ðaro mari buhera waja wajayegucumi. Eropa ta yucu, taa, ñaira pūri soecū ũjũpehrero dopa ta mari buhera queoro árĩbiro pehreroca ĩgu ĩacū. Eropigu queoro buhebirinirã mari árĩcū ĩagu marire wajayesome. Erã eropa árĩrã erã wajatabiriquerecū Goāmū erãpure taugucumi. Eropirã eropa queoro ðaro buhebirinirã merogã mera tarirãcoma. Eropirã wihi ũjarisubu tariro dopa tarirãcoma.

¹⁶ Mua Jesu yarã mera Espiritu Santopū mua mera āhrimi. Eropirã mua Goāmū ya wihi iro dopa āhraa. ¿Irire masibeari mua?

¹⁷ Eropirã mua Goāmū ya wihi árĩro dopa árĩrã ĩgu yarã gohra āhraa. Eropigu ĩgu yarãre yujugu ĩgu goroweocū Goāmū peamegue dedeogucumi ĩgupure.

¹⁸ Irire ðaro masiqe mua. Mua basi pee wisibiricãque. I umū maja buherire opagu “Masitarinugagu āhraa,” arĭ pepibocumi. Eropa arĭ pepigu mua mera majagu árĩgu, “Yũhu Goāmū masiri mariro pee masibigu āhraa,” arĭ pepiporo ĩgu. ĩgu eropa arĭ pepigu diaye ta ðaro masigu wagucumi.

¹⁹ I umū maja masa erã gamero erã basi masiri “Bu gohra ta āhraa,” arĭ pepimi Goāmū. Eropa ta werenemoa Goāmū yare erã gojarapū. Őpa arĭ gojara āhraa: “Erã gamero masirã erã pepiri mera ‘Őpa iirãra,’ erã arĩrare gajĩropa wacū Goāmū iimi,” arãa Goāmū yare erã gojarapū.

²⁰ Eropi gajĩpũgue ðpa arãa daja: “Masa erã gamero ‘Masipehorã āhraa,’ erã arĭ pepiri duhpiburi árĩbiricū masimi mari Opū Goāmupū,” arãa Goāmū yare erã gojarapũgue.

²¹⁻²² Eropirã “Pablo ya curu majarã āhraa gua,” arĩrã, “Apolo ya curu majarã āhraa gua,” arĩrã, “Pedro ya curu majarã āhraa gua,” arĩrã arĩbiricãque mua pare. Gua árĩpehrerã mua ya árĩburire iirã dihta āhraa. Goāmū árĩpehreri mua ya árĩburire otuhajadigu árĩmi. ĩgu ĩhacũnugurare mua ya árĩburire odigu árĩmi muare. Muare ojocaricū iimi mua ya árĩburire. Eropigu sĩricū sãre iigucumi mua ya árĩburire. Dohpague mua árĩrĩre, puhrugue mua árĩburi sãre ogucumi. Eropirã árĩpehreri mera āhraa.

²³ Eropirã muapu Cristo yarã āhraa ĩgu ya árĩburire iimorã. Eropigu Cristopū Goāmū yagu āhrimi ĩgu ya árĩburire iibu. Eropirã “Gua tamera Pablo ya curu majarã āhraa,” arĩbiricãque mua pare.

4

Cristo ĩgu yare ĩgu buhedoregu ĩgu apinirã erã mohmerire werepu Pablo

¹ Ōpa arī pepique mua yare, Apolo säre: Eropa ta erā Cristore mohme corerā āhrima. Eropirā “Masa erā masibirirare Goāmu yare buhedore Īgu apinirā āhrima,” arī pepique mua.

² Yujugu Īgu ya āriburire iidore apinirāre Īgu gamero dopa ta ii corero gahmea erāre. Yu säre eropa ta ii corero gahmea Cristo Īgu gamerire.

³ Mua yare werewuaquerecū eropa pepicāa yuhu. Gajirā masa erā yare werewuaacū säre eropa pepicāa yuhu. Yu iirire ĩarā “I ōari āhraa. I űeri āhraa,” arī beyemasibea mua yare. Yu basi āriqueregu yu iirire ōaro beyemasipehobea yu sā.

⁴ Ōpa arī pepia yuhu. “Mari Opu yare Īgu apidiro dopa Īgu gamerire iipehorabu yuhu,” arī pepia yuhu. Yu ōpa arī pepiquerecū ta yu arī pepiri diaye āribiriboca. Mari Opu Cristo dihta yu iiricurire ĩagu ōaro masimi yu Īgu yare ōaro iicū.

⁵ Eropirā mari Opu Īgu dujariboro core masare erā iirare arī werewuabiricāque. Īgu dujarigu masa erā iirare iribojegue gajirā erā masibirirare Cristo deyro moagucumi. Eropirā mari iidiarare Īgu masicū iigucumi gajirā masare. Irisubu ta mari nūcere Īgu yare mari iidiro dopa ta “Irire ōaro iibu,” arīgucumi Goāmu marire.

⁶ Yu acawererā, yuhu Apolo mera gua āricurire werebu yuhu muare buhebu. Eropa werebu Goāmu Īgu yare Īgu gojarapū Īgu arīdirore mua tarinugabiriboro dopa. Eropa tarinugabirā ārirā mua yujurayerire umupeobiricāque. Mua eropa iibirā āritarinugadiarā iiaa.

⁷ Mua eropa iibiriboro dopa gua iirare werebu muare. Mua eropa tarinugadiaquererā muapu gajirā tauro ōarā ārĭbeaa mua. Goāmu muare Īgu ora dihtare opaa mua. Eropirā Īgu muare masicū iira dihtare masia mua. ĩMua gamero oparā, mua bocatiuro masirā āribiriquererā ta, duhpirā “Masipehorā āhraa,” arīri mua? Eropa arīrā “Goāmu guare obirimi. Eropigu guare masicū iibirimi,” arīdiarā dopa ta iiaa mua.

⁸ Muapu “Āripehrerire opaa gua. Guare űehe duhyabaa,” arīraa mua. Eropirā gua mua pohro āribiricū ōpa arī pepiraa: “Oparā iro dopa masirā āhraa gua,” arī pepiraa mua. Diaye ta oparā iro dopa mua masipehorā āricū muare ōatariaboya. Mua eropa āricū mua mera gua sā oparā iro dopa masipehorā āriboya. “Masirā āhraa gua,” arī pepirā, ĩōaro arī pepiri mua? Ōaro pepibea yu ĩacū.

⁹ Ōpa arī pepia yu tamera: Goāmu guare Jesu Īgu yare buhedore apinirā doca maja curu apimi guare. I yeba majarā masa, anyua sā gua űero taricū guare ĩamurima eropa wacū.

¹⁰ Cristo yare gua buhecū ĩarā, “Pee masibirā āhrima,” arīma masa guare. ĩMuapu Cristo yare ōaro pee masirā āhriri mua? “Turabirā, bu ārirā āhrima,” arīma masa guare. ĩMuapu ōaro turarā āhriri mua? Mua basire umupeoa. Guapure masa ne umupebeama.

¹¹ Guapu dohpaguere űero tarirā, oaboarā, űemesiburā, űeri suhricurā, wiri moorā āhraa. Eropirā guare gajirā umupeobirā, guare pabiramurima.

¹² Eropirā gua buhenigiquererā teboricurā ārirā gua āriburi majare gua baburi säre mohmea. Eropirā gajirā guare erā űero werenigiquerecū ta guapu Goāmure ōaro erā āriburire serēbasaa. Eropa iirā gajirā guare űero iimorā erā nūraquerecū ta eropa pepicāa gua.

¹³ Eropirā “űero iirā āhrima,” guare erā werewuaquerecū ta guapu erāre ōaro wereniguia erā ōaro āriburire. Eropirā erā burigā dohoma guare. Iribojegue eropa iinugama. Dohpague säre muraro ta iima guare.

¹⁴⁻¹⁵ Muare ōari buherire buhemuhtabu. Eropa buhecū mua peecū Jesucristo muare Īgu yarā wacū iidi ārimi. Eropa muare buhedigu mua pagu iro dopa ta wahabu yuhu. Bajarā muare Cristo yare buherā erā āriquerecū ta muare buhemuhtagu yuhu yujugu ta āhraa. Eropigu yuhu yujugu ta mua pagu iro dopa āhraa. Eropigu muare guhyasiricū iibu ire gojagu iibea. Yu porā yu mahirāre muare werebu ire gojaa yuhu.

¹⁶ Eropigu ire turaro muare werebu iiaa yuhu. Yare ĩhacūque mua sā.

¹⁷ Mua eropa iicū gamegu mua pohro Timoteore obeogu iiaa. Īgu yu magu iro dopa yu mahigu mari Opu Jesucristo yagu āhrimi. Eropigu Cristo gamero dopa iiniguigu āhrimi Īgu. Timoteo mua pohro ejagu Jesucristo yare yu iidiro dopa muare guñacū iigucumi mua sā eropa iiboro dopa. Jesu yarā pohrogoe noho wagu Jesucristo yare erā iiburire buhenigicāa.

¹⁸ Yujurayeri mua mera majarā oparā ārirā ōpa arāñorā: “Pablo mari pohroguere arisome,” arī pepirañorā erā.

¹⁹ Goāmu gamecū mua pohrogoe dohparagā ta ejaguca. Eropa ejagu erā oparā ārirā ōpa arīrāre ĩagura. Eropigu erā Goāmu turari opacū ĩagura yuhu.

²⁰ Goãmu mari Opu àhrimi. Mari arí weretarinugaquerecũ ta Ìgu yare mari iibircĩ mari wereniguri duhpiburi áribeaa. Ìgu turari mera Ìgu gamero dopa iicũ gahmeni.

²¹ ¿Mua pohrogue mua ya dipuwaja dipuwaja moagu yu wacũ dopa mari yare? ¿O mua ðaro iira waja mucubiriri mera waro gahmeri mua yare?

5

Corinto majarã erã ñeri iirare werepu Pablo

¹ Gajirã ðpa arí querecuma guare: Yujugu mua mera majagu Ìgu buamore ta marapocu waicumi. Eropa ta arí werema masa guare. Erã eroparicũ pe maria wahabu. Gajirãpu Goãmure masibirã áriquererã erãpu eropa iirã áribeama.

² Mua mera majagu Ìgu eropa iiquerecũ ta mua pu “Ótariarã àhraa gua,” arí pepiraa. ¿Duhpirã Ìgu eropa ñeri iirare masiquererã ta guhyasirisãbeari mua Ìgure? Eropa ñero iigure mua Jesu yarã mera majagure cóãcãque mua.

³⁻⁴ Yuhu mua mera áribiriqeregu ta yu guñari mera mua mera árigu iro dopa àhraa yuhu. Eropigu mua mera árigu yu áribodiro dopa ta ñero iigure Ìgu eropa ñero iira dipuwaja, dipuwaja moadoretuhaa yuhu. Jesucristo Ìgu dorero mera ta eropa iidorea. Eropa mua Jesu yarã gamenererã yu guñabeori merague yuhu mua mera áricũ, mari Opu Jesu Ìgu turari mera

⁵ Ìgure ñero iigure cóãque. Watí mera Ìgu ñero tariborero apique. Eropa ta cóãque Ìgure Ìgu ñero tariri mera ñerire Ìgu uaribejarire Ìgu gohrotoboro dopa. Mari Opu Jesucristo Ìgu dujaririnu ñero iidigu muru Jesu mera Ìgu ðaro tariboro dopa dohpaguere Ìgure eropa apinique, arãa yuhu.

⁶ “Óaro àhraa gua,” mua aríquererã ta ñero iirã iica mua. Ñero iigu Ìgu ñerire mua eropa iacãrã, áripehleri ñeri muare ii Ìmucũ áripehleri ñero iirãca. Eropiro áripehleri ñeri sehya wa mua árirogue. Panre buagacũ iiri pohga ðaro seyanugajaro dopa ta iri ñeri ðaro seyaroca muaguere. ¿Irire masibeari mua?

⁷ Yu acawererã judio masa Pascua áricũ ovejare wejẽmurima erã ñeri iira dipuwajare Goãmure cãdijidorerã. Oveja siriidiro dopa ta Cristo mari ñeri dipuwajare siribasadi árimi. Ìgu eropa siribasarañe mera mua ñerire cóãñirã àhraa. Irire guñarã mua pu ñero iigure mua mera majagure cóãque ñeri mua watope mariboro dopa.

⁸ Iribojegue ñerire ìhacũ iinirã áribibu mari. Eropirã dohpaguere mari ñerire cóãñirã árirã mari ñerire uaribejaro mariro, ñero iiro mariro árirã. Iribojegue mari ñerire iimuridiro dopa ta iibircãrã. Eropirã ðiaye maja ðaro wereniguri mera, ðaro iiricuri mera árirã pare.

⁹ Muare yu gojabeorapũre nome mera ñero iirã, ñerire iimajiñajarã mera ne wapidorebiribu.

¹⁰ Eropa arigu “Jesu yarã áribirã mera áribircãque,” aribiribu. Eropigu “Nome mera ñero iirã mera, gajinore turaro gamenemocãrã mera, yajaricurã mera, goãmarã wãanirãre umupeorã mera áribita,” aribeaa. I yebare eropa árirã mariro Jesure gamebirã mariro mari dihta árimasibeeaa. Áripehlerogue àhrima erãpu ta.

¹¹ Eropigu muare gojabeogu ðpa arí doreribu: “Mua mera majarã Jesu yarãpu erãpu ñerire iicũ ìha erãpure wapidubircãque,” arí goja doreribu. Eropirã mua mera majagu “Jesu yagu àhraa,” Ìgu arigu áriqeregu ta nome mera ñero iigu, gajinore turaro gamenemogu, goãmarã wãanirãre umupeogu, ñero quere moa coregu, merericugu, yajaricugu Ìgu áricũ Ìgure wapidubircãque. Eropirã eropa iigu mera ne babircãque.

¹²⁻¹³ Jesu yarã áribirãpuere Goãmuru dipuwaja moagucumi. Eropigu Jesu yarã áribirãre erã ñero iiri dipuwaja moadoregu áribeaa yuhu. Eropa iibircãro gahmea yare. Eropa ariquerecũ ta mari Jesu yarã watope mari ñero iira dipuwajare moaro gahmea mari basire. Eropirã mua Jesu yarãpu mua mera gamenererã mua basi mua iirare ìha masiro gahmea muare. Eropirã yujugu mua mera majagu Ìgu ñero iicũ ìarã Ìgure dipuwaja moadorero gahmea muare. Eropirã Goãmure yare gojarapũgue aridiro dopa mua pu mua mera majagure ñero iigure dipuwaja moaro dopa iirã Ìgure cóãque.

6

Jesu yarãre weresãrare werepu Pablo

¹ ¿Mua basi game dũyatorire duhpirã Jesu yarã áribirã pohrogue amudorerã wahari mua? Jesu yarãre mua mera majarãre weresãdiarã gajirã Jesu yarãre iire werero gahmea muare. Eropirã Jesu yarãpu amubasaporo.

² Pehrerinu áricũ mari Jesu yarãpu mari áripehrerã masa erã iirare beyerãca. ¿Irire masibeari mua? Eropirã pehrerinu áricũ masa áripehrerãre beyemorã árirã, dohpague sãre amumasia mari. Eropirã dohpague gajiropa wacũ sãre amumasia mari.

³ Anyua erã iira sãre beyerãca mari. ¿Irire masibeari mua? Mari eropa anyuare beyemorã árirã diaye ta dohpague sãre Jesu yarã erã iirare iarã beyemastica mari.

⁴ ¿Eropirã duhpirá mua mera majarãre weresãdiarã Jesure gamebirã, “Bu árirã” mua arĩrã pohrogue amudorerã wahari mua?

⁵ Ire arĩgu iiaa mua guhyasiuro mua tariborore. Mua duyasorire werebu ðaro masĩgu áricumi mua watopere, yu arãa.

⁶ Ĩgu eropa áriquerecũ ta mua mera majagu Jesu yagu gajigu ĩgu acaweregure weresãdiagu Jesu yarã áribirãre beyedoregu wahami.

⁷ Masare beyegu pohrogue mua acawererãre weresãrã Goãmu gameripure tarinugarã iiaa mua. Gajigu mua mera majagu muare ñero ĩgu iicũ eropa ĩacãboaya mua. Jesu yarã áribirãre mua weresãbiriborore mua acaweregure muare ĩgu ñero iirare mua eropa ĩacãcũ ðatariaboaya. Jesu yagu muare ĩgu yajacũ ĩgure mua weresãboro core ĩgu muare yajarare mua eropa ĩacãcũ ðaboaya.

⁸ Mua eropiibea. Gajirãre ñero iirã áhraa mua sã. Yajarã ta áhraa mua sã. Jesu yarã mua acawererã erã áriquerecũ ta erãre ñero iirã, yajarã iiaa mua.

⁹ Eropa iirã Goãmu ĩgu opu áriroguere wamasibeamã. ¿Irire masibeari mua? Pee wisibiricãque mua. Opa iirã Goãmu pohroguere wasome: Gajirã nome mera ñero iirã, goãmarã wãanirãre umupeorã, gajigu marapore marapocurã, gajigu marapu mera ñero iirã nome, uma seyaro erã dupuri mera ñero iirã, nome sã eropa ta iirã,

¹⁰ yajarã, gajinore turaro gamenemorã, merericurã, gajirã masare ñero quere moa corerã, guyarĩ mera yajarã ne Goãmu ĩgu opu áriroguere wamasibeamã.

¹¹ Iribojeguere mua yujurãyeri eropa iirã árĩyoro. Eropa iinirã mua áriquerecũ ta dohpaguere mua ñero iirare cõátuhami Jesucristopu. Eropa ĩgu taunirã mua áricũ ĩgu yarã árimorã iimi Goãmu muare. Eropa ĩgu “Oarã áhrima,” arĩ ĩhami ĩgu muare. Eropa ta iimi muare mari Opu Jesucristo mera, Espĩritu Santo mera.

Mari dupu ðarire iiburi dupu áriro iiaa, arĩ gojañumi Pablo

¹² “Goãmu iidorebirira áripehreri iimasiri áhraa yure,” arĩmi Pablo,” arãa mua yure. Yu iimasipehoqueregu ta, yu iiri yure gajirã sãre itamubiricũ ĩha irire iibea. Eropa ta áripehreri iimasiri áhraa yure. Eropa iimasiqueregu ta yujuyerisuburi irire eropa ĩpogu duhumasibiriboca, arĩgu irire iisome yuhu.

¹³ Mari bari mari paru maja áriburi ta áhraa. Eropiro “Mari paru bari dicuburiduru paru áhraa,” arãa mua yujurãyeri. Mua eropa áriquerecũ ta puhru Goãmupu mari barire mari paru sãre iri pehrea wacũ ĩgucumi. Eropirã mua yujurãyeri “Mari dupupu mari uaribejari iiburi dupu áhraa,” arĩraa mua. Eropa áribeaa. Mari dupu uaribejari iiburi dupu áribeaa. Mari dupupu mari Opu ya áriburire iiburi dupu áhraa. Eropigu mari Opu mari mera áhrimi mari ĩgu yare ðaro iiboro dopa.

¹⁴ Eropigu Goãmu ĩgu turari mera mari Opu Cristo dupu murarore masupu. Eropa ĩgure masudiro dopa ta mari dupu sãre masugucumi ĩgu.

¹⁵ ¿Mua ya dupu Cristo ya dupu áriro iro dopa áricũ masibeari mua? ¿Cristo ya dupu áriro iro dopa árirã nomeo ñero ĩricũgo mera mari áricũ ðhari mua pepicũ? Óabirigohracãca.

¹⁶ Ñego mera yujugu igo mera áricũ ĩgu dupupu igo ya dupu mera áriro yuju dupu iro dopa ta áhraa. ¿Irire masibeari mua? Eropa arĩ gojara áhraa Goãmu yare erã gojarapũgue. Opa arãa: “Nomeo umu mera árirã perã áriquererã yuju dupu iro dopa wahama,” arĩ gojamurĩñumi.

¹⁷ Mari Opu ĩgu yarã mera áhrimi. Eropigu yujugu ĩgu mari Opu mera perã áriquererã yujugu iro dopa áhrima erã guñari mera.

¹⁸ Eropirã nome mera ñero ĩire, uma mera ñero ĩire uaribejabiricãque. Irire mua uaribejabiriboro dopa ta irire duhrigã waque. Gaji ñerire mari iira mari dupurire mari goroweobea. Nomeo mera ñero ĩgupu ĩgu dupure ñetariaro goroweomi.

¹⁹ Espĩritu Santore marire ohomi Goãmu. Eropigu mari dupu mera wihicumi Espĩritu Santo. ¿Irire masibeari mua? Eropirã mua dupu mua ya dupu gohra áribeaa. Goãmu ya dupu áhraa.

²⁰ Mua ĩgu yarã árimorãre mua ñeri dipuwajare wajayedigu árimi Cristo. Eropirã ĩgu yarã árirã mua dupu mera Goãmu ĩgu gamero dopa ta ĩque. Eropa iirã Goãmure umupeorã iiaa mua. Eropirã gajirã sãre ĩgure umupeocũ iirã iiaa.

7

Mojoto diririre werepu Pablo

¹ Dohpaguere mua yure serēpi gojarare yu sã muare yuhrigura. Masu marapo maricũ sãre õhaa yu iacũ.

² Iri eropa árĩquerecũ ta ero mua árĩro baja uaribejari ahraa. Eropirã uma erã nucũ nome marapocũporo gajirã nome mera erã ñero iibiriboro dopa. Eropirã nome sã erã nucũ marapocũporo gajirã uma mera erã ñero iibiriboro dopa.

³ Eropigu marapocũgure ĩgu marapore õaro iiro gahmea. Igo marapu sãre eropa ta iiro gahmea.

⁴ Marapocũgo igo dupu igo ya dihta árĩbeaa. Igo marapu ya sã ahraa ĩgu ĩhadiburo dopa. Igo marapu sãre ĩgu dupu ĩgu ya dihta árĩbeaa. ĩgu marapo ya sã ahraa igo ĩhadiburo dopa ta.

⁵ Mua perã árĩburire “ĩbiricãrã,” arĩbita. Gajisubu mua perã Goãmũ mera mua wereniguidiarã “I nucũ nuri duhunirã dohpa, Goãmũ mera wereniguirã dohpa,” yujuro mera eropa arĩrã duhumasia mua. Mua eropa duhura puhugã mua dipaturi mua eropa árĩniguidiro dopa ta árĩque daja watĩ ñero muare iidorebiriboro dopa. “Gajirã mera ñero iiboca,” arĩrã mua basi duhubita. Mua árĩmũhtadiro dopa ta árĩniguiicãque daja.

⁶ Ire muare dohpague yu arĩrare arĩgu muare dore gohrari mera dorebeaa. Eropa weregu iiaa mua iiburire mua masima õaro.

⁷ “Uma marapocũporo,” arĩquerecũ, árĩpehrerã mua yu iro dopa ta marapo marirã mua árĩcũ õaboaya yure. Mua eropa árĩcũ gamequerecũ ta Goãmũ mari árĩpehrerãre yujuropa iimasiburire apibeami. Yujurãyerire marapocũmasiburire marapocũmasiburire apimi Goãmũ. Eropigu ĩgu gajirãpũre marapocũmasibiriburire marapocũmasibiriburire apimi.

⁸ Eropigu marapo marirãre, marapu marirãre, wapeweyarãre õpa arãa: Marapo marirã, marapu marirã mua árĩmasirã, yu árĩro dopa árĩcũ õhaa.

⁹ Eropa árĩmasibirã turaro nomere gahmema. Irire turaro uaribejarã diaye ta marapocũcãporo. Nome sã marapocũporo. Mua eropa uaribejarã mua marapocũcũ õapũricãa. Eropiro marapocũcũ sãre õapũricãa.

¹⁰ Mua marapocũrãre, marapocũrã nomere õpa doea: Yaha doreri gohra árĩbeaa i. Mari Opũ Cristo ire doredĩ arĩmi. Mua nomepu mua marapu sumarãre cõabiricãque.

¹¹ Mua marapu sumarãre cõarã, marapu marirã dujaque. Dipaturi mua marapu árĩdigũ mera ahmu õaro árĩbiricũ daja marapu marirã dujaque. Eropirã mua uma sã mua marasã nomere cõabiricãque.

¹² Eropigu mua sãre gajirã sãre õpa arãa yuhũ. Mari Opũ ĩgu dorediro árĩbeaa i. Yuhũ ĩgu apidigũ õpa arãa muare: Yujurãyeri mua mera majarã Jesu yarãpu Jesure umupeobirã nomere marapocũrã ahraa. Eropigu õpa arĩ werea muare: Mua marasã nome mua mera erã dujadiacũ erã nomere cõabiricãque marapu.

¹³ Eropirã yujurãyeri mua mera majarã nome Jesu yarã nome Jesure umupeobirã mera marapocũrã nome ahraa. Mua marapu sumarã mua mera erã dujadiacũ erãre cõabiricãque.

¹⁴ Mua marapu sumarã Jesure umupeobirã erã árĩquerecũ ta Jesu yarã nomere erã marapocũcũ, Goãmũ õarã uma iro dopa ĩhami erãre. Eropirã mua umapu Jesu yarã mua árĩcũ mua marasã nome Jesure umupeobirã nome árĩbocoma. Erã eropa árĩquerecũ ta mua mera erã nome marapocũcũ Goãmũ õarã nome iro dopa ĩhami erãre. ĩgu eropa ĩbiricũ mua porã Jesure umupeobirã porã iro dopa árĩboũuma. Eropigu mua porã sãre õarã iro dopa ĩhami Goãmũ.

¹⁵ Eropirã mua umapũre mua marasã nome Jesure umupeobirã nome erãpu muare cõacũ õaroca. Mua nome sãre mua marapu sumarã Jesure umupeobirã erãpu muare cõacũ õaroca. Mari õaro dujacũ gahmemi Goãmũ. Eropirã erã eropa cõadiacũ “Yu mera dujaque,” erãre arĩdorebeamĩ Goãmũ. Eropirã mua erã marasã nome erã marapu sumarã árĩbeaa pare.

¹⁶ Mua uma mua marasã nome mua mera dujaquerecũ erã peamegue wabiriborore Jesure umupeocũ iimasibiriboca. Mua nome sã eropa ta Jesucristore umupeocũ iimasibiriboca mua marapu sumarãre. Eropirã erã muare cõadiacũ õaroca.

¹⁷ Opã ta iiro gahmea muare: Árĩpehrerã mua mari Opũ Cristo muare ĩgu árĩdorero dopa ta árĩque. Goãmũ muare ĩgu apirare ĩque mua. Irire árĩpehrero Jesu yarã gamenererãre eropa doreniguiica yuhũ.

¹⁸ Jesu yarã mua árĩboro core circuncisiõn iinirã gasiro mero wiri aĩnirã árĩrã eropa ta dujaque. Eropirã Jesu yarã mua árĩboro core gasiro merogã wiri aĩbirinirã árĩrã mua árĩro dopa ta dujaque.

¹⁹ Dohpaguere gasiro mero wiri aīnirā m̄ua árīcū duhpiburi árībeaa. Irire iibirinirā m̄ua árīcū s̄are gajiropa wasome. Goām̄u dorerire mari iicūp̄are iri tamera ōhaa.

²⁰ Eropirā Goām̄u Jesu yarā m̄uare īḡu aīcū irisubu m̄ua árīm̄uhtadiro dopa ta dujaque.

²¹ Goām̄u m̄uare Jesu yarā aīboro core gajirā pohro majarā m̄ua árīcū ōaroca. Eropa ta dujanique. M̄ua Op̄u īḡu m̄uare wiudiacū wirique m̄ua. M̄ua wiricū s̄are ōaroca m̄uare.

²² Ōpa arī pepique m̄ua: “Yuh̄u mas̄u pohro majagu wiribiriquereḡu ta dohpaguere Jesu yagu árīḡu, īḡu wiudigu iro dopa āhraa īḡu yare iiboro dopa,” arī pepique. Eropa ta gajirā Goām̄u Jesu yarāre aīcū masa pohro majarā m̄ua árībiriquererā ōpa arī pepique: “Dohpaguere Jesu pohro majagu āhraa yuh̄u,” arī pepique.

²³ Mari ñero dipuwajare mari īḡu yarā árīmorāre wajayetuhadi árīmi Cristo. Eropirā īḡu dorero dopa iique. M̄ua iiburire masa dorebircāporo.

²⁴ Eropirā ȳu acawererā, Jesu yarā árīmorā Goām̄u m̄uare īḡu aīcū irisubu m̄ua árīm̄uhtadiro dopa ta dujaque. Eropa dujarā Goām̄u mera ōaro árīque.

²⁵ Dohpaguere marapo marirāre, marap̄u marirā s̄are werediaa m̄uare. Ȳu wereburi mari Op̄u weredorediro gohra árībeaa. Eropa árībiriquerecū yuh̄u īḡu mojomoro iadigu, īḡu itamudigu árīcū m̄ua ȳu wererire ōaro mera peerāca. Ōpa werea m̄uare.

²⁶ Dohpaguere mari ñero tarirā iica. Eropirā m̄ua árīro dopa m̄ua dujacū ōhaa ȳure.

²⁷ Eropirā m̄uap̄u marapocurā, marap̄ucurā s̄a eropa ta dujaque. Erāre cōābircāque. Marapo marirā, marap̄u marirā s̄a m̄ua árīrā eropa ta dujaque. Marapore o marap̄ure amabita.

²⁸ Eropa yuh̄u m̄uare arīquerecū “Marapocugura,” arīcū gajiropa árībeaa m̄uare. Eropirā m̄ua nome s̄are marap̄ucudiacū ōaroca. Ōpa āhraa. Irisubu ñero taririsubu marapocurā, marap̄ucurā m̄uare teboricuburi dujaroca. Eropigu m̄uare eropa teboricuri arīḡu, marapo marirā, marap̄u marirā dujaque, arāa yuh̄u.

²⁹ Ȳu acawererā, eropa arīḡu ōpa arīdiagu iiaa. Mari ñero tariboro merogā duhyaa. Eropirā dohpaguere marapo marirā Goām̄u yare erā ōaro mohmemasiro dopa ta, ōaro mohmero gahmea marapocurā s̄are. Eropirā marap̄ucurā nome s̄are eropa ta Goām̄u yare ōaro mohmero gahmea.

³⁰ Eropirā mari ñehamere orequererā Goām̄u yare mohmeborop̄ure guñaro gahmea. Bosenu árīrā mucubiriquerecū Goām̄u yare mohmeborop̄ure guñaro gahmea. Mari asūrare opaquererā irire guñabircāro gahmea. Goām̄u yare mohmero gahmea.

³¹ I yeba dohpague árīro dopa pehrero iiaa. Eropirā i yeba majare iiburire w̄uaro guñabircāro gahmea.

³² M̄ua gajinore w̄uaro m̄ua guñaricūcū gamebeaa yuh̄u. Marapo marigu Jesu yagu árīḡu mari Op̄u Jesu yare īḡu gamerire guñaniguimi.

³³ Marapocugur̄u Jesu yagu i yeba maja s̄are īḡu marapo gamerire guñami.

³⁴ Eropigu peñe guñami. Marap̄u marigo mari Op̄u Jesu yare iiburire guñaniguimo. Eropa guñago igo igo d̄ur̄u, igo pepiri mera tā mari Op̄u yago ōaro arīdiamo. Marap̄ucugor̄u i yeba majare igo marap̄u gamerip̄ure burigā iidiamo.

³⁵ Ire m̄uare arīḡu iiaa m̄uare itamubu. Teboricuri dorerire m̄uare cāhmotadiabeaa. Eropa cāhmotadibiriquereḡu ta ōaro m̄ua iicū gahmea. Eropigu baja guñaricuro mariro Jesu mari Op̄u īḡu gameri dihtare m̄ua turaro iidiacū gahmea yuh̄u.

³⁶ M̄ua mera majagu īḡu mago igo b̄uro wacū īagu marap̄ucudoreporo īḡu igore. “I Gore ōaro iibeaa. Marap̄ucuro gahmea igore,” arī pepigu īḡu arīdiro dopa ta nomesoporo. Eropigo igo marap̄ucumasimo. Eropa igore marap̄ucudoreḡu ñero iibeami.

³⁷ Gajigur̄u īḡu magore “Marap̄ucubircāporo,” arībocumi. Yujugu m̄uare wereyudiro mariro, yujuñe ta pepigu árīḡu, “Igo marap̄ucubircāporo,” arīḡu ōaro iimi.

³⁸ Eropigo īḡu mago marap̄ucudoredigo ōaro wagocumo. īḡu mago marap̄ucudorebiridigor̄u gajigo tauro ōaro wagocumo dohpaguere ñero taririsubu árīcū.

³⁹ Marap̄ucugore igo marap̄u mera árīniguicādoremi Goām̄u. Igo marap̄u s̄irira p̄uhr̄u igo gajigu mera igo gameḡu mera marap̄ucumasimo daja. Jesure umupeogure marap̄ucuro gahmea igore.

⁴⁰ Igo marap̄u marigo dujago tauro ōaro mucubirigo árīgocumo igo. Eropa ta arī pepia yur̄u. Eropa arīḡu Espiritu Santo īḡu gamero dopa ta arīḡu iiaa.

8

Goāmarā wéanirāre erā umupeomorā waimarā wejē erā apira barire Jesu yarā asū baburire werepū Pablo

¹⁻⁴ “Gua tamera ōaro masia,” arī pepiraa mūa. Eropa arī pepirā mūa masiri mera gajirāre masitarinugadiarā iiaa mūa. Eropa iirā gajirāre itamubeaa mūa. Gajirāre umupeori mera mahirāpū erāre itamua erā Jesucristore umupeonemoboro dopa. “Masiphocāa yuhū,” arībiricāro gahmea marire. Eropa arīrā ōaro masibeaa mari. Eropirā “Ōaro masinibirica dohpa,” arī pepiro gahmea marire. Mari Goāmure mahirāpūre marire masicū iimi.

Eropigū goāmarā wéanirāre umupeorā erā pohro apira barire “¿Mari bamasicuri?” arī weregura mūare: Goāmarā wéanirā ne duhpimorā arībeama. Diaye ta erā wéanirāre ne siporāri mara. Eropigū Goāmū yujugu ta āhrimi. Gajirā goāmarā marima. Ire mari masia.

⁵ Gajirā masa ōpa arīma. “Mari goāmarā bajarā āhrima. Erā mari oparā āhrima,” arī pepirima. “Ūmusiguere, i yeba sāre goāmarā āhrima,” erā arīquerecū ta maripure yujugu ta Goāmū gohra āhrimi.

⁶ Īgu mari Pagu arīpehrerāre, arīpehrerire arīdoredigū āhrimi. Eropirā Īgu ya arīburire iimorā āhraa mari. Eropigū mari Opū Jesucristo yujugu ta āhrimi. Īgu arīpehrerire mari Pagure ihacūnugubasadigū āhrimi. Īgu yarā arīmorāre iipū Īgu marire. Eropirā Īgu mera eropa arīniguirāca mari.

⁷ Yū arīdiro dopa ta eropa arīquerecū gajirā Jesu yarā irire masibeama. Iribojegue erā goāmarā wéanirāre umupeorā “Oā goāmarā ojocarirā āhrima,” arī pepimuriñorā. Irisubugueere eropa arīponirā arīrā dohpague sāre erā wéanirāre erā apira barire barā “Goāmarāre umupeorā iiaa,” arī pepirima. Eropirā iri barire barā, “Mari ñero iirā iiaa,” arī pepirima ōaro masibirā. Eropirā “Ñerire iirā iiaa,” arī pepiquererā erā irire iicū erā pepiri gajiropa waca.

⁸ Eropigū ōpa arī werea mūare: Iri barire mari bacū mari babiricū sāre Goāmū mera ōaro arīcū iibeaa marire. Irire mari babirā ñero iibeaa. Mari irire barā sā gajirā tauro ōarā arībeaa mari, arī werea yuhū.

⁹⁻¹⁰ Eropa mūare werequerecū ōaro iique mūa. Iri barire barā mūa arīcū gajirā Jesu yarā mūare iabocoma. Mūare ĩarāpū ōaro masinibirā “Iri barire barā Goāmure umupeobeama,” arī pepirā arīrācomā. Eropa arī pepiquererā mūare ihacū erā sā babocoma. Iri barire eropa barā “Ñero iirā iiaa mari,” arī pepirācomā erā. Erā eropa arī pepicū erāpure ñero iicū iiboca mūa. Eropirā ōaro iique.

¹¹ Mūapū masirā arīrā, “Gua iri barire gua bacū ōaroca,” mūa arī pepirā arīrā gajirā ōaro masibirinirāre ñero iicū iiboca mūa mūare erā ihacūcū. Erā ya arīburi sāre sirīdi arīmi Cristo. Eropirā mūa bari mera mūa Cristo yarāre mūa acawererāre ñero iicū iirā erāre goroweoboca mūa.

¹² Ōaro masibirāre mūa acawererāre erā arī pepiro dopa iibiricū erā pepiri gajiropa wacū iiboca mūa. Eropa iirā Cristo sāre ñero iirā iiaa mūa.

¹³ Eropigū wéanirāre erā ora barire yū bagu yū acaweregure ñero iicū iiboca yuhū. Jesu yarā erā ñero iicū gamebeaa. Eropigū yuhū “¿Erāre ñero iicū iiri?” arīgu, iri barire ne dipaturi basome yuhū.

9

Pablo Jesu Īgu apidigū Īgu arīrāre werepū

¹ Jesu Īgu yare buhedore Īgu apidigū āhraa. Eropigū gajirā Īgu apinirā erā iiro dopa ta iimasia yū sā. Jesu Īgu apidigū ta āhraa yū sā. Mari Opū Jesure ĩadigū ta āhraa yū sā. Eropirā Jesu yare yū buhecū mūapū irire ōaro peenirā arīrā Īgu yarā wahabū mūa. Mūa eropa Īgu yarā wara puhru Jesu Īgu apidigū yū arīrāre masituhabū mūa.

² Gajirā yure werewuarā “Īgu Jesu Īgu apidigū arībeami,” arībocoma. Erā eropa arīquerecū ta mūapū eropa arīmasibeaa. Mūare yū buhera puhru Jesu yarā warā, “Jesu Īgu apidigū āhrimi,” arī yure masituhāa mūa. Eropirā gajirā erā werewuaquerecū ta mūapū Īgu apidigū yū arīricurire mūa masia.

³ Yure werewuarāre ōpa ta arī yuhrigura.

⁴ Mūare yū buheri waja yū baburire, yū ihriburire yure oro gahmea mūare.

⁵ ¿Eropigū marapocūgu arīgu yū marapo Jesu yago igo arīcū igo mera aī curimasibiri-bocuri yuhū mūa pepicū? Gajirā Jesu Īgu apinirā, Jesu pagu porā, Pedro sā erā marasā nome mera erā curiro dopa ta yū sā curimasiboaya. Yū eropa curicū yū marapocūgu arīcū, igo sāre barire oboaya mūa.

⁶ Yuhũ Bernabé mera muare òari buherire gua buhequerecũ ta guare ne gajinore obeaa mua. Eropirã gua basi ta gua baburire mohme wajatabũ gua. Gajirã Jesu apinirãpure erã buheri waja oayoro mua. ¿Gua dihta eropa buherã, waja mariro buhero gahmeri mua pepicũ?

⁷ Yujugũ surara igũ mohmecũ igũ oparã igũ árĩburire wajayemurima. Igũ basi wajayebeamĩ. Barire otegu sã igũ otera ducacucũ irire ta tea aĩ bamasimi. Eropigũ ovejare ihadibugũ igũ ejorã apĩcore aĩmasimi ihribu igũ sã.

⁸ Eropa arĩgu masa erã doreri dihtare muare werebeaa. Goãmu igũ dorerigu igũ arĩra sãre muare weregu iiaa.

⁹ Igũ dorerire erã gojarapũge òpa arĩ werea: “Wecu trigo yerire igũ guburi mera igũ suhri wearisubu igũ badiacũ igũ disirore cãhmotabiricãque,” arĩyoro Moise dorerigu. Goãmu eropa doregu wecuare ihadiburire arĩgu iibirĩnumi.

¹⁰ Eropa doregu guare Goãmu yare buherãre itamudorerore weregu iĩncũ marire buhebu. Pohere seanirã sã iri dũcare aĩnirã sã erã mohmera pũhra, dũcacurisubu iri dũca wajatabore cohrema. Eropa mohmerãre barire oro gahmea marire.

¹¹ Muare Goãmu ya buherire òari buherire buhebu gua. ¿Gua eropa buheri waja muarũre guare barire obiro gahmeri mua pepicũ? Oro gahmea muare. Mua ocũ òaboaya guare. Eropa árĩquerecũ mua obirimuribu guare.

¹² Eropa guare obirã árĩquererã ta gajirã buherã muare irire odorecũ mua erãpure ohayoro. Erã muare odorecũ guapũ erã tauro odoremasiboaya muare turaro gua buheri waja.

Eropa dorebonirã árĩquererã ta guapũ “Guare oque,” ne arĩbiribũ. “Cristo ya buherire gamebiribocoma gua dorecũ,” arĩrã guare dũhyaquerecũ ta muare ne odorebiribũ.

¹³ Masa Goãmũre umupeorã Goãmu wihigue bari aĩ apima. I wihi mohmerã iri barire aĩ bahama. Eropirã Goãmũre erã umupeori mesa pohro mohmerã waibugũre erã soedigure masa erã aĩ apidigure merogã aĩ bahama erã sã. ¿Irire masibeari mua?

¹⁴ Eropa erã iidiro dopa ta òari buherire buherãre erã buhera waja oro gahmea erã baburire. Eropa ta iidorepũ mari Opu Jesu.

¹⁵ Eropigũ muare serẽbodi árĩqueregu ta yuhũ gajinore ne serẽbiribũ muare. Eropigũ ire dohpagũre gojagu gajinore waja gamebu gojagu iibeaa. Muare ne waja seadiabeaa. Sĩribu árĩqueregu ne waja gamesome yuhũ muare. Waja mariro buhegu sũaa. Eropigũ muare iri buhera waja ne wajata basome.

¹⁶ Òari buherire buhedoregu apimi yũre Goãmu. Irire buheri masũ árĩgu tiiaa yuhũ. Òari buherire buhebigũ ñero waboaya yuhũ. Eropigũ iri buherire buhegu “Gajirã masitarinũgagu àhraa,” arĩbodigu ne arĩbeaa yuhũ.

¹⁷ Òari buherire yũ gamero buhegu yũ buheri waja wajaseaboaya yuhũ. Yũ gamero buhebeaa. Goãmu igũ yare buhedoregu apimi yũre.

¹⁸ Òari buherire buhegu muare yũ buhera waja serẽmasiboaya yuhũ. Eropa serẽmasiqueregu ne gajinore serẽbigũ waja mariro iri buherire buhebea muare. Yuhũ eropa iigu árĩgu “Òaro wajatagũca Goãmu mera,” arãa. Iri ta àhraa yũ wajatari.

¹⁹ Eropigũ yuhũ masare buhegu erã yũ buherire peediacũ òpa iigu iiaa Jesu yarã erã waboro dopa. Ne masa pohro majagu árĩbiriqueregu ta árĩpehrerãre pohro majagu iro dopa iiaa yuhũ erã yũ buherire peediacũ iigu.

²⁰ Eropigũ yũ acawererã judio masa mera árĩgu, judio masa iiro dopa ta iiaa yuhũ yũ buherire erã peediacũ iigu. Goãmu igũ dorera Moisere igũ apira yũre iri dorebiriquerecũ ta, iri doreri dihtare umupeorã mera árĩgu erã dorerire umupeogu iro dopa ta àhraa yũ sã. Eropa ta iiaa yuhũ erã yũ buherire erã peediacũ iigu Jesu yarã erã waboro dopa.

²¹ Moise dorerire umupeobirã mera árĩgu iri dorerire umupeobigu iro dopa ta iiaa. Yũ buherire erã peediacũ eropa ta iigu iiaa yuhũ erã Jesu yarã erã waboro dopa. Eropa iiqueregu Goãmũ dorerire umupeonigua. Cristo dorerire iiaa.

²² Eropigũ òaro masibirã mera árĩgu erã iro dopa ta àhraa. “Masipehogũ àhraa,” ne arĩbeaa yuhũ erãre. Eropa ta iiaa yuhũ erã sã Jesu yarã erã waboro dopa. Eropigũ árĩpehrerã masa erã árĩricuro dopa ta iiaa yuhũ erãre yũ buherire peediacũ iigu. Yujurãyeri Jesu taurã erã waboro dopa iiaa.

²³ Eropa iiaa òari buherire árĩpehrerã erã òaro peeburire. Erã eropa peera pũhra Jesucristo erãre peamegue wabonirãre taumi. Eropigũ yuhũ erã mera òaro mucubiriborore eropa iiaa.

²⁴ Muare werenigui queori mera òpa werea. Omabirarã erã omarã árĩpehrerã omama. Erã eropa omapehrequerecũ ta burigã omaturagupũ omajamuhtami. Eropa

ejamuhtagu wajatami. Eropirā erā burigā omadiro dopa ta mua sã Goãmũ gamerire burigã iique mua wajataboro dopa.

²⁵ Ārīpehrerā omamorāpũ yu dũpũre gajiropa iiri arirā gajinore duhucãma erā omaboro core. Eropa ta iima erā pũri berore erā wajataboro dopa. Iri pũri bero erā dipuru peyama masa erā wajatarare ĩaboro dopa. Eropiro erā eropa ii erā wajatara bero mata pehrea wahaa. Mari sã Goãmũ yare ōaro buhemorā gajinore duhucārã mari wajataboro dopa. Iri mari wajatari tamera ne pehrebeaa.

²⁶ Eropigũ omabiragu ĩgu noho gamero omaro dopa iibea yũpũ. Yu gamero iimaacãbeaa. Goãmũ gamerire masigũ iiaa gajirãre itamuboro dopa.

²⁷ Eropigũ yu gamero dopa iibea. Yu ũaribejari yũre dorebeaa. Masa erā Goãmũ mera taricũ itamuburi dihtare iiaa. Eropa iibigũ gajirãre Goãmũ yare buhedigũ yu ārĩquerecũ ta Goãmũ yũre “Ōaro iibũ,” arĩbiribocumi.

10

“Goãmũ āhrimi,” erā arĩ goãmarã wéanirãre umupeodorebiripũ Pablo

¹ Eropirā yũ acawererā, ire masique mua. Mari ñecu sumarã mura iribojegue majarā ārīpehrerā murgue mera Goãmũ árĩmuriñumi. ĩgu imica curu mera erãre wamuhãñumi. Erã ĩgure eropa nurusia wahgārã wũariya deco diariya waĩcũriya eja ōaro taribuja wañuma.

² Erã ārīpehrerā imica curu doca árĩnirā wũariya taribujanirā Moise yarã wañuma.

³ Eropirā erā ārīpehrerā ũmaro maja dijuri barire bamuriñuma. Goãmũ ĩgu orire bamuriñuma.

⁴ Eropa barã erã ārīpehrerã Goãmũ ĩgu ori deco sãre ihrimuriñuma. Irisubugure erã ihrĩburi decore Goãmũ ĩgu apira utãyegue iri decore wiridoreñumi. Erã iri deco ihrĩdoro dopa Cristo iri utãye iro dopa ĩgu ta erãre ojocariro odi árĩñumi. ĩgu erã mera árĩmuriñumi.

⁵ Erã eropa wanirã erã ārĩquerecũ ta erã mera majarã bajarã ñero erã iicũ ĩagu Goãmũ erãre ihasuabiriñumi. Eropigũ erãre masa marirogue boacũ iñumi Goãmũ.

⁶ Erãre eropa wara marire gũisãburi āhraa erã iidiro dopa ta mari ñerire ũaribejabiriborore.

⁷ Eropirā goãmarã wéanirãre erã umupeodiro dopa iibita mua. Wecure erã wéadigure erã umupeodirore Goãmũ yare erã gojarapũ werero ōpa arãa: “Masa erã ba doaja ihrĩtuha, wahgãnũgaja, bosenu iñuma,” arĩ gojamuriñumi iribojegure.

⁸ Pũhrũ gajirã erã mera majarã nome mera ñero iñuma. Erã iidiro dopa iibiricãro gahmea marire. Erã eropa ñero iira dipuwaja yujunũ ta erã veintitrẽs mil gohra masa sĩria wañuma.

⁹ Gajisubugue gajirã erã yujurãyeri Goãmũ erã gamero dopa iicũ gamerã ōpa ĩgure arĩ turiñuma. “Mari Opũ itamumasibeami marire,” arĩñuma Goãmũre turirã. Eropa arĩ turirã ĩgure guacũ iñuma. Erã iidiro dopa iibiricãro gahmea marire. Erã eropa iira dipuwaja Goãmũ erãre añaa mera cũri wejẽdoreñumi.

¹⁰ Gajisubũ daja erã mera majarã gajirã ñerã erã basi Goãmũ iirare dũyasocũ anyu masare wejẽgũpũ erãre wejẽñumi. Eropirã erã iidiro dopa iibiricãro gahmea.

¹¹ Eropa iñumi Goãmũ marire buhebu. Maripũ pehrerĩnũ coregã árĩrã āhraa. Mari eropa árĩrã árĩcũ iribojegue majarã erã eropa warare Goãmũ gojadoreñumi marire gũisãgũ.

¹² Eropirã muapũ “Yu tamera ōaro iiaa yuhũ,” arĩ pepirã árĩrã ōaro iique ñerire iiri arĩrã.

¹³ Mari ārīpehrerã yujugũ duhyaro mariro yujuyerisuburi ñerire guña. Eropa guñarã iri ñerire iidiaa. Mari eropa iidiaquerecũ ta Goãmũpũ marire itamuniũicãgũ iimi. ĩgu arĩdoro dopa iigu āhrimi. Eropigũ marire iri ñerire iidiarare tarinũgacũ itamumi. Marire guñaturacũ iimi. Eropa guñaturarã warã iri ñerire iideasome. Eropirã ārīpehreri ñeri iidiaquereerã iri ñerire tarinũgarãca.

¹⁴ Eropirã mua yũ mahirã yũre peeque. Ne merogã goãmarã wéanirãre ne umupeobiricãque.

¹⁵ Mua ōaro pee masirã mua árĩcũ mũare werea. Eropirã yũ arĩri diaye árĩcũ masique mua.

¹⁶ Mari gamenere bocatĩrirã Goãmũre “Ōhaa,” arĩra pũhrũ iri vino deco dicũripare ihrĩa mari. Eropa ihrĩrã “Cristo mari ya ñero iira dipuwajare ĩgu di cóara mera ĩgu mera árĩrã āhraa mari,” arĩ masia. Eropirã panruse mari Cristo yarã nuha barã iiaa mari. Eropa barã “Mari ya árĩburire ĩgu dũpũ crusague sĩria mera mari ĩgu mera árĩrã yuju dũpũ iro dopa āhraa mari,” arĩ masia.

¹⁷ Eropirā mari yujuru panrure nuha baro dopa árīpehrerā mari Cristo yarā yuju dūpū iro dopa āhraa. Eropirā yuju curu ta āhraa.

¹⁸ Moise dorerire iirā erā iirire guñaque mua. Goāmu wihigue erā waibugure wejē soema Goāmure umupeomorā. Erā eropa wejē soera pūhru erā soedigare bahama. Eropa barā yuju curu ta Goāmu yarā árīrā ta iima.

¹⁹ Ōpa ta arīgu goāmarā wéanirā diaye āhrima, arībeaa. Goāmarā marima, arāa. Eropirā goāmarā wéanirā eropáricārā iima. Eropiro goāmarā wéanirā pohrogue erā apira baripū bu gohra ta āhraa. Iri bari bacū marire gajiropa iibeaa, arāa yuhū.

²⁰ Yuhū eropa arīqueregu ta iri barire mua bacū gamebirica. Ōpa āhraa iri: Jesu yarā árībirā goāmarā wéanirā pohrogue waibugure wejēburire apirā Goāmure umupeobeama. “Gua goāmarāre umupeorā iiaa,” arīrā watēapure umupeorā iima erā. Erā eropa umupeocū erā umupeori wihigue erā mera mua batamurā watēa mera árīrā iro dopa iirā iica mua. Mua eropa iicū tamerare ne gamebeaa.

²¹ Bocatīrirā vino deco dicuripare ihrirā panrure nuha barā “Cristo mera āhraa,” arāa mari. Mari eropa iirā árīrā, watēa yapure ihri, bamasibeaa mari. Eropirā goāmarā wéanirā pohro apira barire erāre umupeorā mera iri barire batamumasibeaa mari.

²² Mari Opū īgu yarāre mahimi. Eropirā eropa barā watēa yarā iro dopa iirā īgure guacū iirāca. īgu guacū mua turabeaa īgu dipuwaja cāhmotaboro dopa.

Goāmu īgu gameri dihtare iique, arī gojañumi Pablo

²³ “Goāmu iidorebirira árīpehreri iimasiri āhraa yure,” arīboca mua. Mua iiri ñeri iri árībiriquerecū ta irire iirā gajirāre itamubiriboca mua. Eropirā Jesure umupeonemocū iibiriboca mua gajirāre.

²⁴ Mari ya ōaro árīburi dihtare iibiricāro gahmea. Gajirā ya árīburi sāre ōaro itamuque mua.

²⁵⁻²⁶ Eropirā gajirāre itamuburire ōpa iique: Bari duaroguere barire asūrā warā “¿I bari goāmarā wéanirā pohrogue erā apira bari āhriri?” arī, serēpiñabicāque. “¿Ñerire iiri?” arīrā, serēpiñaboca mua. Goāmu yare gojarapūque ōpa āhraa: “I yeba arīri árīpehreri Goāmu ya āhraa,” arī gojañuma. Eropirā iri barire “Goāmu badorebirira bari āhraa,” arībiricāque.

²⁷ Jesure umupeobigu mware badoregu īgu sihucū wadiarā waque. Eropa warā mware īgu ejorire baque. “¿I bari goāmarā wéanirā pohro erā apira bari āhriri?” arī serēpiñabita.

²⁸ Gajigu ero arīgu ōpa arībocumi mware: “I bari goāmarā wéanirāre erā wejē apira dihi āhraa,” arībocumi īgua. īgu eropa arī werēcū iri bari tamerare babita. Mware eropa arī weredigū “Iri barire barā ñerire iirā iica,” arī pepibocumi. īgu eropa arī pepibiriboro dopa “Babita,” arāa yuhū mware.

²⁹ Eropa arīgu mua ya árīburi weregū iibeaa. Mware iri barire weredigū ya árīburiyare arīgu iiaa mware. Irire mua bacū iha mware ihacū īgu sā babocumi. īgūpū eropa bagū “Ñero iigu iiaa,” arī pepibocumi. Eropirā “¿Eropa iibocuri īgu?” arī iri barire babita.

“Babita,” yū arīcū ōpa arī yuhriboca mua yure: “¿Dohpa árīrono gajigu gajiropa pepiri arīrā gua gamero iimasibiribocuri gua?”

³⁰ Goāmure gua ‘Ōhaa,’ gua arīra pūhru gua bacū gajigu irire gua barare guare weresāmasibeami,” arīboca mua yure. Yūpū ōpa yuhria.

³¹ I árīpehrerire mware yū wererare weregu ōpa arīgu iiaa mware: Ūmuri nūcu mua mohmerā, barā, ihrirā, árīpehrerire iirā irire Goāmu ya árīburi dihta iique. Eropirā árīpehrerā masa Goāmure “Ōagu, turagu āhrimi,” erā arī umupeoboro dopa iique.

³² Ne mua iiri mera judio masare, judio masa árībirāre, Goāmu yarā sāre goroweobiricāque.

³³ Ōpa iiaa yūpū. Masa árīpehrerā erā suaboro dopa iiaa árīpehreri mera. Eropigu yū gamero dopa iiniguicābeaa yua. Gajirā masa ya árīburiyare ōaro iiaa. Erāre Jesucristore umupeoborore eropa iiaa. Erā īgure umupeora pūhru erāre peamegue wabonirāre taugacumi.

11

¹ Cristo gajirā ya árīburi arīpehrerire iimi. Eropirā Cristore yū ihacūdiro dopa ta mua sā yū iidiro dopa ta yure ihacūque.

Corinto majarā erā gamenererogue nome erā iiborore werepū

² Mũare yu árĩpehrerire buherare, buhe turiarare guñapeo waĩcuabu. Eropa guñarã mũare yu arĩrare yu iidorediro dopa ta ii waĩcuabu mua. Eropa iirã ðaro iiaa mua.

³ Dohpaguere i sãre mua masicũ gahmea: Árĩpehrerã uma opu Cristo àhrimi. Eropigu nomeo opu umu àhrimi. Eropigu Cristo opu, ĩgu Pagu Goãmu àhrimi.

⁴ Mua Goãmure umupeo gamenerecũ yujugu Goãmure serẽgu dipuru bua serẽgu ðaro ĩgu opure umupeogu iibeami. Goãmu yare weretaugu sã dipuru buagu ĩgu opure umupeo beami ĩgu sã. Eropirã umapu Goãmure serẽrã dipu buabiricãporo.

⁵ Eropigo nomeo opu dipuru buabigo Goãmure serẽgo igo marapure umupeogo iibeamo. Goãmu yare werego sã dipuru buabigo eropa ta igo sã umupeo beamo. Eropirã nomeo opu Goãmure serẽrã dipu buaporo. Dipuru buabigo igo poarire erã ðaro wuapehodigo ĩro dopa ta àhrimo igo.

⁶ Dipuru buadiabigore igo poarire seapehoporo. “Yu poarire sea wuapehodiabeaa. Guhyasĩriboca,” arĩgo igo dipurare buaporo.

⁷ Mua umapu Goãmu ĩro dopa oparã àhraa. Eropirã Goãmu ðagu, turagu, ĩgu árĩricurire ĩhmuma erãpu. Eropirã erã dipu buabiricãporo. Nomeo opu “Gua oparã uma àhrima,” arĩ ĩhmuma. Eropirã erãpu dipure buaporo.

⁸ Goãmu umure ĩgu, nomeo ya dupu mera umure iibirĩñumi. Nomeo opu ĩgu, umu ya dupu mera ĩgore iĩñumi.

⁹ Eropigu umure ĩgu sã nomeo yagu árĩbure iibirĩñumi. Nomeo opu ĩgu umu yago árĩbore iĩñumi Goãmu ĩgore.

¹⁰ Eropirã mua Goãmure umupeorã gamenerecũ nomeo dipure buaporo anyua sã erã ĩhasuaboro dopa. Eropa buarã “Uma gua oparã àhrima,” arĩ ĩhmurã iima.

¹¹⁻¹² Goãmu nomeo opu ĩgu, umu dupu maja mera iĩñumi. Dohpaguere uma masa dehyoarã nomeo dupugue masa dehyoama. Eropiro umu ĩgu árĩmũhtabiricũ nomeo mariboñuma. Eropi nomeo maricũ uma sã mariboñuma. Eropirã erã Jesu yarã árĩrã, uma seyaro nomeo seyaro árĩmasibeama. Goãmũpu árĩpehrerire apidi árĩmi. I yeba árĩrĩre i yeba iiburire apidi árĩmi.

¹³ ¿Mua basi dohpa pepiri? ¿Nomeo igo dipuru buabigo, Goãmure igo serẽcũ ðhari mua pepicũ? Òabeaa.

¹⁴ Eropirã umu ĩgu poa ñapo ĩgu ómacũ ĩha masa werewuama. Árĩpehrerã masa irire masima.

¹⁵ Nomeo opu poa ñapo ómago árĩcũ ðapũrica. Igo poari igo dipuru buari ĩro dopa ta àhraa. Iri sãre árĩpehrerã masima.

¹⁶ Mua mera majagu ire yu wererare duyasodiagu ðpa masiporo ĩgu: Irire yu arĩdiro dopa ta eropa dihta ĩniguicãa mari. Gajirã Jesu yarã sã erã gamenererogue eropa dihta ĩniguicãa.

Bocatĩrirã erã barisubu goroweoñorã Corinto majarã

¹⁷ Dohpaguere mũare gajinore werebu, “Òaro iirã àhraa,” arĩbeaa yũhu mũare. Mua gamenererã ðaro iirã iibeaa. Eropirã mua gamenererore goroweorã iiaa.

¹⁸ Òpa arĩ weremũhtagura mũare: Mua gamenererogue eropa game duyasorã mua basi yujurayeri cururi ðuca wariayoro mua. Gajirã yũre irire erã eropa arĩ werecũ “Diaye ta árĩca,” arĩ pepia yũhu.

¹⁹ Eropa ðuca warirã ðpa arĩca mua: “Ðuca wari wiriario gameca marire Jesu yarã gohra árĩrãpũre ĩhmuborore,” arĩca mua basi.

²⁰ Mua basi gamenere barã mua yujuro árĩbirã mari Opu Jesucristo dorediro dopa diaye ta bocatĩrirã iibeaa.

²¹ Mua gamenere barã yujurãyeri mua seyaro bamuhta, ĩhrimũhta gajirãre corero mariro. Mua eropiicũ gajirã oaboa wahama. Gajirãpu merea wahama.

²² ¿Mua seyaro badiarã duhpĩrã mua ya wirigue babeari? ¿Eropirã duhpĩrã dohpaguere Goãmu yarã gamenererore “Duhpĩburi árĩbeaa,” arĩdiari? ¿Eropirã duhpĩrã Jesu yarãre moorãpũre bari moorãpũre mua guhyasũuro taricũ iiri? ¿Dohpa arĩ weregucuri yũhu mũare? Òaro iirã iiaa mua, arĩbeaa yũhu.

Goãmu yare bocatĩrirã diaye erã iiburire werepu Pablo

²³ Goãmu yare bocatĩriburire mari Opu Jesu weremi yũre. Eropa ĩgu wererare yũpu mũare irire werebu. Iri ðpa àhraa: ĩgũre ĩhaturĩrãre Juda ĩgu sihurisubu iri ñami ta mari Opu Jesucristo panrure aĩ,

²⁴ Goãmure “Òhaa,” arĩpu. ĩgu eropa arĩra pũhũ iriru panrure nuha, ĩgu buherãre guerepu. Eropa gueregu ðpa arĩpu: “Í yu dupu àhraa. Mua ya árĩburire sĩrigũca. Yũre mua guñaburire yũhu dohpaguere mũare ĩhmuro dopa aĩ baque,” arĩpu Jesu mari Opu.

²⁵ Erā bara pūhrū ĩġu panrure aĩdiro dopa ta ihriripare aĩġu ōpa arĩpū: “Mūa ñeri iirare cōābu sĩrĩġuca. Eropā ĩġu yū dire cōāġuca. Yū di cōāra mera Goāmū masare ‘Mūa mera amugura,’ ĩġu arĩdiro ojogorocuroca. Ipa dicurire ihrirā yū di cōārare ġuñarāca. Ire ihrirā mūa yare ġuñaburire yūhū mūare ĩhmudiro dopa ĩique,” arĩpū Jesu.

²⁶ Yū werediro dopa ta iru panrure mūa barā, ihririre ihrirā, Jesu mari Opū mari ya arĩburire ĩġu sĩrirare ĩhmurā iiaa mūa. Eropā ĩhmuniguirāca mūapū ne ĩġu i yebague ĩġu dujaracāġue.

Goāmū yare bocatĩrimorā ōpa ĩique, arĩ ġojañumi Pablo

²⁷ Mūa Goāmū yare bocatĩrimorā gamenere baha, ihrirā, umupeoro mariro ġuhyadiaro mariro iirā dipuwajacurāca. Eropā iirā mari ya arĩburire Jesucristo ĩġu dūpūre ĩġu di cōāra sāre wereyaro dopa iirā iiaa mūa.

²⁸⁻²⁹ Ōpa arĩ ġuñaro ġahmea: “Mari Jesu yarā gamenererā yuju curu yuju dūpū iro dopa āhraa. Mari Jesucristo yarā āhraa,” arĩ ġuñaro ġahmea. Irire queoro ġuñabirā, mari iri panrure baha, ihriripare ihrirā queoro ĩibirā mari dipuwajacumorā arĩrāca. Eropirā mari bocatĩriboro core mari arĩricurire ġuñamūhtarō ġahmea ñero iiri arĩrā. Eropā iira pūhrū bocatĩri ihri bamasia mari.

³⁰ Eropā ġuñā amubirira waja bajarā mūa mera majarā dorecurā arĩcoma. Erā yujurāyeri turabirā arĩcoma. Eropirā ġajirā erā eropā iira dipuwaja sĩria wañuma.

³¹ Erā baha, ihriboro core erā arĩricurire ōaro ġuñā, erā ñeri iirire duhunirā, erā ñeri dipuwajare dipuwajacubiriboñuma.

³² Mari Opūpū marire ĩġu yarāre dipuwaja moaġu mari ñeri iirire duhcū ĩġu iimi. Jesure gamebirāre ĩġu dipuwaja moaboro dopa marire dipuwaja moabiriborore eropā iimi. Mari peameġue wabiriborore dohpaguere marire dipuwaja dabero moami mari Opū.

³³ Eropirā yū acawererā, bocatĩrimorā gamenererā, mūa basi corenĩque.

³⁴ Eropirā mūa mera majarā oaboarā, erā ya wihĩġue bamūhtarō. Eropirā bocatĩrimorā ōaro gamenere baque mūa ñero dipuwajacurā wabiriborore. ġajinore werediarabu mūare. Pūhrū yū basi eġaġu mūare wereġara irire.

12

Goāmū ya arĩburire mari mohmeburire apĩġu marire irire iimasicū iimi Espĩritu Santo, arĩ ġojañumi Pablo

¹ Yū acawererā, ōpa mūare wereġa ire mūare masicū ġahmea. Goāmū ya arĩburire mari mohmeburire apĩġu marire arĩpehrerāre irire iimasicū iimi Espĩritu Santo.

² Mūa Jesu yarā arĩnibirā ġajiropa arĩri buherire pee nurarā arĩrā, mūapū ġoāmarā wēanirāre umupeoyoro. Noho mūa bocarāre werenĩguibirāre umupeoyoro. Irire masia mūa.

³ Eropā arĩnirā mūa arĩcū dohpaguere ōpa arĩ werediacā mūare. Espĩritu Santo itamuri mera wereniguirā “Jesu ñero waporō,” ne arĩmasibeama. Eropirā Espĩritu Santo itamuri mariro wereniguirāpū “Jesu arĩpehrerā wecague opū mari Opū āhrimi,” arĩmasibeama.

⁴ Goāmū ya arĩburire mohmemasiburi baja āhraa. Irire marire iimasicū ĩġupū yujugū ta āhrimi. ĩġu Espĩritu Santo āhrimi.

⁵ Eropiro Goāmū ya arĩburire iimasiri mera mari mohmeburi baja āhraa. Irire mari ĩiburire doreġu yujugū ta mari Opū Jesu āhrimi.

⁶ Mari ĩġu yarā ĩġu ya arĩburire iimasiri mera mari mohmeri yujuropa ta arĩbeaa. Iri mohmeri ōaro wacū ĩġu yujugū ta Goāmū āhrimi.

⁷ Espĩritu Santo marire Jesu yarā nūcure mari iimasiburire apĩġu Goāmū turarire ĩhmugū iimi. Ōpa ta iimi ĩġu Jesu yarāre arĩpehrerā mari ōaro mohmeboro dopa.

⁸ Yujurāyerire ōaro masiri mera werecū iimi Espĩritu Santo ta. Eropĩġu ġajirāre Goāmū yare ōaro buhecū iimi ĩġu Espĩritu Santo.

⁹ Eropĩġu ġajirāre “Mari Goāmū mera ōaro iimasia,” arĩ Goāmūre ġuñaturacū iimi Espĩritu Santo ta. Eropā ĩġu ġajirāre turarire Espĩritu Santo ta ohomi ĩġu. Iri turarire ĩġu ocū erāpū dorecurāre ōarā wacū iima. Espĩritu Santo yujugū ta arĩġu iri turarire ohomi.

¹⁰ Eropĩġu ĩġu ġajirāre deyoro moarire iimasicū iimi ĩġu. Eropā ĩġu Goāmū yare ōaro weretaumasicū iimi ĩġu ġajirāre. Eropā ĩġu ġajirā Jesu yarāre buherire ōaro beyemasicū iimi ĩġu. Eropā masirā watĩ ya buheri arĩcū masima erā. Espĩritu Santo ġohra ya iri buheri arĩcū sāre masima erā. Eropĩġu ġajirāre erā peeyamarirā

yare wereniguimasicū iimi Īḡu. Eropiḡu peeyamarirā yare erā wereniguicū gajirāre weretaumasicū iimi.

¹¹ Iri árīpehrerire iimasirire apigu ta Espírītu Santo ta yujugū ta āhrimi. Īḡu gamero dopa ta marire yujurāyerire mari mohmeburire apimi.

Cristo yarā árīrā yuju curu ta āhraa mari, arī gojañumi Pablo

¹² Werenigui queori mera muare weregara: Mari dāpū yuju dāpū árīquerecū ta, mojotori, cuiři, guburi, gamiri, iri tamera baja āhraa mari dāpūre árīři. Eropa āhraa mari Cristo yarā. Bajarā árīquereerā ta yuju dāpū iro dopa ta yuju curu ta āhraa ĩḡu mera.

¹³ Eropirā Cristo yarā árīrā ĩḡu dāpū iro dopa yuju curu ta āhraa mari. Judio masa, judio masa árībirā, pohro majarā, pohro majarā árībirā, baja cururi árīquereerā ta yujugu árīḡu ĩḡu dāpū iro dopa yuju curu ta āhraa mari. Espírītu Santo yujugu ta árīḡu ĩḡu turari mera waiyesūnirā marire yuju curu Cristo yarā árīcū iimi. Eropirā mari árīpehrerā yujugu Espírītu Santore opaa Cristo ya curu majarā árīrā.

Eropirā mari Cristo yarā yuju dāpū iro dopa āhraa.

¹⁴ Mari dāpū yuju dāpū árīquerecū ta mojotori, cuiři, guburi, gamiri iri mari dāpū árīři baja āhraa.

¹⁵ Mū guburo wereniguiri guburo árīro ōpa arīboya mūre gajiropa arīro: “Mū mojoto árībeaa yūhū. Eropiro mū dāpū maja árībeaa yūhū,” arīboya. Mū guburo eropa arīquereero ta mū dāpū maja árīro ta iiaa.

¹⁶ Mū gamiro wereniguiri gamiro árīro ōpa arīboya mūre: “Mū cuiuru árībeaa yūhū. Eropiro mū dāpū majaru árībeaa yūhū,” arīboya. Mū gamiro eropa arīquereero ta mū dāpū maja gamiro árīro ta iiaa.

¹⁷ ¿Mari dāpū cuiuru dihta árīcū dohpa peebocuri mari? Masiya mara. ¿Eropirā mari dāpū gamiro dihta árīcū dohpa ii wīji pepibocuri mari? Masiya mara.

¹⁸ Eropa árībeaa mari dāpū. Ōpa āhraa. Mari dāpū árīrinore árīpehrerire Goāmu ĩḡu gamero dopa ta apidi árīmi mari dāpūre.

¹⁹ ¿Mari dāpū árīři maricū dohpa waboyuri mari dāpū? Mariboya.

²⁰ Mari dāpū ōpa āhraa: Yuju dāpū árīquerecū ta mari dāpū árīři baja āhraa. Eropa ta mari Jesu yarā yuju dāpū iro dopa árīquereerā bajarā āhraa mari basi game itamumorā.

²¹ Eropiro mū cuiurū mū mojotore “Mū itamucū gamebeaa,” arīmasibeaa. Eropiro mū dipuru mū guburire “Mū itamucū gamebeaa,” arīmasibeaa.

²² Gaji mari dāpū árīrire “Bu árīñariri āhraa,” mari arīripūre ūputu gahmea mari.

²³ Eropirā gaji mari dāpū árīrire “Bu árīñariri āhraa,” arī pepia. Eropirā irire ōaro deyoporo arīrā ōaro ahmua. Eropirā gaji mari dāpū árīrire mari gūhyasīrisārire ōaro ahmua ōaro árīboro dopa.

²⁴ Gaji mari dāpū árīrire mata ōari deyoripūre eropa amubeaa mari. Goāmu mari dāpū árīři yujuñe gajīñere gamebircū iibiridi árīmi. ĩḡu mari dāpū árīrire árīpehrerire ōaro amudīḡu árīmi yuju dāpū ōaro dāpūcūburire. Eropa ĩḡu “Bu árīñariri āhraa,” mari arīripūre mari ōaro gamecū iimi. Eropa ta ne yujugure Jesu yagure “Bu árīḡu āhrimi,” arīmasibeaa mari.

²⁵ Eropa ta árīdoređi árīmi Goāmu mari dāpū árīři yujuro mera iri basi game itamuboro dopa.

²⁶ Mari dāpū árīři yujuñe ñero taricū gaji mari dāpū árīři sā ñero taria. Eropiro mari dāpū árīři yujuñe ōaro árīcū mari dāpū árīpehrero ōaro pepia.

²⁷ Eropa arīḡu ōpa arīdiagū iiaa mūare: Mūapu Cristo ĩḡu dāpū iro dopa árīrā yuju curu ta āhraa. Eropirā árīpehrerā mūa ĩḡu dāpū árīři iro dopa āhraa ĩḡu yarā árīrā.

²⁸ Eropiḡu Jesu yarā gamenererā watope mari game itamuburire apidīḡu árīmi Goāmu marire. Ōpa apīpū ĩḡu marire: Yujurāyeri guare buhedoreḡu Cristo apimūhtadīḡu árīmi. Ero pūhru gajirāre ĩḡu yare weretaumorāre apidi árīmi. Ero pūhru gajirāre Jesu yarāre buhemorāre apidi árīmi. Eropiḡu gajirāre deyoro moarire iimorāre, gajirāre dorecurāre erā taricū iimorāre, erā pūhru gajirāre masare itamumorāre, gajirāre oparā árīmorāre apidi árīmi. Ero ojogoro peeyamarirā yare wereniguimorāre apidīḡu árīmi marire.

²⁹ Eropa ĩḡu apicū árīpehrerā yujuropa iimorā árībeaa mari. Mari árīpehrerā Jesucristo yare buhedore ĩḡu apinirā árībeaa mari. Eropirā Goāmu ĩḡu yare weretaurā mari árīpehrerā árībeaa. Eropirā árīpehrerā masare buherā árībeaa. Eropirā mari árīpehrerā deyoro moarire iimasirā árībeaa mari.

³⁰ Eropirā mari árīpehrerā dorecurāre taumasirā árībeaa mari. Eropirā mari árīpehrerā peeyamarirā yare wereniguimasimorā árībeaa. Eropirā gajirā erā wereniguirire weretaumasimorā mari árīpehrerā árībeaa.

³¹ Eropirā Goāmū ya árīburire mohmemasiburīñere gamerā ðaripure turaro gameque maa. Eropigū árīpehreri yu arīra tauro ðaro maa iiburire dohpaguere weregura yuhū.

13

Gajirāre erā ðaro mahiburire, umupeoburire wereñumi Pablo

¹ Peeyamarirā yare masa ya wereniguirire, anyua ya sāre wereniguimasiquererā ta gajirāre mahibirā, duhpimorā árībiriboya mari. Eropiro mari wereniguiri sā eropa busumaacāboaya mari gajirāre mahibirā árīrā.

² Goāmū yare ðaro weremāhtamasiquererā ta gajirāre mahibirā bu árīmaacārā árīboya mari. Eropirā masa erā masibirirare Goāmū yare árīpehreri masiri masipehoquererā ta gajirāre mahibirā, bu árīmaacārā árīboya mari. Goāmūre ðaro umupeotariri mera utāgu “Gajipugue waporu,” arīrā wadoremasiererā, mari gajirāre mari mahibirā bu árīrā árīboya.

³ Mari yare árīpehrerire mojomorocurāre oquerecū ta erāre mahibiricū iri mari ora duhpiburi árībiriboya. Eropirā Goāmū ya árīburire mari iira dipuwaja mari dupure gajirāpū soequerecū ta, gajirāre mari mahibiricū iri duhpiburi árībiriboya.

⁴ Gajirāre mahirā mata guabeaa erā mera. Erāre mahirā ðaro iiaa. Eropirā gajirāre mahirā erā marire opanemocū ihaturibea. Eropirā mari mahigu mera árīrā “Mū tauro árīgu āhraa yuhū,” arīrā iibeaa mari. Gajirāre mahirā, “Erāre masitarinūgaa,” arī pepibeaa.

⁵ Eropirā gajirāre mahirā erāre umupeori mera queoro iiaa mari. Gajirāre mahirā mari ya árīburi dihtare guñabeaa. Erā ya ðaro árīburi sāre guñaa. Eropirā erāre mahirā disitīri wereniguibeaa mari. Eropirā marire erā ñero iicū sāre erā mera guawajabeaa mari.

⁶ Gajirāre mahirā erā ñero iirire mucubiribea mari. Diaye majapure erā iicū iarā burigā mucubiria erā mera.

⁷ Gajirāre mahirā erā ñeri iicū gajirāre ne quere moabeaa. Eropirā gajirāpū erāre erā werewuacū peequererā ta irire peediabeaa mari. Ōari dihtare peediaa mari. Gajirāre mahirā “Ōarire iirācoma,” arī cohrea mari erāre. Gajirāre mahirā erā iira mera mari ñero tariquererā ta erāre mahi duhusome mari.

⁸ Gajirāre game mahiri ne pehresome. Goāmū yare weretauripū pūhrū duhpiburi árīsome. Peeyamarirā ya wereniguiri sā pehrea waroca. Goāmū yare masitariri wajamariroca pūhrūgue. Mari masipehora pūhrūgue duhpiburi gohra árīsome iri.

⁹ Dohpaguere Goāmū yare mari merogā masia. Eropirā mari igū yare wererā mari merogā weremasia.

¹⁰ Pūhrūgue ta mari masipehorāca. Eropiro mari merogā masira duhpiburi árīsome. Irisubugue masipehorāca.

¹¹ Iri opa āhraa: Majigu árīgu majigu dopa wereniguiribū yuhū. Eropigū majigugā dopa pepiribū. Eropigū bugu wagu majigu iro dopa árīrare duhucābū. Eropa ta pūhrūguere mari dohpaguere merogā masirare duhura pūhrū masipehorāca.

¹² Diuru ðaro masure deyocū iibiro dopa ta dohpaguere ðaro masipehonibeaa dohpa mari. Pūhrū Goāmūre mari ðaro ihamasirāgue mari masipehorāca. Dohpaguere mari merogā dihta masia dohpa. Goāmū marire igū masipehodiro dopa ta pūhrū mari sã ðaro masipehorāca.

¹³ Eropirā dohpaguere mari iimasiburi uhreñe dujaroca. Goāmūre “Diaye ta árīgu āhrimi,” arī umupeoniguirāca. Eropirā marire igū mera ðaro árīniguirire mucubiri coreniguirāca. Eropirā gajirāre game mahiniguirāca. Goāmūre umupeori, igū mera árīborore mucubiri coreri tauro āhraa game mahiripū.

14

Peeyamarirā yare wereniguirire wereñumi Pablo

¹ Eropirā gajirāre game mahirā árīque maa. Eropirā Goāmū ya árīburire maa mohmemasiburire Espiritu Santo igū apirare turaro gameque. Goāmū yare maa weremasiburi tamerare burigā gameque maa.

² Peeyamarirā yare wereniguigū Goāmū dihta peeborore wereniguimi. Eropa arī wereniguigu masa peeborore wereniguigu iibeami igū. Igū eropa arī wereniguicū peerā

masapũ ne peebeama ãgure. Masa erã masibiririre Espĩritu Santo ãgu turari mera werenĩguũ iimi ãgu.

³ Goãmu yare weretaugũpũ masapũ peeburire weremi. Eropã weregu ãgu masare itamugũ iimi ãgu. Eropĩgu erãre Jesucristore umupeonemocũ iimi. Eropĩgu ãgu erã ñero taricã ãgu erãre ðaro sĩporãcucũ iimi.

⁴ Peeyamarĩrã yare werenĩguũ ãgu basi dihtare Jesucristore umupeonemocũ iimi. Gajĩrãre Jesucristore umupeonemocũ iibeami. Goãmu yare weretaugũpũ gajĩrãre Jesu yarã gamenererãre Jesucristore umupeonemocũ itamumi ãgu.

⁵ Peeyamarĩrã yare arĩpehrerã mua werenĩguicũ ðaboya yũ pepicũ. Eropã arĩquerecũ ta Goãmu yare mua weretaucũ tamerare turaro gahmea. Goãmu yare weretaugũpũ peeyamarĩrã yare werenĩguũ tauro ðagu ahrimi. Eropã arĩquerecũ ta peeyamarĩrã yare werenĩguũ ãgu werenĩguirire gajĩgu ãgu weretaucũ ãgu sã ðagu dujami. ãgu werenĩguirire weretauga Jesu yarã gamenererãre Jesucristore umupeonemocũ iimi.

⁶ Eropĩgu, yũ acawererã, yũhũ mua pohrogue peeyamarĩrã yare werenĩguũ wagu muare itamumasibiriboya yũhũ. Goãmu ãgu yũre wererare weregu itamua. ãgu yare Espĩritu Santo yũre masicũ iirare buhegu muare itamugũ iiaa.

⁷ Peeyamarĩrã ya werenĩguũ ãgu werenĩguiri mari peebero ðpa iro dopa ahraa. Tarusure purirã, mari baamatĩrĩñere irire mari queoro iibiricũ, iri bayarire gajĩrãre masima masiya mara.

⁸ Eropĩgu cornetare purĩgu surara arĩgu erã gamewejẽboro corere queoro ãgu puribiricũ gajĩrã surarapũ masisome erã gamewejẽboro gamenererore. Eropirã erã gamewejẽboro core erã wejẽburi mojure amuyubirã ahrima erã.

⁹ Eropã ta mua sã peeyamarĩrã yare werenĩguicũ peerã gajĩrã irire peebeama. Eropã peebiricũ mua werenĩguiri duhpihuri arĩbeaa erãre.

¹⁰ I yebare baja werenĩguiri arĩca. Eropirã irire werenĩguirã erã basi erã eropã werenĩguirire ðaro peema.

¹¹ ãgu ya werenĩguirire yũ peebiricũ ãgu irire werenĩguũpũ “Gajĩrã yare werenĩguimi,” arĩ pepicumi yũre. Eropĩgu yũ sã eropã ta arĩ pepica ãgure.

¹² Eropirã mua peeyamarĩrã yare werenĩguirã, Espĩritu Santo ãgu yare mohmemasi apira mera turaro mohmediaraa mua. Irire eropã iidiarã Jesu yarã gamenererãre ðaro itamuburĩpũre burĩgã mohmediaque mua.

¹³ Eropĩgu peeyamarĩrã yare werenĩguũ “Yũ werenĩguirire gajĩrãre ðaro weretaumasiburire itamuque yũre,” Goãmũre arĩ serẽporo ãgu.

¹⁴ Peeyamarĩrã ya mera Goãmũre serẽgu yũ pepiri mera serẽgu iiaa. Eropã serẽgu yũ pepirire masibigu yũ werenĩguirire masibeaa. Eropã iigu gajĩrãre itamubeaa yũhũ.

¹⁵ Ire masirã, ðpa iirãca mari: Espĩritu Santo ãgu turari mera peeyamarĩrã ya mera Goãmũre serẽrãca. Eropirã gajĩsubu ðaro masi pepirã gajĩrã erã ðaro peebero dopa erã ya mera Goãmũre serẽrã iri sãre serẽrãca mari. Espĩritu Santo ãgu turari mera peeyamarĩrã ya mera Goãmũ yare bayarãca. Eropirã gajĩsubu ðaro masi pepi gajĩrã erã ðaro peebero dopa erã ya mera Goãmũre bayarãca.

¹⁶ Mari eropã iibiricũ peeyamarĩrã ya mera werenĩguirã Espĩritu Santo ãgu turari mera Goãmũre, “Õagu turagu ahrimi,” mari arĩquerecũ ta gajĩrã ne peebeama. Erã eropã peebirã “Diaye ta ahraa,” arĩmasibeama.

¹⁷ Peeyamarĩrã ya mera Goãmũre “Õhaa,” arĩmasia mari. Mari eropã arĩri ðaro arĩquerecũ ta gajĩrã peebeama. Eropirã erãre Jesucristore umupeonemocũ itamubeaa mari.

¹⁸ Arĩpehrerã mua tauro yũpũ peeyamarĩrã yare werenĩguia. Eropĩgu Goãmũ yũre eropã werenĩguĩmasĩgu ãgu iicũ ãgure “Õhaa,” arãa yũhũ.

¹⁹ Eropã werenĩguũpũ yũ arĩquerecũ Jesu yarã gamenererã watope peeyamarropã peebirã “Diaye ta arĩrã ya mera yuari boje yũ werenĩguirecũ duhpihuri arĩbeaa erãre. Yũhũ masa erã ðaro peemasiboro dopa buhegu merogã yũ buhequerecũ ta iri tamera ðapũrica erãre.

²⁰ Yũ acawererã, majĩrãgã pee masibirãgã iro dopa arĩbiricãque mua. Mũrã erã pee masirã arĩro dopa arĩque mua. Eropirã ne masa dehyoarã erã ñeri iirire erã masibiro dopa ta arĩque mua.

²¹ Goãmũ yare erã gojarapũ ðpa ahraa Goãmũ werenĩguirire: “Gajĩrã ya queo wererãre oã masare yahare weredoregũra. Eropĩgu gajĩ yeba majarã masare ðarire yahare weredoregũra oã masare. Yũ eropã weredorequerecũ ta erã yũre peesome yũ wererire,” arĩmi Goãmũ mari Opũ, ahraa Goãmũ yare erã gojarapũque.

²² Peeyamarirā yare wereniguirā Goāmure umupeobirāre erāre ihmuri āhraa. Eropiro peeyamarirā yare wereniguirā Jesu yarāpūre Goāmū turarire ihmuri áríbeaa. Eropiro Goāmū yare wereripū Jesure gamebirāre Goāmū turarire ihmuri áríbeaa. Goāmū yare wereripū Jesu yarāpūre Goāmū turarire ihmuri āhraa.

²³ Eropirā mūa Jesu yarā gamenerēcū, peeyamarirā yare mūa árīpehrerā wereniguičū, Goāmū yare masibirā gajirā Jesure umupeobirā sá ñajari peebocoma. Mūa eropa wereniguičū peerā, erā mūare “Cue, goroweorā wahama,” arībocoma erā.

²⁴ Árīpehrerā mūa Goāmū yare mūa werecū tamera Goāmū yare masibigu, Jesure umupeobigu sá ñajari peegu, ĩgu ñero iirare masigucumi ĩgu. Eropigu ĩgu ñeri iirare bujawerebocumi ĩgu.

²⁵ Eropigu ĩgu árīricarire ĩgu pepiri sāre guñagucumi ĩgu. Eropigu mereja Goāmure “Yū opu āhrimi,” arīgu umupeogucumi. Eropigu “Goāmū diaye ta mūa mera āhrimi,” arīgucumi ĩgu mūare Goāmū yare werecū peegu.

Mūa gamenererā ōaro iique goroweoro mariro, arī gojañumi Pablo

²⁶ Eropigu, yū acawererā, mūare ire arīgu iiaa: Mūa gamenerēcū yujurāyeri mūa mera majarā Goāmū yare bayadiama. Eropirā mūa gajirā buhediaa. Eropirā gajirā Goāmū mūare ĩgu wererare werediaa. Eropirā mūa gajirā peeyamarirā yare wereniguidiaa. Eropirā mūa gajirā iri wereniguirire weretaudiaa. Mūa eropa iirā gajirāre erā Jesucristore umupeonemoboro dopa irire iique.

²⁷ Eropirā peeyamarirā yare mūa wereniguirā mūa perā o űrerā, erā nūcu ta wereniguique mūa gamenererisubu. Eropirā yujurāyeri wereniguique. Mūa eropa wereniguičū, yujugu mūa mera majagu mūa wereniguirire gajirāre weretauporo.

²⁸ Mūa wereniguirire weretaubu maricū mūa gamenererogue peeyamarirā yare wereniguibiricāque. Eropirā mūa seyaro peeyamarirā yare Goāmū mera wereniguique.

²⁹ Eropirā Goāmū yare werediarā perā o űrerā iripēta wereque mūa. Mūa eropa werecū gajirā mūare peerā mūa wererire Goāmū ya árīcū ōaro masiporo. Eropirā Goāmū ya árībiricū sāre ōaro masiporo.

³⁰ Eropigu Espírītu Santo Goāmū yare gajigure ero doagure ĩgure wereri ocū, ĩgu sá Jesu yarāre werediami. ĩgu werediacū ĩha Goāmū yare weremūhtagupū werenigui duhuporo.

³¹ Eropirā mūa árīpehrerā Goāmū yare wererā, yujurāyeri wereque mūa árīpehrerā gajirā erā ōaro peeboro dopa, erā ōaro mucubiriboro dopaa.

³² Eropirā Goāmū yare wererā árīrā, ōaro pee masirā, ōaro peeñanugu wereniguirā árīque.

³³ Goāmū ĩgu yarā erā gamenererogue erā game wisicū gamebeami ĩgu. Goroweoro mariro erā ōaro árīcū gahmemi ĩgu. Eropirā ōaro iique mūa árīpehrerogue Jesu yarā gamenererā.

³⁴ Árīpehrero Jesu yarā gamenererore nomere wereniguibiricāro gahmea. Erā nomere maripū wereniguidorebeaa. Goāmū yare erā gojarapū sá arīro dopa ta nomere mūare ōaro yūhrirā nome arīro gahmea. Eropirā mūa gamenererore nome masare werebiricāporo.

³⁵ Jesu yarā erā gamenererore nome erā wereniguičū ōabeaa. Eropigo gajinore masidiago nomeo ĩgo ya wihigūe ta ĩgo marapūre serēpiporo.

³⁶ Ire yū wereburi ōaro masique mūa. Goāmū yare weremūhtarā árībeaa mūa. Eropirā ĩgu yare peenirā mūa dihta árībeaa. Gajirā sá ĩgu ya buherire opama.

³⁷ Mūa mera majagu “Yū tamera Goāmū yare weregu āhraa,” arī pepibocumi. Eropa arī pepigu i yū mūare gojarare “Goāmū doreri ta āhraa,” arī masiporo ĩgu. Eropigu gajigu, “Espírītu Santo iimasiburire ĩgu apirare ōaro opaa yūhū,” arī pepibocumi. Eropa arī pepigu ĩgu sá i yū mūare gojarare “Goāmū ya doreri ta āhraa,” arī masiporo.

³⁸ Irire ĩgu masidiabiricū yū gojarare “Diaye árībeaa,” ĩgu arīcū ĩgure duhucāque. Peebiricāque ĩgure.

³⁹ Eropirā yū acawererā, Goāmū yare weremasiburire būrigā gameque mūa. Eropirā mūa mera majarā mūa gamenererogue peeyamarirā ya erā wereniguidiacū, “Wereniguibiricāque,” arībiricāque erāre.

⁴⁰ Eropa iirā ōaro iique. Eropirā gamenererā ōaro game, goroweoro mariro iique mūa.

¹ Dohpaguere yu acawererā, ōari buherire yuhu muare wererare muare guñacū iidiaca. Iri buherire ōaro peebu mua. Eropa peerā iri buherire umupeonijarā ōaro āhraa mua.

² Mua eropa umupeocū irire mua cōābiricū Cristo muare peamegue wabonirāre taugucumi. Mua eropa peera puhru Cristo yare mua duhcucācū iri mua peera duhpiburi árībiriboya.

³ Ōpa arī weremuhtagura muare. Bu gohra árībeaa. Muare buhegu yare Cristo igu wererare ōpa arī werebu: Goāmu yare erā arī gojayudiro dopa ta mari ñeri wajare Cristo sīripa.

⁴ Eropigu Goāmu yare erā arī gojayudiro dopa ta Cristo igu sīrira puhru gajirā igare erā yaara puhru uhrenu waboro igu masa mūriapu.

⁵ Igu eropa masa mūriara puhru Pedrore dehyoapu. Igu eropa dehyoara puhru igu buherāre doce mera majarāre dehyoapu daja.

⁶ Erāre dehyoara puhru yujusubu ta quinientos weca árīrāre igu yarāre dehyoapu daja. Gajirā igure ñanirā sīrituhañorā. Gajirā igu ñanirā bajarā erā mera majarā árīnirā dohpaguere árīnima.

⁷ Puhru Cristo Santiagore dehyoapu daja. Eropa igu dehyoara puhru árīpehrerā igu buhedore apinirāre dehyoapu daja.

⁸ Árīpehrerā gajirāre igu dehyoara puhru yu säre dehyoami daja. Majigugā queoro masa deyobigugā igu masa dehyoanurusiadiro dopa ta yu sã Jesure umupeo nurusiagu āhraa. Yu eropa árīcū erā puhru dehyoami Jesu yu säre. Yure ta igu dehyoatumi pare.

⁹ Ero coregue Jesu yarāre ñero iiribu. Eropa iidigu árīgu gajirā Jesu igu apinirā árīpehrerā erā docague gohra āhraa yuhu. Eropigu dohpague säre Jesu igu buhedore igu apibodigu árībiriribu yuhu.

¹⁰ Eropa árīqueregu ta Goāmu igu yare mahicū dohpaguere Jesu igu apidigu āhraa yu sã. Eropigu igu yare mahicū dohpaguere igu gamerire iipehoa. Eropigu igu yare mahicū igu yagu eropa árīcāgu iibea. Árīpehrerā gajirā igu apinirā tauro yupu turaro mohmeabu. Eropa mohmegu yu gamero iri mohmerire iibirabu. Goāmu yare mahigu yare itamuami.

¹¹ Yuhu muare ōari buherire buhegu yu árīcū erā muare buherā árīcū säre yujuropa āhraa. Guapu ire buherā árīquererā ta bu gohra árīrā iiaa. Gua buheripu bu árīri árībeaa. Eropirā muapu i buherire ōaro peeabu.

Sīrinirā mura erā masa mūriaborore werepu Pablo

¹² Cristo igu sīrira puhru igu masa mūriarare gua buhequerecū “Sīrinirā mura ne masa mūriabeama,” arīma mua mera majarā yujurāyeri. ¿Dohpa arīrono eropa arīri erā irire?

¹³ Ōpa masiporo erā. Sīrinirā murare Goāmu masa mūriacū iibigu Cristo säre ne masa mūriacū iibiriboñumi.

¹⁴ Eropigu Cristo igu masa mūriabiricū ōari buherire gua werera ne waja mariboya. Mua igure umupeori sã waja mariboya.

¹⁵ Masa mūriari maricū guapu Goāmu yare wererā gubarā iiboya. Sīrinirā mura erā masa mūriabiricū Goāmupu Cristore masa mūriacū iibiriboñumi. Igu eropa iibiricū gua “Goāmu Cristore masa mūriacū iipu,” arīrā gubarā iiboya.

¹⁶ Sīrinirā murare Goāmu masubigu, Cristo säre igu masubiriboñumi.

¹⁷ Eropiro Cristo igu masa mūriabiricū igure mua umupeori waja mariboya. Eropiro mua ñeri dipuwajacurā árīboya dohpa peamegue wamorā.

¹⁸ Masa mūriariñe maricū Cristo yarā mura sīrimuhtanirā mura peamegue wamorā árīboñuma.

¹⁹ Cristore mari umupeora puhru mari sīrirāgue mari masa mūriamasibirimorā árīrā árīpehrerā masa tauro mojomorocurā árīboya maripu. Eropirā igure umupeorā bu gohra árīrere umupeorā iiboya mari.

²⁰ Eropa árībeaa. Diaye ta Goāmu Cristore ōaro masa mūriacū icādi arīmi. Cristo igu masa mūriara puhru mari sã sīrirāgue masa mūriamorā ta āhraa. Igu eropa masa mūriagu, Cristo masa mūria gubuyecuñumi marire.

²¹ Ōpa ta āhraa i: Adán masu árīmuhtadigu igu ñerire iinugara puhru masa sīrinugañuma. Eropigu gajigu masu Jesucristo ōarire igu iira puhru sīrinirā mura masa mūriamasima.

²² Adán yarā árīnurusiarāgue mari árīpehrerā sīrirāca. Eropa ta Cristo yarā mari árīcū mari sīrira puhru marire masa mūriacū iigucumi Goāmu.

²³ Yujurāyeri cururi marire Goāmu sihurisubu masa mūriarāca. Cristo marire árimuhtadigū masa mūriamūhtapū. Pūhrū ĩgu i yebague dujaricū ĩgu yarā sā masa mūriarācoma.

²⁴ Irisubu ta i umū pehrerinu áriroca. Eropigu áripehrerā űerā oparāre, dorerāre, turarāre Cristo cóagucumi. ĩgu eropa iira pūhrū áripehrerā weca opū ĩgu áriřare wiagucumi Goāmure mari Pagure.

²⁵ ĩgu wiaboro core mari Pagū Cristore ĩhaturirāre ĩgu tarinugapehoboro core Cristo tamera áripehrerā weca opū áriřucumi. Eropo iibu ta áriro gahmea ĩgure.

²⁶ ĩgure ĩhaturirāre ĩgu cóara pūhrū siriřiņe sāre pehrecū iigucumi ĩgu.

²⁷ Goāmu yare gojarapūgue ōpa āhraa: “Áripehrerā weca dorebure apipū Goāmu Cristore. Áripehreri sāre apipū ĩgure.” Eropo ta arāa Goāmu yare erā gojarapūgue. “Áripehrerā weca dorebure apipū Goāmu Cristore,” arī gojagu, “Goāmu weca doregu Cristo āhrimi ĩgu,” arīdiabiriņumi. Goāmupū Cristore eropa apiņumi.

²⁸ Áripehrero Goāmure ĩhaturirāre ĩgu cóara pūhrū áripehrerā weca doregu Cristo Goāmu magu ĩgu árituhagu ĩgu opū áriřare Goāmure ĩgure apidigupure wiagucumi. Eropiugucumi “Goāmupū áripehrerā weca opū áripehreri opū gohra āhrimi,” áripehrero áripehrerā arīmasiboro dopa.

²⁹ “Siriřirā masa mūriasome,” arīma gajirā. ĩerā arīri diaye áricū duhpimorā gajirā masa siriřirā mūra ya áriřurire erā waiyebasanirā āhriri mūa pepicū? Siriřirā mūra masa mūriabiricū erā ya áriřurire gajirā waiyebasara duhpiburi áriřiriboya.

³⁰ Guapu gua buheri dipuwaja umuri nucū gajirā guare erā űero iidiacū guhya āhraa gua sāre. Guare eropa guhyaquerecū ta masa mūriari áricū masirā eropa buheniguičā gua.

³¹ Mari Opū Jesucristo yarā mūa áricū ĩgure umupeonemorā mūa wacū yupu turaro mucubiri pepia yūhu mūare. Iri diaye ta āhraa. Eropigu “Yure noho erā gamerinu wejēmaja guhya āhrima,” yū arīcū iri sā diaye ta āhraa.

³² Efeso majarā guarā ōari buherire yū buhera waja yure pama. Masa mūriariņe maricū Jesu yagu yū áriřiricū, yū űero tarira waja duhpiburi áriřiriboya. Siriřirā mūra erā masa mūriabiricū ōpa arīboya mari: “Pūhrařari siriřirāca. Dohpa wasome mari. Eropirā bania, iħriřā, mari gamero dopa iirā,” arīboya mari.

³³ Eropo arī guyarire pepibiricāque mūa. “űerāre wapicūrā, ōarire mūa iirare cāđiřirāca mūa,” arīma masa. Iri diaye ta āhraa.

³⁴ Ōarire pepirā áriřque mūa. Eropirā ōarire iirā áriřque daja. Eropirā űerire iinemobiricāque daja. Gajirā mūa mera majarā ne Goāmure masibeama. Mūa guhyasiriřurire mūare eropa arāa.

Siriřirā mūra erā masa mūriaborore werenemopū Pablo

³⁵ Eropi mūa mera majagu ōpa arī serēpibocumi yure: “ĩDohpa ii siriřirā mūra masa mūriarācuri? ĩDohpa bejari dūpūcūrā masa mūriarācuri? arī serēpibocumi yure.

³⁶ Eropo arī serēpigū pee masibigu āhrimi. Oteriyere mari oterā iriye boacū gohra puhri wiria. Boabiricū ne puhri wirimasibeaa. Irire masia mūa.

³⁷ Pūħritaridigu yucugugere otebeaa mari. Dipayeri diħtare otea mari. Iriyeri trigo yeri áriro āħri, o gajiyeri áriro áriřca.

³⁸ Iriyerire mari otera pūhrū Goāmupū ĩgu gamediro dopa ta iriyerire buga mūriacū iimi. Eropigu ođodūcayerire ođodūcañu wacū iimi ĩgu. Trigo yerire trigo sari wacū iimi. Eropo ta puhridoremi Goāmu.

³⁹ Áripehrerā dūpūcūri yujuropa deyobeaa. Masa dūpūpū yujuropa ta āhraa. Waimurā dūpū sā gajiropa ta dehyoa. Mirimagū porā dūpū sā gajiropa ta dehyoa. Eropirā wai sā gajiropa ta dūpūcuma.

⁴⁰ Eropirā umaro majarā sā āħrima. Eropirā i yeba majarā sā āħrima. Eropirā umaro majarā dūpū gajiropa dehyoma. Eropiro i yeba majarā umaro majarā iro dopa áriřeama.

⁴¹ Őpa ta āhraa. Abe umū majagu gosemi. Eropi űami majagu sā boje āhrimi ĩgu sā. Yuju diaye ta boyomi. Eropirā necā sā gajiropa bejari gosesirīma. Necā majarā sāre mari ĩacū gajī dipu daberogā gosesiriri dipu dehyoa. Eropiro gajī dipu turaro gosesiriri dipu dehyoa.

⁴² Eropo ta āħrima siriřirā mūra erā masa mūriacū. Masu ĩgu dūpūre mari yaara pūhrū ĩgu dūpū boa waroca. Eropiro gajī dūpū gajiropa áriři dūpū umuri nucū ojocariburi dūpū masa mūriaroca.

⁴³ Īḡu dūpūre mari yaacū sīridiḡu dūpū ñeri dūpū āhraa. Goāmū Īḡure masucū Īḡu dūpū ōatariari dūpū áríroca. Eropiro Īḡu dūpū mari yaara dūpū turari mariri dūpū āhraa. Eropiro Goāmū Īḡure Īḡu masucū dūpū turatariari dūpū áríroca.

⁴⁴ I yeba maja dūpūre mari yaarāca. Īḡu sīridiḡu mūrū Īḡu masa muriacū Īḡu dūpū umaro maja dūpū ta áríroca. I yeba maja dūpūre mari opaa dohpaguere. Pūhrū umaro maja dūpū sāre oparāca.

⁴⁵ Eropa ta arī werea Goāmū yare erā gojarapūgue: “I yeba árīmūhtadiḡu Adán waicūḡu Goāmū Īḡure iicū ojocarigū wañumi,” arī gojañuma. Adán iro dopa árīḡupū ūjutūyagupū Cristopū ojocaririre ogū āhrimi.

⁴⁶ I yeba maja dūpū árīmūhtara dūpū āhraa. Pūhrūgue umaro maja dūpū áríroca.

⁴⁷ Ōpa ta āhraa: Árīmūhtadiḡu Adánpū i yeba maja nicu mera Goāmū Īḡu iira dūpūre dūpūcūñumi. Īḡu pūhrū aridiḡupū Cristopū umaro majagu árīpū.

⁴⁸ Nicu mera dūpūcūmūhtadiḡu Adán árīdiro dopa ta mari árīpēhrerā nicu mera iira dūpūcurā āhraa mari. Eropirā umarogue aridiḡu Jesucristo Īḡu árīdiro dopa ta Īḡu yarā árīpēhrerā Īḡu iro dopa dūpūcurāca mari.

⁴⁹ Mari Adán iro dopa ta dūpūcurā árīrā pūhrū Cristo iro dopa dūpūcurāca.

⁵⁰ Yū acawererā, mūare ire werediaa: I yeba maja dūpū di mera diro mera árīri dūpū Goāmū Īḡu opū árīroguere umaroguere ne wasome. Mari dūpū boaburi dūpū āhraa. Eropiro umarogue umūri nūcū mari árīboroguere i dūpū wasome.

⁵¹⁻⁵² Iribojeguere masa erā masibirirare dohpaguere mūare werediaa: Mari mera majarā yujurāyeri sīrisome. Eropirā mata erā dūpūre gohrotorā árīrācoma. Corneta Īḡu puriturinū eropa ta waroca marire. Ōpa waroca: Corneta busura pūhrū sīrinirā mūrare Goāmū masugucumi umūri nūcū erā árīmorāre. Eropirā dūpūre gohrotonirā árīrāca mari sā.

⁵³ Dohpaguere mari dūpū boaburi dūpū āhraa. Eropiḡu mari Goāmū mera árīnigūicāburire mari dūpūre gohrotogūcumi Goāmū. Eropiḡu mari sīriburi dūpūre gohrotogūcumi mari ne sīribiriburi dūpūpūre.

⁵⁴ Mari dūpūre ne boabiriburi dūpūre gohrotogūcumi. Eropiḡu marire sīribiriburi dūpūre eropa árīnigūiburi dūpūre gohrotogūcumi. Iri eropa marire gohrotocū iri bojeguere Goāmū yare gojarapūgue arī gojadiro dopa ta eropa waroca: Goāmū sīriñere cóācāmi.

⁵⁵ Dohpaguere ne dipaturi sīrisome. Eropiro sīriñe mera dipaturi mari ñero tarisome.

⁵⁶ Mari ñeri iira waja árīcū tamera sīriñe mera ñero tarirāca. Eropiro Goāmū doreri mari iimasibirira waja dipuwajacūa mari. Eropa dipuwajacurā peamegue mari masa wamorā āhraa.

⁵⁷ Mari eropa árīḡuerecū ta mari Opū Jesucristopū marire peamegue wabiricū iimi. Īḡu eropa iḡu árīcū masirā Goāmū mera mucubiri “Ōhaa,” arāa mari.

⁵⁸ Eropirā yū acawererā, yū mahirā, Cristore mūa umupeorire duhubiricāque. Eropirā gajirā mūare ōari buherire erā cóādorecū ne cóābiricāque irire. Eropirā umūri nūcū mari Opū Jesucristo Īḡu iidorerare ōaro iinigūicāque mūa. Mari Opū Jesucristo yare mari iicū bu gohra ta ne árībeaa. Ire masirā Īḡu iidorerire ōaro iinigūicāque mūa.

16

Gajirāre Jesu yarāre Corinto majarā niyeru erā oburire werepū Pablo

¹ Dohpaguere gajirāre Jesu yarāre mūa niyeru oburire wereḡura mūare. Galicia yeba majarāre Jesu yarāre yū dorediro dopa ta mūa sā iique.

² Semanari nūcū soorinū árīcū árīpēhrerā mūa Jesu yarāre gajirāre mūa oburi niyerure merogā gameneoque. Merogā oparā merogā oque. Eropirā wūañariro oparā wūañariro oque. Semanari nūcū mūa eropa iique mūa pohrogue yū ejacū mūa obeoburi niyeru opayutuhaboro dopa. Eropiḡu erogue ejagu iripē niyeru wahasō arīripūre gojabasagura.

³ Eropiḡu iripūre iri niyeru aḡāmōrāre mūa beyenirāre ogūra. Eropa otuhagū Jesu yarāre mūa obeoburi niyerure aḡāmōrāre erāre obeogūra Jerusalēngue.

⁴ Iri macaguere yū iiburi árīcū yū sā waguca. Yū eropa wacū yū mera ta erā sā warācoma iri niyeru orā warā.

Īḡu erogue curiborore werepū Pablo

⁵ Macedonia yeba majarāre ihatari wahḡāḡuca yūhū erāre. Tariagu mūa pohro Corintogue ejagūca.

⁶ Erogue eĵagu mũa mera bajamenuri árĭboca yũhu ĵajisubu iigu. Yoañariri boje puhiró dihta mũa mera árĭboca yũhu. Eropirã ĵajirũgue yũ wacũ mũa sã yare itamubeomasia.

⁷ Mũare bajamenurigã ĩadiabirica yũhu. Eropigu Goãmu ĵamecũ yoañariri boje mũa mera árĭguca yũhu.

⁸ Eropa árĭdiaqueregu ta pentecoste bosenu árĭcũgue Efeso árĭnigũca dohpa.

⁹ Ohõ Efesogue dohpaguere mari Opũ Jesu yare peediarã bajarã àhrima. Erã eropa árĭrã árĭcũ erãre werea. Yũhu erãre eropa werecũ yare ĩadiabirã bajarã àhrima. Eropigu Efesogue árĭnigũca dohpa.

¹⁰ Timoteo yu iro dopa ta mari Opũ yare iimi. Īgu eropa iigu árĭcũ mũa pohrogue ĩgu eĵacũ ðaro mera ĩgure bocatĩri, ĩgu mera ðaro mucubiriri mera árĭque mũa.

¹¹ Eropirã ĩgure tarinũgabiricãque mũa. Eropirã ĩgu mũare goeriserecũ ðaro mera ĩgure itamuque ĩgu yũ pohrogue dujaricũ. Ĵajirã Jesu yarã mera ĵua ĩgure corerã ĩiaa. Eropirã ðaro mera itamubeoque ĩgure.

¹² Apolo mari acaweregu Jesu yagu mũare ĩgu ĩagu wacũ turaro ĵamerabu. Eropigu ĩgure wadorerabu ĵajirã Jesu yarã mera ĩgu waborore. Yũ eropa wadorequerecũ ta ĩgu dohpaguere wadiabeami. Eropigu puhru ĩgure ĩiri maricũ mũa pohrogue wagacumi ĩgu daja.

Pablo ðadoretupũ

¹³ Óaro pee masiyurã árĭque mũa. Cristore umupeorã duhubiricãque. Óaro ĵuñaturarã árĭque. Eropirã Goãmu ya turari mera turarã árĭque mũa.

¹⁴ Árĭpehrerore ĩirã ĵajirãre mahiri mera ĩrire ĩique.

¹⁵ ¿Estéfana ĩgu ya wihi majarã mera ĵuñari mũa? Erã Acaya yeba majarã ðari buherire peemuhtarã, ĩri yebare Cristore umupeomũhtanirã árĭma erãpu. Eropirã ĵajirãre mari acawererãre Jesu yarãre erã ðaro itamuniguicãma.

¹⁶ Eropigu erã iro dopa árĭrãre, ĵajirãre Cristo yare itamurãre mũa ðaro yũhricũ ĵahmea yũhu.

¹⁷ ĩgu Estéfana, Fortunato, Acaico sã yũ pohrogue eratuhamã. Ohõ erã árĭcũ wũaro mucubiria yũhu. Mũa maricũ mũa mera mucubirimasibiribu yũhu. Eropigu erã eracũ mucubiria yũhu.

¹⁸ Erã mera árĭgu ðaro siporãcũgu wahabu yũhu. Mũa sãre eropa ta mucubiricũ ĩiañuma yũ pepicũ. Mũa pohrogue erã dipaturi wacũ daja erãre ðaro umupeoque mũa. Eropirã ĵajirãre erã iro dopa árĭrã sãre umupeoro ĵahmea mũare.

¹⁹ Asia majarã Jesu yarã mũare ðadorema. Eropirã Aquila, Priscila, erã ya wihi ĵamenerẽ mere Cristo ĩgu mahiri mera mũare wũaro ðadorema.

²⁰ Ó majarã Jesu yarã árĭpehrerã mũare ðadorema. Mũa mera majarãre bocatĩrirã ðaro mera mojoto ñeaque.

²¹ Yũhu Pablo, yũ basi i dihtare gojaa. Mũare ðadorea.

²² Mari Opũ Jesucristore ĵajigu ĩgu mahibiricũ, Goãmu ĩgure dipuwaja moaporo. Mari Opũ duru dujariporo.

²³ Mari Opũ ĩgu mahiri mera mũare ðadorea.

²⁴ Mũare árĭpehrerãre burigã mahia Jesucristo mera. Eropa ta árĭporo. Iripẽta àhraa.

2 Corintios

Ōpa gojabeoñumi Pablo Corinto majaräre

¹ Yũhu Pablo Jesucristo yare ĩgu buhedore ĩgu apidigu ähraa. Mari Pagu ĩgu gamero dopa ta apimi yure Jesu. Yũhu, mari acaweregu Timoteo mera muare Goãmure umupeoräre Corinto majaräre gojabeoa. Árĩpehrerä Jesucristo yaräre Acaya majaräre mua säre gojabeoa.

² Eropirä Goãmu mari Pagu, mari Opu Jesucristo mera muare ðadorea. ĩgu itamuro mera ðaro árĩque mua.

Pablo ĩgu ñero tarirare ōpa arĩ wereñumi

³ Mari Opu Jesucristo Pagu Goãmu marire mojomoro ĩhami. Eropigu ĩgu dihta marire árĩpehrerinari ðaro siporäcucü iimi. “Ōtariagu ährimi ĩgu,” aräa mari.

⁴ Mari ñero taricü ĩagu marire ĩgu yaräre itamumi ĩgu gajiräre mari itamuboro dopa. Eropirä gajirä erä ñero taricü eräpäre itamuro gahmea marire. Goãmu marire ĩgu itamuro dopa ta mari sä eräre itamurä.

⁵ Cristo yarä mari árĩrä ĩgu ñero taridiro dopa ta mari sä burigä ñero taria. Mari ñero taridiro dopa ta ĩgu itamurire wuaro opaa.

⁶ Guapu muare itamurä ñero taria. Eropirä Cristo mera mua ðaro árĩboro dopa gua muare werera dipuwaja gajirä ñero iima guare. Gua ñero tariquerecä Cristo guare itamumi. Eropirä Cristo guare itamucü guapu mua säre itamumasia. Eropirä gua ñero taridiro dopa ta mua sä ñero tarirä ðaro mera yujuro bojeräca.

⁷ Ōaro mera mua yujuro bojerä árĩborore gua masia. Gua ñero taridiro dopa ta ñero taria mua sä. Eropirä Goãmu ĩgu itamuri mera gua yujuro bojediro dopa ta mua sä yujuro bojeräca.

⁸ Gua acawererä, dohpaguere ire mua ðaro masicü gua gahmea. Asia yebaguere ñetariaro taribu gua. Gua gamero iirä ne bocatĩbiriboya. Ōpa arĩ pepiribu gua: “Ne bocatĩsome mari. Eropirä mari siriräca,” arĩ pepiribu gua.

⁹ Eropirä “Marire wejēcäräcoma,” arĩ pepiribu gua. Gua eropa ñero taribu Goãmu dihtare gua guñaturaboro dopa. ĩguapu siriniräre masugu ährimi. Eropa ĩgure guñaturarä gua gamero gua bocatĩbirirare masia. “Goãmu ta marire itamumi,” aräa pare.

¹⁰⁻¹¹ Guare guhyaquerecä ta ĩgu itamuro mera taribu. Puhrugue säre dipaturi guare taugacumi. Mua sä guare itamumorä mua Goãmure serēbasacü säre ĩagu ĩgu guare taugacumi. “ĩgu ta guare taugacumi,” arĩ masia mari. Eropirä ĩgu guare taucü ĩarä, ĩgure “Ōhaa” ariräca muapu. Mua bajarä serērare ĩgu yuhricü ĩarä “Ōhaa, diaye ta ähraa,” ariräca mua bajarä Goãmure.

Pablo Corintogue ĩgu wadiarare wereñumi

¹² Eropirä gua iirare guñarä mucubiriri mera ōpa arĩ pepia gua: I yebare Goãmu ĩgu itamuro mera ñeri mariro ðari mera masare wapicu buhebu. Mua säre ðaro wapicu buhebu. Ōpa iirä gua masiri mera iibiribu. Goãmu guare ĩgu mahicü ĩgu turari mera eropa iibu gua.

¹³⁻¹⁴ Eropirä ðaro were muare gojabeorä diaye ta werebu muare ðaro mua masiburire. Dohpague guare ðaro masinibea mua. Gua árĩricurire mua turaro masicü gahmea gua. Eropirä mari Opu Jesucristo dujaricü gua mera mucubiriräca mua. Mua mera gua mucubiridiro dopa ta mua sä gua mera mucubiriräca.

¹⁵⁻¹⁶ Eropa arĩ pepigu Macedonia yebague wagu mua pohrogue wamuhtadiarabu. Eropigu muare ĩhatariwahgäboya. Eropigu erogue ejadigu dujarigu dipaturi mua mera bajamenurigä árĩboya yũhu. Eropirä pesubu mua mera yu árĩcü ĩarä turaro mucubiriboya mua. Mua pohrogue yu árĩcü ĩanirä Judea yebague yu wacü ĩarä yure itamuboya mua.

¹⁷ “Wagura,” yu arĩcü peenirä árĩrä, yu wabiricü ĩarä “Pablo Jesure umupeobirä iro dopa guyagu iñumi,” ¿arĩ pepiri mua? “ ‘Wagura,’ arĩqueregu ĩgu gamero mari pohro aridiabirinumi ĩgu,” ¿arĩ pepiri mua yure? “ĩgu aridiro dopa iibeami,” ¿arĩ pepiri mua?

¹⁸ Eropa arĩ guyagu iibea yũhu. Eropigu “ĩgura,” arĩgu yu aridiro dopa ta diaye ta iiaa yũhu. Irire masimi Goãmu.

¹⁹ Yũhu, Sila, Timoteo mera Jesucristo Goãmu magu yare muare werebu. ĩgu Jesucristo “ĩgura,” arĩgu, diaye ta iigu ährimi. Goãmu ĩgu aridiro dopa ta Cristo iimi.

²⁰ Árīpehreri ĩḡu Paḡu ĩḡu masare “Ōpa ḡaro iḡura,” arī wererare Cristo iipehocādi árīmi. ĩḡu eropa iḡu árīcū gua ĩḡu yare gajirāre werea Goāmure erā umupeoboro dopa.

²¹ Cristo yarā marire árīnguicū iḡu Goāmu ta āhrimi. Eropiḡu ĩḡu yare weremorāre marire apimi ĩḡu.

²² Eropiḡu ĩḡu yarā mari árīcū ĩaḡu irire marire masicū iimi ĩḡu. Eropiḡu ĩḡu Espírītu Santore mari mera árīdoremi ĩḡu. Mari mera árīcū ĩha Goāmu ĩḡu marire ḡaro iiburire masia mari.

²³ Dohpaguere yūhu mua pohro wabirirare diaye ta weregura muare. Yū wereri diaye árīcū Goāmu masimi. ĩḡu ta yū pepirire masimi. Mua ñero iira dipuwaja turidiabigu mua pohroguere wadiabiribu. Erāre bujawerecū iiri, arīḡu mua pohroguere Corintoguere wabiribu.

²⁴ Eropirā “Muare dorerā āhraa gua,” arīrā iibea. Eropirā “Ōpa Cristore umupeoro gahmea muare,” arīrā iibea gua. Mua Cristore ḡaro umupeotuhabu. Muare umupeonemocū iirā mua ḡaro mucubirirā árīcū iidiaca gua.

2

¹ Wabigu ḡpa arī pepibu: “Dipaturi erāre bujawerecū iidiabea. Eropiḡu dohpaguere wabeaa,” arī pepibu.

² Mua bujawerecū iidiabea. Mua bujawerecū ĩaḡu yūpu mucubiririboyu. Eropirā yūre mucubiricū iimorā árībiriboyu mua sā.

³ Eropiḡu mua pohroguere wabiribu. Wabigu mua árīricūre amuboro dopa muare gojabeobu. Mua yūre mucubiricū iibonirā árīquererā ta yūre bujawerecū iiboyu mua mua pohroguere yū wacū. Mua mera yū mucubiricū mua sā yū mera mucubirirāca. Irire masia yūhu. Eropiḡu mua mera bujawerediabigu “Wabeaa,” arī, carta gojabeobu.

⁴ Eropiḡu muare gojagu wuaro pepigu ñero siporācugu, turaro co doce wiriri mera muare gojabeobu. Eropa gojagu muare bujawerecū iidiabiribu. Muare yū burigā mahirare muare masicū iidiagu muare eropa gojabeobu.

Erā mera majagu ĩḡu ñero iirare cādijidoreñumi Pablo Jesu yarāre

⁵ Mua mera majagu ĩḡu ñero iira mera yūre bujawerecū iimi ĩḡu. Muare ĩḡu turaro bujawerecū iidiro dopa ta yū sāre wuaro bujawerecū iimi ĩḡu. ĩḡu marire eropa burigā bujawerequerecū ta wuatararo dipuwaja moadorebeaa dohpaguere.

⁶ Bajarā mua mera majarā ĩḡu ñero iira dipuwaja moatuhānorā. Iripēta dipuwaja moa duhuro gahmea ĩḡure.

⁷ ĩḡure mua dipuwaja moaniguicū burigā bujawerebocumi ĩḡu. Eropiḡu Cristo yare duhubocumi. Eropirā ĩḡu ñero iirare cādijique mua. ĩḡure itamuque ĩḡu ḡaro siporācuboro dopa.

⁸ Eropirā ĩḡure ḡaro iique mua ĩḡure mua mahirare ĩḡu masiboro dopa. Mua eropa iicū burigā gahmea yūhu.

⁹ Ero core muare gojabeogu “¿Diaye ta yūre yuhrirācuri?” arī pepigu gojabeobu muare. Yūre mua yuhricū ĩadiagu gojabeobu.

¹⁰⁻¹¹ Dohpaguere ĩḡu ñero iirare mua cādijicū ĩaḡu yū sā ĩḡu ñerire cādijigura. Yūre ñero iibirimi ĩḡu. Muapure ñero iidi árīmi. ĩḡu eropa iidigu árīquerecū ta ĩḡu ñero iirare cādijia yū sā. Muare ḡaro itamudiagu Cristo ĩḡu ĩhabeoro ĩḡu ñero iirare cādijia. Irire cādijia Satana marire ĩḡu tarinūgabiriboro dopa. ĩḡu mari ñerire iicū gahmemi. Irire ḡaro masia. Eropirā Jesu yarā erā ñeri iirare guñaniguibeaa mari Satana yapure iiri arīrā.

Troa waīcūri maca árīḡu Titore bocabigu wuaro bujawere pepiñumi Pablo

¹² Eropiḡu Troa waīcūri macague Cristo yare buhegu ejaribu. Eroguere yū ejacū bajarā masa ḡari buherire peediarā árīma. Mari Opū ĩḡu itamuri mera ĩḡu yare yū buherire peerā bajarā masa árīma.

¹³ Eropa árīquerecū ta mari acawereḡu Titore bocatīribirinijagu wuaro bujawere pepigu erore árīmasibiribu, Eropiḡu ero majarāre goeriseretuhagu Macedonia yebague waha wabu ĩḡure amagu.

Goāmu marire tarinūgacū iimi, arī gojañumi Pablo

¹⁴ Goāmure mucubiriri mera “Ōhaa,” arāa. Goāmu ñerire árīpehrerire tarinūgagu āhrimi. Cristo yarā mari árīcū ĩaḡu marire tarinūgacū iimi. Poresudiro poresu sehyaboro dopa ta āhraa mari. Poresu sehyaro dopa ta Goāmu dorero mera árīpehreroguere Cristore masicū iiaa mari. Eropa ĩḡure masirā erā ḡaro pepima.

¹⁵ Cristo yarā árīrā masare Cristore guñacū iiaa mari. Mari eropiicū īha Goāmū mucubirimī. Masare Cristore guñacū iicū erā īgu árīrīre masima. Goāmū īgu taumorā Cristo árīrīre masima. Gajirā erā peamegue wamorā sā Cristo árīrīre masima mari mera.

¹⁶ Cristo árīrīre masirā erā peamegue wamorāpu peamegue erā waborore masima erā. Goāmū īgu taumorāpu árīpehrerīnārī īgu mera erā árībūrire masima. Eropirā ire Cristo yare mari mari gamero mera buhe ojogorocumasibea. Goāmū īgu itamuri mera ta mari īgu yare buhe ojogorocumasia.

¹⁷ Bajarā gajirā Goāmū yare buhemaacāma niyerure wajatadiarā. Gūapu erā iro dopa ta iibea. Guyaro mariro Cristo īgu turari mera īgu yare buhea gua. Goāmū guare īgu obeorā árīrā īgu īhurore ōaro buhea gua.

3

“Ōpa iigūra,” Goāmū īgu arī werepirare mama buherire wereñumi Pablo

¹ ¿Dipaturi gua árīricarīre mūare wererā iiri gua mūa pepicū? Gajirā mūare erā buheboro core erā buheri queoro árīrīre masidiarā erā gojarapūre serēmūhtabū mūa erāre. ¿Guare masitūhaquererā ta iripūnore serēri mūa guare? ¿O gajirā pohrogue gua buherā warā iripūnore guare aīgāro gahmeri mūa pepicūre?

² Iripūnore gamebeaa gua. Mūapūre ōari gohrotonirāre árīpehrerā gajirā īarā mūare gua ōaro buherare masirācoma. Mūare gua buhecū Cristore umupeorā īgu yarā árīnūgabū mūa.

³ Cristo yarā mūa árīcū īarā masa mūare Goāmū ya buheri gohrare gua queoro buherare masitūhama. Mūare buherā Goāmū yagu Espiritu Santo īgu itamuri mera buheabū. Īgu Goāmū ojocarīgu gohra āhrimi. Gua eropa buhecū peerā Cristore ōaro gahmeabū mūa. Eropa gamerā mūa árīcū gajirā mūare īarā Cristo yarā mūa árīrīre ōaro masima. Eropa masirā mūare Goāmū ya buheri gohrare gua queoro buherare masima masa.

⁴ Eropa wacū masia gua Goāmūre guñaturari mera. Cristo īgu itamuri mera eropa guñaturanguia mari.

⁵⁻⁶ “Gūa gamero i mohmerire iiaa gua,” arīmasibea. Goāmū īgu itamuri mera ire iiaa gua.

Eropīgu dohpaguere īgu wererire ōari buherire Goāmūpu ōaro guare buhemasicū iimi. Eropa buherā iribojegue īgu doreri Moisere īgu apira dorerire buhebeaa. Espiritu Santo mera mari Goāmū mera ōaro árībūripūre buhea gua. Īgu dorerare mari gamero mera ne bocatūbeaa. Eropa mari bocatūbirira dipuwaja peamegue waboya mari. Espiritu Santopū mari Goāmū mera árīpehrerīnārī ōaro árīnūguicū iimi. Ōari buheri buhecū peñanirāre ōaro árīnūguicū iimi.

⁷ Goāmū īgu dorerire utāmījirīgue gojanījagu Moisere apīñumi. Īgu eropa apira pūhrū īgu árīro gosesiriri dehyoamuriyoro Moisere “Goāmū īgu apira ōari āhraa,” arīro dopa. Eropiro Moise diapo burīgā gosesiriyoro. Cuimīju árīyoro. Pūhrū īgu gosesiriri pehrerisubū īgu árīqūrecū ta masa īgure ne ĩamehtumasibirīñuma. Iri dorerire īgu apira pūhrū iri dorerire iibirā masa dipuwajacurā peamegue wamorā wañuma. Eropiro iri doreri masare peamegue wadorequerero ta, Goāmū īgu árīro gosesiriri mera árīnūgayoro.

⁸ Iri doreri tauro ōari buheripū “Jesucristo masare taumi,” arī buheri ōataria. Iri buherire gajirāre mari buhecū erā ōaro peecū Goāmū ta erā mera árīgūcumī īgu Espiritu Santo mera. Eropiro iribojegue maja doreri tauro Cristo ya buheripū ōataria.

⁹ Goāmū Moisere apira doreri iribojegue maja masare peamegue wadoreyoro. Eropa dorequerero Goāmū īgu gosesiriri mera árīnūgayoro. Iri tauro ōari buheripū Goāmū īgu turari mera āhraa. Iri buheri mera ōarā wahama masa Goāmū īgu ĩacū.

¹⁰ Iribojegue Goāmū īgu doreripū turari árīquerero dohpaguere bu gohra ta āhraa. Ōari buheripū iri tauro turatariari āhraa. Iri buheri mera ūmaroguere mari wamasia.

¹¹ Iribojegue Goāmū īgu doreri Moisere īgu apira doreri Goāmū gosesiriri mera árīnūgaquerero ta pehreburi árīyoro. Ōari buheripū “Jesu marire taugūcumī,” arī buheripū árīnūguicāroca. Eropiro “Iri doreri tauro ōari buheripū ōataria,” arī masia mari.

¹² Iri eropa masirā, gūiro mariro ōari buherire ōaro werepehocāa gua.

¹³ Moise gua iro dopa árībiriñumi. Īgure Goāmū īgu gosesiriri pehrerore yu acawererā masiri arīgu dopa īgu diapore suhri gasiro mera cāhmotacāñumi Moise.

¹⁴ Moise İgu diapore İgu cāhmotacū Goāmū gosesiririre İgu ðarire erā ñecu sūmarā İhamasibiridiro dopa ta erā dohpaguere ðari buherire ðaro masibeama. Goāmū wererire iribojegue erā gojarapūrire erā buherā ne masibeama erā Israe masapu. Cristore gamebirā masisome erā. İğure umupeorā tamera İgu yare masirācoma.

¹⁵ Dohpague säre Israe masa Goāmū dorerire Moiserere İgu apirare buhequererā, erāre cāhmotaro dopa ta ne masibeama erā.

¹⁶ Erā mari Opure Jesucristore erā gamecū İgu ta erāre masicū iimi. Iri cāhmotariñere aİro dopa ta mari Opū marire İgu yare ðaro masicū iimi.

¹⁷ “Mari Opū,” arīrā Espīritu Santore arīrā iiaa. Mari Opū İgu Espīritu Santo mari mera İgu arīcū İgu yarā āhraa. Eropā arīrā “Iribojegue maja dorerire iiro gahmea Goāmū yarā arīmorā,” arībeaa mari.

¹⁸ Eropirā Jesu yarā arīrā, Jesucristo İgu ðarire İhmurā iiaa mari. Eropiğū mari Opū Espīritu Santo marire gohrotocū iimi. İgu eropa iicū Cristo ðağū arīdiro dopa ta ðarā warā iiaa mari sā.

4

¹ Goāmū guare mojomoro İağū, ðari buherire weremorāre apimi guare. İgu eropa apicū masirā İgu yare buherā duhudiabeaa.

² Masa İabiro ñerire iicoreri ğuhyasūri āhraa. Iriire ğuapū ne iibeaa. İgu yare buherā ğuyarire buhebiribū. Eropirā ğua Goāmū yare ne gohrotobeaa. Eropā iibirā ðari buherire ðaro diaye buhea ğua Goāmū İgu İhuro arīrā. ğua eropa arīricarire arīpehrerā ðaro masima guare İarā gohra.

³ ğua iri buherire ðari buherire werea. ğua irire buhequerecū ta ğajirā masibeama. Eropā masibirāpū peameğue wamorā āhrima.

⁴ Satana ñegu i yeba majarā opū erāre Goāmū yare masibiricū iimi. Cuiiri İhajabirā erā İhajabiro dopa ta masibirā wacū iimi erāre. ðari buherire Cristo İgu turarire erā masibirā wacū iimi İgu erāre. Cristo Goāmū İgu arīricarire opami. İgu Cristo Goāmū gohra ta āhrimi.

⁵ ğua buherā “Ĝuapūre umupeoğue,” arī buhebeaa. Őpa arī buhea ğua: “Jesucristopū āhrimi mari Opū,” arī buhea ğua. Ĝuapū Jesure yāhrirā āhraa. Eropirā mūare itamurā āhraa ğua.

⁶ Negohraguere Őpa arī dorepū Goāmū i ũmū naitİaro arīcū: “Boyoro arīque,” İgu arīcū boyoa wayoro. Eropiğū dohpaguere İgu ta iri turari mera marire masicū iimi boyoro arīro dopa. Eropā marire masicū iigu İgu ðaro arīricarire marire masicū iimi. Jesucristore masirā İgu Pağū İgu ðaro arīricarire masia mari.

Cristo turari mera mari āhraa, arī ğojañumi Pablo

⁷ Eropā masirā arīrā, Goāmū İgu turarire ğajirāre masicū iiaa. Eropā iirā arīquererā ta turabirā āhraa ğuapū. Mátasoro mata wahrirasoro iro dopa ta ğua sā turabirā āhraa. ğua eropa turabirā arīquererā ta ğua masare Goāmū yare werēcū İarā, ğua gamero mera iimasibirirare İarā Őpa arī masirācoma erā. “Goāmū turari mera eropa arī wereniğuma marire,” arīrācoma masa. Eropirā Goāmūpūre umupeorācoma.

⁸ Arīpehrerā ğajirā guare ñero iiquererā ta Goāmū guare taucū erā ğuare tarinugabeama. Eropirā ğua gariborequererā ta ne Goāmū yare buhe duhudiabeaa.

⁹ Ĝuare erā ñero iinigiquerecū ta Goāmū guare eropa itamunigiçami. Ĝuare erā pamehpiquecū ta İgu itamuri mera sīribeaa ğua.

¹⁰ Erā wejēsūmorā arīcārā tiİaa ğua Cristo i yebaguere ñero İgu taridiro dopa ta. Erā wejēsūmorā arīquererā eropa arīniguirā tiİaa ğua sā Cristo İgu ojocaririre İhmmorā.

¹¹ Eropirā ũmuri nucu ğajirā guare wejēmaja ğuhya āhrima Cristo yarā ğua arīri dipuwaja. Őpa ta ñero tariquererā arīniguija ğua Cristo İgu ojocaririre İhmmorā.

¹² Eropirā mūare ğua buheri dipuwaja guare ğajirā wejēmaja ğuhya āhrima. ğua buherire mūa peenirāpū ũmuri nucu Goāmū mera arīmorā āhraa.

¹³ Goāmū yare erā gojarapū Őpa āhraa: “Goāmūre umupeobū. Eropiğū İgu yare werebū,” arī ğojañumi iribojegue majagū. ğua sā yujuropa ta āhraa. Goāmūre umupeorā İgu yare werea.

¹⁴ I säre ðaro masirā İgu yare werea ğua. Cristo İgu sīrira pūhrū Goāmū İğure masudi arīmi. Eropiğū Cristo yarā mari arīcū İağū İgu mari säre masuğucumi. İgu eropa masura pūhrū İgu pohrogue aİğāğucumi marire.

¹⁵ Eropirā mūare itamudiarā ñero taria ğua. Eropirā Cristo yarā mūa bajarā warā, bajarā mūa Goāmūre mucubiriri mera umupeorāca. İğure “Őhaa,” arīrāca.

¹⁶ Mña eropa umupeocũ ĩarã, gwa ñero tariquererã ta bujawerebeaa. Eropirã Cristo yare were duhubeaa. Gwa dupu umuri nucu turabiri wahgãro iiaa. Eropa turabiri wahgãquererã ta ðaro siporãcua Jesucristore guñaturari mera.

¹⁷ Dohpaguere ñero tariquererã ta puhru ñero tarisome. Eropirã Cristo yare were duhubeaa. Iri ñero mari tariri pehrea waroca. Eropirã marire merogã ñero tariro gahmea. Eropa mari ñero tarinirã ářřã, puhřuguerere wuaro mucubiriri mera ářřniguirãca Goãmu mera. Eropirã mari ñero taridiro tauro buřigã mucubiriri mera eropa ářřniguirãca.

¹⁸ Eropirã mari ĩarire dohpaguere mari warore guñanurubeaa. Mari ĩabiriripure puhru mari Goãmu mera ářřniguiburire guñanurua. Mari dohpaguere ĩari pehrea waroca. Mari ĩabiriripu ářřniguirãca.

5

¹ I sãre masia mari: Wihire mari cõadiro dopa ta mari dupure cõãrãca. Eropigu mama wihi iibodiro dopa ta Goãmu mama dupure iigucumi. Eropigu iri dupure marire ogucumi. Eropirã umaroguere eropa ářřniguirãca iri dupu mera. Irire masirã ñero tariquererã Goãmu yare duhubeaa.

² Eropirã iri dupure umaro maja dupure turaro gamerã, mari eropa coreniguirã iiaa.

³ Suhřirore turaro mari sañadiaro dopa ta iri dupure turaro gahmea mari. Eropa ta cohrea mari iri dupu marirã ářřdiabirã.

⁴ Dohpaguere maja dupure cõãdiabiriquererã umuri nucu Goãmu mera mari ářřburi dupure buřigã gahmea mari. Eropirã i mari dupu siriburi dupu iri ářřcũ masirã, mama dupu mera Goãmu mera eropa ářřniguidiaa mari.

⁵ Mari ĩgu mera ářřniguiborore amuyudi ářřmi Goãmuru. Eropa amuyugu ĩgu Espiritu Santore omuhtami marire. Eropigu ĩgu Espiritu Santo mari mera ářřcũ ĩha marire Goãmu ĩgu iiborore, “Diaye ta áhrea,” arĩ masia mari.

⁶ Eropirã Goãmu mera siporã turarã áhrea. Güiro mariro áhrea mari. I sãre mari masia. I dupu mari ářřmuhtara dupu mera ářřã, mari Opu pohro ářřnibeaa.

⁷ Umaro majare Goãmu sãre mari ĩabiriquererã ta “ĩgu diaye ta áhřimi,” arĩ masia mari. Eropirã ĩgure umupeoa.

⁸ Eropirã mari Goãmu pohro waborore masia. Mari dupure i yeba maja dupure cõãrã mari Opu mera umarogue mari ářřdiaa.

⁹ Eropirã Cristore mucubiricũ iidiaa mari. I yeba maja dupu mera ářřã ĩgure mucubiricũ iidiaa mari. Umarogue ářřã sã ĩgure mucubiricũ iidiaa.

¹⁰ Ářřpehřerã Cristo pohroguere mari wacũ ĩagu ĩgu mari ĩirare beyegucumi. Eropiro mari ĩira masisũroca. Eropigu marire ðarire mari ĩira wajare ogucumi. Ñerire mari ĩira waja sãre ogucumi. ĩgu eropa beyegu ářřcũ masirã ĩgure mucubiricũ iidiaa mari.

Goãmure mari mera ðaro ářřcũ ĩimi Cristo, arĩ gojañumi Pablo

¹¹ Eropirã guhyadiaro mera mari Opure umupeoro gahmea marire. ĩgu marire eropa beyeburire masirã, Cristo yare masicũ iiaa gwa masare. Erãre güisãrã, ĩgure umupeocũ iidiaa gwa. Gwa ðarã ářřřire Goãmu ðaro masimi. Gwa eropa ĩirire mña sãre ðaro masicũ gahmea yuhu.

¹² Dipaturi gwa ðarã ářřřire muare wererã iibeaa. “Gajirãre tarinũgaa,” arĩmaacãñirãre mña wereburire eropa wererã iiaa gwa muare. Erã basi eropa arĩ pepirãpu erã pepirãgure ñerã, guyaricurã ářřquererã ta masa erã ĩhuro dihtare ðarã iro dopa ĩirima. Eropirã mña guare mucubiriboro dopa, “Õaro ĩirã ĩima,” gajirãre mña guare arĩ cãhmotaburire i ářřpehřerire muare were gojarã iiaa.

¹³ ¿Gwa ðpa arĩ wererã pee masibirã áhřiri gwa mña ĩacũ? Masa guare ĩarã pee masibirã iro dopa ĩhama guare. Goãmu yare gwa werecũ ĩarã eropa ĩabocoma guare. Erã eropa arĩ ĩabonirã ářřquererã ta pee masirã ta áhrea gwa muare eropa itamumorã.

¹⁴ Cristo ĩgu guare mahicũ ĩarã masare eropa itamua. ĩgu eropa mahicũ ĩarã ĩgu yare eropa buheniguia gwa. Marire mahigu yujuju ta Cristo mari ářřpehřerã ya ñeri dipuwajare sřřidi ářřmi. Eropigu ářřpehřerã mari ñeri dipuwajare sřřimorã ářřñirãre sřřibasadi ářřmi. Irire guñarã ĩgu yare ĩiniguia gwa.

¹⁵ Ářřpehřerã mari ñeri dipuwajare sřřidi ářřmi ĩgu mari gamero dopa mari iibiriboro dopa. Eropigu ĩgu gameripure iidoregu sřřidigu ářřmi ĩgu. Maripure Goãmu pohroguere mari ejabore eropa sřřidi ářřmi. ĩgupu mari ya ářřburire sřřirã puhru masa mũriadi ářřmi. Eropirã mari gamero dopa mari uaribejarire iibirã ĩgu yare ĩiro gahmea pare marire.

¹⁶ Eropirā dohpaguere Jesure gamebirā gajirā erā árīricūre iha werewuaro dopa ne arī iabeaa gua. Iribojeguere gua Cristore eropa iaquererā dohpaguere iġure oaro masia.

¹⁷ Eropirā árīpeherā Cristo yarā warā oaripure gohrotoa mari. Iribojeguere mari gamero mari árīrare duhucāa mari. Dohpaguepure oaripure corerā iiaa mari.

¹⁸ Goāmupū marire oarire gohrotocū iimi. Iribojeguere mari Goāmū mera oaro árībirimuriribū. Eropiġu Jesucristo mari űeri iira dipuwaja siribasara mera Goāmū marire iġu mera oaro árīcū iidi árīmi. Eropia iġu guare iġu yare buhedoreġu apimi. Eropia buherā, gajirāre Goāmū mera erā oaro árīcū iiaa gua sā.

¹⁹ Ōpa arī masare weredoremi Goāmū guare: “Mari masa iġu mera oaro árībirinirā árīquerecū Goāmū Cristo sīrira mera marire iġu mera oaro árīcū iimi. Eropiġu Cristore mari umupeocū iāġu mari űeri dipuwajare dipuwaja moabeami Goāmū marire,” arī weredoremi Goāmū guare.

²⁰ Eropirā Cristo yare weremorā iġu obeonirā āhraa gua. Goāmū iġu basi muare iġu werobodiro dopa ta guapu muare opa arī werea: Cristore werebasarā iiaa. Eropirā muare werea. Goāmure mua iħaturirare iripēta duhuque.

²¹ Cristo iġu űerire iibiriquerecū ta Goāmū iġure mari űeri dipuwajare sīrdoredi árīmi. Eropia iġu mari űeri dipuwajare dipuwaja moadi árīmi Goāmi űeri dipuwajare dipuwaja moabeami Goāmū marire,” arī Jesucristore. Iġu eropa iidi árīmi Cristo yarā mari wacū, Goāmū iro dopa oarā mari árīboro dopa.

6

¹ Goāmū eropa iġu iġu muare iġu oaro mojomoro ĩarare iħmumi. Eropirā Goāmū yare mohmebasarā árīrā ire turaro muare iidorea gua. Goāmū oaro iirare oari buherire mua peediro dopa ta iġue mua. Mua peediro dopa ta mua iibiricū mua peera duhpiburi árībeaa.

² Ōpa árīmi Goāmū iġu yare erā gojarapūgue: beami Goāmū marire,” arī Muare yu oaro iiburinuri árīcū mua serērire pee yuħrigura.

Eropiġu muare peamegue wabonirāre yu tauburinuri árīcū itamugura, árīmi iġu. Peeque mua. Dohpaguere Goāmū masare iġu oaro iiburinuri āhraa. Dohpaguere masa Jesucristore umupeoburinuri āhraa Goāmū erāre tauboro dopa. Eropirā dohpaguere iġure umupeoro gahmea, arī werea gua.

³ “ĶŌari buheripure gamebiribocuri?” arīrā, ne merogā gajirāre űero iibeaa gua. Gajirāre ne űero arī wereniġubeaa.

⁴ Irire iibirā Goāmū pohro majarā gua árīrere muare masicū iidiaa. Eropirā iġu yare buherā opa āhraa gua: űero tarirā gajino moorā bocatūua. Guare erā űero iiquerecū ta guaro mariro āhraa.

⁵ Ōpa űero taribu gua: Masa guare pacū, peresu erā iicū, masa bajarā guare wejēdiarā erā ġaġuinigicū peerā űero taribu gua. Gua turaro mohme oēarā sā, wuġa pūriquerecū ta carībirā sā, oaboarā sā űero taribu.

⁶ Eropirā oaro árīricuri mera diaye buhebu. Eropirā Goāmū yare buherā oaro masiri mera buhebu muare. Eropirā ne guabiribu gua. Eropirā oaro mera buhebu gua muare. Eropia iirā Goāmū pohro majarā gua árīrere iħmurā iibu gua muare. Espīritu Santo iġu itamuri mera eropa ta Goāmū pohro majarā gua árīrere iħmurā iibu gua muare. Eropirā diaye muare gua mahicū ĩarā iġu pohro majarā gua árīrere masia mua.

⁷ Eropirā oari buherire diaye muare werecū ĩarā, Goāmū turari mera gua iicū ĩarā, iġu pohro majarā gua árīrere masia mua. Ōaripu árīpeherri gua iira gua moġo iro dopa āhraa gua oaro cāħmotaboro dopa. Iri oarire iirā gua watire cāħmotarā iiaa. Eropirā iri oari gua iira mera gua iġure tarinugaa.

⁸ Eropia iirā gajirā guare umupeoma. Gajirāpu guare umupeoamea. Gajirā oaro wereniġuima guare. Gajirāpu űero arī wereniġuima guare. Diaye gua werequerecū ta “Ģayarā āħrima,” arī weresāma gajirā guare.

⁹ Ģajinurire guare masirā dopa iima. Ģajinurire guare masibirā dopa iima. Guare erā wejēdiaquerecū ta ojocarīna gua. Erā buřigā panirā árīquererā ta ojocarīa gua.

¹⁰ Ģua yujuyerinuri bujawererā árīquererā ta, eropa mucubiriniguia. Mojomorocurā árīquererā ta erāre oari buherire buherā erāre wuaro doberire gua obodiro dopa ta iirā iiaa erāre. Ģajino moorā árīquererā ta, diaye ta Goāmū yare opapehocāa gua.

¹¹ Corinto majarā, yu acawererā, muare oaro mera werepeho goġabu gua muare. Muare turaro mahirā eropa werebu.

¹² Ģuapu muare mahi duhubirabu. Muapu guare mahibiriħaria.

¹³ Eropigu yu poräre yu werebodiropi dopa ta muare weregura: Muare gua pepidiropi dopa ta mua sä eropa ta öaro pepique guare. Eropirä guare mahique mua.

Cristore umupeobiräre wapicudorebiriñumi Pablo

¹⁴ Eropirä Cristore umupeobirä mera eropa wapicuniguibiricäque. Erä mera majagu ärißita. Yujuro mera ärißeaa mua. Öarire iigu, ñerire iigu mera öaro ärißmasibeami. Boyoro iro dopa ärißä Goämure gamerä ährima. Naitiäro iro dopa ärißä Goämure gamebirä ährima. Eropirä erä perä game wapicumasibeama.

¹⁵ Eropigu Cristo watí mera yujuro pepibeami. Eropigu Cristo yagu, Cristore umupeobigu mera öaro game wapicumasibeami.

¹⁶ Goämure umupeori wihigie goämarä wéaniräre mari apicü queoro wabeaa. Eropi ta Cristo yarä Cristore gamebirä mera wapicuniguicü queoro wabeaa. Erä pe curu majarä yujuro mera erä ärißmasibeama. Goämu wihi iro dopa ähraa mari. Igu wihi ärißo dopa ta mari mera ährimi igu. Öpa arññumi Goämu igu yare erä gojarapüque: Erä mera ta ärißgura yuhu. Eropigu erä watope ta eropa ärißniguigura. Yuhu Goämu erä opu ärißgura. Eropirä eräpu yaharä masa ärißäcoma, arññumi igu.

¹⁷ Eropigu öpa arññemoñumi igu mari Opu:

Erä ñerä mera ne dujabitä. Eropirä eräre wapicubita. Yure gamebirä yare ñerire ne iibiricäque. Eropigu yupu muare wapicugura.

¹⁸ Eropigu mua pagu ärißgura. Muapu yu porä ärißräca, arññumi mari Opu turatariagu.

7

¹ Yu acawererä, yu mahirä, muare ire weregura: I ärißpehrerire Goämu marire igu eropa arí werecü iarä ärißpehrerire mari dupure goroweore duhurä. Eropirä mari pepiri säre goroweore duhurä. Eropirä Goämure öaro umupeori mera ñero iiro mariro ärißä mari.

Pablo mucubiriri mera wereñumi Corinto majaräre

² Öaro guare mahique. Ne merogä mera ñero iibiribu gua muare. Eropirä gua buheri mera muare ñero iicü ne iibiribu gua. Ne yujugure mua mera majagure gayari mera waja gamebiribu.

³ Eropa arigu "Dipuwajacurä ähraa mua," arigu iibea muare. Muare mahia gua. Irire muare weretuhabu. Ojocarirä yuju curu ta ähraa mari. Mari sñirira puhugue säre yuju curu ta ärißräca mari.

⁴ Öaro mua iirare masia yuhu. Eropigu muare guñabeogu mucubiria. Eropirä gua ñero tarisubure mua öaro iira querere pee burigä mucubiribu yuhu.

⁵ Eropi Macedonia yebague gua ejara puhru, erogue ejarä ne soobiribu gua. Eroguere ñero taribu gua. Gajirä gua mera game duyasoma. Eropirä "Cristo yare duhubocoma," arirä Cristo yaräpure wuaro guñaricubu gua.

⁶ Gua eropa ñero taricü Goämupu guare öaro siporäcücü iimi. Igu marire bujawereräre mucubiricü iigu ährimi. Eropigu Tito gua pohroguere igu dujariro mera guare mucubiricü iimi Goämu.

⁷ Tito igu eracü iarä mucubiribu. Iri dihtare mucubiribiribu. Muare igu öari quere werecü säre turaro mucubiribu. Yure mua iadiarare weremi guare. Yure mua bujawerera säre weremi igu. Yure "Goämu yare iigu iimi Pablo," mua gajiräre arí werera säre weremi igu. Igu eropa aricü peegu turaro mucubiribu yuhu.

⁸ Ero core yuhu mua ñero iirare were gojabeorapü mera muare merogä bujawerecü iiribu. Eropa iidigu ärißqueregu ta "Iri carta mera ñero iibu," aribeaa. Iripüre mua buhera puhru bujawereyoro mua. Eropigu ne gojabeora puhru ta "¿Ñero iari yuhu?" arí pepiribu. Eropa aríqueregu ta "Ñero iibu," aribeaa dohpagure.

⁹ Dohpague tamerare mucubiria yuhu. Mua bujawererare peegu mucubiribeaa. Mua bujawererä öaripure gohrotorapure peegu mucubiria yuhu. Mua ñero iirare bujawerecü iagu Goämupu muare öarire gohrotocü iidi ärimi. Eropirä muare bujawerecü iirä ñero ii goroweorä iibiribu gua muare.

¹⁰ Eropirä Goämu igu gamero dopa ta bujawererä, mari ñerire bujawere öaripure gohrotoräca. Eropa ta mari bujawerecü iagu mari peamegue waboniräre taumi Goämu. Eropiro mari eropa bujawerecü öha ähraa marire. Cristore gamebiräpu erä bujawerequererä erä ñerire duhubirä peamegue wamorä ärinima.

¹¹ Muapu Goämu igu gamero dopa ta bujawereayoro. Mua eropa bujawererä öpa iirä waicuabu mua: Dohpaguere ñerire iiräre eropa iacäbirä waicuabu mua. Ne iri ñerire gamebirigohracäyoro mua. Erä ñeri iira mera guayoro. Eräre ñerire iirire duhudorerä waicuabu mua. Eropirä erä ñerire güirä waicuabu mua erä iro dopa iiri

arĩrã. Eropirã yũre mahirã yũre ïadiayoro mua. Eropirã ñeri ïgure dipuwaja moayoro. Iri arĩpehrerire mua iira mera iri ñeri dipuwaja marirã mua arĩrĩre ïhmuabu mua guare.

¹² Iribojegue ñero ïgure muare were gojabeoqueregu ta ïgure itamubu eropa arĩ gojabeobiribu yuhu. ïgu ñero iidigu sãre itamubu eropa arĩ gojabeobiribu. Muapũre itamubu iripũre gojabeobu. Goãmu ïgu ïhurore guare ðaro umupeoa mua. Irire mua umupeorare mua ðaro gunãboro dopa iripũre gojabeobu muare.

¹³ Eropirã Tito mua iira quere guare werecũ peerã burigã mucubiria gua.

Tito sã mua mera turaro mucubiricũ ïha gua sã mucubiribu. ïgure mua ðaro mera bocatĩricũ peerã, mua mera ïgu mucubirirare peerã, gua sã ðaro mucubiribu.

¹⁴ Negohraguere mua pohro ïgu waboro corere mua mera yu mucubirirare, ðarã mua arĩrãre werebu ïgure. Eropirã yu arĩdiro dopa ta ðaro ïayoro mua ïgure. Eropigu ïgure yu arĩrãre guhyasĩribirabu. Titore muare gua werera diaye ta arĩbu dohpaguere ïgu ïadiro dopa ta.

¹⁵ Mua pohrogue ïgu ejacũ umupeori mera bocatĩriayoro mua. Eropirã guhyadiaro mera iarã tarinũgaro mariro mua yuhrirã arĩcũ ïapu ïgu. Eropigu muare mahinemogu iimi ïgu.

¹⁶ Dohpaguere ðaro yuhrirã Goãmu ïgu gamero dopa ta mua ðaro mua iipehorã arĩcũ ðaro masia yuhu. Eropa masigu burigã mucubiria.

8

Cristo yarã arĩrã gajirãre eropa ocãro gahmea marire, arĩ gojañumi Pablo

¹ Gua acawererã, ire muare masicũ gahmea gua. Cristo yarã Macedonia yeba majarã Goãmu mahiri mera ïgu mojomoro ïari mera erã ïirare muare weregu.

² Erã ñero tariquererã ta, niyeru moorã arĩquererã ta mahiro mariro eropa ocãma gajirãre. Cristo mera turaro mucubirã arĩrã, erã gajirãre ðaro mera erã oparire eropa ocãma.

³ Muare arĩgu iiaa. Erã erã oparopẽ orã, tauñariro oma. Erã gamero oma erã.

⁴ Goãmu yarãre mojomorocũrãre turaro itamudiarã, erãre erã obeorire aĩdorema guare.

⁵ "Ipẽ orãcoma erã," arĩ gua pepidiro tauro oma erã. Őpa iima erã: Negohraguere niyerure erã oboro core mari Opũ ïgu gamerire iidiarã arĩtuhama. Eropirã Goãmu ïgu gamero dopa ta gua sãre umupeori mera yuhrinirã arĩma. Eropa iirã arĩrã erã niyeru sãre oma.

⁶ Erã eropa ocũ iarã Titore guapu ðpa arĩbu: "Erãre mu buhenũgadiro dopa ta Corinto majarã sãre erã mojomorocũrãre oburire wereque," arĩbu gua ïgure. Mua sã gajirãre mojomoro ïarã mua itamuboro dopa eropa arĩbu ïgure.

⁷ Eropirã muapu arĩpehrerire ðaro iirã arĩtuhaa. Cristore diaye ta ðaro umupeoa mua. Eropirã ïgu yare ðaro werea. Eropirã Goãmu yare ðaro masia mua. Eropirã Goãmu ïgu gamero dopa ta turaro iidiaa. Eropirã guare mahia mua. Eropa ta ðaro iirã arĩtuhaa mua. Mua eropa ðaro iirã arĩquerecũ ta merogã duhyania mua iipehoburi. Mojomorocũrã tamerare mua mojomoro ïacũ gahmea gua. Eropirã erãre mua ðaro mera wuaro ocũ gahmea gua.

⁸ Eropa arĩgu muare doregohragu iibeaa yuhu. Eropa arĩ weregu iiaa muare. Gajirã mojomorocũrãre erã turaro itamurare muare weregu iiaa. ¿Mua diaye ta gajirãre mojomoro ïhari? arĩ masidiagu iiaa.

⁹ Mari Opũ Jesucristopũ marire ïgu mojomoro ïarare masia mua. Iri diaye ta aħraa. ïgu umaroguere wuaro opagu arĩqueregu ta i yebaguere arigu mojomorocuro wapu. Eropigu mua ya arĩburire sĩrigu sã mojomorocuro wapu. Őpa ta wapu muapu mua wuaro opaboro dopa, ïgu mera mua ðaro arĩnigucãborore.

¹⁰ Muare weregu iiaa. Őpa pepia yãpu: Yuju bojori wahaa mua mojomorocũrãre odiara puhũ. Muapu mojomorocũrãre odiamũhtaribu. Eropirã erãre omũhtabonirã arĩbu mua.

¹¹ Eropirã mua odiarare dohpaguere oho ojogorocũque. Mua odiamũhtadiro dopa ta dohpaguere ðaro opehoque. Eropirã pagari oparã arĩrã wuaro oque. Merogã oparã arĩrã merogã oque.

¹² Burigã mua odiari mera irire mua orare Goãmu mucubirigũcumi. Eropirã ðaro mua omasiropẽ oque. Mua oropẽ ta mucubirigũcumi. Mua opabirirare mua ocũ gamebeamĩ ïgu.

¹³ “Mojomorocuräre oque,” arıǵu eräre wuaro opadoreǵu iibeaa. Eropıǵu mwapure mojomorocurā dujacū iidiabeaa.

¹⁴ Mware yuju mera opadoreǵu eropa arıǵu iiaa. Dohpaguere mwapu wuaro opaa. Eropa oparā gajınore mooräre omasia mua. Puhru mware gajino moocū erā sã mware omasima. Mwa eropa game orā yujuropa oparāca árıpehrerā Cristo yarā.

¹⁵ Eropa ta áhraa Goámu yare erā gojarapū: “Wuaro aıǵu sã gajıǵu tauro opabeami. Merogā aıǵu sãre ne merogā duhyabeaa,” arāa Goámu yare erā gojarapū.

Tito ıǵu mera majarā mera Corintogue wañumi

¹⁶ Eropı mware yu itamudiro dopa ta Tito sã mware itamudiami. Goámuru ıǵu itamudiacū iimi ıǵure. ıǵu eropa iicū ıaǵu “Óhaa,” arāa Goámure.

¹⁷ Titore gua mua pohrogue wadorecū ıǵu óaro mera yuhriami. Eropıǵu ıǵure mua pohrogue gua wadoreboro coregue ta mua pohroguere “Wagura,” arı guñatuhadi áhrami ıǵu.

¹⁸ ıǵu gajıǵu Jesu yagu mera wapimoa obeobu gua. Tito mera majagu árıpehrerā gajırā Jesu yarā erā umupeogu áhrimi. Óari buherire óaro ıǵu mohmegu árıcū ıarā ıǵure óaro umupeoma.

¹⁹ Eropırā Jesu yarā ıǵure ta gahmeama gua mera curibure. Iri niyerure mojomorocurā pohrogue gua aıcū gua mera curibure gahmeama ıǵure. Iri niyerure mua gameneorare gua mojomorocuräre orā wacū ıarā mojomorocurāpū “Marire mari Opū itamugu iimi,” arırācoma. Gua eropa ocū, eräre barıgā mari itamudiarare masırācoma.

²⁰ Eropırā i niyerure wuaro Jesu yarā erā odorereare gua aırā óaro ihadiburāca erā orare guare weresāri arırā.

²¹ Mari Opū ıǵu ihabeoro diaye óaro iidiaa gua. Eropırā masa erā ihuro sãre óaro iidiaa.

²² Eropa iimorā gajıǵure mari acaweregure obeorāca Tito sã mera. Gua ıǵu mera obeogure bajasuburı gajıräre ıǵu óaro itamucū ıabu gua. Eropıǵu dohpaguere mwapu gajıräre mua itamudiacū ıaǵu ero core ıǵu iidiro tauro óaro mware itamudiami.

²³ Tito sãre mware wereǵura. ıǵu yu mera majagu áhrimi. Mware yu itamucū ıǵu yu mera mohmegu áhrimi. Gajırā ıǵu mera wamorā Jesu yarā erā beyenırā erā obeorā áhriima. Erā Cristo yare iima gajırā Cristore erā umupeoboro dopa.

²⁴ Erā eropa árıräre mahiri mera óaro eräre bocařrique mua. Mwa eropa iicū ıarā gajırā Jesu yarāpū óarā mua árıricurire masırācoma. Mari obeonıräre “Óaro mera bocařrırácoma Corinto majarā,” arı weretuhabu gua mera majaräre. Mwa eropa óaro bocařrıcū ıarā gua werera diaye árıcū ıha masırācoma gajırā Jesu yarā.

9

Jesu yaräre mojomorocuräre erā oburire wereñumi Pablo

¹ Eropırā Goámu yaräre mua itamuborore mua oburire masituhaa mua.

² Gajıräre mua itamudiarire masia yu sã. Eropa masıǵu Macedonia majaräre ópa arı werebu: “Corinto majarā Jesu yarāpū gajıräre itamudiatuhama. Yuju bojori tarıa erā itamudıadiro,” arı weretuhabu eräre mware. Mwa eropa itamudiacū peerā bajarā erā sã mojomorocuräre itamudıama.

³ Mwa mojomorocuräre oborare gajıräre werequereǵu “Iri niyerure gameneobiribocoma yu ejaboro core,” arı pepia mware. Eropıǵu dohpaguere óare mari acawereräre mua pohrogue obeomuhtagu iiaa. Mojomorocuräre mua oburire gameneo mua opayuboro dopa óare obeomuhtagu iiaa.

⁴ Eräre obeobıǵu Macedonia yeba majarā mera mua pohrogue yu ejagu, mua oburire mua opabırıcū ıaǵu guhyasırısáboya yuhu mware. “Mojomorocuräre orācoma,” yuhu mware arıra puhru mua obırıcū ıaǵu guhyasırısáboya yuhu mware. Mwa sã guhyasırıboya.

⁵ Eropıǵu mua pohrogue yu ejaboro core eräre mari acawereräre obeomuhtagu iiaa. “Mojomorocuräre wuaro orāca,” mua arırare mua opayuboro dopa eräre obeomuhtagu iiaa. Mwa oburire mua gameneocū erāpū mware weresererācoma. Eropıǵu yuru eja mua oburire mua opayutuhacū ıha mucubırırı mera mua odıarare masıǵura. Mware gua odorera árısóme irı.

⁶ Eropırā ire guñaque mua: Bajameyerıgā otedıǵu bajamegā ducare aıǵucumi. Bajayerı otedıǵu baja dıca Eropıǵu mua pohrogue yu ejaboro core eräre mari acawereräre obeomuhtagu iiaa. “Mojomorocuräre wuaro orre aıǵucumi. Eropa ta áhraa mojomorocuräre mari ocū. Merogā mari ocū, Goámu merogā oǵucumi marire. Wuaro mari ocū wuaro marire oǵucumi.

⁷ Eropirā yujurāyeri mua “Ipē ogura,” arī oque. Mahiñari obiricāque. “Marire odoreama,” arīro mariro oque. Mucubiriri mera orāre gahmemi Goāmū.

⁸ Īgūpū mua gameri tauro muare ogūcumi. Eropirā árīpehrerire mua gameri duhyarire opapehorāca. Eropirā gajirāre mua oburi sã ðaro sihajaroca mua opari.

⁹ Eropa ta āhrraa Goāmū yare erā gojarapū:

Mojomorocurāre wuaro ohomi Īgū. Ōaro mera masare itamuniguimi Īgū, āhrraa Īgū yare erā gojarapū.

¹⁰ Eropiro oteri ðacacura puhru oteri masu Īgū oteburi coyere ohomi Goāmū. Puhru Īgū oterare ðacacucū iimi Īgū baburire. Mojomorocurāre mua wuaro ocū oteri masare Īgū coyere oro dopa ta mua sãre wuaro ogūcumi Goāmū. Eropa ta muare ogūcumi mojomorocurāre mua onemoboro dopa.

¹¹ Eropa ta āhrraa. Wuaro ogūcumi gajirāre wuaro mua eropa oniguicāboro dopa. Eropirā mua iri niyerure odorerare gua ocū erā ñearāpū mucubiriri mera Goāmūre “Ōhaa,” arīrācoma.

¹² Eropirā mojomorocurāre Goāmū yarāre orā, erāre itamurā iiaa mua. I dihtare iibeaa mua. I sãre iirā iiaa mua. Mua eropa orā bajarā masa Goāmūre mucubiriri mera “Ōhaa,” arīcū iirāca mua.

¹³ Eropa mua gajirāre itamucū ĩarā, Goāmūre umupeori mera wereniguirācoma masa. Eropirā erāre gajirā sãre wuaro mua ocū ĩarā Goāmūre “Ōatariagu āhrimi,” arīrācoma masa. Eropa arīrācoma Cristo ya buherire ðari buherire mua ðaro yuhricū ĩarā.

¹⁴ Eropirā Goāmū Īgū mojomoro ĩadiro dopa ta mua sã erāre mojomoro ĩacū erāpū muare gamerācoma. Eropa gamerā muare serēbasarācoma Goāmūre.

¹⁵ Goāmū marire ðatariaro iigūcumi. Īgū eropa iiborore masirā “Ōataria,” arāa mari ĩgure.

10

Jesu ĩgū apidigū ĩgū árĩrĩre wereñumi Pablo

¹ Dohpaguere yuhū Pablo muare weregura. Cristopū ne guabigu, masare ðaro iigu árĩñumi. Īgū ĩidiro dopa ta yū sã muare werediaa ðari mera. Yujurāyeri mua mera majarā ðpa arāyoro yure. “Mari mera árĩgū eropa pepicāgū bu árĩgū iro dopa árĩmi Pablo. Eropa árĩqueregū ta gajipugue árĩgū marire doyarō mariro turibeomi,” arāyoro mua yujurāyeri yure.

² Eropigu muare ire burigā dorea: Mua pohrogue yū ejacū ðaro iique mua, “¿Pablo guare turiri?” arĩrā. Yujurāyeri yare ðpa arāyoro: “Īgū, ĩgū gamero, Goāmū dorebiriquerecū iimi,” arāyoro mua yure yujurāyeri. Eropa arĩrā tamerare turiboca yuhū.

³ Gua sã i yeba majarā ta árĩrā iiaa. Eropa árĩquereerā ta i yeba majarā erā gamero ĩiro dopa ta iibeaa gua.

⁴ Surara erā tarinugaro dopa ta guapū ñerire tarinugadiaa. Surara erā mojo oparo dopa ta gua sã mojo opaa. Gua mojo i yeba majarā erā masiri, erā wereniguitarinugari, erā turari árĩbeaa. Gua mojo Goāmū ya turaripū āhrraa. Iri turari mera masa Goāmūre erā umupeodorebirirare duhucū iiaa gua. Eropirā erā gamero erā masirire iri duhpiburi árĩbiricū masicū iiaa gua iri turari mera.

⁵ Eropirā árĩpehrerā erā gamero pepirare Goāmūre erā masidorebirirare duhucū iiaa gua. Eropirā iri turari mera Goāmūre gamebirāre Cristore ðaro yuhrirā erā árĩcū iiaa gua. Cristo ĩgū gamero dopa ta erāre pepicū iiaa gua.

⁶ Eropirā gajirā mua mera majarā Cristore tarinugacū ĩarā erāre dipuwaja moamorā árĩrāca gua. Mua ðaro yuhhira puhru Cristore tarinugarāpūre eropa dipuwaja moamorā árĩrāca gua.

⁷ Yū árĩricuri dihtare masia mua. Yū pepiripūre ne masibeaa mua. “Cristo yarā āhrraa,” arĩrā árĩrā ðpa masique mua: Gua sã mua iro dopa ta Cristo yarā ta āhrraa.

⁸ “Mari Opū ya buherire ðari buherire buhedoregū apimi guare,” arĩgū bajasuburi muare iri dihtare eropa arĩ werequeregū ta guhyasĩrĩbeaa yuhū. Guare eropa buhedoregū muare itamumorāre apimi guare. Muare gorowemorāre apigū iibirimi guare.

⁹ I yū gojabeoripūre mua ĩha ũcacū gamebeaa yuhū.

¹⁰ Yujurāyeri mua mera majarā ðpa arāyoro: “Pablo gojabeogū pūriro dihta gojabeomi marire. Eropa árĩqueregū ta mari mera árĩgū eropa árĩcāgū āhrimi. Bu árĩgū iro dopa āhrimi. Eropiro ĩgū marire wereniguii duhpiburi árĩbeaa,” arāyoro mua yujurāyeri.

¹¹ Eropa arĩrãre õpa arĩ weregura: Mũa arĩdiro dopa ta iibeaã gũa. Muare gũa arĩ gojabeodiro dopa ta eropa ta arĩ wererãca mũa pohro arĩrã. Eropirã “Õpa iirãca,” gũa arĩ gojabeodiro dopa ta eropa ta iirãca mũa pohro arĩrã sã.

¹² Yujurãyeri mũa mera majarã “Õaro masipehorã ãhraa gũa,” arĩ wereniguimaacãma erã basi. Erã game iha bocatĩrã “Maripũ ðatariarã ãhraa,” arĩma erã. Eropa arĩmaacãrã “¿Gajirã ðarã iro dopa ãhriri mari?” arĩbeama erã basi. Guapũ erã iro dopa iisome.

¹³ Goãmu guare iġu buhedore iġu apira dihtare werea guapũ muare. Gajirã erã mohmerare “libũ guapũ,” arĩrã iibeaã. Goãmu mũa sãre buhedoregu guare apimi.

¹⁴ Eroparĩrã guyarã iibeaã gũa. Õari buherire Cristo yare muare buhemuhtarã ta ejabũ gũa. Eropirã Goãmu guare buhedore iġu apira dihtare wererã iiaa muare.

¹⁵ Eropirã gajirã muare itamucũ iha “Guapũ irire iibũ,” ne arĩbeaa gũa. Cristore mũa umupeonemocũ iiburipure gahmea gũa. Eropa gamerã muare buhenemodiaa gũa. Eropa gũa buherã Goãmu iġu apirañe pẽta buhediaa gũa muare.

¹⁶ Eropa buhediaa mũa ya yeba core majarãre ðari buherire peebirãre ðari buherire wererã waboro dopa. Eropa warã gajirã erã buhera puhrũ ejarã, “Guapũ erãre buhemuhtarũ,” arĩsome gũa.

¹⁷ Goãmu yare gojarapũgue õpa ãhraa: “Mari iirire iarã mucubiribicãro gahmea. Mari Opũ iġu iiripure iarã mucubiriro gahmea. Iripure gajirãre werero gahmea,” arĩ gojara ãhraa.

¹⁸ Masa erã basi “Guapũ iibũ,” erã arĩcũ iha mucubiribeami Goãmu. Mari Opũ Cristo Goãmure “Oã ðaro iima,” iġu arĩrãpũre suami Goãmu.

11

“Jesu iġu apinirã ãhraa gũa,” arĩ guyarãre wereñumi Pablo

¹ Yũ basi yũ arĩricũrĩre weregu pee masibigu iro dopa weregu iiaa, arĩ pepia. Yũ arĩricũrĩre muare weregu guhyasĩrĩñaria. Yũ eropa arĩ werecũ peenique mũa yũre dohpaguere.

² Goãmu muare iġu mahiro dopa ta turaro mahia yũ sã muare. Nõmeo gajigũ umũ mera igo ñero iibigo igo yujugure ta gamedigo iro dopa mũa Cristo dihtare gamecũ gamerabũ yũhu muare.

³ Eropa gamequeregu “Erã Cristo yare cõãbocoma,” arĩ guñaricua muare. Gajirã ñerã muare guyarã, gajiropa arĩri buherire gamecũ iibocoma muare. Pĩru iġu masiri mera Evare guyacũ igo Goãmure tarinũgañumo iribojeguerẽ. Iġu eropa iidiro dopa ta dohpaguere ñerã muare guyarã, Cristore mũa ðaro umupeorire goroweobocoma. Eropigu muare guisãa.

⁴ Erã gũa muare buhediro dopa ta buhebiriqerẽcũ mũa peeraa. Eropirã erã “Õpa arĩdi arĩmi Jesu,” erã gamero gajiropa arĩ wereqerẽcũ ta peea mũa. Watĩ iġu pepiro dopa arĩ erã wereqerẽcũ ta peea mũa. Muare gũa weregu Espĩritu Santo gohra ãhrimi. Iġupũre erã werebiriqerẽcũ ta muare gũa buherãre peea mũa. Erã gajiropa arĩri buherire erã buhecũ ðari buherire erã buhebiriqerẽcũ ta irire peea mũa.

⁵ Erã “Jesu iġu apinirã ãhraa,” arĩnirã yũre masitarinũgabeama. “Erãre doca merebeaa,” arĩ pepia yũhu.

⁶ Õaro weretarinũgagu arĩbiriboca yũhu. Õaro weretarinũgabiriqerẽgu Goãmu yare ðaro masia. Yũ eropa masirire bajasuburi muare masicũ iibũ.

⁷ Õari buherire Goãmu yare muare buhegu ne waja gamebiribũ. Muare itamudiagu waja gamebiribũ. Bu arĩgu iro dopa arĩbũ yũhu. ¿Yũ eropa waja gamebircũ ðabeari mũa pepicũ?

⁸ Muare yũ buhecũ gajĩ macari majarã Jesu yarã yũre itamuma. Erã eropa orare ñeabũ muare itamubũ. Mũa yũre oborare erãpũ yũre oma.

⁹ Mũa mera arĩgu gajino yũre duhyaqerẽcũ ta muare niyerure ne serẽbiribũ. Mari acawererã Macedonia yeba majarã Jesu yarã arĩpehrerã yũ gamerare aĩ erama yũre. Iribojeguerẽ muare ne garibobiribũ yũhu. Puhrũgue sãre muare ne garibosome.

¹⁰ Cristo diaye iġu werediro dopa ta yũ sã muare dohpaguere diaye weregu iiaa. Arĩpehrero Acaya yeba arĩrãre i muare yũ serẽbirirare eropa wereniguigura.

¹¹ ¿Muare yũ serẽbirirare gajirãre yũ eropa wereniguicũ peerã dohpa pepiri mũa? “Pablo guare eropa arĩ weregu guare umupeobigu iimi,” ¿arĩ pepiri mũa? Arĩbeaa. Muare umupeoa. Goãmu irire masimi.

¹² Waja mariro yũ muare buhenũgadiro dopa ta buhe ojogorocũgura. “Jesu iġu apinirã ãhraa,” arĩ guyanirãre yũre tarinũgacũ iibiriboro dopa waja mariro buheniguigura.

Erāpu “Gua sã Pablo iro dopa Jesu yare buherã àhraa,” arĩma. Eropã áríbeama. Yũpu waja mariro buhea. Erāpu waja gamerã buhema.

¹³ Erã diaye ta Jesu ĩgu apinirã gohra áríbeama. Erãre ne apibirĩnũmi ĩgu. “Jesu ĩgu apinirã àhraa,” arĩ guyarã gua iro dopa árírima erã.

¹⁴ Erã eropã iicũ ĩagu ĩhamariabea yũhu. Satana sã anyu Goãmũ yagu ðagu iro dopa dehyoacumi masare.

¹⁵ Eropigu erã Satanare itamurã ðarã Goãmũre itamurã iro dopa erã iicũ ĩagu, ĩhamaria wabea yũhu. Dohpaguere erã eropã iiquerecũ ta pehrerĩnu áricũ árípehreri erã ñero iira dipuwaja dipuwaja moagacumi Goãmũ erãre.

Ĩgu ñero tarirare wereñumi Pablo

¹⁶ Dipaturi muare ire weregura. Ne “Pee masibigu àhrimi,” yũre arĩbiricãque. Yũ eropã arĩdorebiriquerecũ ta yũre mũa eropã arĩ pepicũ ðaroca yũre. “Pee masibigu àhrimi,” arĩ yũre pepiquererã ta peenique mũa yũre. Merogã yũ áríricurire yũ basi werecũ peenique mũa.

¹⁷ Muare eropã weregu guhyasĩriñaria yũhu. Pee masibigu iro dopa iigu iiaa, arĩ pepia. Mari Opũ Jesu yũre irire “Eropã wereque,” arĩbirimi.

¹⁸ ĩgu eropã arĩbiriquerecũ ta ire weregura muare. Erã gamero “Õarã àhraa,” arĩmaacãrã erã áricũ ĩagu yũ sã yũ áríricurire muare weregura.

¹⁹ Muapu eropã arĩmaacãrãre peerã mucubiriri mera ĩhaa mũa erãre. ¿Õaro masirã àhriri muapu eropã peerã?

²⁰ Muare erã pohro majarã moacũ, mũa yare erã emacũ eropã ĩacãa mũa. Eropirã muare erã docapicũ mũa wayuporãre erã pacũ eropã pepicãa mũa.

²¹ ¿Õapũricãri muare erã eropiicũ? Cue, ¿turatariarã àhriri erã? Guapu erã iro dopa turarã áríbea. Eropirã erã iro dopa ñerire iibeaa.

Erã iro dopa arĩbiriqueregu ta erã “Õpã arĩrã àhraa,” erã arĩcũ peegu yũ sã eropã arĩ wereboca. Dipaturi guhyasĩriqueregu ta õpã arĩgura muare.

²² Erã “Hebreo masa àhraa,” arĩma gajirãre tarinugadiarã. Hebreo masũ ta àhraa yũ sã. “Israe masa mari Pagũ ĩgu beyenirã àhraa,” arĩma daja erã. Erã iro dopa ta ĩgu beyedigũ ta àhraa yũ sã. “Abrahã pãramerã àhraa,” arĩma daja erã gajirãre tarinugadiarã. Erã iro dopa ta Abrahã pãrami ta àhraa yũ sã.

²³ “Cristo yare itamurã àhraa,” arĩma daja erã. Yũ sã Cristo yare itamugũ ta àhraa. Erã tauro Cristo yare ðaro iiaa yũhu. Eropã yũ basi arĩ wereniguigu guhyasĩriñaria yũhu. Pee masibigu iro dopa wereniguigu iiaa, arĩ pepia yũ basi. Erã tauro mohmebu yũhu Cristo yare iigu. Bajasuburi erã tauro Cristo yagu yũ áríri dipuwaja peresu iima yũre gajirã. Erã tauro bajasuburi tãrama masa yũre. Erã tauro Cristo yare yũ iira dipuwaja masa yũre wejẽdiarima. Eropigu merogã mera taribu yũ sĩribodirore.

²⁴ Cinco suburi judio masa yũre ñeama. Yũre erã ñeari ñacu suburi treinta y nueve suburi yũre tãrama.

²⁵ Ûhresubu gajirã yũre ñeama. Eropã ñearã erã tamera yũre ñero yucũgu mera pama. Gajisubu yũre gajirã utã mera deama. Ûhresubu dohodiru mera utãyegue mehtuhaja miribu. Eropigu yujunũ, yuju ñami taboamiji wecague wuuriya decoguere baa payabu.

²⁶ Bajasuburi macariguere buhe curigu ejabu. Yũ eropã buhe curicũ guhyatariacãbu yũre. Yũre mirimaja guhya arĩbu. Yũre yajamaja guhya arĩma. Yaha yeba majarã judio masa, judio masa arĩbirã sã yũre ñero iimaja guhya arĩma. Macarigue, masa marirogue, wuuriyague sãre yũre sirimaja guhya arĩbu. “Mũ mera majarã àhraa,” arĩ guyarã sã yũre ñero iimaja guhya arĩma.

²⁷ Cristo yare iibu burigã mohmebu. Eropã mohmegũ ñero wabu. Bajasuburi wuja yare ñero pũriquerecũ ta eropã mohmeniguicãmuribu. Ñero oaboamuribu. Eropiro yũre ñemesibumuribu. Bajasuburi barire bocabirimuribu. Yũhu yusaro sãre pepimuribu. Suhri sañaburi sã ne marimuribu yũre.

²⁸ Eropã ñero tarigu ta umuri ñacu gajirã Cristo yarãre, mũa sãre burigã guña.

²⁹ Eropigu Cristo yagu ĩgu turabiricũ ĩagu bujawerea yũhu. Gajirã Cristo yagure ñero iidorebocoma. Erã eropã iicũ ĩagu Cristo yagure guhyasĩrisãgu, erã ñero iidorerã mera guaa yũhu.

³⁰ Werediibiriqueregu ta yũ áríricurire weregu, yũhu turabigu yũ árírire mũa masiboro dopa muare weregura.

³¹ Goãmũ mari Opũ Jesu Pagũ umuri ñacu mari umupeobu ĩgu ta muare yũ guyabiricũ masimi. Ire muare diaye weregura.

³² Damasco waĩcũri macague yũhũ Jesucristo yare buhecũ ĩagu áripehrerã masa tauro opũ Areta waĩcũgu ĩgu doca áriũgu opũ yare ñeadiaripũ. Eropa ñeadiagu iri maca maja sãriro disiporori nũca surarare coredereripũ.

³³ Erã eropa corero watope ta yũ mera majarã wuuri puibugue yũre duhusã iri sãriro purũpũgue yuju gobegue yũre duhu dijuma. Erã eropa duhu dijura pũhrũ duhrigã wabũ.

12

Cristo ĩgure ĩhmurare wereñumi Pablo

¹ Yũ áriřicũri mucubiriri mera yũ werecũ duhpiburi áribeaa. Duhpiburi áriřiriqũrecũ ta werenemogura muare. Mari Opũ Jesu ĩgu yũre ĩhmurare ĩgu yũre masicũ iirare weregura muare.

² Őpa ĩhmunugami ĩgu yũre: Catorce bojori gohra wahaa yũre Cristo yagure umarogue ĩgu aĩ mũriara pũhrũ. Umarogue necã wegague yũre aĩ mũriami. Yũ sĩporã dihtare ĩgu aĩgãcũ masibeaa yũhũ. O yũ dupũ sãre ĩgu aĩgãcũ sãre ne masibeaa yũhũ. Goãmu dihta irire masimi.

³⁻⁴ Eropigu paraĩso waĩcũrogue yũre aĩ mũrijami. Irire masia yũhũ. Yũ sĩporã dihtare ĩgu aĩgãcũ masibeaa yũhũ. O yũ dupũ sãre ĩgu aĩgãcũ masibirica. Goãmu dihta irire masiame. Iri wererire gajirãre weredebirimi yũre.

⁵ Eroguere ĩgu yũre eropa wererare muare weregu, “Yũhũ yujuũ ta gajirãre tarinũgagu ãhraa,” arĩboya yũhũ. Eropigu irire werebeaa yũhũ. Yũ masibirira dihtare yũ turabirira dihtare mucubirigu muare weregura.

⁶ “Gajirãre tarinũgaa yũhũ,” muare arĩ werediãcũ yũ arĩra diaye áriřiboca. Eropigu eropa arĩ weregu eropa arĩmaacãbiriboya yũhũ. Eropa áriřiriqũrecũ ta “Őpa gajirãre tarinũgaa,” arĩ weresome yũhũ muare, guhyadiaro yũre ĩhari arĩgu. Yũ áriro tauro mua yũre umupeocũ gamebeaa.

⁷ Cristo ñatarĩarire umarogue ĩgu yũre ĩhmucũ ĩadigu áriũgu, “Gajirãre tarinũgaa yũhũ,” arĩřiboca yũrũ. Eropa yũ arĩřiriboro dopa Satana ĩgu yũre dore moacũ ĩagu “Őaroca,” arĩ apidi áriřimi Goãmu. Eropigu yũ ñero tariboro dopa yũre dore moadi áriřimi Satana. Iri dore poraru ñajaro dopa ta yũre pũribũ.

⁸ Iri dore yũre taridoregu serẽmũribũ mari Opũre. Uřresubu serẽribũ.

⁹ Yũ eropa serẽquerecũ ta i dore tamerare yũre taricũ ĩibirimi ĩgu. Őpa arĩ yũre yũhrimũrimi ĩgu: “Mũre mahia. Yũ mahiri mera ñaro áriũgũca mũhũ. Pũrinũguicãũgu, turabigu áriũgu yũ turarire ñaro ĩhmũgũca mũhũ. Turarã tauro mũhũ yũ turarire masare masicũ ĩũgũca,” arĩ yũhrimũrimi Goãmu yũre. ĩgu eroparicũ peegu turabigu yũ arĩřare masigũ mucubiria. Eropigu yũ turabirirare masare mucubiriri mera weregura. Eropa arĩ wereguca Cristo ĩgu turaripũre yũhũ gajirãre ñaro masicũ ĩboro dopa.

¹⁰ Eropigu Cristo yagu yũ arĩri dipuwaja yũre pũriro áriřuerecũ ta, gajirã ñero yũre werenĩguĩquerecũ ta, ñetariaro tariqueregu ta, yũre erã ñero erã ĩinĩguĩquerecũ ta, yũre bujawerecũ erã ĩquerecũ ta mucubiria yũhũ. Eropa ñero tariqueregu ta, eropa turabigu áriřueregu ta Cristo turari mera bocatiua ĩgure guñaturagu. Eropigu mucubiria.

Corinto majarãre Cristo yarãre wuaro guñaricũñumi Pablo

¹¹ Yũ áriřicũri yũ basi weregu guhyasĩriřaria yũhũ. Pee masibigu iro dopa weregu ĩiaa, arĩ pepia yũhũ. Yũ eropa werequerecũ ta iri mua yũ dipuwaja ãhraa. Muapũ yũ áriřicũri gajirãre ñaro werecũ yũ basi werebiriboaya. Yũhũ bu áriũgu áriřueregu ta “Jesu ĩgu apinĩrã ãhraa,” arĩ guyarãre doca merebeaa yũhũ.

¹² Diaye ta ñero tarigu áriřueregu muare Goãmu turari mera deyro moarire ĩi ĩhmũribũ. Eropa ĩi ĩhmũgu Cristo ĩgu apidigu yũ arĩřire ĩhmũgu ĩiribu muare.

¹³ Gaji macari majarãre Jesu yarãre mua sãre yujuro mera ĩhmũribũ yũhũ. Muapũre gajiropa ñari ĩiribu. Mũa dihtare garibobiriribu. Mũa dihtare gajinore yaha áriřurire serẽbiriribu. ¿Yũhũ muare itamurire serẽbiricũ ñehe áriři muare? Iri ñeri áriřũ irire cãdĩjique mua yũre.

¹⁴ Ire peeque mũa. Pesubu mua pohrogue yũ ejara pũhrũ dipaturi wadiaa daja. Eroguere eagu muare garibosome yũhũ. Gajinore serẽsome yũhũ muare. Mũa yare gamebeaa yũhũ. Cristo yapũre mua yũhrĩrã áriřũ gahmea yũhũ. Masa porãpũ erã pagũ sumarãre erã gamerire obeama. Erã pagũ sumarãpũ erã porã gamerire ohoma. Eropa ta mua yũ porã iro dopa áriřã yũ gameripũre osome mua.

¹⁵ Eropigu yu tamera yu oparipure odiaa muare itamubu. Maa pohro majagu iro dopa aridiaa muare itamubu. Muare yu turaro mahiquerecã ta mwaru yare daberogã mahia yu pepicã.

¹⁶ Eropigu maa mera arigu muare garibobiribu. ¿Eropa ta iiri yuhu maa pepicã? Eropa iiquerecã ta yujurayeri maa mera majarã õpa arirãcoma: “Pablo gajinore marire aidiagu guyami,” arirãcoma.

¹⁷ ¿Erã ariro dopa ta iigu arigu dohpa irire iiboyuri yuhu? ¿Maa pohrogue yu obeonirã ñehenore yare guyabasayuri erã muare maa ñacã?

¹⁸ Sohõ arirasubugue Titore maa pohrogue wadoretuhabu igure. Eropigu gajigure Jesu yagure igu mera obeobu. ¿Tito muare gajinore guya airi maa ñacã? Igu yu iro dopa ta Goãmu igu gameri dihtare iigu ahrimi. ¿Eropigu yu iro dopa ta iibiriri igu maa ñacã?

¹⁹ ¿Ipũ mera gua basi arĩ cãhmotarã iiri gua maa pepicã? Árĩbeaa. Cristo yarã ahraa. Eropirã Goãmu igu ihuro muare wererã iiaa. Yu acawererã, yu mahirã, mwarure eropa arĩ werea muare itamudã.

²⁰ Yu erogue ejacã yu gamero dopa iirã arĩbiriboca maa. Eropigu muare turaro guñaricua. Eropigu maa gamero dopa iigu arĩbiriboca yu sã erogue ejagu. Gajiropa maa iicũ ñagu weregũca muare. Erogue yu ejacã mwaru maa basi game duyatorã, gajino erã opacũ ñarã ñhaturirã, mata guarã, maa gamero gajirãre tarinũgadiarã, gajirãre ñero wereniguirã, ñeri quere moarã, “Gua tamera gajirãre tarinũgaa,” arirã, maa gamenerore goroweorã arĩboca maa. Maa eropa iicũ bocaboca arigu, guñaricua yuhu muare.

²¹ Erogue yu ejacã muare yare guhyasirisãcũ iibocumi Goãmu yare. Eropigu arĩpehrerã iribojegue ñero iinirãre erã ñerire bujawerebiricũ ñagu turaro bujaweregũca yuhu. Nome mera ñero iirãre, ñerire uaribejarãre ñagu bujaweregũca yuhu.

13

Pablo weretuñumi

¹ Dohpaguere maa pohrogue wagu uhresubu ejagũca eroguerẽ. Pesubu ero coreguere ejatuhabu. Eropigu muare ire weregura. Õpa ahraa Goãmu yare erã gojarapũ: “Yujugure mari dipuwaja moaboro core perã, urerã igure weresãro gahmea. Erã eropa weresãra puhru dipuwaja moamasia mari,” ahraa Goãmu yare erã gojarapũ.

² Iribojeguere ñero iirã maa aricũ muare arĩpehrerã gajirã ñero iirã sãre dipaturi guhyadiuro mera weregura. Yujusubu ejadi maa pohro dipaturi ejagu muare ire werebu. Dohpaguere maa mera arĩbigu dipaturi muare ire werebeogu iiaa daja: Dohpaguere maa pohroguerẽ ejagu, ñero iirãre diaye ta dipuwaja moagura yuhu.

³ Yu eropa iicũ ñarã, Cristo igu apidigu igu turari mera yu buhecã masirãca masidiarã. Cristopu muare doregu turatariaгу ahrimi. Eropigu igu turarire ihmumi muare.

⁴ Mari iro dopa dupucugu, igu turabigu arigu, crusague siripu. Eropa siriqueregu ta Goãmu igu turari mera ojocarimi igu dohpaguere. Gua sã igu iidiro dopa ta turabirã ahraa. Eropa turabirã arĩquererã Cristo mera ojocarirã Goãmu ya turari mera arirãca muare itamumorã.

⁵ Eropi mwaru maa basi õpa arĩ pepique. “¿Diaye ta Cristore umupeogu ahriri yuhu?” arĩ pepique maa. Diaye ta Cristo maa mera majagu igu arĩbiricũ igu yarã gohra arĩbeaa maa.

⁶ ¿Maa guarure “Jesu yarã Igu apinirã arĩbeama,” arĩ pepiri? Igu yarã gohra ahraa gua. Irire maa masicũ gahmea yuhu.

⁷ Eropigu maa ñero iibiriboro dopa Goãmure serẽbasaa muare. Eropa serẽbasaa gua maa õarire maa iiboro dopa. Maa Goãmu itamuri mera eropa õarire iicũ ñarã õpa arĩboca: “Guaru erãre õarã wacũ iibu,” arĩboca maa gajirãre guare umupeocũ iimorã. Eropa arĩ umupeodorebeaa gua. Iri duhpburi arĩbeaa. Eropirã muare eropa Goãmure serẽbasarã maa ya arĩburire serẽbasarã iiaa. Õarire maa iicũ tamerare gahmea gua.

⁸ Eropa dihta gahmea gua. Goãmu ya diaye arĩrĩre goroweomasibeeaa gua.

⁹ Eropirã maa õarire iicũ gamerã turabirã iro dopa arĩquererã gua mucubiria. Õarire iirãpu mwaru turarã aricũ õhaa. Eropirã maa õarã waborore Goãmure serẽbasaniguicãrãca gua muare.

¹⁰ Eropigu maa mera arĩbigu muare ipure gojabeoyugu iiaa. Maa pohrogue ejagu maa ñero iirã aricũ ñagu muare dipuwaja moagũca. Cristo yare igu dorediro dopa ta muare dipuwaja moagũca. Yu eropa dipuwaja moabiriboro dopa ipure muare gojabeoyugu

iiaa. M̄aa ðarire gohrotocũ ãadiagu gojabeoyugu iiaa. Cristo ãgu dorediro dopa m̄aaare itamudiaca. M̄aaare dipuwaja moadiabeaa.

¹¹ Dohpaguere yu acawererã, m̄aaare ðadorea. Cristore guñaturanemoque. Eropa iirã ðarã áriñque. M̄aaare yu wererare ðaro peenũruque. M̄aa mera majarã mera yujuro mera pepique. M̄aa basi ðaro mera áriñque. M̄aa eropa áriñcũ ãagu m̄aa mera Goãmu áriñcumi. ãgu marire game mahicũ iigu, marire ðaro mera áriñcũ iigu áhrimi.

¹² Eropirã m̄aa mera majarãre bocatĩrirã erãre ðaro mera mojoto ñeaque m̄aa.

¹³ Áriñpehrerã ð majarã Goãmu yarã m̄aaare ðadorema.

¹⁴ Mari Opu Jesucristo mera m̄aaare áriñpehrerãre ðadorea. Eropigu Goãmu ãgu mahiri mera áriñpehrerã m̄aaare ðadorea. Eropigu Espĩritu Santo áriñpehrerã m̄aa mera ðaro áhrimi. Eropa ta áriñporo. Iripẽta áhrraa.

Gálatas

Pablo Galacia majaräre Jesu yaräre gojabeopu

¹⁻² Yuhu Pablo mua Galacia majaräre ipüre gojabeogu iiaa. Yuhu Goamu yare buhedore Jesucristo igu apidi ahraa. Masa ne yure buhedore apibirima. Jesucristopu igu Pagu Goamu mera yure apimi. Goamu ahrimi Jesucristo siridire masudigu. Eropigu yuhu ya mera majara mera Jesucristo yara mera muare odadorea.

³ Goamu mari Pagu mari Opu Jesucristo mera muare odadorea. Igu muare itamuri mera oaro aritque mua.

⁴ Jesucristo, Igu Pagu Goamu gamediro dopa ta iigu, Igu basi mari neri iira dipuwaja siribasadigu arimi. Eropiidi arimi i umu majara nero ariricurire mari iibiriboro dopa.

⁵ Igu eropiicu iha mari Goamure "Muhu dagu oaro iiaa," umuri nucu ariro gahmea. Eropa ta iira.

Jesucristo masare igu tauburi yujuhe ta buherihe ahraa, arı werepu Pablo

⁶ Mua mata Goamu yare duhurä iica. Goamu muare igu yara arimoräre aidigu arimi Jesucristo igu marire siribasara mera. Igu muare eropa aiquerecu mupu igure duhu gajira ya buherire peenugara iica. "Gaji ahraa marire tauburi buheri," era arı werecu peerä iica mua gajiräre. Mua eropiira querere peegu pee uca wahaa yuhu.

⁷ Opa waro iica mua arırore. Gajira mua pohro eja muare were gorowearä iicoma. "Jesucristo marire taumi," arı buherire gohrotodiarä, "Gaji ahraa marire tauburi buheri," arı buherä iicoma muare. Eropigu muare ire werediaca. Gaji buheri marire tauburi buheri marica.

⁸ "Gaji buheri ahraa mari tauburi buheri," muare arı were gorowearäre Goamu burigä dipuwaja moagu peamegue wadeporo. Yu basi ta were goroweoare Goamu ya sare dipuwaja moaporo. Anyu umaro majagu igu eropa buhecü igu sare dipuwaja moaporo.

⁹ Gua gajisubu arırare dipaturi yuhu werea daja muare. Yujugu muare oari buherire gajiropa buhecü, gua muare buhediro dopa weredigure igure Goamu burigä dipuwaja moaporo. Peamegue wadeporo.

¹⁰ Yuhu masare buhegu Goamu gamero dopa ta diaye majare buhea. Masa peesuacu, peesuabiricu sare buhea. Eropigu dohpaguere yuhu masa peediarı dihtare wereniguibea. Cristo gamero dopa ta buhediacä. Igu pohro majagu dagu arıdiagu eropa buhea yuhu.

Pablo igu Jesucristo yare buhebure apirare werepu

¹¹ Opa weregura muare: Yuhu muare oari buheri eropa arı buhera masa ya pepiri arıbeaa.

¹² Ne yujugu masu iri buherire yare weredebirimi. Ne yujugu masu yare buhebirimi iri buherire. Jesucristo igu basi yare irire masicü iimi.

¹³ Iribojegue ya arıricurare yuhu judio masa buherire peenurarasubu ya iirare mua peetuhabu. Yuhu Jesucristo yaräre burigä ihaturigu nurusiamuribu eräre nero iibu. Eropigu Jesu yaräre burigä nero iigu eräre wejepohocadiaribu.

¹⁴ Eropigu gua judio masa ya buherire ya mera masanira tauro umupeomricaribu. Gua necu sumara arıricurire burigä iimuricaribu.

¹⁵ Yu eropa iirisubu opa wabu yare. Goamu igu oaro mahiri mera yare sihumi pare. Igu ya dehyoaboro coregue beyetuhapu yare.

¹⁶ Eropigu igu magure Jesucristore yare masicü iimi. Igure masicü iigu yare judio masa arıbiräre buhebure apimi. "Jesucristo marire taumi," arı buherire werebure apimi yare. Eropa Goamu yare masicü iira puhru gajiräre serëpigu wabiribu.

¹⁷ Jerusalengue arırare ya core Jesu igu apinira sare serëpigu wabiribu. Eröre eropa wabigu Arabia yebaguepure diaye wabu. Puhruquere Damascogue dujaa wabu.

¹⁸ Uhre bojori puhru Jerusalengue wabu. Pedrore iagu wabu. Pe semana ta arıbu igu mera.

¹⁹ Gajira Jesu igu apiniräre ne iabiribu irisubure. Mari Opu Jesucristo pagu magu Santiago dihtare iabu.

²⁰ Yuhu muare eropa arıgu diaye weregu iiaa. Yu opa arırire Goamu masimi. Eropa arıgu opa arıdiaca muare. Jesucristo dihta yare masicü iimi igu buherire.

²¹ Jerusalengue arıra puhru Siria yebague Cilicia yebague ejabu.

²² Iribu Judea yeba majarã Jesucristo yarãpũ yũre iha masibirima dohpa.

²³ Yũhũ Jesucristo yagũ árĩri querere peenirã árĩma. “Ígũ Pablo marire Jesu yarãre ñero iidianũrũ curidigũ dohpaguere Jesucristo yare buhegũ áhrimi. Mari Jesucristore umupeorire dedeodiadigũ dohpaguere irire Jesucristore umupeoburire buhegũ wahami,” gajirã erãre eropa arĩ werecũ peenirã árĩma Judea yeba majarã.

²⁴ Eropa peerã Goãmu mera mucubiriñorã.

2

Gajirã Jesucristo ígũ apinirã gameñorã Pablo buherire

¹ Catorce bojori pũhrũ Jerusaléngũere wabũ daja. Bernabé wami yũ mera. Tito sãre aĩgãbũ. Goãmu yũre wadoremi Jerusaléngũe. Eropigu erogue wabũ.

² Eropigu erore eja Jesure umupeorã gamenererogue yũhũ erã oparãre boje sihuu werebũ erãre. Judio masa árĩbirãre Jesucristo marire tauburi buherire yũ buherare werebũ oparãre. Eropa weregũ erã yũ buherire ðaro masicũ erãre “Óapũrica,” arĩcũ iidibũ erãre. Erã yũ buherire gamebirã yũ buheri sãre “Waja mariri áhraa,” arĩbocoma, arĩ pepirabũ yũhũ. Erã gamema.

³ Eropirã erã Titore ígũ judio masũ árĩbiriqueregũ ígũ Jesure umupeogu arĩcũ iha erã judio masa dorero dopa iidorebirima ígũre. Eropirã ígũre gasiro merogã wiri aĩdorebirima ígũre.

⁴ Gajirãpũ Jesure umupeorã gamenererogue ñajajanirãpũ ígũre circuncisión gasiro merogã wiri aicũ gamerima. Erã Jesure umupeorã gohra árĩbirima. Erã gũa sihubiriquerecũ gũa pohrogue peedurirã ñajajanirã árĩma. Gũare weresãdiama. “Erã Jesu yarã Moise dorerire iibirã áhrimi,” arĩdiama gũare. “Goãmu pohro wadiarã gũa dorerire iiro gahmea marire,” arĩ dorediarima daja. Gũa Jesucristo yarãpũre Jesucristo tautuhajami gũa Goãmu mera ðaro árĩborore.

⁵ Eropirã erã eropa gũare dorecũ iarã erãre ne yãhriribũ. Erãre yãhrirã iri Jesucristo marire tauburi buherire queoro buhemasibiriboaya mũare. Eropirã erã dorediarire cãhmotacãbũ.

⁶ Eropirã Jesu yarã oparã yũ buherire erãre weretuhajara pũhrũ “Mũ buheri ðhaa,” arĩrã, yũ buherire yũre gohrotodiabirima. Gũa judio masa dorerire iiburi sãre buhedorebirima. Erore erã oparãre masa umupeoquerecũ erã iiro dopa iibiribũ. Goãmu árĩpehrerãre oparã árĩrã sãre bu árĩrã sãre yujuropa ta ihami. “Erãre beyediro dopa ta yũ sãre Goãmu beyemi,” arĩ pepibũ.

⁷ Eropirã oparã yũ buherire gohrotodiabirã judio masare árĩbirãre yũ buhe curirare peema. Eropirã yũhũ Jesucristo ígũ yare buhebure apidigũ arĩcũ iha masima yũre. Eropirã ðpa arĩma yũre: “Ígũ Goãmu judio masare iri ðari buherire buhebure ígũ Pedrorre apidiro dopa ta mũ sãre apiñumi. Judio masa árĩbirãpũre iri buherire buhebure mũre apiñumi,” arĩma yũre.

⁸ Eropigu ígũ Goãmu Pedrorre judio masare buhebure obeodigu ta yũ sãre obeomi judio masa árĩbirãre buhebure.

⁹ Eropirã erã oparã ƿrerã Santiago, Pedro, Ñũ mera yũre iha masima. Goãmu ígũ mahiri mera ígũ yũre beyedigu yũ arĩcũ masima. Eropirã yũre Bernabé sãre ðaro bocatũrima. “Eropa ta iirã mari. Mari yujuro mera buherã. Mũapũ judio masa árĩbirã pohrogue buherã warãca. Gũapũ judio masare buherã warãca,” arĩma yũre Bernabé sãre.

¹⁰ “Iri dihta iiro gahmea,” arĩma gũare. “Mojomorocũrãre itamuniguicãro gahmea,” arĩma. “Eropa ta iiaa,” arĩbu gũa erãre. Eropigu eropa ta yũ buhe curirogue Jesu yarã mera niyerure gameneo erã mojomorocũrãre ohaa dohpa.

Antioquíague Pablo Pedrorre werepũ ígũ ðaro iibirirare

¹¹ Ero pũhrũ gũa Antioquía macague arĩcũ Pedro curigũ erami gũa árĩrore Jesure umupeorã gamenererogue. Erogue erara pũhrũ Pedro queoro iibiricũ iha ígũ eropa iira dipuwaja bariğã werebũ ígũre Jesure umupeorã peeuro.

¹² Eropigu Pedro Antioquíague ne eragũ gamenere bamurimi judio masa árĩbirã Jesure umupeorã mera. Iribu gajirã judio masa Santiago obeonirã erama. Erã eranirã ðpa arĩ pepirã árĩma. “Árĩpehrerã Jesure umupeorã judio masa árĩbirã sã gũa dorerire iiro gahmea Goãmu erãre ðaro iaborore. Eropirã árĩpehrerã judio masa iiro dopa gasiro merogã wiri aĩro gahmea. Eropa árĩbirã mera babiricãro gahmea,” arĩrã árĩma eranirãpũ. Eropigu Pedro erã eracũ iha judio masa árĩbirãre duca wami. Erã gasiro merogã wirisubirinirã arĩcũ erãre duca wami erã eranirã weresãrĩre giũgũ. Erã mera babirimi pare.

¹³ Īġu eropiicū ĩha ero majarā gajirā judio masa erā sā dūca wama judio masa árĭbirāre. Bernabé sā erā iiri queoro árĭbiricū masiquereġu erāre ĩhacū ĩġu sā dūca wami erāre.

¹⁴ Erā eropiicū ĩha gamebirigohracābu yūhu. Erā judio masa árĭbirāre dūca warā “Jesu dihta marire taumi,” arĭ ĩhmubirima. “Moise doreri sāre umupeoro gahmea,” arĭ ĩhmurima erā judio masa árĭbirāre. Eropiġu yūhu árĭpehrerā Jesure umupeorā peuro burigā arĭbu Pedrore. “Mūhu judio masū árĭquereġu ōguere ne eragu judio masa árĭbirā mera yujuro mera baġu ġua judio masa árĭricurire ġuñabirabu. ¿Duhpiġu mūhu dohpaguere gohrotodiari? ¿Eropiġu duhpiġu dohpaguere erā judio masa árĭbirāpūre ġua árĭricurire iidorediari?” arĭ werebu ĩġare ĩġu queoro iibirira waja.

Árĭpehrerā Jesure umupeocū Goāmū taumi erāre, arĭ werepū Pablo

¹⁵ Ģua judio masa porā āhraa. Eropā árĭrā gajirā Moise dorerire tarinūgarā iiro dopa árĭbeaa.

¹⁶ Eropā árĭbiriqererā ġua Jesure umupeorā dohpaguere ōpa masirā āhraa. Yujūġu Moise dorerire iicū Goāmū pohro waburi árĭbeaa. ĩġu Jesucristore umupeonijagu ĩġu ñeri iira dipuwajare cādĭjisūdiġu wahami. Iri mera dihta ōhami Goāmū mera. Eropirā ġua judio masa árĭqererā Goāmū mera ōaro árĭmorā Jesucristore umupeobū. Goāmū mera ōaro árĭmorā Moise dorerire iibiribu. ĩġu mera ōaro árĭmorā ġua dorerire umupeorā Goāmū mera ōaro árĭbiriboaya. Eropirā Jesucristore umupeobū ġua ñeri iira dipuwaja pehrebro dopa.

¹⁷ Eropirā ġua Jesucristore umupeori mera ġua Goāmū mera ōaro árĭrāca. Eropā Jesucristore umupeorā Moise dorerire iibiriquererā Goāmū dorerire tarinūgarā iibeaa. Jesucristo sā Goāmū dorerire tarinūgadoġu ne árĭbeami.

¹⁸ Eropiġu masare ōpa arĭ buhea yūhu. Goāmū muare “Ōarā āhrima,” ĩġu arĭ ĩaboro dopa Jesucristopure umupeoro gahmea. Eropiġu “Mūa Goāmū mera ōaro árĭdiarā Moise doreri sāre umupeoro gahmea,” arĭbeaa. Yūhu Moise dorerire doreġu Goāmū dorerire tarinūgagu árĭboya.

¹⁹ Ero corere Moise dorerire iimūribū Goāmū mera ōaro árĭdiagu. Eropā iiquereġu dipuwajacūġu árĭmūribū. Dohpaguere Jesucristo mera dipuwajacūbeaa. Eropiġu “Iri Moise dorerire iiro gahmea,” arĭbeaa pare. Eropiġu yūhu Goāmū ĩġu dorero dopa ta iġu iiaa.

²⁰ Jesucristo crusague sĭriġu yū ñeġu árĭrāre gohrotodiġu árĭmi. Eropiġu yū ero coreġue árĭdiro dopa árĭbeaa pare. Cristo yū mera árĭġu yūre ĩġu dorerire ōaro iimasicū iimi. Eropiġu yū árĭricurare iibeaa. Jesucristo yapure iiaa. ĩġu Jesucristo yūre mahitariġu yūre yū ñero iira dipuwaja sĭribasadi árĭmi. Eropiġu ĩġare ġuñaturagu ĩġu dorerire iiaa.

²¹ Goāmū mera ōaro árĭmorā mari ñecu sumarā árĭricurire, Moise dorerire iicū Jesucristo mari ñero iira dipuwaja sĭribasara wajamariboya. Eropiġu ne umupeoġu duhosome “Jesucristo marire taumi,” arĭ buherire.

3

Jesucristore umupeori mera Goāmū marire “Ōarā āhrima,” arĭ ĩhami, arĭ werepū Pablo

¹ Mūa pee masibirā āhraa dohpaguere. Muare Jesucristo ĩġu basi mari ñeri iira dipuwajare sĭribasarare muare werēcū mūa ōaro ĩha masiribu. ¿Mūa eropa ōaro masicū noa muare goroweoari dohpaguere iri diaye maja mūa umupeoborañere?

² Eropiġu ōpa serēpidiaca muare. ¿Mūa Moise dorerire umupeori mera Espĭritu Santo muare eranūgari? Erabirimi. Mūa “Jesucristo marire taumi,” arĭ buherire peecū Jesucristore umupeocū ĩġu Espĭritu Santo muare erami. ĩġu yarā mūa árĭmorā árĭcū erami.

³ ¿Mūa duhpirā pee masibirā iiro dopa wahari dohpaguere? Mūa ne Jesucristore umupeorā Espĭritu Santo itamuri mera ĩġu yare iimūribū. ¿Eropirā duhpirā dohpaguere mūa turari mera iidiari?

⁴ ¿Mūa Jesucristo yarā árĭnūgarā mūa Jesucristore umupeora waja mūa ñero tarirare ġuñabeari? ¿Mūa eropa umupeora “Bu gohra āhraa,” arĭ pepiri mūa dohpaguere?

⁵ Ōpa ōaro ġuñaro gahmea. Goāmū muare ĩġu Espĭritu Santore odiġu árĭmi. Espĭritu Santo mūa mera árĭġu mūa watope deyoro moarire muare ōarire iimi. ĩġu eropiġu Moise dorerire mūa umupeori mera eropa iibeami. Mūa “Jesucristo marire taumi,” arĭ buherire ōaro pee ĩġare umupeocū eropa iimi.

⁶ Gña judio masa ñecu Abrahãpu Goãmure “Diaye ta ártigu áhrimi,” arí ðaro umupeoñumi. Ígu eropa umupeocũ íha Goãmũ ígure “Ñeri dipuwaja marigu ðagu áhrimi,” arí íañumi.

⁷ Eropirã ðpa masique mua. Goãmũ ðpa arĩmi: “Ártipehrerã masa judio masa áribirã sã Abrahã umupeodiro dopa ta yare umupeorã Abrahã pãramerã áhrima. Eropirã yaharã áhrima,” arĩmi Goãmũ.

⁸ Iribojegue irire Goãmũ arí weryutuhanũmi. Ígu werepira ðpa áhrea ígu yare gojarapũgue: “Ártipehrerã masa judio masa áribirã sã yare umupeorãre ‘Óarã áhrima,’ arí íagũca. Ñero iira dipuwaja marirã íagũca erãre,” arĩñumi. Eropigu iri ðari buherire Abrahãre arí weryuñumi. “Ártipehrerã masa muñu yare umupeoro dopa ta yare umupeocũ ‘Óarã áhrima,’ arí íagũca yũñu erãre. Erãre ðaro iigũca,” arĩñumi Goãmũ Abrahãre.

⁹ Abrahã Goãmure ígu umupeocũ Goãmũ ðaro iĩñumi ígure. Eropigu ártipehrerã masa mari sã ígure umupeocũ Goãmũ ðaro iigucumi mari sãre.

¹⁰ Gajirã ðpa arĩrã áhrima. “Moise dorerire ðaro iicũ Goãmũ ‘Óarã áhrima,’ arí íagũcumi marire,” arĩrima. Eropa arĩrã dipuwajacurã áhrima dohpa. Goãmũ yare gojarapũgue ðpa arí werea. “Moise dorerire iirã erã iri dorerire ártipehrerire queoro iipehobirã dipuwajacurã áhrima,” arí gojara áhrea. Eropirã iri dorerire iipehomasibirira waja dipuwaja moasũmorã áhrima ártipehrerã.

¹¹ Ne yujugure iri dorerire iipeho masiya mara. Eropirã Moise dorerire iiri mera Goãmũ mera ðamasibeama. Ópa arí gojañuma Goãmũ yare gojarapũgue. “Ígure umupeorãre Goãmũ ‘Óarã áhrima,’ arí íhami. Ñero iira dipuwaja marirã íhami. Eropirã erã ðaro árniguicãrãcoma Goãmũ mera,” arí gojañuma. Eropirã mari masia. Ne yujugure iri dorerire ígu iiri mera Goãmũ ígure “Óagu áhrimi,” arí íabeami. Goãmure umupeogu dihta ðaro ártigũcumi ígu mera.

¹² Goãmure umupeogũpu, “Goãmũ yare yũ ñero iira dipuwaja maricũ iigũcumi,” arĩmi. Moise dorerire iigũpu “Yũ basi iri dorerire iigu ñero iira dipuwaja mariro ðaro ártigũca,” arĩrimi. Eropigu ígu iri dorerire iipehomasibigu ártigu ñero iira dipuwajacũgu dujami.

¹³ Eropirã mari ártipehrerã iri doreri mera ñero iira dipuwajacurã dujamuriribu. Mari eropa árticũ íha, Jesucristo mari ñero iira dipuwaja ígu basi wajayemi ígu crusague sãrigu. Goãmũ yare gojarapũgue ðpa werea: “Ígu yucugugue dirisiudigu Goãmũ ígu ñero iira dipuwaja moadigu áhrimi,” arí gojañuma iribojegue. Eropigu Jesucristore crusague dirisiudigure mari ñero iira dipuwajapure Goãmũ ígure dipuwaja moadigu árimi. Eropirã maripu ñero iira dipuwaja marirã dujaa pare.

¹⁴ Jesucristo eropiicũ Goãmũ Abrahãre ðaro íadiro dopa ta judio masa áribirã sãre ðaro íañugami. Eropigu ígu arídiro dopa ta ígu obeodigu Espiritu Santopũ eramí marire Jesucristore umupeorãre.

Ígu buherare werenomopũ Pablo

¹⁵ Mari masa mari iiro dopa ta weremũhtagura muare. Perã “Ópa iirãca,” erã arí weretamura pũrũ gajigu gohrotomasibeami.

¹⁶ Eropigu Goãmũ Abrahã mera weretamura pũrũ Abrahãre ígu arĩrare gohroto masiya mara. Ópa arí werepiñumi ígure: “Mu pãrami árturiagu mera ártipehrerã masare ðaro iigura,” arí wereñumi. Eropa arígu ígu pãramerã árturiarãgue mera arígu iibiriñumi. Yujugu ta ígu pãrami árturiagu dihtare arígu iĩñumi. Eropa arígu ígu pãrami árturiagu Jesucristo ariburire arí weryugu iĩñumi.

¹⁷ Eropigu ðpa arí werea muare: Iribojegue Goãmũ Abrahã mera weretamugu masare ígu ðaro iiburire wereñumi. Ígu eropa weretamura pũrũ yoari boje pũrũ cuatrocientos treinta bojori árturiagu mera ártipehrerã masare ðaro iigura,” arí wereñumi. Eropa arígu ígu pãramerã árturiarãgue mera arígu iibiriñumi. Yujugi pũrũ Moiserẽ ígu doreri apiñumi. Moise doreri árniguaguerẽcũ Goãmũ Abrahãre werepira pehrecũ iibiriyo.

¹⁸ Goãmũ Abrahãre mahigu ðpa ígure arí weretuhanũmi. “Ártipehrerã masare mu yare umupeoro dopa ta yare umupeorãre ðaro iigũca,” arí weretuhanũmi. Eropiro Moise doreri árniguaguerẽcũ Goãmũpu iri dorerire iiri mera masare taubeami. Moise doreri iiri mera mari taricũ Goãmũ muare “Waja mariro ðaro iig mera arígu iibiriñumi. Yujugũca,” ígu arĩrapũ duhpiburi áribiriboaya.

¹⁹ ¿Eropigu duhpiburire iri dorerire Moiserẽ apiyuri Goãmũ? Masa erã ñerire masiborore apiñumi iri dorerire erã ñero iira dipuwaja masiborore. Abrahã pãrami

áríturiagu Jesucristo ĩgu eracũgue árıtuya iri doreri. Eropigu Jesucristo ĩgu eracũ Goãmũ Abrahãre ĩgu werediro dopa ta masare õaro iĩnũmi. Goãmũ iri dorerire apigu anyuare weremũhtaũmi. Erã anyua wereñuma Moisere. ĩgu Moiserũ masare wereñumi.

²⁰ ĩgu masare õaro iiburire Goãmũ ĩgu basi ta werepiñumi Abrahãre. Gajirã mera werebeobiriñumi ĩgu iri dorerire apidiro dopa ta. Eropigu ĩgu Abrahãre werepirapũ Moise doreri tauro õhaa.

Moise dorerire werepũ Pablo

²¹ Goãmũ Moisere ĩgu dorerire apigu, ero coregue Abrahãre ĩgu arĩrare “Yu arĩdiro dopa iisome pare yũhũ,” arĩgu iibiripu ĩgu. Abrahãre ĩgu arĩmũhtadiro dopa iibu iipu. “Masare õaro iigũca,” ĩgu arĩrare iibu iipu dohpa. Moise dorerire iiri mera mari Goãmũ mera õaro arĩmasirã mari iri dorerire õaro iirã ñero iira dipuwaja opabiriboya.

²² Eropa arĩquerecũ Goãmũ yare gojarapũgue õpa ãhraa: “Masa arĩpehrerã erã ñero iira dipuwaja opama, arĩ gojara ãhraa. Eropa dipuwajacũrãre erã Jesucristore umupeocũ Goãmũ õaro iigũcumĩ erãre. ĩgu Abrahãre werediro dopa ta iigu erãre ñero iira dipuwaja marirã ĩagũcumĩ.

²³ Jesucristore umupeeri mera masare tauburi arĩboro core gũa Moise doreri doca arĩmũribũ. Eropa Moise dorerire iirã peresugue arĩro dopa arĩmũribũ. Jesucristo gũare tauboro core eropa arĩmũribũ.

²⁴ Őpa sã arĩburi arĩbũ Moise doreri: Moise doreri mera Jesucristore mari masiburi erabũ. Mari porãre erã buherogue soro dopa ta Moise doreri marire Jesucristore masicũ iibu. Eropirã mari Jesucristore umupeocũ ĩgu marire taumi. Mari ñero iira dipuwaja maricũ iimi.

²⁵ Eropirã dohpaguere mari Jesucristore umupeorãre Goãmũ “Őarã ãhrima,” arĩ ĩhami. Gũa Jesucristore masirã ĩgure umupeorã arĩrã dohpaguere Moise doreri doca arĩbeaa pare.

²⁶ Mũa sã arĩpehrerã Jesucristore umupeorã ĩgu yarã arĩrã Goãmũ porã ãhraa.

²⁷ Eropirã mũa arĩpehrerã Jesucristore umupeorã ĩgu waĩ mera waĩyesũnirã arĩrã Jesucristo ĩgu iro dopa ta ãhraa. Jesucristo Goãmũ magũ arĩro dopa ta mũa sã Goãmũ porã ãhraa.

²⁸ Eropirã arĩpehrerã Jesucristo yarã yujuro mera ãhraa. Yujugu porã iro dopa ãhraa. Eropigu gũa judio masare mũa judio masa arĩbirã sãre Goãmũ yujuropa ta ĩhami. Masa pohro majarãre erã oparã sãre yujuropa ta ĩhami. Őmare nome sãre yujuropa ta ĩhami.

²⁹ Eropirã mũa Jesucristo yarã arĩrã Abrahã pãramerã sã ãhraa. Eropigu Goãmũ Abrahãre “Mũre õaro iigũra,” arĩrare mũa sãre iimi. Cristo yarã mũa arĩcũ ĩagu mũare õaro iigũcumĩ.

4

¹ Mari iri doreri doca arĩbiriborore mari Jesu yarã arĩborore weregũra daja. Yujugu majigu ĩgu pagũ yare wũaro opapehobu arĩqueregu majigu arĩgu pohro majagu iro dopa ãhrimi. Gajirã dorero doca ãhrimi dohpa.

² Gajirã ĩgu pagũ apinirã ĩgu ya arĩburire ĩhadibuma dohpa. ĩgu pagũ gameranũ arĩcũgue ĩgu basi ĩgu yare doremi pare.

³ ĩgu majigu gajirã dorero doca ĩgu arĩro dopa ta mari masa mari ñecu sũmarã arĩricũri doreri doca arĩmũribũ. Pohro majarã iro dopa ta arĩmũribũ.

⁴ Mari eropa arĩnirãre mari Pagũ Goãmũ ĩgu gameranũ ejacũ ĩgu magũre ĩgu pohro arĩdigũre obeodigu arĩmi. ĩgure obeocũ ĩgu nomeoguere dehyoadigu arĩmi. Eropa dehyoagu judio masũ arĩdigũ arĩmi Moise dorerire iigu. Eropigu Goãmũ obeodigu arĩmi ĩgu magũre.

⁵ Gũa iri doreri doca arĩrãre taubure obeodigu arĩmi ĩgu magũre. ĩgu marire taugu mari pohro majarã iro dopa arĩnirãre wiugu ĩgu porã arĩcũ iimi.

⁶ Eropituhaja mũa sã ĩgu porã arĩcũ ĩgu Jesucristo mera Espĩritu Santore obeomi mũare. Eropirã Espĩritu Santo marire ĩgu itamuri mera Goãmũre mari Pagũre “Ahu,” arãa mari pare.

⁷ Eropirã mũa Goãmũ porã ta ãhraa. ĩgu porã arĩrã mũa ñecu sũmarã doreri doca, pohro majarã iro dopa arĩbeaa pare. Goãmũ magũ Jesucristo wiunirã ãhraa. Mũa eropãrĩrã ĩgu porã arĩrã Goãmũ oburire oparãca mũa arĩpehrerire.

Pablo Galacia majarã Jesu yarãre guñaricũpũ

⁸ Mũa ero core Goãmũre masibirã arĩrã gajirã goãmarãre umupeomũribũ. Eropirã erã pohro majarã iro dopa arĩmũribũ. Goãmũ gohrare umupeobirimũribũ.

⁹ Eropa áriquererá ta dohpaguere Goãmure masia. Goãmuru muare íha masimi. ¿Ígu eropa masiquerecú ta duhpirá i yeba majará erá pepirire gahmeri daja? ¿Duhpirá iribojegue mua ñecu sumará doreri mua iidiro dopa ta muraro ta Cristo mariro dopa ta iidiari daja? ¿Eropirá duhpirá dohpaguere Moise dorerire mua iinugará, pohro majará iro dopa árdiari daja mua?

¹⁰ Judio masa erá bosenuri iro dopa mua sá iica Goãmú mera òadiarâ. Soorinuri nucu, aberi nucu, bosenurire eropiica. Bojori nucu bosenurire òaro iica. Mua eropiiri queoro áribeaa.

¹¹ Mua eropiicú pee ñero siporâcuca yuru. Muare yu turaro buhequerecú ta “Iri waja mariboca,” arí pepia.

¹² Eropigu yuhu muare burigâ òpa arí werea. Mari Jesucristore umupeoturadiro dopa ta umupeoque daja. Yu Jesucristore umupeogu gua judio masa doreri yure taubiricú íha irire umupeobiribu pare. Eropirá mua sá Jesucristore umupeorâ iri dorerire umupeobiricâro gahmea Goãmú mera òaro árimorâ. Yuhu mua pohro ne áricú mua ne ñero iibiribu yure.

¹³ Mua masia yuhu mua pohro ne árdirote. Yuhu Jesucristo marire tauburire ne muare buhegu ejagu dorecugu áribu.

¹⁴ Yu dorecugu ñero taribu. Yu eropa dorecugu áriquerecú mua yure doobiribu. Yure òaro umupeo òaro bocatiribu. Goãmú obeodigu anyu ártiro dopa yure íabu. Yure Jesucristore iiro dopa òaro iibu.

¹⁵ Yure burigâ gamebu. Yure burigâ gamera yu serëropê ta áripehrerire omorâ áribu yure. ¿Mua eropa áricú dohpa wahari dohpaguere? Mua negohraguere yure mucubiridiro dopa ta dohpaguere mucubiribea.

¹⁶ ¿Muare diaye majare yu werera waja mua íhaturigu wahari dohpaguere?

¹⁷ Mua pohrore gají buherire buherâ muare òaro umupeocoma. Erâ eropa umupeoquererâ muare siporâ mera mahibiricoma. Mua yure yu buheri säre gamebiricú gahmema erâ. Mua erâpüre umupeocú gahmema. Eropirá muare umupeocoma.

¹⁸ Masare umupeocú òapürica. Erâ weca dihta umupeocú òabeaa. Yu áricú dihtare umupeocú òabeaa. Áripehrerâre yujuropa ta òari mera umupeonigüicâro gahmea.

¹⁹ Mua yu porâ iro dopa áhrea. Eropigu muare guñaricua. Muare burigâ guña teboricua. Yujugo porâcubo teboricuro dopa ta yu sá teboricua muare guñagu. Igo magu òaro dehyoacú gamego teboricumo. Mua Goãmú porâ òaro áricú gamegu teboricua yu sá. Mua Jesucristo áriricurire òaro opacú gahmea.

²⁰ Mua pohro burigâ wadiarica. Yu mua mera ártigu yu basi muare òaro weremasi-boya gojaripú gojaro mariro. Eropigu muare dohpaguere íabigu mua Jesucristore òaro umupeoturanemoborore masibirica.

Agar Sara mera erâ ártirare werequeogu mari Goãmú porâ ártirare werepu Pablo

²¹ ¿Mua Goãmú mera òaro árimorâ Moise dorerire iinigüicâdiarâ mua Moise arí gojarare masibeari?

²² Ópa arí gojañumi Moise: Abrahâ porâ uma perâ ártinuma. Ígu marapo pohro majago Agar waícugo yujugu porâcñumo. Puhru Abrahâ maraporu Sara waícugo gajigu porâcñumo.

²³ Ígu pohro majago magu mari masa iro dopa ta masa dehyoañumi ígu. Abrahâ igore porâ moara puhru mata nijipo áhri porâcñumo. Ígu maraporu mata porâ boca-masibirinumo. Eropigu Goãmú ígu árdiro dopa ta igore porâ bocacú iinumi.

²⁴⁻²⁵ Erâ perâ nome iribojegue eropa warare òpa buhegura muare. Goãmú Abrahâre wererare iirâ Sara ártiro dopa áhrima. Gajirâ Moise dorerire iirâ Agar iiro dopa áhrima. Agar igo porâ sá gajirâ doroero dopa ártimuriñuma. Pohro majará ártimuriñuma. Erâ árdiro dopa áhrima Moise dorerire iirâpu. Eropirá Moise doreri dopa ártimurirâ áhrima pohro majará iro dopa ártirâ. Iri dorerire iirâ “Goãmú mera òaro ártirâca,” arímuririma. Iri dorerire Goãmú Moiserre apiñumi Sinai waícudigu utâgugue Arabia yebague. Dohpaguere iri dorerire Jerusaléngue judio masa umupeoma. Eropirá iri doreri doca áhrima.

²⁶ Ópa áhrima Goãmú Abrahâre wererare iirâpu. Erâ Jesucristore umupeorâ áhrima. Sara árdiro dopa áhrima. Sarapu pohro majago ártibirimuriñumo. Mari Jesucristore umupeorâ “Moise doreri mera taribea,” arâa. Jesucristo marire taucú Goãmú porâ ártirâ mama Jerusalén maca majará áhrea.

²⁷ Eropirá Jesucristore umupeorâ Goãmú porâpu bajarâ ártirâcoma. Moise dorerire iirâpu bajamerâ ártirâcoma. Eropa ta arí werea Goãmú yure gojarapüge: Muhu ne porâ opabigo, porâcari püririñe pepibigo òaro mucubirique. Gajigo igo marapu mera ártigo igo porâ áriquerecú igo pâramerâ ártiturarâ bajamerâ

árirācoma. M̄p̄ure dohparagā m̄u porā mariquerecū m̄u p̄āramerā árítuririā tauro bajarā árirācoma. Eropigo mucubirique, arĩñumi Goām̄u.

²⁸ Isaa Abrahā magu árĩdiro dopa mari Goām̄u porā āhraa. Isaa Abrahā magu dehyoaga Goām̄u ĩgu werediro dopa ta dehyoañumi. Mari Goām̄u porā árĩrā Goām̄u ĩgu werediro dopa ta ĩgu porā āhraa.

²⁹ Eropirā Abrahā porā perā árĩñuma. Pohro majago magu Ismael árĩpehrerā masa iro dopa dehyoañumi. Isaapu ĩgu pago igo porā bocamasibiricū Espĩritu Santo itamuri mera porācñumo. Erā dehyoara puhru Ismaepu pohro majago magupu Isaare Abrahā marapo magure ĩgu ñero taricū iimuriñumi. ĩgu iidiro dopa dohpaguere eropa wahaa. Erā Moise dorerire iidorerāpu marire ñero taricū iima. Mari Espĩritu Santo itamuri mera Goām̄u porā āhraa. Mari eropa árĩrāre marire ñero taricū iima.

³⁰ Eropa wacū Goām̄u yare gojarapūgue irire dohpa arĩrire buherāca. Ōpa Goām̄u arĩñumi Abrahāre. “M̄u pohro majago magu m̄u oparire ne opasome, arĩñumi. M̄u marapo magu dihta opapehogucumi. Eropigu m̄u pohro majago igo magu mera cóāque m̄u pohrore,” arĩ wereñumi Goām̄u Abrahāre.

³¹ Eropirā, yu acawererā, mari Goām̄u porā árĩrā pohro majago magu iro dopa árĩbeaa. ĩgu pagu oburire opamasibiriñumi. Maripu mari Pagu Goām̄u ĩgu oburire opamasirāca. Marire ĩgu mera ōacū iimi.

5

Cristo marire ĩgu taura puhru turarā árĩro gahmea marire, arĩ gojapu Pablo

¹ Eropigu marire mari ñecu sumará árĩricuri dorero doca árĩnirāre Jesucristo tautuhajami. Mari ñero iira dipuwajare Jesucristo ĩgu basi wajayebasami mari Goām̄u mera ōaro árĩboro dopa. Eropirā mari Goām̄u porā árĩrā Jesucristore guñaturaniguicāro gahmea. Eropirā peebiricāro gahmea erā Moise dorerire iidorerāre.

² Ōaro peeque yare. Yuh̄u Jesucristo ĩgu apidigu āhraa. Eropigu muare ōpa werea. M̄ua Goām̄u mera ōaro árĩmorā m̄ua gasiro merogā wiri aĩcū Jesucristo muare ĩgu siribasara waja mariboya.

³ Eropigu guhyadiaro mera werea daja. Goām̄u mera ōaro árĩborore erā gasiro merogā wiri arĩrā Moise dorerire árĩpehrerire iiro gahmea erāre.

⁴ Eropirā m̄ua “Goām̄u marire taugucumi Moise dorerire iicū,” m̄ua arĩdiarā, m̄ua Jesucristore cóārā iiboca. M̄ua eropiirā Goām̄u ĩgu mera ōaro árĩburire muare ōaro ĩgu iiburire cóārā iiboca.

⁵ “Maripu Goām̄u mera ōhaa,” arĩmasia Jesucristore umupeori mera, Espĩritu Santo ĩgu itamuri mera. “Goām̄u guare ‘Ñero iira dipuwaja mariro ōarā āhrima,’ arĩ ĩagucumi,” arĩmasia.

⁶ Eropiro gasiro merogā wiri aĩnirā árĩcū säre, wiri aĩbirinirā árĩcū säre ĩabeami. Mari Jesucristore umupeorā árĩcū gajirāre mari mahi umupeocū ĩhami Goām̄u.

⁷ M̄ua ne Jesucristore umupeorā ĩgu yare ōaro diaye iimuribu. Eropirā dohpaguere m̄ua Jesucristo yare diaye majare ōaro iibiricū gajirā muare cāhmotañorā.

⁸ Goām̄upu eropa iibirimi. ĩgu muare Jesucristo yarā árĩmorāre beyegu āhrimi.

⁹ Eropigu ōpa werea muare. Yujugu masu ĩgu guyarire buhenugacū peerā masa árĩpehrerā ĩgure peerā guyarire umupeorā wahama ōaripure peediabirā.

¹⁰ ĩgu muare eropa guyarire buhenugaquerecū ōpa arĩ pepia. “Erā Jesucristore umupeorire oparā erā iri gaya buherire umupeosome,” arĩ pepia yuh̄u muare. Muare goroweocoregure noho árĩgure ĩgu eropa iira dipuwajare Goām̄u dipuwaja moagucumi ĩgure.

¹¹ Ōpa arĩ werewuñorā gajirā yupure: “‘Mari Goām̄u mera ōaro árĩmorā mari gasiro merogā wiri aĩro gahmea,’ arĩ buhemi Pablo,” arañorā yare. Yuh̄u eropa arĩ ne buhebeaa. Yuh̄u dohpaguere “Gasirogā wiri aĩro gahmea,” yu arĩ buhecū irire iidorerāpu yare ñero taricū iibiriboañuma. Yu ōpa arĩ buhea: “Mari ñero iira dipuwajare Jesucristo wajayebasadi árĩmi crusague sirigu. Eropirā mari Goām̄u mera ōaro árĩmorā Jesucristore umupeoro gahmea,” arĩ buhea yuh̄u. Yu eropa arĩ buhecū judio masa pee guama. Yure ñero taricū iima.

¹² Erāpu muare gorweorāpu gasiro merogā wiri aĩdorerāpu erā basi wiri aĩpehocāporo.

¹³ M̄uapure Goām̄u m̄ua ĩgu porā árĩmorāre aĩgu m̄ua Moise dorerire iimorāre beyebiripu. Muare iri dorerire iidorebiriquerecū m̄ua m̄ua waribejarire iibiricāro gahmea. Ōpa iiro gahmea. M̄ua árĩpehrerāre ōaro mahi umupeorā erāre itamuniguicāro gahmea. M̄ua gajirāre umupeorā Moise dorerire árĩpehrerire iirāca.

¹⁴ Eropa ta arī gojara āhraa: “Mū basi mahiro dopa ta mū pohro árīrāre mahique,” arī gojara āhraa.

¹⁵ Eropirā mūa game īhaturicā, papūri, mūa disitīri wereniguicā mūa basi ōaro mūa game umupeoro peheboca. Eropirā mūa basi ōaro árīro gahmea.

Masa erā gamerire iirire Espiritu Santo īgu gameri sāre werepū Pablo

¹⁶⁻¹⁷ Ōpa arī werediaca mūare. Mari Jesucristo yarā árīcū mari pepirigue ōpa āhraa. Mari űeri űaribejari āhraa. Espiritu Santo īgu gameri sā āhraa. Mari űaribejari Espiritu Santo īgu gameri mera yujuro mera árībeaa. Eropiro marire masiya mariro wahaa. Eropirā mūa Espiritu Santopure yuhrirā mūa űaribejaripure iisome. Eropirā Espiritu Santo īgu gamerire iiniguicāque.

¹⁸ Eropirā Espiritu Santo gamerire iirā árīrā “Moise doreri mera mari tarirāca,” arī pepibeaa mūa.

¹⁹ Masa erā űeri űaribejarire erā iicū ōaro īhamasica mari. Ōpa iima erā űaribejarire iirā: Ūma gajirā nome mera űero iima. Nome sā gajirā űma mera űero iima. Diayea iiro dopa iiricuma. űerire pepima. űerire wereniguima.

²⁰ Eropirā goāmarā wēanirāre umupeorā “Mari goāmū āhrimi,” arī umupeoma. Gajirāre dojama. Eropirā masare doho āhrima. Īhaturima. Disitīri wereniguima. Gajirāre doēma. Mata guama. Gajirāre tarinugadiama. Yujuro mera árīdiabeama. Yuju curu majarā gaji curu majarāre īhaturima.

²¹ Eropirā gajirāre gajinore erā opacū Īhaturima. Gajirāre wejēdiarā wejēma. Merericurā āhrima. Mererā űerire űaribejama. Eropa iirā gajino űeri sāre iima. Eropigu yuħu mūare werediro dopa ta werea daja guhyadiaro mera. Iri űerire iiniguicū Goāmū īgu opu árīroguere ejamasisome.

²² Espiritu Santo yapū ōpa āhraa. Erāre ōpa iirā árīcū iimi. Árīpehrerāre mahi umupeoma. Mucubirima. Ğiuro mariro āhrima. Gajirā erāre űero iiquerecū erā mera guabeama. Mojomoro Īhama. Duhuro mariro Goāmū īgu gamerire ōaro iima. Erā mohmediarire erā mohmediabiriri sāre ōaro iima.

²³ Eropirā nijiyajaro mera iima. Erā űero iidiaquererā iibeama. Eropa ta iima Espiritu Santore yuhrirā. Eropa iirāre “Eropa iibiricāque,” ne arībeama gajigu.

²⁴ Eropirā mari Jesucristo yarā árīrā mari űero árīdirore duhucā mari gamerire mari űaribejarire iiniguicābeaa.

²⁵ Eropirā mari Espiritu Santo itamuri mera iirā árīrā īgure yuhriniguicāro gahmea.

²⁶ Eropirā mari “Yuħu gajirāre tarinugaa,” arī pepibiricārā. Eropirā gajirāre game Īhaturicū iibiricārā. Gajirā erā ōari oparire obobiricārā.

6

Mūa mera majarāre itamuque, arī werepū Pablo

¹ Acawererā, mūa mera majagu Jesu yagu īgu űerire iicū Īha īgure itamuro gahmea mūa Espiritu Santo dorerire iirāpure. Īgu iri űerire duhucū ōaro mera werero gahmea. Eropa itamurā mūa ōaro pee masique mūa sā űerire iiri arīrā.

² Eropirā mūa basi game itamuque árīpehrero. Mūa eropa itamurā Jesucristo dorediro dopa ta iirāca.

³ Yujugu “Yuħu ōarire iigu āhraa,” arī pepigu, īgu ōarire iibiriqueregu ōpa arīgu īgu basi guyagu iimi.

⁴ Eropirā marire ōpa iiro gahmea. Mari basi mari iiricūre ōaro queoñanrusiario gahmea. Eropa ĩara puħu mari árīricuri ōari árīcū Īha “Yuħu ōarire iiaa,” arīmasia. Eropirā mari ōari árīricuri mera mucubirimasia gajirā árīricūre ĩaro mariro.

⁵ Eropigu mari árīricūre Goāmū beyegucumi. Eropirā mari gajirā erā iiricūre ĩhanuābiricāro gahmea. Eropirā mari yujurāyeri iiripure ĩaro gahmea.

⁶ Eropirā Jesucristo yare ōari buherire peerāpū erāre buherāpure erā gamerire itamuporo árīpehrerire ōarire.

⁷ Eropirā “Goāmū yu űerire iira dipuwaja dipuwaja moasome yure,” arī pepi masiya mara. Ōpa arī pepirā mūa diaye arī pepibirica. Eropiro Goāmure guya masiya mara. Eropirā mari dohpaguere iira waja puħrūgue bocarāca.

⁸ Eropirā mari űaribejarire iiniguirā iri űeri iira waja dipuwajacurāca. Eropirā peamegue warāca. Mari Espiritu Santo gameripure iirā ōaro wajatarāca. Eropirā Goāmū mera űmuri nuħu ōaro árīniguirāca.

⁹ Eropirā mari Espiritu Santo gamerire iiniguicārā. Gariborebiricārā. Goāmū gamerinu mari wajatarāca ōarire duhubirā. Eropirā ōarire iiniguicāro gahmea.

¹⁰ Eropirā árīpehrrerisubure ðaro umupeoro gahmea árīpehrrerāre. Eropirā Jesucristo store umupeorāre buriġā mahi umupeoro gahmea yujugā porā iro dopa.

Pablo iġu weretura

¹¹ Īata. Yū basi mware gojaġu pagari deyori mera gojaġu iiaa.

¹² Eropiġu òpa werea mware. Erā mware gasiro merogā wiri aīdorerāpū òpa gahmema. Erā dorerire mwa iicū iha gajirā judio masa erā mera ðaro árībocoma. Eropirā erāre ñero taricū iibiribocoma daja erā Jesucristo yare umupeoquerecā.

¹³ Erā basi gasiro merogā wiri aīquererā Moise dorerire gajire iibeama. Erā eropa iibiriquererā, mwapure erā dorerire iidorerā mwa gasiro merogā wiri aīcū gahmema erā. Eropa gahmema gajirā judio masa erā arīboro dopa mucubiriri mera. “Gwa dorero mera Galacia majarā judio masa árībirā mari árīricurire iiaa,” erā arīboro dopa mware erā dorerire iicū gahmema.

¹⁴ Yū tamera erā eropa mucubiridiaro dopa ta ne mucubirissime. Mari Opū Jesucristo iira mera dihta mucubiria. Iġu mari ñero iira dipuwajare wajayebasadigū árīmi crusague sīriġu. Iri dihtare mucubiria. Jesucristo eropa iira mera yūhū iġu taudigū árīġu masa erā waribejarire guñabeaa pare. I umū maja masa erā waribejari sā doremasibeaa yure.

¹⁵ Eropero gasiro merogā wiri aīcū, wiri aībiricū sāre Goāmū iabeami. Masa Jesucristo mera ðari mera gohrotorā árīcū ihami.

¹⁶ Erā eropa gohrotonirā árīpehrrerā iri buherire Jesucristo yare yuhrirāre “Erā ðaro árīporo,” arī serēa Goāmure. “Erāre mwa ya curu majarā gohra árīrāre mojomoro iaque,” arī serēbasaa yūhū Goāmure.

¹⁷ Yūhū Jesucristo dorediro dopa ta iigu iġu yare buhera dipuwaja gajirā yure ñero taricū iima. Erā eropa iira camī mura āhraa yure yū dūpure. Eropiġu òpa gahmea: Iripēta yure bujawerecū iiporo Jesucristo yarāre goroweorā.

¹⁸ Mware árīpehrrerāre ðaro árīcū gahmea. Mari Opū Jesucristo mware árīpehrrerāre ðaro iiporo. Eropa ta iiporo. Iripēta āhraa.

Efesios

Efeso majaräre gojabeoñumi Pablo

¹ Yuhũ Pablo Goãmu ĩgu gamero dopa ta Jesucristo yare ĩgu yare buhedore apidigu aħraa. Eropigu mũare Efeso majaräre gojabeoa. Mũare Jesucristore ðaro umupeoräre gojabeoa yuhũ.

² Goãmu mari Pagu mera Jesucristo mari Opũ mera mũare ðadoreaa. ĩgu mũare itamuri mera ðaro áriqũe mũa.

Cristo yarã mari áricũ ĩagu Goãmu ðaro iimi marire, arĩ gojañumi Pablo

³ Goãmu mari Opũ Jesucristo Pagu marire ðaro iiniguicãmi. Áripehreri ĩgu ya ðari mera ĩgu mari pepirire ðarire ohomi mari ĩgu pohro áriro dopa. Marire siporã turacũ iimi. Cristo yarã mari áricũ ĩagu eropa marire ðaro iimi. Gũa ĩgu eropiicũ ĩha ðaro umupeoa. ĩgũre ðaro wereniguia.

⁴ Őpa ĩpũ ĩgu marire ĩgu yarãre: I yeba áriboro coregue ĩgu yarã áriřorãre beyemuhtarũ ĩgu marire. Eropa beyegu ĩgu marire ĩgu ĩarore ñeri iiro marirã mari áriřorãre ĩpũ. Eropigu ĩgu marire “Ñerã aħrima, arĩsome.

⁵ Marire mahigu mojomoro ĩagu iribojegue Őpa arĩmuhtarũ ĩgu marire: “Yũ magu Cristo ĩgu itamuro mera erã yũ porã ðaro áriřacoma,” arĩ apĩpũ marire iribojegue ta. ĩgu gamediro dopa ta eropa ĩpũ ĩgu marire.

⁶ Marire ĩgu eropa ðaro iicũ ĩarã umupeoa. ĩgũre ðaro wereniguia. ĩgu magu ĩgu mahigu Jesucristo yarã mari áricũ ĩagu, ðaro iimi ĩgu marire.

⁷⁻⁸ Eropigu ĩgu magu Jesucristo ĩgu di cóãgu siringu mari ñeri iira dipuwajare wajayebasadi árimi. ĩgu eropa wajayebasacũ mari ñeri iirare cãdijidi árimi Goãmu. Eropigu marire turaro mahigu, marire mojomoro ĩagu eropa ĩpũ Goãmu. Eropigu marire peamegue wabonirãre taudi árimi. ĩgu ðaro masipehori mera eropiĩpũ ĩgu. Eropirã ĩgũre ðaro wereniguia.

⁹⁻¹⁰ Eropigu ĩgu marire ĩgu ĩborore marire masicũ iimi. Iribojegue majaräre irire masicũ ĩibirĩmũriĩpũ ĩgu. Őpa aħraa marire ĩgu ĩborore. ĩgu gamediro dopa ta ĩgu pepidiro dopa ta áripehrerãre Cristo dorero doca áricũ ĩigucumi. Eropigu áripehrerire ĩgu ya áricũ ĩigucumi. ĩgu queorasubu áricũ umaro majarãre, i yeba majarã sãre ĩgu dorero doca áricũ ĩigucumi ĩgu. Eropigu umaro maja sãre i yeba maja áricũ sãre ĩgu ya dihta áricũ ĩigucumi. Eropigu Jesucristopũ áripehrerã weca opũ áriřacumi. Eropiro áripehreri ĩgu ya dihta áriřoca. Eropa áriřure áriřorepũ Goãmu ĩgũre.

¹¹ Eropi Cristo yarã mari áriřore masiyũgu Goãmu marire beyetuhapũ ĩgu yarã áriřorãre. I áripehrerire apĩpũ ĩgu, ĩgu pepidiro dopa ta ĩgu gamediro dopa ta ĩbu.

¹² ĩgu eropiĩpũ ĩgu yare gũa ĩborore. ĩgu yare gũa ðaro iicũ ĩarã gajirã sã ĩgũre umupeorã “Turagu aħrimi,” arĩřacoma. Gũapũ judio masa Cristore gamenũganirã áriřã ĩgũre umupeomũhtanirã áriřũ.

¹³ Mũa sã diaye wereniguirire, ðari buherire peeabu. Iri buheri mera ta Goãmu pohrogue warãca mũa. Irire peerã ĩgũre umupeoa. Eropirã ĩgu yarã wahabu mũa. Őpa arĩpũ Cristo: “Yare umupeorãre Espĩritu Santore obeogũra,” arĩ werepĩpũ. Eropigu ĩgũre mũa ũa ĩborore. ĩgu yare gũa ðaro iicũ ĩarã gajirã sã umupeocũ ĩagu ĩgu Espĩritu Santore odigu árimi mũare. Eropigu ĩgũre mũa opacũ, “Jesucristo yarã aħraa,” arĩ masicũ iimi ĩgu mũare.

¹⁴ Goãmu marire taricũ iiami. Eropigu pũhrũ ĩgu pohrogue aĩagucumi marire ĩgu oburire marire obu. Marire aĩaboro core Espĩritu Santopũ mari mera aħrimi. ĩgu mari mera áricũ Goãmu mera mari áriřorore ðaro masia. Goãmu marire ĩgu eropiicũ ĩarã ĩgũre umupeori mera, “Őagũ aħrimi,” arãa mari.

Pablo Goãmũre serẽbasãñumi Jesu yarãre

¹⁵⁻¹⁶ Eropigu Jesucristore umupeorã mũa áricũ peebeo, áripehrerã ĩgu yarãre mũa umupeo mahirire peebeogu Goãmũre “Őhaa,” arãa. Eropigu mũuri nũcu serẽbasaa mũare Goãmũre.

¹⁷ Mari Pagu umaro majagu ĩgu yare mũare ðaro masicũ ĩidoregu serẽbasaa. Eropigu ĩgũre mũa ðaro masinemoboro dopa serẽbasaa. ĩgu Goãmu Jesucristo mari Opũ Pagu aħrimi.

¹⁸ Eropigu mua ðaro masiboro dopa muare serēbasaa Goāmure. Īgu muare taugu, Īgu yarā árīmorāre iimi Īgu muare. Eropigu muare Īgu yarāre Īgu pohro ðaro wacū iigucumi. Irire mua ðaro masiboro dopa serēbasaa yuha Goāmure. Eropigu Īgu marire oburi säre “Ōataria āhraa,” iri mua arī mua masiboro dopa serēbasaa. Ōpa mua masiboro dopa serēbasaa muare Goāmure.

¹⁹ Mari Jesucristore umupearāre Īgu itamugu, Īgu turari mera Īgu iimi. Īgu gajirā tauro turagu āhrimi. Muare iri säre ðaro masiboro dopa serēbasaa mari Pagu Goāmure.

²⁰ Īgu turari mera Cristo sīridigure masudigu árīmi. Eropigu Īgu turari mera umarogue Īgu diayeru Cristo Īgu doacū iidi árīmi Goāmu árīpehrerāre Īgu doreboro dopa.

²¹ Ero doagu árīpehrerā umaro majarā oparā weca, árīpehrerā dorerā weca āhrimi Cristo. Eropigu i umu majarā weca opu, gajipu majarā sā weca opu, árīpehrerā dohpague majarā, gajisubū majarā sā, pūhrugue majarā sā erā weca opu árību ta āhrimi Īgu.

²² Eropigu árīpehrerā weca, árīpehreri weca apipu Goāmu Cristore. Eropigu árīpehrerire opuacū iipu Īgure. Eropiro Cristo yarā yuju curu árīrā erā opu árībure acupu Īgure. Erā dipuru iro dopa árīgu āhrimi Īgu.

²³ Cristo yarā yuju curu árīrā Īgu dupu iro dopa árīrā āhraa mari. Cristo árīpehrerogue árīniguimi. Eropigu mari Īgu yarā mera árīniguigu marire itamunigu-icāmi.

2

Goāmu marire mahigu, mojomoro ĩagu taupu marire, arī gojañumi Pablo

¹ Ņeri dipuwajacubonirā peamegue dederebonirā árīquerecū ta Goāmu muare taumi.

² Iribojegure i yeba majarā Goāmu tarinugarā iro dopa iimurininirā árīribu mua. Eropirā watī Īgu gamero dopa ta iimurininirā árību mua. Īgu watī i yeba doregu Goāmure tarinugarā opu āhrimi.

³ Iribojegue árīpehrerā mari ðpa dihta iininirā árīribu. Mari űeri dihtare űaribejaribu. Mari ejatuharo mari pepiro dopa iimuriribu. Eropa árīrā gajirā árīpehrerā iro dopa ta mari sā űerā árīmuriribu. Mari árīpehrerā masa mera eropa árīrā árīcū ĩagu Goāmu mari mera guagu dipuwaja moadiaripu.

⁴ Eropa iidiaqueregu ta marire turaro mahigu mojomoro ĩapu.

⁵ Eropa mahitarigu mari űeri iira waja peamegue dederebonirā mari árīquerecū ta marire Īgu mera árīniguimorā árīcū iimi. Jesucristo Īgu sīribasara mera mari Īgu yarā árīcū marire iimi. Marire mojomoro ĩagu taumi Īgu marire.

⁶ Goāmu Jesucristo sīridire masugu Īgu pohro apidigu árīmi árīpehrerāre dorebu. Eropigu Īgu mari säre Īgu yarāre Cristo dorerire opacū iimi. Eropirā Īgu pohro Īgu mera árīrāca mari.

⁷ Eropiimi Īgu pūhrugue majarā marire Īgu mojomoro ĩarare erā masiboro dopa. Jesucristo marire Īgu ðaro itamura mera Īgu masare turaro Īgu mahirire ĩhmumi.

⁸ Cristore mari umupeocū Goāmupu marire taricū iimi. Marire mahigu Īgu pohro ejacū iigucumi. Mari gamero ðaro ĩricuri mera Goāmu pohro ejadiarā ejamasosome. Mari ĩbiriquerecū apimi mari Īgu pohro ejaburire. Eropiro waja mariro umuri nucu Īgu mera mari árībure ohomi marire.

⁹ Mari basi tarimasibirica. Mari iiri mera mari gamero mera tarirā mari “Gua basi taria,” arīboca. Goāmupu marire taumi Īgu pohro mari wamorāre.

¹⁰ Jesucristo yarā árīcū iimi marire Goāmupu. Eropigu Jesucristo yarā mari árīcū ĩagu ðarire ĩrā dihta wacū iimi marire. Iribojegue ĩañumi marire ðarire iimorāre.

Cristore oparā ðaro āhraa, arī gojañumi Pablo

¹¹ Eropirā mua ero coregue árīricurare dohpague säre guñaque. Muare judio masa árībīrāre gua judio masapu ĩaturimuribu. Gua circuncisión iininirā gasiro merogā wiri aĩnirāpu muare gasiro merogā wiri aĩbirāre “Goāmu yarā árībeaa muapu,” arīmuribu muare.

¹² Irisubure mua Cristo yarā árībīrā boje majarā arīmuribu. Goāmu beyenirā judio masa iro dopa árībīrimuribu muapu. Mua eropa arīnirā Īgu beyenirā mera pepuri majarā ĩaturirā arīmuribu. Goāmu muare “Masare ðaro ĩgura,” ĩgu arī apīnirā árībīrinirā árīribu mua. Mua űeri dipuwaja peamegue wabonirā árīrā árīribu mua. Goāmu moorā arīnirā peamegue dederebonirā arīnirā árīribu.

¹³ Dohpaguepure Jesucristo yarā āhraa pare m̄aa. Iribojegue boje majarā árīnirā árīquererā, dohpaguere ĩḡu yarā āhraa pare m̄aa. Cristo m̄aa ñeri dipuwaja crusague ĩḡu di cóara p̄hru Goām̄u yarā árīcū iimi m̄aare.

¹⁴ Eropiḡu judio masare m̄aa ĩhaturirā árīcū Cristo marire bosadiḡu árīmi. Masare bosaḡu āhrimi ĩḡu. Judio masa, judio masa árībirā mera pe curu mari árīcū ĩaḡu ĩḡu marire yuju curu ta árīcū iidi árīmi. Mari ĩhaturiri duhucū ōaro mera árīcū iimi ĩḡu marire.

¹⁵⁻¹⁶ Ōpa iimi ĩḡu marire. Mari ñeri dipuwaja crusague s̄iriḡu, marire peamegue wabonirāre tauḡu iimi. Eropa tauḡu ĩḡu yarā ĩḡu iimi marire. Eropiḡu mari ĩḡu yarā wacū pe curu mari árīquerecū ta yuju curu ta mama curu iimi marire. Eropiḡu iri bojegue mari game ĩhaturinirā árīquerecū ta marire crusague s̄iribasaḡu bosadiḡu árīmi. Eropiḡu judio masa doreri pehrecū iimi ĩḡu. Erā doreri marire d̄uca wayoro pe curu majarā wacū. Eropiḡu yuju curu ta árīcū iimi pare. Eropiḡu Cristo Goām̄u yarā árīcū iimi marire.

¹⁷ Eropiḡu marire bosaḡu ariḡu ōari buherire Goām̄u mera ōaro árīburire weregu aridi árīmi. M̄aa judio masa árībirā Goām̄u opabirā boje majarā árīnirā árīribu. M̄aa eropa árīcū ĩaḡu m̄aare ōari buherire weregu aridi árīmi. Ḡaa judio masa s̄aare Goām̄u yare oparā s̄aare weregu aridi árīmi. Eropiḡu árīpehrerāre marire bosaḡu aridi árīmi ĩḡu.

¹⁸ Dohpaguere árīpehrerā ḡua judio masa, m̄aa judio masa árībirā s̄a mari Paḡu mera ōaro árīmasia mari. Espiritu Santo ĩḡu itamuri mera Cristop̄u marire eropa árīcū iimi.

¹⁹ Eropirā dohpaguere m̄aa boje majarā árībeaa. ĩḡu ya curu majarā ta āhraa. Goām̄u yarāre ĩhaturirā árībeaa. Goām̄u yarā mera majarā āhraa pare.

²⁰ Goām̄u yare werem̄htanirā iri bojegue majarā ĩḡu ya wereniguirire goja, masare werem̄riñuma. Ḡaa s̄a ĩḡu yare buhedore apinirā Jesucristo ya ōari buherire werea masare. Ḡaa árīpehrerā eropa werecū peerā Cristore umupeon̄aḡabu m̄aa. Cristop̄u āhrimi mari árīpehrerāre ĩḡu yarā árīcū iigu. ĩḡu eropa iibiricū mari ĩḡu yarā árīmasibiriboya.

²¹ Eropiḡu ĩḡu turari mera marire ĩḡu yarāre yuju curu ta árīcū iimi ĩḡu marire. Eropirā ĩḡu turari mera ōarā wahaa mari. Mari eropa árīcū ĩaḡu ĩḡu mari Op̄u ta mari mera āhrimi.

²² Eropirā Cristo yarā árīrā árīpehrerā gajirā mera ĩḡu yarā mera yuju curu wahabu m̄aa s̄a. M̄aa eropa wacū Goām̄u ĩḡu Espiritu Santo m̄aa mera āhrimi.

3

Judio masa árībirāre ōari buherire wereñumi Pablo

¹ M̄aa judio masa árībirā eropa ĩḡu ya curu majarā árīburire ȳu werera dipuwaja peresugue āhraa ȳuh̄u.

² M̄aare judio masa árībirāre Jesucristo yare buhebure Goām̄u ȳare apimi. Ȳure mojomoro ĩaḡu, ȳure mahiḡu ōari buherire ȳare weredoreḡu, ȳare apimi. Irire peetuhabu m̄aa.

³ Iribojegue masa erā masibirirare Goām̄u dohpaguere ȳare masicū iimi. Ire merogā were m̄aare gojabeotuhabu.

⁴ Ȳu eropa gojabeorare buherā Cristo ĩḡu yare ȳu masirare masirāca m̄aa s̄a.

⁵ Iri ĩḡu wererare iri bojegue majarāre ĩḡu erā masipehocū iibirip̄u. Dohpaguepure guare Jesu ĩḡu apinirāre Goām̄u yare werem̄htarā s̄aare irire masipehocū iimi Goām̄u. ĩḡu Espiritu Santop̄u guare masicū iibasami.

⁶ Ōpa āhraa ĩḡu werera gajirā masibirira: Judio masa dihtare Goām̄u itamubeami. Judio masa árībirā s̄aare ĩḡu itamumi. Ōari buherire erā ōaro peecū itamuḡucumi ĩḡu erāre. Eropirā ḡaa judio masa, m̄aa judio masa árībirā mera yuju d̄up̄u iro dopa yuju curu ta āhraa mari. Eropirā mari árīpehrerā Jesucristo yarā árīrā yujuro mera Goām̄u ĩḡu masare “Ōaro iiḡura,” ĩḡu arī werepirare oparāca mari.

⁷ Goām̄u mojomoro ĩaḡu ȳare mahiḡu ire ōari buherire werebure ȳare apimi. ĩḡu masiri mera apimi ĩḡu ȳare.

⁸ Árīpehrerā gajirā Jesucristo yarā erā doca árīrā erā docague majagu gohra āhraa ȳuh̄u. Ȳu eropa árīquerecū ta judio masa árībirāre ōari buherire werebure apimi Goām̄u ȳare. Iri buheri Cristo ōatariagu ĩḡu árīr̄ire, ōatariari ĩḡu oparire, ōaro ĩḡu oburire werebure apimi ȳare.

⁹ Ȳure eropa apiḡu Goām̄u “Ōpa masare tauḡuca,” arīḡu, árīpehrerā masare dohpa ĩḡu itamuborore ōaro werepehobure apimi ȳare ĩḡu. Goām̄u árīpehrerire

ĩhacũnugudigũ áhrimi. Iribojegue majarãre irire masare ĩgu tauborore masare werepehobirinipũ Goãmu. Dohpaguere yãre iri ðari buherire weredoregũ apimi masare ĩgu ðaro tauborore masicũ iibu.

¹⁰ Eropirã iri buheri mera masa ĩgu yarã wahama. Erã eropa wacũ ĩha umaro majarã oparã anyua Goãmu masipehogu ĩgu árficũrĩre masima. Erã eropa masicũ gamepũ Goãmu.

¹¹ Eropigu i yeba árfiboro coregue ta “Masare peamegue wabonirãre taugũra,” arĩtuhapũ Goãmu. Eropa arĩdigũ árfigu dohpague mari Opũ Jesucristo ĩgu sĩriro mera ĩgu arĩdiro dopa ta marire taudi árfimi.

¹² ĩgu eropa taucũ dohpaguere Cristore umupeorã ĩgu yarã wahaa mari. ĩgu yarã árfirã giũro mariro Goãmu mera wereniguĩmasia mari. Eropirã giũbiricãque mua.

¹³ Eropirã ðari buherire yũ wereri waja dohpaguere peresugue árfigu yũ ñero taricũ ĩarã bujawerenijarã Goãmu yare duhubiricãque. ðari buherire yũ werecũ peerã Goãmu yarã wahabũ mua. Yũhũ eropiira dipuwaja peresugue áhrra. Eropa árfigu mua ĩgu yarã árfiburire ñero tarigũ iiaa. Eropigu turaro mucubiridorea muare.

Cristo masare turaro mahimi, arĩ gojañumi Pablo

¹⁴ Eropigu i árfipehrerĩre mari Opũ Jesucristo Pagũ ĩgu iirare guñagu mereja ĩgũre serẽbasaa muare.

¹⁵ Árfipehrerã ĩgu yarã Pagũ áhrimi. ĩgu árfipehreri cururi majarã ĩgu yarã ĩgu pohrogue árfirã i yeba árfirã sã erã Pagũ áhrimi.

¹⁶ ĩgu masipehogu áhrimi. Turatarigu áhrimi. Eropigu ĩgũre ðpa serẽbasaa muare. Muare siporã ĩgu masiri mera ðaro turacũ iiboro dopa serẽbasaa muare. Eropigu Espĩritu Santo ĩgu itamuri mera eropa iigũcumĩ.

¹⁷ Eropigu Cristore “Diaye iigũ áhrimi,” mua arĩ umupeonemoboro dopa ĩgu mua mera ðaro árfiboro dopa serẽbasaa muare. Eropigu gajirãre ðaro mahirã mua árfiboro dopa, Cristo ĩgu turaro mahirire mua masiboro dopa serẽbasaa muare.

¹⁸⁻¹⁹ Mua árfipehrerã gajirã Goãmu yarã mera “Cristo ĩgu marire turaro mahimi,” mua arĩmasiborore serẽbasaa muare. ĩgu mari masare turaro mahigu áhrimi. ĩgu mahiri eropa ðatariari árficũ mua ðaro masiboro dopa serẽbasaa muare. Eropigu ĩgu mahirire mua masicũ gahmea Goãmu mua mera ĩgu ðaro árfiboro dopa. Eropigu irire serẽbasaa muare Goãmũre.

²⁰ Eropirã Goãmũre wuaro umupeori mera “ĩgu turagu áhrimi,” arĩrãca. ĩgu turari mera ðaripũre gohrotomasimi ĩgu marire. Marire ðarã árficũ iimasimi. Mari serẽra tauro iimasimi ĩgu. Mari gamerire, mari pepira tauro iimasimi ĩgu.

²¹ Jesucristo yarã mari árficũ ĩha Cristo ĩgu árficuri sãre ĩha árfipehrerĩre. Eropigu ĩgu mahirire mua masicũ gahmea Goãmu mua mera ĩgu ðaro árfiboro dopa. Eropigu irire serẽbasaa muarũri árfipehrerã Goãmũre umupeoporo. Eropa ta iiporo.

4

Cristo yarã árfirã yuju curu ta áhrra mari, arĩ gojañumi Pablo

¹ Mari Opũre yũ itamuri waja peresugue árfigu muare turaro werea yũhũ. Goãmu ĩgu yarã árfimorãre muare beyepũ. Eropirã ĩgu beyenirã árfirã ĩgu árfidoreiro dopa ta ðarã árfique mua. Irire muare werea yũhũ.

² ðpa iirã ðarã árfique mua: “Gajirãre masitarĩnũgaa yũhũ,” arĩ pepibiricãque. Gajirãre ðaro mera iigũ. Eropirã guabiricãque. Mua mera majarã muare gariboguerecũ ta erãre umupeori mera yuju diaye ĩacãque.

³ Eropirã Espĩritu Santo ĩgu itamuri mera ðaro mera yujuro mera árfĩnguique mua. Eropirã gamequeãro mariro árficãque mua.

⁴ Yuju ðũpũ iro dopa yuju curu ta áhrra mari. Eropigu Espĩritu Santo yujugu ta áhrimi marire. Eropigu Goãmu ĩgu yarã árfimorãre marire beyemũripũ marire itamubu. Eropirã ĩgu itamuborore masia mari. Iri mari masirañe yujuñe ta áhrra.

⁵ Mari Opũ Cristo mari umupeogu yujugu ta áhrimi. ĩgu buheri sã yujuñe ta áhrra. ĩgu yarãre waĩyeriñe sã yujuñe ta áhrra.

⁶ Eropigu Goãmu yujugu ta áhrimi. ĩgu árfipehrerã Pagũ áhrimi. Eropigu árfipehrerã weca mari Opũ áhrimi. Eropigu árfipehrerãre marire itamumi ĩgu. Árfipehrerã mari mera áhrimi ĩgu. Eropigu árfipehrerogue áhrimi ĩgu.

⁷ Yuju curu mari árfiquerecũ ta árfipehrerã marire yujurãyerire mari mohmemasiburire apidi árfimi marire Cristo. ĩgu eropa apidiro dopa ta mohmemasia mari. ĩgu marire eropa apigu gajinore ĩgu eropa ocãbodiropo dopa ta apidi árfimi ĩgu marire.

⁸ Eropā ta āhraa Goāmū yare erā gojarapūgue sā:
Goāmūre ihaturirāre īgu tarinūgara pūhrū īgu dipaturi mūria wagūcumi. Eropīgu masare baja eropa ocāgūcumi, arī gojañuma iribojegue Jesucristo īgu eraboro coreguere.

⁹ Erā eropa arī gojarā ōpa werediarā iiriñuma: Jesucristo umūsigue mūria wadīgu ārīgu īgu ero coreguere dijarimūhtadīgu ārīmi. I yebaguere dijaridīgu ārīmi.

¹⁰ Eropīgu īgu dijaridi mūria wadi ta ārīmi Goāmū pohroque. Arīpehrero weca mūria wadi ārīmi īgu arīpehrerogue ārību.

¹¹ Eropīgu īgu yarāre baja eropa ocāgu erā Goāmū ya arīburire mohmemasiburire apidīgu ārīmi. Erā mohmemasiburire ōpa apidīgu ārīmi īgu yarāre. Yujurāyerire Cristo īgu buherare buhemorāre apidi ārīmi. Gajirāre Goāmū yare weretaumorāre apidīgu ārīmi. Ōari buherire buhe curimorāre gajirāre apidi ārīmi. Cristo yarā gamenererā oparā arīmorāre erāre ōaro buhemorāre apidi ārīmi gajirāre.

¹² Eropā dihta apidīgu ārīmi marire gajirā īgu yarāre mari game itamuboro dopa. Eropā apidīgu ārīmi marire īgu yarāre, īgure mari umupeonemoboro dopa, sīporā turarā mari waboro dopa.

¹³ Eropirā mari arīpehrerā ōaro mera, yujuro mera arīrāca. Eropā ta arīro gahmea marire Cristore umupeorā arīrāre. Eropirā mari arīpehrerā Goāmū magure Jesucristore ōaro masirāca. Eropirā Cristo turagu, pee masīgu īgu arīro dopa ta, mari sā pee masia warāca.

¹⁴ Mari eropa warā majirāgā iro dopa arīsoma mari. Majirāgā iro dopa ta arīrā ōaro pee masinibeama dohpa. Eropirā gajirā guyarā erāre buherā eracū "I diaye āhraa," erā arīcū erā peema. Pūhrū gajirā gajiropa arīri buherire buherā eracū erā sāre peema. Erā iro dopa arīsoma mari.

¹⁵ Eropā arībirā mari mera majarā mera game mahirā diaye ta wererire game wererāca mari. Eropirā majirāgā erā buga erā pee masirā erā waro dopa ta mari sā Goāmū yare pee sīporā turarā Goāmū yare ōaro masirā warāca. Cristo īgu arīro dopa ta warāca. Īgu āhrimi mari dipuru.

¹⁶ Īgu yarā arīrā īgu dūpū iro dopa yuju curu ta āhraa mari. Mari bajarā arīquererā ta yujuro mera ōaro arīrā iiaa. Mari eropa arīborore Cristo itamumi. Eropirā mari yuju dūpū iro dopa ōaro gamesurirā mari ōaro itamua gajirāre Cristo yarāre. Eropirā mari mera majarāre Cristo yarāre ōaro mahirā, erāre ōaro itamurā, turarā, Cristore umupeonemorā arīrāca mari.

Cristo yarā warā mari ñerire duhu, ōaripūre gohrotoa mari, arī gojañumi Pablo

¹⁷ Eropi mari Opū Cristo īgu dorero mera ōpa werea mūare. Goāmūre gamebirā gohra iiro dopa iibiricāque mūa. Erā, erā pepiripū ñeri dihta āhraa. Eropiro erā pepiri duhpiburi arībeaa.

¹⁸ Eropīgu watīpū Goāmū yare erāre peebiricū iimi. Eropirā Goāmū yapure peebirigohracāma. Peediabeama erā. Eropirā Goāmū īgu ōaro arīdoreldiro dopa ta arībeama erā.

¹⁹ Eropirā erā ñerire iirā ne guhyasīribirigohracāma. Eropirā ne bujawerebeama. Ñerire erā űaribejari dihtare iiniguicāma. Arīpehreri ñerire erā iirire ne duhudiabirā iinemoniguicāma.

²⁰⁻²¹ Mūaru diaye ta īgu yare peerā mūa arīcū, Jesucristo yare ōaro masirā mūa arīcū mūaru erā ñero iiro dopa iidorebeami Goāmū.

²² Iribojegue ñerire iiniguicārā mūa arīcū iri ñeripū mūare goroweoro iidiro arībū. Iri ñeri iiri mera mucubiridiaquererā ta ne mucubirimasibirimurībū mūa. Eropirā "Iribojegue mūa arīrāre duhucāque," yū mūare arī buhecū peebū mūa.

²³ Eropirā mūa pepiripūre ōaripūre gohrotoro gahmea mūare.

²⁴ Ero core mūa ñero iirare duhucāque. Eropirā ōaripūre gohrotonirā arīque mūa. Goāmū īgu ōagu arīldiro dopa mūare ōarā arīcū iimi. Īgu eropa iinirā arīrā ōarire iiniguicārāca. Eropirā ñerire gamebirāca.

²⁵ Mari yuju dūpū iro dopa yuju curu majarā ta arīrā iiaa. Eropirā mūa basi guyabita. Mūa mera majarāre diaye wereque guyarō mariro.

²⁶ Gajirā mera guarā, erāre ñero iibiricāque. Mata irinū ta amucāque gua wajaro mariro.

²⁷ Yoari boje guarā watī īgu gamero dopa iirā iiaa. Eropā iibiricāque.

²⁸ Gajirā mūa mera majarā Jesu yarā erā arīboro core yajari masa arīnirā arīñorā. Dipaturi yajabiricāporo. Eropirā dohpaguere ōaro mohmeporo. Mojomorocūrāre oburire mohmeporo.

²⁹ Ne ñero wereniguibiricãque. Ôarire wereniguirã gajirãre itamua mua. Erã bujawerã erã áricũ iarã eropa ta mucubiricũ iicãque erãre. Eropirã ôari dihtare wereniguieque.

³⁰ Ñerire iirã Espiritu Santore bujawerecũ iirã iiaa mua. Eropa iibiricãque. Dohpaguere ne i umu peherinũ core, Cristo marire igu aigãboro core, Espiritu Santo marire ñhadibumi. Ñerire mari iibiriboro dopa ñhadibumi. Eropigu Cristo yarã mari áririre masicũ iimi igu marire. Eropirã igure bujawerecũ iibiricãque mua.

³¹ Eropirã ne papûriniguibiricãque. Guanemobiricãque. Game duyasonemobiricãque. Erãre ñero arĩ gaguiniguibiricãque. Gajirãre quere moanemobiricãque. Gajirãre ñaturinemobiricãque.

³² Eropi mua mera majarãre ôaro mera ôaro iique. Cristo yarã mua áricũ ñagu mua ñerare cãdijicãmi Goãmu. Eropa ta mua sã gajirã muare erã ñero iicũ iarã erã ñerire cãdijicãque.

5

Goãmu porãre ôpa áriro gahmea, arĩ wereñumi Pablo

¹ Eropirã Goãmu porã igu mahirã árirã igure ñhacũque mua.

² Eropirã gajirãre mahi umupeoniguicãque. Cristo marire mahigu, mari ñeri iira waja siripu. Eropa sirigu Goãmure mucubiricũ iipu igu. Eropirã marire igu mahidiro dopa ta mua sã gajirãre game mahique.

³ Eropirã Goãmu yarã árirã ne nome mera ñero iibiricãque. Nome sã uma mera ñero iibiricãque. Gaji ñerire eropa áririre ne iibiricãque. Gajinore gametaribiricãque. Ne eropa iibiricãro gahmea Goãmu yarã árirãre.

⁴ Eropirã guhyasiuro wereniguibiricãro gahmea muare. Pee masibirã iro dopa wereniguibiricãro gahmea muare. Eropirã ñero arĩ wereyabiricãro gahmea. Ipure iiro gahmea muare: Goãmure serêro gahmea muare. Eropa serêrã igure, “Ôaro iabũ muhu guare,” arĩro gahmea.

⁵ Gajinore gametarirã goãmarã wéanirãre erã umupeoro dopa iirã iiaa mari irire. Eropirã nome mera ñero iirã, ñeri dihtare pepirã, gajinore gametarinugarã Goãmu Cristo mera igu opu áriroguere ne wasome erã. Irire ôaro masia mari.

⁶ Ôpa iirãre erã iira dipuwaja, turaro dipuwaja moagucumi igure tarinuganirãre. Eropirã gajirã muare gajiropa arĩmaacãcũ erã guyarire peebiricãque.

⁷ Eropirã eropa ñerire iiniguicãrãre wapicubiricãque.

⁸ Cristo yarã mua áriboro core mua sã eropa ta iinirã áriribu. Dohpaguere igu yarã árirã, Goãmure ôaro masia mua. Goãmu yarã ôarire iima. Eropirã eropa ta iiro gahmea muare.

⁹ Eropirã Cristo yarã árirã ôarire, Goãmu gamerire, diaye maja áririre iirãca mua.

¹⁰ Ôarire mari iicũ ñagu mari Opu Cristo mucubirimĩ. Eropa ôarire iiburire ôaro masique mua. Eropa masirã irire iique.

¹¹ Cristore gamebirã ñeri erã iimaacãri ñeri gohra áhraa. Eropa erã iiro dopa ta muapu iibiricãque. Ôari buherire Cristo yare wereque erãre. Eropirã erã ñeri iirare erãre masicũ iique.

¹² Masa erã ñabiro erã ñero iicorema. Erã eropa iirare mari wereniguirã guhyasiriboca. Eropirã ñetariaro iirã iima erã.

¹³ Eropirã erãre ôari buherire mari wererã, ñetariarã erã áriřicurire erãre masicũ iirã iiaa mari. Erã ñeri iirire erãre masicũ mari iicũ erã ñeri iirire bujawerebocoma. Eropirã ôaripure gohrotobocoma.

¹⁴ Iri diaye ta áhraa. Eropirã ôpa wereñorã Goãmu yare wererã:

Ne, yure peediabirã, yure peeque. Mua ñero iirare bujawereque. Irire ñero iirire duhuque. Eropigu Cristo mua ñeri iirire masicũ iigu, muare ôarire masicũ iigucumi, arĩñorã.

¹⁵ Eropirã umari nucũ ôaro iique mua. Pee masibirã iro dopa áribiricãque. Pee masirã áriřique.

¹⁶ Dohpague majarã masa ñetariaro iiniguima. Eropirã muapu ôarire, Cristo yare mua iiniguirã mata erã Cristo yarã áricũ itamuque.

¹⁷ Eropirã pee masibirã áribiricãque. Goãmu igu gamerore ôaro masique. Eropirã irire iique.

¹⁸ Eropirã ne merebiricãque. Mererã erã basi ñero goroweoma. Eropirã merediabirã, Espiritu Santopure burigã gameque. Igure ôaro yuhrirã áriřique.

¹⁹ Eropirā mua basi Goāmure umupeori bayarire game bayaque. Eropirā Salmo gojaripüre, Goāmü yare bayarire, gaji İğure umupeori bayari säre İğure bayapeoque. Öaro guña umupeori mera bayapeoque. Eropirā mari Opüre “Öağü ährimi,” arı öaro umupeoque.

²⁰ Goāmü mari Pağü árıpehrerire müare İğü öaro iirire guñanigüicäque mucubiriri mera. Mari Opü Jesu yarä árırä İğure “Öhaa,” arıñigüicäque mua.

Mua yuju wihi majarä Jesu yarä árırä, öpa iique, arı wereñumi Pablo

²¹ Mua mera majaräre game umupeo yuhrique. Mua eropa game umupeo yuhırirä Cristo säre umupeo yuhıriräca.

²² Mua marasä nomere wereğura dohpaguere. Mari Opüre Cristore mari yuhriro dopa ta mua marapü sumaräre öaro yuhrique.

²³ Jesucristo marire taudıgü árımi İğü ya curu majarä mari árıboro dopa. Eropirä mari İğü ya curu majarä árıcü mari Opü İğü árıro dopa ta mua marapü sumarä mua marasä nomere weca oparä ährima.

²⁴ Eropirä Cristo yarä árırä İğure yuhria. Eropirä mari Cristore yuhriro dopa ta mua marapücürä nome mua marapü sumaräre öaro yuhırirä nome árıque.

²⁵ Mua marapü sumarä säre wereğura dohpaguere. Cristo marire İğü yaräre mahıgü mari ya árıburire sıridıgü árımi. Eropirä marire İğü mahıdıro dopa mua sä mua marasä nomere eropa mahınıgüicäque.

²⁶ Cristo marire İğü yarä árıcü iibu sıripü mari ñeri marırä árıcü iibu. Eropıgü mari ñerire coeweadı árımi İğü werenıgüiri mera deco mari İğü waıyeri mera.

²⁷ Eropa coeweadı árımi İğü marire İğü yarä öarä árımoräre iıgü. İğü eropiıcü ñeri dipuwaja marırä árıräca İğü İacü. Ne merogä eropa árıri ñeri árısöme marire. Eropirä öarä Cristo iro dopa árıräca.

²⁸ Eropirä mua marasä nomere mahı umupeorä, mü basi mü dıppure mü umupeoro dopa ta mua mü marapöre umupeoque. İğü marapöre umupeoğü İğü basi umupeoğü iimi.

²⁹⁻³⁰ Ne mari dıppure ñero wacü gamebeaa mari. Mari basi mari ya dıppure İhadıbuu. Cristo yarä árırä İğü dıppü iro dopa ähraa. Eropıgü marire İğü öaro İhadıbumı. Eropirä Cristo marire İğü öaro İdıro dopa ta mari sä mari dıppure öaro İıaa. Mari marasä nome säre eropa ta öaro İıro gahmea marire.

³¹ Eropa ta ähraa Goāmü yare erä gojarapüğüe: Öpa gojara ähraa: “Eropı ümü İğü pağü sumaräre wirıgü, İğü marapo mera árıcägücümü. Eropirä erä perä árıquererä ta yuju dıppü iro dopa árıräcöma,” arı gojañumi irıbojegue.

³² I gojarare öaro peebırınırä árıma. Eropıgü irire öaro wereğura müare. Öpa werero İıca: Cristo İğü yarä mera yuju dıppü iro dopa ta yuju curu ta ährıma.

³³ Eropıgü müare öpa arı werenemogüra daja: Mü basi mü mahıro dopa ta mü marapo säre mahı umupeoque. Eropirä nomepü mua marapü sumaräre öaro gıhyadıaro mera umupeoque mua.

6

¹ Dohpaguere majıräre wereğura: Mari Opü Cristo yarä árırä mua pağü sumaräre öaro yuhırirä árıque. Mua eropiıcü öaro İırä İıaa.

²⁻³ Öpa arıñumi Goāmü doreğü: “Mua pağü sumaräre öaro umupeoque,” arı doreñumi İğü. I doreriñe mera Goāmü werenemoñumi. Öpa arıñumi: “Mua pağü sumaräre umupeorä i yebaguere yoari boje mucubiriri mera árıräca mua,” arı wereñumi. Eropä arıgü İñe doreriñe mera, “Mua eropa İırä öaro árıräca,” arı weremuhtañumi Goāmü. Eropirä İğü arıdıro dopa mua pağü sumaräre umupeoque mua.

⁴ Dohpaguere erä pağü sumaräre wereğura. Mua poräre eropa turınıgüıbiricäque guacü İiri arırä. Mari Opü Cristo İğü mahıri mera İğü İtamuri mera eräre öaro mera masuque. Eropirä eräre masurä öaro wereque.

⁵ Dohpaguere pohro majaräre wereğura. Gıhyadıaro mera umupeori mera i yeba majaräre mua oparäre öaro yuhırirä árıque. Gıyaro marıro öaro yuhırirä árıque. Cristore mua yuhırodıro dopa ta yuhrique eräre mua.

⁶ Erä İhurore dıhtare yuhırirä árıbiricäque yure İhasıaporo arırä. Erä İhurore mua yuhriro dopa ta erä İabıro säre öaro İırä árıque. Cristo İğü pohro majarä mua árıbıdıro dopa ta mua oparä säre eropa yuhırınıgüicäque. Eropirä Goāmü İğü gamero dopa ta öaro mucubiriri mera mua oparäre öaro yuhırirä árıque.

⁷ Eropirä “Cristopüre yuhırirä İıaa,” arı pepırä mucubiriri mera yuhrique mua oparäre.

⁸ Eropirā ire guñaque: Árīpehrerā mari árīpehreri ðarire mari iicū ĩagu Goāmu ðaro ĩiğucumi marire. Pohro majarāre, pohro majarā árībirā sāre ðaro ĩiğucumi ĩgu.

⁹ Eropigu oparā sāre weregura: Maa pohro majarāre ðaro ĩique. Erāre ðaro yu ĩidorediro dopa ta ĩique erāre ðaro. Ōpa masique. Ūmūsi majagu Goāmu diaye ta erā opu āhrimi. Maa yagu opu āhrimi ĩgu. Eropirā maa árīpehrerā ĩgu pohro majarā dihta āhraa. Eropigu ĩgu yuuropa ĩhami muare árīpehrerāre. Eropirā turibiricāque maa pohro majarāre.

Cristo yarā watīre erā cāhmotarire wereñumi Pablo

¹⁰ Ōpa weretugura muare. Ōaro guñaturarā árīque maa. Mari Opu Cristo maa mera āhrimi. Eropirā ĩgu ya turari mera guñaturarā árīque.

¹¹ Watī marire ĩgu pepiri mera guyagu ñero ĩidoremi marire. Mari Jesucristore umupeorire goroweodiami. Goāmupu marire cāhmotami ñerire mari ĩibiriboro dopa. Marire ĩgu cāhmotaro surara ĩgu cāhmotari suhriro come suhriro iro dopa āhraa. Eropirā iri suhri mera erā cāhmotaro dopa ta Goāmu ĩgu yare ĩirā cāhmotaque watī ĩgu ñero ĩidorerire.

¹² Jesu yarā mari árīcū marire goroweodiarā masa gohra árībeama. Erā bajarā ũmaro majarā, ñerā, turarā, oparā erāpu āhrima. Watī ĩgu mera majarā mera i ũmu majarāre Jesucristo yarā árībirāre dorema erā. Eropirā erā mari Jesucristo yarā árīcū marire goroweodiana.

¹³ Eropirā erā marire goroweobiricū dohpaguere Goāmu yare opapehoque maa cāhmotaborore. Eropirā watī muare ñero goroweodiacū, muare ĩgu ñero ĩidorecū ĩgure cāhmotarāca. Eropirā tarinugarāca. Eropā ĩgure tarinugarā, turarā dujarāca maa.

¹⁴⁻¹⁷ Eropirā turarā árīque Goāmu ya mera. Surara gamewejērā warā erā come suhri sañarā erā dupure ðaro cāhmotama. Erā corethibi cāhmotama erā come suhriro sañarā. Come zapatu sañama. Erā diapore cāhmotama comese mera. Come sāpea peyama. Ņoserimijire opama erā cāhmotaboro dopa. Erā surara cāhmotaro dopa ta maa watīre ðaro cāhmotapehoborore ðpa Goāmu yare ĩique. Diaye majare Goāmu yare ðaro peeque. Eropirā Goāmu gamero dopa ðarire ĩiniguicāque maa watīre cāhmotamorā. Jesucristo ya ðari buherire peerā ðaro āhraa. Eropirā iri ðari buherire ðaro wererā waque gajirāre. Watī muare ñero ĩidorediarimi. Eropirā ĩgure cāhmotamorā Jesucristore “Diaye ĩgu āhrimi,” arī umupeoniguicāque. Cristopu marire peamegure wabonirāre taumi. Maa ĩgu taunirā árīrā watī ñero ĩidorerire yuhribiricāque. Eropirā watīre tarinugaramorā Goāmu yare ðaro masique maa Espiritu Santo ĩgu itamuri mera.

¹⁸ Eropirā maa watīre cāhmotarā Goāmure eropa ũmuri nucū serēniguicāque. Espiritu Santo ĩgu itamuri mera serēniguique. Eropirā ðaro guña masique. Eropā serērā gariborebiricāque. Árīpehrerā Goāmu yarāre eropa serēbasaniguicāque.

¹⁹ Eropirā yu sāre serēbasaque Goāmure. Ōpa arī serēbasaque: Ōari buherire iribojegue masa erā ðaro masibirirare ðaro erāre masicū yu ĩiborore serēbasaque. Eropirā güiro mariro yu wereboro dopa serēbasaque yure.

²⁰ Cristo ĩgu yare weredoregu yure obeomi. Yu eropa werera waja peresugue āhraa dohpaguere. Yuhu ohō árīqueregu ta güiro mariro ĩgu yare yu wereboro dopa serēbasaque yure. ĩgu yare werebu árīgu tiiaa.

Pablo ðadoretuñumi

²¹ Tíquico yu mera majagu maa pohroque eagu yu árīricurire muare werepehogucumi. ĩgu mari acaweregu mari mahigu āhrimi. Eropigu mari Opu yare ðaro itamugu eropa árīniguicāmi.

²² Gua árīricurire muare weredoregu ĩgure obeogu iiaa maa pohroque maa ðaro mucubiriboro dopa.

²³ Goāmu mari Pagu mari Opu Jesucristo mera muare árīpehrerāre gua acawererāre ðadorea. Cristore maa ðaro umupeori mera maa game mahiboro dopa Goāmure serēbasaa muare.

²⁴ Árīpehrerā mari Opu Jesucristore eropa mahiniguicārāre Goāmu mera ðadorea. Eropā ta árīniguicāporo. Iripēta āhraa.

Filipenses

Peresugue ártigu ipüre gojabeopu Pablo

¹ Gua Pablo Timoteo mera Jesucristo pohro majarā āhraa. Eropirā ártipehrerāe mware ðarāre Jesucristo yarāre Filipino majarāre gojabeoa gua. Mwa oparā säre mware itamurā säre gojaa.

² Eropirā Goāmū mari Pagu mari Opū Jesucristo mera mware ðadorea. Īgu itamuri mera ðaro ártique mwa.

Pablo Jesu yarāre Goāmure serēbasapu

³⁻⁶ Goāmū mware ðaripure gohrotocū iigu iimi. Eropigu mware iḡu iinugadiro dopa ta ii ojogorocugucumi. Eropirā Jesucristo i yebaguere iḡu eracūguere ñeri marirā ártirāca mwa. Negohraguere Jesu yarā mwa wara pahru, dohpague säre itamua mwa yure ðari buherire yu buhecū. Mwa eropa iirā árticū Goāmure “Ōhaa,” arāa yuhu. Mware guñagu ðpa dihta arāa yuhu. Mware Goāmure serēbasagu mucubiriri mera serēbasaa.

⁷ Eropigu mware yu ðaro mera eropa pepicū ðapūrica. Ōari buherire “Diaye ta āhraa,” oparāe yu arītarinugacū mwa yure itamubu. Iri buherire diaye ta iri ártire masare yu werēcū itamubu mwa. Peresu yu árticū säre itamubu. Eropa mwa itamucū mari yujuro mera Goāmū itamurire opaa. Eropigu yu sīporā mera turaro mahia yuhu mware.

⁸ Jesucristo iḡu mahiri mera burigā mware guñaa yuhu. Yu eropa guñacū Goāmū irire masimi.

⁹ Mware ðpa arī serēbasaa yuhu Goāmure. Goāmū yare ðaro masiri mera ðaro pee masipehori mera Goāmure masa säre mwa mahinemoburire serēbasaa yuhu Goāmure.

¹⁰ Ōarire mwa masiburi säre serēbasaa mware. Mwa eropa masirā Cristo i yebague iḡu dujaricū ðarire iinirā ártirā, dipuwaja marirāca mwa.

¹¹ Eropa ðarire iirā Goāmū gamerire iirāca mwa. Eropa iimorā wacū iigucumi Jesucristopu mware. “Goāmū ðagu, turagu āhrimi,” ártipehrerā iḡure erā arī umupeoburire iḡu gamerire mwa iicū iigucumi mware.

Pablo Jesucristo yagu iḡu warare werepu

¹² Yu acawererā, ire mwa masicū gahmea. Yu dohpaguere peresu yu ártiquerēcū ta ðari buheripū eropa muhtaniguicāa.

¹³ Eropigu Cristo yagu yu ártiri waja peresu yu warare masipehrema opu ya wihi majarā surara. Ártipehrerā gajirā sā ðre irire masima.

¹⁴ Eropirā peresu yu árticū íarā, bajarā mari acawererā Jesu yarā mari Opure Jesure umupeonemoma. Eropa umupeorā giuro mariro ðari buherire gajirāre buhema erā.

¹⁵ Yujurāyeri Cristo yare buhebonirā ártiquererā yare íhaturima. Cristo yare buherā erāpure masa íhasuacū gahmema. Gajirāpu ðaro mera Cristo yare buhema.

¹⁶⁻¹⁷ Ōari buherire yu werenigui turaburire Goāmū yure iḡu apirare ðaro masima. Oāpu eropa masirā yure umupeorā Cristo yare buhema. Gajirāpu yure íhaturirā masare erāpure íhasuacū gamerā Cristo yare buheama. Eropirā yu peresu árticū erā yure bujawerecū iidiama.

¹⁸ Ōaroca. Cristo yare ta buherā iima. Erā yure umupeobiriquererā Cristo yare buhema. Gajirāpu ðari mera buhema. Ártipehrerā erā iḡu yare buhecū mucubiria.

¹⁹ Eropigu mucubiriniguicāguca yuhu. Goāmure mwa yure serēbasara mera, Jesucristo iḡu Espiritu Santo itamuri mera Goāmū yure ðaro taricū itamugucumi. Irire masia.

²⁰ Ōpa ta burigā iidiaca yuhu dohpa. Ne yu iirare ñero pepidiabeaa. Ñero pepibigu ártigu doyarō mariro ártigupu masare Cristore ðaro umupeocū burigā iidiaa. Ūmari ncu yu iidiro dopa ta dohpague säre erā Cristore “Ōagu, turagu āhrimi,” erāre arī umupeocū iidiaa. Ojocarigu gohra eropa ta iidiaa. Erā yure wejēdiaquerecū ta eropa ta iidiaca.

²¹ Ojocariniguigu gohra Cristo yare iiniguica dohpa. Sīrigugue tamera ojocarirā tauro ðaro dujagūca yuhu.

²² Ojocariniguigu Cristo yare yu iinemoboro dopa ojocariniguicādiaca. Eropa iidiaqueregu ta sīriri säre gahmea. ¿Dipure yu gamebocuri? Masibirica yuhu.

²³ Yu ðpa arī werenigucū masisūya mara yure. Cristo mera burigā ártidiaa. Eropigu dohpaguere iḡu pohroque wadiaca. Ojocariri tauro sīriripū ðatarinugacāroca.

²⁴ Eropa áriquerecū ta m̄are yu itamuboro dopa ojocarinemoro gahmea yure.

²⁵ Irire masigū ohō mua mera yu áriborore masia yuhu. Eropa áriniguiçãgūca yuhu mua Cristore umupeonemoboro dopa, iri umupeoturari mera mua mucubiriborore.

²⁶ I yebague árinigū mua pohrogue dipaturi yu wacū mua mucubirirāca. Eropa yuhu mua pohro ejacū Cristo Jesu yure ĩgu itamurire masirā, “Turagu áhrimi ĩgu,” arī umupeorāca mua ĩgure.

²⁷ Dohpaguere i dihtare iique. Cristo ya buheri iri arīro dopa ta áriřicāque mua. Guñaturarā áriřique. Eropirā game dūca wariro mariro ōari buherire yujuro mera barigā buheque. Eropa ta yu mua pohro wabiricū säre yu wacū säre mua eropa iicū gahmea. Eropa mua yujuro mera áriřā áriçū peebeodiaa yuhu.

²⁸ M̄are ĩhaturirāre güibiricāque. M̄a eropa güibiricū ĩarā Goāmū yarā mua áriçū masirācoma erā. Eropa masirā erā peamegue waboro säre masirācoma. Eropirā Goāmū ĩgu tauboro säre masirācoma. Ōpa ta masicū iimi Goāmū masare.

²⁹ Cristore mua umupeobure Goāmū apidi árimi. I säre apidi árimi. “Cristo yare m̄a werera waja ñero tarirāca,” arī apidi árimi Goāmū m̄are.

³⁰ Eropirā Cristo yarā mua áriři waja gajirā m̄are ñero iima. M̄are erā iidiro dopa ta yu säre ñero iima erā. M̄a mera yu áriçū yure erā eropiicū ĩabu. Dohpague säre erā yure eropiicū pee waicua mua. Eropirā mari yujuropa ta ñero taria.

2

Cristo bu áriřu iro dopa eradigu áriřehrerā weca opu áriřu wapū, arī gojañumi Pablo

¹⁻² Cristo m̄are ōaro siporācūcū iinirā, Cristo ĩgu mahiri mera mua mucubirirā, yūpūre ōaro mucubiricū iique. Eropirā Espiritu Santo áriřehrerā mua mera ĩgu áriçū gajirāre mahirā, mojomoro ĩarā áriřā, yure ōaro mucubiricū iique mua. Ire mua iicū mucubirigūca. Yujuropa ta ōaro siporācūque mua. Eropirā mua basī game mahique. Ōari mera áriřicāque. Eropirā áriřehrerā yuju diaye ōaro áriřique.

³ Gajirāre tarinūgadiarā áriřiricāque. Eropirā eropa ta pepi áriřicāque. Eropirā gajirāre ōaro umupeo ōpa arī pepique: “Erāpū yu tauro ōarā áhrima,” arī pepique.

⁴ Gajigū gajirāre itamudiabiribocumi. ĩgu iro dopa iibiricāque. Gajirā säre itamuque.

⁵ Jesucristo ĩgu eropa pepicādiro dopa ta mua sā eropa ta pepicāque.

⁶ ĩgūpū Goāmū gohra áriřueregu ta “Goāmū yu áriřire ne duhosome yuhu,” arībiripū ĩgu.

⁷ Eropigū ĩgu Goāmū ĩgu áriřare duhu, masū ta masa dehyoadigu pohro majagū iro dopa áriřuagapū i yebaguere.

⁸ Eropigū ĩgu masū dūpūcūgu bu áriřu gohra áriřuagapū. Eropa áriřuagū “Crusague wejēque ĩgure,” erā áriçū ĩgu Goāmūre yūhriřu tarinūgabiripū. Crusague ta guhyasūro mera sīribu áriřueregu ta ĩgu tarinūgabiripū ĩgu Pagure.

⁹ Eropigū ĩgu eropiicū ĩha mari Pagū áriřehrerā m̄a erā umupeobure apipū Jesure. Eropigū áriřehrerā gajirā weca opu acupū Goāmū ĩgure.

¹⁰ Eropirā áriřehrerā ūmaro majarā, i yeba majarā, sīrinirā m̄a sā Jesu waire peerā erā mereja muju ĩgure umupeorācoma pare.

¹¹ Eropa ĩgure opu acugūcumi mari Pagū áriřehrerā Jesucristore “Mari Opu áhrimi,” erā arībure. Eropa arīřā mari Pagū Goāmūre umupeorācoma.

Cristo yarā ōarire wererā masare masicū iima

¹² Eropirā, yu mahirā, mua mera yu áriçū mua yūhridiro dopa ta, dohpaguere yu yoarogue áriçū säre ōaro yūhriřique yure. Eropirā peamegue wabonirā mua Goāmū taunirā áriřā Cristo ĩgu itamuro mera ĩgu gamero dopa ii purumujuque. Eropirā umupeori mera biraro mariro Goāmū yare iique.

¹³ Goāmū ōaripūre m̄are gamecū iigu iimi. ĩgu eropa gamero dopa ta mua iiborore iimi. Eropigū irire mua ĩgu yare ōaro iiborore itamuniguiçāmi Goāmū. ĩgu eropa iicū irire yu arīdiro dopa ta iique mua.

¹⁴ Áriřehrerire iirā turiro mariro, mua basī gajinore werericuro mariro iique.

¹⁵ Eropiique mua ñeri dipuwaja marirā, ñerire iibirā Goāmū porā ōaro mua árimorā. Eropiique mua masa guyarā, ñerā watopere goroweoro mariro mua árimorā. Erā ñerā watope mua áriřā ōari buherire buherā masicū iiaa mua i yeba majarāre.

¹⁶ Iri buherire mua peeñanirā Goāmū mera eropa áriniguiçāmorā wabu mua. Iri buherire i yeba majarāpūre mua eropa buhecū ĩagu mua mera mucubirigūca yuhu. Eropigū yu m̄are buherare guñagu, “Bu gohra ta m̄are buhebiriya yuhu,” arīgūca

yuhũ. Eropigu Cristo ĩgu i yeba ĩgu dujaricũ mũa mera mucubiriguca yuhũ. Eropigu gũhyasũuro tarisome yuhũ.

¹⁷ Cristore mũa umupeaturacũ Goãmũ mũare ĩhasuagucumi. ĩgu eropa ĩhasuacũ ĩagu mũare Cristo yare yũ buheri waja yũre erã wejẽdiaquerecũ ta mucubirigura. Eropirã mari arĩpehrerã yujuropa ta mucubirirãca.

¹⁸ Eropa ta mũa sãre yũ mera mucubiriro gahmea puhũ yũ sĩricũ ĩarã.

Timoteore, Epafrodito sãre werepũ Pablo

¹⁹ Mari Opũ Jesu ĩgu gamecũ yojaro mera Timoteore mũa pohrogue obeodiaa yuhũ mũa arĩricurire masibu. Eropa masigugue ta mucubiriguca.

²⁰ ĩgu Timoteo mũa ðaro arĩborore diaye ta burĩgã guĩami mũare. Gajigu ĩgu iro dopa ta arĩgu marimi yũre.

²¹ Gajirãpũ arĩpehrerã erã gameri dihtare iidia, Jesucristo ĩgu gameripũre iidiabeama.

²² Timoteopũ ĩgu ðaro iirire masia mũa. Yũ magũ iro dopa ta arĩgu ĩgu yũ mera ðari buherire weremurimi. Eropirã gũa yujuropa ta Cristo yare buhemurabũ.

²³ Eropigu ð majarã oparã yũre erã duhpiburire masira puhũ, Timoteore mũa pohrogue obeodiaraa.

²⁴ Eropigu mari Opũ Jesu ĩgu itamuri mera yojaro mera yũ sã mũa pohrogue wagũca.

²⁵⁻²⁶ Yũre itamudorerã mũa Epafroditore obeoabũ yũ pohrogue. ĩgu yũ acaweregũ, yũ mera mohmegũ, yũ wapi, Goãmũ yare buheturagũ ãhrimi. ĩgu mũare turaro guĩabeomi. Eropigu ĩgu dorecurare mũa peecũ masigu ĩgũpũ "Erã yũre guĩa bujawerecoma," arĩ guĩaricũmi. Eropa ĩgu wũaro guĩaricũcũ ĩagu ĩgũre mũa pohrogue omedujuro gahmea yũre, arĩ pepia yuhũ dohpagũre.

²⁷ Arĩro ta ĩgu turaro dorecuami. Mero sĩribocuri tariami ĩgu. ĩgu eropa dorecuquerecũ ta, Goãmũ ĩgũre mojomoro ĩagu taricũ iiami. ĩgu sĩricũ yũpũ burĩgã bujawereboaya. Eropigu yũ sãre Goãmũ mojomoro ĩami ĩgũre taricũ iigu.

²⁸ Eropigu dohpague tamerare yojaro mera ĩgũre mũa pohrogue obeodiaa dipaturi mũa ĩgũre ĩha sĩñajaboro dopa. Mũa eropa mucubiricũ peegũ yũ sã mucubirigura.

²⁹ Eropirã ĩgũre Epafroditore mari Opũ yagure ðaro mucubiriri mera bocaĩrique. Eropirã gajirãre ĩgu iro dopa arĩrãre umupeoqũe.

³⁰ ĩgu Cristo yare itamudiagu sĩrirami. Mũapũ yũre itamumasibiricũ ĩgũpũ yare itamubasamurami. Eropigu dorecu sĩrirami ĩgu.

3

Õaro arĩri gohrare wereñumi Pablo

¹ Dohpague tamerare ire weregũra. Mari Opũ mera mucubirique. I buherire ero coregue yũ wererare dipaturi ðpa arĩ gojabeogu mucubiria yuhũ. Eropigu ire werenemogu itamugũ iiaa mũare.

² Gorowerebirã ta arĩque mũa. Ñerire iiniguicãrã, diaye iro dopa ta arĩrã, ñerã, gasiro merogã wiri aĩdorerã mũa ya dupũre wiridĩama. Eropa iĩdorerã arĩcũ ĩha "Queoro buheri arĩbeaa," arĩrã ðaro iique mũa.

³ Erã circuncisiõn gasiro merogã aĩdorediarã "Deyoro maja mera Goãmũre umupeocũ õhaa," arĩrima. Maripũ eropa arĩbeaa. Espĩritu Santo ĩgu itamuri mera diaye ta Goãmũre umupeoa mari. Mari deyoro maja iiri mera mucubiribeaa. Jesu yarã mari arĩri mera mucubiria mari.

⁴ Eropa mucubiriqueregũ ta, yũ iirare erã iro dopa arĩdiagu, erãre docapicãboya yũ sã. Gajigu ðpa ta arĩ tarinũgacãdiami. Yũpũ ĩgu tauro eropa arĩboaya.

⁵ Õpa iigu arĩribũ yuhũ: Ocho nuri yũ masa dehyoara puhũ gasiro merogã wiri aĩnirã arĩma yũre. Israe masũ arĩgu Benjami ya curu majagu ãhraa yuhũ. Yũ pagũ sumarã hebreo masa erã arĩcũ diaye ta hebreo masũ gohra ta masa dehyoabũ. Moise dorerire diaye ta iipehodiagu fariseo curu mera ñajaribũ yuhũ.

⁶ "Goãmũ ya arĩsaca," arĩgu ðaro iiribũ yuhũ. Eropigu Jesu yarãpũre ñero iimũricarabũ yuhũ. Diaye ta Moise dorerire iigu iirire tarinũgaro mariro iipehomũrĩribũ yuhũ.

⁷ Iribojegũre "Iri ðari arĩsaca," arĩ pepimũrĩribũ. "Iri yũ eropa arĩ pepira iribojegũ yũ eropa arĩra duhpiburi arĩbirigohracãdiro arĩbũ," arĩ pepia dohpagũre. Õpa ta arĩ pepinũgabũ yuhũ Cristore umupeonũgagu.

⁸ Jesucristo yũ Opũre yũ masicũ tamerare ðataria. Eropigu gajũ doreripũre duhpiburi arĩbeaa, arĩ pepia yuhũ. Iri arĩpehrerire cõacãbũ Cristo yapũre iibu. Eropigu iribojegũ

yū iirare cóāgu “Ñeri gohra āhraya,” arī pepia. Cristo yare ōaro masibu ĩgu mera majagu árĭbu eropa pepia.

⁹ Eropigu yū ejatuharo ōaro yū iira waja “Ōagu āhrimi,” arī ĩabeami Goāmū. Eropiro Goāmū dorerire Moiserē ĩgu apirare yū iira waja säre “Ōagu āhrimi,” arī ĩabirami. Cristore yū umupeora pūhru “Ōagu āhrimi,” arī ĩami pare ĩgu yare. Goāmūpū marire dipuwaja marirā árĭcū ĩimi ĩgure mari umupeocā.

¹⁰ Eropigu ero coregue yū árĭmūhtarare duhcābu Cristore ōaro masigu wabu. Goāmū ĩgu turari mera Cristo masa mūriapū. Iri turari mera árĭdiaca yūhū. Eropigu iri turari mera ōarire ĩdiaca. Cristo crusague sĭripū mari ñeri iirare cóābu. Eropigu ĩgu yare ĩgu ĩgu ĩiuro dopa ta ñero taridiaa yū sā.

¹¹ Eropigu Cristo ĩgu masa mūriadiro dopa ta, yū sā masa mūriadiaca.

¹² I árĭpehreri eropa arĭgu “Cristo iro dopa ñeri marigu árĭtuhajaa,” arī pepibeaa. Yū eropa arĭ pepibiriquerecū ta Cristo ĩgu yagu árĭbure ōagu árĭbure ĩami yare. Eropigu ĩgu yare ĩgu säre ōaro masinodiagu turaro mera ĩgu yare ĩidiaa yūhū.

¹³ Yū acawererā, yūhū muare eropa arĭgu, “Jesucristore ōaro masipehotuhajaa yūhū,” arĭgu ĩibeaa. Eropa arĭbiriqueregu ta i tamerare ĩaa. Yū iri bojegue iirare cādiĭigu dohpaguere “¿Goāmū dohpa ĩicū gahmeri yare?” arĭgu burigā irire ĩidiaa.

¹⁴ Omabiragu pohbegu ejamūhtadi ĩgu wajatadiaro dopa ta burigā ĩaa yūhū yū wajataborore yū ñeaboro dopa ta. Cristo ĩgu yagu yū árĭcū ĩagu yūhū wajataborore obu umarogue sihubeomi yare.

¹⁵ Ōpa yū arĭro dopa ta pepique mua sā Cristore ōaro masirā árĭrā. Eropirā muare yū wererare mua peediabiricū gajiropa mua pepicū Goāmū muare ōaro masicū ĩigucumi.

¹⁶ Eropirā ĩgu yare mari masirare ōaro ĩi ojogorocurā.

¹⁷ Yū acawererā, mua árĭpehrerā yare ĩhacūque. Eropirā gajirā gua ĩiro dopa ĩirāre ĩhanurūque mua erā säre mua ĩhacūboro dopa.

¹⁸ Bajasuburi gajirāre ñerāre wereabu yūhū muare. Dohpague säre burigā bujaweregu erāre ta werea muare daja. Erā ñero ĩiri mera “Cristo crusague ĩgu sĭridi árĭmi,” arī buherire ĩhaturirā āhrima.

¹⁹ Erā peamegue wamorā ta āhrima. Erā uaribejaripure burigā gahmema. Eropirā iri muare guhyasĭrisāborare erāpū “Mari ĩiri ōari āhraa,” arĭma erā. I umū maja dihtare pepima erā.

²⁰ Maripūre mari ejaburi maca umarogue ta āhraa. Eropigu erogue ta marire taubu mari Opū Jesucristo dujarigucumi. Eropirā ĩgu dujariborore corerā ĩaa mari.

²¹ ĩgu dujarigu mari dūpūre bu árĭri dūpūre gajiropa árĭri dūpūre gohrotogucumi ĩgu. Eropigu ĩgu yā dūpū iro dopa ta ōari turari dūpūre gohrotogucumi marire ĩgu turari mera. Arĭpehrerā opū ñajami ĩgu iri turari mera. Eropigu árĭpehreri Opū āhrimi ĩgu iri turari mera.

4

Īmūri nūcū mari Opū mera mucubirique, arĭ gojañumi Pablo

¹ Eropirā yū acawererā, yū mahinirā, burigā yū guñarā, yare mucubiricū ĩirā, mua guñaturadiro dopa ta mari Opūre burigā guñaturaniguque mua.

² Ire weregūra muare Evodiare, Síntique säre: Jesu yarā nome āhraa mua. Eropirā mua game dūyasorire duhu ōaro mera árĭricū árĭque mua basi.

³ Mūpū diaye ta yū wapi gohra āhraa. Mū säre weregūra: Erā nome yū mera, Clemente mera, gajirā yū wapicūrā mera mohmeama ōari buherire gua buhecā. Goāmū erā wā säre gojatutuhāñumi ĩgu yapūgue. Īmūri nūcū ojocariburire ĩgu onirā wāire ĩgu gojaturipūque gojatutuhāñumi erā wā säre. Eropigu erā nomere bosaque mūhū.

⁴ Mūa árĭpehrerā ĩmūri nūcū mari Opū mera mucubirique. Dipaturi ta weregūra daja: Mucubirique.

⁵ Ōaro ĩiniguicāque mua ōaro ĩinirā árĭrāre árĭpehrerā masa ĩhamasiborore. Mari Opū Cristo ĩgu ariboro merogā dūhyaa.

⁶ Mūa árĭricurire ne bujawere guñaricubiricāque. Mūa guñaricū bujawererire Goāmūre ōaro werepohocāque. Eropirā ĩgure ōaro serēque. Eropirā mua serērā ĩgure “Ōhaa,” arĭque ĩgure.

⁷ Mūa eropiicū, ōaro árĭcū guñaricūro mariro ĩigucumi Goāmū muare. ĩgu eropa ĩiri ōataria. I mari ōaro árĭri ōataria. Eropiro Jesucristo yarā mari árĭcū marire ōaro árĭcū ĩigucumi Goāmū. Marire ōaro sĭporācūcū ĩigucumi. Eropigu bujawererire guñaniguicācū ĩisome ĩgu marire mari ĩgure serēra pūhru.

Ōarire pepique, arĭ gojañumi Pablo

⁸ Acawererã, ire weretubu iiaa mũare. Queoro árĩrire, masa erã umupeorire, ðaro iĩrire, ñero marirore, suarire, masa “Ōari áhraa,” erã arĩrire pepique mua. Ōatariari iri árĩcũ irĩpure pepique. Masa ðarire iarã erã mucubiririre mua sã mucubiri pepique. Iri árĩpehrerire guñaque irire mua iiboro dopa.

⁹ Mũare yũ buhediro dopa ta eropa ta iiniguicãque mua. Eropirã yũre ihacũque mua. Mũa eropa iicã Goãmu mũare ðaro árĩcũ iigu mua mera árĩgucumi.

Filipo majarã Pablore erã orare wereñumi iigu

¹⁰ Dohpague tamerare yoara puhũgue mua dipaturi yũre guñarã mua itamurare mucubiria. Eropa mucubirigu mari Opu Cristore “Ōhaa,” arãa. “Yũre cãdijia wabu mua,” arĩbeaa yũhu. Iribojeguere yũre itamudiaquererã itamumasibirinirã árĩbu mua.

¹¹ Yũre mua itamurare weregu “Yũre duhyaa dohpa,” arĩ werebu iibeaa yũhu. Mũare gajinore gamegu eropa arĩgu iibeaa. Yũ opari mera árĩmasia yũhu.

¹² Gajinore moogu sã ðaro árĩmasia yũhu. Eropigu baja opagu sã ðaro árĩmasia yũhu. Ŭmuri nũcu oaboagu sã oare nuãpaoa waca. Yapigu árĩgu sã ðaro árĩpoa waca. Dabero opagu sã árĩpoa waca. Yũre gajino maricũ sãre ðaro árĩpoa waca.

¹³ Cristo yũre turacũ iigu mera árĩpehrerire yũ eropa warire ii bocafĩmasia yũhu.

¹⁴ Yũ eropa árĩpoadigu árĩquerecũ ta yũ ñero taricũ mua itamurã yũre ðaro iiabũ mua.

¹⁵ Ōari buherire yũ buhediacũ Macedonia yeba mua ya yeba árĩdigũ yũ wacũ gaji maca majarã Jesu yarã yũre itamubirama. Mũa dihta yũre itamuabũ. Irire masia mua. Mũare yũ buhecũ yũpure mua itamucũ mari yujuropa ta Cristo yare iirã iiabũ.

¹⁶ Eropirã Tesalonicague yũ árĩnicũ iarã yũre itamubeobũ. Yujuyerisuburi yũre duhyacũ iha yũ gamerire obeoabu mua.

¹⁷ Gajinore serẽgu eropa arĩgu arĩbeaa. Gajirãre mua itamucũ Goãmu mũare ðaro itamugucumi. Iguere mua itamuri waja Goãmu mũare iigu ðaro iicũ gahmea yũhu. Mũa eropa itamurã guñaturarã wacũ sãre gahmea yũhu. Eropigu yũre mua itamurare guñacũ iiaa mũare.

¹⁸ Dohpague yũre ðaro opehoabu mua. Yũ gamera tauro ohabũ mua yũre. Yũre Erafrodito mera mua obeora puhũ gajino ne duhyabeaa yũre. Mũa yũre ora Goãmure ora iro dopa áhraa. Yũre mua ora Goãmure ðaro suacũ iiaa.

¹⁹ Jesucristo marire ðaro iidi árĩmi. Eropigu árĩpehrerire mũare duhyarare ogucumi mari Pagu mũare. Ōatariari iigu oparire ogucumi.

²⁰ Ŭmuri nũcu mari Pagure Goãmure umupeorã. Eropa ta iiporo.

Pablo ðadorepu

²¹ Árĩpehrerã Goãmu mera árĩrã Jesucristo yarã ðaporo. Mari acawererã Jesu yarã yũ mera majarã sã mũare ðadorema.

²² Árĩpehrerã ð majarã ðarã Jesu yarã ðadorema. Roma majarã weca opu ya wihi majarã tamera burigã ðadorema.

²³ Mari Opu Jesucristo mera mũare ðadorea. Eropa ta árĩniguicãporo. Iripẽta áhraa.

Colosenses

Colosa majaräre gojabeoñorã Pablo sã

1-2 Yũhũ Pablo Jesu yagu mari acaweregũ Timoteo mera muare Colosa majaräre gojabeoa gua. Jesucristo igũ yare buhedoregũ igũ apidigu ta ähraa yũhũ. Goãmu igũ gamero dopa ta Jesucristo yare igũ yare buhebure apimi. Eropirã muare gua acawereräre Cristore umupeoräre gojabeoa. Eropirã mari Pagu Goãmu mera muare òadoreã. Eropirã igũ mera òaro árĩque mua.

Jesu yaräre Pablo serēbasapu Goãmure

3-8 Mua ya árĩburire Goãmure serērã mucubiriri mera eropa serēbasaniguicãã gua. Igũ mari Opũ Jesucristo Pagu ährimi. Árĩpehrerinuri mua umusigue òaro árĩcũ iigucumi Cristopũ. Igũ eropa iibu árĩcũ mua mucubirimũhtarã waĩcua. "Jesucristo diaye iigu ährimi," arĩ igũre umupeorã waĩcua mua. Eropirã igũ yaräre mahi waĩcua mua. Mua eropa árĩrã árĩcũ Goãmure "Õhaa," arĩ mucubiriri mera serēbasaa gua. Árĩpehrerogueru Jesu yarã diaye árĩri buherire òari buherire erã werecũ peerã masa òaripũre gohrotoma. Goãmu yare masinemorã wahama. Òpa ta mua sãre Epafra òari buherire weredi árĩmi. Igũ gua mera Cristore mohme coregũ ährimi. Iri mohmerire duhubeami igũ. Muare igũ eropa werecũ peerã, mata Goãmu yare òaro iiniguicãmũrayoro mua. Eropirã Goãmu muare mahirire diaye ta masirã mata òaro iayoro mua. Mua eropa iirare iagũ Epafra weremi guare. Espĩritu Santo itamuri mera Jesu yaräre mua mahirare weremi igũ guare. Igũ eropa arĩ werecũ peerã "Õhaa," arãã gua Goãmure.

9 Eropirã muare guñarã eropa Goãmure serēbasaniguicãã. Goãmu igũ gamerire mua masipehoboro dopa serēbasaa gua. Igũ yare òaro masirã mua árĩboro sãre serēbasaa gua.

10 Òpa ta serēbasaa gua mari Opũ Cristo igũ gamero dopa ta òaro mua iiburire. Mua eropa iicũ iagũ igũ muare swagucumi. Eropa ta mua árĩpehrerire òarire mua iiburire serēbasaa. Goãmure mua masinemoboro dopa serēbasaa.

11 I sãre serēbasaa gua. Goãmu igũ òaro turari mera mua òaro siporã turarã árĩboro sãre serēã. Eropa ta serēã ñero tariquererã mua Goãmu mera yujuro bojeboro dopa. Ñero tariquererã mua eropa pepicãburire mua mucubiriri mera eropa árĩniguiboro sãre serēbasaa daja gua.

12 Goãmu igũ yarã árĩcũ marire iimi. Eropa iigu igũ orire mari opamorã mari árĩcũ sãre iimi igũ. Igũ árĩrogue òarogue mari árĩborore amutuhajami igũ. Igũ eropa iicũ iarã mucubiriri mera mari Pagure "Õhaa," mua árĩborore serēbasaa gua muare.

13 Igũ ta marire peamegue waboniräre taricũ iidi árĩmi. Iribojegue ñerire duhumasi-biriribu mari. Ñegupũ marire doredi árĩnirimi. Eropigu Goãmupũ marire taudi árĩmi. Igũ magũ igũ mahigũre opũ acugũ igũ dorero dopa marire árĩcũ iimi.

14 Igũ magũ mera marire peamegue waboniräre taudi árĩmi Goãmu. Igũ magũ igũ sirirañe mera mari ñeri iirare cãdijidi árĩmi Goãmu.

Masa Goãmure gamebircũ ñha Cristo amupũ, arĩ gojañumi Pablo

15 Goãmure mari Pagure ñaya mara. Cristo igũ magũ igũ Pagu igũ árĩricũre iñmudigu árĩmi masare. Igũ igũ magũ árĩpehrerã core, árĩpehreri core árĩtuhadigu árĩmi. Eropigu tauro opũ ährimi igũ.

16 Goãmu igũ dorecũ igupũ igũ Pagu mera árĩpehrerire ñhacũnuguñumi. Umusigue árĩrĩre i yebague árĩri sãre ñhacũnuguñumi. Mari ñarire mari ñabiriri sãre ñhacũnuguñumi. I yeba majaräre, umusi majarã oparäre, árĩpehrero doreräre, mari ñaräre, mari ñabirã sãre, árĩpehreräre ñhacũnuguñumi. Igũ árĩpehrerire, árĩpehreräre ñhacũnuguñumi. Eropirã árĩpehrerã igũ iinirã ährima. Árĩpehrerigũ ta igũ iira ähraa.

17 Árĩpehrerã core árĩpehreri core Cristo árĩmũhtañumi. Eropiro igũ turari mera árĩpehrerã dohpaguere árĩrã iima. Árĩpehreri sã árĩro iiaa.

18 Mari igũ yarã árĩpehrerã igũ ya curu majarã árĩrã igũ dupũ waĩcua. Eropigu igupũ mari dipuru ährimi. Igũ sirĩgu masa mũriamũhtadigu árĩmi árĩpehreri weca árĩpehrerã weca árĩbu.

¹⁹ Cristo mari Pagu Goãmu mera yuju dũpu ta árĩro dopa ta àhrimi. Ígu eropa árĩcũ ta gamepu mari Pagupu.

²⁰ Árĩpehrerã masa erã ígure gamebirimuricũ íagu erã ígu mera amubure Cristore obeopu. Ígure eropa obeogu ígu Cristo crusague sĩri ígu di cõara mera amupu. Eropigu umusi majarãre, i yeba majarã sãre ígu mera õaro árĩcũ iipu. Umusi maja i yeba árĩri sã õaro árĩcũ iipu. Eropigu ígu guñadiro dopa iipu.

²¹ Mua sãre eropa ta ígu mera õaro árĩcũ iidi árĩmi. Mua sã ñerire iiniguinirã Goãmure boje majarã árĩrã mua pepiri mera ígure gamebirinirã árĩmuriribũ.

²² Mua eropa árĩnirãre Cristo sĩriro mera ígu Pagure mua ígu mera õaro wacũ iipu ígu. Eropa iipu ígu mua ígu yarã õarã ñeri marirã, dipuwaja marirã mua árĩboro dopa. Mua eropa árĩcũ ígu árĩroguere mua árĩborore eropa iipu.

²³ Eropa ta iigucumi ígu mua ígure duhuo mariro umupeoturanigucãcũ. Mua õari buherire mua Goãmũ mera árĩniguborore mua cãdijibiricũ, ígu mera mua árĩcũ iigucumi muare. Iri mua peera buherire õari buherire árĩpehrerã i yeba majarã peenirã árĩma. Eropigu yãhu Pablo sã iri õari buherire weregu ta àhraa.

Jesu yarãre itamubure apipu Goãmũ Pablore

²⁴ Cristo mari ígu yarã árĩborore crusague sĩrigu ñero taripu. Eropigu yu sã mua ígu yarã árĩburire ñero tarigu mucubiria. Eropa ñero tarigu Cristo marire ígu apirare ii ojogorocũgu iiaa. Eropigu mucubiria. Cristo yare mari iira dipuwaja mari ñero tarinemoboro duhyania dohpa. Eropigu ígure mua guñaturaborore ñero tari mucubiria yãhu. Ígu dũpu iro dopa árĩrã ígu ya curu majarã àhraa mua.

²⁵ Jesu yarãre itamubure apimi Goãmũ yũre. Mua ya árĩburire iibure yũre apimi ígu. Ígu yare muare werepehobure apimi ígu yũre.

²⁶ Iri ígu yare iribojegure baja cururi majarãre erã masipehocũ iibirimurĩnumi mari Pagu. Dohpaguere dohpague majarãre ígu yarãre irire õaro masipehocũ iimi pare.

²⁷ Eropigu "Judio masa árĩbirã sãre yaha buheri õataria," arĩ ígu yarãre irire weremi. Iribojegue erã masibirirare weremi Goãmũ. Òpa àhraa dohpaguere ígu werera: Cristo ígu yarã mera àhrimi. Ígu eropa árĩcũ ígu yarã umusiguere õatariaroguerẽ árĩrãcoma. Iri àhraa iribojegue erã masibirira mari Pagu ya.

²⁸ Cristore ta werea. Árĩpehrerãre gũisãgu erãre werea yãhu. Òaro masiri mera buhea yãhu õaro Cristore masare masicũ iibu. Eropa buhea yãhu erã ígu yare õaro iirã erã árĩcũ iibu.

²⁹ Iri ta àhraa yu mohmeri. Jesucristo ígu ya turari mera yũre ígu ora turari mera turaro mohmea yãhu ígu yare buhegu.

2

¹ Ire mua masicũ gahmea. Mua ya árĩburire, Laodicea majarã ya árĩburire, árĩpehrerã ya árĩburire turaro mohmea yãhu. Árĩpehrerã masa yũre íabirã ya árĩburi sãre turaro mohmea yãhu.

² Òpa ta mohmea yãhu mua árĩpehrerã õaro sĩporãcuborore. Mua mera majarãre mua yujuro mera game umupeoburi sãre eropa mohmea yãhu. Iribojegue majarãre Goãmũ werebirira Cristore masicũ iiri àhraa. Ígu yare masirã Cristore umupeoa mua. Mua ígure õaro masiborore mua ígu mera õaro árĩborore burigã itamua yãhu muare.

³ Cristo dihta masipehocãmi gajirã masibirirare. Ígu árĩpehrerire õaro masigu àhrimi. Ígu masiri õatarario àhraa.

⁴ Irire werea muare gajirã muare peesuari wereniguiiri mera guyari arĩgu.

⁵ Yãhu mua watope árĩbiriquerẽgu yu guñari mera mua watope arĩgu dopa àhraa. Erogue árĩbiriquerẽgu Cristore mua õaro umupeoniguirare mua õaro iirare peegu mucubiria yãhu.

⁶ Eropirã mari Opũ Jesucristore opamorã ígure mua umupeonugadiro dopa ta umupeonigucãque. "Eropa ta yũre itamugucumi," arĩrã umuri nucũ ígu mera õaro árĩnigucãque.

⁷ Ígure õaro masirã árĩque mua. Eropirã umuri nucũ ígure masinemoque gajirã erã ero core muare erã buhediro dopa ta. Eropirã Cristore mucubirirã "Õhaa," arĩnigucãrã árĩque mua.

Cristo yarã árĩrã õaripure gohrotoa mari, arĩ gojañumi Pablo

⁸⁻¹⁰ Òaro pee masique mua. Masa erã gamero erã buherire erã guyarire peebiricãque. Erã iribojegue majarã árĩricurare buhema. Masa erã pepiro dopa pepirã árĩrã i doreri dihta buhema. Cristo yapure buhebeama. Cristo mari Pagu árĩro dopa ta arĩgu Goãmũ

gohra ta áhrimi. Eropigu Jesucristo Goãmu ářĩgu i yebague masa dehyoadigu Goãmu ta ářĩmi. Eropirã ĩgu yarã ářĩrã Goãmu mera õaro ářĩnguia mari. ĩgu ta ářĩpehrerã deyobirã oparã tauro opu ářĩgu áhrimi. Őmũsi majarãre i yeba majarãre ářĩpehrero majarãre doremi. Eropirã gũyari buherãre peebircãque.

¹¹ Eropirã Cristo yarã ářĩrã circunciõnre iinirã gasiro merogã wiri aĩnirã iro dopa ářĩrã áhraa mua. Masa erã dupure merogã gasirogãre erã wiri cõaro ářĩbiriya. Maa pepiripare Cristopũ mua ñeri uaribejarire cõãmi.

¹² ĩgu yarã ářĩra puhru waĩyesũnirã ářĩnirã ářĩbu mua. Eropa waĩyesũnirã ářĩrã õpa ĩhmurã iinirã ářĩbu mua: Iribojegue mua ñero iirare duhurare ĩhmurã iibu mua. Jesucristo sĩridigu mera mua uaribejarare cõãnirã ářĩbu mua. Eropirã Jesucristo sĩridigu masa mũriara mera õaripare gohrotonirã ářĩbu mua. ĩgu Goãmupũ Cristore masudigu ářĩmi. “ĩgu turagu áhrimi,” arĩrã ĩgure masupeorã ářĩrã õaripare gohrotonirã ářĩbu mua.

¹³ Iribojegue mua ñerã ářĩra dipuwaja peamegue wabonirã ářĩriyoro mua. Eropa wabonirã ářĩriyoro mua Goãmu yarã ářĩbirã. ĩgu dorerire opabirã ářĩriyoro mua. Dohpaguere mari Pagũ marire ĩgu mera eropa õaro ářĩnguimorã iimi. Cristo ĩgu sĩridiro mera eropa iimi ĩgu marire. Eropa iigu mari ářĩpehreri ñeri iirare cãdijicãdi ářĩmi ĩgu.

¹⁴ Goãmu ĩgu dorerire gojarare mari tarinũganirã mari ářĩquerecũ ta ĩgu marire dipuwajacũdorebeamĩ. Cristo crusague ĩgu sĩridiro mera Goãmupũ mari ñeri dipuwajare cãdijipehocãdi ářĩmi.

¹⁵ ĩgu Cristo crusague sĩricũ watẽa ya dorerapure Goãmupũ tarinũgacãpu. Eropirã bu ářĩrã dujacãñorã erã watẽapu. Eropa iigu erãre guhyasiuro wacũ iipu erã ĩhuro.

Őmũsi majare Goãmu yare gameque, arĩ gojañumi Pablo

¹⁶ Eropirã gajirã erã dorerire dorediaricoma muare. “Muare irire barã, irire ihrirã ñerire iirã iiaa mua,” arĩ werewuama muare. Erã eropa arĩ werewuacũ eropa ĩacãque erãre. Bojori nucu ářĩrinuri, aberi nucu ářĩrinuri, semanari nucu ářĩrinuri, bosenuri mua ĩdiabiricũ werewuama. Erã eropa werewuacũ eropa pepicãque erãre.

¹⁷ Erã muare doreri iribojegue Goãmu apira doreri Jesucristo mari ñeri iira dipuwaja sĩriburire ĩhmuuhtarañe ářĩyoro. Dohpaguere Cristo arĩmi marire. Eropirã ĩgure umupeorã iri doreripure umupeobeaa pare.

¹⁸ Erã dorerire iidorerã muare dipuwajacurã dujacũ iidiamã erã. Erã eropiicũ eropa ĩacãque erãre. “Gajiropa dehyoarire ĩabu gua,” arĩmaacãrã erã anyuare umupeorima Goãmure umupeoboro dopa. Erã eropa pepicãrã iro dopa iirima. Gajirã masa iro dopa erã ñeri uaribejarire pepirima erã. Eropa pepirã ářĩrã “Masipehocãa gua,” arĩ pepirima erã.

¹⁹ Eropa iirã ářĩrã Cristopure umupeobeama. Cristo dihta ĩgu yarãre doregu áhrimi. Cristopũ mari ĩgu yarã dipuru áhrimi. ĩgu yarãpu ĩgu ya curu majarã ářĩrã ĩgu dupũ waĩcua. Mari dipuru mari dupure gamesuriro dopa ta áhrimi Jesucristo ĩgu yarãre. ĩgu yarãre itamugu marire ĩgure umupeonemocũ iimi. Goãmu gamero dopa ta ĩgu yarãre ĩgure masinemocũ iimi.

²⁰ Marire ñero iira dipuwajacũnirãre Cristo taudigu ářĩmi crusague sĩrigũ. Eropirã Cristore umupeorã ĩgu yarã áhraa. Maa eropa ářĩrã i yeba maja buherire anyuare umupeori buherire gamebiro gahmea muare. ¿Duhpirã gajino buherã erã dorerire iidari mua?

²¹ Őpa arĩ dorema erã basi erã gamero: “Irinore babiricãque. Irinore pẽhrebiricãque,” arĩma. ¿Erã eropa arĩdorecũ duhpirã yũhriri mua?

²² Erã doreriñe bari iro dopa ta pehrea waroca. Erã doreriñe i umũ maja dihta áhraa. Masa erã suaro erã buheri dihta áhraa i buheri. Eropiro duhpihuri ářĩbeaa.

²³ Erã dorerire iirã Goãmure umupeorã iro dopa ářĩrã. Eropirã eropa pepicãrã iro dopa ii ĩhmuama. Erã dupure ñero taricũ iirã “Goãmure umupeorã iiaa,” arĩrĩma. Erã eropa iirã erã doreripu masipehorã ya doreri iro dopa iirima. Eropa ářĩbeaa. Erã dorerire iiquererã erã ñeri uaribejarire duhubeama. Eropiro erã doreripu duhpihuri ářĩbeaa.

3

¹ Eropirã Cristo yarã áhraa mua. Eropirã mua ero core mua ñeri iirare duhunjarã õaripare gohrotonirã áhraa mua. Eropa gohrotorã ářĩrã umũsi majare Cristo yare gameque mua. Eroque Cristo ĩgu Pagũ ñayepũ doagu ářĩpehrerore doregu áhrimi.

²⁻³ Múa ɯaribejari cōánirā árīrā Cristo gamerire opaa. Īḡu Cristo mũa ɔaro iiborore ɔaro ĩhadibumi. Eropirā iri ñerire guñabeaa mũa. Eropirā ɯmũsi majare Goāmũ yare guñamũhtaque. I yeba majare guñaniguibiricāque.

⁴ Eropirā ɯmũsigue Cristo marire eropa árīniguimorāre aḡu Īḡu aricũ Īḡu mera warāca. Eropa warā Īḡu mera ɯmũsigue Goāmũ yare oparāca.

Cristo yarā árībirā ñerire iiribu mari, arī gojañumi Pablo

⁵ Eropi i yeba maja ñerire duhucāque. Ne yujugu mojoto diribiriquereḡu nomeo mera árībiricāque. Ne yujugu mojoto diribiriquereḡo ɯmũ mera árībiricāque. Eropa ñeri mũa iirire iripēta duhucāque. Ñeri ɯaribejarire iibiricāque. Mũa opaburire gajinore gametaribiricāque. Mari gajinore bariḡā gamerā goāmarā wéanirāre erā umupeoro dopa iirā iiaa mari irire.

⁶ Iri ñerire iirā Goāmũre tarinũgarā āhrima. Erā eropa árīcũ ĩaḡu Īḡupũ erāre gamebeamĩ. Eropiḡu erāre bariḡā dipuwaja moaḡucumi.

⁷ Iribojeguere mũapu iri ñerire iinirā mera majarā árīriya mũa.

⁸ Dohpaguere i ñerire duhupehrecāque mũa. Guarire, disitĩri wiarire, gajirāre ñero arī pepirire, gajirāre ñero quere wereniguirire, ñero wereniguirire iri árīpehrerire duhucāque.

⁹⁻¹⁰ Mũapu Jesu yarā warā ñerā mũa árīdiro dopa ta iri ñeri ɯaribejarire duhutuhanirā árību. Eropirā ɔaripure gohrotonirā āhraa mũa. Mũare ɔaripure gamecũ ĩḡu iimi Goāmũ. Īḡu árīro dopa mũa árīboro dopa eropa iimi. Eropa ta iimi ĩḡu mũa ĩḡure ɔaro masiboro dopa. Eropirā ĩḡu eropiicũ mũa mera majarāre guyabiricāque.

¹¹ Cristo yarā mũa árīrā judio masa, judio masa árībirā sā yujuropa dihta āhraa mũa Goāmũ ĩḡu ĩacũ. Gasiro merogā wiri aĩnirā, irire aĩbirinirā sā Cristo yarā árīrā yujuropa āhraa Goāmũ ĩḡu ĩacũ. Gaji yeba majarā sā, masibirā sā, mũa ya yeba majarā sā Cristo yarā árīrā yujuropa āhraa Goāmũ ĩḡu ĩacũ. Pohro majarā, erā pohro majarā árībirā sā, Cristo yarā árīrā yujuropa ta āhrima Goāmũ ĩḡu ĩacũ. Jesucristo tamera árīpehrerā ĩḡu yarā mera āhrimi. Īḡu yarā erā ĩacũ bu árīḡu árībeami ĩḡu.

¹²⁻¹³ Eropi Goāmũ ĩḡu beyenirā, ɔarā, ĩḡu mahirā árīrā ɔpa árīque mũa: Gajirāre mojomoro ĩarā, gajirāre ɔaro iirā árīro gahmea. Mũare ñero ĩquerecũ ta eropa pepicārā árīro gahmea mũare. Mũa mera majarā mera guarā, erāre quere iirā árībiricāro gahmea mũare. Eropirā “Yuhũ bu árīḡu āhraa,” arī pepique. Mari Opũ mũa ñeri iirare cādiijimi. Īḡu eropa cādijidiro dopa ta mũa sā mũa mera majarā erā ñero iirare cādiijique.

¹⁴ I doreri tauro ɔpa arī dorea mũare: Gajirāre mahi umupeoque. Mũa eropa iirā árīpehrerā gajirā mera yujuro mera árīrāca.

¹⁵ Cristo marire ɔaro árīcũ iimi gajinore mari wereniguiriboro dopa. Īḡu eropa ĩicũ ɔaro árīque mũa. Mari ĩḡu yarā yuju curu ta āhraa. Mari eropa árīrāre mari Pagũ marire ɔaro árīmorāre ta apimi. ĩḡu eropa ĩicũ ɔaro árīque mũa mũa basi. Eropirā Goāmũre “Ōhaa,” arī mucubirirā árīque mũa Goāmũ mera.

¹⁶ Cristo ya buherire ɔaro guñaniguicāque mũa. Ōaro pee masiri mera ĩḡu yare gajirāre buheque. Guhyadiaro irire wereque. Eropirā Salmo gojaripũre, Goāmũ yare bayarire, gaji ĩḡure umupeori bayarire ĩḡure bayapeoque. Ōaro guña umupeori mera bayapeoque. Eropa bayarā ĩḡu yare ɔaro guñaque mũa. Eropirā Goāmũre “Ōhaa,” arī mucubirirā árīque mũa Goāmũ mera.

¹⁷ Árīpehreri mũa iirire ɔaro sīporācu ĩique mari Opũ Jesu ĩḡu mucubiriboro dopa. Mũa wereniguirā ĩḡu ya árīburi dihtare wereniguique. Eropirā Cristo ĩḡu itamuri mera Goāmũ mari Pagũre serērā “Ōhaa,” arī mucubiri que ĩḡure.

Jesu yarāre yujuro mera árīburi doreri ɔpa āhraa, arī gojañumi Pablo

¹⁸ Mũa marapucurā nome, mũa marapũ sumarāre ɔaro yuhri que. Eropa ta iiro gahmea mari Opũ yarā Cristo yarā nome árīrā.

¹⁹ Mũa marapocurā, mũa marasā nomere mahi umupeoque. Icore turibiricāque.

²⁰ Mũa erā porā sā mũa pagũ sumarāre tarinũgabirā dihta árīque. Mũa eropa ĩicũ ĩaḡu mari Opũ ɔaro suagu árīḡucumi.

²¹ Mũa erā pagũ sumarā sā mũa porāre eropa turiniguibiricāque bujawerecũ iiri arīrā.

²² Mũa pohro majarā, mũa oparāre i yeba árīrāre eropa yuhrirā árīque. Erā ĩhurore erā dorero dopa ta mohmeque. Erā maricũ sāre mohmeque. Mari Opũre Cristore guhyadiaro mũa ĩadiro dopa ta ɔaro mera yuhri que mũa oparā sāre.

²³ Diaye ta Cristo yarã árîrã ðaro yùhrirã àhraa mua ìgure. Eropirã mua oparãre ðo majarã sãre yùhrirã, Cristore mua yùhriro dopa ta yùhrique mua. Eropirã mua oparã erã dorero dopa ta turaro mera mohmeque “Cristo ya doreri àhraa,” arîrã.

²⁴ Mua eropa iicũ Cristo muare wajayegucumi. Muare ìgu oburire muare ogucumi mari Opũ. Irire masia mua. Mari Opũ Cristo ìgu pohro majarã àhraa mua. Eropigu ìguru mua Opũ gohra àhrimi.

²⁵ Ìgure tarinũgarãre dipuwaja moagucumi mari Opũ. Árîpehrerã tarinũgarãre ne yujugu duhyaro mariro yujuro mera dipuwaja moagucumi ìgu. Eropa yare iiri arîrã ðaro yùhrique mua.

4

¹ Mua oparãpũ, mua pohro majarãre diaye ta ðaro iique erãre. Mua sã opũ opaa. Mua opũpũ umusi majagu Goãmũ àhrimi.

² Mua árîpehrerã umuri nucũ Goãmure serëniquire. Òaro guña pee masi serëniquire. Eropirã mari Pagũ ðaro iirare guñaque.

³⁻⁴ Gua ya árîburipure serëque daja. Cristo yare iribojegue majarã erã masibirirare buherã iiaa gua. Masare gua ðaro buheborro dopa serëbasaque mari Pagure. Yũhũ Goãmũ yare wereniguri waja dohpaguere peresugue àhraa. Eropigu mua eropa serëcũ gahmea ìgu yare yũ ðaro iiborro dopa. Cristo ìgu dorediro dopa ta yũ wereburire serëque.

⁵ Jesu yarã árîbirã mera árîrã ðaro iique mua. Cristo yare wereque erãre. Erã mera mua árîropë ta eropa ta ðaro iique erã Jesu yarã árîborro dopa.

⁶ Gajirã mera weretamurã ðaro suaro mera weretamuque. Òari dihtare wereniguique. Mua eropiirã gajirã erã Jesucristo yare muare serëpicũ ðaro masiri mera yùhrirãca erãre.

Òadoretupũ Pablo

⁷ Tíquico mari acaweregu Jesu yagu àhrimi. Ìgu yũ árîricurire muare weregucumi. Ìgu mari mahigu àhrimi. Cristo yare buhegu, gua mera mohmegũ àhrimi. Ne iri mohmerire duhubeami ìgu.

⁸ Mua pohrogue ìgure obeogu iiaa yũhũ gua árîricurire mua masiborro dopa. Ìgure obeogu iiaa yũhũ muare mucubiricũ iibure.

⁹ Onésimo mari acaweregu mera wapimoo obeogu iiaa. Ìgu sã Cristo yare ne duhubeami. Mua mera majagu àhrimi. Erã perã yũ dohpa tarirare wererãcoma muare.

¹⁰ Aristarco peresugue árîgu yũ mera majagu muare ðadoremi. Marco sã ðadoremi. Ìgu Bernabé pagũ magũ àhrimi. Mua pohrogue ìgu ejacũ ðaro mera ìgure bocatîrique yũ muare werebeodiro dopa ta.

¹¹ Jesu waicugu “Justo,” erã arî piyugu ðadoremi ìgu sã. Oã ta yũ mera mohmerã judio masa gohra àhrima. Judio masa gohra erã dihta Goãmũ yare yũ mera buhema. Òpa buhea gua Goãmũ yarã masa waborro dopa. “Jesucristo yũ Opũ àhrimi,” erã árîborro dopa buhea gua. Erã yare ðaro itamunirã àhrima.

¹² Epafra mua mera árîdigu muare ðadoremi. Ìgu Jesucristo dorerire ðaro iigu àhrimi. Goãmure serëgu, turaro mua ya árîburire serëbasaniguicãmĩ ìgu. Goãmure ðaro guñaturaniguimorãre, ìgu gamero dopa iimorã mua árîborro dopa eropa Goãmure serëbasaniguicãmĩ ìgu.

¹³ Ìgu mua ya árîburire turaro serëbasami. Laodicea majarã ya árîburire, Hierapoli majarã ya árîburi sãre ìgu turaro serëbasami. Ìgu eropa iigu árîcũ ìagu muare weregu iiaa.

¹⁴ Duhturu Luca waicugu mari mahigu muare ðadoremi. Dema sã ðadoremi.

¹⁵ Òaporo mari acawererã Laodicea majarã. Ninfa sã ðaporo. Jesu yarã igo pohro gamenererã sã ðaporo.

¹⁶ Ipũre yũ gojabeorapũre buhetuha Laodicea majarã sãre obeoque. Eropirã erãre Laodicea majarãre yũ gojabeorapũre mua sã buheque.

¹⁷ Eropirã òpa arîque Arquipore: “Mari Opũ Jesu yagu mu árîcũ ìgu mohmerire apidi árîmi mure. Ìgu eropa apicũ iri mohmerire ðaro mohme ojogorocague mũhũ,” arîque ìgure.

¹⁸ Yũhũ Pablo, yũ mojoto mera ire gojaa. Muare ðadorea yũhũ. Peresugue yũ árîrãre guña serëbasaque Goãmure. Òaro arîque mua. Goãmũ ìgu mahiri mera muare ðadorea. Iripëta àhraa.

1 Tesalonicenses

Pablo gojañumi Jesu yaräre Tesalónica majaräre

¹ Yu Pablo, Silvano, Timoteo mera ipüre muare gojabeoa. Muapu Tesalónica majarä mari Pagu Goämu yarä árrä mari Opu Jesucristo yarä sä ähraa mua. Eropigu Goämu mari Pagu, Jesucristo mari Opu mera muare òadoreä. İgu itamuri mera òaro ártique.

Jesu yarä Tesalónica majaräpu Jesure erä òaro umupeorare wereñumi Pablo

² Goämu sererä mua ártipehreräre guñaä mucubiriri mera. Mua Jesure umupeorire guñarä “Òatariari ähraa,” arı serënguicäa gua Goämure.

³ Mua Jesucristore “Diaye iigu ährimi,” arı umupeonigicä waicua. Eropa umupeonigicärä Jesucristo ya ártiburire òaro iirä waicua. Jesucristore, gajirä säre mua òaro mahi umupeorä waicua. Eropa mahirä Jesucristo ya ártiburire burigä iirä waicua mua. Eropirä Jesucristo İgu itamurire corerä waicua mua. İgure eropa corerä İgu yare iirä duhubirä waicua. Eropa iirä mua Goämu mari Pagu İacü òaro iiaa. Goämure gua sererä irire mua eropa òaro ii waicurare guñanguicäa.

⁴ Gua acawererä, òpa peeque. Muare Goämu mahimi. Eropigu muare İgu yarä ártimoräre beyepu. Irire masia gua.

⁵ Gua sohò ártirasubu mua mera árrä òari buherire muare gua wererä gua pepiri mera werebirabu. Espiritu Santo İgu doreri mera İgu yare wereabu gua muare. Eropa werecü iri buheri diaye ta ártirire òaro masiabu mua.

⁶ Eropa masirä mua iri òari buherire òaro pee ñeabu mua mucubiriri mera. Eropirä mua eropa peecü İha gajirä gamebirä muare ñero iima. Erä muare ñero iiquerecü ta mua Espiritu Santo itamuri mera òaro mucubiriabu. Eropirä gua mua watope árrä gua òaro árticurire masiabu mua. Eropirä mua gua diaye maja iirare İarä guare İhacübu. Eropirä Jesu mari Opu İgu iidiro dopa ta iiaabu mua.

⁷ Mua eropiicü pee Jesu yarä Macedonia yeba majarä, Acaya yeba majarä sä mua eropa òaro iirare peeañorä. Eropa peerä eräpu mua iidiro dopa ta iiañorä erä sä.

⁸ Eropirä muaguere Jesucristo mari Opu yare peesüyoro. Goämure mua umupeorare Macedonia majarä Acaya majarä sä peeañorä. Erä dihta peebirañorä. Ártipehrero majarä mua umupeorare peeañorä. Eropirä gua mua umupeorare gajirä masituhajacü İha werebirica eräre guapu. Eräpu guare werema.

⁹ Òpa arıma guare mua iirare wererä. “Tesalónica majarä muare òaro bocatıriñorä mua erogue ejacü. Erä Jesucristo yare pee erä goämarä wéaniräre umupeonirä árrä gohrotoañorä. Gohrotorä Goämu gohra ojocarigure diaye iigure umupeonugañorä. Eropirä dohpague Goämu yare iirä iiañorä.

¹⁰ Eropirä Goämu magu Jesucristo İgu umusigue arıburıne òaro corerä ährañorä,” arı werema guare. Jesure sıridigure Goämu masupu. Eropigu Jesupu marire ñetariaro dipuwajacoboniräre taidıga ährimi.

2

Pablo Tesalónicaque İgu buherare wereñumi

¹ Mua pohro gua árrä eropa árcärä iibirabu. Muare òaro itamurä ártimurabu gua. Irire òaro masia mua, gua acawererä.

² Ero core Filipo maca gua árrä ñero tarıbu. Guare ñero erä iirare masia mua. Guare erä eropa ñero iiquerecü ta Goämu itamuri mera güiro mariro Goämu yare òari buherire werenıguirä gua ejabu mua pohroguere. Mua ártıro säre guare masa bajarä erä İhaturiquerecü òari buherire buheabu gua muare.

³ Eropirä mua pohro árrä muare gua werera òaro diaye majare buheabu gua muare. Eropa wererä muare ñero iidiarä ártıbirımurabu gua. Muare gayadiarä buhebirımurabu gua muare.

⁴ Goämu gamero dopa ta buhea gua. Òari buherire buhemoräre Goämu beyemi guare. Eropa beyegu İgu ya buherire guare weredoremi. Eropirä masa guare erä İhasuaburire buherä iibeaa gua. Goämupu guare İgu İhasuaburire İgu yare buhea gua. Goämu mari pepirire dohpa mari iidiarire òaro masimi.

⁵ Eropirä gua muare òari buherire wererä gajınore amarä ejabırimurabu. Eropirä werenıguı guyarä iibirımurabu gua muare. Eropirä gua buherä muare niyerure aımorä iibirımurabu. Irire gua mua pohro eropa òaro iirare mua masia. Goämu sä irire masimi.

⁶ Gúa eropa buherā mua guare umupeoburire dorebirimurabu. Gajirā sāre eropa ne dorebirimurabu.

⁷ Gúa Cristo ĩgu apinirā árrīrā muare doremasiboaya. Ne eropa dorebirabu gúa. Gúa dorebirā majirāre nijisoro dopa ta muare ōaro iimurabu mahiri mera.

⁸ Eropirā muare ōaro gamerā Goāmū yare ōari buherire weremurabu gúa muare. Gúa basi ta árrīpehrero gúa iimasiburire muare itamumurabu. Gúa mahirā mua árcū eropa itamuabu muare.

⁹ Eropirā muare mahirā burigā itamumurabu. Irire guñaa mua, gúa acawererā. Goāmū yare ōari buherire wererā árrīrā, mua oparire serē garibobirimurabu muare. Eropirā gúa basi mohmemurabu gúa baburire wajatamorā. Eropirā umure, ñamigue sāre mohmemurabu gúa.

¹⁰ Eropirā ōaro Goāmū gamero iirā ñeri dipuwaja mariro diaye ta iimurabu muare Jesu yarāre. Eropirā gúa mua mera eropa queoro árrīrare masia mua. Goāmū sā irire masimi.

¹¹ Eropirā erā pagu ĩgu porāre ĩgu ōaro were ĩgu mucubiricū iidiro dopa ta gúa mua sāre árrīpehrēre wererā mucubiricū iiaabu muare. Irire masia mua.

¹² Goāmū muare ĩgu opu árrīroque ĩgu ōatariaro árrīroque mua árrīmorāre beyedigu árrīmi. Eropirā mua ĩgu yarā árrīrā ĩgu árrīro dopa ta ōaro iiniguicāro gahmea, arimurabu.

¹³ Eropirā Goāmū yare muare gúa wererare mua peerā ōpa pepibu mua: “Masa erā pepiri mera iri buheri árrībeaa. Goāmū ya buheri ta āhraa,” arī pepibu mua. Irire mua eropa pepicū masirā mucubiria gúa. Eropirā Goāmūre serērā, “Ōhaa,” arāa gúa ĩgure. Eropa ta āhraa. Muare gúa buheri, Goāmū wrenigui diaye ta árrīri āhraa. Eropigu mua Goāmū yare ta peecū ĩgu ya buheri mera ōaripure gohrotocū iimi muare.

¹⁴ Eropirā Jesucristo yarā mua árcū ĩarā i yeba majarā Jesure gamebirāpu ñero ĩiañorā muare. Mua eropa wadiro dopa ta Judea yeba majarā sāre wayoro. Eroque sāre Jesucristore umupeorāre erā ya yeba majarā sā ñero ĩiañorā. Judio masa Jesure gamebirā erāre ñero taricū ĩiañorā.

¹⁵⁻¹⁶ Mata judio masapu iribojegue majarā Goāmū ya weremuñtanirāre wejēmurinirā árrīma. Eropirā mari Opu Jesucristo sāre wejēñorā erā. Eropirā erā Jesucristo yare gamebirā gúa sāre ñero ĩi cohāma guare erā ya yebare. Eropirā erā judio masa árrībirāre erā dederebiriborore gúa erāre Goāmū yare wercū guare judio masa cāhmotamūrima. Goāmū yare weredorebirima guare. Erā Jesu yarāre ĩhaturi árrīmūrima. Erā eropiirare Goāmū gamebirigohracāmi. Eropro erā judio masa ñero iira dipuwaja wuaro árrītuhaya. Erāre Goāmū burigā dipuwaja moagucumi.

Pablo Tesalónica majarā pohroque dipaturi curigu wadiaripu

¹⁷ Gúa acawererā, mua mera dohpaguere árrībiriquererā ta muare guñarā ĩaa. Eropirā muare burigā ĩadiarā mua pohroque wadiarabu gúa.

¹⁸⁻¹⁹ Bajasuburi yūhu muare ĩagu wadiarabu. Watipu gúa wabodirore goroweoami. Eropirā gúa wabiricaru. Guare mucubiricū iirā mua árcū muare ĩadiarabu. Mari Opu Jesucristo i yebague dujaricū turaro mucubirirāca mua mera. Eropirā mucubirirā mua mera Jesu core niguirāca.

²⁰ Eropa ta āhraa. Muare ĩagu Jesupu “Ōaro buhenirā āhraa mua,” arīgucumi guare. Eropirā ōaro mucubirirāca gúa.

3

¹⁻² Eropii muare yoari boje gúa ĩabirā muare burigā peediarā irire guñarā Timoteore mua pohroque oboeabu. ĩgu mari acaweregu Jesu yagu Goāmū pohro majagu gúa mera ōari buherire buhegu āhrimi. Eropirā ĩgure oboeabu Jesucristore mua ōaro umupeoburire mua mucubiriburi sāre. ĩgure obeorā gúa seyaro Atena maca dujabu.

³ Mua Jesucristore umupeora waja gajirā muare ñero ĩiañorā. Eropirā mua Jesu yare mua cóābiriboro dopa itamubure oboeabu Timoteore mua pohroque. Mari Jesu yarā árrīrāre eropa ta gajirā marire ñero taricū iirācoma. Irire masia mua.

⁴ Mua mera ero coreguere árrīrā ōpa arī weretuhajabu muare: “Mari Jesucristore umupeora waja gajirā marire ñero iirācoma,” arī weretuhajabu muare. Eropirā gúa werediro dopa ta erā ñero ĩima muare. Irire mua ōaro masia.

⁵ Eropigu muare mahitariagu muare yoari boje ĩabigu muare burigā peediabu yūhu. Eropigu Timoteore oboeabu yūhu mua Jesure umupeorire masibu. “Watī muare ñero ĩidoreri,” arīgu, “Muare gúa buherare muague duhuri,” arīgu ĩgure oboeabu yūhu.

⁶ Eropigu dohpaguere Timoteo mua pohroque árrīdi gúa pohroque dujarami. Eropa dujaragu ōari querere guare wereami ĩgu. Jesure mua ōaro umupeorare mua gajirā

mera ðaro mahira sãre İġu wereami ġuare. Eroparİġu ġuare mũa ðaro ġuñara sãre wereami. “Erã sã mũare buriġã ãdiamo,” arİ wereami İġu ġuare. İġu eropa arİ werecũ peerã mucubiria.

⁷ Eropirã ġua dohpaguere ñero tarirã arİquererã mũa Jesure ðaro umupeocũ peerã ġua mucubiria.

⁸ Jesure mũa ðaro umupeorare pee İġu yare mũa cõabirirare peerã ðaro pepia ġua.

⁹ Eropa pepirã Goãmu ãaro ġua buriġã mucubiria. Eropa mucubirirã Goãmure serẽa, “Õhaa,” arİrã.

¹⁰ Eropirã ġua basi mũare ãaburire Goãmure serẽniguiã. Æmuri ñamiri sãre serẽniguiãã. Mũare ãadiarã Jesucristo yare mũa ðaro masipehocũ itamudiaca İġure mũa ðaro umupeonemoboro dopa.

¹¹ Goãmu mari Pagu İġu basi mari Opu Jesu mera ġuare itamuporo mũa pohroġue ġua waburire.

¹² Eropiġu mari Opu Jesu arİpehrerã mũa mera majarãre arİpehrerã ġajirã sãre mahinemoburire iporo mũare. ġua mũare mahi umupeodiro dopa ta mũa sã buriġã mahinemocũ iiporo mũare.

¹³ Mũare İġu ðaro itamuri mera mũa dipuwaja marirã ñeri marirã arİrãca Goãmu mari Pagu ãacã. Eropa ta arİrãca mũa mari Opu Jesu dujaricũ arİpehrerã İġu yarã ðarã mera i yebague.

4

Goãmure mucubiricũ iidiarã õpa iique, arİ were gojañumi Pablo

¹⁻² Dohpaguere Jesu mari Opu İġu dorero mera mũare õpa werea: “Goãmure mucubiricũ iidiarã õpa iique,” arİ buheabu ġua mũare. ġua eropa buhera puhru ġua buhediro dopa ta iayoro mũa. Iri buherire ðaro masia mũa. Eropirã mũa Goãmu yare ðaro iirã ãhraa. Eropirã mũa eropa iidiro dopa ta duhubirã ta. Muraro ta iinemoque daja. Irire buriġã werea mũare.

³ Irire mũare werenemogura. Mũa õpa arİcũ ġahmemi Goãmu. Ñerire iibirã Goãmu yare iirã arİque. Eropirã nome mera ñero iiro mariro arİque mũa uma. Mũa nome sã uma mera ñero iiro mariro arİque.

⁴ Ñero iibiraro mariro umupeori mera mũa marasã nomere opaque. Mũa irire masicũ ġahmemi Goãmu.

⁵ Goãmure gamebirã Goãmure masibirã ñerire uaribejarã nomere erã gamero dopa ta iibiricãque mũa.

⁶ Õpa ta mũa iibiricũ ġahmemi Goãmu: Ne yujugu mũa acawereġu marapore yajabicãporo. Eropa yajagu İġu acawereġure umupeobiġu iimi İġu. Eropiġu eropa iġure mari Opu iri ñerire İġu ya dipuwaja moabu arİġu tiimi. Eropirã mũare ġiisãrã irire wereabu mũare.

⁷ Ñerire pepimorãre, ñerire iimorãre beyebirimi marire Goãmu. Ñerire iibirimorãre ðarire iimorãre beyemi Goãmu marire.

⁸ Eropiġu ðarire mari iimorã arİcũ İġu Espiritu Santo odigu arİmi marire. Eropirã iri ñerire iibiricãro ġahmeã. Eropiġu yujugu i ġua wererare yuhribiġu Goãmu yapu sãre yuhribiġu ahrimi.

⁹⁻¹⁰ Mũa acawererãre, Jesu yarãre mũa game mahiburire Goãmu mũare buhetuhajami. İġu eropa buhecũ mũa diaye ta Jesu yarãre Macedonia majarã sãre arİpehrerãre ðaro mahi umupeo waicua. Mũa eropa mahicũ peegu “Mũa acawererãre mahique,” arİ buhebea daja mũare. Eropiġu õpa dorea daja yuhũ. Mũa ġajirãre mahiro dopa ta erãre mahinemoque.

¹¹ Eropirã mũa basi game ãaturiro mariro arİque. ġajirãre ġajiropa arİ wereniġu-ibiricãque. Eropa ãacãque erãre. Eropirã mũa ya mohmeripure ðaro mohmeque. Ero coreġue ta mũare eropa iidoreabu.

¹² Mũa eropa mohmerã ġajirãre barire amasome. Eropirã erã mũare ðaro wereniġu-irãcoma.

I yebaguere Jesucristo İġu dujariborore werepu Pablo

¹³ Jesure gamebirã Jesu pohroġure wasome. Eropirã erã mera majarã erã siricũ ãarã buriġã bujawerema. Sirinirã mũa erã waborore diaye ta ðaro mũa masicũ ġahmeã ġua. ġajirã erã bujawerediro dopa mũa bujawerebiriboro dopa mũare masicũ iidiaa.

¹⁴ Jesu İġu sirira puhru masa muridigu arİmi. “Iri diaye ta ãhraa,” arãa mari. Eropa arİrã arİrã i sãre “Diaye ta ãhraa,” arãa mari. Goãmupũ İġu yarã sirinirã murare erã masa muriacũ Jesu mera aricũ iġucumi. Iri sãre “Diaye ta ãhraa,” arãa mari.

¹⁵ Mari Opu İgu buhediro dopa ta ire werea. Jesucristo İgu dujaricü İgu yarâ ojocarirâ sîrinirâ core masa mûriamûhtasome. Sîrinirâ mûrapu ojocarirâ core masa mûriamûhtarâcoma.

¹⁶ Opa ârîroca Jesu İgu dujaricü: Mari Opu İgu basi dijarigucumi umusigue ârîdigu. Dijarigu busuro mera werenigui, doregucumi. İgu dorecû İgu anyua opu burigâ piyugucumi. Eropa İgu piyucû Goâmü ya corneta busumûriroca. Erâ eropiicü Cristore umupeonirâ sîrinirâ mûra masamûria mûhtarâcoma.

¹⁷ Erâ puhru mari ojocarirâre sîrinirâ masanirâ mera Goâmü aî mûriagucumi. İgu eropa iicü mari Opu Jesure bocafîrirâca mari. Eropirâ mari Opu Jesu mera ârînigucârâca.

¹⁸ Eropirâ i yu wererare mûa mera majarâre wereque. Eropa arî wererâ mucubirirâca mûa ârîpehrerâ. Mari Opu Goâmü İgu wereri ta âhraa i.

5

¹ Jesu İgu dujariburinûre "Inûri ârîcû İgu dujarigucumi," arî mûare were gojabeosome.

² İgu dujaririnûre marire masima masiya mara. Yajari masu ñamigue guñaña mariro İgu yajagu ariro dopa ta i yebaguere mari Opu guñaña mariro dujarigucumi. Iri sâre masia mûa.

³ Eropirâ masapu "Dohpaguere mari ôaro ârîcâa. Gûhyari mara marire," erâ eropa arî pepirisubu mata ñero waroca erâre. Ero eropa wacû ne nohogue gohra duhri wîria masisome. Dederea warâcoma. Niji wahgûgo guñaña mariro igo pûriro pepiro dopa guñaña mariro eropa waroca masare Jesu İgu dujaricü.

⁴ Yu acawererâ, mûapure eropa wasome. Yajari masu wihi opure İgu ucudiro dopa ta mûapure eropa wasome. Jesu arıgu mûare ucusome. Naitîarore erâ İha masibiro dopa gajirâ Jesure ne masibeama. Mûapu erâ iro dopa ârîbeaa.

⁵ Mûa ârîpehrerâ Jesu yarâ âhraa. Eropirâ boyorore erâ İha masiro dopa ta Jesu İgu ariborore masia mûa. Gajirâ İgure masibirâ iro dopa ârîbeaa mûa. Eropirâ ucasome İgu dujaricü.

⁶ Eropirâ carîrâ iro dopa ârîbircâro gahmea. Ôaro pee masirâ âhri Goâmü yare ôaro pepiro gahmea. Eropirâ Jesucristo dujariborore ôaro corero gahmea.

⁷ Ñamire carîrâ dopa ârîbircâro gahmea. Ñamire mererâ dopa ârîbircâro gahmea.
⁸ Umure ârîro dopa ôaro pee masi ârîro gahmea. Eropirâ marire watî ñero iidoreburire iibiricâro gahmea. Surara gamewejêgu wagu come suhriro saña, come sâpea peya İgu câhmotaboro dopa mari sâre watî ñero goroweoborore câhmotaro gahmea. Opa iiro gahmea watîre câhmotabure: Jesucristore "Diaye iigu âhrimi," arî umupeonigucârô gahmea. Goâmure masa sâre mahinigucârô gahmea. Eropirâ Jesu mera mari Goâmü pohro mari ârîburire masi corero gahmea. Mari eropirâ ñero iibiriburire câhmotarâ ârîrâca.

⁹ İgu dipuwaja moamorâre marire beyebiripu Goâmü. Jesucristo mari Opu marire dipuwaja marimorâre, peamegue wabonirâre İgu taumorâre beyepu marire.

¹⁰ İgu Jesu mari ya ârîburire ta sîribasadigu ârîmi İgu mera mari ârîburire. Eropirâ İgu dujaricü ojocarirâ ârîrâ sîrinirâ sâ yujuropa ta İgu mera ârîrâca mari İgu yarâ ârîrâ.

¹¹ Eropirâ mûa mera majarâre dohpague mûa mucubiricü iidiro dopa ta mûa basi mûa mucubiricü iique daja. Eropirâ mûa basi ta Goâmure umupeonemocü iique mûa mera majarâre Goâmü yare wererâ.

Jesu yarâre Pablo weretuñumi

¹² Jesucristo yare buherâ mûa ôaro iiburire wererâ âhriima mûa pohro. Erâre mari Opu Jesucristo buhedoregu beyeñumi. Erâ İgu beyenirâ ârîcû ôaro umupeoque erâre. Mûa erâre eropa umupeocü gamegu burigâ dorea mûa.

¹³ Erâ mohmerire erâ iicü erâre mahiri mera ôaro umupeoque. Eropirâ gamequeârô mariro ârîrâ gahmea.

¹⁴ Gûa acawererâre, mûare, ôpa burigâ werea daja. Mohmediabirâre mohmedoreque mûa. Duhudiarâre "Goâmü itamuri mera duhubiricâque," arîque erâre. Jesure merogâ umupeorâ sâre itamuque. Erâ mata pee masibiricü İha guabiricâque erâ mera.

¹⁵ Yujugu mûare İgu ñero iiquerecû mûapu dipaturi İgure ñero ii gamebiricâque. Mûa mera majarâre ârîpehrerâ gajirâ sâre ôaro mera umupeoque.

¹⁶ Eropirâ umûri nucü Goâmü mera eropa mucubirinigucârô gahmea mûare.

¹⁷ Eropirâ Goâmure eropa serênigucârô gahmea.

¹⁸ Mũa ðaro tarirã, mũa ñero tariquererã Goãmure “Õhaa,” arĩro gahmea. Goãmure “Õhaa,” arĩrã, Goãmũ ìgũ gamediro dopa ta iirãca mũa Jesucristo yarã árĩrã.

¹⁹ Eropirã Espĩritu Santo mũare ìgũ wererire yũhribirã árĩbircãque.

²⁰ Espĩritu Santo ìgũ masiri mera gajirã mũare buheama. Erã eropa buhecũ erã buherire gamebirã árĩbircãque.

²¹ Eropirã gajirã mũare gajiropa erã arĩ buhecũ iri Goãmũ ya árĩbircũ masique mũa. Eropirã Goãmũ ya buheri iri árĩcũ sãre masique mũa. Eropirã ðari dihtare gameque.

²² Eropirã iri ñerire árĩpehreri ñerire gamebircãro gahmea.

²³ Eropĩgũ Goãmũ marire ðaro iirã árĩcũ iĩgũ àhrimi. Ìgũ ìgũ basi mũare ìgũ yarãre mũa ðarã ñeri marirã árĩcũ iinemoporo mũare. Mũa ðapũ sãre mũa siporã sãre ðaro ìhadibuporo mũare. Mari Opũ Jesucristo i yebaguere ìgũ dujariboro core Goãmũ mũare ðaro ìhadibuporo mũa ñerire iibiriboro dopa. Ìgũ eropa iicũ Jesucristo dujaricũ ñeri marirã árĩrãca mũa.

²⁴ Eropa ta iĩgũcumĩ Goãmũ. Ìgũ mũare beyedigũ ìgũ arĩdiro dopa ta iimi.

Pablo erãre ðadorebeõũmi

²⁵ Gũa ya ðaro árĩburire Goãmure serẽbasaque mũa sã, gũa acawererã.

²⁶ Jesu yarãre bocatĩrãrã árĩpehrerãre mahiri mera mojoto ñeaque mũa.

²⁷ Jesu mari Opũ ìgũ doreri mera mũare werea yũhũ. Árĩpehrerã Jesu yarã gamenererãre ipũre buheque mũa.

²⁸ Jesucristo mari Opũ ìgũ mahiri mera mũare bũrigã ðadorea. Eropa ta árĩnigũicãporo. Iripẽta àhraa.

2 Tesalonicenses

Pablo ïgu mera majarã mera gojabeoñumi daja Jesu yarã Tesalónica majarãre

¹ Yũhu Pablo, Silvano mera, Timoteo mera ipũre muare gojabeogũ iiaa. Mũa Tesalónica majarã mari Pagũ yarã ãhraa. Mari Opũ Jesucristo yarã ãhraa mũa.

² Eropigũ mari Pagũ Goãmũ, Jesucristo mari Opũ mera mũare ðadorea. ïgu itamuri mera ðaro áriñque mũa.

I yebaguere Jesucristo dujarigu dipuwaja moagũcumi, arĩ gojañumi Pablo

³ Mũa Jesucristore “Diaye ta ïgu ãhrimi,” arĩ umupeorã umupeonemorã arĩ waĩcuabu. Eropirã mũa gajirãre mahi umupeorã turaro mahi waĩcuabu. Mũa eropa áricũ pee Goãmũre ðaro mera serẽro gahmea guare. “Mũhu erã mera ðaro iiaa,” arĩro gahmea Goãmũre.

⁴ Mũa Jesure umupeora waja gajirã mũare erã ñero iiquerecũ mũa ñero tariquererã Jesure umupeonigui waĩcuabu. ïgure umupeorã duhubirã waĩcuabu. Mũa eropa iicũ pee mucubiriri mera werea gũa gajirãre Goãmũ yarãre.

⁵ Eropirã erã Jesure umupeora waja gajirã mera ñero tariquererã Goãmũre umupeoniguiicã waĩcuabu. Goãmũru diaye ïgu ãhrimi. Eropigũ ïgu mũa ïgure eropa umupeocũ ïha ïgu Opũ áriroguere wadoregũcumi mũare.

⁶ ïgu Goãmũ diaye ïgu áriñgu gajirãpũre mũare ñero iinirãpũre erãpũre ñero taricũ iigũcumi Goãmũ.

⁷ Eropigũ mari ñero tarinirãre marire soocũ iigũcumi mari Opũ Jesu dujarigu. ïgu dujarigu anyua turarã mera peame ãjuro iro dopa dehyoagu arigũcumi ãmarogue.

⁸ Eropã arigũ Goãmũre masibirãre erã ya dipuwaja moagũcumi. Mari Opũ Jesucristo ïgu ðari buherire tarinũganirãre dipuwaja moagũcumi erãre.

⁹ Eropirã erã erã ya dipuwaja dederẽcoma. Peamegũ ñero tariniguirãcoma. Eropirã erã mari Opũ Jesu ïgu dorerogue ïgu ðari áriroguere ne wamasisme. Eropã ta waroca irinũre Jesucristo ïgu dujaricũ.

¹⁰ Irinũ ta ïgu aricũ ïgu yarã ïhamariarã “Diaye ta turagu, ðagu ãhrimi,” arĩ wereniguirãcoma. Eropirã ïgure ðaro peenirã ïgure iarã umupeorãcoma ðaro ïgure. Mũaru Jesu yare gũa buherare ðaro peeabu. Eropirã mũa sã ïgu mera áriñca.

¹¹ Eropirã Goãmũre serẽniguica gũa mũa ya áriburire. Ópa arĩ Goãmũre serẽbasaa ïgure mũare itamudorerã. “Erã mũ beyenirã mũ arĩro dopa ta erã áricũ iique,” arĩ serẽbasaa. “Goãmũ, mũ doreri mera erã ðaro iidiarire erã iicũ itamuque. Erã mũre umupeorã mũ gamerire erã iicũ iique,” gũa arĩ serẽbasaa Goãmũre.

¹² Mũa eropa Goãmũ gamerire iicũ ïha gajirã sã umupeorãcoma mari Opũ Jesucristore. Eropigũ Jesucristopũ mũare ðaro ïagũcumi. Eropigũ Goãmũ marire mahigu gũa arĩ serẽbasaro dopa ta iigũcumi mari Opũ Jesucristo mera.

2

Ñeri mera masare weresãgu dehyoagũcumi, arĩ gojañumi Pablo

¹ Dohpagũ mari Opũ Jesucristo i yebaguere ïgu dujariborore werenemodiaca yũhu mũare. ïgure mari gamenere bocatĩriburire werediaca. Eropigũ ðpa arĩ bũrigã werea mũare, gũa acawerẽre.

² Gajirã mũare ópa arĩbocoma: “Mari Opũ ïgu dujariburinũ, pehrerinũ áriroguere iiaa,” arĩbocoma mũare. Erã eroparicũ peerã pee acabiricãque. Eropirã peerã peewisibiricãque. “Goãmũ yare eropa ta arĩdi áriñi,” arĩbocumi mũare gajigu. Gajigu sã mũare buhegu eropa ta arĩbocumi. Gajigu sã eropa ta arĩ gojabeobocumi, “Yũhu Pablo ta ãhraa,” arĩ gũya gojabeogũ. Irire mũare weregũre masibea yũhu.

³ Eropirã gajirã mũare gũyacũ ne peebiricãque. Irinũ Jesucristo dujariburinũ arĩboro core ópa waroca. Bajarã masa Goãmũre cóarãcoma. Eropigũ ñeri mera masare weresãgu dehyoamũhtagũcumi. ïgu dederebu áriñgu ãhrimi.

⁴ ïgu Goãmũre umupeorire, goãmarã sãre umupeorire gamebigũcumi. ïgu dihtare umupeodoregũ “Áripehreri weca opũ ãhraa yũhu,” arĩgũcumi ïgu. Eropigũ ïgu Goãmũ ya wihi doagu, “Yũhu ta Goãmũ ãhraa,” arĩgũcumi ïgu masare ïgure umupeodoregũ.

⁵ Yũhu mũa mera áriñasubure irire ta werebũ. ¿Irire guñari mũa?

⁶ Dohpaguere ïgure ñeri mera masare weresãgure áridorebeami dohpa. ïgure áridorebigure masica mua. Queorinu áricũ ïgu ñeri mera masare weresãgu dehyoagucumi.

⁷ Dohpaguere ïaro mariro ïgu ñerire mohmenugatuhajacumi. ïgu ñeri iidiarire áripheerire iimasibeami dohpa. ïgure áridorebigu ïgu wara puhru áripheerire ñerire iigu ïgu ñeri mera masare weresãgu dehyoagucumi.

⁸ Eropiira puhru mari Opu Jesucristo ïgu wereniguiiri mera ïgure wejêcãgucumi. Eropigu Jesupu dujarigu ïgu dehyoari mera ïgure wejê dedeocãgucumi ïgure.

⁹ ïgu ñeri mera masare weresãgupu watí dorero mera arigu baja deyoro moaro dopa áririre ii guyagucumi masare.

¹⁰ ïgu eropa áripheerire ii guyacũ peamegue wamorãpu ïgure peerãcoma. Erã diaye áririre gamebirã áhrima. Erã eropa gamebiricũ Goãmu erãre dederemorãre tausome.

¹¹ Eropigu diaye áririre gamebirãre Goãmu erãre guyaripure peecũ iigucumi.

¹² Goãmu áripheerire diaye áririre peediabirinirãre, ñerire iidianirãre erã ya dipuwaja moagucumi.

Goãmu muaþure beyeñumi ïgu taumorãre, arí gojañumi Pablo

¹³ Acawererã, mari Opu mahirã, matague ta Goãmu muaþure dederebonirãre ïgu taumorãre beyepu mua. Mua Espiritu Santo itamuri mera ñeri mariro mua árimorã sãre beyepu. Mua ïgu yare peemorã árimorãre beyepu. Eropirã ïgu mua beyerare guñarã Goãmure sererã "Óhaa," ariniguicãro gahmea guare.

¹⁴ Eropigu iri ðari buherire gua buhera mera Goãmu muaere ïgu yarã áricũ iimi mari Opu Jesucristo ïgu ðari oparire mua sã opaboro dopa.

¹⁵ Eropirã ðaro guñaturarã árique mua. Eropirã gua wereniguiiri mera gua gojabeorapuri mera iri buherire ðaro guñaque mua. Eropirã iri buherire tarinugabiricãque.

¹⁶ Mari Opu Jesucristo ïgu basi Goãmu mari Pagu mera marire mahigu, umuri nucu marire mucubiricũ iimi. Marire mahigu peamegue wabonirãre taugucumi marire. Eropirã Goãmu ïgu tauborore ðaro masi mucubiria mari.

¹⁷ Eropigu Jesucristo mari Pagu mera muaere siporã turaniguicũ iiporo. Eropigu mua ïgu yare duhubiricũ iiporo. Áripheerire ðari iirire ðari wereniguiiri sãre muaere iicũ iiporo.

3

Gua ya áriburire Goãmure serêbasaque, arí gojañumi Pablo

¹ Acawererã, dohpague gua ya áriburire Goãmure serêbasaque. Mari Opu buheri cãhnotaro mariro bajarã masare buheburire serêbasaque. Eropirã ïgu buherire mua ðaro gamediro dopa ta gajirã bajarãpu iri buherire umupeori mera erã gameboro dopa serêbasaque mua Goãmure.

² Gajirã Jesure umupeobeama. Eropirã erã Jesure umupeobirã ñerã masa guare erã ñero iidiarire Goãmure serêbasaque guare ïgu itamuboro dopa.

³ Mari Opu ðagu ïgu werediro dopa ta iimurimi ïgu. Eropigu muaere ïgure umupeocũ iigucumi. Eropigu mua ñero iibiriburire ïgu muaere cãhnotagucumi.

⁴ ïgu muaere ïgu eropa cãhnotarare masia gua. Eropirã muaere gua dorediro dopa ta iiaa mua. Eropirã irire iirãca daja muraro ta. Iri sãre masia gua.

⁵ Eropigu mari Opu Goãmu ïgu muaere mahirire muaere masicũ iiporo. Eropigu Cristo ñero taririsubu ïgu siporã turadiro dopa ta mua sãre siporã turaniguicũ iiporo mari Opu.

Marire turaro mohmero gahmea, arí gojañumi Pablo

⁶ Jesucristo mari Opu ïgu dorero mera ðpa dorea muaere: Mua Jesu yarã mera majarã mohmediabirãre gua dorerire iibirãre wapicubiricãro gahmea. Eropa ïacãque erãre.

⁷ Sohõ árirasubu mua mera gua árirasubure gua turaro mohmecũ íabũ mua. Eropirã gua iidiro dopa ta mua sãre mohmero gahmea. Mua basi irire ðaro masia.

⁸ Eropirã mua barire waja mariro ne babirabũ. Eropirã umuri nucu, ñamiri sãre burigã mohmemurabũ gua muaere barire sereri arirã.

⁹ Gua muaere buhera waja muaere wajayedoreboaya gua. Wajayedorebirã gua basi burigã mohmeabũ mua guare íhacuburire.

¹⁰ Mua mera árirasubu ðpa arí buheabũ muaere: "Mohmebigu babiricãporo," arí buhemurabũ gua muaere.

¹¹ Yujurãyeri mua mera majarã ne mohmebirañorã. Eropirã gajirãre sererã garibotariañorã erã.

¹² Eropirã mohmediabirãre mari Opũ Jesucristo dorero mera õpa arãa: “Erã yare ìha erã basi mohmeporo erã baburire,” arãa yũhũ.

¹³ Gũa acawererã, mũapũ õarire iiniguirã gariborebircãque.

¹⁴ Eropirã ero majarã yujugũ ire gũa gojabeo dorere tarinũgacũ ìha masi ìgũre wapicubircãque. Ìgũ ñero iira mera ìgũ gũhyasiuro pepiboro dopa ìgũre wapicubircãque.

¹⁵ Ìgũre wapicubiriquerẽ ìgũre ìhaturibircãro gahmea. Ìgũ mũa acaweregũ Jesu yagũ ta àhrimi. Eropirã ìgũ tarinũgagũre õaro wereque ìgũre ìgũ dipaturi irire iibirimaja õaro dopa.

Pablo gojatuñumi

¹⁶ Mari Opũ marire õaro árĩcũ iigu mera mũari mũcu õaro árĩque mũa. Eropigu “Mari Opũ mũa árĩpẽrerã mera árĩporo,” arĩgũ mũare õadorea.

¹⁷ Dohpaguere yũ basi ta gojatugũ iiaa. Eropigu mũare õadorea. Árĩpẽreri pũrire yũ gojabeori pũrire õpa ta arĩ gojatuhaa yũhũ. Eropa gojatura puhũ yũ basi iripũre arĩ gojagũ árĩcũ masirãca mũa.

¹⁸ Mari Opũ Jesucristo ìgũ mahiri mera bũrigã õadorea mũare árĩpẽrerãre. Eropa ta árĩnigũicãporo. Iripẽta àhraa.

1 Timoteo

Pablo Timoteore gojabeopu

¹ Yuhu Pablo mare Timoteore ire gojabeogu iaa. Goamu marire peamegue wabonirare taudigu ahrimi. Jesucristo yare buhedoregu igu apidigu ahraa yuhu. Mari Pagu Jesu mera igu dorediro dopa igu apidigu ahraa. Jesu ta marire itamumi. Eropira marire igu tauborore masira irire mucubiri cohrea mari.

² Yuhu mare Jesucristo yare buhecú peegu Jesure umupeonugabu. Eropigu muhu diaye ta yu magu iro dopa arigu ta ahraa. Eropigu Goamu mari Pagu mera, mari Opu Jesucristo mera dadorea mare. Eropigu igu itamuri mera oaro arique muhu.

Pablo guya buherire buhedorebiripu

³ Sohó arirasubure Macedonia yebague wagu mare Efeso macague api tari wahgabu. Ero yujurayeri gaji buherire guya buhera arima. Iri buherire buhedorebiribure apibu yuhu mare.

⁴ Era guyara era gamero buhemaacama. Era acawererá iribojegue majara era arí bocarare eropa buhenigucama. Iri buheri mera gajirare dayasocú iima. Eropira Goamu igu dorere gajirare iicú iibeama era eropa buhera. "Goamu yare itamugucumi," arí umupeora igu dorere iima. Eropigu era gamero buhedorebiribure apibu yuhu mare.

⁵ Goamu opa gahmemi. Neri dipuwaja mariri mera, oari guñari mera, diaye Jesucristo umupeori mera, gajirare mari mahi umupeoburire gahmemi. Irire era iiboro dopa apibu mare.

⁶ Era yujurayeri i oari buheripure coátuha gaji buheripure gahmema daja. Eropira iri buheripure dayasori gorowerema. Iri era buheri era game dayasori duhpiburi aríbeaa.

⁷ Era Moise dorere masare buhera ardiaquererá ta era basi ne oaro masibeama. Eropira guhadiaro mera buhequererá era buherire ne masibeama era.

⁸ Moise dorere diaye ta mari buhecú oari dorere ahraa. Irire mari oaro masia.

⁹ Iri dorere buhera ire masiro gahmea: Iri dorere oaro iirare erare buheburi aríbeaa. Nero iirapure erare buheburi ahraa. Opa ta iirare buheburi ahraa: Dorere tarinugarare, Goamure tarinugarare, neri dihtare iirare, Goamure gamebirare, nero werenigui corerare, era pagu sumarare wejere, era pago sa nomere wejere, gajira masare wejere,

¹⁰ nome mera nero iirare, ama mera nero iira nomere, ama seyaro nero iirare, nome seyaro ariquererá nero iirare, masa porare yaja duarare, guyaricurare, Moise dorere erare buheburi ahraa ii. Eropiro gajira arípehrerare oari buherire tarinugarare buheburi ahraa Goamu igu dorere.

¹¹ Goamu dagu igu oari buheri mera iri neri iirare coadoremi. Iri buheripure yare Goamu buhedoremi.

Goamu igu marire mojomoro iarire wereru Pablo

¹² Eropu ya buhecú, Jesucristo mari Opu turarire igu ogu itamumi. "Pablo oaro buhegucumi yahare," arí pepiñumi Jesu yare. Eropigu yare beyegague ta igure itamubure apimi yare. Igu eropa iicú "Ohaa," araa yuhu igure.

¹³ Iribojegue ya Jesucristo nero wereniguiquerecú ta, igu yarare nero iiquerecú ta igu yare beyemi. Eropigu igure masinibigu igu yarare nero iigu "Nero iigu iica," arí pepibirimuricarabu. Yu eropa masibiricú igu igu mojomoro iamí yare.

¹⁴ Eropigu Goamu mari Opu yare burigá mahigu oaro iimi yare. Eropigu Jesucristo umupeocú iimi igu yare. Eropigu igure masa sare mahicú iimi yare.

¹⁵ Yu gajira tauro netariagu ariribu. Nerá mari aríquerecú ta Jesucristo mari nerire coabu i yebagueré erami. Marire peamegue wabonirare taubu erami. Iri diaye ta ahraa. Igu eropa arigu aricú arípehrerá irire masiporo.

¹⁶ Netariagu ya aríquerecú ta igu yare mojomoro iamí. Eropu mojomoro igu Jesucristo guaro mariro, igu yare oaro iirare masicú igu iimi. Puhru igure umupeomorá era sa igu oaro mojomoro iaburire era masiboro dopa oaro iimi yare. Igu eropa umupeora arípehrerinari umaroguere eropa oaro ariniguicáracoma.

¹⁷ Goamu arípehrerinari masa tauro opu ahrimi. Igu ne siribeami. Mari mera igu aríquerecú ta igure iabeaa mari. Eropigu igu dihta Goamu gohra ahrimi. Eropira "Diaye ta dagu, turagu ahrimi igu," arira igure. Umuri nucú igure umupeora. Eropu ta iira.

¹⁸ Timoteo yu magu iro dopa ta ähraa muhu. Eropigu dohpaguere ire mure dorea. Jesu yarä Goämu ya weremuhtarä erä mure werediro dopa ta mure dorea. Cristo yare öaro wereniguique. Eropigu ñero tariqueregu ta igüre umupeo duhubiricäque muhu.

¹⁹ Jesure eropa umupeonigucäque. Ñeri dipuwaja mariro árïque. Eropigu öari dihtare iique. Yujuräyeri irire iibirä Jesu yare erä cohäma. Eropa cóarä igüre umupeo duhucäma.

²⁰ Eropa ta iiaa Himeneo, Alejandro mera. Eropigu "Watí igu gamero eräre iiporo," arïgu eropa apicäbu eräre Goämure erä ñero wereniguinemobiriboro dopa.

2

Goämure serēbasarire werepu Pablo

¹ Dohpaguere öpa arï doremuhtaa muare: Árïpehrerä ya árïburire Goämure serēbasaque. Eropa serērä "Öhaa," arïque Goämure.

² Oparä, gajirä masa tauro dorerä säre, erä öaro doreburire Goämure serēbasaque eräre mari öaro árïricu árïboro dopa. Eropirä gamequeäro mariro ñeri marirä Goämure umupeorä mari öaro árïboro dopa eräre serēbasaque.

³⁻⁴ Eropa ta gajirä ya árïburi säre mari Goämure serēbasacü öapüricäa. Irire mari iicü ïagu Goämu marire taubupu marire öaro ihasuami. Árïpehrerä masa peamegue waboniräre igu taumorä dihta árïcü gahmemi Goämu. Eropigu öari buherire diaye majare erä masicü gahmemi igu. Eropigu gajirä ya árïburire mari igüre serēbasacü mucubirimi Goämu.

⁵ Yujugu ta ährimi Goämu. Eropigu Goämu mera mari öaro árïcü amubasagu yujugu ta ährimi. Igu ährimi Jesucristo. Jesucristo sä masu ta ährimi.

⁶ Eropigu árïpehrerä erä ñeri iira dipuwajare wajayebasadigu árïmi igu crusague sïridigu. Eropigu Goämu igu queorasubu masare ire masicü iimi.

⁷ Masa masicü iibure igu yare werebure irire Goämu yare apimi. Eropigu judio masa árïbiräre Jesure umupeoburire öari buherire buhebere beyemi yare. Diaye ta mure weregu iiaa yuhu. Guyabeaa.

⁸ Árïpehrero majaräpu Goämu yare öaro iirä Goämure erä serēcü gahmea. Eropa Goämure serērä erä guaro mariro, game dūyasoro mariro erä árïcü gahmea.

⁹⁻¹⁰ Nomepure Jesu yarä erä öaro árïricurire iicü gahmea. Eropirä queoro erä ejatuharo suhri sañarä árïporo. Eropirä gajiropa bejari poaric "Yuhu öago ähraa," arï ihmubiricäporo. Eropirä öari dari oro dari waja pagari buyarire, öari suhri waja pagari suhri sañarire guñabiricäporo. Eropirä öaro erä iira mera, erä öarä nome Jesu yarä nome erä árïrere ii ihmuporo.

¹¹ Ejarimariro umupeori mera peerä öari buherire peeporo erä nome.

¹²⁻¹⁴ Eropirä nome muä gamenererogue umare buhebiricäporo. Eropirä umare dorebiricäporo. Erä nomepu ejarimarirä nome árïporo. Goämu Adánre ihacünugumuhtañumi. Igu puhru Eware ihacünuguñumi. Eropigu watí igu guyacü peedigu Adán árïbiriñumi. Igu guyacü peedigopu Eva árïñumo. Eropa igu guyacü peego Goämure tarinugago wañumo igo. Eropirä nomepu umare dorebiricäporo.

¹⁵ Nomeo árïmuhtadigo igo tarinugaquerecü ta nome erä poräre öaro opacü ïagu eräre Goämu peamegue waboniräre taugacumi. Eropirä nomepu Goämure erä umupeonigucäcä, Goämu eräre itamugacumi. Eropigu masare Goämu säre erä mahiniguicü pee masirä nome erä árïniguicü Goämu itamugacumi eräre.

3

Jesu yarä tauro oparä erä iiburire werepu Pablo

¹ Jesu yarä doregu árïdiagu öarire iidiagu ährimi igu. Iri diaye ta ähraa. Eropigu Jesu yarä doregure apigu öpa árïgupare beyeque.

² Dipuwaja marigure beyeque. Eropirä gajirä igüre weresä masiya mara. Eropigu yujugore ta marapocagu árïgure beyeque. Eropigu öaro pee masigüre, guhyadiagure, masare öaro mera igu wihire ñajaridoregüre, gajiräre öaro buhemehregüre beyeque muä.

³ Eropa beyegu ne merebigüre, gamequeäbigüre, masare öaro iigüre, game dūyasobigüre, niyerure gamebigüre beyeque.

⁴ Igu poräre igu marapo säre igüre umupeori mera erä yührirä árïcü iigüre beyeque Jesu yaräre dorebure.

⁵ Īḡu porāre Īḡu marapo sāre ōaro yuhricū iimasibigu árīḡu Goāmu yarā sāre ōaro yuhricū iimasibiribocumi.

⁶ Jesu yarā opu árībure beyegu ne Jesu yagu űajagure beyebita. Ne űajagure beyecū Īḡu "Jesu yarāre tauro āhraa yuhu," arī pepibocumi. Īḡu eropa arī pepicū Goāmu Īḡure dipuwaja moadorebocumi watire Īḡu iidiro dopa ta. Watī Goāmu tauro árīdiari waja Goāmu Īḡure dipuwaja moapu. Eropiḡu ne Jesure umupegu árīḡure beyebita.

⁷ Jesu yarā dogure beyegu Jesu yarā árībirā "Ōagu āhrimi," erā árīḡu dihtare beyeque erā Īḡure werewuabiriborore. Ōaro iigu Īḡu árībiricū ĩarā gajirā Īḡure werewuabocoma. Eropiḡu Īḡu watī gamero dopa ta iigu árībocumi.

Jesu yarāre itamurā diáconoare erā iiburire werepu Pablo

⁸ Eropirā Jesu yarāre itamurāpure beyerā ōarā árīrā sāre beyeque. Erā guhyadiaro árīrāre, ōaro diaye ta wereniguirāre, merebirāre, niyerure gamebirāre beyeque muhu.

⁹ Eropa ta Jesucristore ōaro umupearā "Goāmu yare ōaro diaye ta āhraa," arīrā árīrāre beyeque.

¹⁰ Eropirā Jesu yarāre itamurā árīdiarāre erā iurare ĩamuhtaque muu. Mua eropa ĩara puhrū erāpu dipuwaja marirā árīrā Jesu yarāre itamurā űajaporo erā.

¹¹ Eropirā erā marasā nomepu ōpa árīporo: Pee masirā nome, űeri quere iibirā nome, guhyadiarā nome árīporo erā nome sā. Eropirā árīpehreri ōarire iiniguirā nome árīporo erā nome.

¹² Eropirā Jesu yarāre itamurāre beyerā yujurāyeri nome ta marapocurā árīrāre beyeque. Erā porāre gajirā erā ya wihi majarā sāre ōaro ĩhadiburā árīrāre beyeque.

¹³ Mu eropa beyenirā Jesu yarāre ōaro erā itamucū gajirā erāre ōaro ĩhasuarācoma. Eropirā ōari buherire, Jesucristore erā umupegu sāre güiro mariro buherācoma erā.

Goāmu ya buherire werepu Pablo

¹⁴⁻¹⁵ Dohpaguere mu pohrogue wadiagu iiraa. Eropa wadiaquereḡu dohpaguere wanibigu ipū mera mure were gojabeogu ĩaa. Jesu yarā gamenererā watope muu dohpa iiborore mure were gojabeogu ĩaa, "Dohparagāre wabiriboca," arīḡu. Jesu yarā Goāmu ojocarigu yarā āhrima. Īḡu yarā diaye árīri buherire Goāmu ya buherire ōaro opama. Eropa oparā irire buheniguima.

¹⁶ I diaye āhraa. Marire Goāmu Īḡu buhera mari ōaro iiburi buheri āhraa. Goāmu iri buherire marire masicū ĩimi. Iribojegue mari masibirira mura ōatariari buheri āhraa. I buheri ōpa āhraa:

Īḡu Cristo mari dupu iro dopa ta dupucugu masa dehyoadigu árīmi. Ōagu űeri marigu Īḡu árīcū ĩhmudi árīmi Espiritu Santopu. Anyua sā Īḡure ĩanirā árīma. Eropirā gua Īḡu buhedore apinirā gaji yeba majarāre Īḡu yare buhebū. Eropirā i yebare masa bajarā Īḡure umupegoma. Puhrū umarogue Goāmu aiadi árīmi Īḡure. Iri ta āhraa ōari buheri.

4

Ōari buherire cóārācoma arī werepu Pablo Timoteore

¹ Espiritu Santo ire ōaro weremi: Pehrerinū coregā yujurāyeri masa Jesu ya buherire cóārācoma. Eropirā guyarī buheripure watī yare buherāpure peenururācoma erā.

² Iri buherire buherā guyaniguirā wererācoma masare. Erā guyaniguirāpu "Gua tamerare dipuwaja mara," arī pepirā árīrācoma. Erā űero iirapure ne guñasome.

³ Ōpa arī buherācoma erā: "Marapocubiricāque. I barire babiricāque," arī buherācoma erā. Erā eropa badorebiriquerecū ta Goāmu barire ĩhacūnugudi árīmi mari baburire apigu. Mari Cristore umupearā árīcū ōari buherire mari masirā árīcū, mari ya árīburire ōarire iri barire apipu Īḡu. Iri barire oparā Īḡure "Ōhaa," mari árīcū gahmemi Īḡu.

⁴ Árīpehreri Goāmu Īḡu ĩhacūnugura ōari āhraa. Eropirā Īḡu ĩhacūnugurare barire arīrā. Goāmure "Ōhaa," arīrā, "Irire basome," arībiricāro gahmea. Iri barire basuaro gahmea marire. Eropirā "Irire babiricāque," gajirā erā árīcū peebiricāque erāre.

⁵ Īḡu ĩhacūnugura iri ōari árīcū weretuhapu Goāmu. Eropirā Īḡure "Ōhaa," mari arīra puhrū "Iri bari ōari bari āhraa," arī baro gahmea marire.

Jesu pohro majagu ōagure werepu Pablo Timoteore

⁶ I yu wererare diaye majare Jesu yarāre buhegu Jesucristo pohro majagu ōagu āhraa muhu. Eropa buhegu ōari buherire peenurugu árīḡuca. Ōaro mu peerare peenuru masipehogu árīḡuca muhu.

⁷ Eropigu eropa erā arī bocarare, Goāmū ya maja árībirirare peebiricāque. Eropigu Goāmū gameri dihtare iinigicāgu árīque mūhū.

⁸ Mū mohmepocū ōañaria. Mū mohmepodiro tauro Goāmū gamerire mū iipocū ōataria mūre. Goāmū gamerire iipogu dohpaguere ōaro āhraa mūhū. Eropigu mū sīrira puhūgue sāre masa mūriagu ōaro árīgūca mūhū. Eropigu Goāmū gamerire iinigicāque.

⁹ Iri diaye ta āhraa. Árīpehrerā irire yū arīrare masirā, “Diaye ta āhraa,” arīro gahmea erāre.

¹⁰ Eropigu árīpehrerā yū arīrare masirā “Diaye ta āhraa,” erā arīburire Goāmū gahmemi. Eropirā erā eropa iiburire mari turaro mohmea. Eropirā űero taria mari gajirā marire űero erā iicū. Goāmū ojocarigu árīpehrerāre peamegue wabonirāre taugu āhrimi. Īgure umupeorā tamerare ĩgu taumi. Goāmū marire ōaro iiburire masirā ĩgure mucubirirā iiaa. Eropā mucubirirā Goāmū gameripūre masa iiburire buřigā buhe mohmea mari.

¹¹ Iri árīpehreri yū arīrare doreque Jesu yarāre. Eropigu irire buheque mūhū.

¹² Mamū mū árīcū ĩarā gajirā Jesu yarā mūre peediabiribocoma. Erā mūre peeboro dopa ōpa ii ĩhmuque erāre: Masare mahique. Eropigu Jesure umupeoturanigicāque. Eropā árīgu dipuwaja marigu árīque. Mamū árīqueregu ta mū irire iicū ĩarā mūre peerācoma erā. Eropirā mū wereniguirire peerā, mū iirare ĩarā mūre ĩhacūrācoma.

¹³ Eropigu mū pohrogue yū ejaboro core ōpa ii ōaro mohmeyuque. Jesu yarā gamenererāre Goāmū yare gojarapūre buhe ĩhmuque erāre. Eropigu erāre irire buhetuha werenemoque daja. Eropigu erāre ōaro masinemocū iique.

¹⁴ Ero core Jesu yarā oparā Goāmū dorecū erāpū mū weca erā mojotorire duhpeoma. Erā mūre eropa duhpeocū Goāmū ĩgu turarire odi árīmi mūre. Eropigu Goāmū ya árīburire mū mohmemasiburire apidigu árīmi mūre Goāmū. Īgu mūre eropa mohmemasiburire apirare cādijibita.

¹⁵ Yū eropa wererare guña eropa iinigicāque mūhū. Mū eropiira puhū ōarire mū iinemocū árīpehrerā ĩarācoma.

¹⁶ Mūpū ōaro iique. Eropigu ōaro buheque mūhū gajiropa buheri arīgu. Mūhū eropiigu ĩgu taudigu árīgu Goāmū mera árīnigicāguca. Eropirā mūre peenirā sā ĩgu taunirā árīrā Goāmū pohro árīrācoma.

5

“Jesu yarāre ōpa iique mūhū,” arīpū Pablo Timoteore

¹ Ne buğure turibiricāque. Mū pagure mū ōaro iidiro dopa ta, buçu sāre ōaro mera wereque. Eropigu mū pagū porāre mū ōaro iidiro dopa ta, mamarā sāre ōaro umupeori mera erāre wereque.

² Eropigu mū pagore mū ōaro iidiro dopa ta mūrā nome sāre ōaro umupeori mera wereque. Eropigu mū pagū porā nomere mū ōaro iidiro dopa ta, nōme sāre űero űaribejaro mariro ōaro umupeori mera wereque erāre.

³ Eropigu wapeweyarā nomere diaye ta mojomorocārā nomere umupeori mera itamuque erā nome sāre.

⁴ Wapeweyo porācuگو igo árīcū pāramerācuگو igo árīcū sāre, erāpū igore itamuporo erā masura waja. Eropā itamurā Goāmū masare erā acawererāre ĩgu itamudorediro dopa ta iirā iima erā. Erā eropiicū ĩagu ōaro Goāmū mucubirimi.

⁵ Mojomorocūگو wapeweyo acawererā moogo árīgo, Goāmū igore itamuburire cohremo igoa. Eropigo űamiri nūcu, űmuri nūcu igo Goāmure eropa serēnigicāmo.

⁶ Gajigopū wapeweyo árīgo eropa iimaacāgo árīgo ojocarigo árīquerego igo sīporā dederebo sīridigo iro dopa ta iimo.

⁷ Eropigu i árīpehreri yū werera wapeweyo itamuburire Jesu yarāre iidoreque mūhū. Ōpa wereque erāre ōari dihtare erā iiburire gajirā erāre werewuabiriburire.

⁸ Eropigu yujugu ĩgu acawererāre ĩhadibubigu, ĩgu porā erā pago sāre ōaro ĩhadibubigu “Jesu yagu āhraa,” arīmasibeami. Goāmū dorediro dopa iibeami. Eropigu Goāmū ya buherire yūhribigu āhrimi. Jesure gamebirā tauro űetariagu āhrimi ĩgūpū.

⁹ Wapeweyarā nome mūa itamumorā árīcū erā űaire gojaturāca. Mūa eropa gojaturā ōpa árīrāre erā űaire gojatuque. Sesenta bojori ejabigo igo űaire gojatubiricāque. Eropirā wapeweyo yujugu ta marapūcūdigore gojatuque.

¹⁰ “Īgo ōarire iigo āhrimo,” masa erā arīgore gojatuque. Eropirā igo porāre ōaro masugo árīdigore gojatuque. Eropirā igo ya wihire gajirāre ōaro mera űajaridoregore gojatuque. Eropirā pohro majago iro dopa Jesu yarāre itamugore űero tarīrāre

itamugore, áripehreräre mojomoro ïagore, ðari dihtare iidiagore gojatuque. Eropá áriřäre ïagu iripü ta erä waire gojatuque mua erä mua itamumorä áriřorore.

¹¹ Wapeweyarä nóme, nómeñari erä áricü erä waire gojatubiricäque erä Jesu yaräre itamumoräre. Puhru erä waire mua gojatura puhru erä gamero iidiarä Cristo yare duhu, dipaturi mojoto diribocoma.

¹² Eropirä erä mojoto dirirä Cristore “Mu yaräre itamugora,” erä aridirore iibiribocoma. Erä eropa iibirira dipuwaja dipuwajacuräcoma.

¹³ Erä nómeñari eropa itamurä áriřä tericurä nome wahama. Eropirä wirigüe ñajacurirä ñeri querere werenigui curima. Erä weredorebirirare werema erä nome.

¹⁴ Eropirä erä Jesu yaräre itamumorä ñajabiricäporo. Eropigu erä öpa iicü gahmea yuhu: Wapeweyarä nome, nómeñari áriřä mojoto diriporo daja. Eropirä erä poräcäporo. Eropirä erä ya wihi majare ðaro ïhadibuporo. Erä nome wapeweyarä nome eropa ta iicü marire Jesu yaräre ïhaturirä “Ñerire iirä iima,” arimasibeama marire.

¹⁵ Dohpague tamerare yujuräyeri nome wapeweyarä nome Cristo yare duhu wafí gameripure iinagatuhama. Eropigu öpa werea mre.

¹⁶ Jesu yarä erä acawerego wapeweyo igo áricü erä igo acawereräpu igure itamuporo. Gajirä Jesu yaräpure igure itamudorebiricäporo. Eropirä erä Jesu yarä igure acawererä opagore itamubirä, gajirä nome wapeweyarä nomepure itamumasima.

¹⁷ Jesu yarä oparäre erä mohmerire erä ðaro iicü ïarä umupeoque eräre. Eropirä ðaro wajayeque. Yujuräyeri mua mera majarä Goämu yare wererä mre buherä sä ährima. Erä tamerare tauro umupeo wajayeque.

¹⁸ Goämu yare erä gojarapüque mohmegure mua wajayeborore öpa werea: “Wecu trigo yerire cuhrafiacü ïgu disirore cähmotabiricäque. ïgu gamero baporo,” arí gojañorä. Eropiro gajipü öpa arä: “Mohmegure ïgu mohmeri wajare oro gahmea,” aräa Goämu yare erä gojarapüque. Goämu ya gojarapü eropa aricü peerä oparäre ðaro umupeoque mua. Eropirä ðaro wajayeque eräre.

¹⁹ Jesu yarä mera majagu opure yujugu ta ïgure weresäcü peebiricäque. “Opü ïgu öpa ñeri iirare ïabu,” perä o urerä arí weresära puhru peeque.

²⁰ Eropá peerä ïgu ñero iira áricü ïatuhaja Jesu yarä gamenererogue turique ïgure, gajirä ïgure ïha masi güiporo arirä.

²¹ Eropigu Goämu Jesucristo ïgu beyerä anyua erä ïhabeoro ire dorea mre. Dohpague yu mre dorerare iipehoque. Eropá ïgu gajigure gajiropa, gajigu säre gajiropa iibiricäque. Yujuropa ta iique áripehreräre Jesu yaräre.

²² Gajiräre Goämu mohmerire mü beyemoräre erä weca mü mojotorire duhpeoboro core ðaro ïaque muhu ïha masiri mera vojaro mariro. Ñerire iirä áriřocoma. Eropigu mü eräre beyera puhru erä ñerire iicü erä ñeri iira dipuwaja opaguca mü sä. Eropigu eräre beyeboro core erä áriřicurire ðaro masique. Eropigu áripehreri ñeri mariro áriřique muhu.

²³ Bajasuburi paru pürisügu ähraa muhu. Eropigu dohpaguere deco dihtare ihrigu áriřu, merogä vino säre ihrique muhu ococugu.

²⁴ Yujuräyeri erä ñerire iicü mari ïhaa. Eropirä Goämu eräre dipuwaja moaborore masia mari. Gajiräpure erä ñeri iirare mari ïha masibeaa. Puhru erä ñeri iirare masiräca Goämu dipuwaja moarinu áricü.

²⁵ Eropá ta yujuräyeri ðarire erä iirare masia mari. Gajirä erä ðarire erä iirare dohpaguere masibiriquererä ta puhru masiräca mari. Mari ïabirirare áripehrerä erä iirare puhru iri dehyocä ïaräca.

6

¹ Pohro majarä Jesu yaräpu erä oparäre ðaro umupeoporó. Erä eropa umupeocü ïarä gajirä Goämure mari arí buheri säre ñero werewuamasibeama.

² Erä oparä Jesu yarä áricü ïarä erä pohro majaräpu gua oparä sä Jesu yarä ta ährima. Eropirä “Eräre umupeobiricü ðaroca,” aribocoma. Eropá iibiricäro gahmea. Erä oparä Jesu yarä áriřä erä mahirä yujugu porä iro dopa ährima. Eropirä erä tamerare turaro itamuporo.

Goämure umupeori säre, ðaro áriři säre werepu Pablo

³ Yu wererare buheque. Eropigu ire doreque. Gajiropa áriřire guyarire buherä mari Opü Jesucristo ya buherire umupeobeama. Erä Goämure umupeori buherire gamebirä öpa iirä ährima.

⁴ “Masipehogü ähraa,” ariquererä ta diaye majare ne masibeama. Eropirä pee masibirä iro dopa ta turaro game duyasodiama erä. Eropirä Goämu yare arímaacä

dɥasorā āhrima. Eropā dɥasorā, game ĩhaturirā wahama. Eropirā gajirāre ñero quere moamasibiriquererā masare ñero arĭ pepima erā.

⁵ Eropirā erā ñeri dihtare pepiniguirā, diaye árĭrĭre ne masibirā eropa dɥasoniguicāma. Eropirā “Goāmɥ yare buherā niyerure wajatarāca,” arĭ pepirima. Erā eropa árĭrāre wapicubiricāro gahmea.

⁶ Mari ya mari opari mera mucubirirā Goāmure umupeorā diaye ta wajatarā ta iiaa.

⁷ I yebaguere masa dehyoarā ne gajinore aĭgāribiribɥ mari. Eropirā mari sĭrirā warā ne gajinore aĭgāmasibeeaa mari daja. Eropirā mɥa opari mera dihta mucubirique.

⁸ Eropirā mari barire, mari suhri sāre oparā, gajire gamenemobiricārā. Iri nɥca mera ta mucubiricārā mari.

⁹ Niyerure gamerā doberi wɥaro oparā árĭdiarā watĭ ñerire ĩgɥ iidorerire árĭpehreri ñerire iirā árĭbocoma. Eropirā erā bajasuburi pee masibirā iro dopa ta gajinore gametarirā, ñeri ɥaribejari duhubirā, erā basi ta ñero tarima. Eropā dedererā wacārā iiaa.

¹⁰ Niyerure gametarirā árĭpehreri ñerire iinɥgama masa. Yujurāyeri niyerure gametarirā, Jesure umupeo duhura pɥhrɥ bajasuburi erā ñero iira waja turaro bujowerema erā. Eropirā mari opariñepē ta mucubiriro gahmea marire.

Goāmɥ ya árĭburire iiboro dopa ñerire tarinɥgaque, arĭ gojañumi Pablo

¹¹ Mɥ tamera Goāmɥ yagɥ ta āhraa. Eropigɥ i ñerire iibiricāro gahmea. Eropigɥ ðaripure gameque. Goāmɥ yare iique. Eropā iigɥ Jesure “Diaye iigɥ āhrimi,” arĭ umupeoque. Eropigɥ gajirāre mahique. Ñero tariqueregɥ ta bocatĭuque. Nijiyajagɥ árĭtque masa mera. Eropigɥ gajirāre tarinɥgadiagɥ árĭbiricāque.

¹² ĩgɥ mera árĭpehrerinuri mɥ ðaro árĭniguicāburire Goāmɥ beyemi mure. Eropigɥ Jesucristore mɥ umupeorire bajarā masare ðaro werebɥ mɥhɥ. Eropigɥ ñero tariqueregɥ ta ĩgure umupeo ĩgɥ yare duhubita ɥmarogue ĩgɥ mera eropa mɥ árĭniguicābororo dopa.

¹³ Goāmɥ árĭpehrerāre árĭpehrerire árĭcɥ iigɥ āhrimi. Jesucristopɥ Poncio Pilatore Goāmɥ yare ðaro werepɥ. Eropigɥ Goāmɥ Jesucristo sā erā ĩhabeoro ire mure iidoregura:

¹⁴ Mure Goāmɥ ĩgɥ dorerare iipehocāque. Jesucristo ĩgɥ dujariboro core ñeri mariro, dipuwaja mariro ĩgɥ dorero dopa ta iiniguicāque.

¹⁵ ĩgɥ queoranɥ árĭcɥ Goāmɥ Cristore dujaricɥ iigucumi. Goāmɥpɥ ðagɥ ĩgɥ dihta masare doregɥ āhrimi. Eropigɥ árĭpehrerā gajirā oparā erā tauro opɥ árĭgɥ āhrimi.

¹⁶ Eropigɥ ĩgɥ dihta ne sĭribigɥ āhrimi. ĩgɥ gosesiriri mera árĭgɥ āhrimi. Eropirā masa ĩgɥ gosesirirogue ejamasibeama. Eropigɥ masa erā ne ĩabigɥ āhrimi. Eropirā dohpague sāre ĩgure ĩabeama. ĩgɥ eropa árĭgure umupeorā. Eropirā árĭpehrerinuri “Turagɥ āhrimi ĩgɥ,” arĭrā ĩgure. Eropā ta iirā.

¹⁷ Eropigɥ i yeba majarāre doberi oparāre ðpa arĭ doreque mɥhɥ: “Gajirāre tarinɥgaa yɥhɥ,” ne arĭ pepibiricāporo. Erā doberi erā opari pehrea waroca. Eropirā “Yɥhɥ wɥaro opari mera ðaro árĭgɥca,” arĭ pepibiricāporo. “Goāmɥ yapɥ mera ðaro árĭgɥca,” arĭ pepiporo. Árĭpehreri diaye ta mari gameripure ogɥ āhrimi ĩgɥ Goāmɥ. ĩgɥpɥre umupeoturaporo erā doberi oparā.

¹⁸ Eropirā erā ðaripure iiporo ðarire erā iirā árĭbororo dopa. Eropirā erā oparire mojomorocurāre orā árĭporo.

¹⁹ Erā eropiicɥ ɥmɥsigue Goāmɥ pohrogue erā ya árĭroca. Erogue árĭcɥ iri ne pehresome. Eropirā erogue ðaro árĭniguicārācoma erā.

Pablo Timoteore doretupɥ

²⁰ Mahgɥ, mure Goāmɥ ĩgɥ apirare ĩgɥ buhedorerare duhubita. Yujurāyeri masa Goāmure gamebirā iro dopa ta gɥyarire, pee masibirā ya buherire wereniguima. Eropā wereniguirā “ðaro masirā buheri āhraa,” arĭrima erā. Eropā erā wereniguirire peenurubiricāque.

²¹ Gajirā yujurāyeri erā wereniguirire peenururā Cristo ya buheripure cóacāma.

Goāmɥ ĩgɥ mahiri mera mure turaro ðadorea. Eropā ta árĭniguicāporo. Iripēta āhraa.

2 Timoteo

Pablo Timoteore dipaturi gojabeopu

¹⁻² Mũhu Timoteo yu magu iro dopa ta yu mahigu aħraa. Yũhu Pablo mure ire gojabeoa. "Árĩpehrerã Jesucristore umupeorã umusigue ðaro árĩniguicãrãcoma," arĩ apimi marire Goãmu. Igu eropa arĩ apirare werebure yare beye apimi Jesucristo Goãmu igu gamero dopa ta. Eropigu Goãmu mari Pagu Jesucristo mari Opu mera mure ðadoreo. Eropigu Igu itamuri mera ðaro árĩque mũhu.

Masare Cristo yare erã wererare werepu Pablo

³ Goãmu mera wereniguigu mũ ya árĩburire serẽniguicãa umuri nũcu. Eropa serẽgu Goãmure "Óhaa," arãa yũhu. Iribojegue majarã yu acawererã ñeri dipuwaja mariro igu Goãmure ta umupeoñuma. Erã umupeodiro dopa ta dohpaguere yu sã igu Goãmure ta umupeoa. Igu Goãmu gohra ta aħrimi yu mure serẽbasagu.

⁴ Sohõ árĩrasubure yu wacũ mũ orenũrusiarare guñagu mure turaro ñadiaca daja mũ mera ðaro mucubiridiagu.

⁵ Eropigu Jesure diaye ta mũ umupeorire guñaa yũhu. Mũ ñeco buro Loida, mũ pago Eunice sã Jesure umupeomũhtama mũ core. Eropigu dohpaguere igure mũ umupeocũ ðaro masia yũhu.

⁶ Eropigu ire mure guñacũ iidiaa. Mũ dipuru weca yu duhpocũ Goãmu igu ya turarire omi mũre. Igu ya árĩburire mũ mohmemasiburire mũre omi. Iri mohmemasiburi mera mohmeque mũhu.

⁷ Goãmu marire Igu Espĩritu Santore omi. Mari mera árĩgu masare marire guicũ iibeami Espĩritu Santo. Eropigu turarã, masare mahirã, pee masirã mari árĩcũ iimi igu.

⁸ Eropigu mari Opu ya árĩburire gajirãre weregu guhyasĩribita mũhu. Yũhu Igu yare iicũ iha gajirã gamebirã yare peresugue doboma. Peresu yu árĩcũ sãre ñagu yare guhyasĩrisãbircãque. Mũhu siporãguere ñero bujawerebircãque. Òari buherire mũ buheri dipuwaja mũ sã eropa wagu "Óaroca," arĩ pepique mũ sã. Mũ eropa ñero taricũ ñagu Goãmu mure itamugucumi.

⁹ Eropigu Goãmupu marire peamegue wabonirãre taumi. Eropigu ðarã Igu yarã árĩmorãre beyepu Igu. "Óarã aħrima erã. Eropigu erãre beyegura," arĩbiripu marire beyegu. Igu marire mahigu ta negohraguere marire beyepu igu gamero dopa ta iigu. "Eropigu Jesucristore erãre taubure obeogura," arĩ beyepu marire.

¹⁰ Eropigu dohpaguere Jesucristore marire taubure obeodigu árĩmi marire diaye ta igu mahirire ihmugu. Eropigu Jesucristo marire taugu marire igu yarãre dederebircũ iimi. Eropa iigu "Yũre umupeorã Goãmu mera ðaro árĩniguicãrãcoma," arĩgu ðari buherire marire weregu aripu Igu.

¹¹ Eropigu i ðari buherire werebure igu apimi yare.

¹² Eropa igu yare buhegu árĩgu dohpaguere ñero taria yũhu. Eropa ñero tariqueregu ta siporã mucubirigu aħraa. Yu guñaturagure Jesure masia yũhu. Turagu aħrimi Igu. Eropigu igu yare buhedore apigu ðaro itamugucumi. Eropigu Igu yare apirare yare buhe ojogorocũ ñhadibugucumi yare. "Yũre itamugucumi," arĩ irire ðaro masigu siporã mucubirigu aħraa.

¹³ Mure yu wererare ipehocãque. Jesucristo mure igure ðaro umupeocũ iimi. Eropigu igure gajirã sãre ðaro mahicũ iimi mũre. Eropigu "Diaye aħraa," arĩ irire guñaniguicãque mũhu.

¹⁴ Eropigu Espĩritu Santo mari mera árĩgu Igu itamuri mera ðari buherire ðaro buheque. Queoro buheque gajiropa arĩro mariro.

¹⁵ Yu peresugue árĩcũ iarã yare cóãgãpehrea wama. Árĩpehrerã Asia yeba majarã Jesu yarã yare itamudiabirã cóãgãpehrea wama. Erã mera majarã perã Figelo, Hermógene eropa ta iima erã sã. Erã eropa cóãgãrãre masituhaca mũhu.

¹⁶⁻¹⁷ Erã eropa cóãquerecũ ta Onesiforopu bajasuburi yare itamugu ðaro siñajacũ iimi. Eropigu Igu yu peresu árĩcũ Igu yare guhyasĩrisãbeamĩ. Eropigu Romague eragu yare amaniguicãdi árĩmi. Eropa amaniguigu yare bocami. Efesogue sãre igu marire itamurare ðaro masia mũhu. Igu eropiira waja igu porãre, erã pago sãre mojomoro ñagucumi mari Opu Jesucristo. Goãmu eropa iiboro dopa igure serẽbasaa.

¹⁸ Eropigu i yebague Jesu mari Opu dujaririnu arigu igure mojomoro ñagucumi. Iguere eropa iiboro dopa ta serẽbasaa Goãmure.

2

Ñero tariqueregu ta Jesu yagure bocatiuro gahmea

¹ Mupu yu magu iro dopa ta Jesucristo igu itamuri mera turagu arique.

² Eropigu bajarã masare yu buherare mu peerare gajirã sare wereturiaque muhu. Erã mu buherã Goãmu gamerire iiniguicãrã arïporo. Eropirã gajirãre buheturiarã arïporo erã sã.

³ Surara ñero tarigu igu yujuro bojero dopa ta Jesu yagu arïgu ñero tariqueregu yujuro bojeque. Eropa iigu gajirã Jesu yarã iiro dopa iigu iiaa muhu.

⁴ Surara igu opu igu doreripare iimi. Eropigu igu surara arïbirã erã iiripare iibeami igu. Mu sã eropa ta mari Opu igu dorera dihtare iique.

⁵ Omabiragu erã dorediro dopa queoro iibigu igu omatariara waja wajatabeami. Eropa ta mu sã Goãmu dorediro dopa ta iibigu Goãmu mera wajatasome.

⁶ Eropigu pohere ñero mohmedigupu igu mohmera waja iri pohe majare aïmũhtami. Eropa ta mu sã Goãmu yare ñero mohmera waja Goãmu oburire aïmũhtaguca.

⁷ Irire ñero masicũ iigucumi Jesu mari Opu mure. Eropigu dohpaguere yu mure arïdïrore ñero guñaque.

⁸ Jesucristore guñaque. Igu opu Davi mura pãrami igu arïpu. Eropigu sïridigu masa muriapu igu. Igu eropa siri masa muriara marire tauburi buheri ta ahraa. I ñari buherire buhegu iiaa.

⁹ Iri buherire buhegu ñero taria yuhu. Eropirã irire yu buhecũ ñha gajirã gamebirã ñegu iro dopa ta yare dipuwaja moa yare peresugue doboama. Masa yare cãhmotaquererã Goãmu ya ñari buherire cãhmota masiya mara.

¹⁰ Eropigu Goãmu igu beyenirãre buhegu bajasuburi ñero taria yuhu erã Jesucristo yarã erã arïburire. Igu yarã arïborore erã peamegue wabonirãpu tauborore ñero tarigu yujuro bojea. Eropigu erã Goãmu mera ñero arïniguicãborore ñero taria igu yare buhegu.

¹¹ I diaye ta ahraa:

Cristo ya arïburire mari iira dipuwaja gajirã marire wejẽquerecũ Igu mera masigue ñero arïniguicãrãca.

¹² Eropirã igu yare mari iira dipuwaja ñero tariquererã ta igu yare duhubirã arïrã igu opu arïroguere igu mera dorerã arïrãca mari sã. "Cristore yu masibea," mari gajirãre aricũ igu sã marire eropa ta arïgucumi.

¹³ Iguere mari tarinugacũ ñagu igu arïdiro dopa ta marire dipuwaja moagucumi. Igu arïro dopa ta iigu ahrimi igu. Ne guyabeami igu. I arïpehreri igu werera diaye ta ahraa.

Goãmu igu ñhasuarãre, igu yare buherãre werepu Pablo Timoteore

¹⁴ Ire yu wererare mu mera majarãre masicũ iique. Erã ejatuharo game duyaso wereniguiuri duhpiburi arïbeaa. Eropirã erãre peerãre ñero wacũ iima. Eropigu mari Opu igu ihuro opa arï wereque erãre. "Mua eropa wereniguiro dopa wereniguibiricãque," arique erãre.

¹⁵ Mupu Goãmu yare ñero buheque. Eropigu Goãmu ya arïburire turaro iique. Mu eropa iicũ ñagu "Ñero iibu muhu," arïgucumi Goãmu mure. Eropigu mu buherare igu ñacũ guhyasirisome muhu. Igu buheri diaye ahraa. Eropigu igu buherire ñero masique. Eropigu ire queoro buheque.

¹⁶ Erã ejatuharo bu arïrãre wereniguirã ñerire eropa iiniguicãma. Eropigu erã eropa arï wereniguirãre ñha gamebircãque muhu.

¹⁷ Erã wereniguiuri camiro boagãro iro dopa ta ahraa. Erã wereniguiuri gajirã Jesu yarãre ñerã wacũ iiaa. Eropa wereniguirã mera majarã Himeneo, Fileto sã ahrima.

¹⁸ Eropirã erã ñari buherire cõarã, "Jesu yarã sïrinirã erã ya dupu mura masa muriatuhaniã ahrima," arï buhemaacãma. Eropa gajiropa buherã bajamerãgã Jesu yarãre goroweorã iima.

¹⁹ Erã eropa ñero buhequerecũ ta, Goãmu ya buheripu ne gohrotobea. Igu ya diaye maja arïro pehrebeaa. Opa arï gojara ahraa: "Mari Opu igu yarãre masimi. Eropirã arïpehrerã 'Jesu yarã ahraa,' arïrã ñerire duhcãporo," arï gojañuma.

²⁰ Jesu yarã watope ahrima Goãmu yare ñero iirã. Gajiropa iirã sã ahrima ñeri buherire wereniguirã.

²¹ Eropigu yujugu Goãmu ya arïburire ñero itamudiagu iri ñeri buherire peebiricãporo. Arïpehreri ñerire duhcãporo. Igu eropiugu ñagu arïgu arïpehreri Goãmu yare ñero iimasimi. Goãmu gamegu ñero arïgucumi.

²² Eropigu mu mamu arigu mamarã erã ñeri ñaribejari iro dopa iibiricãque. Eropigu ñarire iique. Jesure umupeaturaniguicãque. Eropigu igure masa sãre mahi umupeoque. Eropigu gamequeãro mariro gajirã mera ñaro arique muhu. Eropa ta iique gajirã ñeri dipuwaja marirã mera Goãmure game serënguigirã mera arigu.

²³ Eropigu pee masibirã erã arĩ ñuyasorire mu sã peenurubita. Eropigu mu sã ñuyasobita. Eropa arĩ ñuyasorã masa game gameturinugama.

²⁴ Mari Opu pohro majagure ñuyasobiricãro gahmea. Eropigu arĩpeherrerãre ñaro iigu buhemehregu, mata guabigu igure arĩro gahmea.

²⁵ Eropigu gajirã igu mera ñuyasocã igu erãre weregu ñaro mera yojaro mariro mera yuhriro gahmea igure. Igu ñaro yuhricã iarã erãpu Goãmũ igu itamuri mera erã ñeri iirire bujawerebocoma. Eropirã ñari buherire diaye majare masinugabocoma.

²⁶ Erãre watĩ oparimi igu gamerire iimorãre. Eropirã erã ñero iirare bujawerera puhru ñari buheripure masirã, watire coãrãcoma.

3

Pehreburinũ majare werepu Pablo Timoteore

¹ I umu pehreburinũ coregã ñero tarirãcoma masa. Iirire ñaro masique muhu.

² Irisubure masa gajirãre guñabirã, erã ya arĩburi dihtare guñarã, niyerure gamerã, “Gajirãre tarinugaa gua,” arĩ erã basi pepirã, masare ñero turirã, erã pagu sumarãre tarinugarã, erãre oquerecã ta “Õhaa,” arĩbirã, Goãmure umupeobirã arĩrãcoma.

³ Eropirã masare mahibirã, mojomoro iabirã, ñeri quere iirã, ñeri ñaribejarire duhumasibirã, masare eropa paniguirã, ñarire gamebirã arĩrãcoma.

⁴ Erã mera majarãre ñero iirã, pepiri moorã, “Masipehorã ãhraa,” arĩ pepirã arĩrãcoma masa. Eropirã erã, erã ñaribejarire iisuarã arĩrã Goãmure umupeo saabeama.

⁵ Eropirã erã masa erã ñhabeoro Goãmure umupeoquererã ta “Goãmũ duhpibu arĩbeami,” arĩ pepirama erã.

Eropa arĩrãre wapicubiricãque muhu.

⁶ Erã mera majarã pee masibirã nome pohro ñaja, erã nomere guyarire buhema. Erã nomepu turaro ñerire iiniguirã arĩrã, turaro ñerire iidiarã ãhrima.

⁷ Erã nome eropa peeniguirã nome arĩquererã ta, diaye majapure ne masibeama.

⁸ Iribojegue Jane, Jambre sã yee arĩnirã Moise wererare gamebiridiro dopa ta erã sã ñari wereniguirire diaye majare gamebeama. Erã ñeri dihtare pepirã ãhrima. Eropirã Jesure umupeorã gohra arĩbeama.

⁹ Eropa iirã guyari mera erã iidiarire yujuro bojesome. Puhru erã guyarire, erã pee masibiriri sãre arĩpeherrerã ñha masirãcoma. Jane, Jambre mera erã guyarire iribojegue masa erã ñha masidiro dopa ta eropa ta masirãcoma masa pehreburinũ coregã arĩrã erã guyarire.

Pablo Timoteore doretupu

¹⁰ Mũpu yu buherare, yu arĩricurare, yu iidiarare, Jesure yu umupeorare ñaro ñhabu. Eropigu guaro mariro yu iirare, masare yu mahi umupeorare, ñero tariqueregu yu yujuro bojerare masia muhu.

¹¹ Eropigu Jesucristo yare yu iira waja yare erã ñero iirare, yu ñero tarirare masia muhu. Eropigu Antioquiague, Iconiogue, Listrague yare ñetariaro erã iira sãre masia muhu. Eropa yu wacã ñha mari Opu Jesucristopu yare itamumirimĩ.

¹² Arĩpeherrerã Jesucristo yarã arĩdiacũ Goãmũ gamerire iiniguidiacũ gajirã erãre ñero iirãcoma. Iri diaye ta ãhraa.

¹³ Eropirã ñerãpu, guyarã sã, ñetariarã arĩniguicãrãcoma erã. Gajirãre guyarã, erã basi sã guyarire peerã eropa ta ñetariarã arĩniguicãrãcoma.

¹⁴ Mũpu yuhu mũre buherare ñaro mu peerare eropa iiniguicãque. Mũre buhenirãre masia muhu.

¹⁵ Mu majigu arĩgugue ta, Goãmũ yare erã gojarapure masinugayoro. Igu yare erã gojarapũ mu buhegu masia Jesucristo marire tauburire. Eropa buhegu “Jesucristore umupeorã dihtare peamegue wabonirãre taumi Goãmũ,” arĩ masia.

¹⁶ Goãmũ yare erã gojarapure arĩpeherrerire Goãmũpu gojadorepu erãre. Eropirã iripure buherã mari masinemoa. Iripure buherã mari ñaro iiburire masia. Eropirã mari ñeri iirire masia iripure buherã. Eropiro iripũ marire ñaripure gohrotodorea. Eropiro umuri nucu mari ñarire mari iiniguiburire werea iripũ.

¹⁷ Eropigu Goãmũ yagu igu yapure buhegu, masipehocãgucumi. Eropa masigu arĩpeherrerire ñarire iimasigucumi igu.

4

¹ Jesucristo áriþehreräre doregu arigu dujarigucumi. Eropá dujarigu ojocariräre, sírinirä säre dipuwaja moagucumi. Eropigu ïgu ïhabeoro ire müre dorea yuhü: Goãmü sä ïgu ïhabeoro ire dorea müre.

² Ümüri nücu masa erä peediacü, erä peediabiricü säre Goãmü yare wereque. Eropá weregu masare öde ñeri dipuwajare masicü iique eräre. Eropigu “Müa ñeri iirire iinemobiricäque,” arí wereque eräre. Öaripüre iidoreque. Eropá weregu ne guabigu gariborebigu áriþque mühü. Eropigu gajiräre buhe duhubita.

³⁻⁴ Pührü, gajisubuguere masa öari buherire peediasome. Eropá peediabirä erä gamero dopa ta iirä, erä peediari dihtare buhemoräre amaräcoma erä. Eropirä gayari buherire buherä bajarä oparäcoma erä. Erä eropa iirä öari buheri diaye majapüre cohä, erä eropa arí bocara buheripüre peenaruräcoma.

⁵ Eropigu müpu diaye majare buhe duhubita. Eropá iigu ümüri nücu öaro pee masigu áriþque. Eropigu ñero tariqueregu ta yujuro bojeque. Eropigu öari buherire eropa buheniguique masa Jesu yarä waboro dopa. Goãmü müre ïgu iidorerare iipehocäque mühü.

⁶ Yuhü Goãmü yare yü iira dipuwaja yü síriboro merogä dühyaa. Eropigu bajamenürigä árinigüca. Eropigu dohpaguere müre dorea.

⁷ Yü síriboro coregä ire weregura: Jesucristo yäre öari buherire buhedoregu ïgu apirare öaro buhe ojogorocüabü. ïgu dorerire öaro iipehocäbü. Eropigu ñero tariqueregu ta ïgure ne umupeo duhubiribü.

⁸ Yü eropa öarire iira wajare ümüsigue dibugucumi yäre. Eropigu mari Opü áriþehreräre masipehogu, diaye ta dipuwaja moabu áriþü, queoro weregu ïgu dujaririnü yü wajatarare ogucumi yäre. Gajirä säre ïgu dujariborore coreäre, ïgure mahiräre erä wajatarare ogucumi Jesu.

Pablo werenemopü Timoteore

⁹ Yü pohroge yojaro ïagu arique mühü.

¹⁰ Dema waicügu i yeba majare áriþehrerire gamegu yäre cóögä waha wami Tesalónicague. Crescentepü yäre cóäbiriqereregu Galacia yebague wahámi Goãmü yare buhegu. Tito sä eropa ta Dalmaciague wahámi.

¹¹ Luca dihta yü mera ährimi. Marco yäre öaro itamubu ährimi. Eropigu ïgure aigärique mühü.

¹² Tiqúicore Efeso macague obeoabü.

¹³ Eropigu mühü ögue arigu, yü weca sañari suhrirore, Troa maca Carpo ya wihi yü apirañere aigärique. Eropi sohö áriþa gojara turirire aigärique. Sohö áriþa gojara gasiri tamerare turaro gahmea yuhü. Eropigu iri gasiri säre aigärique.

¹⁴ Alejandro comere mohmegü yäre ñetariaro üimi. Eropigu ïgu eropa iira dipuwaja Goãmü dipuwaja moagucumi.

¹⁵ ïgu Alejandro mari buherire ne gamebirimi. Eropigu müare ñero iiri arígu öaro ïgure guña masique.

¹⁶ Peresu iidoregure yü iirare ïgure yü ne werecü ne yujugu Jesu yagu yäre itamudiabirimi. Áriþehrerä yäre itamubirä cóägäpehrea wama. Erä eropa cóäquerecü ta yäre erä cóära dipuwaja Goãmüre “Eräre dipuwaja moabita,” aríþü.

¹⁷ Yü yujugu ta áriþquerecü ta Goãmü öaro ährimi yü mera. Eropigu ïgu buherire yü öaro wereburire weremasicü ïgu turari mera itamumi yäre. Áriþehrerä Judio masa áriþirä iri buherire erä peeburire werecü itamumi. Eropigu masa erä yäre ñero iidiaquerecü ta yäre erä ñero iibodigure itamumi mari Opü.

¹⁸ Áriþehrerire erä yäre ñero iirire yäre taugucumi mari Opü. Eropigu ümüsigue ïgu Opü áriþroge yü áriþorore itamugucumi ïgu. Eropirä “Mari Opü öatariagu, turatariagu ährimi,” áriþehrerinüri aríþa mari. Eropá ta aríþa.

Pablo öadorepü Timoteo pohro áriþäre

¹⁹ Priscila, igo marapü Aquila, Onesíforo ya wihi majarä sä öaporo.

²⁰ Erasto Corintogue dujami. Trófimo dorecua wahámi. Eropigu Miletogue apiabü ïgure.

²¹ Puhirö core yojaro arique mühü. Eubulo, Pudente, Lino, Claudia sä, áriþehrerä Jesu yarä müre öadorema.

²² Mari Opü Jesucristo mü mera áriþoro. Eropigu müare Goãmü mera turaro öadorema. Eropá ta árinigüicäporo. Iripëta ährea.

Tito

Pablo Titore gojabeopu

¹ Yuhu Pablo mure Titore gojaa. Goamu pohro majagu, Jesucristo yare igu buhedore igu apidigu ahraa. Goamu igu beyenira Jesure era umupeoburire, dari buherire era masiburire Jesu buhedoregu yare apimi. Iri buheri Goamu igu doreldiro dopa ta mari iiburire werea.

² Eropigu aripehrerinaru Goamu yara umarogue era doro ariniguiboro sare buhea erare. Goamu ne guyaru marigu i yebare igu ihacunuguboro core "Yu pohrogue eropa doro ariniguicarcoma," aru apipu marire.

³ Eropigu igu queoranu aricu igu eropa aru apirare masidoredigu arimi masare. Eropa ta masidoregu yare erare weredoremi igu marire taugu.

⁴ Mure Jesu yare buhebu. Yu eropa buhecú peegu, Jesure umupeonugabu muhu yu umupeoro dopa. Eropigu muhu yu buhedigu arigu diaye ta yu magu iro dopa arigu ta iiaa. Mure ire gojabeogu iiaa. Eropigu Goamu mari Pagu, Jesucristo marire taugu itamuri mera mure doredea. Igu itamuri mera doro aritque muhu.

Creta waicuru nuguro majarare Tito igu wereburire werepu Pablo

⁵ Creta waicuru nuguro yu mure apicu Jesu yara era buheboro duhyanibu irisubure. Eropigu era iiburire werebure apibu yuhu mure. Eropigu macaru nacu majara Jesu yara opara arimorare beyedoregu apibu mure.

⁶⁻⁸ Era opara Goamu pohro majara ahrima. Eropigu erare beyegu darare beyeque gajiropa iibirare. Eropigu yujugo ta marapocura arirare beyeque. Eropigu "Bu arigu ahraa yuhu," aru pepirare beyeque. Eropigu mata guabirare, merebirare, masa mera gamequeabirare, niyerure gamebirare beyeque. Eropa beyegu era ya wihire najarare doro ihadiburare, daripure suarare, pee masirare, daripure iiniguirare, neri marirare, era waribejarire iibirare, teboru mariro mohmerare, darire iiniguirare beyeque. Eropira ma beyera porare opa aruro gahmea. Jesure umupeora, darire iiniguira, aripehrerare doro yuhrira aruro gahmea opara porare.

⁹⁻¹⁰ Eropira dari buherire queoro mari buhediro dopa ta ne duhubira ariporo opara mu beyenira. Eropira dari buherire werera ariracoma. Eropa iira dari buherire gamebirare buhera era ya guyaru aricu masicu iiracoma era. Eropigu doro beyeque Jesu yara weca opara aripehrerare.

Bajara era oparare tarinugará, doro pepi werenigubira, guyará ahrima dohpaguere. Eropa iira yujurayeri Moise dorerire idorerá tamera netariaro iira iima. Era buheri iri diaye aribiricu erare masicu iiro gahmea.

¹¹ Era Moise dorerire idorerapu guyarire buhera niyerure wajatadiara buhema. Eropa buhera yujuyeri wiri majarare aripehrerare Goamu yapare coacu iira iicoma era. Era eropa iicu erare idorebiricaro gahmea.

¹² Iribojegue weredigu Creta majagu ariqueregu ta opa aru werepu: "Creta nuguro majara eropa guyaniguira waicuma. Nerire iira diaye iro dopa iira ahrima. Eropira pagari bara arira ne mohmediabeama," aripu igu igu ya nuguro majarare.

¹³ Igu eropa arira diaye ta ahraa. Era eropa aricu igu erare turaro wereque Jesu ya buheripure era doro pee masiboro dopa.

¹⁴ Eropigu "Judio masa iribojegue majara era aru bocarare pebiricáque," aru wereque erare. Jesu yare gamebirá era doreri sare Creta majara era peenurabiriborore wereque erare.

¹⁵ Opa ahraa. Dipuwaja marira dari dihtare pepima. Nerire iiniguirapu neri dihtare pepima. Era pepiripu netaria. Eropira daripure beyemasibeama.

¹⁶ Era "Goamure masia gua," ariquerera ta nerire iima. Eropa iinira era aricu iira Goamure masibira era aricu masia mari. Eropira era netariara, Goamu yare tarinugará ahrima. Eropira darire iimasibeama.

2

Oari buherire weredorepu Pablo Titore

¹ Mupu buhegu dari buheri aridiro dopa ta doro buheque.

² Murapure opa wereque: "Ma guhyadiara, masa era umupeora, pee masira, 'Goamu diaye iigu ahrimi,' aru umupeora, dari buherire doro iira, Jesure masa sare mahira, nero tariquerera ta yujuro bojera aritque," aru wereque erare.

³ Mūrā nome säre eropa ta arī wereque: “Guhyadiarā nome, ñeri quere werewuabirā nome, merebirā nome árīque,” arī wereque erā nome säre. Eropirā erā nome òarire gajirāre buheporo.

⁴ Eropa iirā òpa arī buheporo mūrā nome nómeñaripure: “Mua marapũ sumarāre mũa porā säre mahique,” arī buheporo.

⁵ “Eropirā mũa pee masirā nome, gajirā ũa mera ñero iibirā nome, mũa ya wihi majare òaro ìhadiburā nome, òaro iirā nome, mũa marapũ sumarāre òaro yuhrirā nome árīque,” arī buheporo mūrā nome nómeñaripure. Erā eropiicũ ìarā gajirāpũ “Goāmũ yare umupeorā ñero iirā àhrima,” arīmasibeama mũare.

⁶ Eropigũ mamarā säre òpa wereque: Pee masirā árīporo erā.

⁷ Eropigũ mupũ òari dihtare iiniguicāque mũare erā ìhacũburire. Buhegũ ne guyaro mariro buheque. Eropa buhegũ guhyadiaro mera buheque mũa.

⁸ Eropa buhegũ òaro pee masirā mera buheque ne gajirā mũare erā weresamasibiriburire. Mũ eropa buhecũ ìarā marire ìhaturirā árīquererā ta marire bu gohra ta werewuamasibeama. Marire eropa werewuamaacārā guhyasiuro warācoma erā.

⁹ Eropigũ pohro majarāre òpa doreque: Erā oparāre òaro yuhrirā árīporo. Eropirā erā oparāre òaro mucubiricũ iiporo. Eropa dihta iiporo. Eropirā erā oparāre pũriro mera yuhriricāporo.

¹⁰ Eropirā erā oparā yare yajabiricāporo. Eropirā òarā erā oparā dorerire òaro iiniguicārā árīporo. Erā eropa òaro yuhrirā árīcũ ìarā Goāmũ marire taugu ìgũ buherire pee suarācoma gajirā.

¹¹ Masare ìgũ mahirire Goāmũ mari masare masicũ iituhajami. Mari masare eropa mahigu árīpehrerā peamegue wabonirāre Goāmũ turaro taudiami.

¹²⁻¹³ Masare eropa mahigu Goāmũ marire òpa doremi: Ñeri iirire, ñerire Ƶaribejarire duhcādoremi marire. Goāmũ turagu, Jesucristo marire taugu ìgũ òarire mari ìaburĩnure, ìgũ òaro mera dujariburĩnure mari corerā iiaa. Eropigũ mari corerĩnũ mari corerĩsubũ, mari pee masirā, òarire iiniguirā, Goāmũre umupeoniguirā marire árĩdoremi Goāmũ.

¹⁴ ìgũ Jesucristo mari ya árĩburire ta sĩridi árĩmi. Árĩpehrerā mari ñeri iirire duhcũ iibu, marire ìgũ yarā wacũ iibu sĩridi árĩmi. Mari ñerire ìgũ eropa cóacũ mari ñerire iira dipuwaja marirā árĩrāca. Eropirā turaro òarire iidiarā árĩrāca.

¹⁵ Ire árĩpehrerire iri nuguro majarāre Jesu yarāre buheque mũa. Erā opu árĩgũ ta iiaa mũa. Eropigũ erāre wereque. Eropigũ erā ñerire iicũ ìagu wereque erāre. Eropirā árĩpehrerā gajirā mũare cóadiabiricāporo.

3

Jesu yarā erā iiburire werenemopũ Pablo

¹ Òpa guñacũ iique ero majarā Jesu yarāre: Erā oparāre òaro yuhrirā árīporo. Eropirā árĩpehrerire òari dihtare iirā árīporo.

² Eropirā gajirāre ne quere goroweobiricāporo. Game ðayasobiricāporo. Eropirā masa òarā, árĩpehrerāre umupeorā árīporo.

³ Iribojegue mari sã pee masibirā, tarĩnugarā, guyarire peenũrurā, ñerire iisuarā, ñerire Ƶaribeja duhumasibirā, Ƶmuri nucũ ñerire iiniguirā, gajirāre erā gajĩnure opacũ ìhaturirā árĩmũrĩribũ mari sã. Eropirā marire gajirā ìhaturimũrĩma. Eropirā mari sã erāre ìhaturimũrĩribũ.

⁴⁻⁵ Eropa árĩnirā árĩquerecũ ta Goāmũ marire peamegue wabonirāre taumi. Eropa taugu ìgũ ìgũ òagu árĩrĩre, masare ìgũ mahirire marire ìhmudi árĩmi. Òaro mari iira mera taubirimi marire. Mariremojomoro ìagu mari ñeri iirare coegũ Espĩritu Santo mera marire taumi. Eropa ìgũ marire ìgũ porā wacũ iimi. Eropigũ Espĩritu Santopũ mari òarā árĩburire marire gohrotomi.

⁶ Jesucristo mari ñeri iira dipuwaja ìgũ sĩri, masa mũariara mera Goāmũ ìgũ Espĩritu Santore omi marire wũaro ìgũ turarire mari opaboro dopa.

⁷ Marire mahigu, marire òaro iidiami. Eropigũ ìgũ, ìgũ Espĩritu Santore omi, ñeri iira dipuwaja marirā mari árĩborore, umarogue mari eropa òaro árĩniguicāborore. Mari eropa árĩniguiburire masirā irire mucubiri corerā iiaa mari.

⁸ Iri yũ werera diaye ta àhraa. Eropigũ irire yũ werediro dopa ta masare buhegũ iri dorerire iiphodoreque mũa. Eropigũ Goāmũre umupeorāre irire buheque òarire erā òaro iiboro dopa. I yũ arī buhera òari buheri àhraa. Eropirā masa i buherire erā peenũrcũ òaro itamurĩ árĩroca erāre.

⁹ Gajirã wereniguiripu duhpiburi árĩbeaa. Erã masibiriquererã ta erã arĩ dũyasoma. Erã ñecu sumará arĩ bocarare game dũyasoma. Moise dorerire arĩ dũyasoma. Erã eropa arĩ dũyasori iri árĩpehreri duhpiburi árĩbeaa. Eropigu irire peenũribiricãque. Mũ sã dũyasobiricãque.

¹⁰ Mũa mera majagu eropa game dũyasogu mũa basi game dũca wacũ ĩgu iicũ ĩagu “ĩbiricãque,” arĩque ĩgure. Yujusubu, pesubu irire ĩgure mũ iidorebirira puhũ ĩgu yũhribiricũ ĩagu ĩgure wapicu duhucãque.

¹¹ Eropa dũyasogu ñeri dihtare ñaribejaniguũ aħrimi. Eropa ĩgu iicũ ĩarã ĩgu ñegu árĩcũ masi, ĩgure wapicũbiricãro gahmea.

Pablo doretupũ

¹² Nicopoligue puhirópẽ árĩbu iiaa. Eropigu Artemare o Tĩquicore mũ pohroque yũ obeomũhtacũ eroguere yũre bocatĩrigũ árĩque mũhũ.

¹³ Eropigu dorerire õaro mehregure Zena waĩcũgure, Apolo sãre õaro itamuque erã waborore. Eropigu erã gamerire árĩpehrerire oque erãre dũhyaro mariro.

¹⁴ Eropirã Jesu yarã mari mera majarã õarire ĩpoporo. Gajinore opapehobirãre erã itamuboro dopa, õarire ĩiniguirã erã árĩboro dopa eropa ĩporo.

Pablo õadorebeopũ Jesu yarãre

¹⁵ Árĩpehrerã yũ mera majarã mũre õadorema. Ero árĩrã Jesu yarã guare mahirã õaporo. Árĩpehrerãre mũare Goãmũ ĩgu mahiri mera turaro õadoreã. Eropa ta árĩnigũicãporo. Iripẽta aħraa.

Filemón

Pablo Filemo waicugure gojanugapu

¹ Yuhu Pablo Jesucristo yagu yu árii dipuwaja peresugue áriḡu iiaa. Yuhu, mari acawereḡu Jesu yagu Timoteo mera mure Filemore gojabeoa gua. Muhu gua mahiḡu Cristo yare guare mohmetamugu áhraa muhu.

² Eropirā Jesu yarā mu ya wi gamenererā sāre gojabeoa gua. Mari mahiḡo mari acawereḡo Jesu yago Apia sāre gojabeoa gua. Arquipo sāre gojabeoa gua. Arquipoḡu gua iro dopa Cristo yare wereḡu áhrimi.

³ Eropirā Goāmū mari Paga, mari Opa Jesucristo mera mware ðadoreā. Īḡu itamuri mera ðaro áriḡue muā.

Filemo gajirāre ĩḡu mahirire, Cristore ĩḡu umupeorire wereḡu Pablo

⁴⁻⁵ Yu acawereḡu, Filemo, mure guña Goāmure mure serēbasamūraa. Eropa serēbasagu “Ōhaa,” arāa yuhu ĩḡure. Cristore mu mahicū ĩḡure mu umupeocū gajirā Jesu yarāre mu mahicū peeabu yuhu. Eropiḡu Goāmure “Ōhaa,” arī mucubiria.

⁶ Cristore mari umupeorire gajirāre wereḡu áhraa muhu. Mu eropa áriḡu áriḡū i sāre serēbasaa Goāmure. Jesucristo yarā áriḡū wuaro ðarire oparāca mari. Irire mu opaburire ðaro mure masipehodoreḡu serēbasaa Goāmure.

⁷ Acawereḡu, gajirāre mu mahicū peeḡu mucubiria yuhu. Áriḡuehrerā Goāmū yarāre ðaro sīporā turacū iḡu waicua muhu. Mu eropa iicū peeḡu mucubiria yuhu.

Pablo Onésimo ya áriburire serēḡu Filemore

⁸⁻¹⁰ Eropiḡu dohpaguere Onésimo mu pohro majagu áriḡidigure mure serēbasadiaa. Peresugue gua áriḡā Cristo yare werebu yuhu ĩḡure. Irire peeḡu Cristore gahmeami ĩḡu. Eropiḡu ĩḡu Goāmū yagu wahámi. Eropa wagu yu magu iro dopa áhrimi. Eropiḡu yu buḡu áriḡu Cristo yare yu buhera dipuwaja peresu áriḡu mure Onésimo mera werebeogura ĩḡure mu iiburire. Cristo ĩḡu buhedore ĩḡu apidiḡu áhraa yuhu. Eropa áriḡu, áriḡu ĩḡure mu iiburire mure dorebu áhraa yuhu. Eropa áriḡu áriḡuereḡu ta mure doresome yuhu. Mahiri mera mure werebeogura iripēta.

¹¹ Cristo yagu ĩḡu áriḡoro core Onésimo mu pohro majagu áriḡu duhpibu áriḡiridigū áriḡu. Mure ðaro itamubiridigū áriḡu. Dohpague tamerare yure ðaro itamugū áhrimi. Mu sāre ðaro itamugū áriḡucumi. Dohpaguere bu áriḡu gohra áriḡeami.

¹² Eropiḡu dohpaguere ĩḡure mure wiagu iiaa. ĩḡure turaro mahia. ĩḡu yu turaro mahiḡure mure wiagu iiaa.

¹³ ĩḡure mure wiabiricū ĩḡu yu pohro dujaboñumi. Ōari buherire yu buheri dipuwaja peresu yu áriḡisubu ĩḡure yure itamudoreboya yuhu. Eropiḡu yu mera dujadoreboya yuhu. Muḡu yure itamumasiricū ĩḡuḡu mure gohrotogū áriḡoñumi.

¹⁴ Eropa áriḡuerecū mure wiagu iiaa ĩḡure. Muhu ĩḡure “Dujaque,” mu arībeocū, ĩḡure dujadoreboya. Yuḡu mure “Yu pohro ĩḡure apique,” arīdiabirica. Eropiḡu ĩḡure mure wiagu iiaa.

¹⁵ ĩḡu Onésimo mure bajamenarigā ĩḡu mure duhrigāra puhrū dipaturi mu mera áriḡucumi daja. ĩḡu mure duhricū Goāmū gamero dopa ta wahabu, arī pepia yuhu, ĩḡu Jesu yagu ĩḡu áriḡorore. Eropiḡu mu pohro áriḡu daja ðaro áriḡuigucumi.

¹⁶ Eropiḡu ĩḡu dohpaguere mu pohro majagu gohra áriḡeami. Pohro majarā tauñariro áriḡu áhrimi ĩḡu yu pepicūre. Dohpaguere ĩḡu mu acawereḡu Jesu yagu áhrimi. Eropiḡu ĩḡure turaro mahia. Muḡu yu tauro ĩḡure mahiḡue. Mu eropa mahiḡu mu pohro majagu ĩḡu áriḡuereḡu ta mu pohro majagu gohra áriḡeami ĩḡu. ĩḡu mu acawereḡu Jesucristo yagu áhrimi.

¹⁷ Eropiḡu yure mu bocatīridiro dopa ta ĩḡu sāre ðaro bocatīrique. Mu mera majagu yu áriḡū ĩḡu sāre ðaro bocatīrique.

¹⁸ Eropiḡu gajiropa mure ĩḡu iicū, mure ĩḡu wajamogu áriḡū yuḡu irire wajayegura.

¹⁹ Yuhu Pablo yu basi ire were gojagura: Yuḡu wajayegura mure. Mure yu buhera puhrū Cristo yagu mu wacū áriḡuehrerinari Goāmū mera áriḡu áhraa muhu. Mure yu eropa buhera waja mu sā yure wuaro wajamogu áriḡoboca. Mu eropa áriḡuerecū ta mure wajayegura ĩḡu mure wajamorire.

²⁰ Eropiḡu yu acawereḡu, yu mahiḡu, mari Opa Cristo yagu áhraa muhu. Mu eropa áriḡu Onésimo ðaro bocatīrique. Cristo yagu áriḡu yu acawereḡu áhraa muhu. Eropa áriḡu, áriḡu yure ðaro mucubiricū iique.

²¹ I yu wererare ðaro iigaca muhu. Eropigu yu werera tauro iigaca muhu. Irire masigu mure gojabeoga iiaa.

²² I sãre weregura mure: Maa pohrogue yu waborore Goãmure maa serēbasarare igu yuhribocumi. “Áu,” igu arĩcũ gahmea yuhu. Eropigu maa pohrogue yu ejaburi toēre amuyuque muhu.

Pablo ðadoretupu Filemore

²³ Epafra mure ðadoremi. Īgupu Cristo yare ĩgu iira dipuwaja yu mera peresu árĩgu āhrimi.

²⁴ Eropirã Marco, Aristarco, Dema, Luca yu mera mure ðadorema. Cristo yare yu buhecũ erãpu yare itamurã āhrima.

²⁵ Mari Opu Cristo mera ðadorea muare. Īgu muare ðaro iigacumi. Eropa ta iiporo. Iripēta āhraa.

Hebreos

Goāmũ magũ Goāmũ yare werepũ marire

¹ Iribojegue Goāmũ masare werenũgapũ. Īgũ bajasuburi mari ñecũ sũmarãre iribojegue majarãre ĩgũ gamerire weremũripũ. Īgũ yare weremũhtanirã mera erãre weremũripũ ĩgũ. Gajirãre ĩgũ dehyoa weremũripũ. Gajirãre ĩgũ bocatĩriro weremũripũ. Gajirãre quẽroque weremũripũ. Eropa weremũripũ ĩgũ mari acawer-erãre.

² Dohpaguere pehbeburinũ coregã arĩrinũrĩre ĩgũ magũre ĩgũ yare ĩgũ weredore obeocã ĩgũpũ marire wereami. Jesucristo ĩgũ Pagũ iidorero mera i yebare umaro sãre iidĩgũ arĩmi. Īgũ Pagũpũ pehberinũ arĩcũ arĩpehberire opabure apĩpũ ĩgũre.

³ Eropĩgũ ĩgũ magũpũ ĩgũ Pagũ ðarĩre opagũ arĩgũ, ĩgũ turari mera marire ii ĩhmudi arĩmi. Eropĩgũ yujuro mera ĩgũ Pagũ mera arĩgũ, ĩgũ Pagũ arĩricũrĩre marire ĩhmudi arĩmi. Eropĩgũ ĩgũ turari mera ĩgũ dorecũ i yeba, umaro sã eropa arĩnĩguia. Eropĩro dederebeaa ĩgũ doreri mera. Eropĩgũ mari ñero iirare ĩgũ coera pũhũ ĩgũ Pagũ turatarĩgũ ðayepũ ðopũ ĩgũ opũ ĩgũ arĩrĩre ĩhmubu.

Goāmũ magũ anyua tauro aħrimi

⁴ Īgũ Goāmũ magũ waĩcũmi. Eropa waĩcũgũ gajirã tauro opũ aħrimi. Eropĩgũ ĩgũ anyua weca tauro opũ aħrimi.

⁵ Īgũ anyuare Goāmũ ne ðpa arĩ werebirimũripũ ĩgũ magũre werediro dopa ta: Yũ magũ aħraa mũhũ. Dohpagãre mũre dehyoacũ iiabũ, arĩpũ Goāmũ ĩgũ magũre. Anyuapũre ne eropa arĩ werebirimũripũ. Eropĩgũ erãre i sãre ne werebirimũripũ: Īgũ pagũ aħraa yũhũ. Eropĩgũ ĩgũ yũ magũ arĩgũcũmi, arĩpũ Goāmũ ĩgũ magũre. Anyuapũre ne eropa arĩ werebirimũripũ. Eropĩgũ ĩgũ magũ anyua tauro arĩpũ.

⁶ Eropĩgũ gajisubũ ĩgũ magũre masa dehyoagũre i yeba apũpa aĩgũ ðpa arĩpũ Goāmũ ĩgũre:

Arĩpehberã yaharã anyua yũ magũre mereja, ĩgũre umupeorãcoma erã, arĩpũ ĩgũ.

⁷ Eropĩgũ ĩgũ anyuapũre werebu ðpa arĩpũ ĩgũ:

Yaharã anyuare mirũñe iro dopa ðũpũcũrãre iiaa yũhũ. Erã yũ pohro majarã aħrima.

Eropĩgũ erãre peame iro dopa arĩcũ iiaa yũhũ, arĩ werepũ Goāmũ mari Pagũ.

⁸ Erãre ĩgũ eropa arĩquerẽgũ ta ĩgũ magũpũre ðpa arĩpũ:

Mũhũ Goāmũ arĩpehberã tauro opũ eropa arĩnĩguicãgũca. Diaye ta doregũca mũhũ mũ yarãre.

⁹ Diaye arĩrĩre, ðaro iirire turaro gahmea mũhũ. Eropĩgũ ñero iirire gamebeaa mũhũ. Mũhũ eropa arĩgũ arĩcũ ĩagũ, yũhũ mũ Pagũ arĩpehberã gajirã tauro mũre mucubĩricũ iiabũ, arĩpũ Goāmũ.

¹⁰ I sãre arĩpũ ĩgũ ĩgũ magũre “Opũ,” arĩ piyugũ:

Opũ, negohraguere i yebare, umaro sãre ĩhacũnugubũ mũhũ.

¹¹ Iri arĩpehberĩ pehrea waroca. Mũpũ eropa arĩnĩguicũca. I yeba arĩpehberĩ suħrĩro irĩñe boaro dopa ta pehrea waroca.

¹² Iri arĩpehberĩ i yebare umaro sãre goħrotocũ ĩĩgũca mũhũ. Mũrañe suħrĩrore mũ cohã gajĩñe mera goħrotoro dopa ta arĩpehberĩre goħrotocũ ĩĩgũca mũhũ. Mũpũ mũ arĩdiro dopa arĩnĩguicãgũca. Eropĩgũ ne goħrotosome. Eropa arĩnĩguicũca mũhũ, arĩpũ Goāmũ ĩgũ magũre.

¹³ Gajisubũ ðpa ĩgũ magũre arĩgũ iri sãre anyuapũre ne werebirimũripũ Goāmũ:

Yũ ðayepũ ðoaque mũhũ. Eropĩgũ mũre ĩhaturĩrãre tarĩnũgabasadoregũra. Eropĩgũ erã weca opũ arĩque mũhũ, arĩpũ Goāmũ ĩgũ magũre.

¹⁴ Arĩpehberã anyuapũ Goāmũ pohro majarã ðihta aħrima. Eropĩro Cristo ĩgũ taurorãre itamudoregũ Goāmũ obeomũrimĩ erãre.

2

Goāmũ yare ðari buherire marire eropa pepĩbĩricãro gahmea

¹ Eropĩgũ Goāmũ magũ goħra marire weregũ ĩgũ arĩcũ masirã ĩgũ wererare mari peerare ðaro guñaro gahmea marire irire cãdĩjĩri arĩrã.

²⁻³ Anyua masare erã wererare masapũ erã tarĩnũgacũ ĩagũ Goāmũ masare dipuwaja moapũ. Eropĩgũ erã anyua werera iri diaye arĩcũ ĩhmugũ ĩpũ. Eropĩro anyua erã werera iri diaye arĩcũ marire irire peero gahmea. Erã tauro Cristopũre peero gahmea

marire. Īġu mari Opu Īġu marire tauborore weremūhtapu. Eropirā Īġure peenirāpu Īġu wererare marire wereturiañorā marire ðaro masicū iirā. Eropiġu iri buherire “Jesucristo marire Īġu taugūcumī,” arī buherire mari eropa pepicācū Goāmū marire dipuwaja moagūcumī. Īġu dipuwaja moaborore duhrimasibeaa mari.

⁴ Irire peemūhtanirā erā buhe weca peoro watope Goāmūpu iri buherire diaye ta áricū Īhmudi árimi. Eropiġu erā irire buherā Īġu turari mera baja deyoro moari erā ii Īhmucū iri buherire diaye ta áricū Īhmudi árimi masare. Eropiġu Īġu Espiritu Santo mera iri buheri diaye ta áricū Īhmudi árimi. Espiritu Santo Jesu yarāre yujurāyerire Goāmū yare erā mohmemasiburire apidi árimi erā game itamuboro dopa. Īġu gamediro dopa ta apidi árimi erā mohmemasiburire erāre.

Jesucristo mari iro dopa ta dūpūcūġu masa dehyoapū, arī gojañumi

⁵ I umu pehrerina áricū Goāmū pohro árirā tauro oparā árisome anyuapu. Erāre oparā acūsome Goāmū.

⁶ Anyuare oparā acubiriquerecū Goāmū yare weremūhtadigu ōpa arī gojañumi iribojeguere Goāmū Īġu oparā acumorāre:

Gua masa bu gohra gua árirā áriquerecū ta ġuare ġuñaa muhū. Gua masare ðaro áricū iiaa muhū.

⁷ Bajamenurigā anyua doca masare apiyoro muhū. Eropa apiquereġu ta ġuare turari oġu oparā acuyoro muhū.

⁸ Muhū eropa acucū i yeba maja weca áripehreri weca āhraa gua masa, arī gojañumi iribojegue majagu mari Pagure.

Goāmū masare apigu i yebaguere áripehrerā waimurā sāre masa dorero doca árimorāre apiñumi. Masare Īġu eropa oparā acuquerecū ta erā waimurāre áripehrerāre doremāsibeama dohpa.

⁹ Jesupū áripehrerā weca opu āhrimi. Bajamenurigā anyua doca mari Pagū Īġu sāre apipū. Mari yañe áriborañere sribasabure Īġure eropa apidi árimi. Mari Pagū marire mahiġu Jesure mari ya áriburire Īġu siricū gamepū. Eropiġu Īġu eropa siricū iagū Īġure turarire oġu, opu acupū Īġure pare áripehrerā Īġure umupeoborore.

¹⁰ Goāmū áripehrerire Īhacūnuġuñumi. Eropiro áripehreri Īġu ya dihta āhraa. Eropiġu Jesure sīridoreġu masa erā ñerire cādijicū iipū Īġure. Īġu masa bajarā Īġu porā árimorāre umarogue ðarogue aiġābu eropa iipū. Īġu eropiicū tamera ðapūrica. Eropiġu Jesupū marire taugū mari opu ta āhrimi.

¹¹ Áripehrerā masa erā ñerire cōádi árimi Jesucristopū. Eropiġu Īġu ñerire cōānirā mera Pagūcumī Goāmure. Eropiġu mari Pagū yujugū ta āhrimi. Mari Pagū Īġu áricū Jesu marire Īġu ñerire cōānirāre “Yū acawererā āhrima,” arī piyugū ne ġuhyasiribeami.

¹² Ōpa arīġu iipū Īġu Pagure:

Mū áriricurire weregura yū acawererāġuere. Áripehrerā yaharā gamenererā pohro mure umupeoġu “Turagu āhrimi,” arī weregura yuhū erāre, arīpū Īġu Īġu Pagure, arī gojara āhraa.

¹³ Eropiġu ōpa arīpū daja:

Yū Pagure ġuñaturagūca yuhū, arīpū, arī gojara āhraa.

I sāre arīpū Īġu Jesucristo:

Ohō āhraa yuhū. Goāmū porā Īġu yure apinirā yū acawererā mera ohō āhraa, arīpū Īġu. Īġu yarāre “Yū acawererā,” arī piyugū eropa arīpū.

¹⁴ “Yū acawererā,” Īġu arī piyurā dūpūcurā mari áricū iagū, Jesupū mari ya dūpū mari iro dopa áriġu arīpū. Eropa áriġu arīġu Īġu crusague sīriġu arīpū watīre dederecū iibu. Īġu watīpū sīridoreġu āhrimi marire.

¹⁵ Eropa ii Īġure dederecū iidi árimi marire tauboro dopa. Maripū umuri nūcu mari sīriborore ġuīribu. Eropa ġuīrā ġuīro doca árirā, ñero sīporācurā áriribu mari. Eropa árirā mari áricū iagū Īġu marire taumi.

¹⁶ Eropa taugū anyuapure itamugū aribiripū Īġu. Abrahā pāramerāre maripare itamugū arīpū.

¹⁷ Eropiġu Īġu mari acawereġu iro dopa arīpū. Yujuropa ta mari iro dopa ta dūpūcūġu arīpū. Eropa arīġu mari masa ya áriburire sīribasagū mari ñeri iirare Goāmure cōādoreġu arīpū. Eropiġu pahia oparā erā Goāmū ya áriburire serēbasaro dopa ta ðaro itamuboro dopa mari iro dopa dūpūcūġu arīġu iipū. Erā tauro marire Īġu mojomoro Īhami. Eropiġu marire ðaro itamuniguicāmi.

¹⁸ Īġu ñero taripū. Eropiġu watī Īġure ñero iidoreripū. Iibiripū Īġu. Eropa ñerire tarinūgadigu áriġu, Īġu mari sāre ñerire tarinūgacū iimasimī. Watī Īġu ñerire iidorecū iagū marire ñerire iibiricū iimasimī.

3

Jesu Moise tauro árġu áhrimi

¹ Jesu ġu eropa árġu árġu ġarā ġure burigā guñaque mua. Yu acawererā, Jesu yarā, Goāmu ġu yarā árġmorāre muare beyedigū árġmi ġu. ġu Jesupu Goāmu ġu apidigū árġu mari pahia opu áhrimi. I yeba majarā pahia oparā tauro ġupū mari ya árġurire Goāmure serēbasagū áhrimi marire. Eropirā ġure ōaro guñaque mua umupeodigare.

² Goāmu ġure marire ġu tauborore ġu apicū ġupū ġu apidiro dopa ta iipu. Ne tarinugabiripu. Moise sā iribojegue majagū Goāmu yarā Israe masare itamugū ne tarinugabiripu. Eropa ta iipu Jesu sā.

³ Eropiro Moisere erā umupeodiro tauro Jesupure umupeoro gahmea marire. Ōpa áhrraa iri. Wihire mari “Ōari wihi áhrra,” arġo tauro wihire iidigupure “Ōapūricāmi,” arġo gahmea marire. Eropigu Jesupu wihi iidigū iro dopa áhrimi. ġu eropa árġu árġu ġupure Moise tauro umupeoro gahmea marire.

⁴ Masapu wirire iirā áhrima. Goāmupū árġpehrerire iigu áhrimi.

⁵ Moisepū Goāmu mohme coregū árġu Goāmu ya curu majarāre itamuniguigū árġmuripu. Puhrague Goāmu ġu masare wereborore weremuripu masare.

⁶ Cristopū Goāmu magū árġu tā, Goāmu yare iiniguicāgū árġu Goāmu ya curu majarā tauro opu áhrimi. Eropirā Moise tauro Cristopure umupeoro gahmea marire. Eropirā maripu Cristore guñatura duhubirā árġrā marire ġu tauborore eropa mucubiri coreniguicārā ġu ya curu majarā áhrraa mari.

Goāmu ġu yarāre ġu mera ōaro soocū gameñumi

⁷ Eropirā Jesucristore mari umupeo duhubirborore ōpa iro gahmea marire. Irire weremġ Espiritu Santo Goāmu yare gojarapūguere.

Dohpagāre yuhū Goāmu muare yu werecū yuhridiabitā árġbiricāque mua.

⁸ Eropirā ōaro yuhrique yure mua. Iribojegue Israe masa masa marirogue árġrā yu werequerecū ta umupeodiabitā yure yuhribirimurima. Eropa iirā yure ġhasuabiticū iima. Eropirā erā iidiro dopa iibiricāque muapu yure.

⁹ Eroguere cuarenta bojori gohra erāre deyoru moarire ii ġhmuribu erāre itamugū. Yu eropa ii ġhuquerecū ta erāpū ōpa arġ pepimurima yure dūyasorā. “Goāmu marire itamumasosome,” arġ pepimurima. Eropa arġ pepirā ñero iimurima.

¹⁰ Erā eropiicū ġagū erā mera guabu. Eropa guagu ōpa arġbu: “Erā yahare peediabitā gajiropa árġri buherire eropa guñamaacārā áhrima,” arġbu. “Yahapure ne buhediabeama,” arġbu erāre.

¹¹ Eropigu erā mera guagu ōpa arġ werebu: “Erā yu mera majarā ne árġsome. Eropirā yu mera ōaro soosome erā,” arġ werepū Goāmu.

¹² Eropirā, yu acawererā, ōaro iique mua Goāmure cohkori arġrā. Mua ñerire pepirā, Goāmu ojocarigure “Diaye iimi ġu,” arġ umupeobirā, ġure cóāboca mua. Ne yujugu mua mera majagū eropa iibiricāporo.

¹³ Eropirā ġpure iiro gahmea: Mua mera majarā umuri nucu Goāmu yare mua basi game wereniguique ñerire iiri arġrā. Ñerire iirā “Iri mera mucubiria,” arġrā, guyarire pepirā iiaa mari. Eropa pepibiricāque. Ñeripure iiniguirā Goāmu yapure suabea mari. Eropa iirā ñerire duhudiabitā wahaa. Eropa iiri arġrā mua mera majarāre Goāmu yare mua basi game wereniguique. Jesucristo ġu dujariboro core eropa game wereniguique.

¹⁴ Eropirā negohrare Cristore mari umupeonugadiro dopa ta eropa ta mari umupe-oniguicārā, mari ojocaripopē ġu yare duhubirā ġu mera majarā áhrra.

¹⁵ Goāmu yare erā gojarapū yu dohparagā werediro dopa werea daja muare Goāmu wereniguirire:

Dohpagāre yuhū Goāmu muare werecū ōaro yuhrique mua yure. Iribojegue majarā Israe masa erāre yu werequerecū ta umupeodiabitā yure yuhridiabitima. Eropirā erā iidiro dopa iibiricāque mua, arġmi Goāmu, arġ gojañuma iribojegure.

¹⁶ Eropirā Goāmu ġu wererare peenirā árġquererā erā ġure yuhribirimurġñorā. Erā árġpehrerā Egiptogue ñero tarinirāre Goāmu Moise mera ġu wiunirā árġñorā. Erā eropa árġquererā ġure ne yuhribiriñorā.

¹⁷ Eropigu erā ñero iicū ġagū cuarenta bojori gohra Goāmu erā mera guapu. Erā ñero iira dipuwaja erogue masa marirogue erāre dujadorepū. Eropirā erore sġria wamurġñorā erā.

¹⁸ ġure erā eropa yuhridiabiticū ġagū ōpa guhyadiaro mera arġpū ġu: “Erā yu mera majarā ne árġsome. Eropirā yu mera ne ōaro soosome erā,” arġpū ġu.

¹⁹ ġu eropa arġcū peerā ire masia mari: Erā Goāmure erā umupeobiriri waja, ġu mera majarā árġmasibiriñorā. Eropirā ġu mera ōaro soomasibiriñorā.

4

¹ Eropigu iribojegue majaräre İġu mera ðaro erä sooborore gameġu eräre “Yü mera sooräca,” arı apıpu Goämü. Mari säre eropa ta arı apıpu İġu. Eropırä ġuhyadiaro mera Goämüre ðaro yuhrırä mari wieri marıġue arırä. Eropa wierä İġu mera ðaro soosome mari.

² Iribojegue majarä Goämü yare erä peediro dopa ta mari sä ðari buherire peebu. Eräpu peerä “Goämü diaye iġu ährimi,” arı pepibirimuriñorä. Goämüre umupeobirimuriñorä. Eropıro Goämü yare peequererä yuhribiricü erä peera ñehe árıburı árıbirıyoro eräre.

³ Marıpu İġure umupeorä dihta Goämü mera majarä árıräca. Eropırä İġu mera ðaro sooräca. Goämü ðpa arırpu:

Erä mera ġuagü ġuhyadiaro mera ðpa arı werebu: “Yü mera ne soosome erä,” arı werebu, arıyoro Goämü yare erä gojarapüġue.

Eropa arıpu İġu. I yebare İġu İhacünugura puhrü soopu İġu. Eropıġu masa sä İġu mera sooborore amuyupu. Amuquereġu eräpüre “Yü mera ne soosome erä,” arıpu Goämü.

⁴ Seis nuri İġu İhacünugura puhrü İġu soorare ðpa arı gojañuma Goämü yare erä gojarapüġue:

Seis nuri puhrü árıpehrerire İġu iirare pehogü, Goämü mohmeduhu soopu, arı gojañuma İġu yare erä gojarapüġue.

⁵ Eropıro Goämü yare erä gojarapü ðpa arı werea daja İġu mera ðaro árıbirınıräre: Yü mera majarä ne árısome erä. Eropırä ne yu mera soosome, arıpu Goämü.

⁶ Eropırä ðari buherire peemhtanırá, İġure erä tarınğara dipuwaja İġu mera majarä árıbirä İġu mera soobırıñorä erä. ġajıräpu İġu mera majarä árıräcoma. İġu mera soorä árıräcoma.

⁷ Eropıġu masa İġu mera ðaro árıburire erä İġu mera sooburire apıġu daja, “Dohpagure ähraa,” arı apıpu Goämü. Israe masa Goämüre erä tarınğara puhrü baja bojori puhrü irire weredorepu Davire. Davi were gojarare muare weretuhajaquereġu wereġura daja yuhü. Eropıġu ðpa arı gojañumi Davi Goämü werenıġurire:

Dohpagänüre yuhü Goämü muare yu werecü, tarınğaro marıro ðaro yuhrıque mua yare, arı gojañumi iribojegure.

⁸ Ero coreġue Josué Israe masare Goämü İġu ora yebague aı ejarpu. “Yü mera soorä árıräcoma,” arıġu iri yebague erä sooborore arıġu iıbirıpu Goämü. Iri yeba soodoreġu ġajınü erä sooburire apıbirıboñumi İġu.

⁹ Seis nuri puhrü i yebare İġu iira puhrü Goämü İġu mohmeduhu soodiro dopa ta mari İġu yarä sä İġu mera mari sooburıñe ähraa. İġu mera mari ðaro árıburıñe ähraa.

¹⁰ Eropıġu Goämü soogu, İġu mohmerare duhcänıpu. Eropa ta İġu mera soorä mari gamero mera iirire duhcäräca.

¹¹ Eropırä mari İġu yarä ðaro iırä. Goämü yare ðaro yuhrırä İġu mera mari sooboro dopa. Iribojegue majarä mari acawererä erä tarınğara puhrü Goämü mera majarä ne árımasıbirımuriñorä erä. Erä iıdiro dopa iıbirıcarä mari.

¹² Goämü ya werenıġuri marire Goämü mera ðaro árınıġucü iıaa. Öarıpüre marire gohrotocü iıaa. Eropıro İġu ya werenıġuri bu árıri árıbeaa. Eropıro matamıġı pepurıpu usırimıġı mera díore erä wırı İha erä masıro dopa ta, İġu ya werenıġuri mari árırıcarıre mari pepıre ðaro masıçü iıaa marire. Eropa masırä mari iırcarı ðaro árıçü, ðaro árıbirıçü säre masıa İġu werenıġurire peerä. Iri mari buhecü mari árırıcarıre ðaro masıpehocü iıaa marire.

¹³ Ne Goämüre mari árırıcarıre mari iirare duhmasıbeaa mari. Árıpehrerire İġu İhacünugurare İġu İhacünugunırä säre İhamı İġu. İġu tamerare mari iirare mari pepıre werepehoräca mari.

Jesu turagü mari pahia opu ährimi

¹⁴ Jesu Goämü magu İġu sııra puhrü İġu Pagu pohrogue dujadıġu árımi. İġu turagü mari pahia opu ährimi. Eropıġu mari ya árıburire Goämüre serëbasamı. İġu eropa árıġu árıçü İarä marıpu İġu yare ðaro yuhrırä árırä İġure ðaro umupeonıġucärä.

¹⁵ İġu Jesucristo mari pahi árıġu mari ñero tarıçü ðaro mojomoro İagü ährimi. Mari ñerire uarıbejarire masımi İġu. Watı árıpehreri ñerire İġu marire iıdoroero dopa ta Jesu säre ñerire iıdorerıpu. İġu eropa iıdorequerecü İġu ñerire iıbirıpu. İġu eropa ñerire iıdorerire iıdoređıġu árıġu marire mojomoro İagü marire itamumasımi.

¹⁶ Eropırä “Yüre yuhrıġucumi,” arırä Goämüre serërä. İġu marire mahımi. Eropıġu mari İġure serëcü marire mojomoro İagü marire itamugucumi. Eropıġu mari ñero iıdıacü säre İġu marire itamugucumi.

5

¹ Árípehrerā pahia oparā, masa mera majarā āhrima. Beyenirā āhrima erā mera majarā yare Goāmure serēbasamorā. Eropirā masa ñerire erā iira dipuwajare Goāmure serēbasama erā mera majarāre. Eropa serēbasarā waibugare wejē soe mujuma Goāmure.

² Pahia oparā gajirā masa iro dopa ōaro masipehobirā āhrima. Gajisubū ōarire iibirā āhrima erā sã. Eropa masibirā árirā gajirā masibirāre itamumasima nijiyajaro mera. Eropirā ōarire iibirā sãre ōaro mera itamumasima.

³ Eropirā ōaro masipehobirā ñeri iira dipuwajacurā āhrima erā sã. Eropirā erā basi erā ñerire erā iira dipuwaja waibugare wejē soe mujuma Goāmure. Gajirā masa ya áriburire erā ñeri iira dipuwaja erā serēbasadiro dopa ta, erā basi erā ya áriburi sãre serēma Goāmure.

⁴ Eropigu ĩgu ĩgu gamero pahia opu ñajabeami. Goāmupu ĩgure beyegu, pahia opu acumi. Iribojegue majagu Aarō murure ĩgu apidiro dopa ta gajirā pahia oparā sãre apimi ĩgu.

⁵ Eropa ta Cristo sã ĩgu basi ĩgu gamero pahia opu ñajabiripu. Goāmupu ĩgure opu acugu ōpa arĭpu:

Yū magu āhraa muhū. Dohpagāre mure dehyoacū iabū yuhū, arĭpu Goāmū.

⁶ Gajisubū ōpa arĭpu Goāmū Cristore:

Árípehrerĭnurire pahi áriniguicāgūca muhū. Melquisede ĩgu áridiro dopa ta pahi áriniguicāgūca muhū, arĭpu ĩgu magure.

⁷ Cristo i yeba árigū burigā gaguinigu, co deco mera Goāmure turaro serēpu ĩgu, “Yure masuque,” arĭgu. Mari Pagupu Goāmupu ĩgure sĭridigure masumasigu árirpu. ĩgu eropa serēcū Goāmū peepu ĩgure. Goāmū gameri dihtare ĩgu iidiacū ĩagu Goāmupu ĩgu serērare peegu yuhripū.

⁸ Eropigu Cristo Goāmū magu áriqueregu ñero taripu ĩgu. Eropa ñero tarigu yuhripū Goāmure. Eropa yuhrigu ōaro yuhririre masituhapu.

⁹ Eropa yuhridigu crusague sĭrigu masa erā ñerire cādijigu árípehrerā ĩgure yuhrirāre taubū wapu.

¹⁰ Eropigu Goāmupu ĩgure pahia opu masa yare serēbasabure apipu. Eropigu Melquisede pahia opu ĩgu áridiro dopa ta āhrimi Cristo.

Cristo yarā ĩgure umupeo duhcū ghya āhraa

¹¹ Baja ōpa áririre muare werenemodiaa gūa. Gūa eropa werenemodiaquerecū ta muapu peediabirā āhraa. Eropirā muare gūa werēcū mmasumasigu árirpu. ĩgu eroasiya mara.

¹² Yoari boje Cristo yarā árirāa muā. Eropa árirā dohpaguere gajirāre buherāgue áriboca muā. Muā eropa áribonirā áriquerēcū ta gajirā muapure buherācoma. Goāmū yare muare buhemāhtarare muare buhero gahmea daja. Ne buhenugarā iro dopa ta āhraa muā.

¹³ Apĭco mĭhrirā majirāgā árinima. Erā iro dopa ta muā sã āhraa ōaro masibirā árirā. “I ñeri āhraa. Ipu ōari āhraa,” arĭ ĩha masibea muā.

¹⁴ Barire barāpu murā āhrima. Erā iro dopa árirā ōaro buhenirā ōaro pepi masirā muā áricū ōaboaya. “I ñeri āhraa. I ōari āhraa,” muā arĭ ĩha masirā áricū ōaboaya.

6

¹⁻² Eropirā Goāmū yare ōaro masirā, ōaro yuhrirā árirā. Cristo yare negohraguere buhenugarā ōpa masinugabu mari: Mari gamero mera mari iiri duhpihuri áribea. Mari iiri mera tarisome mari. Tarimorā Goāmure umupeoro gahmea marire. Ire negohraguere buhenugama marire. Eropirā marire waĭyema. Mojotorire marire erā duhpeorire buhe, sĭrinirā erā masa muriborore buhe, i umu pehrera puhru Goāmū ĩgu dipuwaja moaborore buhe, ĩgu dipuwaja moamorā erā ñero tariniguiboro sãre buhe, i sãre marire negohraguere buhenugama. Eropa árirā buherire mari masituhajarare buhenemobirā gajĭ buherire ōaro buhenemorā.

³ Eropirā Goāmure, ĩgu ya sãre masinemorā. Goāmū ĩgu gamecū eropa ta iirāca mari.

⁴ Goāmū yare masinirā irire duhurāre ne dipaturi erāre erā ñeri iirare erāre bujawerecū ĩmasiya mara daja. Eropa árirā, Cristo ĩgu taunirā árirā Espiritu Santore oparima.

⁵ Eropirā Goāmū ya wereniguire peerā ōari wereniguire iri áricū masirima. Eropirā pehrerĭnū puhrugue Goāmū ĩgu turari mera mari eropa áriniguiborore, masare ĩgu dipuwaja moaboro sãre erā masirima.

⁶ Eropā ārīrā Cristo yare erā duhurā Goāmū magure dipaturi crusague erā pabiadiro dopa ta ĩgure iirā iima. Erā eropiicū ĩarā gajirā masa Cristore weryeyama. Eropirā dipaturi erāre, erā ĩeri iirare erā bujawere đarire gohrotocū iimasiya mara.

⁷ Ōpa āhraa iri mari werenigui queori mera buhecū: Ōari yebare wāaro deco aricū erā oterī đaro puhri đucacūa. Eropiġu iri pohe opu đucare opami ĩġu baburire. Iri yeba đari yeba ārīcū ĩha mucubirimi. Eropā ta Goāmū iimi ĩġu yare peenirā sāre. Erā ĩġu yare đaro iicū ĩha mucubirimi erā mera.

⁸ Gaji yebapū añapora mera, taa mera iri yeba tiaro duhpihuri yeba ārībeaa. Eropā ārīri pohere cóacāro gahmea. Eropā ta Goāmū iimi ĩġu ĩġu yare peequererā iibirāre. Erāre dipuwaja moa peamegue cóāġucumi.

Cristore eropa umupeoniguirāre taumi Goāmū

⁹ Yu mahirā, muare eropa arī werequereġu ta muapure “Cristore duhuristo yare erā duhurā Goāmū mā āhraa,” arġu iibeaa. Muapū Cristo ĩġu taurā āhraa. Eropirā đarire iirā iica mua. Irire masia yuhu.

¹⁰ Mari đaro iira waja Goāmū queoro marire đaro iġu āhrimi. Eropiġu ĩġu ya ārīburire mua turaro mohmerare cādijisome ĩġu. Mua ĩġure mahirā ĩġu yarāre itamuabū mua. Dohpague sāre erāre itamuniguia mua. ĩġure mua eropa mahirare cādijisome ĩġu.

¹¹ Mua ojocarinigucāropē gajirāre mua umupeocū, mua itaisto yare erā duhurā Goāmū mmunigucū sāre gahmea ġaa. Mua eropiicū ĩaġu đaro iġucumi mari Paġu muare.

¹² Eropirā mua tericūrā ārīcū gamebeaa ġaa. Gajirā Cristo yarā ĩero tariquererā Goāmure “ĩġu diaye ta arġu āhrimi,” arī umupeonigucāma. Erā eropiicū ĩaġu Goāmū “Masare đarire ogura,” ĩġu arġiro dopa ta erāre opehogucumi. Eropirā mua sā erāre ĩhacūrā erā iro dopa ta iinigucāque.

¹³⁻¹⁴ Iribojegue Goāmū Abrahāre đpa arī apipū: “Yu wāi mera diaye ta ire arġu iiaa mure. Mure đaro iġura. Eropiġu mū pāramerā arġituriarāre bajarā masa ārīcū iġura,” arī werepipū Goāmū. Eropā arī werepipū ĩġu ya wāi mera wāipeopū. Gajġu ĩġu tauro arġu ne maricū ĩġu ya wāi mera eropa wāipeopū.

¹⁵ “Mure đaro iġura,” Goāmū ĩġu arī apirare Abrahāpū đaro ĩġu umupeoyura puhru Goāmū ĩġu arġiro dopa ta ĩġure đaro iipū.

¹⁶ “Goāmū mera diaye arġu iiaa,” masapū arīrā, erā erā tauro arġu wāi mera wāipeorā iima. “Goāmū mera diaye arġu iiaa yuhu,” yujugu ĩġu arīcū gajġu peegu “Diaye āhraa,” arġucumi. Đyasomasibeami.

¹⁷ Eropiġu Goāmū Abrahāre “Mure đaro iġura,” arī apigū “Yu wāi mera diaye ta arġu iiaa,” arī wāipeopū. ĩġu eropa wāipeo wererare peerā “Diaye ta āhraa iri,” arī masia. Eropirā “ĩġu arġire ne gohrosome,” arī masia mari. Irire mari masiboro dopa ĩġu arī apira mera ĩġu wāipeogu eropa werepipū.

¹⁸ Eropiġu ĩġu arī apira mera, ĩġu wāipeora mera diaye ĩġu arġire masicū iipū Goāmū marire. Eropiro ĩġu wāipeocū ĩġu arī apira ne gohrososome. Eropiġu Goāmū ne ġayabeami. ĩġu eropa arġu ārīcū masirā, mari marire ĩġu tauborore mucubiri corerāca, “Eropa ta iġucumi,” arīrā.

¹⁹⁻²⁰ Eropā ĩġu tauborore corerā ġuñaturarā āhraa mari. Eropā ārīrā “Mari sīrirā Goāmū pohro warāca,” arī masirā ġuibeaa. Pahia opu Goāmū ĩġu ārīri taribu gohrague ĩajagū, cāhmotariñe suhriro pohecague tariñajami. Eropā ĩajagū masa ya ārīburire serēbasami Goāmure. ĩġu eropiidiro dopa ta Jesu sā umarogue Goāmū arġiroġue ĩajamuhtadi arīmi. Eropā ĩajamuhtagū mari sāre erogue ĩajaburire ahmu serēbasami. Eropiġu arġipehrerinurī nucu serēbasagū iimi pahia opu arġu. Melquisede pahi ĩġu arġiro dopa ta pahia opu āhrimi ĩġu Jesu.

7

Melquisede pahi ĩġu arġiro dopa ta Jesu pahia opu āhrimi, arī gojañumi

¹ Melquisede iribojegue majagū Salem wāicuri maca majagū opu arġimuripū. Eropiġu pahi arġu Goāmū turagure umaro majagure masare serēbasagū arġimuripū. Eropiġu gajirā oparāre Abrahā gamewejētuha, ĩġu dujaricū gohra, Melquisede ĩġu ya maca arġidigū waha, Abrahāre bocatūripū. Eropā bocatūriġu ĩġure serēbasapū Goāmure: “Ōaro iique ĩre,” arī serēbasapū Abrahāre.

² Abrahāpū ĩġu gamewejē tarinūgara puhru gajirā oparā yare aġ dujarū. ĩġu eropa aġ dujarare merogā duhapū ĩġu Melquisedere. Diez ĩġu aġ dujara ārīcū yujuñe ópū Melquisedere. Melquisede ĩġu wāi mari ya mera arġo “Tauro opu đaro iġu āhrimi,”

arĩdiaro iiaa. Eropigu İgu Salem waĩcari maca majarã opu İgu arĩcũ iri maca maja waĩre waĩcũpu. Salem waĩ õpa arĩdiaro iiaa: "Tauro opu masare õaro game mahicũ iigu aħrimi," arĩdiaro iiaa.

³ Ne Melquisede pagu sumarãre, İgu core arĩmħtanirãre, İgu acawererãre erã were gojatura mara. İgu masa dehyoarare, İgu sirira sãre were gojatura ne mara. Eropigu eropa arĩniguİgu iro dopa arĩpu İgu. İgu eropa arĩgu arĩcũ Goãmu İgu magu İgu pahi İgu arĩrãre marire buhemi. Melquisede pahi eropa arĩniguİgu iro dopa ta aħrimi İgu Jesucristo Goãmu magu. İgu iro dopa ta Cristo sã pahi arĩgu eropa arĩniguicãgu aħrimi.

⁴ Eropigu Melquisede turagu arĩrãre guĩaque. Abrahã mari ñecu mũru opu gohra arĩqueregu ta Melquisedepũre İgu duja airare duhapũ. Diez İgu duja aira arĩcũ yujuñe õpu Melquisedere. Eropa ta İgu duja aĩ İgu duharare õpu İguere.

⁵ Eropiro Moise İgu doreri mera arĩpehrerã gajirã Israe masare iripẽta wajayedorepu erã pahiare. Eropa doregu Levĩ pãramerã arĩturiarãre erã acawererã arĩturiarã erã wajayerire ñeadoregu apimũripũ. Levĩ pãramerã ya curu majarã pahia dihta wamuriñorã. Eropirã gajirã ya curu majarã sã Levĩ pãramerã mera Abrahã pãramerã arĩturiarã arĩmuriñorã. Erã acawererã arĩquererã erã Levĩ pãramerãre wajayemuriñorã.

⁶ Melquisedepũ Levĩ pãrami arĩturiagu arĩbiriqueregu ta wajaseapu Abrahãre. Eropigu "Mũre õaro iigũra," İgu Goãmu arĩ apidigu arĩqueregu Abrahãpu Melquisedere wajayerũ. Eropigu Melquisedepũ Goãmũre Abrahãre serẽbasagu õaro arĩdoremũripũ.

⁷ Õaro arĩdoregu Melquisedepũ İgu õaro arĩdoredigũ Abrahã tauro arĩpu. Irire mari õaro masia.

⁸ Mari mera majarã pahia marire merogã wajasearã mari iro dopa ta masa aħrima. Eropa arĩrã sirimorã ta aħrima erã sã. Ihĩ Melquisedepũ iribojegue Abrahãre merogã wajaseadigu eropa arĩniguİgu iro dopa aħrimi igũpu. "İgu siria waĩnumi," arĩ werera ne mara. Eropa ta aħraa Goãmu yare erã gojarapũgue.

⁹ Dohpague majarã Levĩ pãramerã arĩturiarã pahia arĩrã masare merogã wajaseamũrima. Eropa arĩrã erã arĩquerecũ ta Abrahã erã ñecu arĩgu Melquisedere merogã wajayegu arĩpehrerã Levĩ pãramerã ya arĩburi sãre wajayebasagu iimũripũ. Eropirã Levĩ pãramerã sã Melquisedere wajayenirã iro dopa aħrima.

¹⁰ Melquisedere Abrahã İgu wajayerasubure Levĩpu masa dehyoanibirĩpu dohpa. Eropa masa dehyoabiriqueregu ta İgu ñecu Abrahã dupague İgu arĩbodiropã dopa ta Levĩpu arĩtuhagu iipu. Eropigu Melquisede Abrahãre İgu bocatĩricũ Levĩ sã İgu ñecu mera İgu arĩboropã dopa arĩgu iipu. Eropa arĩgu Levĩ, İgu pãramerã mera Melquisedere merogã wajayenirã iro dopa arĩrã erã İgu doca arĩrã iĩnorã.

¹¹ İgu dorerire apigu Goãmu Aarõ pãramerã arĩturiarã Levĩ ya curu majarãre pahia arĩdoremũripũ. Eropirã İgu doreri dorediro dopa ta erã pahia waimũrãre soe mujurã masa ya arĩburire serẽbasamuriñorã Goãmũre. Erã pahia erã eropiiquerecũ masa Goãmũ mera õaro wamorã arĩbirimuriñorã dohpa. Erã pahia erã iira mera masa õarã wacũ Goãmũ erãre gohrotobure Cristore obeobiriboĩnumi. Eropigu İgu obeodigu marire Goãmũ mera õaro arĩcũ iigu aridi arĩmi Cristopũ. İgu Levĩ ya curu majagu Aarõ mũru iro dopa arĩbirĩpu. Melquisede iro dopa arĩpu.

¹² Eropigu pahiare gohrotogu, marire doreri sãre gohrotoro gãmemi igũre. Pahia erã itamuri mera mari taribiro dopa ta iri doreri mera mari taribea. Eropiro iri dorerire gohrotopẽhorõ gãmemi.

¹³ Aarõ Levĩ sã, erã ya curu majarã dihtare pahiare acumũripũ Goãmũ İgu dorerire apigu. İgu eropa acquerecũ ta dohpaguere mari Opũre Cristore pahire Goãmũ İgu acudigu gajĩ curu majagu aħrimi.

¹⁴ İgu mari Opũ Cristo Judã ya curu majagu masa dehyoapu. Moise pahiare acugu, Judã ya curu majarãre ne acubirimũripũ. Irire õaro masia mari.

¹⁵ Ire masirã, õpa mari õaro masia: Dohpaguere ne İgu acudigu pahi Cristo Melquisede iro dopa arĩgu aħrimi.

¹⁶ Iribojegue maja doreri dorediro dopa ta Levĩ ya curu majarã dihta pahia ñajamuriñorã. Jesucristopũ Goãmũ ne İgu acudigu gajirã pahia erã iro dopa pahi ñajabiridigu arĩmi. İgu Goãmũ turari mera arĩpehrerinũri arĩgu aħrimi. Eropigu iri turari mera pahi ñajadi arĩmi İgu.

¹⁷ Õpa aħraa Goãmũ yare weremuħtanirã erã gojarapũgue:

Arĩpehrerinũrire pahi arĩniguİgũca mũħũ. Melquisede İgu pahi İgu arĩniguİdiro dopa pahi arĩniguicãgũca mũħũ, arĩpu Goãmũ İgu magure, arĩ gojaũma iribojeguere.

¹⁸ Goāmũ ĩġu doreri Moisere ĩġu apimuħtara doreri turari árĭbiribũ. Eropiġu iri dorerire duħucádi árĭmi Goāmũ.

¹⁹ Moisere ĩġu apira doreri mera ne õaro tariburire opabirimaribũ mari. Eropiġu dohpaguepũre Goāmũ marire ĩġu tauborore marire apidigũ árĭmi. ĩġu eropiicũ dohpagueere ĩġu pohrogue wamasia mari. Eropirã ĩġu mera wereniġuimasia.

²⁰ Eropiġu Cristore pahi acugũ, “Yu waĩ mera mure acugũ iiaa,” arĭpũ Goāmũ. Gajirã pahia ñajacũ ĩġu iro dopa waĩpeo acubiripũ erãre.

²¹ Cristopũ ĩġu Pagũ waĩ werepira mera pahi ñajapũ. Őpa arĭ werepipũ ĩġu Pagũ Cristore:

Yũħũ mũ opũ yũ waĩ mera mure wereġu diaye wereġara. Eropiġu ire ne goħrotoro mariro werea mure. Árĭpeħrerinãrĩre pahi árĭniġuicãġuca mũħũ, arĭ werepipũ Goāmũ ĩġu magure.

²² Eropa werepipũ mama buherire marire apigũ, marire ĩġu tauborore apigũ iipũ. Iriboġegue maja doreri tauro mari õaro árĭborore apigũ iipũ. Eropiġu Goāmũ masare “Õaro iġũra,” ĩġu arĭdiro dopa ta iibu, Jesure obeodigũ árĭmi marire taubure.

²³ Árĭmuħtanirã pahia erã sĭricũ ĩarã gajirã goħroto ñajamũriñorã daja. Eropirã erã bajarã pahia wañorã.

²⁴ Jesupũ eropa árĭniġuicãmi. Eropirã ĩġure goħrotorã ne marima pahia.

²⁵ Eropiġu ĩġu eropa árĭniġuigũ, Goãmũre eropa serẽbasaniġuicãmi ĩġu ĩġu yarã ya árĭburire. Eropiġu Goãmũ mera erã eropa árĭniġuiboro dopa masare taumasimi ĩġu. Árĭpeħrerã ĩġure umupearã Goãmũ pohrogue warãca. Eropiġu Jesu aħrimi uꝑutu marire taubu.

²⁶ Eropiġu Jesu aħrimi mari pahia opũ. ĩġu tamerare burigã gahmea mari. Ne ñeri dipuwaja marigũ aħrimi ĩġu. Eropiġu masa iro dopa ñerire iibiridi árĭmi. Eropiġu Goãmũ ĩġure ñerã watope árĭdigure aĩġu, umarogue api, árĭpeħrerã gajirã tauro árĭġu opũ acupũ.

²⁷ Gajirã pahia iro dopa árĭbeami ĩġu. Erãpũ umũri nũcu waibũġure wejẽ, soe muju serẽmũrima Goãmũre masa ñeri iira dipuwaja cãdijidorerã. Erã basi erã ñeri dipuwajare serẽmuħtamũrima. Pũħrũ gajirã ñeri dipuwaja sãre serẽbasamũrima erã. Eropirã erã bajasuburi eropa Goãmũre serẽbasamũrima. Jesupũ pahi árĭġu, yujusubu ta masa ñeri dipuwajare Goãmũre serẽpũ. ĩġu waibũġure wejẽbiri ĩġu basi sĭridigũ árĭmi mari masa ñeri iira dipuwajare taubu.

²⁸ Goãmũ doreri Moisere ĩġu apira mura pahia oparã ñajadorea. Eropa erã ñajaquererã, ñeri marirã árĭbeama pahia ñajarã. Iri doreri pũħrũ Goãmũ ĩġu magure pahire acugũ “Diaye ta pahi árĭniġuicãġucumi,” arĭ acupũ. ĩġupũ ñeri mariro eropa árĭniġuicãmi.

8

Goãmũ masare “Mũare taugũra,” arĭ apipũ daja ĩġu Moisere arĭ apirare goħrotogũ. ĩġu mama apirare werebasagũ aħrimi Jesu

¹ Iri árĭpeħrerire arĭ wererã i tamerare mũare arĭrã iiaa: Mũare ġua weredigũ pahia opũ ĩġu tamera mari yagũ goħra aħrimi. Mari ya árĭburire Goãmũre serẽbasagũ ta aħrimi. Umarogue Goãmũ turatarigũ ĩġu opũ doaro pohro ĩġu diayerũ doami ĩġu Cristo mari pahia opũ.

² Eropiġu Goãmũ wihi i yeba maja wihi, masa erã iira wihigũ mohmebeamĩ. Umarogue árĭri wihire mari Opũ ĩġu iira wihire Goãmũ ya árĭburire mohmebasami. Iri wihi tamera Goãmũ ya wihi goħra aħraa.

³ Eropirã árĭpeħrerã i yeba majarã pahia oparã waimũrãre wejẽ soe muju Goãmũre omũrima masa ñero iira dipuwajare cãdijidorerã. Eropa ta iimorãre apidigũ árĭmi Goãmũ. Eropiġu mari yagũ pahi Cristo sãre apigũ eropa ta iidorepũ. Eropiġu mari ñeri iira dipuwajare Jesucristo ĩġu basi sĭridi árĭmi.

⁴ Moise doreri dorediro dopa ta i yebague pahia masa erã ñeri dipuwaja cõaburire mohmebasama. Eropirã i yebague pahia árĭtuhama. Erã eropa árĭtuhajacũ Jesupũ mari yagũ pahi i yeba árĭniġuigũ, pahi árĭbiriboñumi ĩġu.

⁵ I yeba majarã pahia erã mohmerire i yeba maja wihi ta Goãmũ wihi mohmerã árĭtuhajama. Goãmũ wihi goħra umarogue aħraa. Eropiro Goãmũ wihi i yeba maja wihi umaro maja wihi ĩħacũ iira wihi aħraa. Eropiġu Moise iri wihire i yeba maja wihire ĩġu moaboro coregã Goãmũ õpa arĭpũ ĩġure. “Uťãġũgue árĭġu mure yũ ĩħmudiro dopa ta yaha wihire õpa iique. Yũħũ dorediro dopa ta yaha wihire queoro iique,” arĭmũripũ Goãmũ ĩġure.

⁶ Dohpaguepære Jesu pahi árigu ñgure apira mohmeri i yeba majarã pahia mohmeri tauro ðaro áhraa. Bu gohra áribéaa. Goãmu masare “Cristo mera muare ðaro iigura,” ñgu arí apira iribojegue maja doreri Moise doreri tauro ðari áhraa. Marire ñgu arí were apira iri doreri tauro marire ðaro áricú iiroca. Eropigu marire Goãmu mera amubasagu árigu, Cristopu gajirã tauro pahi áhrimi.

⁷ Negohrague Moise dorera mera mari Goãmu mera ðamasibirimuribu. Iri doreri mera mari ðacá gaji buherire apibiriboñumi Goãmu. Iri doreri mera mari ðacá, “Cristo mera muare ðaro taugura,” arí werebiriboñumi marire.

⁸ Iri dorerire erã bocatubirirare weregu ðpa arípu ñgu yarãre Israe masare: Òpa arãa yuhu mua Opu: “Òaro peeque. Puhrugue gaji buherire weregura yaharãre Israe masare, Judã ya curu majarã sãre.

⁹ Iri buheri erã ñecu sumarãre erãre werepira iro dopa ne árisome. Yu basi erãre Egipto yebague árinirãre wiugu erãre werepiribu. Yu eropa arí werepirare tarinugama erã. Erã eropiú ñagu negohrare erãre yu wererare duhucãbu.

¹⁰ Eropigu puhrugue Israe masare ðpa arí weregura: Yu dorerire erãre guñacú iigura. Erãre yu dorerire yuhridiacú iiguca. Eropigu yu Goãmu erã opu árigura. Eropirã erãpu yaharã masa árirãcoma, arí weregura.

¹¹ Eropirã irisubure erã mera majarãre erã acawererãre ne erã ðpa erã basi game arísome: ‘Dohpague mari Opure Goãmure masique mua,’ ne arí game buhesome. Erã áripheerã yure masituharãcoma. Majirãgã, murã sã yure masirã dihta árirãcoma.

¹² Eropigu erã ñeri iirare cádiñguca yuhu. Eropigu erãre dipuwaja moasome yuhu,” arãa yuhu mua Opu, arípu Goãmu ñgu ya wereniguri erã gojarapúgue.

¹³ Eropa arígu mama buherire apigu, iribojegue maja dorerire duhucú iigu iimi. Eropiro mura doreri ñgu duhucú iira puhru iri doreri mura gohrotopheha waro iiaa.

9

I yeba maja taribure umaro maja taribu sãre Goãmure umupeori taribure werepu

¹ Negohraguere Goãmu ñgu dorerire Moiseré apigu masa ñgure umupeoburi sãre werepiru. Eropigu Goãmure erã umupeoburi wihi sãre iidore apipu.

² Iri wihi waimurã gasiri wihi áriyoro. Pe taribu opayoro. Wuarí taribu erã ñajamuhtari taribu Goãmu ya taribu waicuyoro. Iri taribure erã sihãgori yucu duhpéodigu áriyoro. Eropáricú mesa sã áriyoro. Iri mesa weca Goãmure erã ori pan peyayoro.

³ Gaji taribu suhri mera erã cáhmotara taribu áriyoro. Iri taribu Goãmu ñgu árii taribu gohra waicuyoro.

⁴ Iri taribugue oro mera erã iira mesa, incienso erã soeri mesa áriyoro. Eropiro oro ðari mera erã sũra comoro ero oyayoro. Iri comoro waicuyoro Goãmu arí werepira gojara dicuri comoro. Iri comoro pohecague dicuyoro. Yuju coro oro coro dicuyoro. ñgu masare ejorañegã mana waicuriñegã dicuri coro áriyoro. Eropiro iri comoro pohecague Aarõ yagu ñgu tuadigu pucúdigu áriyoro. Eropiro pemiji utãmiji Goãmu ñgu doreri ñgu gojatura mijiri iri comoro pohecague dicuyoro.

⁵ Iri comoro weca perã anyua wéanirã áriñorã. Erã wéanirã Goãmu ñgu gosesiriri mera, “Iri taribure ñgu áhrimi,” arí werero iiyoro. Iri comoro buariñe erã quédupuri mera buasũyoro. Iri comoro buariñe weca masa ñero erã iira dipuwajare cádiñidoregu waimurã di Goãmure erã orare wejésiripeopu pahi opu. Iripêta weregura i wihi majare dohpague.

⁶ Eropirã iri wihire eropa erã ðaro erã amura puhru pahia umuri nucu erã ñajamuhtari taribu erã mohmerire iimuriñorã.

⁷ Eropigu pahia opupu dihta gaji taribugure ñajapu. Bojori nucu ñgu iri taribure yujusubu ta ñajapu ñgu. Eropa ñajagu erã wejédigu waibugu dire aĩ ñajagu, Goãmure umupeoru. Iri di mariro ne ñajabiripu. ñgu basi ñgu ñeri iira wajare, áripheerã gajirã Israe masa erã ñero iira dipuwaja sãre cádiñidoregu dire aĩ ñaja apimuripu ñgu Goãmure.

⁸ Áripheerri i mera Espiritu Santo marire ðpa arí buhebu iimi: Iri wihi Moiseré ñgu apira wihigue Goãmure umupeoburi áriisubu masapu Goãmure umupeorã iri wihigue ñajamasibiriñorã. Pahia opu dihta Goãmure ñgu árii taribu gohraguere ñajamasimi masare serébasagu.

⁹ I áripheerri Goãmure umupeori wihi majare masare apira, marire dohpague majarã buheburi dihta áriyoro. Pahia erã ñeri dipuwajare waimurãre wejera mera masa ne Goãmure mera tarimasibiriñorã. Pahia erã eropa soe mujuquerecú masa erã ñeri erã pepirigue ne phresúbiriñorã.

¹⁰ Goāmũ Moiserẽ apira doreri deyoro maja iiri dihta áhrraa. Erã õpa baburi, erã õpa ihrĩburi, erã õpa coeburi, erã õpa iiri dihta árĩyoro. Eropiro iri doreri marire õarã wacũ iĩbiriyo. Goãmũ iri dorerire masa erã iĩburire apiĩtumi Cristo ariboro core.

¹¹ Dohpague Cristopũ mari pahi opũ árĩgũ arituhadigũ áhrimi. Eropigũ marire sĩribasara mera marire õarã wacũ iituhadi árĩmi. Eropigũ Goãmũre mari ñeri dipuwajare coãdoregũ Goãmũ árĩrogue ñajaja i yeba maja taribure ñajabiripũ. Umaro maja wihi ñajapũ. Iri wihi i yeba maja wihi tauro áhrraa. Eropiro masa erã iira wihi árĩbeaa.

¹² Eropigũ Cristo umarogue Goãmũ ĩgũ árĩro gohrague yujusubu ta mari ñeri dipuwajare ñajatupũ. Eropa ñajagũ cabritoa dire, wecua dire Goãmũ árĩri taribugue erã aĩ ñajaro dopa iĩbiripũ ĩgũ. ĩgũ basi sĩrigũ ĩgũ di gohrare coãgũ árĩpehrerĩnari Goãmũ mera mari õaro árĩnigũicãborore iipũ.

¹³ Ñeri oparãre gũhraricũrãre coewearã erãre wejẽsiripeomũriõorã cabritoa di mera, wecua di mera, wecuare erã soera niti mera.

¹⁴ Eropa iĩõorã masa erã dũpũre ñerire coewea coãrã. Iri tauro Cristopũ ĩgũ di mera mari pepirigue mari ñerire õaro coewea coãcãdi árĩmi. Iri ñeri dipuwaja oparã peamegue wabonirã árĩribũ mari. Jesucristopũ ñeri marigũ árĩgũ ta ĩgũ basi crusague sĩrigũ Goãmũre õpũ. Espĩritu Santo eropa árĩnigũigũ ĩgũ itamuri mera eropa õpũ ĩgũ ĩgũ basi. Eropigũ ĩgũ mari ñerire ĩgũ coeweadĩ árĩmi, Goãmũ ojocarigũ ya árĩburire mari õaro iimasiboro dopa.

¹⁵ Eropigũ “Õpa mũare õaro iigũra,” Goãmũ arĩ ĩgũ mama werepidiro dopa ta Cristopũ iĩdigũ árĩmi. Eropa iĩdi árĩmi ĩgũ Goãmũ ĩgũ beyenirãre taubu. ĩgũ eropa taucũ árĩpehrerĩnari ĩgũ mera õaro árĩrãca mari ĩgũ yarã. Eropirã Goãmũ ĩgũ yarãre ĩgũ oburire oparãca mari. Moise doreri dihta árĩcũ masa erã ñeri iira dipuwajacurã árĩmũriõorã dohpa. Eropa ñeri iira dipuwajacurãre taubu ĩgũ crusague sĩribasadi árĩmi. ĩgũ eropa sĩricũ mari ĩgũ yarãre ĩgũ oburire oparãca.

¹⁶⁻¹⁷ Õpa áhrraa mari masare. Yujugũ ĩgũ sĩriboro core ĩgũ acawererã ĩgũ yare aĩ gueremasibeama. Eropiro ĩgũ oparĩre ĩgũ acawererãre ĩgũ oburire ĩgũ gojatuyurapũ ĩgũ sĩriboro core iripũ wajacubea dohpa. ĩgũ sĩricũ ĩarã iripũ ĩgũ arĩ gojadiro dopa ta ĩgũ yare guererãcoma erã.

¹⁸ Eropa ta Goãmũ masare werepimũhtara Moiserẽ ĩgũ apira doreri sĩriro mariro di coãro mariro ne duhpĩburi árĩbiriyo. Eropigũ waĩbũgũ dire Moise wejẽsirira pũhrũ ĩgũ dorerire diaye ta iigũ iipũ.

¹⁹ Eropigũ õpa iĩmũhtapũ Moise: Goãmũ ĩgũ apira dorerire masare werepẽpõpũ. Pũhrũ cabritoa dire, wecua dire deco mera morepũ. Eropigũ isopo waĩcũdigũ dũpũ mera oveja poari diari poari mera erã ñĩmurare turãpũ. Iri dũpũ mera dire yosogu, Goãmũ dorerire ĩgũ gojarapũ weca wejẽsiripũ. Árĩpehrerã masa weca sãre wejẽsiripeopũ.

²⁰ Eropa iigũ õpa arĩpũ ĩgũ: “Goãmũ marire ĩgũ werepira ĩgũ dorera i di mera iri diaye árĩcũ masia mari. I dire ĩarã diaye ta ĩgũ arĩdiro dopa ta ĩgũ marire iĩburire masia. Maripũre irire yũhridoremi,” arĩpũ Moise.

²¹ Eropigũ masare ĩgũ iĩdiro dopa ta Goãmũ umupeori wihi waimurã gasiri wihire, árĩpehrerĩ iri wihi árĩri sãre wejẽsiripeopũ.

²² Eropa ta áhrraa. ĩgũ doreri iri dorediro dopa ta baja ñerire di mera coeweadoreyo. Eropigũ di cohoro mariro Goãmũ mari ñeri iĩrare ne cãdijsome.

Cristo ĩgũ dire coãgũ, ĩgũ yarã erã ñeri iĩrare coewearũ

²³ Eropiro i yeba maja wihire, iri wihi árĩri sãre ñerire coewearo dopa ta waimurã di mera wejẽsiripeomũripũ. Eropiro iri tauro umarogue wamõrãre erã ñeri dipuwaja oparare coero gahmea. Eropiro waimurã di tauro árĩgũ ya di mera erã ñerire coero gahmea. Eropirã Jesucristo ya di mera coenirã wabũ maripũ.

²⁴ Eropigũ Cristo mari ñeri iira dipuwajare Goãmũre coãdoregũ Goãmũre erã umupeori wihi masa erã iira wihire ñajabiripũ. I yeba maja wihi umaro maja wihi ĩhacũ iira wihi áhrraa. Goãmũ ya wihi gohra umaro maja wihi áhrraa. Eropigũ mari ñeri iira dipuwajare coãdoregũ Goãmũ árĩro gohrague ñajapũ Cristo. Umarogue wapũ ĩgũ Goãmũ core mari ya árĩburire serẽbasabu.

²⁵ Pahia opũ bojori nũcũ Goãmũ ĩgũ árĩri taribugue erã ñeri iira dipuwajare coãdoregũ ñajamũripũ waimurã di mera. Cristopũ sĩrigũ ĩgũ dire coãdigũ Goãmũre mari ñeri iira dipuwajare coãdoregũ erã iiro dopa bajasuburi ñajabiripũ.

²⁶ Bajasuburi ĩġu dire cóabu árġu, i yeba árġopē bajasuburi ĩġu ñero sġrġnġguicāboñumi. Yujusubu ta dehyoapu ĩġu i yebaguere i amā pehrerġna coreġā. ĩġu dehyoagu ĩġu yujusubu ta sġribasara mera mari árġpehrerā ñeri ġirare cóabu dehyoapu.

²⁷ Árġpehrerā mari masa sā yujusubu ta sġrirāca. Mari eropa sġrira puhrū, óarāre, ñerā sāre beyegucumi Goāmū.

²⁸ Yujusubu ta mari sġriro dopa ta Cristo sā yujusubu ta sġripu bajarā masa erā ñero ġirare cóabu. Puhrū dipaturi dujarġgucumi. Mari ñerire cóadġgugue dujarġgucumi. Eropġgu ġirare dipaturi cóāġu arísome. Eropā arġgu mucubiriri mera ĩġure corerāre taugū arġgucumi. ĩġu pohroġue erāre aġġabu arġgucumi.

10

¹ Moise doreri puhrū Cristo masare ĩġu óaro ġiburire ġhmura dihta árġbu. Eropġro Cristo masare erā ñeri ġirare óaro cóāboro dopa ġirare doreri erā ñerire cóāmasġbiriyoro dohpa. Eropġro ġirare doreri ġirare ġidorero dopa ta pahġa bojori ñucu Goāmūre waimūre weġē, soe muġu, ġġnġguġerecū masa erā ñerire cóāmasġbiriyoro. Goāmūre umuġeomorāre óarā árġcū ġimasġbiriyoro ġirare doreri.

² Ģri mera masa erā ñerire cóācū, yujusubu ta Goāmūre erā waimūre weġē di cóāra puhrū erā ñerire cóāpehosūboñuma. Eropġrā ġirare majarā, “Dġpuwaja mara ġuare,” arġ pepġboñuma masa. Eropġrā ġirare dipaturi Goāmūre waimūre weġēburire duhcāboñuma.

³ Óabġrimūriñorā dohpa. Eropġrā bojori ñucu Goāmūre waimūre weġē di cóācū masa erā ñeri dipuġajare ġuñanġguicāñorā.

⁴ Wecūa di mera, cabritoa di mera ne mari ñeri dipuġajare cóāmasiya mariyoro dohpa.

⁵ Ģri eropa árġcū ġagu Cristo i yebaguere ĩġu arġboro core ópa arġpu Goāmūre ĩġu Paġure:

Waimūre erā soe muġu ocū, trġgo pogare erā ocū sāre mu ġagu ġhasuabeaa muġu. Eropġgu masa dehyoacū ġbu muġu yure. Muġu yure ġira dupū mure mucubġricū yu ġiburi dupū árġroca.

⁶ ñerire erā cóāborore waimūre weġē erā soe muġucū ġagu ġhasuabġrabu muġu.

⁷ Mu eropa ġhasuabġricū ġagu ópa arġbu mure: “Mu ġamerire yebague ġġgu wagura. Yu eropġburire arġ ġojara āhraa mu yare erā ġojarapūġue,” arġbu yuġu, arġmūripu Cristo Ģu Paġure.

⁸ Negohraguere Goāmū ĩġu doreri waimūre trġgo poga sāre erā ori mera erā ġure umuġeodoreġerecū ta ópa arġpu Cristo Ģure. “Waimūre soe muġu erā ocū, trġgo pogare erā ocū sāre ġamebġribu muġu,” arġpu ĩġu.

⁹ Eropā arġtuhagu ópa arġnemopu: “Mu ġamerire yebague ġġgu wagura,” arġpu. ĩġu eropġricū ópa masa mari. Ģriboġegue Goāmūre erā ñerire cóādorera waimūre weġē di cóārare ġohrotogu ġpu Goāmū. Eropā ġohrotogu Cristo ĩġu sġridiro mera masare erā ñeri dipuġajare taugucumi Goāmū.

¹⁰ Jesucristo ĩġu dupure ogu sġriġu árġpehrerā mari ñero ġirare cóadġgu árġmi. Yujusubu ta Goāmūre ĩġu dupure ogu marire dipuġaja marġcū ġidi árġmi. Eropā ġġgu Goāmū ĩġu ġamediro dopa ta ġidi árġmi.

¹¹ Árġpehrerā pahġa umuri ñucu Goāmūre umuġeori wihi mohmenġguġma. Eropā mohmenġguġrā mūraro ta waimūre weġē soe muġma Goāmūre masa ñerire cāġġidoremorā. Ģri eropa ġġquerecū ta erā ñero ġirare cāġġġbeamġ ĩġu.

¹² Cristopu yujusubu ta mari ñeri dipuġajare sġriġu, mari ñero ġirare óaro cāġġġpehocācū ġidġgu árġmi. Ģrġre cāġġġpehocū ġituha waha wapū ĩġu Paġu pohroġue ĩġu dġayeru doagu wagu. Opū árġgu erogue doacumi.

¹³ Eroġure doagu coreġu ġimi. Ģure ġhaturġre ĩġu Paġu ĩġu tarġnġgabasaborore coreġu ġimi.

¹⁴ Yujusubu ta ĩġu sġridiro mera ĩġu coenġre óarā ñeri mariro erā árġnġguicū ġidi árġmi. Eropġgu Goāmū pohro doami pare.

¹⁵ Jesucristo eropa ġiboro core erā arġ ġojamuhtarare arġ weremi Espġritu Santo marire. Ópa arġ weremi ĩġu:

¹⁶ Ópa arġmi mari Opū: “Puhrūguere ópa arġ wereġura Ģrae masare. ‘Yu dorerire erā yuġhridiacū ġġgu erā pepġriġue apġġura,’ arġ wereġura,” arġmi ĩġu.

¹⁷ Ópa arġnemomi Goāmū:

“Erā ñero ġirare dipaturi ġuñanemosome yuġu,” arġmi ĩġu, arġ weremi marire Espġritu Santo Goāmū yare ġojarapūġue.

¹⁸ Mari ñeri iirare İġu cādijicā dipaturi mari ñeri dipuwajare sīribure gamebeaa mari.

Goāmu pohro mari ejaro dopa ta İġu mera ġüiro mariro mari wereniġuimasia

¹⁹ Cristo İġu sīriro mera İġu di cōāro mera mari sā dohpaguere ġüiro mariro Goāmu mera wereniġuimasia. Eropirā İġure serēmasia.

²⁰ Iribojegue Goāmu İġu āriri taribugue Goāmure serēbu pahia opu dihta ñajamasimi. Iri taribure Goāmu ārīrore cāhmotara suhrīrore İġu dihta tari ñaja serēmasimi. Dohpague ta mari basi Goāmu ārīro ñajaro dopa ta Goāmure serēmasia. Pahia opu İġu iri taribugue İġu dire aī ñajaro dopa ta Cristopu Goāmu pohrogue ejapu mari ñeri iirare cādijidoreġu ejagu. Eropa iġu Goāmu mera mari wereniġuibodīrore cāhmotadirore cōādi ārīmi.

²¹ Goāmu pohrogue serēbasagu mari Goāmu yarā yagu pahia opu turatariagu āhrimi Jesucristo.

²² Eropirā, yu acawererā, Cristo mari pahia opu ārīcū İha mari Goāmu mera wereniġuimasirā ārīrā Goāmure serērā. Diaye pepirā ārīrā, “İġu yuhriġucumi,” arī umupeorā İġure serērā. Cristo mari ñerire İġu di mera coenirā āhraa. Eropirā “Dipuwajacurā āhraa,” arī pepirā ārībeaa mari. Eropirā ġuhrari mariri deco mera coeweasūnirā iro dopa āhraa. Eropa ārīrā Goāmure serērā.

²³ “Muare taġura,” İġu arīdiro dopa ta iġucumi. Eropirā İġu marire İġu tauborore ōaro mucubirimuhtayua mari. Irire mucubirimuhtayurā ne cādijibiricārā. Goāmure eropa ġuñaturanigūicārā. Eropa ġuñaturarā irire ġajirāre wererā mari.

²⁴ Mari mera majarāre mahirā itamurā mari ārīpehrerā mari game mahi mari itamuboro dopa.

²⁵ Eropirā ōaro gamenererā Goāmure umupeomorā. ġajirāpu gamenerebeama Goāmu yare buhemorā. Erā iiro dopa iibiricārā. Mari mera majarāre Jesucristore umupeonemocū iirā. I yebagure marī Opu İġu dujariboro merogā duhyaa. Irire masirā turaro itamurā mari mera majarāre, Jesu yarāre erā Jesucristore umupeorire.

²⁶ Diaye ārīri buherire mari masiġuererā ta irire cōārā ñerire mari eropa iinigūicū, Jesucristo sīrira mera mari ñerire cōānemoboro ne mara.

²⁷ Eropiro eropa iirāre ġuhyaro dujaa. Árīpehrerā İġure İhaturirāre dipuwaja moagu turaro ūjurogue cōāġucumi Goāmu erāre. Eropirā İġu dipuwaja moaborore ġüirā dihta āhrima İġu yare cōānirā.

²⁸ Moise dorerire tarinuganirāre dipuwaja moarā erāre wejēmuriñorā. Ne mojomoro İaro mariro wejēmuriñorā erāre. Ūrerā erā ñero iirare weresācū peerā erā tarinugare masima. Ūrerā maricū perā erā ñero iirare weresācū peerā erāre wejēmuriñorā Goāmu dorero dopa ta.

²⁹ Erā iidiro tauro Goāmu ġagure İhaturirā dipuwaja moasūmorā ārīrācoma. Cristo İġu di cōāro mera marire mari ñeri iirare cōādi ārīmi Goāmu. İġu eropa cōāborore wereyupu İġu. Eropirā İġu cōānirā erā ārīġuererā ta, puhrū İġu di cōārare “Bu gohra āhraa,” arīrā İġu dipuwaja moamorā gohra ārīrā ta iirācoma. Eropa ārīrā Espiritu Santore ñero arī wereniġuirā āhrima. İġu erāre mahiġu āhrimi. Erā eropa ñero wereniġucū İaġu turaro dipuwaja moaġucumi Goāmu erāre.

³⁰ Goāmu eropa iġu ārīġure masia. Goāmu İġu basi ta ōpa arīpu: “Yuhū āhraa dipuwaja moabu. Erā ñerire iira dipuwaja, dipuwaja moagura yuhū,” arīpu İġu. Ōpa arīnemopu: “Yaharāre ñero iirāre dipuwaja moagura,” arīpu İġu, arī ġojañuma İġu yare ġojarapūgue.

³¹ Goāmu ojocarīġu marire dipuwaja moacū ġuhyataria.

³² Iribojegue maa ārīrāre ġuñaque maa. Irisubure Goāmu yare ne masinugarā ñero tariġuererā bajasuburi ñero tariġuererā ne İġu yare cōābiribū maa.

³³ Yujuyerisuburi masa erā İhuro ġajirā muare ñero arī, ñero pabirama muare. Eropirā ġajirā Jesu yarāre erā ñero iicū İarā erāre mojomoro İabu maa.

³⁴ Erā Cristo yarā erā ārīra waja erā peresugue ārīrāre mojomoro İabu maa. Eropirā maa yare erā emaquerecū ta mucubiriri mera “Ōaroca,” arīmuribū maa. I yeba maja tauro ōarire umaroguerē maa opaburire masimuribū. Iri ōari pehrebiriborore masibu maa. Irire masirā maa oparire erā emacū bujawerebiribū maa.

³⁵ Eropirā irire ġuñatura duhubiricāque. Goāmure eropa umupeonigūicāque. Maa eropa iira waja muare ōaro iġucumi.

³⁶ Goāmu yare ōaro iinigūicāro ġahmea ne duhuro mariro. Goāmu yare iirā bocatīuro ġahmea. Eropa iirā ārīrā İġu ġamerire maa iira puhrū İġu “Muare ōpa ogura,” İġu arī apirare oparāca.

³⁷ Ōpa āhraa Goāmu yare erā ġojarapūgue:

Merogã duh, ñero pabirama mware. Eropirya Cristo ïgu eraboro. Eropa eragu mata erapurumujugacumi.

³⁸ Yaharã ðarãpũ yure umupeoniguicãrãcoma. Eropirã yaharã árĩniguicãrãcoma. Yũ mera eropa árĩniguicãrãcoma. Yahare cóanirãpure ïhasuosome yuhũ, arĩmi Goãmũ, arĩ gojañuma.

³⁹ Maripũ Goãmũ yare cóarã árĩbeaa mari. Eropirã peamegue wamorã árĩbeaa mari. Goãmũre umupeoa mari. Eropirã ïgu taunirã àhraa ïgu pohro wamorã.

11

Umupeorire werepũ

¹ Òpa àhraa umupeori: Goãmũre umupeorã, marire ïgu ðaro iiburire ðaro masia. ïgure ïabiriqererã ïgure umupeorã “Diaye ta ïgu àhrimi,” arĩ pepia mari.

² Iribojegue majarã Goãmũre “Diaye ta ïgu àhrimi,” erã arĩ umupeocã ïagu ïhasũaru Goãmũru.

³ Goãmũ ïgu wereniguirĩ mera árĩpehrerire ïhacũnugupũ. Eropigu ïgu mari ïabirirare árĩpehrerire mari dohpague mari ïari sãre ïhacũnugupũ. Irire mari ðaro masia Goãmũre umupeorã.

⁴ Goãmũre umupeogu Abelpũ cordero wejẽ, soe mujupũ Goãmũre umupeogu. Eropa ïgu ïgu tígu tauro ðaro umupeopũ ïgu Goãmũre. Eropigu Goãmũ ïgu orare mucubiripũ. Eropa mucubirigu “Òagu àhrimi,” arĩ ïapũ ïgu Abelre Goãmũre umupeogure. Abel iribojegue sĩridigu mũru árĩquerecũ ïgu Goãmũre eropa ii umupeorare guñaa mari sã. Eropa guñarã. Goãmũre umupeoa mari sã.

⁵ Enoco Goãmũre ïgu umupeocã ïagu mucubirimuripũ Goãmũ. Eropa mucubirigu ïgure ïgu pohrogue aĩmuriapũ. Eropa ta werea Goãmũ yare wereniguirire erã gojarapũgue. ïgu eropa aĩmuriara pũhru masa ïgure ne bocabiriñorã. ïgu eropa aĩmuriadigu árĩgu ne sĩbiripũ.

⁶ Goãmũre umupeobirã ïgure mucubiricũ iimasibeeaa mari. Goãmũre serẽdiarã ðpa ïgure arĩ pepiro gahmea marire. “Diaye ta ïgu Goãmũ gohra àhrimi. Eropigu ïgure mari umupeocã marire ðaro iimi ïgu,” arĩ pepiro gahmea. Mari eropa arĩ pepibirã mari ïgure serẽmasibeeaa.

⁷ Noẽ Goãmũre umupeogu ïgure ïgu wererare ðaro yũhripũ. Pũhru erã ñero waborore Goãmũ ïgure werecũ peegu ðaro yũhripũ ïgu. Eropa yũhrigu wãadiru dohodiru iipũ ïgu acawererã dia miririñere tarimorã. Noẽ eropa umupeogu árĩgu i yeba majarã ñerã erã umupeobirirare, erã taribiriboro sãre ïhmugũ iimuripũ. Eropigu ïgu umupeocã ïagu “Òagu àhrimi,” arĩ ïamuripũ Goãmũ ïgure.

⁸ Abrahã sã Goãmũre umupeogu ïgure yũhripũ. Gaji yebaguere ïgure ïgu oburi yebaguere Goãmũ ïgure wadocẽ ïgure yũhripũ. ïgu ya yebare wirigãgu ïgu masibiriri yebague ejapu.

⁹ “I yebare mũre ogura,” Goãmũ ïgu arĩcũ peegu ïgure umupeogu iri yebague eja árĩmerezapu ïgu. Ero arĩmerezajueregu ïgu gaji yeba majagu árĩro dopa waimurã gasiri wiri mera wilicu curimuripũ mũrano árĩbirinijagu árĩgu. ïgu magu Isaa sã ïgu pãrami Jacobo sã ïgu iiro dopa ta iimuriñorã. “Mware i yebare ogura,” arĩ weremuripũ Goãmũ erã sãre.

¹⁰ Eropigu i yebare curigu macari iibirimuripũ Abrahã. Gaji macague Goãmũ ïgu árĩri macague umarogue ïgu waborore coregu iipũ Abrahã. Iri maca Goãmũ iira macaũ. Eropigu ïgu umupeocã ï arĩyoro. Eropigu iri macare ne pehrebiriburi macare coregu iipũ.

¹¹ Goãmũre umupeogo Sara waĩcũgo, bũro gohra árĩquerego porã marigo árĩquerego ta porãcũpo. “Goãmũ ïgu arĩdiro dopa ta ïugacumi,” arĩgo ïgure umupeogo porãcũpo.

¹² Eropigu Abrahã bugũ gohra árĩqueregu ta porãcũpu. Eropirã ïgu pãramerã árĩturiarãgue bajarã wacãñorã. Necãre, imipa yerire mari queorã yujuro bojeya mariro dopa ta, ïgu pãramerã árĩturiarã sãre queo bocatũya mariñorã.

¹³ Árĩpehrerã oã yũ werenirã mũrague Goãmũre umupeotuhajanirãgue sĩriñorã. Goãmũ “Mware ogura,” ïgu arĩrare opanibirãgue sĩriñorã. Eropa opabiriqererã “Goãmũ ïgu arĩdiro dopa ta pũhũgue ogucumi guare,” arĩ masiñorã. Eropa masirã mucubirimũhtañorã. Eropirã ðpa arĩñorã erã: “I yebague curirã àhraa. Gaji yeba majarã àhraa,” arĩmuriñorã erã.

¹⁴ Eropa arĩrã gaji yebare erã ya yeba árĩborore corerã iĩñorã. Irire ðaro masia mari.

¹⁵ “Gaji yeba majarã àhraa,” erã arĩrã iribojegue erã cóara yebare guñarã iibirĩñorã. Iri yebague dujaa wadiarã dujaa waboñuma.

¹⁶ Ōari yebapüre gahme corerä iññorä. Iri yeba ʘmarogue ähraa. Erä eropa gahme corecū iagu Goāmüre “Gua opu ährimi,” erä aricū peegu ne guhyasiribiripu Goāmü. İgu pohro erä ya maca árñborore iibasatuhadi árñmi İgu. Eropigu guhyasiribiripu.

¹⁷⁻¹⁸ Goāmü Abrahäre İgu magure Isaare wejē soe mujudorepu. İğure İadiagu eropa dorepu, “¿Diaye ta yare umupeori?” arıgu. Eropigu Goāmüre umupeogu İgu arıdıro dopa ta iiripu Abrahä. “Mü magu Isaa mera mü päramerä árñturiaräre opaguca muhu,” Goāmü İgu arıdıro árñquerecū İgu magure wejēbu iiripu Goāmü dorero dopa ta.

¹⁹ “Yu magure Isaare yu wejēcū Goāmü İğure masugacumi,” arı pepigu İğure wejēbu iiripu. Eropigu Goāmü İğure cāhmota İğure wejēdorebiripu. İgu pagu İgu eropa wejēbu árıgu Isaa siribudıgu árıpu. Eropigu siridi masadıgu iro dopa árıpu İgu. Eropigu Abrahä İğure ojocarıgu dipaturi opapu İğure.

²⁰ Isaa Goāmüre umupeogu İgu poräre Jacobore, Esaú säre “Puhrugue Goāmü müare öaro iigucumi,” arıpu.

²¹ Goāmüre umupeogu Jacobo İgu siriboro coregä wahgānugaja İgu tuadıgu mera tuañanugaja Goāmüre serē umupeopu. Eropa serēgu José poräre ʘmare “Goāmü müare öaro iigucumi,” arıpu Jacobo.

²² Goāmüre umupeogu José İgu siriboro coregä Israe masa Egipto árñrā erä wiriaborore weremuhtapu. Eropa erä wiriaborore masiyugu İgu sirira dupu mürarore aigādorepu İgu poräre.

²³ Goāmüre umupeorä ʘrerä abe gohra Moisere dibuñorä İgu pagu sumarä İgu masa dehyoara puhru. Öagugä İgu árñcū İarä İğugäre dibuñorä. Iri yeba majagu tauro árıgu opu İgu majiräre wejēdorerire tarinugarä İğure dibuñorä erä. Erä erä opüre güibiriñorä.

²⁴ Moisere masudigo i yeba majarä opu mago árñpo. Eropa igo masudıgu árñqueregu, Goāmüre umupeogu “Opu mago magu ährimi,” erä arı piyucü gamebiripu İgu Moise. Oparä mera majagu árñdiabıgu Goāmü yarä mera majagu árñdiapu.

²⁵ Goāmüre tarinugadiagu árıgu İğure masudigo pohrogue bajamenurıgä öaro árñboñumi. Eropa öaro árñbu árñqueregu İgu Goāmü yarä mera ñero tarıdiapu.

²⁶ Eropigu Egipto majarä ya öarire tauro Cristo ya árñburire ñero tarıburire gamepu. Puhrugue Goāmü İğure İgu öarire oborore masıgu ñero tarıdiapu.

²⁷ Goāmüre umupeogu Egipto majagu tauro opu, İgu mera İgu guacū güibiripu. Eropa güıbigu iri yeba árñdıgu iri yebare cóacä waha wapü. Goāmüre İabiriqueregu “Goāmü árñcumi,” arı pepıpu İgu. Eropigu İgu iiborore ne duhubiripu.

²⁸ Goāmüre umupeogu Moise Israe masare Goāmü İgu tauborore masıpu. Eropa masıgu Goāmü İgu dorediro dopa ta Israe masa erä disiporirire erä tura mijirire di mera wejēsiri tuhdorepu. Eropa dorepu anyu masare wejēgu erä masa tñräre wejēbodıgu Israe masa erä masa tñräre wejēbiriboro dopa.

²⁹ Goāmüre umupeorä Israe masa deco diariya waıcürıya deco watope árñri maha deco mariri maha tarıbujañorä. Erä eropa tarıbujaçü İarä Egipto majaräpu eräre nurusiarä eräre İhacü tarıbujanırä miri siria wañorä.

³⁰ Goāmüre umupeorä Israe masa Jericó maca säriro, wuari säriro purupu majisora curiñorä. Siete nuri gohra iri macare majisora curiñorä erä. Iri nucü nuri erä majisorara puhru iri säriropu dijaphearea wayoro.

³¹ Iri maca majago ʘma mera ñero iidigo Rahab waıcugo Goāmüre umupeogo Israe masare itamupo. Iri macare erä cóaboro core bajamerägä Israe masa erogue erä ñaja duhrıcü İha igo eräre itamupo. Eropırä Israe masa iri maca majaräre Goāmüre tarinuganıräre wejēpehoquererä ta igopüre wejēbiriñorä.

³² Gajiräre Goāmüre umupeonıräre werenemoboya yuhu. Eropa werediaqueregu ta bajaräre eropa Goāmüre umupeorä säre were gojapehomasibirica yuhu. Gedeö, Baraca, Sansö, Jefe, Davi, Samue, Goāmü yare weremuhtanırä sä árñpehrerä yu werebonırä ährima.

³³ Goāmüre umupeorä yujuräyeri gajı yebarıgue árñri macari majaräre gamewejē tarinugañorä. Eropırä gajırä diaye dorenırä árññorä. Gajırä Goāmü eräre “Müare itamugura,” İgu arıdıro dopa ta İgu itamurire bocañorä. Eropa İğure umupeorä yea eräre badiacü eräre erä babirıcü iññorä erä.

³⁴ Turaro üjuri peameri árñquerecū ta üjübiririñorä erä Goāmüre umupeonıjarä. Gajırä eräre ñose wejēdiacü duhrıgä wañorä erä Goāmüre umupeorä. Turabırä árñquererä Goāmüre umupeo, turarä wañorä. “Goāmüre umupeorä ähraa. Gamewejē turarä ähraa,” eropa arıñrā árñcū gajı yebari majarä surara erä wejērä arırä ne yujuro bojebiriñorä.

³⁵ Goãmure erã umupeocũ ãagu yujurãyeri nome erã acawererã sîricũ ãagu Goãmuru erãre masupu.

Gajirãpuru "Goãmure gamebircãque," erã arĩ peresu iicũ erãpu Goãmure duhudia-biriñorã. "Maa Goãmure duhucũ muare taurãca," arĩñorã erãre. Erãpu duhubiriñorã Goãmuru mera erã ðaro masaborore gamerã. Eropirã erãre erã ñero iicũ sîria wañorã.

³⁶ Gajirãre Goãmure umupeorãre ñero arĩ wereya erãre tãramuriñorã. Eropirã gajirãre guburire, mojotorire diricãa peresu iinorã.

³⁷ Goãmure umupeorãre ñerã utã mera dea wejẽmuriñorã. Gajirãre erã dupure seroti mera wiritamuriñorã. Gajirãre ñoserimijiri mera ñose wejẽmuriñorã. Erãre Cristore cõadorerã erã ñero iimuriñorã. Gajirã erãre ñero iicũ oveja gasiri mera, cabra gasiri mera suhricurã mojomorocurã árimuriñorã.

³⁸ Erã ðatariarã erã áricũ i yeba majarã ñerã erã mera majarã áribonirã áribeamã. Wiri marirã árirã, masa marirogue utã yucugue árigãri siaricãmuriñorã. Eropa árigãri siarirã utã yucugue árirã goberigüe, yebague árirã goberi sãre carigãri siaricãmuriñorã.

³⁹ Oã áripehrerã Goãmure erã umupeocũ ãagu mucubiripu ãgu. "Ðaro iibã maa," arĩpu. Erã eropa ðaro umupeoquerecũ Goãmuru erãre "Muare taugura," ãgu arĩdiro ejanibiriya dohpa.

⁴⁰ Ðpa arĩ pepipu Goãmuru: "Oãre yaharãre, puhruge árirã yaharã mera yujuro mera taugura," arĩ pepipu. ãgu eropa arĩ pepidiro dopa ta iigucumi. ãgu eropiicũ ðatariaro áritoca ero core ãgu iidiro tauro.

12

Jesure eropa umupeonigucãrã mari

¹ Eropirã oãre yu werenirãre bajarã Goãmure umupeonirãre, ñerire iibirinirãre masirã áripehreri ñero iirire duhucãrã mari sã. Ðpa áhraa mari queoriñe mera werecũ: Nucãrire opagu omari masu turaro omamasibeami. Eropa ta mari Goãmuru gamerire iimasibeaa mari ñerire iicũ. Eropirã irire duhucãrã mari. Eropirã Goãmuru ãgu gamero dopa ta ðarire iinigucãrã.

² Eropirã Jesure eropa guñaniguirã. ãgu ta áhrimi marire umupeo guñaturacũ iigu. Eropigu marire umupeonemocũ sãre iimi ãgu. Crusague sîrigu yujuro bojepu. Puhru ãgu mucubiriborore masigu crusague sîripu. Eropa sîrigu guhyasiribodigu ártiqueregu guhyasiribiripu ãgu. Eropa iira puhru dohpaguere Goãmuru ãgu opu ãgu doaro diayeru doanijagu ãgu dorebu iimi.

³ Ñerã masa ãgure ñero erã iicũ yujuro bojepu ãgu. ãgu eropa iidigure guñaque maa, maa sã ñero tarirã "Yujuro bojebiriboca," arĩrã. Irire guñaque maa ãgure umupeo duhuri arĩrã.

⁴ Ñerire maa tarinugaboro dopa Jesu iro dopa ñetariaro gohra tarinibeaa maa. Ñerã muare wejẽnibeama.

⁵ ¿Goãmuru muare ãgu porãre ãgu wererare cãdijicãri maa? Ðpa arĩpu ãgu: Yu magu, yuhu mure werecũ eropa pepicãbita. Yuhu mure turicũ peegu bujawerebita.

⁶ Áripehrerã yu mahirãre werea. Eropigu áripehrerã "Yu porã áhraa maa," yu arĩ ãarãre tarinugadorebeaa. Eropigu erã tarinugacũ ãha erãre yu porãre merogã dipuwaja moaa, arĩpu Goãmuru.

⁷ Nero tarirã yujuro bojeque "Goãmuru yure weregu iimi," arĩrã. ãgu yare duhubircãque. Goãmuru muare ãgu porãre merogã dipuwaja moagu iimi. Erã pagu sumarã erã porãre eropa werema. Eropirã erãre dipuwaja moama. Eropa ta iimi Goãmuru sã marire ãgu porãre.

⁸ Goãmuru áripehrerãre weremi. Goãmuru muare ãgu werebircũ ãgu porã gohra áribeaã maa. Eropirã ãgu porã áribirã yujugu majigu ãgu pagure ãgu masibiro dopa ta ãgu weresũya marigu áritro dopa ta áhraa maa. Eropirã Goãmure "Yu pagu gohra áhrimi," arĩmasibeaa maa ãgu muare werebircã.

⁹ Mari pagu sumarã marire erã werecũ peerã erãre umupeoa mari. Mari pagu sumarãre mari umupeoro tauro umupeoro gahmeã mari Pagu Goãmuru ãgu werecũ. Eropirã ãgure yuhriro gahmeã marire. Eropa yuhriã áripehrerinuri ãgu mera árirãca.

¹⁰ Bajamenurigã mari pagu sumarã erã gamero dopa marire were dipuwaja moama. Goãmuru marire ðaro weremi. Eropigu ãgu masiri mera marire dipuwaja moami marire ðarã masadoregu. Eropa iimi ãgu marire ãgu iro dopa ðarã mari áriboro dopa.

¹¹ Marire ãgu dipuwaja moacũ mucubiribeaa mari. Mari bu bujawerea. Eropa bujawerequererã ta ãgu eropa dipuwaja moara puhru ðarã árirãca mari. Eropirã ãgu wererire peenirã árirã gajiropa iiro mariro ðaro árirãca.

Goāmũ marire ĩḡũ dorerire mari yũhribiricũ ḡũhya āhraa marire

¹² Eropirā ḡũñaturabirā áriquererā ta Goāmũre ðaro ḡũñaturarā árique. ĩḡũre duhubiricāque.

¹³ Ōaro diaye maja mare mũa waro dopa ta pee gorowerero mariro ðaro diaye ta Goāmũre yũhrique. Mũa eropiicũ ihacũrā gajirā Jesu yarā gajiropa áririre iisome. Eropirā turabirā turarā warācoma.

¹⁴ Áripehrerā masa mera ðaro árique gamequeãro mariro. Eropirā ñero iibiricāque. Ñeri marirā dihta mari Opũ Cristore ĩarācoma.

¹⁵ Ōaro iique mũa. Goāmũ mũare ĩḡũ itamucũ ðaro yũhrique. Ñeri tiari iri oterire iri goroweoro dopa ta mũa sã Cristo yare duhu ñerire ḡũñaniguibiricāque gajirāre goroweori arĩrā.

¹⁶ Ne nome mera ñero iirā áribiricāque. Eropirā Goāmũ yare gamebirā áribiricāque. Eropa áriḡũ áriḡũ Esaú. ĩḡũ masa tiḡũ áriḡũ. Eropiḡũ ĩḡũ pagũ yare ĩḡũ sĩrira pũhru opabu áriḡũ. Eropa áriquererũ yujunũ barire gametarĩḡũ iri bari mera ĩḡũ pagũ magure ĩḡũ tiḡũ opaborore bu gohrotopũ.

¹⁷ Pũhru ĩḡũre warare masia mũa. ĩḡũ eropiira pũhru ĩḡũ pagũ ĩḡũre Esaũre ðaro áriðoreburire Goāmũre serēbasarire turaro gameripũ daja Esaũpũ. ĩḡũ eropa gamequerecũ ta ĩḡũ pagũ magũpũre ĩḡũ tiḡũ opaburire gohrotora dipuwaja ĩḡũjiropa áririre iisome. Eropirũ pagũ ĩḡũre obiripũ. Eropa gameḡũ turaro orequereḡũ ĩḡũ pagũre serēquereḡũ irire opamasibiripũ Esaú.

¹⁸ Goāmũ dorerire Moiserere ĩḡũ apicũḡũ mari acawererā Israe masa mũra Goāmũ pohro ejaboro ḡũhya áriyoro. Dohpagueere mũapũre eropa áribeaa. Ōpa wayoro erāre. Goāmũ ĩḡũ dorerire Moiserere iri dorerire apĩḡũ erā áriiri yeba majagũ utāḡũḡũ áriḡũ. Irĩḡũpũ Sinai waĩcũdigũ áriyoro. Eropiro erā Goāmũ pohro ejamorā irĩḡũḡũ erā ejacũ turaro peame ĩjũyoro. Eropiro naĩfiaro, imica curu, turaro mũru sã áriyoro irĩḡũ utāḡũre.

¹⁹⁻²⁰ Erogue erā ejacũ corneta busũyoro. Eropiro werenĩḡũro cariyoro. ĩḡũ eropa werenĩḡũri ejaricacũ peerā masa yujuro bojebiriñorā. Goāmũ erāre ḡũhyaro mera ðpa arĩ dorepũ erāre: “Áripehrerā irĩḡũ utāḡũre pēhrerāre utā mera dea wejēque erāre. Irĩḡũ utāḡũre pēhregũ waibugũ gohra ĩḡũ áriquererũ ĩḡũ sãre utā mera dea wejēcāque. O ñoserimiji mera ñose wejēque ĩḡũre,” arĩḡũ Goāmũ. ĩḡũ eroparicũ peerā yujuro bojebiriñorā erā.

²¹ Eropiḡũ áripehrerire utāḡũḡũre ḡũhyaro áririre ĩḡũ ᰄpa arĩḡũ Moise: “Bũriḡũ ḡũḡũ naragāḡũ iiaa,” arĩḡũ ĩḡũ.

²² Iribojegue Israe masa Goāmũ ĩḡũ áriḡũ utāḡũḡũ ejamasibirĩñorā sĩriri arĩrā. Dohpagueere mũapũ Jesu yarāpũ Goāmũ áriḡũ utāḡũḡũ, Sión waĩcũdigũḡũ, umaro majagũḡũ mũrijaro dopa ta diaye ta Goāmũ mera werenĩḡũmasia. Goāmũ ojocarĩḡũ ĩḡũ ya macague mũrijaro dopa ta diaye ta ĩḡũ mera werenĩḡũia mũa. Iri maca gajĩ maca mama maca Jerusalén umaro maja maca āhraa. Ero anyua bajarā gohra āhrima. Goāmũre umupeorā mucubiriri mera gamenererā āhrima.

²³ Eropirā mũapũ ĩḡũ ya maca majarā áriḡũ, erogue Goāmũ porā áriḡũhtarā mera mũa gamenere áribodiro dopa ta āhraa. ĩḡũ porā erā waĩre ĩḡũ gojaturapũḡũ umarogue erā waĩre gojatunirā āhrima. ĩḡũpũ mari Pagũpũ áripehrerā beyebu āhrimi. ĩḡũ mera majarā āhraa mũapũ. Eropirā gajirā ðarā Goāmũ yarā mera gamenererā dopa ta āhraa mũa sã. Erāre ta ñeri marirā iituhapũ Goāmũ.

²⁴ Eropirā Jesu mera majarā āhraa mũapũ. Negohraguere ĩḡũ dore apirare gohrotogu “Mũare ðaro iĩḡũra yũhũ,” arĩ apipũ Goāmũ marire. ĩḡũ eropa arĩ apidiro dopa ta iĩḡũ áriḡũ Jesu. ĩḡũ dire cohā ĩḡũ sĩrirañe mera marire ðaro taricũ iimi ĩḡũ. Abelre ĩḡũ di cóarare ĩḡũ Goāmũ Abelre wejēdigũre dipuwaja moapũ. Jesucristo ĩḡũ di cóarapũre ĩḡũ marire dipuwaja marirā áricũ iipũ. Eropiro Abel ĩḡũ di cóara bu gohra áriya. Cristopũ ĩḡũ di cóara pũhru ðatariaro iipũ Goāmũ marire. Eropiro Cristo ĩḡũ di cóara bu gohra áribiriya.

²⁵ Eropirā ðaro iique mũa. Goāmũ yare mũare wereḡũre ðaro yũhriḡũ árique. Iribojegue i yeba áriḡũ Moise Goāmũ yare ĩḡũ werecũ peerā, bajarā irire peediabiriñorā. Erā eropa peediabirira dipuwaja, dipuwaja moapũ Goāmũ erāre. Erā tauro dipuwaja moagucumi Cristore cóarāre. Cristopũ umarogue áriḡũ Goāmũ yare wereḡũ āhrimi.

²⁶ Irĩsubure Moiserere ĩḡũ dorerire ĩḡũ apirasubure Goāmũ ĩḡũ werenĩḡũro mera yeba ñohmecũ iipũ. Dohpaguepũre ðpa weremi ĩḡũ: “I yeba ñohmecũ yujusubu ta iinmogura. I yeba dihta ñohmecũ iisome yũhũ. Umarogue sãre ñohmecũ iĩḡũra,” arĩ wereḡũ ĩḡũ.

27 "I yeba ñohmecü yujusubu iinemogura," arĩgu, "Árĩpehrerire ya ñhacünugurare cóágura," arĩgu iipü. Goãmü İgu opu árĩroguerecü cóamasıya mara. Eropiro İgu ñhacünugurare İgu cóácü İgu opu árĩro dihta dujaroca.

28 İgu opu árĩroguere waráca mari. Eropirá İgu opu árĩrore İgu cóábıricü İarâ, Goãmüre "Óhaa," arirâ mari. Eropirâ umupeori mera, guhyadiaro mera İgu yare İirâ mari İgure mucubıricü İimorâ.

29 Peame İjuro guhyaro dopa ta Goãmü guhyaro dipuwaja moagu áhrimi. Eropirâ İgure guhyadiaro mera umupeorâ.

13

Ópa Goãmüre mucubıricü iique

¹ Múa mera majarâre mahi duhubıricâque.

² Masa múa masıbirâ árĩquerecü erâre óaro mera múa ya wirigue ñajaridoreque. Gajirâ eropiirâ, masıbirıquererâ anyuare erâ ya wirigue ñajaridoreñorâ. Eropirâ múa sâ eropa ta iique.

³ Peresu árĩrâre mojomoro İaque. Muapu erâ mera peresugue árĩrâ múa árĩboro dopa ta erâre mojomoro İaque. Gajirâ erâ ñero tarirâ sâre mojomoro İaque. Erâ iro dopa múa sâ ñero tariro dopa ta erâre mojomoro İaque.

⁴ Múa mojoto dirinirâre árĩpehrerâ óaro game umupeoque múa. Eropirâ mojoto dirinirâ gajirâ mera ñero İirâ árĩbıricâque. Árĩpehrerâ uma nome mera ñero İinirâre, nome uma mera ñero İinirâ sâre dipuwaja moagucumi Goãmü.

⁵ Nıyerure gamerâ ne árĩbıricâque. Ópa arĩpu Goãmü: "Muare ne cóasome. Eropa İtamunıguıgura," arĩpu İgu. Eropirâ múa opari mera irıpêta mucubırique. Wuaro gamenemobıricâque.

⁶ Eropirâ güiro marıro ópa arĩ pepırâca marmera múa ya wirigue ñajaridori: Mari Opu marire İtamugu áhrimi. Eropirâ ne güisome mari. Masa marire erâ ñero İıborore güisome mari, arĩ pepırâca mari.

⁷ Goãmü yare muare werenirâre muare dorenirâre guñaque múa. Eropirâ óaro erâ árĩricurare guñaque. Eropa guñarâ, Cristore erâ umupeorare İhacüque múa.

⁸ Jesucristo ne gohrotobeami. Iribojegue, dohpague sâre, puhrugue sâre İgu árĩdoro dopa ta árĩnıguıcâgucumi İgu.

⁹ Baja buheri gajiropa árĩri buherire peebıricâque óari buherire guague cohâri arirâ. "İre baque. İre babıricâque," arĩ buhemaacâma gajirâ. Eropa arırrıre mari yuhıricü iri marire İtamubeaa. Eropiro eropa arĩ buherire mari İicü bu gohra ta áhraa. İri marire guñaturarâ árıcü İibeaa. Goãmü marire guñaturacü İimi.

¹⁰ Cristo mari ñeri dipuwajare sıridi árĩmi mari ñerire cóâbu. Pahiapu ópa arirâ áhrima: "Waıbuğu ya Goãmüre wejê soe mujucü, Goãmü mera tarıgaca," arirâ İirıma erâ. Eropa arirâ erâ ñeri İirare ne cóânirâ árĩmasıbeama.

¹¹ Pahlia opu Goãmü İgu árĩri tarıbu gohrague waıbuğu wejêdıgu dire aı ñajagu Goãmüre ópu masa erâ ñerire cóádoregu. Eropıgu İgu wejêdıgu waıbugure iri maca turogue soe cóácâñorâ.

¹² Eropa ta Jesu sâ maca turogue sırıpu. İgu di cóâri mera masa ñeri marirâ wacü İıbu sırıpu.

¹³ Maca turogue İgu sıricü İarâ, erâ buherire İgu cóácü İarâ judio masa İgure İhatırıñorâ. Eropirâ mari sâ İgu mera majarâ árĩrâ. Mari eropa árıcü İarâ masa mari sâre İhatırırâcoma.

¹⁴ Erâ marire İhatırıquerecü áhraa. I yebague mari árıwajaburi maca árıbeaa. Mari puhrugue árıburi macare corerâ İıaa mari.

¹⁵ Eropirâ Jesu İgu İtamuro mera İgu Pagu mera werenıguıa mari. Eropirâ İgure óaro serênıguıcârâ. "Mari Pagu turagu áhrimi," arĩ umupeonıguırâ gajırâre wererâ. Mari eropa arĩ werecü İgu mucubırıgucumi.

¹⁶ Múa mera majarâre óaro iique. Múa oparire gajirâ sâre oque. İrre cädıjıbıricâque. Múa eropa óaro İirâ Goãmüre umupeorâ İıca. Eropa İirâ İgure mucubıricü İırâca.

¹⁷ Múa oparâre óaro yuhırique. Erâ dorero dopa ta yuhırique. Goãmü muare İhadıbu buhedoregu apımı erâ oparâre. İgu eropa apınırâ árĩrâ eropa muare İhadıbunıguırâ İıma Goãmüre tarınugadıabırâ. Eropirâ erâre óaro yuhırique múa erâ mucubıriri mera muare İtamuboro dopa ta. Múa yuhıbıricü İarâ erâ bujawererâcoma. Eropa yuhıbırırâ óaro árısıme múa.

¹⁸ Guare serêbasanıguıque Goãmüre. İmuri nucü óari dıhtare İıııaa gua. Eropirâ "Ñerire İirâ İıaa," arĩ pepıbeaa gua.

¹⁹ I tamerare turaro serēbasaque Goāmure yure: Yojaro mera yu mña pohrogue wamasiborore serēque Goāmure.

Ipū gojabeodigu ðadoretupu

²⁰ Goāmũ marire ðaro árĩcũ iigu āhrimi. Īgu mari Opu Jesucristo sīridigure masupu. Īgu “Mũare ðaro iigũra,” marire arĩ apidigu āhrimi. Īgu eropa arĩrare iinijagu Jesupu marire taugu āhrimi. Mari ñeri dipuwajare ĩgu di cohā sīripũ ĩgu. Eropigu ĩgu turagu, ovejare ĩhadibugũ iro dopa árĩgu, marire ĩgu yarāre ðaro ĩhadibumi.

²¹ Eropigu Goāmũ ĩgure masudigu mña sāre itamuporo árĩpehreri ĩgu gamerire mña iiboro dopa. Eropigu Jesucristo ĩgu itamuri mera Goāmũ ĩgu gamero dopa ta árĩpehrerā marire ðarire gohrotocũ iiporo. Eropirā árĩpehrerinũri Cristore umupeorā. Eropa ta iirā.

²² Yũ acawererā, ire turaro mũare doregũra: Ipũ mũare yũ wererare ðaro mera peeque mña. I yũ mũare gojabeoripũ wuaripũ árĩbeaa. Eropirā ire ðaro peeque.

²³ I sāre mũare weregũra: Mari acaweregure Timoteore peresu árĩdigure wiuañorā. Dohpagohtagā ĩgu aricũ yũhũ ĩgu mera mũare ĩagu wagũra.

²⁴ Mña oparāre, árĩpehrerā gajirāre Goāmũ yarāre ero árĩrāre ðadorea. Italia majarā Jesu yarā sã mũare ðadorema.

²⁵ Árĩpehreri mera Goāmũ mũare ðaro iiporo. Eropa ta iiporo. Iripēta āhrra.

Santiago

Santiago Israe masare macari wasiriniräre gojabeoñumi

¹ Yuhũ Santiago ipũ mera mũare ðadore gojabeogu iiaa. Goãmu mari Pagu pohro majagu ahraa. Mari Opu Jesucristo yare mohmegu ta ahraa yuhũ. Eropigu mũare Israe masare doce cururi majaräre Jesu yaräre macari wasiriniräre yu acawereräre gojabeogu iiaa.

Goãmu ðaro pee masirire ohomi marire, arĩ gojañumi Santiago

² Yu acawererä, baja áríroca mua ñero tariburi. Mua ñero tariquererä ðaro mucubiriri mera pepicäque.

³ Eropa ñero tarirä, Jesure mua umupeorire diaye ta áricũ ihmurä iica. Eropirä ñero tariquererä Jesure mua ðaro umupeoniguicänirä igure umupeonemorä waräca. Eropa warä mua ñero taririre bocatiuräca.

⁴ Eropirä eropa bocatiurä áricque mua duhuro mariro ðaro pee masirä mua áríboro dopa.

⁵ Goãmu duhyaro mariro árípehreräre ohomi. Eropa ogu igure serēräre turibeami igu. Igu eropa áricgu áricũ masirä mũare pee masiri duhyarire igure serēque. Mua eropa serēcũ mua masiburire onemogacumi igu mũare duhyaro mariro.

⁶ Eropa serērä Goãmure ðaro guñaturanijarä serēque mua. "Gua serēcũ Goãmu guare obiribocumi," arĩ pepibiricäque. Eropa arĩ pepirä wuuriya maja päguri iro dopa ahrima. Päguri iri dururo gohrotoro dopa ta erä sä erä guñarire dururo gohrotoma. Eropirä Goãmure "Diaye ta iigu ahrimi," arĩ umupeobeama.

⁷ Eropa arĩ pepiräre erä serēquerecũ ta ne merogä erä serērire osome eräre mari Opu.

⁸ Dohpagäre ire gamedigu áricqueregu daja ñamigäre gajiropa guña wahgãmi daja. Eropa guñagure ero wabeaa.

⁹ Jesu yarä bu áriräre mojomorocaräre Goãmũpu oparä iro dopa ihami eräre. Igu eropa iarä árirä mucubiriri mera áríporo.

¹⁰ Eropirä Jesu yarä doberi oparä áriräpu erä doberi pehrebore masirä mucubiriporo. Erä doberi bu árirä ahraa Goãmu igu íacũ. Doberi oparä erä doberi taa gori iro dopa pehrea waroca. Eropirä erä sä mucubiriporo.

¹¹ Abe muririgu igu turaro asicũ taapu ñañia wahaa. Eropiro goripu ñañi dija wa, ðari gori iri árirä pehrea wahaa. Eropa ta waroca doberi oparä erä doberire erä aĩ gameneoro watope. Erä iri doberi mera ta dederea waräcoma.

Ñero iidorerire tarinugagu mucubirigu ahrimi, arĩ gojañumi Santiago

¹² Ñero tarigu bocatiugu, ñero iidorerire tarinugagu mucubirigu ahrimi. Igu eropa bocatiucũ, igu ñerire tarinugacũ árípehrerinuri nucu umaro maja ojocaririre igure ogucumi Goãmu. "Iri ojocaririre oguca," arĩ apipu Goãmu árípehrerä igure mahiräre.

¹³ Mua ñerire iidarä "Goãmũ yare ñero iidoregu iimi," arĩ pepibita. Ñerire iidorebeami Goãmũ marire. Eropigu igũpu masare ñero iidoregu áríbeami.

¹⁴ Masa erä turaro ñerire erä waribejari ta iri ta eräre ñero iicũ iiaa.

¹⁵ Eropirä iri ñerire waribejama masa. Eropirä iripũre pepima. Eropa pepirä iri ñeripũre iiniguicãma erä. Erä eropa iiniguiri dipuwaja Goãmũ eräre peamegue cóagucumi.

¹⁶ Eropirä yu acawererä, yu mahirä, ne yujugu mu basi guyabita. "Goãmũ yare dorecũ ñero iiaabũ," arĩ pepibita. Diaye áríbeaa iri.

¹⁷ Mari Pagu umaro majagu marire ðari dihtare ohomi. Igu tamera abe umu majagure, ñami majagure, necä säre íhacünugudigu áricgu, igũpu ne gohrotobeami. Eropigu igu áriniguiddiro dopa áriniguicãmi.

¹⁸ Igu gamediro dopa ta igu ðari buheri mera marire igu porä wacũ iimi mari igu yarä árimũhtarä áríboro dopa.

Diaye maja Goãmure umupeori opa ahraa, arĩ gojañumi

¹⁹ Yu mahirä, yu acawererä, ire ðaro peeque mua. Goãmũ yare ðaro peeque mua. Eropa peerä, pepiro mariro wereniguibiricäque. Eropirä guabiricäque.

²⁰ Yujugu igu guagu áricũ suabeami Goãmũ.

²¹ Eropirā árípehreri mua ñeri iirire, mua ñerire uaribekarare duhuque mua. Eropirā Goāmure ðaro yuhirirā árírā ígu buherire peeñaque mua. Ígu ya buherire mua peecā Goāmupũ mua peamegue wabonirāre taugucumi.

²² Ígu yare peequererā ta yuhribirā ñerire guyarire pepirā iiaa mua. “Yuhribiricū ðaroca,” arí pepirā guyarire pepirā iica mua. Eropirā ígu yare peerā iripure iique.

²³ Goāmũ yare peequererā ta yuhribirā, ígu diapore diuru mera aĩ ñaro dopa áhrraa mua.

²⁴ Ígu ígu diapore ñara puhru waha, ígu ñarare cādijiro dopa ta mua Goāmũ yare peequererā irire cādija waha.

²⁵ Eropigu gajigupũ ígu peerare cādijibigupũ Cristo ígu dorerare ðaro guñagu irire iigu mucubirigu árígucumi. Ígu tamera ígu peerare iicū Goāmũ ðaro iimi ígure. Iri doreri “Cristo ígu mahiri mera masare taumi,” arí buheri áhrraa. Iri buherire ne cóabigu mucubirigu árígucumi.

²⁶ Yujugu ígu gamero arímaacāgu, diaye ta Goāmure umupeobeami. “Goāmure ðaro umupeoa,” arí pepibodigu áríqueregu ta ígu basi ta guyagu iimi. “Goāmure umupeoa,” arígu áríqueregu ígu Goāmũ yare yuhribiricū ígu umupeori ne duhpiburi áríbeaa.

²⁷ Diaye ta Goāmũ mari Pagure mari umupeorā, ígu gamero dopa ta umupeorā ðpa iiaa mari: Pagu sumará marirāre, wapeweyarā säre erā ñero taricū ñarā, erāre itamua mari. Eropirā i yeba majarā ñeri erā iirinore iidiabeaa mari. Eropa iirā diaye ta Goāmure umupeorā iiaa mari.

2

Masare yujuropa ðaro iiro gahmea marire, arí gojañumi

¹ Yũ acawererā, ðatariagure Jesucristo mari Opure peerā, ígure umupeorā áhrraa mua. Eropa umupeorā árírā masare yujuropa ðaro iiro gahmea muare.

²⁻³ Eropi doberi opũ oro berorire, mojoto sañari berorire opagu, wjacurire suhricugu mua Jesu yarā gamenerero pohrogue ígu aricū ñarā ígure ðaro mera bocafriboca. “Ohõ doaro áhrraa,” aríboca mua ígure. Eropa ígure aríquererā ta irisubu ta gajino moogu mojomorocugu sã ñeriñe suhricugu sã mua pohro ígu aricū ñarā ígupure ðaro bocafribiriboca mua. “Ohõ niguique. Ohõ yeba doaque,” aríboca mua ígure.

⁴ Mua eropa iirā masare yujuropa iibirā iiaa mua. Eropirā ñerire pepirā masare beyerā iro dopa árírā iica mua. “Ípu niyerucugu ðagu áhrimi. Ípu gajino moogu ñegu áhrimi,” arí beyea mua.

⁵ Yũ acawererā, yũ mahirā, yare peeque. Bajarā mojomorocurāpũre Goāmure erā ðaro umupeomorāre, ígu opũ áríroguere arímorāre beyepũ Goāmũ. “Eroguere warāca mua,” arí apipũ Goāmũ ígure mahirāre.

⁶ Erāre ígu beyequerecū ta muapũ mojomorocurāre ðaro umupeobeaa. Doberi oparāpũ muare ñero iimurima. Eropirā erā opũ pohrogue muare aĩ taragāma muare weresāmorā.

⁷ Muapũ “Cristo ðagu yarā,” masa erā arírā áhrraa. Baja doberi oparāpũ Cristore ñero arí wereniguima.

⁸ Goāmũ mari Opũ doreri tauro doreri ðpa arāa: “Mũ basi mahiro dopa ta mũ pohro árírā säre mahique,” arāa. Iñe doreriñere iirā, ðarire iiaa mua.

⁹ Masare yujuropa umupeobirā ñero iirā iiaa mua. Eropa iirā Goāmũ dorerire tarinugarā áhrraa mua. Eropa ta arāa Goāmũ yare erā gojarapũ.

¹⁰ Goāmũ dorerire iirā aríquererā ta yujuñe doreriñegāre mua iibirā ñeri dipuwajacurā waha. Mua yujuñegāre tarinugarā árípehreri ígu dorerire tarinugarā waha. Eropa iirā ñeri dipuwajacurā arínia mua dohpa.

¹¹ “Gajigu marapo mera ñero iibita,” arígu Goāmũ ta áhrimi. “Masare wejēbita,” arí doregu ígu ta áhrimi Goāmũ. Gajigu marapo mera ñero iibiriqueregu ta masare wejēgu Goāmũ ígu dorerire tarinugagu áhrimi ígu.

¹² Cristo marire turaro mahigu, marire doremi taubu. Ígu dorerare mari iirare, mari iibirira säre íagu marire beyegu arigucumi. Ígu eropa beyemorā árírā ígu dorerire ðaro iirā. Eropirā ígu gamero dopa ta wereniguirā mari.

¹³ Dohpaguere mari gajirāre mojomoro íabiricū Goāmũ muare ígu masare beyerinu arícū muare mojomoro íasome. Eropigu mari mojomoro íacū íagu Goāmupũ marire dipuwaja moasome.

Cristore umupeorāpũ ðarire iima, arí gojañumi

¹⁴ Yū acawererā, peeque mūa yūre. “Cristore umupeoaa yūhū,” yujugu ĩgu arī pepiquerecū ta gajirāre ĩgu ōaro itamubiricū ĩgu “Cristore umupeoaa yūhū,” ĩgu arīrapū ne duhpiburi árībeaa. Eropā arī pepimaacāgure Goāmū tausome.

¹⁵⁻¹⁶ ¿Jesu yagu, Jesu yago ñeri dihta erā suhri opacū ĩarā erā bari moocū ĩarā dohpa iiri mūa erāre? “Ōaro árīque mūa. Eropirā ōaro suhricūque. Ōaro bari mera yapi wahgāque,” arīquererā erā gamerire mūa obiricū mūa eropā arīri ne duhpiburi árībeaa.

¹⁷ Eropirā “Cristore umupeoaa yūhū,” mūa arīquererā ta ōarire mūa iibiricū Cristore mūa umupeori ne duhpiburi árībeaa.

¹⁸ Gajigu i yū wererire ĩgu peediabiricū ōpā arīnemoboya yūhū ĩgure. Ōarire iibiriqueregu ta “Cristore umupeoaa yūhū,” arīraa mūhū. Mūhū ōarire iibigu Cristore mūa umupeorire ĩhmuipiburi árībeaa. Eropā arī pemasibea mūhū. Yūpū yū ōari iiri mera Cristore yū umupeorire ĩhmua, arīnemoboya yūhū ĩgure.

¹⁹ “Goāmū yujugu ta āhrimi,” arī pepima masa. Mūa eropā arī pepicū ōapūricāa. Eropā árīquerecū ta iripēta mūa Goāmūre yūhribiricū “ĩgu Goāmū āhrimi,” mūa arīri duhpiburi árībeaa. Watēa sā mūa pepiro dopa ta “Goāmū ta āhrimi yujugu ta,” arī pepima. Eropirā Goāmū ĩgu árīricurire masima erā. Eropā masirā güi naragāma.

²⁰ Yujugu ōarire iibiriqueregu ta “Cristore umupeoaa,” arī pepigu árīgu pee masibigu āhrimi. “Cristore umupeoaa,” arīgūno gajirāre ōaro iibigu diaye ta Cristore umupeobeami. Ōpā arī weregura mūare irire:

²¹ Iribojegue Abrahā mari ñecu ĩgure umupeorire Goāmū masidiañumi. Eropigu ĩgu magure Isaa waicugure aigā wejēdoreñumi. “Yūre umupeogu yūre yūhribocumi,” arī ĩgu árīricurire masima erā. Eropā masirā güi naragāmagū wejēdoreñumi. Eropigu Abrahā Goāmū ĩgu dorediro dopa ta ĩgu magure aigā Goāmūre obu ĩgure wejēbu iiriñumi. ĩgu eropā yūhricū Goāmū ĩgure “Wejēbita,” arīñumi. ĩgu dorediro dopa ta iibocuricū ĩagu “Diaye ta ōagu āhrimi,” arī ĩañumi Goāmū ĩgure.

²² ĩgu eropā arī ĩacū ire masia mūa: Abrahā Goāmūre umupeogu ĩgu dorerire yūhriñumi. Eropā yūhrigu Goāmūre ĩgu umupeorire ii ĩhmuñumi.

²³ Eropigu erā Goāmū yare erā gojarapū erā arī gojadiro dopa ta eropā wayoro: “Abrahā Goāmūre umupeorū. ĩgu eropā umupeocū ĩagu “Ōagu āhrimi ĩgu,” arī ĩapū Goāmū ĩgure,” arī gojañuma Goāmū yare erā gojarapūguere. ĩgu eropā arī ĩacū masirā “Abrahā Goāmū mera majagu āhrimi,” arīñuma masa ĩgure.

²⁴ Eropirā ire masia mūa: “Goāmūre umupeoaa,” arīgu, ĩgu ōarire iibiricū ĩagu Goāmūpū ĩgure “Ōagu āhrimi,” arī ĩabeami. Goāmūre umupeogupū diaye ta ĩgu ōaro iicū ĩagu “Ōagu āhrimi,” arī ĩhami Goāmū ĩgūpūre.

²⁵ Eropā ta arī ĩañumi Goāmū Rahab waicugore ūma mera ñero iimuridigore. Josué ĩgu obeonirāre ōaro bocatīri “Ōaro ñajarique,” arīñumo igo erāre. Eropā iigo erā dujadiacū igopū erāre gajī mare ĩhmuñumo erāre ĩhaturirā wejēri arīgo. Eropā Goāmū yarāre itamugo Goāmūre igo umupeorire ĩhmuñumo. Igo eropā iicū ĩagu “Ōago āhrimo,” arī ĩañumi Goāmū igore.

²⁶ Eropā ta āhraa. Mari dūpūre siporā maricū ojocaribea mari. Eropiro siporā mariro mari dūpū duhpiburi dūpū árībeaa. Eropā ta “Goāmūre umupeoaa,” arīquererā ta gajirāre ōaro iibirā mari árīcū diaye árībeaa mari umupeori. Eropiro mari umupeori duhpiburi árībeaa. Siporā mariro erāre ĩhaturirā wejēri arīgo. Eropā Goāmū yarāre itami dūpū iro dopa ta āhraa.

3

Mari disiro wiririre wereñumi

¹ Goāmū yare masare buherāre ĩgu yare erā buhemaacācū, erā ōaro iibiricū ĩagu erā tamerare gajirā tauro dipuwaja moagūcumi Goāmū. Irire mūa masia. Eropirā mūa mera majarā masare buherā bajarā árībita.

² Árīpēhererā mari bajasuburi ñerire iiaa. Yujugu ñerire ne wereniguibigu Goāmū gamerire ōaro iigu āhrimi ĩgu. Eropigu gajī ñeri sāre iibeami.

³ Mari werenigui queori mera buhecū ōpā āhraa i: Cabayure ĩgu disiro comemiji ĩgu nerore ñehadiuburimijire mari apia ĩgure majinugacū iimorā. Eropirā irimiji comemiji mera ĩgure ĩgu waborore mari taramajinugua. Irimijigā mirimijigā árīquerecū ta irimiji mera ĩgu dūpūre wacū iiaa. Eropā ta mari disiro mera miri disirogā árīquerecū ta wūaro wacū iiaa mari.

⁴ Dohodiru queoriñere werenemogura mūare: Gasiru wūadiru iriru árīquerecū ta irirure miruñe turaro weāquerecū ta autugupū miri mijigā mera iriru waborore autumi.

⁵ Eropā āhraa mari werenigui. Mari disiro miri disirogā áriquerēcū ta baja werenigui wiria. Miri peamegā wuaro ūju wahgūro dopa ta mari disiro mera wuaro űero wacū iiaa.

⁶ Eropiro mari werenigui peame iro dopa āhraa. Mari werenigui áripehrerire űerire iicū iiaa marire. Peame ūjanugaro 4 Dohodiru queoriñere werenemogura muare: Gasiru wuadiru iriru áriquerēcū ta irirure m dopa ta mari werenigui mera mari ōaro áriḃodirore goroweoa mari. Mari űerire wereniguirā watī dorero dopa ta eropa iirā iiaa.

⁷ Áripehrerāre nuḡu majarāre waimurāre, mirimaḡu porāḡāre, waimurā paharāre, waire mari masa seyacū iimasia. Epirā mari bajarā erānore masa seyacū iituhabā. Epirā erā ōaro masa seyacoma.

⁸ Erāre masa seyacū iiquererā ta mari werenigui mera mari basi pee masiri mera werenigui iimasibea. Marriru áriquerēcū ta irirure mi eḡorāre nijiyajaro dopa ta mari disiroḡu ne nijiyajabirigohracāa. Mari werenigui űetariari āhraa. Eropiro aña gajirāre iḡu wejēro dopa ta marire gajirā sāre űetariaro wacū iiaa mari disiro.

⁹ Mari disiro mera mari Paḡu mari Opū Goāmure mari ōaro arī werenigui. Eropa wereniguiquererā ta masapure űero arī werenigui. Goāmu iro dopa árirā iḡu ihacūnugunirā áriquerēcū ta erāre űero arī werenigui mari.

¹⁰ Yū acawererā eropa arī wereniguiḃiricāro gahmea.

¹¹ Maugā dipa ohma wiuri gobere yuju gobere ōari dihta wiria. Gaji gobere űeri dihta wiria. Epirā Goāmu yarā sāre ōari dihtare wereniguiro gahmea.

¹² Yū acawererā, iḡuḡu poeḡu ducare ducacumasibea. Eropiro poeḡuḡu iḡuḡu ducare ducacumasibea. Eropi maugā dipa ohma wiuri gobere moayuari deco wiricū, imiširi deco sā wirimasibea. Eropa ta mari disirore ōari werenigui, űeri werenigui mera wiricū gameḃiricāro gahmea.

Diaye maja masiri ōpa āhraa, arī gojañumi Santiago

¹³ Yujurāyeri mua mera majarā masirā āhrima. Epirā “Gajirā tauro gua masirā āhraa,” arīḃiricāporo. Eropa arīḃirā ta ōarire iique mua. Eropa ōarire iirā diaye ta masirā āhraa mua.

¹⁴ Epirā gajigū gajinore iḡu opacū ihaturirā, mua ya arīburi dihtare iidiarā árirā, “Goāmu yare ōaro masia gua,” arīḃiricāque. Mua eropa arīrā árirā guyarā āhraa mua.

¹⁵ Eropa űerire pepirā erā ya pepiri Goāmu ya pepiri áriḃbeaa. Erā pepiri i yeba majarā erā űero pepiri āhraa. Erā pepiripu watī ya āhraa.

¹⁶ Masare ihaturirā, erā ya arīburi dihtare iidiarā eropa game dūyasoniguičāma. Áripehreri űerire iima.

¹⁷ Gajirāpu Goāmu yare ōaro masiri oparāpu erā tamera eropa iimaacārā iibeama. Epirā erā ne game dūyasobeama. Eropa iirā masa ōarā, dorerire ōaro yuhrirā, mojomoro iarā, masare itamurā, masare yujuropa iirā āhrima erā. Irire iirā gūyaro mariro iima erā. Epirā pee masirā gohra āhrima.

¹⁸ Epirā gamequeāro mariro árirā, gajirāre “Gamequeāḃiricārā mari,” arī bosarā ōarā wacū iirā iiaa mari masare.

4

I yeba maja űerire gamerā, Goāmure gamebirā āhraa mua, arī gojañumi iḡu

¹ ¿Duhpirā mua game dūyasori? ¿Epirā duhpirā gamequeāri mua? űerire uaribejarā gamequeādiaa mua.

² Gajinore mua gahmea. Eropa gamerā masare wejēa mua mua erā yare emamorā. Epirā gajigū gajinore iḡu opacū iarā irire mua burigā gahmea. Eropa gamerā irire aīmasibea mua. Epirā irire game dūyaso gamequeāa mua. Goāmure serēbirā, mua gamerire bocabeaa.

³ Epirā serērā mua ya arīburi dihtare serēa mua mua gamero dopa ta iiniguičāmorā. Eropa mua serēcū Goāmu mua serērere obeami.

⁴ Goāmure cóārā ūa mua. I yeba maja űerire gamerā, Goāmure gamebirā āhraa mua. ¿Irere masibeari mua? Epirigū i yeba majarā űerire gameḡu Goāmure gamebigū árituhami.

⁵ Ōpa arīñumi Goāmu yare erā gojarapū: “Goāmu iḡu Espiritu Santore mari mera arībure apimi. Epirigū Espiritu Santopū marire mahiḡu űerire mari uaribejarire gamesābeami iḡu. Epirigū doero dopa ta marire turaro mahimi erāḡue űerire iiri

arĩgu,” arĩ gojañumi iribojeguere. Īgu eropa arĩ gojara bu gohra árĩbeaa. Diaye árĩro tiiaa.

⁶ Eropigu Goãmu marire ðaro itamumi mari ñerire iibiriburire. Ōpa ãhraa Goãmu yare erã gojarapũ: “Yũ tamera gajirãre masi tarinũgaa,’ arĩgure Goãmu ìhaturimi. Gajigupure ‘Ñegu bu árĩgu ãhraa yũhu,’ arĩgupure Goãmu itamumi ñerire ĩgu ìbiriborore,” arãa ĩgu yare erã gojarapũ.

⁷ Eropirã Goãmure ðaro yuhirã árĩque mua. Eropirã watĩre yuhribiricãque. Mua eropa yuhribiricã ĩagu ĩgupu muare duhucãgucumi.

⁸ Goãmure ðaro yuhrique mua. Mua eropa iicũ ĩgupu muare mahi itamugucumi. Ñerã ãhraa mua. Eropirã ñerire iinemobiricãque. Ñeri sãre gahme, ðari sãre gamerã ãhraa mua. Eropirã mua ñeri iirare bujawereque. Mua eropa iicũ ĩagu Goãmu mua ñeri iirare cãdijigucumi.

⁹ Mua ñeri iirare turaro bujawereque. Eropirã mua ñeri iira dipuwajare oreque. Mucubirã árĩbiricãque. Eropirã mua ñeri iirare ñero siporãcu, irire gahyasĩrĩñariro pepique.

¹⁰ “Ñegu bu árĩgu ãhraa yũhu,” arĩrã Goãmure umupeoque. Mua eropa iicũ ĩagu ĩgupu mua ñeri iirare cóagu “Ōarã ãhraa,” arĩ ĩagucumi muare.

Erã acawererãre Jesu yarãre erã basi ñeri quere iidorebiriñumi

¹¹ Yũ acawererã, Jesu yarã árĩrã, mua basi ñeri quere iibiricãque. Mua acaweregure ñeri quere iirã ĩgure dipuwaja moadorediarã árĩca mua. Cristo doreripu masare dipuwaja moadoreri arĩtuhaa. Eropirã masare ñeri quere iirã Cristo ya dorerire ðpa arĩrã iica: “Marire ðaro dorebeaa Cristo ya. Eropirã mari gamero dipuwaja moadorerã,” arĩrã iica masare ñero werewuarã. Eropa arĩrã Cristo dorerire ñero arĩ wereniguirã dujaa mua. Eropirã iri dorerire yuhribirã dujaa.

¹² Masare dorerire ugu, masare beyegu Goãmu ta ãhrimi. Eropigu masare peamegue wabonirãre ĩgu ta taumasimi. Eropigu ĩgu ta masare peamegue cóãmasimi. Eropirã maripu masare “Ñerã ãhrima,” arĩmasibea. Mari acawererãre beyebu Goãmu dihta ãhrimi.

Ñamigãguere dohpa marire waborore masibea mari

¹³ Dohpaguere yure peeque mua. Ōpa arĩboca mua Goãmure guñaro mariro: “Dohpagãre o ñamigãre gaji macague arĩrã warãca. Eroguere yuju bojori arĩrã, gajinore dua, asũ iirãca. Eropa iirã wajatarãca mari,” arĩboca mua. Eropa arĩrã árĩrã, yũpũre peeque mua. Eropa arĩrãre ire werebu iiaa:

¹⁴ Ñamigãguere dohpa marire waborore masibea mari. Imica ãhri, mata pehmaaro dopa ta ãhraa mari árĩricuri. Imica merogã arĩniguiiri pehrea wahaa. Eropa mari sã merogã arĩniguiiri sĩa warãca.

¹⁵ Eropirã ðpa arĩ pepiro gahmea muare: “Goãmu ĩgu gameropẽ arĩrãca mari. Eropirã ĩgu gamero mera iirãca mari,” arĩ pepiro gahmea muare.

¹⁶ Muapu “Dohpaguere mari gamero ðpa iirãca,” arĩniguiraa mua Goãmure guñaro mariro. Eropa arĩ wereniguirã ñerire iirã iiaa mua.

¹⁷ Eropirã ðarire mari iiburire masiquerã ta irire iibirã ñerire iirã iiaa mari.

5

Doberi oparãre wereñumi Santiago

¹ Doberi oparã mua dohpaguere peeque yure. Pũhruquere mua ñero tarirãca. Eropirã gaguinigu orerãca mua.

² Mua doberi boapehrea waroca. Eropiro mua suhrire surirã sã bapehocãrãcoma.

³ Mua niyerure mua wũaro dibura ne duhpiburi árĩbeaa. Mua eropa dibucũ ĩagu mua niyerure mahicũ masimi Goãmu. Eropirã niyerure mua mahira dipuwaja ñero tarirãca. Iri dipuwaja peamegue warãca.

⁴ Mua ya poerire mohme corerãre wajayebeaa mua. Eropirã mua erãre guyaa. Eropigu erãre mua wajayebirira niyerure ĩagu, mua guyarare masimi Goãmu. Muare mohme corerã wajaseadiarã, gaguiniguima erã. Erã eropa arĩ gaguiniguicũ mari Opũ turatarigu peemi erãre.

⁵ I yebaguere baja doberi mera árĩricua mua. Árĩpehrerire oparã mua gameri dihtare mua ñaribejarire iiaa mua. Eropirã wũagu wecu erã ðaro ejogu iro dopa árĩricua mua. Eropirã wũagu wecu ĩgu diserecũ ĩarã ĩgure erã wejẽburi gorogue aĩ wahãma. Eropa ta mua sãre wũaro mua opara pũhru muare ĩgu dipuwaja moarogue aĩgãgucumi Goãmu muare.

⁶ Ōarāre peresu iidore wejēdorebū mūa erāre. Mūa eropa iicū erāpū duhri wiriamasibirama.

Cristo igo dujariborore ōaro coredorepū marire Santiago

⁷ Eropirā yū acawererā, mari Opū Cristo igo i yeba igo dujariborore ōaro coreyuque. Pohe opū igo oteri dūcacuburisubure igo ōaro corero dopa ta ōaro coreyuque Cristo dujariborore. Igo oteriguere “Deco ariporo,” arīgu igo pohere ōaro puhriburire ōaro cohremi igo.

⁸ Eropa ta mūa sā ōaro coreyuque. Mari Opū igo dujariboro merogā duhyaa. Eropirā Goāmure eropa guñaturaniguicāque mūa. Eropirā eropa coreniguicāque mūa.

⁹ Yū acawererā, mūa basi dūyasobiricāque Goāmū muare dipuwaja moabiriboro dopa. Eropirā ire guñaque mūa. Dipuwaja moabu igo dujariboro merogā duhyaa.

¹⁰ Yū acawererā, űero tariquererā ta yujuro bojeque Goāmure cōāro mariro. Goāmū yare weremūhtanirā mūra erā Goāmū ya árīburire iirā űero tariquererā duhubirimūriñuma. Erā duhubiridiro dopa ta duhubiricāque mūa sā.

¹¹ Eropirā ire guñaque mūa. űero tariquererā ta Goāmure duhubirāre Goāmū ōaro iigūcumi. Iribojeque majagu Job waicugure peebū mūa. Igu űero tariqueru ta Goāmure duhubiriñumi. Eropigu igo űero tarira puhru, Goāmū igure ōaro iñumi. Goāmū mari Opū marire ōaro mojomoro iagu arīgu eropa iñumi igure. Iri árīpehrire masia mūa.

¹² Yū acawererā ire masique. Ōpa arīma waīpeo piyurā: “Ūmaro majagu mera diaye arīrā iiaa,” arī waīpeoma masare peedorerā. Erā iro dopa arī waīpeo piyubiricāque. Ire mūare turaro dorea. Mūa gajirāre wererā, ōaro diaye wereque erāre guyarō mariro. Arīnemopeobiricāque. Eropa mūa diaye werecū iagu Goāmū mūa gajiropa arīra dipuwajare dipuwaja moasome.

¹³ Mūa mera majagu űero tarigu arīgu, Goāmure serēporo igo. Gajigu mucubirigu arīgu Goāmure mucubiriri mera bayaporo.

¹⁴ Mūa dorecurā, Jesu yarā oparāre sihubeoque mūa. Mūa eropa sihubeocū erāpū muare yūyū mera sūrācoma. Eropa iirā Goāmure mari Opūre mūa dorecurare serēbasarācoma erā.

¹⁵ Eropa arī serēbasarā “Mari serēro dopa ta igo iigūcumi,” erā arī pepicū muare dorecurāre Goāmū itamugūcumi. Eropa iigu muare ōarā wacū iigūcumi mari Opū. Eropigu mūa űeri iira dipuwaja mūa dorecurā arīcū iarā muare serēbasarācoma. Erā eropa serēbasacū iagu mūa űeri iirare cādijigūcumi Goāmū.

¹⁶ Eropirā mūa mera majarāre mūa űeri iirare game pepuri weretarique. Eropirā mūa basi Goāmure game serēbasaque. Mūa eropa arī serēbasacū mūa serēbasanirāre Goāmū taugūcumi. Ōarire iirā mūa arīcū Goāmure mūa turaro serēbasadiro dopa ta iigūcumi Goāmū. Eropiro mūa erāre serēbasari bu áriri árībeaa.

¹⁷ Goāmū ya weremūhtadigu mūru Elia mūru mari iro dopa masū árīñumi. Eropigu masa űero iira dipuwaja “Deco aribiricāporo,” arī turaro serēñumi Goāmure. Igu eropa arī serēcū űhre bojori gohra gaji bojori deco deco aribiriyoro i yebaguere.

¹⁸ Eropigu dipaturi Goāmure deco igo aridore serēcū deco mereyoro daja. Eropiro dipaturi i yebaguere yucū būgu dūca dūcacuyoro. Eropiro Goāmure mari serēri bu áriri árībeaa.

¹⁹ Yū acawererā, mūa mera majagu Goāmū yare diaye maja árīrire duhudigu Goāmū yare dipaturi igo gameborore igure wererā, ōaro iirā iiaa mūa.

²⁰ Eropirā ire masique mūa: Goāmure duhudigure Goāmure dipaturi gamecū iirā, peamegue wabodigure taricū iirā iica mūa. Eropigu baja igo űeri iirare Goāmū cādijicū iirāca mūa igure.

1 San Pedro

Jesu gaji macari waniräre gojabeoñumi Pedro

¹ Yuhũ Pedro Jesucristo ĩgu buhedore apidigu ta ähraa. Eropigu muare yoaro maja macarigue waniräre, Ponto yebague waniräre, Galacia yebague, Capadocia yebague, Asia yebague, Bitinia yebague wanirä säre muare árĩpehreräre gojabeoꝑu iiaa yuhũ. Muare ðadore gojabeoa yuhũ.

² Negohraguere Goãmu mari Pagu “Õpa iigura,” ĩgu arĩdiro dopa ta muare beyepu. ĩgu beyera puhũ ĩgu Espĩritu Santo mera muare Goãmu yarä árĩmoräre acupũ. Õpa ta acupũ ĩgu Jesucristore ðaro yuhrimorä mua árĩboro dopa. ĩgu di cóaro mera ñerire coenirä mua árĩboro dopa iipũ. Eropirä Goãmu ĩgu mahiri mera ðaro árĩque mua.

Jesu yarä árĩrã marire umarogue ĩgu aĩgãborore corerä iiaa mari, arĩ gojañumi Pedro

³⁻⁵ Goãmu marire turaro mojomoro ĩagu, Jesucristo sĩridigu ĩgu masa muriaro mera marire ðarä gohrotocũ iimi. Eropa iigu ĩgu gohrotori mera Goãmu porä ta wahaa mari. Eropa warä ĩgu mera eropa mari ðaro árĩnigucãborore ðaro masia mari. Eropigu muare ĩgu ðari opaburire odiagu muare coregu iimi. Iri muare ĩgu oburi ne pehresome. Eropigu ĩgure mua umupeoräre Goãmu ĩgu turari mera muare ihadibugu, taricũ iigucumi. Pehrerinũ árĩcũ muare ĩgu taurare masicũ iigucumi ĩgu. Eropirä ĩgu marire ðaro mojomoro ĩacũ ĩarä, ĩgure Goãmure mari Opũ Jesucristo Pagure “Õagu, turagu ährimi,” arĩ umupeoro gahmea marire.

⁶ Eropa ĩgu taumorä árĩrã burigã mucubiro gahmea. Mero i yeba mua árĩropẽ, ðaburari mua ñero tariquererä ta burigã mucubiro gahmea.

⁷ Eropa ñero tariquererä ta Goãmure cóãbirä mua árĩrã “Queoro Jesucristore umupeoa gua,” arĩmasia mua ĩgure. Mua ñero tariquererä Jesucristore umupeonigucũ mua umupeoripũ yuju diaye árĩbeaa. Eropigu mua ñero taricũ ĩagu “¿Árĩro ta mua yure umupeori?” arĩ queoñagu iimi Goãmu muare. Mua eropa ñero tarirä diaye ta Cristore ðaro umupeonigucũ “Õaro iiaa mua,” arĩgucumi Cristo muare. Eropigu Jesucristo dujarigu mua ĩgure ðaro umupeoniguniräre ðaro ĩagucumi mucubiriri mera.

⁸ ĩgure Jesucristore ĩabiriquererä mahia mua. Eropirä dohpaguere ĩgure ĩabiriquererä ta ĩgure “Diaye ta iigu ährimi,” arĩ umupeoa. Eropa umupeorä turaro mucubiria mua. Mua eropa mucubirirä mua Goãmu pohro mucubiriboro dopa ta mucubiria. Muare eropa mucubiricũ iimi Goãmu. Eropirä turaro mucubiria.

⁹ Eropigu Goãmu muare peamegue waboniräre taricũ iigucumi mua ĩgure ðaro umupeoro mera.

¹⁰ Goãmu ĩgu masare eropa tauborore iribojegue Goãmu yare weremũhtanirä irire masidiarä serẽpi ĩamuriñuma.

¹¹ Cristo ĩgu ñero tariborore, ĩgu sĩridigu masa muriaborore, árĩpehrerä tauro opu ĩgu árĩborore erä ero coregue ta weremũhtañuma. Jesucristo ĩgu Espĩritu Santo ĩgu itamuri mera eropa wereñuma erä. Erä eropa weremũhtaquererä erä wererare masibiriñuma. Eropirä erä wererare ðaro masidiarä serẽpi ĩamuriñuma erä Goãmure.

¹² Iri erä werera Jesucristo arĩburi erä ya árĩburi árĩburiyoro. Mari ðaro árĩburi árĩyoro. Iri eräre masicũ iĩñumi Goãmũ. Eropirä dohpaguere umarogue obeodigu Espĩritu Santo ĩgu itamuri mera ðari buherire muare gua werea. Iribojegue mua ya árĩburire erä weremũhtara iri ta árĩcãro tĩaa dohpaguere gua muare wereri. Iri buherire anyua sä burigã masidiariñuma.

Goãmu marire ñeri marirä árĩdoremi, arĩ gojañumi Pedro

¹³ Eropirä ðarire guña masi árĩyunque mua. Eropirä guhyadiaro árĩque. Cristo ĩgu dujaricũ Goãmu muare ĩgu ðaro tauborore guñaque. Eropirä irire ðaro mucubirimũhtarä coreque.

¹⁴ Iribojegue Goãmure masinibirãgue ñerire uaribejarä árĩmurinirä árĩribũ mua. Dohpaguere irire iibiricãque. Eropirä majirä erä pagu samaräre ðaro yuhriro dopa ta Goãmure ðaro yuhrique daja.

¹⁵ Eropirä ĩgu yarä árĩmoräre muare sihubeodigu ñeri marigu ĩgu árĩro dopa ta mua sä ñeri marirä ta árĩque. Eropirä ðari dihtare iirä árĩque.

¹⁶ Eropa ta arĩ gojañuma Goãmu yare erä gojarapũgue: “Ñeri marigu ähraa yuhũ. Yu eropa árĩcũ mua sä ñeri marirä árĩque,” arĩmi Goãmũ, arĩ gojañuma.

¹⁷ Īḡu Goām̄u mari Pagu yujurāyeri árīpehrerā erā iirare ĩḡu yujuro mera beyemi ĩḡu erāre. Īḡu eropiḡu árīcū ĩḡure “Aḡu,” arīdiarā ḡaro iiquenerire ɯaribejarā árīm̄urine. I yeba m̄ua árīropē ḡuhyadiaro mera ḡaro iique m̄ua.

¹⁸ M̄ua ñecu sumará m̄ura erā árīricuri ne duhpihuri árībiriyo. M̄ua s̄a erā iidiro dopa ta iinirā m̄ua árīquerecū ta Cristo m̄uare ĩḡu yarā árīmorāre iimi. Mari wajamorire ĩḡu wajayebasoro dopa ta mari ñeri iirare cādijiboroze mari ñeri iira dipuwajare wajayebasami. Irre ḡaro masia m̄ua. Eropa wajayebasagū ĩḡu niyeru mera, oro mera wajayebasabirimi. Niyeru, oro s̄a dederea waroca.

¹⁹ Īḡu di cóara mera ta wajayebasami mari ñeri iira dipuwajare. Ovejagā erā Goām̄ure obodigu ḡagu ĩḡu árīdiro dopa ta Jesucristo ḡagu ñeri marigu árīdigū árīmi.

²⁰ Iribojeguere i yebare ĩḡu ĩhacūnuguboro coregū Jesucristo ĩḡu eropa waborore masituhapu mari Pagu Goām̄u. Dohpaguep̄ure pehrerinū coregā árīcū, Cristo s̄iribasami m̄uare m̄ua ya árīburire.

²¹ Eropirā Jesucristo ĩḡu itamuro mera Goām̄ure umupeoa m̄ua. Goām̄up̄u Cristore s̄iridigure masudigu árīmi. Eropigu ĩḡure ɯmarogue apigu, árīpehrerāre ĩḡure umupeocū iipu mari Pagu. ĩḡu eropiicū ĩḡure mari Pagure “Diaye ta iigu āhrimi,” arī umupeoa m̄ua. M̄ua eropa umupeocū ḡaro iimi m̄uare. Eropirā m̄ua ĩḡu mera ḡaro árīniguiboroze ḡaro masia m̄ua.

²² Ōari buherire diaye majare yuhrirā m̄ua ñerire duhunirā āhraa m̄ua. Eropa árīrā, diaye ta mari acawerā Jesu yarāre mahi umupeomasia m̄ua. Eropirā m̄ua mera majarāre m̄ua s̄iporāri mera turaro mahi umupeoque.

²³ M̄ua dipaturi masa dehyoaro dopa ta Goām̄u porā wahabu m̄ua. Mari pagu sumará mera masa dehyoanirā árīrā, puhru s̄iria warāca. Iri iro dopa árībeaa Goām̄u porā m̄ua wacū. Goām̄u mera árīnigucārāca. Goām̄u ĩḡu buheri mera ĩḡu porā wahabu m̄ua. Iri buheri pehrebiriburi buheri marire Goām̄u mera eropa árīnigucū iiaa.

²⁴ Ōpa āhraa Goām̄u yare erā gojarapū:

Árīpehrerā masa taa iro dopa wahama. Eropiro ḡari erā opari s̄a gori iro dopa āhraa. Taa masa, s̄iria wahaa. Gori s̄a masa, s̄iria wahaa. Iri taa iro dopa ta mari masa s̄a wahaa.

²⁵ Mari Op̄u ya buheripu ne pehresome. ĩḡu arīdiro dopa ta eropa waroca, arī gojañuma. Iri buheri m̄uare erā werera ḡari buheri ta Jesucristo marire tauburi buheri ta āhraa.

2

¹ Eropirā árīpehreri ñeri iirire, erā p̄urup̄u erā ñero ii corerire, gajirā gajinore opacū ĩhaturirire, gajirā ñeri quere moarire, irire duhuque m̄ua.

²⁻³ Mari Op̄u m̄uare ḡaro ĩḡu iirire dabero masituhaa m̄ua. Eropirā ne masa dehyoarāgā apīcore erā gamero dopa ta m̄ua s̄a ḡari buherire Goām̄u yare turaro gameque. Eropa ĩḡu yare gamerā m̄ua ĩḡure m̄ua ḡuñaturanemorāca. ĩḡu yarā ḡaro pee masirā árīrāca.

Cristo ojocaricū iigu ɯtāye iro dopa árīḡu āhrimi, arī gojañumi Pedro

⁴ Cristo ojocaricū iigu ɯtāye iro dopa árīḡu āhrimi. Masa Cristore gamebirima. Erā gamebiriquerēcū Goām̄up̄u ĩḡu Pagup̄u ĩḡure beyedigu árīmi. Ōatariagu āhrimi. ĩḡu eropa árīḡu árīcū ĩḡure gameque.

⁵ Eropirā m̄ua Jesu yarā árīrā mera Goām̄u āhrimi. Eropirā yujuro mera ĩḡu yare ḡaro iirā árīḡue m̄ua. ĩḡu ya árīburire m̄ua iimorāre beyedigu árīmi. Eropirā m̄ua Jesucristo itamuri mera ĩḡu yare ḡaro iirā ĩḡu Goām̄ure mucubiricū iiaa.

⁶ Ōpa āhraa Jesucristore Goām̄u yare erā gojarapū:

Cristo ɯtāye iro dopa yu beyedigu āhrimi. Eropigu ḡatariagu āhrimi. ĩḡu mariro yaharā wamasibeama. Eropigu ĩḡure Jerusaléngue dohpague apigu iiaa. ĩḡu masare ḡaro árīcū iigucumi. Eropirā ĩḡure umupeorā mucubiriniguirācoma, arīmi Goām̄u, arī gojañuma Goām̄u yare weremuhtanirāgue.

⁷ ĩḡure umupeorāp̄u “Ōatariagu āhrimi,” arīrācoma. ĩḡure umupeobirāp̄u ñero warācoma. Erāre ḡpa āhraa Goām̄u yare erā gojarapūgue:

Ihī Cristo ɯtāye iro dopa ta Goām̄u beyedigu āhrimi. ĩḡu Goām̄u beyedigu árīquerecū masa ĩḡure gamesome. ĩḡure gamebiriquerēcū Goām̄u ĩḡure op̄u acumi árīpehrerāre dorebure, arī gojañuma.

⁸ Ō s̄are arāa Goām̄u yare erā gojarapū:

ĩḡu ɯtāye iro dopa árīḡure gamebirā dederea warācoma, arī gojañuma iribojeguere.

Eropa gojarā Jesucristore masa gamebiriburire ōpa arī gojamuhtañuma. Erā ĩgure gamebirā Goāmũ ya buherire yuħribirima. Cristore gamebirā, ĩgure tarinugarā, Goāmũ pohrogue ejasome erā. Erā eropa waborore apipu Goāmũ erāre.

Ōpa āhřima Goāmũ yarā, arī gojañumi Pedro

⁹ Muapu Goāmũ ĩgu beyenirā āhřaa. ĩgu mari Opu ĩgu yarā pahia ĩgu yare itamurā āhřaa mũa. Eropirā ĩgu ya curu majarā ñeri marirā Goāmũ yarā ta āhřaa mũa. Eropigu muare naitiaro arĩbonirāre boyoropu arĩmorāre, ñerire iibirimorāre, ōaripure iimorāre aĩdigu arĩmi muare. Eropa ta aĩdigu arĩmi Goāmũ mũa ĩgu ōarire ĩgu ōaro iirare gajirāre weremorāre.

¹⁰ Ero coregue duhpimorā arĩbirimuriribu mũa. Dohpague tamerare Goāmũ yarā āhřaa mũa. Ero core muare mojomoro ĩabupu marinimi muare dohpa. Dohpaguepũre muare Goāmũ mojomoro ĩagu āhřimi.

Goāmũ yare iirā arĩque mũa, arī gojañumi

¹¹ Yu mahirā, mũa i umũre wari masa iro dopa āhřaa dohpaguere. Goāmũ pohro wamorā ta āhřaa. Mũa eropa arĩrā arĩcũ, ire turaro werea muare: Mũa ñeri uaribejarire iibiricāque. Iri ñerire uaribejarā, ñerā warā iica mũa.

¹² Goāmũre gamebirā watope arĩrā ōaro iirā arĩque mũa guare werewũari arĩrā. Mũa eropa iirā arĩcũ muare dohpaguere ñero werewuadiaquererā mũa ōaro iirire masirācoma erā. Eropa masirā erā Goāmũre “Ōagu, turagu āhřimi,” arĩrācoma. Ōpa ta arĩrācoma Cristo ĩgu i yebague ĩgu dujaricũ.

¹³ Mari Opu yare iirā arĩrā ō majarā oparā säre yuħrique mũa. I yeba majagure mũa arĩpehřerā tauro opu arĩgure ĩgu säre yuħrique.

¹⁴ Goāmũ erā oparāre apipu tarinugarāre dipuwaja moamorāre. Eropigu ōaro iirāre “Ōaro iibũ mũa,” arĩdoregu apipu erāre. ĩgu eropa apicũ erāre yuħrique mũa.

¹⁵ Mũa ōaro iicũ ĩarā, pee masibirā erā sihajaro muare weresādiaquererā ta weresāmasibeama. Eropigu mũa ōaro iicũ gahmeni Goāmũ.

¹⁶ Mũa ñecu sumarā arĩricuri dopa arĩnirāre Goāmũ muare taudigu arĩmi. Eropa taunirā arĩquererā ta, “Guare doreri mara. Eropirā gua ñerire iirāca,” arĩ pepibiricāque ñerire iiri arĩrā. Eropirā “Goāmũ pohro majarā āhřaa gua,” arĩ pepique mũa. Eropa arĩ pepirā ĩgu dorerire iique mũa.

¹⁷ Arĩpehřerā masare mahi umupeoque. Mari acawererā Jesu yarāre mahi umupeoque. Goāmũre guhyadiaro ĩaque. I yeba majagu opu säre umupeoque.

Cristo ñero tarigu ĩgu yujuro bojediro dopa ta yujuro bojeque mũa sã, arī gojañumi Pedro

¹⁸ Mũa pohro majarāre weregu iiaa dohpaguere. Mũa ōaro umupeori mera mũa oparāre yuħrirā arĩque. Ōarā, muare ōaro iirā mera dihtare yuħrirā arĩbiricāque. Mũa mera guarā säre yuħrique mũa.

¹⁹ Mũa ñero iibiriquerecũ, muare erā dipuwaja moabocoma. Erā eropa dipuwaja moarare Goāmũ ĩgu gamero dopa ta irire mũa yujuro bojecũ “Ōaro iibũ mũa,” arĩgucumi Goāmũ muare.

²⁰ Mũa ñero iira wajapu erā muare dipuwaja moasũcũ irire mũa yujuro bojequerecũ Goāmũ “Ōaro iibũ mũa,” arĩsome. Mari ōaro iiquererā erā dipuwaja moasũcũ irire mari ōaro mera guaro mariro arĩcũ yujuro bojecũ Goāmũ marire ōaro ĩhasuagucumi.

²¹ Eropa iimorāre ĩgu yarā arĩdoremi Goāmũ muare. Cristo sã mũa ya arĩburire ñero tarimi mũa ĩgure ĩhacũboro dopa.

²² ĩgu ne ñero iibirimi. Eropigu ne guyabirimi.

²³ ĩgure turicũ, ĩgũpũ erāre ne turi gamebirimi. ĩgure erā ñero iiquerecũ ta “Muare ñero iigura,” ne arĩbirimi ĩgu. Eropigu “Ahũ queoro dipuwaja moagu āhřimi. ĩgũgue amugucumi,” arĩ pepiñumi ĩgu. Eropirā mari säre ĩgu iĩdoro dopa ta iiro gahmea.

²⁴ ĩgu Cristo ĩgu basi crusague mari ñeri dipuwaja sĩrimi. Eropa sĩrimi dipaturi mari ñerire iibiriboro dopa, Goāmũ gameripũre mari iiboro dopa. ĩgu ñero camicũni marire peamegue wabonirāre marire taricũ iibu.

²⁵ Oveja erā dedereboro dopa ta mũa sã peamegue dederebonirā arĩribũ. Dohpaguepũre Cristore umupeorā ĩgu yarā wahabũ pare. Eropigu ovejare ĩhadibugũ iro dopa Cristo muare ĩhadibumi. Mũa sĩporā mera dederebiriborore ōaro ĩhadibumi.

3

Mojoto dirirāre ōpa iiro gahmea erāre, arī gojañumi Pedro

¹ Eropigu pohro majaräre yu dorediro dopa ta mua marasä nomere doregura. Mua marapu sumaräre ðaro yuhrique erä Goämu buherire erä gameboro dopa. Yujuräyeri mua marapu sumarä Goämu buherire gamebirä ährima. Eräre mua yuhricü İarä Goämu ya buherire gamebocoma erä. Eropirä iri buherire mua eräre werebiriqerecü ta İgu yare gamebocoma erä.

² Eropa ta gamebocoma mua eräre ðaro iirire, mua umupeori säre İarä.

³ Mua nome, mua poarire wuapuwea seapatanirä nome, oro dari buyanirä nome, ðari suhri sañanirä nome arıdiarire guñabiricäque mua. Mua ya dupu masare İhasuacü iibiricäque.

⁴ Eropa iibirä ðpa iique. Mua pepiri ðaro arıcü guñaque. Eropirä mua guhyadiarä nome iro dopa gajiräre nijiyajaro mera iirä nome arıque. Guhyadiaro mera weretamurä arıträ ipäre masare İhasuacü iique. Iripu pehresome. Iri ðatariari ähraa Goämu İacü.

⁵ Öpa ta iimuriñuma iribojegue majarä nome Goämu yarä nome. Erä nome Goämure umupeora nome arıträ, erä marapu sumaräre ðaro yuhrimuriñuma.

⁶ Eropa Sara İgo marapu Abrahäre ðaro mera yuhrimuriñumo. Eropigo İgure "Opu," arı piyumuriñumo. Eropirä mua ðaro iirä nome arıträ, güiri marirä nome arıträ, Sara arıdiro dopa ähraa mua.

⁷ Öpa ta mua marapu sumarä sä mua marapo säre ðaro iique. Erä nome mari uma iro dopa turarä arıbeama. Eropirä umupeori mera ðaro iique erä nomere. Goämu arıpehrerinari İgu mera mari arıniquiborore İgu muare odiri dopa ta oğucumi erä nome säre. Erä eropa arımorä arıcü erä nomere ðaro iique. Goämure mua serërire İgu yuhriboro dopa erä nomere ðaro iique mua.

Öaro erä iiquerecü ta gajirä eräre erä ñero iirire werepu Pedro

⁸ I mera weretugura: Mua arıpehrerä yujuro mera ðaro arıque. Eropirä mua mera majaräre ðaro mojomoro İarä arıque. Mua acawererä Jesu yaräre pepuri majarä game umupeoque. Eropirä ðaro iique eräre. Eropirä "Gajiräre masitaugu ähraa," arı pepibirä erä gamero dopa ta iique.

⁹ Gajirä muare erä ñero iicü eräre ñero ii gamebiricäque. Muare erä turicü eräre turi gamebiricäque. Muare erä eropa iiquerecü ta ðaro iique eräre. Eropirä ðaro yuhrique eräre. Iirire iimoräre ta apimi Goämu muare ðaro iibu.

¹⁰ Eropa ta ähraa Goämu yare erä gojarapü:

Mua ðaro mucubiriri mera arıdiarä ne ñero wereniugibiricäque.

¹¹ Arıpehreri ñeri iirire duhcucäque. Öaripäre iique. Game mua basi İhaturiro mariro arıque. Iirire turaro iique.

¹² Öaräre mari Opu eropa İhadibuniguicägu iimi. Eropigu İgure erä serërire eropa peeniguicägu iimi. Nero iiräpäre İgu gamebeamı, arı gojañuma Goämu yare gojarapüque.

¹³ Öarire mua turaro iidiacü gajiräpu muare ñero iidiakererä ta ne yujuro bojesome.

¹⁴ Öaro mua iiquerecü ta muare erä ñero iicü İagu Goämupu muare ðaro iigucumi. Eropirä muare ñero iidiaräre, "Muare wejëräca," arıträre güibiricäque. Eropirä bujawerebiricäque. Iirire pee guñaricubiricäque.

¹⁵ Eropirä mua Cristore "Gua Opu ährimi," arı pepirä, umupeoque İgure. Eropirä Cristore mua umupeorire, Goämu mera mua arıborore, gajirä muare serëpibocoma: Erä muare serëpiboro core eräre yuhriburire ðaro guñayuque. Eropa eräre yuhriä nijiyajaro mera, ðaro umupeori mera wereque eräre.

¹⁶ Öarä arıque. Eropirä "Ñerire iiaa," arı pepisome mua. Eropirä Cristo yare mua ðaro iirä arıcü gajirä muare ñeri quere moarä guhyasiuro waräcoma.

¹⁷ Ñerire mari iira dipuwaja mari ñero taricü ðabeaa marire. Eropiro Goämu gamecü öarire mari iira dipuwaja mari gajirä mera ñero taricü öapürica iri tamera.

¹⁸ Eropa ta ñero tarimi Cristo. Yujusubu ta arıpehrerä ñeri dipuwajare sirimi İgu. Öagu arımi. Eropa arıgu ñerä mari arıcü mari ya arıborare ñero tarimi İgu. Nero tarimi İgu Goämu yarä mari wacü iibu. İgu siria wami. Eropa siriquerecü ta İgu siporä ojocariyoro.

¹⁹ Eropigu İgu siporä mera sirinirä mura erä dipuwaja moaburire corerä erä pohrogue Goämu yare werepu erä siporärire.

²⁰ Erä murapu iribojegue Goämure yuhribirimuriñuma. Irisubuguerere Noé İgu arıtrasubuguerere, wuadiru dohodirure dohogu iñumi. Irirure İgu dohorisubu Goämure yuhribirinirä mura erä yuhricü gameriñumi. Eropigu erä yuhriborore yoari boje dipuwaja moabigu coreriñumi Goämu. Yuhribirimuriñuma. Eropigu eräre dipuwaja moañumi. Eropirä bajamerägä ocho dihta dia miririñere tariwereñuma.

²¹ Miricū erā taridiro dopa ta marire waīyecū peamegue wabonirāre mari tariborore ihmua. Deco mera marire waīyecū mari dupure mari guhrarire tu coero dopa árībeaa. Marire waīyecū ñeri marirā mari árīborore Goāmure mari serēa. Eropirā Jesucristo ĩgu masa m̄ariara mera peamegue wabonirā taria mari.

²² ĩgu Jesucristo umarogue wadi árīmi Goāmu mera dorebu. Eropigu ĩgu anyua tauro, umaro majarā oparā tauro, árīpehrerā dorerā tauro erāre doregu āhrimi.

4

Cristo yarā árīrā ðarire gohrotonirā árīrāca, arī wereñumi

¹⁻² Mari ñero tarirā mari ñero iirire duhucāa mari. Eropa duhucārā mari dipaturi mari uaribejarire iibeaa. I yeba mari árīropē Goāmu gamerire iiniguirāca. Eropirā Cristo ĩgu ñero tarigu ĩgu güibiridiro dopa ta mua sã ñero tariborore güibiricāque.

³ Iribojegue Goāmure gamebirā erā ñerire uaribejadiro dopa ta iimuriyoro mua. Guhyasiriro mariro ñerire iirā, ñeri uaribejarire iirā, mereri bosenari iirā, Goāmu dorerire tarinugarā, goāmarā wéanirāpüre umupeorā iimuriyoro. Eropirā iripēta iri ñerire iipurumujucāque pare.

⁴ Eropirā erā muraro ta iirāpu mua dohpaguere iri ñerire erā mera iibiricū ĩarā erāpu ĩha uca wahama. Eropirā erā muapure ñero wereniguirā, querere goroweoma.

⁵ Erā eropiicū ĩagu erā ñeri iirare Goāmupū serēpi ĩagu, weretaridoregucumi erāre. ĩgu ojocarirāre, s̄irininā sāre beyebu āhrimi.

⁶ ĩgu eropa beyebu árīgu erā s̄irinināpüre ðari buherire werepu Goāmu mera erā ðaro árīniguiborore. Eropirā i yebare erā árīpehrerā masa iiro dopa s̄irininā árīquerecū Goāmu ĩgu mera erā ðaro árīniguiborore werepu erāre.

⁷ Pehreburinū merogā duhyaa. Eropirā ðaro pee masirā árīque. Eropirā Goāmure serēnigucāque.

⁸ Gajirāre mari ðaro mahirā baja gajiropa erā marire ñero iiquerecū ta eropa ĩacāa mari. Eropirā mua mera majarāre burigā umupeo mahinigucāque.

⁹ Mua mera majarāre mucubiriri mera mua ya wirigue ñajaridoreque.

¹⁰ Goāmu ĩgu yarā nūcure ĩgu yare mua mohmemasiburi nūcure apimi. ĩgu eropa apicū mua iimasiro dopa ta mua mera majarāre irire ðaro itamuque. Goāmu mua nūcure mua ĩgu yare mohmemasiburi nūcure apimi. ĩgu apirañe mera gajirāre ðaro itamurā, Goāmu ĩgu apidiro dopa ta ðaro iirā iiaa mua.

¹¹ Eropirā mua ðaro wererā árīrā, Goāmu ĩgu werebodiro dopa ta ðaro wereque mua sã. Masare itamurā árīrā, Goāmu ĩgu apira turari mera gajirāre itamuque. Árīpehreri mua iira nūcu Goāmure masa erā unupeoboro dopa irire iique. Jesucristopū mua irire iicū itamugucumi. ĩgure árīpehrerinari umupeoque. “Óagu, turagu āhrimi,” arīro gahmea árīpehrerāre. Eropa ta arīporo.

Jesu yarā erā árīri dipuwaja erā ñero taririre were gojañumi Pedro

¹² Yu mahirā, dohpaguere ñetariaro tarirā, “Gajiropa arīro wāca yure,” arī guña iibiricāque. Mucubirirā árīque.

¹³ Bujawerebirā ta mucubirirāpu árīque. Eropirā “Cristo ĩgu ñero taridiro dopa ta gna sã eropa ta wahaa,” arī mucubirique mua. Eropa mucubirirā Cristo ĩgu ðarire ĩgu ihmugū dujaricū mua turaro mucubirirāca.

¹⁴ Cristo yarā mua árīri dipuwaja gajirā muare erā turicū Goāmu ĩgu Espiritu Santo ĩgu ðagu mua mera árīgu iimi. Eropirā ðaro mucubirirā āhraa mua.

¹⁵ Eropirā masare wejēra waja dipuwajacurā, yajara waja dipuwajacurā, ñero iira waja dipuwajacurā, gajiropa arī goroweora waja dipuwajacurā árībiricāque. Iri dipuwaja mua ñero taricū ñehe āhraa.

¹⁶ Cristo yarā mua árīra wajapu ñero taricū ðhaa. Eropirā Cristo yarā mua árīcū ĩha ñero iima muare. Erā eropiicū guhyasiribiricāque. Ñero tariquererā ta Cristo yarā mua árīrere mucubirirā, Goāmure “Óhaa,” arī unupeoque mua.

¹⁷ Goāmu ĩgu yarā erā iirare ĩgu beyerisubu arīro iiaa dohpaguere. Árīpehrerā mari ĩgu yarā mari iirare ĩha serēpimuhtagucumi. ¿Eropa marire serēpimuhtagu dohpa iigucuri ĩgu yarā árībirāpüre mua pepicū? ĩgure yuhribirinināpüre turaro dipuwaja moagucumi.

¹⁸ Eropirā ðarā ĩgu yarā eropa ñero tarira puhru Goāmu erāre tau erāre ĩgu pohro aīagucumi. Goāmure gamebirāpu ñetariaro tarirācoma. Eropirā dederea wa peamegue warācoma.

¹⁹ Eropirā Goāmū ĩġu gamecū m̄ua ñero tarirā árĩrā, ðarire m̄ua iirare duhubiricāque. Eropirā m̄uaere ihacūnugudiḡure m̄uaere ne duhubiḡure ĩġure umupeoro gahmea. “Ȳure ihadibuḡucumi,” arĩro gahmea.

5

Jesu yarā erā iiborore were gojañumi Pedro

¹ Dohpaguere m̄uaere Jesu yarā oparāre wereġara: Ȳuh̄u Jesu yarā opu āhraa. M̄ua s̄a erā oparā ta āhraa. M̄uaere ȳu iro dopa oparā árĩrāre ire werebu iiaa ȳuh̄u: Cristo ĩġu ñero tarirare iadiḡu árĩġu, m̄ua mera amarogue Cristo mera ðaro árĩniḡuibu árĩġu ire m̄uaere wereġara:

² Goāmū yarā oveja iro dopa āhrima. M̄uap̄u ovejare ihadiburā iro dopa āhraa. Eropirā Goāmū m̄uaere ĩġu apinirāre ĩġu yarāre ðaro ihadibuque m̄ua. Eropirā Goāmū ĩġu gamediro dopa ta ðaro siporāc̄uri mera erāre ihadibuque. Eropirā erāre ihadiburā “Niyerure wajatarāca,” arĩ pepibiricāque m̄ua.

³ Eropa ihadiburā erāre p̄ur̄iro mera dorebirabiricāque. Eropirā ðaro iique m̄ua Jesu yarā m̄uaere erā ihacūbor̄o dopa.

⁴ M̄ua eropa iirā Cristo marire árĩpehrerāre ihadibuḡu ĩġu dujaricū ĩġu m̄uaere ðarire oburire oparāca. Iri m̄ua opaburi ne pehresome.

⁵ Erāre ȳu dorero dopa ta m̄ua mamarā s̄a erāre m̄ua oparāre ȳuhrirā árĩque. Eropirā m̄ua Jesu yarā árĩpehrerā game ȳuh̄ri árĩque.

“Ōatariaġu āhraa,” arĩ pepirāre Goāmū gamebeami. Gajirāre umupeorāp̄ure “Bu árĩrā āhraa,” arĩ pepirāp̄ure ðaro mahi itamumi ĩġu, arĩ gojara āhraa.

⁶ Eropirā Goāmū turaḡup̄ure m̄uaere dorecū ȳuh̄rique. Eropirā m̄ua basi “Ȳu ðaġu āhraa,” arĩ pepibiricāque. M̄ua eropa ðarire iicū ĩaġu Goāmū ĩġu queoranu árĩcū masa ihuro m̄uaere “Ōarā āhrima,” arĩ ihmuḡucumi.

⁷ ĩġu m̄uaere w̄uaro pepi ihadibumi. Eropirā ĩġure ġuñaturarā, ne w̄uaro bujawere ġuñaricubiricāque m̄uap̄u.

⁸ M̄uaere ihaturiḡu watĩ yee ġuaḡu ĩġu ehma baro iro dopa ta āhrimi. M̄uaere ñero iidoreġu goroweodiami. Eropirā pee masi árĩque.

⁹ Árĩpehrerogue s̄are gajirā Jesu yarā eropa dihta teboricuma watĩ goroweodiar̄i mera. Ir̄ire masirā ĩġure ȳuh̄ribiricāque. Eropirā Cristore umupeorā turaro ġuñaturaque m̄ua.

¹⁰ M̄ua i yeba árĩrisubu dihta watĩ ñero iidorediaro mera teboricurāca. Merogā āhraa. P̄uh̄ru m̄ua Jesucristo pohro árĩrā, m̄uaere ðarā turarā árĩcū ĩġucumi. Eropiḡu m̄ua siñajarā ðaro árĩcū ĩġucumi m̄uaere. ĩġu Jesucristo iira mera árĩpehrerinur̄i um̄usiḡue m̄ua ðaro árĩborore m̄uaere apiḡucumi. ĩġu Goāmū āhrimi árĩpehrerāre mojomoro ĩaġu.

¹¹ Eropirā um̄uri n̄ucu “ĩġu turaḡu āhrimi,” arĩ umupeorā ĩġure. Eropa ta iirā.

Ōadoretuñumi Pedro

¹² Ip̄uḡare mirip̄uḡare ȳu m̄uaere gojabeocū Silvanop̄u ȳure gojabasami. Silvano Jesu yaḡu ȳu acawereġu Jesure duhubiḡu āhrimi ȳu pepicū. M̄uaere ðaro werediaa. Eropiḡu “I buheri diaye ta Goāmū m̄uaere ĩġu mahiri buheri āhraa,” arĩ wereġu m̄uaere ip̄ure gojabeoa. Eropirā i buheri mera siporā turarā árĩque m̄ua.

¹³ M̄uaere ĩġu beyediro dopa ta Jesu yarā Babilonia majarā s̄are beyedigu árĩmi Goāmū. Erā m̄uaere ðadorema. Marco s̄a ȳu maḡu iro dopa árĩġu s̄a m̄uaere ðadoremi.

¹⁴ M̄ua mera majarāre bocat̄urirā ðaro mera mojoto ñeaque.

Árĩpehrerā m̄uaere Jesucristo yarāre ġua ðadorea. Eropa ta árĩque. Irip̄eta āhraa.

2 San Pedro

Jesu yaräre gojabeoñumi daja Pedro

¹ Yuhũ Simo Pedro Jesucristo ĩgu buhedore ĩgu apidigu ähraa. Eropigu ĩgu pohro majagu ta ähraa. Eropigu muare gojabeoa yuhũ. Goãmu marire taudigu Jesucristo mera marire äripehreräre diaye ĩgu ährimi. Eropa ĩgu äriĩgu Cristore umupeocũ, ĩgu yarã wacã iimi muare. Eropa warã mua sã gua iro dopa ta ĩgu yarã ähraa. Mari yujuro mera ĩgu yarã äriřräre muare gojabeoa.

² Eropirã Goãmu säre mari Opũ Jesucristo säre masinemorã ĩgu mahiri mera ðaro äriřrãca mua. Eropa ðaro mua äriřboro dopa muare serëbasaa Goãmure yuhũ. Eropa ariĩgu muare ðadorea.

Ōpa ährima Cristo yarã, ari gojañumi Pedro

³⁻⁴ ĩgu yarã äriřmoräre Cristo marire aĩdigu äriřmi. ĩgu eropa aĩcũ peerã, ĩgure yuhribu mari. Eropa yuhriřã Jesucristo ðagu, ðarirepa ta ĩgu yarã ähraa. Mari yujuro mera ĩgu yarã äriřã iimasigu äriřo dopa ta mari sã ĩgu iro dopa ta äriřmasia. Eropa Goãmure mari masinemorã, ĩgu turari mera ĩgu gamero dopa ta ðarã äriřrãca. ĩgu ährimi ĩgu yarã äriřmoräre marire aĩdigu. Ōagu ðarire iimasipehogu ĩgu äriřo dopa ta marire äripehreräre aĩdigu äriřmi. Eropa ta iri ĩgu turari mera marire ðatariaro wahabu. “Ōpa ta muare ðaro ĩgura,” ĩgu ariřdiro dopa ta marire ðatariaro iimi ĩgu. Marire ĩgu eropiicũ i yeba maja ñerire mari ñaribejarire mari duhucãa. Iri ñeripu marire goroweotariaca. Eropirã ĩgure yuhriřã äriřã Goãmu ĩgu ariřdiro dopa dujarãca mari.

⁵ Eropirã Cristore umupeorã ärituhaa mua. Eropirã ĩgu turarire oparã ðpa iinemoque daja: Ōarã äriřque mua. Eropa ðarã äriřã ðaro pee masirã äriřque mua.

⁶ Eropa pee masirã äriřã ñerire iĩdiaquererã ta Goãmu ĩgu gameripure iiniguicãrã äriřque. Eropa iirã Cristo yarã mua äriři dipuwaja gajirã muare ñero ĩquerecũ ta eropa yujuro bojeniguicãque mua. Eropa yujuro bojerã Goãmure umupeorã, ĩgu gamerire iirã äriřque mua.

⁷ Eropa iirã mua mera majaräre mahi umupeoque. Eräre ðaro itamurã äriřque. Eropa iirã äripehrerã gajirã säre mahi umupeoque.

⁸ Mua eropa iinemocũpure ðataria. Mua eropa iinemorã, ðaro iirã äriřrãca. Eropirã mari Opũ Jesucristore ðaro guñaturarã ĩgu gamerire ðaro iiniguirã äriřrãca mua. Bu äriřire iisome.

⁹ Mua eropa iinemobirã Goãmu yare ne masibirigohraboya mua. Eropirã Cristo mua ñeri iirare ĩgu coerare ne guñabiriboya mua. Eropa ta cãdijicãdiaboya mua.

¹⁰ Eropirã yũ acawererã, Goãmu yarã äriřmoräre muare ĩgu äriřdorecũ yuhriřinirã äriřbu mua. Eropa yuhriřã äriřã, ĩgu yare guña duhudiabirã ĩgu gamerire turaro eropa iiniguicãque. Mua eropa iirã diaye ta Goãmu mera äriřrãca mua. Eropirã diaye ta ĩgu beyenirã äriřrãca mua. Eropirã ñerire iiniguirã äriřsoma.

¹¹ Mua eropa ĩgu gamero dopa ta iirã äriřã mari Opũ marire taudigu Jesucristo ĩgu äriřroque ðaro warãca mua. Diaye ta ĩgu yarã mua äriřcũ ĩagu “Ōaro mera yũ mera äriřque mua,” ariĩgucumi Jesu muare.

¹² Eropigu muare ire eropa guñaniguicũ ĩgura. I muare yũ wererare masituhabu mua. Eropa masirã Goãmu yare mua peediro dopa ta ðaro iirã iiaa mua. Eropa iirã mua äriřquerecũ ta i muare yũ wererare eropa guñanemocũ werenemogura.

¹³⁻¹⁴ “Merogã duhyaa mu siriřboro,” ari weremi yure mari Opũ Jesucristo. Eropigu ojocarĩnigu ire yũ muare wererare eropa guñaniguicãcũ iiniguigura. Yũ eropa iicũ ðapũrica.

¹⁵ Eropigu i yũ were gojara muare gojapipehogura yũ siriřa puhru mua ðaro masiboro dopa. Eropirã i yũ wererare eropa guñaniguirãca mua.

Cristo ĩgu turagu äriřricurire ĩabu yuhũ, ari gojañumi Pedro

¹⁶ Eropirã mari Opũ Jesucristo ĩgu turari säre, ĩgu dujariboro säre muare wererã, gua gamero gua ari bocarire wererã iĩbiribu. Turagu ĩgu äriřire gua basi ta ĩabu.

¹⁷ Cristo ĩgu turatariagu ĩgu äriřire guare ihmumi Goãmu mari Pagu. ĩgu eropa ihmucã Cristo ðaro goesiricũ ĩabu. ĩgu eropa goesiricũ ðpa ariřo caribu: “Ihĩ yũ magu yũ mahigu ährimi. ĩgu mera ðaro mucubiria,” ariřo caribu gua peecũ.

¹⁸ Umarogue eropa ariřo caricũ peebu gua. Utãgu wecague Goãmu yagu utãgu wecague Cristo mera ejarã eroparicũ peebu gua irire.

¹⁹ Irire ïanirã árirã, Goãmu yare weremũhtanirã iribojegue majarã erã gojara diaye áricũ ðaro masia gua. Erã gojarare mua ðaro buheniguirã ðaro iirã iica mua. Iri erã gojara mũare sihãgodiru iro dopa áhraa. Naitãroguere ðaro sihãgodiru mera mari ïhamasiro dopa ta erã gojarapu marire Goãmu yare ðaro masicũ iiaa. Eropirã ïgu yare eropa buheniguique ne ïgu Jesucristo dujaricũgue. Jesucristo dujaricũ ïgu yare masipehorãca mari pare.

²⁰⁻²¹ Yu werediro tauro ipure ðaro masique mua: Iribojegue majarã ðarã Goãmu yare erã weremũhtarã erã guñabocarire wereniguibiriñuma. Espiritu Santopũ erã Goãmu yare wereniguiburire erãre masicũ iifñumi. Eropirã mari erã wereniguiuri gojarare buherã mari pepiri mera irire buherã “Ópa arĩro iica,” arĩmasibirica. Espiritu Santo ïgu itamuri mera mari masia.

2

Goãmu yare diaye buhebirãre were gojañumi Pedro

¹ Iribojegue mari acawererã judio masa mera majarã gajirã “Goãmu yare weremũhtarã áhraa,” arĩ guyamuriñuma. Erã iidiro dopa ta dohpague sãre mua mera majarãre eropa ta arĩ guyarã árirãcoma. Erã diaye Goãmu yare buherã arĩ buheboro dopa ta guyaripure buherãcoma. Eropa buherã Cristo yapure goroweorãcoma. Eropa iirã Cristo erã ya dipuwajare sãribasadigure guñabirãcoma. Eropirã ïgure “Gua Opũ áhrimi,” arĩ ne pepisome. Iri áriphehrerire erã eropa iira dipuwajare mata Goãmu erãre peamegue wadoregucumi.

² Eropa erã guya buhecũ peerã erã, erã ñerire ñaribejaro dopa ta bajarã masa erãre ïhacũ ñero iirãcoma. Erã ñero iicũ ïha gajirã Jesucristo yare diaye majare ñero wereniguirãcoma.

³ Eropirã erã guyaricurã niyerure waja gamerã guyari buherire buherãcoma mũare. Eropa buhera dipuwaja Goãmu erãre peamegue wadoregucumi. Iribojegue ta eropa iinirãre dipuwaja moadoretuhañumi ïgu.

⁴ Eropa ta iribojegue dipuwaja moadoreñumi ñerã anyua sãre. Erãre peamegue peresu iifñumi. Eropa iigu i umu pehrerinu áricũ erãre dipuwaja moagucumi.

⁵ Eropa ta iribojegue majarãre Goãmure gamebirinirãre dipuwaja moañumi ïgu. Eropigu áriphehrero i yebare miugu, áriphehrerã ñerã masare miu wejẽpehocãñumi. Noẽ dihtare gajirã siete masa mera tauñumi. Noẽpu irisuba majarãre Goãmu yare ðarire buhemuririñumi.

⁶ Eropa ta Sodoma waicuri maca majarãre Gomorra waicuri maca majarã sãre Goãmu dipuwaja moañumi. Iri macarire pa iinirãre dipuwaja moadoretupeame mera ðaro soepehocãñumi. Eropigu puhrugue árimorãre ïgure gamebirinirãre ïgu dipuwaja moaborore ïhmuğũ iifñumi. Ñerãre ïgu dipuwaja moaborore ïhmuğũ iifñumi “Gũiporo,” arĩgu.

⁷ Eropigu Lote waicugure tauñumi. Lotepũ ðagu áriññumi. Eropa áriğũ áriğũ Sodoma majarã Goãmu dorerire tarinũgarã ñetariaro erã iicũ ïagu gariborea wañumi. Eropigu ñma erã basi erã ñero iicũ ïagu gariboretaria wañumi ïgu.

⁸ ïgu ðagu ñerã watope áriññumi. Eropigu umuri nucũ ñetariaro erã iicũ ïagu ñero erã wereniguiçũ peegu ñero siporãcãñumi.

⁹ ïgure Goãmu taucũ ïarã ire masia mari. Goãmu mari Opũ marire ïgure gamerãre mari ñerã watope áricũ marire taugucumi mari ñero iibiriboro dopa. Eropigu ñerãpure erã ñero iira dipuwajacurã áricũ apigucumi. Pehrerinu áricũguere erãre dipuwaja moagucumi.

¹⁰ Ñerire turaro ñaribejarã Goãmu dorerire tarinũgarã erã tamerare ñero dipuwaja moagucumi ïgu. Oã mua mera majarãre guya buherã ñeri ñaribejarire iirã ne mari Opure umupeobeama. “Gajirãre mari tarinũgaa,” arĩ pepirã áhrima erã. Eropa arĩrã erã deyobirãre ñmaro majarãre, ñerã turarãre ne guibirã ñero arĩ wereyama erãre. Erãpure tauro dipuwaja moagucumi Goãmu.

¹¹ Goãmu yarã anyuapu ne erã iiro dopa iibeama. Erã tauro turarã áhrima. Eropa turarã áriquererã ta erã ne wereyari mera ñmaro majarãre ñerã turarãre “Peamegue waporo,” arĩ weresãbeama mari Opure.

¹² Erã guya buherãpu nuğũ majarã waimurã iro dopa pee masibirã áhrima. Erã gamero dopa ta iima erã. Eropirã erã masibirirare wereya ñero arĩ wereniguiçorema. Eropa iirã erã áricũ waimurãre mari wejẽro dopa ta Goãmu erãre peamegue cóagucumi.

¹³ Eropigu erã ñero iira dipuwaja dipuwaja moagucumi Goãmu. Erã ñerire ñaribejataricãma. Eropirã ñerire ñero iiniguicãma. Mua mera bosenu iiquererã iri bosenu iri ñerire iidiama. Erã eropiirã guhyasiricũ iima erã querecurã árirã.

¹⁴ Eropirā nomere İarā ñeadiama erā. Eropirā ñerire eropa iinigiuidama. Goāmũ yare dabero masinugarāre ñerire iidorerā, eropa arĩrāre erā İhacũcũ iima. Eropirā erā seyaro gajinore, niyeru säre gũya emamehererā āhrima. Eropirā erā Goāmũ İgu dipuwaja moamorā āhrima.

¹⁵ Erā diaye majare duhu Balaam İgu iidiro dopa iirā iima. Balaam mũru Beor mũru magu arĩñumi. İgu iribojegue İgu ñeri iiri mera niyerure wajatadiariñumi.

¹⁶ İgu eropa iigu macũ İgu burropũ İgure turĩñumi. İgu burro wereniguimasibigu İgu arĩquerecũ ta Goāmũ İgure wereniguicũ iĩñumi. İgu eropa wereniguicũ peegu Balaam turaro İgu ñeri iidiarare duhucāñumi.

¹⁷ Erā gũyaricurā mau dipague deco mariro iro dopa āhrima. Deco mariri maũri dipari iri duhpiburi arĩbiriro dopa ta erā gũyaricurā ne duhpimorā arĩbeama. Eropirā imica cururi miruñe weābeori cururi gohrotoro dopa ta erā gũyaricurā sã erā wereniguire gohrotoniguima. Eropigu naitfaroque erā warore amutuhapũ Goāmũ erogue erāre dipuwaja moabu.

¹⁸ Erā gũyaricurā erā wereniguiri duhpiburi gohra arĩbeaa. Masirā iro dopa masare eropa buhemaacāma. Őpa arĩ buhema erā: “Mari gamero dopa ta mari iicũ ōapũrica,” arĩ buherima erā. Erā eropa arĩ buhecũ masa peerā, erā ũaribejarire iidiarā erā ya buherire gahmema. Gajirā masa Goāmũre ne umupeonugarā erā gũyaricurire peerā āhrima. Erā ñerire erā duhura pũhrugā erā gũyarire peenugama daja. Eropa peerā Goāmũ yapũre erā peeborapũre peebeama daja. Ñeripũre gohrotoma daja Goāmũ yarā arĩbonirā.

¹⁹ Erāre ōpa arĩ buhema gũyarā: “Mari iidiaro dopa ta mari iimasia,” arĩrima erā. Erā eropa arĩ buhequerecũ ta erā arĩdiro dopa wabeaa erāre. Őaripũre iidiaquererā iimasibeama. Ñerire yoari boje duhudiabirā, pũhrũ irire duhudiaquererā duhumasibeama. Iri ñeri erāre dorea. Erā ñeri ũaribejari erāre dorea. Eropiro yujugure ñeripũ tarinugacũ İgũpũre ñerire duhumasiya mara.

²⁰ Mari Opũ Jesucristore marire taugure ne masinugarā i yeba maja ñerire duhucāma. Erā eropa duhura pũhrũ dipaturi ñerire gohrotorā daja, ñero gohra dujaboñuma erā. Cristore erā masiboro core erā arĩmuhtadiro tauro ñetariaro dujama pare dipaturi ñerire gohrotorā daja.

²¹ Eropa ñero dujarā ōari buheripũre erā ne masinugabiricũ ōatariaboya erāre. Erā Goāmũ dorerire masira pũhrũ irire cōanirā ñetariaro dujarācoma.

²² Eropirā dipaturi ñerire gohrotorā, masa nũcu erā ōpa arĩ wereniguidiro dopa ta iirā iima erā. “Diaye etocapi İgu etocapirare dipaturi İgu basi ta bahami daja. Eropigu yese İgure guhbura pũhrũ dipaturi İgu ñeri tarague oyami daja,” arĩ wereniguima masa. Eropa ta iima ōarire ne gamenugarā dipaturi ñerire gohrotorā daja.

3

Cristo İgu i yeba İgu dujariborore were gojañumi Pedro

¹ Yũ mahirā, mũare yujupũ gojabeotuhabu. Eropigu ipũre daja dohpaguere mũare gojabeogu iiaa. Eropigu mũare pesubu gojabeogu i arĩpehrerire guñacũ iidiagu iiaa ōari dihtare mũa iiboro dopa.

² Irire guñaque macũ: Iribojegue majarā ōarā Goāmũ yare weremuhtanirā erā were gojarare guñaque. Eropirā mari Opũ marire taugũ Cristo İgu doreri säre guñaque. Iri dorerire gũa İgu apinirā mũare buheabu.

³⁻⁴ Eropirā negohrare ire guñamuhtaque: Pehrerinũ coregãgue Goāmũ yare wereyarā arĩrācoma. Erā ñerire ũaribejaniguirā arĩrācoma. Őpa arĩ wereyarācoma: “ ‘Cristo dujarigarā,’ İgu arĩqueregũ ne dujarisome. ¿Dujaridiaqueregũ duhpigu ne deyobeari İgu? I yeba arĩnũgara pũhrũ mari ñecu sumarā mũa erā sĩrira pũhrũ arĩpehrero mũraro ta arĩniguia. Eropigu i yebague dujarĩbu ne ũmaroguere marimi,” arĩ wereyarā arĩrācoma.

⁵ Eropa arĩ wereyarā ipure ne guñadiabeama erā: Iribojeguerẽ Goāmũ İgu dorediro mera i yebare ũmũsi säre İhacũnuguñumi. Eropa İhacũnugugũ deco mera i yebare iĩñumi. Eropigu i yeba deco mera arĩcũ iĩñumi.

⁶ İgu eropiira pũhrũ i yebare miũñumi. Miũgu i yeba maja dederepehrecũ iĩñumi.

⁷ Eropigu İgu ta ũmũsire, i yeba säre dipaturi dederepehrecũ iigũcumi İgu. Peame mera dederecũ iigũcumi. Dohpaguere İgu İgu dorero mera i yebare ũmũsi säre arĩniguicũ iimi dohpa. Eropigu coregũ iimi pũhrũ arĩpehrerore soebu. Eropa coregũ iimi Goāmũ İgure gamebirāre dipuwaja moabu. Eropigu İgu beyerinũ arĩcũ soepheocãgũcumi. Irisubu erā ñerāre dedeogũcumi.

⁸ Yū mahirā, ipūre guñaque mūa: “Yoatariari boje āhraa,” mari arī pepiquerecū ta, mil bojori yujunū iro dopa ta āhraa Goāmū Īgū ĩacūpūre.

⁹ “Goāmū Īgū arīdiro dopa ta ne yojaro mera iibeami,” arīma masa. Eropa arībeaa. Masare ōaro iidiagu corenigū iimi. Ne yujugū masure peamegue cōādiabeami Īgū. Eropigū arīpeherrerā erā űeri ĩirire bujawerecū, űerire ii duhucū corenimi Īgū dohpa.

¹⁰ űamigue yajari bugu, Īgū guñaña mariro yajagu űajariro dopa ta Cristo i yebaguere guñaña mariro arigūcumī. Īgū aricū űmūsi maja pehrea waroca turaro busuro mera. Ūjupehrea waroca. I yeba maja sā Ūjupehrea waroca.

¹¹ “I arīpeherrerī pehrea waroca,” Goāmū Īgū eroparicū peerā űerire duhu, Goāmū gameripūre ĩirā arīro gahmea marire.

¹² Mari Opū i yebague Īgū dujariborore mūa corerā arīrā yojaro mera Īgū aricū ĩique mūa. ĩrinure űmūsi maja Ūjupehrea waroca.

¹³ Eropa guhyaro watope ādopa maripū Goāmū Īgū arī apidiro dopa ta arīpeherrerī Īgū gohrotoburire cohre mucubiriyua mari. Arīpeherrerī ĩri űjura pūhrū ōpa arīroca: Ūmūsi i yeba sā gajī dihta arīroca. Eropirā irisubuguere ōari dihtare ĩirācoma arīpeherrerā. ĩrīre ta cohrea mari.

¹⁴ Eropirā yū mahirā, mari Opū Īgū dujariborore corerā Goāmū Īgū ĩarore űeri marirā, űerire ĩibirā arīque mūa. Eropirā Goāmūre ĩadiabirā arībiricāque mūa. Eropirā Goāmū mera ōaro arīque.

¹⁵ Eropirā yoaűariri boje Īgū deyobiricū ĩarā ōpa masique mūa. Masa erā űerire bujawerecū corenigū iimi dohpa Goāmū erāre tauborore. Eropa ta arī mūare gojabeodigū arīmi mari mahigū mari acaweregu Pablo. Goāmū masiri mera ĩrīre gojabeodigū arīmi Īgū.

¹⁶ Eropa dihta arī gojabeodi arīmi Pablo Īgū gojabeora nūcu. Cristo Īgū dujariborore, űerire ĩibirā mari arīboro sāre weregu ōpa dihta arī gojabeodigū arīmi Īgū. Yujuy-erisuburi diasarire were gojabeodigū arīmi. Gajirā ne masibirā, pee masibirā guyarī mera Īgū eropa arīrare gohrotomūrima. Eropirā Īgū eropa werera arīquerecū ta gajiropa arī gohroto werecāma erā. Goāmū yare erā gojarapūgue gajī sāre eropa ta ĩima erā. Erā eropiicū ĩagu Goāmū erāre dipuwaja moagu peamegue cōāgūcumī.

¹⁷ Yū acawererā, yū mahirā, i arīpeherrerī i eropa waboro core weretuhabu mūare. Eropirā ĩre masirā ōaro ĩique mūa. űerā mūare erā gajiropa arī buhecū, peeigū arīmi. Gajirā ne masibirā, pee masibirā guyarī mera Īgū eropa arīrare gohrotomūbiricāque erāre Cristo yare duhuri arīrā.

¹⁸ Eropa duhubirā mari Opūre marire taudigūre Cristore ōaro umupeonemoque mūarū. ĩgure ōaro masinemoque. Arīpeherrerinūri ĩgure ōaro umupeorā mari. “Ōagu turagu āhrimi,” arīrā mari ĩgure. Eropa ta arīrā. ĩripēta āhraa.

1 San Juan

Nũ Jesucristore were gojara āhraa

¹ Dohpague ta gaa Jesucristo yare were gojarā iiaa m̄uare. Mata negue ta áridigu āhrimi ĩgu. ĩgu masare mari Pagu mera eropa árĩniguicũ iigu āhrimi. ĩgure ĩabu gaa. ĩgu wereniguirire pee gaa ya cuiiri mera ĩabu gaa ĩgure. Eropirā ĩgure ĩarā, gaa ya mojotori mera mohmepibu ĩgure.

² ĩgu masare mari Pagu mera árĩniguicũ iibu árĩgu ĩgu i yebague ĩgu dehyoami. ĩgu masa dehyoacũ gaa ĩabu ĩgure. Eropirā ĩgure werea gaa m̄uare. ĩgu umuri nucũ mari Pagu mera árĩniguicãdigu mari pohro erami. Eropirā ĩgure gaa ĩarare werea m̄uare.

³ Mari Pagu mera gaa ðaro āhraa. ĩgu magu Jesucristo mera sãre gaa ðaro āhraa. Eropirā m̄ua sã gaa mera, mari Pagu mera, ĩgu magu mera m̄ua ðaro árĩburire gaa m̄ua sãre Jesucristore werea. Gaa ĩarare gaa peerare werea.

⁴ Irire ta gaa gojaa m̄ua ðaro mucubiriburire.

Goãmũ mera ðaro árĩburi āhraa

⁵ Dohpague ta Jesucristo wereniguirare werea gaa m̄uare. Iri buherire Jesucristo guare buhecũ gaa peebu. Ōpa āhraa. Goãmũ ðagu dihta āhrimi. N̄eripu ne mara ĩgure. Irire werea m̄uare.

⁶ Eropirā mari n̄eri iirire iiniguirā, “Goãmũ mera ðaro árĩcãa yuhu,” arĩquererā mari gyyarā iiaa. Eropirā diaye majare iibeaa.

⁷ Eropirā mari Goãmũ iidiro dopa ta mari ðarire iiniguirā tamera, Goãmũ mera ðaro árĩrā iiaa. Mari basi sã ðaro árĩrā iiaa. Eropigu Jesucristo Goãmũ magu mari n̄eri iirire árĩpehrerire coegu āhrimi. ĩgu crusague s̄irigu ĩgu dire cóãmi. ĩgu eropiigu mari n̄eri iirire coeniguicãmi.

⁸ Yujugu “Yu tamera ne n̄erire iibeaa,” eropa arĩgu ĩgu basi ta guyami. Eropigu diaye majare pepibeami.

⁹ Eropirā mari n̄ero iirare werero gahmea Goãmũre. Eropa wererā mari n̄ero iira puhru Goãmũre mari weretaripehocãcũ, ĩgu mari n̄ero iirare cãdijipehocãgucumi. ĩgu arĩdiro dopa ta diaye ta iigu ðagu āhrimi. Eropigu daja mari n̄eri árĩpehreri sãre coeweagucumi.

¹⁰ “Árĩpehrerā n̄erire iirā āhriima,” arĩtuhajapu Goãmũ. Eropirā “Ne n̄erire iibeaa yupu,” mari arĩrā ðaro arĩbeaa mari. Mari eropa arĩrā “Goãmũ guyaricũgu āhrimi,” arĩdiarā iiaa. Ōpa arĩrā ĩgu ya buherire gamebirā āhraa.

2

Jesucristo marire itamumi, arĩ wereñumi Nũ

¹⁻² Yu porā, m̄ua n̄erire iibiriboro dopa ire gojagu iiaa. Yujugu n̄ero iirare iicũ Jesucristo itamumi marire mari Pagu iri n̄ero iirare cãdijiboro dopa. ĩgu Jesucristo ðagu Pagu pohro árĩgu ĩgu Pagure Ōpa arĩ serēbasacumi mari n̄ero iira puhru: “Ihĩ n̄ero iira dipuwaja moabita ĩgure,” arĩrā “Goãmũ guyaricũgu āhrimi,” arĩdiarā iiaa. Ōpa arĩrā ĩgu ya buhe arĩcumi mari Pagure. Eropigu Jesucristo mari n̄ero iira dipuwaja wajayebasadi árĩmi. Mari n̄ero iira dihtare wajayebasabiridigu árĩmi. Árĩpehrero majarãguere erā n̄ero iirare wajayebasadi árĩmi.

³ Maripu Goãmũ dorerire iirā árĩrā “Goãmũre diaye ta masia yuhu,” arĩ masia mari.

⁴ Yujugu Goãmũ dorerire iibigu, “Yu sã Goãmũre diaye ta masia yuhu,” arĩgu guyagu āhrimi. Eropigu Cristo yare masibeami. iiaa. Ōpa arĩrā ĩgu ya buhe

⁵ Goãmũ dorerire iigupu ĩgu Goãmũre ðaro mahigu āhrimi. Eropa árĩgu ta “Yuhu Goãmũ mera ðaro árĩcãgu āhraa,” arĩ masimi ĩgu.

⁶ Mari “Goãmũ mera ðaro āhraa,” arĩrā Jesucristo ĩgu ðaro árĩricũdiro dopa ta iiro gahmea.

Goãmũ doreriñe āhraa

⁷ Yu acawererā, yuhu m̄uare dohpaguere werebeoburi mama doreriñe árĩbeaa. I doreriñe m̄ua negohraguere Jesu buherire peerañe ta āhraa. Eropirā iriñe doreriñere peetuhajabu m̄ua.

⁸ Iri doreriñe “Gajirãre mahi umupeoque,” arãa. Cristo iri doreriñere iigu masare umupeomi. Eropiro dohpaguere iri doreriñe m̄urañe doreriñe árĩquerero ta mama

doreriñe sã áhraa. Dohpaguere mua pee masibirirañe pehre wahgãro iiaa ðaro. Jesucristo muare pee masicũ iigu eratuhajami. Eropirã mua sã masare umupeorã iiaa.

⁹ Eropigu yujugu gajigure íhaturigu árigu ñerire iigu áhrimi. Ígu ta “Yũhu ðarire iigu áhraa,” arĩmasibeami ígu gajigure íhaturinijagu.

¹⁰ Eropigu yujugu gajirãre mahi umupeogu tamera ðarire iigu ðaro áhrimi. Eropigu ñerire iibeami.

¹¹ Gajirãre íhaturigupu ñerire iigu áhrimi. Eropigu ígu ðaro iiburire pee masibeami ígu.

¹² Yu porã, Goãmu mua ñeri dipuwajare cãdijipehodi árĩmi Cristo ígu sĩrirañe mera. Eropa mua ñerire cãdijisurã áricũ muare wegũ árigu ñerire iigu áhrimi. Ígu ta “Yũhu ðarire iigu áhraa,” arĩmasibre gojagu iiaa.

¹³ Mua pagu sumarã sã, mua Cristore negohraguere áridigure masirã áhraa pare. Mua eropa masicũ mua sãre were gojagu iiaa. Mua mamarã, mua watĩre tarinagabu mua. Mua eropa tarinugarã áricũ muare were gojagu iiaa.

Yu porã, mua mari Pagure masia. Mua eropa masirã áricũ were gojagu iiaa.

¹⁴ Mua pagu sumarã, mua Cristore negohraguere áridigure masia mua. Mua eropa masirã áricũ muare were gojagu iiaa. Mua mamarã, mua Goãmu yare umupeoturã áhraa. Eropirã ígu yare diaye majare iiaa. Goãmu wereniguirire masia. Mua eropiirã watĩre tarinagabu. Eropigu muare were gojagu iiaa.

¹⁵ I yebare, i yeba majare gamebircãque. I yeba majare gamerã maripu mari Pagure gamebea mari.

¹⁶ I yeba maja áhraa: Masa erã ñerire uaribejari, ñero íha iidari áhraa. Eropáricũ masa erã ya dihta guña mucubiriri áhraa. Iri Goãmu mari Pagu ya árĩbea. Iri árĩpehreri i yeba maja áhraa.

¹⁷ Eropirã i yeba majare iirã erã ñero iidari mera dederea wahama i yeba mera. Goãmu yapu pehresome. Eropirã Goãmu yare iirãpu Goãmu mera árĩnguicãrãcoma.

Diaye maja árĩri, diaye maja árĩbiriri áhraa, arĩ gojañumi Ñũ

¹⁸ Yu porã, i umu pehrebro merogã duhyaa. “Cristore íhaturidigu gohra arigucumi,” arĩ Jesu yarã muare weretuhajama. Dohpaguere Cristore íhaturirã bajarã árituhajama. Eropirã dohpaguere i umu pehreburiñ merogã ero duhyacũ mari masia.

¹⁹ Oã Cristore íhaturirãpu mari mera árĩquererã mari yarã diaye árĩbeama. Eropirã marire cohã wiriama. Erã mari yarã árĩrã mari mera dujaboañuma. Eropirã marire cohã wiriama. Erã eropa wiriacũ mari mera majarã erã árĩbirirare masia mari.

²⁰ Muapure Cristo Espĩritu Santore muare otuhajadi árĩmi. Eropigu Espĩpehreri i yeba maja áhraa. íritu Santo mua mera áhrimi. Ígu árĩro mera mua árĩpehreri diaye maja árĩrere masia.

²¹ Eropigu yu muare weregu, “Diaye maja árĩrere masibea mua,” arĩbea yũhu. Mua diaye maja árĩrere masirã guyacũ sãre masia. Eropigu muare werea yũhu.

²² Ihĩ diaye majare masibigu áhrimi guygupu. “Jesucristo Goãmu magu árĩbeami,” arĩgupu guyagu áhrimi. Ígu Cristore íhaturigu áhrimi ígu. Eropigu mari Pagure ígu magu sãre “Erã diaye ta árĩbeama,” arĩgu Cristore íhaturigu ta áhrimi.

²³ Ópa áhraa: Jesure gamebigupu mari Pagu sãre gamebeami. Jesure umupeogu mari Pagu sãre umupeomi.

²⁴ Negohraguere mua Goãmu yare peebũ. Irire ðaro guñaque. Irire guñarã Jesucristo mera ðaro árĩrãca. Eropirã mari Pagu mera sãre ðaro árĩrãca.

²⁵ Jesucristo marire weremi: Ópa áhraa ígu werera: “Mua umuri nãcu Goãmu mera árĩrãca,” arĩ werepimi Jesu marire.

²⁶ Gajirã muare guyadiarima. Eropigu muare were gojaa.

²⁷ Muapure Cristo Espĩritu Santore otuhajami. Espĩritu Santo mua mera árĩnguimi. Eropigu Espĩritu Santo mua mera árigu diaye majare muare masicũ imi. Espĩritu Santo muare buhecũ íha gajigu muare buhegure amabea mua. Árĩpehrerire diaye maja árĩrere buhemi muare Espĩritu Santopu. Guyarire ne buhebeami ígu. Eropirã Espĩritu Santo ígu muare buhediro dopa ta Jesucristo yare peerã ígu mera ðaro árĩque.

²⁸ Eropirã, yu porã, Jesucristo mera majarã árĩque. Mua eropiirã Cristo ígu dujaririnu áricũ ne guisome igure. Eropirã ígu dujaririnu áricũ mua guhyasĩriri mariro árĩrãca.

²⁹ Cristo Goãmu magu ígu ðari dihta iidigu áricũ mua masia. Irire masirã iri sãre masia mua. “Árĩpehrerã diaye maja ðarire iirã Goãmu porã ta áhriima,” arĩ masia mua.

3

Mua ta Goāmū porā āhraa, arī werera āhraa

¹ Goāmū mahitaricāmi marire. Eropigu ĩgu marire “Mua yu porā ta āhraa,” arīmi. Eropirā ĩgu porā ta āhraa mari. I yeba majarā ñerā Goāmure masibeama. Eropirā erā mari sāre masibeama Goāmū porā mari áricū.

² Yu mahirā, dohpague Goāmū porā āhraa mari. Puhrugue mari dohpa árĩburire mari ōaro masibeaa dohpa. Cristo dehyoacū daja diaye ta irire masirāca. ĩgu árĩricurire ĩha masirāca. Eropirā Cristo marire dehyoacū daja ĩgu iro dopa ta mari gohroto árĩrāca. Eropirā ĩgu ōagū iiro dopa ta iirāca pare. Irire masia mari.

³ Eropā masirā ñerire duhu Cristo ĩgu árĩro dopa ta ōarire iidiaa dohpague sāre.

⁴ Árĩpehrerā ñerire iirā Goāmū dorerire tarinugarā āhrima. Ñero iiri Goāmū dorerire tarinugari āhraa.

⁵ Cristo mārĩburire mari ōaro masibeaa dohpa. Cristo dehyoacū daja diaye ta irire masirāca. ĩgu árĩricurire ĩha masirāca. Eropirā Cristo marire dehyoacū daja ĩgu iro dopa ta mari gohroto árĩrāca. Eropirā ĩgu ōagū iiro dopa ta iirāca pare. Irire ari masa ñerire cóabu erami. ĩgũpure ñeri ne mara. Mua irire masia.

⁶ Eropirā árĩpehrerā Cristo mera majarā árĩrā erā sã ñerire eropa iiniguicābeama. Ñerire eropa iiniguicārā Cristore ne masibeama. Eropā iirā Cristo yarā árĩbeama.

⁷ Yu buherā, mũare guyarāre peebiricāque. Árĩpehrerā diaye majare iirā, Cristo iro dopa ōarā āhrima.

⁸ Ñerire eropa iiniguicāgu watĩ yagu āhrimi. Watĩ tamera mata ñerire iinugadigu árĩñumi. Eropigu Goāmū magu Jesucristo watĩ dorerire cóagu erami.

⁹ Eropirā Goāmū porā ĩgu árĩrere opama. Eropirā erā ñerire eropa iiniguicābeama. Goāmū erā Pagu áricū erāpu ñerire iiniguicāmasibeama.

¹⁰ Ōpa Goāmū porā árĩrāre, watĩ porā árĩrā sāre masirāca. Watĩ porā Goāmū porā iro dopa ta árĩbeama. Diaye maja árĩrere iibirā, gajirāre umupeobirā Goāmū porā árĩbeama.

Mua mera majarāre mahi umupeoque, arī werera āhraa

¹¹ “Mari mera majarāre mahi umupeoro gahmea,” ne arī buhecū peeabũ mua.

¹² Eropirā mari Caĩn iribojegue majagu ĩgu ñero iidiro dopa ta ñerire iibiricārā. ĩgu Caĩn watĩ yagu árĩdi ĩgu pagu magure wejēcāñumi. Caĩn ñerire iimuriñumi. ĩgu pagu magũpu ōarire iimuriñumi. ĩgu eropa ōarire iira dipuwaja Caĩnpu ĩgure ĩhaturĩñumi. Eropigu ĩgure wejēcāñumi.

¹³ Eropirā i mũmũ majarā ñero iiricurā mari ōarire iicū ĩha ĩhaturima marire. Eropirā “¿Duhpirā yure ĩhaturiri erā?” arĩrere masirāca.

¹⁴ Negohrare mari Goāmū yare iibirā árĩnirā mari dederebonirā árĩribũ. Dohpaguere pare Goāmū yare iirā árĩrā ĩgu mera árĩniguimorā āhraa. Eropirā ĩgu itamuri mera Jesu yarāre mahi umupeorā āhraa. Eropā umupeorā árĩrā “Goāmū yarā āhraa,” arī masia mari. Masare mahibirā peamegure wamorā āhrima.

¹⁵ Eropirā erā erā mera majarāre ĩhaturirāpu masare wejērā iro dopa ta iima Goāmū ĩgu ĩacū. Masare wejērā umarogue árĩmorā árĩbeama. Irire ōaro masia mua.

¹⁶ Cristo ĩgu sĩrirañere guñarā marire ĩgu mahira gohrare masia. Cristo mari masare mahitarigu mari dipuwajare aĩ mari Goāmū mera árĩniguiborore sĩrimi. Mari sã gajirāre itamugũ sĩribu ta árĩqueregũ mari acawererāre mahi itamuro gahmea.

¹⁷ Yujugũ baja opagu Jesucristo yagure mojomorocũgure ĩaqueregũ ta ĩgure mojomoro ĩabigũ Goāmure mahibeami ĩgu.

¹⁸ Yu porā, mari “Yũhũ masare umupeoa,” mari arī wererā erāre itamuro gahmea. Erāre itamubirā erāre mahi umupeobirā iiaa.

Gũiro mariro Goāmū pohro árĩmasia mari

¹⁹ Eropā gajirāre mahi umupeorā, “Mari diaye ta Goāmū yarā āhraa,” arĩmasia.

²⁰ Eropirā mari basĩ “Gajino yu ñero iira dipuwaja árica yure,” arī pepiquererā ta Goāmū mera ōaro sĩporācurā árĩmasia. Goāmũpu árĩpehrerire masigu ōaro masimi mari sĩporārere.

²¹ Eropirā mari “Ñeri dipuwaja marica yure,” arī pepirā ōarire iirā Goāmū mera mari gũiro mariro árĩmasia.

²² Goāmū ĩgu dorerire ĩgu gamerire mari iicū ĩgure mari serēri nũcure ogũcumĩ marire.

²³ Ōpa doremi ĩgu marire: “Goāmū magu Jesucristore umupeoque. Eropirā mua mera majarāre mahi umupeoque Cristo marire ĩgu dorediro dopa ta,” arī doremi marire.

²⁴ Goãmũ dorerire iirã Goãmũ mera ðaro áricãa mari. Īgu Goãmũ sã mari mera ðaro áhrimi. Goãmũ Īgu Espírítu Santore obeomi marire. Mari mera árigũ “Goãmũ yũ mera áhrimi,” mari arĩ masiburire Espírítu Santo marire masicũ iimi.

4

Goãmũ yarã gohrare masiro gahmea marire, arĩ werera áhraa

¹ Yũ mera majarã, dohpaguere i umũre bajarã guyarã áhrima, “Goãmũ yare wererã áhraa,” arĩquererã. Eropirã gajirã mua watopegue Goãmũ yare buherã aricũ ðaro ãaque erãre. “¿Erã buheri noa buheri áhriri?” arĩ ãaque. “¿Erã Goãmũ yarã áhriri?” arĩ ãaque.

² Őpa masique erãre serẽpirã: “¿Jesucristo i yebague aridigu diaye ta masũ gohra áriyuri?” arĩ serẽpiñaque erãre. Mua eroparicũ pee erã Goãmũ yarã árirã “Masu ta áriñumi Jesu,” arĩ yuhrirãcoma.

³ Erã Goãmũ yarã áribirãpũ “Jesucristo masu gohra áribiriñumi,” arĩ yuhrirãcoma. Erã eropa arĩ yuhricũ “Erã ya pepiri Cristore íhaturigu ya dorero dopa ta áhraa,” arĩ masirãca mua. “Cristore íhaturigu arigucumi,” peetuhajabu mua. Eropigu ĩgu ya buheri i yebagure árituhajaa.

⁴ Yũ porã, Goãmũ yarã áhraa mũapũ. Eropirã mua Goãmũ yare were guyarãre tarinugatuhajabu. Mua mera árigũ Espírítu Santopũ watĩ tauro áhrimi. Watĩ i umũ majarã yagu áhrimi. Eropirã mũare guyarãre tarinuga, erãre peebirabu mua.

⁵ Guyarãpũ i umũ majarã áhrima. Eropirã erã i umũ majare guyarire buhecũ i umũ majarã dihta erãre peema.

⁶ Maripũ Goãmũ yarã áhraa. Eropirã Goãmũre masirãpũ marire peema. Gajirãpũ Goãmũ yarã áribirãpũ marire peebeama. Eropirã ðpa arĩ masia mari. “Erã Goãmũ yare peerã Goãmũ doreri diaye majare opama. Erã Goãmũ yare peebirãpũ watĩ doreri gũyari majare opama,” arĩ masia mari.

Goãmũ áripehrerãre burigã mahiniguigu áhrimi, arĩ werera áhraa

⁷ Yũ mahirã, mari gajirãre mahicũ Goãmũ iigu áhrimi. Īgu eroparicũ íarã mari mera majarãre mahirã. Masare ðaro mahirãpũ Goãmũ porã áhrima. Eropirã erã Goãmũre ðaro masima.

⁸ Masare áripehrerãre Goãmũ burigã mahiniguigu áhrimi. Īgu eropa mahiniguigu áricũ masare mahibirãpũ Goãmũre masibeama.

⁹ Goãmũ marire ĩgu mahirare íhmudi árimi ĩgu magure obeogu. Īgu magure yujugu ta árigũre marire taubu obeodi árimi i yebagure. Eropa obeogu marire ĩgu mahirire masicũ iidi árimi.

¹⁰ Īgu magure obeora mahiri gohra áhraa. Mari masa Goãmũre mahibiriquerecũ ĩgu Goãmũpũ marire burigã mahidi árimi. Eropigu ĩgu magure obeodi árimi mari ñerire cóãbure. Īgu magure obeora iri ta áhraa marire ĩgu mahiri gohra.

¹¹ Eropirã, yũ mahirã, Goãmũ burigã marire mahicũ íarã mari sã mari mera majarãre mahirã.

¹² Masapũ ne mari Pagure Goãmũre ãabeama. Īgure ãabirã mari arĩquerecũ ta mari mera majarãre mari mahicũ Goãmũpũ mari mera ðaro eropa áriñguicãmi. Eropigu ĩgu mari mera árigũ marire gajirãre ðaro mahinemocũ iimi.

¹³ Goãmũ marire ĩgu Espírítu ohami. Eropirã ĩgu Espírítu mari oparã “Goãmũ mari mera ðaro áhrimi,” arĩ masia mari.

¹⁴ Mari Pagũ ĩgu magure i yeba majarãre taubure ĩgu obeocũ gua ãabũ. Eropirã irire ãanirã gajirãguere irire werea gua.

¹⁵ “Jesucristo Goãmũ magũ ta áhrimi,” arĩgu ĩgu ta Goãmũ mera ðaro árigũ iimi. Eropigu Goãmũ sã ĩgu mera ðaro áricãgu iimi.

¹⁶ Eropirã Goãmũ marire mahirire masia mari. Eropirã marire diaye ta mahigu ĩgu áricũ masia mari. Goãmũ masare áripehrerãre burigã mahiniguicãgu áhrimi. Eropirã masare mahiniguirãpũ Goãmũ mera ðaro áhrima. Goãmũ sã erã mera ðaro áhrimi.

¹⁷ I yeba áridigu Cristo Goãmũre gajirã sãre ĩgu mahidiro dopa ta mari sã Goãmũre gajirã sãre mahia. Eropirã mari eropa mahirã mahinemoa, dipuwaja moarinũ áricũ mari gũibiriboro dopa.

¹⁸ Eropirã mari Goãmũre mahirã gũibeaa. “Goãmũ marire burigã mahimi,” arĩ ðaro masirã gũisome pare. “Mata Goãmũ yũre dipuwaja moagucumi,” arĩ pepirãpũ gũia mari. Mari eropa pepirã Goãmũ marire ĩgu mahirire ðaro masibeaa.

¹⁹ Marire Goãmũ mahimũtami. Eropirã mari sã ĩgure mahia.

²⁰ Yujugu masu gajigure İhaturigü árİqueregu “Yu sã Goãmure mahia,” arİgu guyagu ahrimi. Gajigure İhaturigü Goãmure mahibeami İgu. Gajigure İgu masİgu árİqueregu ta mahibİgu Goãmü sãre İgu ne İabİgure mahimasibeami İgu.

²¹ Eropa ahraa marire Cristo İgu doreri: Goãmure mahirã árİrã mña pohro árİrã sãre mahi umupeoque.

5

Goãmü porã árİrã Goãmü dorerire iima, arİ werera ahraa

¹ Árİpehrerã Jesupure “Cristo ahrimi. Goãmü obeodİgu ire burİgã mahimi,” arİahrimi,” arİrã Goãmü porã ta ahrima. Gajirã pagure mahirã İgu porã sãre mahia mari. Eropa ta mari mari Pagure Goãmure mahirã, İgu porã sãre mahia.

² Eropirã Goãmü porãre mari mahirire mari õpa masirãca: Goãmure mahi, İgu dorerire õaro İi, İgu porã sãre mari mahirã iiaa.

³⁻⁴ İgu dorerire õaro iirã Goãmure mahirã iiaa mari. Marire Goãmü İgu dorerire iicü teboricusüya mara. Eropirã mari árİpehrerã Goãmü porã árİrã, i umu maja ñerire eropa iinİguicãsome. Goãmure umupeorã ne ñerire gamebeaa. Eropirã İgure mari umupeora pũhrũ ñerire iidiabeaa.

⁵ Ñerire gamebirã õpa arİrã ahraa mari Jesucristore. “Jesu Goãmü magu ta ahrimi,” arİ umupeorã ta ahraa. Eropa arİrã árİrã ñerire gamebirã ahraa mari.

Goãmü magu árİricurire werera ahraa

⁶ Jesucristo i yebague erami. I yebagure árİgu deco mera waİyesümi. Deco dihta árİbeaa. Pũhrũ sİrigu İgu di coãmi. Eropirã Jesucristore İgu deco mera waİyecü İha İgu ya di coãcü İha “İgu Goãmü magu ta ahrimi,” arİ masia mari. Jesucristo árİricurire diaye ta marire árİpehrerãre masicü iimi Espİritu Santo. Espİritu Santo diaye majare marire masicü iimi.

⁷⁻⁸ Őmarogue sãre irire “Jesucristo Goãmü magu ta ahrimi,” arİ wererã urerã ahrima. Mari Pagũ, İgu magu, Espİritu Santo erã ta ahrima. Erã urerã ta ahrima. Eropirã yujugu iro dopa ta ahrima. I yebague sãre “Jesucristo Goãmü magu ahrimi,” arİ masisüa. İgu magu İgu árİricurire Espİritu Santo marire masicü iimi. Eropi Jesure deco mera İgu waİyerare masirã “İgu Goãmü magu ahrimi,” arİ mari masia. Eropirã mari árİburire Jesu sİrigu İgu di coãrañere İha masirã “Goãmü magu ta ahrimi,” arİ masia mari. Iri mera marire masiro gahmea.

⁹ Mari masa dihta werenİguicü mari peea. Eropirã marire Goãmupũ İgu magu árİricurire werenİguicü õaro peero gahmea.

¹⁰ Eropirã Goãmü magure umupeorã İgu Jesure were buherire õaro peema. “Diaye ta ahraa,” arİ pepima erã Jesu yare buherire. Goãmü İgu magu yare “Diaye árİbeaa,” arİ pepirãpũ “Goãmü guyagu ahrimi,” arİrã ahrima erã. Goãmü İgu magure arİ wererire peebirã ahrima.

¹¹ Goãmü marire umuri nũcu İgu mera mari árİnİguicü iİgucumi. Goãmü magure gamerã árİrã mari árİcü İgu mera eropa árİnİguicü iİgucumi marire. I ahraa Goãmü magure İgu wereri.

¹² Eropirã Goãmü magure umupeorã Goãmü mera árİnİguicãrãca. Eropirã gajirã İgure gamebirãpũ İgu mera árİsome.

Weretu İgu gojara ahraa

¹³ Mña Goãmü magure umupeorã İgure peerã mña Goãmü mera eropa árİnİguicãrãca. Mña Goãmü mera árİburire õaro masicü muare were gojagu iiaa.

¹⁴ Mari, mari dohpã árİrİre Goãmure serërã İgu gamediro dopa ta mari serëcü İgu marire õaro peenurugucumi. Eropa mari serërã, “Diaye ta õaro peemi İgu,” arİ masia mari.

¹⁵ İgure mari eropa serëcü İgu marire peemi. İgu pee mari serëropë ta ogucumi. İgu eropa peecü masirã İgure mari serëropë ta İgu obu árİcü sãre masia mari.

¹⁶ Mari mera majagu gajİgu Jesucristore umupeogu ñerire İgu iİgu árİcü İha İgure Goãmure serëbasaro gahmea. Eropa serëcü Goãmü İgure taugucumi İgu dedereborañere. Gaji ñero iiri ahraa. Iri ñero iirire gajİgu İgu iİgu árİcü İha Goãmü İgure dedereburİñere taubeami. Eropİgu mũ acaweregu iri ñerire iicü Goãmü taubiriburire iicü “İgure Goãmure serëbasaque,” arİbeaa yũhũ muare.

¹⁷ Árİpehreri ñero iiri ñetariari ahraa Goãmü İgu İacü. Eropa árİquerecü gajİ ñeri iiri peamegue wacü iibeaa masare.

¹⁸ Goãmũ magũ Jesucristo Goãmũ porãre õaro cãhmotami. Eropigũ watĩpũ Goãmũ porãre ñero iirire doremasibeami. Eropirã Jesucristo cãhmotari mera Goãmũ porã ne ñero iirire eropa iiniguicãbeama. Irire mari masia.

¹⁹ Mari Goãmũ porã ãhraa. Watĩ i umũ majarã opũ ãhrimi. Iri sãre masia mari.

²⁰ Goãmũ magũ i yebague aridi Goãmũre õaro masicã iimi igũ marire. Eropirã Goãmũre “Diaye ta ãhrimi,” arĩ masia mari. Eropirã Goãmũ magũ Jesucristo yarã ãhraa mari. Eropirã Goãmũ mera mari õaro árniguicãrã iiaa. Ihĩ diaye ta Goãmũ gohra ta ãhrimi. Eropirã igũ mera árniguicãrãca.

²¹ Yũ buherã, goãmarã wéanirãre “Goãmũ ãhrimi,” arĩ umupeobiricãque. Goãmũ dihtare umupeoque. Iripêta ãhraa.

2 San Juan

Gajiräre were gojañumi Ñu. Jesu yare, diaye mahiri säre wereñumi

¹⁻² Yuhü bügu müre Goãmü beyedigore mü porã säre ipüre gojabeoa. Jesucristo yare diaye majare opaa mari. Iri mari mera árinigüicároca. Eropigu diaye ta mahia yuhü müare. Yü dihta mahibea müare. Gajirã Jesu yare masirã sä diaye ta müare mahima.

³ Goãmü mari Pagü, Jesucristo igü magü mera diaye igü mahiri mera marire ôaro iigücumí. Eropigu marire mojomoro iagücumí. Eropigu marire ôaro áricü iigücumí igü.

⁴ Mari Pagü marire igü dorediro dopa ta mü porã yujuräyeri igü yare ôaro yuhrirã áricü peebü. Eropä peegü mucubiriabü.

⁵ Eropigu, acawerego, mari mera majaräre mahi umupeodorea marire. Yü doreri mama doreriñe áribeaa. Iri doreriñe marire mata árituhaya.

⁶ Eropirã Goãmü doreriñe iipehorã mari igüre mahia. Eropiro iri doreriñe ähraa müa negohrare peerañe. Gajiräre eropa mahinigüicärã árique.

Bajarã guyaricurã árirãcoma, arí werera ähraa

⁷ Bajarã guyarã i ümü majaräre buherã wahama. "Jesucristo i yebaguere aridigu masü düpü gohra árigü aribiriñumi," aríma. Erã guyarã Cristore ihaturigu iro dopa ta iima.

⁸ Eropirã ôaro pee masique müa. Müare guyaräre peebiricäque Goãmü müare igü ôaro iiburire cóari arirã. Eräre peebiricü Goãmü müa ôari iira waja obeogücumí müare.

⁹ Áripehrerã Jesucristo buherire peenirã irire cóarã Goãmü yarã áribeama pare. Jesucristo buherire ôaro peenürüräpü Goãmü mari Pagü yarã ährima. Goãmü magü Jesucristo yarã sä ährima.

¹⁰ Eropirã müa yujugü Jesucristo ya buherire gamebigü gají buherire buhegü müa pohro eracü igüre game bocatiribiricäque. Müa ya wirigüe ñajadorebiricäque.

¹¹ Gají buherire buhegü Jesucristo yare umupeobigü ñero iigü ährimi. Eropirã müa igüre bocatiri sererã ñero iidigure itamurã iiaa. Eropirã igüre bocatiri serëbiricäque.

Were gojatura ähraa

¹² Baja yuhü müare werediaqueregü ta irire paperapügue gojabeodiabirica. Yü basi ta müare iagü wadiaca. Müare iagü weretamugüca mari ôaro mucubiriburire.

¹³ Mü pagü mago Goãmü beyedigo igo poräpü müare ôadorema. Iripëta ähraa.

3 San Juan

Gaji carta gojañumi daja Ñu. Gayo igu ñaro iirare wereñumi

¹ Yuhũ bugũ mũre Gayore ñaye ta yũ mahigũre ipũre gojabeoa.

² Yũ mahigu, mũhũ Goãmũre ñaro umupeocũ masia yũhũ. Mũhũ Goãmũ mera ñaro árfĩro dopa ta mũ dupũ sã ñaro árfĩcũ serẽbasaa yũhũ Goãmũre.

³ Gajirã Jesucristo yarã yũ pohro erarã mũ árfĩricũre yũre wereama. Cristo gamerire ñaye mũ iirare wereama erã yũre. Erã eropa werecũ peegu burigã mucubiriabũ yũhũ.

⁴ Jesucristo yarã yũ buhenirã Jesucristo yare ñaye ta árfĩre erã iicũ pee burigã mucubiria yũhũ.

⁵ Yũ mahigu, mũhũ Jesucristo yarãre itamugũ ñaro iiaa mũhũ. Jesucristo yarã mũ iha masibirã sãre itamugũ ñatarario iiaa.

⁶ Erãpũ erãre mũ umupeorare wereama gũare Jesucristo yarã gamenererogue. Eropigu Goãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa iigu ñaro iigu árfĩgũca mũhũ. Eropa ta marire itamuro gahmea Goãmũ yare buherãre.

⁷ Erã Jesucristo ya árfĩburire buhe curirã warã, Jesucristore umupeobirãpũre erã itamurire ne serẽbeama.

⁸ Eropirã marire Jesucristo yare buhe curirãre itamuro gahmea. Erãre eropa itamurã erã iiro dopa ta mari sã Goãmũ yare buherire itamurã iiaa.

Diotrefe igu ñero iira ãhrraa

⁹ Eoãmũ yare buhe curirãre mũ pohrogue erarã erã gajipũ wacũ itamuque erãre. Mũ eropa ro majarãre Jesucristo yarãre yũ gojarapũre gojabeorabũ. Diotrefepũ igu basi erã opu árfĩdiagu yũ wererare peediabiripũ.

¹⁰ Eropigu mũa pohro yũ ejara pũhrũ igu iirare werepehogura. Gũare ñero werenigũipũ. Eropigu Jesucristo yare buhe curirãre bocatĩribiripũ. Gajirã ero árfĩã erãre bocatĩridiacũ gamebiripũ. Gajirãpũ erã buhe curirãre bocatĩricũ iha igu Diotrefe erã bocatĩrira waja erãre cohã wiupũ Jesucristo yarã gamenereri wihigue.

¹¹ Yũ mahirã, ñero iirãre ihacũbircãque. Ñaro iirãre ihacũque. Ñarire iirã Goãmũ yarã ãhrrima. Ñerire iirã Goãmũre masibeama.

Demetrio igu ñari iira ãhrraa

¹² Árfĩpẽhrerã "Demetrio ñagu ãhrrimi," arĩma. Eropirã igu iirire iãrã ñaro igu iira árfĩcũ masima masa. Gũã sã igu ñaro iirare eropa ta werea. Gũã werenigũiripũ ñaye árfĩcũ masia mũa.

Ñu weretura ãhrraa

¹³ Mũare baja werediarabũ. Irire gojasome.

¹⁴ Merogã pũhrũ mũare iãgu wadiaca. Eropirã mari basi weretamurãca.

¹⁵ Ñaro árfĩque mũhũ. Mari mera majarã Jesucristo yarã mũre ñadorema. Ero majarã mari mera majarã sã ñaporo. Iripẽta ãhrraa.

San Judas

Juda Jesu yaräre gojabeoñumi

¹ Yũhu Juda Santiago pagu magu Jesucristo pohro majagu muare Jesu yaräre ipũre gojabeoa. Muare mari Pagu Goãmu igtu beyenirã áhrraa. Eropirã igtu mahiri mera ôaro áhrraa mua. Eropigu muare Jesucristo ihadibumi mua ñerire iibiriborore.

² Ôadorea muare. Goãmu itamuro mera ôaro ártique mua. Eropigu Goãmure mojomoro ihadore, muare mahidoregu serêbasaa yuhu Goãmure. Mua gajirã mera ôaro áhri erãre mahiborore serêbasaa Goãmure.

Guyarã erã buherire werenugañumi Juda

³ Goãmu marire peamegue wabonirãre igtu itamuripure turaro gojabeodiarabu muare, yu mahirãre. Eropã gojadiaqueregu ta dohpaguere guyari buherire gamedorebigu muare gojabeoa. Gajirã mua pohro ejanirã erã guyari buherire mua peebiriboro dopa muare gojabeoa dohpaguere. Eropirã Jesucristo ya buheripure buhe tarinugaque. I buheripure peerã, mari Goãmure ôaro umupeoa. I buheripu Jesu igtu apinirã igtu yaräre erã buhera eropa árniguicãro iiaa gohroto mariro.

⁴ Bajamerãgã masa ñerã iha masiya marirã mua pohro ejanirã árima. Mua mera árirã erã buherire buhe guyama guare iha masiri arirã. Ôpa arĩ buhema: “Goãmu yarã mua áricũ, igtu mahimi muare. Eropigu nome mera mua ñero iicũ igtu muare ne dipuwaja moasome,” arĩ buherima erã. Eropirã mari Opure yujugu ta ártigure Jesucristore “Goãmu magu áribeamĩ,” arĩ buherima erã. Eropã arĩ buherãre Goãmu igtu dipuwaja moaborore wereñumi iribojeguere igtu yare erã gojarapũgue.

⁵ Dohpaguere gajire guñacũ iidiaa muare. Ire mua masiquerecũ ta dipaturi muare ire guñacũ iidiaa. Goãmu igtu yaräre Egipto árninirãre igtu wiura puhra erã mera majarã igtu umupeobirinirãre Goãmu wejẽñumi.

⁶ Eropirã mua gajirã sãre guñaque. Gajirã anyuapu Goãmu doreri iinirã, puhru iidiabirinũma. Eropirã erã igtu árdore apidiro sãre erã árdiabirinũma. Eropirã erã árdirore cóacãñuma erã. Erã eropa cóacũ iagu Goãmu erãre naitarogue erãre peresu iinũmi. Eropirã erã pehrerinũ core comedare dirinirã iro dopa árniguicãrãcoma. Eropigu pehrerinũ áricũ dipuwaja moagucumi Goãmu erãre.

⁷ Eropã ta ñero iinũma gajirã sã. Erã sãre guñaque mua. Erã Sodoma waicuri maca majarã, Gomorra waicuri maca majarã iri macari pohro ártiri macari majarã sã nome mera ñero iimurinũma. Eropirã gajiroppã arĩri sãre iinũma. Erã ɯmapũ erã basi ta erã dũpu mera ñero iinũma. Nome sã eropa ta iinũma erã seyaro. Erã eropa iira dipuwaja Goãmu erãre soepohocãñumi. Erãre soegu Goãmu ártipehrerã igtu tarinugarãre igtu dipuwaja moaburire ihmuɯ iinũmi. Erãre igtu dipuwaja moari peame ne yarisome.

⁸ Erã Goãmure tarinuganirã iidiro dopa dohpague sã eropa ta iiniguicãma guyarire buherã. Erã pee masibirã iro dopa ta erã dũpu mera ñero iima. Eropirã mari Opũ dorerire gamebeama erã. Eropirã deyobirãre, ɯmaro oparãre, turarãre erãpu ñero werenigui corema.

⁹ Ôagu anyua opũpu Migue waicũgu igtu turagu ártiqueregu ta watipure ñero werenigui corebiripũ. Igtu Moise dũpu murarore gamegu, watĩ mera game dũyasopũ. Turagu ártiqueregu ta igtu watĩ tauro “Yu tamera turaa,” arĩ pepibiripũ. Eropigu igtu gamero watire “Peamegue waporu,” arĩ weresãbiripũ Goãmure. Eropigu ôpa arĩpu watire. “Goãmuge mure turiporo,” arĩpu Migue watire.

¹⁰ Ôã guyarãpu erã masibirãre ñero werenigui corema. Eropirã waimurã pee masibirã erã gamero ñero iiro dopa ta erã guyari wererãpu eropa iimaacãma. Eropã irã árirã peamegue warãcoma.

¹¹ Erã ta ñero tarirãcoma. Caĩn iribojegue majagu iidiro dopa ta ñero iima erã. Eropirã Balam sã igtu iidiro dopa ta erã niyerure mahi, aidiarã guyarire buhema. Eropirã niyeru arĩ dihtare pepima erã. Eropirã iribojegue majagu Coré waicũgu igtu opure Moiserẽ igtu cóãdorediagũ igtu iidorediro dopa ta erã sã Jesure eropa ta cóãdorediama. Eropirã igtu iidiro dopa ta erã sã peamegue warãcoma.

¹² Erã muare guya wererãpu mua game mahi ii ihmuburi bosenurire barã, umupeori mariro erã erã gamero bira, erã seyaro ta barire bapehocãma gajirãre oro mariro. Eropirã ñerire iirã erã mua bosenurire ôarinuri waboraãnerẽ goroweoma. Deco mariri imica cururi iri mari otera itamubiro dopa ta erã guyarire buherã ne muare itamubeama. Eropiro iri imica cururi miruñe weãcũ eropa gohrotoniguiro dopa ta

erã gıyará sã erã werenıguıre gohrotonıguıcãma. Yucũ dıccacubırırı yucũ duhpıburı árıboro dopa erã duhpımorã árıbeama. Erã buherı mera gajırãre Goãmıre umıpeocũ iıbeama. Yucũgũ dıca marıcũ İha marı duha peamegue soe cõcãca irıgıre. Eropã ta Goãmı erãre gıyãrãre peamegue cõãgucumi.

¹³ Pãgırı pumarãre pamıjupıra iro dopa erã İerıre guhyasıurıre werenıguıma. Necãmu yurıdıja İgũ pehrero dopa ta erã sã pehrea warãcoma. Erã eropa İero iıra dipuwaja dederea warãcoma. Goãmı erãre dipuwaja moacã naitıarogue árıııguıcãrãcoma.

¹⁴⁻¹⁵ Enoco irıbojegue majagu Adãn pũhrũ sıete cururı pũhrũ majagu õpa arımırıııumi. "Peeque yũre. Goãmı bajarã İgũ anyua õarã mera árıpehrerã İerãre erã İerıre iıra dipuwaja moagu arıgucumi. Eropıgũ árıpehrerã Goãmıre İhatırıãre erã İeri iıra dipuwajare erãre masıcũ İıgũ arıgucumi Goãmı. Eropıgũ Goãmıre erã İero werenıguıra dipuwaja sãre erãre masıcũ İıgũ arıgucumi," arımırıııumi Enoco mũrũ.

¹⁶ Erã gıyará gajırãre dıyaso İero werenıguı corerã, erã İero uarıbejari dıhtare iırã åhrıma erã. Eropırã "Gajırãre masıtarınũgaa gũa," arırıma erã. Eropırã erã gamero dopa iıdarã gajınore emadıarã, peemaja õaro werenıguıma masare.

Jesu yarãre werenemoııumi Juda

¹⁷ Marı Opũ Jesucristo buhedore İgũ apınırã erã buherare guıaque mũarũ, yũ mahırã.

¹⁸ Õpa arıma erã mũare. "I yeba pehrebore coregã Goãmıre İero arı wereyarã árırãcoma. Eropırã erã Goãmıre gamebırã, İerıre erã uarıbejarıre iırãcoma erã," arı werema Jesu İgũ apınırã mũare.

¹⁹ Jesu yarãre erã bası erã game İhatırıcũ iıma erã gıya wererãpũ. Eropırã İerã erã İeri uarıbejarıre iırã árırã, Espırıtu Santore ne opabeama erã.

²⁰ Mũarũ yũ mahırã, Jesucristo ya buherıre õaro peenemoque guıaturarã mũa árıboro dopa. Iri buherıpũ õatarıa. Espırıtu Santo itamurı mera Goãmı mera werenıguıque mũa.

²¹ Goãmı mũare burıgã mahımı. Eropırã İgũ mũare mahınıguıborı dopa İeri marıo árıııguıcãque Goãmı İgũ dorero dopa. Eropırã Jesucristo mera mũa eropa árıııguıburıre coreque. İgũ marıre mojomoro İagũ umaroguerı eropa árıııguıcã İıgucumi.

²² Cristo yare peadıabırııarırãre mojomoro İaque. Eropırã erãre Jesucristo yaadıe árırıre wereque.

²³ Erãre peamegue wabonırãre Goãmıre itamucũ İıque mũa. Gajırã İerıre iırã wahama. Erã İerıre dooque. Erãpũre mojomoro İaque mũa. Erãre itamurã mũa sã õaro İıque erã İeri iıre İhacırı arırã. Gũhrarıcırı suhrırore mũa gamebıro dopa ta, gajırã erã İeri iıre gamebırıcãque irıre pẽhrerı arırã.

Juda Goãmıre İgũ umıpeorı åhrũ umaroguerı eropa árıııguıcãca

²⁴⁻²⁵ Goãmı marı Opũ marıre İhadıbumasımı İerıre marı İıbırıborı dopa. Eropıgũ İgũ marıre İeri dipuwaja marırãre umarogue İgũ pohrogue apımasımı. Eropã marıre İgũ erogue apıcũ marı mucubırırãca. İgũ Goãmı yıjıgũ ta åhrımı. Eropıgũ peamegue wabonırãre taugu åhrımı İgũa. İgũpũ irıbojegue dohpague sãre õatarıagũ, marı tauro opũ árıgũ, turatarıagũ, árıpehrerãre doregu åhrımı. İgũ eropa árıgũ árıcũ Jesucristo yarã árırã İgũre umıpeorã. Eropã ta iırã. İrıpẽta åhraa.

Apocalipsis

Puhruguer I umu dohpa waborore marire masicū iimi Jesucristo, arī gojañumi Ñu

¹ Ipū mera Jesucristo ĩġu yarāre masicū iirare were gojabeoġa iiaa. Mari Paġu Goāmuru irire weredoreġu apipu Jesucristore. ĩġu yarāre ĩġu pohro majarāre masicū iidoreġu apipu. Eropiġu puhru waburire marire masicū iidoreġu apipu Jesucristore. Eropiġu Jesucristo marire eropa masicū iibu ĩġu anyure obeodigū árĭmi yare Ñure irire weredoreġu.

² Eropiġu yuhu Ñu baja ĩamuhubu Goāmu ĩġu dohpa iiburire. Goāmu ĩġu wereniguiiri säre peeabu. Eropiġu árĭpehreri yu ĩarare yu peerare were gojabeoġa iiaa. Jesucristo ĩġu basi ta diaye arĭrare were gojabeoġa iiaa.

³ Ipū mera puhruġue dohpa waburire were gojagu iiaa. Merogā duhyaro iiaa iri árĭpehrero eropa waboro. Eropirā árĭpehrerā ipüre buherā, yu wererire oaro yuhrirā oaro mucubirirā árĭrācoma.

Siete iglesia majarāre Jesu yarā gamenerāre gojabeoġu Ñu

⁴ Yuhu Ñu muare siete cururi majarāre Jesu yarāre Asia yeba majarāre gojabeoa. Goāmu ĩġu mahiri mera muare oadorea. Eropirā ĩġu itamuri mera oaro árĭque mua. ĩġu negohraguer eropa árĭniguidigū árĭñumi. Dohpague säre eropa ta árĭniguiimi. Puhruġue säre eropa ta árĭniguiġucumi. Goāmu ĩġu opu doaro core Espĭritu Santo āhrimi. Siete suburi maja turari árĭpehreri opagu āhrimi. ĩġu mera säre yu muare oadorea daja.

⁵ Cristo ĩġu mahiri mera muare oadorea daja. ĩġu Cristo Goāmu yare guyarō mariro wereġu āhrimi. Eropiġu ĩġu sĭridigū ĩġu masa muriadigū ne dipaturi sĭrisome ĩġu. ĩġu yarā waborore masa muriamuhadigū āhrimi. Eropiġu i yeba majarā árĭpehrerā oparā tauro opu āhrimi ĩġu. Marire mahiġu ĩġu di cóara mera mari ñeri iirare cóadi árĭmi ĩġu.

⁶ Eropa cóagū marire oparā wamorāre wacū iidigū árĭmi ĩġu. Eropiġu marire pahia masare Goāmure serēbasarā wamorā säre wacū iidigū árĭmi. Eropiġu Goāmu mari Paġu yare iimorāre wacū iidigū árĭmi ĩġu eropa sĭrigū. ĩġu eropa iidigure oaro wereniguii umupeoro gahmea árĭpehrerinuri. Árĭpehrerā tauro opu eropa árĭniguiimi ĩġu. Eropa ta árĭporo.

⁷ Oaro pee masi coreque mua. Imica cururi weca dijarigucumi Cristo. ĩġu eropa aricū ĩarācoma árĭpehrerā. ĩġure crusague pabia wejenirā mura sā ĩarācoma. Eropirā ĩġu aricū ĩarā i yeba majarā árĭpehreri cururi majarā orerācoma ġuirā. Eropa ta árĭporo.

⁸ Ōpa arĭmi mari Opu Goāmu: “Yuhu árĭpehrerire ĩhacūnugudigū āhraa. Eropiġu árĭpehrerire pehrecū iibu āhraa, arĭmi. Iribojegue säre eropa árĭniguiimurĭbu. Dohpague säre eropa āhraa. Puhruġue säre árĭġura,” arĭmi Goāmu.

Jesucristore gosesirigure yu ĩhabu, arĭ werepu Ñu

⁹ Yuhu Ñu mua acawereġu Jesu yagu āhraa. Eropiġu mua iro dopa ta yu sā Jesu ya árĭburire yu iira dipuwaja ñero tarĭbu. Eropiġu mua iro dopa ta yure erā ñero iiquerecū ĩġu itamuri mera Jesure cóābirĭbu. Mari yujuro mera ĩġu Opu árĭro majarā árĭmorā āhraa. Yaha yeba majarā erā cóādigū árĭġu Patmo waĭcari nuġurogue āhraa. Goāmu yare Jesucristo ĩġu werera säre gajirāre yu wereri dipuwaja oġue erā cóabeodigū āhraa.

¹⁰ Ohō yujunū soorinū árĭcū Espĭritu Santo yare quēroque ĩhmuami. ĩġu eropa ĩhmucū yu purupuru burigā wereniguiiri busuro dopa carabu. Corneta turaro busuro dopa eropa ta busuro carabu ĩġu wereniguiicū.

¹¹ Ōpa arĭġu carami yu peecū:

—Yuhu árĭpehrerire ĩhacūnugudigū āhraa. Eropiġu yuhu árĭpehrerire pehrecū iibu āhraa. Dohpague mu ĩaburire gojaripūġue goja aiġue. Mu eropa goja aĭra puhru siete cururi majarāre Goāmu yarāre obeoque iripüre. Erā siete cururi majarā Asia yeba árĭri macari majarā āhrima. Eropiġu Efeso majarāre, Esmirna majarāre, Pérgamo majarāre, Tiatira majarāre, Sardis majarāre, Filadelfia majarāre, Laodicea majarāre mu ĩaburire gojabeoque, arĭġu carami yure.

¹² ĩġu eroparĭcū peegu majinugajabu yare wereniguiġure ĩabu. Eropa majinugajagu siete sihāgori yucare erā duhpeora yucare oro mera erā iira yucare ĩhabu.

¹³ Iri yucu watope masu iro dopa bejagure ihabu yuhu. Igu yoari suhriro sañagu ahrami. Igu guburigue dijimerejabu igu suhriro. Eropigu oro mera era iira gasiro mera igu corethbire tuadiudigu ahrami.

¹⁴ Eropiro igu poari yaji poari iro dopa boreabu. Igu cuiri peame pora iro dopa goseabu.

¹⁵ Igu guburi bronca waicuri come timura come iro dopa gosesiriabu. Eropiro igu wereniguri baja uta dipabu iro dopa busuro carabu.

¹⁶ Igu mojoto diaye maja mojtopu siete neca opami. Eropiro igu disirore noserimiji pepuri usirimiji cuñuami. Eropiro abe amu majagu igu cuimijuro dopa igu diapo turaro gosesiriami.

¹⁷ Eropigu igure iagu uca waha igu guburi pohro mehmerejabu sirigu iro dopa. Yu eropa mehmerejacu iagu igu, igu mojoto diayeru mera yure duhpeo opa arami:

—Ucabita. Yu aripehrerire ihacunugudigu ahraa. Eropigu aripehrerire pehrecu iibu ahraa.

¹⁸ Ojocariniugu ahraa yuhu. Siridigu ariribu. Dohpaguere iaque. Aripehrerinuri eropa ojocariniugica yuhu. Siridi dipaturi masagu dipaturi masare siribiricu iimasia yuhu. Eropigu masare peamegue wabiricu iigu ahraa yuhu.

¹⁹ Eropigu dohpague mu iarare gojaque. Puhraque eropa waboro sare iagu gojaque.

²⁰ Oa siete necare ya mojoto diayeru oparare weregura mare. Eropigu siete sihagori yucure era duhpeora yucu oro yucu sare weregura. Yu opa arı wererire iribojegue majarare ne werebirimuribu. Opa ahraa iri: Siete neca siete cururi majara yahara opara arira iro dopa ahrima. Eropiro siete sihagori yucure era duhpeora yucu siete cururi majara yahara iro dopa ahrima, arami yure Jesucristo.

2

Efeso majarare Jesu yarare gojanugadoreñumi Nure

¹ Eropa arıtuhaia opa arınemooami yure gojadoregu:

—Efeso majara yaharare, era opu sare opa yu arırire arı gojabeoque mahu. Yuhu mojoto diayeru siete necare opagu ahraa. Eropigu siete sihagori yucu watope curigu ahraa. Eropa curigu arıgu muare opa arı werea:

² Arıpehreri mua iirare masipehoa. Yaha arıburire turaro mohmeabu mua. Yure mua umupeo duhubirabu. Nerire iirare mua iadiabirabu. Eropira “Jesu buhedoregu igu apinira ahraa,” arımaacınirare queoro era buhebiricu iarı, gıyarı era arıcu masiabu mua.

³ Yahare mua iira dipuwaja mua ñero tariquerera era gıyarare tarinugabu mua. Eropira yure ne duhubirabu mua. “Irire gariborea waca pare,” arıbirabu mua.

⁴ Eropa mua oara arıquerera ta yujuñere oaro iibeaa mua. I ahraa iri: Yure oaro mua mahimhtadiro dopa dohpaguere iibeaa mua.

⁵ Yure mua umupeomhtarare guñaque muraro ta daja. Dohpaguere mua yure umupeobiriqueyare guñaque. Eropira mua irire mua ñeri iirare bujawereque. Irire duhuque. Eropa duhurı yahare mua iimhtadiro dopa ta iique daja. Mua ñeri iirare mua duhubiricu iagu, yujugu mua yagure sihagodigure arı cõagura. Eropa iigu mua yuju curu majarare cõagura. Mua ñeri iirare duhubiricu mua yaha curu majara arınirare duhupehrecu iigura.

⁶ Yure umupeobiriqueyarı arıquerera ta ire oaro iıabu mua: Nicolaita yare buherare ñerare iadiabeaa mua. Yu sa erare iadiabeaa.

⁷ Gamiricı ahraa mua. Eropira peeque. Muare yaha curu majarare Espıritu Santo Igu wererare peeque mua sa. Opa arımi igu: “Arıpehrera Jesure umupeo duhubirare Goamu ya pohe majagu dıcare paraıso majagu dıcare badoregura. Irıgu dıca ojocarırire odıga ahraa,” arımi Espıritu Santo, arı were gojabeoque Efeso majara yaharare era opu sare, arami yure Jesucristo.

Esmirna majarare Jesu yarare gojabeodoreñumi Nure

⁸ —Esmirna majara yaharare era opu sare opa yu arırire gojabeoque mahu, arami yure Jesucristo. Yuhu arıpehrerire ihacunugudigu ahraa. Eropigu arıpehreri pehrecu iibu ahraa. Siria wabu. Dipaturi ojocaria daja. Eropigu opa arı werea muare:

⁹ Mua ñero tarırare masia. Mojomorocurı mua arıcu sare masia. Eropa mojomorocurı arıquerera ta igu werenıguirire peerı Goamu yare oarire wuaro opaa mua. Gajırıpu muare ihaturıra muare era ñero quere moarare masia. Era “Gua judıo masa Goamu yarı ahraa,” arıquerera gıyarı iima. Era Satanare umupeora ahrima.

¹⁰ Dohpaguere mua ñero tariburire güibiricâque. Peeque mua. Watí muare Goãmure duhudoregu yujurâyeri mua mera majarâre peresu iidoregucumi. Diez ñari gohra ñero tarirâca mua. Erâ eropa ñero iicü muare erâ wejêdiaquerecû ta yure yaha säre ne cóâbiricâque. Mua yure eropa cóâbiricü îagu ârîpehrerinari muare ôaro âricü iigura.

¹¹ Gamiricurâ âhraa mua. Eropirâ peeque. Muare yaha curu majarâre Espiritu Santo îgu wererare peeque mua. Ôpa arîmi îgu: “Ârîpehrerâ Jesure umupeo duhubirâ peameguere wasome,” arîmi Espiritu Santo, arî gojabeoque Esmirna majarâ yaharâre erâ opu säre, arâmi Jesucristo yure.

Pérgamo majarâre Jesu yarâre gojabeodoreñumi Ñure

¹² —Pérgamo majarâ yaharâ erâ opu säre ôpa yu arîrîre gojabeoque muhü, arâmi yure Jesucristo. Yuhü ñoserimijire pepuri usirimijire opagu âhraa. Muare ôpa arî weregura:

¹³ Mua ârîrore masia. Erogue mua ya maca majarâ opu Satana âhrimi. Erâ Satanare umupeoquerecû muapu yure umupeoa. Erâ mua mera majagu murare Antipa murare yahare ôaro weredigu murare wejêma. Îgure erâ wejêcû îaquererâ ta yure ne umupeo duhubirabu mua.

¹⁴ Mua eropa umupeo duhubiriquererâ merogâ yure tarinugabu mua. Yujurâyeri mua mera majarâ Balaam ya buherire gahmema. Iribojegue majagu îgu Balaam waicügu ôpa arîmuriñumi Israe masare îhaturirâ erâ opure: “Israe masare tarinugadiagu ôpa iique. Goâmarâ wéanirâre mua orare barire badoreque erâre. Eropigu nome mera ñero iicü iique erâre,” arî weremuriñumi Balaam gajirâ opure Balaco waicüguere. Iribojegue îgu eropa ñero iidoreldo dopa ta dohpague säre ñero iicü iima yujurâyeri mua mera majarâre.

¹⁵ Eropirâ erâ iro dopa ta gajirâ mua mera majarâ Nicolaita buherire gahmema. Iri buheri säre îadiabeaa yuhü.

¹⁶ Eropirâ mua iri ñeri iirire duhuque mua. Mua eropa duhubiricü îagu yojaro mera mua pohrogue wagu, eropa ñero iirâ mera gamequeâgüca. Yuhü disirogue cuñurimiji ñoserimiji mera gamequeâgüca erâ mera.

¹⁷ Gamiricurâ âhraa mua. Eropirâ mua ya curu majarâre yaharâre Espiritu Santo îgu wererare peeque mua. Ôpa arîmi îgu: “Ârîpehrerâ Jesure umupeo duhubirâre mana waicuri barire umaro maja barire ogura. Etâ boreriyeri säre ogura erâre. Iri utâyeri mama waire yu gojaturayeri ârîroca. Gajirâ iri waire ne masisome. Iri utâyerire aîrâ dihta iri waire masirâcoma,” arîmi Espiritu Santo, arî gojabeoque Pérgamo majarâre erâ opu säre, arâmi yure Jesucristo.

Tiatira majarâ säre Jesu yarâre gojabeodoreñumi Ñure

¹⁸ —Tiatira majarâ yaharâ erâ opu säre ôpa yu arîrîre gojabeoque muhü, arâmi daja yure Jesucristo. Yuhü Goâmü magu yu cuiri peame porâ iro dopa gosesirigu âhraa. Eropiro yu guburi bronca waicuri come erâ timura iro dopa gosesiria. Muare ôpa arî werea:

¹⁹ Mua iirare masia yuhü. Goãmure masa säre mua umupeorare, yure mua cóâbirirare, gajirâre mua itamurare, ñero tariquererâ mua yure duhubirirare masia. Negohraguere mua iidiro tauro dohpaguepüre ôaro iinemorâ iiaa mua. Iri säre masia yuhü.

²⁰ Mua eropa ôaro iirâ ârîquererâ ta ôpa yure tarinugabu mua: Jezabe waicügo “Goâmü yare werego âhraa,” arî guyago mua watope ta âhrimo. Muare igo ñero buhecü peerâ igore turibirabu mua. Eropa guya buhego yaharâre yu pohro majarâre nome mera ñero iicü iimo. Eropigo goâmarâ wéanirâre erâ orare barire badoremo igo yaharâre.

²¹ Igo ñerire igo bujawereborore coreniribü. Yu eropa corequerecû igo ñero iirire duhudiabiramo.

²² Eropirâ yure peeque mua. Igo dorecücü iigura. Igo mera ñero iinirâ säre dorecücü iigura. Eropirâ erâ burigâ ñero tarirâcoma. Eropa ta iiguca erâre igo mera erâ ñero iirare erâ bujawerebiricü, irire erâ duhubiricü.

²³ Eropigu igo porâre wejêgura. Yu eropa iicü îarâ ârîpehrerâ yaharâ yu ôaro masirire masirâcoma. Masa erâ pepiri säre erâ uaribejari säre masia. Yu eropa masicü masirâcoma erâ igore yu eropa dipuwaja moacü. Ârîpehrerâ mua ñerire iira dipuwaja, dipuwaja moagura muare. Eropigu mua ôarire iira wajapüre ôaro iigura muare.

²⁴ Mua Tiatira majarâ gajirâ mua mera majarâ igo ya buherire gamebirabu. Muapu Satana ya buherire “Wuaro îgu masiri âhraa,” erâ arîrâre gamebirabu mua. Eropigu muapüre gajino mua iiburire dorenemosome yuhü.

²⁵ Dorenemobiriqueregu iñe dihtare dorea muare: Maa pohrogue yu dujariboro core yu buherire maa masirare ne merogã mera cãdijibiricãque.

²⁶⁻²⁷ Áripehrerã ñerire tarinuganirãre, yu gamerire eropa iiniguirãre oparã árimorãre acugura. Yu Pagu İgu yure opu acudiro dopa ta muare oparã acugura yu sã. Áripehreri yeba majarã tauro árirã oparã árimorã acugura muare. Eropa oparã ñajarã, maa doca árirãre áripehreri yeba majarãre turaro dorerãca. Eropa turaro dorerã muare tarinuganirã mata pñrea wacũ iirãca maa erãre.

²⁸ Eropigu muare yahare ne duhubirinirãre boyomãriridirure ogura. Eropigu maa mera áriguca yuhu.

²⁹ Gamiricurã áhrra maa. Eropirã maa ya curu majarãre yaharãre Espiritu Santo İgu wererare peeque maa, arı gojabeoque Tiatira majarãre, arãmi yure Jesucristo.

3

Sardis majarãre Jesu yarãre gojabeodoreñumi Ñure Jesucristo

¹ —Sardis majarã yaharãre erã oparã sãre òpa yu arırire gojabeoque muhu, arãmi daja yure Jesucristo. Yuhu İgu Espiritu Santo siete suburi maja turarire opaa. Eropigu siete necãre opaa. Muare òpa arı werea: Maa iirare masia. Òpa arı pepirima muare gajirã: “Erã Goãmu yare òaro ipehorã áhrima,” arı pepirima muare. Erã eropa arı pepiquerecũ, Goãmu yare òaro iibea maa.

² Eropirã maa iirare òaro guñaque maa. Goãmu yare maa masirare òaro guñaque daja cãdijiro mariro. Goãmu İgu İacũ òaro iipehobirabu maa.

³ Eropirã yahare maa peemhtarare mararo ta òaro guñaque maa daja. Eropa guñarã yahare iique maa daja. Maa ñeri iirare duhuque. Yu arıro dopa maa iibiricũ guñaña mariro muare dipuwaja moagura. Yajari masu İgu guñaña mariro İgu yajagu ñajaro dopa ta muare guñaña mariro dipuwaja moagu ariguca.

⁴ Yujurãyeri maa mera majarã Sardis majarã ñero erã iirire ihacũbeama. Eropa òarã árirã, boreri suhriro sañarã yu mera curirãcoma.

⁵ Áripehrerã yahare duhubirã eropa ta boreri suhri sañarã áriniguirãcoma. Eropirã yu mera eropa áriniguirã erã waire yu gojaturipugue erã sã erã waire gojatunirã árirãcoma. Erã erã waire yu gojaturare coesome yuhu. Yu Pagu İgu ihabeorogue, anyua sã erã ihabeorogue, “Yaharã áhrima,” arı wereguca erãre.

⁶ Gamiricurã áhrra maa. Eropirã maa ya cururi majarãre yaharãre Espiritu Santo İgu wererare peeque maa, arı gojabeoque Sardis majarãre yaharãre erã opu sãre, arãmi yure Jesucristo.

Filadelfia majarãre Jesu yarãre gojabeodoreñumi Ñure

⁷ —Filadelfia majarã yaharã erã opu sãre òpa yu arırire arı gojabeoque muhu, arãmi daja yure Jesucristo. Yuhu ñeri marigu áhrra. Diaye maja weregu áhrra. Davi murgu iribojegue majagu opu masare İgu dorediro dopa ta turari mera doregura yu sã. Iri turari mera iidorecũ ne gajirã irire cãhmotamasibeama. Yu iidorebiricũ ne gajirã irire iimasibeama.

⁸ Áripehreri maa iirire masia yuhu. Guñaturabirinirã áriquererã ta yaha buherire òaro peeabu maa. Yure waıpeo duhubirabu maa erã muare ñero iidiaquerecũ ta. Eropigu yahare iimorã apiabu muare. Eropirã yu dorerire maa iicũ gajirã cãhmotamasibeama muare.

⁹ Gajirã maa pohro árirã “Gua judio masa Goãmu yarã áhrra,” arıquererã ta guyarã áhrima. Goãmu yarã áribeama. Satanare umupeorã áhrima. Eropigu erãpñre maa core mereja muare erã umupeocũ iigura erãre. Yu eropiicũ İarã yu muare mahirire masirãcoma erã.

¹⁰ Muare yahare yu duhudorebiricũ peerã òaro yuhriabu maa yure. Maa eropa iicũ İagu i yeba majarã áripehrerã erã ñero tariburisubu áricũ muare İhadibugura. Irisubu áripehrerã erã ñero tariburisubu áriroca.

¹¹ Merogã duhya a i yebague yu dujariboro. Yahare maa masirare cãdijibiricãque. Eropirã yure eropa yuhringuicãque maa wajataborore dedeori arirã.

¹² Eropigu yahare duhubirãre yu Pagu ya wihi majarã apigura erãre. İgu ya wihi maja borari iro dopa áricũ apigura erãre. Eropirã Goãmu mera majarã eropa áriniguirãcoma. Eropirã Goãmu yu Pagu yarã waıcurã, İgu ya maca majarã waıcurã sã árirãcoma. İgu ya maca mama maca Jerusalén áriroca. Iri maca umarogue Goãmu pohrogue dijariri maca áriroca. Yu waı sãre mama waı opaguca. Iri waı sãre waıcurãcoma yaharã.

¹³ Gamiricurā āhraa mua. Eropirā mua ya cururi majarāre, yaharāre Espiritu Santo ĩḡu wererare peeque mua, arī gojabeoque Filadelfia majarāre yaharāre erā opu sāre, arāmi yure Jesucristo.

Laodicea majarāre Jesu yarāre gojabeodoreñumi Ñure Jesucristo

¹⁴ —Laodicea majarāre yaharā erā opu sāre opa yu arīrīre gojabeoque muhu, arāmi daja yure Jesucristo. Yu arīro dopa ta iḡu āhraa yuhu. Eropiḡu ḡuyaro mariro yu ĩarare eropa wereniḡu āhraa. Arīphehrire mari Pagu ĩḡu ĩhacūnugurare ĩbasagū āhraa yuhu.

¹⁵ Arīphehri mua iirare masia yuhu. Mua “Jesu yarā āhraa gua,” arīquererā yure merogā umupeoa. Yure mua merogā umupeorā mua arīcū yuhu gamebeaa muare. Mua “Jesure umupeobea gua,” arībeaa mua. “Jesure umupeorā āhraa gua,” arīquererā ta yure ōaro umupeobea. Mua yure umupeodiaro dopa ta yure wuaro umupeocū ōaboaya.

¹⁶ Mua eropa yure ōaro umupeobiricū ĩagu muare gamebirigohracāḡura.

¹⁷ Eropirā opa arī pepiraa mua: “Arīphehrire opa. Ne gajino duhyabeaa ḡuare,” arī pepiraa mua. Eropā arīquererā mojomorocurā iro dopa ta āhraa mua yu ĩacū. Duhyataria muare. Eropirā ne moonjarā, suhri marirā, cuiri ĩhājabirā iro dopa āhraa mua yu ĩacū. Muare duhyarire masibea mua.

¹⁸ Mua eropa masibirā arīcū ĩagu opa arī wereḡura muare: Muare duhyarire masique. Eropirā yure serēque. Oro gohrare mua asūro dopa ta ōarire yu oparire yuḡure aiḡue mua. Muare yure ōaro umupeocū iḡura. Eropirā diaye ta Goāmū ya mera wuaro oparāca mua. Eropirā yu sīrira mera mua ñero iirare cōānirā arīḡue mua. Eropirā suhri sañarā erā ḡuhyasīribiro dopa ta mua ñeri iirare cōānirā ōarire iimorā arīrā ḡuhyasīrisome mua. Eropirā mua cuiri ococura puhrū ōaro muare deyro dopa ta Goāmū yare ōaro peeque mua ōaro masiboro dopa.

¹⁹ Arīphehri yu mahirāre erā ñero iirare werea. Eropiḡu yu mahirāre dipuwaja moaa gajisubū erāre itamubu. Eropirā yuḡure turaro gameque. Eropirā mua ñerire bujawere duhuque.

²⁰ Peeque yure. Mua wirire bihara wirire yu ejanuḡaja ñajadiabodiro dopa ta mua mera arīdiagu coreḡu ĩaa. Yu eropa arīdiacū peerā yure mua mera arīdoreque. Yaharā arīḡue. Mua eropa arīdorecū mua mera arīḡura. Eropiḡu mari sihu baro dopa ta mua mera ōaro arīḡura. Eropirā yu mera ōaro arīrāca mua.

²¹ Ñerire yu tarinḡara puhrū yu Pagu opu ĩḡu doaro pohro doaa yu sā dorebu. Eropā ta mua sā ñerire mua tarinḡara puhrū yu opu doaro pohro doarāca doremorā. Muare yu pohro doacū iḡura.

²² Gamiricurā āhraa mua. Eropirā mua ya cururi majarāre yaharāre Espiritu Santo ĩḡu wererare peeque mua, arī gojabeoque Laodicea majarāre yaharā erā opu sāre, arāmi Jesucristo yure.

4

Umarogue Goāmure erā mereja umupeorare ĩapu Ñu

¹ Yure ĩḡu eropa arī werera puhrū umusiguere pāḡura disiporore ĩhabū. Dipaturi corneta turaro busuro watope turaro wereniḡuri busuro carabū yu peecū. Opa arīro carabū yure:

—Ōḡue muririque. I yu wereburi puhrūḡuere waroca. Eropā waborore mure ĩhmuḡura. Yu arīdiro dopa ta eropa waroca, arīro carabū umarogue.

² ĩḡu eropa arī werecū ta erogue murijagu Espiritu Santo ĩḡu turari mera ĩagu ĩabū. Eropiḡu opu doarore umarogue ĩhabū. Ero yuḡu doāmi.

³ Eropiḡu ōaro gosesirigu doāmi. Jaspe waicuri utāye gosesiriro dopa ta, cornalina waicuri utāye gosesiriro dopa ta ōaro gosesirigu doāmi ĩḡu. Eropiḡu ōaro gosesiriri bero esmeralda iro dopa gosesiriri bero pohecaḡue doāmi ĩḡu.

⁴ Eropiḡu ĩḡu doaro turore yuju bero ĩhabū oparā doari berorire. Veinticuatro gohra āhrabū. Iri oparā doaire veinticuatro gohra Jesu yarā oparā doāma. Boreri suhricurā āhrama. Eropirā oparā erā peyari berorire oro berorire peyanirā āhrama erā.

⁵ Doarīne yu ĩamūhtarañegue miamaabū. Eropiro gajiropa wereniḡuri busuro carabū. Bupu sā busuḡa carami. Iri doaro core siete sihāgori yucu āhrabū. Iri siete sihāgori yucu Espiritu Santo ĩḡu siete suburi maja turari opari iro dopa āhrabū.

⁶ Eropiro ĩḡu doaro core wuariya āhrabū. Vidrio iro dopa arīriya āhrabū. Ōaro deco sūriya āhrabū.

Īġu doaro pohro wapicurā gajiropa bejarā āhrama. Ojocarirā āhrama. Erā diaporire erā puṛapūrire baja cuiricurā āhrama.

⁷ Yu ĩamuhtadigū gajiropa bejagu yee diagu iro dopa bejagu āhrami. Īġu puṛu arĭġu wecu iro dopa bejagu āhrami. Erā puṛu arĭġu masu diapo iro dopa diapocugu āhrami. Erā uredā puṛu arĭġu gaa ĩġu quē dupure sēegu iro dopa āhrami.

⁸ Erā wapicurā nucu seis quē dupuricurā āhrama. Eropiro erā quē dupuri pepurigue ta baja cuiricuri quē dupuri āhrabu. Eropirā umuri nucu, űamiri nucu eropa bayaniguirā iiama. Ne baya duhubirama. Ōpa arĭ bayāma:

Ōagu, ōagu, ōagu Goāmu mari Opū turatariagu āhrimi. Īġu iribojegue eropa ta arĭniguičāpu. Dohpague säre eropa ta arĭniguiumi. Puṛhugue säre eropa arĭniguičāgucumi, arĭ bayaniguirā iiama.

⁹ Eropra bayarā erā wapicurā gajiropa bejarā ĩġu turarire bayarā iiama. Eropirā ĩġure arĭpehrerinuri arĭniguiġure “Ōhaa,” arĭrā umupeorā iiama.

¹⁰ Erā eropa baya umupeocū ĩarā veinticuatro Jesu yarā oparāpu opu doaro core mereja, ĩġure umupeoama. Īġu arĭpehrerinuri arĭniguiġu āhrimi. Eropra umupeorā erā oparā erā peyari berorire ĩġu doaro core mehpeoama. Eropra mehpeorā ōpa arāma erā:

¹¹ Muṛu Goāmu ġua opu gohra āhraa. Turagu ōagu āhraa muṛu. Muṛu ġua umupeogu arĭġu ta iiaa. Mure eropa umupeoro ġahmea ġuare. Arĭpehrerire ĩhacūnugudigū āhraa muṛu. Mu ġamediro dopa ta iri arĭpehrerire ĩhacūnuguyoro muṛu, arāma erā Goāmure ero doagure.

5

Gojarapū tūrara tūrure cordero säre werepu űu

¹ Puṛu ero doadigū ĩġu mojoto diayeru ĩġu oparipure gojarapure ĩhabu. Iripū pepuri ĩġu gojarapū ĩġu tūrara tūru āhrabu. Eropiro siete suburi pihānari mera ĩġu pihānara tūru āhrabu.

² Eropiġu turagu anyure ĩhabu. ĩġu turaro wereniguiiri mera ōpa arĭ wereami:

—I tūrure pihānarare ōagu dihta pāñamasimi. ĶNihipu āhriri iripure pābu? arāmi ĩġu anyu.

³ Eropra arĭquereġu ta iri tūrure pāñabure bocabirami. Eropra ōaġure bocabirami. Ūmarogue i yebague ojocarirā watope, sĭrinirā watope ne iri tūrure pāñabu marami. Eropiġu iri tūru majare buhebu marami.

⁴ Eropiġu iripure pāñabodigure erā bocabiricū ĩagu turaro oreabu yuṛu.

⁵ Yu eropa orecū ĩagu yujugu erā Jesu yarā oparā mera majagu ōpa arāmi yure:

—Orebiricāque. Iri tūrure űearire yujugu pāñamasimi. ĩġu Juda ya curu majagu turagu āhrimi. ĩġu opu Davi pārami arĭturiagu āhrimi. Watĭre tarinugadigū āhrimi ĩġu. Eropiġu ĩġu iri tūrure siete űearire pāmasiġu āhrimi, arāmi ĩġu yure.

⁶ ĩġu eroparicū peegu opu ĩġu doaro core Cordero ĩġu niguičū ĩhabu. Wapicurā gajiropa bejarā, Jesu yarā oparā sā erā watope niguiami ĩġu Cordero. ĩġu eropa niguiquereġu ĩġu masa erā wejēdigū muru dopa dehyoami. Siete cusaricugu, siete cuiricugu āhrami. Iri siete cuiiri ĩġu Espĭritu Santo ĩġu siete suburi maja turari āhrabu ĩġu arĭpehrero ĩhamasiburi. Espĭritu Santo arĭpehrero i yebaguere Goāmu ĩġu obeodigū āhrimi.

⁷ Eropiġu Corderopu opu doaro pohroġue ejaġu, ero doagure ĩġure ĩġu diayeru opara tūrure tūawe aĭami.

⁸ ĩġu eropa tūawe aĭcū ĩarā wapicurā gajiropa bejarā, veinticuatro Jesu yarā oparā sā Cordero core mereja ĩġure umupeoama. Erā Jesu yarā oparā arĭpehrerā arpa waicuri buamutĭre opāma. Oropari säre opāma. Iripari incienso uġaturiripari dihta āhrabu. Iri incienso Goāmu yarā ĩġure erā serĕra āhrabu.

⁹⁻¹⁰ Eropra ĩġure umupeorā ōpa arĭ mama bayarire bayāma erā Corderore:

Erā wejēdigū muṛu āhraa. Eropiġu mu ya di mera masa űeri iirare coeabu muṛu Goāmu yarā erā arĭboro dopa. Eropiġu masare arĭpehreri cururi majarāre yujurāyerire, arĭpehrerā yare wereniguirāre, arĭpehreri yeba majarāre erā űero iirare wajayebasabu. Eropra iigu erāre oparā arĭmorā, pahia masare Goāmure serĕbasarā arĭmorā sā arĭcū iiabu. Eropiġu i yeba majarā weca oparā arĭmorā acubu muṛu ġuare. Eropra iigu arĭdigū iri tūrure aĭ pāñamasibu āhraa muṛu, arĭ bayāma erā Corderore.

¹¹ Yu ïagu daja bajaräre millones anyua majaräre ïhabu. Opu doarore, wapicurã gajiropa bejaräre, veinticuatro Jesu yarã oparäre anyuapu eräre gãhrisianugajãma. Erã anyua majarã turaro mera erã bayacũ ïhabu.

¹² Opa arĩ turaro bayapeoama erã:

Cordero, muhu erã wejẽdigu arĩgu arĩpehreräre doremasibu, arĩpehrerire opamasibu ãhrra. Eropigu masipehogu, turatariagu ãhrra muhu. Mu eropa arĩgu ãhrra masa erã ñerire erã iira dipuwaja erã wejẽdigu. Eropirã gua mure umupearãca. “Ôatariagu ãhrimi,” arĩrãca mure. Mure ôaro wereniguirãca, arĩ bayãma anyua majarã.

¹³ Eropigu gajirã erã bayacũ peeabu. Arĩpehrerã i yeba majarã, umaro majarã sã, ojocarirã, sirinirã, wuariya majarã sã, arĩpehrerogue arĩrã opa arĩ bayarã carama: Goãmure igu doarogue doagure, Cordero sãre ôaro wereniguirãca. Muare umupearãca. “Ôatariarã ãhrima. Turatariarã ãhrima,” arĩrã arĩpehrerininari eropa arĩniguirãca muare, arĩ bayapeorã carama.

¹⁴ Eropirã erã wapicurã gajiropa bejarã erã eropa arĩ bayacũ peerã “Eropa ta arĩ bayaporo,” arãma. Eropirã Jesu yarã oparãpu mereja Goãmure, Cordero sãre umupearãca.

6

Papera tũrure igu aĩra tũrure pihãnarare pãmi Cordero, arĩ werepu Ñu

¹ Pũhrũ papera tũrure igu aĩgãra tũrure Cordero pihãnamũhtarãñere pãmi. Igu eropa pãcũ ïhabu. Igu eropa pãra pũhrũ yujugu gajiropa bejarã mera majagu “Ëagu arique,” arãmi. Eropu arĩgu bupu busuro dopa ta wereniguiami.

² Igu eropa arĩra pũhrũ ïhabu yuhu. Boregu cabayure ïhabu. Igu weca peyagu buiri berore opãmi. Iguare opu peyari berore ohami gajigupu. Igu eropa ora pũhrũ igupu igure ïhatirirãre tarinugagu wahãmi.

³ Pũhrũ yujuñe pihãnarãñere pãtuhaja Cordero gajĩne pihãnarãñere pãmi daja. Igu eropa pãra pũhrũ gajigu gajiropa bejarã mera majagu “Ëagu arique,” igu arĩcũ peeabu daja.

⁴ Eropigu gajigu cabayure diagure ïhabu daja. Igu weca peyagure turarire ohami gajigupu. I yeba majarãre erã basi gamewejẽcũ iibure apiami igure. Eropirã arĩpehrero majarã gamewejẽrãcoma i yebagure. Eropigu waarimiji ñoserimijire ohami igure.

⁵ Pũhrũ peñere pãtuhaja Cordero gajĩñere pãmi daja. Eropigu gajigu gajiropa bejarã mera majagu igu sã “Ëagu arique,” arĩcũ peeabu daja. Igu eropa arĩra pũhrũ cabayu ñigure ïhabu. Igu weca peyagu nũcuri queoriñere opãmi.

⁶ Iguare yu ïara pũhrũ gajiropa bejarã watope opa busuro carabu:

—Trigo cebada sã pehrea waroca. Eropiro iri waja pagari arĩroca. Eropirã yujunu mohmeri waja mera trigore yuju kilo ta asũrãcoma. Yujunu mohmeri waja mera cebada yerire uhre kilo ta asũrãcoma. Bari moari uyupu, vino sã baja arĩcãniroca, arĩro carabu.

⁷ Pũhrũ uhreñere pãtuhaja Cordero gajĩñere pãmi daja. Igu eropa pãra pũhrũ gajigu gajiropa bejarã mera majagu arĩtuugu igu sã “Ëagu arique,” igu arĩcũ peeabu daja.

⁸ Igu eroparĩcũ peegu borewijigu cabayure ïhabu. Igu weca peyagu siririñe waĩcuami. Eropigu igu pũhrũ arigu peame waĩcuami. Eropigu erãre cabayua weca peyarãre turarire ohami corderopũ. Wapicurã masa arĩcũ yujugu erã mera majagure wejẽdoreami. Eropa ta arĩpehrero i yebagure yujurãyeri masare wejẽdoreami. Gamewejẽri mera, oaboari mera, dorecuri mera, waimurã nũguri majarã guarã mera, yujurãyeri masare erã wejẽburire apiami erã perãre.

⁹ Pũhrũ wapicuriñere pãtuhaja gajĩñere pãmi daja Cordero. Igu eropa pãcũ Goãmure umupearã mesa doca Jesu yarãre erã wejẽñirãre erã siporãrãre ïhabu. Goãmũ yare erã werera dipuwaja, “Jesu yarã ãhrra,” arĩ erã werera dipuwaja gajirã erã wejẽñirã ãhrrama.

¹⁰ Erã gaguiniguirã opa Goãmure erã arĩcũ peeabu:

—Muhu gua Opu ñeri marigu, guyaro mariro mu arĩro dopa ta iigu ãhrra muhu. ¿Eropigu i yeba majarãre guare wejẽñirãre dohpãrĩcũ dipuwaja moagucuri muhu erãre? arĩ gaguiniguia erã.

¹¹ Eropigu erãre boreri suhri yoari suhrire ohami. Erãre eropa ogu opa arãmi erãre:

—Soonique dohpa. Gajirã mua acawererã Jesu yarã mua iidiro dopa ta dohpague sãre ôari buherire buhenirã iima masare. Muare wejẽdiro dopa ta erã sãre erã

wejēpehoboro duhyaa dohpa. Eropirā erāre árīpehrerāre erā wejēboro core merogā corenique mua, arāmi erāre.

¹² Puhru cinco ñearire pātuhaja Cordero gajiñe ñeariñere pácū íhabu daja. Iriñere ígu pácū ta, turaro yeba ñohmeabu. Eropigu umu majagu abe ñigu guhyaro wahámi. Ñiriñe suhriro iro dopa ta bejagu ígu guhyaro wahámi. Eropigu abe ñami majagu di iro dopa ta diagu guhyaro wahámi.

¹³ Eropirā necā yebague yuhridija waháma. Yucagu dacare miruñe weāburiboro dopa ta necā yuhridija waháma.

¹⁴ Eropiro umusi dederea wahabu. Paperapūre mari tūrabeo dedeodiro dopa ta dederea wahabu umusi. Eropiro árīpehreri utā yucu sá árīpehreri ñagurori sá gajipugue ejanugaja waha wahabu.

¹⁵ Eropa wacū íarā i yeba majarā tauro opará, utā yucu maja wiri poheca maja goberigüe duhrirā waháma. Gajirā opará, surara opará, doberi opará, turarā, árīpehrerā erā pohro majarā, erā pohro majarā árībirā sá yujuro ta duhrirama.

¹⁶ Eropirā duhrirā utā yucure utā säre ōpa arírama:

—Gua weca yuhridijari wejēcāque. Sihire opure ígu doaro doagure güitaria. Cordero guare ñero dipuwaja moagacumi.

¹⁷ Guare árīpehrerāre turaro dipuwaja moaburinu arítuhajaa. Eropirā ígu dipuwaja moaborore ne bocafiusome gua. Eropa dipuwaja moari arirā gua weca yuhridijari wejēcāque, arírama utā yucure árīpehrerā.

7

Israe masa diaporire Goāmu ígu waí tuhaborore werepu Ñu

¹ Puhru wapicurā anyuare íhabu. Erā árīpehrerogue waháma. Yujugu nortepu wagu erogue arirañere miruñere aribiricū iiami. Gajigu surgue, gajigu abe müririrogue, gajigu abe ñajarogue waha ígu iro dopa ta miruñere aribiricū iiama erā sá. Eropiro i yebague, wuariyague säre ne miruñe aribiricū iiama. Ne yujugu yucagure miruñe weā ñohmecū iibirama.

² Eropigu gajigu anyure íhabu daja. Abe müririrogue arigu iiami ígu. Goāmu ojocariniguiгу ígu waí aíturiñere sello waícuriñere aígárigu iiami ígu. Eropa aígárigu gajirā anyua wapicurāre ígu gaguinuiami. Erā anyuapu i yebare, wuariya säre ñero wacū Goāmu ígu iidorenirā áhrama erā.

³ Erāre gaguinigu ōpa arāmi ihí anyu:

—Corenique. Goāmu pohro majarāre erā diaporire ígu waí aíturiñere tuhunimorā iiaa gua. Gua eropa tuhaboro core i yebare, wuariyare, yucu säre ñero wacū iibiricāque mua dohpa, arāmi ígu gajirā wapicurā anyuare.

⁴ Eropigu Goāmu ígu waí mera erā diaporire erā tuhumorā “Oā nucu áhrama,” arí wereami yure yujugu. Israe masa doce cururi majarā ciento cuarenta y cuatro mil gohra masa erā tuhumorā árīñorā.

⁵ Oā árīñorā erā tuhumorā: Doce mil masa Judá pāramerā áríturiarā erā tuhumorā árīñorā. Doce mil masa Ruben pāramerā áríturiarā árīñorā erā tuhumorā. Gajirā doce mil masa Gad pāramerā áríturiarā árīñorā erā tuhumorā.

⁶ Gajirā Aser pāramerā áríturiarā doce mil gohra, gajirā doce mil gohra Neftalí pāramerā áríturiarā, gajirā doce mil Manase pāramerā áríturiarā erā tuhumorā árīñorā.

⁷ Gajirā doce mil masa Simeo pāramerā áríturiarā, gajirā doce mil masa Leví pāramerā áríturiarā, gajirā doce mil masa Isaca pāramerā áríturiarā árīñorā erā tuhumorā.

⁸ Gajirā doce mil masa Zabulón pāramerā áríturiarā, gajirā doce mil masa José pāramerā áríturiarā, gajirā doce mil masa Benjami pāramerā áríturiarā, erā tuhumorā árīñorā. Erā nucu árīpehrerā masa ciento cuarenta y cuatro mil gohra árīñorā erā tuhumorā.

Bajarā boreri suhricurāre werepu Ñu

⁹ Puhru masa bajarēre íhabu. Árīpehreri yeba majarāre, árīpehreri cururi majarāre, árīpehrerā yare wereniguirāre, árīpehreri macari majarāre, yujurāyerire Cristo gamerā dihtare erā niguirāre íhabu. Opu ígu doaro pohro, Cordero core niguiama erā masa. Bajarā masa áhrama. Eropirā erāre queorā bocafurā mejeta áhrama. Boreri suhricurā áhrama erā. Eropirā mǐjpūre opáma.

¹⁰ Eropirā erā árīpehrerā ōpa arí gaguinuiama:

Goāmū āhrimi marire taugu. Īḡu, Īḡu doaro doagu āhrimi. Cordero sã marire taugu āhrimi, arĭ gaguinigiama erã.

¹¹ Eropirã árĭpehrerã anyua, Jesu yarã oparã, gajiropa bejarã mera Opũ Īḡu doaro turore yuju bero niguiama. Eropa niguirã Īḡu doaro core mereja, Goãmure umupeqoama.

¹² Ōpa arĭ umupeqoama erã:

Eropa ta āhraa. Goãmū gua Opure mure ðaro wereniguia. Ōatariagu āhraa muhu. Masipehogu āhraa muhu. Mure “Ōhaa,” arãa. Mure umupeqo. Turatariagu āhraa muhu. Mu turari mera iḡu āhraa muhu. Mure eropa arĭrã árĭpehrerinuri eropa mure arĭniguirãca. Eropa ta iirã, arĭ umupeqoama erã Goãmure.

¹³ Eropiḡu yujugu Jesu yarã oparã mera majagu yure wereami:

—¿Oã boreri suhricurãre masiri muhu? ¿Erã aridirore masiri muhu? arĭ serēpiami yure.

¹⁴ Īḡu eroparĭcũ peegu,

—Masibea, arĭ yuhriabu yuru.

—¿Noa āhriri erã? arĭ serēpiabu ĩḡure.

Yu eroparĭcũ peegu ðpa arãmi yure:

—Oã ñetariaro tarinuri árĭcũ yujuro bojerã āhrima, arãmi ĩḡu yure. Erã suhrire coewearo dopa ta Cordero ĩḡu di cõara mera erã ñerire coenirã āhrima. Eropirã ðari boreri suhricurã āhrima.

¹⁵ Eropa ĩḡu coenirã árĭrã Goãmū ĩḡu doaro core ĩḡure eropa umupeoniguiãca. Ũmuri ñamiri nucu ĩḡure eropa umupeoniguiãca pahia Goãmū wihigue erã iiro dopa ta. Eropiḡu erã mera eropa árĭniguiḡu erãre itamugucumi Goãmū gajiropa wari arĭḡu.

¹⁶ Eropirã ne dipaturi oaboasome erã. Eropirã ne ñemesibusome. Ne abe umu majagu asiriñere pabusome erã. Turaro asiri erã ñero taricũ iisome.

¹⁷ Opũ doaro core niguiḡu Cordero erãre ĩhadibugucumi. Ovejare ĩhadibugu iro dopa erãre ĩhadibugucumi. Eropiḡu maurigã dipague ojocaricũ ĩriyarigã dipague erãre muhta wahgãgucumi oveja ĩhadibugu iiro dopa ta. Eropiḡu eropa mucubiricũ iigucumi erãre. Eropirã umarogue árĭrã ne dipaturi oresome erã, arãmi Jesu yarã oparã mera majagu yure.

8

Seis papera erã pihañarare pãtuhaja gajiñere pãpehopũ Cordero

¹ Seis papera erã pihañarare pãtuhagu ðuhyarañere pãtuhami Cordero. Īḡu eropa pãtuhacũ yuju hora deco umarogue ne ejarimaria wahabu.

² Eropiḡu siete anyuare Goãmū pohro niguirãre ĩhabũ. Eropiḡu erãre siete cornetarire ohami gajigu.

³ Gajigu anyu oropari incienso dicaburipari opadigu Goãmure umupeqo mesa pohrogue eja, niguiami. Ero ĩḡu niguiãca baja inciensore ĩḡure ohama. Árĭpehrerã Goãmū yarã ĩḡure erã serẽra mera moreburi inciensore ohama. Eropiḡu oro mera iira mesague, Goãmū ĩḡu doaro pohro árĭri mesague iri incienso Goãmure soe mujuburi āhrabu.

⁴ Eropiḡu anyu ĩḡu oparapari maja inciensore mesa weca pohsiri peo soeami. Īḡu eropa soera pũru iri incienso maja imica Goãmū yarã ĩḡure erã serẽra mera muria wahabu Goãmū pohrogue.

⁵ Eropa wara pũru ĩḡu anyu i mesa maja nitire iriparigue aĩ pohsãtuhaja, yebague pohmehdijucãmi. Īḡu eropa pohmehdijucũ miãmi. Turaro bupu paãmi. Eropiro gajiropa busumaa, yeba ñohmemaabu.

Cornetarire werepũ Ñu

⁶ Pũru siete anyua yujurãyeri erã cornetarire purimorã iiaa.

⁷ Yujugu anyu ĩḡu yarure purimũtami. Īḡu eropa puricũ decoyeri yusariyeri peame mera, di mera moreriyeri yebague yurimerejabũ. Iriyeri yurimerejacũ ta yeba ũjuu wahabu. Ipẽ ũjuabu: I yeba deco ejaboro pohro gohra ũjuu wahabu. Eropiro iripãta yucu sã taa yahsari sã ũjuu wahabu.

⁸ Anyu yujugu ĩḡu eropa purimũtara pũru gajigu anyu ĩḡu yaru cornetare puriami daja. ĩḡu eropa puricũ wuadigu utãḡu iro dopa bejadigu ðaro ũjuniguidigu wuariyaguere mihrua dijabu. Eropiro yeba ũjudiropẽ ta wuariya diya poya wahabu.

⁹ Eropirã wuariya majarã wai sã deco mera ejarã gohra yujupu majase majarã siria wahãma. Eropiro iri nucu gasi ta dohori gasi miria wahabu wuariyaguere.

¹⁰ Perā anyua erā purira pūhru gajigu anyu sã ĩgu yaru cornetare puriami daja. ĩgu eropa puricũ wuadiru necãru, sihãdiru dopa ta bejadiru yebaguere yurimereja wahabu. I yeba maja diarire mau diparire yujupu majase majare yurimerejabu necãru.

¹¹ Eropiro iri nũcu mauri ta sũiri yari dujabu. Eropo wacũ bajarã masa iri decore sũiri decore ihrinijarã sũria wahãma. Iri ru necãru sũidiru waĩcuabu.

¹² Ũrerã anyua erā purira pūhru gajigu anyu sã ĩgu yaru cornetare puriami daja. ĩgu eropa puricũ abe umu majagu, ñami majagu sã deco erabonirã gohra poya wahãma. Necã majarã sã deco erabonirã dipuru ta poya wahãma. Eropiro umague wapicuri horari gohra abe ne boyobirami. Ñami sãre wapicuri horari gohra abe ñami majagu, necã sã ne boyobirama.

¹³ Pūhru ĩhamemujuabu daja. Ũmarogue gaa wuwahgãgure ĩhabu. Eropigu ĩgu gaguiniguicũ peeabu. Őpa arãmi ĩgu:

—Ñetariaa. Ñetariaa. Ũrerã anyua purinibeama dohpa. Erã purira pūhru ñetariaro waroca. Eropo wacũ i yeba arĩrã ñetariaro warãcoma, arĩ dijuami ĩgu.

9

¹ Pūhru wapicurã anyua erā purira pūhru gajigu anyu ĩgu yaru cornetare puriami daja. ĩgu eropa puricũ necãru iro dopa bejagu arĩgu anyu umarogue arĩdigu yebague yuhridijaricũ ĩhabu. Eropigu ĩgure peame gobe ũhcãri gobe maja sawire ohami gajigu.

² Eropigu ĩgu iri gobere pãgũcũ peame imica wiriabu. Wuari peame imica iro dopa ta wuaro imica wiriabu iri gobere. Eropiro iri imica mata abe umu majagure, umaro sãre dederea wacũ iabu.

³ Eropirã iri imica pohecague arĩrã poreroa yebague wudijarama. Eropirã coreba erã burigã pũiro dopa ta erã burigã pũriama.

⁴ Eropigu taare, yucure, gaji taare ñero iidorebirami erãre. Masa dihtare ñero iidoreami erãre. Goãmu ĩgu waĩ aĩturĩfere erã diaporire tuhuya marirã dihtare ñero iidoreami erãre poreroare.

⁵ Eropo ñero iidorequeregu ta erãre wejẽdorebirami. Erãre wejẽdorebiri queregu ta cinco aberi gohra masare burigã pũricũ iidoreami. Coreba toarã erã pũiro dopa ta pũricũ iirã ãhrama poreroa sã.

⁶ Irinũrire erãre erã pũiro iicũ masa sũridiarãcoma. Erã eropa sũridiaquerecũ ta erãre sũridoresome Goãmu.

⁷ Oã poreroapu cabayua iro dopa dehyoama. Surara cabayuare erã come suhri cãhmotari suhri sãnirã dopa ta dehyoama erã poreroa. Erã dipu weca oparã erã peyari berori oro berori iro dopa peyãma. Erã diapori masa diapori iro dopa bejãma.

⁸ Erã poari nome poari iro dopa ãhrabu. Eropirã erã gũcari yeea gũcari iro dopa ãhrabu.

⁹ Siporã cãhmotari gasiro come gasiro iro dopa cãhmotama erã coretihbire. Eropiro erã wũcũ bajarã cabayua omarã erã omaro dopa erã wũuri dupari busuabu. Cabayua tũruri gasire tararã erã gamewejẽrogue warã erã busuro dopa ta busuabu poreroa wũuri dupari.

¹⁰ Eropirã coreba ĩgu pĩgurucuro dopa ta toadiru ĩgu oparo dopa ta ãhrabu erã poreroa. Eropirã erã pore mera masare cinco aberi gohra pũricũ toãma.

¹¹ Eropirã erã opu ãhrami. Ũhcãri gobe opu ãhrami erã opu. ĩgu anyu muru ãhrami. Hebreo ya mera Abadón waĩcuami ĩgu. Griego ya mera Apolión waĩcuami. Apolión, mari ya mera arĩrã, “Ñero goroweogu” waĩcuami iimi.

¹² Poreroa masare erã ñero pũricũ toara pūhru i ñero erã tarimũhtadiro pehrea wahabu. Iri pūhru pesubu ñero tarinirãcoma daja masa.

¹³ Pūhru yuju mojotocu majarã anyua erā purira pūhru gajigu anyu ĩgu yaru cornetare puriami daja. ĩgu eropa puricũ Goãmu core niguirĩ mesague oro mera iira mesague wereniguirĩ busuro carabu. Iri mesa maja sari wapicuri sarogue wereniguirĩ busuro carabu.

¹⁴ Eropo wereniguro cornetare purigure anyure õpa wereniguirĩ mera busuro carabu: —Wuariyague Eufrate waĩcuriyague peresu arĩnirãre anyuare wiuque. Erã wapicurã anyua ãhrima, arĩro carabu.

¹⁵ Eroparĩcũ peegu anyupu erãre wapicurãre wiuami bajarã masare wejẽmorãre. I bojorire, ĩnũre, i horare queoro corerã iama erã wiumorã wapicurã anyua. Erã corediro sihajaa. Eropirã wejẽnũgagãrirã iama. Arĩpehrerã deco mera erabonirãre masare wejẽmorã ãhrama.

¹⁶ Eropigu erã anyua yarã surara, “Oã nũcu ãhrima,” erã arĩcũ peeabu. Erã cabayua weca peyarã ãhrama. Doscientos millones surara ãhrama.

¹⁷ Eropigu cabayua erā weca peyarā yu ïanirā òpa dehyoama. Erā siporārire cāhmotari suhri come suhri diari suhri, yahsari suhri, boreri suhri suhricuama. Eropirā cabayuapu erā dipu yeea diarā iro dopa dehyoama. Erā disirogue peame, imica, azufre ũjuri imica sã wiriabu.

¹⁸ Eropiro cabayua disiro wiriri mera masare wejēabu. Arīpehrerā masa deco erabonirāre masa bajarāre wejēama. Eropirā peame mera imica mera, azufre ũjuri imica mera bajarā masare wejēama.

¹⁹ Erā cabayua erā disiro wiriri mera wejēama. Eropirā erā pore mera sã wejēama daja. Erā pore ojogorogue añaa dipu dopa bejabu. Eropirā iri pore mera camicacũ iïama erā masare.

²⁰ Bajarā masa erā wejē duhanirāpu erā mera majarāre wejēcũ ïaquererā erā ñeri iirare ne duhubirama. Watēare umupeo duhubirama. Erā goāmarā wēanirāre umupeo duhubirama. Erā wēanirāpu oro mera, plata mera, bronca mera, utā mera, yucu mera erā wēanirā āhrama. Erā wēanirā ojocaribirama. Peebirama. Nōhmebirama. Erā eropa arīquerecũ ta erāre masa umupeoama.

²¹ Eropirā erā wejē duhanirā gaji ñeri sãre ne bujawerebirama. Masare erā wejērare, erā nome mera erā ñero iirare, erā yajara sãre ne bujawere duhubirama erā.

10

Miri tūrugāre papera tūrugāre aīgārimi anyu

¹ Puhru gajigu turagu anyu ũmarogue dijariicũ ïhabu. Imica curu watope āhrami. Eropigu buibuguda igu dipuru weca peyabu. Igu diapo ũmu majagu abe iro dopa gosesiriabu. Igu ñigari peame iro dopa goseabu.

² Eropigu miri tūrugāre papera tūrugāre igu pāra tūrugāre opāmi igu. Igu guburu diayepu maja guburu mera wuariyague cuhrapi niguiami. Igu guburu copu maja guburu yebague cuhrapi niguiami.

³ Eropa niguigu yeea erā gaguiniguropa dopa ta igu turaro gaguiniguami. Igu eropa gaguiniguropa puhru siete bupua wereniguirā carirama.

⁴ Erā eropa wereniguicũ peegu gojanugarabu yuhu. Yu eropa gojanugacũ ta ũmarogue yure wereniguropa carabu.

—Siete bupua erā arīrare gajirāre werebita. Eropigu irire goja aĩbita, arīro carabu yure.

⁵ Igu eropa arīra puhru wuariyague niguidigu, yeba niguidigu anyu igu mojoto diayepu mera sīme mujuami ũmarogue.

⁶ Eropa sīme mujugu Goāmu eropa ojocariniguigu waĩ mera waĩpeoami. Igu Goāmu arīpehrerire, umusire, ũmusi majarāre, i yebare, i yeba arīrāre, pagayarire, pagayari majarāre iigu āhrimi. Eropigu òpa arāmi anyu:

—Goāmu mera diaye arīgu iiaa. Iripēta corerāra.

⁷ Seis anyua erā corneta dipurure erā purira puhru gajigu anyu igu puritucũ Goāmu iribojegue igu “Òpa iigura,” igu arīdiro dopa ta iigucumi. Iribojegue masare irire òaro werebiripū. Puhru igu pohro majarāre, igu yare weremuhhtarāre òaro werepohpu igu. Iri igu werepirare dohpaguere iigucumi, arāmi anyu.

⁸ Igu eropa arīra puhru ũmarogue yure wereniguirō dopa ta dipaturi wereniguigu carami daja. Òpa arīgu carami yure:

—Wuariyague niguigu yebague niguigu sihĩ anyu pohrogue waque. Eropa wagu papera tūrugāre igu opari tūrugāre aĩque, arīgu carami yure.

⁹ Igu eroparicũ peegu anyu pohrogue wahabu. Iguere papera tūrugāre yu serēcũ peegu òpa arī yuhriami yure:

—Aĩque. Eropigu i papera tūrugāre baque muhu. Mu ne bacũ mome iro dopa òaro imisĩroca. Mu parugue mu acura puhru sũia waroca, arāmi yure.

¹⁰ Igu eroparicũ peegu iri tūrugāre anyure yu aĩra puhru bahabu. Yu ne bacũ mome iro dopa imisĩabu. Yu ba acura puhru yu parugue sũiro carabu yure.

¹¹ Yu eropa bara puhru òpa arāmi yure:

—Dipaturi bajarā masare, macari majarāre, yebari majarāre, baja disirori wereniguirāre, erā tauro oparā sãre puhru erā dohpa waborore wereyumuhtaque, arāmi yure.

11

Perā Goāmu yare weremorāre were gojapu Ñu marire

¹ Puhru yare queodigare odoreami Goamu. Tuadigapē yoadigu āhrabu irigu. Irigure odoregu ōpa arāmi yare:

—Yaha wihire queogu waque. Iri wihi majañe yare umupeori mesa säre queoque. Eropigu iri wihiguere masare yare umupeorā säre queoque.

² Disiporo wirinugaropure queobita. Iripuu yare gamebirā erā cūhrapirapuu āhraa. Erā cuarenta y dos aberi gohra Goamu ya macare iri maca majarā säre ñero iirācoma. Eropigu queobita iripūare.

³ Eropigu yahare wererāre perāre obeogura. Mil doscientos sesenta nuri gohra yahare wererācoma. Co suhri sañanirā árīrācoma erā yu weredorenirā, arī wereami yare.

⁴ —I yeba majarā tauro opu pohro pegu olivo waicuri yucu niguia. Pegu sihāgori yucu sā iri yucu pohro niguia. Iri yucu oā perā yahare weremorā iro dopa āhraa, arī wereami daja yare.

⁵ Eropirā erāre ihaturirā erāre erā ñero iidiacū erā disirogue pea porā wirimaaro soe wejēpehocāroca erāre ihaturirāre. Eropa ta erāre ñero iirāre wejērācoma erā perā.

⁶ Eropiro erā perā erā deco aridorebiricū deco arisome. Eropiro yahare erā wereropē deco arisome. Eropirā maurire diyari poyacū iirācoma erā. Eropirā i yebare ñero wacū iirācoma erā. Árīpehreri dohpa árīrore, dohpa árīrāre, masare ñero wacū iirācoma erā. Erā noho gamero iidiaropē eropa ñero wacū iirācoma i yebare.

⁷ Erā Goamu yare weretuhajacū ūhcāri begue árīgu ñegu nugū majagu wirigucumi. Eropigu Goamu yare wererā erā perā mera gamequeāgucumi. Eropa gamequeāgu turatarinugagu erāre wejēcāgucumi.

⁸ Īgu eropa wejēra puhru erā ya dūpuri mura wūari maca maja mague oyaroca. Mari Opure Jesucristore erā pabia wejēra maca āhraa iri maca. Iri maca majarā ñerā árīrā, Sodoma majarā mura, Egipto majarā mura iro dopa āhrama.

⁹ Erā dūpuri mura oyarocū ūhrene ōaro oya, gajinu deco erā ya dūpuri mura iri mare oyaroca. Eropirā árīpehreri yeba majarā yujurāyeri, árīpehreri cururi majarā yujurāyeri, árīpehrerā yare wereniguirā yujurāyeri iri nucu nuri gohra erā ya dūpuri murare iarācoma. Eropirā iri nucu nuri gohra erāre yaadoresome.

¹⁰ Erā perā Goamu yare weremuhtanirā i yeba majarāre erā ñero iira dipuwaja moanirā árīrācoma. Eropirā erā eropa sīrinirā árīcū iarā árīpehrero majarā mucubirirācoma. Eropa mucubirirā bosenu ii, erā basi gajinore eropa ocārācoma.

¹¹ Erā eropa iiquerecū ūhrene puhru gajinu deco gohra Goamu erāre masugucumi daja. Īgu eropa masucū erā dipaturi wahgānugajarācoma. Erā eropa wahgānugajacū iarā árīpehrerā burigā giūrācoma erāre.

¹² Puhru amarogue burigā erāre perāre wereniguicū peerācoma masa. Ōpa arīri busuroca erāre:

—Ōgue maririque mua, arīri busuroca.

Erāre eropa arī wereniguirire busucū peerā imica cururi watope muria warācoma. Erāre doonirā mura erā mauriacū iarācoma.

¹³ Erā eropa mauriasubu yeba turaro ñohmeroca. Eropa ñohmecū ta iri maca maja wiri baja wiri mihrua dija waroca. Eropirā yeba ñohmero mera siete mil masa sīria warācoma. Gajirā dūhyarāpu ūca wa, Goāmure umaro majagure “Turagu āhrimi,” arī umupeorācoma pare ĩgure.

¹⁴ I árīpehreri eropa wara puhru pesubu masa erā ñero tarituhajanirā árīrācoma. Eropa tarira puhrugā ta dipaturi masa mata daja ñero tarirācoma.

Seis corneta dipurure erā purira puhru gajigu puripu

¹⁵ Puhru seis corneta dipurure erā purira puhru gajigu anyu ĩgu yarure puriami. Īgu eropa puricū amarogue turaro wereniguiro carabu. Ōpa arīro carabu:

Dohpague mari Pagu, Cristo mera i yeba majarā tauro opu árīgucumi. Eropigu eropa opu árīniguigucumi Goamu, arīro carabu.

¹⁶ Eropirā Goamu core oparā doarigue doarā veinticuatro Jesu yarā oparā Goamu core mereja, ĩgure umupeoama.

¹⁷ Eropa umupeorā ōpa arāma:

Gua opu Goamu, turatariaqu āhraa muhu. Muhu negohraguere eropa árīmuriyoro. Eropigu dohpague säre eropa árīniguia. Puhrugue árīguca muhu. Mu turari mera masa erā opu mu árīnugacū, “Ōhaa,” arāa gua mure.

¹⁸ Árīpehrerā i yeba majarā mure gamebirā mu mera guarima. Dohpaguere erāre mu dipuwaja moaburibusu āhraa. Sīrinirā säre mu dipuwaja moaburibusu āhraa. Eropiro mu yarāpūre ōarire erā iira wajare mu oburinosubu āhraa. Yujurāyeri erā mu yare weremuhtanirā árīma. Eropirā erā gajirā mu yarā mera árīpehrerā mure

ōaro umupeonirā árīma. Eropigu oparāre, bu árīrā sāre mū yarā erā árīcū īha ōaro īigūca muhu erāre. Eropiro i yeba majarāre goroweocorerāre mū cóāburisubuno árīro īiaa dohpaguere, arī umupeoama Jesu yarā oparā Goāmure.

¹⁹ Erā eropa arī umupeora pūhrū ūmaro maja wihi Goāmū ya wihi īgū pāgūra wihi īhabū. Eropirā iri wihi árīri comorore īhabū gua. Iri comoro pohecague Goāmū “Masare itamugara,” īgū arī werepirapū sañabū. Gua eropa īacū ta miamaa, bupū paamaa, gajiropa busumaa, i yeba ñohmemaa wahabū. Deco yūsariyeri deco burīgā ūmarogue dijaribū.

12

Nomeore, pīru sāre werepū Ņu

¹ Pūhrū i yeba dohpa waborore ūmarogue dehyoabu yare. Eropa dehyoari guhyadiaro maja āhrabū. Ōpa īamūhtabū: Ūmarogue nomeore īhabū. Igo suhriro abe ūmū majagu iro dopa gosesiriabū. Eropigo abe ñami majagu weca niguiamo. Opū īgū peyarino berore doce necā opari berore peyadigo niguiamo.

² Eropiro igo porācuboro merogā duhyabū. Eropigo igo nihi wahgūgo pūriro mera gaguiniguiamo.

³ Pūhrū dipaturi īhabū daja ūmarogue: Wūagu pīrure diagure īhabū. Siete dipu dipucūgu āhrami. Árīpehreri īgū dipu oparā erā peyarino berorire peyara dipu dihta āhrabū. Eropigu diez cusaricūgu āhrami īgū.

⁴ Īgū pīguru mera necā dipurure wejēsiri medijuami. Árīpehrerā necāre deco gohra wejēsiri medijuami. Eropigu nomeo porācūgo pohro niguiami pīru. Igo magugā dehyoacū babu iirami.

⁵ Merogā pūhrugā ta masa dehyoatuhami majigugā. Árīpehreri yeba majarā opū árību āhrami īgugā. Īgū eropa opū turagu árīcū masa īgure tarinūgarā yujuro bojesome. Īgū eropa masa dehyoacū ta Goāmū īgū doaro pohrogue īgugāre aībeocāmi.

⁶ Īgū eropa iicū nomeopū masa marirogue pīrure duhrigā wahámo. Goāmū Īgū amuyudirogue duhrigā wahámo igo. Eroguere mil doscientos sesenta nuri gohra Goāmū igore īhadibumi.

⁷ Eropirā ūmarogue gamewejēnūgāma. Migue waīcūgu anyu īgū yarā anyua sā pīru mera gamequeāma. Erā eropa gamequeācū pīru īgū yarā anyua mera Miguere gamequeāmi.

⁸ Eropirā Migue sā pīrure tarinūgāma. Eropigu pīrure īgū yarāre anyuare ūmaroguere árīnemodorebirami.

⁹ Eropigu wūagu pīrure cóācāmi Goāmū. Īgū pīru watī ta árīgu iiami. Satana waīcūgu āhrimi. Iribojeguere īgū pīru dupū dopa deyogu árīñumi. Eropigu árīpehreri yeba majarāre guyagu āhrimi. Goāmū īgure cóāgu īgū yarā anyua mera yebague cohā dijuami.

¹⁰ Pūhrū ūmarogue turaro werenigūicū peeabū:

—Dohpaguere mari Pagū masare taumi pare. Dohpague tamerare mari Pagū mari Opū árīgu āhrimi īgū turarire īhmubu. Eropigu īgū obeodīgu Cristo sā īgū opū árīrīre īgū turarire īhmumi árīpehrerāre. Watīre ūmarogue árīdīgure cohā dijuami i yebague. Eropigu īgū turarire īhmumi mari Pagū. Īgū watīpū ūmuri nūcu, ñamiri nūcu Jesu yarāre, “Ōā ñerā āhrima,” arī weresāgu iimi mari Pagūre. Eropigu mari acawererāre Jesu yarāre weresāgu árīmi.

¹¹ Cristo Cordero waīcūgu īgū di cóāro mera mari acawererā īgure umupeorā erā ñeri iirare cóāsūnirā árīma. Eropa árīrā watīre tarinūgāma. Eropirā ōari buherire wererā, watīre tarinūgāma. Īgū yare werera dipuwaja gajirā erāre wejēdiaquerecū ta, Cristo yare duhubirā árīrā īgure tarinūgama.

¹² Eropirā mūa ūmaro majarā mucubirique. Watīre īgū yebague cohā dijucū īarā mucubirique. Mūa yeba majarāpū, wūariya majarā sā mojomorocurā warāca mūa. Mūa pohrogue dijami watī. Īgure dipuwaja moaboro merogā duhyaa. Eropigu guataricāmi īgū. Mūa pohrogue īgū ejacū mojomorocuro dujacū īigucumi īgū mūare, arī gaguinigūiro caricū peeabū.

¹³ Eropigu pīrupū cohā dijudīgu nomeore, majigugā pagore nūrusia wahgāmi.

¹⁴ Eropigu Goāmū gaa wūagu quē dupare ohami igore masa marirogue igo wūū duhri wahgāboru dopa. Eroguere igo ejara pūhrū ūhre bojori ōaro gajī bojori deco gohra ōaro īhadibumi Goāmū igore. Īgū eropa īhadibucū pīru igore ñero iimasibirami.

¹⁵ Ero igo árīcū īagu pīru igore miudiagu wūaro decore etocabeocāmi.

¹⁶ Īḡu eropa iiquerecū yebapū igore itamuabū. Pīru Īḡu disiro wiriri decore yebapū yehrimaa wa uju aibeocābū.

¹⁷⁻¹⁸ Eropa wacū ĩaḡu pīru guatariami. Eropa guagu yujurāyeri igo pāramerā árituriarā mera gamewejēḡu wahámi. Erāpū Goāmū dorerire iirā āhrama. Jesu yare ōari buherire ne duhubirā āhrama. Erā mera gamewejēḡu wahámi. Eropiḡu pīru wuaria ya turo pohro niguiami.

13

Perā nuḡu majarāre werepū Nū

¹ Wuaria ya turo niguigu, nuḡu majagu iriya áriḡure Īḡu wahḡapacū ĩhabū. Īḡu siete dipu, diez gohra cusaricūḡu āhrami. Īḡu cusari oparā erā peyarino berori peyámi. Eropiḡu Īḡu dipure Īḡu waire Īḡu gojatura āhrabū. Īḡu waī iri űeri waī áriro Goāmure ihatiriri waī āhrabū.

² Eropiḡu Īḡu nuḡu majagu yee dorogu guagu iro dopa bejámi. Eropiḡu bugu iro dopa guburicūḡu āhrami. Eropiḡu yee wuaguro iro dopa disirocūḡu āhrami. Eropiḡu pīrupū Īḡu turarire ohami nuḡu majagure. Eropa ogu ĩḡure Īḡu opu doaro apigu Īḡu iro dopa ta masa bajarāre dorecū iiami pīru nuḡu majagure.

³ Īḡu nuḡu majagu dipuru yuju dipuru camirocūri dipuru dopa bejabū. Iri camiro ĩḡure wejēbocurira camiro áriquerero yarira camiro āhrabū. Iri dipuru ojocaricū ĩarā, űca waháma i yeba majarā áripehrerā. Eropa ĩha űcarā, nuḡu majagure “Turagu āhrimi,” arī umupeoama. Eropirā Īḡu yarā waháma masa.

⁴ Eropirā nuḡu majagure pīru Īḡu turarire ocū ĩarā masapū ĩḡure pīrure mereja umupeoama. Eropirā nuḡu majagu sāre mereja ĩḡure umupeoama. Eropa umupeorā ōpa arāma:

—Ne gajigu mū iro dopa turagu marimi. Gajigu mure ne tarinūgamasibeami, arī umupeoama masa nuḡu majagure.

⁵ Eropiḡu Īḡu nuḡu majagu “Turatariaḡu āhrimi,” erā ĩḡure arīquerecū ta, ĩḡu Goāmure űero wereniguquerecū ta eropa pepicānimi Goāmupū. Eropiḡu cuarenta y dos aberi gohra ĩḡu nuḡu majagu masare dorenigucumi. Iripēta ĩḡu opu áricū gahmemi Goāmū.

⁶ Eropiḡu Goāmure űero wereniguiami ĩḡu. Īḡu waire, ĩḡu wihire, űmarogue ĩḡu áriro, ĩḡu pohro majarā sāre űero wereniguiami nuḡu majagu.

⁷ Eropiḡu Goāmū yarāre gamewejēḡu erāre tarinūgámi. Īḡu eropa tarinūgaquerecū ta eropa ĩacāniami Goāmū. Goāmū ĩḡu eropa ĩidorebircūre iisome ĩḡu. Eropiḡu áripehrerā i yeba majarā tauro opu árinirami nuḡu majagu. Áripehreri cururi majarā, áripehreri yebari majarā tauro, áripehreri macari majarā tauro, áripehrerā yare wereniguirā tauro opu árinirami ĩḡu.

⁸ Eropirā áripehrerā i yeba majarā ĩḡu nuḡu majagu pohro mereja ĩḡure umupeorācoma Goāmū yarā áribirāpū. I yebare Goāmū ĩḡu ĩhacūnuguboro core ĩḡu yarā árimorāre ĩḡu mera áriniguimorāre erā waire gojatutuhañumi. Iripū ĩḡu eropa gojaturapū Cordero erā wejēdigu yapū āhraa. Iripū erā waire gojatubirā dihta Goāmū yarā áribirā nuḡu majagure umupeorācoma.

⁹ Gamiricurā āhraa mūa. Eropirā peeque mūa Jesu yarā áriřā.

¹⁰ Áripehrerā mūare peresu iinirāre erā sāre peresu iigucumi pūhru. Áripehrerā masare űose wejēnirāre erā sāre űose wejēḡucumi pūhru. Irire masirā mari Goāmū yarā űero tariquererā ta ĩḡure cóabircārā. Eropirā yujuro boje ĩḡure guñaturarā.

¹¹ Pūhru gajigu nuḡu majagure ĩhabū daja. Yeba pohecague ĩḡu áriřidigu ĩḡu wiriricū ĩhabū. Pecusaro oveja cusaro iro dopa bejari cusaro cusarocūḡu āhrami. Eropa áriquerereḡu pīru iro dopa wereniguiami.

¹² Eropiḡu nuḡu majagu árimuhtadigapū pūhru áriřidigure opu acuami. Īḡu eropa opu acugapū áripehreri yeba majarāre árimuhtadire umupeodoreami. Árimuhtadi nuḡu majagu erā wejēbocuridi camiro yaridigu āhrami.

¹³ Eropiḡu pūhru áriřidigu deyoro moarire ii ĩhmuami masa erā ĩha űcaboro dopa. Eropa iigu masa erā ĩaro peame wuari peame űmarogue dijarcū iiami.

¹⁴ Eropiḡu árimuhtadigu ĩḡu ĩhuro gajigu nuḡu majagupū deyoro moari mera masare ḡuyámi, “Īhī mūa umupeobu āhrimi,” arīḡu. Eropiḡu ĩḡu gajigu nuḡu majagu árimuhtadigure wéadoreami masare. Īḡu árimuhtadigu űoserimiji mera erā űosedigu áriquerereḡu ta ojocarigū āhrami. Īḡu iro dopa bejagure ta wéadoreami gajigu nuḡu majagu masare. Erā eropa ĩicū ĩaḡu Goāmū dooquereḡu ta eropa ĩacāniami.

¹⁵ Eropigu puhru árdidigu nuḡu majagupu árimuhtadire wéadigüre ojocaricũ iiami masare igu doreboro dopa. Eropigu wéadigupu erã igüre umupeobirãre wejêdoreami.

¹⁶ Eropigu áripehrerãre erã mojotori diayepu sãre igu waire gojatudoreami nuḡu majagu puhru árdidigu. Erã mojotorire gojatubirininãre erã diaporire gojatudoreami igu waire. Bu árirãre, oparãre, doberi oparãre, mojomorocarãre, erã pohro majarãre, erã pohro majarã áribirãre, áripehrerãre igu waire gojatudoreami.

¹⁷ Igu árimuhtadigu nuḡu majagu igu waire, igu numerore gojatubirãre ne asũdorebirami. Eropigu erãre duadorebirami.

¹⁸ Irire ðaro masique mua. Pee masirã árirã nuḡu majagu igu numerore ðaro iha masique. Iri numero uma waĩ iro dopa áhrra. Iri numero seiscientos sesenta y seis gohra áhrra.

14

Goãmu igu taunirã mama bayariñere bayañorã

¹ Puhru Siõn waĩcadigu utãḡu weca niguigure Corderore ihabu. Igu mera ciento cuarenta y cuatro mil masa áhrama. Erã igu ya waire igu Pagu ya waĩ sãre erã diaporire erã gojatunirã áhrama.

² Erãre yu ãacũ ta umarogue busuro carabu. Wuari utãmu busuro dopa ta, bupu igu wuaro busuro dopa ta busuro carabu. Eropigu arpa waĩcũre erã buamutẽro dopa ta busuro carabu.

³ Erã ciento cuarenta y cuatro mil masa bayarã áhrama. Ero opu igu doaro pohro wapicurã gajiropa bejarã, Jesu yarã oparã sã core bayarã áhrama erã. Erã bayariñe mama bayariñe áhrabu. Iri bayarire erã dihta masiama. Cristo igu taunirã dihta iri bayarire masiama. Erã i yeba árinirã mura igu aĩ mujunirã áhrama.

⁴ “Ne ñerire iisome,” arinirã ñerire iibirinirã áhrama. Ne erã yujusubugã nome mera ñero iibirinirã áhrama. Eropirã Corderore ihacũnirã árirã, igu yare eropa iiniguamarama. Eropigu erãre ñerã watope árinirãre igu taumorãre aiami Goãmuru. Eropa igu taunirã árirã, Goãmuru yarã árimorã, Cordero yarã sã árimuhtanirã áhrama.

⁵ Eropirã erã mera majarã ne yujugu guyagu marami. Eropirã Goãmuru igu pepicũ ñeri iira dipuwaja marirã áhrama erã.

Hrerã anyua weremedijuñorã

⁶ Puhru umarogue wuugure anyure ihabu. Igu i yeba majarãre áripehreri cururi majarãre, áripehrerã yare wereniguirãre, áripehreri yebari majarãre ðari buherire werebu áhrami. Iri buheri ne gohrotobea. Eropa árniguicãa.

⁷ Eropigu anyu gaguinigũ ðpa arĩ medijuami:

—Goãmure güique. “Turatariagu, ðatariagu áhrimi,” arĩ umupeoque igüre. Dohpaguere masare igu dipuwaja moaburibusu áriro iia. Igu umusire, yebare, pagayarire, mutayarigã sãre iidigu áhrimi. Eropirã igüre mereja umupeoque, arĩ gaguinigui dijuami anyu.

⁸ Igu eropa arĩra puhru gajigu anyu umaro wuugu ðpa arĩ medijuami:

—Erãre cóãcãmi. Wuari maca Babilonia waĩcũri maca majarãre cóãcãmi Goãmuru. Erã igu cóãnirãpu áripehrerã gajirãre ñero iicũ iima. Masa erãre ihacũrã, ñerire uaribejarã, goãmarã wéanirãre umupeoma. Merericurã vinore erã turaro uaribejaro dopa ta erã ñerire turaro uaribejama Babilonia majarãre ihacũrã, arĩ were medijuami gajigu anyu.

⁹⁻¹⁰ Erã perã anyua eropa arĩra puhru gajigu anyu erã puhru wuugu gaguinigui ðpa arĩ medijuami igu sã:

—Áripehrerã nuḡu majagure umupeorãre, igüre wéadigüre umupeorãre erã diaporire, erã mojotorire igu waire gojatunirãre dipuwaja moagucumi Goãmuru. Erã mera guagu erã tamerare turaro dipuwaja moagucumi Goãmuru. Eropigu Goãmuru erãre burigã dipuwaja moaniguigucumi cãdijiro mariro. Nuḡu majagure umupeorã áripehrerã peamegue warãcoma. Eroque burigã pũiroca erãre. Azufre waĩcũri mera erã dihura peame áriroca. Goãmuru yarã anyua, Cordero sã erã ihuro ñero tarirãcoma erã.

¹¹ Iri peame eropa imicacũniguicãroca. Ne yarisome. Erãre eropa pũriniguicũ iiroca. Áripehrerã nuḡu majagure mereja umupeorãre eropa pũriniguicãroca. Umuri sãre, ñamiri sãre eropa pũriniguicãroca sooro mariro erãre. Igu nuḡu majagure igu wéadigüre umupeorã, igu waire erã gojatunirã sã, eropa ta ñero tarirãcoma, arĩ medijuami anyu.

¹² Eropigu òpa arí werea mware ire: Mwa erā eropa ñero tariborore masirā, Goāmu yarā igu dorerire iirā, Jesure cóābirā árírā, igu yare duhubiricāque. Ñero tarirā áríquererā ta Goāmu yare duhubiricāque, arāa yuhū mware.

¹³ Puhru umarogue yare wereniguiro caracū peeabū daja. Ópa arāmi yare:

—Ire gojaque muhū. Goāmu yarā igure cóābirā árínirā dohpaguere mwa sírira puhru sāre òaro mucubirirā árírāca mwa, arí medijugū carami yare. Igu eropa aríra puhru Espiritu Santopū òpa arīnemoami daja:

—Eropa ta āhraa. Diaye ta āhraa. Erā turaro erā mohmerire duhpiicā soorācoma. Umargue erā wacū òaro erā iirare guñagucumi Goāmu. Eropigu erāre òaro iigucumi. Eropirā erā mucubirirā árírācoma, arīnemoami Espiritu Santo.

Pohe maja oteri ducare mari beye airo dopa ta Goāmu igu yarāre beye aigucumi. Ñerāpūre boje beye dohogucumi, arí gojañumi Ñu

¹⁴ Puhru imica curu boreri curure íhabū. Iri curu weca masū dopa bejagu doāmi. Igu oro bero opū igu peyarino berore peyāmi. Eropigu matamiji usiri mijire opāmi igu.

¹⁵ Puhru gajigu anyu Goāmu wihigue árídigu wirirami. Eropa wiririgu turaro gaguiniami imica curu weca doagare:

—Muhū matamiji mera pohe maja ducare i yeba maja ducare tabe aipehocāque. Dohpaguere ma queodiro ejaa. Dūca boretuhabū, arāmi dūca.

¹⁶ Igu eroparicū peegu igu matamiji mera i yebare tāranugami igu imica curu weca doagu. Eropa tāranugagu i yeba maja ducare airo dopa iami.

¹⁷ Puhru gajigu anyu sā Goāmu wihigue árídigu wirirami. Igu sā matamiji usirimijire opāmi.

¹⁸ Eropigu gajigu anyu Goāmure umupeori mesa pohrogue árídigu wirirami. Igupe mesa maja peamere íhadibugū āhrami. Eropa wiririgu matamiji usirimiji opagure gaguiniguami:

—Muhū matamiji mera i yeba áríri pohere, igui pohe maja ducare aique. Iguipū ñiituhabū, arí gaguiniguami.

¹⁹ Igu eroparicū peegu anyu igu matamiji mera i yebare tāragu, iguitōrire wírta aīami. Igu eropa iira puhru iritōrire iguitōrire igu ñatīarogue cōhāmi. Igu eropa ñatīaro dopa ta Goāmu igure gamebirāre turaro guagu, dipuwaja moagucumi.

²⁰ Iri maca turo pohro erā ñatīaro iri iguitōrire ñatīama. Ero erā ñatīacū igui deco wiriro dopa di wiriabū. Trescientos kilómetros yoariya, yuju metro òaro gaji metro deco úhcāriya āhrabū di mera. Irire íha masiabū. Yujunū anyu Goāmure gamebirāre ñerire iinirāre gameneo erā ñeri iira dipuwaja moagucumi. Igu eropiicū masa bajarā sírírācoma. Eropa sírírā di pagari cóārācoma, arí masiabū yuhū.

15

Masa erā ñero tariborore anyua apituñorā masare

¹ Puhru umarogue gajiropa árīrore íhabū. Guhyadiaro árīro i yebague dohpa waborore íhmurife āhrabū. Ópa íhabū: Siete anyua āhrama. Goāmu guagu siete suburi masare dipuwaja moatubu iami. Eropirā erā siete anyuapū dipuwaja moadore igu apimorā āhrama.

² Anyuare yū íara puhru wuariyare òaro deco suririya dopa árírīyare íhabū. Iriya peame mera árírīya āhrabū. Eropigu iriya pohro niguirāre nugu majagure ígure wéadigu sāre tarinuganirāre íhabū. Erā nugu majagu numerore igu ya wāí maja numerore gojatudobiririrā āhrama. Ero niguirā arpa waicūri buamatēre opāmi. Iri buamatēri Goāmu igu ora āhrabū.

³ Eropirā Goāmu pohro majagu Moise ya bayarire bayarā iama. Cordero ya bayarife sāre bayarā iama. Ópa arí bayāma:

Gua opū muhū Goāmu turatariagu āhraa. Mu iirare íarā íha uca waha gua. Mu iira òataria. Muhū árīpehreri yeba majarā tauro opū āhraa. Óaro guyarō mariro diaye iiaa muhū.

⁴ Árīpehrerā mure güima. Árīpehrerā mure “Turagu āhrimi,” arírācoma. Mu dihta ñeri marigu āhraa. Árīpehrerā i yeba majarā mu pohrogue ejarā mereja mure umupeorācoma. Eropa ta iirācoma erā árīpehrerā òaro mu iirare íarā, arí bayarā iama erā.

⁵ Puhru umarogue íhamemujugu, Goāmu ya wihire pāgūra wihire íhabū. Iri wihigue Goāmu igu doreri igu gojara mijiri utā mijiri erā dibura mijiri āhrabū.

⁶ Iri wihire yu ñacũ ta siete anyua iri wihi pohecague árnirã wirirama. Erã Goãmu Ĩgu dipuwaja moadoregu Ĩgu apimorã áhrama. Erã nũcu erã dipuwaja moaburire opãma erã anyua. Őari suhri, boreri suhricurã áhrama. Eropro erã coretihbi weca oro gasiro mera tuãdiunirã áhrama.

⁷ Iri wihigue árnirã erã wiriricũ wapicurã gajiropa bejarã mera majagu erãre siete anyuare oroparire ohami. Iripari Goãmu gua Ĩgu dipuwaja moadoreburi mera ôaro wjaturiabũ iripari. Ĩgu Goãmu eropa árniguigu áhrimi.

⁸ Ĩgu iriparire erãre ocũ ta Goãmu wihi pohecague Ĩgu gosesiriri mera Ĩgu turari mera imicacu sehya wababu. Iri wihi eropa imicacu sehya wacũ iri wihire ne yujugu ñaja masiya marabu. Siete anyua Goãmu dipuwaja moadoregu Ĩgu apidiro dopa ta erã masare dipuwaja moatura pũhrũ dipaturi iri wihigue ñajamasirãcoma daja. Ĩgu dipuwaja moaboro core ñaja masiya mara. apidiro dopa ta erã masare dipuwaja moatura pũhrũ dipaturi iri wihigue ñajamasirãcoma daja. Ĩgu dipuwaja moaboro core ñaja masiya mara.

16

Goãmu masare Ĩgu dipuwaja moaborore werepũ

¹ Pũhrũ Goãmu wihigue turaro wereniguuro carabu. Siete anyuare weregu iigu carami: —Goãmu Ĩgure tarinũganirã mera guami. Eropirã Ĩgu dipuwaja moadorerare iigue. Eropirã dohpagure siete pari dicũre yebague pisiri medijurã waque i yeba majarãre, arĩ wereniguigu carami.

² Eroparicũ peegu árnũhtadigu anyu Ĩgu oparipa dicũre yebague pisiri medijuami. Ĩgu eropa pisiri medijucũ nũgu majagu waĩre gojatunirã Ĩgure wéadigure umupeonirã ñero camicuama. Iri camĩ turaro pũriyoro erãre.

³ Ĩgu eropa pisirira pũhrũ gajigu anyu daja Ĩgu oparipa dicũre pisiri medijuami daja wũariyague. Ĩgu eropa pisiricũ iriya diya wababu. Sirdidigu di iro dopa áhrabu iri di. Eropã wacũ iriya pohecague árnirã sĩripehrea wahãma.

⁴ Perã eropa pisiri dijura pũhrũ gajigu anyu Ĩgu oparipa dicũre pisiri medijuami daja maurigũ, iri maurĩ diparigue sãre. Ĩgu eropa pisiricũ maurĩ diyari dihta wababu.

⁵ Eropã wacũ ĩagu gajigu anyu maurire coregu ôpa arĩgu carami:

—Goãmu, mũhu ñeri marigu áhraa. Dohpague sãre eropa árniguicãgu áhraa mũhu. Iribojegue sãre eropa árniguicãmuribu mũhu. Erobiga dipuwaja moagu diyarire iigu diaye iabũ mũhu.

⁶ Nũgu majagu yarãpũ mũ yarãre wejẽrã di cõacũ iima. Mũ yare wererã sãre wejẽrã di cõacũ iima erã. Erã eropa wejẽra dipuwaja iriyari diyari wababu erã ihriburi. Ôpa ta mũ iicũ gahmeama erã, arĩgu carami maurire coregu anyu.

⁷ Ĩgu eropa arĩra pũhrũ Goãmũre umupeori mesague wereniguuro carabu daja:

—Eropã ta áhraa. Goãmũ gua opu turatariagu áhraa mũhu. Gũyaro mariro, queoro masare beye, dipuwaja moaa mũhu, arĩ wereniguuro carabu.

⁸ Őrerã anyua erã pisirira pũhrũ gajigu anyu Ĩgu oparipa dicũre pisiri medijuami daja. Abe mũmu majagu weca pisiri medijuami. Ĩgu eropa pisiricũ abere masare turaro asicũ iiami Goãmũ.

⁹ Erobigũ abe mũmu majagu masare turaro asiãmi. Erãre eropa asicũ erã Goãmũ erãre Ĩgu dipuwaja moadorecũ masirã, Ĩgure ñero wereniguuama masa. Eropã ñero tariquererã ta erã ñero iirare ne bujawerebirama. Eropirã duhubirama. Goãmũre “Turagu áhrimi,” arĩ umupeodiabirama.

¹⁰ Wapicurã anyua erã pisirira pũhrũ gajigu anyu daja Ĩgu oparipa dicũre pisiri medijuami daja. Nũgu majagu Ĩgu doaro weca pisiri medijuami. Opu doaro áhrabu Ĩgu doaro. Ĩgu eropa pisirira pũhrũ Ĩgu yarã árnĩ yebague naitĩaro wababu. Eropirã Ĩgu yarã masa ñero pũricũ gũcũre cũridihuama.

¹¹ Erãre ñero pũricũ ta, erã ñero camicurã ta Goãmũre mũmaro majagũre ñero wereniguuama. Erã ñero iirapũre bujawerebirama. Eropirã irire duhubirama.

¹² Yuju mojotocu majarã anyua erã pisirira pũhrũ gajigu anyu daja Ĩgu oparipa dicũre pisiri medijuami daja. Eufrate waĩcuriya wũariyague pisiri medijuami. Ĩgu eropa pisiricũ iriya bojomerea wababu. Abe muririro majarã oparã erã gamewejẽrã warã erã iriya taribujariboro dopa eropa iiami.

¹³ Pũhrũ ũrerã watẽare tarumũrã iro dopa bejarãre ĩhabũ. Yujugu tarubũgu pĩru pohecague árnidigu Ĩgu disirogue wirirami. Gajigu tarubũgu watĩ nũgu majagu disirogue

wirirami. Gajigu tarubugu watī daja “Goāmū yare weregu āhrraa,” arī guyadiḡu ya disirogue wirirami.

¹⁴ Eropirā erā ʔrerā watēa tarumūrā iro dopa bejarā deyoro moarire ii ĩhmurā āhrama. Eropirā árĭpehroa majarā oparāre gamenerecū iiama erā basi Goāmū mera gamewejēdorerā. Erā eropa gamewejēburinū Goāmū turatariagu árĭpehrrerāre ĩḡu dipuwaja moaburinū, pehreburiñū árĭroca.

¹⁵ Ero coregue ōpa arĭmĭ Jesu guare: Īaque mūa. Yajari masu ĩḡu yajagu ariro dopa ta yu sā guñaña mariro arigūca. Yu ariborore ōaro corediḡu mucubirigū árĭḡucumi. Īḡu yaha árĭburire iinḡuidiḡu ĩeri marigū mucubirigūcumĭ. Yu mera árĭḡucumi. Eropa iidiḡu árĭḡu yu dujaricū guhyasĭrisome ĩḡu, arĭmĭ Jesu guare.

¹⁶ Eropirā ʔrerā watēa i yeba majarā tauro oparāre gamewejēcū iituhāma. Erā gamewejēro Hebreo ya disiro mera Armagedón waĭcua.

¹⁷ Seis anyua erā pisirira pūhrū daja gajigū anyu ĩḡu oparipa dicūre imica cururi weca pisiri medijuami daja. Īḡu eropa pisirira pūhrū Goāmū wihigūe ĩḡu opu doarogue turaro wereniguiro carabu:

—Īripēta árĭroca, arĭro carabu.

¹⁸ Īḡu eroparĭcū ta miamaa, bupu pamaa, gajiropa busumaa, guhyaro yeba ñohmeabu. I yeba masa erā árĭñugara pūhrū eropa siari ñohmebirabu i yeba. Gajisubu ñohmediro tauro guhyaro yeba ñohmemaabu.

¹⁹ Eropa ñohmecū wuari macare Babilonia waĭcūri macare ʔhrema yehremaa wahabu. Eropiro paga macari i yeba árĭri macari dija wahabu. Eropigū Babilonia waĭcūri maca majarāre wuari maca majarāre guñāmi Goāmū erāre dipuwaja moabu. Erā ñerire iiri dipuwaja erā mera turaro guāmi. Eropa guagu erāre burigā dipuwaja moāmi.

²⁰ Īḡu eropa iicū árĭpehrreri nuḡuri, ʔtā yucu sā pehrea wahabu. Eropiro ne marabu.

²¹ Eropiro decoyeri pagayeri yūsariyeri yebague masa weca dijarabu. Árĭpehrreri decoyeri cuarenta kilo nūcariyeri āhrabu. Erā weca iri eropa dijaricū Goāmū erāre ĩḡu turaro dipuwaja moacū masirā ñero wereniguiama masa Goāmure.

17

Ñerire iigore dipuwaja moadoregucumi, arĭ werepu Ñu

¹ Pūhrū siete parire oparā anyua mera majagu yu pohrogue eragu ōpa arāmi yure:

—Īagu arique. Diari bajayari weca doagore ūma mera ñero iiricudigore Goāmū ĩḡu dipuwaja moaborore ĩagu arique muñu.

² I yeba majarā oparā igo mera ñero iiro dopa ta igo yapure gamema. Goāmupure gamebirama. I yeba majarāre igo sihu merēcū iiro dopa ta, erā mera igo ñero iiro dopa ta igo masare ñero iiriire ʔaribejacū iimo igo. Eropa iigo árĭpehrreri ñerire erā iicū iimurimo igo masare, arĭ wereami anyu yure.

³ Īḡu eropa arĭra pūhrū Espĭritu Santo yure deyoro moarire ĩacū iiami. Eropigū anyu masa marirogue aĭ wahgāmi yure. Ero igo nomeore ĩhabu. Igo nuḡu majagu diagu weca peyago āhramo. Nuḡu majagupu ĩḡu dupu baja waĭ erā gojatudiḡu āhrami. Iri waĭ ñeri waĭ Goāmure ñeri wereniguiuri waĭ āhrabu. Eropigū siete dipucuga, diez gohra cusaricuga āhrami nuḡu majagu.

⁴ Eropigo nomeopu ōaro yahsari suhri oparā erā sañarino suhrire sañadigo āhramo. Diari suhri säre sañadigo āhramo. Baja orore, wajacūri ʔtare, perlayeri säre tuhura suhrirore sañadigo āhramo igo. Eropigo oropare opāmo igo. Iripare dicūri ñeri igo iira āhrabu. Ñero iigo burigā ñero iidiḡo árĭmo igo. Iri ñeri Goāmū ĩḡu ĩadiabirira āhrabu.

⁵ Igo diapo igo waĭ erā gojatudiḡo āhramo. Iri waĭre ōaro masibea mari. Ōpa arĭ gojatura āhrabu igo diapogue: “Wuari maca Babilonia āhrimo. Igo árĭpehrreri ñeri iinḡadigo āhrimo. Árĭpehrrero majarā erā ñerire, Goāmure erā gamebiririre iinḡadigo āhrimo. Eropirā erā igore ĩhacūrā ñetariaro iirā iima,” arĭ, igo diapore erā gojatudiḡo āhramo.

⁶ Eropa igore ĩagu igo bajarā Goāmū yarāre igo wejēdiḡo árĭcū masiabu yuhū. Mererā erā mucubiriro dopa ta igo erāre wejēgo erā di cóacū ĩago mucubiridiḡo āhramo igo. Jesure erā cóābiriri dipuwaja erāre wejēdiḡo āhramo igo.

Igore ĩagu, ĩha ūca wahabu.

⁷ Eropigū ĩḡu anyu arāmi yure:

—¿Duhpiḡu ĩha ūca wahari muñu? arāmi yure. —Mu masibirirare mure ĩhmugura. Igo nomeore mure weregura. Igo peyagu säre weregura. Īḡu nuḡu majagu āhrimi. Eropigū siete dipucuga, diez cusaricuga āhrimi.

⁸ Īḡu ma ĩadigu iribojegue árdidigu árími. Dohpaguere marimi Īḡu. Puhru Īḡu ũhcári bogegue árdidigu wiriri dehyoagucumi daja. Īḡu eropa wiririra puhru dederebu peamegue wagucumi. I yeba majarā Īḡu dehyoacū ĩha ũca wa, ĩḡure umupeorācoma. I yeba áríboro core Goāmū Īḡu yarā árímorāre erā waĩre gojatudigu árími. Īḡu gojatubirininā áhrima nuḡu majagure umupeorā. Īḡupu iribojegue árdi árími. Dohpaguepore marimi. Puhru dipaturi dehyoagucumi daja. Eropirā masa Īḡu dehyoacū ĩarā, ĩha ũca warācoma.

⁹ “Dohpaguere yu wereburire ōaro masidiarā, ōaro peerāca mūa, arĩnemoami yure daja. Eropirā pee masirā áríque mūa. Nuḡu majagu dipu, siete dipu siete utā yucu iro dopa áhraa. Iri utā yucu weca peyamo igo ñero iiricugo.

¹⁰ Iri dipu siete oparā sā iro dopa áhraa. Bajarā masa tauro oparā áhrima. Cinco oparāre cóātuhama. Gajigu erā puhru árigu opu áhrimi dohpaguere. Gajigupu puhru opu ñajagucumi. Eropa ñajagu merogā opu árigucumi Īḡu.

¹¹ Eropigu nuḡu majagu diagu core árdidigu, dohpaguere marigu erā siete oparā puhru opu árigucumi. Siete oparā mera majagu áhrimi. Puhru peamegue dederea wagucumi.

¹² “Nuḡu majagu cusari diez cusari diez oparā iro dopa áhraa. Bajarā masa tauro oparā áhrima. Erā oparā ñajanibeama dohpa. Puhrugue oparā ñajarā merogā oparā árírācoma. Yoari boje oparā árdioresome erāre. Eropa oparā árírā nuḡu majagu mera oparā árírācoma.

¹³ Erā diez oparā yujuro mera pepirā árírācoma. Eropirā erā nuḡu majagure erā ya yebari majarā tauro opu acurācoma.

¹⁴ Eropirā Cordero mera gamewejē warācoma erā. Erā eropa gamewejēquerecū ta Cordero Īḡu beyenirā mera ĩḡure ne cóābirinirā mera erāre tarinugarācoma. Īḡu árípehrerā gajirā tauro opu áhrimi. Eropigu erāre tarinugagucumi,” arāmi anyu yure.

¹⁵ Ire yure werenemoami anyu:

—Ñero iiricugo mauri weca doago iimo. Iri mauri ōpa iro dopa áhraa: Baja yebari majarā, baja cururi majarā, baja disiri wereniguirā iro dopa áhraa iri mauri. Erā bajarā weca áhrimo igo.

¹⁶ Nuḡu majagu, diez oparā mera ñero iiricugore ĩthaturirācoma. Erā diez oparā nuḡu majagu mera ĩḡore goroweopeho igo yare emapehocā, suhri marigo cóārācoma ĩḡore. Eropa iirā igo dupure barācoma. Erā eropa iira puhru ĩḡore soepehocārācoma.

¹⁷ Erā diez oparā yujuro mera pepirā nuḡu majagure erā ya yeba majarā tauro opure acurācoma. Erā eropa iicū apimi Goāmū Īḡu gamediro dopa ta iibure. Eropigu nuḡu majagupu opu árigucumi. Árípehreri Goāmū Īḡu iribojegue ĩḡu werediro dopa ta ĩḡu iira puhru nuḡu majagure cóāḡucumi.

¹⁸ Igo ma ĩadigo mera ōpa arĩ buhema: Igo wuuri maca Babilonia waĩcūri maca iro dopa áhrimo. Árípehrerā gaji macari majarā tauro áhrima iri maca majarā, arāmi anyu yure.

18

Babilonia waĩcūri maca coh moyoro

¹ Puhru gajigu anyure ũmarogue دچارigure ĩhabū. Īḡu opu gohra áhrami. Eropigu ĩḡu gosesiriri árípehreroguerē ōaro boyoro wahabū.

² Īḡu eropa dijara puhru turaro gaguĩngui wereami:

—Cóācāmi. Babilonia waĩcūri macare wuuri macare iri maca majarā sāre cóācāmi. Dohpaguere watēa bajarā ñerā dupu deyobirā sā iri maca muraro árírā iima. Ñerā mirimagu porā majarā sā masa erā ĩha doorā iri maca murarore árírā iima.

³ Iri maca majarā mura árípehreri yeba majarāre goroweonirā áríma. Eropirā baja yebari majarā tauro oparā iri maca majarāre pee Goāmure cóānirā áríma. Erā ñeri ũaribejarire iidiarā cóānirā áríma Goāmure. Iri maca majarā baja gajinore wajapagari duarire gamenirā áríma. Eropirā gaji macari majarā erāre duarā pagari dihta wajatanirā áríma, arĩ wereami anyu.

⁴ Puhru dipaturi ũmarogue wereniguićū peeabū. Ōpa arĩro carabū iri macare cóāboro core ĩḡu wereniguirire:

—Mūa yaharā, iri maca majarā mera áríbiricāque mūa. Iri maca majarā mera mūa áricū mūa sāre dipuwaja moagucumi. Eropirā iri macague ñero iirire ĩhacūbiricāque.

⁵ Ero ñero iira baja áricāa. Iri maca majarā yoari boje burigā ñerire iituhajama. Eropigu yuhū Goāmū iripēta erā ñero iicū gahmea. Eropigu erāre dipuwaja moagūca.

⁶ Iri maca turaro dipuwajacuporo. Ero majarā masare erā ñero iidiro dopa ta erā sāre ñero taricū iiporo. Masare erā ñero iidiro dopa ta erā tauro erāre ñero dipuwaja moaporo, arīro carabū.

⁷ Iri maca majarā “Ōarā āhraa gua,” arī pepirima. Eropa arī pepirā, wajapagarire wuaro opāma erā. Erā wajapagarire wuaro erā oparopē ta turaro ñero taricū iiporo. Eropirā erāre bujawerecū iiporo. Erā basi ōpa arī pepirima erā: “Gua i yeba majarā oparā arīrā iiaa. Mojomorocurā arībeaa. Eropirā ne ñero tarisome gua,” arī pepirima erā.

⁸ Eropa arī erā pepirā arīcū yujunū erāre guñaña mariro dipuwaja moaburinū arīroca, arīro carabū. Irinū sīrii, dorecūri, co oreri, oaboari arīroca. Eropigū iri macare soepheocāgucūmi, arīro carabū. Mūa opū Goāmū iri macare dipuwaja moadoregū turatariagu āhrimi. Eropigū eropa ta īgu arīdiro dopa ta iri macare dipuwaja moadoregucūmi, arīro carabū umarogue.

⁹ Eropirā Goāmū iri macare īgu dipuwaja moacū īha i yeba majarā oparā burigā bujawere orerācoma. Erā iri maca majarā mera ñerire iirā ōaro mucubirirā arīmurinirā arīma. Eropirā iri maca ūjucū īarā orerācoma erā.

¹⁰ Īgu iri macare eropa soecū īarā oparā gaji yeba majarā yoarogue īhabeoniguirācoma gua sāre dipuwaja moari arīrā. Ero īhabeoniguirā ōpa arīrācoma: —Ade. Mojomorocūri maca āhraa Babilonia. Si maca wuari maca turari maca arīrabū. Mata yojaro mera si macare dipuwaja moami, arīrācoma erā.

¹¹ I yeba majarā doberi duarā iri maca ūjucū īarā burigā bujawere orerācoma erā sā. Iri maca pehrecū īarā, erā ya doberire asūrā maricū īarā bujawere orerācoma. Eropirā orerācoma.

¹² Erā aīgārirare, orore, platare, wajacūri utāre, perla waīcūri dipu sāre asūrā marirācoma. Eropi gaji erā aīgārirare suhri ōarire wajapagarire, yahsari suhrire, oparā erā sañari suhri dopa bejarire, seda waīcūri suhrire, diari suhrire asūrā marirācoma. Eropi gaji erā aīgārirare yucu poresuri asūrā marirācoma. Eropi gajire erā aīgārirare marfil waīcūri mera erā iirare, wajacūri yucu mera erā iirare, bronce mera erā iirare, come mera erā iirare, marmol mera erā iirare asūrā marirācoma.

¹³ Eropi erā aīgārirare canela waīcūrire, gaji bari usuricū iirire, inciensore, mirra waīcūri poresurire, gaji poresurire asūrā marirācoma. Eropi gaji erā aīgārirare vinore, ūyure, trigo pogare, trigore, wecuare, ovejare, cabayuare, tūruri gasire, pohro majarāre asūrā marirācoma. Eropirā bujawererācoma doberi duari masa.

¹⁴ Eropirā ōpa arīrācoma erā iri maca majarā murare:

—Ade. Ŋetariaro wahari erā. Arīpehreri erā mahira mura pehrea wahaa. Eropi arīpehreri erā ōarire erā wajapagari opara pehrea wahaa. Eropirā iri dipaturi bocosome mari, arīrācoma doberi duari masa.

¹⁵ Erā iri macare doberi duarā wuaro wajatamurinirā arīma. Eropirā erā iri macare yoarogue īhu niguirācoma gua sāre dipuwaja moari arīrā ucarā. Eropa īhabeorā iri macare burigā bujawere orerācoma.

¹⁶ Ōpa arīrācoma iri macare:

—Ade. Ŋetariaro wahaa iri maca wuari maca. Si maca majarā ōarire opamuririma. Nomeo ōari suhrire, wajapagari suhrire, yahsari suhrire, diari suhri sāre sañago dopa ōarire opamuririma. Eropirā oro wajapagari utā, perla dipu waīcūri tuhura suhriro sañamurima. Wuaro opamurima si maca majarā.

¹⁷ Eropi mata si maca wuaro dobericūri maca dederea wahaa, arīrācoma iri macare.

Eropirā arīpehrerā dohori gasi mera curirā, iri gasi oparā, erā ūma, gajirā wuariyague mohme wajatarā sā iri macare yoarogue īhu niguirācoma erā sā.

¹⁸ Ero īhabeorā iri macare ūjucū īarā ōpa arī gaguiniguirācoma:

—Paga macari si maca iro dopa arīri macari ne gaji maca mara, arī gaguiniguirācoma erā.

¹⁹ Eropa bujawererā arīrā erā dipu weca nicure ñaji peorācoma. Eropirā co orerā ōpa arīrācoma:

—Ade. Ŋetariaro wahaa si maca muraro. Ōari maca arīribū. Arīpehrerā dohori gasi oparā wuariyague curirā si maca maja doberi mera ōaro wajataribū mari. Eropi mata si maca dederepehrea wahaa, arīrācoma gasi majarā, arī werero carabū yure umarogue.

²⁰ —Iri macare īgu cōacū īarā mucubirique mūa, ūmaro majarāpū, arīro carabū. —Goāmū yarā, Jesu īgu apinirā, īgu yare weremuhtanirā arīpehrerā mūa mucubirique. Iri maca majarā muare ñero taricū iima. Erā eropa iira dipuwaja, dipuwaja moami Goāmū. Eropirā mucubirique mūa, arīro carabū.

²¹ Eropa arī wereniguirare peera pūhrū ōpa ihabu yūhū. Turagu anyu wuāriye utāyere aī wahgū, wuāriyague mehyuami. Eropa mehyugu ōpa arāmi:

—Iye utāye yuriñajadiro dopa ta wuāri maca Babilonia waīcūri maca turaro yuhridijaro busuroca. Eropa yuhridijara pūhrū iri macare dipaturi īasome mua.

²² Iri macare dederea wacū iigucumi. Eropiro ne iri macare bayarire mua peediro dopa ārīsome. Arpa buamūtēri, flauta dipurure, corneta sāre ne dipaturi peeya mariroca. Eropirā iri maca maricū ero mohmenirā dipaturi erore mohmesome. Eropiro trigo yeri utā mera erā oera sā ne peeya mariroca.

²³ Iri maca boyo oyadiro dopa ne ārīsome. Eropirā mojoto dirinirā erā mucubiri wereniguidiro dopa ne dipaturi ārīsome. Iri maca majarā doberi duarā asūrā mera gajirā tauro opamūrima erā. Eropirā iri maca majarā yeea erā purisiriri mera ārīpehrero majarāre guyamūrima. Eropirā űerire űaribeja, Goāmūpūre gamebirimūrima masa, arāmi yūre turagu anyu.

²⁴ Iri maca majarā Goāmū yare weremūhtanirāe gajirā īgu yarā sāre ārīpehrero majarāre wejēmūrinirā ārīma. Erā eropa wejēra dipuwaja, gajī űero iira dipuwaja sāre dipuwaja moāmi Goāmū iri macare.

19

¹ Babilonia macare īgu cōārare yū īara pūhrū űmarogue bajarā gaguiniguirā carama yū peecū. Ōpa arī gaguiniguirā carama:

Aleluya. Goāmūre ōaro wereniguirā. Goāmū marire taugu āhrimi. Īgūre ōaro umupeorā. Turatariagu āhrimi īgu.

² Guyarō mariro queoro iigu masare dipuwaja moami īgu. űeri dipuwaja moorāre erāre dipuwaja moabeami. Igo ōameo űerire iiricugo Babilonia waīcūri maca āhrimo. Iri maca majarāre ihacūrā i yeba majarā űero iimūrima. Eropigu iri maca majarāre dipuwaja moami Goāmū. Eropigu īgu dorerire iinirāre īgu pohro majarāre erā wejēra dipuwaja dipuwaja moami īgu, arī gaguiniguirā carama.

³ Dipaturi gaguiniguirā carama daja:

—Aleluya. Goāmūre ōaro wereniguirā. Iri maca űero iira maca īgu soera maca eropa imicacūnigūcāroca, arī gaguiniguirā carama.

⁴ Eropirā veinticuatro Jesu yarā oparā, wapicūrā gajiropa bejarā mera mereja, Goāmūre mari Pagure īgu doaro doagure umupeoama. Ōpa arī umupeoama erā:

—Amén. Aleluya. Eropa āhraa. Mari Pagure ōaro wereniguirā, arāma erā.

⁵ Pūhrū opu doarogue ōpa arīro carabu:

Mari Opu Goāmūre umupeoque. Mua īgu pohro majarā, īgūre umupeorā bu ārīrā, oparā sā ārīpehrerā mua īgūre ōaro werenigūique, arīro carabu.

Cordero īgu mojoto diriburinū bosenūre werepū űū

⁶ Pūhrū bajarā masa erā wereniguirā caracū peebū. Ōpa arī gaguiniguirā carama:

Aleluya. Goāmūre ōaro wereniguirā. Īgu mari Opu opu űajatuhami. Turatariagu āhrimi īgu.

⁷⁻⁸ Cordero īgu mojoto diriburi bosenu āhraa dohpagure. Īgu mojoto diribo ōaro amudigogue āhrimo. Igo ōari suhrirore guhrari mariri suhrirore sañatuhamo. Iri suhriro Goāmū yarā ōarire erā iira iro dopa āhraa. Eropirā mucubirirā mari. Goāmūre “Ōatariagu āhrimi,” arī umupeorā mari īgūre, arī wereniguirā carama.

⁹ Erā eropa arīra pūhrū anyupū arāmi yūre:

—Ire goja aīque. “Cordero īgu mojoto diriri bosenure īgu sihubeonirā mucubirirā āhrima,” arī goja aīque, arāmi yūre anyu.

Eropa arīgu ta ōpa arīnemoami:

—Diaye ta āhraa i yū werera. Goāmū ya werenigūiri āhraa, arīnemoami yūre.

¹⁰ Īgu eroparicū peegu īgūre mereja umupeobu iirabu. Yū merejacū gohra ōpa arāmi yūre:

—Yūre mereja umupeobita. Mū ārīro dopa ta Goāmū pohro majagu ta āhraa yū sā. Mū acawererā Jesu yarā ārīpehrerā īgu ya buherire werenirā iro dopa yū sā Goāmū pohro majagu āhraa. Eropigu Goāmūpūre mereja īgūpūre umupeoque, arāmi yūre anyu.

Goāmū yare weremūhtanirā iribojegue majarā Espiritu Santo īgu itamuro mera Jesu ya buherire ta wereyūnūma.

Cabayu boregu weca peyagūre werepū űū

¹¹ Puhru umaro pārimaacū ĩhabu. Ero cabayu boregu āhrami. Īgu weca peyagu ōpa waĩcuami: Īgu arĩro dopa ta iigu diaye iigu waĩcuami Īgu. Eropigu masare dipuwajare moagu ĩgu ĩhaturirā mera gamewejēgu ōaro guyarō mariro iiami.

¹² Īgu cuiři peame porā iro dopa āhrabu. Eropiro ĩgu dipuru weca baja oparā peyari berori āhrabu. Eropigu ĩgu dũpũre ĩgu waĩre gojatudigu āhrami. Iri waĩre ĩgu dihta masiami. Gajirā masibirama.

¹³ Īgu sañariñe yoariñe di tuyariñe āhrabu. Īgu ōpa waĩcuami: Goāmũ ya wereniguirire weregu waĩcuami ĩgu.

¹⁴ Eropirā ĩgu yarā surara umarogue majarā ĩgure nurusiāma. Borerā cabayua weca peyarā āhrama. Ōari suhrire boreri suhrire, guhrari mariri suhrire sañanirā āhrama.

¹⁵ Īgu erā opu wamũhtadigu ĩgu disiro ñoserimiji usirimiji cuñuami. Irimiji i yeba majarāre ĩgu tarinũgaurimiji āhrabu. Eropigu ĩgu turari mera ĩgu dorecũ ne yujugu ĩgure tarinũgagu ĩgure bocatũsome. Igui dipurure erā ñatĩacũ igui deco wiriro dopa ta i yeba majarā ñerāre di wiriroca ĩgu erāre dipuwaja moacũ. Goāmũ erā mera guami. Īgu eropa guagu árĩcũ cabayua weca peyagu dipuwaja burigā moagucumi.

¹⁶ Īgu suhriro, ĩgu ñigagu säre iri waĩre gojatudigu āhrami: “Árĩpehrerā gajirā tauro opu waĩcuami,” arĩ gojatudigu āhrami.

¹⁷ Puhru abegue niguigure anyu niguigure ĩhabu. Árĩpehrerā umarogue wũurāre goro porā majarāre gaguĩnguibeoami ĩgu. Ōpa arĩ turaro gaguĩnguibeoami erāre:

—Gamenererā arique. Goāmũ ĩgu bosenu wũari bosenu barā arique.

¹⁸ Baja yebari majarā tauro oparā mũrare, surara oparā mũrare, surara bajarā mũrare, cabayua mũrare, erā weca peyarā mũrare, árĩpehrerā gajirā masa mũrare, pohro majarā mũrare, pohro majarā árĩbirā mũrare, gajirā oparā mũrare, bu árĩrā mũrare barā arique. Erā árĩpehrerā dũpu mũrare barā arique, arĩ gaguĩnguibeoami anyu goro porā majarāre.

¹⁹ Eropigu nuğu majagure, i yeba majarā tauro oparā erā surara bajarā säre ĩhabu. Erā gamenerenirā āhrama cabayu weca peyagu mera ĩgu surara bajarā mera gamewejēmōrā.

²⁰ Erā eropa gamewejēcũ cabayu weca peyagu nuğu majagure peresu iiami. Gajigu “Goāmũ yare wereniguĩgu āhraa,” arĩ guyadiğu säre peresu iiami. Īgu guyadiğuru nuğu majagu ĩgu ĩhuro deyorō moarire iibasadigu āhrami. Īgu deyorō moari mera nuğu majagu ĩgu waĩre tuyanirāre. ĩgu masũ wéadigure umupeorāre guyadiğu āhrami. “I Goāmũ ya āhraa,” arĩgu guyamuridigu āhrami. Erāre perāre ĩgu peresu iira puhru erāre ojocarirāre ta peamegue cōhāmi. Iri peame wũariya iro dopa wũari peame azufre mera ũjuri peame āhrabu.

²¹ Eropigu dũhyarāre erā surara árĩnirāre ñoserimiji mera ĩgu disiro cuñurimiji mera wejēami cabayua weca peyaguru. Eropa ĩgu wejēra puhru goro porā majarā erā dũpu mũrare barā yapitaria wahāma.

20

Mil bojori gohra Cristo ĩgu yarā mera masare doregucumi, arĩ gojañumi Ñu

¹ Puhru gajigu anyu umarogue ĩgu دچارĩcũ ĩhabu. ĩhcāri gobe maja sawire, wũarida comeda säre opāmi ĩgu.

² Eropa daijarigu pĩrũre ñeāmi ĩgu. Īgu pĩru iribogegue pĩru dũpũcũgu árĩgu, watĩ Satana waĩcũgu āhrami. ĩgure ñeagu dihrĩami mil bojori gohra peresu iibu.

³ Eropa dirĩtuha ũhcāri gobegue cohā dijuami ĩgu i yeba majarāre mil bojori gohra ĩgu guymasibiriborore. Eropa cōātuhagu iri gobere biha, sawi biacāmi. Eropigu mil bojori puhru dipaturĩ ĩgure bajamenurĩgā wũnĩgucumi daja.

⁴ Puhru oparā doarire ĩhabu. Iri doarire doarā säre ĩhabu. Erāre masare erā beyedoborore apiami Cristo. Gajirā säre ĩhabu. Erāpu Jesu yare Goāmũ yare erā werera dipuwaja erāre dipure tabe cōānirā āhrama. Nuğu majagure, ĩgu wéadigu säre ne umupeobirĩnirā āhrama. Eropirā erā diaporire erā mojotori säre ĩgu waĩre gojatudorebirĩnirā āhrama erā. Eropirā gajirā erāre wejēnirā árĩma. Erāre wejēra puhru masa murĩa wanirā árĩma. Masa mũriarā erā mil bojori gohra Cristo mera oparā árĩrācoma.

⁵ Gajirā Cristo yarā sĩrinirā mũra masa mũriarĩbirama dohpa. Erā wejēnirā erā masa mũriara puhru mil bojori oparā erā árĩra puhru gajirā sã masa mũriarācoma. Eropirā erā wejēnirā mũra Cristo puhru masa mũriamũhtarā árĩrācoma.

⁶ Īḡu masumħtanirāpũ turaro mucubirirā ářırācoma. Neri marirā ářırācoma erā. Eropirā peamegue wasome erā. Eropirā Goāmũ yare Cristo yare erā sã serēbasarā pahĩa ářırācoma erā. Eropirā erā masa müriamħhtarā mil bojori gohra Cristo mera masa tauro oparā ářırācoma.

Satana dederea wagũcumi, arĩ gojañumi Nũ

⁷ Mil bojori pũhrũ Satanare peresu ářıḡure wiugũcumi.

⁸ Īḡu eropa wirira pũhrũ ářıpehrero i yeba majarāre guyaḡu wagũcumi ĩḡu, “Ina gamewejērā warā,” arĩḡu. Gog waicurāre, Magog waicurā sãre guyaḡu wagũcumi. Eropirā erā ĩḡu guyarire peerā, erā surara majarāre gameneorācoma gamewejēmora. Erā surara majarā bajarā gohra ářırācoma. Wuariya maja imipa ářıro utāburuyeri nũcu dopa erā surara bajarā ářırācoma

⁹ Eropirā i yebagure wasirirā, Goāmũ yarā erā ářıri macare Goāmũ ĩḡu mahiri macare cãhmotanũgajara. Erā eropa cãhmotanũgajara pũhrũ Goāmũ erāre umaro maja peame mera soe mehdijucãḡucumi.

¹⁰ Eropa wara pũhrũ watıre erāre guyaḡure peamegue cóãḡucumi. Iri peame wuariya iro dopa ářıri peame azufre mera ũjuri peame āhrabu. Eroḡue nuḡu majagure “Goāmũ yare wereḡu āhraa,” arĩ guyaḡure cóātuhajami. Ero erā ářıcũ umuri nũcu pũriroca erāre.

Masare Goāmũ dipuwaja moatugũcumi, arĩ gojañumi Nũ

¹¹ Pũhrũ wuaro opu ĩḡu doarore ðaro borero ĩhabũ. Iri doaro weca doaḡu sãre ĩhabũ. Eropiro ĩḡu ářıroḡue mata i yeba umaro sã dederea wahabu. Ne deyobirabu pare.

¹² Eropıḡu opu pohro sırınirā mura erā nıḡucũ ĩhabũ. Erā bu ářırā, oparā mura sã āhrama. Ero erā nıḡucũ ĩḡu gojaturapũrire pãḡũami. Iripũri masa erā iirare ĩḡu gojaturapũri āhrabu. Eropıḡu ĩḡu opu beyeḡu irıpũre ĩatuha erā iirare masiami. Irıre masıḡu sırınirāre beyeamı ñerā, ðarā. Pũhrũ ġajıpũ sãre pãḡũami. Iripũ Goāmũ mera eropa ářınıḡuimorāre erā waıre erā gojaturapũ āhrabu.

¹³ Wuariyague miri sırınirā mura, diague erā cóānırā mura sã masa muria wahama. Eropirā yeba pohecague ářınırā mura, sırınirā erā ářıroḡue ářınırā mura sã masa muria wahama. Erā eropa mürıjacũ ero doaḡu erā iirare masıḡu erāre beyeamı. Őarāre, ñerāre beyeamı.

¹⁴ Pũhrũ sırırıñere, sırınirā erā ářıro sãre cóācãmi Goāmũ dipaturi mari sırıbirıboru dopa. Peamegue irıre cóācãmi. Iri peame wuariya iro dopa ářıri peame āhrabu. Goāmũre gamebirāpũ peamegue warā dipaturi sırırā dopa wahama.

¹⁵ Eropıḡu ĩḡu mera ářınıḡuimorā erā waıre Goāmũ ĩḡu gojaturapũ ářıpehrerā gojatusıya marırāpũre peamegue cóhãmi ĩḡu.

21

Umuro, yeba sãre mamare gohrotogũcumi Goāmũ, arĩ gojañumi Nũ

¹ Pũhrũ umuro, yeba sãre mamare ĩḡu gohrotorare ĩhabũ. Ářımħhtarā mura umuro, yeba, pagayari sã pehrea wahabu. Marabu.

² Eropıḡu yuñũ Nũ ðari macare, mama macare Jerusalén waıcurı macare ĩhabũ. Iri maca umarogũ Goāmũ pohrogũ dijarićũ ĩhabũ. Őaro dehyoabu iri maca. Mojoto dirıbo ĩḡo marapũre mucubırıborore ðari suhri sã ĩḡore ðaro amuro dopa āhrabu iri maca. Őpa iro dopa ta iri macare amuyudi ářımi Goāmũ ĩḡu yarāre mucubırıćũ iıbu.

³ Irıre yu ĩara pũhrũ opu doarogũ gaguınıḡucũ peeabu:

—İaque. Dohpaguere masa watope ářıḡu ĩımi Goāmũ. Erā mera ářıḡucumi ĩḡu. Eropirā ĩḡu yarā ářırācoma erā. Eropıḡu Goāmũ ĩḡu basi erā mera majagu ářıḡu, erā yaḡu Goāmũ ářıḡucumi.

⁴ Eropıḡu eropa mucubırınıḡucũ ĩḡucumi ĩḡu erāre. Eropirā dipaturi bujaweresome erā. Eropirā ne dipaturi sırısıome erā. Ne ñero sıporācurı, co orerı, pũrırı sã marıroca erāre. I ářıpehrerı irıbojegũe maja pehrea waroca erāre, arĩ gaguınıḡuḡu caramı.

⁵ Pũhrũ opu doarogũ doaḡu ðpa arãmi:

—İaque. Ářıpehrerıre mama gohrotocũ ĩḡuca, arãmi.

İḡu eropa arıra pũhrũ yure ðpa arãmi daja:

—Yu arırıre goja aıque. Yu arırı diaye ta āhraa. Eropiro yu arıdıro dopa ta eropa waroca. Eropıḡu yu arırıre goja aıque, arãmi yure.

⁶ Pũhrũ ðpa arãmi daja yure:

—Iripēta arıca. Yu ářıpehrerıre ĩhacũnugudıḡu āhraa. Eropıḡu ářıpehrerıre pehrecũ iıbu āhraa daja. Nemesıburā erā turaro ĩhrıdıaro dopa ta yu pohrogũ wadıarā

Jesure gamerācoma. Eropirā Jesure yuhrirācoma. Īḡu ojocaririre oro deco iro dopa āhrimi. Īḡure gamerāre waja gamero mariro yu mera eropa árīniguiborore ogara erāre.

⁷ Árīpehrerā ñero tariquererā yure umupeoduhubirāre ōpa iigura: Erā Goāmu árīḡura. Eropirā erāpu yu porā árīrācoma.

⁸ Erā eropa árīḡuerecū masare güi yaharare duhurā, yahare gamebirā, ñetariarire iirā, masare wejērā, nome mera ñero iirā, ūma mera ñero iirā nome, yeea, goāmarā wéanirāre umupeorā, árīpehrerā ḡuyarā peamegue warācoma. Ero wuuriya iro dopa árīri peame azufre mera ūjuri peame āhraa. Erogue warā dipaturi erā sīriro dopa ta warā iirācoma, arāmi yure.

Mama maca Jerusalénre werepu

⁹ Puhru yujugu anyu yu pohrogue erāmi. Īḡu siete pari opanirā mera majagu āhrami. Īḡu dipuwaja moadoregu Īḡu apinirā mera majagu sā Īḡu anyua mera majagu āhrami. Eropa eragu ōpa arāmi yure:

—Īagu arique. Cordero Īḡu mojoto diribore ihmuguca mure, arāmi anyu yure.

¹⁰ Eropigu Espiritu Santo yure Goāmu ya macare iacū iiami. Eropigu ūmadigu utāgu wecague yure aī muriāmi. Erogue Goāmu ya macare Jerusalénre ōari macare ihmuami yure. Iri maca Īḡu mojoto diribo iro dopa āhrabu. Goāmu pohrogue ūmarogue dijariro iibabu iri maca.

¹¹ Goāmu Īḡu gosesiriri mera gosesiriabu iri maca. Wajacuri utā iro dopa gosesiriabu. Jaspe waicuri utā gosesiriro dopa gosesiriabu. Eropiro vidrio iro dopa ōaro deco suriabu iri maca.

¹² Eropiro wuuri sāriro ūmari sāriro erā sāri sāra maca āhrabu. Doce gohra disipororicuabu iri sāriro. Iri disipororire cohreama anyua. Iri maca disiporori bihariserigie Israe masa cururi doce cururi nucu erā waī tuhyabu.

¹³ Abe muririropu iri sāriro opabu ūhre disiporo. Surpu ūhre disiporo opabu. Nortepure ūhre disiporo opabu. Abe ñajaropu säre ūhre disiporo opabu. Árīpehrero doce disiporori gohra opabu iri sāriro.

¹⁴ Iri sāriro doce utā weca peyabu. Iri utā nucu Cordero Īḡu apinirā doce Īḡu apinirā gua yujurāyeri waī tuhyabu.

¹⁵ Eropigu anyu yure weregu queodigu oro mera erā iidigure opāmi. Iri macare, iri maca maja disiporori säre, iri sāriro säre queobu iiami.

¹⁶ “Iri maca yoaropē ta ehya,” arāmi queotuhagu. “Ūmaro sā iripēta ūmaa,” arāmi. Eropigu anyu Īḡu queodigu mera iri macare queoami. Iri maca dos mil doscientos kilómetros yoari maca āhrabu. Iripēta ehvari maca āhrabu. Iripēta ūmaro āhrabu.

¹⁷ Eropigu iri maca maja sārirore queoami anyu. “Sesenta y cuatro metros ūmaa,” arāmi. Mari masa queoro dopa ta queogu iiami Īḡu.

¹⁸ Iri sāriro jaspe waicuri utā mera Īḡu iira sāriro āhrabu. Eropiro iri macapu oro mera Īḡu iira maca āhrabu. Iri oro ḡuhrari mariri árīro ōaro deco suriabu.

¹⁹ Iri sāriro doca árīri utāre baja gajiropa árīriyeri tuhyabu ōaro deyoboro dopa. Iriyeri wajapagariyeri āhrabu. Iriyeri tuyara utā sāriro doca oyari utā doce utā āhrabu. Árīmuhtari yegue jaspe waicuri utāyeri tuhyabu. Iriye puhru maja yeguere safiro waicuri utāyeri tuhyabu. Peye puhru maja yeguere ágata waicuri tuhyabu. Ūhreye puhru yeguere esmeralda waicuri utāyeri tuhyabu.

²⁰ Wapicuriye utāye puhru maja yeguere ónice waicuri utāyeri tuhyabu. Yuju mojotocu maja pehreri utā puhru maja yeguere cornalina waicuri utāyeri tuhyabu. Seis puhru majaye utāyeguere crisólito waicuri utāyeri tuhyabu. Siete puhru árīriye utāyeguere berilo waicuri utāyeri tuhyabu. Ocho puhru árīriyeguere topacio waicuri utāyeri tuhyabu. Nueve puhru árīriyeguere crisoprasa waicuri utāyeri tuhyabu. Diez puhru árīriyeguere jacinto waicuri utāyeri tuhyabu. Once puhru árīriyeguere amatista waicuri utāyeri ūjtuyabu.

²¹ Eropiro doce disiporori doce perla mera Īḡu iiraseri āhrabu. Iriseri nucu yujuye perlaye mera Īḡu iira dihta āhrabu. Eropiro iri maca wari maha oro mera Īḡu iira maha āhrabu. Iri oro ḡuhrari mariri oro āhrabu. Eropiro ōaro deco suriri maha āhrabu iri maha.

²² Iri macare Goāmu wihire ĩabirabu. Marabu. Iri maca árīpehrerogue mari Opure Goāmu turatariagure, Cordero säre umupeoama masa. Eropiro iri maca árīpehrero Goāmu ya wihi iro dopa āhrabu.

²³ Eropigu iri maca Goāmu Īgu goesisiriri mera ōaro boyoabu. Cordero sã sihãgodiru iro dopa boyoami. Eropirã abe umu majagu sãre ñami majagu sãre ero boyocũ gamebirama.

²⁴ Eropirã i yeba majarã Goāmu Cordero sã boyori mera árĩrãcoma Goāmu Īgu taurinã. Eropirã árĩpehleri yeba majarã oparã iri macague ōatariari erã oparire aĩrã erarãcoma.

²⁵ Eropero umure iri maca maja disiporori pãgũra disiporori árĩroca. Eroguere ne ñami mariroca. Eropirã iri disiporore ne bihasome. Eropero toyoniguia.

²⁶ Eropirã baja yebari majarã ōarire erã oparire iri macague aĩrã erarãcoma.

²⁷ Ñeripare iri macaguere ne aĩsome. Guhyasĩricũ iirã, ñerire iirã, ne iri macaguere wasome. Guyarã sã wasome. Cordero ĩgu gojarapũ erã wai gojatusunirã dihta iri macaguere warãcoma. Iripũ ĩgu taurã erã waire ĩgu gojaturapũ aħraa. Iripũgue erã wai gojatusunirã eropa árĩnguicãrãcoma ĩgu mera.

22

¹ Pũhrũ ōariyare ojocaricũ iiriyaire ĩhmuami yare anyu. Iriya deco sũriya Goāmu, Cordero sã erã doarogue aririya aħrabũ.

² Eropero iri maca deco yuriabu iriya. Iriya pepũri masegue ojocaricũ iiri yucu niguiabu. Iri yucu aberi nucu dũcacua. Yuju bojorire doce suburi dũcacua. Eropirã iri yucu maja pũri mera ōaro oocurãcoma masa i yeba majarã.

³ Iri macare ne pũriri mariroca. Iri maca Goāmu ĩgu opu árĩro árĩroca. Cordero ĩgu opu árĩro sã árĩroca iri maca. Eropirã ĩgu pohro majarã árĩrã ĩgu pohro mereja ĩgure umupeorãcoma.

⁴ Erã Goãmure ōaro ĩaniguicãrãcoma. Eropirã erã diaporire erã ĩgu waire tuyasũrã árĩrãcoma.

⁵ Eroguere ñami ne mariroca. Eropirã sihãgori dipurure gamesome ero árĩrã. Abe ĩgu boyocũ sãre gamesome. Mari Opu Goāmu ĩgu boyoro árĩroca. Eropirã iri maca árĩrã gajirã tauro oparã eropa árĩniguirãcoma.

Jesucristo i yebague ĩgu dujariboro merogã duhyaa, arĩ gojañumi Ñu

⁶ Pũhrũ anyu yare ōpa arãmi:

—Árĩpehlerire mu ĩha gojara diaye aħraa. Eropero gua mure eropa arĩdiro dopa ta eropa waroca. Mari Opu Goāmu ĩgu yare weremuhtarãre masicũ ĩgu aħrimi. Īgũpũ dohpaguere yare ĩgu yagu anyure obeomi ĩgu pohro majarãre masicũ iibu. Pũhrũ maja dohpa waborore masicũ iibu, ĩgu yare ĩgu yagu anyure obeomi, arãmi anyu yare.

⁷ Jesupu ōpa arãmi:

—Peeque mua. Merogã duhyaa yu dujariboro. Ipũ maja weremuhtarire tarinũgabirinirã mucubirirã árĩrãcoma, arãmi Jesu.

⁸ Yũhũ Ñu i árĩpehlerire yu goja aĩrare peeabu. Eropigu irire ĩhabũ. Eropigu yu peera pũhrũ, yu ĩara pũhrũ yare ĩhmudigu anyu pohro merejarabu umupeobu.

⁹ Yũ eropa ĩicũ ĩagu ōpa arãmi yare:

—Yare mereja umupeobita. Mu iro dopa ta yu sã Goāmu pohro majagu ta aħraa. Mu acawererã Goāmu yare weremuhtarã, árĩpehlerã ipũ maja dorerire iirã sã erã árĩro dopa ta yu sã Goāmu pohro majagu ta aħraa. Eropigu Goãmũpũre mereja ĩgure umupeoque, arãmi anyu yare.

¹⁰ Eropigu ōpa arĩ werenemoami yare:

—Ipũ mu goja aĩrapũ pũhrũ maja dohpa waborore werea. Eropa waboro merogã duhyaa. Eropa árĩcũ ipũ wererare dibubita mũhũ.

¹¹ Irisubu yu wererisubure ñerãpũ eropa ĩiniguicoma ñerire. Ōarãpũ ōaro ĩiniguima. Eropirã erãpũ ñeri marirã árĩrãcoma, arãmi yare anyu.

¹² Ōpa arãmi Jesu:

—Peeque mua. Merogã duhyaa yu dujariboro. Mũare yaharãre yu wajayeborore aĩgãribu ĩaa. Eropigu ōarire mua ĩira waja mũare ōaro ĩgura.

¹³ Yũhũ árĩpehlerire ĩhacũnugudigu aħraa. Eropigu árĩpehlerire pehrecã iibu aħraa.

¹⁴ “Árĩpehlerã guhrari mariri suhrire sañanirã árĩro dopa ta erã ñeri ĩirare coenirã iri macaguere ejarãcoma. Eropirã iri maca maja yucu ojocaricũ iiri yucu dũcare barãcoma. Eropirã mucubirirã árĩrãcoma erã.

¹⁵ Iri macague ejabirãpũ ōpa aħrima: Ñetariã, yeea sã, nome mera ñero iirã, uma mera ñero iirã nome, masare wejẽrã, goãmarã wãanirãre umupeorã, guyaricũrã sã aħrima iri macague ejabirã, arãmi Jesu.

¹⁶ Eropigu ðpa arĩnemoami Jesu yũre:

—Yũhu Jesu yahagu anyure oboobũ muare yaharãre ipũ majare werebure. Opũ Davi arĩturiagu pãrami àhraa yũhu. Yũhu boyomãririduru iro dopa árĩgu muare ðaro árĩcũ iigu àhraa, arĩ werenemoami Jesu.

¹⁷ Espĩritu Santo Jesure “Dujarique,” arĩmi. Jesu yarã sã ĩgu mojoto diribo dopa árĩrã, “Dujarique,” arĩma. Árĩpehrerã erã “Dujarique,” erã arĩcũ peerã sã, “Dujarique,” arĩporo Jesure. Nemesiburã decore erã turaro gamero dopa ta Goãmu pohrogue wadiarã Jesure turaro gameporo. ĩgu ojocaricũ iiri deco iro dopa àhrimi. ĩgu gamerãre waja gamero mariro umarogue erã eropa arĩniguicãborore ogucumi Goãmu.

¹⁸ Yũhu Ñu árĩpehrerã ipũ maja wererire, Goãmu yare weremuhtarare peenirãre ðpa arĩ muare guhyadiaro mera weregura. I buheri mera gaji buheri mera moresũ werenemorã Goãmure tarinugarã iima. Erã eropa tarinugacũ ĩagu árĩpehreri ipũ ĩgu dipuwaja moaburire ĩgu werero dopa ta apigucumi erã sãre. Eropigu eropa erã sãre dipuwaja moagucumi.

¹⁹ Eropirã ipũ maja wererire i Goãmu yare weremuhtarare goroweorã Goãmure tarinugarã árĩrãcoma. Erã eropa tarinugacũ ĩagu ojocaricũ iiri yucu ðucare erãre badoresome. Eropirã Goãmu mera arĩniguisome erã. Eropirã ĩgu ya macague ðari macague wasome erã. Iri yucure, iri maca sãre ipũ mera erã wererague àhraa.

²⁰ Árĩpehreri ipũ majare weregu Jesucristo ðpa arĩmi.

—Eropa ta àhraa. Merogã ðuhya yũ i yebague dujariboro, arĩmi ĩgu.

Eropigu yũru ðpa arĩtuqu iiaa.

—Eropa ta iique. Gũa Opũ Jesu dujarique, arãa yũhu.

²¹ Mari Opũ Jesu ĩgu itamuro mera árĩpehrerã muã Goãmu yarã ðaro árĩque. Eropa ta árĩrã. Iripãta àhraa.